





Ex Bibliotheca  
majori Coll. Rom.  
Societ. Jesu

~~32-11-7~~

32-11-7  
32

13-12. H. 30







R. P. CHRISTOPHORI  
**HAUNOLDI**  
SOC. IESV,

D E  
**JURE**  
E T  
**JUSTITIA**  
COMMVTATIVA.

**TOMVS I.**

THE  
LIBRARY OF THE  
CONGRESS


OF THE  
UNITED STATES

OF THE  
CONGRESS

OF THE  
UNITED STATES







CONTROVERSIARVM

DE

JUSTITIA

ET

JURE PRIVATORUM  
VNIVERSO.

NOVA ET THEORICA METHODO  
IN DECEM TRACTATUS ET QUATUOR  
TOMOS DIGESTARUM,

AUTORE

R. P. CHRISTOPHORO

HAUNOLDO

SOCIETATIS IESU, SS. THEOLOGIÆ DOCTORE,

EjUSDÉMQUE ANTEHAC

IN FRIBVRGENSI ET INGOLSTADIENSI ACADEMIA,  
PROFESSORE ORDINARIO.

TOMVS PRIMVS

COMPLECTENS

TRACTATUS QVINQUE

Cum accurata Iurium in propriis terminis, secundum Exemplaria castigatiora,  
allegatione, interpretatione, conciliatione.

Cum Privilegio Cesareo, & Superiorum Permissu.

Col.  
B.<sup>ca</sup>

Rom.  
S.<sup>te</sup>

Cat.

Ins.

Haunold. de



Iust. et Iur.

INGOLSTADII

Apud JOANNEM SIMONEM KNAB,  
Typographum Academicum.

ANNO M. DC. LXXI.

# TRACTATUS

I.

De Legibus, Consuetudine, Privilegiis & Rescriptis.

II.

De Jure & Justitia in Genere: injuriis oppositis, easque reparandi obligatione.

III.

De rebus Jurium Realium Generibus, Dominio, Servitutibus, Possessione: Jurisque Scripti Remediis huc spectantibus.

IV.

De Diversitate Jurium secundum diversa Personarum Genera, Religioforum, Clericorum, Filiorumfamilias, Pupillorum, Conjugum.

V.

De Modis Acquirendi independeter à Voluntate alterius, tam Jure Gentium, quam Civili, Præscriptione, & Successione ab Intestato.

*Cum adjuncta Summaria Annotatione  
Specialium Juris Bavarici.*

PRODIT NUNC CUM SECUNDO TOMO DE ULTIMIS VOLUNTATIBUS:  
EX INDICE COPIOSO.





REVERENDISSIMIS,  
ILLVSTRISSIMIS,  
PERILLVSTRIBVS,  
ILLVSTRIBVS

*A C*

GENEROSIS,  
PRAENOBILIBVS,  
NOBILIBUS, ET STRENUIS,  
DOMINIS, DOMINIS,

STATVVM PRO-  
VINCIALIVM  
BAVARIAE

SUPERIORIS ET INFERIORIS  
COMMISSARIIS, DEPVSTATIS,

*A C*

PROCERIBUS  
VNIVERSIS,  
DOMINIS SVIS GRATIOSISSIMIS,  
PATRONIS OBSERVANDISSIMIS,

H A S  
D E  
J U R E  
E T  
J U S T I T I A  
P R I V A T O R V M  
C O N T R O V E R S I A S  
I N  
B E N E F I C I O R V M  
M E M O R I A M,  
O B S E R V A N T I Æ E T H O N O R I S  
A R G U M E N T U M,  
D E B I T I O B S E Q U I  
P I G N U S,

*Humillimè*

OFFERT, DICAT,  
CONSECRAT,

*Devotissimum*

Ingolstadiense Soc: Jesu  
Collegium.

AD

## AD LECTOREM.

**Q**uid in hoc Opere de Justitia & Jure Privatorum, post aliorum de hac Materia Elucubrationes, præstare conatus sim, Titulus Te, si consideraveris, edocebit. An autem reipsâ præstiterim, eorum esto Judicium, qui me post alios legere dignabuntur. Multa præfantur alii, quæ Lectorem invitent; sed Religiosæ modestiæ quandoque Silentio melius consulitur: speroque futurum, ut hæc hederâ non sit opus. Quod insuper est, ut Te, Lector Benevole, moneam, paucis expediam.

Inprimis itaque nolui coacervare, vel Authorum, vel Jurium allegationes, ut aliqui solent, ad ostentationem, nî fallor, potius, quàm utilitatem legentium. In quos jam pridem invectus est Conradus Summenhartius, lib. de Contractibus: [ut quid enim etiam, inquit, apud Jurium Professores tanta, tamque inundans super una re, etiam aliquando vulgatissima, sit Jurium allegatio? quorum etiam pleraque cum à Casu ipso distantissima sint, eundem minimè attingunt; ut plus de papyro atque ingenio absument, quàm utilitatis ad eundem Casum decidendum afferant.] Selegi Iura clariora, & certiora, eaque in propriis terminis retuli, tum ut Studioso Lectori succurrerem, quem sæpè tædet ipsi Corpori Juris manus admovere: tum ut extra Suspicionem essem, quasi, more aliorum, ex aliis Leges allegâssem æquè facile ineptas, ac aptas ad probandum: quod adeo frequens est, ut nemini sit ignotum, qui ipse inspexerit. Authores etiam non nisi cum singulari delectu, & à me præ cæteris æstimatos, allego, apud quos alii videri possunt, & quidquid in illis utilium Quæstionum (præteritis inutilibus digressionibus, ex quibus pleraque volumina Torrentis instar ex inundatione crescunt) ad Jus privatum spectantium invenire potui, in Disputationem adduco: Fundamenta cæterorum tum ex Jure, tum ex Ratione petita, quantum assequi pro mea tenuitate potui, pondero: neque tamen ità verecundus fui, quò minus auderem aliquid addere de meo.

Deinde à Verborum Superfluitate studiosè mihi temperavi, ad imitationem illorum, quos scimus, absque confusione, multa paucis

## AD LECTOREM,

paucis esse complexos. Quæ causa fuit, ut abstinere ab illa quorundam methodo, qui Conclusiones positas innumeris postmodum Ampliationibus, & Limitationibus, ac Sublimitationibus elucidare conantur; ingenti quidem labore, sed non necessario, cum experimento didicerim, posse paucis verbis ipsi Thesi insertis, hujusmodi amplificationes abscindi atque præverti. Nunquam tamen Giphanii in Epist. ad Rittershusium, acerbam Censuram approbavero, dicentis: *Hac peste nullam majorem in hac Juris Scientia esse posse*; cum me non lateat, præclarissimos Viros (unus Cardinalis Thuscus sufficeret) illâ methodo usos esse, & hodièque uti; quocunque tandem fine, vel commodo, quod ipsi nōrunt. Sed ex adverso nec illos imitari placuit, qui nimiam verborum parsimoniam affectantes, stylo sublimato omnia Gerundiis, Participiis, Ablativis, & Parenthesibus, ita contrahunt, connectunt, & implicant, ut quantumvis attentâ, vix denique iteratâ Lectione, mentem illorum assequaris: qui sanè scribendi stylus quemadmodum non nisi ab ingenio defæcatissimo procedere potest, ita Lectorem desiderat acutissimum, quales pauci sunt. Ego simplici & Scholastico discurrendi modo sum usus, quem & plerisque nostris Scriptoribus video probari, & expediendis Controversiis magis opportunum existimo, ac Lectori gratiorem.

Materiarum ad Jus Privatum spectantium Ordinem, ita disposui, ut Fundamenti loco præmitterem ea, quæ ad Legum, Consuetudinum, Privilegiorum, Rescriptorum, Legitimum usum, & intelligentiam necessaria videbantur, & ad quæ in Operis progressu sæpius tanquam ad Regulas recurrendum erit. Inde ad generaliora, de Natura Juris & Justitiæ, & quæ huic immediatius opponuntur, secundum quatuor Bonorum genera, Fortunæ, Famæ, Corporis, & Animæ, procedo: in quibus multa ex Jure Naturæ, non pauca ex Jure Scripto pendent. Porro, quia Jus aliud est Reale, aliud Personale, incipiendo à Nobiliore, & quod per justitiam ultimò intenditur, tracto de Tribus Jurium Realium generibus, Dominio, Servitutibus, & Possessione. Quorum plena intelligentia cum pendeat ex notitia Subjectorum capacium, succedit Tractatus Quartus, de Diversitate Jurium secundum diversa genera Personarum. Quibus expeditis accedendum erat ad Modos Acquirendi Jura. Quia verò Modi Acquirendi alii sunt Independen-

## AD LECTOREM.

res à Voluntate alterius; alii verò dependent ab alterius voluntate, de prioribus erit Tractatus Quintus. Qui verò pendent ab alterius voluntate, aliquando pendent ab illa in vivis quidem revocabili, sed quæ morte confirmetur, & sunt Ultimæ Voluntates; quarum aliqua est Principalis, videlicet Testamentum, de quo erit Tractatus Sextus: de reliquis minùs Principalibus, & regulariter Accessoriis, erit Tractatus Septimus. Inde ad Modos acquirendi qui mutuo Consensu inter vivos constant, progredior, & de Contractibus in genere est Tractatus Octavus. Quia verò Contractuum Primaria divisio est in illos, qui sunt *Stricti Iuris*, & qui *Bonæ Fidei*, Nonus Tractatus erit de Prioribus, postremus de posterioribus, unâ cum Contractibus Innominatis, & Quasi Contractibus.

Et hanc Methodum, etsi ab alio nemine observatam, elegi, quòd illius Rationem reddere possem. Adjeci denique Indicem Materialium utcunque copiosum, ut instar Synopsis esse possit: ad quem vtiliter quandoque recurre, pro magis aperta ac cohærente quorundam declaratione. Vale, Lector, & reliquos duos Tomos de Contractibus propediem expecta, ac unâ mecum Juris Justiniani apparentem quandòque Rigorem ex Theologiæ Principiis, in Æquitate Naturali fundatis, temperare discere, donec, Superis faventibus, Opus de Judiciis, quod præ manibus est, elaboretur.

## A P P R O B A T I O

### F A C U L T A T I S   T H E O L O G I C E I N G O L S T A D I E N S I S.

Cùm, quæ duobus his Primis Tomis continentur de Jure Privatorum materiz, brevi, clarâ, ac perspicuâ methodo accuratè & solidè pertractentur, ita per eos, qui administratione utriusque Fori, Interni, & Externi, hujusque iterum duplicis, Ecclesiastici, & Civilis, diu noctuque occupati, lectioni uberiorum Tractuum vacare prohibentur, brevissimo temporis impendio in ea rite exercenda instruuntur, ut nihilominus abundè sibi satisfacere queant, quibus nihil, nisi quod ad Metaphysicam normam exactè tractatum & expensum sit, placet. Præterea, cùm fidelissimâ manu Textus omnes utriusque Juris, qui frequentissimi tamen allegantur,





eur, in ijs Raro exëmplo exhibeantur, incredibile est, quantum lumen afferatur Quæ-  
stionum Resolutionibus, quot Interpretum & aliorum Authorum detegantur erro-  
res atque hallucinationes, quanto denique labore & molestiâ subleventur Lectores:  
Dignissimi proinde, qui, quia ab omnibus omnino inoffenso decurri possunt pede,  
ad Communem Totius Christianæ Reipublicæ utilitatem, Typis mandentur.

## ITA CENSEO

FRANCISCUS JACOBUS ZADLER,  
SS. Theologiæ & V. J. Doctor, Celsissimi S. R. I. Princi-  
pis, & Episcopi Eüstettenfis, Consiliarius, Cathedralis Ec-  
clesiæ ibidem Canonicus, ad D. Virginem Speciosam In-  
golfstadii Parochus, Controversiarum Fidei in Vniversita-  
te Professor ordinarius, loco & nomine Decani Facultatis  
Theologiæ.



## FACULTAS

R. P. PROVINCIALIS S. J.

Germaniæ Superioris.

**E**GO JACOBVS RASLER, Soc: Iesu per Superiorem Germaniam Præpositus Provincialis, acce-  
ptâ potestate à Patre Nostro JOANNE PAVLO OLIVA, Soc: Iesu Præposito Generali, per-  
mitto, ut Operis Moralis de Jure Privatorum Tomus Primus & Secundus, à P. CHRISTOPHORO  
HAVNOLDO, Soc: Nostre Theologo, conscripti, & à Patribus ad id deputatis lègi Probatique, Typis  
mandentur. Cujus rei fidem manu meâ, & Officii Sigillo facio. Ingolfstadii. 7. Aug. 1670.

JACOBVS RASLER.



## SUMMA PRIVILEGII

**C**um S. Cæs. Majestatis Decreto omnibus & singulis Typographis, & Bibliopolis, ac aliis quæcumque  
Librariam Negotiationem exercentibus, serid, firmiterque inhibeat, ne quisquam ullos Libros à nostris  
Patribus hætenus editos, vel imposterum edendos, intra Sacri-Romani Imperii, Regnorumque ac Dominio-  
rum Suae Cæsareæ Majestatis Hæreditariorum fines, simili, vel alio characteris genere, atque formâ, sive in To-  
to, sive in Parte recudere, vel aliò recudendos mittere, vel alibi etiam impressos adducere, vendere, distrahere,  
clâm seu palâ, citra Consensum ac Testimonium supradictorum Patrum audeat, vel præsumat, &c. Ego JA-  
COBVS RASLER, Soc: Iesu per Superiorem Germaniam Præpositus Provincialis, Potestate ad id mihi  
factâ à Patre Nostro, JOANNE PAVLO OLIVA, Soc: Nostre Præposito Generali, JOANNI SI-  
MONI KNAB, Typographo Academico Ingolfstadiensi, Jus Cæsarei hujus Privilegii, circa Operis Moralis de  
Jure Privatorum Tomum Primum & Secundum, à P. CHRISTOPHORO HAVNOLDO, Socie-  
tatis nostræ Theologo conscriptos, usurpandi potestatem eatenus indulgeo, ut sine Authoris & Superiorum facul-  
tate, eosdem, ut suprà dictum est, nemo recudere, nemo intra S. Rom. Imperii fines, & Hæreditarias Cæsareæ  
Majestatis Provincias importare, aut venum exponere audeat. Roboranda Facultati Sigillum Officii mei ap-  
pressi, & manu meâ subscripsi. Ingolfstadii, 4. Jan. 1671.

JACOBVS RASLER.

INDEX



# INDEX TITVLORVM DE JURE PRIVATORUM VNIVERSO TOMI I TRACTATUS I.

## PROÆMIALIS. DE LEGIBUS.

*Complectens ea, quæ quatuor Iuris Titulis continentur, qui sunt  
de Constitutionibus, Rescriptis, Consuetudine,  
Privilegiis.*

### CAPUT I.

*De Legum humanarum Natura, Con-  
ditionibus, & Effectibus.*

CONTRO-  
VERSIA I.

**Q**uomodo intelligenda sit  
celebris divisio Legis in Fa-  
vorabilem, & Odiosam, &  
quæ Regula sit hæc discern-  
endi. Fol. 1

CONTR. II. An, & qualis Promulgatio sit ne-  
cessaria, ut lex incipiat obliga-  
re. 3

CONTR. III. Utrum Acceptatio, seu Usurecep-  
tio ad legis obligationem re-  
quiratur. 5

CONTR. IV. Qualis possit esse Forma, vel Ma-  
teria Legis humanæ. 7

CONTR. V. Quam vim obligandi habeant le-  
ges humanæ: ubi de lege Pœna-  
li. 8

CONTR. VI. Quænam Personæ legibus obli-  
gentur.

§. I. De Persona Legislatoris. 10

§. II. De Peregrinis, seu Forensibus. De-

claratur axioma Iuris, ex cap. 2.  
de Constit. in 6 extra territo-  
rium Ius dicenti, &c. 12

§. III. De Vagabundis. 16

§. IV. De Clericis, & Religiosis respectu  
Legum Civilium. 17

§. V. De Pueris, Infantibus, Ebris, A-  
mentibus. 18

### CAPUT II.

*De Lege Pœnali, & Irritante.*

CONTR. I. **A**N, & quæ Lex Pœnalis obli-  
get ad subeundam pœnam  
antè vel post Iudicis senten-  
tiam. 19

CONTR. II. An ignorantia aliquando excuset  
à pœna delicto per legem im-  
posita. 20

CONTR. III. Utrum lex irritans, seu Invali-  
dans aliquem actum, possit per  
Ignorantiam, aliamve circum-  
stantiam evitari. 21

••

CON-

## Index Titulorum.

CONTR. IV. Unde cognoscendum sit, Legem esse potius irritantem, quam fure prohibentem. 22

### CAPUT III.

#### *De Consuetudine.*

CONTR. I. Quenam Consuetudo censeri debeat Rationabilis, ut vim legis obtineat. 23  
 CONTR. II. Quomodo Consuetudo præscribatur. 25  
 CONTR. III. Quomodo Consuetudo possit abrogari. 27

### CAPUT IV.

#### *De Exemptione à Lege communi, hoc est, Privilegiis.*

CONTR. I. IN qua Definizio, & multiplex Privilegiorum divisio, aliasque Conditiones explicantur. 28  
 CONTR. II. Quenam Conditiones ad Privilegium requirantur. 33  
 CONTR. III. Circa usum Privilegiorum. 34  
 CONTR. IV. Circa Privilegiorum Interpretationem & Extensionem. 35  
 CONTR. V. Quibus modis Privilegium amittatur. 38  
     §. I. Quomodo cesset deficiente causa Finali. 39  
     §. II. Quomodo expiret Privilegium Morte concedentis. 41  
     §. III. De amissione Privilegii per renunciationem expressam. 43  
     §. IV. De Renunciatione tacita per non usum, actum contrarium, vel abusum. 44  
     §. V. De amissione Privilegii per Revocationem. 46

### CAPUT V.

#### *De Legum Interpretatione.*

CONTR. I. Quenam Regule sint Interpretationis Authenticæ & Doctrinalis. 48  
 CONTR. II. Quomodo Lex per Interpretationem possit extendi. 49  
 CONTR. III. Quomodo Legis verba per Interpretationem restringi possint. 52

### CAPUT VI.

#### *De Dispensatione in Lege.*

CONTR. I. Quenam Leges sint Capaces dispensationis, & à quibus dispensari possint. 53  
 CONTR. II. Cum quibus dispensari possit. 57  
 CONTR. III. Qualis Causa requiratur ad dispensandum. Ibid.


### CAPUT ULTIMUM.

#### *De Rescriptis.*

CONTR. V. Nica.  
     §. I. Interpretatio Rescriptorum. 59  
     §. II. De Nullitate Rescriptorum ob subscriptionem ex taciturnitate veri, manifestandi de iure. Ibid.  
     §. III. De Nullitate Rescripti ex defectu causæ Motivæ, finalis, aut impulsivæ.  
     §. IV. De obreptione proveniente ex falsa adjectione qualitatis. 63  
     §. V. De variis causis excusantibus ab observantia Rescriptorum. 64  
     §. VI. De Rescriptorum Executione. 65







# TRACTATUS II.

## DE JURE ET JUSTITIA IN GENERE,

*Déque Injuriis, & eas reparandi Obligatione.*

### CAPUT I.

### CAPUT II.

*De Natura Iuris, & Iustitiæ in genere, præsertim Commutativæ.*

*De Injuria, & obligatione satisfaciendi pro illa in genere.*

CONTR. I. **V**trum possit assignari Conceptus communis quatuor speciebus Iustitiæ, qui non conveniat aliis virtutibus quæ sunt ad alterum. 67

CONTR. II. Quomodo definienda sit Iustitia Commutativa.

§. I. Difficultas communis definitionis proponitur. 70

§. II. Variæ Iuris acceptiones, & alia notatu digna præmittuntur explanationi Iuris, ut est objectum iustitiæ. 71

§. III. Sententia Cardinalis de Lugo. 73

§. IV. Sententia P. Martini Esparza. 74

§. V. Sententia Cardinalis Pallavicini. 75

§. VI. Nostra Explicatio Iuris. ibid.

§. VII. Divisio Iuris Activi, in Ius in Re, & Ius ad Rem. 78

CONTR. III. Utrum Iustitia speciali modo dicatur respicere Medium Rei. 80

CONTR. IV. Quo sensu detur, vel non detur Iustitia inter Patrem & Filium, Dominum, & Servum, Maritum & uxorem. 81

CONTR. V. Utrum eidem obligationi ex Iustitia commutativa possit satisfieri pluribus vicibus. 82

CONTR. VI. Quomodo Iustitia Commutativa differat à Iustitia Distributiva. 84



CONTR. I. **Q**uo sensu verum sit Axioma: *Volenti non fit Injuria.* 88

CONTR. II. Præceptum Restituendi, seu reparandi Ius alterius læsum, sitne Affirmativum, an Negativum. 91

CONTR. III. Quotuplex sit Radix fundans obligationem restituendi. 94

CONTR. IV. Utrum ex lege humana nascatur obligatio reparandi damnum sine culpa Theologica datum.

§. I. De obligationibus ex quasi delicto. 95

§. II. De obligationibus ex læsione à Servo, aut quadrupede facta. 97

§. III. De obligationibus ex lege Aquilia provenientibus. 98

§. IV. An ex legibus hætenus allatis nascatur obligatio in conscientia. 101

CONTR. V. Qualis culpa requiratur & sufficiat ad obligationem Restitutionis ex secunda Radice, hoc est, injusta læsione. 103

§. I. Certiora præmittuntur. 104

§. II. An Iure Naturæ præcisè spectato detur obligatio gravis reparationis damnum sine culpa Theologica datum. ibid.

§. III. Utrum sufficiat culpa venialis ex defectu Advertentiæ, vel requiratur culpa mortalis ad obligationem restituendi damnum grave. 105

§. IV. Utrum

## Index Titulorum.

CONTR. IV. Vnde cognoscendum sit, Legem  
esse potius irritantem, quam pu-  
rè prohibentem. 21

### CAPUT III.

#### *De Consuetudine.*

CONTR. I. QUenam Consuetudo censeri  
debeat Rationabilis, ut vim  
legis obtineat. 23

CONTR. II. Quomodo Consuetudo præscri-  
batur. 25

CONTR. III. Quomodo Consuetudo possit ab-  
rogari. 27

### CAPUT IV.

#### *De Exemptione à Lege communi, hoc est, Privilegiis.*

CONTR. I. IN qua Definitio, & multiplex  
Privilegiorum divisio, aliæq;  
Conditiones explicantur. 28

CONTR. II. Quenam Conditiones ad Privile-  
gium requirantur. 33

CONTR. III. Circa usum Privilegiorum. 34

CONTR. IV. Circa Privilegiorum Interpre-  
tationem & Extensionem. 35

CONTR. V. Quibus modis Privilegium amir-  
tatur. 38

§. I. Quomodo cesset deficiente causâ  
Finali. 39

§. II. Quomodo expiret Privilegium  
Morte concedentis. 41

§. III. De amissione Privilegii per renun-  
tiationem expressam. 43

§. IV. De Renuntiatione tacita per non  
usum, acdum contrarium, vel  
abusum. 44

§. V. De amissione Privilegii per Revo-  
cationem. 46

### CAPUT V.

#### *De Legum Interpretatione.*

CONTR. I. QUenam Regule sint Interpre-  
tationis Authenticæ & Do-  
ctrinalis. 48

CONTR. II. Quomodo Lex per Interpretatio-  
nem possit extendi. 49

CONTR. III. Quomodo Legis verba per Inter-  
pretationem restringi possint. 52

### CAPUT VI.

#### *De Dispensatione in Lege.*

CONTR. I. QUenam Leges sint Capaces di-  
spensationis, & à quibus di-  
spensari possit. 53

CONTR. II. Cum quibus dispensari possit. 57

CONTR. III. Qualis Causa requiratur ad di-  
spensandum. Ibid.

### CAPUT ULTIMUM.

#### *De Rescriptis.*

CONTR. VNica.

§. I. Interpretatio Rescriptorum. 59

§. II. De Nullitate Rescriptorum ob sub-  
reptionem ex taciturnitate veri,  
manifestandi de Jure. Ibid.

§. III. De Nullitate Rescripti ex defectu  
causæ Motivæ, finalis, aut im-  
pulsivæ.

§. IV. De obreptione proveniente ex fal-  
sa adjectione qualitatis. 63

§. V. De variis causis excusantibus ab  
observantia Rescriptorum. 64

§. VI. De Rescriptorum Executione. 65



# TRACTATUS II.

## DE JURE ET JUSTITIA IN GENERE,

*Déque Injuriis, & eas reparandi Obligatione.*

### CAPUT I.

### CAPUT II.

*De Natura juris, & Iustitiæ in genere, præsertim Commutativæ.*

*De Injuria, & obligatione satisfaciendi pro illa in genere.*

CONTR. I. **U**trum possit assignari Conceptus communis quatuor speciebus Iustitiæ, qui non conveniat aliis virtutibus quæ sunt ad alterum. 67

CONTR. II. Quomodo definienda sit Iustitia Commutativa.

§. I. Difficultas communis definitionis proponitur. 70

§. II. Variæ Iuris acceptiones, & alia notatu digna præmittuntur explanationi Iuris, ut est objectum iustitiæ. 71

§. III. Sententia Cardinalis de Lugo. 73

§. IV. Sententia P. Martini Esparza. 74

§. V. Sententia Cardinalis Pallavicini. 75

§. VI. Nostra Explicatio Iuris. ibid.

§. VII. Divisio Iuris Activi, in Ius in Re, & Ius ad Rem. 78

CONTR. III. Utrum Iustitia speciali modo dicatur respicere Medium Rei. 80

CONTR. IV. Quo sensu detur, vel non detur Iustitia inter Patrem & Filium, Dominum, & Servum, Maritum & Vxorem. 81

CONTR. V. Utrum eidem obligationi ex Iustitia commutativa possit satisfieri pluribus vicibus. 82

CONTR. VI. Quomodo Iustitia Commutativa differat à Iustitia Distributiva. 84



CONTR. I. **Q**uo sensu verum sit Axioma: *Volenti non fit Injuria.* 88

CONTR. II. Præceptum Restituendi, seu reparandi Ius alterius læsum, sitne Affirmativum, an Negativum. 91

CONTR. III. Quotuplex sit Radix fundans obligationem restituendi. 94

CONTR. IV. Utrum ex lege humana nascatur obligatio reparandi damnum sine culpa Theologica datum.

§. I. De obligationibus ex quasi delicto. 95

§. II. De obligationibus ex læsione à Servo, aut quadrupede facta. 97

§. III. De obligationibus ex lege Aquilia provenientes. 98

§. IV. An ex legibus hæcenus allatis nascatur obligatio in conscientia. 101

CONTR. V. Qualis culpa requiratur & sufficiat ad obligationem Restitutionis ex secunda Radice, hoc est, injusta læsione. 103

§. I. Certiora præmittuntur. 104

§. II. An Iure Naturæ præcisè spectato detur obligatio gravis refarcienti damnum sine culpa Theologica datum. ibid.

§. III. Utrum sufficiat culpa venialis ex defectu Adverrentiæ, vel requiratur culpa mortalis ad obligationem restituendi damnum grave. 105

§. IV. Utrum

## Index Titulorum.

- §. IV. Utrum contrahatur obligatio gravius restituendi damnum grave, illatum per plures actus delibatos veniales. 106
- §. V. An qui per errorem iudicat se inferre damnum minus, teneatur solum restituere secundum suam æstimationem, spectato iure naturæ. 109
- §. VI. Utrum ex sola intentione nocendi, possit actio materialiter nociva reddi formaliter iniusta inducens obligationem restituendi. 111
- §. VII. Quanta culpa requiratur, ut quis ratione officii cum alterius damno administrati teneatur ad Restitutionem. 113
- §. VIII. De obligatione restituendi damnum datum ex culpa civili contra naturam contractus commissâ. 114

## CAPUT III.

### *De Injuriis in Bonis Fortuna, & Restitutione correspondente.*

- CONTR. I. Quid sit Furtum, quid Rapina, & quænam inde Iuris Remedia competant. 115
- CONTR. II. Quænam quantitas damni requiratur, & sufficiat ad peccatum mortale, & unde desumenda gravitas Materiz.
- §. I. Ceteriora præmittuntur. 123
- §. II. Utrum eadem sit quantitas assignanda respectu omnis generis, & conditionis hominum. 124
- §. III. Quodnam sit Prædicatum physicum constituens læsionem gravem-moraliter, & sufficientem ad peccatum mortale, & in Ordine ad qualem effectum sit explicandum. 130
- §. IV. Ex tradita Regula taxatur quantitas læsionis in Bonis Fortunæ sufficiens ad mortale. 132
- CONTR. III. Quandonam sine vitio Furti licita sit occulta compensatio debiti. 133
- CONTR. IV. Quænam necessitas auferendi alienum excuset à vitio furti. 135
- CONTR. V. Quid sit restituendum ratione accepti ob ræpem causam. 137
- CONTR. VI. Utrum detur obligatio restituendi pro re ablata, quæ aliquin fuisset apud Dominum peritura. 139

- CONTR. VII. Quinam ex cooperantibus ad damnum iniustum, & quo ordine, ac quousque teneantur restituere. 140
- CONTR. VIII. Quæ circumstantiæ observandæ sint in Restitutione. 143
- CONTR. IX. Cuiusnam damno pereat, si res restituenda pereat, antequam perveniat ad Creditorem. 144
- CONTR. X. Quonam Prioritatis Iure & ordine veniant Creditores, si debitor non est omnibus solvendo. 145

## CAPUT IV.

### *De Iuris Remediis, quibus succurritur debitoribus contra Creditores, & aliis causis excusantibus à Restitutione.*

- CONTR. I. Utrum Debitores sine culpa sua per hostilem incursum redditi ad tantam inopiam, ut solvendo non sint, possint incarcerationi, vel saltem compelli ad præstandas operas Creditori. 151
- CONTR. II. Quinam, & quomodo gaudeant Debitores Beneficio Cessionis. 153
- CONTR. III. Quibusnam conveniat Beneficium Competentiæ. 157
- CONTR. IV. De Beneficio Restitutionis in Integrum. 159
- CONTR. V. De Causis aliis excusantibus ab obligatione restituendi.
- §. I. Quandonam excuset Impotentia, vel necessitas. 163
- §. II. Utrum ingressus in Religionem possit esse causa excusans à solutione debitorum. 164

## CAPUT V.

### *De Injuriis in Bonis Fama, & Honoris, deque Restitutionis obligatione.*

- CONTR. I. Quid sit Fama, & Honor. 165
- CONTR. II. Quid sit Infamia, & quæ illius causa. 166
- CONTR. III. Quomodo per Actus internos Iudicii peccetur contra Famam alterius. 168
- CONTR. IV. Quid de Detractione dicendum sit. 170

CON-

## Index Titulorum.


<p><b>CONTR. V.</b> Quznam Notorietas, seu Publicitas, vel alia causa excuset à vitio Detractionis. 172</p> <p><b>CONTR. VI.</b> In quibus Personis nascatur ex detractione obligatio restituendi. 175</p> <p><b>CONTR. VII.</b> Quomodo, &amp; quousque facienda sit Restitutio pro fama laesa. 176</p> <p><b>CONTR. VIII.</b> Quid circa Injuriās &amp; diffamationes iura statuunt.</p> <table style="width: 100%; border: none;"> <tr> <td style="width: 80%;">§. I. Quotuplex sit Injuria.</td> <td style="text-align: right; width: 20%;">178</td> </tr> <tr> <td>§. II. De Actione Injuriarum.</td> <td style="text-align: right;">179</td> </tr> <tr> <td>§. III. De Actione ad Palinodiam.</td> <td style="text-align: right;">180</td> </tr> <tr> <td>§. IV. De Remedio, ex Lege: <i>Diffamari</i>.</td> <td style="text-align: right;">ibid.</td> </tr> <tr> <td>§. V. Quomodo declinari possit infamia alioquin ex actione injuriarum proveniens.</td> <td style="text-align: right;">ibid.</td> </tr> <tr> <td>§. VI. De famoso Libello.</td> <td style="text-align: right;">ibid.</td> </tr> <tr> <td>§. VII. Quibus modis Actio injuriarum aboleatur.</td> <td style="text-align: right;">181</td> </tr> <tr> <td>§. VIII. De Retorsione.</td> <td style="text-align: right;">182</td> </tr> </table>	§. I. Quotuplex sit Injuria.	178	§. II. De Actione Injuriarum.	179	§. III. De Actione ad Palinodiam.	180	§. IV. De Remedio, ex Lege: <i>Diffamari</i> .	ibid.	§. V. Quomodo declinari possit infamia alioquin ex actione injuriarum proveniens.	ibid.	§. VI. De famoso Libello.	ibid.	§. VII. Quibus modis Actio injuriarum aboleatur.	181	§. VIII. De Retorsione.	182	<p><b>CONTR. I.</b> <b>V</b>trum per Homicidium committatur injustitia erga occisum invitum. 183</p> <p><b>CONTR. II.</b> Utrum liceat occidere seipsum. 185</p> <p><b>CONTR. III.</b> Quandonam liceat Indirectè occidere innocentem. 188</p> <p><b>CONTR. IV.</b> Quandonam liceat occidere Invasorem, seu Aggressorem; ubi de Duello. 190</p> <p><b>CONTR. V.</b> Qualis Restitutio facienda sit pro Injuriis prædictis. 194</p> <p><b>CONTR. VI.</b> Expediuntur dubia quædam ad Forum externū spectantia. 197</p> <p><b>CONTR. VII.</b> Ad quam Restitutionem tenetur Stuprator, &amp; quæ pœna supri. 199</p> <p><b>CONTR. VIII.</b> De Restitutione ob Adulterium facienda. 202</p> <p><b>CONTR. IX.</b> Expediuntur alia quædam dubia circa adulteria. 203</p>
§. I. Quotuplex sit Injuria.	178																
§. II. De Actione Injuriarum.	179																
§. III. De Actione ad Palinodiam.	180																
§. IV. De Remedio, ex Lege: <i>Diffamari</i> .	ibid.																
§. V. Quomodo declinari possit infamia alioquin ex actione injuriarum proveniens.	ibid.																
§. VI. De famoso Libello.	ibid.																
§. VII. Quibus modis Actio injuriarum aboleatur.	181																
§. VIII. De Retorsione.	182																

## CAPUT ULTIMUM.

### *De Injuriis in Bonis Spiritualibus, & Restitutione competente.*

**CAPUT VI.**  
*De Injuriis circa Corpus Proximī, per Homicidium, Mutilationem, &c. Scuprum, & Adulterium, & de Restitutione competente.*

<p><b>CONTR. I.</b> <b>D</b>eturne obligatio, &amp; qualis, restituendi pro inductione in errorem, vel peccatum. 207</p> <p><b>CONTR. II.</b> <b>Q</b>uæ sit obligatio restituendi ob impeditum Religionis ingressum, aut procuratum egressum Novitii, aut Religiosi. ibid.</p>	
---------------------------------------------------------------------------------------------------------------------------------------------------------------------------------------------------------------------------------------------------------------------------------	--





# TRACTATUS III.

DE TRIBUS

## IVRIVM REALIVM

GENERIBVS,

DOMINIO, SERVITUTIBUS, POSSESSIONE,

*Jurisque Remediis, seu Actionibus huc spectantibus.*

### CAPUT I.

*De Jure Dominii, vel quasi Dominii  
Rerum Corporalium, & Incorporalium in genere.*

CONTR. I. Quid, & quotuplex sit Dominium. 209

§. I. Explicatur Definitio Bartoli, & defenditur contra Modernos. 210

§. II. Solvitur objectio ex perfecto Dei Dominio, ubi de Jure Reflexivo cujusdam Recentioris. 211

§. III. Solvuntur reliquæ objectiones. 212

§. IV. Differentia inter Dominium directum & utile explicatur. 213

CONTR. II. Utrum in eodem instanti, v.g. Donationis, tam Donator, quam Donatarius sit Dominus in Solidum Rei Donatæ, adeoque non Repugnet plurium Dominium in Solidum ejusdem Rei Simultaneum. 214

CONTR. III. De speciali Juri Remedio Dominis concessio: Rei Vindicatione. 219

### CAPUT II.

*De Jure Servitutum, tam Personalium, quam Realium.*

CONTR. I. Circa Servitutes in genere.

§. I. Quomodo Servitus in genere definiatur. 223

§. II. A quibus, & quibus Conditionibus Servitus constitui possit. 224

§. III. De Juri Remediis, quæ Ratione Servitutum competunt. 227

CONTR. II. Circa Servitutes Personales in specie.

§. I. Quid sit Vfusfructus. 229

§. II. De Jure Accrescendi conjunctis in usufructu. 231

§. III. De Commodis & Emolumentis Vfusfructus. 232

§. IV. De oneribus Fructuarii. 235

§. V. Quomodo Vfusfructus finiatur, aut amittatur. 237

§. VI. De Vfusfructu improprie dicto, earum rerum quæ usu consumuntur. 240

§. VII. De Servitute Usus. 241

§. VIII. An Vfus rerum ipso usu consumptibilium possit à Dominio separari. 242

§. IX. De Servitute Habitationis. 244

CONTR. III. Circa Servitutes Prædiorum, tam Urbanorum, quam Rusticorum, in Genere, & in Specie. ibid.

§. I. Natura & Divisio Servitutum Prædialium explicatur. 245

§. II. De Servitutibus Prædiorum Urbanorum. 247

§. III. De Servitutibus Prædiorum Rusticorum. 250



CAPUT

# Index Titulorum.

## C A P U T III.

### De Iure Possessionis.

E T

### De Remediis Possessorii.

- CONTR. I. **Q**uomodo sit intelligenda definitio Possessionis, prout abstrahit à Possessione Iuris, & Facti simul, & à Possessione mera Facti. 255
- CONTR. II. In quo differat Possessio Civilis à Naturali. ubi, an possit eadem Res, & quo sensu à duobus consideri. 258
- CONTR. III. Quibus modis Possessio acquiratur. 259
- CONTR. IV. Quomodo Possessio amittatur. 260
- CONTR. V. Quos Fructus lucratur, aut quid restituere teneatur Possessor, Re evicta.
- §. I. Ad qualem Restitutionem (seclusis fructibus) Bonæ fidei Possessor obligetur. 267
- §. II. Circa obligationem restituendi fructus certiora quædam præmittuntur. 270
- §. III. An omnes Fructus existentes restituendi sint. 271
- §. IV. An restituendi fructus consumpti ante litis Contestationem, in

- quantum bonæ fidei Possessor inde locupletior factus est. 273
- §. V. Ad quos Fructus restituendos malæ fidei Possessor teneatur. 274
- §. VI. De obligatione restituendi Fructus post Litem contestatam perceptos, vel percipiendos. 275
- §. VII. Quas expensas deducat Possessor, seu bonæ, seu malæ fidei in Restitutione Rei & Fructuum. 276
- §. VIII. Ad qualem Restitutionem Fructuum, aut Rei consumptæ teneatur Possessor dubiæ fidei. 277
- CONTR. VI. Quænam sint Iuris Remedia, seu Interdicta Possessionis adipsam spectantia.
- §. I. Generalia de Interdictis præmittuntur. 278
- §. II. De Interdicto: *Quorum Bonorum*. ff. h. t. 280
- §. III. De Interdicto: *Quod Legatorum*: seu: *Quorum Legatorum*. de quo est tit. in D. & C. 283
- §. IV. De Salviano Interdicto. 285
- CONTR. VII. Quæ sint Remedia retinendæ Possessionis: præcipue de Interdicto: *Vi possidetis*. 287
- CONTR. VIII. Quænam sint Remedia recuperandæ Possessionis. 288
- §. I. De Interdicto: *Vnde vi*. 289
- §. II. De Precario: l. 2. ff. h. t. 293
- §. III. De Remedio ex cap. *Redintegranda*. ca. 3. q. 1. ibid.





# TRACTATUS IV. DE DIVERSITATE IVRIVM.

*Secundum*

## DIVERSA GENERA PERSONARUM.

### CAPUT I.

#### *De Dominio Religiosorum.*

- CONTR. I. **A**N Status Religiosus pugnet cum Dominio. 295  
CONTR. II. Quomodo, & quam bona Religio ratione suorum Religiosorum acquirat.  
§. I. Quamnam acquirat per ipsam Professionem. 302  
§. II. Examinatur speciale dubium de exclusionem Substituti in Fideicommissio. 304  
CONTR. III. Utrum valida sit dispositio facta sine licentia Superioris à Religioso habente Dominium. 305  
CONTR. IV. Quomodo Religio acquirat per suos post Professionem. 307

### CAPUT II.

#### *De Peculio, Fructibusque Clericorum Beneficiariorum, deque Dominio, & Administratione bonorum Ecclesiasticorum.*

- CONTR. I. **P**enes quem sit Dominium Bonorum Tertii generis. 311  
CONTR. II. Utrum Clerici sint Domini suorum Redituum, vel tantum Administratores. 312  
CONTR. III. Quamnam Potestas alienandi competat Administratoribus Bonorum Ecclesiæ. 320

### CAPUT III.

#### *De Peculiis Filiorumfamilias.*

- CONTR. I. **D**E Filiis Legitimis, & Illegitimis, horumque Legitimatione. 324  
CONTR. II. De Filiis Adoptivis. 330  
CONTR. III. De Patria potestate. 334  
CONTR. IV. Quid Iuris sit circa diversa Peculia Filiorumfamilias. 338

### CAPUT IV.

#### *De Bonis Pupillorum, & Minorennium, eorumque Administratione per Tutorem, & Curatorem.*

- CONTR. I. **Q**uid, & quotuplex sit Tutela, & quomodo differant Tutor & Curator. 343  
CONTR. II. De Testamentaria Tutela. 344  
CONTR. III. De Legitima Tutela. 347  
CONTR. IV. De Dativa Tutela. 349  
CONTR. V. De Satisfactione Tutorum, & remotione suspectorum. 351  
CONTR. VI. De excusatione Tutorum. 354  
CONTR. VII. De Auctoritate & Administratione Tutorum & Curatorum. 357  
CONTR. VIII. Quomodo Tutela finiatur, & de Actione Tutelæ directæ & contrariæ. 360  
CONTR. IX. De Curatoribus. 363

### CAPUT V.

#### *De Dominio Bonorum Vxoris, ubi de Iure dotium plenè agitur.*


- CONTR. I. **P**enes quem sit Dominium rerum Dotialium. 366  
CON-





## Index Titulorum.

<p><b>CONTR. II.</b> Penes quem sit Dominium Paraphernalium, Contradotis, &amp; Sponsalitiæ largitatis. 368</p> <p><b>CONTR. III.</b> Ad quem pertineant Atrihæ: &amp; an Sponsalibus adjici possint pœnæ. 370</p> <p><b>CONTR. IV.</b> Quisnam teneatur constituere dotem, vel donationem propter Nuptias. 373</p> <p><b>CONTR. V.</b> Qualiter pro Dote Fidejussores dari, vel exigi possint. 375</p> <p><b>CONTR. VI.</b> An, &amp; in quibus eventibus possit constante adhuc Matrimonio, Dos à Marito repeti. 376</p> <p><b>CONTR. VII.</b> Quâ ratione possint, vel non possint bona Dotalia alienari, &amp; in specie de fundo dotali. 378</p>	<p><b>CONTR. VIII.</b> A quonam fundus invalidè alienatus possit vindicari, aut alienatio confirmari. 380</p> <p><b>CONTR. IX.</b> Quando &amp; quousque dos restituenda sit soluto Matrimonio. 381</p> <p><b>CONTR. X.</b> Quibus Iuris Remediis, seu Actionibus uti possit Vxor, vel Hæres illius ad repetendam dotem soluto Matrimonio. 382</p> <p><b>CONTR. XI.</b> Quibus Exceptionibus actio dotis elidatur. 386</p> <p><b>CONTR. XII.</b> In qua residua quædam dubia circa dotem &amp; Matrimonalem donationem expediuntur. 387</p> <p><b>CONTR. XIII.</b> De Pœnis secundarum Nuptiarum. 389</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------



# TRACTATUS V.

DE

## MODIS ACQVIRENDI RERVM DOMINIA

INDEPENDENTER AB ALTERIUS VOLUNTATE, TAM JURE GENTIVM,

Quàm  
JURE CIVILI.

### CAPUT I.

#### *De Modis acquirendi Iure Gentium.*

**CONTR. I.** DE Modo Acquirendi per Inventionem, seu Occupationem.

§. I. De Inventione in genere. 399

§. II. De Inventione Thesauri. 401

§. III. Quid Juris & Obligationis sit circa inventa, quorum Dominus adhuc exstare præsumitur: ubi incidenter resolvitur, ad quid teneatur, qui detinet incerta debita. 403

**CONTR. II.** De Modis Acquirendi Dominium Servorum; item, de Spoliis hostium.

§. I. Quot Modis Dominium Hominis acquiratur. 407

§. II. Quomodo Servitus Personarum amittatur manumissione. 408

§. III. De aliis Modis finiendi Servitutum. 409

§. IV. Quanam aliæ res in bello justo capte, fiant capientis. ibid.

**CONTR. III.** De Modo acquirendi Dominium per venationem. 410

*Appendix, de Columbariis, & Alveariis.* 414

**CONTR. IV.** De reliquis Modis acquirendi Iure Gentium. 415



CA-

## Index Titulorum.

### CAPUT II.

#### *De Usucapionibus, & Præscriptionibus.*

- CONTR. I. **Q**uid sit Usucapio, & Præscriptio. 427
- CONTR. II. De prima Conditione ad præscribendum requisita: qualis bona fides requiratur, & quæ ignorantia prosit, vel obstat, item, quæ fides Auctoris prosit, vel obstat Successori. 431
- CONTR. III. Qualis Titulus ad præscribendum requiratur, & sufficiat. 441
- §. I. De Titulo pro Emptore. 443
- §. II. De Titulo pro Suo, & pro Solutio. 444
- §. III. De Tit. pro Donato. ibid.
- §. IV. De Tit. pro Hærede. 445
- §. V. De Tit. pro Legato. 447
- CONTR. IV. Qualis, & quam diuturna Possessio ad usucapionem sufficiat. ib.
- §. I. Qualis Possessio requiratur, & sufficiat, Naturalis, an Civilis. 448
- §. II. Quomodo tempus præscriptionis computandum sit. 449
- §. III. De Præscriptione Triennali rerum Mobilium. 450
- §. IV. De Præscriptione Triennali Beneficiorum. ibid.
- §. V. De Præscriptione Quadriennii, vel Quinquennii rerum Fiscalium, & Fisci e contra. 453
- §. VI. De Præscriptione longi temporis. 454
- §. VI. De Præscriptione longissimi temporis, 30. 40. 100. Annorum. 456
- §. VII. De Præscriptione Servitutum. 456
- §. VIII. De Præscriptione Actionum, & Obligationum. 458
- §. IX. De Præscriptione temporis immemoralis. 459
- §. X. De Præscriptione delictorum. ibid.
- §. XI. Quomodo Præscriptio interrumpatur. 460
- §. XII. Quando dormiat Præscriptio. 463
- CONTR. V. Quenam res, sive ex Natura Præscriptionis, sive ex Legis resi-


stentia præscribi non possint. ibid.


- CONTR. VI. De Publiciana Actione. 468
- CONTR. VII. De Actione Reicissoria. 469

### CAPUT III.

#### *De Hereditatibus quæ ab Intestato deferuntur, seu de Successione ab Intestato.*

- CONTR. I. **Q**uid sit, quàmque diversa fuerit olim, & nunc sit Successio ab intestato. 470
- CONTR. II. De Successione Descendentium. 471
- §. I. Certa præmittuntur. 472
- §. II. An Jus representationis in descendentibus in infinitum extendatur. 473
- §. III. Utrum Nepos debeat esse conceptus vivo Avo, ad hoc, ut ad Successionem admittatur. 474
- §. IV. De Successione Nepotis, si Patens nolit, aut non possit esse Hæres. 475
- §. V. De Successione Legitimatorum. 476
- §. VI. De Successione Adoptivorum. 478
- §. VII. De Successione Liberiorum naturalium non Legitimatorum. ibid.
- §. VIII. De Successione Spuriarum, & ex damnato coitu genitorum. 480
- CONTR. III. De Successione Ascendentium. 481
- §. I. Quomodo succedant Ascendentes nullis existentibus Fratribus, aut Sororibus defuncti. ibid.
- §. II. Quomodo succedant Ascendentes, existentibus collateralibus. 484
- CONTR. IV. De Successione Transversalium, seu Collateralium. 486
- CONTR. V. De Successione Conjugum. 493
- CONTR. VI. De Successione Fisci, & quorundam aliorum. 495





R. P. CHRISTOPHORI  
**HAUNOLDI**  
 E SOCIETATE JESU,  
 DE  
**JURE PRIVATORUM**  
 VNIVERSO  
*TRACTATUS I.*  
*PROÆMIALIS.*  
**DE LEGIBUS.**  
 COMPLECTENS EA, QUÆ QUATUOR  
 IURIS TITVLIS CONTINENTVR,  
 Qui sunt:  
 DE { CONSTITUTIONIBUS.  
 { RESCRIPTIS.  
 { CONSUETUDINE.  
 { PRIVILEGIIS.  
**CAPVT PRIMVM.**  
*De Legum humanarum Natura, conditionibus &  
 effectibus.*  
**SUMMARIUM.**



Egis vocabulum non est Juridicè  
 Synonimũ cum Jure, Consti-  
 tutione, Sanctione, Statuto, Prae-  
 cepto. 1.  
 Jus non est ipsa Lex, sed objectum  
 legis, & effectus illius. 2.

Constitutiones strictè sunt Decreta Summorum Pon-  
 tificum. eod.

Lex sumitur pro Decreto alterius supremi Principis.  
 eod.

Sanctio strictè sumpta est, quæ sub pœna capitis fer-  
 tur. eod.

Præceptum seu Mandatum fertur ad personas si-  
 gulares, cum quibus extinguitur. eod.

Lex in Jure Civili constat sex partibus: Lege, Ple-  
 biscito, Senatusconsulto, Principum placitis, Edi-  
 ctis Prætorum, Responsis prudentum. Ejus defini-  
 tio. 3.

Lex an sit favorabilis vel odiosa, quomodo commu-  
 -niter explicatur. 4.

*Si favor est separabilis ab odio & damno, tunc ratione favoris lex est ample interpretationis: quatenus odium, stricta. Explicatur cap. Si propter de Rescriptis in 6.*

*Si non est separabilis, est spectanda intentio legislatoris, an primario voluerit favere uni. 7.*

*Exemplum odiosæ dispositionis. 8.*

*Dispositio odiosa quandoque potest extendi. eod.*

**I**N materia de Legibus & Justitia illud ante omnia advertendum est, quæstiones illas, quas Scholastici & Philosophi vocare solent *Lites de nomine, de modo loquendi, de vocabulo*, & in illorum materiis nihil sunt, eò quòd ad naturarum speculationem ac veritatem indagandam nihil interfit, hoc, an illo modo loquaris, modo rem teneas, quæstiones, inquam, illas sæpe maximi momenti esse in resolutionibus Juridicis, quandoquidem inde sæpe pender, an hic illavæ lege, hæc vel illa personæ, hæc vel illæ dispositiones & conventiones, Actiones, Bona &c. comprehendantur necne, id quod in progressu præsentis Operis plurimis exemplis illustrabitur. Et ut in præfati statim hujus exemplum ob oculos ponamus

1. Plurima sunt vocabula in utroque Jure, Civili & Canonico, passim usitata, quæ in latiori significatione & acceptione synonyma sunt, & coincidunt cum vocabulo LEX: strictius tamen & phrasi Legisperitorum differunt, & diversas ordinationes significant. hujusmodi sunt: JUS. CONSTITUTIO. LEX. SANCTIO. STATUTUM. PRÆCEPTUM. horum diversitatem breviter indicabo.

2. JUS, si strictè & propriè sumatur, non est ipsa LEX, sed potius objectum Legis, seu id quòd statuitur per Legem ut observetur, adeoque est effectus Legis. CONSTITUTIO variè sumitur, aliquando pro legibus, quæ à superioribus Principibus, vel à Civitate feruntur, & vocantur propriè STATUTA. aliquando verò magisque propriè Constitutiones dicuntur DECRETA summorum Pontificum, de quibus loquitur titulus secundus libri primi Decretalium. E contra LEX sumitur pro Decreto alterius supremi Principis, ut Imperatoris, Regis, aut totius populi, unde Doctores Legum Civilium vocantur antonomastice *Legisfæ*. SANCTIO strictè sumpta differt à Legge, Constitutionibus, Decretis &c. quòd certam pœnam præsertim capitis iroget non obtemperantibus, seu quæ aliquid sub pœna capitis præcipit vel prohibet, ut habetur *Lege Sanctio ff. de pœnis*. quo sensu Sanctiones pragmaticæ non nisi largè Sanctiones dicuntur. PRÆCEPTUM seu MANDATUM differt à Legge per hoc, quòd Lex feratur ad totam Communitatem Reipublicæ causâ primariò, & ideo est constans ac perpetua, donec à Legislatore vel Consuetudine abrogetur, Præceptum verò feratur

ad personas singulares, cum quibus plerumquæ extinguitur.

3. Denique LEX in Jure Civili adhuc strictiorem habet acceptionem, in quantum nimirum Jus Civile dicitur constare lex partibus: *Lege, Plebiscito, Senatûs Consulto, Principum placitis, Edictis Prætorum, Responsis Prudentum*. Et in hac acceptione LEX est, quæ Senatorio Magistratu veluti Consule, interrogante, populus constituit. §. 4. *Instit. de Jure Naturali Gent. & Civili*.

## CONTROVERSIA I.

*Quomodo intelligenda sit celebris divisio Legis in Favorabilem, & Odiosam, & quæ Regula sit has discernendi.*

**I**nterest plurimum, hujus discriminis notitiam habere legitimam, ut sine doctrinæ inconsequentia particularibus casibus applicetur, in quibus dubitatur an Lex favorabilis habenda sit, ut amplam recipiat interpretationem, vel an odiosa, & stricti iuris sit, favores enim ampliandos esse, odia verò restringenda, habet Regula Juris c. *Odia*. de R. l. in 6.

4. Discrimen autem harum legum declaratur communiter, ut videre est apud Augustinum Barbofam *axiomatum Juris v. Odium*. considerandum esse primum Legis intentum. si enim id sit, favere uni, (esto conjunctus sit hic favor cum præjudicio aut damno fæ jactura tertii) lex est favorabilis: nomine autem favoris non venit hic finis ultimus & generalis omnium legum, nempe Bonum Reipub. hoc enim sensu omnis lex debet esse favorabilis, sed spectandus est finis magis particularis & immediata, qui tanquam medium adhibetur ad finem generalem.

Probari solet hæc interpretatio auctoritate glossæ in cap. si propter. de rescript. in c. v. primi anni ubi constitutionem illam favorabilem vocat, quâ Bonifacius VIII. Episcopo cuidam speciali gratiâ concessit, ut ad dissolutionem debitorum Ecclesiæ suæ omnium beneficiorum vacantium in diacensi primos fructus (quæ Annate vocari solent) ad quinquennium percipere posset, quæ reservatio cedit in præjudicium ac damnum eorum beneficiorum, ad quos alioquin illi primi fructus spectassent.

5. Verùm hæc probatio difficultate non caret: videri enim posset illa Constitutio potius esse odiosa, cum Annatarum concessio sit contra primævam institutionem beneficiorum, quibus integri proveniunt debentur vigore tituli 12. lib. 3. Decret. ut beneficia Ecclesiastica sine diminutione constentur. Accedit, quòd ipse Pontifex in eodem rescripto suam concessionem

dicat

dicat esse strictè interpretandam; cum enim dubitaret Episcopus ille, an etiam illi concessi essent primi fructus, qui jam prius speciali consuetudine, privilegio vel statuto debebantur Ecclesie Cathedralis fabricæ, vel alicui personæ singulari, responder Pontifex, intentionem suam non esse nec fuisse, prioribus huiusmodi applicationibus præiudicium asserre. Pro resolutione

6. DICO 1. Attendendum esse, utrum favor possit ab odio & damno alterius separari necne. Si separari potest, tunc eatenus quatenus favorem continet lex, erit amplè interpretationis, quatenus odium continet, erit strictè interpretationis, & sic non est opus examinare primarium scopum Legislatoris. Ità post Panor. mit. notant ceteri Canonistæ, & apparet in dicto rescripto, ubi priores applicationes particularium beneficiorum, poterant separari à cancellatione generali postmodum facta, & quia privilegium generale non derogat priori privilegio speciali, sed potius e contra juxta Reg. 81. ff. de R. L. Hinc etiam resolvitur dubium, an in dicto c. si propter, fuerint concessi fructus beneficiorum exemptorum à Jurisdictione Episcopi, & respondendum est contra Joannem Andream negativè; est enim exemptio speciale privilegium, contra quod non est extendendus favor generalis. Contra Dignitarum & Præbitorum primi fructus censetur Episcopo fuisse concessi, quia alioquin frustraretur propemodum intentio Pontificis & finis favoris, qui erat, ad dissolvenda debita subsidium præbere; & quia horum beneficiorum fructus non nisi ex generali jure debentur suis beneficiariis.

7. DICO 2. Si favor ab odio separari non potest, (ut plerumque non potest) tunc utique spectanda est Intentio Legislatoris, quæ si primarè voluit favere uni, & hunc favorem habuit pro motivo, damnum verò tertii connexum cum favore, solummodo materialiter & per consequentiam voluit, quia separare non potuit, tunc per se loquendo Lex est favorabilis, odiosa verò erit, si opposita sit Legislatoris intentio, vel aliunde colligi possit, quod noluerit fieri amplam suæ dispositionis interpretationem. hoc addendum est, propter innumeras instantias quæ alioquin adferri possent, ad probandum, Leges plurimas esse strictæ interpretationis, quibus tamen favor potius quàm odium intenditur. Sic Privilegia sunt strictæ interpretationis, quia vulnerant jus commune. Plures instantiæ videri possunt apud Petrum Peckium in Regulam 15. Juris Can. Declaratur Conclusio in exemplo desumpto ex cap. 3. de sent. excom. ubi ex communi interpretatione declaratur immunis ab excommunicatione Pontifici reservata, percussor clericus inventi cum uxore, matre, sorore, aut filia sua. quæ Lex favet percussori, & nocet electo, quia tendit contra privilegium canonis, ut patet: quia tamen favor ille est inseparabi-

lis ab odio, dubitari posset, an sit Lex potius favorabilis quàm odiosa, ac proinde an extendatur etiam ad calum, quo clericus deprehenderetur cum sponsa de præsentis quidem, sed ne cum cognita à marito. Et resolvendi in eum juxta conclusionem, esse fav. orabilem, & extendi etiam ad dictum casum. Pontifex enim voluit indulgere juvni dolori difficulter ten peratili mariti, qui non minùs gravis est in casu violatæ uxoris cognitiæ, quàm non cognitiæ.

8. Exemplum odiofæ dispositionis apud Felinum cap. 3. loco cit. de præsumpt. on. n. 2. (dissentient tamen Gomez) esse potest, & existeret statutum, ut uxore absque liberis decedente vir par em dotis lucratur, hoc statutum censendum esset odiofum, adeoque non extendendum ad maritum seu sponsum de præsentis, si uxor necdum carnaliter cognita decederet, quæ sine causâ (quam tale statutum censetur respicisse) amittere potestatem de integra dote disponendi.

Dixi superius, has regulas esse veras *Per se loquendo*. Multas enim exceptiones afferunt DD. ut Philippus Francus in cap. 1. de ten. porib. ordin. & alii. Huiusmodi exceptio est, quando, nisi fieret amplificatio legis odiofæ, dispositio odiofæ facile posset eludi; v.g. nisi dispositio juris auferens usufructu testamenti factionem, extendere etiam ad codicillos & donationem causâ mortis, usufructus hæc viâ facile legem circumveniret. item, quando exceptio, vel restrictio fit per aliam legem. denique si undecunque aliâ Legislatoris intentio colligitur, ut jam notavi.

## CONTROVERSIA II.

*An, & qualis Promulgatio sit necessaria, ut lex incipiat obligare.*

### SUMMARYM.

**O**bligatio proxima Legis quando incipiat. 9.  
Remota obligatio requiritur ex natura rei aliquam promulgationem. 11.

Solennis editio est ipsa promulgatio in cap. 1. de Postul.

Regula Cancellaria quamvis non sint Leges propriæ, promulgantur tamen. 12.

Possit obligatio statim à puncto promulgationis incipere. 13.

Leges civiles obligant post duos menses. 14.

Idem est in Statutis Provincialibus. 15.

Constitutiones & Diplomata Pontificia statim obligant, nisi aliud exprimat. 17.

Quomodo hoc procedat in foro conscientie. 19.

Quomodo in foro externo. 20.

Quomodo intelligenda regula 47. Presumitur ignorantia, &c. 21.

9. Sermo est de Obligatione remota; obligatio enim proxima tunc primum in quavis personâ



persona particulari incipit, quando Legis latæ & sufficienter promulgatæ, notitiam actualem acquiruntam per Legis inculpabilem ignorantiam impeditur obligatio proxima, quia excusat à culpa, & Legis transgressio est merè materialis.

10. Quæritur igitur, an Legis obligatio remota posset, si ita vellet Legislator, statim incipere, quamprimum est constituta, esto necdum sit ita promulgata, ut, per se loquendo posset omnibus subditis innotescere, & per accidens tantum ignorari à quibusdam. Vel an aliqua promulgatio sit de natura Legis, ita quidem, ut etiam si ante promulgationem alicui ex subditis constaret, eam à Magistratu jam esse constitutam, necdum tamen talem proximè obligaret, possètque impunè contra Legem venire, antequam promulgaretur.

Antiquiores aliqui, *Quos refert & sequitur Gabr. 10. 2. commun. opin. lib. 6. tit. de legib. & tribuitur etiam Panormitano & Reginaldo*, censuerunt, non esse de natura Legis promulgationem, sed ante hanc obligare posse scientes.

11. Communissima tamen & vera Sententia hoc negat; unde communis & recepta Legis definitio est: *Rationis ordinatio ad bonum commune, ab eo qui curam communitatis habet, promulgata*. Solet quidem probari ex authent. *ut sacre Constit. quæ est Novella 66*. Sed inde plus non colligitur, quam quod Imperator nolit Constitutiones suas valere ante promulgationem: alia ergo ratio reddenda est, quare non possint prius habere vim obligandi, & est hæc. Lex est quædam iustus; ergo est quædam moralis allocutio directa ad subditos. allocutio autem non censetur esse completa, quamdiu non apta percipi ab illis ad quos dirigitur, ita quidem, ut quatum est de se, possit percipi, nisi per accidens ejus auditio impediatur. ad hoc autem utique requiritur promulgatio: nam absque hac non per accidens, sed per se esset, quod ignoraretur, & esset per accidens, si ab uno vel altero cognosceretur: ergo, &c.

Obijcit Panormitanus ex cap. 1. de Postulat. Prelas. ubi dicitur, ad hoc ut quis ad observantiam constitutionum reneatur, sufficere, si *novæ sit tam solenniter editæ, aut publicè promulgatæ*. ergo disjunctim sufficit editio sine promulgatione. Verum hoc nihil probat. nam ibi *solennis editio* non distinguitur à *promulgatione*, sed eam includit, ut patet ex toto contextu: nam excusatio Episcopi idè non admittitur, quia sententia erat sufficienter promulgata, ad quod non requiritur, ut singulis per speciale mandatum inculcetur.

12. Obijci etiam possent Regulæ Cancellariæ, quæ non publicantur toti Ecclesiæ, & tamen obligant. 13. Regulas illas publicari in Cancellaria, & obligare scientes à die publicationis, ut habet Rebuffus. Imò non sunt propriæ Leges (cum expirent morte Pontificis) sed

solummodo Instructiones pro Officialibus Cancellariæ, quæ non tam de novo eduntur, quam potius confirmatione Successoris continuantur.

13. Major controversia est, quandam, factâ promulgatione, incipiat obligatio, ita ut quicumque illius notitiam quomodocumque acceperit, statim hoc ipso obligetur. Et quidem ex natura rei posse statim à puncto promulgationis incipere, si ita velit Legislator, est communis & vera Sententia, sicut etiam ex ejusdem Legislatoris voluntate potest ad certum tempus differri, ante quod nemo etiam sciens obligetur. Est ergo quæstio facti, quomodo defacto res se habeat.

14. Et quidem quædam Leges Cæsareas, respectu populorum seu Provinciarum Imperio subiectarum, habetur Nov. 66. *ut sacre novæ Constitutiones*: ubi constituntur duo menses, quibus elapsis incipiunt Leges civiles omnes obligare, postquarta in singulis Provinciis publicatæ & promulgatæ fuerint. Neque refert, quod illa Novella loqui videatur de solis Legibus ad testamenta spectantibus, nam in Rubrica extenditur sine limitatione ad omnes Leges, & ita receptum est. Rub. sit habet. *Ut sacre novæ constitutiones post inscriptiones earum post duos menses valent*.

15. Hinc deducitur, quod Leges particulariura Provinciarum intra Imperium existentium, nisi aliud exprimat, statim omnes illius Provinciæ subditos obligent post duos menses lapsos post unicam solennem promulgationem, loco consueto, v. g. in Curia Principis factam.

16. Quodam Leges verò Ecclesiasticas sunt diversæ opiniones. Non pauci existimant, idem de his, quod de Civilibus, esse tenendum. Fundamentum præcipuum est, quia in ijs, in quibus Jus Civile non est contrarium Juri Canonico, si in Jure Canonico nihil speciale statuitur, etiam in foro Ecclesiastico observantur Leges Civiles, iuxta vulgarissimam regulam: *Sicut Leges non designantur sacros Canones imitari, ita sacrorum statuta Canonum Principum constitutionibus adiuvantur* cap. 1. de Novi operis nunt. atqui in Jure Canonico nihil de tempore constitutionis est: ergo. Hoc tamen non obstat;

17. Communior & in praxi recepta sententia est, Constitutiones, & Diplomata Pontificia, quæ de novo conduntur, statim omnes (qui ignorantia non excusantur) obligare post promulgationem in Curia Romana factam, nisi aliud in specie fuerit expressum. Excipi solent Leges irritantes contractus, quæ in singulis diocæbus publicandæ sunt. Escobar etiam excipit revocatorias Privilegiorum & Indulgentiarum, ut videre est apud Antonium Coronium. Sed ego hujus exceptionis nullum clarum Jus invenio.

18. Fundamentum unicum & sufficiens est Usus & Consuetudo, quæ constat non requiri ad inchoandam obligationem, ut Constitutiones

novæ in singulis Provincijs promulgentur. Sic Bulla Cœnz, & Regulæ Cancellariæ non nisi Romæ promulgantur: ergo licet quoad promulgationem in singulis Provinciis, ita etiam quoad lapsum duorum mensium, à Jure Civili recedit Jus Ecclesiasticum. Sanè Concilium Tridentinum ex constitutione Pii IV. *Sicut & sacrorum*, cepit omnes obligare provincias Calendis Maij 1564. cum tamen tunc non esset in singulis Provincijs promulgatum.

19. Quæ diximus hæcenus, pro foro conscientie ita procedunt, ut qui post comparatam notitiam promulgationis legis transgressus est, culpam theologicam incurrit, etiam si fortassis in foro externo posset ignorantie prætextu culpam purgare. Quapropter non solum de transgressione gravi deberet se in confessione acquare. (si lex obligavit in conscientia) sed etiam, si quem per transgressionem laxisset, teneretur ad restitutionem, prout facile contingere posset in violatione legum ad contractus spectantium.

20. In foro externo aliter dissentendum est. Quoad leges Cæsareas post duos menses præsumitur in omnibus scientia, & secundum hanc judicatur: si quis tamen offerret se ad probationem ignorantia inculpabilis, admittendus esset: certum siquidem est, posse aliquem post lapsum duorum mensium à promulgatione facta in sua provincia, inculpabiliter Legem ignorare, v. g. si in remotioribus regnis peregrinatus esset. Quod Constitutiones Pontificias, pro maiore minoræve distantia Provinciarum à Roma plus minùsve temporis labi debet, ut scientia præsumatur, v. g. intra vicinas Provincias, præsumitur scientia post duos menses, quia hoc tempus censetur sufficere, ut quis moraliter possit in notitiam latæ & promulgatæ Constitutionis venire: non tamen intra remotiores eadem est præsumptio, sed arbitrio iudicis taxabitur cum proportionem majus tempus, intra quod al'legario ignorantie tanquam probabilis admittetur, ultra illud scientia præsumetur, & ignorantia probanda erit, c. *innotuit. de elect.* quam si semiplenè probaverit, poterit illi à iudice in probationis supplementum juramentum deferri. *arg. cap. fin. qui marrin. accus. pos.*

21. Objici tamen posset Regula Juris 47. in 6. *Præsumitur ignorantia, ubi scientia non probatur.* Respondent aliqui, P. *Enricus Pirhing asserit. Can. de Constit. n. 8.* Regulam hanc procedere in illis, quæ occultè gesta sunt. Verùm contra urgeri potest & asserti instantia. Nam in Rescriptis præsumitur Princeps statuta à Jure dissonantia ignorare, adeoque noluisse illis præjudicare, & tamen statuta non sunt occulta sed publica. 22. Ergo, regulam non procedere in illis, quæ in eum finem promulgata sunt, ut à subditis fiantur, qui etiam obligantur omnium legum notitiam communi & morali diligentia comparare: cum ergo præsumantur huic obli-

gationi satisfecisse, præsumuntur consequenter scientiam comparasse, nisi contrarium probent, alioquin cluderetur utilitas promulgationis.

## CONTROVERSIA III.

*Verum Acceptatio seu Vsu receptio ad Legis obligationem requiratur.*

### SUMMARIVM.

*Discrimen inter Desuetudinem & Consuetudinem.*

22. *Non usum seu non acceptatio dupliciter contingere potest. 23.*

*Pontifex aliquis Prælati possunt obligare etiam contradicentes. 24.*

*Neque ad obligationem Legis civilis est necessaria acceptatio populi. 25.*

*Præsumitur obligatio non expressè facta acceptatione. 26.*

*Quomodo intelligendus can. 3. dist. 4. 27.*

*Quomodo Lex 32. ff. de Legib. 28.*

*Quomodo verum sit aliquam Bullam non esse receptam. 29.*

*Quando violatio est ab initio frequens in maiore parte populi, nec Legislator puni, excusatur aliis etiam ante abrogationem per decennium. 30.*

*Quamnam dicatur Major pars communitatis. 31.*

22. *Discrimen Legis periti inter Desuetudinem & Consuetudinem Legi contrariam.* Desuetudinem vocant ipsum Non usum Legis statim post promulgationem illius: Consuetudinem verò legi contrariam illiusque abrogativam vocant Non usum seu Non observantiam legis postquam jam usu recepta est.

23. Porro Non usus seu Non acceptatio legis dupliciter contingere potest. 1. Quando facto ipso controvenitur legi à maiore parte communitatis. 2. Quando verbo vel scripto reclamatur, etsi necdum fuerit fortassis occasio legem observandi.

*QUÆRITUR* nunc primò, utrum per Desuetudinem seu Non usum legis impediatur vis obligativa legis, ita ut antequam lex usu recipiatur, non habeat vim obligandi. In qua controversia non pauci tum Jurisperiti tum Theologi *Inter quos est P. Jo. Azorius cap. 4.* ita loquuntur, ut sibi contradicere videantur. Dicunt enim, antequam Lex usu recipiatur, non obligare, quamvis Legislatori concedat potestatem obligandi ad ipsam acceptationem seu usu receptionem, sicut & potestatem puniendi transgressores. Hæc, ut dixi, nisi aliter explicantur, videbuntur non coherere.

24. *DICO* itaque 1. Potest Pontifex, Legati, Episcopi, alique inferiores Prælati obligare legibus Ecclesiasticis suos subditos etiam contradicentes, si Lex ceteroquin est iusta & utilis. Probatur 1. Quia horum potestas ferendi leges est immediatè à Christo Domino, qui non

dixit Petro: *Quidquid ligaveris ex consensu & acceptatione fidelium*: sed absolute: quidquid ligaveris &c. Probat. 2. Pontifex (& sic de ceteris) habet potestatem obligandi ad acceptationem: ergo habet potestatem obligandi immediate ad obedientiam legis. Antecedens concedunt adversarii, & patet ex eo, quod si requireretur consensus populi, censeretur populus per consensum ferre legem cum Pontifice, quia ejus vis non minus penderet à populi voluntate, sicut olim apud Romanos dicebatur per ipsius legem condere, quando Consule interrogante populus annuebat. Consequentia probatur. Quia acceptatio aliud non est quam usus re. epio (in casu quo offertur occasio legem observandi) seu actualis observantia legis: ergo obligatio ad acceptandum est obligatio ad patendum.

25. DICENDUM 2. Neque ad obligationem legis Civilis est necessaria acceptatio populi. Ità plures, quos se iuratur Baldellus & Pilsio. Probat. Quia, esto Princeps accepit suam potestatem à populo, non tamen accepit ità limitatam & mancanti, ut non posset obligare: nisi accedente consensu populi, ob rationem paulò antè ponderatam.

Confirmatur. Potest Princeps transgressores primò statim punire, ut statuerit adversi: ergo erant Legè constituti: nam ut habet Juris Regula 23. in 6. *Sine culpa non est aliquis puniendus*. haberet enim transgressori justam excusationem, dicendo, Legem nondum esse à majore parte communitatis usum receptam, ac proinde non obligare. Hinc

26. Infertur, quòd defuncto, nisi aliud exprimitur, censeri debet: Legislator velle obligare non expectatà acceptatione. Colligitur ex eo, quòd primi transgressores non minus puniantur, quam posteriores.

27. Non obstat primò illud Gratiani c. 2.

dist. 4. *Leges constituuntur, cum promulgantur, firmiter, cum moribus utentium approbantur*. Nam, ut taceam textum hunc non esse canonizatum, sensus non est, quòd moribus utentium accipiant vim Legis, nam potius contrarium supponitur, dum dicuntur Leges constitui promulgatione. dicuntur ergo firmari hoc sensu, quòd licet ante acceptationem habeant vim obligandi, ea tamen vis non est adhuc stabilis, nisi accedat acceptatio, ità ut ex populi usu constet eas dignas esse, quæ perennent, & non abrogentur, sicut abrogandæ essent, si moribus non convenire deprehenderentur, imò ipso non usu abrogarentur: unde communis habet Sententia, quòd stabilitatem accipiant primò post decennium à promulgatione, intra quod si usu non recipiantur, dicuntur Desuetudine abrogatæ, etiam si Legislator ne fiat hanc frequentem transgressionem. Si verò fuerint intra decennium acceptæ, jam non possunt amplius desuetudine abrogari, sed

opus est, ut consuetudine contrarià intra legitimum tempus præscribatur, ut suo loco dicitur.

28. Non obstat 2. Lex de quibus: ff. de Legibus, ubi dicitur: *Leges nullà alià de causà nos tenent, quàm quòd iudicio populi receptæ sint*. Ex ipso enim contextu constat de sentu verborum, quòd nimirum in tantum nos teneant Leges stabiliter, in quantum per desuetudinem non sunt abrogatæ, nec contrarià consuetudine præscriptæ.

29. Ex dictis intelligi potest, quo sensu accipiendum, & verum esse possit, quòd frequenter dicitur, hanc vel illam Bullam non esse in Germania receptam: tunc enim verum erit, quando ipatio longitemporis (quod in Jure est decennium) per non usum desuetudine est abrogata.

30. DICO 3. Quando violatio Legis ab initio statim est valde frequens in majore parte populi, & Legislator sciens non punit, cum punire possit, excusantur reliqui ab observatione Legis etiam ante elapsum decennium, & abrogationem Legis per desuetudinem. Ratio est, quia cum per hujusmodi frequentem transgressionem jam incipiat aliquarens apparere, quòd Lex moribus subditorum non sit accommodata, prudenter præsumitur de Legislatoris tacito consensu, quo vult Legis obligationem suspendere, donec vel plenè appareat Legis inconvenientia, vel an levi usu recipiatur, & firmetur.

31. QUÆRES, quo sensu accipitur *major pars* communitatis aut populi, ut dicantur Lex vel usu recipi, vel abrogari. Ratio dubitandi est, quia si ità nudè & simpliciter sumenda esset, sequeretur, hoc ipso, v. g. Germaniam aliquà Legè teneri, si illa à cæteris omnibus provinciis & regnis esset recepta, cum tamen contrarium constet; nam Tridentinum quoad Decreta ad reformationem spectantia non sit eprum in Gallia, & sic de aliis. Ad hoc quæsitum insinuat responsum Azor lib. 5. c. 4. q. 3. his verbis. *Quantò variaz ac multæ provinciæ uni Principi subiectæ sunt diversarum gentium, sæpè diversis moribus, ritibus, caeremoniis & legibus utuntur, ac proinde tunc non sufficit, si Legem major pars provinciarum recipiat, ut in aliis quæque provinciis usu recepta habeatur*. Ità Azor: quorum sensus est, majorem partem Communitatis debere esse respectivè ad talem provinciam, seu in tali provincia, cujus mores vivendique ratio exigunt habere leges proprias, eò quòd in una provincia difficillimum esse possit, quod in alia non est specialiter difficile observatu. Eadem mens est

P. Valentis *diff. 7. q. 5. p. 5. q. 5.* cujus verba ob prolixitatem non transcribo.





CONTROVERSIA IV.

*Qualis possit esse Forma vel Materia Legis humanæ.*

SUMMARIVM.

**L**ex debet reipsa esse utilis bono communi. Et pro utilitate stat præsumptio, quando contrarium non est evidens. 32.

Non est de essentia Legis, esse scripto comprehensam. 34.

Sententia decisiva litis à Principe lata an habeat vim legis. disting. 35.

Quanam possit esse materia legis. an actus merè interni. 36.

32. **C**ertum est, Legem, ad hoc, ut, per se loquendo, obliget, debere non solum videri Legislatori utilem ad bonum commune promovendum, verum etiam reipsa esse: unde si alicui evidenter, aut ex revelatione divina constaret, legem esse inutilem, non teneretur lege, per se loquendo, sed forte per accidens ratione scandalii. Vix tamen contingere potest, quin subditi lege teneantur, quando ejus utilitas in evidens est: nam in hoc puncto tenentur subditi suum judicium subicere judicio superiorum; & prudentia dicitur, subditum debere in re obscura potius præsumere, Superiorem non errare, etiamsi subditum lateat æquitas legis, eò quod superiores multa noverint arcana, quæ subditos scire non expedit. Sanè si licitum esset cuivis subditorum, seipsam judicem constituere super æquitate legis, quis non videret, quanta confusio & perturbatio nascitura esset? ergo non debet in subditis esse hæc licentia, ut constet ex nostra regula moralitatis tradita l. 2. *Th. Spec.* nempe ea non licere, quorum licentia plus mali afferret quàm boni.

33. **DUBITATUR** 1. circa formam Legis, an Lex debeat ferri scripto. Ratio dubitandi est, quia Jus tam Civile quàm Canonicum dividitur in *Scriptum* & *Non Scriptum*, & per Jus Scriptum intelliguntur Leges à Superiore constitutæ: per Jus non Scriptum intelliguntur Consuetudines, quæ vim Legis habent.

34. Ad dubium responderetur. Etsi conveniens sit, Leges scripto comprehendere, id tamen non est de Natura Legis prout hæc differt à Consuetudine, sicut nec econtra de natura Consuetudinis est, ut non sit scripto comprehensa. Prima pars constat ex Legibus Christi & Apostolorum, quæ obligabant, antequam scripto comprehenderentur. deinde constat ex ipso Jure tam Civili quàm Canonico. Nam cap. Institutionis 25. q. 2. dicitur: *Institutionis nostre decreta*, sive quæ scripto decernimus, sive quæ in nostra præsentia videntur esse disposita, nolumus ex quavis occasione convelli aut irritari. & in §. sed

*Quod. Instit. de Jure Nat. G. & C.* habetur: *Quodcumque ergo Imperator per Epistolam constituit, vel cognoscens decrevit, vel edicto præcepit, Legem esse constat.* Altera pars constat ex Jure Feudali quod Corpori Juris insertum est, & tamen Jus Consuetudinarium est.

Quod ergo Jus Consuetudinarium vocetur Jus non Scriptum, Lex verò Jus Scriptum, est denominatio à priori.

35. Occasione hujus quaeritur, an vim Legis habeat Sententia decisiva litis à Principe lata, ita ut in similibus casibus alii inferiores Iudices illam Principis decisionem tanquam legem sequi teneantur. Afirmat communis sententia. Negat Covarruvias, Suarez, Palao, sed cum distinctione. Nam si Princeps aliquo signo declararet, se suam decisionem deinceps pro lege haberi velle, utique vim legis haberet; & hujusmodi sunt plures leges Juris Canonici & Civili, quæ à principio erant Sententiæ Pontificum & Imperatorum, sed postquam eorundem voluntate Corpori Juris insertæ sunt, leges evaserunt. Absque hoc autem negandum est habere vim legis, quia Decisio per se & formaliter tribuit Jus partibus litigantibus, Lex verò inducit obligationem communem, respiciens bonum commune in futurum.

36. **DUBITATUR** 2. Quanam possit esse materia Legis. 1. Non tantum actus Iustitiæ, sed etiam aliarum virtutum præcipi possunt, non solum Lege Ecclesiastica, sed etiam Civili. 2. Actus merè interni Lex humana non potest præcipere. colligitur ex *can. 1. 15. q. 6. & cap. sicut: de Simonia, & cap. tua nos. eod. tit. & leg. 18. ff. de Pœnis*, ubi ratio indicatur: quia cum actus interni ex se sint insensibiles, non possunt à sensibili regimine gubernari, puniri, aut præmiari, & consequenter non debent posse præcipi. Excipiuntur tamen Superiores Regularium, qui vigore voti obedientiæ possunt etiam actus merè internos præcipere, v. g. determinatam intentionem. Neque refert, quod in istis videatur æquè procedere ratio allata, quod puniri, præmiarique non possint. Ratio enim hæc procedit de illis legibus, quæ primariò spectant bonum publicum, & non privatum singulorum. 3. Possunt tamen actus interni præcipi, in quantum per se conjunguntur actui externo, à quo possunt manifestari, tanquam ab effectu, vel cui tribuntur tanquam forma essentialis moralem estimationem, v. g. quando lex civilis præcipit venditionem frumenti, utique præcipit voluntatem transferendi dominium: item quando Ecclesia præcipit auditionem Missæ, Confessionem &c. præcipit attentionem, dolorem &c. quia hi actus sunt necessarii, ut quis dicatur moraliter audivisse Missam, Sacramentum Pœnitentiæ recepisse.

Ratio ulterior est, quia licet finis legis non cadat sub legem, potest adhuc Legislator præcipere

pere totam substantiam actus idonei ad finem aliquo modo obtinendum : v. g. si ludæis præcipitur auditio Concionis, finis legis est, ut convertantur, & licet non hoc ipso obligentur tali præcepto ad suscipiendum baptismum, obligantur tamen ad auditionem concionis, utpote idoneam ad conversionem : unde non fatiscerent, si præfentes alia tractarent, quæ attentionem impedirent.

## CONTROVERSIA V.

*Quam vim obligandi habeant Leges humanae, ubi de Lege Pœnali.*

### SVMMARIVM.

**L**ex tam Civilis quam Canonica potest obligare in conscientia. 37.

Vnde colligendum, quod Legislator velit obligare in conscientia. 39.

Pnde colligenda gravitas materiae. 44.

Quanam dicantur Leges Pœnales. 42.

Lex continens verba præceptiva vel prohibitoria, etiamsi deinde adjiciatur pœna, censeri debet obligare in conscientia, si id patitur legis materia. 45.

Leges pœnales quandoque obligant in conscientia. 46.

Non tamen omnes. 47.

Regula imponendi obligationem in conscientia diversa statuitur pro diversitate personarum. 48.

Quanto cum incommodo obligent Leges humanae. 50.

Qualem intentionem habere debeat subditus in observatione Legis. 51.

37. **Q**UÆRITVR 1. An Lex tam Civilis quam Canonica possit obligare in conscientia, & sub peccato mortali. 37. Affirmativè contra Gersonem & Almainum, videturque aliquibus esse de fide, propter illud S. Pauli ad Rom. 13. *Omnis anima potestatibus sublimioribus subdita sit, & qui potestati resistit Dei ordinationi resistit.* De Lege Canonica quidem sensus fidelium omnium est, se sub peccato teneri ad jejunia præcepta, ad audiendam Missam die festo. Quoad Potestatem Civilem id ipsum indubitatum est. Nam talis obligandi potestas est omnino necessaria ad rectam gubernationem instituendam : si enim Leges omnes non nisi sub pœna temporali & à Legislatore infligenda teterent, quis rem secum considerans non advertit, quàm rara futura esset observantia, quor occulæ transgressiones ? ut proinde finis Legis plerumque non obtineretur.

38. Néque refert, quod Magistratus Civilis non adeo immediatè sit institutus à Deo, sicut Potestas Ecclesiastica, sed aliquo modo habeatur à populi spontanea subiectione. Deus enim quam voluntatem accommodat, & declarat sibi

graviter displicere illud, quod Magistratus vult esse graviter prohibitum ; sicut voluntas contrahentium inducit obligationem in conscientia, quatenus eà posita Deo displicet omnis actus contrarius, ut declarabitur in tractatu de Contractibus. Et hinc, licet ipse Legislator non possit infligere pœnam æternam, potest tamen, ex ordinatione supremæ Potestatis divinæ, reddere actum aliquem dignum æternâ pœnâ à Deo infligenda : nam reverà etiam potestas Civilis est à Deo, sed suppositâ electione, & consensu subditorum, penes quos est determinare formam Regiminis & Reipublicæ.

39. **Q**UÆRITVR 2. Vnde colligi possit, quod Legislator velit suâ Lege sub mortali obligare. Aliqui volunt, id colligendum esse ex vocabulis, cujusmodi sunt, *Præcipimus : præcipiendo mandamus : jubemus : obligamus : inhibemus : vetamus : prohibemus : interdicimus : teneantur : debeant : necesse est : non liceat : & similia.* Verùm alii meritò notant hanc non esse regulam universalem. Cum enim Legislator possit etiam in materia gravi velle solum leviter obligare, & tamen uti hujusmodi vocabulis, nihil poterit sufficienter ex his vocabulis discerni : quamvis ut plurimum possit hæc Regula observari pro praxi.

40. Alii communius dicunt, tunc Legem obligare sub mortali, quando versatur in materia gravi, & Legislator non declarat intentionem contrariam. Verùm, ipsa materiæ gravitas unde colligenda sit, est ulterius declarandum : v. g. unde colligendum sit, quòd auditio Missæ, jejunium unius diei, recitatio horarum canonicarum unius diei, sit materia gravis, non item sermocinatio cum excommunicato sufficiens ad incurrendam minorem excommunicationem, quæ tamen non sit peccatum mortale.

41. Gravitas ergo Materiæ colligenda est ex fine quem Legislator per Legem intendit, ità ut sine gravi obligatione non esset spes magna finem illum obrinendi. Cum enim potestas obligandi ideo instituta sit, ut ubi comminatio pœnæ non potest sufficienter abstertere, pondus addat obligatio in conscientia, quam multi plures faciunt quàm pœnam temporalem, tunc Legislator censetur velle graviter obligare, quando talis obligatio est necessaria ad finem à Lege intentum, & valde conducentem ad Reipublicæ felicitatem, cujusmodi sunt Pax, Justitia, Religio, &c. Hinc fit, ut materia, quæ secundum se non esset gravis, in certis circumstantiis gravis evadat, quia est necessaria ad felicitatem Reipublicæ promovendam : v. g. extractio frumenti tempore famis, distractio armorum aut equorum extra regnum tempore belli ; absentia Medicorum tempore pestis, & similia.

42. Controversia gravis est, utrum Leges pœnales, & quænam ceteri debeant obligare in conscientia. Pro quo scien tum est, Leges pœnales in

les in genere illas dici, quæ minantur pœnam aliquam temporalem transgressoribus. Dividuntur in mixtas, & purè pœnales: Mixtæ dicuntur, quæ duo habent membra, quorum primo aliquid juberetur aut vecatur, altero adjicitur pœna transgressoribus. v. g. *Nemo frumentum evehat ex Imperio: si quis evexerit, ejus bona confiscabuntur.* Purè pœnales solius pœnæ mentionem faciunt. v. g. *Qui ligna in tali sylva ceciderit, centum imperialibus multabitur.*

43. Prima Sententia est, nullam Legem pœnalem obligare in conscientia, si aliunde non constet, Legislatorem velle etiam in conscientia obligare. Dixi: *Si aliunde non constet.* Si enim Lex Ecclesiastica diceret *Sacerdos: qui talia arma gestaverit, suspendatur:* vel: *si ipso facto suspensus:* esset quidem purè pœnalis, sed absq; dubio obligaret in conscientia. cùm enim censura Suspensionis infligi non possit, nisi ob culpam gravem, & tamen ex natura rei non esset fortè culpa gravissima talia arma, sequitur talis Legis hunc sententia esse: *Sub gravi culpa, pœnà suspensionis pœnitiendâ, prohibemus Sacerdotibus talia arma, venationes &c.* Sententia hæc est inter alios Navarri, c. 25. num. 55. & seqq; & in eam propendit P. Valentia, disp. 7. q. 5. p. 6.

Secunda Sententia distinguit, & affirmat de Legibus mixtis, negat de Legibus purè pœnalibus. Est communis Recentiorum, Valquez, Sanchez, Suarez, Azor. Granad. Castro Palao, tract. 3. d. 1. p. 15. n. 8. & 10.

44. Tertia Sententia est, omnes omnino Leges pœnales obligare etiam in conscientia, præciudendo adhuc ab obligatione ad pœnam (de qua est specialis difficultas.) Ità post plures alios Salas, disp. 35. s. 1. n. 13. qui tamen denique n. 18. ità suam Sententiam limitat vel declarat, ut in effectu & ad praxin nihil à secunda differre videatur. Reducit enim Leges, quas alij purè pœnales vocant, ad Leges conventionales, quas negat obligare in conscientia, non obstante, quòd Lex injungat aliquid nomine pœnæ: nam ex fine (inquit) Legislatoris, & qualitate materiæ colligitur, quòd Lex solùm velit nimiam licentiam frænare, ne, v. g. cedendo ligna, venando, &c. nimia strages fiat in montibus, sylvis, pascuis, &c. vel ex illis bonis excerpere aliquam utilitatem pro communibus expensis & sumptibus.

45. DICO 1. Omnis Lex continens verba præceptiva, vel prohibitoria, etiamsi deinde adjiciatur pœna, censeri debet obligare in conscientia, si id patitur Legis materia, & Legislator aliud non declarat, prout declarârunt aliqui fundatores Religionum, nolentes obligari subditos regulis suis. Probatur. Verba sunt interpretis mentis: ergo si verba sonant Legem propriè dictam, hoc est, obligatoriam, mens quòque Legislatoris talis esse præsumenda est, alioquin innumeræ Leges eludantur, cùm vix ullà Lege in

terminis formalibus exprimitur obligatio sub culpa mortali.

46. DICO 2. Leges purè pœnales quandoque obligant in conscientia, & hoc tribuo tertiæ Sententiæ. Probatur. Quia sæpè earum materia talis est, ut ad finem per eas intentum non sufficeret præcisè minari pœnam illis qui deprehenduntur, sed opus est ut conscientia gravetur: est enim quandoque Lex circa materiam talem, v. g. circa venationem, ut ad eam boni æquè ac mali alliciantur: cùm ergo boni magis moveantur honestate, & absterreantur inhonestate, mali autem contra pœnis solum terreatur, juxta illud Horatii: *Oderunt peccare boni virtutis amore: oderunt peccare mali formidine pœnæ:* requirit legis materia, ut lex etiam conscientias gravet; ergo censetur ea esse mens Legislatoris, quia præsumendus est obligare velle meliore modo qua res exigit. Hujusmodi leges existimo esse, quæ severe puniri jubent jaculatores ferarum; adeo enim talibus videmus indignari Principes, ob perniciosos effectus, qui ex tali licentia timendi sunt, ut deprehensi parùm abint ab infamiz nota: neque credo huic conclusioni adversari velle auctores præmæ & secunæ sententiæ.

47. DICO 3. Non omnes tamen leges verbi purè pœnalibus conceptæ obligant in conscientia, & hoc tribuo secundæ sententiæ. Probatur. Quandoque materia talis est, ad quam rarissimè alliciantur boni, aut si alliciuntur, ex bono fine feruntur: (ponimus autem materiam esse ex natura rei indifferentem) in tali casu non expedit gravari conscientias, esset enim illaqueare conscientias sine fructu: nam mali talem obligationem flocci pendunt, à bonis autem non imminet illud malum, ad quod cavendum lex fertur: ergo lex tantùm fertur ad absterrendos malos, respectu quorum unicè vim habet terminatio pœnæ. Hujusmodi lex esset, quæ pœnam taxaret gravem ambulanti bus noctu sine lumine: cùm enim homines honesti non soleant noctu per plateas vagari, & tamen contingat eos ex causa sine lumine quandoque incedere, non debet propter hos imponi obligatio in conscientia, à quibus non timeatur illa incommoda, ad quæ impedienda lex ferretur.

Quæ hæcenus diximus, ad dirigendas subditorum conscientias faciunt. Quodsi Legislator ex me querat, quænam ipsi Regula præ oculis habenda sit in imponenda obligatione in conscientia, vel solà pœnâ, Respondeo &

48. DICO 4. Ex circumstantia Personarum quibus lex fertur, id pendet, ut jam insinuatum est, & nunc declaratur in triplici genere personarum, nempe, communium civium, militum, & incarcerationum. Cives communiter nec sunt pessimæ, nec etiam tenuerrimæ conscientiæ, sed alij boni, alij mali: ergo ità expedit civibus ferre legem, ut & bonos & malos aliquâ

ratione ad observationem compellat, & à transgressione absterreat: quia verò communiter non potest fieri bonorum à malis discretio, expedit in omnes aequaliter ferri legem obligantem ad culpam & ad poenam, nisi, ut jam monui, aliud ipsa materia suaderet.

Econtra pro militibus communiter expedit non ferri nisi legem comminatoriam poenae etiam gravissimae, pro delictis aliocum secundum se levissimis, absque tamen obligatione in conscientia. Quia in militari disciplina saepe minimi quoad apparentiam defectus evaderent gravissimi & periculosissimi, si impunè fieri possent, & non gravissima poenà plederentur, cum hoc hominum genus levibus poenis non absterreatur. Non tamen expedit eos obligari in conscientia: quia militum plerique hujusmodi obligationem nihili facerent, imò plerumque ignorarent.

49. Simili modo de incarceratis discurre potest: Nam amor propriae vitae tantus est, ut grave nimis esset, & impar humanarum conditioni, si lege humana possent obligari in conscientia ad non tentandam fugam. Quia verò effractio carceris est culpa quaedam politica, debebat saltem comminatione poenae posse coerceri, quia talis poena non est certò infligenda, sed dubia, nempe si fugitivus iterum comprehendatur, quod periculum debet subire, & si comparetur cum spe elabendi, non est nimium.

50. QUÆRITUR nunc 3. Quanto cum incommodo teneatur quis humanam legem observare. 2. Attendendum esse finem, quem primariò intendit Legislator: si enim intendat primariò bonum privatum singulorum, ut est præceptum audiendi Missam, jejunandi, solvendi decimas &c. non obligant cum gravi detrimento rei familiaris, honoris &c. at verò si primariò intendat bonum commune, cuius necessitas urgeat, potest lex humana obligare etiam cum manifesto periculo vitae, ut fit tempore belli, & impugnationis urbium, ubi cives obligantur ad defendenda mœnia. An autem huc pertineant leges, quæ communi ritum sacrum concernunt, ut, miscere aquam vino consecrando, celebrare in vestibus sacris, in azymo &c. dubium est: affirmat Ferdinandus à Castro Palao obligare cum periculo vitae, etiam quando abest scandalum & contemptus Religionis. Quod mihi difficile est: verum quia in praxi casus non facillè occurrunt, non est immorandum. Quodsi hoc ab hæreticis exigeretur, esset utique etiam cum vitae jactura oblitendum, quia exigerent in contemptum Religionis.

51. QUÆRITUR 4. Qualem intentionem habere debeat subditus in observatione legis. 2. 1. In implendis præceptis negativis nulla requiritur intentio, sed satis est, non fecisse id, quod prohibetur: ut: non furari, non mæchari &c. 2. In implendis præceptis affirmativis ut deobligaris, nec illis amplius te-

nearis, non est necesse, ut reflexè intendas satisfacere præcepto, sive: facere hoc, quia præceptum est: sed satis est, si rem illam quæ præcepta est, & cum illa integritate quæ præcepta est, facias, etiamsi non memineris præcepti, imò etiamsi expressum actum haberes, te hac vice nolle satisfacere præcepto, v.g. te nolle hujus sacri auditione satisfacere præcepto Ecclesiae, tunc inquam adhuc satisfaceres, possesque deinde nolle aliud audire, si abist erronea conscientia. Ratio est, quia Lex plus non intendit, quàm ut ponatur auditio sacri, hoc enim satis est ad finem legis: ergo hoc obtento Lex quiescit. Extendit hoc Castro Palao ad satisfactionem voti & poenitentiae injunctæ à Confessario. 2. 3. Satisfieri etiam præcepto per actum qui ex circumstantia extrinseca vitiatur: ut, si jejunes ex vana gloria. Sola enim substantia actus, non modus præcipitur.

## CONTROVERSIA VI.

### Quanam Persona Legibus obligentur?

#### §. I.

#### De Persona Legislatoris.

#### S Y M M A R I U M.

Quomodo Legislator ipse suis legibus teneatur. 52. 54.

Duplex vis legum, Directiva, Coactiva. eod.

Non peccat mortaliter, violando sine causa. 55.

Quando teneatur se conformare legibus municipalibus. 56.

An Princeps teneatur suis legibus irritantibus. 57.

Ad legis transgressionem quandoque sufficit, actum in territorio consummari, qui extra positus est. 58.

Non potest aliocum Lex obligare existentes extra territorium. 59.

Quomodo intelligendum: Extra territorium jus dicenti. &c. 60.

Discrimen inter Præceptum & Legem quoad hoc puniendum. 63.

Peregrini legibus sui territorii non tenentur. 65.

An, si tempus legis incipit, tenearis ante discessum ex domicili loco legem implere.

Cum distinctione responderetur. 66.

Quid si Lex obliget ad actionem divisibilem indivisibiliter. 68.

Quid si quis rediret ad locum domicilii ubi Lex obligat illo die? 70.

Quid si legem alibi implevit, & redit ad locum, ubi obligatio necdum cepit. 36.

An leges respicientes delictum in territorio consummatum, teneant delinquentes extra territorium existentes. 72.

An peregrini teneantur legibus loci per quem transiunt. 73.



An excipiantur contractus dotales, & contractus alii quorum executio vel ex natura sua vel ex intentione contrahentium in alium locum designata est. 74.

Quomodo intelligendum. Non videtur abesse, qui brevi est reverentur. eod.

Etiā in alieno loco observanda leges illius loci communes cum loco domicilii. 75.

Item ille qui late sunt ad cavendum speciale damnum illius loci. eod.

Extra casus relatos non obligantur peregrini. 76.

Ubi tenentur legibus locorum per quae transiunt. 79.

An Clerici & Religiosi possint Legibus Civilibus dire-  
cte obligari. 80.

Obligatio observandi illas leges non provenit adaequa-  
te & unice à lege naturali obligante ad conformi-  
tatem. 83.

Peccatis omni obligatione proveniente à legibus civi-  
libus adhuc tenentur illas observare, ex eo quod  
Pontifex eas tacite approbet. 84. 85.

Legibus municipalibus quae sunt contra Jus commune,  
non iudicantur. 88.

Pueri infantiae proximi possunt incurrere excommuni-  
cationem canonis. 90.

Idem de aliis censuris dicendum. 92.

Etiā si malitia suppleret aetatem, adhuc infantes  
non tenentur legibus. 94.

Ebrii legibus comprehenduntur, sicut & qui per in-  
tervalia delirant. 95.

52. QVÆRITVR 1. Utrum & quomodo  
Legislator ipse suis Legibus teneatur. Est  
autem sermo de illis Legibus, quarum observantia  
possit ipsum Principem decere. Pro resolutione  
Observandum est, duplicem vim iussive Legi-  
bus, quarum una vocatur *Directiva*, estque ipsa  
vis obligandi in conscientia; altera vocatur *Co-  
activa*, in quantum facit reum poenae à Legislatore  
infligendae transgressori. Certum est Legisla-  
torem non teneri suis Legibus quoad vim coacti-  
vam, accipiendo Legislatorem adaequatum; à  
quonam enim cogitur ad sustinendam poenam,  
cum respectu Legis à se late superiorem non  
agnoscat, & ad ipsum pertineat transgressores  
etiā invitos punire? nemo enim seipsum potest  
punire proprie loquendo, cum Iustitia vindica-  
tiva sit ad alterum inferiorem, quem etiā in vi-  
tum punire potest.

53. Dixi accipiendo Legislatorem adaequa-  
tum. Nam qui est pars feu membrum constitu-  
ens cum alijs Magistratum, consideratus ut priva-  
tus tenetur Legibus à se partialiter latis, non mi-  
nus quam ceteri subditi. Sic Episcopi subiecti  
sunt Legibus Conciliorum quibus interfuerunt;  
nam seorsum sumpti subfunt Concilio. idem di-  
cendum de Praefato constituyente Leges cum toto  
Capitulo. Restat ergo questio de vi directiva, de  
qua affirmant Suarez, Lessius, Bonacina, Laym.

54. Probabilior tamen opinio est nega-  
tiva, scilicet, Legislatorem non teneri sua Lege  
directe, proprie & ex virtute per Legem inveni-  
ta, sed occasione Legis late teneri Lege naturali,

& ex virtute potestativa se cum subditi conformare, ijsque exemplo pætere. Itā tenent Azor, Salas, Palao. Probatum. quia talis obligatio esset planè clumbis, utpote quam Legislator in seipso tollere posset ad libitum, & toties tollere per dispensationem censeretur, quoties vellet Legem non servare. Esset ergo non magis efficax ad stringendum, quam si Legislator ferebat Legem subditi, factā simul declaratione, quod cum singulis dispenseret conditionatè, toties quoties noluerint Legem servare, quod ex terminis esset inconveniens. Rectius ergo dicitur, quod solum obligetur lege naturali; conformandi se cum subditi, tanquam caput cum membris, in illis, in quibus ipse vellet membra gravare, prout bene expressit Paul. Jure Consultus in l. 3. ff. de Legatiis. 3. Decretantia Majestatis eas servare Leges, quibus ipse solutus esse videtur. quin & ipsi Imperatores Antoninus & Severus Injiti. quibus mod. ressam. Infirm. dicunt: Licet Legibus soluti simus, attamen Legibus vivimus.

55. QVÆRES 2. Utrum Legislator peccet mortaliter suam Legem sine causa violando, & Negative, si absit scandalum, aut aliud grave damnum alterius, aut circumstantia inducens aliam speciem peccati. Ratio est, quia non est gravis ordinatio, si Legislator, cessante scandalo, & aliā ratione extrinsecā jam indicatā semel iterumque recedat à conformitate cum subditi.

56. QVÆRES 3. Utrum teneatur Legislator se conformare legibus particularibus seu municipalibus à se confirmatis, si in illa provincia existat. & Negative: cum enim sit etiam caput alterius provinciae non habentis tales Leges, potest se huius conformare, semper tamen secus scandalum, vel damno alterius, &c. Nam si Princeps in aliqua Provincia haeres scriberetur, teneretur ad omnia onera hereditaria legibus à se conditis introducta, arg. legis 2. ff. de officio Procuratoris Caesaris vel rationalis. Quod si inquit Paulus IC., ea bona ex quibus Imperator haeres institutus est, solvendo non sint, re perspectā consultus Imperator: haereditas enim institui in adeundis vel repudiandis huiusmodi hereditatibus volumus exploranda est. Quamvis in hoc casu videatur Princeps adeundo hereditatem ex tacito pacto, & ut persona privata teneri.

57. QVÆRES 4. An Princeps teneatur suis Legibus irritantibus aliquem contractum aut dispositionem, v.g. si Princeps esset usurarius, an ejus testamentum esset nullum vigore legis irritantis testamentum usurariorum: item an Principis testamentum, carens solennitatibus, esset nullum. P. Suarez in priore casu negat, quia irritatio ibi habet rat' onem poenae, in posteriore concedit; quod tamen mihi non placet. Si enim Princeps potest autoritate sua supplere omnes defectus testamenti alterius, quidni defectus testamenti proprii? Nullus ergo actus principis est irritus ex lege ab ipso Principe à

ea. Dixi: *Actus Principis*. unde non est ad rem ille casus quem aliqui in contrarium afferunt, nempe, quod testamentum hominis privati, quo Principem heredem scripsisset sine debitis solemnitatibus, esset nullum. Nam hic actus est quidem circa principem, sed non est actus principis. Hinc infertur, quod beneficium à Papa simoniacè obtentum posset retineri, quia interveniret actus Papæ, nempe collatio si non niaci, ut tenet Lessius. lib. 2. de Just. c. 35. dub. 5. contra Adrianum & Jo. Andream.

## §. II.

*De Peregrinis seu Forensibus: declaratur axioma juris ex cap. 2. de Conflit. in 6. extra territorium jus dicenti &c.*

18. **Q**UÆRITUR 1. utrum de Natura Legis sit, ut non liget nisi existentes intra territorium, vel an possit condici Lex obligans etiam existentes extra territorium; hoc est, ita ut subditus violans legem extra Legislatoris territorium, peccet contra legem, vel incurrat censuram latam in transgressores.

Imprimis non est necesse, ut transgressor semper existat physicè intra territorium, sed quandoque committitur in legem, quatenus effectus qui vel præcipitur vel prohibetur, non ponitur, vel ponitur in territorio, & sic transgressio legis in territorio consummatur. v. g. Canonici absens eo tempore quo deberet adesse suæ Ecclesiæ ponit existens extra territorium effectum prohibendum, nempe absentiam intra territorium, seu, quod idem est, non ponit effectum præceptum, nempe præsentiam, & sic moraliter censetur delinquere intra territorium: ibi enim censetur aliquis delinquere, ubi non facit, quod ibi facere deberet: arg. leg. 121. ff. de R. l. Qui non facit, quod facere debet, videtur facere adversus ea, quia non facit. Et qui facit, quod facere non debet, non videtur facere id, quod facere iussus est. Ratio autem est, quia nisi taliter obligare posset Legislator existentes extra territorium, non posset satis providere commodis & utilitati sui territorii; unde valent statuta prohibentia exerceri mercatutam extra territorium, & similia. De hoc iterum infra, n. 72. Nunc circa quæsitum

Prima sententia affirmat posse legem obligare etiam extra territorium existentes; v. g. posset Episcopus per statutum generale infligere excommunicationis censuram omnibus abigeis, prædonibus &c. ita ut etiam extra territorium delinquentes censuram incurrerent. Ità sentiunt Salas d. 14. §. 7. n. 90. Basilus Pontius l. 5. de Marr. c. 7. §. 2. & Ferd. à Castro Palao. p. 24. §. 5. à n. 21.

59. Secunda & communis, mihi quæ vera sententia, negat posse legem obligare existentes extra territorium.

Probatur autoritate Bonifacii VIII. in cap. ut animarum. 2. de Conflit. in 6. cujus hæc verba sunt. *Statuto Episcopi, quo in omnes qui furum commiserunt, excommunicationis sententia promulgatur, subditi ejus furum extra ipsius diocesis committentes minime ligari noscuntur, cum extra territorium jus dicenti non pareatur impune.*

60. Respondet Palao, non esse contentiosam Jurisdictionem (de qua sola intelligendum esse dictum axioma omnes fatentur) quæ redditur in invitum præcisè (ut communiter distingui solet à Jurisdictione non contentiosa) sed quæ indiget testibus, citatione, aut aliâ juris solemnitate. quando ergo solim pen det obligatio à voluntate obligantis, non contentiosa, sed voluntaria Jurisdictio censenda est.

Verum, si hæc responsio solida esset, inepta fuisset consequentia Pontificis: *Extra territorium jus dicenti* (per citationem, testium receptionem, &c.) non pareatur impune. Ergo statum fulminans excommunicationem in fures, non ligat furantes extra territorium. Nam ipsi adversarii tradunt (& est certissimum) posse incurrere excommunicationem absque citatione &c. est ergo hæc interpretatio frivola & arbitraria.

61. Obijciunt. Non est ul'a ratio, cur possit Superiori suo præcepto tam speciali quam generali obligare subditum extra territorium existentem, & non possit etiam lege aut statuto, sed illud prius posse fatentur committere omnes, v. g. si Superior imponeret alicui præceptum non ludendi aleis, violaret præceptum etiam extra territorium ludens aleis: Ergo &c.

Ad hanc objectionem respondent R.R. P. *Enricus Pirhing. asserti. 6. Can. th. 13. Layman l. 1. Decret. in cit. cap. n. 3.* communiter post Suarez, differentiam esse inter legem seu statutum, & præceptum Superioris, quia lex sive statutum cum perpetuam ac stabilem obligationem habere debeat, directè ac immediatè afficere censetur territorium Legislatoris, indeque in personas subditas ibi existentes fertur: præceptum verò directè & immediatè tendit in personas subiectas secundum se earumque velut ossibus coheret, ideoque illas obligat & afficit, ubicunque existant.

62. Hæc tamen responsio, & disparitas, nullâ ratione satisfacit, nisi aliud addatur. infringitur enim ex Regulis seu Constitutionibus Religionum obligationem inducentibus in conscientia, quæto enim ex adversariis, vel habent rationem Legis, vel tantum rationem præcepti: quidquid dixerint, destrunt datam responsionem: si enim velint esse Leges seu statuta; ergo etiam Lex potest inhaerere ossibus subditorum. Nam illi Regula obligant, ubicunque subditus existat: si velint esse Præcepta: ergo Præceptum potest etiam habere obligationem stabilem & perpetuam (talem enim habet ille regulæ) ergo ex hac stabilitate male in-

feretur, quod lex non adhareat ossibus subditorum, sed glebe territorii. Uno verbo, responsio dat pro ratione, quod est in questione, & petit principium, quod etiam notavit Salas.

63. Alia ergo discriminis ratio reddenda est ex diverso fine Legis & Præcepti; ex quo Lex & Præceptum differunt. Lex enim respicit ultimum felicitatem territorii, in quo Legislatores constitutus est caput ad illam suis legibus procurandam; quare potestatem ferendi leges non aliam accepit, quam in quantum ea necessaria est ad huiusmodi felicitatem promovendam: ad hanc autem nihil conducere (per se loquendo) potestas ligandi subditos extra territorium, quia transgressio Legis non redundaret nisi in detrimentum alterius territorii, per se loquendo, ut patet in casu capituli relato. Præceptum verò ultimum sistit (formaliter acceptum) in bono subditi, & promotione felicitatis propriæ illius, ut est persona particularis & privata, cui expedit posse ubique locorum obligari: & ideo expedit, ut præcepti obligatio inhareat ossibus illius.

64. QUÆRITUR nunc 2. utrum Peregrini legibus sui territorii teneantur, si alibi morentur, ubi ejusmodi leges non vigent. v.g. in diocesi Tridentina hodie est dies jejunii, qui tamē non est in diocesi Mediolanensi: si Tridentinus Mediolani versetur, tenebitur ne lege jejunii? R. Negativè, contra quosdam antiquiores apud Salas. Solet communiter ab *Authoribus paulo ante cit.* ratio reddi ex axioma paulo ante declarato: *Extra territorium jus dicenti impune non paretur.* Nam sicut agentia naturalia non agunt ultra suam sphaeram, ita nec agentia moralia, v.g. Legislatores non agunt ultra suum territorium.

65. Verum hæc ratio non est universalis, quia non procedit de Legislatore, cujus Jurisdictio etiam ad alterum territorium se extendit, & tamen adhuc sententia communis locum habet: v.g. Pontifex tulit legem jejunii quadragesimalis ut incipiat à die cinerum: territorium Pontificis non solum comprehendit Tridentum, sed etiam Mediolanum, & tamen si Tridentinus primis diebus Mediolani existens non jejunet, non peccat, quia ibi lex pro illis diebus non obligat.

66. Ratio ergo conclusionis hæc est, quod leges non respiciunt nisi locum pro quo feruntur, & ubi sunt receptæ, nec per contrarium usum abrogatæ, & hoc propter conformitatem incolarum. Circa hoc ipsum tamen

Dubitatur. 1. An etiam excusetur ille peregrinus, qui destinata intentione in eum finem aliud se confert, ut non teneatur legem observare. Negant Sayrus, Rebellus & alii. Sed rectius alii affirmant. Ratio est, quia Legislatores non ita præcipiunt v.g. jejunium, ut simul obligare velit ad non discedendum (hoc enim ad finem intentum non facit) sed disces-

sum relinquit liberam, & solum obligat, ex hypothesi, quod non discedat, quia uniformitatem intendit. Ergo qui discedit, utitur jure suo: ergo non agit in fraudem Legis. *Nullus videtur ss. ff. de R. J. Nullus videtur dolo facere, qui suo jure utitur.* Ille enim in fraudem legis agit, qui ponit impedimentum observandæ legis, ad quod non ponendum lex etiam obligabat, v.g. qui obligatur ad horas canonicas, obligatur ad comparandum Breviarium, ad illud secum portandum, ad emenda perspicilia, si sine his legere non possit, ad se non inebriandum, &c. Si enim media sunt intrinsecæ, & ex natura actus requisita, neque ex causa specialia hic & nunc excusationem admittunt, est obligatio ea ponendi, quia qui præcipit finem absolute, præcipit etiam media necessaria ad illum. Aliter res se habet in casu questionis, quia Legislatores præcipiunt jejunium non absolute, sed pro tali loco observandum.

66. Dubium est. 2. An quando tempus implenda legis incipit, & in loco domicilij ante discessum impleri requisita, teneas ante discessum implere, etiam si eo die venturus esses in locum, ubi lex non obligat: v.g. in tua parochia dies S. Catharinæ est festus, in proxima non est: posses autem ante discessum audire Missam, an tenearis? Distinguendum est. Vel in tua parochia post tuum discessum nulla amplius erit missa, vel adhuc erit, ita ut prior missa non auditâ, adhuc posses satisfacere præcepto per secundam missam, si domi maneres. In primo casu conveniunt DD. te obligatum esse audire missam. Ratio est, quia lex affirmativa ita obligat pro aliqua latitudine temporis, ut si prævideatur postea non posse amplius observari, ob impedimentum obligationi superveniens, tenearis prævenire: v.g. prævides te post nonam horam ob ingruentia negotia non posse interesse sacro, tenearis ante nonam audire: ergo si vides, post tempus tui discessus nullum amplius sacrum futurum, quo posses legi satisfacere si domi maneres, tenearis prævenire, quia tale impedimentum non supervenit tibi tempore, quo non obligaris, sed quo obligaris adhuc remore, licet excuseris ob impedimentum superveniens.

67. In secundo casu Suarez *Lib. 2. de festis cap. 5. n. 9. § 10.* Et Basilus Pontius *lib. 5. de Matr. cap. 8. n. 6.* adhuc affirmant te obligari audire sacrum antequam discedas. Alii communiter negant: quia cum domi existas, nondum obligaberis proximè, adhuc enim poteris implere postea: quando autem post discessum non potes implere, hoc non obstat, quia impedimentum impletionis non supervenit pro tempore & loco, quo obligaris, sed tunc, quando non amplius obligaris, utpote existentem jam in alieno territorio: unde dicunt: lex affirmativa obligat quidem ad prævenien-

dum, si postea dum adhuc obligaris, vides impedimentum superventurum, non tamen, si vides te ab obligatione eximendum ratione loci. Ego huic doctrinæ aliquid addendum existimo, & non ad solum discessum, sed etiam ad ingressum in alienam parochiam attendendum. Vel ergo ingredieris alienam parochiam adhuc durante tempore, quo si domi existeres, adhuc posses implere præceptum, v.g. ingredieris horâ nonâ, quâ domi adhuc posses audire sacrum: vel ingredieris feriis. Si primum, non es obligatus audire prius domi sacrum, ob rationem allatam: si secundum, tenebris prævenire: quia impedimentum supervenit tibi adhuc obligato: quia adhuc versaris intra præprium parochiam.

68. Dubium est 3. An idem dicendum sit, si lex obliget ad actionem divisibilem indivisibiliter, qualis est lex jejunii quoad unicam comestionem, potest enim servari ad prandium, & post meridiem violari, quamvis ita obliget, ut si ex causa iusta manè liceret bis jentaculum sumere, non propterea obligaret abstinere vespri à tertia comestione. Ponamus igitur in tua parochia esse jejunium, non item in vicina; poterisne manè comedere horâ sextâ, vel etiam bis, cum animo vespri transeundi ad vicinam parochiam, ubi non es servaturus jejunium, quia ibi non est præceptum? Affirmant Thomas Sanchez, Lessius, Suarez, Joan. Sanch. innumeros referens, Salas. Baldellus: faterentur tamen hi DD. non licere tantum tali homini comedere carnes in sua parochia, quia lex jejunii divisibiliter prohibet carnis comestionem, adeo, ut qui semel comeditisset, adhuc obligaretur non comedere secundo.

69. Huic communi sententiæ se opponit Castro Palao, ex hoc fundamento. Nullus potest excusari à præcepto ob moralem certitudinem supervenientis dispensationis, quia non spes dispensationis, sed dispensatio ipsa tollit obligationem præcepti: ergo eodem modo qui hic loci obligatur ad jejunium, non potest ab illo excusari ob spem existentis in loco privilegiato postea futuræ. Ad hoc tamen fundamentum videtur in favorem communis sententiæ responderi posse, negando paritatem. Dispensatio pendet à voluntate alterius, & non à mea; & idem merito censetur Legislator non consentire in talem anticipationem, ad cavendas varias fraudes, aut abusus, quatenus multi spem dispensationis sibi fingerent, ut legem transgrederentur, sicque multum inutilis redderetur dispensatio, utpote quæ adveniret jam excusato ab observatione legis: Econtra transiit ad aliam parochiam, & per consequens deobligatio à jejunio, est in mea potestate posita, & idem posita voluntate transeundi, jam censor moraliter me extra parochiam posuisse,

quatenus præsumi potest Legislator nolle talem obligare ad observandum jejunium pro tempore antecedente; cum hinc nullum incommodum nascatur. Possumus hoc confirmare exemplo. Ponamus aliquem posse intra dimidium horæ transire ad aliam parochiam ubi non est dies festus, eundemque velle à sua parochia discedere ad initium concionis post Evangelium: nemo dicet, hunc obligari audire missam usque ad Evangelium, quia præceptum est de Missa rota: quia ergo talis potest & vult se licite deobligare ab auditione Missæ post concionem absolvendæ, censentur omnes, talem non obligari ad partem Missæ ante concionem audiendam: ergo nec tenebitur ad partem jejunii observandam, quia præceptum jejunii etiam obligat indivisibiliter.

70. Sed QUÆRES, quid dicendum, si quis ex aliena parochia rediret die, quo in propria est jejunium, an teneretur reliquo tempore domi jejunare? Negat Joan. Sanch. & Palao, quia jam pro parte diei erat deobligatus: ergo non potest pro parte obligari, cum præceptum jejunii respiciat indivisibiliter totum diem. Affirmant Thomas Sanchez, Lessius, Pontius.

71. Ego distinguendum existimo. Vel enim in aliena parochia jam erat transgressus jejunium, vel non. Si primum, SENTIO: cum prioribus: si secundum, assentior posterioribus: quia in sua parochia obligantur omnes, qui adhuc possunt illud observare, nam: hæc censeri debet esse mens Legislatoris. Sicur si in aliena parochia non esset dies festus, esset autem in tua, & tu inde venires, adhuc deberes audire Missam, si posses.

Dubium est 4. An, qui legem jam in uno loco implevit, v.g. Mediolani pro tempore Paschatis communicavit primâ hebdomadæ quadragesimæ (prout ibi concessum est), teneatur, si aliò migret, etiam domicilium transferendo, ubi necdum incipit tempus implendæ paschalis Communionis, iterum satisfacere legi. Respondetur negativè. Mens enim Legislatoris non est obstringere ad binam implementationem, cum hæc ad finem illius non sit, necessaria.

72. Dubium est 5. An leges respicientes delictum in territorio consummatum, teneant delinquentes existentes extra territorium. v.g. occidis aliquem transmissio veneno, aut per assassinum in tua patria, incurrisne excommunicationem latam in tua patria in homicidas. Negat Pontius, sed affirmat communis sententia, & ita habet praxis. Ratio est, quia Index & Princeps debet posse plenè præcavere per leges delicta & incommoda in suo territorio, ad quod est necessaria potestas, etiam absentes quoad personam quidem, præsentem verò per causam proximam potius absterrendi: Imò in tali



tali casu sortitur ratione delicti forum utriusque territorij, & est locus præventioni quoad alias penas delicto communisuratas, l. 1. C. *Ubi de crimine agi oportet*. Ubi dicitur. *Quæstiones eorum criminum, quæ legibus, aut extra ordinem coercantur, ubi commissæ, vel inchoatæ sunt, vel ubi reperiuntur qui rei esse perhibentur criminis, perfici debere satis notum est*.

Non obstat juris REGULA, jam superius declarata: *Extra territorium, &c.* Nam ut ibi dictum est, delinquens existit in virtute & causa data proxima in territorio.

73. QUÆRITUR jam 4. De iisdem Peregrinis, an teneantur legibus alieni territorij per quod transeunt. 2. 1. Si accedat aliquis ad aliud territorium animo ibi morandi perpetuo, vel per majorem anni partem, sicut studiosi accedunt ad Academiæ, sollicitatores ad curias, operam suam locantes, &c. teneantur legibus loci illius: quia per priorem voluntatem acquirit domicilium actuali accessu: *L. domicilium 20. ff. ad municipalem*. Domicilium ve factò transfertur non nudâ contestatione, sicut in his exigitur, qui negant se posse ad munera ut incolas vocari. Per posteriorem verò voluntatem acquirit quasi domicilium, quod sufficit, ut pertineat ad parochiam quoad Sacramentorum receptionem, sepulturam, &c. Nisi eligat alibi sepeliri, & quoad reliqua omnia, prout postulat regimen animarum, excepto Ordinis Sacramento, *C. cum nullus 3. de temporibus ordin. in 6. Cum nullus Clericum paracie alienæ præter superioris ipsius licentiam debeat ordinare: Superior intelligitur NB. in hoc casu, Episcopus, de cuius diocesi est is, qui ad Ordines promoveri desiderat, oriundus, seu in cuius Diocesi beneficium obtinet Ecclesiasticum, seu habet (licet alibi natus sit) domicilium in eadem. 2. Si quis non accedat, ut acquirit domicilium vel quasi, tunc imprimis ad leges & conditiones ac solennitates circa contractus constitutas illo loco tenetur, quia ratione contractus sortitur forum, ut possit conveniri: Teneturque solvere gabellas, & quodcumque onus ex lege annexum contractui, & hæc vera sunt, sive in propria persona, sive per procuratorem, aut etiam per Epistolam contrahat.*

74. Excipiunt tamen aliqui contractum dotalem, propter legem exigere: statim referendam ff. de iudiciis: ita Sanchez, Suarez, Bonac. Sed hanc exceptionem non admittunt Castro Palao, & Pontius, (qui tamen legis allata verba malè refert, fortè injuriâ Typographi) hi ergo dicunt, in illa lege nihil statui singulare circa hunc contractum, quoad solennitates & conditiones, sed solum quoad actionem legis, hoc est, quod dos repetenda sit in loco domicilij Mariti, non ubi contractus celebratus est: Nam Jura fingunt quoddam talis contractus celebratus sit in loco domicilij Mariti; quod

colligunt ex verbis legis, quæ sic habent: *Nec enim (constitutio dotis) id genus contractus est, ut cum locum spectare oporteat, in quo instrumentum dotis factum est, quam cum, in cuius domicilium & ipsa mulier per conditionem matrimonij erat transitura. Quasi diceret; in ipso contractu jam esse spectandum locum, quo postea uxor erat transitura: qui respectus non videtur aliud significare, quam fictionem Juris, quoddam ibi celebratus contractus. Non tamen ita fingitur quoad solennitates observandas, sed tantum quoad solutionem faciendam, ut constabit ex sequenti limitatione. Itaque limitatur Conclusio quoad conventionem ex contractu in alieno territorio celebrato ad illos contractus, qui & ex natura sua, & ex intentione contrahentium admittunt executionem in loco contractus celebrati: Secus enim dicendum est de contractibus quorum executio vel ex natura sua, vel ex intentione contrahentium in alium locum designata est: Et colligitur ex lege: *Contraxisse ff. de O. & A. ubi dicitur: Contraxisse unusquisque eo loco intelligitur, in quo ut solveret, se obligavit, & L. si hæres absens 19. §. Proinde. ff. de Judic. dicitur: Quod durum esset, quotquot locis quis navigans aut iter faciens delatus est, tot locis se defendere. Ad quæritum redeundo 2. 1. Si peregrinus transeat per locum, tenetur ijs legibus, quæ sunt juris communis, & obligant in loco per quem transit, vel ad quem accedit, etiam non animo ibi persistendi, etiamsi per non usum, aut desertudinem sint abrogatæ in loco domicilij: Ratio est, quia jus commune, quantum est de se, ubique obligat, & solum ex accidente potest quis ab illo excusari, dum scilicet versatur in loco, ubi est abrogatum. Unde infertur, Mediolanensem, qui primis quatuor diebus quadragesimæ Tridenti versaretur, obligatum ibi ad jejunium, ut habet communis sententia contra Azorium, quam tandem etiam amplexus est Thomas Sanchez lib. 1. decal. c. 12. n. 39. retrahens quod docuerat l. 3. de Matr. d. 18. n. 7.**

Dices. Non videtur abesse, qui brevi est reverturus. *Trid. sessi. 23. cap. 11. de reform.* ergo fictione juris talis adhuc esset Mediolani. 2. illam Regulam non esse veram nisi in calibus à Jure expressis, & in ordine ad effectum à lege intentum, cui non obest brevis absentia, quo sensu Episcopus aut Curatus non censetur abesse à Residentia, quando ad illam est reverturus intra duos menses: in aliis tamen non valet: unde sicut talis non censetur præfens suo territorio, quoad leges onerosas ibi observandas, ita nec censeri debet præfens quoad usum privilegij contra legem communem, qui enim sententia commodum, sentire debet & onus absentie.

75. 2. 4. Idem dicendum esse de legibus & statutis particularibus, quando ita obligant in loco transitus, aut accessus, ut similis

lex obliget in loco discelsus seu territorii proprii; tunc enim etiam in alieno territorio observandæ sunt, ut habet communis sententia, cui contradicit Joan. Sanch. *disp. fel. 54. n. 31. in fine*. Ratio conclusionis esse videtur, quia tunc præsumitur mens Legislatoris se eò extendere, ut subditos etiam alibi velit esse obligatos ubi eadem lex viget, ita ut ambo Legislatores, ambòque territoria videantur quoad talem materiam convenire in unum, cum non deceat huiusmodi peregrinum fieri melioris conditionis, quam sint utriusque territorii subditi.

Respondetur 5. Si lex particularis alieni territorii lata est ad cavendum speciale damnum illius Reipublicæ, quod æquè emergere posset per advenas, ac per incolas, aut ad procurandum speciale bonum valde necessarium, talibus, inquam, legibus comprehenduntur æquè advenæ ac incolæ. Ità communis DD. v. g. si prohibeatur efferrì frumentum, arma, &c. Ratio est, quia alioquin non posset Magistratus facis cavere damnum sui territorii: Unde necesse est posse legem ferre etiam directè obligantem peregrinos, v. g. ne ukra talem terminum in provincia morentur. Sicut enim ratione delicti sunt subditi, & nanciscuntur forum loci ubi delinquant C. *licet ratione de foro competente, & L. quæstiones. C. ubi de criminibus cit. ita & per transgressionem huiusmodi legum.*

76. Restat nunc præcipua controversia, utrum huiusmodi peregrini obligentur legibus particularibus alieni territorii extra casus recensitos, & antequam acquirant domicilium vel quasi. Affirmant Navarrus, Covarruvias, Henriquez, Suarez, Salas, Vasq. Pontius, Palao. Negant post plures à se relatos Thomas Sanch. lib. 3. de Matrim. d. 18. num. 6. & lib. 1. in Decal. cap. 12. n. 38. Sayr. Lessius, Azor, Tolet. Bonac. Joan. Sanch. Baldell. Layman. Mihi hæc negativa probabilior videtur. Omissis pluribus argumentis, quæ commodè solvuntur à Palao, probatur ex lege *Hæres. §. proinde ff. de iudiciis* ubi dicitur, quod viatores non sortiuntur forum loci per quem transeunt. Prob. 2. quia adversarij nullo firmo argumento nituntur. Ergo gratis talis obligatio introducitur, & quidem contra tantam auctoritatem, quæ in præxi enervat sententiam contrariam.

77. Obijciunt 1. Convenientissimum est, omni in loco commorantes ejus legibus conformari, estque rectæ gubernationi, paci ac tranquillitati necessarium. Ergo debet Magistratus posse ad hoc obligare. Resp. concedendo esse convenientissimum, sed negando esse in omni materia necessarium: Nam quando lex est de bono specialiter necessario illi Reipublicæ, constat ex responsione 5. Advenas obligari. Non esse autem semper specialem necessitatem, patet vel in sola variatione Breviarj.

78. Obijciunt 2. Sicut ad rectam gubernationem requiritur potestas puniendi etiam advenarum delicta, contra Jus naturale aut gentium commissa, ita etiam pertinet cavere posse, ne mala præbeantur exempla, quibus alii inducantur ad legis transgressionem. 3. Hanc objectionem iterum saltare extra choram, nam ultra fatemur, conclusionem esse veram secluso scandalo: Scandalum enim prohibetur lege naturæ, & ut hujus transgressor posset utique puniri, sed non præcisè ut transgressor legis positivæ.

Obijciunt 3. S. Augustinum dicentem, leges nullius Civis aut peregrini libidine violandas esse, turpis enim est omnis pars sue universæ non conveniens. Respondet rectè Sanchez similia SS. PP. dicta intelligenda esse vel de peregrinis acquirentibus quasi domicilium (alioquin non sunt pars) vel quando aliis ex transgressionem imminet scandalum: vel denique, quod conformitas sit honestatis non necessitatis.

### §. III.

#### De Vagabundis.

79. Vagi, seu vagabundi dicuntur illi, qui nullam certam sedem aut domicilium, vel quasi domicilium habent: inter quos etiam numerantur illi, qui deserto priore domicilio alio tendunt animo ibi acquirendi domicilium, non enim solo animo acquirunt domicilium, sed insuper requiritur completus accessus ad locum, sicuti nec solo animo relinquendi domicilium amittitur, sed insuper actuali discessu opus est. De his ergo

QUÆRITUR, an teneantur legibus locorum in quibus ita obiter existunt, & transeunt. Negant Lessius, Sayrus, Joan. Sanchez. Sed communis opinio affirmat, quæ & usu recepta est, & ideo non est illa recedendum. Ratio videtur esse, quia cum nullum habeant domicilium, & per consequens nullum proprium Gubernatorem aut Judicem, ne quidem quoad leges communes, & tamen Reipublicæ humanæ interest, tales quoque gubernationi subesse, hostisio sunt subditi saltem quoad leges communes; & ideo possunt ubique puniri ubi comprehenduntur, etiam ob delictum alibi commissum: ideo etiam fruuntur favoribus & Jurisdictione voluntariæ locorum, recipiunt æquali jure cum Civibus sacramenta, sepulturam, &c. Ex hoc autem sequi videtur, etiam legibus particularibus & municipalibus teneri; tum quia intentio Gubernatoris videtur eò se extendere, quia vagi gaudent etiam privilegiis particularibus: tum denique maxime ex eo colligi videtur; quia tamen universales leges Ecclesiasticæ respectu Christianorum omnium sint communes, quia non per domicilium, sed per baptismum

Baptismum subditi sunt, & ideo territorium Ecclesiæ est totus mundus; at verò de legibus civilibus hoc dici non potest, nam illæ respectu vagorum non possunt propriè dici communes, cum se ad limitatum territorium quoad incolæ extendant, & ideo vagus non est magis sub legibus Imperii, quàm Regni Hispaniæ, Galliæ, &c. Nisi in quantum versatur in Imperio, vel alio Regno. Ergo sicut leges Imperii comparatæ cum legibus Galliæ sunt potius dicenda particulares, quàm communes, ita respectu vagorum erunt etiam particulares: Unde si particularibus legibus non obligantur, consequens esset, quod vagi non obligarentur nisi legibus naturalibus & gentium, ac Ecclesiæ, quia hæc solæ sunt communes, quod tamen videtur inconveniens: ergo dicendum est, ligari omnibus legibus locorum, quia respectu vagorum una lex non est magis communis, quàm alia.

§. IV.

De Clericis & Religiosis respectu Legum Civilium.

80. QUÆRITUR, an & quibus legibus civilibus possint Clerici, & Religiosi teneri salvâ immunitate Ecclesiastica, hoc est, illis Juribus, quæ favore Canonum adversus Laicam potestatem sunt munita, de quibus agitur in tr. de Religione. Respondent aliqui cum Vasq. nullis legibus civilibus posse eos directè obligari, sed tantum indirectè, hoc sensu, quatenus obligatio eas servandî nascitur ex conformitate tenenda cum Laicis, utpote partes ejusdè Reipubl.

Hunc dicendi modum rejicit Palao, primò, quia inde sequeretur, Clericos & Religiosos sentiri, obligari nimirum graviter illis omnibus legibus, quæ non ledunt immunitatem Ecclesiasticam, nec dedecet statum Ecclesiasticum, sed communes sunt Clericis & Laicis, & rectæ gubernationi Reipublicæ convenientes: ejusmodi sunt, quæ prohibent acria de nocte gestari, merces extrahi, quæ pretia rerum taxant, contractibus formam constituunt, &c. Imò nullum peccatum committerent, ut consequenter asseruit Navarrus, quia conformes non obligat exemptos; sedulo scandalo aliisque incommodis jure naturæ prohibitis. Rejicit secundo, quia sic possent Clerici & Religiosi sine injuria vendere res ultra pretium taxatum, nam eorum bona non afficerentur taxâ, nec suum valorem inde acciperent. Tertio, sequeretur eorundem contractus non esse irritos, quando carent solemnitate à lege civili requisita tanquam substantiali, saltem quando ipsi Clerici inter se contraherent.

81. Ad quæstionem alter responderi Suarez

Azor, Layman, post Decium in cap. Ecclesiæ 10. n. 27. de Constit. Leges civiles in tantum obligare Clericos & Religiosos, in quantum à Pontifice approbantur & canonizantur ad hunc effectum. Contra hunc dicendi modum iterum urget Palao, ex eo maxime capite, quia si laica potestati concederemus, ejus leges, quæ possunt salvâ immunitate Ecclesiastica obligare etiam Clericos, esse à Pontifice generaliter canonizatas, posset secularis potestas præsumere esse etiam canonizatas quoad poenas transgressoribus impositas, quæ non essent ex se indecentes statum Ecclesiasticum, possetque eas, non suâ, sed Pontificis auctoritate exequi in Clericos, quod nemo concederet.

82. Ad quæstionem responderi Salas disp. 14. sess. 8. à n. 94. quem sequitur Palao; & respicit Thomas del Bene, quamvis prius videatur Vasquez secutus, hujusmodi leges civiles per se & directè Clericos obligare. Hoc est, quoad vim directivam obligando eos non minus quàm laicos in conscientia, non tamen quoad vim coactivam. Diveritas hæc sententiarum in ordine ad praxin non videtur multum referre, dum omnes fatentur eandem obligationem esse, undecunque illa proveniat. Nihilominus

83. DICO 1. Obligatio observandî illas leges non provenit adequatè & unice à lege naturali, obligante ad conformitatem. Ultra rationes ex Palao relatas probari potest inde, quia defectu personæ Ecclesiasticæ in aliquibus hujusmodi legibus discrepant à Cæsaribus, ut in ultimis voluntatibus, & aliis quibusdam contractibus, ut suo loco dicitur. Ergo, quod in reliquis eadem cum Laicis lege teneantur etiam, secluso scandalo, aliisque incommodis, debet ultimò provenire ab approbatione expressa vel tacita Summi Pontificis: quidni enim posset Pontifex alias solemnitates constituere contractibus inter ipsas personas Ecclesiasticas celebrandis?

84. DICO 2. Etiam si præsumamus omnem obligationem directè à legibus civilibus provenientem, quam defendit tertia sententia, adhuc asserenda in Clericis & Religiosis est obligatio observandî illas leges, de quibus est præsens questio. Probat. Certum enim est, quod Pontifex, dum in illis materiis nihil innovat, velit, imò debeat velle, ut à Clericis & Religiosis observentur, hoc ipso, quia vult has personas admitti in partem communivitatis, & commerciorum cum Laicis, hoc enim est unicuique fundamentum, propter quod existimant authores tertie sententiæ, admittendam esse directam obligationem: Ergo, etiam hæc præcisâ, debet Pontifex talem obligationem velle, sine qua non expedit, admitti in communivitatem & ad commercia Clericos & Religiosos: Nam qui vult unum, vult omnia connexa cum illo. Hinc

85. DICO 3. Non est ulla ratio adstruendi



endi directam obligationem Clericorum & Religiosorum ad observandas prædictas leges, provenientem a potestate laica, quidquid sit depositivis argumentis, quibus solet illa potestas impugnari, v. g. quòd potestas directiva sine coëctiva & coëctiva vana sit & inanis, & similis, quæ in speciem dissolvi possent. Probatum conclusio, quia sufficit tacita approbatio Summi Pontificis necessario admittenda, & sine speciali utilitate non sunt multiplicandæ obligationes, præsertim quæ à paucis considerantur & agnoscuntur.

86. Obijciunt auctores tertie sententiæ primò capitulum primum & secundum de novi operis Nunt. Ubi Pontifex jubet demoliri ædificium constructum post novi operis nuntiationem, eò quòd sic legibus civilibus sit constitutum. Ergo supponit Pontifex obligationem jam antè extitisse. R. Concedendo totum, sed negando, hanc obligationem præcisè à legibus civilibus provenisse, cujus contrarium ipse Pontifex in c. 1. satis insinuat, dicens: *Quia verò, sicut leges non dedignantur sacros canones imitari, ita sacrorum statuta canonum principum constitutionibus adjuvantur, mandamus, &c.* Quorum verborum sensus est, quòd ubi Canones nihil speciale statuunt, recipiant ea, quæ leges civiles statuerunt in aliqua materia, & secundum illas judicent, non aliter, quàm si Juri Canonico essent insertæ: hæc est ergo generalis approbatio, v. cujus Clerici hujusmodi legibus tenentur, & secundum quas judicandi sunt non à Judice laico, sed ab Ecclesiastico. Quod si leges civiles directè obligarent, quidni ad Legislatorem spectaret obligatos secundum suas leges judicare? Illius enim est judicare, cujus est, leges ferre & authenticè interpretari. Eadem generalis approbatio habetur cap. *Super specula* 28. de Privilegiis, ubi dicitur, *S. Ecclesia legum secularium non respuit famularum, quæ æquitate & Justitiæ restigia imitantur.*

87. Obijcit Palao 2. Si prædictæ leges habent vim obligandi præcisè ex approbatione Pontificum, & ur canonizata, posset laica potestas præsumere, suas leges esse etiam canonizatas quoad pœnas in illis statutas, & à se posse puniri nomine & auctoritate Summi Pontificis. R. Hanc præsumptionem elidi manifestis Juri-bus, quibus omne judicium personarum Ecclesiasticarum ad tribunal Ecclesiasticum trahitur, ut constat ex ijs, quæ traduntur de privilegio fori & immunitate Ecclesiastica, & etiam ex cipp. allegatis, ubi Pontifex non remittit causas judicandas ad Magistratum laicum, quod signum est, hunc non agnoscere pro Judice delegato. Omirto leviora quæ Salas ipse dissolvit.

88. QUÆRÈS, an quæ dicta sunt, procedat etiam de legibus municipalibus respectu Religiosorum tali loco viventium. R. Procedere, si illa non sint contra Jus commune; nam

si contra Jus commune essent, v. g. si in Testamentis aliquam ulteriorem solennitatem substantialem statuerent, non ligarent Ecclesiasticos, ex probabili quorundam sententia, nisi consuetudine receptæ essent.

## S. V.

## De Pueris, Infantibus, Ebris, Amentibus.

89. Pueri secundum Jura censentur, qui expleto septennio usum rationis adepti sunt, & nisi contrarium constet, adepti esse præsumuntur, adeoque legibus obligari possent. Qui annum decimum cum dimidio compleverunt, dicuntur *Pubertati proximi*, qui infra sunt, *Infantia proximi*, qui etiam favore legum quandoque adhuc Infantibus comparantur, sicut & illi, in quibus ante septennium malitia supplet ætatem.

90. Non est dubium, pueros usu rationis præditos posse legibus humanis obligari, cum possint honestum ab inhonesto discernere, & ad fines per leges intentos cooperari. Quibusnam legibus defacto obligentur est quaestio.

Et imprimis quaeritur, an sine discrimine puer percutiens Clericum incurrat excommunicationem Canonis: *Si quis suadente*: Emanuel Sà & Sotus existimant, illos qui adhuc sunt *Infantia proximi*, non incurrere.

Contrarium tamen dicendum est cum communiore sententia: Nam capitulum ultimum de Sent. Excomm. sine discrimine supponit, pueros ante pubertatem percussores Clerici, esse à censura absolvendos ab Episcopo, nec mittendos ad sedem Apostolicam: *Cum propter defectum ætatis in qua fuit commissus excessus, rigor sit manufacturæ temperandus.* Illud tamen rigidè dicitur de illis, qui infantia proximi sunt, facilis præsumi posse, quòd ob inadvertentiam, vel ignorantiam non incurrerint, & allegationem ignorantia facilis absque probatione admitti: sicut etiam à Magistratu civili non puniuntur propter delicta in ætate infantia proxima commissa. S. penult. *Instit. de Oblig. ex delicto*. Ibi & placuit, quia *furtum ex affectu furandi constituit, ita demum obligari eo crimine impuberem, si proximus pubertati sit, & ob id intelligat se delinquere. L. pupillum. ff. de R. J.* habetur *Pupillum*, qui proximus pubertati sit, capacem esse furandi, & injuriam faciendi.

91. Confirmatur Conclusio ex eo, quòd puer etiam infantia proximus, irregularitatem contrahat ex homicidio voluntario, ut colligitur ex *Clemen. si furiosus de homicidio*. Quidni etiam excommunicationem, si naturam delicti & pœnæ intelligat? ubi enim Jus non distinguit, nec nos distinguere debemus.

92. Ex eo quòd Jura declarent, à pueris incurri excommunicationem Canonis, rectè incurrunt

ferunt plerique DD. idem de aliis censuris, ob delicta, quæ à pueris etiam committi possunt, constitutis, dicendum esse. Neque enim in ullo capitulo directè statuitur, quodd excommunicatione Canonis incurrant, sed illud semper supponitur: *C. quantvis, & c. final. de sent. excom.* Quodd autem de hac sola Censura existit capitula, ideo est, quia de hac sola fuit consultus Pontifex. Neque contrarium ullâ probabilitate colligitur ex *cap. 1. de delictis puerorum* (ut existimat Thomas del Bene) ibi enim plus non dicitur, quàm quodd puerorum delicta mitius, quàm in maioribus sint puniendia, quodd ultro statemur, & ideo puerorum Censuræ non sunt reservatæ Summo Pontifici, aliæque pœnæ essent mitigandæ. Capitulum ita habet. *Quis vero audeat affirmare, furta, mendacia, & perjuriam non esse peccata? at his plena est puerilis ætas. Quamvis NB. in eis non ita, ut in maioribus puniendia videantur.*


Univerfim itaque pueri legibus obligantur, ubi ipsa legis materia aliud non exigit, vel intentio Legislatoris per ipsam legem expressa, vel per consuetudinem declarata aliud habeat, prout habet lex obligans ad Communionem Paschalem, & ad jejuniũ.

94. QUÆRITUR ulterius de Infantibus & perpetuo amentibus, an legibus obligentur: Et respondetur negativè. Unde sequitur ad praxin, licitè talibus offerri carnes comedend-

das diebus jejunii, quodd immeritò negarunt Corduba & Lopez. Sed quiddi malitia suppleret ætatem? adhuc probabilius non videntur legibus comprehendendi, ut docent Joan. Sanchez, & Thomas del Bene, cum lex non videatur accommodari seu extendi ad ea, quæ rarissimè & merè per accidens contingunt: Neque finis legis talem extensionem requirit.

95. Hinc e contrario sequitur, ebrios legibus comprehendendi, sicut & qui per intervalla delirant. Unde licet in ebrietatis aut amentie statu constituti excusentur à peccato, si v. g. jejuniũ violent, alteri tamen non licet ad talem materiale transgressionem cooperari, aut causam dare cibis offerendo; nam in istis etiam materialis observantia legis conducit ad finem à lege intentum.

Dices: Ergo qui ebrium volentem eundem Missam retineret domi, peccaret, quando nullo inconveniens ex ebrii præsentia timendum esset. Respondetur negando consequentiam, quia ebrius præsens Missæ ne quidem materialiter observat legem, sicut ille qui jejunit, non enim præcipitur nudè jejuniũ, sed præsentia humana & religiosa, hoc est procedens ex intentione cplendi Dæi, &c. Et hæc de legibus in genere, prætermittis illis, quæ ad immunitatem Ecclesiasticam, & exemptionem Religiosorum spectant, & à nonnullis hoc loco tractantur, cum ad tract. de Religione spectent.



## C A P V T II.

### DE LEGE POENALI ET. IRRITANTE.

#### CONTROVERSIA I.

*An, & quæ Lex pœnalis obliget ad subeundam pœnam ante vel post Iudicis Sententiam.*

#### S V M M A R I V M.

**P**Otest tam Civilis quàm Ecclesiasticus Magistratus obligare ipso facto per leges ad pœnam etiam positivam, & non tantum privativam ab ipso delinquente exequendam ante sententiam. n. 96.

De facto tamen nulla reperitur lex pœnalis positiva nõn requirens sententiam Iudicis obligans ad executionem. 97.

Quid de pœnis privativis. 98. & 100.

Explicatur cap. cum secundum. de hæreticis in 6. 99.

Quid operentur particule: ipso Jure: ipso facto. 101.

96. Pœna alia est lata à Jure, & incurritur ipso facto, sive statim consequitur ad positionem delicti obligatio ad illam pœnam. Alia

est ferenda à Judice, ante cujus sententiam nulla est obligatio ad pœnam.

Uterius aliquæ pœnæ sunt privativæ, hoc est, privantes re aliquâ sine actione alia, ut sunt Censuræ Ecclesiasticæ, irritatio actuum, inhabilitas, &c. Aliæ sunt positivæ, quarum executio ulteriorem actionem requirit, ut solutio pecuniæ, exilium, flagellatio, supplicium, Jam loquendo de possibili, communis sententia contra Caiet. Valentiam & quosdam alios, admittit, possit tam Civilem quàm Ecclesiasticum Magistratum obligare ipso facto per leges ad pœnam etiam positivam, ab ipso delinquente exequendam antecederet ad omnem Iudicis sententiam, si non sit valde acerba, sed humanæ conditioni

ditioni accommodata. Cùm enim possit potestas humana obligare in conscientia ad alias actiones ex se indifferentes, ut supra vidimus, quidni etiam ad solutionem certæ pecuniæ supposito delicto, si ita expedire videretur propter naturam & qualitatem delicti, quia v.g. occultari potest, & tardò in foro externo probari?

97. Defacto tamen nulla reperitur Lex pœnalis positiva, quæ non prærequirit sententiam Iudicis saltè declaratoriam criminis, ad hoc ut obliget reum ad executionem pœnæ. Loquendo nunc de pœnis privativis (quales sunt pleræque) illæ sunt duplicis generis: aliquæ enim privant jure jam quæsito, aliæ propriè non privant, sed impediunt acquisitionem juris.

98. Prioris generis pœnas ait Castro Palao, citans plures alios, ferè nullam esse, quæ Iudicis sententiam declaratoriam delicti non prærequirit ad sui plenam executionem, quantumvis lex dicat: *Ipso facto*: vel *ante declarationem*. Quia semper intelligi potest: ante declarationem pœnæ, non tamen ante declarationem delicti, exceptis Censuris & Irregularitate ex delicto, & etiam excepta pœnâ, quam incurrunt conjuges committentes incestum cum sanguineo vel consanguinea conjugis intra secundum gradum, ut debeant abstinere à petitione debiti conjugalis. Hæ inquam pœnæ incurruntur ante omnem Iudicis sententiam etiam criminis declaratoriam.

99. Sententia hæc suaderi satis efficaciter potest ex cap. *cùm secundum leges civiles* de hæreticis in 6. ubi Bonifacius VIII. argumentando à minore ad majus, ex eo quod legibus civilibus statutum sit, ut contrahentes nuptias incestas, &c. ipso jure suorum bonorum dominium amittant, &que ad fiscum deferantur, infert, rectè idipsum de hæreticis statui, ut eorum bona ipso jure sint fisco obnoxia: & tamen in fine capituli habet hæc formalia verba. *Confiscationis tamen hujusmodi executio vel bonorum ipsorum occupatio fieri non debet per Principes, &c. Antequam per Episcopum loci vel aliam Personam Ecclesiasticam, quæ super hoc habet potestatem, sententia super eodem crimine fuerit promulgata.* Ecce t quod bene stent simul: ipso jure seu facto incurrì: & executionem non utgeri nisi post sententiam declaratoriam criminis. Et sanè quis ab hæretico non condemnato, imò & iterum ad fidem reverso, expectet hanc executionem? quid ergo prodesset lex, quæ à nemine observaretur?

100. Loquendo nunc de pœnis privativis Iuris acquirendi & nondum plenè acquisiti, illæ incurruntur absque ulla Iudicis sententia, quia leges illæ sunt conditionales, hoc est alligantes Iuris acquisitionem alicui conditioni, quæ non impletà declarat aliquem illo jure carere, & esse privatum, non quasi jam primùm privetur, sed quod illud non acquirit, ità volente Legis-

latores, in cuius potestate est, nolle aliter conferre gratis tale Ius: hujusmodi leges exstant plures, quas videre licet apud Salas & Palao. v.g. quæ dicunt, quod beneficiarius fructus non faciat suos, si non oret, vel residueat, &c.

101. Si quæras, quid operentur illæ particulæ *ipso jure*, *ipso facto*, in pœnis prioris generis? responderetur duo operari: primum, ut delicto judicialiter cognito & declarato, non expectatâ aut subsecutâ ullâ sententiâ condemnatoriâ teneatur reus pœnam exequi, v.g. cedere possessione beneficii. Secundum est, quod omnes actus post commissum delictum celebrati, si irritabiles sint, veniant irritandi; Unde si per contractum aliquid alienatum esset, valeret quidem contractus, sed revocabiliter, ità ut etiam hæres conveniri posset.

## CONTROVERSIA II.

*An Ignorantia aliquando excuset à pœna delicti per legem imposita.*

### S V M M A R I U M.

**I**gnorans actum prohiberi per legem pœnalem, non incurrit pœnam illius legis. 102.

Sciens prohibitionem, sed ignorans pœnam, incurrit tamen pœnam, cum distinctione tamen inter pœnam ordinariam & extraordinariam. 103.

102. **D**UBITATUR, utrum, si scias actum esse prohibitum quacunque tandem lege, nescias autem, ullâ lege pœnam esse impositam, utrum, inquam, reus fias pœnæ. Et quidem in Censuris Ecclesiasticis conveniunt DD. eas non incurrì, nisi sciantur à delinquentem esse impositæ. Est enim hæc notitia necessaria loco monitionis, alioquin non esset reus contumax, quæ tamen contumacia requiritur ad incurrendam censuram. De aliis verò pœnis R. 1. Si ignoras invincibiliter, illâ lege, quæ pœnam imponit, actum prohiberi, esto scias prohiberi aliâ lege, v.g. divinâ aut naturali, non incurris pœnam illius legis, ut habet communior sententia. Ratio est, quia tunc in illam legem non peccasti: Ergo non es reus ejusdem pœnæ, cujus reus esses, si legem scivisses, tunc enim gravius peccares: Ergo & gravius esses puniendus.

103. R. 2. Si scias quidem actum lege prohiberi, nescias autem pœnam illâ lege constitutam esse, tunc loquendo de pœnis non medicinalibus, distinguendū est inter pœnam proportionatam delicto secundum se spectato, præciscindendo à circumstantiis aggravantibus, & exigentibus ut in hac Repub. specialius & severius quàm alibi prohibeatur, & inter pœnam extraordinariâ, hoc est, quæ imponitur delicto, in quantum ob prædictas circumstantias est severius prohibendus. In primo sensu non excusatur reus à pœna,

pœna, etiamsi eam ignoret. Ratio est, quia qui in legem scienter delinquit, hocipso tacite confentit in omnem pœnam illi proportionatam: Scit enim, omne delictum esse obnoxium pœnæ.

104. In secundo sensu dicendum est oppositum, quia ille excessus pœnæ responderet delicto non quomodocumque sumpto, sed ut ex circumstantiis graviore, quod delinquens ponitur ignorasse; & præterea pœnæ illius exorbitantis finis est, abstergere magis à tali delicto, quem finem lex ignorata quoad pœnam consequi non potest. Sufficeret autem, in genere scire, tale delictum esse pœnis extraordinariis puniendum. Servit hæc doctrina ad plures casus alibi resolvendos, v. g. quod conjuges ignorantes impedimentum affinitatis in ordine ad petitionem debiti conjugalis, illud non incurrant: quod ignorans reservationem non committat casum reservatum, si reservatio est facta in odium peccati, & non ob bonum communitæ gubernationis, & sic de aliis.

### CONTROVERSIA III.

*Utrum Lex Irritans, seu Invalidans aliquem actum, possit per Ignorantiam, aliamve circumstantiam enervari.*

#### SUMMARIVM.

**P**otestas irritandi actus alioquin validos datur in Republica: cujus variationes assignantur. 105. Quando Lex irritans invincibiliter ignoratur, an nihilominus actus sit irritus. 108.

Lex irritans in favorem alicujus statuta, an teneat invitum. 113.

Irritatio potest etiam reluctanti & invito prodesse. 114.

Irritatio cedens in prejudicium illius cui vult favere, non habet vim. 115.

105. **I**RRITIVM hoc loco non atcipitur in sensu Sacræ Scripturæ admodum familiari, ut idem sit quod *Infructuosum*, sed idem est ac esse invalidum seu nullum, perinde ac si nihil actum esset.

Possè lege humanâ irritari aliquem actum, qui alioquin, seclusâ tali lege validus esset, est apud Christianos indubitabile post Tridentinum aliosque Canones, inducentes impedimenta dirimentia matrimonium. In Jure quoque Cæsareo innumeræ hujusmodi leges existunt, quas in tract. de Iustitia sæpius examinabimus.

106. Rationem hujus potestatis reddit Salas, quia lex positiva potest addere Juri naturali, præcipiendo aut prohibendo, quod Jure naturali præceptum aut prohibitum non est: ergo etiam irritando quod Jure naturali irritum non est. Verùm hæc ratio non est fundamentalis,

quia est solum à paritate, probans unum per aliud indigens æquæ probatione. P. Lessius lib. 2. de Just. c. 17. dub. 6. probat ex eo, quod contrahentes possint constituere certas formulas & conditiones, sine quibus contractus non valeant, ergo & Respublica potest addere hujusmodi conditiones. Verùm, nisi aliud addatur, consequentia non est legitima: nam in priori casu unusquisque privatus potest suam intentionem restringere, hocipso quia liber est ad omnino non contrahendum, & ex lumine naturæ constat, ultra suam intentionem neminem à se sponte obligari. in posteriore verò casu volens se obligare, & habens à natura potestatem se obligandi, impeditur à voluntate aliena ne possit quod natura concessit, & hoc est, quod debet in præfenti probari fieri posse.

107. Ratio ergo à priori est, quia Ius naturæ permittens esse validum contractum v. g. Matrimonium clandestinum, non est Ius absolutum sed conditionatè concessum, nempe: quoad Magistratus legitimus non judicaverit expediens, ut contractus non valeat: & hoc ideo, quia sine hac potestate non posset sufficienter incommodis Republicæ obviari. Positâ ergo voluntate Legislatoris irritativâ fit ut Ius Naturæ non transeat in absolutum, sicut transit, quando nulla hujusmodi voluntas exstat. Patet ergo hujusmodi leges nihil contra Ius naturæ statuere, nec de illis quemquam conqueri posse.

108. **Q**UÆRITVR 1. Utrum Irritatio legis vim habeat in casu quo hujusmodi lex invincibiliter ignoratur. Exemplum affert Salas ex c. ex insinuatione: & cap. nobis fuit. de Simonia. ubi declaratur irrita collatio Simoniacæ beneficii, etiamsi is cui collatum est beneficium, inscius fuerit. Verùm hoc exemplum non est ad propositum, nam hic non interveniebat ignorantia juris seu legis irritantis, sed ignorantia facti, nempe beneficiarius ignorabat patrem suum vel amicos Simoniacè obtinuisse electionem. Quæstio autem præfens procedit de Ignorantia Iuris. In qua quæstione

109. P. Salas & ex eo Palav. distinguunt inter leges irritantes præcisè in pœnam alicujus delicti, & irritantes secundum exigentiam rectoris gubernationis, ac favorabiles. Has posteriores concedunt habere vim irritandi non obstante ignorantia, priores verò negant habere, quia (inquit Salas) ignorantia inculpabilis excusat à pœna, ut etiam in irregularitate pœnali contingit.

110. Verùm hoc posterius mihi non probatur; continet enim equivocationem manifestam, & non coheret cum doctrina præcedentis controversiæ. Alia utique est Ignorantia culpæ, & alia Ignorantia pœnæ; prior quidem excusat à pœna, posterior non excusat, si pœna sit proportionata delicto, ut supra dictum est. Possè autem aliquando Irritationem esse pœnam

C)

pro-





proportionatam, non video quò fundamento negari possit; & instantia habetur in collatione simoniaca beneficii, quæ utique irrita esset, etiam si conferens ignoraret legem irritantem, dummodo culpam Simonia non ignoraret; & tamen hæc irritatio est pura pœna. Alia instantia esse posset irritatio matrimonij contracti ab homicida vel adultero cum complice ex intentione vel promissione matrimonij, &c. Talis enim contraheret impedimentum criminis non obstante ignorantia legis irritantis. Hanc autem irritationem esse puram pœnam, videtur mihi certum; nam licet per consequentiam sit favorabilis conjugibus, hoc tamen si oblatet, nulla denique lex irritans esset pura pœna, cum quælibet tandem in aliquem favorem resolvì possit.

111. Solæ itaque leges illæ irritantes per ignorantiam Iuris enervari possent, quæ manifestè constituerent pœnam extraordinariam non medicinalem, ultra naturam delicti secundum se spectati, qualis v.g. esset, si in aliquo regno, propter nimiam indolis propensionem ad duellum, duellantes omnes inhabiles redderentur ad testandum, ad dignitates, usque ad tertiam generationem, &c.

112. QUÆRITUR 2. si lex irritans sit in favorem alicujus statuta, utrum teneat etiam invitum & reluctantem. Ratio dubitandi est communis Regula, quòd beneficium non conferatur in invitum; & præterea, quia quandoque contingit, ut hujusmodi irritatio ex se favorabilis, per accidens hic & nunc evadat damnosa illi in cuius favorem est introducta. Denique quia omnis qui cum ignorantia irritationis celebrat actum, hoc ipso quia vult actum valere, est invitum quoad irritationem: Ergo tunc ignorantia enervabit irritationem.

113. Respondeo tamen primò; tantum abest ut Ignorantia legis faventis illius irritationem, ut potius reperiatur lex irritans contractum, ita ut ad efficaciam irritationis requiratur Ignorantia legis irritantis, quòd nescio an ab alio fuerit observatum. Hujusmodi lex est Senatus Consultum Velleianum, quo Iure Codicis (nam aliud erat Iure digestorum) irritantur fidei iustiones Mulierum, factæ sine solennitatibus eodem Iure requisitis, ita ut nec Civilem nec naturalem obligationem pariant, nullaque Creditori actio concedatur, nisi Mulier hujus beneficii conscia, nihilominus ad decipiendum Creditorem fidei iussisset, tunc enim Mulieri ne quidem exceptio ex prædicto S. Consulto concederetur, quæ omnia acturus de fidei iustione comprobato, nunc infinuasse sufficit.

114. Respondeo 2. Irritatio potest etiam reluctanti & invito prodesse, hoc enim sæpè necessarium est ad finem à Legislatore intentum: sic potest invitum à voto solvi: sic contractus pupilli sine autoritate tutoris non valent etiam invito pupillo; sic mutuum acceptum à filio fa-

miliis ex Senatus Consulto Macedoniano eatenus est inefficax, ut actio concessa Creditori possit exceptione elidi, tollaturque etiam naturalis obligatio, quòd verum est, etiam si filius familias huic favori renuntiaret, ut tradit Cæsius contra Zastum, adeo ut ne quidem iuramentum adjectum removeret exceptionem. Neque obstat illa Regula: *Quod in favorem, &c.* Nam hoc intelligendum est, si res in illis terminis sit, ut possit esse rationabiliter invitum: non potest autem esse rationabiliter invitum, quando Superior omnino & absolute vult contractum esse nullum: teneatur enim tunc se subjicere voluntati Superioris. Plerumque tamen voluntas superioris non est ita absoluta, quia non vult nisi acceptanti prodesse. Sic, etsi testimonium sine iuramento de Jure nullum sit, si tamen partes huic favori renuntient, valet, ut habetur cap. *tuus*. 39. *de testibus*, ibi: *Monachi vero de suis Fratribus ac Conversis testes in causis propriis producere absque iuramenti exhibitione non possunt: nisi forte à parte remittatur adversa.*

115. Respondeo 3. Si irritatio cederet in præjudicium & detrimentum illius cui lex favere vult, nullam vim haberet, ex Regula Iuris 61. de R. J. in 6. *Quod in favorem alicujus introductum est, non debet in ejus dispendium retorqueri.* Et Ratio est, quia cessante fine legis cessat legis dispositio.

116. Hinc cessat irritatio fidei iustionis ex S. C. Velleiano, si mulier in rem utilitatemque suam se obliget, vel negotium illam contingat, ut si pro suo creditore intercedat. l. *aliquando* 13. l. *si mulier*. 16. ff. ad S. C. Vell: quam suo loco referam. idem est de contractu pupilli, in quantum interest pupilli ut valeat, ut suo loco dicitur. Hinc aliquando resolvì cum Aversa casum pro valore Matrimonij ex metu injusto contracti, cum interminatione mortis, nisi statim contrahatur & consummetur matrimonium; ubi irritatio ob metum injustum si teneret, constitueret in necessitate vel peccando fornicando, vel moriendi, cum tamen introducta sit in favorem metum passi. Sed de hoc fortassis alibi redibit sermo.

## CONTROVERSIA IV.

*Vnde cognoscendum sit, Legem esse potius irritantem, quam pure prohibentem.*

### S V M M A R I U M.

**N**on omnis contractus à Jure prohibitus, hoc ipso est nullus. Explicatur: Lex non dubium. C. de legibus. 117.

Explicatur Regula 64. in 6. Quæ contra Jus sunt, debent utique pro infectis haberi. 118.

Quanam sit Regula cognoscendi, quòd aliquid perineat ad formam substantialem, vel tantum ad accidentalem, si lex id non exprimat. 119.

117. Tam-



117. **T**ametsi multi Juris Consulti olim docuerint, & hodieque doceant, omnem Contractum à Jure prohibitum, hoc ipso irritum esse, hodie tamen, saltem de Jure Canonico id dici non potest: nam matrimonium habenti votum simplex calistatus est illicitum, sicut & sine præcedentibus denuntiationibus, vel contra priora sponsalia Contractum, & tamen est validum, juxta cap. unicum de voto in 6. & cap. ad Apostolicam de Regularibus. Multa prohibentur, quæ tamen sacra tenent. Neque obstat lex non dubia C. de legib. quam urgenradversarii, & novissimè Juris Consult. Antonius Perez in tit. cit. n. 11. ibi. Nullum enim Pactum; nullam conventionem, nullum Contractum inter eos videri volumus subsecutum, qui contrahunt, lege contrahere prohibente. inferens inde actum contra legis prohibitionem factum, esse ipso Jure nullum, ut non sit opus exceptione vel rescissione aliqua, hoc tamen, ut dixi, Jus Canonici non approbat, & ideo in illo Jure non procedit. Dicunt etiam DD. legem illam nullibi esse in hoc rigore receptam; imò in Digestis tit. Quando appell. l. 1. §. biduum §. Contrarium statuitur, nempe sententiam conditionaliter latam valere, quæ tamen ibidem prohibetur. Biduum vel triduum appellationis ex die sententia late computandum erit. Quid ergo si sententia fuerit sub conditione dicta. Verum ex die sententia tempus computamus ad appellandum, an vero ex die, quo conditio sententiæ exstiterit. Sanè quidem non est sub conditione sententia dicenda, sed si fuerit dicta, quid fiet? & est utile, statim tempora ad appellandum computari debere. Fortassis denique dici posset, omnem Contractum prohibitum carens esse nullum, quatenus in penam negatur ex tali Contractu actio in foro civili, quamvis in conscientia sit servandus, nisi ex verbis legis omnimoda irritatio colligatur. Omitto responsum glossæ dicentis, quod ex quæ prohibentur, & tamen valent, non sint contra legem, sed: præter legem, quia lex illis non resistit, sed assiluit, quoad valorem scilicet. Sed hæc est fri-

vola latio in verbis: si enim facere quod prohibetur non est contra legem, quid erit contra legem? deinde inferitur: ergo non omnia, quæ prohibentur, sunt nulla & irrita, quia aliquibus lex assiluit, ut valeant, quod est directè contra legem non dubium. Ergo & responsio glossæ.

118. Sed quid dicendum est ad Regulam Juris 64. in 6. Quæ contra Jus sunt, debent utique pro infectis haberi? Varias explanationes videre licet apud Salas Sect. 8. n. 27. Quæ tamen mihi non videntur ad mentem Regulæ esse. Sed neque Peekius rem expedire vide ur. Placet mihi interpretatio, quam ex Suarez assert P. Joannes Streinius, in illa Regula contra Jus, idem esse, ac contra formam Juris. Nempe quando lex formam præscribit pactis, censetur annullare pactum aliter factum, nisi declararet oppositum. Nunc ergo

119. **Q**UÆRITUR, quæ sit Regula cognoscendi, quod aliquid pertineat ad formam substantialem, vel tantum ad accidentalem; si lex id non exprimat, &c. 1. Si lex requirat aliquid observandum ab eo, cui tunc actu potestatem tribuit ad talem actum, censetur velle ad substantiam pertinere, nisi talis modus alioquin Jure communi accidentaliter sit: v. g. si Pontifex det facultatem conferendi Beneficium, sed cum consilio Episcopi, tunc consilio non adhibito collatio non subsistit. C. cum in veteri. de elect. &c. 2. Et contrario, si præscribitur modus illi, qui jam ante potestatem habet agendi, præsumitur modus non præscribi ut substantialis, sed ut accidentaliter, quia lex non præsumitur velle enervare potestatem nisi exprimat: ut, si præcipiatur habenti jam potestatem, ut actum non exerceat nisi cum consilio; vel tali tempore & loco, tunc neglecto consilio tempore aut loco adhuc valebit actus. &c. 3. Si dubium est, præsumitur forma substantialis, quia supponit pro famosiore significato. Et hæc de legibus irritantibus in genere; nam de quibusdam in specie suis locis agetur.

## CA P V T III.

### DE CONSUETUDINE.

#### CONTROVERSIA I.

*Quenam Consuetudo censi debet rationabilis, ut vim Legis obtineat.*

#### S Y M M A R I U M.

Consuetudo alia est facti, alia Juris. 120.

Alia secundum legem, alia præter legem, alia contra legem. 121.

Definitio Consuetudinis. 122.

Quenam Consuetudo censenda sit rationabilis. 123.

Plus requiritur ad Consuetudinem præter legem, quam contra legem. 124.

De-

*Declaratur exemplis, & explicatur cap. 1. de Consuetud. 121. 126.*

*Quomodo verum sit, irrationabilem esse Consuetudinem, quæ Jure Canonico reprobat. 128.*

120. Consuetudo alia est facti, alia juris. Prior consistit in frequentatione actuum necdum tamen ex obligatione. Posterior est Jus per tales actus introductum.

121. Dicitur etiam Consuetudo alia esse secundam legem, alia præter legem, & alia contra legem. Prima legem scriptam supponit, & eam observando confirmat, quia impedit, ne non usque lex tollatur, & de hac non est in presenti sermo. Secunda versatur in materia de qua leges nihil tractantur, & de hac agitur in presenti. Tertia potius tollit legem, quam legem constituit, quamvis etiam possit legem constituere, si obligationem contrariam, & non meram libertatem inducat.

122. Definitur Consuetudo ex S. Isidoro in *C. Consuetudo dist. 1. Jus moribus constitutum, quod pro lege suscipitur, cum deficit lex.* Ut autem vim legis obineat consuetudo, duas conditiones habere necesse est, ut sit rationabilis, & legitime præscripta. De priore agemus hac Contraversia.

123. QUÆRITUR ergo, quænam consuetudo censeri debeat rationabilis. Resp. hoc ex opposito cognoscendum esse. Illa enim consuetudo erit irrationabilis, quæ vel Juri naturali aut divino adversetur, vel Jure Canonico reprobat, vel peccandi licentiam ansamque præbet, vel alia ratione Reipubl. perniciofa est: ergo quæ nihil horum habet, rationabilis erit.

124. Adverendum tamen est, plus requiri ad Consuetudinem præter legem, quam contra legem: Nam ad hanc sufficit, si præscindendo à lege contraria utilitati Reipublicæ non adversetur, & sic est sufficienter rationabilis: at verò quæ debet habere vim legis, debet etiam habere conditionem ipsam legis, ut nimirum sit positive expediens Reipublicæ, & ad ejus felicitatem maiorem conducat. Consensus populi in ejusmodi obligationem est signum sufficiens, si aliunde nil obstat, quod Consuetudo expedit, quia quod ab omnibus vel maiore parte fit, tanto temporis decursa, recte fieri præsumitur. Ut autem hæc doctrina facilius ad praxin deservire possit, exemplis est illustranda. Itaque

125. Inferitur 1. Possesse esse rationabilem consuetudinem, ut singulis annis transmittatur Cleri is Xenia, qualis consuetudo fuit in Ecclesia Messanensi approbata à S. Gregorio Papæ lib. 1. *Registr. indic. 9. Epist. 94.* Nec improbare illis verbis, quæ habentur cap. 1. de consuetud. solum enim prohibet talia Xenia sibi Pæficti deinceps mitti ab inferioribus Ecclesiis, *Consuetudines enim, inquit, quæ Ecclesiis gratiam inducere dignoscuntur, nostrâ nos decet consi-*

*deratione remittere: & hoc ideo ut existimat P. Layman in cit. cap. quia potius alii Ecclesiis à Sede Apostolica lubidum afferendum est, quam ut ab ipsis aliquid accipiat. Contrarium dicendum esset de consuetudine, quæ Laici à parochis hujusmodi munera jure vellente exigere, priusquam decimas solverent, quia talis consuetudo videretur repugnare libertati Ecclesiastica, ut notarunt Imola, Joannes Andreas, Panormit. & alij.*

126. Inferitur 2. Irrationabilem fuisse consuetudinem, & merito ab Innocentio III. reprobam, cap. ad nostram S. 7. quâ in Diocesi Pictaviensi in causis etiam Ecclesiasticis decidendis suffragium habuerunt tam litterati, quam illiterati, quicumque interfuerint allegationibus, & querelis partium, etiam si nullâ ceteroquin jurisdictione præditi fuissent; quæ consuetudo repugnabat utique etiam naturali Juri, ut per se patet.

Inferitur 3. Possesse rationabilem esse consuetudinem, quâ unum Monasterium acquirit Jus, ut in Abbatem alterius Monasterii non ex illius alterius, sed ex suo gremio aliquis eligatur, non obstante Jure communi contrarium statuentem; ut electio semper ex proprio gremio fiat. Colligitur ex c. cum dilectus. tit. eod. ubi casus Pontifici propositus legi potest.

Inferitur 4. Irrationabilem fore consuetudinem, quâ quis possit sine autoritate Pontificis simul in eadem Ecclesia duas dignitates, personarum, &c. obtinere. arg. C. 1. in 6. l. 1. ibi *Corruptelam cum sacris sit inimica Canonibus, & de ambitionis radice processerit merito repellantur: eam autoritate Apostolica reprobamus.* Quia si hoc ordinari fieri possit, cederet in manifestum præjudicium Ecclesiarum: Cum, communiter & regulariter loquendo vix uni digne quis satisfacere possit. Bene tamen possit consuetudine induci, ut unus in eadem Ecclesia cum canonicali præbenda dignitatem, personarum, aut officium obtineret. arg. C. eam te. 7. de reservationibus. ubi quærat Archidiaconus & Canonicus ejusdem Ecclesiæ. Quia hoc etiam dispensatione Episcopi fieri potest.

127. Inferitur 5. Non obstante Jure communi cap. 1. de Excessibus Prælati. Valere consuetudinem præscriptam, quod Episcopus, inquirendo, puniendo, & corrigendo subditorum excessus non teneatur requirere consilium Capituli. Cap. Non est de Consuet. in 6. Non est (dum tamen alias sit præscripta canonice) consuetudo quam allegat Episcopus reprobanda: quod in inquirendis, puniendis & corrigendis subditorum excessibus consilium sui Capituli requirere minime teneatur.

128. Dicit aliquis, Si potest consuetudo contra Jus commune præscribi, quomodo etiam est, quod n. 4. diximus, irrationabilem esse consuetudinem, quæ Jure Canonico reprobat? R. Aliud est, reprobari consuetudinem, aliud,

aliud, reprobari actum, cuius frequentatione præscribitur consuetudo. Plus ergo requiritur ad consuetudinis reprobationem, nempe, sicut Canones possunt aliarum rerum præscriptiones vel omnino irritare, vel ad majus minusve tempus restringere ( ut acturi de præscriptionibus ostendimus ) ita etiam possunt irritare præscriptionem Consuetudinis in cæta materia.

## CONTROVERSIA II.

*Quomodo Consuetudo præscribitur.*

### S V M M A R I V M.

**Q**uantum temporis requiratur ad præscribendam Consuetudinem contra legem. 129

Advertendum discrimen inter consuetudines facti, dam aliquæ importanti eacum consensum Principis, aliæ non. 130.

*Si contra legem obtineat, debet saltem præcedentibus legibus Princeps hanc vim consuetudini contulisse.* 132.

*Hujusmodi abrogatio non est propriè Præscriptio: Sed quasi.* 133.

*Errant, qui putant præscriptionem contra legem Ecclesiasticam esse præscriptionem contra Ecclesiam.* 134.

*Non requiritur ad hujusmodi præscriptionem bonafides.* 136.

*Redditur discriminis ratio.* 137.

*Quanta frequentia altum requiratur.* 138.

*An actus isti debeant esse plenè voluntarii, non metu, aut dolo obtinent.* 139.

*An debeant procedere ex scientia, quod necdum sit obligatio, aut quod sit contra legem.* 140.

*Ex quali intentione debeant exerceri hujusmodi actus.* 141. 143.

*Quæ signa possint esse indicativa hujusmodi intentionis.* 142.

*Qualis consensus Principis seu Legislatoris requiratur ad inducendam consuetudinem.* 144.

*An Præscriptio contra legem impediatur, si in lege dicatur: Contrarià Consuetudine non obstante.*

129. **Q**UÆRITUR 1. Quantum temporis requiratur ad præscribendam consuetudinem contra legem. Plurimum opinio est, ad præscribendum contra legem Ecclesiasticam non sufficere decem annos, sicut sufficiunt ad præscribendum contra legem Civilem, sed requiri annos 40. nempe quia Ecclesia gaudet hoc privilegio, ut non nisi 40. annis contra illam præscribatur, atqui præscribere contra legem Ecclesiæ est præscribere contra Ecclesiam. Ergo

130. Communior tamen, & meo judicio vera sententia est, utrobique 10. annos sufficere. Ita Lessius, Azor, Castro Palao, Lugo disp. 7. de Just. f. 6. n. 94. ut non videam, quomodo R.R. aliqui contrariam dicant communem. Advertendum est 1. discrimen inter ipsas consuetudines facti, quæ contra legem vigent. Aliquæ enim

sunt, quæ dum vigent, important tacitum consensum Principis seu Legislatoris, dum nempe conscius consuetudinis flet, cum posset resistere, nec urget legis observantiam: unde præsumitur nolle subditos obligare: quo casu censetur Princeps cedere jure suo, legemque tacite revocare: ideo in hoc casu non dicitur propriè consuetudo præscribi, præscriptio enim currit etiam absque consensu illius, contra cuius iura præscribitur, ut suo loco dicitur. Quapropter abrogatio legis non est regulanda regulis Præscriptionis quoad temporis diuturnitatem, sed tunc completa censetur, quando silentium & dissimulatio Principis arbitrio prudentum verosimiliter indicat, quod legis observantiam non curet: unde etiam intra pauciores annos quam decem lex abrogari potest.

131. Aliquando tamen consuetudo contra legem non importat secum talem consensum Principis quasi subsequentem vel concomitantem, ed quod Princeps nihil sciat de transgressionibus legis: & in hoc sensu procedit quasi sitio.

132. Advertendum est 2. Consuetudinem ex sua natura non habituram esse unquam hanc vim præscribendi seu abrogandi legem in scio Principe, nisi ipse Princeps præcedentibus legibus talem vim consuetudini contulisset. Contulit autem imprimis Legislator Civilis lege primà & ultimà C. quæ sit longa consuetudo ibi. Nam & consuetudo præcedens & ratio quæ consuetudinem iussu custodienda est. & lib. 3. Leges quoque ipsas antiquitas probata & servata tenaciter consuetudo imitatur & retinet. Item lege de quibus §. 1. ff. de legibus. Et quamvis hæc leges (unicæ de quibus excepta) loquantur de consuetudine quæ est præter legem, hoc est, quæ novam legem inducat, extenditur tamen à DD. (conformiter ad L. de quibus prope finem) ad abrogandam etiam legem: verba legis sunt. §. 1. Quare rectissime etiam illud receptum est, ut leges non solum suffragio Legislatoris, sed etiam tacito consensu omnium per desuetudinem abrogentur. Nam autoritas populi & communis consensus non debet minus virum habere ad unum, quam ad alterum. Legislator verò Canonicus hoc ipsum statuit c. fin. de Consuetud. his verbis. Licet longævæ consuetudinis non sit vilis autoritas, non tamen est usque adeo valitura, ut juri posuero debeat præjudicium generare, nisi fuerit rationalis, & legitime præscripta.

133. Advertendum est 3. Tametsi hujusmodi abrogatio legis per consuetudinem non sit propriè Præscriptio (nam in pluribus deficit, ut suo loco ostendetur) est tamen quasi Præscriptio, & quia in iuribus nomine præscriptionis appellatur, cogitandum est, iura non plus temporis ad hanc requirere, quam ad alias præscriptiones propriè dictas. Nunc

134. Probatur conclusio, evertendo fundamentum contrariæ opinionis, hoc est, probando,



bando, quòd præscriptio contra legem Ecclesiasticam non sit præscriptio contra Ecclesiam propriè loquendo, & ideo non gaudeat privilegio Ecclesiæ concessio. Contra illum enim dicitur propriè præscribi, cujus dominium aut ius cum jactura & damno illius minuitur, & tollitur: ob hanc causam leges concesserunt Ecclesiæ plus temporis, quia voluerant conservare bona Ecclesiæ in utilitatem Ecclesiæ, non ut Ecclesia Legislatrix est, sed ut domina juris ad instar aliorum. Præscriptio autem contra legem non minuit utilitatem aut commodam Ecclesiæ, ne quidem ut Legislatrix est, quia leges non feruntur in utilitatem Legislatoris, sed subditorum: ergo præscriptio contra legem non est præscriptio contra Ecclesiam in eo sensu, quo Ecclesia gaudet privilegio longioris temporis, quam alii contra quorum bona præscribi potest. Confirmatur. Nam ad præscribendum contra Ecclesiam Romanam non sufficiunt 40. anni, sed centum anni requiruntur. Ergo si præscriptio contra Canonem esset præscriptio contra Ecclesiam, in sensu quo adversarii Ecclesiam accipiunt, adeoque privilegiata, centum anni requirerentur, quod tamen nec adversarii dicunt.

135. Quæ dicta sunt de Consuetudine contra legem, à fortiori procedunt de Consuetudine præter legem, seu habente vim legis novæ. Quia iura magis de huiusmodi consuetudine loquuntur. Lex de quibus: ait: *Inventata consuetudo pro lege non immerito custodiatur, & hoc est ius, quod dicitur moribus constitutum.* Lex: sed & ea: ait: *quæ longè consuetudine approbata sunt, & per annos plurimos observata, non minus quam ea quæ scripta sunt iura, servantur.*

136. QUÆRITUR 2. An ad huiusmodi Præscriptionem requiratur bona fides, sicut requiritur in aliis præscriptionibus scilicet ad eam inchoandam. 2. Negativè contra Lessum. Ratio est, quia alioquin moraliter loquendo nunquam ferè præscribi, aut præscriptum esse constare posset: quin potius nunquam præscriptum esse præsumeretur, quia præsumitur lex non ignorari, adeoque transgressiones eius peccaminosæ: imò ex dicendis q. 7. constabit, probabilius non posse præscribi cum ignorantia legis.

137. Neque est par ratio huiusmodi alijs præscriptionibus: nam si v. g. res aliena præscribi posset cum mala fide, redundaret hoc in grave damnum innocentium, & præberetur anfa fraudibus: hoc non sequitur in præscriptione contra legem; si enim aliquod damnum inde sequeretur, vel consuetudo non esset rationabilis, vel damnum redundaret in ipsum præscriptentem, vel id esset merè per accidens: per se enim loquendo primæ transgressiones legis non ita sunt connexæ cum frequentia subsequenti transgressionum, sicut iniqua possessionis inchoatio cum ejusdem continuatione. Deinde

ad bonum subditorum spectat, ut, quando per diuturnam experientiam constat, legem esse lapidem offensionis, præbendo laqueum conscientis, tunc, inquam, expedit, ut lex cesset obligare, cum hoc bonum præponderet illi, quod sperari posset ex perseverantia obligationis, cum rara observantia.

138. QUÆRITUR 3. Quanta frequentia actuum requiratur. 2. Nec unum actum, nec duos sufficere, ne quidem, etiam si Judiciales essent. Ità communiter DD. quibus adherent Menochius, V Vesenbecius, & Schneidevinus. In nova editione Peneia vocatur *O innotuit, penultimè producta, non correpta*, ut plerique pronuntiant. Cur autem hæc nomenclatura compellatur fuerit, causa est, quia in quibusdam locis prodit se ab Ecclesia Romana alienum, & ideo merito in eadem editione est castigatus. Ceterum arbitrio judicis, vel prudentis viri relinquendum est, quot actus in hac vel illa materia requirantur, ut prudenter censetur populus in talem consuetudinem præter legem, ejusque obligationem consentire: si verò loquamur de consuetudine contra legem, tot actus requiruntur & sufficient, quot intra decennium frequentati ostendunt expedire, talem legem potius abrogari quam sustineri.

Quòd unus actus non sufficiat, constat ex ipso nomine Consuetudinis, significante frequentationem actuum. Quòd non sufficiant duo, constat: quod enim bis fit, non dicitur fieri frequenter, in ordine ad inducendam consuetudinem, sed solum in ordine ad graviores criminis punitionem. & ità intelligendum est cap. ita nos 25. q. 2. ubi Episcopalis dignitas civitati subrahitur, quæ suos præfules iteratà vice interemerat, & vocatur: *Velut usus & consuetudo sacrilega.*

139. QUÆRITUR 4. An actus isti debeant esse plenè voluntarii; non metu aut dolo obtenti. 2. Affirmativè. Ratio est, quia loquendo de Consuetudine præter legem, cum inducat gravem obligationem, requirit consensus deliberatum, non minus quam gravis transgressio ejusdemque præcepti. Loquendo verò de Consuetudine contra legem, si merus casus involuntarium secundum quid, tunc ex transgressione non appareret legis inutilitas aut arduitas, cum populus transgrediendo v. g. ex metu aut dolo, potius offenderet, si legem non esse querens, cum mallet abesse metum, ut legem servare posset.

140. QUÆRITUR 5. An huiusmodi actus debeant procedere ex scientia, quòd necdum sit obligatio, ad hoc ut obligationem inducant: item an debeant esse ex scientia legis latæ, ad hoc ut contra legem præscribant. Negat Salas, sed verior & communior opinio affirmat. Undè si populus ex errore observaret per decennium aliquem diem festum vel jejunium, existimans se ad hoc obligari, non faceret consuetudinem

consuetudinem Juris: item si materialiter transgredietur legem, quam nesciret existere, non præscriberet contra legem: nam ex hujusmodi actibus non posset colligi legis inutilitas aut arduitas, & contingere posset, ut tolleretur lex, quam populus mallet existere.

141. QUÆRITUR 6. Ex quali intentione debeant exerceri hujusmodi actus, ut consuetudinem legalem inducant. *¶* 1. Requiritur intentionem inducendi obligationem. Probatur primò à posteriori: alioquin defacto plurima essent sub obligatione, quæ tamen non sunt, ut recitatio matutina ante missam, Oratio angelicæ salutationis, acceptio cinerum, in die cinerum, & ramorum die palmarum &c. Probatur. 2. à priori, quia lex scripta debet ferri à legislatore animo obligandi: ergo consuetudo, quæ vim habet legis, debet induci animo obligandi.

142. Sed quæret aliquis, quæ signa possint esse indicativa hujusmodi intentionis: nisi enim aliqua signa adsint, potiùs opposita intentio præsumenda erit, quia nemo præsumitur velle sibi onus imponere, nisi de tali animo constet, & lex non præsumitur, nisi probetur. *¶* Possit esse sequentia. Primum, si Materia Consuetudinis sit res gravis & difficilis, & tamen communiter servetur à populo: quia non solet populus uniformiter operari in ejusmodi materiis, nisi vel supponat obligationem, vel expectet eam existere ad obtinendum aliquod emolumentum, quod sine obligatione non speraret. Secundum. Si neglectiores reprehendantur propter difformitatem, & populus agrè ferat hujusmodi transgressiones, tunc enim supponitur quædam culpa civilis in transgressoribus, quasi conentur impedire cursum Consuetudinis ad inducendam obligationem. Tertium, & meo iudicio optimum, si materia sit talis, ut seclusa obligatione non posset sperari constantia à quovis requisitorum ad obtinendum illud bonum, quod per talem consuetudinem intenditur: tunc enim qui constanter operantur secundum consuetudinem, præsumunt velle per suas operationes prodesse Reipublicæ quantum possunt, & meliore modo quo possunt: si ergo magis profunt obligationem inducendo, hoc ipso hanc saltem implicite intendunt, quod sufficit. Quodsi dubium sit, an expediat obligari potiùs quam non obligari, præsumi debet contraria intentio, quia nemo vult se sponte obligare, nisi ex obligatione majorem fructum, & majore probabilitate speret.

143. Loquendo nunc de actibus præscriptis contra legem, conveniunt etiam DD. requiri intentionem se se deobligandi: sed hujus intentionis indicia non arbitror esse necessarium investigare, quia videtur in transgressionibus semper adesse primaria intentio in populo, ut ex suis transgressionibus lucrum reportent si quod

possibile est: lucrum autem est utique abrogatio legis in illis circumstantiis, ex quibus colligi potest, expedire ut lex abrogetur.

144. QUÆRITUR 7. Qualis consensus Principis seu Legislatoris requiratur ad inducendam consuetudinem. Certum autem est, aliquem consensum requiri, nam sine Principis voluntate, populus non habet potestatem condendi legem aut conditam abrogandi, cum hæc potestas in Principem sit translata. Vnde posset Princeps antecedenter resistere Consuetudini contra legem, ut suprà dictum est, si v. g. judicaret, per talem resistantiam absterrendum populum à transgressionibus, qualis autem debeat esse consensus disceptatur. Basiliius Pontius arbitrat, requiri consensum quasi consequentem & præsupponentem actus aut transgressiones populi, approbando, vel dissimulando ac tolerando: unde consequens est, quod non posset Consuetudo induci, nisi de actibus aut transgressionibus populi Principi constaret.

145. Communis tamen est Sententia, sufficere consensum generalem antecessorem, & expressum in iuribus superius allegatis, quibus generatim Consuetudines rationabiles & legitime præscriptæ approbantur, & vim accipiunt à Legislatore. Ratio est, quia nullibi plus requiritur, idque satis exprimitur in lege de quibus fit de Legib. *Rectissime receptum est, ut leges non solum suffragio Legislatoris, sed etiam tacito consensu omnium per defectum abrogentur.* quibus verbis duplex modus abrogandi legem exprimitur. primus & indubitus est voluntas revocatoria Legislatoris, secundus est tacitus populi consensus per actus contrarios.

146. QUÆRITUR 8. An præscriptio consuetudinis contra legem censetur impediri, si in aliqua lege dicatur: *Contraria Consuetudine non obstante.* *¶* Affirmativè. Nam, ut habet communis sententia contra Suarez, hæc verba non solum ad consuetudinem præteritam, sed etiam ad futuram extenduntur, nisi in ipsa lege ad solas præteritas extenderetur. Tum quia talis prohibitio est in favorem legis, & in bonum Reipublicæ, & ideo late interpretanda: tum quia lex prohibens consuetudinem vult cavere legis abrogationem per defectum.

### CONTROVERSIA III.

*Quomodo Consuetudo possit abrogari.*

#### SUMMARIUM.

*Consuetudo universalis abrogatur lege universali.* 147.

*Consuetudini particulari non derogat lex universalis, nisi addatur clausula derogatoria.* 148.

*Imò nec Consuetudo particularis abrogatur per legem particularem.* 149.

*Clausula derogatoria generalis Consuetudinis particulari.* D 2

*cularis non se extendit ad Consuetudinem immemorialem, nisi exprimatur. 151.*

*Consuetudo consuetudine abrogari potest. 152.*

147. **DICENDUM** breviter 1. Consuetudo universalis abrogari potest per legem contrariam æquè universalem, etiam in lege nulla fiat mentio contrariæ consuetudinis. Ratio est, quia universalem consuetudinem non præsumitur Legislator ignorare; ergo ejus intentio est eam abrogare lege contraria.

148. **DICENDUM** 2. Consuetudini particulari & rationabili alicujus loci, non derogat lex universalis, (quidquid dicat Bartolus) nisi talis Consuetudinis clausula derogatoria saltém sub terminis generalibus expressè apponatur. Ità decisum habetur in c. 1. de *Constitut. in 6.* ubi Ratio assignatur, quia cum ejusmodi consuetudines existerent, in factò consistat, possunt à Legislatore probabiliter ignorari, quas si sciret, fortassis ad illum locum legem non extenderet. Textus sic habet. *Elicet Romanus Pontifex (qui jura omnia in scrinio pectoris sui censetur habere) constitutionem condendo posteriorem, priorem (quamvis de ipsa mentionem non faciat) revocare noscatur: quia tamen locorum specialium & personarum singularium consuetudines & statuta (cum sint facti & in factò consistent) potest probabiliter ignorare: ipsis (dum tamen sint rationabilia) per constitutionem à se noviter editam (nisi expressè caveatur in ipsa) non intelligitur in aliquo derogare.*

149. **DICENDUM** 3. Imò nec consuet. particularis abrogari videtur per legem particularem, hoc est, pro loco illius consuetudinis la-

tam à principe universali (aliud est de Principe particulari) nisi vel consuetudinis aliqua mentio fiat, vel accedat populi consensus, petitio aut informatio, vel alio modo constet notam esse Principi talem consuetudinem. Ratio redditur ex dictis. Quia adhuc censeri potest Princeps talem consuetudinem ignorare: & ex altera parte juris correctio est vitanda quoad fieri potest, *L. præcipimus. C. de appellat. & Legislator in ferenda lege non censetur velle moribus subditorum resistere nisi exprimat, arg. cap. Erit autem lex. dist. 4.* ubi dicitur: *Erit autem lex honesta, iusta, possibilis, secundum naturam, secundum patriam consuetudinem, loco temporisque convenient.*

150. Adverte hic 1. Has conclusiones procedere de consuetudine jam plenè præscripta, non verò adhuc imperfecta, ut contra Suarez pluribus probat Castro Palao.

151. Adverte 2. Clausulam generalem derogatoriam consuetudinis particularis, non se extendere ad consuetudinem immemoriam, nisi hoc expressè dicatur: nam consuetudo immemorialis, hoc est, cujus initium nescitur, habet vim privilegii à Principe concessi, cui non derogatur clausulâ generali derogatoriâ consuetudinis, sicut nec præscriptio immemorialis excluditur exclusâ præscriptione generaliter, *arg. L. 3. §. ductus aquæ ff. de aqua quotid. & asirva. ibi Ductus aquæ cuius origo memoriam excelsis jure constituti loco habetur.*

152. Adverte 3. Sicut lege potest abrogari præterita consuetudo, ità & consuetudine contrariâ, positis omnibus conditionibus suprà requisitis.



## CAPUT IV. DE EXEMPTIONE A LEGE COMMUNI, HOC EST PRIVILEGIIS.

### CONTROVERSIA I.

*In qua definitio, & multiplex Privilegiorum divisio, alique  
conditiones explicantur.*

#### S V M M A R I V M.

**D**efinitio privilegii. 153.  
*Non omne Principis beneficium est privilegium.*

154.  
*Quomodo privilegium sit contra jus commune. 155.*

*Privilegium aliud reale, aliud personale. 156.*

*Subiectum privilegii realis aliud corporeum, aliud incorporeum. 157.*

*Regula discernendi privilegium reale à personali, ex pluribus capitibus desumendum est. 158.*

*Privilegium aliud merè gratiosum, aliud remuneratorium. 161.*

*Privilegium aliud purum, aliud conventionale. 163.*

*Privilegium aliud perpetuum, aliud temporale. 165.*

*Privilegium conditionata, conditione variabili, an sine perpetua. 167.*

*Privilegium aliud commune, aliud singulare. 168.*

*Privilegium aliud pro foro conscientie, aliud pro foro externo. 169.*

*Privi-*

*Privilegium aliud scriptum, aliud non scriptum.* 170.  
*Privilegium aliud concessum ad instantiam partis, aliud motu proprio.* 171.

*Quenam sint privilegia ad instar.* 174.  
*Quomodo concedantur per communicationem.* 176.  
*Quomodo confirmantur, seu innoventur.* 177.

153. **D**efinitur privilegium, lex privata aliquid speciale concedens. Dicitur *Lex*, non quidem respectu illius in cuius favorem conceditur, non enim habet ex genere suo, illum obligare, cum, regulariter loquendo, nemo teneatur uti privilegio, & privilegium non datur invito, sed respectu aliorum, quos obligat, ne impediatur privilegiorum ab usu privilegij. Deinde quia non omne privilegium est ex le perpetuum, cum quandoque concedatur ad tempus, ideo minus proprie *Lex* appellatur.

Dicitur *Privata*, Quia in favorem alicuius privati, vel certe uni tantum parti totius communitatis conceditur.

Dicitur *Speciale aliquid concedens*, hoc est, favorem aliquem, qui iure communi non est concessus, aut certe dubium est, an sit concessus. Ubi notandum est, privilegium omne, si fieri possit, semper ita intelligendum esse, ut aliquem favorem speciale tribuat iure communi non tributum. Sed quia quandoque privilegium datur de aliquo, quod iure communi est concessum, quale videtur contineri *cap. quia in causis. de Procuratoribus &c. c. si Christus §. fin. de Jurjur.* Ideo de huiusmodi dicendum est, ea vel non esse privilegia concessiva, sed tantum declarativa iuris communis,tribuendo suam declarationem maiorem securitatem: vel si sunt privilegia, eorum favorem specialem in hoc consistere, quod specialiter obligent superiores, ut taliter privilegiatos singulari cura circa tale ius defendant intuitu auctoritatis illius, qui tale privilegium concessit, & præterea talia privilegia hoc operantur, ut per simplicem revocationem iuris communis non possit impediri usus illorum, sed necessaria sit revocatio privilegij concessi.

154. **Q**UÆRES 1. An omne Principis Beneficium sit privilegium. *æ.* Negativè. Privilegium enim semper est ad plures actus, cum datur cum aliqua duratione notabili: potest autem dari beneficium ad unum solum actum, v. g. facultas eligendi semel Confessarium, dispensandi semel in irregularitate, absolvendi semel a reservatis, &c.

155. **Q**UÆRES 2. An omne privilegium debeat esse contra ius commune. *æ.* Posse hic fieri quæstionem de nomine. Affirmant Panormit. Bartolus, Sebastianus Medicis. Sed alii communius negant. Existimant enim, plurima esse privilegia præter legem, hoc est, concedentia favorem, quem ius commune nec prohibet nec concedit, v. g. Privilegium audiendi

confessiones, dispensandi, &c. Ceterum licet ius commune talia non prohibeat, nisi supponendo defectum potestatis, adeoque non prohibeat eo modo, quo v. g. prohibet communionem carnis in quadragesima, est tamen aliqua prohibitio, & formalis illi Auctores aliam non intellexerunt, adeoque conciliari possunt.

156. Dividitur privilegium primo in reale & personale. *L. Privilegium ff. de R. J. & colligitur ex cap. Mandata de præsumpt. ibi. Quas (vices Apostolicæ Sedis) non loco tribuimus, sed personæ. Quia ex transacta in te vita didicimus, quid de consequenti conversatione tua præsumamus.* Reale est, quod immediatè tribuitur, affigitur & inhaeret rei, loco, conditioni, dignitati, officio, separabili à persona in ordine ad cuius usum datur: v. g. si fundo Petri datur privilegium exemptionis à decimis: tunc enim ad quemennæque pervenerit fundi dominium, gaudebit fundi exemptione, etiam defuncto Petro. Personale est, quod immediatè inhaeret personæ individuat, particulari & determinatæ, & cum ea extinguitur, ut si Petro datur privilegium recitandi matutinum una hora post meridiem, absolvendi à reservatis, &c.

157. Subiectum privilegij realis aliud est corporeum aliud incorporeum. Corporeum est, v. g. Ecclesia, fundus, Monasterium, &c. Incorporeum est officium, ut dignitas Episcopalis, Clericatus, Doctoratus, Universitas, Religio, vel alia Communitas. Nam licet hæc constent personis, sunt tamen fisione iuris quasi una persona perpetuabiles, & ideo tale privilegium est reale non personale. *L. forma. 4. §. quanquam 3. ff. de Censibus. Quanquam in quibusdam beneficia personis data immunitatis cum persona extinguantur: tamen cum generaliter locis, aut cum civitatibus immunitas, sic data videtur, ut ad posterum transmittatur.* Et hoc verum est, si singuli possint frui privilegio, siue sola communitas per modum unius.

Idem videtur etiam dicendum de iis, quæ certo generi hominum moraliter perpetuè duraturo conceduntur, quamvis non constituent unum corpus mysticum, ut Privilegium Senatus Consulti Velleiani, Macedoniani, Restitutionis in integrum, concessum Minorennibus vel absentibus Reipublicæ causâ, Privilegium militum in faciendis testamentis sine solennitatibus de iure communi requisitis, &c.

158. Porro non potest universalis regula ex uno solo capite erui ad cognoscendum & discernendum Privilegium Reale à Personali. Nam primum, non ex solis verbis hoc colligi potest: aliquando enim verba diriguntur ad unam Personam singularem, & tamen Privilegium est Reale, ut si dicantur. *Concedo tibi hanc facultatem in perpetuum.* illa particula: *in perpetuum*: esset otiosa, nisi privilegium transiret ad successores, nam illâ etiam non adjectâ, & nullâ etiam



additâ limitatione ad certum tempus, privilegium durat toto vitæ tempore; nullum autem verbum debet in privilegio censerî otiosum *cap. si Papa, de priv. in 6. ibi* Cum verba aliquid operari debeant. Econtra possunt verba dirigi ad rem, v. g. ad dignitatem, & tamen esse privilegium Personale, eò, quòd res non possit transire ad hæredes aut successores: tunc enim ex subjecta materia colligitur, conferri huic soli individuo, cui defuncto inest hæc dignitas; ut si Episcopo Augustano (sub istis terminis) detur Privilegium legendi sacrum textu capite, & majori parte sedendi quamdiu durat morbus arthriticus.

159. Secundò non potest univèrsim sumi discrimen ex materia, quæ tamen si ad successores transire possit, ex verbis tamen colligi potest, Privilegium esse tantum Personale. v. g. si dicatur: Concedimus Episcopo Augustano, ob singularem ejus prudentiam, potestatem dispensandi in voto Religionis, Castitatis &c.

Tertiò non potest univèrsim sumi ex motivo ultimarò & impellente; nam sæpè hoc non manifestatur: deinde etiam si manifestetur, potest motivum inesse particulari personæ, & tamen privilegium esse reale, vel econtra, v. g. si Privilegium dicat: Ob insignem virtutem bellicam, & res à Petro præclarè gestas, do ejus familiaritatem ejus prudentiam, potestatem dispensandi in voto Religionis, Castitatis &c. erit reale vel econtra: ob plurima merita hujus familiaritatem à Petro hoc privilegium: erit personale.

160. Quapropter & verba, & res, & causa diligenter consideranda sunt, iisque simul consideratis judicandum est de intentione dantis privilegium. Quod si omnibus his consideratis adhuc dubium est, tunc distinctione opus erit. Si enim Privilegium sit purè favorabile, in nullius grave præjudicium, nec contra Jus commune directè prohibens, interpretandum est, esse reale, quia Privilegium Principis plenissimè interpretandum est l. ult. ff. de Constit. Principum. Beneficium Imperatoris, quod à divina scilicet ejus indulgentia profiscitur, quàm plenissimè interpretari jubemus, secus, erit Personale.

161. Dividitur 2. In Privilegium merè Gratiòsum, & Remuneratòrium. Prius est, quod conceditur & non in vim præmij, alterum quod conceditur in compensationem meritòrum, ad hoc autem non sufficit, si privilegium quomodocùnque concedatur intuitu & occasione meritòrum; possunt enim merita esse indicativa singularis idoneitatis ad usum alicujus privilegij, & tunc non habet rationem præmij, quia sic concedi posset, etiam si jam prius omnia merita compensata fuissent. Exemplum habetur in *cap. mandata, de Presumptionibus*, ubi Bonifacius Papa dedit Episcopo Maximo potestatem Vicariam super omnes Ecclesias Siciliae his adjectis verbis: Non loco tribuimus sed Personæ: quia ex transacta in te vita didicimus, quid de subsequenti conversatione tua presumamus.

162. Privilegium remuneratòrium aliqui putarunt, semper esse Personale, propter varios juris textus apud Suarez c. 4. n. 2. qui tamen bene ostendit æquivocationem in verbo: Personale & Personæ. Illud insuper rectè advertit, quòd quando transmissio Privilegij ad successores, non cedit in commodum ipsius privilegiati, tunc si dubium est, an sit Privilegium reale, an Personale, potius Personale censendum sit. Si verò transmissio etiam cedit in commodum privilegiati, tunc in dubio attendenda est proportio inter merita & præmium: si enim non excedit merita talis transmissio, censetur privilegium esse reale. Neque obstant Jura dicentia, quòd quæ Principes alicui ob merita indulserit, vel si quam penam irrogavit, vel si cui sine exemplo subvenit, personam non egrediantur: hoc enim intelligendum est formaliter non materialiter, hoc est, non egrediantur personam adæquatam, v. g. totam familiam, quia non licet inde ob similitudinem aut paritatem rationis argumentari ad aliam familiam, quæ fortasse non minora merita habet, sed privilegium illi concessum non est.

163. Dividitur 3. in Privilegium purum, & conventionale. Purum est, quod merè gratis datur sine reciproca obligatione. Conventionale est, quod ex pacto conceditur. Unde constat, non omne privilegium esse omninò gratiosum, satis enim est, si sit aliquid Jure communi non concessum.

Privilegium Conventionale non solum potest esse reale, sed etiam Personale, ità ut cum persona extingatur, quod immeritò negarunt aliqui Iuristæ, tecepti principio quodam Iuridico, quod omne pactum & obligatio suâ naturâ debeat esse perpetua, adeoque etiam ad hæredes transire. Sed si hoc principium ità crudè sumatur, habet contra se plurimas instantias; Nam ut taceam de matrimonio & sponsalibus, quæ utique ad hæredes non transeunt, Ususfructus potest utique in pactum venire, & tamen non transit ad hæredes illius cui ususfructus conceditur: cur ergo non possit privilegium ex pacto ad vitam concedi? Addo aliud exemplum ex tit. *Inst. de Verb. Ob.* ubi §. 4. utilis censetur stipulatio, quâ quis sibi petit ab altero promitti decem aureos quoad vivet, qui stipulatur: & eo mortuo promissor hæredibus nihil debet. Respondent aliqui moderni, quòd de rigore Iuris posset hæres stipulatoris agere & exigere adhuc decem aureos, quia pacta sunt perpetua, sed tamen ex æquitate hæres stipulatoris, inquit, pacti exceptione commoveretur, quia qui ad vitam stipulatur, ne hæres petat stipulatus videtur. Ità habet celeberrimus I. Consultus Ioannes Arnoldus Corvinus in suo Enchiridio. Sed hæc sunt bella verba, nihil solvantia. Stipulari enim ne hæres petat, idem formalissimè est, ac stipulari, ut sibi non autem hæredi debeat.

ergo

ergo hoc pactum formalissimè excludit transitum ad hæredes.

164. Melius respondet Suarez, illud axioma intelligendum : nisi ex intentione contrahentium aliud colligatur, vel nisi materia & natura contractus aliud exigat : unde non est essentialè pactum ut sic, esse perpetuum, sed solum non repugnat ex genere suo esse perpetuum, sicut animal ex genere suo non repugnat esse rationale, licet non omne animal sit rationale.

165. Dividitur 4. in Privilegium perpetuum, & temporale, quæ divisio differt à priorè : nam licet omne privilegium perpetuum sit reale, non tamen e contra omne reale est perpetuum. Itaque Privilegium perpetuum est, quod ex vi concessionis & rei cui conceditur, durare perpetuò potest. reale etiam est, quod Ecclesiæ materiali etiam intuitu ædificij conceditur ; nam licet illud ædificium destrui possit non minùs quàm homo, imò etiam si ex tali materia constaret, quæ iuxta centum annos non minùs corruptenda esset quàm homo individuus, adhuc tamen esset privilegium perpetuum, quia potest semper esse spes reedificandi illam Ecclesiæ, quæ spe durante non extinguitur, sed ad summum suspenditur privilegium, ut dicemus.

166. Privilegium temporale est, quod moraliter & naturaliter loquendo intra certum tempus extingui debet, quod provenire potest primò ex parte subjecti cui conceditur, nempe si persona individuus, quæ naturaliter non potest perpetuo durare ; nam licet in iure tempus vitæ vocetur tempus perpetuum, ut cum exilium dicitur poena perpetua, hæc tamen acceptio est impropria. Secundò contingere potest ex modo concedendi, si nempe concedatur ad tempus, tunc elapso tempore extinguitur privilegiū, nisi de novo instauretur, & hoc est privilegium reale non perpetuum ; ut cum conceduntur Indulgentiæ plenariæ defunctis applicandæ ad duodecim annos. Hujusmodi etiam esse videtur, cum dicitur : *Quandiu voluero*. tunc enim non potest durare ultra vitam concedentis, ut habet communior opinio, quamvis oppositum etiam probabile iudicet Castro Palao *disp. 4. p. 16. §. 1. post Eman. Sa.* quia ex communi consuetudine, & etiam ordinariarum praxi, videntur illæ voces idem sonare quod illæ : *Donec revocavero*. vel : *Nisi revocavero*. vel : *quandiu aliud non decrevero*. tunc enim adhuc post mortem verificantur conditiones illæ, quia semper est verum dicere, privilegium non esse revocatum, ut cum pluribus aliis advertit Laym. in *Theol. Mor. hic n. 17.*

167. QUÆRES, an Privilegia conditionata sint perpetua, si conditio adjecta variari potest : ut si Pontifex concedat Privilegium Religioni, si & quandiu in novo orbe laboraverit in vinea Domini. P. Castro Palao p. 2. §. 2. in fine videtur absolute pronuntiare, talia esse temporalia. Sed

distinguendum est ex principiis antea positis. Vel enim conditio est talis, ut moraliter possit perpetuò durare, esto etiam cessare possit : & tunc adhuc privilegium est perpetuum, non obstante conditione subintelligendâ, *quandiu Sedi Apost. placuerit*, nam ut Suarez ad verit. ejusmodi conditio in omni privilegio subaudiatur, nempe, *quandiu Sedi Apost. vel Principi placuerit*, à quo revocari potest. Quod si verò conditio ejusmodi sit, ut moraliter non possit perpetuò durare, tunc erit privilegium temporale : ut si Pontifex alicui Religioni concedat privilegium tempore pestis exortæ, quandiu se impenderit servitio infectorum : moraliter enim non potest pestis esse perpetua.

168. Dividitur 5. in Privilegium Commune & Singulare. Commune est, quod immediate bonum alicujus Communitatis respicit cui Privilegium conceditur, & tantum per redundantiam respicit bonum singulorum, qui sub illa communitate continentur ; tale est Privilegium Fori, quod toti Clero conceditur, intendendo primariò ejus honorem & reverentiam. Privilegium singulare est, quod immediate singulorum privatorum utilitatem respicit, ut privilegium restitutionis in integrum. Est autem inter utrumque hoc discrimen notatu dignum, quod priori non possit privatus renuntiare, bene autem posteriori, sed cum duplici limitatione ; prima, si illius solius interfit cui conceditur : quod si simul alterius interfit, tunc consensu alterius opus est ad renuntiandum ; v. g. quia mariti etiam interest mulierem non posse ex fidejussione obligari & efficaciter conveniri, ideo sine consensu mariti non potest uxor renuntiare S. C. Velleiano. secundò limitatur, si consensus privilegiati requiritur in collatione privilegij ; sunt enim quædam privilegia, quæ etiam invito dantur, ut S. C. Macedonianum, privilegium pupillorum, ut non valeat contractus onerosus sine consensu tutoris, Privilegium exemptionis Religiosorum, cujus privilegij renuntiatio cederet in præjudicium Papæ, qui sibi illos immediate subiecit, de quo tamen videri potest Salas d. 16. f. 3. n. 5. & Layman. c. 23. n. 3. *prope finem.*

169. Dividitur 6. in Privilegium pro foro conscientie, & pro foro externo. Prius est, quod tantummodo servit ad assecurandam conscientiam alicujus, non tamen in ordine ad forum externum, in quo se talis gerere debet perinde ac si nullo privilegio juvaretur ; v. g. si Religiosi habent privilegium absolvendî à Censuris, sive Episcopalibus, sive Papalibus in foro conscientie, taliter ab ipsis absolutus potest occultè celebrare, quin incurrat irregularitatem, in foro tamen externo (si notorium sit, esse censurâ innodatum) debet se gerere, ac si à nemine absolutus esset, donec obineat absolutionem, vel absolutionis declarationem in foro externo.

Econtra privilegium pro foro externo verè concessum etiam servit ad conscientie securitatem, & continet eminenter privilegium pro foro interno.

170. Dividitur 7. in Privilegium scriptum & non scriptum. Scriptum ab homine datum, nec luti communi insertum, debet esse authenticum, vel Principis sigillo munitum, vel transumptum cum subscriptione Notarii, & personæ in dignitate constitutæ sigillo, vel debet esse desumptum ex originali, citatâ parte cuius interest. Privilegium non scriptum est, quod vel ore tenus (ut sunt vivæ vocis oracula) vel per consuetudinem seu præscriptionem legitimam obtentum est: nam quæ sic bonâ fide præscripta sunt, in favorabilibus nomine Privilegii veniunt, non tamen in odiosis; unde revocatis privilegiis non censetur revocari tales consuetudines, quæ sunt privilegia fortiora, quàm vivæ vocis oracula, & etiam scripto concessa, ut bene docet Suarez c. 7. n. 10. & 15. Unde sicut Consuetudo generalis tamen sit propriè lex, sæpius tamen non comprehenditur nomine legis, ita consuetudo particularis licet sit propriè privilegium, si favorem præter vel contra ius commune inducat, non semper tamen nomine privilegii comprehenditur, præsertim in odiosis.

171. Dividitur 8. in Privilegium concessum ad instantiam partis, & concessum motu proprio: quæ divisio est adæquata, nec admittit medium: nam esto fieri possit, ut princeps concedat privilegium motu proprio, & tamen præcesserit petitio partis, princeps autem vel non fuerit motus ab illa petitione, vel certè non fuerit motus ab illa sola, adeo ut etiam si non moveret petitio, ex alio tamen motivo sufficeret moveretur ad privilegium concedendum, hoc tamen non est propriè medium inter illa duo, sed vocandum est Privilegium motu proprio concessum, quia motus proprius non supponit simpliciter & determinatè negationem instantiæ, seu petitionis, sed solum supponit negationem instantiæ ut adæquati soliusque motivi, & econtra privilegium ad instantiam est solum illud, quod præcisè ex motivo petitionis conceditur.

172. Ut autem sit Privilegium motu proprio, debet id exprimi in privilegio c. si motu proprio de præbendis in 6. ibi in fine. Motu quoque proprio tunc solum gratia fieri censetur, cum hoc expresse cautum fuerit in eadem. alioquin non posset probari, nam probatio illius negationis, scilicet quod petitio et instantia non fuerit adæquatum motivum, sed habuerit ad iunctum aliud motivum etiam secundum se sufficiens, est seè impossibile.

173. Differunt etiam in ordine ad effectus. primò: quod concessum motu proprio procedit ex plena liberalitate, & ideo latè est explicandum & ampliandum, quantum proprie-

tas verborum admittit: ad instantiam verò concessum, non item, quia est minùs voluntarium, & censetur per importunitatem extorrum.

2. Concessum ad instantiam potest facilitius in privilegium retorqueri, cogendo ad usum privilegii. 3. Privilegium motu proprio concessum omnem subreptionem excludit, saltem quando nulla penitus petitio præcessit, quia tunc motus proprius supplet seu ostendit voluntatem conferentis non alligari defecto ulli veritati, quæ si manifestata fuisset, privilegium non fuisset indultum. Clement. si Romanus de Præbend. c. si motu proprio 23 eod. tit. in 6. Si motu proprio alicui aliquid beneficium obtinenti conferamus aliud, de illo non habita mentione: non ob hoc gratiam huiusmodi, quæ de nostra mera liberalitate processit, invalidam volumus reputari. Controversum est, an si præcessit petitio cum taciturnitate veritatis ejusmodi, adhuc privilegium subsistat, si concedatur cum particulis: *Motu proprio*. Negat post alios Suarez, non quidem ob vitium surreptionis (hoc enim purgaretur per clausulam) sed ob defectum intentionis, quæ tunc videtur esse conditionata: si præces veritate nitatur. Ejusdem sententiæ videtur esse Prosper Fagnanus in c. super litteris de Rescriptis n. 38. quamvis non satis se explicet. Affirmant tamen probabiliter, etiam tunc valiturum privilegium, Sanchez, Menoch. & alii, quos sequitur Castro Palao; quia tunc clausula adjecta indicat, mentem Pontificis esse, quod privilegium eadem liberalitate & plenitudine ac intentionis amplitudine concedat, ac si petitio non præcessisset, debet enim tale privilegium amplè explicari, quantum patitur verborum proprietates, ut fatetur Suarez: atqui verba patiuntur hanc amplitudinem. Quod si tamen vel in ipsâ petitione fuit causa falsa allata, quæ principaliter moveat, vel in ipsâ concessione fuit apposta etiam sine prævia petitione, tunc utique privilegii concessio est nulla, quia deest intentio conferendi cum tali falsitate, sed de hoc iterum infra: Cap. ult. de Rescriptis §. ult.

174. Restant nunc quedam species Privilegiorum explicandæ.

Prima species sit eorum privilegiorum, quæ dicuntur *ad instar*. v.g. quando Petro conceditur privilegium ad instar illius, quod concessum est Paulo. De hac specie

DICENDUM est primò, tale privilegium plenè & adæquatè commensurari illi alteri privilegio tanquam exemplari, prout se habet tempore concessi privilegii *ad instar*. Unde si postmodum augeatur, sive minuat exemplar, non propterea augeatur aut minuitur privilegium concessum *ad instar*, nisi hoc in ipsâ concessione cautum esset: imò etiam si exemplar postmodum tolleretur, adhuc firmum maneret privilegium *ad instar*, non enim datum est cum continua dependentia ab exemplari.

175. DICENDUM 1. Si generalibus terminis datur privilegium ad instar alterius, & illud aliud exemplar nullum omnino existat, nec sciri potest, qualem fuerit in specie, talis concessio nihil operatur: sicut si in legato nulla omnino res aut quantitas exprimitur, legatum est nullum, *l. si sic legatum. 75. §. si mihi. ff. de legatis primò*. qui textus in proprio loco referetur. Si tamen species privilegii nominaretur, etiamsi exemplar non existeret, imò nunquam existisset, valeret, quia jam constaret de intentione Legislatoris.

176. Secunda species fit eorum privilegiorum, quæ habentur per communicationem cum aliis, & maxime viget apud Religiosos; & non differunt reipsa à privilegiis ad instar; quatenus uni Religioni conceditur, ut per communicationem gaudeat privilegiis alteri Religioni concessis. de quibus videri potest Suarez c. 16. § 17.

177. Tertia species fit Confirmatio, seu Innovatio, ac nova concessio privilegiorum jam antè concessorum. Dupliciter autem confirmantur, vel in forma communi, vel ex certa Scientia. Quando confirmantur tantum in forma communi, hoc est non addendo clausulam: *ex certa scientia*, vel: *ex plenitudine potestatis*: vel referendo ipsum privilegium, illiusque tenorem inferendo, tunc confirmatio non est illius efficaciz, ut tribuat privilegium de novo, si prius jam erat extindum, adeoque tantum significat approbationem, roborationem, & specialem protectionem, supposito quoddam existat. Quando verò confirmatur ex certa scientia, hoc est, ponendo unam ex dictis clausulis, habet vim illud de novo conferendi, si aliquando verè collatum fuit, etiamsi postea fuerit amissum, nisi generali Concilio revocatum esset, tunc enim hujus revocationis mentio facienda esset.

## CONTROVERSIA II.

*Quanam conditiones ad Privilegium requirantur.*

### SUMMARIUM.

**A**D valorem Privilegii Scriptura solum requiritur ut in Judicio possit probari. Exceptis quibusdam. 118.

*Regulariter Privilegium non confertur ignorantibus aut invito. Sufficit tamen acceptari antecederet.* 179.

*Ad valorem privilegii non requiritur causa rationalis.* 180.

*Quomodo non subditus possit gaudere privilegio.* 181.

178. **Q**UÆRITUR 1. An requiratur Scriptura. 2. Regulariter ad substantiam & valorem non requiri, sed ad hoc solum, ut in

Judicio possit secundum privilegium judicari. Dixi. *Regulariter*. Excipitur enim primò Collatio, Confirmatio, vel Vnio à Sede Apostolica facta Beneficiorum, quorum possessio apprehendi non potest, nisi literis expeditis, alioquin omnia sunt irrita, nec beneficiarius facit fructus suos, & privatur beneficiis intentis, habereturque pro intruso & violento possessore. Excipitur 2. facultas non residendi in beneficiis curam animarum habentibus, quæ exigit Scripturam ab Ordinatione dandam. *Trident. sess. 23. c. 1. de Reform.* Excipitur 3. facultas ingrediendi intra septa Monasterii. *Trid. sess. 25. cap. 5. de Reform.* Excipitur 4. designatio Judicum à Romano Pontifice, quæ fit per Rescripta, de quibus infra.

179. **Q**UÆRITUR 2. an ad valorem privilegii necesse sit, illud innovasse privilegiario. 2. Tametsi possit privilegium concedi ignaro, imò invito, quia quandoque sic expedit fieri, ut jam supra diximus, nihilominus regulariter non solet privilegium hoc modo conferri, saltè directè; quia cum sit quædam donatio & liberalitas, communiter expedit non acquiri nisi à conscio & consentiente. Sufficit autem acceptari antecederet, v. g. petendo per nuntium aut procuratorem, tunc enim facta concessione, etiamsi adhuc necias esse concessum, jam habes privilegium; & hoc verum est, etiam quando privilegium est contra Ius, quidquid negaverit Suarez & Vasquez. Neque enim obstat, quòd in tali casu, si operaris conformiter privilegio ignorato, ob erroneam conscientiam peccares contra legem, hoc enim esset per accidens, & habentur plures instantiæ; una sufficit. Si per procuratorem impetres dispensationem contrahendi cum Maria, & interim sub spe jam impetratæ dispensationis contrahis Matrimonium antequam intelligas factam dispensationem, peccas, & tamen Matrimonium tenet, si reverà jam tunc erat Romæ dispensatum. Ratio autem desumenda est à paritate; sicut enim obligari quis potest lege, etiamsi per ignorantiam excusetur, ut supra dictum, sic potest quis eximi à lege, & tamen per errorem adhuc à lege accusari, vel potius à conscientia.

180. **Q**UÆRITUR 3. an ad valorem privilegii requiratur causa rationalis concedendi illud. Ad licitam concessionem non est dubium requiri, alioquin præberetur ansa querelis, daretur scandalum ob personarum acceptionem, & legis utilitas infirmaretur, &c. Loquendo autem de Valore, 2. Negativè, nisi aliunde colligi possit, supremum Legislatorem, à cuius autoritate privilegii concedendi potestas oritur, in Materia speciali aliter non consentire. Ratio responsionis est, quia Conscience in concedendis privilegiis, procedit sicut dominus disponendo de re sua, cuius etiam prodigalis



donario valet. Ratio autem exceptionis est, quia ex communi DD. sensu in concedendis Indulgentiis requiritur sufficientia causa ad valorem illarum, eò quòd Christus Dominus non censetur de dissi. Vicario suo potestatem, dispensandi valide thesaurum suum sine causa, ob inconvenientiam quæ sequi possent.

181. QUÆRITUR 4. An privilegatus debeat esse subditus privilegiantis. *Æ. 1.* Ad recipiendum privilegium contra legem, à qua liberetur privilegiatus utique debet esse subditus, quia non subditus lege non obligatur. Nihilominus in aliquo sensu potest etiam non subditus huiusmodi privilegio frui, non quasi eximatur à lege qua prius absolute obligabatur, sed quatenus eximitur à lege, quâ alioquin non exemptus obligaretur, si in illo territorio versaretur, ubi usus privilegii est exercendus. Exemplum. Si Imperator prohibeat efferi ex Imperio certas merces, tunc si Rex Galliarum acciperet facultatem extrahendi tales merces, esset privilegium, & tamen ipse non est subditus Imperatoris absolute, sed tantum respectivè, hoc est, si in territorio Imperatoris versentur ejus Ministri, tenentur legibus territorii, & si contra agerent sine facultate, ratione delicti nanciscerentur forum in Imperio. *Æ. 2.* Loquendo de privilegio præter seu ultra Jus commune, illud potest etiam non subito concedi, v. g. potest concedi Regi Galliarum, ut in Imperio militem conscribat.

## CONTROVERSIA III.

### Circa Vsum Privilegiorum.

#### SUMMARIUM.

**Q**uandam privilegiatus uti possit suo privilegio extra territorium privilegiantis. 182.

Casus quadruplex examinatur. 182. & seqq.

An quis possit uti privilegio adversus alium pariter privilegiatum. 186.

Nunquam possunt duo habentes privilegia opposita esse pariter privilegiati. 187.

182. QUÆRITUR 1. Quandam privilegiatus uti possit suo privilegio extra territorium privilegiantis. Difficultas quæstionis est quadruplex. Prima, an liceat tibi uti privilegio concessio contra Jus commune à tuo Episcopo, si transeas per alium Episcopatum. *Æ. Affirmative:* Ratio est; nam ex una parte prohibitio in alieno Episcopatu (ut supponimus) est eadem cum prohibitione in tuo Episcopatu, est enim à lege utrique communi: ex altera parte in lege communi non potest tuus Episcopus tecum dispensare nisi ex commissione facta à Sede Apostolica: ergo sicut dispensatus aut privilegiatus à Summo Pontifice posses uti privilegio in quacunque diocesi, ita etiam dispensatione & privilegio tui Episcopi.

183. Secunda difficultas est, an possis uti privilegio, quod tibi concessit Episcopus tuus ad actum, qui quidem non sit contra Jus commune, sit tamen contra speciale statutum tuarum quàm alterius diocesis: v. g. si in diocesi Tridentina sit prohibitum legere certos libros, vel gestare certum genus armorum, & hæc ipsa sint etiam prohibita in diocesi Mediolanensi; si tuus Episcopus tecum dispensavit, potestine tui hoc privilegio etiam in diocesi Mediolanensi? P. Suarez *c. 26. n. 7.* cum aliis absolute respondet Negative. P. Castro Palao *p. 6. n. 4.* docet, resolutionem pendere ex ea quæstione, an peregrini teneantur legibus alieni territorii, & ideo arguit Suarezium inconsequentiam, eò quòd alibi docuerit, Peregrinos non teneri loci alieni legibus. Verum Suarez loquitur de tali statuto, quod se non solum ad subditos, sed etiam ad peregrinos extendat, eò quòd specialiter interit illius territorii, tale statutum etiam à peregrinis observari, qualibus statutis supra docuimus etiam peregrinos obligari. Constat hæc Suarezii mens ex verbis illius: *Probat, inquit supponendo, peregrinos, dum versantur in alieno territorio, teneri ad servandas proprias consuetudines & statuta illius territorii in quo sunt, quando sunt communitati toti populo, vel personis omnibus ejusdem conditionis vel status.* Nullam proinde Suarez commisit inconsequentiam in hoc puncto. Nunc ad difficultatem Respondeo cum distinctione. Si statutum tale est, ut peregrini illo obligentur, tunc, etiam si tecum dispensavit tuus Princeps, non potes uti privilegio in alieno territorio, vi hujus dispensationis, secus poteris uti. & ita docent Suarez, Salas, Bonac. Palao, qui tamen addit (nescio an satis consequenter) ex benigna interpretatione voluntatis Superioris illius loci quâ transis, posse te præsumere, quòd non obligeris ejus legibus à quibus in tuo territorio exemptus es, & pro hoc citat Suarez & Bonacinam, in quibus ego nihil hujusmodi reperio. Sed quidquid de hoc sit: Probat nostra responsio: quia tuus Princeps aut Episcopus non habet potestatem eximendi te legibus alienis: ergo sicut illis legibus tenereris, si in tuo territorio privilegium non haberes, aut si domicilium ibi haberes, ita & in casu posito tenereris, nec juvaberis privilegio.

184. Tertia difficultas est. Si in tuo territorio habes privilegium ad actum, qui quidem non sit contra Jus speciale ullius statuti, ad sui tamen valorem & licentiam opus habet autoritate & facultate Principis loci, an tali facultate tui Principis uti possis in alieno territorio: v. g. habes à tuo Episcopo licentiam predicandi, celebrandi, docendi, potesne hæc exercere in aliena diocesi, sine alterius licentia. *Æ. Negative,* ob rationem eandem prioris resolutionis, si te ad applicetur. Quod si tibi Episcopus tuus dedit licentiam ad actum aliquem sine restrictione

ad suam diœcesin, & ille actus in aliena diœcesi non sit prohibitus, nec indigeat speciali licentiâ Ordinarii, poteris etiam ibi uti privilegio tuo: v. g. conceditur tibi facultas eligendi confessorium quemcumque approbatum, tunc, si venias ad aliam diœcesin, potes uti tuo privilegio, nec teneris ibi confiteri parochio aut alteri privilegiato, uti tenereris, si privilegium non haberes, saltem ex communiore sententia, quamvis hoc ipsum neget Sanchez & Palao.

185. Quarta difficultas est, an possis uti tuo privilegio, quod tibi concessit v. g. Pontifex, ad actum, qui in aliquo loco specialiter prohibitus est, ob specialia damna, quæ tali loco imminant, etiam quando fieret à peregrinis. R. Negativè cum Suarez & Bonac. Ratio est, quia licet Pontifex possit pro tali loco, utpote supremæ Principis etiam dispensare, si tamen non expressè derogat municipali statuto, præsumitur non voluisse derogare, & in generali concessione non veniunt, quæ quis in specie non fuisset verisimiliter concessurus.

186. QUÆRITUR 2. An uti possis privilegio adversus alium pariter privilegiatum v. g. Petrus habet privilegium exigendi decimas ab omnibus in suo territorio existentibus, & existens in ejus territorio habes privilegium exemptionis à solvendis decimis. R. Attendendum esse quodnam privilegium sit generale, quodnam speciale; & tunc, qui habet generale, non potest uti contra alterum, sed bene e contra; itaque in casu posito Petrus non potest à te exigere decimas, tuumque privilegium prævalet, juxta Reg. 34. de R. J. Generi per speciem derogatur: nisi privilegium generale haberet annexam clausulam derogatoriam privilegi specialis.

187. Quod utrumque privilegium sit æquè generale, vel æqualiter speciale, & opponantur, tunc videndum, quodnam sit antiquius, vel à fortiore & superiore Legislatore datum, illudque prævalebit. Itaque impossibile est, duos habentes privilegia opposita, esse rigorosè pariter privilegiatos; Nam cum semper unus vincat, hoc ipso est magis privilegiatus; unde axioma illud: *Privilegiatus non gaudet privilegio contra pariter privilegiatum*, est intelligendum: contra fortius privilegiatum, ut etiam advertit Suarez c. 23. n. 6.

## CONTROVERSIA IV.

Circa Privilegiorum Interpretationem  
& Extensionem.

### SUMMARIUM.

**I**ntentioni Legislatoris potius quàm verbis insistendum est, & interpretatio ita facienda, ut privilegium non sit inutile. 188.

*Privilegium quod nec est contra jus commune, nec in præjudicium tertii, est amplissimè interpretandum.* 189.

*An si in præjudicium concedentis? eod.*

*Privilegium derogans juri communi, regulariter & per se loquendo est strictè interpretandum.* 200.

*Exceptiones.* 201. § seqq.

*Privilegium cedens in præjudicium tertii, ac derogans juri ipsius jam quæsito, est regulariter strictè interpretandum.* 203.

*Extensio Privilegii quomodo differat ab Interpretatione.* 204.

*Extensio vocabulorum ex triplici capite provenire potest.* 205.

*Non licet Privilegium extendere ad casus aut personas non expressas, quantumcumque sit paritas rationis.* 206.

*Explicatur capitulum. Per venerabilem. Qui filii sint legitimi.* 207.

188. **C**um tota vis & efficacia privilegii pendeat ex intentione conferentis, hæc autem quandoque verbis obscurioribus exprimitur, opus est conjecturis ex circumstantiarum consideratione desumptis, ut intentionem investigemus, & hæc est legis interpretatio. Porro, si de intentione constat, verba autem videntur aliud sonare, tunc intentioni in hærendum est, nec enim Intentio verbis, sed verba intentioni servire debent: c. in his. de V. S. Servanda est autem diligenter proprietas verborum, nam quandoque sunt verba æquivoca, significantia res diversas quidem, sed singula significatione propria, aliquando verò significant unam propriè, aliam impropriè, & tunc ad sensum improprium non debent derogari. Denique interpretatio semper ejusmodi esse debet, ut privilegium non reddatur inutile, sed aliquid ultra jus commune concedat: unde omnia illa censentur in privilegio concessa, quæ sunt media necessaria ad usum; v. g. dispensatus es in minore ætate ad recipiendum beneficium parochiale, hocipso dispensatus es in obligatione recipiendi Sacerdotium intra annum.

189. QUÆRITUR 1. Quænam privilegia sint amplè vel strictè interpretanda. R. 1. Privilegium, quod nec est contra jus commune, nec cedit in præjudicium tertii quoad jus illi jam quæsitum, est amplissimè interpretandum, quantum verborum proprietas patitur. Ratio est, quia tale Privilegium continet merissimum favorem sine odio, & ideo latam admittit interpretationem. L. Beneficium. ff. de Constit. Princip. jam sup. adducta. Reg. Jur. Odia restringi, favores convenit ampliari. Quæ omnia approbantur Iure Pontificio C. olim de verb. signif. ubi dicitur, beneficia Principum esse interpretanda latissimè, & hoc verum est, etiam quando ampla interpretatio cedit in præjudicium concedentis privilegium: C. quia circa. de Privileg. ubi Innocentius

nocentius III. referibit Archiepiscopo Londonensi, quod remissio decimarum indefinite facta ab ejus antecessore quibusdam Monachis, sit intelligenda non tantum de decimis possessionum illius temporis, sed etiam postmodum acquiritendarum. *Quia beneficiis plenissima est interpretatio adhibenda.* Aliam rationem addit glossa: *Ne excogitata fraude sua obviet liberalitati.* Fallit tamen hæc responsio ampliari secundum quosdam Canonistas in privilegiis ab Ecclesia Romana concessis, quia Ecclesia Romana non præsumitur voluisse in suum præjudicium quemquam privilegiare, ut Prosper Fagnanus cum glossa colligit ex cap. *cum instantiade Censibus*, quamvis non satis efficaciter. nam illud cap. loquitur simpliciter de privilegio, non de pura extensione seu ampla interpretatione privilegii certo concessi: quare tamen non debeat præsumi privilegium contra Romanam Ecclesiam concessum nisi probetur, cum hoc tamen stare potest, etiam Ecclesie Romanæ beneficium certo concessum posse recipere interpretationem contra privilegiantem, ob generalem rationem, quam ipse Pontifex in cit. cap. *Quia circa*. assignavit: & ipse Pontifex in cap. *olim de V. S.* hoc de suis etiam privilegiis pronuntiat, esse largissimè interpretanda.

200. Resp. 2. Si privilegium derogat Juri communi, tunc regulariter & per se loquendo est strictè interpretandum. *Cap. quod delicto. de consang. & affin.* ubi Coelestinus Papa privilegium Apost. Sed. Legati strictè interpretandum decernit, eò quod adversaretur consuetudini loci. Ratio est, quia correctio Juris est vitanda, cum bonum commune, quod per legem queritur, sit præferendum privato bono, per privilegium ordinatiè quæsitum. Hinc ex. gr. si dispenseretur cum aliquo ad beneficia, est intelligendum de solis simplicibus. nisi alia mens colligatur vel ex supplicatione, vel ex fine, &c. Idem ex communi DD. dicendum est de privilegio derogante statuto vel consuetudini speciali, quia respectu privilegii est instar Juris communis, & clarè colligitur ex cit. cap. *quod dilecto*. ibi. *Vnde in hac parte consultius duximus, multitudinè & observata consuetudini deferendum.* Unde miror, quod Prosper Fagnanus, securus Antonium de Butrio, putet contrarium colligi posse ex cap. *Olim de V. S.* quasi ibi contra statutum speciale concessum esset beneficium, quod textus non habet, ut legenti manifestum fiet.

201. Dixi. *Regulariter.* Excipitur enim primò, quando privilegium cedit in favorem Religionis aut causæ piæ; v. g. si contra Jus commune concederetur privilegium aliquod filiisfamilias circa sua peculia, cujus usus cederet in favorem Religionis, extendendum esset non solum ad legitime natos, sed etiam ad legitimos, quia summum Jus est, quod pro Religione facit. Talia sunt privilegia Religiosorum, imò

& militum, quorum causa, sicut & Studiosorum, est etiam pia, hoc est, speciali modo ad bonum commune Reipublicæ conducens. Et Ratio est, quia favor his personis concessus allicit plures ad hujusmodi arduas functiones, & sic compensatur vulneratio Juris communis, quæ fit per privilegii extensionem. Hujusmodi tamen extensio tacienda non est in dispensatione illegitimi ad Ordines suscipiendos indefinite; non licet enim extendere ultra Ordines minores, tum quia majores Ordines speciali consideratione opus habent, tum maxime, quia talis extensio, etiam videri posset, reverà non favet causæ piæ, sed potius illi obest, nam Jus commune excludens illegitimos ab Ordinibus, est introductum in favorem status Clericalis; & hoc exemplum adducere placuit, ut instar illius in aliis judiciis.

202. Excipitur 2. Privilegium quod vel est insertum corpori Juris (sic enim evadit pars Juris communis, adeoque definit illi præjudicare) vel in Jure æquiparatur privilegiis Juri insertis, cujusmodi sunt privilegia Religiosis in perpetuum concessa.

203. Excipitur 3. Privilegium proprio motu, vel ex certa scientia concessum, quia hæc clausulæ indicant singularem principis favorem, ac proinde latè interpretandum est.

Resp. ad quæsitum 3. Privilegium cedens in præjudicium tertii, ac derogans Juri ipsius jam quæsitum, est strictè interpretandum, regulariter loquendo. Citat pro hac responsione Fagnanus cap. *Relatum de Præbend.* & c. *Archidiaconum dist. 85.* Sed neutro loco invenio quod ad rem faciat. Magis ad rem citari potest cap. *Pastoral. de privileg.* ibi. *nisi forte in indulgentia Summi Pontificis id contineatur expressum, &c. quia per indulgentiam hujusmodi Episcopali Juri non credimus derogari.* Ratio ergo responsionis est, quia, nisi Princeps exprimat, præsumitur nolle aliis præjudicare: unde omne privilegium ita interpretandum est & restringendum, ut quam minime præjudicet Juri alterius, ut de Sponsalibus tradit Sanchez lib. 8. de Mat. d. 2. n. 3. Dixi: *Regulariter.* Si enim privilegium alioquin nihil conferret beneficii, nisi latè etiam cum præjudicio tertii interpretetur, est latè interpretandum, ne privilegium inane evadat, & est textus clarus in cap. *in his. 30. de Privileg.* ubi improbat Pontifex interpretationem privilegii, per quam fieret, ut privilegium nihil speciale conferret.

204. QUÆRITUR 2. An, & quomodo fieri possit extensio privilegii ad casus vel personas non expressas, nec à privilegiante intentos. Pro responsione

Notandum est primò, extensionem differre ab interpretatione in hoc, quod interpretatio sic de mente Legislatoris prout per verba ambigua significatur; nam quia verba quodlibet strictiorem, quodlibet latiore significatio-



nem admittunt, ideo interpretamur quandôque strictius, quandôque latius juxta regulas paulò antè traditas. Extensio verò privilegii tunc esset (prout in præsentî quaeritur, an fieri possit) quando constaret quidem, intentionem Legislatoris non fuisse de alio casu aut personis, quàm per verba clarè expressis, sed tamen ad alios casus & personas extenderetur ob paritatem vel etiam majoritatem rationis, quæ movit privilegiantem, ut pro hoc casu & his personis privilegium indulgeret.

205. Notandum 2. Multa esse vocabula, quæ primâ facie videntur non nisi certis quibusdam personis vel causis convenire, & alias omnes excludere, reverâ tamen æquivalenter seu virtualiter etiam alias in privilegiis favorabilibus complectuntur, quod ex triplici capite provenire potest, ut advertit Suarez *lib. 8. c. 10. n. 4.* videlicet, vel ex vi vocis in significatione etiam latiore receptæ, & usitatæ, vel ex necessitate materie, eò quòd alioquin privilegium esset ferè inutile, aut minùs accommodatum moribus hominum, vel ex Iuris dispositione, cujus est privilegia extendere. Demus exempla singulorum. Primum. Nomine *Filiorum* veniunt etiam Filiiæ frequenter in Iure; imò ex Iuris dispositione in privilegiis veniunt etiam nomine *Filiorum* Nepotes, quamvis alioquin non nisi immediati descendentes intelligantur, & in hoc velint Iuristæ differte nomen *Filiorum* à nomine *Liberorum*, quòd nomine *Liberorum* etiam Nepotes & Pronepotes intelligantur: eodem modo nomine *Fratrum* veniunt sorores, & nomine Religiosorum etiam Religiosæ, si significatum illis aptari possit. Secundum exemplum adferre possumus ex Prospero Fagnano in cap. *Ne pro dilatione. de pœnit. & Remiss.* n. 40. ubi resolvit, Cardinalem etiam non Episcopum, nec Legatum de latere, vigore capituli citati gaudere privilegio eligendi sibi Confessarium, quia Cardinales dignitate & officio sunt Superiores Episcopis: ergo veniunt etiam sub illis terminis Capituli: & aliis Superioribus. & illis: *Prælati exemplis*. Tertium exemplum. Privilegia concessa Maritis censentur concessa uxoribus, si materia privilegii id exigat. Pariter, si alicui conceditur privilegium dicendi Missam tempore Interdicti, conceditur etiam Ministro, ut audiatur; & si Nobili conceditur privilegium audiendi Missam, conceditur etiam illis, qui illum solent comitari. Quartum. Cui conceditur facultas comedendi lacticia tempore jejunii, concessa censetur etiam facultas comedendi ova, quia species pro genere nominatur, hoc est, concessionis intentio est de ijs quæ à carne originantur, quæ est causa generalis prohibitionis. Quintum. Ob contentiam virtutalem nomine Testamenti quandôque veniunt etiam Codicilli, & donatio causâ mortis; unde cui licet facere testamentum, licet etiam facere Codicillum, &

donare causâ mortis: item nomine dispensationis votorum venit etiam commutatio.

De his & similibus dicendum, quòd non sint extensiones propriæ dictæ privilegiorum, sed potius declarationes. In sensu ergo superius expósito,

206. Respondetur ad Quæsitum, non licere unquam extendere privilegium ad casus aut personas non expressas, quantacunque sit paritas rationis: Probatur primò ab absurdo. Si enim sub prætextu paritatis rationis liceret extendere privilegia ad casus non expressos, nihil fixum aut circumscriptum esset in privilegiis, sed summus abusus, quidquid enim uni concederetur, essent statim alij, qui dicerent, sibi quæ persuaderent, in sua causa vel persona parem, imò majorem rationem esse: ergo & sibi privilegium servire. Probatur 2. Paritas rationis plus non evincit, quàm quòd alius sit æquè dignus privilegio, sicut alius pauper est æquè dignus elemosynâ, neque tamen quia unus accipit, alter par jus acquirit: aliud enim est esse dignum privilegio, & aliud: illud habere: sicut ergo, qui primus accipit privilegium, priusquam illud acciperet, jam dignus erat, nec tamen illud habebat, potuisset quæ illi denegari, ita potuit illi concedi, & non concedi aliis æquè dignis. Imò non raro subest causa sufficiens ut uni concedatur privilegium, quæ non esset sufficiens ut concederetur pluribus, quandoque enim non expedit, nimis multos esse privilegiarios. Ratio denique à priori est, quia privilegia non valent ultra intentionem conferentis, à qua pendent. Si ergo intentio se non extendit de casu ad casum, & de persona ad personam, nec valor extendi potest.

207. Obijciatur capitulum *Per venerabilem, Qui filii sint legiti.* quod est longissimum. ubi videtur Pontifex ità discurrere, ut fateatur, quòd qui potest legitimare filios ad functiones spirituales, possit etiam ad temporales effectus v. g. ad successionem; hæc autem videtur esse mera extensio. & ideo hoc capitulum in ipso argumento seu summa capituli vocatur difficile, ut mixer, cur Fagnanus illud præterjerit. Quoad præsens punctum existimo carete difficultate, patique plures responsiones; imò servire ad nostræ conclusionis confirmationem, si adjungantur verba illius descripti, quæ per parenthesis capitulo subnectuntur. Itaque Respondetur primò, illum discursum non esse Pontificis, sed supplicantis, & in Rescripto solum referri per modum causæ dubitandi, ut patet legenti. 2. in illo discursu non dici, quòd legitimandi potestas ad spiritualia extendi possit ob paritatem rationis ad legitimandum quoad temporalia, sed potius quòd per interpretationem una ut minor sit inclusa in altera in qua eminenter continetur, sicut in privilegio dispensandi vota includitur potestas commutandi, & in cap. ex

parte de decimis privilegium concessum ad decimas capiendas ex laboribus terræ parochiarum dicitur comprehendere etiam novalia. 22. 3. In parenthesis subjecta expresse Pontificem dicere, quod cum nobilis ille supplicans sit aliis secularibus quoad filiorum legitimationem subiectus, sine illorum injuria, nisi præstarent Pontifici assensum, in hoc legitimandi actu non posset se nobilis ille subdere Pontifici. Ex quibus verbis potius colligitur assertio, quam quod intendit obiectio.

## CONTROVERSIA V.

### Quibus modis privilegium amittatur.

#### SUMMARIVM.

**E**X quibus Modis concedi soleant privilegia. 208. Quomodo possit desicere causa finalis. 209.

Ad cessationem Privilegii non sufficit cessatio causæ impulsivæ. 210.

Si privilegium necdum est plenè concessum, est nullum cessante causâ finali. 211.

Causa finalis aliquando cessat tantum negativè, aliquando quasi contrariè. 214.

Privilegia aliqua sunt circa obligationem dividuam, aliqua circa individuam. 215.

Circumstantiis ita mutatis, ut privilegium esset iniquum, manet suspensum. 216.

Cessante causâ finali pro aliquo tempore, privilegium dividuum quandoque suspensum est, quandoque non. 217.

Declaratur exemplis. 218.

Explicatur regula. Quod pervenit ad statum in quo incipere non posset, in eo permanere non potest. 220. 221.

Valeat privilegium cessante causâ finali, si non habet tractum successivum. 222.

Disparitas inter legem & privilegium. 225.

Privilegium semel ritè comparatum, & non restrictum à concedente ad tempus vitæ, non expirat morte concedentis. 226.

Gratia aliquando dicitur Facta, aliquando Facienda. 227.

Gratia aliquando respicit illum cui conceditur, aliquando tertium. eod.

Aliquando conceditur ad usum indefinitum, aliquando ad certum. 228.

Quando Gratia jam est facta, non expirat morte concedentis. 229.

Si favor consistit in prima concessione, & non in delegatione, jam est gratia facta. 230.

Si facultas delegatur indefinitè respectu personarum, Gratia jam est facta. 231.

Si delegetur facultas non in favorem delegati, liberè tamen exercenda, censetur Gratia facienda. 232.

Quando delegatio imponit necessitatem, & est circa personam determinatam præcisè in ejus favorem, forma rescripti tamen dirigitur ad delegatum, regulariter est Gratia facienda.

Quando Rescriptum directè alloquitur privilegium concedendo facultatem, jam est Gratia facta. 236.

Utrum requiratur acceptatio, ut morte concedentis non expiraret. 238.

Renuntiatio alia est propria, alia impropria. 239.

Nemo potest renuntiare privilegio concessio communitati cuius ille est pars. 241.

Ad Renuntiationem requiritur voluntas non coacta metu iniusto. 242.

Non repugnat Renuntiationem merè internam esse sufficientem. 244.

Privilegiis absolutè concessis & acceptatis, non potest solâ voluntate internâ renuntiare, sed debet acceptari ab eo ad quem acceptatio pertinet. 245.

Declaratur exemplo Mandati. 246.

Renuntiatio tacita maxime consistit in iudiciis externis. Primus modus est Non Usus. 247.

Non amittitur privilegium, absolutè concessum nec in alterius gravamen, non usu. 248.

Privilegia quibus alii gravantur, possunt præscriptione tolli. 249.

An Præscriptio currat contra privilegium munitum clausulâ: ut utaris illo pro tuo libitu. 250.

Secundus Modus tacite Renuntiationis est Actus contrarius. 251.

Privilegia neminem gravantia contrario actu non amittuntur. 252.

Gravantia præscribuntur per actus contrarios privilegiati. 253.

Actus contrarius valet, non obstante privilegio, nisi à lege invalidetur. 254.

Potest ad præscribendum sufficere unus actus non retractatus. 255.

Tertius Modus tacite Renuntiationis abusus. 257. Explicatur Regula. Privilegium meretur amittere, qui concessa sibi abutitur potestate. 258.

Privilegium gratis datum, cum translatione juris, non potest revocari sine causa. 259.

Privilegium gratis datum sine translatione juris, potest validè revocari sine causa. 260.

Privilegium onerosum revocari non potest nisi ex legitima causa, reddito pretio. 261.

Facultates Bullæ Cruciatæ non revocantur anno Jubilei. 262.

An Conclusio procedat de privilegio remuneratorio. 263.

Inferior non potest validè revocare sine causa. 264.

Superior supremus potest etiam sine causa validè revocare privilegia Inferiorum, non tamen alius non supremus. 265.

Privilegium Corpori Juris insertum, item ex contractu oneroso, ac denique habens clausulam, ut ei derogari non possit nisi factâ specificâ mentione, non revocantur generali clausulâ: Non obstantibus quibuscunque privilegiis contrariis. 267.

Reliqua revocantur clausulâ generali derogatoriâ. 268.

Privilegia clausulata revocantur sufficienter per clausulam contrariam. 269.

*Privilegium corpori Juris insertum tacite revocatur per legem aliam universalem, etiamsi nulla prioris mentio fiat.* 270.

*Privilegium extra Juris corpus positum, nunquam revocatur posteriore privilegio nisi prioris mentio fiat.* 271.

*Quando prius privilegium est generale, & posterius speciale contrarium priori, tunc prius revocatur in quantum est contrarium.* 272.

*Privilegium corpori Juris non insertum, non revocatur tacite neque lege universalis, neque mandato aut Rescripto hominis expressè non revocante.* 273.

*Privilegium non potest tacite revocari per sententiam latam contra privilegium.* 274.

*Quancum promulgatio revocationis requiratur.* 275.

## S. I.

*Quomodo cesset deficiente causâ finali.*

208. **EX** duplici genere motivorum concedi solent privilegia: aliqua enim motiva sunt jam posita completè, v.g. merita, doctrina, prudentia singularis &c. aliqua respiciunt finem seu effectum ponendum per usum privilegii; nam esto causa ipsa concedendi privilegium jam existat, eo modo quo existere potest & debet ad hoc ut privilegium concedi possit, respicit tamen finem aliquem nondum existentem, sed ponendum per usum privilegii; ut patebit ex afferendis exemplis. & de his est præcipua controversia.

209. Porro causa finalis potest deficere, vel antequam conferatur privilegium aut dispensatio, vel postquam jam privilegium concessum, aut dispensatio facta est: & hoc iterum dupliciter contingere potest. primò, si cesset, antequam privilegium vel dispensatio usurpetur ad actum principalem, vel postquam ad actum principalem usurpatum est. His positis

210. Primò certum est, ad privilegii cessationem non sufficere cessationem solius causæ impulsivæ & non principalis ac finalis; sicut enim qui donat pauperi elemosynam, putans eum esse virum probum, valet donatio etiamsi non sit probus, quia probitas est tantum causa impulsiva, cui donans non vult alligatam suam intentionem, sed soli causæ finali, quæ est sublevatio indigentis, ita etiam in concessione privilegii aut dispensationis contingere potest.

211. Secundò certum est, si privilegium nondum sit plene concessum, & deficiat causa finalis, privilegii concessionem esse nullam, idem est in dispensatione, quæ in præsentia materia ferè per omnia cum privilegio convenit. v.g. si Romæ dispensatio jam est impetrata & expedita, sed committitur Confessario, vel Ordinatio, ut eam tibi præsentem concedat, & ut eum Delegatus Pontificis dispenset, tunc (contradicente licet Mascardo) si tempore dispensationis à delegato faciendæ non amplius existat

causa finalis, v.g. mortuus est filius legitimandus, vel jam est natus ex consanguinea, adeoque non potest per subsequens matrimonium legitimari, in hoc inquam casu irrita est dispensatio, quia deest intentio concedentis, quæ semper habet annexam conditionem: Si urgeat causa dispensationi impetrandæ præsentia. Ex eodem fundamento non valet et privilegium (contradicente licet Nicolao Garcia) si causa præsentia non subsisteret tempore concessionis primæ, hoc est Romæ factæ, etiamsi existeret tempore concessionis ultimæ. Quia subintelligitur conditio: si preces veritate nitantur.

212. Difficultas est, an cesset privilegium in casu quo post factam ultimam concessionem cessat causa concessionis: v.g. dispensaris ad contrahendum matrimonium, ut possit legitimari proles, sed moritur proles antequam tu celebras matrimonium, potesne adhuc uti concessâ dispensatione, & celebrare matrimonium? Dispensaris in voto castitatis, ob periculum incontinentiæ, ad ineundum matrimonium, cessante periculo potesne petere debitum: vel mortuâ vxore potesne ducere aliam? dispensaris ob paupertatem ad recipiendum beneficium, cessante paupertate, potesne retinere beneficium? & sic de aliis.

213. Prima sententia est Thomæ Sanchez lib.8. de Matr. d. 30. n. 14. qui cum pluribus docet, cessare privilegium, vel saltim suspendi, ita ut dum causa cessat, nihil operetur, redeunte tamen causâ reviviscat quasi privilegium.

Secunda sententia negat vel distinguit, ut dicemus. Ità Suarez, Salas, & alii, quos sequitur Palao.

214. Notandum 1. Causam finalem aliquando cessare tantum negativè, hoc est, non amplius existere, aliquando cessare quasi contrariè, ut loquitur Suarez, hoc est, ita cessare, ut ex cessatione reddatur actus aliunde illicitus, v.g. (& est exemplum Suarezii) habes privilegium decimandi ex bonis alicuius Ecclesiæ non adeo indigentis, ob speciale obsequium Ecclesiæ præstitum, tunc si illa Ecclesia depauperaretur, ut ejus Rector non haberet congruam sustentationem, esset tibi aliunde, ex jure naturali illicitum decimas sumere, & ideo pro tunc suspenderetur privilegium.

215. Notandum 2. Aliqua hujusmodi privilegia esse circa obligationem dividuam & successivam, & ex causa etiam successiva, ut patet in exemplo jejunii, recitationis horarum: aliqua verò esse circa obligationem individuam, & ex causa individua, sicut est dispensatio ad matrimonium ex causâ suscipiendæ proles ob hereditariam successionem, vel ad prolem jam susceptam legitimandam: his positis

216. DICO 1. Quando circumstantiæ ita immutantur, ut usus privilegii fieret iniquus, privilegium pro illis circumstantiis manet suspensum:

suspensum: ita contingeret in exemplo paulò ante allato, idè privilegiis decimandi. Ratio est, quia non potest humanà potestate fieri licitum, quod alià superiore lege est illicitum.

217. DICO 2. Quando privilegium est de causa dividua & successiva, tunc quandoque cessante causà finali pro aliquo tempore cessare videtur, vel certè suspensio privilegii ex intentione concedentis, quandoque tamen contrarium accidet. Tunc videtur suspendi, quando est in tali materia, ut causa dispensandi sit per accidens superveniens naturæ & conditioni humanæ, neque radicata in ipsa conditione hominum prout sese communiter habere solent, & quando semel posita causa non solet communiter esse stabilis, neque ex suspensione privilegii timendum est incommodum æquale fere illi, quod per privilegium vel dispensationem cavere volebat dispensans, aut dans privilegium. Econtra illud privilegium non præsumitur cessare, vel suspendi etiam cessante causà finali, quando vel causa dispensandi est radicata in communi conditione hominum, & vel per se loquendo stabilis, vel ejus suspensio aut interruptio afferret incommodum non multò levius illo, quod per privilegium tollendum vel cavendum erat.

218. Explicatur utrumque membrum Conclusionis in exemplis communiter admittis. Dispensatio in jejuniis & Breviario talem habet causam, quæ juxta communem hominum conditionem non est stabilis, nec est radicata in humana natura communiter spectata, communiùs enim solent homines esse bonæ valetudinis, & si quandoque malè valent, solent brevi convalescere: eodem modo se habent occupationes propter quas incommodum est recitare Breviarium: quare dispensati ones in istis videntur ex intentione dispensantis cum ea restrictione concedi, ut cessante causà dispensandi suspendatur privilegium, quia non videtur largiùs indulgeri, quàm sit necessarium ad finem, propter quem peccatur.

219. Econtra dispensatio in Voto Castitatis ad ineundum matrimonium propter periculum incontinentiæ, item dispensatio in consequendo beneficio ad sublevandam paupertatem, non videtur fieri ita limitata, ut cessante ad tempus causà dispensandi, suspendatur usus privilegii, aut dispensationis, sed videtur illimitate concedi. Ratio præsumptionis est, quia causà motivà vel radicans in ipsa conditione & complexione naturæ, qualis est inclinatio vehemens ad copulam, vel quæ semel posita solet plerumque esse stabilis ac difficilè mobilis, qualis est paupertas, & denique quia si hæc privilegia suspendenderent cessante causà finali, nascerentur occasiones innumerorum scrupulorum & perplexitatum, & vsus privilegii redderetur admodum difficilis: ergo expedit non suspendi.

220. Obijciuntur tamen contra hanc secundam partem Conclusionis varia Iuris axio-

mata, quæ dicunt, quòd quando res ad eum statum pervenit, quo non potuisset incipere, hoc ipso etiam desinat conservari, & destruiatur, si destruibilis est. Primum ergo sumitur ex lege *Præstans* 71. §. sed cum eo. ff. de Fideiussor. & Mandatorib. Quod pervenit ad statum, in quo incipere non possit, in eo remanere non potest. ubi glossa ait: quod impedit faciendum, destruit quoque jam factum. Secundum sumitur, ex l. 1. ff. de conditione sine causa, & ex l. nihil interest. ff. de nautico fenore. Paria sunt, a principio non habuisse causam, vel illam esse desisse. unde lic subsumi potest: atqui si tempore concessionis privilegii non existisset causa concessionis, privilegium non fuisset concessum, vel concessio non valuisset, aut certè illicita fuisset: ergo quando postea cessat illa causa finalis, cogitandum est, etiam, ex intentione concedentis privilegium cessare, quia ad eum statum pervenit, quo incipere non potuisset.

221. Respondeo cum Suarez, illa axiomata non posse tam largè, & universaliter sumi ut verba sonant, aliquin pugnarent cum doctrina ab omnibus concessa, nempe dispensationem in voto castitatis non cessare cessante periculo incontinentiæ, privilegium non solvendi decimas ob paupertatem non cessare cessante paupertate. Procedunt ergo solum in illis casibus, in quibus usus Privilegii aliunde reddetur illicitus, ut dictum Concl. 1. vel quando intentio concedentis ab initio fuit limitata, qualis fuit illa quæ refertur in cap. Abbatis de P. S. in fine, ubi confirmatur privilegium Monasterii Sancti Bertini, ut ex eo ad aliud monasterium semper deberet Abbas assumi, his verbis: ita videlicet, ut tamdiu Monasterium ipsum hac honoris debeat prerogativa gaudere, donec ibidem vigneris observantia regularis, ut idonea persona inveniantur in illo, qui possit in Abbatem assumi: negamus autem, intentionem Principis semper esse ita limitatam, ut ostendimus, & nunc ulterius confirmamus tum ratione, tum exemplo. Ratio est, quia plus requiritur ad honestandam primam concessionem, quàm ad conservationem, unde fit, ut aliqui effectus licitè, imò necessariò conserventur, qui tamen illicitè sunt primò producti, juxta aliam Juris Regulam, quòd multa prohibeantur, quæ tamen facta tenent: tale est matrimonium initum ab habente votum castitatis, & non dispensato: ergo multò magis poterit honestari conservatio effectus licitè positi & incepti, etiam si tempore conservationis, ob mutatas circumstantias, non posset incipere. Confirmatur etiam exemplo. Qui dat Eleemosynam pauperi, ita comparatus est, ut illum non daret, si tunc non esset pauper, & tamen donatio non est limitata aut affixa paupertatis durationi, sed subsisteret, etiam si accipiens fieret dives. Atqui privilegia sunt etiam quædam donatio: ergo idem fieri poterit.



222. Veniamus nunc ad illa privilegia, quorum usus non habet tractum successivum, & quæ primo statim usui expleantur, nec nisi ad unum actum se extendunt, uti est dispensatio ad ineundum Matrimonium propter legitimandam prolem; & de his dubitatur, an subsistant, si causa finalis cesset priusquam privilegium concessum deducatur in actum. Negat Sanchez, sed communior sententia affirmat.

223. P. Castro Palao probat hanc sententiam, quia ex opposita sequitur, omnes dispensationes fieri conditionatas, & pendentes ab eventu futuro. Verum, hoc non sequitur; multæ enim dispensationes sunt propter causam defectu adequatè existentem, & propter merita præterita, item si dispensetur cum Rege ad ducendam consanguineam, quia nulla alia æqualis illi existit.

Probat deinde idem author ex eo, quia per privilegium jam est acquisitum jus, quod non revocatur ex desitione causæ finalis. Verum hæc est petitio principii, hoc enim est quod quæritur, an acquisitum sit jus absolutum, vel tantum conditionatum.

224. Melius videtur probari posse hoc modo. Causa præsens est sufficiens, ut privilegium vel dispensatio concedatur absolute & illimitate, independentè à non expectato eventu quo cesset causa finalis ante usum privilegii. ergo si defecto talis limitatio intentionis non exprimitur, non est præsumenda. Consequentia patet: quia verba absoluta nunquam debent in sensum conditionatum detorqueri, si possunt in sensu absoluto accipi, non enim esset à verborum proprietate recedere. Antecedens probatur per instantias. & primò quidem hoc patet in illis privilegiis, quæ se ad plures actus extendunt, & valent adhuc respectu ulterioris actus, etiamsi tunc cessaverit causa finalis, ut constat in exemplis suprà allatis, non enim apparet ratio, cur possit extendi privilegium ad posteriores actus, dum non amplius existit causa finalis, præcisè propæter, quod existit causa finalis, cùm fieret primus actus: nam quòd primus actus præcesserit, nihil facit ad hoc, ut possit secundus actus fieri sine causa finali: ergo si potest fieri sine causa finali, hoc ideo erit, quia sufficit illam existitisse tunc, quando concedebatur privilegium: Secundò, hoc clariùs apparet in donatione elemosynæ; si enim deum pauperi elemosynam, valeret donatio, etiamsi ante omnem usum illius elemosynæ repente ditissimus evaderet: ergo etiam valebit privilegium, quod est donatio quædam, si causa subsistat tempore concessionis, etiamsi postea cesset ante omnem usum privilegii. Finge, filium legitimandum mori paululum ante contractum Matrimonii, in scilicet parentibus, quis dicat, tale Matrimonium tantum nullum ab Ecclesia esse declarandum irritum, & contrahentes esse separandos?

225. Obijcies. Cessante causâ finali legis cessat lex: ergo etiam cessante causâ finali privilegii cessabit privilegium. Nego paritatem. Cessante causâ finali legis lex redditur inutilis, & ideo debet cessare; atqui cessante causâ finali adhuc durat utilitas privilegii.

## §. II.

### *Quomodo expiatur privilegium morte concedentis.*

226. **EST REGULA** sine exceptione (ut ait Suarez) Privilegium semel ritè comparatum, & non restrictum ab ipso concedente ad tempus vite, non expiatur morte concedentis. Habetur cap. si super gratia de officio delegati in 6. Si super gratia cuiquam ab Aposto. sede facta executor fuerint deputati: æquum esse censuimus, ut si ipsa gratia (licet nondum sit in ejus executione processum) morte non perimatur concedentis, sic nec etiam re ingrâ perimatur executoribus data potestas. Quare immeritò Regulam limitat Felinus, ut non procedat, si res adhuc integra sit, hoc est, si privilegiarius necdum usus sit privilegio. Nam hæc integritas non est illa, quæ consideratur in usu potestatis delegatæ per rescripta iustitiæ, quæ potestas dicitur expirare morte delegantis, si res adhuc sit integra, hoc est si delegatus necdum partes citavit. de hæc integritate loquitur cap. licet undique de off. deleg. c. gratum c. relatum. eod. tit. ibi. Quod si in fuerit ante Prædecessoris nostri obitum contestata: mandatum morte mandatoris nullatenus expiravit. Si vero ante litis contestationem decessit, non est à Judicibus quos delegaveris, ex delegatione hujusmodi procedendum.

227. **DUBITATUR** primò, quando nam censeatur privilegium ritè comparatum. Pro quo Advertendum est primò, Gratiam aliquando dici *Factam*, aliquando *Faciendam*, quæ est tantum gratia inchoata, necdum plenè comparata.

Advertendum 2. Gratiam aliquando respicere solum illum, cui facultas aliqua conceditur, aliquando verò facultatem hujusmodi concedi in favorem tertii, erga quem illa facultas exercenda est, v. g. facultas absolvendi, dispensandi &c. de prioribus non procedit præsens dubium, nec habet specialem difficultatem, sed de posterioribus.

228. Advertendum 3. hujusmodi facultates aliquando concedi ad usum aliquem indefinitum, sive respectu personarum, sive respectu rei præstandæ, verbi gratiâ, si alicui detur potestas audiendi confessiones, vel dispensandi in votis cum quocunque id postulare; vel si delegetur potestas providendi Petro de Beneficio aliquo quocunque. Aliquando autem committitur hujusmodi potestas seu facultas determinatè in favorem personæ certæ & designatæ.



signatz, & circa rem determinatam, ut facultas providendi Petro de Prabenda A. Et hoc iterum potest dupliciter fieri. vel ita, ut Delegatus sit liberum providere vel non providere, vel ita, ut eligatur tanquam instrumentum necessarium, & obligatur ad conferendam alteri gratiam commissam. His observatis

219. Ad Dubium 2. Tunc beneficium seu privilegium dicitur rite comparatum, ita ut morte concedentis non expirat, quando gratia secundum Juris dispositionem jam est & censetur facta: non autem, quando Gratia ex Juris constitutione non est facta sed facienda. Ratio est clara, quia per privilegium rite comparatum aliud non intelligimus, quam gratiam jam factam saltem respectu alicujus, etiam si deur in favorem tertii qui adhuc inde gratiam consequi potest. Solum restat explicandum, quandoam censetur in Jure Gratia facta, & quandoam Gratia facienda.

220. DICENDUM est primo. Si favor totus quantum consistit in prima concessione, & non in aliqua delegatione, jam est Gratia facta, saltem posita acceptatione, quæ an requiratur, infra videbimus, & negabimus requiri.

221. DICENDUM est 2. Si facultas delegatur indefinite respectu personarum, tunc gratia jam est facta, & ideo non expirat, etiam si ante omnem ejus usum delegans moriatur. Ità colligunt DD. ex cap. si cui 36. de Prabend. in 6. Si cui (nulla personarum facta expressione) sit ratiose concessa facultas, ut auctoritate Ap. possit aliquibus personis idoneis in certa Ecclesia providere, vel beneficia, quorum collatio est ad Sedem Ap. devoluta, conferre, contradiutores eadem auctoritate per censuram Ecclesiasticam compescendo, hujusmodi concessio (quam cum specialiter gratiam contineat, decet esse mansuram) non expirat, etiam re integrâ per obitum concedentis. Secus si super provisione certa persona faciendâ sit data potestas eidem, non ob suam, sed ejus cui provideri mandatur, gratiam vel favorem: illa quidem expirat omnino, si concedens re integrâ moriatur. & ratio est, quia cum non nominentur ullæ personæ quas potestas delegata respicit, sed delegato liberum relinquitur exercere gratiam erga quem voluerit, tota gratia primaria fit delegato.

222. DICENDUM 3. Si delegetur facultas non in favorem delegati, sed præcisè ut favor exerceatur erga personam determinatam, ita tamen ut liberè eam exercere possit, censetur gratia faciendâ, & non facta, ante usum illius facultatis, & ideo re adhuc integrâ expirat morte delegantis. habetur in fine ejusdem cap. & hætenus conveniunt DD.

223. Sed controversum est, quando delegatio imponit necessitatem, & est circa personam determinatam præcisè in ejus favorem, ipsa tamen forma Rescripti directè fertur ad delega-

tum, an sit gratia facta. Affirmant Sanchez, Palao & Garcia, & est opinio tuta.

224. DICO tamen 4. cum Suarez, probabilius, & regulariter tantum esse gratiam faciendam, adeoque re adhuc integrâ expirare. Probat, si esset aliqua ratio cur esset gratia facta, maxime, quia delegatio est conjuncta cum necessitate & obligatione v. g. dispensandi, providendi &c. sed hinc nihil, si modo oppositum probatur, quia necessitas quæ Delegato imponitur, transit in Mandatum: atqui Mandatum, re adhuc integrâ, expirat morte mandantis: ergo & illa facultas. Respondet Casto Palao, Mandatum tunc expirare, si gratia fiat ei cui datur & imponitur mandatum, sed si mandatum datur in favorem alterius. Hæc tamen Responsio nullo modo placet, & seipsam destruit. Nam si Mandatum conjunctum est cum gratia facta ipsi Mandatario, hoc ipsò gratia jam est facta ante mortem mandantis: ergo morte mandantis non expirabit in vi gratiæ, etiam si expirat in vi mandati. ergo morte mandantis desinet quidem obligatio, sed non desinet potestas liberè faciendi. Sanè potior esset ratio dicendi, mandatum non expirare, quando continet favorem mandatarii, quam quando est præcisè in favorem tertii, quia majorem habet speciem & apparentiam gratiæ jam factæ. Præterea in citato cap. Si cui, videtur clarè nostra conclusio contineri, dicitur enim, quod quando alicui mandatur provisio certæ personæ faciendâ, non ob suam, sed ejus cui provideri mandatur gratiam vel favorem, illa expirat omnino, si concedens re integrâ moriatur. Et ita hoc cap. etiam intelligit Joannes Baptista Vivianus in suo Rationali.

225. Respondent tamen adversarii, ibi sermonem esse, quando provisio est quidem determinata quoad personam, sed indeterminata quoad beneficium providendum. Possit hujus responsionis ratio dari, quia quando beneficium jam est determinatum, nulla restat determinatio faciendâ à mandatario. Ergo tunc jam tota gratia est facta. Verum, non hæc responsio multum tribuendum, quia hæc distinctio in lege non habetur, ubi autem lex non distinguit, sed indefinite loquitur, nec nos distinguere debemus. Præterea satis mihi est, quod Mandatum non operetur, ut gratia sit potius facta quam faciendâ, ut patet in citato cap. Si cui, ergo necessitas providendi non arguit gratiam factam. Denique tunc solâ indeterminatio arguit gratiam factam, quando in favorem ipsius Delegati est posita, & illi determinatio tanquam beneficium relicta: atqui in casu de quo disputamus, contrarium supponitur, quia Persona supponitur in Rescripto determinata, & mandatum supponitur factum in favorem illius.

226. Denique alii cum P. Sanchez respondent, illam Decretalem non loqui de Mandato providendi, sed de simplici facultate, & hoc colligit

colligunt ex eo, quòd ibi posita sit vox: *Potestas*, quæ significat Libertatem. Verùm hoc est effugium frivolum, & inserti vim textui, ut etiam advertit Garcia, nam in textu disertè dicitur: *Mandatur*. Quòd autem possit *Potestas* stare cum Mandato, colligitur ex cap. *si super gratia jam ante relata*, de Off. & Pot. Jud. deleg. in 6. ubi etiam ponitur vox *Potestas*. & tamen subest mandatum, quia est ibi gratia facta.

236. DICO §. Quando rescriptum directè allosquitur privilegiandum, concedendo illi facultatem aliquam, jam est gratia facta, etiam si usus illius facultatis requirat cooperationem alterius tanquam delegati. Hujusmodi gratiæ sunt: Licentia eligendi Confessarium, vel constituendi alicui determinatò Sacerdoti: item litterarum dimissoriarum ad suscipiendos Ordines à quocunque, vel à determinato Episcopo. Probatur ex Regula generali, quòd accessorium sequitur principale: atqui in tali casu delegatus est merum accessorium respectu alterius: ergo respectu delegati tanquam executoris jam etiam est firmata gratia alteri facta. Videtur hæc Conclusio expressa in cit. cap. *si super gratia*, de Offic. & Potest. Jud. del. in 6.

237. Dixi suprà conclusione 4. Regulariter. Excipit enim Suarez concessam potestatem absolvendi, quæ sive dirigatur ad Confessarium, sive ad pœnitentem, semper videtur gratia jam facta, quia ludicium pœnitentiæ, magis est gratiæ, quàm iustitiæ. Imò Sanchez loc. cit. disp. 8. n. 80. existimat esse satis probabile, quamlibet facultatem datam alicui ad effectum causandum in alio, esse gratiam factam illi cui data est talis facultas, etiam si ex specia. intentione ad alium referatur, ac proinde non perire morte concedentis, nisi in duobus casibus, ex constitutione Iuris: primus est ii. materia ambitiosa, qualis est beneficiorum ex cap. *Si enim nulla*, & cap. *si super*. Jam sup. cit. Secundus in materia fori contentiosi, quo etiam reducuntur contractus & negotia humana, quæ doctrina valde placeo Suarez n. 14. & 15. eam tamen non audeo asserere, quia est contra communem, & auctoritate (tunc temporis) destituta. Unde etiam Palao fatetur, communem sententiam à nobis assertam, esse in praxi consulendam.

238. DUBITATUR 1. Utrum requiratur acceptatio illius cui favor offertur, ad hoc ut morte concedentis non expiret. ». Requiritur quidem acceptationem, ut gratia sit firma, nec ad libitum & sine causa revocabilis, non tamen ad hoc ut gratia dicatur facta: quare etiam post mortem concedentis acceptari potest, ut habet communis sententia, dissentiente Bonacina.

§. III.

*De amissione Privilegii per Renuntiationem expressam.*

239. Notandum 1. Renuntiationem aliam esse impropiam, aliam propriam. Impropria est ipse non usus privilegii consistens cum ipso privilegio; potest enim quis habere privilegium v. g. non jejunandi, & tamen jejunare, & tunc in sensu improprio dicitur quis pro illo actu renuntiare privilegio. Pari modo non est propria renuntiatio privilegii, quando quis habet voluntatem nunquam utendi privilegio, imò quando se alteri obligat ad non utendum illo: sic Minorennis vel Monasterium non potest renuntiare privilegio Minoribus vel Religioni concessio, v. g. beneficio restitutionis in integrum, potest tamen se obligare ad non utendum illo.

Propria renuntiatio est, quando quis verè propria voluntate privatur privilegio, ità ut lege communi teneatur sicut alii. Hæc renuntiatio dividitur in renuntiationem expressam & tacitam. De priore hoc §. agetur.

240. Notandum 2. Sermonem hinc non esse de dispensationibus, quæ semel acceptæ jam obtinere suum effectum; v. g. si tecum in voto, vel consanguinitate dispensatum est, & tu acceptasti, non potes amplius renuntiare, ità ut redeat votum, vel consanguinitatis impedimentum, quod jam ablarum est, quamvis posses edere novum votum, vel posset Pontifex restituere impedimentum consanguinitatis ante contractum matrimonium, ut dicitur de revocatione privilegii.

241. Notandum 3. Neminem posse renuntiare privilegio communitati concessio cuius ille est pars, neque etiam concessio in favorem alterius, ut privilegium concessum uxori in favorem mariti, concessum patri in favorem filii, vel econtra. Ratio est, quia talè renuntiationem conjunctam cum alterius præjudicio, non acceptat Magistratus, aut Concessor privilegii, exceptis quibusdam casibus in Iure contentis: sic potest Mulier renuntiare S. C. Velleiano, si velit esse filiorum tutrix, in casu quo Iura illi tutelam concedunt; & talis renuntiatio quandocumque firmitatem accipit à Iuramento cum scientia quòd alioquin renuntiatio non valeret, vel ab auctoritate Magistratus, coram quo debet fieri renuntiatio, nam in his casibus non est locus præsumptioni fallaciarum, inconsiderantiæ ac levitatis, quibus ut obviaretur, illud privilegium institutum est.

242. Notandum 4. Ad renuntiationem requiri voluntatem non coactam metu injusto. Nam metum justum non obistere, sicut nec valori matrimonii obstat, quotidinà patet experientià, quâ videmus, multos compelli ad renuntiationem.



signandas etiam dignitates & prelaturas ex metu, ne alioquin cum dedecore deponantur. Renuntiatio expressa privilegiorum, rarius ex metu fiet, quia plerumque sufficit inferenti metum, si quis privilegio non utatur, nec facile apparet, quomodo metus possit esse iustus, sicut potest esse ad renuntiandum beneficium.

243. Dubium est, an possit quis renuntiare privilegio efficaciter solâ voluntate internâ, statuendo apud se, nolle se deinceps gaudere tali privilegio: vel utrum necesse sit hanc voluntatem exterius manifestari, & renuntiationem acceptari ab eo, à quo conservatio privilegii alioquin pendet, nempe à Superiore, qui privilegium revocare possit.

244. DICO 1. Non repugnat talem internam renuntiationem esse sufficientem. Probatur. Potest enim concedens privilegium, antecederet acceptare talem renuntiationem, & privilegium ita conditionatè concedere, ut non sit concessionis voluntatem habitualiter perseverare pro casu, quo alter habeat voluntatem non retinendi privilegium, & talis acceptatio videtur in aliquibus libris contineri, ut notat Suarez cap. 33. n. 21. in fine.

245. DICO 2. Privilegiis absolute concessis, & acceptatis, non potest solâ internâ voluntate renuntiari. Sed debet manifestari & acceptari ab eo ad quem acceptatio pertinet. Ità Sanchez, Suarez, Salas, Bonacina, Basilii, Palao. Probatur. Tandiu non est consummata irrevocabiliter renuntiatio & efficax abdicatio privilegii, quamdiu est in potestate privilegiiarii privilegio adhuc validè & licitè uti: atque posita quacunque voluntate internâ, non posita acceptance, non impeditur ejusmodi usus: ergo, &c. Minor probatur. Tandiu est in potestate privilegiati usus legitimus privilegii, quamdiu potest privilegium sibi continenter oblatum per ipsum usum acceptare: atque quamdiu renuntiatio non est acceptata, offertur continenter privilegium, & acceptatio semel facta potest per quemcumque usum continuari & perseverare: ergo, &c. Minor iterum probatur. Quia voluntas concedentis privilegium absolute & sine restrictione ad aliquam conditionem extraneam semper censetur perseverare, quamdiu illam non revocat: ergo necessaria est revocatio. Ergo si non revocat sponte, debet saltem revocare acceptando renuntiationem.

246. Declaratur exemplo mandati: quando enim alicui datur mandatum, & ille non statim acceptat, imò à principio recusat, adhuc tamen in ejus potestate est, mutata voluntate acceptare, quamdiu mandatum non revocatur cap. licet: de Procuratoribus in 6. Licet is qui procurator constituitur ab absente, dixerit, presentatum sibi suscipere nolle mandatum, hoc tamen nequam obstante, quamdiu constitutus in eadem persistit voluntate, ipsum acceptare poterit, quando cum

que placebit. Ergo sicut quis per primam recusatationem privilegii non potest se reddere incapax acceptationis, præcisè quia in concedente perseverat voluntas offerens, sic privilegio semel acceptato, potest adhuc & defacto solet concedens suam voluntatem continuare, & constituere in potestate privilegiati, primam acceptationem continuandi; & sic non est in potestate privilegiati abicere efficaciter privilegium, quia non est illius potestate facere, ut non præcesserit acceptatio, & ut privilegium sibi non offeratur.

#### §. IV.

##### *De Renuntiatione tacita per non usum, actum contrarium, vel abusum.*

247. **R**enuntiatio tacita maximè consistit in signis & indicis externis, quæ non aperte, sed per conjecturam ostendunt voluntatem carendi privilegio, quæ maximè desumuntur per ordinem ad usum vel abusum privilegii.

Primus modus tacite renuntiationis est non usus privilegii affirmativi: certum autem est non amitti privilegium non utendo, quia non datur occasio utendi, talis enim non usus non potest esse signum voluntatis internæ non habendi privilegium, sicut non amittitur servitus aquæ ducendæ per non usum, si ideo non duxi, quia fons exaruit, L. 35. ff. de Servitut. præd. rustic. idem est, si non usus proveniat ex pacto, tunc enim vi obligationis impeditur est usus, quia in iure paria sunt, non posse, & non licitè posse.

248. DICO 1. Privilegia absolute & illimitate seu sine conditione usus concessa, neque in aliorum gravamen cedentia, non perduntur solo non usu, quantumvis diuturno. Ità communis sententia. Imò etiam si in præjudicium tertii cedant, nisi in iure sint ad usum restricta: Ità Suarez, & ità intelligenda est Lex 1. ff. de nundinis, quamvis etiam de præscriptione intelligi possit. Nundinis impetratis à principi non utendo qui merui, decennij tempore usum amittit. Probatur Conclusio. Si enim perderetur, vel hoc fieret ex natura rei, vel ex Iuris dispositione, neutrum dici potest. Non primum. Nam non *Usus* non est signum in fallibile voluntatis repudiantis privilegium, cum possint aliæ esse causæ non utendi: & etiam si tale signum esset, adhuc deesset acceptatio hujus renuntiationis: quod si poneremus adesse etiam acceptationem fundatam in præsumpta voluntate spoliandi se privilegio, si tamen à parte rei non subesset talis voluntas, non amitteretur privilegium in foro conscientie, esto in foro externo haberetur pro amisso. Neque secundum dici potest: quia nulla talis lex exstat: Nam quomodo intelligenda sit lex. 1. ff. de nundinis, jam dictum est.

249. DICO 2. Privilegia, quibus alii gravantur, præscriptione partis gravatæ amitti possunt, si adint conditiones ad præscribendum requisitæ. Constat ex dicendis de præscriptione, præsertim servitutum: Unde si per tempus legitimum non exigas decimas fundatas in privilegio exigendi, debitor possidet libertatem non solvendi, eamque præscribit: sed de hoc in tract. de præscript.

250. QUÆRITUR tamen hic, an huiusmodi præscriptio currat etiam contra privilegium munitum hac clausulâ: *ut utaris illo pro tuo libitu*. Affirma, Suarez, Molina, Salas & alii. Ratio eorum est, quia clausula illa in omni privilegio inconditionatè concessio subintelligitur.

Sed probabilius Palao cum aliis negat. Nam illa clausula debet aliquid operari speciale si potest: atqui potest operari impeditionem præscriptionis, seu possessionis incipiendæ contra privilegium: Nam in sensu proprio hoc significat: *ut habeas potestatem utendi vel non utendi sine præiudicio tuo*.

Hinc colliges, axioma commune: Privilegia amitti non usu, spectando verborum corticem, non esse verum, nam originaliter solum, non formaliter amittuntur non *Usu*. ut jam ostensum est.

251. Secundus modus tacitæ Renuntiationis est *Actus contrarius*. & hoc habet solummodo locum in negativis privilegiis, quibus ab aliquo onere subeundo liberatis, ut privilegium non solvendi decimas, tributa, &c. Quibus adversatur solutio decimarum, &c.

REGULA communis est, amitti privilegia per actum contrarium, si cæteræ circumstantiæ & conditiones requisitæ adint, v.g. libertas, notitia requisita, legitima frequentia actuum, vel tempus &c. Circa hoc

252. DICENDUM primò. Privilegia absolute concessa, & quæ neminem gravant, contrario actu non amittuntur. Patet ex dictis: neque enim contra huiusmodi privilegia locus est præscriptioni, neque actus contrarii sunt sufficiens signum animi renuntiantis, cum ex aliis finibus fieri possint & soleant, & denique non constat de acceptatione talis renuntiationis.

253. DICENDUM 2. Contra privilegia alios gravantia, potest legitime præscribi per actus contrarios à privilegiato factos, si requisita ad præscriptionem observentur. Ità colligunt DD. ex l. 2. ff. de privileg. veteranor: & clarius ex cap. 6. de privil. Si de terra quam habetis in parochia Canonicoꝝ de Pl. per 30. annos eis decimas persolvistis, eas sibi de cætero integras persolvatis. Licet enim privilegium Rom. Eccl. beneficio FF. Cisteriens. Ord. indultum fuerit, quòd de laboribus suis nullas decimas persolvere debeant: de privilegio tamen indulto tanto tempore vobis detrachere voluistis, cum liberum sit unicuique suo iure renuntiare, eoque modo non potestis vos in hac parte tueri. Idem habe-

tur: c. 15. eodem. ibi. *Cum enim tanto tempore contra indulta privilegia decimas solverint, eis renuntiasse tacite præsumuntur*. Quæ verò obijciuntur, vel loquuntur de privilegiis non habentibus tractum successivum, vel in sensu sequentis Conclusionis.

254. DICENDUM 3. Actum contrario amitti potest privilegium ex parte & secundum quid, hoc est quoad valorem illius actus contrarii; non obstante enim privilegio valet actus, nisi aliunde à lege invalidetur, v.g. habes privilegium non solvendi decimas, sponte tamen, conscius privilegii solvis decimas, valet dispositio, & transfertur dominium: quamvis non tenearis, propterea deinceps solvere. Et in hoc sensu dicitur quis renuntiare privilegio actu contrario.

255. DICENDUM 4. Ad Præscriptionem legitime faciendam contra privilegium per actus contrarios, potest etiam unus actus sufficere non retractatus. Ità Suarez & Palao. Probatur. Nam posito actu contrario incipit altera pars quæ gravatur privilegii usu, possessionem contra privilegiatum, sicut in Servitutibus prædiorum Urbanorum Jura statuerunt, eamque continuat tempore legitimo, ac denique præscribit, etiam si interea nullus alius actus similis, hoc est privilegio contrarius factus sit, etiam defectu occasionis.

256. Dixi: non debere actum esse retractatum ante lapsum temporis legitimi; nam si privilegiatus interea reclamet, actumque retractet quantum potest, v.g. protestando contra præscriptionem, vel, quòd velit proximâ occasione uti suo privilegio; jam interrumpitur alterius possessio, & impeditur præscriptio, quia jam non possidet amplius bonâ fide, eò quòd non possit amplius præsumere animum renuntiandi privilegio. Quandonam autem protestatio non prodest, docet glossa in cap. 9. v. *sine præiudicio*.

257. Tertius modus tacitæ renuntiationis est abusus, qui proprie sumendo, semper fit per excessum in usu privilegii secundum aliquam circumstantiam, v.g. utendo tempore & loco inconveniente: erga personas, ad quas se non extendit. Potest autem abusus contingere tripliciter. Primus modus est jam recensitus, & vocatur *abusus formalis*. Secundus vocatur: *occasionalis*, seu occasionalis à privilegio, nempe quando Privilegium est occasio peccandi liberius in aliis materiis, v.g. si fretus privilegio exemptionis, aut impunitatis, audeat quis perpetrare quæ alioquin non auderet. Tertius est, quando quis tollit fundamentum privilegii, hoc est, utitur privilegio, sed simul directè operatur contra præscriptum finem privilegii, ut si cui detur privilegium absentie à beneficio, ut studii det operam, is verò absit quidem, sed studiis non det operam: & quia huiusmodi privile-



gium datur ad hoc, ut etiam absens lucraretur fructus, si tamen conditionem, sub qua datur, nempe studii, non adimpleat, non faciet fructus suos, nec potest illos bonæ conscientiæ tenere: si tamen res sit dubia, expectanda est iudicis sententia. Hinc

258. Existat Regula vulgaris C. *Privilegium* 11. q. 3. C. ubi: *dist. 74. Privilegium meretur amittere, qui concessa sibi abutitur potestate. Quæ Regula sic intelligenda est, ut privilegium totaliter seu radiciter & in perpetuum non amittatur ipso facto seu ipso abusu vi positæ Regulæ, sed privilegiatus veniat à superiore privandus. Dixi: vi positæ Regulæ: Nam si in concessione privilegii statutum esset, ut ipso abusu amitteretur, tunc utique ipso facto amitteretur, non tamen ante sententiam declarationis abusus, juxta dicta de lege pœnali.*

### §. V.

#### *De amissione Privilegii per Revocationem.*

259. DICO 1. Privilegium merè gratuitum seu gratis datum, cum translatione alicujus Juris, non potest valde revocari sine causa, siue datum sit subdito, siue non subdito. Ratio est. Quia homo non habet in hominem potestatem privandi eum jure suo sine causa. Ex causa tamen revocari potest, nempe concessum non subdito revocari potest, si usus privilegii cederet in valde grave damnum, quo prævilo non fuisset concedendum: Sed hæc non tam est revocatio, quàm interpretatio voluntatis, nolentis pro tali casu dari privilegium: Idem est, si afferat notabile præjudicium successori; Nam licet cæteroquin successor teneatur pactis antecessoris, continet tamen hujusmodi privilegium hanc tacitam clausulam: *Quamdiu successor non revocaverit*: & ideo non est absolutum aut perpetuum. Quod si concessum sit subdito, tunc potest etiam à concedente revocari ex omni illa causa, quæ alioquin ob necessitatem Reipublicæ sufficeret ad auferendam Iura subditorum.

260. DICO 2. Privilegium subdito gratis concessum, consistens in aliqua facultate & licentia sine translatione alicujus Juris, potest valde revocari à concedente, vel successore, etiam sine causa, esto cum peccato veniali: ex rationali causa etiam sine peccato.

Ratio est, quia hujusmodi privilegia sunt, instar alicujus potestatis delegatæ, vel instar præcariorum concessi, & hoc videmus sæpe fieri. Siue causa autem revocare est indecens, levis animi inditium, occasio murmurationum, & ideo non potest ab omni culpa excusari. Quod si non subdito sit concessum, dicunt DD. communiter non posse revocari, quia transit in pactum, nisi hoc in concessione exprimat, ut ad libitum revocari possit, tunc enim non minus revocari

posset etiam à non subdito, quàm quæcunque res alia præcariorum commodata.

261. DICO 3. Privilegium onerosum revocari non potest nisi ex legitima causa, nempe ob bonum commune, & insuper revocans debet reddere pretium, si accepit pro concessione privilegii, vel si injunctum aliquid opus quod jam præstitum est, tenetur compensare. Ratio est, quia ad rectam gubernationem non requiritur major potestas, & iniquum esset, si subditi deberent damnum pati sine compensatione, quando hæc fieri potest, & qui cum onere concessit privilegium, ad hoc se obligasse censetur. Hinc parit, in casu primæ Conclusionis non requiri talem compensationem, quia non censetur Princeps tale jus gratis conferendo, velle obligari ad compensationem, si illud ex necessitate boni communis iterum auferat; nam si prævidisset, nec privilegium, nec aliud æquivalens dedisset.

262. Ex hoc rectè inferunt plures DD. anno Iubilæi, quando revocantur generaliter omnes gratiæ, privilegia & facultates, non propterea revocari indulgentias & facultates in Bulla cruciata concessas, & ita declaravit Clemens VIII. & Urbanus VIII. Ratio est, quia illa Bulla datur cum onere solvendi & conferendi signatam eleemosynam.

263. QUÆRES, an idem dicendum sit de privilegio remuneratorio, & ex gratitudine concessio, seu antidotali. Affirmat de utroque Castro Palao, citans P. Suarez n. 6. cujus tamen mens alia est, ut constat ex ejus verbis, quibus discrimen facit inter remuneratorium, & antidotali, dicens, de remuneratorio esse longè certius, quòd opus sit compensatione (quia remuneratio continet universalem contractum, nec censetur gratis dari, sicut enim quod datur cum obligatione in futurum, revocari non potest impleta conditione, ita etiam quod datur in remunerationem præteriti laboris) quando remuneratio est ex debito Iustitiæ; quando verò tantum est ex gratitudine, potest pati dubitationem: quia sola ratio gratitudinis non sufficit ad proprium & rigorosum contractum, quæ ratio etiam probat, non esse tam irrevocabile privilegium ex gratitudine quàm ex Iustitia: & si ex causa revocetur, fortè non erit debita remuneratio ex Iustitia, sed tantum ex gratitudine, sicut fuit prior remuneratio. Nihilominus tamen privilegium remuneratorium est per se irrevocabile, quia ipsa ratio remunerationis hoc includit, idemque postulat ratio gratitudinis, nisi remuneratio excessiva sit. Ità Suarez.

264. DICO 4. Quando inferior dispensat in lege Superioris, non potest valde sine causa revocare privilegium concessum; quia sicut non potest valde dispensare sine causa, ita nec factam revocare, cum in utroque operetur ex voluntate Superioris.



265. DICO 5. Superior supremus à quo inferiores suam Iurisdictionem dependentem habent, qualis est in Ecclesiasticis Summus Pontifex, potest etiam sine causa valide revocare privilegia ab inferioribus concessa, non tamen alius Superior non supremus; nam iniquum esset, si talis alteri sine causa minueret Iurisdictionem suam, quam non habet ab ipso dependentem.

266. Explicandum superest, quomodo facienda sit revocatio, ut vim habeat. Duplex autem est revocatio, expressa & tacita, hoc est, per actum privilegio contrarium. Revocatio tacita potest fieri tribus modis, Lege universali, Mandato hominis vel Rescripto contrario, ac denique, Novo Privilegio priori contrario. Loquendo nunc de Revocatione expressa,

267. DICO 6. Privilegium Corpori Iuris insertum, item ex contractu oneroso concessum, ac denique habens clausulam, ut ei derogari non possit, nisi ejus specifica mentio fiat, hac inquam, non revocatur generali clausula: *Non obstantibus quibuscunque privilegiis contrariis*. Ratio primi membri est, quia tale privilegium habet vim legis communis: legis autem correctio viranda est, & tale privilegium non venit nomine puri privilegii. Ratio secundi membri est, quia ut paulo ante dictum est, tale privilegium est simpliciter irrevocabile, nisi ex gravissima causa, & facta compensatione. Ratio tertii membri est, quia ut revocetur, opus est clausula reflexe derogatoria prioris clausulae, alioquin clausula privilegii esset otiosa.

268. His privilegiis adnumerantur etiam illa, quae ab aliquo Concilio Generali stabilita sunt, nam ut revocentur, debet in revocatione illius Concilii mentio fieri.

DICO 7. Reliqua privilegia revocantur clausula generali derogatoria. Ratio est, quia sufficienter constat de mente Principis.

269. DICO 8. Privilegia clausulata: *ut sine speciali mentione, vel etiam de verbo ad verbum relatione, non censentur revocata*: revocantur sufficienter per huiusmodi clausulam contrariam, v. g. *non obstantibus privilegiis contrariis sub quacunque forma conceptis*: vel: *etiamsi debeat eorum specifica mentio fieri, aut de verbo ad verbum referri, &c.* Ratio est, quia hinc satis constat de mente revocantis, & concedens privilegium, non voluit sibi, nec alteri poenit obligationem imponere, sciendi omnium privilegiorum clausulas, easque referendi.

270. DICO 9. Privilegium Corpori Iuris insertum, tacite revocatur per legem aliam universalem, etiamsi nulla prioris mentio fiat. Probat 1. Quia leges generales non praesumuntur ignorare Principes. *cap. 1. de Constit. tit. 6. 2. Quia lex posterior abrogat priorem. l. sed & posteriores 28. ff. de legib. l. Sed & posteriores leges ad priores pertinent, nisi contrarium sint, idque multis*

*argumentis probatur.* Et haec Conclusio etiam locum habet, si contra privilegium Iuri insertum concedatur aliud privilegium contrarium, etiamsi Iuri non inferatur, ob primam rationem allatam. Hoc tamen limitat Palao, ut intelligatur de privilegio perpetuo, quod quia natura consideratione conceditur, praesumitur etiam Ius contrarium consideratum fuisse; at vero si privilegium sit temporale pro aliquo actu, vel pro limitato tempore, tunc praesumi potest in concedente ignorantia Iuris communis oppositi, nisi illius mentionem faciat: privilegium enim sit restrictum non videtur differe à Rescripto seu Mandato contra communem legem facto, quod non habet effectum, nisi legis communis mentionem faciat, arg. *l. rescripta C. de precibus Imperatori offerendi. Rescripta contra Ius elicta ab omnibus Iudicibus resistari praecipimus, nisi forte sit aliquid quod non ledat alium, & propter penam, vel crimen supplicantibus indulgeat.* Rationem reddunt DD. quod Rescriptum sit actus particularis, qui non praesumitur factus cum tanta consideratione, & advertentia ad leges oppositas.

271. DICO 10. Privilegium extra Corpus Iuris positum, nunquam revocatur posteriore privilegio, nisi prius mentionem faciat, sive utrumque sit generale, sive utrumque speciale, sive primum speciale, & posterius generale. Ratio est, quia praesumitur ignorantia prioris privilegii, cuius notitia si adfuisset, forasle posterius privilegium concessum non fuisset.

272. DICO 11. Quando prius privilegium est generale, & posterius speciale contrarium priori, tunc prius in tantum revocatur, in quantum est posteriori contrarium. Ratio est, quia generi per speciem derogatur, ut habet Iuris Regula. Ratio ulterior est, quia posterius privilegium est exceptio à priori, praesumiturque fuisse concedendum, etiamsi notitia prioris adfuisset.

273. DICO 12. Privilegium corpori Iuris non insertum, non revocatur tacite, neque lege universali, neque mandato aut Rescripto hominis expresse non revocante. Ratio jam est data, quia ejusmodi privilegia praesumuntur Princeps ignorare, ac proinde nolle revocare.

274. QUERITUR 1. An privilegium possit tacite revocari per sententiam datam contra privilegium. 2. Negativè cum Suarez aliisque, nam vel sententia infligit privationem privilegii pro poena delicti, (quod solus ille Iudex potest, qui privilegium revocare potest) & tunc non est tacita sed expressa revocatio: vel fert sententiam, quod privilegium non obstat, & tunc non est revocatio, sed reprobatio, hoc est declaratio judicialis, privilegium se non extendere eolusque, quod privilegiatus praetendebat extendere.

275. QUERITUR 2. Quae promulgatio revocationis requiratur, ut obligationem inducat.

ducatur. §. 1. Si revocatio fiat per legem, ea requiritur, quæ requiritur generatim ad hoc, ut lex incipiat obligare, de quo ad initium hujus tractatus egimus. §. 2. Si revocatio fiat privatim, non habet prius vim, quàm reverà innotescat privilegiato; quod colligitur ex communi usu, qui interpretatur mentem principis, quia in tali revocatione non est alius commodior modus, quàm specialis intimatio. Sed dubitatur ulterius, an debeat intimari per nuntium ad hoc missum, vel facto rescripto seu Epistolâ, an verò sufficiat quâcunque viâ perveniat ejus notitia ad privilegiatum. Sanchez aliquæ quos sequitur Palao, requirit nuntium, vel Epistolam seu rescriptum ad id destinatum. Probat Palao hoc discursu. Jurisdictio delegata est privilegium; sed jurisdictio delegata requirit hujusmodi revocationem: ergo & privilegium. Re-

spondeo, hoc argumentum esse in tertia figura, habens conclusionem universalem, quod est contra Regulas syllogisticas. Itaque de revocatione Jurisdictionis potest esse specialis ratio, quamvis etiam de hac multi negent ex gravibus fundamentis, ut advertit Suarez, qui proinde ad dubium rectius respondet, hoc pendere ex voluntate revocantis privilegium, & utrovis modo posse facere revocationem, quia valor revocationis non pendet ab acceptatione privilegiati, sed eo invito habet suam vim: ergo notitia solum requiritur ad vitanda quædam inconvenientia, ne v.g. actus fiant irriti. Et hæc de privilegiis quoad ea, quæ in Jure consistunt, nam quæ in facto, ut, quænam privilegia defectu concessa sint huic vel illi Religionij apud alios videri possunt.



## CAPUT V.

## DE LEGVM INTERPRETATIONE.

## CONTROVERSIA I.

*Quenam Regule sint Interpretationis Authentica & Doctrinalis.*

## SUMMARIUM.

**M**odus interpretandi triplex: *Authenticus, Usualis, Doctrinalis.* 276.  
In doctrinali interpretatione proprietatem verborum attendenda, nisi ex circumstantiis alia Legislatoris mens intelligatur. 278.

Si lex sit favorabilis, verba possunt etiam ad sensum improprium sed usitatum extendi. eod.

Legis initium inspicendum. 279.

Lex nova interpretanda est secundum antiquam. 280.

Rescripta sunt explicanda secundum Jus Commune. 281.

276. **T**riplex circumfertur interpretandi modus, authenticus, usualis, & doctrinalis. De usuali diximus agentes de consuetudine. Authentica interpretatio est, quæ fit vel à Legislatore, quâ talis est, vel ab eo cui interpreti ipse suam auctoritatem accommodavit, & sic suam fecit, unde interpretatio authentica legis eandem vim habet cum ipsa lege. Hoc modo potest etiam legem interpretari successor; nam esto fortè non attingat intentionem Legislatoris, quam habuit in ferenda lege, nihilominus interpretando facit, ut deinceps non nisi in sensu suæ interpretationis obliget. eodem modo potest interpretari superior legem sui inferioris sibi subordinati, non autem inferioris superioris legem.

277. Doctrinalis interpretatio est, quæ fit à viris doctis, ac præsertim iura profitentibus, quæ non habet vim legis; facit tamen, ut Iudices & Dicastria possint tuto hujusmodi interpretationem sequi. Deinde hæc interpretatio si est communis omnium, facit humanam certitudinem, & regulariter loquendo etiam inducet obligationem sequendi illam in praxi, inquit Suarez lib. 6. cap. 1. n. 6. Ut autem doctrinalis interpretatio, de qua hoc capite agemus, securè procedat, semper præ oculis habenda est mens & intentio Legislatoris, quæ investigari potest, vel ex ponderatione verborum, vel ex aliis circumstantiis; nam si intentio est anima legis, potestque verbis aliis & aliis significari, vel contra eadem verba æquivoca possunt ab intentionibus valde diversis procedere. Ad hanc Legislatoris intentionem investigandam sequentes Regule traduntur.

278. **REGULA 1.** Proprietatem verborum est maximè attendenda, hoc est, intentio Legislatoris talis fuisse præsumenda est, qualem verba legis in proprio sensu significant, hoc est in eo sensu, quo communiter usurpantur, & quem statim primâ fronte præferunt, nisi vel ex circumstantiis aliud colligatur, vel ex tali sensu aliqua legis iniquitas sequeretur, aut inutilis evaderet, tunc enim sensus verborum improprie admittendus est.

Quodsi

Quod si lex favorabilis sit, tunc verba ultra sensum proprium possunt etiam ad improprium extendi, si iste in iure sit usitatus. Sic vocabulum *Mors, Filius*, non solum de morte aut filio naturali, sed etiam de morte civili, ut professione aut exilio, & de filio adoptivo quandoque intelligantur; lex verò odiosa mitius interpretanda est.

179. **REGULA 2.** Legis initium diligenter inspiciendum est; nam ibi frequenter finis & ratio legis continetur, unde Legislatoris intentio facilius deprehendi potest. Quare, si verba sint ambigua, eorum significatio determinabitur ex ratione in lege posita.

180. **REGULA 3.** Lex nova interpretanda est secundum antiquam, si quæ similis existat. *L. Sed & posteriores. ff. de legib.* Secundum hanc Regulam resolvit in 1. p. §. *Decretal. de Clerico per sult. c. Tha. lit. n. 24. & 25.* Fagnanus quæstionem, an hodie post Tridentini Concilii dispositionem scilicet 23. cap. 14. ut possit Episcopus ex legitima causa dispensare cum promotis per saltum si non ministraverint, an inquam possit dispensare cum illis qui scienter ita promoti sunt, & respondet contra modernos negativè, quia nimirum ius antiquum ad solos ignoranter promotos illam potestatem extendit, quia, inquit, lex nova disponens in materia antiqua, recipit omnes interpretationes & limitationes, quas materia ab antiquis legibus recipiebat. *L. in contrahibus §. praterea C. de non numer. pecunia.*

181. Quod dictum est de Lege posteriore, dicendum pariter est de Rescriptis Iustitiæ, quæ explicanda sunt secundum ius commune, adeo ut potius à verborum proprietate recedendum sit, vel aliqua verba transponenda, quam ut Iuri communi derogetur, & habetur casus in cap. *causam*, de rescriptis, ubi Pontifex rescribit clausulam postpositam ita accipiendam esse, ac si anteposita esset, quia ita ius commune requirit. Ratio est, quia Princeps non censetur aliquid velle contra ius commune decernere, nisi expressè ei deroget per clausulam quâ fiat mentio antiqui Iuris. *L. rescripta: C. de precib. Imp. offerend.* paulo antè recitata.

## CONTROVERSIA II.

*Quomodo Lex per Interpretationem possit extendi.*

### SUMMARIUM.

**D**iscrimen inter Similitudinem seu paritatem, & inter Identitatem rationis. 182.  
Interpretatio extensiva alia Comprehensiva, alia pure extensiva. 183.

In occurrente casu non expresso, habente tamen similitudinem cum expresso, iudicandum est ad normam expressi, & hoc sensu dicitur non omissum. 184.

Similitudo rationis non sufficit ad extensionem faciendam. 186.

Neque propter identitatem rationis licet semper extendere legem per interpretationem comprehensivam. 189.

Illustratur exemplis. 190.

Lex prohibens, præcipiens, puniens, vel irritans, non extenditur ad actum iam perfectum, bene tamen ad actum inchoatum: & sic lex respicit futura non præterita. 193.

Lex remittens poenam, ad solos existentes extenditur. 194.

182. **DUBITATUR 1.** An Lex quoad vinculum obligationis in conscientia, vel quoad poenam quam imponit, extendi possit ad debeat propter similitudinem, paritatem, aut saltem propter identitatem rationis, ad casum omissum, & nullo modo comprehensum sub significatione verborum legis, etiam si de tali casu nihil per aliam legem dispositum sit.

Notandum 1. discrimen esse inter Similitudinem seu paritatem, & inter Identitatem rationis. Similitudo seu paritas rationis dicitur esse, quando in alio casu non quidem eadem ratio, sed alia illi æquivalens, & in affirmatione morali æquè gravis militat, & movere posset Legislatorem ad similem legem de altero etiam casu statuendam: v.g. si lex moveatur ratione amicitie, censetur similis ratio esse Gratitude. Identitas rationis, quando in utroque casu est eadem specifica ratio, v.g. amicitia.

183. Notandum 2. Interpretationem extensivam posse duplicem cogitari. Prima est & vocatur *Comprehensiva*, quando per illam declaratur, talem casum vel personam fuisse comprehensam in mente Legislatoris, licet verbis eam non satis expresserit, hanc autem interpretationem quandoque rite fieri constat ex dictis, quando nimirum ex aliis circumstantiis talis mens colligi potest, & in verbis virtualiter continetur, ut diximus de Interpretatione Privilegorum, habeturque expressè cap. *si postquam: de Elect. in 6.* ubi dicitur, quod Constitutio iubens venire ad negotium prosequendum, ex mente Legislatoris non solum exigit, ut quis veniat, sed etiam, ut usque ad finem negotii prosequatur. Altera Interpretatio est pure Extensiva, per quam extenditur dispositio Legis ad casum non comprehensum sub mente Legislatoris. Hanc Interpretationem non licere supponunt DD. & meritò, quia formalis ratio constitutiva legis est mens Legislatoris: ergo quod in ejus mente seu voluntate non fuit comprehensum, lege comprehendendi non potest: ergo talis extensio esset potius nova lex: ergo ab alio quam Legislatore fieri non potest.

Præfens ergo controversia tandem eò reduci debet, an Extensio ad similitudinem vel Identitatem rationis sit extensio prioris generis, hoc est Comprehensive, vel posterioris: si sit prioris generis, licebit, si posterioris, non licebit.

284. Norandum 3. in præfenti controversia non intelligi per *Extensionem* illum Legis usum, qui à Iure Consultis rectè adhibetur in ordine ad externa Iudicia & ad ferendam sententiam. Nam, ut videre est apud Menochium lib. 1. de *presumpt.* q. 5. n. 8. cum non poterint omnes casus legibus comprehendere, procedendum est à similibus ad similia, hoc est in occurrente casu non expresso, habente tamen similitudinem cum expresso, judicandum esse ad normam expressi, & in hoc sensu dicunt, casum similem expresso non censeri omisum, cum in utroque par ratio militare videtur; & merito, quia, ut bene dixit Suarez, nihil est magis consentaneum prudentiæ, quam præcedentium vestigia imitari, in quo sensu etiam intelligenda est lex 13. ff. de *legibus*: *quotiescunque*, inquit, *lege aliquid introductum est, bonæ occasio est, cætera que tendunt ad eandem utilitatem, vel interpretationem, vel Jurisdictionem suppleri.* Utrum autem sint obligati Iudices ad judicandum secundum hujusmodi similitudinem, non est certum, est tamen probabile ex lege non possunt. ff. de *legib.* Non possunt omnes articuli sigillatim aut legibus aut S. Consultis comprehendere, sed cum in aliqua causa sententia eorum manifesta est, is, qui jurisdictioni præest, ad similia procedere, atque ita jus dicere debet. Exempli gr. l. 3. ff. de *test. mil.* habetur, valere illius testamentum in ratione militaris test. quamvis voluerit testari jure communi, sed non perfecti. Rectè inde inferitur, valiturum testamentum pagani in vim nuncupativi, qui voluit testari in scriptis, sed omisit solennitatem hujus, nullam autem nuncupativi. ut dicam *tom. 2. tr. 1. c. 1. de Testam.* His præmissis

285. Prima sententia affirmat posse fieri talem extensionem legis etiam à privato, tam ob paritatem, quam ob identitatem rationis. Possentque hæc sententia videri communis, sed ejus auctores tot eam limitationibus circumscribunt & limitant, ut in effectum videantur potius negativam tenere.

Secunda sententia de similitudine rationis negat, de Identitate in aliquo sensu concedit, ut explicabimus. Ità magis distinctè & in terminis primus videtur docuisse Suarez l. 6. c. 3. § 4. *1010.* quem sequitur Castro Palao, cum quibus

286. DICO 1. Similitudo rationis non sufficit ad extensionem faciendam in sensu præfentis questionis. Probatur 1. autoritate ipsorumque Legislatorum, qui quandoque per novam legem statuunt aliquid in aliquo casu, quod antè statutum erat in alio casu propter similitudinem rationis: ergo videntur supponere, quod priore lege casus non fuerat compre-

hensus, alioquin non ferrent novam legem factâ mentione prioris legis, sed declararent, priorem legem se extendere etiam ad alterum casum. Antecedens constat ex cap. *Constitutionem*, cùm cap. non solum de *Regularib.* in 6. Nam cùm in cap. *Non solum* Alexander IV. prohibuisset, ne Fratres Prædicatores & Minores ante annum probationis elapsum (qui est maxime in subsidium fragilitatis humane regulariter institutus) quemquam ad professionem admitterent, sicut etiam Innocentius IV. prius constituerat, Bonifacius VIII. ad omnes ordines mendicantes extendit his verbis. *Vnde nos parissimilitudine rationis inducti, declarationem eandem ad aliorum mendicantium ordines prorogamus.*

287. Probatur 2. ratione à priori. Ratio legis non est lex, sed duntaxat motivum legis ferendæ, & quidem non est motivum necessarium, sed liberum, poterat enim Legislator non obstante similitudine rationis, legem omnino non ferre: ergo poterat etiam ob talem rationem ferre legem pro uno casu, nolendo eam extendere ad alium casum, non obstante similitudine rationis: nam esto sit similis ratio in utroque casu, potest tamen alia subesse ratio non extendendi legem ad omnes similes casus quoad talem rationem, & quod quandoque non expediat legum extensio, vel quia cum illa similitudine est conjuncta aliqua disparitas, quam Legislator quidem advertit, sed alii privati ignorant: ergo si verba legis illum alium casum nullo modo significant, non habemus externum signum sufficiens inductivum mentis Legislatoris, quod voluerit etiam illum alium casum comprehendere.

288. Probatur 3. ex absurdo: sequeretur enim, etiam legem pœnalem non solum quoad vim directivam, sed etiam coactivam, hoc est, quoad ipsam pœnam ob rationis paritatem extendendam esse, quod nemo admittit. Sequelam probō. Nam etiam lex pœnalis eoque extendenda est, quod eam volebat extendi Legislator, & hanc voluntatem manifestavit: atqui secundum adversarios mens Legislatoris extendit se ad omnes casus quibus inest similitudo rationis, & per ipsam rationem legi insertam satis manifestatur: Ergo &c. Quodsi quoad vim coactivam potest esse restrictior, quam sit ipsa ratio, quidni etiam quoad vim directivam?

289. DICO 2. Neque propter identitatem rationis licet semper extendere legem per interpretationem *comprehensivam*, sed tunc solum, quando alioquin ex lege sequeretur iniquitas, aut absurditas, hoc est, quando ratio legis adæquata est adeo intrinseca, & universalis ad alios casus non clarè expressos, ut in ea habeant connexionem necessariam in ordine ad Iustitiam, & prudentiam legis, ità ut futurum esset contra rectam rationem & prudentiam, noluisse omnes casus in eadem ratione conexos & æqualiter participantem



participantes comprehendere. Probatur. Nam quando nulla talis est connexio, nihil coëgit Legislatorem ad utrumque casum comprehendendum, non est ergo, cur dicatur voluisse comprehendere, cum ex rationabili causa potuerit unum & non alterum comprehendere. Quando verò est talis connexio, tunc, ne Legislator arguatur iniquitatis aut imprudentiz, potius lex est extendenda, & præsumendum, quod saltem virtualiter & indirectè alter etiam casus per verba legis significetur comprehensus: tunc enim defectus verborum quoad claritatem est suppletus. Hujusmodi casus habetur in lege *cum mulier. ff. soluto matrim.* ubi dicitur: *si mulier adulterata fuerit viri lenocinio, non privatur dote.* Ratio autem est, quia viro volenti non fit injuria. Ratione autem injuriæ lucratur vir dote. Quia verò hac ratio enim probat, virum non posse accusare uxorem de adulterio, ideo lex subjungit, hoc esse ex mente legis dandum. Et reverà hoc jam lex virtualiter dixerat. frustra enim accusatur de injuria is, qui cum injuriam non fecerit, puniri propter injuriam non potest.

290. Illustratur Conclusio exemplis aliis. Primum est in Correlativis, unde dicitur: dispositum in uno correlativo censetur etiam dispositum in alio: sic exemptio mariti à reddendo debito ob adulterium uxoris, extenditur ad uxorem: facultas concessa sponse ad resiliendum ob absentiam sponsi, extenditur ad sponsum: successio data marito in bonis uxoris, extenditur ad uxorem: nisi enim hæ extensiones fierent, lex esset iniqua. Secundum est in ijs, quæ in iure æquiparantur, ut Legatum fidei, & commissum quoad vim & effectum seu usum, quatenus à testatore facta extra ius, consistunt, ut explicat Julius Pacius *Instit. de Legatis §. sed non usque.* ubi ait: quod si species verba testatoris, expressis verbis *Legati* contineatur tacitum fidei commissum & e contra. Item, in iure æquiparantur Falcidia & Trebellianica portio, item electio, postulatio, provisio, præsentatio, & in his dispositum in uno censetur dispositum in alio, nisi aliud obstat. Tertium est in ijs, quæ sive de iure, sive de consuetudine sunt connexa: ut, si conceditur domino audire Missam tempore Interdicti, etiam famulis, qui comitari soleant, conceditur. Quartum est in contento & continente: ut quod statuitur de Vicario Episcopi, statutum censetur de Vicario Capituli. Sede vacante, & quod de gradibus consanguinitatis, etiam de publica honestate & affinitate, & quod de Diaconatu, etiam de Subdiaconatu, &c. Semper subintelligendo: si sit eadem ratio, & si alioquin lex esset iniqua aut imprudens. Quantum in ijs quæ se habent ut mensura & mensuratum, v. g. Tutela legitima, hoc est, à lege data, & successio ab intestato: unde cui successio præ aliis à lege conceditur, etiam tutoræ onus præ aliis attribuitur, alioquin lex esset iniqua.

291. Quæ hæcenus dicta sunt, non solum procedunt, quando ratio est in lege expressa, sed etiam quando quidem expressa non est, sed est ita certa & evidens, ut de ea dubitari non possit, ut bene notat Suarez. Rectè etiam advertunt communiter DD. sæpè legem loqui de casu, vel persona particulari tantummodo exempli causâ, & tunc legem ad omnes similes casus extendendam esse, quia lex non agit de singularibus, neque exemplum limitat dispositionem, sed declarat. Dixi, legem non agere de singularibus. Nam aliud prorsus est in rescriptis. Hinc rescripta Iustitiæ seu ad lites, non extenduntur ultra personas nominatas. *Glossa in c. Nonnulli. v. lites restringenda. De Rescriptis.*

292. DUBITATUR 2. An & quando lex de novo lata extendatur ad præterita. Non est autem Controversia de lege purè declaratoria, quæ propriè non est lex, sed legem jam positam declarat, vel docet, contra legem actum fuisse, & ideo non valere, sicut in *cap. fin. de sponsa duorum* declaratur, matrimonium ratum non dissolvi matrimonio subsequente etiam consummato. Quæstio ergo est de lege constitutive novam obligationem, novumque ius, an extendatur ad actum positum ante illam legem, v. g. si lex statuat, ut maritus succedat uxori in tertia parte dotis, an comprehendat matrimonia jam contracta, imò uxores jam defunctas.

293. DICENDUM 1. Lex prohibens, præcipiens, puniens, vel irritans aliquid actum, non extenditur ad actum jam perfectum, bene tamen ad actum tantum inchoatum, & in hoc sensu verum est axioma, quod lex respiciat futura non præterita. *L. leges. 7. C. de legib.* ubi tamen additur limitatio, nisi nominatim & de præterito tempore; & adhuc pendentibus negotiis cautum sit. Declaratur in exemplis. Lex præscribens essentialia seu substantialem formam testamenti non comprehendit testamentum facta & absoluta, etiam necdum mortuo testatore, bene tamen testamentum scriptum, sed non subscriptum aut signatum. Statutum prohibens succedere filias dotatas, non comprehendit filias jam dotatas ante legem conditam, & patre jam mortuo, hæ enim jam successerunt, bene tamen jam dotatas patre tamen necdum mortuo. Idem dicendum videtur in casu suprâ posito, de successione mariti in tertia parte dotis, ut nempe succedat ille, qui quidem tunc jam contraxit, non autem, cujus uxor jam mortua est, quæ jam alios nacta est hæredes.

294. DICENDUM 2. Lex remittens poenam delinquentibus debitam, ad solos delinquentes jam tunc existentes extenditur, non autem ad futuros, ne deur ania multiplicandi delicta, & colligitur ex *l. 22. ff. de legib.* ubi dicitur: *Cum lex in præteritum quid indulget, in futurum vetat.* ex: gr. si lex remittat bannum omnibus qui solverint centum, intelligitur de banis tunc existentibus, non de futuris.



## CONTROVERSIA III.

*Quomodo Legis verba per Interpretationem restringi possint.*

## S V M M A R I V M.

**D**ispositio legis indistincte loquentis ita est restringenda, ut non procedat in præjudicium innocentis. 296.

Quando ratio legis non adequat verba legis, lex restringenda est ad terminos rationis proximæ: sed ad hoc cautela opus est. 297.

Exemplificatur Conclusio. 298.

Restriccio legis etiam locum habet, quando in aliqua particulari materia aut persona sunt speciales circumstantiæ, aut prærogatiuæ, ob quas censetur non comprehendi. 300.

Triplex fundamentum usurpandæ Epiphæ. 301.

295. Interpretatio restrictiva est, quæ mentem Legislatoris ad pauciores casus interpretationis se extendisse, quam verba, vel ratio legis præferre videntur. Unde cum oppositorum sit eadem ratio, doctrina præcedens de extensione, huc cum proportionem applicari potest. Breuiter itaque

296. DICO 1. Dispositio legis indistincte loquentis ita est restringenda, ut non cedat in præjudicium innocentis. Ità post alios Suarez lib. 6. cap. 5. n. 4. Nam, nisi hujusmodi nocuum esset necessarium ad bonum publicum, iniqua lex esset, si eò fuisset extensa. Hoc ipsum dicendum est de rescriptis Iustitiæ seu ad lites, ut constat ex cap. Sup. eo de Offic. & potest. Iud. Del. ubi cum Alexander III. Iudici delegato mandasset, ut appellatione remotâ ordinaret Ecclesiam, hoc est, provideret ad præsentationem de persona idonea factam, dubitabatur, utrum delegatus inscio Diocæsano, &c. prouisum in possessionem mittere posset, cum alioquin institutio præsentatorum ad Diocæsenum pertineat de lure: rescripsit Alexander III. Non esse Pontificis intentionem dictâ commissionis formulâ (ut ordinet) præjudicium generare Diocæsano. Unde inferunt interpretes Paul. Laym. in cit. cap. n. 1. Illa verba: Ecclesiam ordinetur per eum, qui Jus habet instituendi. Quæ est quidem impropria significatio, sed necessaria, ut omnia rite cohererent.

297. DICO 2. Quando ratio legis non adequat verba legis, sed verba pluribus casibus aptari possent, in quibus ratio legis non habet locum, tunc lex restringenda est ad terminos suæ rationis proximæ, & quasi constitutiue objecti legis. Ità Suarez. Verum hæc Regula in praxi magnam cautelam & prudentiam desiderat; nec

enim faciliè præsumi potest, verba legis latius parere, quam rationem: sæpè enim ratio legis videtur aliud non esse, quam euasitio alicujus incommodi seu inconvenientis alioquin secuturi, cum tamen adequata ratio alia sit, & quidem quæ se extendat etiam ad illum actum, ex quo secundum se spectato non sequeretur quidem illud incommodum seu inconueniens quod lex cavere nititur, si tamen ille actus esset licitus in casu, quo tale inconueniens non timetur, esset periculum, ne ex aliis similibus actibus illud inconueniens sequeretur, ob quod periculum debet omnis actus prohiberi, quia in omni actu reperitur radix talis sequelæ. Declaratur in exemplo vulgari. Matrimonium clandestinum est universaliter invalidum, ubi Trident. quoad Decreta reform. receptum est. Ratio legis erat, ut caverentur fraudes plurimorum, qui primis uxoribus clam ductis, & ex odio repudiatis (quia matrimonium probati non possent) alias ducerent. Hæc ratio ex mente Tridentini etiam locum habet in matrimonio illorum, qui ab omni hujusmodi fraude committenda remoti sunt. Ratio enim legis est, ut caveantur hujusmodi fraudes, quæ eventuræ essent, si clandestinum matrimonium illis liceret, qui firmo animo constituissem, nullam hujusmodi fraudem committere, nec unquam velle ductam uxorem repudiare: Nam si his liceret clam contrahere, plurimi tempore contractus essent bonæ mentis, postea ex odio insperato propositum, ut frequenter fit, mutant. Hoc exemplum reperi postmodum observatum, & simili ferè modo explicatum apud Suarez lib. 6. c. 9. n. 14. & 7. n. 5. qui etiam observat, plura hujusmodi exempla afferri posse in lege naturali, ut in prohibitione fornicationis, pollutionis &c. sed de his diximus in 1. 2. tradentes Regulam Moralitatis objectivæ, & eandem doctrinam tradit Lugo disp. 21. s. 2. à n. 64. Aliud exemplum habetur in lege, Prospexit 12. ff. Qui & à quibus manumissi liberi non fiant: ubi mulier de adulterio accusata, prohibetur vendere servos etiam in agro & extra domum existentes: Prospexit Legislator, ne mancipia per manumissionem questionibus subducantur, idcircoque prohibuit ea manumittere non licet. Ratio legis est, ne questionibus illis, servus subducatur: quæ ratio videri posset, non habere locum in servis extra domum & in agro existentibus, qui non poterunt habere notitiam adulterii in domo commissi. Verum, quia si hos liceret vendere, faciliè caperetur occasio servos criminis confisos questionibus subducendi, mittendo extra domum, ideo etiam hi vendi prohibentur.

298. Pro Conclusionis tamquam exemplificatione facit imprimis Matrimonium clandestinum, quod contrahitur ab illis, qui prius bonâ fide in facie Ecclesiæ contraxerant cum impedimento directe occulto, sed postea per dispensationem

fationem ablato, in istis enim cessat ratio legis; cum tale matrimonium possit sufficienter probari, eò quòd apparenter fuerit in facie Ecclesiæ coram patocho & testibus contractum: & etiam ideo, quia casus iste rarus est, & non potest inde fraus timeri.

299. Aliud exemplum affert Suarez ex lege: *adigere*: ff. de Jure patronatus: ubi prohibetur patronus exigere Juramentum à liberto non ducendi uxorem; quæ lex non extenditur ad liberos Eunuchos, qui liberos procreare non possunt, quorum procreandorum causâ lex illa statuta est.

300. DICO 3. Restriccio legis etiam locum habet, quando in aliqua particulati materia aut persona sunt speciales circumstantiæ aut prerogativæ, ob quas censetur lege generaliter loquente non comprehendi. Hæc restrictio, seu emendatio legis, vel meliùs, exceptio à lege dicitur fieri per Epükiam, quando nimirum sit non ob speciale jus, sed ob circumstantias per accidens intervenientes. Definitur autem Epükia seu æquitas: *Emendatio legis eà ex parte, quâ defecit propter universale*. Usus itaque Epükiz quandoque licitus est, quo quis judicat, se hic & nunc exculari ab observatione legis generaliter loquentis, etiamsi non sit à Principe dispensatum. Ita post S. Thomam Theologi, & multi Iuristæ. Probat. Nam morali prudentia hominis non potest universalis legis dispositio ita concipi, ut

in omnibus casibus particularibus, admittentibus infinitam circumstantiarum varietatem, ita sit recta, ut nunquam deficiat: non potuit enim Legislator omnes hujusmodi variabiles prævidere & considerare, aut, sine ingenti legis confusione aut prolixitate excipere excipienda: ergo necessarium erat, hanc exceptionem relinqui prudenti judicio privatorum.

301. Ne autem usus Epükiz in abusum deſceſſet, advertendum est, triplex esse fundamentum usurpandæ Epükiz. Primum, si observatio legis in his circumstantiis esset peccaminosa: v.g. si lex jubens reddere Depositum, observaretur cum gravi detrimento innocentis. Secundum. Si observatio legis non esset quidem mala, esset tamen supra vires communes, cum tantâ difficultate & acerbitate obligari, non exigente fine legis tantum rigorem, v.g. præceptum obligans ad confessionem integram, posset observari etiam cum jactura sanæ, nec tamen obligat semper cum tali jactura, quantum magis hoc de lege humana dicendum erit? Tertium fundamentum est, quando non solum observatio licita esset, & etiam Legislator potuisset cum tanta difficultate obligare, sed ex consuetudine benignitate & modo ferendi leges, colligitur, non fuisse mentem illius obligandi cum tanto rigore: sicut solemus interpretari præceptum jejunii.



## C A P V T VI.

### DE DISPENSATIONE IN LEGE. CONTROVERSIA I.

*Quenam Leges sint capaces Dispensationis, & à quibus dispensari possit.*

#### S V M M A R I V M.

**D**efinitio Dispensationis. 302.  
An Deus & quo sensu possit dispensare in Lege Naturali. 303.  
In Jure divino positivo nec Summus Pontifex potest dispensare: quod tamen non bene probatur à Fagnano. 304.  
Nec ab aliis. 305.  
Melius probatur ex cap. super eo & c. litteras. 306.  
Respondetur ad argumentum difficile ex dispensatione Voti, Juramenti, Matrimonii non consummati, spirituali inter Episcopum & Ecclesiam. 307.  
Inferior non potest dispensare in lege Superioris nisi in casibus expressis. 309.

Explicatur axioma. Episcopus potest in sua Diocesi, quod Papa in tota Ecclesia. 311.  
Recententur casus expressi. 312.

302. **D**ispensatio definitur communiter Relaxatio juris communis, cum causæ cognitione facta ab eo, qui potestatem habet relaxandi. Verum redundat hæc definitio. Nam cognitio causæ non requiritur ad valorem dispensationis.

Meliùs definitur, Exemptio alicujus vel aliorum à lege. Hinc differt primò ab Interpretatione, quæ supponit, casum lege non comprehendi,

prehendi: Dispensatio verò supponit lege comprehensum. Differt 2.<sup>a</sup> ab absoluteione à peccatis & Censuris, quia Dispensatio est gratia, absoluteio autem debetur ritè disposito, neque vulnerat ius, sed est iuri conformis, & ideo latè interpretationis, secus dispensatio. Differt 3.<sup>a</sup> à licentia, quæ quandoque datur, & requiritur, non ad hoc ut quis operari possit contra legem, sed solum ut actus fiat eo modo quo lex requirit, hoc est cum facultate: v. g. quando Religioso datur licentia exeundi è domo, non est dispensatio in lege prohibente exitum, quia lex non prohibet exitum simpliciter, sed exitum sine licentia. hæc differentia paulò post magis declarabitur. Differt 4.<sup>a</sup> ab Abrogatione & Derogatione; nam abrogatio est totius legis sublatio, Derogatio in parte sed in perpetuum, quod non facit Dispensatio. Differt 5.<sup>a</sup> à Privilegio, quia Dispensatio semper est ad actum contra ius, non item Privilegium: Dispensatio etiam sæpè est pro unico actu determinato, non item Privilegium. Multæ quidem Dispensationes sunt Privilegia, sed non e contra.

303. QUÆRITUR 1. Utrum in aliqua lege naturali possit dispensari saltè à Deo. Negant perloque. Affirmat Sanchez, quem sequuntur aliqui Recentiores. sed, nisi fallor, quæstio tandem erit de nomine, utrum v. g. Deus permittendo in antiqua lege Polygamiam, Repudium, & si quid simile est (ut de fornicaria uxore Osee multi existimant) verè dispensaverit in lege naturali, prohibente polygamiam, Repudium, fornicationem. Idem quæri posset in sententia eorum, qui putant, matrimonium in primo gradu laterali esse iure naturæ prohibitum, & tamen à principio mundi celebratum. De hoc puncto jam aliquid dixi in 1. 2. agens de regula moralitatis. Nunc solum dico, authores, qui negant in his fuisse dispensatum, non satisfacere dicendo, illas non fuisse Dispensationes propriè dictas, sed mutationes circumstantiæ necessariò requisitæ ad legis obligationem; nam ad obligationem legis requiritur negatio authoritatis ipsè licentiæ divinæ, quæ posita jam lex non obligat, nec unquam sic obligavit. Non inquam, satisfacit hæc declaratio; hac enim ratione dicendum esset, in nulla unquam lege posse dari Dispensationem propriè dictam, semper enim interveniet authoritas, quæ posita non obligat lex, & cuius negatio requiritur ad obligationem legis. Verùm quidem est, Licentiam aliquando non esse dispensationem, ut paulò antè dictum est, sed tunc est diversus planè modus præcipiendi: non enim tunc prohibetur actus simpliciter, nec à legislatore desideratur simpliciter omissio actus prohibiti, ità ut finis legis aliquo modo retardetur, aut vulneretur; (ut loquitur S. Augustinus) per actum etiam accedente licentiâ, non ità, inquam, prohibetur actus, sed prohibetur ne fiat sine licen-

tia, ad cavenda mala, quæ fierent, si actus posset sine licentia frequentari; quamvis legislator actum cum licentia libenter admittat, & amet, sicut quando requirit approbationem sacerdotis pro audiendis confessionibus. Quando verò actus ità prohibetur, ut legislator intendat consequi finem, qui aliquo modo retardatur & vulneratur etiam quando accedit licentia, tunc talis licentia est propriè dicta Dispensatio. & talis viderur fuisse licentia Polygamie &c. nisi quis malit dicere, quòd necessitas talis licentiæ universalis pro conditione generis humani tunc existens, tollat rationem Dispensationis strictè dictæ, quæ videtur debere esse magis restricta, & sine tali necessitate, & sic evaderet quæstio de nomine.

304. In iure divino positivo, neminem, ne quidem Summum Pontificem dispensare posse in ullo casu, sed recepta Theologorum Sententia (excepto quod sciam Cano & Thomà Sanchez) contra plerosque Cananistas: unde illos redarguit Prosper Fagnanus 2. parte. 1. Decret. in cap. cum pridem de pactis n. 76. & seqq. Verùm Jura quæ adducit, intentum non satis probant, nam capitula quæ allegat ex causa 25. q. 1. solum asserunt, quòd Pontifex non possit abrogare legem divinam per legem contrariam, nec approbare, quæ contra Evangelicam doctrinam acta fuerint. Dispensare autem in lege divina non esset abrogare legem. Deinde cap. super eo de usuris & cap. litteras de Restit. spol.: possit ab adversariis accipi de illis, quæ iure naturali prohibentur, cuiusmodi est Usura, & primus gradus consanguinitatis lateralis, nam in ulterioribus gradibus possit à Pontifice dispensari, constat ex Tridentino, & de usura communis sententia est, eam prohiberi iure naturæ. Capitulum cum ad Monasterium in fine de statu Monachorum, omnimò facit ad propositum, solum enim dicit, Pontificem non posse dispensare, ut Religiosus manens religiosus non teneatur votis substantiabilibus Religionis, quod est evidens. Verba sunt Nec existimet Abbas, quòd super habenda proprietate possit cum aliquo Monacho dispensare: quia abdicatio proprietatis, sicut & custodia castitatis, adeo est annexa regule Monachali, ut contra eam nec Summus Pontifex possit licentiam indulgere. Probat idem author deinde ex eo, quòd inferior non possit dispensare in lege superioris; Papa autem sit inferior. Sed adversarii responderent, Papam non esse qualemcumque inferiorem, sed Vicarium, qui potest (in omnium sententia) legem superioris, nempe divinam, interpretari authenticè, quod aliis inferioribus respectu superiorum non est concessum. Est ergo specialis ratio disparitatis inter Papam respectu Dei, & alios inferiores.

305. Probat alii sententiam ex absurdo. Si enim semel concedatur Pontifici potestas dispensandi in lege divina, consequenter dicendum esset (quod nemo concessit) posse Pontificem

visum in casu necessitatis dispensare in materia Sacramentorum: item sequeretur posse Pontificem res spirituales vendere pro pecunia, absque vitio simoniz, quam quidem sequelam concesserunt plurimi Canonistæ, ut videre licet apud Fagnanum, fusè & doctè eos refutantem. Verùm nec hæc probatio multum roboris habere videtur. Nam quod attinet ad materiam Sacramentorum, si Pontifex illam mutaret, v. g. constituendo aquam pro vino, mutaret essentiam Sacramenti, & novam Sacramenti speciem institueret, quæ esset longè alia potestas quàm potestas dispensandi. Quoad alterum de Simonia facile responderet, quòd vendere rem spirituales pro re temporalis, non tantum lege divinà sed etiam lege naturali prohibetum sit: in præfenti autem quaeritur, an Pontifex possit dispensare in lege purè divina.

306. Optima ergo probatio mihi esse videtur, quòd Pontifex in se talem potestatem non agnoscat, & hoc satis clarè exprellit in *cap. super eo*, & *cap. litteras* supra jam adductis; nam licet ea quæ ibi tanguntur, non tantum ad legem divinam sed etiam naturalem spectent, Pontifex tamen dicit, se dispensare non posse, quia sunt contra legem divinam. Deberet autem utrique Pontifex hanc in se potestatem agnoscere, si ea sibi competeret, alioquin inutilis & otiosa esset.

307. Solum superest respondere ad fundamentum Adversariorum, quod non invenio à Fagnano tactum, & est hoc. Ex Matthæi 19. *Quodcumque solveris &c.* colligunt Doctores communiter, quòd possit Pontifex dispensare in Voto, Juramento, & Matrimonio rato non consummato, & in matrimonio spirituali inter Episcopum & Ecclesiam, quod tamen est Juris divini, ut sentit Innoc. III. in *cap. inter corporalia de Translatione Episcopi*: atqui non est major ratio colligendi potestatem dispensandi in his, & non in aliis legibus divinis, cum verba sint generalia. Ergo &c. Respondet Suarez lib. 10. c. 6. n. 19. & ex eo Castro Palao, posse Pontificem dispensare in Jure divino fundato in humano contractu, seu in propria voluntate hominis se obligantis, quia hoc non est dispensare in Jure divino, sed in fundamento illius, subtrahendo materiam illius Juris, nempe obligationem in quantum provenit à voluntate hominis: sicut potest hujusmodi voluntatem reddere impotentem ad fete obligandum. Ego dicere, hanc non esse dispensationem, qualis esset, si Pontifex vellet aliquem eximere à lege v. g. credendi, ea quæ sunt necessariò credenda necessitate præcepti, vel à lege utendi sacramentis &c. sed esse irritationem voluntatis humanæ, pendens quoad suam efficaciam tam in fieri quàm in conservari ab acceptance Dei, irritationem inquam factam à Vicario nomine Dei, quæ potestas erat necessaria ad plenam gubernationem, qualem suo Vicario Deus imposuit dicendo: *Pasci oves meas*.

308. Dices: Ergo poterit etiam Papa dissolvere Matrimonium consummatum, quia etiam provenit ejus vis à voluntate humana, quam potuisset Pontifex antecederet inofficacem reddere. *æ.* Negando consequentiam. Aliunde enim constat, insolubilitatem omnimodam esse à Christo superadditam matrimonio consummato, ut alibi dicitur. Sanè non expediebat hanc potestatem concedi Vicario Christi, ex qua gravia incommoda orirentur, eò quòd infiniti urgent matrimonii sui dissolutionem, allegando etiam causas gravissimas, quibus sive indulgeretur, sive non, quis non videt, quanta inconvenientia sequerentur: nihil horum timendum est ex dissolutione matrimonii rati non consummati.

309. Quoad legem humanam dubitatur, an & in quibus casibus possit Inferior dispensare in lege Superioris, v. g. Episcopus in lege Pontificis, vel Concilii Provincialis. *æ.* Non posse nisi in casibus saltem tacite concessis.

Ratio est, quia Inferior non potest suâ potestate impedire v. m. legis à superiore latæ, alioquin potestas inferior posset prævalere contra potestatem superiorem: ergo infirmior contra fortiorem, quod est ex terminis absurdum. Sicut ergo debilius tunc solum potest prævalere contra fortiorem, quando fortior vult cohibere vires suas, ita inferior tunc solum potest dispensare in lege superioris, quando consensu suo legem inferiori eatenus subjecerit. Itaque potestas dispensandi non est ex genere illorum, quæ dicuntur alicui competere, nisi prohibeantur, sed est ex genere eorum, quæ hoc pso censentur prohibita, si non sint concessa, *cap. dilectus de tempor. ordin.* Imò satis clarè talis dispensatio prohibita est per canones illos, qui jubent leges communes ab inferioribus observari.

310. Obijciunt 1. Capitulum *super de Sent. excomm.* ubi dicitur, eo ipso quòd Legislator non reservat sibi absolutionem ab excommunicatione, talem absolvendi potestatem esse inferiori concessam. *æ.* Absolutionem non esse dispensationem, nec esse contra Ius, sed juxta Ius, ut à principio hujus capituli dictum est.

311. Obijciunt 2. Axioma vulgare: Episcopus potest in sua Diocesi, quod Papa in tota Ecclesia. *æ.* Hoc esse intelligendum de illis, quæ antecederent ad legem Pontificiam specialiter prohibentem pertinent ad gubernationem & regimen in genere.

312. QUÆRITUR 2. Quam casus sint, in quibus concessum sit (vel expresse vel tacite) inferiori dispensare in lege superioris. *æ.* Sequentes casus, vel potius genera casuum enumerant.

I. Si materia sit parvi momenti, qualis etiam est, si lex non nisi sub veniali obligat: quia fastidiosum nimis esset, etiam Legislatori, si in hujusmodi semper ad ipsum recurrendum esset, & non satis consultum esset inferioribus Prin-



pibus, si illis potestas dispensandi in talibus esset denegata. Huc ego referrem dispensationem in irregularitate cum corpore vitiatas, si defectus non sit valde magnus, ut inde scandalum timeri posset. Nam hic casus in lure quidem expressus non est, & tamen à Canonistis admittitur.

II. Si ratione materiz casus sunt frequentes, qui dispensatione opus habent, ut est in votis communibus, observatione festorum, & jejuniorum, ob rationem allatam, & mox afferendam.

III. In extraordinario eventu, quo necessitas urget, & est periculum in mora, vel impotentia adeundi superiorem. & hoc fundatur in præsumpta voluntate superioris, qui si negaret hujusmodi potestatem pro tali casu, ageret contra charitatem & suave regimen Ecclesiæ. Hinc communiter Theologi resolvunt, posse Episcopum in talibus circumstantiis dispensare in impedimento matrimonii dirimente, modò matrimonium sit publicum, & impedimentum occultum, & separatio non possit sine scando fieri. Utrum autem Basilii Pontius *lib. 8. cap. 13. n. 6.* hanc potestatem dispensandi rectè extendit etiam ad impedimentum publicum, ad matrimonium contrahendum, & ad articulum mortis ad legitimandam prolem, non est hic locus disputandi. Fagnanus in *cap. Nimis. de filiis presbyt. n. 34.* satis severè judicat, hanc doctrinam servari non posse ab Ordinariis absque incursu excommunicationis, quā in Bulla Cœnæ feriuntur usurpatæ jurisdictiones & lura ad Sedem Apostolicam pertinentia, ut in similibus casibus sæpius respondit S. Congregatio Concilii. Itā ille, qui etiam n. 27. observat, non facile posse contingere, ut ob paupertatem impediatur accessus ad Sedem Apostolicam; nam in impedimentis occultis satis est, ut Confessores in partibus, suppressis nominibus supplicantium per litteras consulant Pœnitentiarios Basilicarum Urbis, vel alios, qui postea supplicationes deferunt ad Ministros S. Pœnitentiariæ, & ab ea dispensationum litteræ expediuntur gratis omnino etiam quoad scripturam.

IV. Si dubium est, an indigeas dispensatione. Nam licet ex communiore sent. tunc non indigeas dispensatione, quia liberitas est in possessione, si tamen pro majori securitate velis dispensari, sufficit dispensatio Episcopi, cui non censetur reservati casus dubii, cū reservatio sit stricte interpretanda. Itā Palao.

V. Quando viger consuetudo dispensandi in certa materia. Sic habet consuetudo, ut Parochi dispensent in casibus frequentioribus, ut in jejuniis, festorum observatione quoad vacandum à quibusdam operibus.

VI. Ex magna causa necessitatis & utilitatis posse Episcopum contra Constitutiones Canonum etiam Generalis Concilii dispensare, de-

cidit Rota decif. 262. cujus fundamenta refert Fagnanus in *cap. Canonum statuta. de Constit. In prima parte. 1. Decretal. sed contra hanc Rotæ dictionem disputat ex professo per duodecim argumenta in 2. parte 1. Decretal. c. nimis. de filiis Presbyt. à n. 11. usque ad n. 24. admittens tamen eam secundum octo declarationes ibi appositas. à n. 24. quæ omnia expedit à Vicariis Gen. legi, cū multum prodesse possint, & in aliis AA. non reperiuntur. Declarationes autem Fagnani ejusmodi sunt, ut non dubitem, decisionem Rotæ aliud non voluisse. Et hæc de generalibus rationibus dispensandi.*

373. Magis autem in specie sequentes casus notabiles sunt. Primus habetur in Tridentino *sess. 24. cap. 6. de Reform.* ubi datur Episcopis facultas dispensandi in irregularitatibus omnibus, & suspensionibus, ex delicto occulto provenientibus, excepta eā quæ oritur ex homicidio voluntario, & exceptis aliis deductis ad forum contentiosum: & in quibuscunque casibus occultis etiam Sedi Apostolicæ reservatis absolventi delinquentes quoscunque sibi subditi in Diocesi sua per seiplos, aut Vicarium ad id specialiter deputandum in foro conscientie, gratis imposita pœnitentiā salutari. Idem & in hærelis crimine in eodem foro conscientie eis tantum, non eorum Vicariis permittitur. Sed hoc ultimum revocari in Bulla Cœnæ tenent plurimi, contra non pauciores apud Barbosa *de Off. Ep. p. 2. alleg. 40. num. 23.* Secundus casus habetur *cap. 1. de filiis presbyt. in 6.* ubi conceditur Episcopis facultas dispensandi cum illegitimis ad minores Ordines, & ad beneficia simplicia. *Is qui defectum patitur natalium, ex dispensatione Episcopi licite potest ad Ordines promoveri minores, & obtinere beneficium, cui cura non imminet animarum.* Tertius habetur in *cap. 1. Qui Clerici* ubi datur Episcopo facultas dispensandi cum Diacono, qui irregularitatem incurrit ducendo uxorem. Ibi. *Dimissa illa, quam in uxorem acceperat, & absolutione obtenta, dispensatū poteris ei Diaconatus Officium reddere.* Quartus habetur in *cap. cum ex eo. de elect. in 6.* ubi Bonifacius VIII. permittit, ut Episcopi, ac similes Prælati cum obtinentibus Ecclesias parochiales dispensare possint ad septennium causā studii litterarum, debent tamen intra annum Subdiaconatum suscipere. Ibi. *Sancimus, ut Episcopi, eorumque superiores cum iis, qui ejusmodi subjectas sibi Ecclesias obtinent, in futurum dispensare possint libere, quod usque ad septennium litterarum studio insistentes, promovere minime teneantur, nisi ad Ordinem Subdiaconatus duntaxat: ad quem intra prædictum annum recipiendum omnino astringi volumus.* Quintus habetur in *cap. 2. de despons. impub.* ubi admittitur posse dispensari ex urgentissima necessitate, ut contrahant matrimonium, qui necdum habent legitimam ætatem, & plenam pubertatem. Et licet in illo cap. non exprimat Episcopus, de



eo tamen intelligendum est secundum Joannem de Lignano & alios. Ibi: *Nisi forte aliqua urgentissima necessitate interveniente, utpote pro bono pacis talis conjunctio toleretur.* Sextus, Episcopi, omnesque Prælati Iurisdictionem quasi Episcopalem in foro externo ordinariam habentes quoad sibi subditos habent potestatem dispensandi in juramentis & votis, *arg. cap. 1. in fine de voto*, ut colligunt DD. communiter apud Barbosa *de Off. & Pot. Episc. pars. 2. alleg. 36.* Exciipiuntur quinque vota. 1. De intranda Religione. 2. de perpetua castitate. 3. De peregrinatione in terram sanctam. 4. De visitandis liminibus Apostolorum Petri & Pauli. 5. De peregrinatione ad D. Jacobum Compostellam. Quæ sunt Summo Pontifici reservata non quidem Jure scripto, sed antiquissimo Curie stylo. Potest tamen Episcopus dispensare ad Religionem laxiorem eam quam quis voverat, quia hoc non est dispensare simpliciter in voto Religionis, sed in qualitate. Septimus. Potest Episcopus dispensare in Irregularitate proveniente ex infamia facti, ut docent plures Canonistæ apud Barbosa *loco cit. alleg. 43. n. 31.* sed non invenio decretalem aliquam, quæ hanc potestatem expresse concedat, quin potius ex Tridentino sup. citato videtur per argumentum à contrario oppositum colligi. Sunt adhuc aliqui casus, de quibus disputatur, an possit in illis Episcopus dispensare, sed meliores Authores communis negativè respondent, & ideo illos prætermis, præsertim cum sint admodum rari.

## CONTROVERSIA II.

*Cum quibus dispensari possit.*

### SUMMARIUM.

**I**N quibus casibus possit Superior secum ipse dispensare. 314.

*An cum Peregrinis possit dispensare Superior loci ubi versantur.* 316.

314. **Q**UÆRITUR 1. In quibus casibus possit Superior secum ipse dispensare. Non est sermo de ipso Legislatore, quem jam supra diximus suâ lege non obligari, sed de alio superiore habente potestatem dispensandi in lege alterius. Deinde certum est, posse talem dispensare secum indirectè, quatenus ut patet continetur in illa Communitate, cum qua dispensat. Nunc ad quæsitum

Respondetur. In illis casibus, in quibus potest dispensare cum aliis subditis, v.g. in votis, juramentis, irregularitatibus, aliisque impedimentis vel obligationibus, imò & penis, potest etiam secum dispensare, nisi expresse prohibeatur, vel nisi ejusmodi penam per sententiam Iudicis incurrisset, tunc enim non præsumitur

illi facta potestas secum dispensandi, imò nec alium eligendi ad secum dispensandum, nisi quando ellet ea necessitas, & impotentia ad eundem Superiorem, quæ sufficeret, ut in aliis quocumque casibus cum subdito dispensare posset, juxta dicta præcedente controversia. Ratio est, quia non debet Superior esse peioris conditionis quàm subditi.

315. **O**bjicies. Inter dispensantem & dispensatum debet esse distinctio, sicut inter absolutum & absolutum. *æ.* Negando paritatem, nam dispensatio non est sententia, sed mera exceptio à lege, & ipsius legis restrictio seu derogatio ex parte, ad quem actum non requiritur distinctio, alioquin nec indirectè posset secum dispensare. Cæterum observandum est id quod decrevit Congregatio Concilii, facultatem datam Episcopis *sess. 24. c. 6. de Reform.* absolvendi & dispensandi sibi subditos, posse cum ipsis Episcopis à Confessario ab ipsis electo exerceri.

316. **Q**UÆRITUR 2. An cum peregrinis possit dispensare Superior loci ubi versantur. *æ.* cum distinctione: in lege communi, ac etiam in lege municipali illius loci quibus tenetur peregrinus, potest dispensare Superior illius loci in illis, in quibus potest cum suis subditis. ad ipsum enim pertinet cura observationis harum legum & consequenter etiam causis cognitio, an expediat dispensari. At verò in votis, impedimentis &c. non potest cum peregrinis dispensare, nisi quando ex causis supra allatis habet præsumptam voluntatem Superioris proprii territorii; & ita decisum est, quoad priorè partem, sæpius à Congreg. Card. & ratio est, quia vel potest adiri Superior, vel non potest: si potest, cur non adiretur præ alieno? si non potest: vel urget necessitas vel non urget. si non urget, expectetur: si urget, habetur præsumpta voluntas.

## CONTROVERSIA III.

*Qualis causa requiratur ad dispensandum.*

### SUMMARIUM.

**E**Xistente causâ sufficiente tenetur quandoque Superior dispensare, quandoque non tenetur. 318. Causa legitima arbitrandâ est prudenti judicio. 319.

317. **E**X aliis dictis & cetera DD. sententia, Legislator in sua lege sine causa rationali dispensans validdè quidem, sed non licitè dispensat: nam sine causa prævalente non potest honestum esse, velle impedire bonum commune, etiam ex parte tantum, quod ex integra observatione legis expectatur. Hoc autem peccatum probabiliter est veniale ex genere suo.

H

quia

quia non est gravis deordinatio, nisi esset valde ampla dispensatio, ita ut lex graviter vulneraretur, & ex magna parte inutilis redderetur. Unde sequitur, quod dispensatio sine causa debeat revocari, quamvis ante revocationem dispensatus ea licite utatur. Contrarium dicendum est de dispensatione inferioris in lege Superioris, quae sine causa (saltem existimata) non subsistit. Dixi: saltem existimata. plures enim putant, quod si à parte rei non subsistit, sed ex errore videatur subsistere, adhuc non valeat dispensatio. Sed non improbabilius affirmat Sanchez valere. sane, si ipse Legislatores circa causam erraret, non diceremus dispensationem esse nullam, sed ex voluntate dispensantis adhuc valere; quia licet peccaret volendo simpliciter dispensare sine causa, non peccaret tamen, volendo valere dispensationem, etiam casu quo circa causam erraret (modo absit fraus ex parte impetrantis dispensationem) quia rationabiliter hoc vellet, ne videretur dispensatio posset in dubium vocari; ita videtur etiam suum consensum accommodare inferioris dispensationi.

318. Existente causa sufficiente, tenetur quandoque Superior dispensare, quandoque tamen, ex probabiliori sententia non tenetur. Prima pars declarat: nempe tunc tenetur, si

negando dispensationem grave damnum in Republica sequeretur, cui debet ex officio consulere: item si per dispensationem esset reparandus honor & fama iniuste laesa, neque in contrarium urgeret similis causa, & sic de aliis. verbo: tunc tenetur ex officio, quando in oppositum nulla aequae gravis causa urget. Secunda pars iam probatur: quia possunt in oppositum, ad negandam sc. dispensationem urgere graves causas: sicut enim libere fert legem ob causam sufficientem, quam tamen ex causa opposita posset sine culpa non ferre, ita de dispensatione dicendum est. Non enim quidquid potestati Iudicis permittitur, id necessitati Juris subijcitur: l. non quidquid 40. ff. de Iudiciis. Quando tamen in Jure designatur causa ad dispensandum, tenetur inferior, existente causa, dispensare, quia tunc instruitur inferior, qui committitur potestas, quomodo ea uti debeat.

319. Quae porro sit causa legitima, arbitrandum est prudenti iudicio, considerando qualiter personae, quam sapè expedit habere sibi gratitudinis titulo obligatam, item utilitatem, necessitatem, pietatem causae neque enim necesse est, ut dispensatio immediate tendat ad bonum publicum, sufficit, ultimare ed referri.



## CAPUT VLTIMUM. DE RESCRIPTIS CONTROVERSIA UNICA. SYMMARIUM.

**R**escriptum in genere quid sit. 320.  
Rescripta ad lites, seu Iustitia sunt strictae interpretationis. 321.  
Rescripta Gratiae ad beneficia sunt etiam strictae interpr. 322.  
Regula generalis est, ea esse exprimenda, quae à Jure exprimenda prescribuntur. 324.  
Qui in eadem materia duo rescripta impetrat, in quorum primo est restrictio in secundo ampliatio cum praescriptio terti, in secundo est facienda mentio primi. 325.  
Si adversarius impetravit rescriptum delegans causam Iudicibus A.A. postea si petas alios iudices, facienda mentio prioris. 326.  
Habens beneficium, & volens impetrare rescriptum ad aliud, mentionem faciat prioris. 327.  
Etiam si priori veniuntiam esset. 328.  
Praebendam necdum consecutus, sed receptus volens impetrare rescriptum ad aliud beneficium alterius Ecclesiae mentionem faciat admissionis. 329.  
Si autem resistenti collationi facienda est mentio. 330.

Exprimendum, quod supplicans sit Clericus. 331.  
Exprimenda est causa spoliationis. 332.  
Alia causa nullitatis est Dolus vel Simplicitas, aut ignorantia admissa tacendo verum, vel narrando falsum. 333.  
Exemplum subreptionis ex simplicitate. 334.  
Exemplum nullitatis ex narratione falsi per errorem. 335.  
Exemplum omissionis causae impulsivae tantum. 337.  
Explicatur cap. Postulasti. de Rescriptis. 339.  
Quomodo subintelligatur. Si preces veritate nitantur. eod.  
Vnde cognoscendum, aliquid esse causam finalem vel impulsivam. 340.  
Subreptionis est, si taceatur defectus, qui tamen post datas litteras ausuratur ante executionem. 341.  
Qualitates adiectae solite in rescriptis sunt duplicis generis. 342.  
Error commissus in qualitate per modum demonstrationis non vitiat. 343.

**A**D tractatum de Legibus revocari possunt Rescripta, quæ etiam sunt regula quædam externa nostrorum actuum, ut rectè fiant: & frequentissimus usus est Rescriptorum, & in ipso lib. Decretalium titulo de Constitutionibus subiungitur titulus de Rescriptis. De his jam aliqua diximus in Superioribus.

320. Est autem Rescriptum in genere secundum Rebuffum tract. de Rescriptis n. 5. Concessio Principis per litteras authenticas legitime facta; sive sit secundum Jus, sive contra Jus. hoc ultimum tamen ita accipe: si in ipso Rescripto Iuri communi expressè detogetur, v. g. si jubeatur iterum audiri, qui jam per sententiam est condemnatus. Nam nisi hoc exprimat, ex communi Regula Rescriptum contra Jus non valet, quia præsumitur fraus intervenisse in impetrando Rescripto. semper enim mens Principis præsumitur esse talis, qualis de Jure esse debet arg. l. ex factio ff. de vulg. & pupill. substit.

### §. I.

#### Interpretatio Rescriptorum.

321. **R**escripta ad lites seu Justitiæ sunt strictæ interpretationis, præjudicant enim ordinariorum Jurisdictioni. Hinc si in Rescripto delegetur Jurisdictio ad quasdam causas indefinitè, non potest extendi nisi ad causas jam tunc exortas, non autem ad causas, quæ post impetratum Rescriptum exoriuntur, ut habetur c. fin. h. t. ibi. ubi litteras ipsas ad futuras trahunt controversias, quæ nondum fuerant tempore impetrationis exortæ, seu quæquam super uno negotio &c. earundem litterarum commodò careant. Item in Rescriptis Justitiæ nomine existentium in Diocesi, seu Diocesanorum, non veniunt nec conveniri possunt existentes in Episcopali civitate, quæ est caput Diocesis, ut habetur decisum in cap. Rudolphus. 35. h. t. Rudolphus clericus Rector Ecclesiæ S. Christ. de civit. Sagiensi, suâ nobis insinuatione monstravit, quod cum A. R. eum per quasdam litteras contra Episcopum Sagiensem & quosdam alios Sagiensis diocesis, super redditibus & rebus aliis impetratas à nobis coram Judicibus super eadem Ecclesia per generalem clausulam (QVIDAM ALII) convenisset: idem rector proposuit excipiendo, quod cum esset de civitate Sagiensi, & sub eadem clausula nullus de civitate ipsa intelligitur inclusus, conveniri non poterat per eandem. Et quia dicti Judices exceptionem hujusmodi recusarunt admittere, nostram audientiam appellavit. Ideoque mandamus, quatenus est nâ, revocetis in irritum. Et colligitur etiam ex cap. quamvis de Præbend. in 6. ex quo constat, aliquando nomine Diocesis non comprehendî civitatem Ecclesiæ Cathedralis. Item si delegetur Jurisdictio in certas personas: non potest Rescriptum & Jurisdictio extendi ad Personas alias, ita ut ne quidem ex consensu earum possit prorogari Jurisdictio c. P. & G. 40. de off. & pot.

Iud. deleg. ad causas tamen etiam graviore ex consensu partium prorogari potest ultra causam in Rescripto expressam. quia talis prorogatio fundatur in Jurisdictione in Personas, ut tradit Laym. in cit. cap. quod sic habet. "P. & G. per litteras Apostolicas conquerentibus coram te de Episcopo London. quod concessum ab eis mutuum promisso loco & termino non persolvit. pendente judicio J. Laicus, qui in quantitate quadam eisdem Mercatoribus tenebatur, si in tuam Jurisdictionem voluit prorogare, ut si intra terminum constitutum prædictam non solveret quantitatem, Excommunicationis & Interdicti sententias in personam & terram ejus promulgares. Quas hujusmodi occasione à te latas decernimus non valere; cum & si aliâs Jurisdictioni præesse dicaris: quia in dictum I. nullam Jurisdictionem habeas, Jurisdictionis prorogatio nulla noscitur existisse: cum hujusmodi delegata Jurisdictio ad alias personas nequeat prorogari.

322. Quin imò etiam Rescripta Gratiæ saltè ad Beneficia, cum sint odiosa illis ad quos alioquin de Jure communi provisio pertineret, sunt strictæ interpretationis. Hinc Rescriptum super beneficio vacaturo alicui conferendo, non extenditur ad beneficium de novo erectum post Datam Rescripti. Clement. un. de Rescript. Vivianus in cit. Clem. Rationem dat Barbofa in eand. Clem. & alii RR. ex eo, quod beneficium de novo erectum non dicatur vacare, quia nunquam fuit provisum. Item ex communi Canonistarum si Papa mandaverit alicui beneficium conferri in diocesi, non potest ipsi conferri in Civitate Episcopali, quia, ut jam sup. notavi, in odiosis nomine Diocesis non venit Civitas Episcopalis.

### §. II.

#### De Nullitate Rescriptorum ob Subreptionem ex taciturnitate veri, manifestandi de Jure.

323. **R**escripta conceduntur sub hac cõditione, Si preces veritate nitantur. tunc autem dicuntur veritate niti, quando nec suppressione veri, nec expressione falsi vitiantur: quocunque autem horum interveniente Rescriptum est nullum ex defectu consensûs, & quidem si ob suppressionem veri, dicitur provenire ab ignorantia concedentis, & Rescriptum dicitur Subreptitium, seu subreptitiè obtentum; si verò ob expressionem falsi, dicitur provenire ab errore, & Rescriptum dicitur Obreptitium, seu obreptitiè obtentum: (à multis tamen hæc terminorum scrupulositas non observatur) colligitur ex c. fin. de filiis presbyt. in 6. ibi in fine. talis dispensatio, cum non sit verisimile sedem ipsam cum illo prædictum patiente defectum voluisse, si hoc fuisset expressum, eidem in pluralitate beneficiorum dispensare, veluti per surreptionem obtentâ, nullis penitus est momenti.

*menti.* Rescriptum gratiæ subreptitiè obtentum, est ipso jure nullum; Rescriptum Justitiæ est irritandum ope exceptionis, quia non est tanti præjudicii, quanti primum, cum non tribuat Jus, sed Iudicium. & habetur c. 9. h. t. *Si autem aliquis auctoritate posteriorum litterarum per adversarium in iudicium tractus obsecravit, litteras se priores habere, de quibus in posterioribus mentio non habetur, si eis dolo vel negligentia uti postposuerit, excusari non debet.* idem dicitur c. 23. eod.

324. Videndum nunc est, cuiusnam veritatis taciturnitas, vel falsitatis expressio vitiet Rescriptum; & primò quidem de iis, quæ vitiunt, etiam si expressâ veritate adhuc Rescriptum obtentum fuisset, de quibus in hoc §. in sequenti verò de illis, quæ dant causam concessioni, quia aliàs Rescriptum non fuisset datum. Pro prioribus

REGULA generalis est, ea esse exprimenda, quæ à Iure exprimenda præstarentur, intelligendo nomine Iuris non solum Ius scriptum, sed etiam Stylum Curiæ (facit enim Ius c. quàm gravi de crimine falsi) & Consuetudinem, quæ habeat vim legis, sunt autem sequentia.

325. Primum. Si quis in eadem materia duo Rescripta vel privilegia impetret, in quorum primo fiat Restrictio, in secundo verò Ampliatio fiat cum præjudicio tertii, tunc in secundo Rescripto & ejus petitione facienda est mentio primi. Casus habetur in cap. penult. de Prescript. Monasterium quoddam in Vespri mensi diocesi constitutum, habebat à Paschale Papa privilegium postulandi Chrisma, Oleum sanctum, Consecrationes, & Ordinationes pro suis Clericis à quocunque Præfule Catholico, sed cum hac restrictione; si Vespri mensis Episcopus vel non fuerit Catholicus, vel gratiam Sedis Apostolicæ non habuerit, vel ea non voluerit gratis exhibere; secùs verò, ut ab ipso Episcopo Vespri mensi postularent. Postmodum Abbas illius Monasterii impetravit à Clemente privilegium universalis, absolutum & illimitatum, nullâ factâ prioris mentione. Agitatâ causâ apud Innocentium III. declaravit, Privilegium secundum esse subreptitium, & nullius valoris quoad hoc punctum, in quantum prioris privilegii limites excederet, ex eo quòd prioris nullam faciat mentionem. Ratio autem reddenda est ex dictis de Privilegiis. quia per primum privilegium ejusque restrictionem fuit roboratum Ius commune favens Episcopo Vespri mensi, & sic acquirebat vim privilegii, quasi indirectè concessi: atqui privilegio non derogatur per aliud contrarium, nisi illius expressâ mentio fiat. Ergo &c.

326. Secundum. Si tuus adversarius sive solus, sive communi consensu impetravit à Papa Rescriptum, delegans causam Iudicibus AA. postea tu peras ab eodem Rescriptum delegans eandem causam aliis Iudicibus, debes prioris

Rescripti ab adversario impetrati mentionem facere, alioquin secundum Rescriptum à te impetratum nullam habet firmitatem, sed ope exceptionis elidi potest, & primum in suo robore manet, si fuerit Iudicibus præsentatum, & vigore illius citatio facta. Ità rescriptis Alexander III. in c. cæterum. h. t. secùs, si primum Rescriptum ex negligentia intra annum non est Iudicibus præsentatum. cap. plerumque h. t. Quod si sine culpa non est præsentatum, competit exceptio contra secundum Rescriptum: c. si autem h. t. suprâ recitato.

327. Tertium. Habens beneficium quantumvis modicum, vel Vicariam perpetuam, & volens impetrare Rescriptum ad beneficium aliud sibi providendum, debet mentionem facere Vicariæ perpetuæ, alioquin subreptitium censetur, usque impetratum tacitâ veritate, quam si Papa cognovisset, probabiliter non ita scripsisset: nam huiusmodi litteræ emanant pro Clericis pauperibus, nullum beneficium habentibus: qui verò Vicariam obtinet, Ecclesiastico beneficio non caret. Ità rescriptis Innoc. in c. postulasti h. t. ibi. *Non enim beneficio carere debet dici, cui competenter de perpetua Vicaria provenerint esse provisum.*

328. Quartum. Rescripti ad provisionem de beneficio impetrati facienda est mentio in petitione alterius Rescripti, etiam si priori Rescripto renuntiatum esset, alioquin posterius Rescriptum irritum est ipso Iure, & rescindendum quidquid ejus prætextu actum fuerit. Ità rescriptis Honorius III. in cap. ad audientiam. h. t. ibi. *Mandamus, quatenus eos, qui post litteras taliter venditas, alias (de illis mentione non habita) impetrabunt de cætero, vel hac lenis impetraverint, carere decernas commodò earundem, & Ecclesias non permittas earum occasione vexari: revocando in irritum, si quid earum prætextu inveneris esse factum.*

329. Quintum. Receptus in Canonicum Ecclesiæ A. sed præbendam necdum consecutus, adeoque habens tantum Jus ad Rem, non in Re, volens impetrare rescriptum ad aliud beneficium alterius Ecclesiæ, debet mentionem facere admissionis in Canonicum. Ità rescriptis Gregorius IX. in cap. in nostra h. t. ibi. *Mandamus, quatenus eos Clericos Ecclesiis, in quibus recepti sunt faciens esse contentos, non permittas alias ab eis occasione litterarum huiusmodi molestari. Nisi de receptione fortè suâ expressam fecerint mentionem.* Aliud esset, si Canonicatus, aut aliud quodcumque Beneficium oblatum quidem esset, sed non acceptatum, huius enim mentionem fieri non est necesse, quia necdum acquisivit Ius ad rem, necdum Ius in re, ut patet ex donatione, quæ ante acceptance non fundat actionem personalem. Idem dicendum, si alicui absentis & ignorantis collatum esset beneficium, nam tunc validam esse gratiam Papalem rescriptis Bonifacius VIII. Cap. Grata h. t. in 6. Ità quidem ur, si beneficia



beneficia incompatibilia sint, in optione impetrantis sit, utrum eorum retinere velit. Fagnanus c. *super litteris* n. 70. ait, in hoc casu acquiri quidem Jus ad rem, sed hoc non ob stare, quia solius Iuris in re est facienda mentio. Unde consequenter diceret, in casu collati Canoniciatus sine præbenda, esse etiam quæsitum Jus in re respectu Canoniciatus, sed non respectu præbendæ seu reddituum. Capitulum sic habet. *Gratia, quam super beneficio à Sede Apostol. te impetrâsse proponis, vitiosa reputari non debet, quamvis de alio beneficio ab Episcopo tuo antea tibi absentis, & ignorantis collato, nullam (cum tempore impetrationis nescires) feceris mentionem. Vtrumque tamen (si talia sint beneficia, quæ simul de Jure nequeant teneri) habere non potes: sed eligas, quod ex eis malueris retinere.*

330. Sextum. Si consuetudo vel statutum alicujus Ecclesiæ resistat collationi alicujus beneficii, tunc ut rescriptum mandans provisionem hujusmodi non censeatur subreptitium, lebet illius consuetudinis, vel statuti mentio fieri saltem generalis, & si statutum juramento firmitatis esset, etiam juramenti mentio facienda esset. Calus habetur in cap. *constitutus* h. t. ubi Innocentius III. rescribit, quod si numerus Canonicorum juramento constitutus fuerit in Ecclesia, priusquam rescriptum mandans collationem Canoniciatus datum esset, irritum sit, quidquid illius Rescripti vigore actum esset. Ibi. *Mandamus, quatenus si legitime vobis confiterit, numerum Canonicorum, qui nunc est in eadem Ecclesia, per Decanum & Capitulum ejusdem Ecclesiæ juramento firmatum, antequam prædictus Clericus litteras executorias impetrasset, quidquid factum est occasione litterarum ipsarum, irritum decernatis.*

331. Septimum. In supplicatione pro beneficii impetratione, exprimendum est, quod supplicans sit Clericus. Ità supponitur in c. *cum adeo* h. t. ibi. *Cum enim in litteris nec de præbenda ipsius mentio haberetur, nec Clericus diceretur in eis.* Hoc autem inde provenit. Nam licet Clericatus in persona supplicante de Jure communi supponatur, cum Laicus sit incapax Beneficii Ecclesiastici, quia tamen Curæ stylus est exprimere Clericatum, si in rescripto hoc omittatur, habetur pro subreptitio, & supponitur, nec fuisse in supplicatione positum. Hinc infero, quod hujus taciturnitas in supplicatione non obesset, si in rescripto Clericatus exprimeretur.

332. Octavum. In impetratione Rescripti mandantis restitutionem contra Judicem, à quo quis spoliatus est, v. g. amotus à beneficio, exprimenda est causa spoliationis, quæ si in rescripto non erit expressa, subreptitium censebitur. C. *Dilectus* h. t. ibi. *de amotionis sue causa, & excommunicationis, quæ tenentur adstricti nullam facientes penitus mentionem, &c. Mandamus quatenus litteras ipsas tanquam per veri suppressionem obertas, vitibus cætere decernas.* Ratio est, quia

pro Judice stat præsumptio. & hæc quidem in corpore Iuris clariùs continentur. Nunc de aliis videamus.

### §. III.

*De nullitate Rescripti ex defectu Causæ motivæ, Finalis, aut Impulsivæ.*

333. **A**lia Causa nullitatis est, dolus, vel simplicitas, aut ignorantia admixta, taceendo verum, vel narrando falsum in precibus, dans causam concessionis. Casus est in cap. *super litteris* h. t. ubi Innocentius III. rescribit, distinguendum esse, utrum litteræ cum taciturnitate veri, aut suggestionem falsi impetratæ fuerint per malitiam, aut dolum impetrantis, an verò per simplicitatem, ac ignorantiam: primo casu in pœnam delinquentis omnino irritæ censi debent, ita ut postquam Judici dolus innotuerit, supersedeat causæ cognitione. In altero autem casu attendere debet, an Papa nihilominus litteras dedisset, etiam si veritas aperta fuisset, & falsitas intermissa, saltem secundum formam Iuris communis: si dedisset, tunc Judex causam cognoscat secundum ordinem Iuris communis: si non dedisset, non poterit Judex procedere. Hoc capitulum, etsi loquatur de Rescriptis Iustitiæ, cum proportionem tamen procedit etiam in rescriptis gratiæ, ut ex communi docet Sanchez, Layman, & quidem à fortiori, ut ait Fagnanus.

334. Dissentiunt tamen hi AA. in eo, quod Sanchez & Layman (quibus accedit Zæsius) existimant, litteras dolo impetratas, si contineant plura capita separata, & dolum solum sit commissus quoad unum, non quoad alterum, non vitiat, nisi quoad illud caput, in quo dolus commissus est: Fagnanus autem existimat (n. 18.) (sicut & Vallensis in suis Paratitlis) vitiatum in totum, propter illa textus verba: *In sua perversitatis pœnam nullum ex illis litteris commodum consequatur.* Verum hæc verba sufficienter salvantur, quatenus nimirum vi litterarum, ne quidem in forma Iuris communis procedi possit, sicut procedi potest, quando simplicitas, aut ignorantia subreptionis causa fuit. Volunt proinde Sanchez & Layman hic quoque verificari aliam Regulam Iuris. 37. in 6. *Pile non debet per inutile vitari.* Exemplum esse posset, si quis habens votum Castitatis, peteret dispensationem ad ducendam suam consanguineam, & pro priori allegaret suam incontinentiam, pro secundo verò mentiretur, suam consanguineam non posse invenire alium maritum suæ conditioni parum, quo casu, inquit Laym. dispensatio in voto teneret, non autem in impedimento consanguinitatis, unde posset quidem aliam ducere, sed non consanguineam.



Exemplum subreptionis ex simplicitate, vel ignorantia provenientis, ac Rescriptum vitiariis, affert Fagnanus (n. 67.) si impetretur à Papa Rescriptum super re feudali, non factâ mentione, quodd feudalis sit; quia tunc Papa verisimiliter se non intromississet super re feudali, nisi forte in defectum non administratæ iustitiæ, ex quo ad Dominum fendi talis cognitio spectabat.

335. Exemplum nullitatis litterarum non omnimodæ ex narratione falsiper errorem posset esse, si quis in precibus errore deceptus narraret, in sua Provincia moris esse, ut ejusmodi causæ summarie ac de plano, sine figura strepitûque judicii expediantur, tunc etsi Rescriptum non valeret ad processum summarium in initium, valeret tamen ad instituendum secundum formam Iuris communis, nisi adversarius in processum summarium ultrò consentiret.

336. Ex his ergo constat, deficiente causâ finali, hoc est, simpliciter motivâ ad Rescriptum talis formæ concedendum, vitiari Rescriptum, quia deficit consensus Principis: sive deinde consistat in aliquo negativo: (ut: rem non esse feudalem) sive in positivo, ut: existere talem consuetudinem, ut videre est in exemplis allatis.

337. Gravis diffensio est inter DD. utrum deficiente causâ purè impulsivâ, hoc est, quâ absente fuissent quidem litteræ in eadem forma concessæ, sed non itâ facili, promptè & expedirè, an, inquam, tunc vitietur Rescriptum, & fiat subreptitium non minùs, quàm cessante causâ finali. Exemplum. Aliquis simulat se Belgam, ut faciliùs impetret Rescriptum, eò quod animadvertat, in Dataria favori Belgis præ aliis, ob singularem illius nationis industriam in obeundis officiis ad Datariam spectantibus. Assertivam tenent communiter Canonistæ, quos sequitur Fagnanus n. 67. Theologi tamen communius negativam tenent, & verius: quos sequitur Decius, & Zæsius n. 31. Probatur à Zæzio & quibusdam aliis RR. ex cap. *Dudum v. considerantes de præbend. in 6.* Sed meo iudicio, inde nihil concludi potest, quia taciturnitas potestatis Legato concessæ, ne quidem erat causa impulsivâ, & eâ etiam expressâ æquè facili fuissent gratiæ Papales concessæ, ut patet legenti totam Decretalem, quæ longiuscula est. Melius probatur ex *L. Cum tale 72. §. 6. ff. de condit. & demonstrat.* ubi falsa causa, quæ movebatur legans, tunc solum facit inutile legatum, si reator sciens causam esse falsam non fuisset legaturus. *Falsam causam legato non obesse verius est, quia ratio legandi legato non coheret: sed plerumque doli exceptio locum habebit, si probetur aliàs legaturus non fuisse.* Probatur deinde à paritate donationis, quæ valet non obstante falsitate causæ merè impulsivæ. Ratio autem à priori est, quia in tantum Rescripta subreptione vitiantur,

in quantum deficit consensus principis: sed ob falsitatem causæ merè impulsivæ non deficit consensus principis, ut supponitur, nam quod quis difficulter vult, verè adhuc vult. Ergo, &c.

338. Confirmatur. Nam voluntas Papæ quâ ob veritatem causæ finalis absolute vult conferre litteras, quamvis aliquo modo etiam feratur in causam impulsivam, continet tamen appetitivè & virtualiter illam voluntatem, quam haberet cognitâ falsitate causæ impulsivæ; ergo illi æquivaler: ergo tantundem operatur, quantum illa alia operaretur. Itaque illa alia voluntas non dicitur, moraliter loquendo, merè conditionatè futura, (sic enim non sufficeret ad valorem Rescripti, ut patet in Rescripto subreptio ex taciturnitate alicujus de Jure non ratiocendi, quod est nullum, etiam si Gratia facta fuisset apertâ veritate) sed jam de præsentî aliquo modo existit in absoluta voluntate faciendi gratiam ex causâ finali verè existente.

339. Obijciunt 1. Textus cap. *Postulasti h. t.* ubi taciturnitas Vicariæ videtur fuisse causa solum impulsivâ ad concedendum alterum beneficium, & tamen litteræ declarantur subreptitiæ. Assumptum colligi videtur ex verbis Pontificis: *pro habente beneficii competentis subsidium de levi* (id est de facili) *non scribimus:* ergo insinuat Papa, quod nihilominus pro altero beneficio scripserit. Respondetur, illorum verborum non de facili; non esse hunc sensum: *non itâ promptè, sed cum aliqua difficultate:* sed hunc non facili contingit, ut scribamus pro habente beneficium, non factâ mentione beneficii jam obtentî, qui est sensus planissimus.

Obijciunt 2. In omni Rescripto subintellegitur: *Si preces veritate nitantur.* atqui, si falsa est causa impulsivâ, preces veritate non nituntur. Ergo. 2. Si illa conditio subintellecta tam strictè accipienda esset, sequeretur non valituras litteras, si in precibus aliqua merita enarrarentur ad promptius flectendum animum, quæ ramen in rei veritate non existerent, vel si existerent, non sunt posita animo gratificandi Principi: item si quis in precibus offerret se ad varia obsequia, licet in animo non haberet ea præstare; quod nemo dixerit. Sensus ergo illius conditionis subintellectæ est: si vera sunt ea, quæ me movent & determinant itâ, ut si non enarrarentur, vel si non tacerentur in precibus, non haberem causam actum me moventem efficaciter ad dandas litteras. Ratio est, quia sub illa conditione non possunt venire nisi ea, quibus Princeps alligat suam voluntatem: atqui causæ merè impulsivæ non alligat suam voluntatem, cum etiam eâ cessante daret litteras vi præsentis affectûs, ut ostensum est: Ergo causa merè impulsivâ non venit sub illa conditione.

340. QUÆRITUR, unde cognosci, & dijudicari valeat, quænam sit causa finalis, vel quæ merè impulsivâ. Censoo, majori cum distinctione

inctione hoc esse resolvendum; quam solet communiter adhiberi: itaque, vel causa in precibus allata est unica & indivisibilis, v.g. periculum incontinentie pro dispensatione in voto Castitatis, & tunc certum est habere rationem causae finalis, ut per se patet: nam sine causa in precibus expressa non censetur Princeps velle gratiam facere, nisi dicat, se illam facere motu proprio. Si vero plures causae, v.g. duae adducantur, v.g. praeter periculum incontinentie necessitas propagandi familiam illustrem, tunc illa imprimis habenda est pro causa finali (saltem partiali) quae prudentum iudicio praeseretur alteri, si alterutra esset omittenda: illa enim censetur ex natura sua esse apta ad fortius movendum. Quod si illa causa talis sit, ut in Rescriptis & precibus solet quandoque afferri pro causa unica & adaequata, tunc censeo, alteram causam adjunctam habendam esse pro causa mere impulsiva, etiamsi talis esset, quae si sola poneretur, posset habere rationem causae finalis. Cum enim in hoc casu duae causae adsint, ambae potentes esse & etiam solitae esse causae finales, censebitur Princeps in favorem supplicantis illi soli suam voluntatem alligare, quae potentior est ad movendum; vel certe (quod mihi probabilius est) in tali casu (& multo magis, si causae essent aequalis ponderis) Princeps neutri causae determinate alligare suam voluntatem, sed indeterminatè, ita ut alterutram verificari sufficeret. Quod si nec ex stylo Curiae, nec ex aliis Rescriptorum formulis colligi possit, utra ex duabus causis allatis prevaleat, videtur dicendum, quod ambae simul fuerint causa finalis totalis, quia non est major ratio de una quam de altera.

341. QUÆRITUR. Si quis in precibus recitaliquem defectum, v.g. ætatis requiritæ ad capacitatem gratiæ, quam petit, v.g. ad impetrandum beneficium curatum, sed post datam litterarum etiam earum executionem, v.g. ante factam provisionem acquirat debitam ætatem, valebitne provisio, vel potius ob litterarum subreptionem non valebit. R. Litteras esse subreptitias, & cum tempore impetrationis, seu date fuerint vitiatæ ob taciturnitatem rei, quæ si fuisset cognita, non fuissent litteræ datæ, tractu temporis non possunt convalescere. Aliud esset, si Rescriptum præcideret à Beneficio curato & non curato, tempore datæ verò datæ fuisset impetrans saltem capax beneficii non curati, & ante executionem fieret etiam capax beneficii curati, tunc si proximè vacans beneficium esset curatum, posset illi vigore Rescripti conferri, quia non fuit ab initio vitiosum, neque enim ad impetrandum tale Rescriptum necesse fuisset exprimere defectum ætatis ad Beneficium curatum, cum id determinatè non fuisset petiitum.

§. IV.

De Obreptione proveniente ex falsa adjectione qualitat.

342. Qualitates in Rescriptis adiectæ solitæ duplicis generis sunt. Primum genus est earum, quæ solent adiectæ ad demonstrandum subiectum, seu personam, vel aliam rem, v.g. nominatur Sempronius, & vocatur Doctor Decretalium, cum sit solum Doctor Legum. Secundum genus est earum, quibus rei aliquam indeterminatam sit determinatio ad unum, v.g. si testator volens legare certam pecuniam Titio, dicat: Lego Titio pecuniam quæ contigetur in tali arca.

343. DICENDUM. Error commissus in qualitate primi generis, hoc est, adiectæ solum per modum demonstrationis, seu declarationis illius rei in quam feratur intentio Principis in Rescripto, non facit Rescriptum obreptitium, si aliunde constet de re quam Princeps volebat demonstrare, & de intentione dandi Rescriptum etiam seculo errore. Ita habetur §. 19. Instit. de Legatis. Si quidem in nomine, cognomine, prænominem, agnominem legatarium erraveris, si de persona constet, nihilominus valet legatum. Exemplum ponitur in l. demonstratio 17. ff. de condit. & demonstrat. Si ita servus legatus sit, Stichum eorum, Stichum sutores Titio lego: licet neque cocus neque furor sit, ad legatarium pertinebit, si de eo sensisse testatorem convenit: i.e. constat, item in l. si quis fundi 4. ff. de Legatis primò. ibi. Si quis in fundi vocabulo erraverit, & Cornelianum pro Semproniano nominaveris, debetur Sempronianus, subintellige: si constet de mente testatoris.

344. Contra hanc certam doctrinam obijci potest ex cap. Significante, 34. h. t. ubi casus ejusque resolutio est hujusmodi. Raphael impetravit litteras ad Iudices (cujus diocesis fuerint, in casu non exprimitur) contra Vitum diocesis Remensis. Virtus ad Iudicibus citatus excipiendo opposuit, se vigore talis Rescripti non posse conveniri, cum non sit de diocesi Remensi, sed Leodiensi: appellavitque ad Greg. IX. qui Rescripti, rectè fuisse appellatum, & irritum esse declarandum, quidquid ab illis Iudicibus actum esset. In hoc casu error fuit circa solam qualitatem secundariam. Respondent aliqui, Vivianus in c. cap. & alii apud Laym. secuti Rubricam hujus Decretalis, ideo acta fuisse nulla, quia Rescriptum non poterat extendi à Vito Leodiensi ad alium ejusdem nominis Remensem & sic supponunt, Vitum Leodicensem non fuisse illum hominem in individuo, contra quem Raphaeli competeat actio super Bannis & quibusdam aliis similibus (ut dicitur in textu), sed alium Vitum Remensem: quod si verum esset planissima omique esset solutio. sed videtur ab his supponi saltum, nam Vitus Leodiensis non negavit,

negavit, se illum esse contra quem Raphael intendit Rescriptum obtinere, sed hoc tacite falsus est. Aliiter ergo respondendum est, reddere fuisse indicatum à Greg. IX. Idque poterat fieri ex duplici capite. primum. quia non fuit melius Pontificis in primo Rescripto constituere Iudices alieius diocesis, nempe Remensis, si scivisset, Remi conventum esse Leodiensis, hoc enim est contra stylum Curie, quæ solet constituere Iudices illius diocesis, cuius est reus conveniendus. Secundum caput obreptionis esse poterat, quia Iudices constituti distabant ultra unam dietam à diocesi Raphaelis & Viti, quæ distantia iure novo reddit obreptionem Rescriptum, nisi continetur clausulam derogatoriam dictarum.

345. DICENDUM 2. Error circa qualitatem adjectam in vim determinationis reddit irritum Rescriptum. v. g. quoddam beneficium vacet per mortem beneficiarii, vel resignationem, est quid accidentiale beneficium. Ponamus jam (& est casus cap. *Rescriptum h. v. in d.*) duos clericos impetrasse litteras pro beneficio vacante, quorum primus dixit, vacare per mortem, (quod erat falsum) alter per resignationem (quod erat verum) hoc casu Rescriptum primi erit obreptionem, & beneficium conferendum est secundo, in cuius Rescripto vacatio per resignationem erat adjecta ad designandum & determinandum tale beneficium præ alio conferendum. verba cap. sunt. Si duo super eodem beneficio litteras impetrent, primo eorum per illius obitum qui tenebat : secundo vero per cessionem ejusdem ipsum proponente vacare. secundum (cum beneficium ipsum cessione, non morte vacaverit, d. bet primo in ipsius affectuone præferri. Ratio est, quia falsitas determinationis ostendit, aliam esse mentem Principis, prout magis & ex professo declarato intraet. de Contractibus.

### §. V.

*De variis causis excusantibus ab observantia Rescriptorum.*

346. PRIMA. Si Rescriptum mandet aliquid contra ius commune, non facta mentione saltem implicita iuris communis cui derogatur, rejiciendum est, tanquam alienum à Principis intentione, vel quia incio Principe per fraudem datum est, vel quia Princeps non erat Iuris communis memor, alioquin non daturus, sed ius commune custoditurus. l. fin. C. si contra Iur. Omnes &c. Iudices monemus, ut nullum Rescriptum &c. quod generali Iuri vel utilitati publicæ adversum esse videatur, in disceptationem cuiuslibet litigii patientium proferri &c. Item e. ex parte. de Capellis Monachorum. ibi. Cum autem id (quod Rescripto continebatur) obviet Lateranensi Concilio, de quo nulla mentio est in litteris ante dictis, fraterni-

tati tua breviter respondemus, quod huiusmodi litteras ab Apost. sede non credimus emanasse. Quodsi per occupationem forsitan emanaverint, nolumus per hoc derogari Concilio predicto. Huiusmodi Rescriptum esset, quod mandaret aliquid fieri lite pendente, contra transactionem &c. si omnia negotia tam præsentia quam futura committerentur per Rescriptum Iustitiae uni certo Iudici: hoc enim est contra Consuetudinem & stylum Curie, & obnoxium gravi abusu ut haberetur cap. ad hec. 10. h. t. Significatum est nobis, quosdam de Cancellaria nostra litteras accepisse, per quas eorum omnia negotia unius Iudicis vel plurium quos sibi elegerint arbitrio committuntur. & infra. Nos igitur huic morbo celeri volentes obviare remediis &c. aliter se res habet in Rescriptis Gracie, quibus dantur Conservatores. Idem esset, si in Rescripto Iustitiae daretur Iudex incertus ad arbitrium supplicantis eligendus, ut ex eod. cap. colligitur. Quod si Papa tale Rescriptum daret ex certa Scientia, nihilominus semper subintelligeretur: salvo Jure excipiendi contra Iudicem electum : v. g. quia est actori conjunctus, favens &c.

347. Secunda causa excusans esset, si Rescripto inesset vitium latinis, non merè orthographicum, aut amissio unius syllabæ non pervertens sensum Rescripti, sed solæcismus, aut constructio manifeste inepta, t. 11. h. t. ibi. Quibus, quoniam manifestum continet in constructione peccatum, fidem tē nolumus adhibere. Elegancia sermonis non est necessaria, dummodo in modo loquendi non deviet à stylo Curie. Indignum enim est, ut verba celestis oraculi restringantur sub Regulis Donati. inquit Gregorius relatus. cap. 13. dist. 38.

348. Tertia causa excusans esset, si Rescriptum esset in aliquo loco suspecto falsum, vel viciatum, ut haberetur hinc inde in longissimo. C. inter dilectos. 6. de fide instrum. v. g. si non esset publicæ manu conscriptum, si sigillum haberet litteras non legibiles, si enormem haberet fracturam, ut dicit Summar. Quod sufficit retulisse: nam textus ipse habet plurima alia huc non spectantia.

QUÆRES 1. Quid agendum sit in casu, quo Rescriptum ex uno dictorum capitum vel alio est de falsitate suspectum? 2. Differendam esse Rescripti executionem donec de Principis voluntate constet, & consultus iterum Rescribat, prout apparet ex toto Iure, in quo talis suspensio executionis est sæpius approbata.

349. QUÆRES 2. Quid operetur in Rescriptis clausula adjecta quandoque: *Motu proprio.* 2. Adici in hunc finem, ut purgetur subreptio, quæ alioquin vitaret Rescriptum, si merè ad instantiam supplicantis fuisset concessum. Non est tamen motus proprius tantæ virtutis, ut suppleat defectum intentionis in Principe, quando nimirum aliunde constat quod intentio Principis non sit, Rescriptum extendere ad talem vel talem casum, (quando non exprimitur)



mitur) v. g. in præjudicium tertii, vel Juris communis, ut si beneficium esset affectum Jure Patronatus, vel alteri beneficio unitum, vel sigratia facta repugnaret consuetudini loci, &c. Quæ omnia ex hæcenus dictis intelligi possunt; vide superius dicta de Privilegiis. Controver. 1. n. 21.

§. VI.

*De Rescriptorum executione.*

350. QUÆRITUR 1. Quenam in Rescriptis censenda sint requiri tanquam substantialia, quibus non observatis processus sit irritus. R. Ea quæ in Rescripto requisita etiam de Jure communi requiruntur, judicanda sunt esse, vel non esse substantialia, prout sunt, vel non sunt de Jure communi. Posita enim sunt in Rescripto præcisè ad instructionem Delegati, nisi aliud exprimitur. Idem dicendum de ijs, quæ requiruntur ad similitudinem, aut ob paritatem cum aliquo requisito in Jure communi, v. g. de Jure communi requiritur, sed non substantialiter, ut matrimonio præmittantur denuntiationes: jam, si Rescripto dispensetur in præmittendis denuntiationibus, moneatur tamen parochus, ut præcipiat contrahentibus, ne consumant matrimonium ante factas denuntiationes, hæc monitio non requiritur in substantialibus, ac proinde eâ prætermissâ valeret matrimonium, sicut valeret, si contra Jure commune contraheretur non præmissis denuntiationibus.

351. QUÆRITUR 2. Si executio Rescripti spectet ad Episcopum, contingat autem vacare Sedem, ad quem tunc spectet executio. R. Spectare ad Capitulum, adeo ut illi incumbat conferre beneficium pro quo scriptum Pontifex, etiam si cæterò quin collatio illius beneficii ad solum Episcopum spectaret, arg. Capituli primi de institutionib. in 6. ubi dicitur, sede vacante posse Capitulum instituere præsentatos à patronis, alioquin ab Episcopo instituendos. Et si Capitulum Sede vacante beneficia, quæ ad collationem Episcopi pertinent, conferre non possit, præsentatos tamen à patronis potest admittere, si sint idonei, & instituire. Ratio est, quia hujusmodi beneficiorum collatio non est libera, sed necessaria, sicut etiam, quando vigore foundationis est beneficium certæ personæ conferendum.

352. Sed quid si Sede vacante impetratum est Rescriptum ad Capitulum, priusquam tamen illud præsentaretur Capitulo electus & confirmatus est Episcopus, ad quem spectabit executio? R. Spectare ad Episcopum; quia quoddam Rescriptum fuerit directum ad Capitulum ideo factum est, quoddam Sedes vacaret: adeoque ex intentione Pontificis devolvitur executio ad Episcopum, ut clare indicatur in cap. Eam te. h. t. & consensu Fagnanus.

353. QUÆRITUR 3. Quinam abusus Rescriptorum à Jure reprobati, & quomodo puniendi sint. R. Abusus sequentes reprobari in cap. fin. h. t. 1. Si quis nomine suo litteras impetrans alteri, cui idem est nomen, tradat. Unde fit, ut alios indebitè fatiget. 2. Si quis impetret litteras ad lites quasi in antecessum, quando nimirum tempore impetrationis necdum exiit controversia, sed postea primum suboritur. 3. Si quis super una controversia impetret plura Rescripta ad diversos Iudices, vel etiam super diversis quidem causis, quæ tamen possent coram eodem Iudice commodius expediri, quod fieri solet animo fatigandi adversarium, & sic adigendi, ut ad redimendam vexam transigat, aut jure cedat. 4. Si quis animo reconvenendi, suum adversarium, impetret Rescriptum ad diversos Iudices ab ijs coram quibus jam conventus est, cum possit coram iisdem Iudicibus reconvenire, sed nempe querit ansam inducendi adversarium in contumaciam, si non compareat, & tanquam contumax Censurâ excommunicationis affectus ab actione repellatur. Hi abusus puniuntur primò nullitate processûs, & ipsius Rescripti, quoad omnia commoda, secundo condemnatione in expensis adversario refundendas, si quas excitatione facere debebat: c. 3. in 6. h. t. ibi. Decernimus, ut si quis contra alium plures personales movere voluerit questiones, non ad diversos Iudices, sed ad eorundem super omnibus huiusmodi questionibus litteras studeat impetrare. Qui verò contrarium fecerit, omni commodo caret: litterarum: nec processus habitus valeat, per eandem rem, si eum per ipsas citavit, vel fatigaverit, in expensis legitimis condemnandus.

354. QUÆRITUR 4. Si Rescriptum deleget causam contra plures personas indefinite, quousque delegatus Iudex numerum extendere possit. R. In cap. cum in multis h. t. in 6. Decisum & constitutum esse, non plures, quàm tres, vel quatuor vitalis Rescripti in Iudicium trahi posse, & impetratorum nomina eorum in primo citatorio coram Iudice delegato exprimere debere; postea autem variare non posse: Cap: ita habet. Cum in multis Juris articulis infinitas reprobetur, providè duximus statuendum, ut per illam generalem clausulam. [Quidam alii.] quæ frequenter in litteris nostris inseritur, ultra tres vel quatuor in Iudicium non trahantur. Quorum nomina in primo citatorio exprimat impetrator, ne locus fraudi forsitan relinquatur, si circa ea possit liberè variare.

355. QUÆRITUR 5. Quinam possint, aut soleant constitui Rescriptorum executores, aut Iudices delegati. R. 1. Causæ Jurisdictionem involventes & ad forum Ecclesiasticum spectantes à Sede Apostolicâ ejusve Legatis committi debent personis habentibus vel dignitatem (h. e. præminentiam Ecclesiasticam junctam cum Jurisdictione fori externi) vel personatum (hoc est Ecclesiasticam præminentiam sine Jurisdictione

atione) vel Canonicatum in Ecclesia Cathedrali. Cap. statutum h. e. in G. ibi. Sancimus igitur, ut nullis nisi dignitate præditis, aut personatum obinentibus, seu Ecclesiarum Cathedralium Canonicis, causæ autoritate litterarum Sed. Apost. vel Legatorum ejusdem de cætero committantur, nec audiantur alibi, quàm in civitatibus, vel locis insignibus, ubi possit commodè copia peritorum haberi. Porro isti non sunt meri executores, sed simul Iudices: nam meri executores mandati sine ulla causæ cognitione, non indigent qualitate recensitâ; hinc v. g. Testium receptio, beneficii collatio & in possessionem missio sine ullius contradictione potest cuivis cæteroquin idoneo committi, v. g. simplici presbytero.

356. Cæterum ex præcepto Concilii Trid. sess. 25. c. 10. de Reform. in quavis Diœcesi quatuor probati viri constituendi sunt prædictis qualitatibus præditi (inter quos est etiam Officialis principalis, qui in his partibus vocari solet Vicarius Generalis in spiritualibus) quibus, præ-

ter locorum Ordinarios causæ Ecclesiasticæ, seu ad forum Ecclesiasticum spectantes à Pontifice ejusque Legato delegari possint. ibi. Statuit S. Synodus, in singulis Conciliis Provincialibus, aut Diœcesanis aliquot personas, quæ qualitates habeant, juxta constitutionem Bonifacii VIII. quæ incipit. Statutum. & ad id aliquin aptas designari, ut præter Ordinarios locorum ipsi etiam post hæc causæ Ecclesiasticæ ac spirituales, & ad forum Ecclesiasticum pertinentes in partibus delegandæ committantur. Et si aliquem interim ex designatis mori contigerit, substituat Ordinarius loci cum Concilio Capituli alium in ejus locum usque ad futuram provincialem aut Diœcesanam Synodum: ita ut habeat quæque Diœcesis quatuor saltem, aut etiam plures probatas personas, ac ut supra qualificatas, à quibus hujusmodi causæ à quolibet Legato, vel Nuntio atque etiam à Sede Apostol. committantur. Et hæc de Legibus, tanquam Præliminaria ad reliquos Tractatus præmittenda videbantur, ad quæ in progressu aliquoties recurrendum erit.





R. P. CHRISTOPHORI  
HAUNOLDI

E SOCIETATE JESU,

TRACTATUS II.

DE

JURE ET JUSTITIA

IN GENERE,

DEQUE INJURIIS ET EAS REPARANDI  
OBLIGATIONE.

CAPVT PRIMVM.

DE NATURA JURIS ET JUSTITIÆ  
IN GENERE, PRÆSERTIM  
COMMVATIVÆ.

CONTROVERSIA I.

*Virum possit assignari conceptus communis quatuor speciebus Iustitiæ, qui non  
conueniat aliis Virtutibus quæ sunt ad alterum.*

SVMMARIVM.



*Iustitia varie significationes. 1.  
Quatuor species Iustitiæ. 2.  
Duo Genera Virtutum Moralium.  
3.  
Iustitia Legalis est Virtus specia-  
lis. 4.*

*Iustitia vindicativa residet in Superiore. eod.  
Discrimen inter Distributivam & Commutativam obli-  
ger assignatur. 5.  
Sententia Card. Pallavicini circa differentias 4. spe-  
rum. 6.*

*Iustitiæ in genere, ut præscindit à 4. speciebus, defi-  
nitio. 7. & seqq.  
Lex & honor non sunt debitum privatum, sed præ-  
mium publicum. 12.  
Quenam virtutes pariant obligationem gratitudinis.  
13.  
Veracitas & Fidelitas per quos actus mereantur Gra-  
tias. 14.*

*Questionem hanc primus, quod sciam, &  
unicus proposuit Eminentissimus Cardis  
I 2*

alis Sforzia Pallavicinus in suo libello de Jure & Justitia, pro cujus resolutione.

1. Notandum est 1. Nomen Iustitiæ diversimodè sumi: primò enim sumitur pro observantia totius legis. Matth. 3. *Sic enim decet nos implere omnem Iustitiam.* Matth. 15. *Nisi abundaverit Iustitia vestra.* & Virgilius cecinit: *Disce Iustitiam moniti, & non temere Divos.* 2. Sumitur à Theologis in tract. de Gratia pro Qualitate sanctificante & denominante hominem justum coram Deo & ordinatum intrinsecè ad æternam felicitatem: unde etiam ex parte denominabatur Iustitia Originalis primorum parentum, de quibus dictum est lib. 3. Hæ accessiones ad præsentem tractatum non pertinent.

2. Notand. 2. Paulò strictius nomen *Iustitiæ* receptissimo tum Theologorum tum Juristarum more attribui quatuor speciebus, nempe *Iustitiæ Legali Vindicativæ, Distributivæ, Commutativæ*, de quarum differentiis in progressu constabit.

3. Notandum 3. Duo esse genera Virtutum moralium; aliæ sunt, quæ in suis operationibus non respiciunt immediatè alterum, sed ipsum suppositum seu subiectum in quo existunt, & hæ virtutes dicuntur esse *ad se.* aliæ verò sunt, quæ respiciunt alterum aliquo modo distinctum ab operante (sive realiter, sive juris fictione) & ideo dicuntur esse *ad alterum.* Prioris generis sunt: Temperantia, Fortitudo, Amor sui Patientia &c. Posterioris generis sunt: Misericordia, Pietas Gratitude, Religio, Liberalitas, Munificentia, Obedientia, & quatuor Iustitiæ species enumeratæ. Circa quas

4. Notandum. 4. Iustitiam Legalem, prout communiter accipitur, esse Virtutem specialem, quæ inclinæ ad procurandum bonum commune intentum per leges à Magistratu seu Principe latus propter conjunctionem sui tanquam partis cum communitate tanquam corpore uno politico, sicut Pietas inclinæ ad exhibenda obsequia Patri propter specialem connexionem cum illo tanquam suo principio. Hujus itaque virtutis actus sunt, imperare & procurare relictæ actus aliarum virtutum & potentiarum quibus leges observantur, intendendo per hanc observantiam bonum commune, propter specialem honestatem & laudabilitatem quæ est in procurando bono communi. Hanc virtutem ait S. Th. 2. 2. q. 58. a. 6. in c. esse architectonicè in Principe, secundariò verò seu administrativè in subditis. Et quidem quatenus residet in subditis, est quædam species Obedientiæ, ut tradit Lessius lib. 2. de *Iust. c. 1. n. 19.* ex Aristotele.

Notandum 5. Iustitiam vindicativam residere propriè in superiore habente potestatem puniendi delicta pro gravitate delicti pœnam condignam infligendo, de qua tamen disputare nostræ intentionis non est.

5. Notandum 6. Iustitiam Distributivam versari circa distributionem commodorum & onerum communium, ut officiorum, inter membra Communitatis, servatà proportionè ad merita singulorum invicem comparata.

Notandum 7. Iustitiam Commutativam, quæ est antonomasticè magisque strictè Iustitia in scholis tractanda, esse illam, quæ tribuit unicuique suum absque respectu ad merita, & absque comparatione unius ad alia membra Communitatis, ut deinceps ex instituto declarabitur. His observatis: circa Quæstionem in Titulo propositam

6. Docet Card. Pallavicinus, quatuor enumeratas species Iustitiæ convenire inter se, & ab aliis virtutibus ad alterum differre in hoc prædicato: quòd non mereantur aliquam gratiarum actionem vel retributionem ab eo faciendam, erga quem ex obligatione exercentur, etiam si talis obligatio nou sit instituta in bonum solius obligati. Sensus est. Aliæ virtutes ad alterum habent hoc, ut quamvis quandoque non mereantur gratiarum actionem per suas operationes ex obligatione erga alium præstatis, nempe tunc, quando obligatio est proximè & completè instituta in bonum ipsius obligati, attamen per alias operationes ex obligatione in bonum alterius institutà exercitas semper merentur aliquam gratiarum actionem & recompensationem. Contra quatuor species Iustitiæ ne quidem tunc merentur gratiarum actionem, quando exercent operationes ex obligatione in bonum alterius instituta.

Contra hanc doctrinam opponi possent aliqua, quibus ut obviari possit, majore declaratione opus est.

7. DICO. Iustitiam in genere, prout sub se unice comprehendit quatuor enumeratas species, posse sic definiri. Iustitia est Virtus ad alterum, cujus actiones ex obligatione factæ nunquam generant in altero obligationem gratiarum actionis seu gratitudinis. Ut bonitas definitionis constet, duo declarando sunt, primum, quòd conveniat quatuor illis speciebus: secundum, quòd non conveniat aliis.

Et primò quidem manifestè convenit Iustitiæ commutativæ: nam (exempli gratia) si emam à te equum justo pretio, tibi pretium tradam, & tu vicissim mihi equum, nec ego tibi, nec tu mihi teneris ad ulteriorem retributionem aut gratiarum actionem, nam ego ad æqualitatem solvi, & nihil tibi donavi. Rationem à priori conatus est reddere Card. Pallav. his verbis. { Natura bona quædam condidit in emolumentum creaturæ rationalium, quæ voluit à quibuscunque possideri secundum convenientem portionem: noluit proinde ut eam bonorum portionem accipiens mediante iustitia commutativà teneretur ad quidquam rependendum, cum eo ipso natura non integrè dedisset

hæc

hæc bona, si accipientes ad aliquid retribuendum obligasset. ] Verùm hæc ratio (ut non dicam continere petitionem principii) pluribus replicis obnoxia est. Nam primò qui alteri donat equum, etiã dicitur equum integrè dedisse, & tamen obligat ad gratiarum actionem : cur non ergo, quando quis dat ex Iustitia commutativa? secundò multa dantur ex Iustitia commutativa non tamen integrè, ut qui conductori locat domum : idem patet in Usufructu, Emphytheusi, & sexcentis aliis : ergo pro his casibus non procedit adducta ratio, fed alia querenda est. Ratio ergo à priori (si qua reddi potest,) hæc esse videtur. Quidquid bonorū acquirimus mediante Iustitiã commutativa ab altero, illud necesse est aliquando fuisse in alicujus potestate primò & independenter ab alio homine conferente, quia non potest dari processus in infinitum : debet ergo semper fuisse aliquis primus qui dominium comparavit v.g. in inventione, effectione, ædificatione, occupatione &c. Qui ergo primus aliquid habet ut suum, utique nemini debet gratias, cum à nemine accepit : quando ergo vult in alterum transferre ex Iustitia commutativa, v.g. vult vendere fundum iusto pretio, tunc sicut vult accipere pretium sine obligatione agendi gratias, ita debet velle transferre dominium fundi in emptorem quin illum obliget ad gratiarum actionem; quod hoc ipso quod servanda sit æqualitas, vult unusquisque non minus habere in bonis suis quàm prius habuit. Hinc etiã fit, quòd si ego tibi venendam equum, quem alius mihi dono dedit & ad gratiarum actionem obligavit, non transferam in te unà cum equo obligationem gratiarum actionis, fed hæc maneat penes me. ratio est, quia ego volo pro æqualitate pretii transferre equum cum eadem libertate quã eum habuit primus qui à nullo accepit.

8. Secundò ostenditur, conclusionem etiã verificari in Iustitia Distributiva, quando exercetur ex obligatione erga Communitatem, ostenditur, inquam, illos qui accipiunt bona pro ratione meritum, non teneri ad gratiarum actionem. Ratio est, quia quando sic distribuuntur, illa distributio fit ab Administratore bonorum communium ex Iustitia commutativa qua ipse obligatur Reipublicæ ad bona sic distribuenda : ergo non debetur illi ulterior gratiarum actio, fed habet suum salarium & compensationem aliunde : vult enim Respublica, ut illa bona distribuatur cum eadem efficacia & plenitudine, quã prima rerum divisio facta est, quæ nullam induxit obligationem antidoralem. Denique Administrator non distribuit bona sua, fed bona communis. Constabunt hæc melius ex dicendis de natura Iustitiæ distributivæ.

9. Objicies. Dens per Iustitiam Distributivam largitur præmia cum proportionem ad merita & tamen obligat nos ad gratiarum actionem : ergo nostra Conclusio non est universa-

liter vera. R. In Deo non dati Iustitiam distributivam propriè dictam, & ut infra eam declarabimus. prout in opere Theologico lib. 4. probatur est. tr. de Incarn. Deinde distributio præmiorum quæ à Deo fit, non fit ex obligatione propriè dictâ, quæ in Deum non cadit, ut ostendi tract. de Incarn. & docet S. Augustinus lib. 1. Conf. c. 4. dicens. reddit debita nulli debens. Et S. Thomas 1. 2. q. 111. a. 1. ad 2. non ita, inquit, datur debitum in Deo, ut Deus creaturæ obligetur, sed potius in quantum creatura debet subijci Deo, ut in ea divina ordinatio impleatur. Denique ipsa nostra merita sunt Dei dona, ut docetur in tr. de Gratia, & habetur in Conc. Trid. jam ergo intercedit liberalitas, & non mera Iustitia distributiva. ergo mirum non est, quòd mereatur gratiarum actionem.

10. Tertiò idem ostenditur in Iustitia Vindicativa. Hæc enim utique non obligat ad gratiarum actionem aut aliquam retributionem illum qui ob delicta sua condignè punitur : pœna enim quã talis est mala punito, & instituta ad absterrendum à culpa : esset autem absurdum obligari ad gratiarum actionem pro malo ut malo. sanè esset lex inutilis, quia à nemine observaretur.

Dices. Pœna sæpe habet utilitatem non solum in comminatione sui, sed etiam in executione, quod est proprium pœnæ medicinalis. R. Pœnam medicalem formaliter quã talem non habere rationem pœnæ, nec ut talem infligi à Iustitia Vindicativa, sed à paterna vel fraternali correptione.

11. Quartò denique ostenditur idipsum in Iustitia Legali. hæc enim per suos actus cum obligatione factos non obligat superiorem ad Gratiarum actionem pro observantia legum, quia Iurisdicctio non datur superiorem in bonum ipsius superioris tanquam ultimum finem, sed in bonum subditorum : cur ergo pro observantia deberet agere gratias?

12. Objicies. Qui leges observat, meretur laudem & honorem : ergo meretur aliquam retributionem. R. Hoc nimium probare, quia etiam qui observat Iustitiam commutativam, meretur laudem & honorem, & tamen nemo dicit, eum mereri gratiarum actionem. R. 2. Laudem & honorem non esse debitum privatum & hominis privati quã talis cui sit exhibitum beneficium, sed esse præmium quoddam publicum, & à tota communitate debitum : nos autem hic excludimus illam gratiarum actionem ad quam tenetur privatus ob beneficium sibi exhibitum, ut donatarius donatori, mendicus elemosynario &c. Eodem modo debentur præmia observantibus leges, non à legislatore quã tali, sed ab eo ad quem pertinet Iustitia distributiva, & est remuneratio publica, non privata.

13. Restat nunc probanda altera pars Conclusionis, nempe, quòd aliæ virtutes ad a-

lium pariant obligationem retribuendi saltē per actus principales propter quos sunt illa virtutes institutae. Probatur autem ex eo, quod huiusmodi virtutes, ut pietas, liberalitas, misericordia, Charitas, gratitudo, veracitas, fidelitas, sunt à natura institutae in bonum alterius erga quem exercentur; & hoc ideo, quia sic fovetur reciprocus affectus inter membra Communitatis, quo sanè nihil est præstantius, & ad conservandam Rempublicam accommodatius.

14. Obijcitur, veracitas & fidelitas obligant ad non loquendum tunc, quando verba non essent conformia menti, nec facta verbis: sed propter tale silentium nemo agit gratias: ego datur adhuc alia virtus ad alterum, quæ non meretur gratias. *æ.* 1. Distinguendo majorem: & tale silentium est actus præcipue intentus à tali virtute nego: non est principaliter intentus concedo; & transmissa minore distinguitur eodem modo consequens: datur alia virtus, quæ non meretur gratias per actus minus principales concedo, per actus principales nego. Principalis actus veracitatis est, velle loqui conformiter menti, & talis actus meretur gratiarum actionem, cum audienti bonum sit, doceri veritatem; item fidelitatis actus principalis est præstare promissa, quod bonum est alteri. Responderi posset. 2. etiam pro prioribus actibus, nempe pro silentio seu omissione mendacii & fallæ promissionis deberi gratias, (quamvis hoc negat Pallavicinus.) Ratio est, quia revera optabile cuiusvis est, alterum tacere potius, quam mentiendo exponere periculo deceptionis: qui ergo in mei gratiam omittit mendacium, etiam si nihil me doceret, mereretur gratiarum actionem, & saltē hoc mereretur, ut & ego in illius gratiam non mentirer. Neque movet me fundamentum Pallavicini in oppositum, dum ait, huiusmodi obligationem negativam ad non loquendum verba difforma menti, & non promittendum, quod nolis præstare, esse institutam in bonum solius obligati. Revera enim hæc obligatio tam est instituta in bonum aliorum, quam ipsius obligati: intendit enim natura per talem obligationem hoc, ut homines inter se inveniant fidem; hanc autem fidem intendit propter humanum commercium inter homines, quod sine fide non foret: hoc autem commercium non magis est bonum illius, qui obligatur ad non mentiendum, quam illorum, qui tali adhibent fidem, ut confideranti patet.

## CONTROVERSIA II.

*Quomodo definienda sit Iustitia Commutativa.*

### S V M M A R I V M.

**D**efinitio Iustitiæ commutativæ ab Ulpiano tradita. 15.

Difficultas explicandi conceptum Iuris exponitur & variæ explanationes rejiciuntur. 16. & seqq.

Ius est nomen æquivocum. 20.

Terminus immediatus Iuris activi est actio vel omisso. 21.

Iuris Passivi explicatio. 22.

Actio alia est Iusta negativè, alia positivè. 23.

Duplicis generis obligationes. 24.

Titulus fundans obligationes Iustitiæ alius est originalis seu Primævus, alius non primævus. 28. & seqq.

An huiusmodi sit hominis effectio. 30. 31.

Tituli non primævi explicantur. 32.

Explicatio Iuris data à Card. de Lugo. 33.

Non est ultimata. 34.

Explicatio P. Martini Esparæ. 37.

Non est satis expedita. 38.

Explicatio Card. Pallavicini. 40.

Rejicitur etiam. 42.

Nostra explicatio Iuris proprietatis, ut destinæti à Iurisdictione. 43.

Item prout abstrahit ab utroque. 46.

Quomodo ex Iustitia possit quis obligari in commodum suum salvi à definitione datâ. 47.

Quomodo infanti possit fieri injuria contra illius voluntatem. 48.

An sufficiat voluntas habitualis. 50.

Quomodo impeditur beneficii indebiti sit contra Iustitiam. 51.

An actus validus, sed injuriosus procedat ex Iure operandi. 52. & seqq.

Quomodo obligatio non alienandi stet cum pleno dominio. 59.

Res aliæ corporales, aliæ incorporales. 61.

Communis explicatio Iuris in Re & ad Rem. 62.

Explicatio cujusdam Recentioris Hispani. 63.

Nostra explicatio ab effectu. 64.

Ejusdem explicatio quasi à priori. 65.

Divisio iuris in Reale & Personale non est adequata. 67.

### §. I.

*Difficultas communis Definitionis proponitur.*

15. Iustitia particularis definitur ab Ulpiano in l. 10. ff. de l. & l. *Constans & perpetua Voluntas Ius suum cuique tribuendi.* Recipitur ab omnibus, Theologis, Iuristis, Philosophis moralibus. Sensus legitimus est, Iustitia esse Habitum, seu



seu Virtus inclinans ad volendum tribuere cuius omne, ad quod Ius habet ad versus se, ut à se tribuatur, quod sit, vel reparando, si læsum est, vel non lædendo, si adhuc integrum est, adeoque ponendo illam actionem vel omissionem actionis, ad quam à me ponendam alter jus habet.

Ex hac definitione apparet, Objectum Iustitiæ esse Ius alterius. Omnis enim Virtus definitur in ordine ad suum objectum: Iustitia verò definitur in ordine ad Ius.

16. Hinc nata est inter Theologos quæstio admodum intricata, quid sit hoc Ius, quod est objectum Iustitiæ: si enim Iustitia definitur per ordinem ad Ius, debet aliunde notum esse, quid sit hoc Ius, alioquin definitio explicat ignotum per ignotum. Iam verò si quærat, quid sit hoc Ius, quod respicitur à Iustitia, respondent DD. communiter, Ius nihil esse aliud, quam omne id quod debetur ex Iustitia, & sic declarant Ius per ordinem ad Iustitiam, & committunt circulum tam manifestè vitiosum, ac committeret ille, qui interrogatus, cujus filius sit, responderet: *mei Patris*: & iterum quærenti, quis sit illius pater, responderet: cujus ego filius sum.

17. Respondetis fortè primò: Ius aliud non esse, quam debitum, seu, quod alteri debetur. sed Contra. Multa sunt debita, quæ tamen non debentur ex Iustitia: ergo licet omne Ius sit debitum, non tamen omne debitum est Ius. ergo Ius non convertitur cum Debito. antecedens patet: Nam ex obedientia, Religione, Gratiitudine, Pietate, Charitate, nascuntur debita, & tamen hæc non sunt debita ex Iustitia.

18. Respondetis aliud 2. Ius non esse debitum qualecunque, sed *æquale*. Contra. 1. Etiam obedientia, Pietas &c. respiciunt aliquam æqualitatem, v.g. præcipitur jejunium, debes præstare jejunium, quo adæquetur præceptum. Contra 2. Omne *æquale* dicit duos terminos: restat ergo tibi explicandus alter terminus cui debet Ius esse æquale. v.g. Restitutio Equi quæ est Ius passivum, debet esse æqualis Iuri activo, quod alter habet ad hanc restitutionem. Iam verò Ius activum & passivum, utpote correlativa patiuntur eandem obscuritatem, & explicationis difficultatem.

19. Respondetis iterum cum Lessio lib. 2. c. 2. n. 1. & Molina tr. 2. d. 1. Ius esse facultatem aliquid faciendi sive obtinendi, aut in eo insistenti, vel aliquo alio modo se habendi, cui si sine legitima causa contraveniatur, injuria fit eam facultatem habenti. Est ergo Ius quasi mensura Injurie. Sed contra. Hoc modo declaratur Ius per Injuriam. Injuria autem est formalissimè negatio Iustitiæ, seu injustitia. Injustitia autem est ignotior quam Iustitia, sicut omnis negatio formæ est ignotior quam forma opposita, & est explicanda per ordinem ad ipsam formam, v.g. tenebræ per ordinem

ad lucem: ergo à primo ad ultimum adhuc hæremus in eodem circulo vitioso, quia Iustitia explicatur per Ius, Ius contra per Injustitiam, & denique Injustitia per Iustitiam.

Trium DD. placita referenda & examinanda sunt, prius tamen aliquas Iuris acceptiones referre necesse est, ad cavendas æquivocationes.

## §. II.

*Varia juris acceptiones, & alia notatu digna præmittuntur explanationi Iuris ut est objectum Iustitiæ.*

20. Notandum 1. Ius esse nomen æquivocum, & diversimodè sumi, primò sumitur pro Arte quæ cognoscitur Iustum, quo sensu definitur l. 1. ff. de J. & J. *Ars, æqui & boni* aliud non est quam ipsa Iuris prudentia. Sicut enim omnes virtutes morales à Prudentia diriguntur, ita specialiter Iustitiæ Virtus à Iuris prudentia dirigitur, cujus est tradere regulas Iusti & Æqui. Hinc 2. ipsæ regulæ seu leges vocantur Ius, quo sensu Ius dividitur in Ius Canonicum & Civile 3. accipitur Ius pro loco ubi administratur Iustitia: sic dicitur quis in Iure comparere. 4. sumitur Ius pro potestate, facultate seu titulo ad aliquam rem vel actionem, vel omissionem actionis obtinendam, cujus violatio sit Injuria, & vocari solet: *Ius proprietatis activum*: posset etiam vocari *Ius formale*. 5. sumitur pro termino illius Iuris activi, hoc est, pro Iusto, seu debito. sic dicunt latini, aliquem obtinere Ius suum, & hoc vocatur *Ius passivum*, atque est illud ipsum quod est objectum Iustitiæ, & quod in præfenti declarandum est, nec sine declaratione Iuris activi intelligi potest, cum sint correlativa.

21. Notandum 2. Terminum immediatissimum Iuris activi semper esse actionem, vel omissionem actionis, sive sit illius, qui dicitur habere Ius, sive sit alterius, qui dicitur obligatus ex Iustitia ad talem actionem præstandam, vel permittendam. v.g. ego habeo jus comediendi meum cibum, & ut nemo me à comestione impediatur. Ecce hoc Ius, quod à Juristis vocatur *Ius in Re* immediatissimè versatur circa comestionem, quæ est quoddam exercitium dominii, ac dispositio libera de re mea: versatur item hoc jus immediatissimè circa negationem actionis alienæ, quæ est illius impeditivæ comestionis meæ. Ulterius quando tu mihi debes equum emptum, vel pecuniam mutuò acceptam, vel librum donatum, sed necdum traditum, habeo jus *ad Rem*, quod licet aliquo modo respiciat equum, pecuniam librum, immediatè tamen respicit tuam actionem, quæ tu mihi tradas equum, pecuniam, librum.

22. Hinc autem constat, Ius passivum melius explicari per actionem, vel omissionem actio-



actionis, quàm per rem aliquam corporalem, circa quam habeamus jus disponendi & utendi: nam, ut vidimus, terminus immediatissimus juris activi, semper est, vel actio vel omissio actionis, at verò non semper invenitur res corporalis, quæ sit terminus juris, ut cùm habeo jus ad restitutionem famæ & honoris: Imò, sistendo etiam in rebus corporalibus non semper res corporalis est id circa quod habemus Ius, quamvis habeamus Ius, ne alius nos impediatur ab acquisitione talis rei corporalis. v. g. ego non habeo Ius, ut scribar & hanc hæres bonorum Pauli, & tamen habeo Ius, ne Petrus dolo, fraude, aut metu efficiat, ne hanc hæres.

23. Notandum 3. Aliam actionem esse justam negativè, aliam positivè. Actio negativè justa est, quam ego dicor ponere sine læsione Iuris alieni, cò quod nemo habeat Ius ad omissionem illius, & ideo ego dicor habere Ius ponendi illam: hujusmodi autem actio non est actus iustitiæ in illo, à quo fit. v. g. quando comedo meum cibum, non dicor tali actione exercuisse iustitiam, quia nemini tribui jus suum, sed usus sum jure meo. Aliæ verò actiones sunt iustæ positivè, & exercentur à Iustitia & ex motivo iustitiæ, à qua imperantur, & cuius sunt objectum immediatissimè volutum, v. g. traditio e-qui venditi, restitutio rei furto ablata, &c. nam ad has actiones emptor & dominus rei ablatae habent jus; & qui illas actiones ponit, sicut ponere tenetur, nempe venditor & fur, dicuntur exercere Iustitiam, tribuendo alteri suum jus passivum. Imò sæpè etiam ommissio alicujus actionis dicitur iusta positivè, v. g. ommissio vulnerationis, quæ te læderet, ommissio violentiæ, aut furtivæ surreptionis, &c. Hinc iterum apparet, jus passivum & objectum iustitiæ rectius explicari per actionem justam positivè, quàm per illam quæ tantùm est iusta negativè. illa enim, & non hæc est actus imperatus à iustitia, & obiectum illius, ut ostensum est.

24. Notandum 4. Duplicis generis obligationes inter homines reperiri: aliquæ sunt omnino independentes à voluntate illius erga quem exercentur, & cui obligamur: v. g. filius obligatur patri ex pietate, & hanc obligationem non potest pater cedendo tollere: maneret enim in filio, etiamsi pater noller filium esse pium erga se: pari modo charitas obligat ad cavenda scandala proximi, ad subveniendum constituto in extrema vel etiam gravi necessitate, etiamsi proximus noller sibi subveniri. Unde hæ & similes virtutes non habent pro mensura suæ obligationis voluntatem alterius. Aliæ sunt obligationes, quæ aliquo modo pendunt à voluntate aliena saltè radicaliter, & vel realiter, vel Iuris fictione. seu civiliter, supplente nimirum lege voluntatem alterius, adeoque habent alienam voluntatem pro mensura. Hujusmodi obligationem habet subditus erga superiorem cui

tenetur obedire carenus, quatenus superior vult. Hujusmodi est etiam obligatio iustitiæ, v. g. obligatio restituendi ablatum, non auferendi alienum, &c. Pendet enim à voluntate alterius habentis Ius ad restitutionem: si enim is cederet jure suo realiter, vel civiliter, prout, per se loquendo, cedere posset, hoc est, si noller me amplius obligatum ad restituendum, vel si daret facultatem auferendi, hoc ipso cessaret in me obligatio, & ex hoc capite nascitur illud effectum infra declarandum: *Volenti non fit injuria.*

25. Dixi primò. *saltem radicaliter* quia aliquando voluntas habentis Ius est ligata ex dispositione Magistratûs, v. g. voluntas pupilli, uxoris, minorennis, Clerici, Religiosi, & filii famæ &c. ità ut in quibusdam casibus non possint cum effectu cedere jure suo, etiamsi vellent: & in illis casibus eorum voluntas moraliter loquendo est voluntas Tutoris, Curatoris, Mariti, Magistratûs &c. à qua voluntate pendet obligatio aliorum.

26. Dixi. 2. *Vel realiter vel fictione juris* & civiliter &c. nam infans licet nullum habeat voluntatis usum, & ideo non possit per actum proprium alterum obligare, nihilominus est capax Iuris, & Injuriæ accipiendæ, quia aliorum voluntas habens Iurisdictionem in infantem supplet voluntatem infantis, & tandiu loco infantis obligat alios, quamdiu infans caret propriâ voluntate & legitimâ ætate. & in hoc casu Ius infantis est denominatio à forma extrinseca. Simile quid est in Hereditate jacente, quæ est Persona ficta.

27. Notandum 5. Inter obligationes pendentes à voluntate alterius tamque habentes pro mensurâ iterum esse discrimen maximè faciens ad nostrum propositum. Aliquæ enim procedunt à tali potestate obligantis, quæ non aliter est instituta à natura, neque titulus in quo fundatur, plus tribuit, quam ut obligatio quàm inducit per se tendat in bonum ipsius obligati, ità ut, si obligatio illa potius esset nociva quàm proficua obligato, hoc ipso obligatio esset nulla, & irritus esset actus, quo alter attentâsser obligare. Hujusmodi sunt omnes obligationes ex obedientia præstandæ. Nam potestas legislativa & præceptiva superioris qui non sit dominus, non se extendit, nisi ad actus obligatorios in bonum subditorum. Lex enim definitur: *Ordinatio rationis facta in bonum commune ab eo qui curam habet communis.*

Econtra aliæ obligationes fundantur in tali titulo, qui tribuat potestatem obligandi etiam præciso omni commodò obligati, adeoque obligandi in merum commodum vel beneplacitum obligantis. Quodsi obligans simul etiam intendat bonum obligati, per accidens est ad vim obligandi, nec est necessarium, quia non est necesse, ut id ad quod obligat, cedat in utilitatem obligati.

28. Notandum 6. Titulum seu Possessionem hujusmodi obligationis inducendæ dividi in Originalem seu Primævum, & in non primævum, hoc est, qui supponat alium titulum priorem, qui præexistit in alio. Primævus titulus pluribus modis haberi potest. Et imprimis talem titulum acquisiverunt homines per primam rerum divisionem, quæ quia facta est ex consensu gentium, vocatur à Juristis: *Divisio Juris gentium*. Hac divisione non oportebat comprehendere illas res, quas nullo modo expediebat possideri ab ullo ad plenum ejus beneplacitum, sed oportebat esse communes: hujusmodi est aer, cujus libero usu ita opus habemus, ut Societas hominum consistere non posset sine libero & licito aeris usu: Aliæ res sunt, quæ non satis conducere ad felicitatem humanam post tantam generis humani multiplicationem, nisi subessent certo beneplacito cum prohibitione aliorum, & hæc debebant vel à principio vel temporis in pejus abire, ut deinceps quisque sua curaret sedulo, & plurimorum orium caveretur, resque meliorarentur: quod non fieret, sed potius in pejus abirent, si omnia omnibus communia essent. Non poterant autem, nec debebant res ita dividi ad amicum, ut nihil maneret indivisum & commune, aut deinceps primò occupandum, alioquin omnis terra penetranda, omnes feræ, pisces, avesque capiendæ fuissent.

29. Secundus titulus primævus provenit à designatione naturæ, quæ statim ab initio & origine sua singulis hominibus quædam addixit tanquam instrumenta felicitatis suæ comparandæ, v.g. potentias vitales & membra corporis, quæ primò & principalissimè nostra sunt & maxime propria. Et hic titulus est omnium efficacissimus & antiquissimus, prævalens etiam titulo effectiōnis, ut postea videbimus.

30. Quoad ceteras res, quæ nec à natura, nec gentium consensu fuerunt assignatæ, triplex adhuc titulus primævus superest, quo illa nostro arbitrio & beneplacito subjiciantur, aliis ab eorum arbitrio usu exclusis: nimirum: Venatio, inventio, & effectio. His enim tribus modis res aliquæ ponuntur in humano commercio, & redduntur primitus aptæ ad usus humanos v.g. feræ per capturam, gemmæ per inventionem, domus aliæque artefacta per effectiōnem. Excipitur tamen effectio hominis, quem ob præstantiam suæ dignitatis, & ob propriæ felicitatis capacitatem ipsa natura excipit,tribuendo illi suorum membrorum liberum usum, ad suum commodum; adeoque noluit natura hominem præcisè vi effectiōnis obligari suæ causæ effectrici, hoc est parentibus, præcisè in eorum placitum & utilitatem. Quod quidem ipso naturæ lumine notum est, adeo, ut leges sæpius moneant, servitutem introductam esse contra naturam, quia natura ex sua parte omnes homines liberos nasci voluit, & merito; hoc enim

vel maxime necessarium erat ad felicitatem generis humani. Si enim omnes filii essent parentum servi, quis non videt, quantopere minueretur industria hominum in excolendis naturæ dotibus & potentiis, quando non in suum, sed tantummodo dominorum suorum commodum illa omnia referenda essent.

31. Nihilominus hac ipsa exceptio iterum limitanda est, & omnino satendum, quod etiam ipsius hominis effectio saltem pro aliquo casu possibili sit ex naturæ indulgentia sufficiens titulus, ut possit Pater obligare filium in commodum suum, hoc est parentis, nimirum in casu tantæ necessitatis, ob quam Theologi & Juris Consulti docent, filium teneri præstare alimenta parenti, imò posse filium non emancipatum vendi à patre in servitutem. Pro illo siquidem casu habet pater dominium quoddam eminentiale & altum in filium, sicut habet Respublica in bona temporalia subditorum, quæ potest usurpare ad sublevandam necessitatem Reipublicæ. Imò similem titulum concessit natura singulis hominibus, ut in casu extremæ necessitatis possent obligatos habere quoscumque alios, ne sibi resisterent in usu rerum necessariorum ad sublevandam extremam necessitatem per media necessaria, de quo videri potest Lugo, & egimus in opere Theol. lib. 3. & hæc de titulis primævis.

32. Tituli non primævi sunt, qui fundantur in alio titulo priore, qui saltem Juris fictione aut præsumptivè præcessit in alio: hujusmodi sunt omnes tituli orti ex quocunque pacto, conventionione, aut voluntate alterius, qui nobis lus aliquod confert, v.g. donatio, venditio, &c. neque enim possemus mihi donare, aut vendere librum cum aliqua efficacia, nisi tu prius ex aliquo titulo librum habuisses, aut habuisses præsumeretis. Porro necessarium erat, ut homines per hujusmodi voluntates possent efficaciam sui tituli in alium transferre; neque enim possumus omnes exercere sutoriam, & sic de aliis. His ita prænotatis restat nunc explicandum Ius quod est objectum iustitiæ, & ostendendum, quomodo per ordinem ad illum Iustitia ab aliis virtutibus distinguatur. Prius autem aliorum sententiæ sunt referendæ.

### §. III.

#### *Sententia Cardinalis de Lugo.*

33. **S**ententia & explicatio hujus Auctoris est, Ius aliud non esse, quam prælationem seu præferibilitatē, quam quis habet supra alios seu præ aliis respectu alienius rei usurpandæ in propriam utilitatem, ex aliqua peculiari connexionē physica quam habet cum illa re. Porro illa connectio physica aliud non est, quam titulus primævus supra explicatus not. 6. Prælatio verò seu præferibilitas aliud non est, quam æstimatio, seu

seu iudicium prudentium, quod huic homini licitus sit usus talis rei in suum præcisè commodum, aliis verò sit illicitus eius usus invito illo alio. Exemplo rem declarat Auctor in venatione feræ, & adificatione domus. Qui enim capit feram, vel adificat domum, habet physicam connexionem cum ferâ & domo propter quam iuralium rerum usus est aliis præferendus. Quando verò aliquid ex his donamus vel vendimus, tunc volumus, ut donatarius, aut emptor præferatur in usu feræ, vel domus, sicut venator, aut adificator præferatur ob titulum primævum.

34. Advertendum est, in hac sententia (sicut & in duabus sequentibus) explicari Ius activum, quo intellecto facile est designare Ius passivum, quod propriè est obiectum Iustitiæ.

DICO 1. Hæc explicatio, etsi veritati magnam lucem attulerit, non est tamen ultimata. Probatur 1. Quia explicat Ius tum per causam efficientem Iuris, tum per ejusdem Iuris effectum: ergo non explicat formaliter, nec per prædicata intrinsicæ Iuris. Primum membrum probatur, quia connexio illa physica est causa sufficiens ipsius Iuris, & non est ipsum Ius formaliter loquendo, sicut ira non est ipsa accessio sanguinis circa cor, sed ejus causa, ut bene dixit Pallavicinus. Secundum membrum probatur, quia illa præferibilitas, seu prælatio residens in intellectu, vel voluntate aliorum est potius effectus Iuris: ideo enim alii præferunt venatorem in usu feræ capte aliis non capientibus, quia agnoscunt in illo Ius, vi cuius obligantur ita præferre, & ille meretur ita præferri.

Probatur 2. Quia hæc explicatio non distinguit obligationem ex Iustitia ab obligatione aliarum virtutum ad alterum, v. g. à pietate. Nam filius debet patri ex pietate cultum & obsequium externum, quæ obligatio non minus fundatur in connexione physica patris cum filio, scilicet in generatione, quam fundetur obligatio præstandi alimenta in casu necessitatis, & tamen hæc posterior obligatio est ex Iustitia, prior verò solum ex pietate, & quidem utraq; dirigitur in commodum & utilitatem ipsius patris.

35. Probatur 3. Quia, ut bene advertit Pallavicinus, non sufficit ad fundandam prælationem, seu præferibilitatem connexio illa physica nudè & secundum se spectata, alioquin quando operarii faciunt domum, fierent hoc ipso domini domus propter illam physicam connexionem effectiois: item qui invenit gemmam in litore, si nolit esse suam, non acquirit Ius, & tamen habet illam physicam connexionem: ergo requiritur præterea voluntas non impedita habendi illud Ius: ergo jam explicatur Ius, per Ius, quod est vitium, vel certè desideratur ulterius explicatio obiecti huius voluntatis.

36. Probatur 4. Explicatio Lugonis solum procedit de illis actionibus, quæ sunt iustæ solum negativè, iuxta notand. 3. non verò procedit de illis, quæ sunt iustæ positivè, & tamen hæc sunt principale obiectum Iustitiæ, ut ibid. dictum est. Explicat enim Ius per prælationem aliorum in usu illius rei, qui usus est Iuris exercitum, ut est comestio sui panis, equitatio sui equi, &c. Ulteriùs illa explicatio solum convenit Iuri in re, non item Iuri ad rem: nam qui habet tantum Ius ad Rem, necdum præferatur aliis in usu illius rei, sed priùs debet obtinere traditionem rei, ut patebit ex dicendis. Denique eadem explicatio non est etiam ex alio capite universalis, quia datur sæpe Ius adversus alium, ne aliquid agat, quin detur Ius utendi aliqua re, v. g. habeo Ius, ne alius dolo malo impediat testatorem, ne me scribat hæredem, ut fatetur ipse Lugo, & tamen non habeo Ius utendi hæreditate, antequam scribar hæres.

#### §. IV.

##### *Sententia P. Martini Esparza.*

37. **H**ic Auctor definit Ius proprietatis, quod sit: *Facultas libera disponendi circa Rem, vel personam quoad usus, vel actiones lege permissas, non impedibiles licitè ab aliis, ordinata vel ordinans suum subjectum ad propriam felicitatem seu commodum proprium.*

38. DICO 2. Neque hanc definitionem mihi undique expeditam videri. Impugnari solet à quibusdam hæc definitio istâ instantiâ. Qui gladium apud me deponit, habet utique Ius in suum gladium, & tamen casu quo uti vellet suo gladio ad committendum homicidium, posset licitè impediri ab usu talis gladii, nec tenetur depositarius dare gladium petenti. Cæterum hæc instantia non stringit. Nam licet Dominus gladii habeat Ius in suo gladio, non tamen habet Ius utendi gladio, quocunque modo; nempe non habet Ius nocendi alteri, imò alter habet Ius adversus Dominum gladii, ne utatur tali modo tuo gladio: non possunt autem dari duo Jura contraria, alioquin esset bellum utrinque justum. Sic licet habeam Ius utendi membris meis, non habeo tamen Ius occidendi me, vel alium, &c. Hæc ergo impugnatio prætermittenda.

39. Probatur Conclusio. Vel per usum non licitè impedibilem ab alio intelligit hic Auctor duntaxat actiones proprias ipsius habentis Ius, vel intelligit etiam actiones aliorum, quæ nobis debentur, & de quibus disponimus illas exigendo. Si dicat primum, contra opponi potest, quia definit Ius in ordine ad actiones tantum negativè iustas, quod est inconvenientium ob rationem superius datam, tum etiam ex eo capite, quod hoc modo Ius passivum consisteret in mera non impeditone actionum, quod falsum

sum est. Si verò dicat secundum, contra est, quia sic auctor non ostendit, quomodo differat Ius proprietatis à facultate patris exigendi opera pietatis à filio, quæ facultas etiam non est licite impedibilis à filio, & tamen si illa opera non præstat filius, non peccat contra iustitiam, sed solum contra pietatem. Cæterum, quidquid sit de hoc ultimo, mihi certum est, auctorem tantum loqui de actionibus negativè iustis, loquitur enim de potestate libera physica, qualem non habemus circa actiones alienas. Ex dicendis tamen apparebit, hanc definitionem ad bonum sensum accommodari posse.

## §. V.

*Refertur Sententia Cardinalis Pallavicini.*

40. **D**efinit auctor Ius proprietatis, quod sit: *Potestas obligandi alterum per voluntatem ipsius habentis Ius, quâ velit oppositum alicuius actionis, vel omissionis esse illicitum ex motivo sui placiti.*

Contra hanc doctrinam insurgit P. Martinus Esparza primò, quod ipsum definitum ponatur in definitione, dum dicitur: *Ipsius habentis Ius*. Ad hoc tamen posset responderi, Pallavicinum aliud noluisse dicere, quam quod illa obligatio debeat esse pendens à voluntate & arbitrio proprio illius, cui alter obligatur, ut hæc obligatio distingueretur ab aliis obligationibus, v. g. pietatis, charitatis, gratitudinis, &c. Neque absurdum est, in definitione alicuius formæ ponere tandem nomen ipsius formæ, prout significat illam formam sub conceptu confuso & vulgari, v. g. sub conceptu Entis, sicut si quis diceret: *Ubicatio est forma physica constituens in spatio determinatò illud, cui inhaeret talis ubicatio*. Posset ergo brevius ex mente Pallavicini dici: *Ius est potestas obligandi voluntariè alterum, quâ velit oppositum, &c.*

41. Melius impugnatur idem Auctor secundò. Non omnis obligatio iustitiæ est effectus dependens & procedens à voluntate illius, in cuius favorem cedit talis obligatio, prout supponit definitio Pallavicini. Probatur. Nam antecedenter ad omne exercitium voluntatis sunt nobis aliquæ actiones licitæ, & ad illas habemus Ius, & alii sunt obligati ex Iustitia, ne impediant tales actiones, sicut etiam sunt obligati non lacerare in bonis corporis: cuius Ratio est, quia dum alicui natura favet illi dando Ius seu licentiam faciendi, hoc ipso, & in eodem signo gravat alios, ne talem actionem impediant. Verum prætermisâ etiam hæc impugnatio.

42. **D**ICO 3. Neque Pallavicini definitionem videri satis expeditam. Probatur. Quia fieri potest, & defacto contingit, ut ille, qui habet Ius activum proprietatis, positivè velit à se

abdicare tale Ius, & nolit alios habere sibi obligatos, cum tamen reverà maneant obligati, eò quod voluntas superioris habentis Iurisdictionem, velit hic & nunc irritam & nullam talem voluntatem sibi subordinatam, eamque suppleat in ordine ad alios obligandos ex Iustitia: sic in Iure plures Personæ sunt impeditæ & inhabiles ad disponendum de rebus suis. Et quantumvis conentur res suas alienare, reverà nihil efficerent, & qui ab illis acciperet, teneretur ex Iustitia restituere. Atqui talis obligatio non proveniret realiter à voluntate ipsius habentis Ius: Ergo nisi hæc voluntas aliter explicetur, definitio allata non est satis universalis.

## §. VI.

*Nostri Explicatio Iuris.*

43. **D**ICO 4. Ius proprietatis activum pure tale, hoc est, prout distinguitur à Iure Iurisdictionis sic describi potest. Ius est facultas naturæ rationalis obtinendi actionem, vel omissionem actionis lege permisam, voluntate verè, vel interpretativè suâ obligando in suum proprium commodum, seu ad suum placitum alios ad talem actionem, vel omissionem actionis præstandam, vel non impedendam; seclusâ omni potestate gubernativâ aliorum. Brevius sic. Est facultas habendi alios obligatos in suum commodum, seclusâ potestate gubernativâ aliorum.

**D**ICO 5. Ius passivum, seu terminus Iuris activi est actio, vel ommissio actionis ab eo præstanda, qui alteri ex præciso ejus beneplacito obligatur.

44. Advertendum bonè est, quod dixerim, hanc esse definitionem Iuris proprietatis pure talis, & prout distincti à Iure Iurisdictionis. Nam omne Ius Iurisdictionis est etiam Ius proprietatis, sed non econtra omne Ius proprietatis est Ius Iurisdictionis, adeoque datur aliquod Ius proprietatis pure tale, & hoc secundum membrum est per se perspicuum. Primum membrum declaratur. Qui enim habet potestatem ferendi leges, & gubernandi alios per sua mandata, habet hoc ipso potestatem obligandi alios etiam non subditos, ne se à tali gubernatione impediatur, & qui ipsum impediret vi, vel metu, vel dolo, faceret illi injuriam: ergo habet Ius proprietatis ad omissionem talis impeditionis. Est ergo Ius Iurisdictionis species quædam Iuris proprietatis, ut sic, & Ius proprietatis est genus ad Ius proprietatis pure tale, & ad Ius Iurisdictionis. Hinc autem manifestè sequitur, non posse dari definitionem genericam ad Ius proprietatis, ut sic, & ad Ius Iurisdictionis, sicut non potest dari definitio ad hominem, ut sic, & ad hominem Deum, quia non potest dari ratio generica ad genus & ad speciem generis, nam genus & species primò intentionaliter non op-



ponuntur, quia unum continetur sub altero, & in altero, ea autem à quibus abstrahitur definitio communis, debent aliquo modo inter se poni. Sicut autem potest dari definitio communis homini puro, & homini Deo, ita potest dari definitio communis iuri proprietatis puro, & iuri Iurisdictionis, ut postea dabitur.

45. Advertendum autem est in hoc puncto occasio æquivocationis. Diximus enim, quod Ius proprietatis sit potestas adversus alios in suum commodum: Ius autem Iurisdictionis est in commodum subditorum: unde videri posset, Ius Iurisdictionis nimium quantum opponi iuri proprietatis.

Nihilominus verum esse quod dixi, patebit, si distinguamus inter actiones seu omissiones ad quas obligat Superior; v. g. quando Pontifex præcipit Jejunium, obligat subditos ad Jejunium, & eisdem atque etiam alios omnes antecedenter ad hanc legem habet obligatos: ne ipsum impediatur à ferenda lege. Ecce! Jejunium non respicitur à Iure Proprietatis ut sic, sed à Iure Iurisdictionis, & obligatio hæc inducitur per legem, atque hæc debet ordinari in bonum subditorum, quatenus scilicet ipsum Jejunium, si observetur cedit in bonum subditorum, & nisi cederet, non posset præcipi. At verò obligatio non impediendi Pontificem à ferenda lege per vim, metum vel fraudem, respicitur & inducitur à Iure Proprietatis, & potest obligationem hanc ordinare in suum commodum, quatenus ipsi oprabile est, non impediti ab exercitio suæ Iurisdictionis.

Ipsam itaque Ius Iurisdictionis in specie erit Ius & Potestas obligandi alios per suas leges ad actiones ad quas expedit subditis, esse obligatos.

46. Ius autem Proprietatis prout abstrahit à Iure Proprietatis puro, & à Iure Iurisdictionis, definitur definitione superius tradita num. 30. omittis ultimis particulis. Contra quam definitionem

47. Obijci potest primò. Potest quis alterum obligare ex Iustitia, & tamen non in suum commodum, sed præcisè in bonum obligati: v. g. habes à me librum hæreticum vel obscenum, ego repeto librum ex iustitia, tamen si id faciam unice amore tui ne corrumparis. &c. Ideo alterum obligari ex Iustitia, quia tu vis cum esse obligatum eà potestate, quâ posses illum obligare in tuum commodum si velles. Pari modo è contrario Prælati in obligatione subditi potest privatum & occultè quærere proprium commodum, v. g. præcipiendo ut purget sibi cubiculum, vestem &c. ut oret ad certam suam intentionem, & tamen tunc obligat ex sola obedientia, quia vult obligare eà potestate, quâ pollet, & quæ est ordinata ad obligandum subditum in bonum subditi.

48. Obijci potest 2. Qui aliquid furatur instanti peccat contra Iustitiam, licet infans nullam elicerit voluntatem obligandi. Item tutor potest obligare debitorem pupilli ex Iustitia neque tamen potest obligare in suum præcisè commodum, sed in commodum pupilli. Item pupillus sive prodigus est verè dominus rerum suarum, & tamen non habet potestatem alios obligandi, etiam quando jam habet usum rationis nam acta pupilli, saltem in non lucrativis sine autoritate tutoris non valent: v. g. non potest recipere solutionem debiti. &c. Cum ad bonum Reipublicæ omnino necessarium esset, ut infantes & amentes essent domini capaces, nec tamen possent se prudentem regere propriâ voluntate, ideo Respublica ita erat ab auctore naturæ instituenda, ut haberet dominium alium in bona infantium & amentium, vi cuius posset representare personam infantis, ita ut voluntas Reipublicæ vel tutoris esset & censeretur ab omnibus esse voluntas ipsius infantis, & per consequens, quidquid Respublica circa Iura infantis disponeret, censeretur infans in suum commodum fictione Iuris disposuisse, sicut dicuntur petere & suscipere baptismum per voluntatem patrinorum. Et sic responsum est ad primam & secundam partem objectionis.

49. Ad 3. &c. Pupillum sive prodigum habere quidem potestatem radicalem obligandi alios, sed ex ordinatione Reipublicæ impeditam: sicut etiam ejusmodi potestas impediti potest ex alio capite: v. g. jux exigendi debitum conjugale impeditur adulterio. Ob quam causam in definitione adjectum est: *actiones lege permixtas*: sed de hoc plura, quando agemus de dominio.

50. Obijci. 3. Scrupulosè sit injuria non habenti de præsentem ullam voluntatem obligandi, etiamsi posset illam habere, v. g. quando quid aufertur dormienti. &c. Sufficere voluntatem habituales, seu habitualiter perseverantem, hoc est, non retractatam, prout in voluntate legislatoris respectu subditorum manifestum est: tamdiu enim obligat voluntas legislatoris, quamdiu non retractatur. Porro hæc voluntas potest dupliciter retractari: primò formaliter & explicite seu expresse; ut si quis diceret: *Nolo Petrum amplius esse obligatum*: secundò virtualiter & implicite; nempe si quis ultimo circa Petrum ita esset affectus, ut cum illo affectu non posset stare expressa voluntas illum obligandi. Illud enim virtualiter velle censetur, quod non possumus nolle in sensu composito cum eo quod formaliter volumus. Hinc excusatur à furto famulus præsumens de voluntate Domini in ordine ad quasdam minutiores absumptiones rerum, ut inferius dicitur.

51. Obijci. 4. Quando amicus meus ex amore mei vult mihi conferre beneficium, vel testator hæredem scribere, tunc etsi non habeam jus ad-

verfus;



versus amicum, si tamen tu amicum malitiosè impediās, ne mihi beneficium conferat, aut ne hæres scribari, peccas contra Iustitiam ex probabili sententia jam superius insinuata, & teneris mihi restituere pro æstimatione probabilis spei quā me spoliasti: ergo peccatum Injustitiæ non est semper circa rem aliquam exigendam. & Nul- lum me habere Ius adversus amicum, quia ipsius amicitiam possideo tantum precariò, ut bene dixit Lugo; unde posset ille sine injuria dissolvere amicitiam specialem: attamen respectu aliorum ego possideo amicum & ejus amicitiam titulo Iustitiæ, ita ut possim alios obligare, vel certe Respublica Iure Gentium & meo nomine alios obligat, ne me dolosè privent illo affectu amicitie, aut impediāt fructum quem inde sperare possum. & hoc sensu alii obligantur in meum commodum dependenter à mea voluntate.

52. Obijcies J. Ex nostra definitione sequitur primò, posse in eodem proposito simul & semel ad eandem actionem dari Ius ponendi, & obligationem ex Iustitia eam non ponendi, seu quod idem est, dari in duobus Ius ad contradic- toria, in Petro v. g. jus agendi, & in Paulo jus ad omissionem illius actionis: ex quo ulterius sequeretur, Petrum exercendo suum Ius peccare contra Iustitiam, quod ex terminis paradoxum videretur. Secundò ex nostra doctrina sequitur, Petrum habentem Ius ad aliquam actionem hoc ipso habere alios obligatos ne se impedi- ant, cum tamen possit sepe licitè à tali actione impediri. Probatur utraque sequela in ex- emplo. Petrus vendidit equum Paulo, sed non- dum tradidit: deinde vendit & tradit Sempronio: hæc secunda venditio & traditio est valida: ergo Petrus habuit Ius ad talem venditionem, & traditionem faciendam; cum enim actus valeat, debet jure factus fuisse: & qui non habet Ius alienandi, non potest validè alienare, quæ videntur ex terminis nota. Econtra Paulus habet Ius adversus Petrum ad omissionem talis venditionis & traditionis, & potest eam, si velit, Iure impedire, & Petrus habet obligationem omit- tendi secundam venditionem & traditionem, & si eam ponat peccat contra Iustitiam, & tenetur ad interesse, hoc est, debet Paulo satisfacere, quantum ipsius interest equum non fuisse tra- ditum Sempronio: Ergo verè sunt sequelæ factæ.

53. Respondeo, hanc objectionem ab omnibus esse solvendam, quomodounque ex- plicetur Ius proprietatis: si enim in casu obje- ctionis supponis, Petrum habere Ius vendendi Sempronio, jam cogeris omnes sequelas concede- re, quas fecisti, quidquid sit illud Ius: nam in Paulo esse Ius ad omissionem venditionis eri- am tu supponis, & est certum, quia certum est, Petrum obligari Paulo ad talem omissionem, quia obligatur ad tradendum equum Pau- lo.

54. Simile exemplum habemus in Matri- monio: qui enim cum Bertha contraxit spon- salia, obligatur Berthæ, ne ducat aliam, & ta- men si deinde contrahat matrimonium cum alia, valet matrimonium, & tamen est peccatum contra Iustitiam & contra Ius Berthæ quæritum per priora sponsalia.

55. Cum ergo manifestè absurdum sit, aliquem habere simul Ius agendi, & tamen agen- do violare Iustitiam & agere contra Ius alterius, debemus omnes argumenta respondere, & ne- gare, Petrum habere Ius vendendi equum Sempronio. Ad probationem verò neganda est hæc consequentia. Actus iste valet, & est effi- cax ad transferendum Dominum: ergo qui eum ponit, habet jus propriè dictum agendi. Ne- gatur, inquam, consequentia. Vitium autem huius consequentiæ patet tum in exemplo allato de Matrimonio, tum in hoc alio. Qui injustè invadit fundum alterius animum possidentem, & al- terum expellit, si hic alter, nempe Dominus fundi, deponat animum recuperandi in conti- nenti possessionem, in valet validè possidere, naturaliter & civiliter, ut ex Iure certum est, & ali- bi traditur: & tamen absurdissimum esset hinc inferre, quòd habuerit Ius invadendi, & pos- sessionem capiendi.

56. Redeundo nunc ad casum obje- ctionis: Verum quidem est, quòd Petrus etiam post primam venditionem Paulo factam, ante traditionem retineat dominium equi venditi, sed hoc dominium non se extendit ad secundam venditionem: nam ut ex definitione domini non omnino pleni & perfecti infra constabit, il- lud dominium remanens non se extendit ad il- los actus, quibus conventio obstat: atqui se- cundæ venditioni obstat conventio facta cum Paulo per primam venditionem: ergo non se extendit ad secundam venditionem.

57. Quando ergo deinde Petrus vendit fundum Sempronio, & tradit, transfert quidem in Sempronium dominium, & se illo privat, & ideo talis actus supponit in Petro fuisse tale do- minium & Ius transferibile, sed, strictè loquen- do non habuit Ius transferendi. Sicut etiam de- bitor habens rem alteri oppignoratam, habet quidem Ius aliquod vendibile, sed non Ius ven- dendum in seipso, & invito creditore, si talis vendi- tio in illius præjudicium cederet: & licet talis venditio postmodum facta valeat, non tamen est iusta & sine injuria facta. Itaque Petrus non habet Ius vendendi Sempronio, sed habet tan- tum potentiam vendendi validè, quamvis injus- tæ: sicut si ego combutam domum Pauli, vali- dè utique comburo, sed non iustè, & ideo solùm habeo potentiam, non Ius comburendi. Aliud exemplum habes in tutore vendente res pupilli cum præjudicio pupilli, valet venditio, quam- vis non iustè facta. Aliud. Si fur pecunias furtivas misceat suæ pecuniæ, ut dignosci non possit,

possit, sit Dominus illius pecuniæ, licet illa permixtio sit injusta.

78. Simili ferè modo philosophandum est in aliis casibus, in quibus Dominus rei validè rem suam alienat, atque etiam sine injuria alterius, sed tamen esset licitè impedibilis ab aliis, & per consequens non habet Ius strictè dictum ad talem alienationem. Exemplum. Si ego vellem tibi donare rem venenatam animo te occidendi, donatio valeret, sed non rectè dicerer habuisse Ius donandi strictè loquendo, hoc est, tale Ius, quod respicitur à iustitia & quo alios obligare possum ad me non impedendum: Nam verè possent alii me licitè impedire vi & metu, & ego illis resistendo committerem injuriam, alioquin daretur bellum utrinque formaliter & materialiter iustum, quod repugnat.

59. Dices. Si Petrus post primam venditionem non habet Ius vendendi & tradendi Sempronio: ergo diminutum est ipsius dominium in equum: ergo non est amplius plenus Dominus equi: ergo nec potest in Sempronium transferre plenum dominium, quod tamen est falsum. ¶ Negando consequentiam: nam dominium non diminuitur, nisi in eadem re etiam alius habeat Ius: atque Paulus per primam venditionem nullum acquisivit Ius in Re, sed tantum Ius ad rem, ut explicabitur §. sequente: Itaque Petrus per primam venditionem amittit solum Ius non ponendi illam secundam venditionem & traditionem, cum quo stat, quòd adhuc talis actus sit validus, lege sic statuentem.

Sicut valeret testamentum, quod quis faceret contra juratam promissionem alteri factam, & tamen talis testamenti factio esset injusta, & contra Ius alterius: & hoc sensu dico talem non habere Ius faciendi testamentum, quatenus quidquid contra Ius alterius fit, dicitur non Iure fieri. Quodsi adhuc velis talem habere Ius, eo quod actus, etsi injustus valeat, fiet quæstio de modo loquendi, & poterit dici habere Ius, hoc est dominium potens validare venditionem secundam per traditionem equi etiam injustam.

### §. VII.

#### *Divisio Iuris activi in Ius in Re & Ius ad Rem.*

60. **A**D maiorem declarationem eorum, quæ dicta sunt, facit declaratio celebris divisionis Iuris in Ius in Re, & Ius ad Rem, quæ aliis terminis dicuntur: Ius reale, & Ius personale. In iure respondent his Iuribus duo etiam diversa genera actionum, quibus illa prosequimur: Nam quibus prosequimur Ius in re, seu Ius reale, vocantur *Actiones reales*: quibus verò prosequimur Ius ad rem, vocantur *actiones personales*. Pro intelligentia

61. Notandum est, res, circa quas versatur Ius humanum, esse vel corporales, vel incorporales, ut habetur toto titulo 2. lib. 2. Inst. Res corporales sunt, quæ suâ naturâ tangi possunt, ut fundus, vestis, aurum, &c. Incorporales sunt, quæ licet moraliter corpori inhaereant, tangi tamen non possunt, quia consistunt in denominatione quadam morali: hujusmodi sunt Ius adeundi hæreditatem, Ius servitutis, Ius beneficii ad colligendos fructus, Ius patronatus, Ius quæsitum per electionem: & uno verbo, omnes actiones, quibus in Iudicio prosequimur, quod nobis debetur. Itaque tam respectu rerum corporalium, quàm incorporalium potest dari Ius in Re, vel Ius ad Rem, ut constabit. His positis.

62. Divisio allata solet communiter ex Molina sic declarari. Ius reale, seu in re est, quod rem ipsam devinctam habet. Ius ad rem verò, seu Ius personale, quod non habet adhuc devinctam ipsam rem, sed personam, ad aliquid præstandum.

Hæc tamen explicatio admodum est æquivoca. Nam imprimis, vel hoc quod est: *Rem devinctam esse*, est aliquid aliud, quàm rem esse obligatam, vel nihil est aliud. Si dicas primum, restat explicandum, quid sit aliud, *esse devinctum*: quàm: *esse obligatum*. Si verò dicas secundum: Tunc videtur modus loquendi valdè improprius. Nam res ipsæ non possunt nobis propriè & per se obligari, sed tantum personæ, obligatio enim non cadit nisi in naturam intellectualem. Quodsi dicas, te non accipere obligationem in hoc sensu, tunc testat tibi explicandum, quare non sit mihi obligatus, & devinctus equus venditus quidem, sed necdum traditus, cum non possit amplius licitè vendi alteri, imò si vendatur alteri sine traditione, venditio sit nulla: Cur ergo hoc non sufficit, ad esse devinctam rem?

Secundò. Dominus habet Ius reale circa suum mancipium, non item conductor circa operarium, qui tamen habet Ius personale: utrumque Ius versatur circa personam immediatè. Quod si dicas, mancipium considerari ut Rem, & non ut personam, restat explicandum discrimen harum formalitatum, ad discernenda Iura, quæ circa illas versantur.

63. Ex hac instantia patet, adhuc obscuram esse cujusdam Recentioris Hispani declarationem dum ait, Ius in re, & Ius ad rem convenite in hoc, quòd utrumque respiciat rem, ut putè terminum: differre tamen in hoc, quòd Ius in re non solum respiciat rem, ut purè terminum, sed simul respiciat, ut extremum unionis alicujus sive inhaerentia moralis, per quam ipsam rem afficit: Ius ad rem verò respiciat purè, ut terminum sine tali unionem: sicut differunt inter se cognitio, quâ Angelus seipsum cognoscit, & cognitio, quâ Petrus eundem Angelum cognoscit.

gnoscat. Reliquis his terminorum involu-  
cris.

64. DICO 1. A posteriori & ab effectu potest prædicta divisio declarari hoc modo. Jus reale est illud, quod rem ita respicit, ut ad quemcunque devenerit res illa, semper transeat cum hoc onere, ut eam prosequi possim, ubicunque & apud quemcunque existat: & ideo dicitur inhære re, & fundat actionem realem unam ex octo actionibus realibus, quarum præcipua vocatur Rei Vindicatio, reliquarum nomina sunt: Confessoria, Negatoria, Publiciana, Rescissoria, Pauliana, Serviana, Quasi-Serviana, quas alibi explicabimus.

Econtra jus personale, seu jus ad rem est, vi cuius res ipsa non potest vindicari apud quemcunque existat, &c. sed tantum respicit personam aliquam determinatam, quæ vel ex contractu, vel quasi contractu, vel ex delicto, vel quasi delicto obligata sit ad aliquid præstandum. Itæ ex Theologis magis expressè Azor, Layman, Tanner, ex Jure Consultis post alios Henricus, Zæsius, Casparus, Manzius, &c.

Hinc colliges, sub *Jure ad Rem* strictè loquendo non venire illud jus, quod adversus alios habemus, ne nos ab usu rerum nostrarum impediatur, v.g. vi, aut metu, aut fraude. Nam licet hoc possit etiam dici jus personale, non est tamen purè tale, nec est ad aliquem terminum positivum, sed ad negativum, & fundatur in jure in re: v.g. cum ego habeam jus in meo fundo, habeo hoc ipso jus, ne alius ingressum prohibeat: sic etiam habeo jus, ne alius famam, quam possideo, lædat, ne impediatur amicum à beneficio mihi liberaliter conferendo. Hujusmodi Jura non proveniunt ex contractu, aut quasi, nec ex delicto, aut quasi, sed resultant jure naturæ ex jure reali præsupposito.

65. DICO 2. Prædicta divisio magis à priori declarari potest hoc modo. Jus reale est illud, quod immediatè tendit ad subordinandas alteri res, vel personas (hoc est, homines, quo sensu philosophico, etiam Mancipia sunt personæ) consideratas ut res, & non ut personas, hoc est, in ratione patientis, & non in ratione agentis humano, & civili modo: hac ratione tendit jus nostrum in rem furto sublatam, quam (nisi impediar) possum sine ullius injuria, ubicunque inventa fuerit pro libitu usurpare. Item jus in re non tantum respicit, & nobis subordinatæ, quæ actu possidemus, sed etiam ea, quorum quidem Domini sumus, sed possessio est penes alium: tunc enim solum in judicio petitorio possum possessorem convenire: possem etiam rem illam vendere, donare, legare: ac denique si alter defineret possidere, possem sine ullius injuria illam rem statim occupare, & usurpare: quæ omnia ostendunt, quod jus in re sit jus immediatè subordinans res ipsas ad hoc, ut possimus de ipsis pro libitu disponere per se lo-

quendo, & quantum est ex vi juris, quod habemus, nisi aliud obstat.

66. Econtra jus ad rem seu personale est, quod immediatè solum tendit ad subordinandas nobis aliam personam in ratione agentis, hoc est, in ratione personæ formaliter, & non merè materialiter sumptæ. Unde patet, jus Domini in Mancipium esse reale, & non personale, quia respicit Mancipium, ut rem, & prout patitur dispositionem Domini circa illum, in quantum scilicet potest illum vendere, huc illum transferre, &c. Econtra verò jus circa operarios conductos est jus ad rem, quatenus tendit ad subordinandos illos in ratione agentis, nempe ad præstandas operas, quod si nolint, possunt in judicio conveniri. Item jus circa rem venditam mihi, sed necdum traditam tendit præcisè (legibus ita statuentibus) ad subordinandum venditorem, ut tradat rem emptam: unde si rem illam alteri traderet, non competere mihi vindicatio. Ergo res ipsa necdum est mihi immediatè devincta, sed mediante venditore, vel potius solus venditor.

67. DICO 3. Divisio Juris in reale, & personale non constat membris contradiçtorii, nec est adæquata, si membra divisionis su manent in propria specie, & rigorosè, sed datur tertia & media species, quæ vocatur *Jus mixtum*. Est ex mente Juristarum. Probatur. 1. Tale datur jus, qualis datur actio fundata in jure: sed datur genus actionis mixtæ, hoc est, quæ nec sit strictè realis, nec strictè personalis, sed de utroque participans. Ergo vera est Conclusio. Major patet. Minor constat ex toto libro decimo Digestorum, ubi per quatuor titulos quatuor hujusmodi actiones mixtæ proponuntur. Dicuntur autem hæ actiones mixtæ non eo sensu, quo *actiones rei & pæne persecutorie* dicuntur mixtæ, ut sunt *actio vi bonorum raptorum*, *actio legis Aquiliæ*, *actio ex testamento pro ijs, quæ relicta sunt locis venerabilibus*, sed eo sensu, quod partim sunt in rem, partim in personam: hujusmodi sunt quatuor: prima *Finium regundorum* quæ agit de finibus prædiorum rusticorum confinium confusis iterum dirigendis & determinandis. Secunda: *Familia eriscundæ*, quæ datur coheredibus pro dividendis rebus hæreditariis, & quod alteri alteri præstare oportet. Tertia *Communi dividundo*, quæ datur illis, inter quos res aliqua ex causa legari, vel donationis, vel aliâ quacunque est communis, ut res vel dividatur, vel quod præstandum, præstetur. Quarta *ad exhibendum*, quæ quis petit copiam inspiciendi rem ab altero detentam, quam probabiliter putat suam esse. Itaque jus in quo fundantur hæ actiones, tendit tam ad subordinandam sibi rem aliquam, quam etiam personas ad aliquid præstandum.

Probatur Conclusio 2. & declaratur ex exemplo. Fugit à me servus meus, & ego habeo probabilem suspicionem, eum apud te latere:

com-

competit mihi jus agendi contra te, ut à Judice jubearis exhibere hominem, quem detines, ut cognoscere possim, an sit Stichus servus meus: & sic per hanc actionem nondum quidem vindico Stichum, præparo tamen viam ad vindicationem instituendam, postquam cognovero esse Stichum. Hoc inquam Ius nec est purè reale, quia non fundat immediatè actionem vindicationis: neque etiam est Ius merè personale, quia datur actio hæc contra quemcumque, ad quem Stichus pervenerit, & ideo rei potius, quàm personæ inhæret. Nihilominus de utraque Iuris specie aliquid participat: de jure reali quidem, quòd inhæreat rei, ut jam vidimus, de personali verò participat, quòd immediatè tendat ad obrendendam exhibitionem. Rectè ergo vocatur jus mixtum, & actiones correspondentes vocantur communiter *actiones mixtæ*, sive *actiones personales in Rem strictæ*, ad indicandum discrimen à purè personalibus, quæ sunt *ad Rem*, & non: *in Rem*. Postquam hæc scripsi, invenio apud Henricum Zacium *Comment. in Instit. tit. de act. in annot. ad §. omnium. n. 6. C. 53.* pro Conclusionem meam referri Fabrum, Zafium, & alios. Eandem sententiam tenet Bernardus Suthold *Dissert. 18. §. 8.* ubi fatetur, has actiones non retinere genuinam indolem actionum personalium, eò quòd rem comitentur.

### CONTROVERSIA III.

*Verum Iustitia speciali modo dicatur  
respicere medium rei.*

#### SUMMARIUM.

*Quo sensu Iustitia respiciat medium Rei potius, quàm Rationis. 79.*

*Quenam sint illius Medii extrema. 71.*

*Discrimen Iustitiæ ab aliis virtutibus. 72.*

*Aliæ virtutes respiciunt medium Rei per accidens. 73.*

68. **E**st axioma receptissimum ex S. Thoma desumptum, quòd aliæ virtutes morales respiciant medium rationis, iustitia verò medium rei. Circa cuius intellectum difficultas esse non potest nisi de modo loquendi, qui est defendendus.

Ratio autem dubitandi, & talem loquendi modum improbandi potest esse prima. Iustitia non videtur versari in medio inter duo vitia opposita, sicut v.g. Liberalitas, quæ versatur in medio inter prodigalitatem, quæ peccat per excessum, & parsimoniam, quæ peccat per defectum, & sic de aliis. Si quis enim alteri plus det, quàm debebat, non peccat contra iustitiam per excessum, ut patet: Solo ergo defectu potest peccari contra iustitiam: ergo non versatur iustitia inter duo vitia sibi opposita.

69. Secunda ratio dubitandi est. Dato, quòd iustitia respiciat aliquod medium, illud medium erit medium rationis, hoc est, à ratione præscriptum: aliquin iustitia non esset virtus, si non regeretur à dictamine prudentiæ: ergo non potest per hoc differre ab aliis virtutibus.

Econtra aliæ virtutes utique non respiciunt ens rationis, seu chymæram pro medio: neque enim ratio potest dicere & præscribere medium, nisi hoc medium inveniat in objecto illius: ergo omnes virtutes respiciunt medium rei, quia respiciunt medium reale: ergo nihil speciale præ aliis virtutibus habet in hoc puncto iustitia.

70. DICENDUM tamen est, iustitiam respicere aliquod medium, & illud medium specialiter rectè dici medium rei, & non præter medium rationis, prout aliæ virtutes suum medium respiciunt. Prima pars probatur. Iustitia procurat, ne suum suppositum, seu subjectum plus habeat, quàm quousque ipsius jura se extendunt, & ne per ipsum alius minus habeat, quàm vigore suorum jurium habere debet: quæ duo extrema sunt vitiosa & contra rationem: ergo iustitia respicit aliquod medium.

71. Dices: Medium debet versari inter talia extrema, quorum unum, si incuratur, recedat ab altero; v.g. Liberalitas versatur inter prodigalitatem & nimiam parsimoniam, quodcumque horum incuras, ab altero recedis: atqui violando iustitiam potest incurri utrumque extremum in probatione assignatum: nempe, qui furatur alteri, habet jam plus, quàm deberet vi iurium suorum habere, & simul facit, ut alter minus habeat, quàm vi suorum iurium habere deberet: ergo medium rei non est convenienter assignatum. R. Negando majorem, quæ licet in aliis virtutibus vera sit, in iustitia tamen non debet verificari. Ratio est, quia ut docet S. Thomas hic a. 10. *Æquale* est medium inter majus & minus, & impossibile est, unum esse majus, quin alterum sit minus, v.g. est impossibile, ut ex duabus lineis æqualibus una fiat major, quin hoc ipso altera fiat minor: atqui iustitia procurat istam æqualitatem: ergo procurat medium rei eo modo, quo ad iustitiam pertinet.

72. Secunda pars etiam probatur. Aliæ virtutes ita respiciunt suum medium, ut illis possit satisfieri etiam tunc, quando per errorem quis judicaret, illam mensuram esse medium, quæ tamen reverà non est medium: v.g. si per errorem judicem, quatuordecim uncias esse illam quantitatem, quæ respectu mez complexionis nec sit citius nimius, nec nimis exiguus, tunc si hodie summam quatuordecim uncias (ponamus esse excessum duarum unciarum) non propterea teneor cras duabus uncias minus comedere ex virtute temperantiæ, quàm cæterisquin liceret, v.g. tantum decem uncias, vel contra, si prio-



spriori die per errorem nimis parum comedi, non propterea debeo altero die illum defectum compensare ultra id, quod est medium crastini diei; sed obligationi prioris diei est satisfactum formaliter, licet sit erratum materialiter, quem errorem aliz virtutes non curant. Item si obedientia jubeat, ut singulis diebus recitem horas Canonicas, & ego per errorem putem meas hodie jam recitasse, non propterea teneor altero die compensare. Justitia vero aliter obligat: nam etiam si per errorem judicem, licere mihi hanc rem usurpare, eo quod existimem esse meam, postea tamen cognito errore teneor eam restituere, vel quantum inde locupletior factus sum: item si per errorem putem, me debito alieno plenè satisfacere solvendo decem, cum revera debeam viginti, errore detecto teneor adhuc postmodum ad residuos decem solvendo.

73. Dices: etiam obedientia sæpè requirit hoc modo medium rei, v.g. si per errorem non sum confessus omnia mortalia, formaliter quidem satisfeci obedientiæ & præcepto Confessionis, quia tamen materialiter non satisfeci, teneor adhuc postmodum satisfacere. In obedientia & in aliis virtutibus hoc posse fieri per accidens, sed non per se, quia communiter quando satisficit obedientiæ formaliter, non manet obligatio ad aliquid omisum. At verò Justitia regulariter & per se loquendo semper attendit medium reale, licet per accidens etiam fieri possit, ut tantum obligaret ad medium rationis, v.g. si creditor nollet ad plus obligare, quam ad illam summam, quam bonâ fide nunc existimo me debere: & simile quid fit in transactionibus: imò in omni emptione & venditione, ubi ignoratur indivisibilis valor mercis, & ideo datur triplex pretium, summum, medium, & infimum.

74. Præterea Justitia etiam ex alio capite respicit magis specialiter medium rei, quam aliz virtutes, quia aliz virtutes licet à parte rei habeant medium reale, illud tamen non consistit in indivisibili, vel certè si consistit in indivisibili, illud est humanitatis & per se loquendo incommensurable, sed tantum est cognoscibile intra certam latitudinem, ut patet in temperantia: quis enim scit, quam sit ultima guttula, quam si excedat, lædat temperantiam, aut quis scit, quoniam sit ultimus teruntius, quem si excedat, fiat prodigus: ergo rectè dicuntur aliz virtutes suum medium ultimè taxare per rationem, quæ debet illud investigare secundum regulas prudentiæ: at verò medium justitiæ per se loquendo non solum consistit in indivisibili, sed etiam ut tale cognoscitur: scimus enim communiter, quantam summam determinatè debeamus, & per accidens est, quando illam ignoramus: ergo tunc ratio potius determinatur ab objecto & à medio, quam ut ipsa determinet medium.

Ex dictis constat responsio ad rationes dubitandi in contrarium. Neque enim queritur hic medium in illo rigore, sed per medium intelligentius *Equalitatem*.

## CONTROVERSIA IV.

*Quo sensu detur, vel non detur Justitia inter Patrem & Filium, Dominum & Servum, Maritum & Uxorem.*

### SUMMARIUM.

*Inter Patrem & Filium, Dominum & Servum, Maritum & Uxorem potest exerceri Justitia. 75. Non omnis obligatio Patris ad Filium est obligatio Justitiæ. 77.*

*Quomodo inter Dominum & Servum. 79.*

75. Aristoteles 5. *Eth. cap. 6.* docet inter personas recensitas respectivè non dari illiudam Justitiam, defectu sufficientis ætatis: quam doctrinam aliqui nimis sollicitè defendere conantur: nos eam breviter ex dictis resolvemus. De justitia inter Deum & hominem dictum est in lib. de Incarnatione, cum sit Theologico-Metaphysica potius, quam Juridica questio, ob quam causam plures hujusmodi subtilitates prætermitto, præsertim illas, quæ non pertinent specialiter ad præsentem materiam.

76. DICO I. Non potest universim negari, quòd possit exerceri Justitia commutativa inter prædictas personas, neque Aristoteles hoc asseruit. Ità communis contra Cajeranum & Valentiam. Probat quòd ad primum membrum de Patre & Filio. Si Pater furaretur Filio ex bonis Castrensibus, vel quasi Castrensibus, in quibus bonis ne quidem usum fructum habet jure novo, certum est peccaturum contra Justitiam: sicut etiam, quando bonorum adventitiorum substantiam (in qua usum fructum habet) non retineret salvam. Econtra si filius patrem impediret ab usufructu bonorum adventitiorum, peccaret contra justitiam. Ergo inter has personas datur Ius & Justitia. Probat etiam quoad Dominum & Servum. Nam Dominus mutilando servum, aut ejus famæ detrachendo, peccaret contra justitiam, & teneretur ad restitutionem famæ. Econtra servus fugiendo, aut furando suo Domino etiam peccaret contra justitiam, & teneretur redire (per se loquendo) ad Dominum, & quòd abstulit, restituere. Probat item quoad Maritum & Uxorem. Quia tenentur ex justitia ad debitum conjugale, ad non adulterandum, & maritus peccaret contra justitiam dissipando dotem, & econtra Uxor impediendo maritum ab usu dotis.



77. **DICO 1.** Non omnis obligatio Patris ad Filium & vicissim, est obligatio Iustitiæ, & hoc sensu si Pater & Filius formaliter spectentur, non obligantur ad invicem ex Iustitia. Dixi, si formaliter spectentur, hoc est præcisè secundum eas obligationes, quas natura introduxit inter Patrem & Filium, independentem ab omni libera voluntate eorumdem. Probatur. Nam Pater & Filius obligantur sibi invicem ex virtute Pietatis, quæ obligatio non est remissibilis ab illis quantumvis vellent; ut jam supra dixi. Neque refert, quòd aliquando ad eundem actum obligentur etiam ex Iustitia, v. g. ad præstanda alimenta in certis calibus. Non est enim novum, ad eundem actum posse aliquem duplici virtute obligari: sic conjunx obligatur non solum ex Iustitia, sed etiam ex Castitate & Religione non committere adulterium.

78. Præterea per leges Cæsareas, quatenus introduxerunt Patriam potestatem, filius familias quoad certos effectus censetur una persona cum patre, vel certe se habet ut res fructificans suo Domino, & non ut persona distincta, prout etiam observavit Azor lib. 1. c. 8. q. 5. quinam autem sint hi effectus, dicemus acturi de Patria Potestate.

79. Eadem est ratio in servo respectu Domini, & aliquo modo etiam in Domino respectu servi. Declaratur quoad primum membrum. Nam ex Constitutione juris gentium & Civilis Servus quæ talis ita se habet ad dominum, ut sit quasi Res domino suo fructificans: unde licet servus possit cum aliis contrahere, & ab aliis aliquid acquirere ac lucrari, totum tamen illud lucaatur domino & omnes ejus actus ordinantur in commodum & utilitatem Domini. Quare servo sic considerato non potest dominus obligari ex Iustitia: nemo enim potest obligari rei suæ. Ratio ulterior est, quia servi quæ talis voluntas est civiliter ipsa voluntas Domini: quapropter non potest suâ voluntate Dominum obligare, quia nemo obligatur ex Iustitia sibi, sed alteri & in commodum alterius.

80. Declaratur etiam quoad secundum membrum. Servus, quantumvis servus, est tamen res adeo pretiosa (utpote qui contra naturam servus est, cum à Natura deberet esse persona libera) ut dominus naturaliter obligetur hujusmodi rem suam non pessundare, nec omnino inutilem reddere Reipublicæ: unde posito quòd nolit servum venundare, debet illum alere, ne fame vexetur, quæ tamen obligatio non est ex Iustitia, ut bene notavit Card. de Lugo, quia nullam trahit post se obligationem restituendi (prout traheret, si alimenta ex Iustitia debita negarentur) nam illud ipsum servus acquireret domino suo. Neque hæc obligatio est instituta in utilitatem Servi, nec pendet ab ejus voluntate, sed est instituta in utilitatem Domini & Reipublicæ, quapropter pertinebit volad

Iustitiam Oeconomican, vel ad legalem, quæ sunt Iustitiæ minus propriè dictæ.

Denique quòd etiam inter Conjuges denatur obligationes, quæ non sint ex Iustitia commutativa, docetur in materia de Matrimonio. v. g. Maritus habet obligationem gubernandi domum tanquam caput familiæ, & uxor habet obligationem parendi, quæ obligationes non possunt ab illis remitti.

## CONTROVERSIA V.

*Verum eidem obligationi ex Iustitia Commutativa possit satisfieri pluribus vicibus.*

### SUMMARIUM.

**O**bligati ex Iustitia potest satisfieri pluribus vicibus. 81.

Potest Iustitia imperare excessum ultra debitum. 82.

Non præsupponit Iustitia debitum immediatè præexistens: bene tamen: existit. 85.

In secunda solutione reperitur eadem ratio motiva propria Iustitiæ. 87.

An possit anticipata solutio esse ex Iustitia. 88.

81. **P**rætermissem quæstionem hanc parum utilem, nisi duo Cardinales in ea resolvere se exercuissent. Cardinalis Pallavicinus de *Iust. lib. 4. c. 4.* Securus Turrianus, negat posse eidem obligationi pluries satisfieri ex Iustitia. Card. de Lugo affirmat d. 1. de *Iust. s. 1. à n. 24.*

**DICO** probabiliorē videri sententiam affirmantem. Probatur hæc sententia pluribus positivis argumentis, ad quæ tamen fortassis aliquid responderi posset, quia tamen adversæ partis argumenta clariorem recipiunt solutionem, & illi potius incumbit onus probandi repugnantiam, ideo prævalent argumenta pro hac sententia.

82. **P**robo Conclusionem primò. Si esset aliqua repugnantia, fundaretur in hoc, quòd obiectum formale Iustitiæ sit æquatio Iuris passivi cum activo, ita ut Iustitia non possit per suos actus plus exhibere alteri ad beneplacitum & commodum illius, quàm sit usus activum alterius, seu brevius, non plus quàm debeat, adeoque nullum excessum ultra debitum possit Iustitia imperare. sed hoc est manifestè falsum: ergo & c. Major est fundamentum adversariorum. Minor exemplis probatur. Qui alteri debetolvere centum mutuo acceptos post annum, si maturis solvat, plus præstat, quàm obligabatur, & tamen tota illa solutio præcedit ex actu Iustitiæ. Item Zachæus Evangelicus ex motivo Iustitiæ quadruplum reddidit, & quidquid reddidit, imperabatur à Iustitia, quia pro injusta defraudatio-

datione reddidit. Qui ex Iustitia tenetur alteri restituere famam, si id faciat scripto & oretenus, utrumque facit ex Iustitiæ imperio, & tamen ad tam amplam restitutionem famæ non tenetur. Qui tenetur ex Iustitia alteri alimenta præstare, non potest moraliter & humanitus ita satisfacere huic obligationi, quin plus faciat, quàm teneatur, nunquid enim ita potest attemperare vestes, cibos, habitationem &c. ut si paulò minùs faceret, non satisfaceret Iustitiæ? & tamen totum quod facit procedit ex affectu Iustitiæ. Si hæres obligetur legatario dare fundum aliquem indeterminatè, si det fundum optimum, operatur ex Iustitia, nec tamen tenetur dare fundum optimum.

83. Respondebunt adversarii, his instantiis benè probari, quòd possit actus Iustitiæ habere admixtam liberalitatem, sed non probari, quòd possit esse actus Iustitiæ præsupponens jam totum debitum extinctum per alium actum, quæ esset secunda solutio. Sed contra est, quia ex solutione argumentorum patebit, hanc esse meram materialem differentiam. Præterquam quòd Zachæus utique non totum quadruplum simul obtulerit, sed successivè, ut fieri solet, poruerit enumerasse.

84. Prob. Conclusio 2. Ponamus casum, quòd quis primam solutionem non possit in Iudicio probare, cò quòd amiserit chirographum, & ne vexetur ab adversario, ultrò facit secundam solutionem, tali casu si ultrò solvit secundò intuitu præcedentis debiti, verè exercet Iustitiam, & verè solvit ex Iustitia, alioquin non posset in Iudicio hanc secundam solutionem, tacitè priore, allegare sine mendacio. Neque in hoc casu posset facere occultam compensationem, sicut posset facere in casu quo per sententiam cogereetur secundò solvere, nec tamen haberet animum transferendi dominium. Ergo potest etiam secunda solutio esse ex Iustitia. Confirmantur hæc omnia magis in solutione argumentorum.

85. Obijciunt ergo primò. Quando non amplius existit debitum, repugnat esse voluntatem (seclusà ignorantia) satisfaciendi debito, supponeret enim talis actus obligationem quam scit, non adesse, & diceret; *volo satisfacere debito quo non tenor*, quod est ex terminis ridiculum.

86. Hoc argumento nimium probari, nempe quòd non posset aliquis se obligare, vel ab alio obligari secundò ad id, ad quod jam antè est obligatus: non enim magis repugnat: solvi eum qui non est ligatus, quàm ligari eum, qui non est solutus: atqui potest quis obligare seipsum, & etiam ab alio obligari ad id ad quod jam prius est obligatus. seipsum quidem potest secundò obligare v.g. repetitâ promissione, & repetitâ stipulatione potest etiam ab alio obligari: imò secundà solutione obligatur creditor secundò non exigere amplius debitum. Probarèt item,

quòd injuria vel offensa non posset secundò condonari, item quòd non posset quis per secundam sententiam absolvi, quod est falsum tam in sententia quæ fertur in tribunali humano, quàm quæ fertur in divino. Respondetur directè ad objectionem, actum Iustitiæ præsupponere quidem, aliquando existisse debitum, sed non necessariò præsupponere, quòd immediatè præ-existerit, & non fuerit antecederet satisfactum, ut patet in exemplis allatis, ex quibus constat, ad obtinendū finem Iustitiæ sufficere, quòd medium quod adhibetur sit actile ad illum finem obtinendum, qui est: obligare alium ad non amplius exigendum debitum: seu: ad aufereudum alteri potestatem exigendi. sufficit ergo secundum solutionem esse extinctionem debiti virtualem, etiamsi non sit extinctio actualis: sicut omne peccatum mortale est extinctio Gratiæ, non quidem semper actualis, sed sæpè solum virtualis, nempe quando secundum supervenit primo necdum deletio.

86. Obijcit Card. Pallavicinus 2. Ex nostra Conclusionè sequitur, quòd is qui semel debuit obolum, posset suo creditori ex motivo Iustitiæ dare aurum totius mundi iterum & iterum solvendo idem debitum: atqui ex ipsis terminis apparet hoc esse falsum. Ad hoc argumentum, quod vult unice terrere admiratione, respondit acutè simul & graciosè quidam Recentior Hispanus, concedendo sequelam, dummodo in singulis solutionibus mente & voluntate referat rem æqualem quam reddit ad injuriam antecederent delendam, & secundum æqualitatem compensandam: *tanto enim*, inquit *congesto auri pondere à semel suscepta veritatis defensione non fluctuatur*.

87. Obijcit idem 3. Rationem à priori. Non potest fieri ex motivo Iustitiæ vel alterius virtutis illa actio, quæ non promovet illius virtutis finem: atqui secunda solutio non promovet æqualitatem quæ est finis Iustitiæ: ergo ex motivo Iustitiæ non potest fieri secunda solutio. Respondet idem Recentior, ex hac ratione à priori confici rationem à priori pro nostra Conclusionè. Ubi enim reperitur formalis ratio objectiva virtutis, possumus operari ex tali virtute: atqui in reddenda secunda solutione reperitur eadem ratio formalis objectiva amandæ, quæ inerat primæ solutioni: ergo ex eadem virtute Iustitiæ ex qua amata fuit prima solutio, potest etiam amari secunda. Major supponitur tacitè ab ipso adversario, & est ex terminis certa. Minor probatur. Quia ratio formalis objectiva quæ terminat amorem Iustitiæ, non est obligatio (ut ex suprà allatis exemplis patet) sed æqualitas inter solutionem & damnum allatum, & hæc eadem æqualitas relucet in secunda solutione, quæ non minùs æqualis est quàm prima. In forma respondetur ad objectionem, vel negando majorem, vel distinguendo; non potest fieri ex mo-

ex motivo Iustitiæ actio quæ non promovet augmento intensivo finem virtutis, negatur, quæ nec intensivo nec extensivo, conceditur: secunda solutio promovet augmento extensivo.

88. QUÆRET aliquis, an possit à justitia etiam satisfieri anticipatâ solutione pro debito futuro. 2. Cùm eodem Card. de Lago, & Recentiore sæpius laudato, affirmativè quam doctrinam supposui in lib. de Incarnat. ubi dixi, posse meritum præmiari præmio anticipato, & compensari merito subsequente, quod voco *meritum compensativum*, & ostendi, merita Christi fuisse inadæquato præmio præmiata anticipatè per dona supernaturalia data Patribus antiquis, & repugnare prioritatem naturæ alicujus existentis pro tempore posteriore respectu existentis tempore priorè: quam doctrinam à me traditam approbârunt deinde plures Philosophiæ Magistri. Quod nunc ad Iustitiam attinet, illius clara instantia est, quam insinuat Lugo n. 28. Scio me à Paulo esse scriptum hæredem, & in testamento me gravari legato centum florenorum solvendorum Sempronio: possum ego necdum additâ hæreditate, adeoque necdum contractâ obligatione solvendi legatum, solvere Sempronio antècedenter legatos centum florenos, quam solutionem si Sempronius acceptet, (& quidnam acceptaret?) non potest postea agere ex testamento ad solutionem legati: ergo satisfactum est ex justitia. Ratio est: quia obligatio est ex justitia, nempe conditionalis, si non est jam anticipatè solutum. Nisi malis dicere, tali solutione impediri, ne nascatur obligatio, quæ alioquin nasceretur.

Dices: Secunda vel anticipata solutio meretur gratiarum actionem; ergo non est actus justitiæ. 2. Dist. antecedens. Meretur gratiarum actionem propter admixtam liberalitatem, concedo: præcisâ liberalitate, & considerata secundùm se, nego anteced. & consequentiam. Nam suprà ostendi, non repugnare actui justitiæ habere admixtam liberalitatem.

## CONTROVERSIA VI.

*Quomodo Iustitia Commutativa differat à Iustitia Distributiva.*

### SUMMARYUM.

**V**ariæ sententiæ de differentiâ Iustitiæ Distributivæ à Commutativæ. 89.

Distributiva non merè accidentaliter differt à Commutativa. 93.

Æqualitas Arithmetica & Geometrica non est sufficiens ratio diversificandi. 94.

Quando in membris communitatis datur Jus ad rem, distributio bonorum communium non fit ex distributiva, sed commutativa. 99.

Cum obligatione bene administrandi Officium, stat obligatio ex commutativa. 100.

Ad illam virtutem pertinet distributio, ad quam pertinet restitutio violatæ virtutis. 101.

Nec ad justitiam distributivam, nec ad commutativam spectat, tribuere communitati Jus ad Rem, hoc est, Officium. 102.

Justitia cujus obligatio est independens à voluntate illius erga quem exercetur, non attendit Jus strictè dictum. 104.

Justitia distributiva an sit Iustitia propriè dicta. 105.

Quare non exercetur distributiva, quando officium confertur extraneo ex consensu communitatis. 108.

Distributio onerum & contributionum plus participat de commutativa, quam distributiva. 109.

Quale sit peccatum, quod distributivæ opponitur. 110.

89. PRIMA sententia est Buridani, quem aliqui RR. secuti sunt, Iustitiam distributivam non differre essentialiter, & ex motivo à justitia commutativa, sed solum accidentaliter, seu materialiter.

Secunda sententia valde communis est, quod differant per respectus ad diversas æqualitates. Commutativa enim respicit, & intendit constituere æqualitatem arithmeticam, distributiva verò æqualitatem geometricam, seu inter duas proportioniones. Æqualitas arithmetica versatur intra duos terminos; ut, si tu habeas Ius exigendi decem, & ego solvam decem: Geometrica æqualitas est æqualitas inter duas proportioniones, & versatur inter quatuor terminos, seu realiter, seu virtualiter distinctos: v.g. sicut se habent duo ad octo, ita se habent 4. ad 16. unde si Petri merita in Republica se habent ad merita Pauli, sicut octo ad duo, debet in distributione cum simili excessu accipere.

90. Tertia sententia est, ingeniosa valde, P. Martini Espatza, qui imprimis docet, Iustitiam distributivam non minùs quam commutativam, respicere jus & debitum strictè dictum, ita ut si lædatur, non minùs teneatur lædens ad restitutionem; quam qui lædit justitiam commutativam. Unde infert, quod non pertineat ad justitiam distributivam distribuere inter membra communitatis bona communia, si nullâ lege, aut pacto priùs constitutum est, ut talis distributio heret: talis enim distributio (ut hic auctor vult) pertinet vel ad liberalitatem & munificentiam, vel ad gratitudinem. Quando autem lex aut pactum præcessit, tunc fuit membris communitatis quæsitum jus, non quidem jus in re, sed jus ad rem.

91. Docet secundò, quod justitia distributiva duo lura attendat, illisque satisfaciatur indivisim. Unum est jus ad rem ipsorum membrorum communitatis, ut jam dictum est, alterum Ius est penes ipsam communitatem, quæ antècedenter ad distributionem habet jus in re in illis bonis; ita quidem, ut per distinctionem hoc

Ius non omnino amittat, sed tantum aliquo modo immittat, quatenus ex iure in re, sit ius ad rem, cum contra membra communis per ipsam distributionem ex iure ad rem acquirant ius in re. Quando ergo distributor exercet iustitiam distributivam, debet attendere utrumque ius & utilitatem, tam communis, quam membrorum, sed principaliter bonum communis.

92. Docet 3. Iustitiam distributivam non exerceri, nisi in distributione officiorum, quæ nimirum ita conferuntur, ut ille, cui confertur, hoc ipso obligetur communitati administrare tale officium in bonum communis, atque sic communitas habet adhuc ius ad rem, scilicet ad officium illud, quatenus habet sibi obligatum in suum commodum. Itaque secundum hunc auctorem differt denique iustitia distributiva à commutativa, quod illa respiciat principaliter bonum communis in distributione officiorum cum prædicta obligatione, cum contra iustitia commutativa principaliter attendat ius personæ privæ, & nullam inducat obligationem solvendo, quod illi debetur. Prolixus est auctor in hac sua doctrina persuadenda.

Quarta sententia est, iustitiam distributivam à commutativa unice differre per hoc, quod respiciat debitum diversæ omnino rationis, nempe debitum non strictè dictum, nec fundans obligationem restitutionis, casu quo ledatur, & quod principaliter attendat bonum communis, cuius bona distribuit. Ita sentiunt Suarez *Opus. de Iust. f. 3. n. 14.* Rebells *lib. 1. de Præd. Iust. q. 3. f. 3.* Lessius *lib. 2. c. 1. dubit. 4. in fine & c. 32. dubit. 3. cum pluribus à se cit.* Lugo *d. 1. f. 3. à n. 47.* Joan. de Castillo: *lib. 2. rr. 2. d. 7. dub. 3. n. 57.* & hæc sententia mihi verissima videtur, quam ut ordine tradam

93. DICO 1. Iustitia distributiva non merè accidentaliter, aut materialiter, sed essentialiter, & specie differt à iustitia commutativa. Ita cum S. Thoma ceteri Theologi contra primum sen. Probatur Conclusio. Potest assignari motivum formale diversum, ut infra dicemus: ergo est diversæ utriusque speciei.

94. DICO 2. Equalitas arithmetica & Geometrica non est sufficiens ratio diversificandi specie rheologica iustitiam Commutativam & Distributivam. Probatur 1. Si hæc esset unica ratio diversificandi illas virtutes, deberet iustitia distributiva semper exerceri circa proportionem Geometricam, & contra iustitia Commutativa nunquam deberet exerceri circa proportionem Geometricam: sed neutrum est verum. Ergo &c. Minor probatur quoad primum membrum. Quando vacat aliquod officium, tunc est conferendum huiusmodi officium, & quidem ex iustitia Distributiva: atqui tunc non observatur proportio Geometrica, quia

officium consistit in indivisibili, & non potest nisi uni conferri: ceteris autem, qui fortassis essent etiam digni, nihil confertur, vel si non nisi unus dignus est, illi soli potest conferri: ergo tunc non observatur proportio Geometrica inter merita subditorum inter se comparatorum, & dona. Quod autem huiusmodi collatio officii pertineat ad iustitiam distributivam, est communior Sententia Theologorum, & constabit ex dicendis.

95. Respondent, adhuc observari proportionem Geometricam, quatenus comparatur dignus cum non dignis, & officium cum negatione officii. Sed contra est, quia potest contingere, ut plures sint digni, & quidem æqualiter, vel, etiam si unus sit ceteris dignior, ceteri tamen, illo digniore absente, essent etiam digni, & tamen hic & nunc nihil accipiunt, quamvis non careant omni dignitate. Deinde si comparatio digni cum non dignis esset observatio proportionis Geometricæ, sequeretur, quod etiam iustitia Commutativa semper observaret hanc proportionem, quando solvit aliquid debitum: quia semper comparat illum qui habet ius cum eo qui non habet ius; v. g. quando solvit centum Petro, ideo dat omnes centum Petro, & nihil Paulo, quia Petrus habet ius ad centum, & Paulus ad nihil: alioquin si Paulus haberet ius ad. 20. & Petrus ad. 80. deberet hac proportionem solvere: atqui nemo dicit, in priori casu observari proportionem Geometricam.

96. Probatur jam minor quoad secundum membrum, & declaratur in contractu Societatis, ubi lucrum debet distribui inter socios per partes proportionales ad summam, vel operam, quam contulerunt. Pari modo quando quis habet plures creditores summarum in æquum, & non potest omnibus satisfacere, debet solvere omnibus & singulis secundum proportionem iurium quæ habent. Neque refert, quod hoc sit per accidens ex defectu majoris pecunie: nam ratio specificativa unius virtutis ne quidem per accidens potest convenire alteri speciei.

97. Probatur Conclusio. 2. Quia ille diversæ æqualitates non sunt aptæ inducere diversam formaliter honestatem in actus, nisi aliquid aliud accedat: quapropter licet possent specificare habitus & actus pertinentes ad Mathesin, non tamen pertinentes ad considerationem Theologicam aut Iuridicam.

98. Obijci solet auctoritas Aristotelis & S. Thomæ, imò communis sensus DD. qui uniformiter antehac & etiam nunc, paucis exceptis, discrimen inter illas duas iustitias desumpserunt ex diversæ æqualitate & proportionem. Cum Lugone, Dicastillo & aliis, negando, quod vel ab Aristotele vel à S. Thoma fuerit illa diversæ æqualitas assignata pro morivo specificante; voluerunt enim solum dicere, illas æqualitates diversas plerumque & regulariter observari à di-



versis illis Iustitiis, quamvis per accidens aliter fieri possit.

99. DICO 3. Quodcumque vel ex lege, vel ex pacto datur in membris communitatis Ius ad rem strictè dictum, tunc, quando proportionaliter ad illud Ius fit distributio bonorum communium, hæc distributio non fit ex Iustitia distributiva, sed commutativa. Probatur primò ad hominem contra adversarium, qui expresse fateretur, quòd quando hoc modo distribuuntur pecuniæ redundantes in Republica, vel alia bona (officiis exceptis) quòd, inquam, talis distributio, supponens Ius ad rem, sit actus Iustitiæ Commutativæ, & non Distributivæ. Unde subsumo: atqui non est alia ratio in distributione officiorum: ergo vera est Conclusio. Minor probatur primò auctoritate tum Aristotelis tum S. Thomæ, qui docent, non minùs exerceri Iustitiam distributivam in distributione pecuniarum quàm officiorum. Ita habet Aristoteles 5. Eth. c. 2. S. Thomas verò ar. 3. in 2. arg. Distributio inquit, quæ pertinet ad Iustitiam distributivam est pecuniæ, vel honoris vel aliorum, quæcumque dispariter possunt inter eos qui communitate communicant. Unde subsumo: atqui distributio pecuniæ supponens Ius ad Rem, non ampliùs pertinet ad Iustitiam distributivam, imò secundùm adversarium nunquam pertinet, quia, ut ipse putat, quando non supponit Ius ad rem, sit ex virtute liberalitatis vel gratitudinis, vel munificentis &c. ergo cùm nec Aristoteles, nec S. Thomas, nec alius ullus DD. unquam fecerit discrimen inter distributionem pecuniæ, aut officiorum, supposuerunt utique, quòd ex eodem capite impediatur exercitium Iustitiæ distributivæ in officiis, ex quo impeditur in pecuniis: atqui in his impeditur, quando datur Ius ad rem: ergo & in officiis.

100. Probatur 2. Quia discrimen quòd adversarius assignare conatus est, nullum esse videtur. Quòd enim ille qui accipit officium, obligetur Communitati ad officium rectè administrandum, nullo modo impedit quominus illi conferatur ex Iustitia Commutativa: idque ostendo evidentibus exemplis: & imprimis dissimulo, quòd in quibusdam Regnis & Provinciis officia emantur, ubi nemo sanus dixerit illa conferri ex Iustitia Distributiva, & tamen emptores contrahunt obligationem ea fideliter administrandi. Exemplum clarissimum est in collatione Beneficii ad quod aliquid est præsentatus, qui enim præsentatur, acquirit Ius ad beneficium, & quando ab Ordinario instituitur, Ordinarius, seu illius Vicarius exercet actum Iustitiæ Commutativæ tam erga Præsentatum, quàm erga Patronum, & tamen Beneficiarius contrahit obligationem administrandi fideliter beneficium, serviendique Communitati. Aliud exemplum sit, quando iaculatores conferunt certam summam eo pacto, ut qui ex certantibus metam pro-

prius attigerit, plus accipiat: hanc distributionem nec P. Elparza negaverit fieri ex Iustitia Commutativa, & tamen solet habere annexum pactum, quo obligantur certis diebus se exercere, & hoc in bonum Communitatis, ut se cedant idoneos ad defendendam patriam.

101. Probatur 3. Ad illam Virtutem pertinet Distributio, ad quam pertinet Restitutio casu quo fuerit violata: sed Restitutio pertinet semper ad Iustitiam Commutativam: ergo &c. Minor probatur quoad Officia, nam in cæteris etiam adversarius consentit. Ponamus ergo, Petro conferri Officium Consulis, præterito Paulo qui habebat Ius ad Rem. Quæro, vel valet collatio, vel non valet: si dicas valere evidentè sequitur, non posse Restitutionem fieri à Iustitia Distributiva, ut enim ab hac fieret, deberet Petrus ab officio removeri; & Paulo conferri, alioquin non observabitur illud duplex Ius, quod vult observandum esse adversarius, ut suprà retulimus: atqui falsum est, debere hoc modo fieri Restitutionem, nec enim sine injuria posset Petrus amoveri, si sit cæteroquin idoneus ad officiũ, sed debet tunc Paulo fieri restitutio aliis modis, quantum illius intererat, fuisse sibi collatum officium, & hanc Restitutionem debet distributor facere ex propriis bonis, & hæc restitutio, in omnium sententia pertinet ad Iustitiam Commutativam. Si verò dicas, collationem non valere, quæro, ex qua lege hoc probet adversarius; nam certi juris est, quòd per se loquendo, Ius ad rem non invalidet translationem domini in alium. Præterea sequeretur, omnia acta hujusmodi consulis fore nulla, saltem si constaret, quòd alius habuisset Ius ad rem ob majorem dignitatem: quod est contra sensum communem & praxin.

102. DICO 4. Nec ad Iustitiam Distributivam, nec ad Commutativam spectat, tribuere Communitati Ius ad Rem, hoc est, ad Officium, obligando officialem Communitati ad bonum illius procurandum. De Iustitia Commutativa certa est Conclusio. De Distributiva probatur. Suppono autem, quòd Iustitia Distributiva principaliter exerceatur à Communitate vel à Capite communitatis, representante ipsam communitatem: quod si distributio fiat ab aliquo officiali, si non sigo sed Communitatis nomine distribuit. Ratio est, quia distributio fit principaliter ab eo, cujus sunt ipsa bona quæ distribuuntur; sed bona quæ distribuuntur ex Iustitia distributiva sunt bona Communitatis: ergo hæc est quæ principaliter distribuit. Hoc posito probatur Conclusio in exemplo. Quando Capitulum confert alicui ex Capitularibus Beneficium, exercet Iustitiam Distributivam etiam in sententia adversarii: atqui tunc non tribuit Capitulo Ius ad Rem. ergo Iustitia distributiva non tribuit Ius ad rem. Minor probatur.

Quia



Quia nemo tribuit sibi ipsi Ius, nec exercet Iustitiam erga se.

103. Dices. Capitulum verè acquirit Ius ad Rem: ergo aliquis illi tribuit: non nisi Capitulum per distributionem: ergo &c. Respondetur negando, quòd Capitulum per collationem Beneficii acquiritur jus ad rem, hoc est, ad Beneficium (ut vult adversarius:) nam Ius ad rem respicit immediatè personam, quam sibi habet obligatam ad aliquid tradendum, vel præstandum: Ergo si Capitulum acquireret Ius ad Beneficium, Beneficiarius non posset illud retinere, sed esset obligatus ad illud resignandum in manus Capituli: & sanè est ex terminis absurdum, quòd dum ego alteri confero Ius in re, per hanc ipsam collationem acquiram Ius ad illam ipsam rem. Hoc inquam, tam manifestè implicat, quàm implicat, quòd dum se quis alteri vendit in servitutem, per hanc venditionem acquirat Ius ad manumissionem. Itaque Capitulum non acquirit Ius ad rem, hoc est, ad Beneficium, sed acquirit Ius ad rem, hoc est, ad exigendos actus à Beneficiario præstandos ex natura Beneficii ad quos se obligat dum acceptat Beneficium: hoc ergo Ius ad rem non confert Capitulum sibi ipsi, sed provenit à voluntate acceptantis Beneficium, qui se vult ad hos actus obligare, sicut qui mihi locat operam suam, dat mihi Ius ad exigendas operas.

DICO 5. Iustitia Distributiva differt essentialiter à Commutativa per hoc, quòd in distributione bonorum communium attendat, & respiciat debitum minùs strictum, hoc est, quòd quidem debitum non est Ius ad rem, fundans obligationem resistuendi, sed quod consistit in dignitate majore; vel minore eorum, qui in tali Communitate continentur, ordinando hujusmodi distributionem principaliter in bonum Communitatis. Ità AA. quartæ sent. & est meo iudicio aperta sententia S. Thomæ, nam q. 64. a. 1. ad 5. sic ait: *Dicendum, quòd Iustitia Distributiva & Commutativa non solum distinguantur secundum unum & multa, sed secundum diversam debiti rationem. Alio enim modo debetur alicui id, quod est commune, & alio modo id, quod est proprium.* Subsumo, atqui si Iustitia distributiva attenderet Ius & debitum strictè sumptum, non aliò modo deberetur id, quod est commune, ac illud, quod est proprium, ut patet in Contractu Societatis, in divisione bonorum communium, v.g. ex hereditate, vel legato debitorum: ergo S. Thomas agnovit debitum minùs strictum. Conclusio non egeret alià probatione, quàm refutatione aliarum sententiarum, & objectionum solutione. Nihilominus

104. Probo Conclusionem à priori ex supradictis de Iure activo strictè dicto. Illa Iustitia non attendit Ius strictè dictum, cujus obligatio est independens à voluntate libera illius erga quem exercetur, nec ab eo est remissibilis. Sed

obligatio iustitiæ distributivæ est obligatio independens à voluntate illius, erga quem exercetur: ergo, &c. Minor probatur. Distributor bonorum communium obligatur ad offerendum plus bonorum digniori, & minus bonorum minùs digno secundum proportionem Geometricam per se loquendo, ità quidem ut is, qui est magis dignus, non possit hanc obligationem suà voluntate cessivà remittere. Potest quidem nolle acceptare beneficium, sed non potest facere, quominus antecederet ad declarationem huiusmodi voluntatis non acceptandi, obligetur distributor ei deferre, quia debet attendere bonum commune, cui non potest præjudicare voluntas privati: sicut in simili, potest quidem homo in gravi necessitate constitutus nolle accipere oblatam elemosynam, sed non potest antecederet deobligare divitem ab offerenda elemosyna ex charitate.

105. Obijciat. Ex nostra Conclusionis sequitur, Iustitiam Distributivam non esse Iustitiam propriè dictam, vel saltè æquivocè: talis enim erit Iustitia, quale est Ius, seu debitum, quod respicit: sed Ius minùs strictè sumptum non est Ius propriè dictum: ergo nec Iustitia distributiva erit Iustitia propriè dicta. Respondet Card. de Lugo, in hoc posse fieri questionem de nomine, & posse sequelam cum Suarez, & Rebello concedi: quia tamen communi usu solet vocari Iustitia, sicut etiam Punitiva, seu Vindicativa, quæ tamen non respicit Ius propriè dictum, reatus enim ad poenam non rectè diceretur Ius ad poenam, ideo potest simpliciter vocari Iustitia. Melius tamen

106. Responderi potest 1. Negando sequelam: pro quo advertendum est, illos, quibus tanquam dignis proportionaliter distribuuntur bona communia, posse considerari dupliciter: primò prout sunt pars Communitatis, seu Communitas inadæquatè sumpta: Secundò prout sunt personæ distinctæ à cæteris constitutentibus communitatem. Posteriori modo considerati nullum habent Ius strictum in illis bonis: priore modo considerati habent Ius in re, sed inadæquatam inadæquatione *subiecti*, non inadæquatione *objecti*. Itaque considerati posteriori modo accipiunt per distributionem illud, quod est illorum consideratorum priore modo. Eleganter hoc expressit D. Thomas in responsione ad secundum, ubi sic obijciabatur ad probandum, quòd Iustitia Distributiva non sit species Iustitiæ. *Actus enim Iustitiæ est reddere unicuique, quod suum est: sed in distributione non redditur alicui, quod suum erat, sed de novo appropriatur sibi id, quod erat commune.* In hoc argumento rō suum non accipitur rigorosè pro Iure in re, sed pro Iure prout præcindit à Iure in re, & à Iure ad rem, ut omnes tradunt, alioquin major esset fallā, quam tamen, & rectè, concedit S. Thomas juxta explicationem suprà traditam,

tam. Respondet ergo ad minorem propositionem, non quidem simpliciter illam negando, sed cum distinctione jam insinuata: *Dicendum, inquit, quod sicut Pars & Totum quodammodo sunt idem, ita id, quod est rotius, quodammodo est partis: & ita cum ex bonis communibus aliquid in singulos distribuitur, quilibet aliquo modo recipit, quod suum est.* Hæc S. Thomas.

107. Hinc autem facile declaratur primò: quomodo Iustitia Distributiva nec improprie, nec æquivocè, sed univocè sit Iustitia, intelligendo nimirum per Iustitiam in genere, prout abstrahit à Commutativa & Distributiva, virtutem, quæ Ius suum tribuit unicuique, vel *suum* prout est pars Communitatis, vel suum, prout est persona privata à cæteris distincta, ab utroque præscindendo.

108. Declaratur 2. Quare non exerceatur Iustitia distributiva, quando officium aliquod confertur extraneo ex consensu communitatis. Ratio, inquam, ex dictis patet, quia Iustitia distributiva non respicit solam dignitatem, neque dignitas est adæquatè Ius illud, quod attenditur à Iustitia, sed insuper requiritur, ut illa persona erga quam exercetur Iustitia Distributiva, sit pars communitatis, & quæ talis habeat Ius strictè sumptum, inadæquatam inadæquatione *subiecti*, ut dictum est. Cum igitur extraneus hoc Iure careat, non potest circa ipsum exerceri Iustitia Distributiva.

109. Inferitur 3. Distributionem onerum, & contributionum plus participare de Iustitia Commutativa, quam de Distributiva. Non enim meretur nomen Iustitiæ, nisi in quantum non imponit uni plus, quam vires illius ferant, cum proportionem ad aliorum vires maiores, aut minores: nam hoc modo exercetur Iustitia, conservando Ius jam prius habitum: nempe Ius, ut

non gravetur ultra vires, & proportionem. Imponendo verò onus non confertur aliquod Ius passivum, sed potius auferitur, ut patet. Jam verò, hoc, quod est: non onerare ultra vires: pertinet propriè ad Iustitiam Commutativam, quia observat Ius strictè dictum, & si non observetur, est facienda restitutio ex Iustitia Commutativa, ut observavit Lugo. Nihilominus illa distributio participat aliquid de Iustitia Distributiva, quatenus huiusmodi impositio onerum ordinatur in bonum Commune, & observatur proportio Geometrica, & hoc sensu potest vocari Iustitia Distributiva, in acceptione largiore, quo sensu multi actus tribuntur Iustitiæ Distributivæ, v. g. quando Paterfamilias facit distributionem in sua familia. Inò S. Thomas *q. 63. a. 4. ad 1. ait*, ipsum actum Iudicii, quo Iudex aliquid uni adjudicat contra alterum, posse etiam dici actum Iustitiæ Distributivæ, cum tamen, ut ibidem dicit, sit simpliciter actus Iustitiæ Commutativæ.

110. Inferitur 4. Quale sit peccatum, quod Iustitiæ Distributivæ opponitur. Est nempe peccatum acceptionis personarum: neque enim est acceptio vitiosa personarum, quando quis liberaliter alicui aliquid donat præ alio æquè capaci illius boni, si neutri debeatur. Sic Deus non est acceptor personarum, quando ex duobus peccatoribus unum assumit ad gratiam, alium relinquit, ut docet S. Thomas, *q. 63. a. 1. ad 3.* Quare personarum acceptio secundum eundem in C. opponitur Iustitiæ Distributivæ, & committitur, quando quis non ob merita, sed ex aliis causis, v. g. quia est consanguineus, amicus, &c. tribuit alicui, quod ratione meritorum, & dignitatis alteri deberetur. Hæc nobis de Iustitia Distributiva sufficiant, qui principaliter Commutativam tradere constituimus.



## C A P U T II.

### DE INIURIA, ET OBLIGATIONE SATISFACIENDI PRO ILLA IN GENERE.

#### C O N T R O V E R S I A I.

*Quo sensu verum sit axioma: Volenti non fit iniuria.*

#### S V M M A R I U M.

**I**niuria theologicè quid sit. 112.  
Scienti & consentienti non fieri iniuriam, de quali consensu sit intelligendum. 115.

Voluntas cessiva Iuris aliquando est efficax, aliquando inefficax. 116.  
Quomodo verum, quod Beneficium non conferatur invito. 117.

Consen-

*Consentienti voluntate efficaciter cessiva Juris, non fit injuria.* 118.

*Quomodo Mutuarius solvens usuras patitur injuriam.* 120.

*An possit maritus codere Jure suo, quoad adulterium uxoris.* 121.

*Cui Clericus non possit cedere privilegio fori, aut Canonis.* 123.

*Consentienti voluntate inhabilitata fit injuria.* 124.

*An esset injuria ejusdem speciei Theologica.* 125.

111. **E**xplicata Iustitiâ, & jure in genere, declarandi sunt actus Justitiæ oppositi, quibus alterius Ius lædatur: potest autem alterius Ius lædi, vel voluntariè, vel non voluntariè. Si lædatur voluntariè, hoc est, cum cognitione juris alieni, dicitur & est injuria formalis Theologicè loquendo. (nam aliter injuriam sumunt Juristæ, ut infra dicetur.) Si verò lædatur absque cognitione Juris alieni, est injuria merè materialis. Uterque modus lædendi Ius alienum fundat obligationem satisfaciendi pro damno illato, ut patebit ex dicendis. Prior tamen modus venit potissimum in considerationem Theologicam.

112. Injuria itaque Theologicè sumpta aliud non est, quàm voluntaria actio, vel omnisio actionis contra Ius alterius. Constat ex disputatis de Jure superiùs. Cùm enim Ius actuum realiter loquendo, aliud non sit, quàm voluntas naturæ rationalis, vel propria, vel interpretativa, vi cuius alter est obligatus in commodum hujus aliquid agere, vel non agere, hoc ipso quamdiu subsistit tale Ius, neque est extinctum contrariâ voluntate, actio contrariâ est injusta, quia est contra specialem obligationem, ad quam implendam obligabat virtus Iustitiæ.

113. Hinc nata est Regula Juris 27. de Reg. Jur. in 6. *Scienti & consentienti, non fit injuria, neque dolus.* Et Regula 187. ff. cod. tit. *Nemo videtur fraudare eos, qui sciunt & consentiunt.* Et S. Thomas q. 59. a. 3. cum Aristotele 5. *Eth. cap. 9.* Supponit id lumine naturæ notum esse.

Ne autem sensus hujus Regule pervertatur, sed legitimus sit & universalis, referendi sunt aliqui casus, in quibus videri posset falsificari, eò quod etiam sciens & consentiens injuriam patiatur.

Primus est. Qui solvit feneratori usuras propter mutuum ab eo acceptum, sciens utique & consentiens facit, & tamen fenerator accipiendo solutionem committit injuriam, & tenetur ad restitutionem usurarum.

Secundus. Marito quantumvis consentienti in adulterium uxoris, fit injuria tam ab adultero, quàm ab adultera.

Tertius. Consentienti in suam necem, vel mutilationem, adhuc fit injuria ab occisore, aut mutilante.

Quartus. Clerico quantumvis consentienti fit injuria à percussore. *C. contingit de sententia excommunicat.*

114. Quintus. Qui ex metu gravi & injusto consentit in damnum suum, verè & liberè consentit, & tamen patitur injuriam, non solum patiendo metum, sed etiam damnificatione in quam consentit. Pro similibus casuum resolutione

115. Notandum est primò: Regulas allatas non posse intelligi de quacunque voluntate, seu complacentiâ, seu gaudiis, seu desiderio circa actionem illam, quâ quis læditur in bonis suis. Nam Christus Dominus & Martyres verè passi sunt injuriam, non obstante desiderio, quod habuerunt patiendi. Sap. 5. *Stabant Iusti ante tribunal Christi in magna constantia adversus eos, qui se angustiaverunt.* Pari modo maritus verè patitur injuriam per uxoris adulterium, etiam si fortè desideret adulterium uxoris in eum finem, ut possit petere divortium, vel lucrari dotem, vel recusare debitum conjugale: hæc enim omnia supponunt, per adulterium factam fuisse injuriam. Requiritur ergo voluntas talis, quâ quis dicitur velle cedere jure suo, saltè quoad aliquem actum & effectum, & hæc voluntas debet alteri innoscere: De hac ergo voluntate quaeritur, utrum semper sufficiat, ut alter non faciat injuriam per actionem læsivam, quâ faceret injuriam, si alter non cederet Jure suo.

116. Notandum 2. Voluntatem propriam cessivam Juri, aliquando esse efficacem, aliquando inefficacem. Efficax est, quando à nulla superiore potestate inhabilitatur: inefficax est, quando inhabilitatur. Aliquando autem inhabilitari constat in pupillo, minorenni, conjugate, filiosam. &c. qui in certis casibus non possunt, etiam si consentunt, Ius suum abdicare, quin alter maneat obligatus ad illud non lædendum, vel si læsit, ad reparandum, lege videlicet altiore resistente propter bonum Reipublicæ hoc exigentis. Quemadmodum enim expediebat subditis, ut in certis casibus possent ex sola superioris voluntate, sine ulla voluntate propria, acquirere Ius, & alios habere sibi obligatos, ut patet in infantibus, ita ad rectam gubernationem spectabat potestas etiam subditis invitis, quandoque eorum Iura conservandi. Et licet hoc videri posset fieri contra subditorum voluntatem, verè tamen fit juxta eorum voluntatem implicitam, universalem, & primariam, ac absolutam, quâ in potestatem superioris consentiunt, eique se subjecerunt, vel aliunde subiecti sunt, nec possunt se pro libitu tali potestati subtrahere. Quin imò potestas superioris non solum potest Iura subditorum modo prædicto conservare, sed è contrario ea etiam extinguere, isis quantumvis repugnantibus & invitis, in quantum felicitas Reipublicæ talem potestatem requirit.

rit. Hinc potest Magistratus in ædificiis extruendis certos terminos altitudinis præscribere, cum aliquin unicuique Ius esset ad Cælum usque ædificandi, potest item servitutes imponere prædiis, & domibus, v.g. ut transitus sit liber, ut ad puteum pateat accessus omnibus, &c.

117. Dices : Beneficium non confertur invito, Reg. 69. ff. de R. J. ergo nec invito conservatur Ius. R. Antecedens esse tantummodo verum, per se loquendo, & quando est rationaliter in vitus: aliis sæpè fallit, ut ibidem notat glossa, & habetur exemplum in lege, non tantum ff. de appellationib. ubi glossa notat, invito fieri Beneficium: ita communis habet sententia, posse meum votum, & iuramentum à Pontifice solvi me invito. Item intelligendum est de tali beneficio, cujus collationis valor requirit acceptationem. Aliter explicat P. Esparza, quòd Beneficium in speciali ratione Beneficii, sive formaliter non confertur invito, quia Beneficium ut Beneficium, debet esse gratum, & juxta complacentiam accipientis, & sine molestia, quam afferret, si esset invitatus. Accipit fortassis hanc explicationem ex glossa in cit. Reg. ubi Ratio regulæ redditur his verbis. *Beneficium enim affert gaudium capienti, & invitatus nemo gaudet.* Hæc quidem doctrina in se vera est, sed non ad sensum, & mentem Regulæ. His positis

118. DICO I. Conscienti voluntate efficaciter cessiva Iuris, non fit injuria ullo modo. Patet ex dictis. Injuria non est, ubi in altero Ius non resistit: sed quando alter cessit efficaciter jure suo, jus non resistit, imò pro tali actu moraliter non existit, sed est sublatum, vel suspensum. Ergo, &c.

119. Ad casus in oppositum allatos sufficit in præsentem dare responsum conditionalem, nam absoluta aliò spectat. Itaque, vel Maritus, Clericus, occidendus, aut vulnerandus habet voluntatem non ligatam, adeoque efficacem non tantum in affectu, sed etiam in effectu ad cedendum jure suo, vel non. Si primum, dicendum est non fieri illis injuriam, & ita docet absolute Lugo: Si secundum, dicendum est adhuc fieri injuriam, quia illius voluntas est moraliter nulla, quatenus non potest, nisi vellet cedere jure suo, & nanct moraliter voluntas obligans in voluntate superioris.

Breviter tamen dicamus aliquid ad casus in particulari.

120. Quoad usuras nulla est difficultas. Nam vel Mutuatarius scit, commoditatem mutui non esse pretio vendibilem (quod est fundamentum, quare usuræ sint prohibita) vel nescit. Si scit, tunc iterum est distinguendum: vel solvit usuras adactus necessitate, sine animo donandi, & tunc patitur injuriam, quia non habet voluntatem cedendi suo jure ad recipiendas usuras, & si non restituantur usuræ, est vetè invitus. Si solvit non coactus aliquâ necessitate,

sed spontè, & spe lucri majoris, tunc si habet animum donandi ex motivo, v.g. gratitudinis (nam qui dat mutuum sine usuris, facit Beneficium) non habet jus repetendi. Si verò solvit nesciens invaliditatem contractus, patitur injuriam, quia decipitur in vitus & ignarus.

121. Quoad Maritum, aliqui putant, non posse eum cedere jure suo cum effectu, ita ut ei non fiat injuria per adulterium uxoris. Ità Dicastillo & Esparza. Verum probationes eorum non evincunt intentum. P. Joannes Dicastillo probat ex eo, quòd contractus matrimonii sit irrevocabilis. Hæc tamen argumentatio similis est huic. Deus non potest abdicare dominium ullius creaturæ. Ergo non potest facere, ut usus alicujus creaturæ non sit injustus. Negatur consequentia. Itaque, ut bene advertit Lugo, argumentum nihil probat, quia nimium probat. Probaret enim, si quid probaret, quòd conjuges non possent cedere jure suo, quòd Ius petendi debitum, quòd nemo dixerit, cum hoc fieri posset per votum utriusque consensu emissum. Præterea per adulterium amittitur jus proximum petendi debitum, & tamen manet matrimonium.

122. P. Esparza potissimum probat ex eo, quòd solum illis Iuribus cedere possimus, quorum cessio potest ad majus bonum obrinendum servire, quam eorum retentio. Atqui talis non esset cessio Iuris in ordine ad adulterium. Ergo, &c. Ad hoc tamen dupliciter responderi potest: primò: negando fundamentum, quod hic auctor supponit & non probat: ceterò non est necesse, quòd defacto ipsa cessio Iuris plus boni afferat, quam afferret retentio, ut apparet in eo, qui sua viriosè prodigit: unde ergo constat ad versario, quòd saltè debeat esse aptum afferre plus boni aliquando? Responderi potest 2. negando minorem. Non enim sunt impossibiles casus, in quibus cessio illa Iuris potest marito plus boni & commodi afferre, quam retentio illius. Fingamus enim, quòd uxor fortassis offensam à marito, præcisè ideo vult adulterari, ut maritum injuriâ afficiat, non commissura adulterium, si sciret maritum non esse in vitum: quo casu potestas cedendi Iure suo serviret marito ad impediendum adulterium, quod committeretur, si in vitus esset, & veller retinere Ius suum: cedendo enim Iure suo auferret uxori motivum adulterandi. Alium casum fingit Lugo d. 8. n. 14. nempe si maritus certus esset, uxorem aq̃ue adulteraturam esse, sive cedat sive non cedat Iure suo, & ideo solum cedere vellet, ut hâc ratione impediret uxorem peccati speciem.

Eodem modo responderi posset ad casum homicidii, vel mutilationis, transmittendo prout nunc, quòd per occasionem fiat vera injuria occiso, quod an verum sit, infra videbimus.

123. Quoad Clericum dicendum est, Ius illud Canonis, sicut & privilegium fori non esse penes



penes unum privatum Clericum, sed residere penes totum Clerum, tanquam personam fictam, ac proinde unum privatum non posse illo cedere, nisi ad summum, quantum concernit illius personam privatum secundum se spectatam, & secundum alias dignitates, quam sit Clericatus, cui ut sic non fieret injuria, si cederet jure suo: v. g. si simul esset Comes, non posset petere satisfactio nem competentem dignitati comitis.

Quoad ultimum casum de metu injusto constabit ex dicendis de Contractibus. Breviter nunc dico, ipsam incursionem metus contra naturalem libertatem esse injustam, & ideo eum, qui talem metum incutit, teneri ad omnia damna subsecuta, inter quæ est etiam consensus in alienationem pecunie, vel cujusunque alterius rei, nisi postmodum, cessante metu cedat jure suo, qui metum & damnum passus est.

124. DICO 2. Consentientis voluntas inhabilitata ad cedendum jure suo adhuc fit injuria. Sequitur ex dictis. Manet enim totum lus, quia voluntas illa moraliter est, ac si non esset, cum prævaleret voluntas superior: ergo per voluntatem contrariam læditur lus, alioquin inhabilitatio penitus inutilis esset.

125. Querunt aliqui, utrum in tali casu committeretur injuria ejusdem speciei Theologice, qualis committeretur, si læsus suâ voluntate propriâ etiam repugnaret, & nollet cedere jure suo. P. Martinus Elparaz probabiliter docet fore speciem diversam injuriæ. Probat: quia ex communi DD. sententia Rapina est specie diversa injuria à simplici furto, propter violentiam, quæ in rapina intervenit: atqui, qui etiam propriâ voluntate resistit injuriæ, patitur violentiam, non item ille, qui sponte consentit: ergo erunt injuriæ speciei diversæ. Alius quidam Recentior Hispanus censet fore quidem intra eandem speciem, sed secundum diversum gradum malitiæ: quia quò magis est involuntaria rationabiliter injusta actio, eo est magis injuriosa. Rationem ulterio rem reddit à pari. Sicut lex positiva Ecclesiastica faciens aliquam rem sacram, quæ essentialiter non est sacra, non potest facere, ut Simonia commissâ in re non essentialiter sacra tantæ sit malitiæ, quantæ est Simonia commissâ in re essentialiter sacra, ita lex inhabilitans voluntatem minorennis ad cedendum jure suo, non potest efficere, ut peccatum contra lus minorennis tantum sit, quando ipse sponte consentit, quantum esset, si propriâ voluntate resisteret. Et hoc posterius magis placet: quia in estimatione morali non fit violentia talis speciei in casu questionis, qualis fit per Rapinam, alioquin in omni furto inesset violentia Rapinæ, quia in omni furto intervenit resistèntia voluntatis illius, cui fit furtum.

## CONTROVERSIA II.

*Præceptum restituendi, seu reparandi lus alterius læsum, sitne affirmativum, an negativum.*

### S V M M A R I U M.

**R**estitutionis vocabulum aliter à Juristis, aliter à Theologis usurpatur. 126.

*Præceptum restituendi, nec semper est affirmativum, nec semper negativum. 130.*

*Præceptum restitutionis in genere præscindit, an sit affirmativum, vel negativum. 133.*

*Quare fur per actuale furtum inerat grave damnum, ante retentionem. 136.*

*Omnis retentio rei aliena est non restitutio, sed non e contra. 137.*

126. **R**estitutionis vocabulum aliter à Juristis, aliter à Theologis usurpatur. Apud Juristas varias habet significationes, quæ huc non pertinent, & apud P. Azor videti possunt. à Theologis etiam aliquando latius, aliquando strictius sumitur. Latè sumendo est rei alienæ, vel in se, vel in æquivalenti, redditio: intelligendo per Rem tantu corporalem, quam incorporealem, tan ad bona fortune, quam ad bona animæ, aut corporis pertinentem, sive præsupponat læsionem factam, sive non præsupponat: ab his enim omnibus in hac significatione præscindit: quo sensu etiam Commodatarius, Mutuatarius, Creditor, dicuntur restituere Commodatum, mutuum, pignus. In præsentem verò tractationem adhuc strictius sumitur, pro reparatione luri alieni læsi, faciendo, ut læsus perinde se habeat (formaliter, vel æquivalenter) ac si nunquam læsus fuisset. A quo sensu non multum abluunt duæ acceptiones luri, nempe l. 35. & 75. ff. de V. S. Prima sic habet. *Restituere autem is intelligitur, qui simul & causam alicui reddit, quam is habiturus esset, si statim Judicii accepti (id est litis contestatæ) tempore res reddita fuisset.* Altera idem brevius. *Restituere videtur, qui id restituit, quod habiturus esset actor, si Controversia ei facta non fuisset.*

127. Certum est, extare præceptum naturale hujus restitutionis faciendæ. Tolle enim hanc obligationem, & innumeris furtis, ac injustis læsionibus viam aperuisti, quæ committerentur, si sola pœnitentia sufficeret, unde tandem omnis humana societas dissolveretur. Promanat autem hæc obligatio ex eodem fonte, ex quo provenit obligatio non lædendi, nempe ex voluntate habentis lus, non solum ad hoc, quod est: *Non ladi*: Sed etiam ad hoc, quod est: *Suppositâ læsione exigere restitutionem.*

128. Controversia est, an hoc præceptum sit negativum, vel affirmativum. Pro cuius resolutione.





soluzione sciendum est, negativa præcepta illa dici, quæ eo modo quo obligant, pro omni tempore obligant, & illis potest satisfieri etiam sine ullo actu, nimirum, si omittatur ille actus, qui prohibetur; sunt enim præcepta prohibitoria, & ideo peccatum illis oppositum vocatur peccatum *Commissionis*. Huiusmodi præceptum est: *Non machaberis: non furnum facies*. Præcepta affirmativa sunt, quæ certum aliquem actum respiciunt, illūque præcipiunt, & peccatum oppositum dicitur, *Omissionis*: quatenus omittitur actus ille, qui præcipitur. Huiusmodi præceptum est: audiendi sacrum die festo, communicandi tempore Paschatis.

129. Prima sententia docet, præceptum restituendi esse negativum. Itā Medina, Adrianus, Canus, Navarrus, Vasquez, Turtianus, quos refert, & sequitur Lugo, & di Castilho. Videtur etiam esse S. Thomæ. 2.1.

Secunda sententia vult esse affirmativum. Itā Sorus, Valentia, Lessius.

Tertia sententia est, quæ utramque quoad rem ipsam conciliat, dum dicit, esse explicite affirmativum, in eo tamen virtualiter contineri negativum. Itā Molina, Rebelus, Layman.

Melius fortasse conciliabuntur sequentibus Conclusionibus.

130. DICO 1. Descendendo ad casus particulares seu speciales, præceptum restituendi nec semper est negativum, nec semper affirmativum, sed aliquando affirmativum aliquando negativum. Probatur Conclusio quoad primum membrum. 1. Si peccatum Injustitiæ aliquando est omissionis, tunc hoc ipso præceptum restituendi erit affirmativum, quia illi læsioni non poterit satisfieri nisi per actum positivum, quo ponatur illud, quod erat omisum. sed aliquando peccatum Injustitiæ est omissionis: ergo &c. Minor probatur variis exemplis. Qui ex me quaerit, utrum Petrus sit homo verax an mendax, sciens, me habere bonam notitiam Petri, tunc ego, ne lædam famam Petri, teneor non omnino tacere, nam tale silentium esset tacita affirmatio, esse mendacem: si ergo taceo, pecco peccato omissionis, nempe non loquendo cum deberem loqui: ergo vera est minor. Hinc porro injustitiæ non potest satisfieri nisi per actum positivum. Quod si dicas, illud silentium esse peccatum commissionis, quia est virtualis locutio in his circumstantiis, adhuc tamen exemplum arguit. quia tali læsioni non potest satisfieri per competentem restitutionem famæ, nisi per actum positivum, ut consideranti facile patet, & paulo post magis declarabitur. Aliud exemplum sit. Si servus vel operarius conductus non laborat cum deberet ex conditione vel contractu, & sic lædat dominum, tenetur hoc dantem cum potest compensare: hoc non potest fieri nisi per actum positivum, & omisso laboris est peccatum omissionis. ergo &c. aliud ex-

emplum est in eo, qui tenetur ex iustitia ad tradendam rem venditam, & non tradit tempore debito, vel qui deberet alterum honorare depositione pilei, & non facit: hæc sanè sunt peccata omissionis, nisi fiat lis de nomine, nec potest, per te loquendo, fieri restitutio nisi per actum positivum: ergo &c.

131. Probatur 2. Si præceptum restituendi semper esset negativum, semper prohiberet actionem positivam: sed hoc est falsum: ergo &c. Minor probatur. Si ego combussi tuam domum, vel læsi tuam famam detrahendo, præceptum restituendi nullam actionem positivam prohibet, quia nulla potest assignari: ergo unicè præcipit positivam restitutionem.

Dices, prohibere Retentionem solutionis, & retractationis, quæ retentio est aliquid positivum. Verum, hæc responsio est manifestè absurda. Nam retentio solutionis & retractationis, est formalissimè omissio solutionis & retractationis: ergo præceptum restituendi erit prohibitio omissionis solutionis & retractationis: sicut præceptum audiendi missam est prohibitio omissionis auditionis: ergo sicut hæc prohibitio omissionis est formalissimè præceptum affirmativum, nempe ipsius auditionis, ita prohibitio omissionis, solutionis & retractationis, erit formalissimè præceptum affirmativum solutionis & retractationis. ergo tua responsio confirmat probationem Conclusionis.

132. Probatur nunc Conclusio etiam quoad secundum Membrum, nempe quod præceptum Restitutionis aliquando sit negativum, hoc est, cui possit satisfieri præcisè per omissionem, eò quod prohibet actionem positivam. Si ego possideam malà fide fundum alienum, satisfactio præcepto restitutionis desinendo possidere, & non resistendo Domino volenti possessionem capere. hocipso enim si dominus capiat possessionem, cessat in me omnis obligatio: sicut in simili, si tu pressus extremā inopiā, non impediaris à me quominus ex meis bonis capias, quantum tenerer ex charitate dare, si tu capias, cessat in me obligatio dandi elemosynam. Pariter si ego domi detineam tuum canem, quem scio statim, ut liber dimissus fuerit, ad te redituum, si actum non detineatur, & ad te redeat, cessat obligatio ponendi quidquam aliud: ergo aliquando potest satisfieri præcepto restituendi per meram omissionem retentionis, quæ non constituit aliquid positivum, sed in omissione alienius positivi. Et quia prima sententia adhuc sola exempla respexit, ideo voluit, præceptum restitutionis esse negativum.

133. DICO jam 2. Præceptum Restitutionis in genere, & præscindendo à casibus particularibus, præscindit etiam ab hoc quod est: esse affirmativum, vel esse negativum. Sicut enim præceptum in genere præscindit à Præcepto affirmativo & negativo, quia descendendo

ad species aliquid est affirmativum, & aliud negativum, ita dicendum erit de præcepto restitutionis, quod in specie aliquando est affirmativum, aliquando negativum, ut probatum est.

134. Probatur & declaratur ulterius. Tale est præceptum restituendi, quale est præceptum non lædendi jus alterius, seu brevius, quale est præceptum iustitiæ. sed præceptum iustitiæ in genere præscindit ab esse affirmativum vel negativum, eo quod aliquando in specie sit affirmativum, aliquando negativum. Ergo &c. Minor probatur. Servus tenetur ex iustitia ad præstanda servitia domino, Mutuarius ad solvendum mutuum, Commodatarius ad restituendum commodatum &c. hæc omnia præcepta sunt affirmativa. E contra quilibet tenetur ex præcepto iustitiæ non vulnerare alium, non detrahere famæ, non furari: item qui habet prædium serviens, tenetur non impedire alium ab actu quo utitur tali servitute: hæc sunt præcepta negativa: ergo &c.

135. Obijctes 1. Ad probandum, quod sit semper affirmativum. Si præceptum restituendi esset saltem in casibus allatis negativum, tunc ne quidem minimo tempore liceret retinere rem alienam; consequens est nimis durum. 2. Si res sit in illis circumstantiis, in quibus Dominus est rationabiliter in vitis etiam pro minimo tempore, tunc conceditur sequela, quæ non est dura, cum sit evidenter vera. scilicet si esset irrationabiliter in vitis, ut esset ille, qui gladium depositum vellent teperere ad occidendum alium: tunc enim non teneor permittere ablationem gladii, sed possum illum etiam vi retinere, imò ex charitate teneor retinere.

136. Urgebis: ergo sur per ipsum actuale furtum nondum infert grave damnum, sed solum, postquam rem furtivam diu detinet: nam ad hanc solum diuturnam retentionem videtur Dominus rationabiliter in vitis. 2. Negando consequentiam. Nam ipsa ablatio furtiva, utpote quæ sit animo retinendi, jam est damnum verè afflictivum, quia habet annexum periculum moraliter certum, fore ut diuturna retentio sequatur ad talem ablationem: quis enim post furtum factum statim pœnitet & restituit? certe si quis talis est, is tam est rarus, ut nulla possit esse moralis spes restitutionis statim faciendæ. Itaque ipsa furtiva ablatio est malum distinctum ab actuali retentione, & est grave malum: ergo in ipso actuali furto infertur grave damnum.

137. Obijct. 2. Retinere idem est, quod non restituere: ergo contra: non retinere, idem est quod restituere. ergo præceptum restituendi est formaliter præceptum non retinendi: sed præceptum non retinendi est negativum: ergo & præceptum restituendi. 2. Sicut omnis homo est animal, sed non contra omne animal est

homo, ita omnis retentio est non restitutio, sed non contra omnis non restitutio est retentio: patet in exemplis allatis. qui enim alteri detrahit, quædiu non retractat, non restituit, & tamen quæso, quid alienum retinet: an retinet famam apud se? si dicas quod retineat retractionem, jam supra refutatus es: nam retentio retractionis est formalissimè omisso retractionis: ergo præceptum non retinendi retractionem, est præceptum non omittendi retractionem; atqui non omittere retractionem est formalissimè retractare, quod est aliquod positivum: ergo à primo ad ultimum, præceptum restituendi famam, est præceptum retractandi, quod est, esse præceptum alicujus positivi: est ergo præceptum affirmativum. falsum ergo est, quod omnis non retentio quatenus idem est quod restitutio, sit aliquid negativum: & falsum etiam est, quod hoc quod est non retinere id quod restituendum est, sit restituere, nam qui famam læsit, nihil alienum retinet, retentione positivâ, nec tamen per hoc restituit.

138. Obijct. 3. Prima læsio juris alieni est actio positiva. ergo etiam continuatio illius est positiva. sed non restitutio est continuatio primæ læsionis. ergo semper est positiva, ergo præceptum restituendi est formaliter prohibitio hujus positivi: quia est prohibitio continuationis, quæ est positiva. ergo est præceptum negativum; quia omnis prohibitio alicujus positivi est præceptum negativum. 2. Imprimis antecedens esse falsum loquendo universaliter, ut supra ostensum est, nempe ostensum est, posse lædi jus alienum per omissionem actionis debite ex iustitia. Deinde loquendo de læsione quæ sit actio positiva, qualis est detractio, concessio antecedente distinguitur consequens: continuatio physica est positiva, v. g. si detraham per integram horam, concedo consequentiam, continuatio moralis est positiva, nego consequentiam. nam hæc nihil aliud est, quam non retractatio, quæ est negativum quid, ut patet. Porro est magnum discrimen inter continuationem physicam detractionis, & continuationem moralem. Continuatio physica est tota quantà contra primum præceptum iustitiæ, *Non detrahes*. sed continuatio moralis est contra secundum præceptum: si detraxisti, *retracta*. primum præceptum est negativum, secundum est affirmativum, ut hæcenus probatum est.



## CONTROVERSIA III.

*Quotuplex sit Radix fundans obligationem restituendi.*

## S V M M A R I V M.

**D**uplex est radix restitutionis. Ex re accepta. Ex injusta lésione. 140.

*Explicatur prior Radix. 141.*

*Explicatur secunda Radix. 143.*

*Radix generalis quæ. eod.*

139. **C**ertum est primò, posse aliquem obligari ad faciendam restitutionem ex pacto vel conventionem, etiam pro casu quo sine ulla culpa tam theologia quam civili læsit, neque etiam ex lésione factus est locupletior : potest enim quis se obligare alteri ad præstandum casum fortuitum.

Certum est secundò, defecto contrahi etiam obligationem restituendi pro lésione sine culpa theologia, ex lege scilicet humana, saltem accedente sententiâ iudicis, ut inferius tradetur. Nunc solum investigamus radices obligationis restituendi, provenientes ex lege naturali, seclusâ omni lege positivâ, & etiam omni pacto seu conventionem.

140. **DICENDUM** est cum S. Thoma, quem sequuntur omnes Theologi, duplicem esse huiusmodi Radicem, solerèque exprimi his verbis: Prima est ex *Re accepta*: secunda. *Ex injusta lésione*, hoc est ex lésione iuris alieni formaliter & theologicè injusta. Supponunt omnes, ambas esse lumine naturæ notas: utrum autem possit aliqua ratio quasi à priori reddi, potestæ videbimus: prius autem sunt hæc duæ radices explicandæ.

141. Ex *Re accepta* præcisè tunc est obligatio restituendi, quando sine culpa theologia contra Iustitiam commissâ res aliena ad me pervenit: & apud me aliquò modo existat, & restitui sine meo damno potest. v.g. si rem furtivam bonâ fide emi, & deinde relicto esse alienam: vel si rem alienam apud testatorem depositam vel illi commodatam, ego hæres inter bona hæreditatis inveniens, bonâ fide puro pertinere ad me titulo & jure hæreditatis: vel si quid invenio, existimans ad neminem pertinere, v.g. gemmam in littore maris, ubi quis eam amiserat. In his & similibus casibus vel illa eadem numero res aliena existat adhuc penes me, vel non existat amplius, eò quòd eam absumpserim, vendiderim &c. si primum, teneor eandem rem in individuo restituere, quamprimum rescivero esse alienam, & sine incommodo possum (nisi eam præscripsissem) etiam ego per talem restitutionem jacturam patiari, eò quòd v.g. eam emerim, nec possum amplius à venditore pretium recipere.

re. Ratio est, quia alter habet Ius in Re, ego autem nullum jus habeo: est ergo res illa terminus iuris alieni. Quod si superveniente huiusmodi notitiâ non restituiam quando commodè possum, & dominus restitutionem urget, incipio obligari ex secunda radice, nempe injustâ lésione & detentione, quia jam incipio lædere formaliter injustè.

142. Quod si verò rem alienam bonâ fide possesam absumpsi, tunc distinguendum est: vel enim per talem assumptionem aut alienationem factus sum locupletior, vel non: si primum, tantundem teneor restituere, quantum sum factus locupletior: si non sum factus locupletior, ad nullam teneor restitutionem. Ratio prioris partis est. Quamdiu res tua apud me existit vel in se vel in æquivalenti, tamdiu manet tibi jus exigendi, & consequenter in me obligatio reddendi: sed quamdiu ex re tua (in casu posito) locupletior factus sum, res tua non quidem formaliter & in se, sed tamen in æquivalenti apud me existit, in quantum factus sum locupletior: ergo &c. Major est certa, quia nemo ius suum amittit, nisi vel suâ culpâ, vel consensu voluntario, vel legis dispositione, vel si casu fortuito pereat: atqui, ut suppono, nihil huiusmodi intervenit: ergo manet penes te jus. Minore est etiam evidens. Ratio posterioris partis est, quia in tali casu perinde est, ac si res tua casu fortuito periisset: ergo tuum jus exinguitur saltem respectu mei: nam si illam rem alteri donâssem, & illa apud alium existeret, haberes ius in re & actionem vindicationis, apud quemcunque existeret. Sed quam actionem habebis, si res non amplius existat in se, sed solum in æquivalenti, quia locupletior factus sum? Non quidem Rei vindicationem, sed aliquam actionem personalem, v.g. actionem de dolo, aut in factum, de quibus alibi.

143. Ex secunda radice teneor restituere pro damno illato etiam si nihil inde sum locupletior factus, imò etiam si damnificatus essem. Ratio est, quia quando læditur Ius alterius, supponitur in altero Ius, nec potest per injustam lésionem jus alterius extinguì: atqui in altero fuit jus ad omissionem talis actionis: quod autem factum est, insectum fieri nequit: ergo cum alterius Ius non possit amplius esse fructuosum quoad omissionem injustæ lésionis jam posite, debet læsus habere Ius ad æquivalentem illi omissioni, hoc est, quantum intererat, fuisse actionem omissionis. Ergo &c. Itaque Ius quod prius alter habebat, erat partim absolutum, partim conditionatum. Absolutum quidem, quia absolute debebatur illi ommissio lésionis, v.g. combustionis, aut concussionis segetum: conditionatum verò, quatenus casu quo segetes essent combustæ, deberetur damni reparatio; ne illud prius jus frustraretur suo effectu. Quanta autem debeat esse culpa theologia, ut quis ex hac radice teneat-

teneatur, & ad quænam damna subsecuta teneatur injustus læsor, ac cum quanto suo damno aut incomodo, ultra id quod in ipsa restitutione formaliter includitur, teneatur, iustè resolveretur.

DICO 2. Radix generalis ad utramque prædictam radicem est: Necessitas utriusque obligationis ad felicitatem humanæ societatis. Declaratur. Felicitas humanæ Societatis, vel maximè requirit concordiam; atqui concordia non posset consistere sine utraque illa obligatione: ergo utraque est necessaria ad felicitatem humanæ societatis. Minor consideranti facile patebit. Si enim posset aliquis licitè locupletari ex bonis alterius sine ulla illius culpa, consensu, aut lege, & præcisè per errorem illius qui putaret rem esse suam, ità ut error fa-  
veret erranti, & noceret scienti, nascerentur utiq; inter homines animorum alienationes, suspiciones, discordiæ, dissidentie perpetuæ: multò autem magis hæc omnia nascerentur, si sine obligatione restitutionis & refarciendi posset quis alteri damnum inferre voluntariè & deliberatè.

144. Non debet autem esse obligatio restituendi, quando quis non est factus locupletior, neque alterum injustè læsit, sed per errorem invincibilem: tali enim læsione non minùs irrationabiliter aliquis movetur ad indignationem, quàm motus esset Tobias contra hirundines suo stercore oculos destruentes. Omnes itaque homines, antecederent ad omnem casum eventualem essent in huiusmodi obligationes consenturi, imò tenerentur consentire, quia tenerentur consentire in omne illud, quod ad felicitatem humanæ societatis est necessarium: est autem ad felicitatem hanc necessarium, ut ex illa duplici radice posset unus alium sibi obligare: ergo hanc potestatem obligandi natura instituit, alioquin defecisset in necessariis.

## CONTROVERSIA IV.

*Virum ex lege humana nascatur obligatio reparandi damnum sine culpa theologica datum.*

### SUMMARIUM.

*Iudex per imperitiā malè iudicando, litem facit suam. 145.*

*Quare Iudex committat solum quasi delictum, Medicus vero delictum simpliciter. 146.*

*Quandonam Iudex imperitiè iudicans, possit in factum conveniri. 147.*

*Cum aliquid ex adibus nostris defectum fuerit, & transiit in nocivum, ad quid teneatur respondatur cum distinctione. 148.*

*Contra quem detur actio in factum ex quasi delicto. 148.*  
*Exercitor ad quid teneatur ob læsionem à ministris datam. 149.*

*An rector navis teneatur etiam de furto rerum necdum receptarum. eod.*

*An Campo possit conveniri ob furtum factum à viatore ibi divertente. 150.*

*Quando Noxali actioni sit locus. 151.*

*Quando actio de pauperie. 152.*

*Casus, quatuor quibus datur actio ex legis Aquiliæ primo & tercio capite. 156.*

*Virum actio ex Lege Aquiliæ competat etiam heredibus damnificati. 162.*

*An competat damnificatio adversus heredem damnificantis. 163.*

*An lex Aquiliæ adhuc vigeat in Iudiciis quoad omnia. 164.*

*Quotupliciter ex hac lege agi possit. 165.*

*Virum ex lege Aquiliæ agere possit homo liber, si in suis membris deterioratus est. 166.*

*An ex hac lege conveniri possit, qui orto incendio ades sui vicini demolitus est, ne ad suas incendium perveniret. 167.*

*An possit ex lege Aq; teneri, in cuius adibus incendium ortum est, si non constet de auctore. 168.*

*An ebris hac lege teneatur. 169.*

*Si plures simul damnum intulerunt, contra quem instituenda sit actio. 170.*

*Virum cadens alienam sylvam, teneatur actione Leg. Aq. 171.*

*Qui vel ex quasi delicto, vel noxali actione tenetur, non obligatur in conscientia ante sententiam. 172.*

*Quis finis sit illarum Legum. 174.*

*An detur obligatio ex naturali aequitate. 176.*

*Probabile est, quòd absente culpa theologica, lex Aquiliæ non obliget, quia fundatur in præsumptione, estque locus occulta compensationi. 178.*

*Interveniente culpa theologica nascitur obligatio ante sententiam. 180.*

*Excessus pœnalis non debetur nisi post sententiam, nec transit ad heredem obligatio, nisi lite priùs contestata. 181.*

145. **E**xtant in jure Cæsareo leges diversis Juris ritualis comprehensæ, quibus datur actio contra aliquos ad reparandum damnum alteri datum sine omni planè culpa Theologica, imò quandoque sine omni culpa luridica, quandoque tamen ex culpa Theologica præsumpta, quarum legum finis, & utilitas est, ut in Civibus summa foveatur cautela, & diligentia in præcavendis etiam casualibus damnis, quæ alteri ex re sua evenire possent: de quibus quaeritur, an obligent in conscientia ante Iudicis sententiam condemnatoriam. Priùs autem leges ipsas re-  
seramus.

### §. I.

#### *De Obligationibus ex quasi delicto.*

**D**E his extat titulus. §. lib. 4. Instit. Complectens sequentes casus. Extat etiam in Digest. tit. 3. lib. 9. Casus 1. Iudex per imperitiā malè iudicando litem facit suam, & in tantum  
con-



econdemnatur, quantum Magistratui, vel Prætori videbitur. Textus sic habet. *Si Index litem suam fecerit, non propriè ex maleficio obligatus videtur: sed quia nec ex maleficio, neque ex contractu obligatus est, & nique peccasse aliquid intelligitur, licet per imprudentiam, ideo videtur, quasi ex maleficio teneri, & quantum de ea re æquum religioni iudicantis videbitur.*

146. Circa hunc casum statim nascitur dubium, quare Index imperitè iudicans, & damnificans censeatur solum commississe, quasi delictum, e contra Medicus imperitè medicinam adhibens censeatur delictum simpliciter commississe, ut infra dicitur ad legem Aquiliam, ac proinde habeat contra se præsumptionem Iuris, & propterea gravius puniatur, cum tamen videatur esse par utrobique ratio. Unde Mol. d. 710. dicit, se nescire discrimen. Iuxta tamen multiplex assignare conatur. Primum assignat Joan. Harpprecht, quia Romanis Medicorum servile, & abjectum munus fuit, & medicina à liberalibus disciplinis sejuncta; testisque est Plinius Romam sine Medicis annos amplius sexcentos floruisse. Hæc tamen ratio mihi non satisfacit, quia non procedit de nostris temporibus, cum tamen de Iure illud legum discrimen observandum hodieque sit. Secundam rationem cum pluribus aliis idem reddit, quia Medicus artis suæ peritiam proficitur, eamque sæpe proclamando vendit: Iudex verò non item: cum non raro etiam Idiotæ legumque imperiti in Iudices eligantur. Hæc tamen ratio Iudicibus parum honorifica à Iudicibus non probabitur. Melior fortassis est Tertia ratio, quia Medicus nullo jure invitus curare cogitur, atque adeo suâ sponte curationem suscipit, & factò aliquo corpore in corpus dar damnum. At Iudex malè iudicans, neque corpore, neque in corpus damnum dar, ac sæpenumero invitus constituitur, & nolens, volens, iudicare compellitur. Addi posset, sufficere, quòd Iudex malè iudicando litem suam faciat, & plerumque sine emolumento speciali iudicet, unde minus probabile est, quòd ex malitia malè iudicaverit, ac proinde non debebat Iuris præsumptione de culpa Theologica gravari. Medici autem amore lucri, quod plerumque ex singulis curationibus præstolantur, facilius præsumuntur (quando imperitè cursu convincuntur) ex aliqua culpa Theologica, temeritatis nimium, curam fuisse perire.

147. Circa hunc casum illud insuper Iuristæ observant. Iudicem imperitè iudicantem, tunc solum ex hac lege, posse actione in factum conveniri, ponèque arbitrariâ (ultra litis periculum) affici, si pars læsa vel noluit appellare, vel propter pauperatatem non potuit. *L. si procuratorem. §. quòd & ad actionem v. quid tamen si pauperas. ff. mandati. ibi. Quid tamen si pauperas eis non permisit? excusata est eorum inopia. Qui ergo appellavit, actionem in factum ad præ-*

nam arbitrariam non habet, expensas tamen appellationis, si in appellatione Iudicio obtineat, obtinere potest à Iudice primæ instantiæ, ut habet Schneidewein. n. 13. Ad hunc casum reducant DD. & Jus Bavaricum P. O. lib. 1. tit. 7. art. 4. ad fin. Si Notarius imperitè conficiat instrumentum, & per hoc damnum dar, teneatur enim Notarius scire jura ad suum officium spectantia.

148. Casus 2. Cum aliquod ex ædibus, quas inhabitamus, defectum, vel effusum fuerit, unde transeunti nocitum est, tunc distinguendum est inter damnum datum corpori hominis liberi, & aliud quocunque: in primo casu, si occidit, pœna quinquaginta aureorum est constituta: si non occidit, sed tamen læsit, pœna est arbitraria. Si verò aliud damnum, v. g. in veste datum est, caput familiæ cogitur solvere duplum. Sed quid si aliquid (suspensum sit) fenestra, vel ita positum, ut quidem defecto nemini noceat, posset tamen nocere, si caderet, & non est ita positum, aut suspensum, ut absit periculum cadendi? Punitur appendens decem aureorum pœnâ ob hoc periculum. Quod si insuper noceat, eandem pœnam subibit, quam caput familiæ in casu effusionis. Textus. *Item is, ex cuius cœnaculo, vel proprio illius, vel conducto, vel in quo gratis habitat, defectum effusumve aliquid est, ita ut alicui noceret: quasi ex maleficio obligatus intelligitur. Ideo autem non propriè ex maleficio obligatus intelligitur, quia plerumque ob alterius culpam tenetur, aut servi, aut liberi. Cui similis est is, qui eâ parte, quâ vulgo iri solet, id positum, aut suspensum habet, quod potest, si ceciderit, alicui nocere: quo casu pœna decem aureorum constituta est actio. Ob hominem verò liberum occisum quinquaginta aureorum pœna constituitur. Si verò vivat; nocit. quæ ei esse dicatur, quantum ob eam rem æquum Iudici esse videretur, actio datur. Iudex enim computare debet mercedem medicis præstitas, cæteraque impendia, quæ in curatione facta sunt. Præterea operas, quibus caruit, aut cariturus est ob id, quod inutilis est factus.*

Circa hunc casum queritur. Si plures in eodem cœnaculo habitent, ex quo per effusionem, aut ejectionem nocitum est, contra quem detur actio in factum? R. Dari in quemlibet (nisi constet quis effuderit) & quidem in solidum, ita tamen ut unus solvens in cæteros habeat regressum. *L. & quidem §. l. si verò. §. §. cum autem 4. ff. De his qui effundunt. ibi. Et quidem in solidum. Sed si cum uno fuerit actum, ceteri liberabuntur.*

149. Casus 3. Cum damnum datum, aut factum factum est in navi, caupona, stabulo; Exercitor, id est, is ad quem quotidianus questus pertinet, quamvis nihil deliquerit, si tamen damnum à ministris datum est, tenetur ad duplum. Textus. *§. 3. Item Exercitor navis, aut caupona, aut stabuli de dolo, aut furto, quod in na-*

vi, aut



ut, aut caupona, aut stabulo factum erit, quasi ex maleficio teneri videtur, si modo illius nullum est maleficio; sed alicujus eorum, quorum opera navem, aut cauponiam, aut stabulum exerceat. Cum enim neque ex maleficio, nec ex contractu sit adversus eum constituta hic actio, & aliquatenus culpa reus est, quod opera malorum hominum iteretur, ideo quasi ex maleficio teneri censetur. In his ergo omnibus casibus datur laeso alio in factum ex quasi delicto, quae quidem transit ad haeredes actoris, non tamen adversus haeredes Rei conventi: utribidem dicitur. Circa hunc ultimum casum

**QUÆRITUR 1.** An Rector naviste neatur etiam de furto rerum necdum receptarum in navem, sed in littore ablatarum? Distinguendum est. Vel Rector navis illas res recepit, aut non recepit. Si recepit: tenetur. *L. & iud. de furt. 3. in princ. ff. naut. caup. stabul. recepta restituant.* Si non recepit, non tenetur. *L. debet. 7. in princ. ff. eod.* Debet exercitor omnium navitarum suorum factum prestare. Sed non aliud prestat, quam si in ipsa nave damnum datum sit. Ceterum si extra navim, etiam a navis, non prestatbit.

**QUÆRITUR 2.** An teneantur ex incendio suorum domesticorum. Distinguendum iterum est. Aut constet de persona determinata, aut non constet. Si non constet, non tenentur. Si constet, adhuc non tenentur, nisi qui fuit causa incendii, deliquerit circa officium sibi commissum a patrefam. v. g. si stabularius famulus ignem, aut candelam in stabulo negligenter custodiat. Ità resolvit post multos alios Andreas Gail. *lib. 2. pract. Obser. 21. n. 6. & Prosper Farinacius p. 2. q. 10. cap. 3. n. 124. & seqq.*

**150. QUÆRITUR 3.** An caupo possit in duplum conventi ob furtum factum a viatore, qui ibi divertit. R. Non posse conveniri actione in factum ex quasi delicto petendo duplum: posse tamen conveniri in simplex actione in factum de recepto. Et quia hæc actio tantum est rei persecutoria, datur etiam adversus haeredes cauponis. Habentur hæc *L. un. §. 6. ff. Furti adversus.* Caupo prestat factum eorum, qui in ea caupona ejus caupona exercenda causa ibi sunt. Item eorum, qui habitandi causa ibi sunt. Viatorum autem factum non prestat. Navique viatorem sibi eligere caupo vel stabularius non videtur, nec repellere potest iter agentes. De simplo autem habetur *L. 2. ff. Naut. Caupones.* ubi dicitur: *Sicut & caupo viatorum.*

## §. II.

*De obligationibus ex laesione ad Servo, aut quadrupede facta.*

**151.** DE his duo extant tituli in 4. lib. Inst. Octavus, de noxalibus actionibus, & novus: Si quadrupes pauperiem fecisse dicitur. Et

in Digestis tit. 4. l. 9: & tit. 1. ejusdem libri. & in Cod. tit. 41. lib. 3. Sit ergo

**Casus 1.** Mancipium alicujus alteri culpabiliter damnum intulit, unde civiliter ad pecuniam pecuniariam agi possit, datur laeso alio noxalis adversus Dominum mancipii, quæ petitur, ut vel solvat litis estimationem, vel servum noxae dedat, hoc est, illius dominium transferat in laesum. Textus. *Ex maleficiis servorum veluti si furtum fecerint, aut bona raperint, aut damnum dederint, noxales actiones prodita sunt, quibus Domino damnato permittitur, aut litis estimationem sufferre, aut ipsum hominem noxae dedere.* pr. Inst. de nox. act. Noxa proprie pena est, quæ pro damnificatione infligitur, unde noxa dedere, idem est ac penam dedere: nec obstat, quod in textu §. 1. dicitur: *Noxam esse corpus, quod deliquit, & quod penam tradendum est,* hoc in eo sensu verum est, quo in sacris litteris reus maledictioni obnoxius vocatur maledictum. De hoc casu, quia parum habet utilitatis in locis, ubi mancipia esse desierunt, plura non occurrunt dicenda. Solum declaratione opus habet §. 2. de nox. act. ex quo §. inferunt Interpretes, actiones noxales non esse directas, sed obliquas, seu directarum adjecticias, seu accessorias, quod sic intelligendum est. Actio furti directa (de qua suo loco) datur adversus eum, qui furtum commisit in duplum, si furtum sit non manifestum. Jam verò cum servus non possit in Indictio conveniri, non potest contra eum, hæc actio directa locum habere: quare substituitur illi erat actio obliqua, noxalis, quæ conveniretur Domino servi, ut vel pro furto servi satisfaciatur, prout ipse servus satisfacere juberetur, si persona libera esset, vel, si mavult, Dominum servi in actorem transferat. Pari modo, si servus damnum fecit, propter quod conveniendus esset (si liber esset) ex lege Aquilia, vel si injuriam fecit, ob quam conveniendus esset actione injuriarum, aut vi bonorum raptorum, litis actionibus directis substituantur actiones noxales damni injuriæ ex *L. Aquilia, &c.* Hinc rectè inferitur §. 3. Quod si servus manumissus esset, cessaret noxae deductio, & noxalis actio, & esset locus actioni directa contra manumissum. Et e contra, si quis adhuc liber damnum fecisset, & fieret servus, actio directa inciperet esse noxalis. Quod si servus Dominum mutaret, contra alterum Dominum daretur actio noxalis, cujuscumque servus esset.

**152.** Casus 2. Animal, naturæ suæ mansuetum, suæ sponte, contra naturalem consuetudinem, v. g. ex lascivia, aut feritate, aut pavore damnum intulit, tunc, qui passus est damnum, agit contra Dominum animalis, ut vel damnum reparet, vel animal noxae dedat, vocaturque actio de pauperie. Quod si tum animal aliud animal concitavit, unde hoc postea damnum intulit, v. g. canis meum equum latrando, & mor-

moedendo concitavit, ut calcitrando damnum faceret, contra te solum datur hæc actio. Ità ferè habet textus pr. J. Si quadrupes. ubi dicitur. *Ceterum si genitalis sit ferinus, cessat actio.*

Sed quid si ruus ursus, aper, cervus, verres, &c. damnum fecerit? Duplici actione locus esse potest, quarum una alteram non consumit. Nam imprimis dabitur actio prætoria, seu honoraria ex Edilium edicto, quò prohibetur, ne quis canem, verrem, ursum, leonem, vel aliud, quod nocere posset (spectatà ejus naturali indole) eo loco haberet, quo vulgò iter consuetum est. Quod si contrà fiat, & homini libero damnum inferatur, hæc ædilitià actione Dominus animalis in factum conventus condemnabitur, quanti bonum & æquum Iudici visum fuerit: cæterarum verò rerum, quanti damnum datum fuerit, dupli: si homo liber interemptus fuerit, in ducentos solidos condemnabitur. Ex Carolina criminali Constit. Iudicis arbitrio pœna relinquitur. Ultrà hanc actionem prætoriam etiam actio de pauperie (ut habetur §. 1. I. Si quadrup.) locum habet: unde læsus consequi potest etiam id, quod plus est in una, quàm in altera. Textus. *Ceterum sciendum est, ædilitio edicto, prohiberi non canem, verrem, aprum, ursum, leonem ibi habere, quàm vulgò iter sit. Et si adversus ea factum erit, & nocitum libero homini dicatur, quod bonum, & æquum Iudici videtur, tanti Dominus condemnatur. Cæterarum verò rerum, quanti damnum datum sit, dupli. Præter eas autem actiones ædilitiæ & de pauperie locum habebit. Nunquam enim actiones præferuntur pœnales de eadem re concurrentes alia altam consumit.* Jure Bavarico tit. 37. a. 4. Licet habere ursos & familia animalia: si tamen damnum dederint, amovenda sunt. Si non amota, iterum damnum dederint, Dominus præter multam Iudici solvendam etiam damnum resciscite tenetur.

153. Actiones hæc non solum dantur illi, cui quadrupes immediatè damnum fecit, sed etiam cuivis cui damnum fecit per consequentiam, hoc est, cuius interest, damnum datum non fuisse, ut Commodatario, cui res commodata erat: cum enim Commodatarius sit Domino rei commodatæ obligatus, censetur & ipse damnum pati. lege 2. ff. Si quadrupes.

### §. III.

#### De obligationibus ex lege Aquilia proventibus.

154. **D**E his exstat titulus 3. lib. 4. Insti: & in Digestis tit. 2. lib. 9. & in Codice titulus 35. lib. 3.

Lex Aquilia, una ex celeberrimis Juris Cæsarei, ab auctore suo Aquilio Tribuno plebis nomen accepit, lata ab eodem, plebe jubente & approbante, vel meliùs, quam eo rogante plebs

approbavit. Unde originaliter est Plebiscitum. l. 1. ff. eodem. *Quæ lex Aquilia plebiscitum est, cum eâ Aquilius tribunus plebis à plebe rogaverit.*

155. Lex Aquilia, cum primum lata esset, tria capita pro diversis damnificationibus constituta continebat, quorum primum & tertium hodiè viget, secundum verò penitus in desuetudinem, ipso Iustiniano teste, abiit, ità ut nesciatur, quid continuerit. In primo igitur capite sequentibus casibus succurritur.

156. Casus 1. Si quis servum alienum, vel quadrupedem, quæ sit ex numero pecudum, ut sunt equi, oves, capræ, sues &c. (hoc est, quæ gregatim pascuntur) occiderit, datur adversus illum ex L. Aquilia actio Civilis, ut condemnetur domino in tantum, quanti plurimi illa res eo anno retroforum inspecto fuerit pr. Inst. h. t. ibi. *ut si quis alienum hominem, alienamve quadrupedem quæ pecudum numero sit, injurià occiderit, quanti eares in eo anno plurimi fuerit, tantum domino dare damnetur.* v. g. si equum mihi occidisti, qui tempore occisionis claudus & cæcus quidem fuit, sed intra annum proximè elapsum integer erat, & valuisse tunc 100. condemnaberis ad solvendum centum, si quidem damnum à te datum falsus fueris, si autem neges, & convincaris fecisse, in duplum condemnaberis. l. 2. §. 1. ff. h. t. *Et infra deinde cavetur, ut adversus infanciem in duplum actio esset.* Idem dicendum, si quis jaculis læsit, aut bombardam explodens servum aut quadrupedem trajecit, quando tali personæ in tali loco & tempore non licebat jaculari. §. 4. ibi. *Nam si à milite in eo campo, ubi solitum est exercitari, admissum est, nulla culpa ejus intelligitur, si aliud tale quid admiserit, culpa reus est.* Annus hic non intelligitur utilis, sed continuus. arg. l. 51. §. 2. ff. h. t. ibi *repetitis ex die vulneris trecentis sexaginta quinque diebus.*

157. Casus 2. Si quis putando arborem prætereuntem servum occiderit ramo cadente prope viam publicam aut vicinalem, nec satis maturè proclamaverit, quod etiam de resectoribus rectorum dicendum, si signum consuetum non posuerint, eadem actione, ac pœnâ tenebuntur. §. 5. *Item si putator ex arbore dejecto ramo servum suum transeuntem occiderit, si prope viam publicam, aut vicinalem id factum est, neque proclamavit, ut casus evitari posset, culpa reus est.*

158. Casus 3. Si Medicus curam servi suscipiens dereliquerit curationem, & servus ideo mortuus fuerit, vel si imperitè secuerit, aut medicamentum dederit: eadem illius ratio erit, quæ priorum. §. 6. *Præterea si medicus qui servum suum secuit, dereliquerit curationem ejus, & ob id mortuus fuerit servus, culpa reus erit.* & §. 7. *Imperitia quoque culpe adnumeratur &c.*

159. Casus 4. Idem dicendum de Mulione, qui propter suam imperitiam aut infirmitatem mulas tenere non potuit, cum alius firmior tenere potuisset, & mulæ servum suo impetu

petu oppresserint. §. 8. ubi additur. *Eadem placuerunt de eo quoque, qui cum equo veheretur impetu ejus aut propter infirmitatem, aut propter imperitiam suam retinere non poterit.*

In tertio capite hujus legis datur actio pro aliis quibuscunque damnis in re corporali factis per destructionem aut deteriorationem, ut si quid ruptum, lustum, fractum fuerit, quod petitur, ut reus damnetur, quanti in diebus triginta proximis res damnificata plurimi valuerit. §. 13. & 14. ibi. *in ceteris quoque omnibus animalibus, item in omnibus rebus quæ animæ carent, damnum per injuriam datum hac parte vindicatur. quanti in 30. dieb. fuerit.*

160. Ex eadem lege ultra dictam poenam condemnatur reus in omnia damna inde secuta: v. g. si ex quadrigis equorum simulum unus occisus est, qui propter similitudinem pretio majori æstimatur. §. 10. ubi ponantur exempla. *veluti si servum tuum heredem ab aliquo institutum ante quis occiderit, quamvis is iussu tuo hereditatem adierit. nam hereditatis quoque amissa rationem esse habendam constat. Item si ex pari mularum unam, vel ex quadrigis equorum unum occiderit, &c. non solum occisi sit æstimatio, sed etiam id quoque computatur, quanti depretiati sunt, qui supersunt.* Contra hoc

161. Dices. In æstimatione & taxatione pretii non est attendenda affectio damnificati, ut pluribus iuribus cautum est, ut l. 33. ff. h. t. Si, inquit Paulus §. Consultus servum meum occidisti, non affectiones æstimandas esse puto (veluti si filium naturalem tuum quis occideret, quem tu magno emptum velles) sed quanti omnibus valeret. atqui similitudo equorum non ex alio capite auget æstimationem, quam ex affectione communi: ergo exemplum non subsistit. R. Distinguendo majorem: æstimatione non est facienda ex affectione particulari hujus damnificati, concedo, ex affectione communi plurium, quibus plures posset res vendi, nego. sic autem serres habet in exemplo allato, ut consideranti liquet. Circa ipsam Legem

162. DUBITATUR 1. Utrum hæc actio competat etiam hæredibus damnificati, si hic moriatur antequam litem contestatus est, aut paravisset actionem. Respondet P. Molina. n. 33. prope finem, non competere quoad excessum ultra æstimationem rei. Sed omnino respondendum cum Iuristarum communissima sententia, eam actionem ad hæredes transire quoad totum quod petitur. Et sanè lex *Inde Neratius 23. §. hanc actionem ff. h. t. clarissima est. Hanc actionem hæredi, cæterisque successoribus dari constat sed in heredem vel ceteros (successores damnificantis) hæc actio non dabitur, cum sit pœnalis: nisi forte ex damno locupletior heres sit factus.* Quod autem Molina velit legem intelligendam de adæquatione damni sola, & sine iure dicitur (ubi autem ius non distinguit nec nos distinguere debemus) & præcluditur illis verbis secundi membri: *cum sit*

pœnalis. ecce! eâ ratione quâ non datur adversus hæredes, vult dari hæredibus, nempe etiam quâ pœnalis est. Et sanè ipse Molina n. 34. facit, legem hanc esse pœnalem etiam quoad damni æstimationem: ergo non est ratio dicendi, quod non transeat quâ pœnalis est, si aliquo modo transit.

163. DUBITATUR. 2. An hæc actio competat damnificato adversus hæredes damnificantis. & quidem lite contestatâ cum ipso damnificante competere adversus hæredes indubitatum est, hic enim est effectus contestationis litis generalis, ut alibi dicitur. Non dari adversus hæredes ante litem contestatam, tradunt communiter omnes Interpretes, ob legem allegatam, quibus consentit Molina. Joannes Conradus Ostermarius in sua utilissima Synopsi Institutionum Manzianarum vult, id quidem verum esse de Jure Casareo, sed non de Jure Canonico, ad quod probandum affert duo capitula, cap. §. de Raptoribus, & cap. fin. de sepulturis. Verùm hæc capitula procul absunt ab intentione hujus auctoris. Jubeat in illis Pontifex Episcopo, ut illis qui incendiis, aliisque gravissimis modis alios læserunt, sed ante mortem poenitentiam egerunt, & fuerunt absoluti à Censuris, sepultura quidem non denegetur, sed tamen hæredes compellantur ad resarcienda damna illata, ut sic à peccatis liberentur. Quid hoc quæso ad actionem ex Lege Aquilia? quasi verò ad hoc non teneantur hæredes, etiam si nulla lex Aquilia exstaret! est hæc obligatio Juris naturalis, quia illa obligatio numeratur inter debita defuncti, quæ hæredibus in conscientia solvenda sunt, nullo ullam actionem intentantem, sicut in relatis capitulis nullius actionis ratio habita est à Pontifice, ut hæredes ad satisfactionem condemnarent. De Jure tamen Bavarico p. 4. *Der erklerten Landsfreyheit. a. 13.* datur adversus hæredes.

164. DUBITATUR 3. An lex Aquilia adhuc vigeat & observetur in Judiciis quoad omnia. Ad hoc respondent Mornacius, Rebuffus, Schneidewein, Zypæus, aliique, quos refert & sequitur Corvinus in dictâ legem Codicis, moribus hodiernis ab æstimatione rei secundum meliorem statum in tempore præcedente, quæ fit à L. Aquilia, recessum esse, & solum tanti æstimari rem, quanti eo die fuit, quo damnum datum est. Et si ob vulnera, aut membra mutilationem agatur, præter mercedem Medicis præstitas, & operas quibus carer aut cariturus est, & dolor & cicatrices, & deformitas æstimantur.

165. DUBITATUR 4. Quotupliciter ex hac lege agi possit. R. Tripliciter. Directâ & Utili, utraq; civili, intemper & Prætoriâ: (quæ in eo maxime differunt, quod Civilis sit perpetua, Prætoriam non item, sed annua, de quo alibi) Directa dicitur talis, quia

verbis legis exprimitur. Dicitur imprimis directa respectu lædentes, qui corpore suo in corpus damnum dedit, occidendo servum, frangendo aliam rem, &c. §. fin. Inst. h. t. Ceterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum qui alio modo damnum dederit, utiles actiones dari solent: veluti si quis hominem alienum, aut pecus ita incluserit, ut fame necaretur: aut iumentum ita vehementer egerit, ut rumpetur, aut pecus in tantum exagitaverit, ut præcipitaretur: aut si quis alieno servo persuaserit, ut in arborem ascenderet, vel in puteum descenderet, & si ascendendo vel descendendo aut mortuus, aut aliquid parte corporis læsus fuerit, utilis actio in eum datur. deinde dicitur directam respectu læsi, nempe quia soli domino corporis deteriorati datur. l. item Mela. 11 §. legis autem Aquilia. 6. Legis autem Aquilia actio hero competit. & hæredibus l. Liber homo. 13. §. si servus. l. ob id 43. ff. eod. Ob id quod antequam hereditatem adires, damnum admissum in res hereditarias est, legis Aquiliæ actionem habes, quod post mortem ejus cui hæres sis, acciderit. Utilis actio Civilis imprimis dicitur respectu illius, qui non corpore suo in corpus damnum dedit, sed alio modo, v. g. includendo pecudem, ut fame periret, cogendo in locum angustum, unde factum ut se præcipitarent pecudes. constat ex §. fin. j. h. t. jam relato. deinde dicitur Utilis respectu illius, qui non quidem est dominus corporis damno affecti, sed aliud jus aut interesse in corpore læso habens actionem intentat, cuiusmodi est usufructuarius, Usuatius, Commodatarius. d. l. item Mela. adeo ut etiam isti adversus ipsum corporis dominum agere possint, si is damnum dedit. l. 12. ff. eod. Sed etsi proprietatis dominus vulneraverit servum, vel occiderit, in quo ususfructus meus est, danda est mihi ad exemplum legis Aquiliæ actio in eum pro portione ususfructus, ut etiam ea pars anni in æstimationem veniat, quæ nondum ususfructus meus fuit. Prætoris denique utilis actio in factum datur, quando neutro modo ex prædictis damnum datum est, sed alio modo, ut si servum compeditum solveres, ut fugeret. l. 33. §. fin. ff. eod. §. fin. l. eod. ibi. Sed si non corpore damnum fuit datum, neque corpus læsum fuerit, sed alio modo alicui damnum contigerit: cum non sufficiat neque directa neque utilis L. Ag. actio placuit eum qui obnoxius fuerit, in factum actione teneri: veluti si quis misericordiam ductus alienum servum compeditum solverit, ut fugeret.

166. DUBITATUR §. Utrum ex lege Aquilia agere possit homo liber, si in suis membris deterioratus est. R. Possit agere ad æstimationem operam amissam & amittendam. l. 7. §. si quis in collucti: ff. h. t. ibi. Plane si cedentem vulneraverit, erit Aquiliæ locus. Potest etiam agere actione in factum ex quasi delicto, ut supra dictum est in 2. casu quasi delicti.

167. DUBITATUR 6. An ex hac lege conveniri possit, qui, orto incendio, ædes

sui vicini demolitus est, ne ad suas incendium perveniret. R. Negative, l. 49. ff. §. 1. h. t. ibi. nisi magna vi cogente fuerit factum, ut Celsus scribit circa eum, qui incendii ardensi gratia vicinas ædes intercidit. Nam hic scribit cessare legis Ag. actionem, justo enim metu ductus, ne ad se ignis perveniret, vicinas ædes intercidit. & si pervenit ignis, siue autem extinctus est, exstinguitur legis Ag. actionem cessare. quod tamen ita intelligendum est, si ignis jam ita imminere ædibus vicini, ut certo censeretur peritura incendio, ut bene notavit Bartolus in l. 7. §. 4. ff. quod vi aut clam. An autem illæ destructæ ædes impensis vicinæ sint reparandæ, ut putat Gail lib. 2. Obs. 22. n. 5. consuetudo attendenda est.

168. DUBITATUR 7. Et difficultius de eo in cuius ædibus incendium ortum est, unde vicino damnum datum est, an possit ex L. Aquilia teneri, si non constet, an aut cuius culpam incendio ortum est. R. Non teneri. Ratio est; nam licet soleat præsumi, alicujus inhabitantium culpam fuisse exortum, eo quod incendia plerumque sine culpa saltem levissima non oriantur, ut habetur l. 3. §. 1. ff. de off. præf. vigil. nihilominus Paterfamilias semper præsumitur debitam vigilantiam adhibuisse, quamdium contrarium non probatur, ut notat glossa in l. quoties. §. qui dolo: de probat. & l. 11. de periculo & commodo rei vend. expressè dicitur: quia sine patrisfam. culpa fieri potest (incendium) neque si servorum negligentia factum esset, continuo dominus in culpa erit. nempe quia ut supra diximus, ut dominus conveniri possit ex culpa servorum actione ex quasi delicto, necesse est constare, quod servi circa officium suum fuerint causa incendii. Confirmatur à simili. Nam Commodatarius etiam de culpa levissima tenetur, sicut damnificator, & tamen de incendio non tenetur, ut habetur l. 5. §. 4. ff. commodati: Quod verò senectute contigit, vel morbo, vel vi latronum ereptum est, aut quid simile accidit, dicendum est, nihil eorum esse imputandum ei qui commodatum accepit, nisi aliqua culpa interveniat: proinde NB. Etsi incendio, vel ruina aliquid contigit, vel aliquod damnum fatale, non tenebitur. idem habetur l. 18. §. eod. & §. 2. Inst. quibus modis re: & pluribus de hoc redibit, sermo in Contractu Locationis.

169. DUBITATUR 8. An ebrius in ebrietate damnificans hac lege teneatur. Ratio dubitandi est, quia hæc actio non habet locum, nisi possit culpa Theologica præsumi, unde insantes, amentes, dormientes, furiosi non tenentur hæc lege ex certa Interpretum sententia: atqui & ebrius ratione destitutus est, ut peccare non possit. Sed hoc non obstante rectè respondet Henricus Zæsius Comment. in Digest. damnum ab ebriis datum à Iudicii consistentia metiendum esse, cum usu compertum sit plures, qui videntur ebrii, Iudicio non privati, adeo, ut etiam legi Cornelie de Siciariis obnoxii esse possint.



sunt: & obnoxius erit, quisquis præciens se madidum vino ad damna infligenda pronum, nihilominus sibi indulget. Unde Carolus V. sanxit, in delictis non exulare ebriarum: & simile statutum exstat in statutis Academ. Ingolst.

170. DUBITATUR 9. Si plures simul damnum intulerunt, v.g. pecudem occiderunt, vel bibendo tabacum incendium excitant, contra quem instituenda sit actio. Ad hoc jam in simili superius responsum est, posse agi contra omnes & singulos. L. 11. §. 2. ff. h. t. ibi Quod si non apparet, omnes quasi occiderint teneri Julianus ait, & si cum uno agatur, ceteri non liberantur, nam ex l. Aq. quod alius præstitit, alium non relevat, cum sit pœna. §. sed si plures, & l. ita vulneratus §. 1. ff. hoc tit. Idque est consequens auctoritati veterum, qui, cum à pluribus idem servus ita vulneratus esset, ut non appareret, cuius scû periisset, omnes lege Aquilia teneri iudicantur.

171. DUBITATUR 10. Utrum cædens alienam sylvam, actione L. Aquil. teneatur. Affirmat simpliciter lex. 1. C. h. t. Damnum per injuriam datum immisso in sylvam igne, vel excisa eâ, si probare potes, actione legis Aquilæ utere. Sed Sighardus rectè limitat, & distinguit. Si sylva immatura sit, & non cædua, & ligna immatura sint cæsa, est affittmandum, si verò matura & cædua, negandum. Tenebitur tamen tunc cædens aliis actionibus, v.g. actione furti, si ligna subduxit. Jure Bavarico L. R. tit. 23. a. 3. qui in aliena sylva vel nemore ligna cædit, & subducit, præter multam Iudici solvendam in duplum tenetur.

#### §. IV.

*An ex Legibus hæcenus allatis nascatur obligatio in conscientia.*

PRÏUS dicendum est de Legibus primo, & secundo. §. relatis, deinde specialiter de lege Aquilia.

172. DICO 1. Qui, vel ex quasi delicto, vel noxali actione tenetur, non obligatur in conscientia ante Iudicis sententiam, ad præstandum id, quod leges illæ statuunt. Ità communis Theologorum, sed non omnes eodem modo probant Conclusionem. P. Molina, quem sequitur Layman & Lugo, probant hoc modo. Si obligatio hæc esset in conscientia ante sententiam Iudicis, transiret ad hæredes ipsius obligati, quod tamen ipse leges cavent. Hæc tamen probatio non est efficax. Aliud est, quòd leges negent actionem ex illis legibus adversus hæredes, & aliud, quòd obligatio conscientie non transeat ad hæredes: potest enim transire hæc obligatio, & tamen actio negari: leges autem solùm negant actionem: ergo ex hoc non potest inferri, non dari obligationem in conscientia: neque hoc est quidem insolitum. Nam ut præclare

advertit Dn. Collega Arnoldus Rath 1h. 39. in L. Aquil. Plures sunt actiones, quæ adversus hæredes non dantur, & tamen fundantur in obligatione ex conscientia: sic nec actio doli, nec actio, quod metus causâ, nec denique actio rerum amotarum, dantur adversus hæredes delinquentis, nisi ex de functionum delictis locupletati fuerint, & tamen omnes fatentur, ante omnem sententiam Iudicis in conscientia obligari ad reparandum damnum, qui alteri, vel per dolsam deceptionem, vel per metum, vel conjunctis conjugis per injuriam rei conjugalis amotionem intulit.

Communis aliorum probatio est, quòd hæc leges sint pœnales, adeoque, ut sic non obligent in conscientia ante Iudicis sententiam. De hoc argumento ex professo egi in tr. de Legibus, quæ hic non sunt repetenda. Addunt huic probationi Card. de Lugo, & Elparza, hæc leges in hoc rigore non esse receptas. Hoc omnino verum est, sed conclusio probanda est independentè à non acceptance & acceptione.

173. Probatur igitur conclusio ex fine earundem legum, ad quem obtinendum non erat necessarium obligare in conscientia, sed sufficebat, posse in Iudicio conveniri, & Iudicem debere juxta leges condemnare, factâque condemnatione induci obligationem in conscientia.

174. Finis igitur illarum legum alius non erat, quàm stimulare cives ad majorem providentiam, & cautelam fortuitarum damnificationum. Quod autem sufficeret, obligari primum post sententiam Iudicis, probatur: nam certum est, quòd periculum subeundi iudicii sit magnus stimulus diligentie: addere autem huic stimulo majorem stimulum, provenientem ex obligatione conscientie ante sententiam nullo modo expediens erat: tum quia hujusmodi obligationes non sunt inducendæ, nisi exigente necessitate: atqui cum conderentur illæ leges, nondum constare poterat de hac necessitate, sed prius experientia capiendi fuisset, an sufficienter cautum esset priore remedio.

Deinde obligatio hæc in conscientia plus incommodi afferret, quàm comodi: à paucis enim observaretur: valde enim innaturale est, & violentum, ut quis in propria causa sibi severus Index sit, & seipsum condemnet ad reparandum damnum, quod sine ulla culpa Theologica commissum est. Hinc ergo fieret, ut peccata & perplexitates multiplicarentur. Cum ergo Legislator debuerit in stimulanda civium vigilantia certum modum tenere (alioquin posset in centuplum condemnare, quod per se absurdum est) & nullâ efficaci ratione possit ostendi, necessariam fuisse obligationem in conscientia, hoc ipso rectè negatur subesse.

175. Quæri tamen hic posset ulterius, an saltè ex naturali æquitate, & lege teneatur aliquis



quis ad aliqualem compensationem damni, sine ulla sua culpa Theologica illati à rebus, vel personis ad se pertinentibus. Affirmat Vasquez, & ejus individui discipulus Turrianus.

176. DICE N D U M tamen est, nullam hujusmodi obligationem ex Iustitia existere. Probatur 1. à posteriori. Nulla obligatio naturalis datur aut prudenter asseritur dari, quæ à tam paucis dari existimatur, ut simpliciter dici possit à toto genere ignorari & non agnosci: sed talis esset hæc obligatio naturalis: ergo non est asserenda. Major constat ex alibi dictis, nam lex Naturalis debet à natura inferri nobis, & per se loquendo esse nota independentem à scholasticis subtilitatibus: ad quid enim natura introduceret obligationem, quæ ob invincibilem ignorantiam fere omnium esset otiosa, & sine culpa negligenter? Minor autem est æquè manifesta. Nam independentem à scholasticis argumentis, quibus pauci doctores induci sunt ad hujusmodi obligationem asserendam, nemo etiam conscientiosissimus scrupulo vel suspitione minimà pulsatur, an solvere debeat alteri damnum quod à se se meâ passus est, aut à regula cadente de recto meo.

177. Fundamentum adversariorum referam verbis formalibus Vasquezii, unde patebit vera esse, quibus ego probavi conclusionem. Sic ergo habet. *Opus. de Restit. c. 2. §. 2. dub. 1. n. 4. & 5.* [Ratio est quare jure naturali ad id teneamur: nam postquam introducta est possessio, & rerum divisio per appropriationem, non est sublatum jus naturale, quod habet unusquisque ad recuperandum damnum, quod passus est ab aliquo sive bruto, sive servo, sive libero. Unde si passus est damnum ab animali, ipsum animal illi manet obnoxium secundum valorem sui, ut inde damnum, quod ab eo passus fuit, repararet: & quia brutum non habet aliunde, quam ex seipso, ipsum manet obnoxium restitutioni. & similiter in servo, ipse secundum suam personam manet obnoxius restitutioni, quia persona non libera æstimatur pretio, quo reparari potest damnum illatum: sequitur ergo, quod dominus tenetur ad restitutionem non ratione sui, nec ratione culpæ, sed quia naturâ suâ animal aut servus suus non est capax obligationis; & sicut, quidquid affert utilitatis, est domini, ità & damni unde obligatio illa ad restituendum damnum, cuius non est capax servus, aut animal, est ipsiusmet domini.] Hæc Vasquez. Ad quod brevissimè & expedite responderetur, negando suppositum, nempe quod unquam existerit jus naturale reparandi damnum sine ulla culpa theologica datum, & sic ruit totus discursus superædificatus propositioni quæ supponitur & non probatur, cum ab omnibus negetur. Hæc genus de damnis sine culpa theologica datus: nunc de datis ex culpa theologica præsumpta, de quibus Lex Aquilia loquitur, videndum.

178. DICO itaque 2. Si nulla culpa theologica intervenit, tunc ex probabili Recentiorum sententia non solum non tenetur lædens ante sententiam Judicis ad quidquam, verum etiam, si per sententiam, ejusque executionem adigatur ad solutionem, potest deinde uti jure occultæ compensationis. Ita post alios Rebelus lib. 2. q. 10. s. 4. *Concl. 3.* Probatur Conclusionsio. Lex Aquilia fundatur in præsumptione culpæ commissæ: sed leges pœnales, quæ fundantur in præsumptione falsæ, nec ante nec post sententiam judicis obligant in conscientia: ergo si damnificans certus est, se nullam culpam theologicam commississe, non obligabitur. Minor nunc suppono, & probabitur inferius: ratio breviter est, quia præsumptio falsæ cedit veritati, & si Judici constaret de Veritate, v.g. si præsumptio probatione contrariâ elideretur (nam præsumptio juris admittit probationem in contrarium, si non sit iuris & de iure) non deberet condemnare: ergo condemnatio solum habet locum in foro externo, seu, in foro fori, non in foro poli seu interno.

179. Major probatur ex ipsiis legibus, in quibus semper hoc damnum spectans ad legem Aquiliam, vocatur *Damnum injuriâ datum*; quod autem per injuriam culpa theologica intelligatur, satis clarè colligitur ex §. 3. 1. ubi culpa opponitur casui fortuito, quando autem omnis culpa theologica abest, quod fit est casus fortuitus. Verba sunt illius §. *ac ne is quidem hac lege tenetur, qui casu occidit, si modo culpa illius nulla inveniat.* Unde inferunt Iuris Interpretes, quod qui sunt doli in: apaces, non possint hac lege conveniri: quid autem facit ad rem capacitas doli, si dolus seu culpa non debet intervenire? item inferunt, eum qui necessitate compulsus damnum infert, v.g. in casu incendii (de quo supra) non teneri hac actione: quia culpâ caret: ergo à primo ad ultimum nemo tenetur hac lege, nisi de quo culpa cum veritate præsumitur. Dixi, *ex probabili sent.* non enim nego oppositam esse communioem, quod teneatur post sententiam, etiam si nulla theologica culpa intervenierit gravis, modò culpa luridica levis aut levissima intervenierit. Et ità sentit ipsæ Molina d. 698. n. 5. circa medium, ubi bene monet, esse attendendum, quousque lex Aquilia sit in praxi recepta. Sequitur Dicastillo tr. 2. d. 3. a. n. 59.

180. DICO 4. Quando culpa theologica intervenit, tenetur damnificans ad compensationem æqualem damni dati ante omnem iudicis sententiam, adeo ut hæc obligatio etiam transeat ad hæredes. Probatur ex superius dictis. Talis obligatio adesset, etiam si nulla lex Aquilia extaret, nascitur enim Iure Naturæ ex secunda radice, nempe *Injuste læsionis*. Quare talis obligatio est pars debitorum, quæ omnia transeunt ad hæredes.

181. DICO

181. DICO 5. Excessus pœnalis ad quem fit condemnatio, non debetur, nisi post sententiam Iudicis, nec transit ad hæreses hæc obligatio, nisi lis fuerit cum ipso damnificante contestata. Probata est Conclusio in superioribus.

Contra secundam conclusionem objicit quidam Recentior capitulum 9. seult. de injuriis & damno dato, ubi Gregorius IX. alicuj pœnitenti quærenti, an teneretur refarcire damnum, quod ignorans dedit, responder (inquit) Pontifex, teneri quidem, si quâcunque culpâ Juridicâ illud dedit: certum autem est, Pontifici non esse sermonem de foro externo, non enim respondebat Iudici, sed pœnitenti, qui non interrogabat de foro externo, sed de interno: ergo eandem obligationem refarciendi damnum culpâ Juridicâ datum, quam imposuisset Iudex externi fori, declaravit Pontifex esse lege impositam pro foro interno.

182. Nescio, in quo codice legerit iste Recentior, illud vocabulum. Juridica. Meus textus sic habet. Si culpâ tuâ datum est damnum, vel injuria irrogata, &c. Satisfacere te oportet: nec ignorantiâ te excusat, si scire debuisti, ex facto tuo injuriam verisimiliter posse contingere, vel facturam. Unde Joannes Bapt. Vivianus capitulum hoc interpretatur de Jure naturali, his verbis: Quia Juri naturale dicitur, quod pœna sit pro culpa infligenda, &c. Quoniam ea, quæ sunt de Jure naturali, semper firma, & immutabilia permanent, &c. Pontifex ergo conditionatè respondendo remisit pœnitentem ad suam propriam conscientiam, utrum ignorantia, quam prætendebat, fuisset culpabilis & vincibilis, nec ne.

## CONTROVERSIA V.

*Qualis culpa requiratur & sufficiat ad obligationem Restitutionis ex secunda Radice, hoc est, injusta læsione.*

### S V M M A R I U M.

Ex quibus Capitibus proveniat culpa obligans ad restitutionem. 183.

Culpa Juridica quatuorplex sit. 185.

Culpa levis esse potest ex triplici capite. 186.

Non datur Jure naturæ obligatio restituendi damnum sine culpa Theologica datum. 187.

Ex peccato veniali ob defectum advertentiæ, vel nullâ nascitur obligatio, vel nascitur ad totum. 191.

An detur aliquando obligatio gravis ad materiam legem. 193.

An detur saltem obligatio levis ad partem levem ex semiplena advertentiâ. 194.

Ex semiplena advertentiâ non nascitur obligatio ad restituendum damnum grave. 195.

Utrum contrahatur obligatio gravis restituendi damnum grave datum per plures actus leves. 197.

Obligatio restituendi in casu posito non nascitur præcisè ex peccato veniali, prout habet rationem culpæ, sed ex conventionē. 209.

Obligatio restituendi non est pœna penitus involuntaria, sed conventionalis, quam quisque sibi ipsi imponit, dum alium lædit. 209.

An spectato Jure naturæ faciendâ sit restitutio, secundum æstimationem videntis, sententiâ Cardinalis de Lugò. 214.

Sententiâ Card. Pallavicini. 215.

Sententiâ P. Marini Esparza. 217.

Æstimatio damni quoad excessum non attenditur in effectu restitutionis. 218.

Ad damna extrinseca subsecuta, & insuspicabilia non est obligatio. 219.

Qui ex culpabili inconsiderantia non attenderet ad damna prudenter inopinabilia, teneretur ad omnia eventura. 220.

Probabilius, qui ex invincibili ignorantia existimat, damnum non esse connexum cum actione nocivâ, non teneretur ad amplius, quàm ad quantitatem existimatam. 221.

P. Marini Esparza probatio non admittitur. 222.

Omnis obligatio à natura introducta optabilior esse debet singulis hominibus antecedenter ad eventus, quàm esset negatio obligationis. 223.

Potest aliquis velle nocere alteri dupliciter, directè vel indirectè. 227.

Item vel positivè, vel negativè. 228.

Ab intentione nocentis præcisè nunquam vitatur actus damnosus ad obligationem restitutionis, si damnum secundum se est licitum. 230.

Discrimen Justitiæ ab aliis virtutibus obligantibus ad non intendendum aliquid per media aliquin licita. 234. 236. 237.

Explicatur lex secunda ff. de aqua pluvia arcenda. 241.

Aliquando actio sit nocivâ ex sola intentione. 241. 242.

Medicus, Advocatus, Confessorius, Iudex, &c. nisi speciali pacto se ad extraordinariam diligentiam obligaverint, non tenentur nisi ad diligentiam communem aliorum. 243.

Nisi interveniat culpa lethalis Theologica, ne quidem ex latâ culpa civili tenetur quis ante sententiam aliorum Magistratus. 244.

Limitatio. 245.

Contractus sunt triplicis generis. 246.

Regula communis, ad quam culpam sit obligatio ex contractu. 247.

Ex ipsa rerum naturâ datur aliqua diversitas obligationis pro diversitate contractuum. 248.

Lex obligans ad cavendam culpam civilem, obligat etiam in conscientia. 249.

Si contrahens ex inconsiderantia, vel indeliberatione excusante à mortali, committit culpam Juridicam, non tenetur ante sententiam. 250.

## §. I.

*Certiora pramittuntur.*

183. **N**otandum 1. Culpa obligans ad restitutionem, quandoque provenit ex negligentia administratione officii sibi commissi, v. g. si Confessarius non monet id, quod monendum esset, unde tertius damnum patitur: quandoque ex violatione obligationis initæ per contractum ad certum genus, seu gradum diligentie præstandum: quandoque, & quidem frequentius ex neutro horum provenit, sed præcisè ex alia injusta læsione, ut ex furto, combustione, vulneratione, detractione, &c. De ultimo capite nunc agemus, in seqq. de prioribus.

184. Notandum 2. Culpa duplex est, Theologica, & Juridica. Theologica, ut hic accipitur, est omne peccatum contra Iustitiam commissum, seu veniale, seu mortale: Juridica est omnis alicujus diligentie, quam vel ex lege, vel ex conventionem tenebatur quis adhibere, five deinceps concurrat etiam Theologica culpa five non.

185. Notandum 3. Culpa Iudicialis est quintuplex: Latissima, Latior, Lata, Levis, Levissima. Latissima culpa est dolus apertus. Latior est dolus præsumptus, ut si non cures rem alienam eâ diligentia, quâ tuam, cui adnumeratur Ignorantia Iuris communis. Lata est intermissio diligentie communis, hoc est, quæ in tali negotio communiter adhiberi solet: ut si librum tibi commodatum extra cubiculum relinquant. Culpa levis est omnis diligentie, quam homines providentiores solent adhibere, ut, si librum quidem relinquant intra cubiculum, sed cubiculum non claudas. Levissima est omnis diligentie exactissima, ut si claudas quidem cubiculum, sed non tentes, an sit obducta sera. Hæc membra five species calparum subtiliter quidem ab invicem distinguuntur. Credo tamen raro contingere, ut in iudiciis fiat discrimen inter culpam Latorem, & Latam,

186. Notandum 4. Certum est, culpam mortalem sufficere ad obligationem istam restituendi ex secunda radice: sed Controversia est, an culpa venialis sufficiat. Potest autem esse culpa venialis ex triplici capite: primò ex defectu plenæ advertentie, five materia sit gravis, five levis. Secundò ex parvitate materie, & de hoc casu non est difficultas, nam per se loquendo non nascitur, nisi levis obligatio, hoc est, obligatio sub veniali. Nam sicut ablatio non est nisi venialis ob parvitatem materie, ita non restituitur solum erit venialis, quàmvis materia est parva. Tertiò provenire potest ex errore, eò quòd existimem damnum, quod infuso, esse leve, licet reipsa sit grave, ut si projiciam alterius gemmam pretiosam, putans esse vitrum exigui valoris.

## §. II.

*An iure natura præcisè spectato deatur obligatio gravis resarciendi damnum sine culpa Theologica datum.*

187. **D**ICO non dari. Itæ communis Theol. & Canonici est etiam aperta sententia S. Augustini Ep. 154. Absit, inquit, ut ea, quæ propter bonum, aut licitum facimus, aut habemus, si quid per hæc contra nostram voluntatem cuiusdam mali acciderit, nobis imputetur.

Probatur Conclusio 1. Argumento superius facto contra P. Vasquez. Natura non instituit obligationes, quæ nemini quasi innotescunt: quod argumentum in præsentis conclusionis, ne, vel maxime locum habet, nullas enim Autor alicujus nominis. unquam asseruit contrarium. Et sanè, si ad casus particulares descendamus, statim ipsa ratio repugnat tali obligationi, ut consideranti liquet.

188. Ratio à priori est clata. Nam actus sine ulla culpa Theologica commissus, habet se prorsus ut casus fortuitus, perinde, ac si fulmine tale damnum datum esset. Quidquid enim sit sine culpa; eò quòd actus ipse fuerit licitus, vel damnum securum non poterit prævideri, vel planè invincibiliter non fuerit prævisum, sit quidem à nobis physicè, sed nò sit à nobis moraliter, hoc est, modo humano, quia non est voluntarium: ergo nec debet moralem obligationem inducere, sicut nec casus fortuitus.

189. Confirmat hoc bene quidam Recentior. Damnum, quòd datur à furioso & amente, nullam inducit obligationem restituendi, quia dicitur fieri à natura, non ab homine, à natura autem ineptè exigitur compensatio: atqui damnum datum ab invincibiliter operante ex ignorantia, non minus est à natura, quatenus actio talis damnosa est, quia quæ damnosa non est voluntaria: ergo, &c.

190. Objicies. Ponamus me accendete segetes, vel domum Pauli, invincibiliter putantem esse Petri mei inimici: ex nostra conclusione sequeretur, me ad nullam restitutionem teneri, non quidem Petro, quia licet affectivè laderè voluerim, reverà tamen non læsi: solus autem affectus carens effectu non inducit obligationem restituendi. Sed neque Paulo tenerè, quia invincibiliter illi damnum intuli. Item, si occidam Petrum, putans esse Paulum, sequeretur me ad nullam restitutionem teneri illis, qui per tale homicidium læsi sunt, v. g. quos alebat, &c. Quidam Recentior negat inter istos duos casus paritatem, & quidem in priori casu negat sequelam objectionis, & docet, induci obligationem restituendi. Quia, inquit, damnum est unicum, & imputabile ad injustitiam, quidquid sit, an erraveris circa personam. In secundo casu concedit sequelam, nempe nullam esse obligationem

nem restituendi: rationem dat: quia in eo casu duo damna considerantur diversa, alterum, quod intendebas, & non fecisti, aliud, quod fecisti, sed non cogitabas. Ego tamen censco esse disparitatem merè materialem, paritatem autem formalem: nam sicut in priore casu volo destruere has determinatè fegetes, & in hoc non erro, sed erro in eo, quòd putem esse fegetes Petri, cum sint Pauli, ità in secundo casu volo determinatè hunc hominem, quem ante me video, occidere, & in hoc non erro, sed erro, quòd hunc hominem putem esse Petrum, cum sit Paulus, & per consequens, quòd lædam conjunctos Petro, cum lædam conjunctos Paulo. Patet in exemplo alio simili. Si prætereunte Petro, quem puto esse Paulum, dicerem alteri: *Hic homo est adulter*: quis quæso Confessarius me absolveret ab obligatione restituendi famam Petro, si postea resciam fuisse Petrum, qui præterivit? Non memini me apud alium hoc legisse. Quare censco, in utroque casu esse obligationem restituendi illi, qui læsus est. Ratio est, quia tota quantitas damni est mihi voluntaria: quòd autem sit hujus vel illius damnum, non est necesse me scire, urà natura pœna restitutionis imponatur: sicut quando damnisifico communitatem, non debeo scire, quinam sint in illa communitate.

### §. III.

*Utrum sufficiat culpa venialis ex defectu advertentie, ve requiratur culpa mortalis ad obligationem restituendi damnum grave.*

191. **P** Vasquez & Turrianus docent, cum, qui ex semiplena deliberatione alterum graviter læderet, teneri ad totum damnum. P. Molina & plures alii, quos sequitur Dicastillo, docent, nasci obligationem gravem, non quidem ad reparandum totum damnum, sed cum proportionè ad majorem vel minorem culpam venialem, quà damnum datum est.

DICO 1. Ex peccato veniali ob plenè advertentia defectum, vel nulla nascitur obligatio, vel nascitur ad totum, eo modo, quo nasceretur, si damnum esset illatum cum plena deliberatione. Probat. Vel enim volunt adversarii, nasci obligationem gravem ad totum gravem damni gravem, vel ad partem levem damni gravis: neutrum dici potest. Non primum, quia gravis pars damni est & ipsa damnum grave: ergo jam non est proportio inter illam, & inter culpam venialem, quæ est levis: Nam ob hanc improporcionem ipsi adversarii non audent dicere, quòd ad totum damnum obligetur.

192. Confirmatur. Si illa pars gravis, quæ modò est pars totius damni illati: fuisset adæquatum damnum illatum illà culpà veniali, jam ipsi adversarii scirentur, non fore obliga-

tionem ad illud totum, propter improporcionem: atqui eadem est improporcio, si sit pars damni gravis, quia semper est eadem quantitas: ergo ob eandem improporcionem etiam non nascetur obligatio ad illam partem, quando est pars damni. Sed neque secundum dici potest. Implicat enim in terminis, dari obligationem gravem ad tollendum damnum leve.

193. Dices: Imò defecto sæpè datur obligatio gravis ad materiam levem, v. g. si quis furatus esset medium florenum (ponamus hanc esse summam gravem, quà minor non esset gravis) talis non haberet gravem obligationem restituendi totum medium florenum, sed sufficeret, si parùm restitueret, quo restituito residuum non esset materia gravis, ac proinde non peccaret graviter, illud residuum non restituendo, sicut non peccasset graviter, illud primitus auferendo: ergo dari potest obligatio gravis ad aliquid leve. **ꝰ.** Quando dicitur, aliquem teneri graviter ad summam gravem, debet intelligi in sensu formali, hoc est, tenetur ad restituendum eò usque, donec non remaneat dampna grave. Hoc sensu dicitur quis teneri ad totum damnum grave, hoc est, ad faciendum ut damnum desinat esse grave. Eodem sensu dicimus, quòd implicet aliquem graviter obligari ad reparandum damnum leve, nempe, cujus adæquatus terminus sit levis, talis esset illa pars, de qua disputamus, non item medium florenus in casu replicæ: nam si quis restitueret, v. g. decem crucigeros, seu quarantanos, adhuc sub veniali teneretur ad reliquos viginti.

194. **QUÆRES**, an saltèm dici possit, dari obligationem levem ad partem levem in casu de quo disputamus? **ꝰ.** Cum distinctione. Priùs autem observo ex dictis lib. 2. **Contr. Theol.** quòd omnis semideliberata advertentia sufficiens ad peccatum veniale, sit respectu aliquis levis malitiæ advertentia plena, quia non potest dari peccatum sine præcedente judicio evidente practico, hinc & nunc me malè agere, quæ jam est plena advertentia ad aliquem gradum malitiæ. Hoc posito, respondeo: si quis inferens alteri damnum advertit evidenter, se alteri aliquod damnum inferre, sed non advertit ad gravitatem damni, tunc dico, quòd teneatur sub veniali ad restituendam partem levem, cum proportionè ad advertentiam. Quòd si verò solum advertit, se malè agere, non autem, quòd alteri inferat damnum, v. g. dum alterius famam lædit, advertit quidem ad malitiam mendacii, sed non ad specialem inlicitam detractionem, tunc ad nullam restitutionem tenebitur, ne leviter quidem, quia nihil damni est voluntarium, & formaliter injustè illatum. Confirmatur à paritate. Nam quando quis semideliberatè emitit votum, v. g. recitandi quotidie rosarium, ad nihil omnino tenetur, quia nulla pars totius delibet.



deliberatè volita, ex animo contrahendi obligationem pertinentem ad virtutem Religionis.

195. DICO jam 2. Contra P. Vasquez. Ex semiplena advertentia non nascitur obligatio ad restituendum damnum grave. Probat 1. à pari, vel etiam à fortiori. Obligatio naturalis & quæ nobis etiam invitis nascitur, non debet facilius induci, quàm inducatur obligatio voluntaria; nam voluntariè possumus nos ad plurima obligare, ad quæ tamen à natura non poteramus obligari, cum tamen econtra naturaliter homo ad nihil obligetur, ad quod non possit se sponte & voluntariè obligare: atqui voluntaria obligatio gravis nunquam nascitur ex semiplena deliberatione, ut patet in contractibus, voris, juramentis, &c. ergo nec obligatio naturalis ex latione alterius.

Probat 2. Damnum, quod non est omni modo voluntarium, eo modo quo non est voluntarium, non fundat obligationem restituendi: sed quando damnum grave infertur voluntate semideliberatè, gravitas damni, quæ talis non est voluntaria, quia non est sufficienter cognita: ergo non fundat obligationem restituendi.

Probat 3. Obligatio restituendi damnum illatum, quando quis non est inde factus locupletior, est instar pœnæ impositæ à natura, tanquam necessariè ad absterrendos homines à libidine damnificandi, & ad promovendam concordiam, & felicitatem vitæ socialis, ut suprà dictum est: atqui hæc pœna, de qua disputamus, non esset apta ad hunc finem: nam ab actu semideliberato non possumus absterri per illam penam, ad quam non advertimus sufficienter. Ergo non est inducta à natura.

196. Confirmatur. Natura non induxit ullam obligationem, in quam homines non essent consensuri, si, antecederet ad omnem casum eventuale fuisset eorum consensus requisitus, ut alibi declaravi. atqui non est credibile, quod homines fuissent consensuri in obligationem de qua disputamus: ergo &c. Minor probatur. Culpa venialis ex semiplena deliberatione est quoddam malum moraliter inevitabile, quapropter quisvis posset prudenter formidare, ne aliquando à se talis culpa committeretur, quæ committà putaret secum iniquè actum iri, si ob semiplenam advertentiam graviter esset obligatus: quod autem quisque circa se statui nolle, non debet velle, ut alius graveur, juxta regulam: Quod tibi non vis fieri alteri ne feceris. Ergo &c.

#### §. IV.

*Utrum contrahatur obligatio gravis restituendi damnum grave, illatum per plures actus deliberatos veniales.*

197. QUÆRITUR quid obligationis sit in sequenti casu. Petrus læsit successivè

diversis vicibus Paulum leviter, v. g. aufert unam uvam ex vinea, vel unum Julium, & hoc sæpius facit, non advertens nec intendens complere damnum grave: postea tamen advertit, illa parva damna adeo fuisse multiplicata, ut simul sumpta intulerint Petro grave damnum: quæritur inquam, an teneatur ad resarciendum damnum grave, adeoque sub peccato mortali, vel an tantum teneatur sub veniali ad aliquam levem compensationem. Hoc posterius affirmavit quidam acutissimus Recentior, mihi multistimulis observandus, & olim meus in Mathesi Professor Romæ.

198. DICO, ex illis venialibus furtis nasci obligationem gravem restituendi gravitatem damni eò usque, ut nihil grave maneat irreparatum. Ità Thomas Sanchez lib. 1. in Decal. c. 4. n. 16. Lugo d. 8. §. 5. à n. 68. Elparza. Probo conclusionem 1. Datur obligatio ad totam illam summam restituendam quæ est summa gravis: sed ad restituendam summam gravem non datur obligatio levis sed gravis, ut etiam adversarius concedit, & per se patet, nam gravitas debiti seu juris passivi, est fundamentum & radix obligationis gravis, quæ ab illo specificatur. Major ergo probatur à posteriori. Si post singula furtis restituisses, prout sub veniali tenebaris restituere, non propterea fuisses deobligatus restituere pro ultimo furto minuto, sed ex hoc etiam nasceretur obligatio levis restituendi illud: ergo tota summa secundum singulas partes erat sub obligatione restituendi: atqui per hoc quod priora furtis non statim restituieris, non debes utique evadere melioris conditionis, & à natura mitius haberi, ità ut per restitutionem materiam levis, reliqua quantitas poneretur extra omnem obligationem etiam levem restituendi: ergo etiam, & multò magis, nullà factà restitutione teneberis ad totam summam: atqui summa hæc, nullà prius factà restitutione, est gravis: ergo obligaris ad summam gravem: ergo etiam obligatio est gravis. Quod autem evaderes melioris conditionis, & mitius habereris à natura in casu nullius factæ restitutionis, patet: quia in sententia contraria non tenereris restituere nisi levem aliquam summam: ad residuum verò ne quidem sub Veniali tenereris: ergo mitius tecum ageretur.

199. Probo Conclusionem secundò ad hominem. Quia adversarius non potest assignare, ad quantam summam intra spheram summarum levis teneatur ille, qui successivè centum Julios furatus est. Responder Adversarius, non quidem teneri ad unum solum Julium (ponamus, quod nunquam plus simul acceperit, quàm unum Julium) sed ad plus. Si enim (inquit) aliquis unà vice unum Julium, & alterà alterum furaretur, sine voluntate tendente simul in duos Julios, teneretur quidem ad resarciendum plus quàm unum Julium, sed minus quàm duos. Ratio-



Rationem dat: quia duæ culpæ leves sunt quid gravior quàm una sola, & quòd plures sunt culpæ leves, eò quid majus conficiunt: semper tamen in ratione *levis*. Ita ille.

Sed contra arguuntur. Ex hac doctrina sequitur, quòd multitudo furtorum patrocineatur furi eatenus, quatenus singulis furtis minùs obligatur si plura commisit, quàm si pauca: consequens videtur mihi ex terminis inconveniens. Sequelam facillè probò. ponamus, quòd duobus furtis duos Iulios accepit, tunc per adversarium tenebitur ad plus quàm ad Iulium: ergo si hæc summa dividatur, uni furto respondebit mediùs Iulius & paulò plus. Ponamus jam alium, qui centum furtis furatus est centum Iulios, quæro, an singulis furtis obligetur ad mediùm Iulium? negare id debet adversarius, alioquin obligabitur ad gravem summam, nempe quinquaginta Iulios, quod est directè contra adversarium: ergo cum non obligetur nisi ad summam levem (quam ponamus esse mediùm florenum) sistite dividatur in centum partes, singulis furtis respondebit unus nummus, & centesima pars viginti nummorum. Ecce! quantum subleventur singula furta ob multiplicationem eorumdem.

200. Ulteriùs ex hac doctrina sequitur, quòd etiam si quis successivè millenos & millenos florenos per unius Iulii furta furatus esset, nunquam obligaretur ad illam summam, quæ est proxima summæ gravi. Probatur tequela. Si enim posset ad illam summam obligari, tunc si unicum furtum superadderet, propter hoc furtum unà cū prioribus ad aliquid amplius obligaretur: atqui illud amplius additum priori evaderet summa gravis: ergo jam obligaretur ad summam gravem, quod tamen adversarius dicit esse impossibile. Sequelam autem esse absurdam patet: nam unico furto illius summæ proximæ summæ gravi obligor ad illam totam: ergo per millena furta summæ paululùm minoris utique etiam eò perveniam.

201. Probatur Conclusio 3. à pari. Si ego tibi successivè diversis vicibus promitterem aliquid leve, hodie v. g. unum Iulium, cras parvam mensuram frumenti, deinceps aliquid olei aut vini &c. etiam si in posterioribus promissionibus non recordarer priorum, si tamen omnia illa levia simul sumpta facerent materiam & quantitatem gravem, certum est, nasci obligationem gravem ad totum illud complexum rerum promissarum, etiam si singulæ promissiones non obligarent nisi ad aliquid leve. ergo idem dicendum est in casu levium læsionum, quia solida disparitas non facillè assignabitur.

202. Respondet Adversarius negando paritatem: Obligationes enim, inquit, in promissionibus oriuntur ex ipsa voluntate se obligantis, & sic singulæ promissiones pariunt singulas obligationes, quæ cum reliquis possunt fa-

cere obligationem gravem, quando advertuntur, & ad hoc non debent uniri alio modo, quàm per existentiam, si simul omnes cognoscantur. At verò ex singulis culpis levibus suprà positus non oriuntur illæ obligationes, unde nec possunt coalescere in unam gravem. Et rationem dat, quia culpæ leves non dant causam rationabilem dissolvendæ concordiz, ex qua sola potest dari voluntas obligationis gravis.

203. Hæc tamen responsio non satisfacit argumento, & potest pluribus modis impugnari. Primò, ponamus me ità promississe, ut obligarer implere illo die, sed non implevisse, quo casu fit quotidie injusta læsio levis: neque tamen propterea minùs nascetur obligatio gravis; nam utique injusta læsio accedens ad promissionem non minuet vim obligandi: ergo illæ parvæ promissiones non habent suam vim obligandi graviter ex negatione injustæ læsionis: ergo pari modo quando per singula furta contrahuntur singulæ obligationes, hæc obligationes non impediuntur ex eo quòd nascantur ex injusta læsione, quominus pariant obligationem gravem.

204. Contra secundò, & ponamus casum aliter hoc modo. Ponamus Petrum singulis diebus implevisse promissionem, sed semper eodem die iterum illud ipsum furatum esse, quod solverat. In hoc casu per adversarium non nascetur obligatio gravis, quæ tamen nata fuisset, si promissiones impletæ non fuissent, quod est sanè per se ridiculum, cum in effectu idem sit, ac si nunquam impletæ fuissent promissiones.

205. Contra 3. Si verum est, quod dicit adversarius, nempe non ex singulis furtis levibus nasci singulas obligationes, quæro, an ex primo furto nascatur obligatio levis, ac ne? si affirmas, procedo ad secundam, & sic deinceps: atqui de nullo furto determinato potest negari, quia non est major ratio de uno quàm de cæteris: ergo ex singulis nascuntur singulæ obligationes. Neque dicas, ex primo furto nasci obligationem conditionatè: nisi sequantur alia furta: hoc enim esset absurdum: quia sic obligatio post furtum factum maneret suspensa, & pluralitas furtorum absolveret primum furtum ab obligatione: uno verbo: ex uno furto obligaretis ideo, quia non es furaturus sapius, quod ex terminis inconveniens est.

206. Contra 4. Verum quidem est, quòd causa discordiz est unica causa gravis obligationis, sed hoc non est intelligendum de sola causa data, sed vel de data vel de danda. Explico. Causa data est, quando quis advertendo ad gravitatem læsionis alterum graviter lædit, tunc enim jam est data causa gravis indignationis & averſionis, & hinc nascitur gravis obligatio restituendi, & tollendi causam discordiz, quæ continuaretur, si restitutum non sequeretur. Causa danda discordiz est, quando quis,

si aliquid nec præstaret, nec ad præstandum obligationem agnosceret, daret alteri causam indignationis & aversionis, quæ causa etiam daretur ab eo, qui non præstaret totum aggregatum rerum promissarum. Hujusmodi causam daret etiam ille, qui pro centum furtis Iuliorum nollet restituere nisi duos Iulios, ut vult adversarius, quod quidem clarè ostendi potest. Dicit enim Petrus Paulo. Ignosce mihi frater: centum Iulios per centum vices abstuli, nunquam animo lædendi graviter; nunc autem recorder, fuisse centum Iulios ablato. Respondet Paulus. Non irascor tibi, quia non habuisti animum graviter lædendi, licet reverà læderis. Sed nunquid restitues quod abstulisti? Replicet Petrus. Ecce! do tibi duos Iulios, his contentus esse debes, nolis velis. Paulus urget. Si tantum duo furti fecisses, deberes duos Iulios restituere: nihil ergo dabis pro reliquis 98? Jam, secundum Adversarium, debet Petrus provocare ad ipsum Naturæ lumen, & dicere: Lumine naturæ mihi notum est, quod pro duobus primis furtis debebam unum Iulium cum dimidio: pro cæteris 98. accipe insuper medium Iulium, quia lumen naturæ plus non dicit. Quis obsecro, reprehenderet Paulum, si tali Philosopho indignaretur?

Probat Conclusio 4. Solutione argumentorum, ex qua constabit ratio à priori hujus obligationis.

207. Objicitur ergo 1. Non potest esse rationabilis voluntas in hominum communitate, ut ex levi delicto, quamvis deliberato, subeat quis grave damnum: sed restituitur totius summae esset grave damnum, ut supponimus: ergo ex levi delicto quamvis deliberato non incurritur hæc obligatio. Major probatur. Nam obligatio hæc non oritur ex re accepta, ut suppono, quia de ea nihil ampliùs extat nec formaliter nec æquivalenter, sed solum ex delicto, quamvis deliberato: adeoque se habet ad modum pœnæ debitæ illis peccatis levibus, quæ pœna licet sit proficua læso, est tamen gravis respectu lædantis. Nunquam autem levibus culpis potest rationabiliter imponi gravis pœna seu grave damnum.

208. Respondetur cum Thoma Sanchez Lugo & Esparza, negando suppositum, nempe, quod obligatio restituendi nascatur præcisè ex peccato Veniali, prout habet rationem culpæ, sed ex conventionem seu consensu tacito, quem habet illa culpa annexum, quo quis quacunque læsione voluntariâ voluit esse obligatus ad restituendum illud damnum, quod voluntariè intrulit. adeoque dum committit secundum furtum, obligatur vi illius præcedentis conventionis ad secundum damnum unà cum priorè restituendum, & sic deinceps, ac consequenter in ultima læsione, licet secundum se veniali, consentit implicite in totum damnum grave restituendum: quia verò ad grave damnum non datur

obligatio levis, ideo vult per consequentiam & implicite esse obligatus graviter.

209. Pro meliore hujus intelligentia & confirmatione, meminisse oportet eorum, quæ supra diximus de fundamento seu radice communis ad duas radices obligationis restituendi, quam doctrinam reipsa etiam amplectitur adversarius. Nempe in quoque homine datur voluntas universalis quæ vult promovere propriam felicitatem: felicitas autem uniuscujusque exigit ea omnia, quæ ad vitam socialem sunt necessaria, cujusmodi est pax mutua, & ablatio offensio-num, quæ maxime proveniunt ex injuriis illatis: quare datur in singulis hæc generalis voluntas, quæ vult unusquisque vel non ponere injurias, vel si posuerit eas auferre. Porro hæc voluntas est irrevocabilis, utpote confirmata ab auctore naturæ. Habet ergo omnis voluntaria læsio annexam hanc quasi conventionalem voluntatem, adeoque obligatio restituendi non est pœna penitus involuntaria, sed est pœna conventionalis, quam quisque sibi ipsi imponit alium lædendo: atque omnis conventio est quædam promissio: ergo in omni læsione intervenit promissio compensandi damnum illatum: atque ex pluribus levibus promissionibus potest nasci obligatio gravis, ut adversarius fatetur: ergo à primo ad ultimum, ex pluribus culpis levibus, ut habentibus annexam promissionem, potest nasci obligatio gravis, & ad aliquid grave. & hæc est ratio à priori Conclusionis nostræ.

210. Confirmatur primò. Quando quis committit posteriora furti, non utique in eorum compensationem obligatur consentire solummodo conditionatè: si nulla alia furti præcesserint, aut, si illa jam sint compensata, hoc enim absurdè diceretur, ut ostendi in primo argumento, quod enim pro prioribus non satisfecerit, & insuper nova furti superaddiderit, non debet utique relevare: atque si prius satisfactum esset, hæc satisfactio unà cum posteriore esset aliquid grave: ergo etiam si nulla satisfactio præcesserit, adhuc in posteriore consentit in aliquid grave. Itaque licet pro culpa levi non possit imponi pœna gravis, quæ nullo modo sit conventionalis, sed penitus involuntaria, attamen pœna conventionalis potest, sicut ex conventionem potest quis teneri ad præstandam culpam civilem levissimam, imò & casum fortuitum.

211. Confirmatur 2. Ex sensu & paxi omnium hominum etiam alioquin jurium suorum tenacissimorum. Si quis enim alteri diversis vicibus cum culpa veniali, v.g. ex levitate & petulantia, scinderet duo foramina in pallio, pro quorum singulis reficiendis esset dandus Iulius, si inquam postmodum utrumque curaret refici, & solveret duos Iulios, quis nostrum judicaret, quod plus æquo fecerit? cuius dicitur lumen naturæ, quod habet re ipsa aliquid repetendi à læso?

læso? quis læsum obligaret ad aliquam restitutionem?

Obijcitur 1. Totum damnum per modum unius nullâ voluntate fuit volitum: ergo alter non potest ex illis levibus culpis esse gravior offensus formaliter, sed solum materialiter, quia passus est grave damnum. 2. Concedendo totum: quid inde? ergo lædens non tenetur grave damnum compensare? nego consequentiam: quomodo probatur? Non tenetur solvere plus, quàm quod est formaliter volitum, itane? quomodo ergo adversarius suprà dixit, quòd qui duobus furtis furatur duos Iulios, non quidem teneatur solvere duos Iulios, sed tamen plus quàm unum Iulium? cùm nunquam sit formaliter volitum majus damnum quàm unius Iulii? Ecce! quòd argumentum nimium probet.

Confirmatur adhuc evidentiùs. Nam si adversarii fundamentum verum esset, sequeretur, quòd qui diversis vicibus furaretur summas graves, v. g. unum autem centum vicibus, nunquam tamen advertendo ad reliqua furtis, sequeretur, inquam, quòd non teneretur restituere centum aureos, imò non plùs quàm unum aureum, quia nunquam per modum unius plùs quàm unius aurei damnum, multò minùs damnum centum aureorum fuit formaliter volitum, & tamen omnes docent, tunc teneri ad centum aureos, non minùs quàm si habuisset animum furandi centum aureos per modum unius, non obstante, quòd illa peccata non intendentia damnum centum aureorum, essent minùs graviora, quàm si intendisset damnum centum aureorum. Ergo idem cum proportionem in nostro casu dicimus, & servamus doctrinæ consequentiam.

212. Obijci posset tertio. Quando quis multos leviter lædit, ità ut constiter tandem gravis læsio, tunc si illi plures non uniantur unionem morali, ità ut constituent aliquam communitatem, certum est, quòd non nascatur gravis obligatio, etiamsi damnum illatum sit grave: ergo nec in casu controversiæ nascetur. 2. Hoc nihil ad propositum facere, & nimium probare. Probat enim, quòd neque tunc nasceretur gravis obligatio, quando eundem pluribus vicibus leviter læderem, cum expresse animo perveniendi ad summam gravem: ità enim in casu objectionis res se habet, nam etiamsi omnia illa damna plurius simul & semel per unam actionem fierent & intenderentur, non nasceretur gravis obligatio: ergo non valet argumentatio à damnificatione plurius ad damnificationem unius. 2. itaque, in casu objectionis inferri quidem damnum grave physicè, sed non grave moraliter, prout in præsentis controversia sumitur: nempe illa levia damna non habent debitam unionem, hoc est, non coalescunt in ordine ad causandam gravem tristitiam, in ordine ad quam explicatur gravitas damni sufficientis ad

peccatum mortale, ut infrà dicitur. ad hoc enim requiritur, ut coalescant in eodem damnificato subiecto, sive illud sit unum physicè, sive unum moraliter, quale est una Civitas, Collegium, vel alia Communitas: sed de hoc plura infrà.

§. V.

*An qui per errorem iudicat se inferre damnum minus, teneatur solum restituere secundum suam estimationem, spectante jure nature.*

213. Quæstio est, ad quid teneatur ille, qui per invincibilem errorem existimans se hac actione non inferre plus damni, quàm v. g. decem florenorum, vel decem crucigerorum (quorum prior damnificatio etiam in estimatione illius est gravis, posterior verò levis) reverà tamen inferat damnum gravius, vel quia res, quam destruit, longè plus valet, vel quia ex damno directè dato aliud postea gravius damnum extrinsecum consequitur, quod tamen securum esse lædens non prævidit, nec hic & nunc poterat prævidere: quæritur, inquam, an solum teneatur restituere secundum estimationem suam erroneam, vel an secundum totum damnum illatum.

Quæstioni huic, quam alii DD. non satis accuratè tractant, ansam dedit Cardinalis de Lugo disp. 8. s. 1. n. 63. ubi eam disputat in casu, quo quis pergit gemmam alienam in mare, putans valere centum, cùm valeat mille, vel putans valere valde parùm, cùm valeat multùm.

214. Docet ergo Card. de Lugo, & respondet ad casum cum distinctione: eum nimirum, qui putat valere centum, quæ est materia gravis, teneri etiam ad reparanda mille ignorata. Rationem dat, quia reverà habuit animum lædendi graviter: ergo jam incurrit hanc quasi penam à natura taxatam, ut debeat solvere totum valorem gemmæ, quicunque valor ille sit. Qui verò æstimavit valere parùm, ex ejusdem Cardinalis sententia non tenetur, nisi quantum æstimavit valere. Hæc est propria sententia hujus Cardinalis, quam P. Esparza q. 34. confundit cum sententia Cardinalis Pallavicini, à qua plurius differt. Itaque

215. Cardinalis Pallavicinus cap. 7. n. 71. aliter respondet ad casum, & docet, etiam eum, qui putat gemmam esse vitrum parvi valoris, adhuc teneri ad totum valorem intrinsicum gemmæ. Rationem dat, quia voluntate executivâ voluit projicere quod habebat in manu, quodcunque illud esset: ergo jam se debebat obligare ad restituendum, quodcunque esset. Ad damna autem subsecuta, quæ non fuerunt prudenter suspiciabilia, hoc est, quæ non potuerunt prudenter timeri secutura, ait Card. lædorem nunquam teneri, sive secundum suam estimationem intulerit

licit damnum leve, five grave. Hæc igitur doctrina in utroque puncto differt à doctrina Lugonis: quia Lugo condemnat eum, qui graviter vult lædere, ad damna subsecuta etiam invincibiliter ignorata, & quæ prævideri non poterant; imò ad casus fortuitos, quam doctrinam supponit æpius ut indubitatum, neque tamen pro tam gravi obligatione asserta adducit alios Auctores. Deinde differt etiam in eo, quòd Lugo faciat discrimen inter volentem lædere graviter & volentem lædere leviter, quod discrimen negat Pallavicinus, ut retulimus.

216. Quòd lædens non teneatur restituere damna extrinseca, & invincibiliter non prævisæ secutura, probat Pallavicinus ratione à priori. Quia nemo tenetur reparare damna, quorum non fuit causa moralis: atqui damni, quod nemo prudens potuit prævidere, & ratione quorum non potuit Dominus antecederet esse invitatus circa actionem, non fuit causa moralis illator damni. Ergo, &c. Debent ergo, inquit, talia damna considerari ut merè fortuita. Confirmat. Quia obligatio reficiendi damna inexcogitabilia, esset irrationabilis, & intolerabilis, & occasio litium infinitarum semper subnascens.

217. P. Martinus Esparza aliter resolvit casum, & docet, nullum prorsus esse faciendum discrimen inter valorem intrinsecum rei, & damna subsecuta extrinseca, nec inter eum, qui venialiter tantum vult lædere, & eum, qui graviter, sed sine discrimine, neminem teneri ad plus restituendum, quam secundum quantitatem æstimatam ab ipso lædente, nullamque obligationem refundere ex quantitate damni, & valore rei invincibiliter ignoratis, ita quidem, ut nec dubitaverit de ulteriore valore, ac vi nociva.

218. DICO 1. Qui per errorem putat, damnum à se inferendum majus esse, quam reipsa sit, affectivè quidem gravius peccat, sed non tenetur ad plus restituendum, quam quantum reipsa damni intulit. Probat. Justitia non obligat nisi ad æqualitatem cum jure activo alterius: sed jus activum alterius adæquatur restituendo quantum damni datum est. Ergo, &c.

219. DICO 2. Contra Card. de Lugo. Qui vult alterum lædere, five graviter, five leviter, non tenetur ad damna extrinseca subsecuta, & prudenter insuspicabilia. Probat. Ad casus fortuitos nemo tenetur, nisi se ad illos per pactum ab altero acceptatum obligaverit, vel ex lege teneatur: sed in casu conclusionis nullum tale pactum intervenit, & damna inopinabilia subsequencia sunt planè fortuita; & si quis vellet invitatus esse circa actionem alterius, ex qua fortè damnum aliquod sequi posset, sed nemini esset prudenter suspicabile, v. g. si quis noller candelam ab altero accendi, ne fortè inde incendium oriat, & domus sua comburatur, cujus tamen combustionis nullum apparere peri-

culum, quamvis casu contingere posset: talis, inquam, omniū judicio esset irrationabiliter invitatus: ergo actio non est injusta ratione damni subsecuti insuspicabilis: ergo nec fundat obligationem restitutionis.

Confirmat hoc Pallavicinus. Si hæc obligatio daretur, nullus planè litium finis esset: dato enim semel damno, semper nascerentur novæ querelæ apud alios & alios, qui sibi persuaderent, se quoque per consequentiam læsos esse, ut magis intrà declarabitur.

220. DICO tamen 3. Qui ex culpabili inconsiderantia non attenderet ad damna prudenter opinabilia fortè subsecutura, teneretur ad omnia illa, quæ tunc evenirent. Probat. Quia per suam actionem jam esse causa moralis illorum damnorum, & sunt illi sufficienter voluntaria, quatenus ipsa inconsiderantia est voluntaria. Est enim quisque rationabiliter invitatus, ne alter cum tali inconsiderantia & sine examine damnorum se lædat.

221. DICO 4. Contra utrumque Cardinalem. Probabilius est, eum qui ex invincibili ignorantia existimat, hoc vel illud damnum non esse connexum cum sua actione nociva, five illud damnum sit intrinsecum five extrinsecum, & five secundum æstimationem lædentis actio sit leviter five graviter nociva, non teneri ad amplius quam ad quantitatem æstimatam.

222. P. Martinus Esparza probat Conclusionem his verbis. Inhumanum est, ut homines contrahant obligationem modo minimè humano: obligatio autem consequens ad ignorantiam invincibilem contracta catenus esset modo minimè humano, quia homo quatenus ignorat, nihil differt à bruto, quia eatenus libertate caret, à qua pendet omnis obligatio. Ita ille. Hæc tamen ratio, nisi promoveatur, nimium probat, ut ego quidem existimo, & facile solveretur ab adversariis. Nimium, inquam, probat: probaret enim, quòd nec leges possent ad hujusmodi reparationem damni sine omni culpa theologica dari obligare, quod est contra hunc ipsum auctorem. Probat sequela: quia sicut hic auctor dicit, quòd lex naturæ ita obligans esset inhumana, ita sequeretur, leges positivas sic obligantes fore inhumanas. item probaret, quòd nec per pactum possem hujusmodi obligationem contrahere, quia pactum esset inhumanum, utpote inducens obligationem contrahendam modo minimè humano. Deinde responderent Adversarii, quòd interveniat sufficiens libertas & consensus, quatenus volo damnificare in tali re, v. g. in projectione gemmæ, & implicite consentio voluntate executivâ, in totum damnum, quod inest gemmæ, quantumcumque illud sit, ut tradit Pallavicinus. Item dicerent, quòd sufficiat lex naturæ sine mea libertate, quia debet volens consentire tali legi, licet legibus humanis, quando ob varias circumstantias, quibus



quibus natura non potuit providere, tales leges ferret. Aliunde ergo probandum est, illam legem naturæ inhumanam fore, & non præcisè ex eo, quòd obliget ad reparandum damnum aliquod involuntarium: hoc enim, ut ostensum est, non est ex conceptu suo inhumanum pro omni casu, & circumstantiis, in quibus potest esse expediens dari huiusmodi legem. Ostendendum ergo est, quòd simpliciter & universaliter à natura sic obligari non expediret, & non esset hominibus optabile.

223. Probatur ergo Conclusio ex jam alibi dictis & insinuat. Omnis obligatio à natura introducta ita comparata esse debet, ut optabilior sit singulis hominibus antecederet ad omnes eventus, quàm esset negatio illius obligationis: hoc est, debet ab illa posse plus commodi sperari, quàm incommodi timeri: sed obligatio quam adversarii astruunt, non est talis. Ergo non est asserenda. Major est adversariorum. Minor probatur primò. Quia commodum, quod inde deberet posse sperari, aliud non apparet, quàm, quòd deberet servire ad absterrendum homines à tali etiam involuntaria damnificatione: sed ad hoc vel nihil, vel admodum parum servit: cum enim ex natura rei (quidquid sit de speciali aliquo loco, aut genio hominum) rarissime contingat, ut notabile damnum sequatur, quod præmissa sufficiente indagatione & circumspeditione non sit prævisum, & ideo, qui invincibiliter putat tale damnum non sequi, non apprehendat periculum incurrendi obligationem huiusmodi damni refundendi, non absterrebitur ab actione. Secundò. Quia optabilior est, non inductum esse talem obligationem; quod pater inde, quia durius est, & magis afflictivum ex genere suo, solvere scienter & deliberatè pro damno inficienter dato, quàm tolerare tale damnum ab alio datum sine spe compensationis. Certè unusquisque facilius tolerat damnum, quod incurrit amittendo aliquid casu fortuito, quàm si sine culpa sua deberet huiusmodi bono seipsum spoliare, & esse executor in propriis bonis: ergo cum unusquisque homo sit utrique malo æqualiter expositus antecederet ad ullam rerum coordinationem, unusquisque mavult pro tali casu nec se, nec alios obligari, quàm obligari, quod etiam observavit P. Elparza.

224. Ad fundamentum Card. Pallavicini §. 1. Illud nimium probare. Primò enim probaret, quòd qui ne quidem venialiter peccaret, invincibiliter existimans, rem nullius esse pretii, & abiceret, deberet totum valorem intrinsecum reficere, quia voluntate executivè voluit totum destruere, quidquid illud esset. Neque in hoc possum videre solidum discrimen. Secundò probaret, etiam ex veniali culpa non solum valorem intrinsecum, sed etiam damnum extrinsecum restituendum esse, quod adversarius negat: Sequela autem probatur. Quia qui

ponit actionem nocivam, vult executivè ponere omne illud, cum quo tanquam cum effectu connexionem habet talis actio.

225. Confirmatur à casu non dissimili: si projicerem gemmam, existimans invincibiliter, esse partim meam, partim Petri, non tenerer restituere Petro, nisi in quantum existimavi, esse illius, & tamen habui voluntatem projiciendi, quidquid in hac gemma est Petri, est autem, ut ponimus, tota Petri: ergo idem in nostro casu dicendum erit. Probo consequentiam: quia valor gemmæ ultrà meam æstimationem secundum eandem æstimationem, non est illius cuius est gemma, quia ut ego existimo, non datur in gemma ille valor: ergo secundum meam æstimationem, non solum non est Petri, sed est omnino nullius.

226. Objicit Card. de Lugo. Pœna etiam ignorata potest iustè intelligi peccanti, v. g. si sit pœna mortis constituta furto centum aureorum, etiamsi fur nesciat talem pœnam esse constitutam, potest fur iustè suspendi: sed restitutio se habet per modum pœnæ: ergo lædens tenebitur ad illam, etiamsi ignoraverit, se illam pœnam incursum in projectione gemmæ propter ignorantiam valoris. §. 1. Exemplum hoc esse potius pro nobis; si enim constaret, quòd fur invincibiliter ignorasset gemmam valere centum, & existimasset, valere tantum unum aureum, non posset iustè suspendi, ut dixi in materia de legibus: ergo sicut in fure non quidem requiritur notitia pœnæ constitutæ ordinariæ, requiritur tamen notitia malitiæ objectivæ, cui est constituta pœna objectiva, ita pariter, ut incurrat pœna restitutionis, requiritur ut sit cognita, & voluntaria malitia damnificationis tantæ, cui tanta restitutio est imposita. §. 2. Pœnam restitutionis esse pœnam quæ conventionalem, ut tradit ipse Lugo. Nos autem in probatione Conclusionis ostendimus, hanc conventionem tacitam non dari in casu nostro, quia non expediebat.

## §. VI.

*Utrum ex sola intentione nocendi, possit actio materialiter nociva reddi formaliter iniusta, inducens obligationem restituendi.*

227. Sciendum est primò, posse aliquem velle alteri nocere dupliciter, directè, vel indirectè: directè dicitur velle nocere, quando objectum directè volitum est nocumentum; sic Iudex ferendo sententiam & dicendo pœnam, vult directè pœnam, & sic directè nocere reo. Indirectè, quando id, quod est directè volitum, cognoscitur esse connexum cum damno alterius, licet ipsum secundum se non sit formale damnum alterius, v. g. suadeo alicui, ut Paulum scribat hæredem, videns hoc modo excludendum



dum esse Petrum, ne succedat ab intestato, quod est damnum illius. Quod si quis hoc damnum haberet pro fine, & ideo suaderet fieri testamentum, ut excluderetur hæres ab intestato, tunc damnum esset directè volitum, quia esset finis intentus: omnis enim finis intentus est directè volitus, licet non econtra omne directè volitum sit finis, nam etiam media sunt directè volita, & tamen non sunt finis.

228. Sciendum 2. Possè aliquem alteri nocere, vel positivè, vel negativè: positivè, ut si accendam segetes alterius, vel arborem, cum cuius combustione video connectendam combustionem segetum alterius. Negativè, ut cum possem extinguere incendium aliunde ortum, & non extinguo, adeoque sum causa removens prohibens, licet positivè nihil concurrat. His præsuppositis

229. Controversia est, an, quando possem nocerementum tuum, sive directè, sive indirectè, licetè velle sicut Iudex, vel suator testamenti in exemplis positus, an, inquam, si nocerementum intendam, ut finem, & ut tibi malè faciam, ex hac intentione ità vicietur illa actio secundum se licita, ut peccem contra Iustitiam, & obliget ad restitutionem.

Prima sententia docet, quando habeo Ius volendi directè tuum nocerementum, sicut habet Iudex, carnifex, &c. tunc non viciari actionem, sicut nec viciatur, quando tantum negativè concurro: si verò non habeo Ius directè volendi nocerementum, sicut nec habet consultor testamenti, tunc viciari. Ità Sorus, Caietanus, Richardus, Rosella, Angelus, Tabiena, quorum tamen aliqui explicari possent eo modo, quo paulò post leges explicabimus. Expressius eam tenet Card. de Lugo.

230. DICO probabilius esse oppositum, & nunquam ab intentione præcisè viciari actum damnosum, ut nascatur obligatio restituendi, si damnum secundum se est licitum. Ità Vasquez Sanchez, Turrianus, Navarrus, Lessius, Esparza. Probatur imprimis argumento negativo. Obligationes conscientie non debent affirmari sine gravi & difficultate solubili fundamento, præsertim quando auctoritas & communis sensus non cogit: sed nullum huiusmodi fundamentum stat pro contraria sententia, nec auctoritas cogit. Ergo, &c.

231. Confirmatur. Sententia contraria non est accommodata humanæ imbecillitati: proclive enim est, homines quandoque ex odio aut invidia facere quasdam actiones damnosas, aliquin sibi licitas, neque tanguntur ullo scrupulo de obligatione restituendi. Certè apud opifices & mercatores innumeræ sunt harum actionum occasiones, & etiam incitamenta faciendi eas ex invidia, v. g. merces vilius vendendi, ut alter suas merces vendere non possit.

232. Probatur Conclusio 2. A priori. Ius proprietatis non respicit actionem internam alterius tanquam terminum suum directum, sed respicit actiones externas, internos verò actus non nisi indirectè, in quantum scilicet externæ non ponuntur nisi per internos: ergo variatio intentionis internæ præcisè non potest actionem aliquin licitam reddere injustam. Probo consequentiam. Illa actio non est injusta, quæ nullam inducit inæqualitatem, minuendo jus alterius: sed actio externa, de qua loquimur, nullam inducit inæqualitatem, quia est iusta negativè, ut supponimus: & actio interna non cadit sub Ius alterius, adeoque per illam nulla ponitur inæqualitas. Ergo hac solâ accedente actio externa non evadit injusta.

233. Dices: Tameñ Paulus non habet simpliciter Ius ad omissionem talis actionis, habet tamen Ius, ut non fiat ex tali intentione. Sed contra 1. Quia hoc ipsum dicere posset de Iudice, Carnifice, &c. & de illo, qui tantum damnificat negativè, adeoque & isti peccabunt contra Iustitiam, quod tamen ipsi adversarii negant. Contra 2. Si hoc esset verum, haberet Paulus directè Ius ad omissionem talis intentionis, quæ non minus est interna, quam ipsa intentio: hoc autem æquè est absurdum, ac dicere, quòd habear Ius ad actiones internas.

234. Objicit Lugo primò & præcipuè. Multa sunt præcepta aliarum virtutum non obligantia quidem ad aliquid evitandum, vel impediendum, sed tamen obligantia ad non procurandum positivè aliquid, v. g. temperantia non obligat ad evitandum pollutionem nocturnam involuntariam per omissionem cœnæ, aut potus, vel colloquii, ex quo prævideo secuturam: obligat tamen ad non procuranda hæc media in eum finem, ut pollutio sequatur, etiam in somno: Ergo idem dici potest de Iustitia.

235. R. 1. Argumentum suo auctori solvendum esse. Probaret enim, quòd etiam, qui esset causa negativa damni ex intentione damni, peccaret contra Iustitiam, quod negat ipse Lugo. Sequela probatur argumento ipsius à paritate. Castitas, aut Temperantia etiam si non obliget ad flagellationem, aut cilicii gestationem, per quam impederetur pollutio nocturna non voluntaria, obligat tamen, ut non omittam in hunc finem, ut illa sequatur: ergo licet Iustitia non obliget ad extinguendum ignem, obligat tamen ad non omittendam extinctionem in hunc finem, ut sequatur combustio domus: ergo etiam adversario est assignanda disparitas.

236. Responderet ergo 2. Directè negando consequentiam, & paritate. Meritò sanè prohibetur à temperantia illa intentio, quia est valde inordinata, & à nulla alia virtute prohibetur: at verò intentio nocendi mediante actione ceteroquin licitâ prohibetur sufficienter à chari-

charitate', contra quam est illa intentio, sicut est quodvis desiderium damni, etiam aliunde quam à me provenientis, à quo tamen desiderio utique non inducitur obligatio restituendi.

237. Respondetur 3. Item negando consequentiam & pariter. Temperantia attendit medium rationis: ab hoc autem medio recedit intentio procurandi pollutionem per media aliquoquin licita: si enim talis intentio liceret, v. g. si liceret comedere certas herbas concitativas spiritui in hunc finem, ut sequatur pollutio, plurimi ex desiderio pollutionis. alliceretur ad huiusmodi herbas, aut alia media procuranda, qui tamen de his mediis nullam curam habent, nec erga illa assiciuntur, postquam sciunt talem intentionem esse prohibitam: ergo prohibitio talis intentionis iam conducit multum ad finem castitatis, nempe, quia cavet multas procuraciones pollutionum ineliberatarum, quæ etiam aliquo modo opponuntur fini castitatis, etsi non sint peccaminosæ, utpote non voluntariæ. At verò iustitia attendit medium rei, & hoc respicitur à iure alterius: ergo cum ius alterius non minuatur præcisè ex tali intentione, ut ostendimus, talis intentio non recedit à medio iustitiæ, sed à medio charitatis, quod est medium rationis.

238. Objicit Lugo 2. Sola intentio facit, ut effectus aliquo non voluntarius, sit voluntarius, & ut ego dicar esse causa illius: ergo facit, ut peccem contra iustitiam. Respondetur negando consequentiam, & retorquendo in causalitate negativa. Solum inferri potest, quod peccem contra charitatem, aut etiam contra aliam virtutem, v. g. gratitudinis, pietatis, &c.

239. Objiciunt alii. 2. Legem secundam §. Idem Labco ait: ff. de aqua pluvia arcenda. Cujus hæc verba sunt. Qui avertit torrentem, ne sibi noceat, unde factum sit, ut vicino noceatur, cum eo aqua pluvie arcenda averti non possit à vicino, si modo N.B. hoc non eo animo fecit, ut vicino noceat, sed, ne sibi noceat. Respondet ipse Lugo, in casu legis non intervenire solius intentionis variationem, sed etiam actionis externæ indicativæ talis intentionis, nempe avertio aquæ, sine suo commodo, cum alterius incommodo, quod utique est contra iustitiam, siue fiat animo nocendi, siue ex alio fine à lege non approbato.

240. Et quidem, ut bene notat Zacchias in hunc titulum n. 5. ex tali avertione aquæ non cedente ad arcendum proprium nocumentum, colligitur animus nocendi alteri. In idem recedit responsio P. Esparza, leges non respicere intentionem secundum se, sed actionem, vel omissionem, quæ talem intentionem per se loquendo præsupponit: talis autem actio, vel omisso est injusta ex se, & inductiva obligationis restituendi, etiam si absit intentio formalis nocendi, si sit inductiva nocumenti alieni, sine commodo meo à lege mihi concessio.

241. Objici posset 4. Certum est, aliquam actionem externam ex se indifferentem aut sit, vel non sit injusta, posse fieri injustam variationem solâ intentione, ex qua procedit, v. g. actio externa, quæ arripio tuum librum, est indifferens, ut procedat vel ab intentione solum aliquandiu legendi, vel ex animo furandi: si procedat ex prior intentione, non est injusta, si procedat ex posteriore, est injusta: ergo sola intentio interna potest violare actionem externam, & facere injustam, quæ secundum se est licita, quod videtur in nostra Conclusionem negari.

242. Respondetur distinguendo consequens. Ergo hoc potest facere sola intentio, à qua procedit actio ex se non nociva, sed qua evadit nociva per ipsam intentionem, concedo: intentio, à qua procedit actio ex natura sua æque nociva, ex quacunque intentione procedat, nego consequentiam. Conclusio loquitur de actione nociva ex natura sua, quæ tamen non sit injusta, sed secundum se licita, de hac queritur, an ex sola intentione nocendi fiat injusta, quod negamus, quia nullam inducit inæqualitatem: at verò in casu objectionis actio ex se indifferens, ut sit vel non sit nociva, determinatur ad esse nocivam ab intentione retinendi librum, & sic fit actio inductiva inæqualitatis. Porro talis intentio non manet merè interna, sed prodit in actum externum, qui est signum illius, licet secundum aliquam rationem genericam. Leges autem humanæ, quamvis non possint prohibere actionem merè internam, aut ad talem obligare, possunt tamen prohibere, aut obligare ad actionem externam, ut procedentem à tali intentione interna: sic Ecclesiâ præcipiens orationem horarum Canonicarum, & auditionem Missæ, præcipit, ut fiant ex intentione colendi Deum, sine qua intentione non satisfaceret præcepto. Pari igitur ratione potest Dominus libri obligare alium, ne suum librum attrahat animo retinendi, seu tali intentione, ex qua actio fieret nociva. Aliter se res habet, quando actio est nociva ex quacunque intentione fiat, tunc enim, si in uno casu est licita, non evadit injusta præcisè per intentionem, cuius motivum sit, nocere: quia per hoc non inducit inæqualitatem, cum alter non habeat ius ad omissionem illius.

## §. VII.

*Quanta culpa requiratur, ut quis ratione officii cum alterius damno administrati teneatur ad restitutionem.*

243. DICO 1. Medicus, Advocatus, Confessarius, Iudex & huiusmodi, nisi speciali pacto se ad extraordinariam diligentiam obligaverint, non tenentur nisi ad illam diligentiam, quam alii ejusmodi officio fungentes communiter adhibere solent, & dicuntur esse diligentes.

gentes in officio suo. Ità communis Theologorum, quibus adhæret cum pluribus Legistis Julius Clarus lib. 5. præf. *Crim. §. fin. q. 73. n. 3.* dicens, Judices, aliosque Officiales hodie non accusari, nisi de dolo & culpa lata. Probat conclusio. In tantum obligantur, in quantum volunt, & tenentur se velle obligare: atqui communiter non volunt, secluso speciali pacto, nec tenentur se velle obligare, nisi ad communem similitudinem diligentiam. Ergo, &c. Quapropter fatalis committit culpam levissimam, aut levem, etiam scienter, & cum prævisione damni secuturi, non peccat contra Iustitiam, nec tenetur ad restitutionem, quia non tenebatur illam culpam civilem cavere.

244. DICO 2. Nisi interveniat culpa lethalis Theologica, non tenetur, ne quidem ex lata culpa civili restituere in conscientia, ante sententiam & condemnationem altioris Magistratus. Ità Lugo n. 93. tribuens multis doctissimis Recentioribus. Eandem tenet P. Esparza. Probat ex dictis. Qui damnum infert sine plena advertentia sufficiente ad culpam lethalem, non tenetur ad restitutionem, ut supra probatum est: atqui committens culpam latam in re gravi sine culpa lethali, hoc ipso supponitur non habuisse sufficientem advertentiam ad culpam lethalem, alioquin illam commisisset. Ergo, &c.

245. Limitanda tamen est conclusio primo: nisi prius pactum intercessisset de præstanda culpa civili, seclusa etiam culpa Theologica. Limitanda est 2. Nisi postmodum sine suo incommodo & jactura possit impedire, ne damnum illatum ulterius serpat, aut continuetur, v.g. Medicus præscripsit ex inculpabili præcipitantia medicamentum nocivum, si postea sine novermento suo potest errorem corrigere, & impedire, ne noceat deinceps, tenetur, quia nisi faciat, censetur influere in damnum subsequens, voluntarie conservando causam illius.

### §. VIII.

*De obligatione restituendi damnum datum ex culpa civili contra naturam contractus commissi.*

246. PRæmittendum est 1. Contractus est triplicis generis, aliqui cedunt in utilitatem utriusque contrahentium, ut emptio, venditio, locatio, pignus, &c. Alii in utilitatem illius solius, qui obligatur, ut commodatum: alii in utilitatem illius solius, cui alter obligatur, ut depositum. Hæc doctrina quæ certissima est, cum grano salis intelligenda est, ne videatur repugnare doctrinæ superius traditæ, & æque certæ, quod omnis obligatio ex Iustitia respiciat commodum illius, cui aliquis obligatur. Advertendum itaque est, quod contractus Commodati duos effectus pariat. Unus est, ius detinendi rem commodatam ad certum aliquod &

determinatum tempus, per hoc enim differt à Precario, ut suo loco pluribus explicabitur: hoc ius est utique in commodum Commodatarii, & non in commodum Commodantis, ut patet. Alter effectus est, obligatio restituendi rem commodatam tempore elapso, & hæc obligatio respicit commodum Commodantis, qui habet ius repetendi rem commodatam. Quia tamen uterque effectus simul sumptus est optabilior Commodatario, quam Commodanti, ut per se clarum est, ideo dicitur iste contractus esse potius in utilitatem Commodatarii, quam Commodantis, cum quo stat, quod omnis obligatio respiciat commodum illius, cui quis dicitur obligatus, ut ostensum est. Et sic de cæteris contractibus philosophandum est.

247. PRæmittendum est 2. Regulam communiter tradi hanc, quod in Contractibus primi generis obligetur quis ad culpam levem cavendam, & damnum inde secutum præstandum; in contractibus secundi generis etiam ad culpam levissimam: in contractibus tertii generis, non nisi ad culpam latam. Hæc tamen Regula patitur unam alteramve exceptionem ex dispositione legum. Nam Mandatarius tenetur ex culpa levi, imò & levissimâ, non item Depositarius, tamen tamen uterque contractus fit in utilitatem illius, cui alter obligatur. Item Commodatarius detinens rem ultra tempus constitutum, adeoque precario, tenetur adhuc ex culpa levi, licet alioquin, qui precario aliquid possidet, tantum tenetur de culpa lata. Regulam autem, quæ est 23. ff. de R. j. referam agens de contractu locat. Contr. 14. ubi patitur specialem difficultatem.

248. PRæmittendum 3. Tametsi diversitas harum obligationum pro diversitate contractuum modò ad levem, modò ad levissimam, modò ad latam solummodo culpam, ultimare proveniat à constitutione legum nisi faventium, alterum gravantium, ut ex præcedente num. perspicuum est, antecedenter tamen ex ipsa rerum natura datur etiam aliqua diversitas obligationis. Nam lumine nature clarum est, ad maiorem diligentiam in custodienda re aliena teneri Commodatarium, quam Depositarium. Unde fit, ut ea diligentia, quæ in Commodatario, quâ tali esset diligentia communis, hoc est, communiter à Commodatariis adhiberi solita, in depositario esset diligentia maior quam communis, hoc est, maior, quam qualem solent depositarii communiter adhibere. Unde sequitur quod culpa, quæ in Depositario esset tantummodo levis, in Commodatario dici posset culpa lata, formaliter & comparativè spectata. Juridicè tamen loquendo & materialiter ac absolute spectata, vocatur culpa levis, & ideo quando Iura requirunt, ut maiorem diligentiam adhibere teneatur, quam qualem communiter adhibere solent,

lent, qui rem aliquam custodiendam habent, intelligi debent de maiore diligentia materiali-ter & absolute spectata. In exemplo. Depo-sitarius, quia non tenetur, nisi ad cavendam cul-pam latam, ideo etiam si januam non claudat, & sic committat culpam levem, ad nihil tenetur. At verò Commodatarius tenetur etiam cavere culpam levem, imò quandoque levissimam, & ideo si non claudat januam, imò si non teneat, an sera sit obducta, dicitur teneri de culpa levi, & levissima absolute & iuridice loquendo, li-cet respectivè & Theologicè loquendo possit di-ci commississe culpam latam, hoc est, omisisse illam diligentiam, quam Commodatarii com-muniter adhibere solent. Sed Juristarum lo-quendi modus est observandus, posterior enim est perplexus, & à communi hominum ingenio remotus.

249. Præmittendum 4. Quando quis ex constitutione legum ad certum genus culpæ ca-vendum obligatur ex contractu, tunc nisi ex-pressè aliter conventum fuerit, obligatur etiam in conscientia ad illam culpam vitandam, & qui-dem ex iustitia, & si materia est gravis, sub cul-pa lethali. Ratio est, quia leges talem gravant in favorem alterius: ergo iste alter acquirit ius. His animadversis

Quæstio est, utrum si contrahens ex incon-siderantia, vel indeliberatione excusante à pec-cato mortali, talem culpam Juridicam commit-tat, nihilominus ante sententiam Iudicis teneat-ur illam culpam præstare, hoc est, compensare damnum inde secutum.

250. DICO non teneri. Ità ex mente plurium Lugo & Esparza. Probarur ex dictis. Nam licet homo posset se etiam ad casum fortui-tum, & involuntarium obligare, non tamen cen-setur se ità obligare, nisi hoc exprimat, vel praxi ostendar, hominem velle se ità obligare. Le-ges verò, quæ in contrarium afferri possent, in-telligendæ sunt, quòd tribuant ius exigendi ta-lem diligentiam, quam proinde alter sine gravi culpa Theologica, & inde resultante obligatio-ne restituendi non possit scienter omittere. Item intelligendæ sunt, quòd in iudicio dent & con-cedant actionem, vi cuius iudex ex præsumptio-ne culpæ Theologicæ condemnabit alterum.

Quòd autem sententia Iudicis, & leges ipsæ in præsumptione culpæ Theologicæ fundentur, & quòd homines communiter nolint se aliter obligare, nisi in casum, quo diligentiam à legi-bus requisitam scienter & deliberatè prætermite-rint, Cæd. de Lugo inde colligit, quia si talis culpa committeretur à Commodatario ex repen-tina mania, & hæc esset Iudici manifesta, nemo propter culpam civilem materialiter commissam, v.g. nimiam agitationem equi, condemnaret: atqui etià in hoc casu teneretur & condemnandus esset, si contrahens seipsum voluisset ad casum fortuitum obligare, aut leges vellent casum for-tuitum præstari: ergo signum est, quòd non obligent, nisi quando culpa Theologica inter-venit: absque hac enim homo in tali ca-su censendus est, ac si dormiens ope-ratus esset.

## C A P V T III.

### DE INIURIIS IN BONIS FORTUNÆ, ET RESTITUTIONE CORRESPON- DENTE.

**I**N superioribus actum est generalissimè de in-juriis, quia verò pro diversitate bonorum diversa quoque sunt injuriarum genera, nempe 1. quæ fiunt in bonis fortunæ, 2. quæ fiunt in bonis famæ & honoris. 3. quæ fiunt in bonis corporis. 4. quæ fiunt in bonis animæ: ideo nunc de his speciatim agendum erit. Inci-piemus à bonis fortunæ, in quibus injuriæ sunt frequentiores per Furtum & Rapinam, quibus aliquis vult cum alterius jactura locupletari, seu lucrari.

#### CONTROVERSIA I.

*Quid sit furtum, quid Rapina, & qua-nam inde Iuris Remedia com-petant.*

#### S V M M A R I U M.

**D**efinitio Furri ut distincti à Rapina. 251.  
Definitio Justinianæ explicatur. 253. & seqq.  
Sicut non omnis ille fur est, contra quem datur actio furri, ità potest aliquis fur esse, quin contra illum detur actio furri. 257.  
Quid intersit, esse furtum, si non detur actio furri. 258.  
P 2 Divisio



235. Dicitur 4. *Vel Rei, vel Vshi, vel Possessionis*. Nam quandoque fur non intendit luctum facere ipsius rei, sed solius usus, ut cum Depositarius utitur deposito invito Domino: quandoque vult luctum facere solius possessionis, seu detentionis, ut cum debitor aufert creditori pignus.

236. Objici posset, quod tradita Justiniani definitio conveniat multis, quæ non sunt iuridicè furtum: ergo non est bona. Antecedens probatur. Illa actio non est iuridicè furtum, quæ non parit actionem furti: sed dantur actiones, quæ non pariant actionem furti, & tamen illis convenit definitio, v. g. quando conjux a liquid marito aufert, non conceditur illi actio furti, sed tantum actio rerum amotarum l. 1. §. 2. ff. de act. rerum amotarum. Rerum amotarum iudicium singulare introductum est adversus eam, quæ uxor fuit, &c. Nam in honorem matrimonii turpis actio (i. e. furti) adversus uxorem negatur. Item l. 2. C. Rerum amotar. ibi. Constante enim matrimonio neutri eorum neque pœnalis neque famosa actio competit, sed de damno in factum datur actio. Item cum liberi vel servi aliquid auferunt parenti, vel Domino, non datur patti, aut Domino actio furti, quamvis furtum commissum sit. L. 16. ff. h. t. Ne cum filiosam. pater furii agere possit, non iuris constitutio, sed natura rei impedimento est, quod non magis cum his, quos in potestate habemus, quam nobiscum ipsi agere possumus. & l. 17. Servi & filii nostri furtum quidem nobis faciunt, ipsi autem furti non tenentur. Et §. 12. Instit. h. t. mox referenda.

237. Huic argumento cedit Card. de Lugon. 3. & fatetur, Juristas multa excludere à ratione furti, quæ tamen theologicè sunt furtum. Verum res aliter se habet. Nam iura docent, sæpè dari furtum, quin tamen contra talem personam concedatur actio furti, ex certâ nimirum causa: v. g. in casu uxoris, negatur actio furti marito, ut parcatur conjugum honori, in casu furti à liberis vel servis commissi, ideo negatur actio furti, quia tales non possunt in iudicio cum talibus contendere. Ad argumentum ergo facilius est responsio, negando maiorem: sicut enim non omnis ille fur est, nec theologicè nec iuridicè, contra quem iura dant actionem furti, ita econtra potest aliquis fur esse, quin contra illum detur actio furti. Hæc omnia habentur tum lege 17. paulò antè citatam §. 12. Instit. de obl. quæ ex del. nasc. Hi qui in parentum vel dominorum potestate sunt, si rem eis subripiunt, NB. furtum quidem faciunt, & res in furtivam causam cadit (nempe ut ulucapi non possit) sed furii actio non nascitur, quia nec ex ulla alia causa potest inter eos actio nasci. Si vero ope & consilio alterius furtum factum fuerit, NB. quia utique furtum committitur, convenienter ille furii tenetur. Ecce: contra consiliarium datur actio furti, quando furtum ex ejus consilio

est secutum, & tamen consilium ipsius formaliter non est furtum.

238. Quodsi quærās, quid intersit, quod actio sit furtum, si non datur actio furti, cum sit quæstio de vocabulo? 21. Plurimum interesse. Si enim furtum est, res ablata cadit in causam furtivam, adeoque ulucapi non potest, nisi prius ad dominum suum redierit, ut habetur in textu. Hinc si quis aliquid auferret ex hæreditate jacente, non committeret furtum, sed crimen expilatæ hæreditatis, quia non intervettit ullius detentionem seu possessionem, ut etiam notavit Molina, & ex Juristis Suthold, dissert. 16. n. 18.

239. Dividitur Furtum primò in Nocturnum & Diurnum. Fur diurnus dicitur, qui furatur in tanta solis luce, ut agnosci possit. Nocturnus verò, qui non tali tempore. Fur nocturnus occidi impunè poterat ex lege XII. tabularum, si adhibito clamore non potuit aliter absterri: diurnus non item, nisi, simili clamore præmissio, telo se defenderit, aut quocumque armorum offensivorum genere. l. itaque §. lex XII. ff. ad leg. Aquil. Lex duodecim tab. furem nocta deprehensum occidere permittit, ut tamen id ipsum cum clamore resisteretur. Interdum autem deprehensum ita permittit occidere, si is se telo defendat, ut tamen æquè cum clamore resisteretur. Sed lege 9. ff. ad l. Corn. de sicariis. plus videtur requiri. Favorem nocturnum si quis occiderit, ita demum impunè feret, si parcere ei sine periculo suo non potuit. Rationem discriminis eleganter exprestit S. Augustinus alludens ad has ipsas leges super Exod. 22. si perfodiens inventus fuerit fur, & percussus mortuus fuerit, non est illi homicidium imponendum. Si autem oriatur sol super eum, reus erit. intelligitur ergo non pertinere ad eum homicidium, si fur nocturnus occidatur: si autem diurnus fuerit ad homicidium pertinere. Hoc est enim quod ait, si oriatur super eum sol &c. quia poterat NB. discernere quod ad furandum non ad occidendum venisset, & ideo non debet occidi. Hoc etiam in antiquis legibus secularibus (quibus ista est antiquior) invenitur, impunè scilicet occidi nocturnum furem quoquo modo, diurnum verò, si se telo defenderit. Jam enim plus est, quam fur.

260. Dividitur 2. In Furtum manifestum, & non manifestum. (Jura vocant Nec manifestum) Manifestum non inde dicitur, quod spectante illo fiat cui sit furtum, hoc enim naturæ furti repugnat, sed illud dicitur manifestum, quando fur deprehenditur cum re furtiva (non tamen ex abscondito) eodem die quo furatus est, antequam rem eò detulerit, quò deferre, & eò die cum furto manere destinaverat: non sufficit tamen vidisse, sed debet accedere infecutio, vel saltè inclamatio. l. 2. §. segg. ff. de furtis. Fur est manifestus, qui deprehenditur cum furto, & parvi refert à quo deprehendatur. Sed utrum ita demum fur sit manifestus si in faciendo deprehendatur, an verò & si alicubi fuerit deprehensus? & magis est, & si non



si non ibi deprehendatur ubi furtum fecit, attamen esse furem manifestum, si cum re furtiva fuerit adprehensus prius, quam eo loci rem perierit, quò destinaverat: Et eo die manere eum furio. Hinc jam furtum nec manifestum dignoscitur. Pœna autem diversa utrique statuta est, de qua infra.

261. Quædam furta ob suam specialem perniciem, quam afferunt Reipublicæ, specialibus nominibus in Jure designantur, & pœnis severioribus coercentur. Hujusmodi est primò Crimen Peculatûs, quando quis furatur rem ad fiscum aut bona Principis pertinentem, cui affine est Crimen legis Iuliz de Residuis, quando nimirum quis bona communitati distribuenda ita convertit in commodum suum, ut licet deinde restituat, communitatem tamen privet emolumento inde aliquo percipiendo. de his est titulus Digesti: ad leg. Jul. Peculatûs. Secunda species est Crimen Abigeatûs. Abigei seu abactores sunt, qui animalia quæ pascuntur, abigunt: quamvis autem ad hoc crimen incurrendum requirantur, habentur toto titulo Digesti de Abigeis. Tertia species est Crimen Plagii, quod committitur auferendo liberos homines vel servos, & in servitutem suam redigendo, de quo crimine est titulus Digestorum & Codicis ad legem Flavianam de Plagiariis.

262. Ut autem harum specierum exempla afferamus: crimen Peculatûs committit etiam ille, qui monetam Principis, cujus cudenda curam habet, corruptis admixto deteriore metallo: item qui ex propria materia in suum emolumentum monetam cudat absque licentia. l. sacrilegii §. penult. ff. ad leg. Juliam peculatûs. Qui, cum in moneta publica operarentur, extrinsecus sibi signant pecuniam formâ publicâ, vel signatam fuerant, hi non videntur adulterinam monetam excussisse, sed furtum publica moneta fecisse, quod ad peculatûs crimen accedit. Crimen legis Iuliz de residuis committunt etiam illi, qui habentes pecuniam communitati distribuendam, obtrudunt in vitis aliquid aliud v. g. frumentum, pecora &c. Crimen abigeatûs committit, qui de armento aut grege abigit aliquor capita simul, v. g. decem oves, aut §. porcos, vel singula per plures vices: imò loquendo de magnis animalibus, ut equo, asino, bove, sufficit unum abegisse. non tamen hoc crimine teneretur, qui ovem aberrantem, aut equum solitarium repertum abigeret, bene tamen si equum ex stabulo abigeret. l. ult. ff. de abigeis. Plagii crimine non solum tenentur, qui dolose homines intercipiunt ac supprimunt, sed etiam qui scientes dolo malo liberum hominem invictum emunt, vendunt, celant, vincum habent. ita plures leges Digesti & Codicis ad leg. Flavianam de Plag. Quæ quia ad nostrum propositum non faciunt, qui jûs privatorum prosequimur, apud alios videri possunt. Et hæc de Furtis. nunc de rapina dicamus.

263. Rapina ex communi Interpretum non quamcumque vim (qualis etiam dicitur metus) sed violentam acceptionem simplici furto superaddit: quæ consistit in hoc, quòd impetu facto aliquid alteri eripitur, aut dare cogitur. Unde non placet, quod Molina, Lugo, & quidam alii docent, Rapinam esse, etiam si quis injusto metu cogitur aliquid dare, etiam si non intercedat violentia. Nam licet hoc theologicè loquendo, eatenus verum sit, quòd injuriæ per metum & violentiam factæ non differant specie, sub Juridica tamen consideratione aliud dicendum est, sub hac enim specie differunt, quia diversas pariunt actiones. Unde Julius Pacius & alii distinguunt inter vim ablativam, & compulsiivam, & ratione prioris competit actio vi bonorum raptorum, de qua est titulus 2. Inst. lib. 4. ratione posterioris competit actio: Quod metus causa.

264. Rapina est peccatum specie theologicè etiam distinctum à simplici furto, quia ratione violentiæ infertur injuria non solum rebus, sed etiam Personæ, unde qui Clerico vi auferit vestem, incurrit excommunicationem Canonis propter irreverentiam.

Rapina ordinariè quidem est manifesta, potest tamen esse non manifesta per accidens: ut si quis animo violenter rapiendi (nam sine hoc animo non esset rapina) ingreditur domum, & inde aliquid auferat, sed quia per accidens factum est, ut nemo intus esset, deprehensus non est. l. si quis uxori §. 2. ult. ff. h. t. Si quis ex domo, in qua nemo erat, rapuerit: actione de bonis raptis in quadruplum convenitur furti non manifesti, videlicet, si nemo vi deprehenderit tollentem. Rapina vocatur Furtum improbum seu Qualificatum.

265. Actiones, quæ ratione furti conveniunt, variz sunt. Primò quidem, si res adhuc exstet, aut dolo malo possessione dimissa, datur Rei vindictio, de qua dicemus acturi de Dominio. Secundò & magis specialiter datur Actio furti, quæ datur 1. cuivis, cujus ratione juris realis interest rem non esse surreptam: adeoque primò datur domino, si ejus interit, rem non perire. 2. creditori ratione pignoris furto ablati, etiam si idoneum debitorem habeat, vel ipse debitor surripuerit. magis enim expedit pignori, quam personæ incumbere. 3. datur fulioni, cui polienda vestimenta. 4. sartori cui sarcienda sublata sunt. ubi observandum est, in concursu debitoris & creditoris regulariter preferri creditorem, dando huic & non illi actionem, quia dominus seu debitor potest creditorem regulariter propter culpam convenire actione pignoratitiâ directâ: adeoque ipsius non admodum interest, rem esse furto sublata: eodem modo in concursu sartoris, & illius qui vestem rescindam dedit, præfertur sartor regulariter loquendo. §. datur Commodatario. sed tamen Commodatori ob ejus liberalitatem specialiter indultum est, ut habeat

habeat electionem, utrum actione commodati convenire velit Commodatarium, an verò actione furti furem, ita tamen ut una electa ad aliam non habeat regressum, si scivit furtum esse factum. Si ergo Commodator elegit actionem furti, tunc nec fur à Commodatario, nec Commodatarius à commodatore conveniri potest amplius, sed Commodatarius omnino libetatur: si verò actionem commodati elegit, tunc solus Commodatarius actionem furti habet. Si verò furti ignarus commodator commodati actionem instituit, potest postmodum, furto comperto, dimissa actione Commodati, transire ad actionem furti, nisi à Commodatario ei jam satisfactum fuerit. quæ omnia habentur iisdem propè verbis in §. 13. *Instit. de Oblig. quæ ex delicto nascuntur*. 6. datur bonæ fidei possessori. 7. datur Depositario, sed tunc solum, quando ratione culpæ præstantur ipsius interest furtum non esse factum. 8. datur etiam hæredibus prædictorum. §. non autem *Instit. de perpetuis & tempor. actionib.* nec requiritur, ut lis prius fuerit contestata cum fure, ut malè supponit Molina disp. 696. n. 2. in medio, citans hunc ipsum locum, cum tamen textus sit clarissimus. Non autem omnes actiones quæ in aliquem aut ipso jure competant, aut à pretore dantur, & in heredem æquè competunt aut dari solent. Est enim certissima Juris regula, ex maleficiis pœnales actiones in heredem rei non competere, veluti furti, vi bonorum raptorum, injuriarum, damni injuriæ. NB. Sed hæredibus hujusmodi actiones competunt, nec denegantur, exceptis injuriarum actione, & si quæ alia similis inveniantur. Et ita docent Interpretes in hunc textum.

266. Actio furti est merè pœnalis, hoc est pœnæ persecutoria, quæ pœna in furto manifesto est quadruplum rei ablatae, & in furto nec manifesto duplum, nunquam computando rem ipsam ablatam (hæc enim conditio furtivæ vel rei vindicatione petitur, & simul cum actione furti potest intentari, quia actio merè pœnalis & actio rei persecutoria non se invicem perimunt) rei quæ æstimatio refertur ad pretium ejus temporis quo res fuit pretiosior. Brederodius tamen advertit, hodie Jure novissimo authenticorum & consuetudinário, abolitâ actione de pœna quadrupli, pro furto summam quinque aureorum Ungaricorum excedente, præsertim si aliquoties iteratum fuerit, pœnam laquei imponi. De quo Constitutio Caroli V. att. 160. cum seqq. tract. de Causis Criminalib. quæ tamen ad nostrum Institutum non pertinet, quæ Justitiam Communivam, & Jus Privatorum, non Vindicativam tractamus.

267. Actio furti non solum datur adversus ipsum furem, sed etiam adversus illum, qui opem & consilium ad committendum furtum præstitit: item contra scienter suscipientes, & celantes res furtivas. Adversus hæreses furis non datur nisi de eo quod ad ipsos scientes &

contredantes ex furto pervenit, vel si lis cum principali fuerit contestata. §. 1. *Instit. de perpet. & temp. act.* ibi. *est enim certissima juris regula, ex maleficiis pœnales actiones in heredem rei non competere, veluti furti, vi bonorum raptorum, injuriarum, damni injuriæ.* & infra. Pœnales autem actiones, si ab ipsis principalibus personis fuerint contestatae, & hæredibus dantur, & contra hæreses transcunt. §. l. un. C. ex delictis defuncti. l. 139. ff. de R. J. & ratio juris est: quia per litem contestationem, quæ in ludicio quali contrahitur, obligatio per novationem quæ ex delicto erat, incipit esse quasi ex contractu. actiones autem ex contractu vel quasi contractu descendentes, siue personales siue reales, & hæredibus, & in hæreses dantur, ob hanc rationem, quod hæres & defunctus una eademque persona censeantur, & in heredem jura tam activa quàm passiva defuncti transcunt. l. heredem 59. ff. de R. J. Hæredem ejusdem potestatis, jurisque esse, cuius fuit defunctus, constat. Actio furti manifesti est prætoriam, & quamvis actiones prætorie plerumque solum annuas sint, hæc tamen furti manifesti actio perpetua est: *Instit. de perpet. & tempor. act. in princ.* ibi. *Furti quoque manifesti actio quævis ex ipsis prætoris jurisdictione profiscitur, tamen perpetua datur: absurdum enim esse existimavit, anni putantur.*

268. Præter actionem furti pœnæ persecutoriam, datur insuper actio ipsius rei persecutoria, sed personalis adversus furem & heredem ejus, vocaturque Conditio furtiva, quæ petitur ut rem restituat, si exstet, vel æstimationem, si non exstet apud furem. §. ult. *Instit. de Ob. quæ ex del. nasc.* & hæc conditio datur etiam adversus heredem, etiam si nihil ex furto possideat: ibid. est enim rei debita, non pœnæ persecutoria. Et hoc quidem in foro conscientiarum certissimum est. Controversum autem est, quid inspecto Jure positivo & in foro externo judicandum sit. Negativam tenent Cuiacius. 7. *observ. 37.* & 13. *observ. 37.* Vultejus ad §. 1. 4. ff. de act. anni putant, non teneri heredem nisi in quantum ex furto ad eum pervenit. Affirmativa tamen, & quod in solidum teneatur, est communior & verior sententia, quam præ cæteris accuratius tractat Hunnius Resol. lib. 4. par. 6. q. 4. Probatur ex l. 9. ff. de cond. furtivæ. ibi. *In conditione furtiva non pro parte NB. quæ perenti, sed in solidum tenemur, dum soli hæreses sumus: pro parte autem hæres pro ea parte pro qua hæres est, tenetur. Quod autem lex loquatur de casu litis non contestatæ, patet ex eo, quia etiam actio furti competit adversus heredem lite contestatâ. lex verò aliquid speciale tribuit conditioni furtivæ, eo quod sit rei, non pœnæ, persecutoria. Unde responsiones adversariorum sunt divinatoriæ.*

Obijciunt 1. Leg. 9. §. fin. & l. 10. ff. de tutelæ & rat. distrah. act. ubi dicitur. Cæteræ actiones, præter tutelæ adversus tutorem competunt, etsi adhuc tutelam administrat, veluti furti, damni injuriæ,



ria, conditio. Sed non datur pupillo, dum tutor tutelam gerit, quamvis morte tutoris intereat: eanten pupillus cum herede eius actionem habet, quia sibi solvere debuit. Respondetur, illa verba: quamvis morte tutoris intereat: Referenda esse ad actiones penales, furti, & damni iniuriæ, non ad conditionem furtivam: alioquin nec daretur contra hæredes, etiam quando aliquid ad illos pervenit, quod omnium iudicio saluum est.

Obijciunt 2. Leg. 3. §. 12. ff. de peculio. Ex furtiva causa filio quidem familias condici posse constare, an verò in patrem, vel in Dominum de peculio danda est, queritur, & est verius, in quantum locupletior Dominus factus esset ex furto: factio actionem de peculio dandam, quia iniquissimum esset ex furto factio Dominum locupletari impune. Nam & circa verum amotarum actionem filiasam, nomine in id quod ad patrem pervenit, competit actio de peculio. Consimiliter itaque hæres furis in id solum convenietur, quod ad eum pervenerit. Respondet Hunnius in hac lege non trahi de conditione furtiva, quæ in patrem datur, quatenus saltem ex delicto ad ipsum pervenisset, sed de actione de peculio, quæ ideo non datur in patrem in solidum in casu legis, quia & aliàs hæc actio ultra vires peculii dari non solet. Itaque negatur consequentia & paritas, quia pater (nisi sit hæres) non succedit in vitia filii & debita inde contracta, sicut hæres in debita defuncti.

Obijciunt 3. l. §. fin. ff. Rerum amotarum. Si filiasam, es amoverit, Mela & Fulcinus ajunt, de peculio dandam actionem, quia difficile est eam furti obligari, vel in ipsam obres amotas dari actionem: sed si pater adiuncta filia de dote agat, non aliter ei dandam actionem, quam si filiam rerum amotarum iudicio in solidum & cum satisfactione defendat. Sed mortuæ filia in patrem rerum amotarum actionem dari non oportere Proculus ait: nisi quatenus ex ea re locupletior sit. Ergo nec conditio furtiva in solidum dabitur in hæredem, sed hæcenus solum quatenus locupletior factus est. Probatur paritas. Nam sicut hæres mulieris rerum amotarum actione, ita hæres furis conditione furtivâ tenetur. l. 6. §. 4. ff. eod. re. Negando suppositum, quod hic sermo sit de patre, ut hærede. Nam actio rerum amotarum datur in patrem tanquam patrem, & quidem non directa sed utilis tantummodo, quæ non datur in solidum in patrem sicut in hæredem.

Obijciunt 4. Leg. fin. C. rerum amot. De rebus, quas divortii causa quondam uxorem tuam abstulisse proponis, rerum amotarum actione contra successores ejus non in solidum, sed in quantum ad eos pervenit, uti debebis. Duplex est ad hunc textum responsio. Prima, actionem rerum amotarum dari quidem contra hæredes, sed in honorem matrimonii non ultra quam ad hæredem pervenit. Sed hæc responsio mihi non placet. Nam honor matrimonii non debet relevare hæredem, quod minus teneatur, ut alii hæredes, in solidum. Probabilior est responsio Ant. Fabri, in hac lege

supponi, quod res amota integrè pervenerint ad hæredes, qui cum plures essent, dubitabatur an singuli possent in solidum conveniri, & hoc negator, diciturque singulos conveniendos, in quantum secundum proportionem hereditatis ex rebus amotis ad eos pervenit, quod est verissimum.

Obijciunt 5. Regulam iuris, quæ habetur l. 16. ff. quod metus causa, quod ex delictis defunctorum hæredes non teneantur actionibus rei persecutoriis, nisi in quantum ad eos pervenit. re. Ab hac Regula esse exceptam Conditionem furtivam in odium furtum, arg. §. 14. l. de act. ibi. Plane odio furum, quo magis pluribus actionibus teneantur, effectum est, ut extra penam dupli, aut quadrupli rei recipiende nomine fures etiam hæc actione teneantur, si appareat eos dare oportere: quamvis sit adversus eos etiam hæc in rem actio, per quam rem suam quis esse petat. Ceterum, ut jam monui, in foro conscientia, quidquid debitorum ante iudicis sententiam solvendorum contraxit defunctus, ad illud in solidum tenetur hæres, nisi beneficium Inventarii juvetur, ut suo loco dicetur.

269. Ex Rapina datur actio vi bonorum raptorum, prætoris, partim rei partim pœnæ persecutoria, quæ à raptore quadruplum (cui res ipsa, seu æstimatio inest) intra annum exigitur, post annum simplum. pr. Inst. de vi bon. rapt. ibi. Propriam actionem ejus delicti nomine prætor introduxit, quæ appellatur: vi bonorum raptorum. & est intra annum quadrupli, post annum simpli. Transiit hæc actio ad hæredes, etiam lue necdum contestata, sed non contra hæredes raptoris (contra quos sufficit conditio furtiva in simplum, etiam si aliquid ad illos pervenerit, ut specialiter statuit prætor in l. 2. §. fin. ff. de vi bon. rapt. Adversus hæredes autem vel ceteros successores non dabitur, &c. & ego puto ideo prætor non esse pollicitum in hæredes in id quod ad eos pervenit, quis putavit sufficere conditionem. nisi lis prius fuerit contestata cum raptore, §. non autem cit. Inst. de perpet. & temp. act.

270. Circa hæcenus dicta Quæri potest primò, an quando debitor furatur Creditorei pignus, cadat pignus in causam furtivam, ita ut usufructu non possit. Respond. negativè, textus aperius in l. 4. §. 21. ff. de usurpat. & usufructu. Si rem pignori datam debitor surripierit, & vendiderit, usufructu eam posse Cassius scribit: & ratio mox subiungitur: quia in potestate domini videtur pervenisse qui pignori dederit: quamvis cum eo furti agi possit. Ex quibus verbis colligitur ratio discriminis, cur alie res furtivæ usufructu non possint: ut habetur §. furtiva Inst. de usufructu. & in proprio loco dicetur. nam hoc solum verum est, quamdiu res furtiva non redierit ad suum dominum: atqui in casu quæstionis per ipsam furtum redit ad suum dominum. Unde non est opus, ad hæc concilianda, subtilitate Hæsticio Utrici Hunnij, quod in casu nostro furtum propriè non fiat ipsius rei, sed juris quod creditor in pignore habet: nam præter-

præterquam quod hoc sit contra claros iuris textus §. aliquando autem Inst. de Ob: quæ ex del: ubi dicitur, ipsius rei furtum fieri. est etiam ex se absurdum, quod quis rem incorporealem, hoc est, jus furtum, cum illud semper maneat penes creditorem, etiam ablato pignore. impedire autem effectum illius iuris, nempe possessionem & detentionem, non est furari jus, alioquin omnis denique actus iniustus furtum dici poterit.

271. QUÆRITUR 2. Utrum, si fur antequam à Iudice condemnatur ad pœnam dupli vel quadrupli, rem ablatam ultro restituat, absolvendus sit, & liberetur à pœna. R. Negative. l. 65. ff. de furtis. Qui cā mente alienum quid contraxerat, ut lucifaceret, tamen si mutato consilio id Domino postea reddidit, fur est: nemo enim tali peccato pœnitentiā suā nocens esse desit. Nec refert, quod in aliis quibusdam delictis liberetur pœnitentiā: id enim est speciale privilegium, ad alia delicta non extendendum. Idem de Rapina constitutum est in l. penult. ff. de vi bonor. rapt. Non prodest ei, qui rapuit, ad evitandam pœnam, si ante iudicium restituat rem, quam rapuit.

272. QUÆRITUR 3. An in eo, qui rem alienam furtipit, animus furandi præsumatur. Negat Treutlerus d. 30. th. 1. verum cum distinctione respondendum videtur. Si quis alienam rem accipiat modo quodam licito, aut inter tales homines non infueto, ut solent opifices vicini quandoque ab officina alterius absentis instrumentum, vel etiam materiam accipere animo restituendi, tunc non præsumitur dolus, nisi persona aliunde jam suspecta esset: si verò accipiat modo infueto, & illicito, tunc, nisi contrariā fortiori præsumptione elidatur, præsumi potest, donec probet oppositum.

273. QUÆRITUR 4. An furtum committat, qui moroso debitori aufert, quantum sibi debetur. Affirmant Georgius Obrechtus & Treutlerus. Sed respondendum est negative. ratio est, quia non aufert animo lucrandi, sed se indemnem servandi. Quandoque autem licita sit huiusmodi occulta compensatio, infra tradabitur. Nunc solum duo notanda sunt. Primum, quod huiusmodi compensatio non sit licita, quando per Iudicem debiti solutio obtineri potest, ut habetur l. 13. ff. quod metus causā. Quisquis igitur probatus mihi furti rem ullam debitoris, vel pecuniam debitam non ab ipso sibi sponte datam, sine ulla iudice temere possidere vel accepisse, utque sibi lus in eam rem dixisse, ius crediti non habebit. Secundum est, furi posse ab eo qui furtum passus est, rem furtivam propriā auctoritate auferri & recuperari. l. 48. in princ. ff. de furtis. Qui vas argenteum perdidit, eoque nomine furti egerit, &c. id est cuius erat, abstulit ei, qui subripuerat: dupli nihilominus (surt) condemnatus est.

274. QUÆRITUR 5. An rem inventam detinens, si Dominum sciat, vel non debito modo investiget, sit civiliter fur habendus. R. Affir-

mative l. 43. §. 4. ff. eod. Qui alienum quid jacens lucri faciendi causā fustulit, furti obstringitur, sive scit, cuius fuerit, sive ignoravit, nihil enim ad furtum minuendum facit, quod cuius sit, ignoret.

275. QUÆRITUR 6. An deat actio furti contra eum, qui aliquid aufert animo furandi, quia putat Dominum esse inivitum, cum tamen Dominus non sit inivitum, eò quod illam rem habeat pro derelicta, &c. Affirmat Andreas Alciatus lib. 1. disjuncti. cap. 10. asserens pro se legem 46. §. 8. nixus illis verbis: Et ait Pomponius furtum me facere: sed negativa est vera: nam Pomponio statim contradicit Ulpianus (cujus est tota illa lex) sequentibus verbis. Verum tamen est, ut, cum ego velim eum uti, licet ignoret, ne furti sit obligatus. Hinc inferunt Interpretes: si falsus procurator solutionem alterius nomine accepit, non teneatur actione furti; si postmodum ille, cuius nomine exegit, aut accepit, exactionem & solutionem ratam habeat. l. si vendidero. 80. §. 5. in fin. quod si pecunia sui debita, ratum habente Titio, furti actio evanescit, quia debitor liberatur.

276. QUÆRITUR 7. Quare leges mitius puniant Rapinam, condemnando nimirum in quadruplum cui tamen in sit simplum, cum tamen Furtum manifestum puniatur condemnando in quadruplum cui simplum non in sit, sed insuper Conditione furtivā peti possit, adeoque actio furti sit merè pœnæ persecutoria, actio vi bonorum raptorum verò sit mixta, hoc est, rei & pœnæ persecutoria? Hunnius ingenue fateur, se rationem huius planè nullam deprehendere, & eò pertinere quod dicitur, non omnium, quæ à veteribus constituta sunt, rationem dari posse. Sed immerito hoc dixit, & non incongrua huius rei ratio reddi potest. certum enim est, & usu comprobatum, taxationes pœnarum majorum vel minorum, non debere fieri præcisè per ordinem ad comparisonem delictorum ad invicem, ita ut, quod in se & ex specie sua gravius est altero, hoc ipso semper in omnibus graviore pœnā sit plectendum, sed attendi insuper debet propensio hominum major minorve ad unum præ alio; ex hac enim propensione non raro fit, ut delictum minoris in se malitiae, adeo tamen in aliqua Republica multiplicaretur, nisi gravius prohiberetur, ut plus inde damni timendum esset, quàm ex delicto majoris quidem in se malitiae, sed ad quod propensio hominum illius Reipublicæ longè minor esset, ac proinde non sit necesse, ad homines sufficienter absterrendos majorem taxare pœnam, sicut est necesse ad delicta prioris generis. Sic videmus, in Academiis graviore pœnam esse constitutam simplici fornicationi, quàm periculose digladiationi, & tamen hoc est delictum majus illo: nempe quia ad digladiationem non ita sunt propensi juvenes communiter, ut ad Venere-

rem. Iam ad propositum nostrum. ad Rapi-

nam



nam non sunt ita propensi vulgares homines, ut ad furtum, ut per se patet: quare ut à Rapina sufficienter abstergerentur, sufficere poterat pœna tripli ultra simplex: præsertim cum ex aliis capitibus Rapina gravius puniatur: nam contra Raptorem habet Actor optionem, ut agat vel actione vi bonorum raptorum, vel actione furti, & quidem plerumq; manifesti, quia rapina ple- rumque est manifesta: deinde quia Rapina etiam non manifesta tripli pœnâ afficitur, non item furtum non manifestum: denique quia contra raptorem datur non solum iudicium privatum, sed etiam publicum ex lege Julia de vi. Hæc omnia, inquam, simul sumpta sufficienter abstergebant homines à Rapina: à furto videri potuit saltè in iudicio privato maior pœna constituenda, ob longè maiorem propensionem hominum vulgariū.

277. Simili ferè modo potest ratio reddi illius quod habetur *L. in eum 18. C. de furtis & ser- vo corrupto*. ubi dicitur, in eum qui ex naufragio vel incendio aliquid accepisse dicitur, intra annum utilem ei cui res abest, quadrupli, post annum in simplex actionem proditam esse. Nam tales insuper bonorum publicatione multantur. *auth. navigia. C. cod. Affianus post leg. 18. pō- sita*. Iure Canonico excommunicantur. *cap. excommunicationi. de Raptoribus. ibi. Illi etiam, qui Christianos naufragio patientes (quibus socu- dum regulam fidei auxilio esset tenentur) damnatâ cupiditate spoliati rebus suis, nisi ablata reddiderint, excommunicationi se noverint subiacere*. Estque la- tæ sententiæ, ut ponitur in Rubr.

278. QUÆRITUR 8. An ille præsuma- tur fur, in cuius domo res furtiva reperitur? Res- pondet Antonius Perez n. 11. non præsumi, ni- si aut sit homo improbus, aut clam, aut vili pre- tio, aut sapius à fure emerit, his enim casibus adversus eum præsumptio est, nisi aut furem o- stendat, aut auctorem suum à quo emerit: alio- quin si à transeunte, aut ignoro se emisse dicat, non evitabit suspicionem alienam à bono viro. *L. 5. C. huius. Civile est, quod aut adversarius tuus exigit, ut rei, quam apud te fuisse faveris, exhibeas ven- ditorem. Nam à transeunte & ignoro te emisse dicere non convenit volenti evitare alienam bono viro suspi- cionem.*

279. QUÆRITUR 9. Quid juris quoad actionem furti, si plures simul furtum fecerint, an singuli quoad pœnam conveniri possint, ita ut uno solvente non propterea cæteri liberentur? Aliqui ut Hotomannus, & Vescen- becus & Treutlerus, noscitur quâ subtilitate distin- guunt inter totum continuū, & totum disjunctū, seu constans partibus disjunctis, seu dis- junctibilibus. ex. gr. si plures surripuerint sac- cum plenum pecuniæ, volunt, singulos teneri pro rata tantum, si verò sustulerint trabem, rig-

num, vel columnam, volunt singulos teneri in solidum, & hoc quidem posterius habetur clarè in *L. 21. §. 9. ff. h. tit. Si duo pluresve anum tignum furati sunt, quod singuli tollere non poterint, dicendum est, omnes eos furti in solidum teneri. Qua- tenus autem hoc etiam isti AA. extendunt ad pœnam suspensii, ita ut si plures simul aliquid huiusmodi (quod unus solus non potuisset au- ferre) furati fuerint, quod quinque solidos va- leat, omnes sine suspendendi vigore Const. Fri- der. hæc inquam extensio videtur intolerabilis, & meritò à Bacchovio in *Notis ad Treutleri vol. 2. d. 30. th. 3. lit. h.* iniqua ac rationi contraria iudicatur, de quo tamen viderint alii. Ad qua- sitionem alii sine distinctione respondent, singu- los in solidum conveniri posse, ob hanc ratio- nem, quia quot furti delinquentium personæ, tot & delicta sunt à singulis luenda, & est lex ap- perta *L. C. de Condit. furtiva*, exemplificans in furto pecuniæ, Summariū sic habet. *Plures eandem rem furto subrahentes in solidum obligantur, & solutio unius non liberat alium à pœna furti, sed li- berat à conditione furtiva*. Nempe quia hæc non pœnæ, sed rei est persecutoria. Res autem ipsa bis solvi non debet. Habet autem actor electionem, quænam ex furibus convenire velit, ut notat glossa.*

280. QUÆRITUR 10. An in hac materia impuberes perinde ut alii obligentur, & conveniri possint. R. Si sit pubertati proximus, actione furti tenetur, non item si sit proximus infantia. §. 18. *Instit. h. t.* In summa sci- endum est, quæsitum esse, an impubes rem alienam æ- movendo furtum faciat? & placuit, quia furtum ex affectu furandi consistit, ita demum obligari eo cri- mine impubere, si proximus pubertati sit. Qui- nam autem censendus sit pubertati proximus, an qui 10. annum cum dimidio compleverit, an po- tius hoc arbitrio Iudicis committendum, videat- ur Menochius lib. 2. de arbit. Iudic. cas. 57. n. 44. & seqq. Farinacius p. 3. q. 92. n. 5. Harpprecht in tit. de auctor. tut. n. 18. & seqq. Apud eundem Farinacium videri potest, quibus pœnis afficen- di sint, qui furibus opem præstant, excubias ag- gunt, hospitio recipiunt, de furto participant, consilium dant.

281. QUÆRITUR 11. Siles vendi- ta, sed necdum tradita, (periculum verò sit pe- nos emptorem) furto auferatur, cuiam compe- tar actio, venditori ne an emptori. R. Actio- nem directam competere venditori, utpote pe- nos quem adhuc est dominium rei venditæ; hæ- bec tamen venditor optionem, utrum ipse agere velit, vel actiones cedere emptori. *L. eum qui in princ. 14. ff. de furti. Eum qui emit, si non tradita esse rei res, furti actionem non habere, sed adhuc vendi- toris esse hanc actionem Celsus scripsit. Mandare eum planè oportebit emptori furti actionem, & condi-*  
tionem.

*Monem, & vindicationem: & si quid ex his actionibus fuerit consecutus, id prestare cum emptori oportebit.*

182. **QUÆRITUR** 12. Usum fructuum in re mobili constituto, si ea auferatur, cuiusmodi competit actio? Respondet lex inter omnes 46. Si servus fructuarius (idem est de aliis) subreptus est, uterque, & qui fructuarius, & Dominus actionem furti habet: dividiturque actio inter Dominum, & Fructuarium: Fructuarius agit de fructibus, vel quanti interfuit ejus, furtum factum non esse, ejus dupli (si vero furtum manifestum, quadrupli, ut §. seq.) Proprietarius vero agit, quod interfuit ejus proprietatem non esse subreptam.

De penis, quibus Fures affici solent, nihil addo, quia ut bene monet Julius Clarus v. Furtum, pendet totum fere ex consuetudine & statutis provincialibus. Jus Bavaricum Tit. Process. Crimin. art. 5. & 6. prescribit ludicibus, quas circumstantias attendere debeant, tam furti, quam furis. Deinde art. 7. statuit penas furti Sacrilegi, declarando, quousque sequatur, vel non sequatur Caroline Const. art. 171. & sequentes. Denique Erklärung der Landsfreyheit p. 4. art. 7. & 8. habetur, quod non tantum quis rem sibi furtis ablata actione juris persequi possit, sed etiam quod eam à fure si ipsum in facto manifesto deprehendat, aut fur rem furtivam adhuc penes se habeat, auctoritate propria eximere; vel si sit interea captus, & res furtiva in Iudicio detineatur, eam 72. nummis Münacensibus Iudicio numerandis redimere queat.

## CONTROVERSIA II.

*Quenam Quantitas damni requiratur, & sufficiat ad peccatum mortale, & unde desumenda gravitas materia.*

### SUMMARIUM.

**P**eccatum Injuria est ex genere suo mortale. 184.  
Datur tamen parvitas materia. 185.  
Regula generalis cognoscendi materiam gravem, non recte statuitur in summa pecuniaria. 186.  
Injuria desumitur ex §. Gallinarum Instit. de Ret. divil. 187.  
Non recte etiam declaratur per To esse damnum notabile. 188.  
Regula Cardinalis de Lugo. 189.  
Defenditur contra aliorum argumenta. 191.  
Probabilitas est ex natura rei eadem Quantitas gravis respectu omnis generis hominum. 199.  
Non placet probationis Paris Martini Esparza. 300.  
Melius probatur ex eo, quod Lugo non procedat consequenter. 305.

Statum paupertatis, & statum opulentie, non intendit natura, sed sunt præter ejus intentionem. 304.  
Etiam si demus, Regum statum esse à natura intentum, eorum tamen opulentia prout à natura intenditur, est potius materialis, quam formalis. 305.

*Alia probatio Conclusionis ex eo, quod pecunia estimetur etiam ut apta sublevare indigentiam alienam.* 307.

*Ex contraria sententia multa inconvenientia sequuntur.* 308.

Potest aliqua res dici parva ex duplici capite, & consideratione, absolute & comparative. 310.

Presumptio sæpe obtrinet, aliam esse quantitatem gravem respectu divitum. 312.

Regula P. Martini Esparza, de Quantitate gravi. 315.

Ex eo, quod aliqua certa damnificatio sit dissolutiva amicitiae inter homines, non recte inferitur esse dissolutivam inter Deum. 317.

Non recurrunt homines ad vim dissolutivam amicitiae, quando examinant, an damnum sit grave. 318.

Via dissolvendi amicitiam, quæ inest furto, includit hoc quod est esse injustam. 319.

Gravitas damni est explicanda per effectum physicum experimentalem. 320.

Effectus à quo homines solent damnum vocare graves, & notabile, est animi dolor moraliter inimpediibilis imperio voluntatis. 321.

Quomodo possit Regibus & Opulentis regula applicari. 325.

Practica determinatio quorundam ad certam summam pecunie, non est universalis. 327.

Melius desumitur ex pretio laboris diurni. 328. 329.

183. **T**ractari solet hæc quaestio hoc loco, quamvis enim in quocunque genere bonorum locum habeat, in quibus damnificatio admittit parvitatem excusantem à peccato mortali, frequentius tamen damna inferuntur in bonis fortunæ; & regula de his tradenda facile poterit ad alia bonorum genera applicari. Est autem quaestio speculative difficilis & intricata, quæ tamen in praxi, ob sententiarum probabilitatem multum facilitatur.

### §. I.

#### Certiora præmittuntur.

184. **E**rrum est 1. Peccatum furti, seu injuriæ, esse ex genere suo peccatum mortale, hoc est, nullà alià specie peccati accedente esse mortale, nisi vel inconsiderantia, vel parvitas materię excuset. Dari autem parvitatem materię in hac specie peccati, indubitarum est. Quis enim sibi persuadere, æternam penam ex natura rei mereri, qui alteri non indigenti pomum vile furatur, si nullum aliud damnum per accidens inde sequatur, aut lucrum impediatur, prout contingeret, si quis furti non nisi unicam subulam habenti, eam auferret, sine qua non potest

potest lucrari, quodcum illa lucraturus fuisset: tunc enim et si subula secundum se sit levis res, junda tamen cum damno subsecuto est quid grave.

285. Certum est 2. Possē assignari aliquam materiam, quæ omnium judicio est gravis, v. g. 200. auros, & aliam quæ sit levis, v. g. unum obolum. Difficultas est, quænam sint utriusque confinia, quænam sit illa quantitas, quæ ita sit lethalis, ut vel minimo dempto non sit amplius lethalis, & contra, quænam sit ita levis, ut vel minimo addito sit lethalis: utramque reipsa dari dubium non est, eamque Deus utique notificare possit. Nobis autem ita ignota est, ut moraliter sit impossibile eam demonstrare. Et etiam si casu contingeret, ut aliquis Doctor eam tangeret, ad praxin tamen perinde esset, ac si eam non tetigisset, ob aliorum aliter sentientium parē auctoritatem.

Et quidem hæc ignorantia non obest humano generi; sed, si bene consideretur, prodest. Nam in dubio, utrum materia sit gravis vel levis, tenetur quis sub mortali abstinere, unde fit, ut multa facta prætermittantur, quæ committerentur, si adesset scientia: sapē enim non erit materia gravis, à qua tamen abstinere, qui dubitant, an sit gravis, eò quòd horreant peccatum mortale, non autem veniale. Quòd autem aliqui DD. sint in hoc puncto valde laxi, illi sunt admodum pauci, & vel eorum opinio non est probabilis, vel ejus probabilitas est paucis nota, & ideo parum obest.

286. Certum est 3. Regulam generalem ad cognoscendam quantitatem furti sub mortali prohibitam, non rectè statui in aliqua certa summa pecuniaria. Nam, ut taceam, quantitatem mortaliter gravem fore assignandam, etiam si usus monetæ nunquam introductus esset, & etiam illos, qui valorem monetæ ignorant, agnoscere tamen, se graviter lædere auterendo equum, v. g. adeoque in confuso agnoscere gravem materiam, ut hæc inquam, dissimulem, quis nescit, pecuniæ valorem esse mutabilem, non autem regulam gravis quantitatis formaliter loquendo, quia in lege naturæ fundatur? Præterea, in uno loco, vel tempore est abundantia pecuniæ, & ideo pretium illius est vile respectivè, & in alio loco est magna penuria pecuniæ, & ideo pretium est majus, hoc est, quando hoc loco, vel tempore possum me per annum sustentare triginta aureis, in alio loco opus habere sexaginta aureis. Ergo non potest pro omni loco & tempore designari eadem summa pecuniæ. Verum quidem est, à Theologis utiliter pro certis locis, aut provinciis taxari certam summam pecuniæ, v. g. pro quibusdam Hispaniæ partibus duos Regales, seu Julios, seu 20. crucigeros, pro nostris partibus triginta, seu medium florenum, &c. Sed hæc taxa non est illa regula, quam in præsentia quærimus: quin potius est quædam applicatio regulæ

alicuius generalis: unde quando ex istis taxaribus quaeritur, cur ita statuatur, debent aliquam rationem generalem etiam aliis damnis applicabilem assignare, v. g. dicunt se ideo statuere medium florenum, quia censetur in istis partibus hic & nunc damnum notabile, & quòd graviter toleratur, vel quid simile respondebunt.

287. Ex discursu facto constat, imperitè aliquos DD. ex §. *Gallinarum Infi. de rerum divisione*, hanc regulam concinnasse: nempe unam gallinam esse quantitatem mortalem, eò quòd pro furto gallinæ detur actio furti: nam ut taceam, textum loqui in plurali, potest utique valor gallinæ crescere pro una anni parte usque ad 20. crucigeros, & in alia decrecere usque ad 4. Si legissent Juris Interpretes, vidissent, ex illo textu Iuristas probare, etiam pro modico furto dari actionem furti in destitutionem delicti.

288. Certum est 4. Verissimam quidem esse doctrinam communem omnium Theologorum, illam quantitatem sufficere ad peccatum mortale, per quam infertur proximo damnum notabile & æstimabile. Hæc tamen doctrina sub istis terminis non est regula ultimata: & præterea erroribus obnoxia est. Ultimata idco non est, quia non adest, sed transfert difficultatem: restat enim explicandum, quantum debeat esse damnum, ut sit notabile & æstimabile, & unde hoc colligendum sit. Nam *esse grave*, & *esse æstimabile* sunt synonyma: ergo dum *Gravitas* explicatur per *Notabilitatem*, aut *Æstimabilitatem*, explicatur idem formaliter diversis vocibus, ut gladius per ensē: ergo nihil explicatur, certè non scholasticè.

Deinde, ut dixi, exponit periculo errandi. Quomodo enim debet damnum esse notabile, & æstimabile? an æstimabile ab illo, qui aufert, an ab illo, cui aufertur? si primum? ergo si pauper aliquis furetur unum lulium, dives autem decem ducatos, ille pauper gravius peccabit, quàm dives, quia ratione suæ conditionis plurius æstimat lulium, quàm dives decem ducatos, hoc autem est falsum & ridiculum. Si secundum? facile plurimi officiales principum seipsos excusabunt à gravitate furti, etiam quando plures aureos furantur, quia judicabunt, illos non tanti æstimari à principe, quanti æstimatur à plebeio hominē unus lulius: ecce! aniam errorum, & abusum hujus regulæ: nisi magis explicetur, pro ut explicanda est, quia vera est.

## §. II.

*Verum eadem sit Quantitas assignanda respectu omnis generis, & conditionis hominum.*

289. Prima sententia est Card. de Lugo, quæ sequentia docet. Primò docet, materiam læsionis sufficientem ad peccatum mortale non esse

esse eandem respectu omnium hominum, sed aliam respectu Regum & Magnatum opulentorum, aliam respectu aliorum divitum, aliam respectu artificum, aliam respectu pauperum, qui mendicatio vivunt: v.g. mortale erit, Regi aut Magnati opulento auferre unum aureum: diviti auferre sex vel septem argenteos (per argentum intelligit Iulium, seu decem crucigeros) artificii quatuor, pauperi denique valorem victus diurni, seu mercedem mediocrem, quæ tempore medio inter hyemem & æstatem datur fossori. In eandem sententiam ferè concedunt Bonacina, Reginaldus, Joan. Medina, Petrus Navarra. Verùm, quia hi authores, ut fatetur Lugo, non asserunt ullam rationem huius diversæ taxationis, ideo non satis constat, utrum voluerint dicere, hanc regulam esse ex natura rei constitutam, ita ut Rex non posset esse rationabiliter graviter iniurius quoad minorem summam, vel an tantum locuti sint de præsumptione, quoddam defecto non sint graviter iniuri, quamvis esse possent, ut aliqui Authores secundæ sententiæ postea referendæ admittunt.

290. Docet Lugo secundo, in taxanda quantitate, seu regula constituenda, non esse præciè attendendum ad illud damnum, quod hic & nunc hoc unicum furtum infert tali personæ; sic enim furati unum aut duos ducatos Regi aut opulentissimo mercatori, non esset peccatum mortale, quia Rex non patitur tam grave damnum, quam si opifici auferas medium Iulium; sed esse attendendum ad damnum, quod consequenter seu consecutivè pateretur talis persona, si talis quantitas furti non esset sub mortali peccato prohibita. Regulam ergo hanc constituit, illam esse quantitatem respectivè gravem, quæ si non esset graviter prohibita, ob hanc ipsam non prohibitionem fieret, ut multi allicerentur ad similia furti multiplicanda, etiam præter intentionem multiplicandi, & sic gravissimum detrimentum pateretur tale genus personarum, quod tamen non patitur per se loquendo, si talis quantitas sit sub reatu æternæ vitæ amittendæ prohibita: huiusmodi ergo quantitatem vult Card. de Lugo esse respectu Regis unum aureum, non item florenum, quia non ita vehementer allicit, ut non sufficienter absterreat prohibitio sub veniali.

291. Secunda sententia docet, per se loquendo esse eandem quantitatem assignandam respectu omnium. Ità Lessius, Barthol. Medina, Valentia, Rebellus, Layman, Sanchez apud Lugonem, quos secuti sunt Arriaga, de Pœnit. d. 51. §. 4. n. 25. Tannerus q. 8. dub. 6. n. 110. & n. 120. in fine. Elsparza.

Ergo aliquando secutus sum priorem sententiam, quia videram argumenta ab aliis objectâ posse dissolvi. Nunc autem re diu consideratâ probabiliorcm iudico secundam sententiam speculativè rem examinando; non nego tamen

priorem esse securam. Referam imprimis argumenta quibus primam Sententiam alii impugnant. Contra Lugonem ergo

292. Obiciebatur 1. Ex doctrina & Regula Lugonis sequitur, furtum unius aurei non esse intrinsecè grave, sed tantum extrinsecè, nempe ex damno secuturo per alia furtâ, quæ fierent, si aureus non graviter prohiberetur; consequens est contra communem sensum: ergo &c. Hoc tamen argumentum habet contra se instantiam in Mendacio & pollutione voluntaria, ut ex Thoma Sanchez ostendit Lugo, & ego tradidi in secundo lib: de actib. hum. Mendacium enim est intrinsecè malum, & prohibetur universaliter absque ulla exceptione: quia quamvis unum mendacium, quod hic & nunc necessarium esset ad salvandam vitam unius hominis, vel integræ Reipublicæ incolumitatem, non asserret notabile nocumentum humanæ naturæ & vitæ politicæ, asserret tamen nocumentum gravissimum, si vel in uno casu liceret, & nequidem venialiter esset prohibitum, ob securum abusum & multiplicationem, ut loco citato ostendi. Idem cum proportionem dicendum est de pollutione. Respondetur itaque ad argumentum negando sequelam. nam furto unius aurei hoc verè & physicè est intrinsecum, ut spectatâ propensione hominum ad pecunias, si aureus non graviter prohiberetur, vehementer inclinaret ad tale furtum, & frequentissimè obtineret consensum, & hæc vis intrinsecæ est illa malitia objectiva propter quam graviter prohibetur.

293. Obiciebatur 2. Ergo etiam modica quantitas, v.g. unius Iulii, deberet esse graviter prohibita, quia de illa etiam verificatur regula Lugonis, nempe si non graviter prohiberetur, tunc ob frequentiam huiusmodi furtorum inferretur alteri grave damnum. R. Negando suppositum, nempe quod ita invitet, ut nisi graviter prohiberetur, inde gravissimum damnum etiam divitiibus inferretur. Certè omnibus faciendum est, unum teruntium non esse tam allicitivum, ut consecutivè grave damnum divitiibus inferret, cum defecto nemo sibi timeat à tali damno, tamen si sciat, furtum unius teruntii esse tantum venialiter prohibitum: ascendant ergo jam adversarii, & determinent denique aliquam quantitatem, quam sufficit prohiberi venialiter, majorem verò necesse sit prohiberi graviter, cum omnes fateri debeamus, esse assignabilem aliquam quantitatem, quæ nisi graviter prohiberetur, inferret consecutivè etiam Regi grave damnum: huiusmodi quantitatem existimat Lugo esse aureum, non item infra. Quamdiu ergo ab adversariis non probatur, hoc ipsum convenire etiam duobus aut tribus Iuliis, tam respectu Regis, quam respectu opificis, non impugnant sufficienter fundamentum Lugonis.



294. Obijciebatur 3. Lugo non videtur auferre, sed transferre difficultatem assignandi quantitatem mortalem. Restat enim assignanda regula cognoscendi, quantum debeatur esse illud damnum Regis, cuius consecutiva illatio sufficit, ut illa quantitas, ex qua consecutivè inferretur, debeat esse graviter prohibita. Responderi potest, hanc objectionem solum evinci, quod doctrina Lugonis non sit completa & absoluta, non tamen convinci esse falsam. Fortasse diceret Lugo, illam quantitatem debere esse graviter prohibitam respectu Regis, quæ si non esset graviter prohibita respectu Regis, consecutivè inferret Regi tantum damnum, quantum solet Rex infumere in sustentanda sua aula, & mensa pro uno die: sicut respectu opificis solet dici grave damnum esse, si auferatur viduus unius diei. Deinde diceret Lugo, ubi videti aureum esse talem quantitatem.

295. Obijciebatur 4. Ex Lugonis doctrina sequitur, quod omisso prohibitionis (quæ est quædam volitio divina) causare posset inconvenientiam. Hoc autem est absurdum. Nam etiam si Deus omittat aliquid prohibere, non propterea sequitur aliquid inconveniens, aliòquin ipsa volitio prohibendi esset inconveniens, adeoque chymérica. 2. Argumentum habere easdem instantias, quas dedit Lugo supra ad primum argumentum. Et nemo sane potest negare, sæpe aliqua per leges tam naturales, quam divinas prohiberi ideo, quia nisi prohiberentur, sequerentur gravia incommoda: inepè tamen inde inferres, omissionem talis legis (supposito, quod sit possibilis) fore inconvenientem, hoc est, indecentem. Sic docent plurimi, carnem suam fuisse prohibitam Judæis; quia nisi prohibita fuisset, causasset incommoda lepræ & alia, quia obfuscatem cibi valde ad illum alliciebantur: sic prohibebantur nuptiæ cum gentibus, ne ad Idololatriam perverterentur. 2. 2. Lugonem non esse usum termino *Inconvenientia*, sed *Detrimenti*. Non est autem absurdum, aliquo divino actu causari posse detrimentum temporale inter homines.

296. Obijciebatur 5. Homines, quando furantur, non attendunt ad regulam Lugonis, quid scilicet damni sequeretur, si talis quantitas non esset graviter prohibita: & tamen attendunt aliquam regulam: ergo est alia regula fugiabilis ad discernendam gravem injustitiam à levi. 2. 1. Argumentum iterum retorquendo in mendacium. 2. 2. Homines ad huiusmodi regulas attendere sub conceptu confuso, & sub prædicato aliquo convertibili cum illa regula: Sicut qui concepit patrem habere relationem ad filium, etiam si non attendat ad regulas Philosophorum de relatione.

297. Obijciebatur 6. Etiam si aureus esset tantum leviter prohibitus, adhuc contingere posset, ut majus damnum Regi inferretur ab

illis, qui furantur tantum duos Julios pro una vice, & sine animo multiplicandi propter huiusmodi hominum frequentiam, quam ab illis, qui furarentur aureum, ed quod fortassis essent paucissimi: ergo regula Lugonis non sublevis, aliòquin pro tali casu deberet graviter prohiberi furum duorum Juliorum, & tantum leviter furum unius aurei. 2. Distinguen-do antecedens. Posset ita contingere physice, aut metaphysice rem considerando, transeat. Moraliter loquendo, negatur. Natura autem suis legibus cavere studet ea incommoda, quæ spectata hominum propensione sunt moraliter certo eventura: est autem moraliter certum, & evidenter probabilis, quod si aureus tantum leviter prohiberetur, ex hac licentia plus damni inferretur, quam defecto inferatur ex eo, quod duo Julii sint tantum leviter prohibiti. 2. 2. Quod si furari aureum esset tantum leviter prohibitum, hæc indulgentia non tantum multiplicaret furta unius aurei, sed multo magis furta duorum Juliorum, utpote quæ tunc minus essent prohibita, quia magis recedentia à quantitate gravi.

298. Obijciebatur 7. Leges humanæ, quæ versantur in materia iustitiæ, ideo feruntur, & sunt honestæ, quia earum ommissio pareret magna inconvenientia, aliis gravem legis & periculum peccandi occasione illarum legum esset iniquum: atqui eadem inconvenientia sequerentur, antequam eadem leges ferrentur, & tamen actiones, quæ ex vi illarum legum sunt peccaminosæ lethaliter, non erant peccaminosæ ante illas leges: ergo sequela magnorum inconvenientium non est ex se præcisè universalis regula injustitiæ gravis, aut levis. Adde ulterius: etiam positis legibus, quæ defecto dantur in materia iustitiæ, sequitur magna inconvenientia, & quidem nimis facile apud multos: ergo quod sequerentur, vel non sequerentur inconvenientia, sic vel aliter, non est bona regula. 2. Nōgando paritatem inter leges humanas, & legem naturalem. Lex naturalis, vel non existit, vel est æterna: ergo si illa ferretur ad impedienda mala quæ fierent, si lex illa non esset, debet esse æterna, & illorum malorum sequela debet esse pro omni tempore summè probabilis, & moraliter indubitabilis. Econtra leges humanæ incipiunt in tempore: & licet antecederent ad talem legem per aliquod tempus existerit jam radix sufficiens ad ferendam talem legem, non expediebat tamen illas actiones prohiberi à natura, tum quia causa illa legis plerumque non est universalis, sed solum pro certa provincia, aut Regno, tum quia sequela incommodorum non est pro omni tempore indubitabilis, sed primum post longam experientiam innōtescit, quæ experientia est penes Legislatorem, accuratius observantem omnia, quæ sunt in suo territorio, non est autem penes privatos; & præterea expedit, privatos & subditos obligare lege ob probabilem il-

lius utilitatem, aut necessitatem, etiamsi fortassis à parte rei Legislator fallatur, quia non debet esse penes subditos iudicare de valore legis, quando non est manifestè iniqua, sed debent subditi præsumere pro æquitate legis, alioquin omnia turbarentur in Republica.

Ceterùm hinc fit, quòd contra leges humanas possit per consuetudinem contrariam intra certum tempus præscribi, & per contrariam consuetudinem abrogari, & tunc deprehenditur, inconvenientia tanta non sequi, quanta timebantur quando lex ferebatur.

Ad id quòd addebatur, adhuc lege non obstante gravia inconvenientia fieri, responderetur, ea non sequi tantà morali certitudine sicut sequerentur, si non exstarent leges prohibentes, quia lex facit spem fore ut non sequantur, adeoque non per se, sed per accidens est, quòd sequantur. Et hæc sunt argumenta, quibus P. Esparza impugnât Lugonem, quæ tametsi me non moverent ad deferendam sententiam Lugonis, sicut nec eiusdem auctoris argumenta, quibus suam sententiam probat, & quæ jamjam referam, nihilominus.

299. DICO, mihi probabiliorē videri secundam sententiam, nempe quòd una eadēque quantitas ex natura rei sit sufficiens ad mortale pro quacunque hominum conditione seu genere assignato à Lugone, nisi per accidens fiat, ut minor quantitas sit læso gravis.

300. P. Esparza probat Conclusionem primò. Si pro diversitate divitiarum essent taxæ à natura diversæ quantitates ad committendum peccatum mortale, tunc commutatio secundum se iusta foret iniusta, si dives cum non divite commutaret, quia quòd transmitteretur in ditissimum, eo ipso redderetur vilius, ac proinde minus æstimabile, utpote magis expositum periculo amissionis, & converso; unde ditio, dum vellent emere, deberet dare minus pretium, & qui non esset ita dives, deberet dare majus pretium. Hoc argumentum me non convincit. Negando sequelam, nam esto id quòd transferretur in divitem à non divite, apud divitem minus valeat, quàm apud minus divitem: e contra tamen etiam quòd dives transferretur in non divitem, minus valebat apud divitem quàm non divitem; unde per commutationem secundum se æqualem servatur summa æqualitas etiam inter divitem & non divitem, quia post commutationem dives æquivalenter tantum habet quantum habebat ante commutationem, sicut etiam e contra non dives. Quod consideranti non potest non esse clarissimum, & evidentem habet instantiam, in casu, quo homo rerum suarum negligens faceret commutationem cum studio-sissimo; nam propter prioris incuriam res ipsius minus valent quàm valerent apud alium qui summam curam haberet, ut quidem P. Esparza supponit.

301. Probat P. Esparza 2. Quòd quisque est ditior, eò est magis expositus furto & rapina, cæteris paribus, & spectatà totà collectione bonorum: ergo si simul esset minus protectus per leges, quoad æqualem quantitatem, esset planè deterius conditionis quàm minus dives, nec esset uterque à natura æqualiter dilectus. Hoc etiam argumentum nimium probat. Ex antecedente enim sequeretur, quòd dives deberet magis protegi quàm non dives, ut esset dilectio formaliter æqualis; adeoque pro divite fuisset taxanda quantitas mortalis major quàm pro non divite, quòd est ex se absurdum. Responderetur ergo Lugo, naturam non debuisse æqualiter protegere bona superflua sicut bona necessaria, quia tantum debuit omnes protegere æqualiter formaliter, non materialiter: formaliter inquam, hoc est, à damno respectivè notabili, quòd tamen materialiter est diversum in divite & non divite secundum opinionem Lugonis. Neque de hoc possunt divites conqueri, utpote qui in tali conditione sunt positi, ut nolint esse positi in conditione non divitum, etiamsi ponatur vera esse sententia Lugonis, hoc est, non obstante, quòd sibi possit sine culpa lethali auferri major quantitas quàm non diviti.

302. Probat idem auctor 3. Qui per novam acquisitionem fit ditior, non debet fieri peioris conditionis respectu eorum bonorum, quæ prius habuit; ergo debet manere eadem quantitas sufficiens ad mortale, quæ erat prius, alioquin jam fieret peioris conditionis quoad illa bona. Ad hoc argumentum responderet facile Lugo, Bona priora non esse præciè secundum se consideranda, sed prout conjuncta vel cum ulterioribus divitiis, vel cum negatione ulteriorum divitiarum: atqui conjuncta cum ulterioribus divitiis sunt in meliori statu quàm conjuncta cum negatione divitiarum, etiamsi sint exposita majori periculo furti, quia talis status est divitiis optabilior, & habent etiam plura media suarum divitiarum assecurandi, recuperandi & augendi: ergo simpliciter loquendo dives non fiet peioris conditionis etiam respectu priorum bonorum, etiamsi per augmentum divitiarum cresceret etiam taxa quantitatis mortalis. Hæc sunt probationes P. Esparza, quibus in suo valore relicti.

303. Probo Conclusionem primò. Lugo in sua doctrina nō videtur procedere consequenter. Assignat enim quatuor status hominū, nempe pauperum, civium communis fortune, ut sunt opifices, Opulentorum, & denique opulentissimorum, ut sunt Reges. Hæc, inquam, quatuor genera seu status, seu classes hominum, non comprehendunt classē frequentissimam, quæ est media inter opifices & opulentos: quis enim nescit, dari plurimos, qui reverà à nemine habentur pro opulentis, & tamen hi ipsi æger timē sermons, si cum opificibus compararentur, qui quotidianò labore & artis beneficio vivunt. Deinde operarii

operarii diurni, v. g. trituratores, neque computarii possunt inter pauperes, quia non vivunt aliorum liberalitate, nec inter opifices, quia nonabiliter melius vivunt quam operarii diurni, solo plerumque nigro pane & aqua contenti.

304. Præterea, quod bene observandum est, statum paupertatis & statum opulentiæ, qualis est in ditissimis mercatoribus, Campforibus, aliisque hujusmodi, non intendit Natura, sed fiunt tales præter intentionem naturæ, nempe vel per casus fortuitos, vel per extraordinariam industriam, aut ex opposito per summam locordiam, aut prodigalitatem, &c. Natura autem non prospicit casibus fortuitis, non favet locordie, nec extraordinariam industriam vult retardare: atqui prospiceret casibus fortuitis, vel faveret aliquatenus locordie, aut retardaret extraordinariam industriam, si diversas quantitates assignaret, ut assignat Lugo, ut consideranti erit manifestum: ergo non videtur natura diversas quantitates assignasse.

305. Quod attinet ad Reges & Principes, etiamſi demus, hoc genus hominum esse à natura intentum, eorum tamen opulentia, prout à Natura intenditur, & plerumque reperitur, est potius dicenda opulentia merè materialis quam formalis. Formaliter enim loquendo ille solus rectè dicitur dives, qui abundat rebus ultra quam ad conservationem sui status quem proficitur, sit necessarium. Principes autem plerumque non ita abundant; quod vel inde manifestum est, quia occurrentibus periculis vel casibus inopinatis, accipiunt pecunias mutuas etiam à Mercatoribus, & oppignorant bona sua: atqui ditior non solet accipere mutuum à minùs divite, sed econtra. Si ergo natura voluisset diversas quantitates constituere intuitu divitiarum, debuisset minorem constituere pro principibus quam pro mercatoribus, quia debuisset attendere divitias formaliter non merè materialiter sumptas, quia Mercator minùs rationabiliter esset invitus quam Rex aut Princeps.

306. Confirmatur hæc ratio à paritate. Si quis per industriam propriam comparasset sibi unguentum, quo posset periculosa vulnera facillimè curare, imò pellere omnem dolorem, non propterea posset alii talem sine gravi injuria graviter vulnerare: ergo eodem modo non licebit opulento auferre quantitatem secundum se gravem, etiamſi ipse per industriam vel fortunam comparaverit divitias, propter quas illatum damnum posset facillè recuperare. Utriusque autem hujus ratio à priori non potest esse alia, quam hæc: quòd Natura in taxanda læsione mortali consideraverit hominem secundum se, & quæ ipsi secundum se debentur ad suam felicitatem procurandam: est autem homini sic considerato per accidens, habere facile medium reparandi damnum, illudque non sentiendi: ergo natura ad hæc non respexit.

307. Probo Conclusionem 2. Pecunia non est solummodo æstimabilis mihi, qui eam possideo, quatenus potest servire ad sublevandam meam indigentiam, sed etiam quatenus potest servire ad beneficiendum alteri, sublevando indigentiam illius: ergo quantitas, quæ est æstimabile bonum respectu hominis plebei & fortunæ tenuis, est etiam æstimabile bonum ab opulento. Probatur in primis antecedens & declaratur exemplo. Rex aliquis habet plurima jura præstantia alios ad beneficia Ecclesiastica, quæ jura non servant, nec possunt servire ad sublevandam indigentiam regis, cum non sint vendibilia, nec ipsa præstantio sit vendibilis, sed solum possit exerceri in ratione favoris, & ad consequendum inde fructum aliquem spirituales: certum autem est, quòd nihilominus sit bonum Regi æstimabile tale jus, & ipsa præstantio; & esset gravis injuria, si Rex ab hujusmodi actu impediretur. Ergo pari modo quantitas pecuniaria, quatenus potest habere rationem æstimabilis beneficii alteri conferendi, erit etiam æstimabile bonum ab illo, qui non indiget pro se & suis necessitatibus illà pecunià. Hinc jam facillè probatur consequentia. Quia quantitas illa, quæ respectu operarii diurni est damnum grave, si illi auferatur, erit etiam beneficium æstimabile, si illi donetur; & hoc prædicatum semper retinet, quantumvis multiplicetur divitiæ: ergo etiam ditissimo est æstimabilis hujusmodi quantitas, quia qui illam auferit, auferit etiam medium per illam quantitatem beneficiendi alteri, & obtinendi solarium spirituale urique æstimabile: ergo potest esse rationabiliter graviter invitus.

308. Probatur Conclusio 3. Ex inconvenientibus, quæ in opposita sententia sequi videntur. Constat, existere plurimas nobiles personas, quæ quia debent ratione nobilitatis suæ externis splendorem aliquem præferre, videntur vulgò esse divites, cum sint pauperrimi, & domi frugalius vivant, quam opifices: sæpè etiam habent bona immobilia, unde videntur esse divites, cum tamen alieno aere ita sint oppressi, ut si solvenda essent, vix indussum illis remaneret. Econtra sunt alii plures opulentissimi, qui tamen externis se gerunt, ac si essent ex communi sorte hominum, & negant se esse divites. Jam quoad priores sequeretur ex Lugonis sententia, quòd vel deberent patefacere suam pauperiorem omnibus, & hocipso declarare, se esse graviter invitos etiam respectu duorum Iuliorum, vel si nollent suam pauperiorem aliis manifestare, non possent esse rationabiliter inviti graviter respectu duorum Iuliorum, quia talis voluntas non manifestata non potest alios obligare, & dum se simulant, voluntque videri divites, hocipso fingerent, se non esse, nec posse esse rationabiliter invitos graviter respectu duorum Iuliorum, quibus tamen non minùs indigent, quam opifices: quibus

quis autem illos obliget ad manifestandam suam paupertatem, siquidem velint esse inviti respectu duorum Juliorum? ergo potius dicendum est, quoddam sicut ille, qui videtur esse dives, & vult videri talis, etiam si non sit, possit esse rationabiliter graviter invitatus respectu duorum, aut trium Juliorum, ita etiam possit ille, qui reipsa opulentus est, quod tamen sententia contraria negat.

309. Quoad posteriores vero e contrario sequeretur, quoddam fraudem illicitam committerent, simulando se esse inviti illos, qui possint esse, & revera sint graviter invitati respectu duorum Juliorum, cum tamen ex lege naturae non possint esse rationabiliter graviter invitati: est autem illicitum simulare & per fraudem assumere talem statum, cui conveniat potestas imponendi aliis obligationem gravem, à qua tamen obligatione natura illos liberavit: sicut illicitum esset assumere per fraudem personam, cui conveniat potestas ferendi leges, & hoc modo per leges gravare alios.

Confirmatur. Si quis possit jure alios decipere, ut per errorem putarent, se non posse auferre sine mortali illam quantitatem, quam possent auferre, si scirent esse divitem, sequeretur, quoddam aliquis sciens talem hominem esse divitem, non possit sine injuria propalare, & aliis dicere, ipsum esse divitem: consequens est contra sensum omnium. Sequela probatur à pari. Quando scio alterius delictum alioquin occultum, non possum sine injuria illud propalare, & sic auferre illi bonam famam, quam habet apud alios: & hoc ideo, quia ille apud alios adhuc possidet bonam famam, quā spoliaretur. Eodem modo dives occultus per manifestationem divitiarum pateretur detrimentum, quatenus propalando ejus divitias, bona illius fierent viliora, utpote magis exposita periculo furti: ergo hoc etiam non liceret, si ille haberet ius occultandi suas divitias in hunc finem, ne alii scirent, quantum sibi possent sine mortali auferre.

310. Probatur Conclusio 4. Observando, quoddam aliqua res possit dici & esse parva ex duplici capite & consideratione. Primo absolute & sine ulla comparatione ad multiplicationem illius, ut unum pomum, unus festerius, &c. secundum solum comparative ad multiplicationem ejusdem: sic unus florenus comparatus ad milles non est quid parvum. Porro quia hoc modo sunt parva, non amittunt propterea suam estimationem absolutam, ita ut eorum positio vel ablatio non sit absolute quid grave: hinc licet una alapa comparata cum mille sit quid parvum, semper tamen in se manet injuria gravis, etiam si superaddantur nonaginta novem. Hinc autem probatur Conclusio. Si enim duo vel tres Julii secundum se sint quid grave & estimabile, non sunt quid leve absolute per mul-

tiplicationem, sed tantum comparative: ergo qui illam quantitatem auferat, adhuc dicitur auferre aliquid absolute grave: sic si unus foretur regi aureum, alius aureos mille, tamen si prioris damnum sit leve comparative, est tamen absolute grave.

311. Confirmatur à pari. Si quis praeditus esset innumeris virtutibus & dotibus, & fama amplissima propter illas, non propterea detractio in una dote esset absolute levior, quam si fieret alteri non habenti nisi illam unicam dotem: v.g. qui viro perfecto detraxerit dicendo esse fornicarium, non minus eccaret, quam hoc ipsum dicendo de juvene honesto, ceteroquin vivente vitam secularem, multis imperfectionibus affectam: ergo sicut multiplicatio bonorum famae, licet faciat ut callias comparative ad cumulum ceterarum virtutum sit quid parvum, non tamen facit, ut propterea parum laedat, qui famam de illa auferat, ita & res habebit in bonis fortunae.

Contra nostram sententiam unice opponi solet sensus communis hominum, qui censent, irrationabile fore, si Rex aut opulentissimus aliquis graviter indignaretur, propter ablationem trium vel quatuor Juliorum, non item si homo mediocri fortunae graviter indignaretur: ergo debet pro prioribus major quantitas assignari. Probatur consequentia. Quia gravitas quantitatis recte desumitur & colligitur ex eo, quoddam sit apta movere ad rationabilem indignationem gravem, & amicitia dissolutionem. Responderi tamen facile potest cum P. Giattino, distinguendo antecedens: censent fore irrationabile talem indignationem, quatenus arbitrantur, illam indignationem processuram ex inordinato affectu erga pecunias, & ex avaritia (tales enim vocarent avaros) concedo: Secus nego. Unde si scirent, eos indignari ob suum jus laesum, & ob sui contemptum quem secum fert talis laesio, non mirarentur homines prudentes: sic nemo possit jure reprehendere etiam ditissimum quemvis, si famulum ob furtum quatuor Juliorum etiam è famulicio dimitteret.

312. Doctrina haec tradita procedit, seclusa rationabili praesumptione, quoddam opulenti non sint graviter invitati ad quantitatem ceteroquin sufficientem, quae praesumptio fundari potest in quibusdam circumstantiis & indiciiis ex quibus ille animus colligitur, v.g. si alicuius ludat cum Rege aut Principe, & decipiat in medio flore, sed sine animo sepius decipiendi, potest praesumere, quoddam Princeps non sit graviter invitatus, tamen quia ob singularem familiaritatem non videtur velle esse tam rigidus exactor, atque de jure esse posset, tum quia alicuius ab ipso Principe facile potest similem deceptionem pati, quae saepe fiat non ex affectu lucri sed victorie.

313. Multo facilius potest homo pauper & indigus praesumere, opulentum aliquem, & solitum



solium eleemosynas sæpius largiri, non esse graviter in vitium in quantitate duorum juliorum, si fortassis sit occasio surripendi, & non sit occasio petendi, vel sine verecundia gravi peti non possint. Cæterum nollem ego exemplificando frenum huiusmodi præsumptionibus laxare, propter abusûs periculum.

## §. III.

*Quodnam sit prædicatum physicum constituens læsionem gravem moraliter, & sufficientem ad peccatum mortale, & in ordine ad qualem effectum sit explicandum.*

314. **H**ÆCenus disputavimus, an eadem sit respectu omnium quantitas: quæ tamen ea sit, necdum determinavimus. Ostendimus etiam §. 1. Hanc quantitatem non posse pro certa regula constitui in pecunia certa, v.g. in medio floreno, ob rationes ibi allatas: nec etiam rectè explicari per terminos æquivalentes, ut: esse damnum notabile, æstimabile, &c. Restat, ut constitutur in aliquo prædicato physico, causativo alicuius effectûs physici, in ordine ad quem solemus concipere damnum, & dicere, esse damnum grave, aut leve.

315. Est sententia P. Martini Esparza (qui primus, quod sciam, hanc metaphysicam questionem discutiendam suscepit) illam quantitatem nocuenti, seu injustè illati, seu injustè non reparati, esse sufficientem, ac necessariam ad peccatum mortale, cuius ablatio, seu non restitutio, est ex natura rei, spectatis hominum temperamentis & complexionibus, prout communiter esse solent, dissolutiva amicitia & benevolentia mutua, & concitativa ira, atque inimicitia, seu ira inimicabilis, alienantis absolutè animum ab iniuriante. Ea verò quantitas in ira limites peccati venialis continetur, ratione cuius non dissolvitur ex natura rei mutua benevolentia & amicitia, nec excitatur impetus inimicitia & ira, inducitur tamen amicitia repeditas quædam, & exurgit sensus doloris facilè sedandus.

316. Hanc regulam, ait Auctor, esse imprimis perspicuam, quia hinc fiet, ut unusquisque ex dispositione animi sui, ejusque experimental consideratione, seu absoluta, seu conditionata coniciat, quam injuriam inferre non possit absque peccato lethali, & quam possit cum solo veniali. Deinde ait, esse optimam, quia hoc pacto ratio omnium maximè discretiva peccati mortalis & venialis, applicatur facillimè sub conceptu proptio ad determinatum istud genus subalternum. Nam sicut peccatum mortale est illud, quo per contemptum Dei, vel intellectualem vel affectivum, dissolvitur amicitia cum Deo, & veniale illud, quo quidem non dissolvitur conjunctio benevola, existit tamen præter ean-

dem, & ad ipsam non bene disponit, sed potius indisponit animum; ita se habet læsio proximi in ordine ad dissolvendam amicitiam, vel inducendam tepiditatem amicitia, &c. Cum enim amicitia proximi dissolvatur per nocumentum eidem illatum positivè, vel negativè, ideo illud nocumentum erit grave, quod est dissolutivum amicitia, illud verò leve, quod quidem non est dissolutivum amicitia, sed tamen inducivum tepiditatis, doloris facilè sedandi, &c. Ità ille, ingeniosè ut solet. Nihilominus

317. **D**ICO 1. Ex eo, quod aliqua certa damnificatio sit dissolutiva amicitia inter homines, non rectè inferitur, quod sit etiam dissolutiva amicitia inter hominem & Deum, seu, quod sit sufficiens ad peccatum mortale. Probatur. Mendacium sæpè repetitur, infidelitas in servandis promissis, ingratitude, solent inter homines communiter causare abalienationem, & dissolutionem amicitia, & tamen hæc non sufficiunt ad dissolvendam amicitiam cum Deo, quia sint ex genere suo venialia. Ergo non est bona consequentia, à vi dissolutiva amicitia inter homines, ad vim dissolutivam amicitia inter hominem & Deum. Ergo nisi specialis ratio reddatur, posset quis pariter existimare, posse aliquam læsionem esse dissolutivam amicitia inter homines, quin sit dissolutiva inter hominem & Deum. Ergo ex hac analogia necdum videtur tradita esse regula optima, ut dicebat P. Esparza. Ratio à priori est, quia amicitia inter homines est longè faciliùs dissolubilis, quàm inter hominem & Deum: nam sicut homo homini liberè est amicus, ita potest absque amici gravi culpa in se commissis, definire esse amicus: inimicus autem ne quidem ob gravem culpam in se commissam licitè esse potest. Quapropter inter homines dissolutio amicitia non infert inimicitiam: at verò homo non potest definire esse amicus Dei sine gravi culpa in Deum commissis, & dissolutio amicitia inter Deum & hominem, infert inimicitiam Dei erga hominem: non ergo satis accommodatè procedit paritas.

318. **D**ICO 2. Homines in examinanda quantitate sufficiente ad mortale, non recurunt communiter ad vim dissolutivam amicitia, vel induktivam inimicitia. Probatur. Homines concipiunt discrimen inter damnum grave, & damnum leve, nihil penitus cogitando de vi dissolutiva amicitia: ergo vera est Conclusio. Probatur antecedens. Quando quis casu fortuito damnum patitur, nemine penitus illud causante, dicimus damnum modò esse grave, modò leve: sic per inundationes, tempestates, pruinas, grandines dicitur hic vel ille passus esse damnum grave, alter leve: & tamen in illo conceptu non cogitatur de vi dissolutiva amicitia. Neque dicas, cogitari de illa implicitè: Nam omnis conceptus implicitus unius, debet esse explicatus alterius prædicati, quod sit connexum cum

cum illo implicito : hic ergo restat explicandus.

319. Confirmatur. Vis dissolvendi amicitiam, quæ inest furto, non identificatur adæquate cum actione damnificativa graviter quomodocunque, sed ut damnificativa graviter simul & injuste : si enim quis per furtum Iudicis sententiam damnificatur, non habet causam dissolvendi amicitiam : ergo Tò : *Damnificari graviter* : est quid genericum ad *damnificari justè, vel injustè* : atqui conceptus genericus non rectè explicatur per speciem, sed est explicandus cum præcisione à specie. Ergo, &c.

320. DICO 3. Notabilitatem, seu æstimabilitatem damni, quod expediebat prohiberi sub mortali, esse explicandam per aliquem effectum experimentalem & physicum. In hac conclusione arbitror omnes debere convenire. Probatur. Cum enim lex naturæ debuerit necessariò aliquam certam quantitatem læsionis prohibere sub peccato mortali, non verò omnem, propter inconvenientiam superius explicata, propter quæ non expediebat omnem læsionem graviter prohiberi, debuit necessariò tandem ascendendo à minimo damno, v.g. unius pomi, vel teruntii, pervenire ad aliquam quantitatem, quæ inciperet esse prohibita sub mortali.

321. Porro hanc ipsam prohibitionem debuit natura reddere hominibus aliquo modo sensibilem, seu notabilem, tamen si non fuerit necesse, ut innotesceret indubitatè circa punctum indivisibile, sed satis erat intra aliquam latitudinem innotescere, ut superius declaratum est. Non poterat autem hanc obligationem reddere sensibilem nisi per effectum aliquem, quem in se posset experiri ille, qui damnum patitur, hinc enim vocatur : damnum *æstimabile*, seu *notabile*. Debuit enim iste effectus posse animadverti etiam tunc, quando quis damnum patitur sine culpa alterius, nam etiam tunc dicitur pati damnum grave, vel leve.

322. DICO 4. Effectum, à quo homines solent damnum vocare grave, & notabile, non videri commodiorem esse alium, quàm tristitiam, seu animi dolorem, aut molestiam, imperio voluntatis moraliter inimpedibilem, aut cohibendam per se loquendo, spectatà communi hominum complexione & constitutione. Hac videtur imprimis esse mens Angelici Doctoris 22. q. 72. a. 2. ubi docens, contumeliam seu convitium (quæ est injuria circa honorem) esse peccatum mortale, deinde respondens ad primum ait, tunc quidem non esse peccatum, sed potius actum Eutrapeliæ, quando dicitur convitium non ad contristationem ejus, in quem dicitur, sed magis causà delectationis & joci. Si verò, inquit, non reformidet NB. contristare eum in quem profertur, &c. est vitiosum, hoc est, peccatum. Ecce ! S. Thomas desumit rationem injuriæ à contristatione, & consequenter gravis contrista-

tio, hoc est, moraliter inimpedibilis, erit grave peccatum. Deinde Card. de Lugo d. 45. s. 4. explicans obligationem restituendi pro inhonoratione occulta, recurrit ad hanc nostram regulam n. 54. Et ipse P. Elparza hunc effectum indicavit ultimis verbis suprà relatis, recurrendo ad dolorem facile, aut difficulter sedandum.

323. Probatur Conclusio primò ex ipsis loquendi modis, quibus utimur tanquam æquivalentibus, & idem significantibus : nam damnum, quod dicimur graviter ferre, dicimur aliis terminis molestè ferre, ægrè ferre, malè nos habere, &c. atqui per hos terminos significare volumus, nos sentire etiam invitos, & nolentes afflictionem & molestiam internam animi, quando non est in morali potestate, sese à tali tristitia aut inquietudine liberare, averrendo animum ad alia, tradendo oblivioni, aut contemnendo, cum sit adeo naturalis, ut à paucis superetur. Ergo à primo ad ultimum, tristitia seu molestia interior, involuntariè communiter oriri solita ex apprehensione damni, & communiter inimpedibilis ab homine secundum communem conditionem considerato, est effectus discretivus damni, quod vocamus grave, à damno levi, quod etiam vocare solemus damnum contemptibile, seu non valde curabile.

Confirmari potest à contrario. Illud utique censetur damnum notabile, cujus valor si nobis fortuitò pro lucro accederet, diceretur lucrum notabile : illud autem solemus vocare lucrum notabile, quod nos ita solet exililitare, ut non sit in nostra potestate morali tale gaudium cohibere, quin natura in illud exumpat, & aliquandiu perseveret : hinc etiam illis bonis, quæ dicimur magni æstimare, dicimur multum affici. Affici autem est pati animi affectionem non liberam, sed necessariam : hujusmodi affectiones sunt gaudium, dolor, tristitia : ergo sicut per gaudium, quo afficimur, rectè discernimus lucrum magnum à parvo, ità per tristitiam possumus discernere damnum magnum à parvo.

324. Video equidem plura quæ contra hanc explicationem possunt cuivis occurrere ; sed cogitandum semper est, similia posse etiam occurrere circa quamcunque regulam assignabilem : hoc enim contingit in omnibus ferè regulis moralibus. Deinde etiam advertere oportet, quod licet fortasse pro bonis fortunæ assignari posset alia regula, ea tamen non erit applicabilis bonis famæ, honoris, & corporis.

325. Restat solum breviter insinuandum, quomodo Regibus, & opulentis possit regula tradita applicari. Ratio autem dubitandi est, quia isti non videntur experiri dolorem animi difficulter impedibilem : atqui deberent etiam isti experiri, nam & illis debet innotescere quantitas mortalis, cum & ipsi possint peccare contra justitiam ; & alios graviter ledere.

326. DICENDUM est; etiamsi in istis personis non oriarur ille dolor, quando ipsi damnum trium Iuliorum patiuntur, neque etiam soleant dicere, se grave damnum passos esse, eo quod loquantur in sensu comparativo ad suas fortunas quas habent amplissimas, possunt tamen reflexe deprehendere, quod dolituri essent, si positi essent in conditione vulgari: & hoc quidem facile colligere possunt à pari: v.g. Princeps amat canem, qui fortassis non valet tres Iulios, & si quis illi canem occideret, aut si canis moreretur, tristaretur: possunt ergo instituere comparationem, animadvertendo, quod homo vulgaris & rerum suarum indigus, non minus amet pretium canis, quam princeps amet canem, & ideo non minus doleret de jactura trium Iuliorum, quam princeps doleret de jactura canis. Potest item Princeps hoc colligere ex comparatione famæ & honoris: potest enim reflexe deprehendere, quantum doleret, si hoc vel illo modo infamaretur, & similitiam per experientiam scire, quod homo mediocris fortunæ non minus afficiatur erga tres Iulios, quam ipse erga famam in tali gradu. Sed de hoc puncto satis.

#### S. IV.

*Ex tradita regula taxatur quantitas lesio-  
nis in bonis fortuna sufficiens  
ad Mortale.*

327. **R**estat nunc determinandum practicè, quæ summa vel quis valor rei sit illa quantitas, quæ censeatur sufficiens per se loquendo ad causandam afflictionem moraliter indeclinabilem, vel ad dissolvendam amicitiam. quæ determinatio pender à communi hominum iudicio, ac proinde auctoritas potius spectanda est quam ratio. Referam ex P. Adamo Tannero varias DD. opiniones, qui hanc summam in pecuniis taxarunt.

Sotus, Sylvestre, Angelus, Aragonius, Bannez, videntur requirere duos aureos, seu duos denarios. Navarrus, Covarruvias, Corduba, putant sufficere unum alterumve bacum. Neutra sententia hodie probabilitatem habet.

Petrus Navarrus statuit octo vel decem baccos. Valentia tres vel quatuor. Bartholomæus Medina, Lessius & Rebellus, & serè Lugo, medium florenum.

Cæterum, hæ taxationes non possunt esse universales pro omni loco & tempore, propter variabilem valorem rerum, & ipsius pretii, ut jam supra notatum est.

328. Alii paulò melius recurrunt ad magis universalem mensuram, desumptam ex hominis dignitate, quæ in se semper & ubique est eadem. Docent ergo, quod pretium hominis ex labore diurno, in communi exercitio requirente

parum de ingenio, & multum de labore, ut esset solio tertæ, bajulatio onerum &c. sit iusta mensura pro gravitate materiæ. His consentit P. Esparza, probans ex S. Scriptura, ubi S. Petrus æstimavit notabile damnum, quod tota nocte nihil cepit: ergo perdidisse valorem laboris unius diei, est damnum notabile, potens ad iram & inimicitiam commovere. Sed hæc probatio est admodum quæsitæ. Non enim conquestus est S. Petrus de jactura temporis (quæ piscatori- bus & Venatoribus frequens est) sed voluit Christo significare, se spem aliquid deinceps capiendi nullam habiturum fuisse, nisi ejus invitatio moveret. Melius id probari posset ex Levit. 9. *Non morabitur apud te merces mercenarii usque mane.* Cæterum etiam hæc sententia posset impugnari. Nam labor diurnus operarii etiam variat in pretio, pro varietate temporis aliarumque circumstantiarum, adeoque ut certis temporibus vix valeat unum Iulium, cum in eodem loco aliis temporibus valeat tres Iulios, plerumque autem duos. Præterea hæc taxatio non servit pro illis Regionibus, ubi non dantur mercenarii, sed vel per mancipia omnia peraguntur, vel quivis sibi cum familia sua laborat.

329. Propter hæc magis assentior P. Giattino statuenti illam quantitatem, quæ impenditur congruæ sustentationi hominis plebei unico die pro cibis ordinatis, vestitu & habitatione sufficiente ad bonam conservationem sui absque luxu & superbia, & maxime communis, ut sunt communiter cives & opifices commode & frugaliter viventes: vel brevius: quantum solet hujusmodi plebejus opifex, qui non est merus operarius, intra diem circa æquinoctium lucrari: & in his partibus erit communiter medius florenus, in quam quantitatem major & sanior Theologorum pars conspirat.

Restant dux objectiones vulgares, solvenda in quacunque taxatione, & præter admirationem nihil habentes difficultatis.

330. Obijciunt ergo 1. Si medius florenus esset summa mortalis, ita ut minor non esset, sequeretur, quod si quis uno obolo minus acciperet, jam non peccaret mortaliter, & tamen damnificatus adhuc ægrè ferret, & irasceretur ac doleret. 2. concedendo sequelam, & negando minorem: factâ hypothesi quod homo bene apprehendat diminutionem quantitatis illius, quæ in indivisibili incipit esse graviter afflictiva: sicut enim navigium physicè submergitur per ultimam guttulam aquæ, & per unam minimam guttam vini homo ex non ebrio fit ebrius, ita debet dari unum indivisibile quantitatis complens sufficientiam ad commovendam iram, & dolorem difficultatem temperabilem; hoc autem ex communiore DD. iudicio putamus esse ultimum constitutum medii floreni: quod si tu velis unum indivisibile demere, statim urgeberis de proximo indivisibili, & sic procedetur, donec vel absum-

absursum totā quantitatem mediū floreni, (quod est absurdum) vel debebis & tu sequelam argumenti concedere, & negare minorem, ut consideranti patet.

331. Obijcitur 2. Ad hoc ut pauperculus graviter indigneretur & doleretur, non est necesse auferre illi medium florenum, satis erit auferre unum baceum quo possit se per diem sustentare, & soler. Ergo respectu mendicorum erit minor quantitas taxanda. R. antecedens esse verum per accidens, non per se loquendo: per accidens inquam, ratione damni subsequendi, potest furum unius panis esse mortale; sed tunc gravitas damni non ponderabitur ex valore unius panis secundum se spectati, sed ex pane & damno hic & nunc annexo. Si ergo mendicus non posset sibi acquirere victum eo die, vel certe cum magna difficultate, sicque surreptione panis causaret inediam extraordinarie afflictivam & debilitativam virum, esset utique damnum grave, & peccatum mortale.

### CONTROVERSIA III.

*Quandonam sine vitio furti licita sit occulta Compensatio debiti.*

#### S V M M A R I V M.

**V**T licita sit occulta Compensatio, requiruntur septem conditiones. 332.

Non est licita occulta Compensatio cum sola probabilitate iuris. 334.

Vindicantur Authores a contraria sententia. 335.

Cur Magistratus possit debitum incertum compensare solutione certa, non item privatus. 340.

332. **C**erta est sententia DD. contra Henricum, licitam esse occultam compensationem tunc, quando sequentes conditiones observantur. Prima est, ut id quod accipis in compensationem, sit vel tuum, vel debitoris, cui accipis. Secunda, ut non habeas spem, alio non nimis difficili medio debitum tuum obtinendi, eo quod scias, debitorem nolle solvere, & ex alia parte sine gravi tuo damno aut incommodo, non possis accedere iudicem, & debitum per viam iuris obtinere. Tertia, ut facta compensatione occultā non admittas secundam solutionem. Quarta, ut hac compensatione non sis causa voluntaria damni longē gravioris aliquis innocentis, qui fortasse fieret suspectus de furto. Quinta, ut quantum fieri potest, compensatio fiat cum minore debitoris damno, v. g. si potest fieri compensatio in re eiusdem speciei cum re debita, potius in hac, quam in alia facienda est; alioquin cogeres debitorem rem suam commutare, quod est injustum: si tamen fieri non potest in eadem specie, nec potest per viam iu-

ris obtineri, potest compensatio fieri in alia specie. Sexta conditio est, ut debitum non sit dubium dubio negativo, tunc enim melior est conditio possidentis. Septima conditio: ut debitum sit certum, saltem certitudine morali.

Controversia est circa ultimam conditionem, utrum ea deficiente adhuc sit licita occulta compensatio, nempe si habeas quidem probabiles rationes alterum tibi debere, sed non certas.

333. Prima sententia est Joannis Sanchez, disp. select. 43. n. 54. & d. 44. n. 57. eam tunc licere. Secunda & communissima negat. Authores videri possunt apud Dicastillo, & Amicum.

Card. de Lugo non se vult in hoc puncto resolvere: nam licet n. 99. sic loquatur: *Quando opinio æque probabilis, vel probabilior favore creditori volenti facere compensationem, que veritas non circa factum, sed circa Jus, videtur probabile, quod possit creditor, antequam res ad iudicium deducatur, persistis aliis conditionibus compensare sibi occulte debitum.* Nihilominus postmodum n. 106. in fine sic concludit. *Libenter abstinere ab ultimo iudicio circa hoc totum punctum de compensatione licite faciendi cum opinione solum probabili.* Addeque a communi sententia non esse in re practica facile recedendum. Quæ Lugonem perplexum rediderint mox referentur.

334. **D**ICO, non licere occultam compensationem cum sola probabilitate iuris, seu debiti. Thomas Sanchez contrariam sententiam improbabilitatis censurā notat: quæ censura licet displiceat Lugoni, ex dicendis tamen apparebit, quod illam mereatur, cum præter Joannem Sanchez alium Authorem non habeat, qui eam ausus esset categoricè asserere, neque etiam ullā solidā ratione nitatur. Priusquam nostram sententiam probem, contraria fundamenta dissolvam.

335. **O**bjicit Lugo 1. Plures DD. in casibus particularibus admittunt occultam compensationem, quando creditor habet tantum Jus probabile. R. 1. Cum illi DD. fatente Lugone, communem & nostram sententiam deserunt, & indubitatè asseruerint, ubi hanc questionem sub propriis terminis tractant, eundem non essent, si in casibus particularibus doctrinæ consequentiam deseruissent. R. Tamen melius secundò, negando suppositum, nempe illos DD. quos Lugo adducit, in casibus particularibus admisisse compensationem occultam cum sola probabilitate debiti, ostendāque, Lugonem ad eorum mentem non satis adverterisse.

336. **P**rimò, inquit Lugo, de illo qui à Petro infamatus est, quaeritur, an pro fama, quam Petrus ei non vult, vel non potest restituere, liceat infamato compensationem facere, negando petunias, quas eidem Petro debebat. Respondet Lessius l. 2. c. 11. dub. 25. in fine, posse, quia probabilis est sententia decessus, infamiam com-



compenſandam eſſe pecuniâ, quando non poteſt in proprio genere reſtitui. Reſpondeo hanc Leſſii doctrinam veram eſſe, ſed longè extra præſentem quæſtionem. Loquitur enim Leſſius non de compenſatione *occulta*, ſed de aperta, negando ſolutionem debiti propter probabilitatem ſui juris per infamationem acquiſiti, quæ probabilitas eſt pretio æſtimabilis, quia facit ſpem, forte, ut ſi alter in iudicio debitum exigat, fortè non audiat, ſi exceptio infamationis opponatur. Habet ergo Petrus probabile jus, ſe non debere, & manet in poſſeſſione pecuniæ probabiliter non ſolvendæ, donec à Iudice res decidatur. Noſtra autem quæſtio procedit de occulta compenſatione, quæ fieret, intervertendo poſſeſſionem alterius, & mihi appropriando, quod meum non eſt.

337. Affert Lugo 2. Exemplum. Quando duo ſe mutuò infamârunt cum damno æquali, poſſunt ſibi compenſare, ità ut quilibet non teneatur reſtituere, quamdiu alter reſtituere non vult, ut cum Sylvio, Maldero, & aliis docet Diana, quæ compenſatio fundatur ſolum in opinione probabili, quòd infamia ſit licita compenſatio. 2. Hoc exemplum ex duplici capite non facere ad noſtrum propoſitum. primò, quia in caſu poſito quivis illorum poſſidet ſuam libertatem, ob probabilitatem ſententiæ, quòd in tali caſu non ſit obligatus ad reſtituendam famam. Aliud autem eſt, poſſe non reſtituere, ob probabilitatem ſententiæ deobligantis, & aliud, poſſe alteri clam auferre quod ille poſſidet: illud prius nemo negat: hoc poſterior eſt in controverſia, & negant communiter omnes. Secundò, in caſu poſito eſt fermo de debito certo, nempe, quòd alter teneatur, & non velit reſtituere famam, tunc probabile eſt, alterum quoque, qui alioquin paratus eſſet reſtituere, etiam deobligari. Quæſtio autem noſtra eſt, quando debitum eſt incertum.

338. Affert Lugo tertium exemplum: Qui ex teſtamento minùs ſoleni legatum debet habere, cum ſit opinio probabilis, deberi in foro conſcientiæ illa legata, licet contraria opinio ſit ſatis communis & probabilis, poteſt tamen legatum detinere, vel de novo accipere, aut occultè compenſare, ut fatetur Granadus l. 2. *contr. 7. de legib. 1r. 3. p. 2. d. 15. f. 2. n. 17.* Molina l. 10. d. 81. 5. *Quodſi*, Leſſius l. 2. c. 19. *dub. 3. n. 22. & n. 30.* Reſpondetur primò. Granadus ne verbulo quidem mentionem facit occultæ compenſationis, ſed ſolum, quòd talis hæres ex teſtamento minùs ſoleni poſſet hæreditatem adire, & recipere, quod nemo negat. 2. Molinam ſic loqui. *Quodſi hæc ſint legiſlatorum mens, ſanè dicendum eſt, &c.* non dicit ulpam, compenſationem licere ideo, quia probabilis eſt opinio, legatum ad ipſum pertinere, ſed loquitur & affirmat ex hypotheſi quòd talis fuerit legatorum mens, ſcilicet, ut legata talia in conſcientia debeten-

tur, quod quidem eſt veriſſimum: ſed quia dubium eſt, an illa fuerit legatorum mens, ideo Molina nunquam abſolutè aſſeruit, ob ſolam probabilitatem, quòd talis fuerit mens, licere occultam compenſationem: imò, ut ex ſequentibus colligi poteſt, loquitur Molina de illo legatario, qui ſibi certò perſuaſum habet, hanc eſſe mentem legiſlatorum; & ideo adest certitudo moralis. 2. 3. Leſſius nihil favere Lugo: ni: iudicavit enim Leſſius, certum clarumque eſſe, mentem Legiſlatoris fuiſſe talem. ità aſſerit immediatè ante numerum decimum nonum, poſtea n. 30. fatetur quidem ſententiã contrariam eſſe etiam probabilem, non tamen inferri, ob ejus probabilitatem licere occultam compenſationem, ſed ſolum vult, quòd ſi ponatur eſſe vera illa ſententia, & qui illam ut certam teneat, poſſet occultè compenſare. Hanc eſſe mentem Leſſii, patet inde, quia ibidem dicit, in ſententia contraria (hoc eſt Covarruviz) cum cui in teſtamento minùs ſoleni relictum eſt, ſi poſſidet, non poſſe detinere, nec petere in iudicio. Hoc ſanè malè dixiſſet Leſſius, niſi dixiſſet in ſenſu hypotheſico: ſuppoſitâ nimirum veritate & certitudine ſententiæ Covarruviz, quòd tale teſtamentum non valeat. Alioquin nihil vetaret, quominus ob probabilitatem ſui Iuris poſſet in iudicio experiri, ſuamque Ius tueri, & rem poſſeſſam tamdiu detinere, donec Iudicis ſententiâ ad reddendum condemnaretur.

Ex his apparet, nullum Auctorem à Lugo ne citatum ſavere oppoſitæ ſententiæ.

339. Objicit Lugo 2. In iudicio externo etiam ſi aliquis poſſideat, ſi tamen agatur contra eum circa proprietatem, & actor probet ſuum jus probabilioribus fundamentis, quàm ſint ea quibus poſſeſſor ſe tuetur, Iudex, ut benè ſe gerat, adjudicabit cauſam actori: ergo etiam in foro conſcientiæ licebit auferre poſſeſſori & transferre ad creditorem, ſaltem quando conſtat de majori probabilitate. 2. Negando conſequentiam. Nam auctoritati publicæ, habenti dominium alium in bona ſubditorum, debebatur hæc poteſtas, tanquam utilis & neceſſaria ad tollendas diſcordias, finiendas lites, & reddenda certa rerum dominia. E contra ob eſſet poteſtas compenſandi privatâ auctoritate, ut jam dicam. Itaque

Probo poſitive conclusionem, nimirum lege naturæ prohibita eſſe occultam compenſationem. Et imprimis ad hominem ex principiis ipſius Lugonis. Quando fit occulta compenſatio in re, quæ ſub eſt dominio debitoris, tunc per compenſationem transfertur dominium in creditorem ſeu compenſatorem, & hoc ideo, quia debitor eſt irrationabiliter invivus, & ideo perinde eſt, ac ſi non eſſet invivus, ſive, ac ſi res illa dominio careret, fieretque occupantis, ut tradit Lugo f. 6. n. 112. atqui debitor, quando habet jus probabile, non eſt irrationabiliter invivus, ut per ſe patet, & tradit etiam Lu-

go m. 124. ergo si tunc fieret compensatio, non necer translatio dominii, & hoc ipso compensatio esset nulla. Consequentia est legitima.

340. Probatur. 2. ex absurdo. Tamen si Magistralis possit per sententiam debitum certum compensare per debitum tantum probabile, ob rationem paulò antè allatam, hoc tamen non debet ullatenus concedi homini privato, in quo illæ rationes locum non habent: atqui si liceret compensatio occulta pro debito solum probabili, posset id etiam fieri à privato: ergo non est licita talis compensatio: minor probatur. Si enim certam esset, me tibi debere centum, & probabile est, rem ibi etiam aliunde debere centum, possem in sententia contraria auferre tibi centum, & illos deinde exhibere pro solutione, quo casu debitum certum extingueretur & compensaretur debito incerto, quod videtur ex se satis durum.

341. Probatur 3. Ex à priori. Illud à Natura prohibitum est, quod est ejusmodi, ut si prohibitum non esset, longè plus mali quam boni causaret in humana societate: sed sic se haberet licentia compensandi occultè debitum solum probabile. Ergo &c. Majorem cum Card. Lugo & Pallavicino declaravi lib. 2. Theol. Specul. Minor probatur. Imprimis enim illa licentia nullum affrret notabile commodum, quod non æquè afferret prohibitio illius: sicut enim licentia compensandi faveret creditori probabili, ità prohibitio faveret illi qui probabiliter non est debitor: atqui non magis interest Reipublicæ favere illi potius quàm huic, si uterque bonà fide rem suam tueretur: imò Natura potius est inclinata ad absolvendum quàm condemnandum, juxta regulam: *actore non probante res est absolvenda*. Jam verò ex licentia compensandi debitum solum probabile, gravis sanè incommoda sequeretur: imprimis frequentes animorum dissidentie & suspiciones: quicumque enim invicem litem haberent probabilem, unusquisque posset timere, ne alter attentaret compensationem occultam sibi licitam. alius probabiliter conjectans eam jam esse ad adversario factam, vellet iterum recompenfare: alius existimans se non posse illam impedire, vellet compensandum prævenire. Item homines facile sibi persuaderent probabilitatem alicujus juris, præsertim amplectendo sententiam quorundam, quòd pro inhonoratione aut infamatione debeat fieri restitutio in pecunia, si non fiat in honore & fama: imaginarentur, inquam, sibi, se ab aliis inhonoratos aut infamatos esse, nec posse sperare satisfactionem, ideoque inferrent, licere sibi compensationem in pecunia. Multi subterfugerent judicia, cogitantes, suum jus probabile visum iri iudici minùs probabile, præsertim si jam similes causas contra suam intentionem judicatas esse scirent. Denique (quod ipse Lugo prævidit) alius inferret, licere occultam

compensationem etiam pro debito minùs probabili, quia opinio quæ mihi est minùs probabilis, alteri est probabilior: potero ergo illi me accommodare, & eam sequi ut probabiliorum. Hæc autem & ejusmodi plura inconvenientia non imminant ex prohibitione occultæ compensationis pro debito incerto. Nam et si contingat quandoque aliquem ex occultæ compensationis prohibitione carere re sibi debita, hoc ipsum tamen periculum imminet aliis, si licita sit occulta compensatio debiti solum probabilis, cum opiniones probabiles non raro fallant, & in causa propria obscura non soleamus esse æqui iudices, ac proinde alterius iudicis sententia expectanda est.

## CONTROVERSIA IV.

*Quanam necessitas auferendi alienum excuset à vitio furti.*

### SUMMARIUM.

**T**riplicis est necessitas proximi, Extrema, Gravis, Communis. 342.

Quisvis tenetur ex charitate subvenire extrema necessitati proximi ex bonis non solum superfluis, sed etiam statui convenientibus. 343.

Humana vita licet sit physice præstantior omnibus bonis fortune, non tamen in æstimatione morali. eod.

Ex superfluis tenetur quis subvenire constituto in gravi necessitate, si non sit opus mediis extraordinariis. 344.

Jus accipiendi rem alienam in casu necessitatis, in quo fundetur. eod.

Constitutus in extrema necessitate, potest accipere ex alterius bonis non necessariis illi ad vitam, si non excedat media communia. 345.

Probabiliter idem de gravi necessitate dicitur. 347. Auferens elapsi necessitate restituere debet, si potest. 349.

342. Supponendum est primò, triplicem assignari à DD. necessitatem proximi, Extremam, Gravem, Communem. Extrema est necessitas rerum ad vitam necessariorum, sine quibus moraliter certò vel mors subeunda, vel morbus incurabilis, & propemodum mortis æquivalens, contrahendus. Gravis necessitas est earum rerum, sine quibus verisimiliter vita notabiliter abbreviabitur, vel morbus gravis incurretur. Communis necessitas est, quàm habent pauperes qui mendicant apertè vel occultè, hoc est, qui aliorum liberalitate vivere debent.

Supponendum 2. Apud eos qui non sunt constituti in hujusmodi necessitatibus, posse considerari triplicis generis bona: primum genus bonorum est, quæ sunt illis necessaria ad suam suorumque vitam sustentandam, & dicuntur necessaria

cessaria ad naturam. secundum genus est eorum bonorum, quæ sunt necessaria ad statum conservandum, ætatis eventibus, qui prudenter timeri possunt. Tertium genus est eorum bonorum, quæ statui conservando superflua sunt.

343. Supponendum 3. Ut quicumque tenet ex charitate subvenire extremæ necessitati alterius (nisi probabiliter iudicet alium subveniendum) ex bonis non solum superfluis, sed etiam ex bonis statui convenientibus, non tamen ita necessariis, ut sine talibus bonis ex pristino statu decideret, hoc enim adeo durum & inobservabile esset, ut natura ne quidem ad propriam vitam conservandam ita quemquam obligaverit. Unde nullius alterius extremæ necessitati teneris subvenire, quando ad id opus esset mediis valde extraordinariis & sumptuosissimis, etiam si talia bona tibi non essent necessaria: quia talis obligatio minueret in civibus curam sese honestè locupletandi, præberet aliis animum precipitandi se temerè in huiusmodi necessitates, & exteris esset occasio exhauriendi provinciam intuitu captivorum, exigendi immensas pecunias pro illis redimendis, alioquin occidendis &c. ac denique esset lex moraliter inobservabilis.

In hunc finem observant bene Conink & Lugo, quòd licet humana vita sit physice præstantior omnibus bonis fortunæ, non tamen in æstimatione morali; sæpe enim magnum malum est vivere: & sæpe gravius est, statu suo excidere, quàm, eo salvo, mori. item vita de se brevis est, conservatio statûs in posteris, est de se aliquo modo perpetua.

344. Supponendum 4. Ex superfluis statui, tenet ex charitate proximo in gravi necessitate constituto, modò non sit opus mediis extraordinariis, ut dixi agens de Eleemosyna. ut. de Charit. neque tamen potest indivisibilis mensura assignari, quænam scilicet debeat esse proportio damni à me ex charitate subeundi ad damnum proximi evitandum, sed omnia sunt prudentis arbitrio pensanda. De his ergo præsentis quæstio non est, sed in præsentis quærimus, quandonam proximus in necessitate constitutus possit licitè accipere res alienas, sive deinde in illo casu teneatur proximus ex charitate subvenire, sive non teneatur.

Supponendum ergo est 5. Ius accipiendi rem alterius in casu necessitatis, fundari in eo, quòd natura à principio voluerit omnia esse communia, & rerum divisionem eousque solum admiserit, donec occurreret casus necessitatis in certo aliquo gradu, quo casu voluit illa bona iam divisa iterum saltem respectivè fieri communia, quatenus tanquam media ordinaria sunt necessaria ad sublevandam illam necessitatem. Hoc itaque casu qui vellet accipere rem alienam, & ille alter resisteret (nisi esset in pari necessitate constitutus) faceret injuriam, non minùs, quàm si Religiosus professus incipax domini &

possessionis, vellet alteri resistere, ne tolleret gemmam inventam in litore maris. His præsuppositis

345. DICENDUM est 1. Constitutus in extrema necessitate, potest accipere ex alterius bonis non necessariis illi ad vitam, si illud quod sibi est necessarium, non excedat media communiter adhiberi solita ad huiusmodi necessitatem sublevandam. Constat ex dictis, præsertim suppon: 3. & ultimo, & ex consensu DD.

346. Dices. Equus est medium necessarium ad fugiendum hostem, & tamen non possum in extrema necessitate hostis insequentis, accipere equum Paulo, si per huius ablationem ille grave incommodum patiat: ergo conclusio non est universalius vera. Probatur secunda pars antecedentis, quia tunc non possum alteri suum eripere, quando ille non tenetur ex charitate dare. Sed Paulus non tenetur cum gravi suo incommodo dare equum: ergo nec possum accipere. R. Negando antecedens. Ad probationem nego maiorem: non enim convertuntur hæc duo: *te obligari ex charitate ad dandum: & me posse jure accipere.* Nam divites teneantur quandoque ex charitate dare eleemosynam pauperibus in communi necessitate constitutis, & tamen pauperes non habent jus accipiendi: ergo potest etiam e contrario natura dare jus accipiendi, licet non obligetur alter ad dandum in tali casu: durius enim est: obligari ad spoliandum seipsum in favorem alterius, quàm obligari ad patiendum spoliationem.

347. DICO 2. Probabile est hoc ipsum licere constituto in gravi necessitate tali, ut immincat periculum moraliter certum amittendi bonum aliquod grande, à natura per se & communiter omnibus hominibus concessum, v. g. sanitatem graviter lædendi, amittendi libertatem vel faciendi gravissimam famæ iacturam, quam communiter omnes homines habent, & sine qua essent abominabiles. In hoc, inquam, casu licitum erit accipere ex alienis non solum statui superfluis, sed etiam illi conservando necessariis, modò non excedat medium ordinarium & commune. Ità Lugo, Diana, Lessius, Bonacina, Vasquez, cujus oppositum etsi tenere videantur Azor, Valent. Turrianus, Reginaldus, non videntur tamen de tam gravi necessitate locuti fuisse, sed de ea quæ frequentius accidere solet, ut paulò post dicam.

348. Probatur Conclusio. Quia etiam pro tali casu videtur natura voluisse bona esse communia, ad defendenda scilicet illa bona intrinseca hominis, quæ cum tanta providentia omnibus communiter procuravit. Secùs dicendum est de alia gravi necessitate v. g. decidendi de statu nobili, excidendi ex gratia Principis, amittendi dignitatem valde magnam &c. hæc enim bona sicut non procurantur à natura communi.

munitur, ita non est cogitandum, quod voluerit cum gravi detrimento alterius innocentis defendere publicando quasi illius bona, ut fiant occupantis.

349. Ceterum, quando diximus licere accipere ex bonis necessariis ad conservationem status, non est intelligendum de ita necessariis, ut iis ablatis statim alter decideret de statu, nam hoc medium non esset medium ordinarium; sed de iis, quae morali aestimatione censentur ita necessaria, ut eorum jactura causeret sollicitudinem reparandae, ne alioquin status difficulter conservetur: sicut bona dicuntur necessaria ad vitam, quorum tamen aliqua jactura non statim infert mortem.

Qui in istis necessitatibus aufert aliena, si elapsa necessitate potest facere restitutionem, ad eam tenetur. Nec enim natura pro casu necessitatis aliter communia fecit bona, nisi ut accipiantur per modum commodati, aut mutui: hoc enim sufficit, ut consultum sit necessitatem patienti.

## CONTROVERSIA V.

*Quid sit restituendum ratione accepti ob turpem causam.*

### SUMMARIUM.

**D**upliciter aliquid accipitur ob turpem causam. 351.

Accipiens aliquid ad praestandum id, ad quod jam ante ex Iustitia tenebatur, jure naturae tenetur restituere. 351.

Si ex alia virtute, nulla nascitur obligatio restituendi. 353.

Neque est obligatio restituendi ex Iustitia de jure naturae id quod acceptum est pro actione illicita. 354.

Jus Civile distinguit inter casum, quo solius dantis est turpitudine, & casum, quo solius accipientis, & denique quo utriusque est turpitudine. 358.

Adversus Meretricem non datur actio, seu conditio. 360.

Licet ob causam turpem datum ab ipso dante repeti non possit, propinquis tamen repetendi via est. 361.

In casu, quo turpitudine est solius accipientis, datur conditio ob turpem causam, excepto Iudice. 362.

Quae exceptio fundatur in praesumptione, quod voluerit corrumpere. 363.

In casu, quo utriusque est turpitudine negatur actio, quae datum repetatur. 364.

Lex Julia Repetundarum quos puniat. 365.

350. **D**E hac quaestione exstat in Digestis titulus. lib. 12. de conditione ob turpem causam, & Codicis titulus. 7. lib. 4. Plura à Theologis moventur, cum quibus ea prius expediemus, quae sunt juris naturae, deinde ea, quae jure positivo constituta sunt.

351. Notandum est, dupliciter aliquid accipi ob turpem causam. 1. Quando accipitur pretium ad praestandum aliquid, quod jam prius ex aliqua virtute erat praestandum; v. g. qui tenetur ex charitate non dare scandalum, & accipit pretium ad non dandum scandalum: qui tenetur ex Iustitia abstinere à combustione domus, & accipit pretium, ut abstineat. Secundo dicitur aliquis accipere aliquid ob turpem causam, quando actio, vel omisio propter quam accipit pretium, est turpis & inhonesta, ut meretrix pro corporis prostitutione, assassinus pro latrocinio.

DICENDUM 1. Qui accipit aliquid ad praestandum id, ad quod jam ante ex Iustitia tenebatur, jure naturae tenetur ad restitutionem accepti. Ratio est aperta, quia alioquin non servatur aequalitas: debetur enim alteri talis actio absque ullâ bonorum jacturâ: atqui, si non restitueretur pretium, patereretur jacturam pretii: ergo non haberet totum, quod vi juris suorum habere deberet.

352. Confirmatur. Vel ille qui solvit, facit & solvit ex ignorantia, vel scit sibi jam ante fuisse debitum. Si primum, est rationabiliter invitatus, ut retineatur pretium. Si secundum: vel vult donare, & sumus extra casum: vel facit ad redimendam vexam, & majus damnum, & est etiam rationabiliter invitatus, ut retineatur pretium.

353. DICO 2. Si ex alia virtute, quam Iustitiâ tenebatur, tunc, spectat praeside jure naturae, nulla nascitur obligatio restituendi ex Iustitia. Probatum ex fundamento contrario. Quia servatur aequalitas Iustitiae, cum res antea non debebatur alteri. Quod autem debuisset praestari ex alia virtute, non impedit, quod minus per contractum possit nasci obligatio ex Iustitia, quae est pretio aestimabilis. Utrum autem aliquando teneatur ex alia virtute pretium restituere, huc non pertinet.

354. DICO 3. Neque etiam est obligatio restituendi ex Iustitia de jure naturae id quod acceptum est pro actione, vel omissione turpi & illicitâ. Est communis Theologorum cum S. Thoma 2. 2. q. 32. a. 7. in C. & q. 62. a. 7. ad 2. Probatum. Quia licet ipsum pactum praecedens ratione objecti sit illicitum, & nullam planè inducat obligationem praestandi promissum, nemo enim potest obligari ad illicitum, ut ex terminis patet: nihilominus tamen ipsa actio est secundum se pretio aestimabilis: ergo tale pactum obligat alterum sub conditione, si actio fuerit exhibita, ut solvat pretium: exemplum clarum est in matrimonii promissione conditionatâ, si permittat se puella stuprari, tenetur eam ducere secutâ conspurcatione, quo nihil certius est. Hinc idem inferant DD. de meretrice, nempe posse eam servare pretium, seu mercedem etiam antecedenter acceptam: nam licet tunc non obligetur stare pactis, sicut nec qui mercedem



dem solvit, secuto tamen actu & impletâ conditione sit domina mercedis accepta, nec tenetur restituere.

Ab hac Conclusionione excipiunt aliqui Thomistæ post Cajetanum & Covarruviam, Iudicem qui fuit injustam sententiam, & accipit mercedem promissam, quam volunt esse restituendam jure naturæ. Sed nullum est hujus exceptionis fundamentum: si enim sententia injusta non est vendibilis jure naturæ, ideo non erit vendibilis, quia est damnificativa alterius tertii, qui pertalem sententiam læditur: sed ex hoc capite non est invendibilis, alioquin etiam actio furis non esset vendibilis, quod est contra hos ipsos Auctores. Satis ergo læso à natura cautum est, quod tam ille qui corrumpt Iudicem, quam ipse Iudex sint obligari satisfacere pro damno per injustam sententiam illato.

355. Obijcies 1. S. Augustinum *Epist. 54. ad Macedon.* sceleratius accipi pecuniam pro sententia injusta, quam pro iusta, pro testimonio falso, quam pro testimonio vero. Atqui pecunia accepta pro sententia iusta est restituenda: ergo & pro sententia injusta. R. 1. Minorem esse veram in sensu primæ Conclusionis supra positæ, nempe, quando aliquid accipitur ab eo, cui jam debetur sententia iusta: non tamen esse veram, quando accipitur ab alio, cui sententia non debetur; & ita docet Vasq. c. 7. de *restitutione*. d. 5. m. 47. R. 2. Concessâ maiore (quæ est evidens) & etiam minore in sensu jam explicato, negatur consequentia: nam ex eo, quod actus sit sceleratior, non inferitur legitime, esse obligationem restituendi, si sit obligatio restituendi ex actu minus scelerato. Ratio est, quia accipere aliquid ab eo cui debetur sententia iusta, est injustum respectu illius à quo accipitur: ergo mirum non est, quod inducatur obligatio restituendi: a: verò accipere aliquid à Petro, ut feratur injusta sententia contra Paulum, non est injustum respectu Petri; non ergo inducitur obligatio illi restituendi.

356. Obijcies 2. Illa obligatio non est introducta à natura, quæ si daretur, foveret peccata: sed si daretur obligatio solvendi mercedem meretrici promissam, talis obligatio foveret peccata: ergo, &c. Minor probatur. si enim meretrix sciret, alterum non teneri ad solutionem, non se prostitueret. R. Distinguendo maiorem. Quæ foveret per se & directè, concedo: quo sensu non datur obligatio ad illicitum: & dicitur: quod Juramentum non sit vinculum iniquitatis. Quæ foveret tantum per accidens, & remotè, nego. & patet in instantia allata de promissione matrimonii. Unde alia regula dicit: Juramentum servandum esse, quando servari potest sine dispendio salutis: ergo qui cum juramento promississet meretrici predium, post actum secutum teneretur, quia posset servare sine dispendio salutis. Est tamen aliquid objectioni tribuendū, nempe, quod ob allatam causam possent leges humane

statuere, ut meretrix teneretur restituere acceptum, aut, si necdum accepit, non posset promittentem ullâ actione convenire.

357. Obijc. 3. Non licet actionem peccaminosam premiare: ergo nec licet pro ea pretium solvere. R. Negando consequentiam. Antecedens ideo verum est, quia repugnat premiari id quod potius pœnam meretur. Et hæc de jure naturæ.

358. Ius civile distinguit inter casum, quo solius dantis est turpitudinem, & casum, quo solius accipientis, & denique, quo utriusque est turpitudinem. Exemplum primi est, quando quis meretrici solvit, quod promissit, secuto actu: nam talem turpiter agere antecederet promittendo aut dando, clarum est. De meretrice autem dicit lex. 4. §. 3. quod licet meretrix turpiter faciat, quod sit meretrix, non tamen turpiter accipiat, cum sit meretrix. Quasi dicat. Meretricis turpitudinem in eo consistere, quod sit jam prostituta, & quasi venalis: quod autem deinde accipiat, non augere ejus turpitudinem: & quidem si post actum accipiat, habet jam accipendi: si verò ante actum, est quidem acceptio etiam theologicè turpis, sed civiliter non est turpitudinem distincta à prostitutione.

359. Exemplum secundi casus est, quando quis dat aliquid Iudici, ut in causa iusta ferat iustam pro se sententiam, si timet, ne alioquin injusta sententia feratur, item si quid datum est, ne furtum fiat, ne committatur homicidium.

Exemplum tertii casus est, quando aliquid datur Iudici, ut injustam ferat sententiam; item, quando datur lenoni pro lenocinio, &c. Pro his casibus diversimodè statuunt Leges.

360. Et imprimis quidem adversus meretricem non datur actio, seu conditio quâ datum repetatur L. 4. §. 3. ff. de *condic. ob turpem causam*. Sed quod meretrici datur, repeti non potest, ut *Labeo* & *Marcellus* scribunt, sed novâ ratione, non eâ quod utriusque turpitudinem versatur, sed solius dantis: illam enim turpiter facere, quod sit meretrix, non turpiter accipere, cum sit meretrix.

Sed si quid promissum est, neque tamen adhuc solutum, dubitatur, an mulieri competat actio adversus promittentem, si actus est secutus? Multi sunt, qui existimant mulieri competere actionem, quibus adheret Covarruvias. Econtra Antonius Perez existimat, adeo non competere actionem, ut promissio ab initio ne quidem valeat, & citat legem 27. & 123. ff. de V. Ob. ubi Iuris Consultus ait: *Si flagitii faciendi, vel facti causa concepta sit stipulatio, ab initio non valet*. Alii existimant, valere quidem ipso jure, sed agentem doli exceptione repelli posse. Ego tamen pro promissionem valere, & promissorem in conscientia teneri, ut supra dictum, meretrici tamen actionem denegari: idque colligo ex Lege 3. C. de *Con. ob turp. caus.* ubi dicitur: *Quantvis soluta quantitas cesset repetitio, tamen ex huiusmodi stipu-*

*stipulatione contra bonos mores interposita denegandas esse actiones juris auctoritate demonstratur.*

361. Cæterum laudatus Antonius Perez hic n. 8. præclare advertit, quod alii non advertunt, nempe, quod licet ob turpem causam datum ab ipso dante repeti non possit, ut paulò antè dictum, & habetur etiam L. 2. §. C. h. t. alii tamen dantis propinquis repetendi via non sit præclusa post legem Constantini, quæ codici Justiniano inserta est l. 1. C. de nat. lib. quâ lege donationes (non item quod solum est ex debito ob inhonestum obsequium præstitum) in Meretrices factæ revocantur, factâ revocationis potestate legitimæ soboli donantis, scortantis, aut fracti, vel aliis ejus proximioribus. Quæ lex, cum varia contineat, quæ ad præsentem questionem non spectant, non est referenda, neque credo eam observari.

362. In casu, quo turpitudine est solius accipientis, certum est, dari conditionem ob turpem causam, quâ repetitur datum pro actione, vel omissione actionis adversus illum, qui ex iustitia ad illam tenebatur. L. 1. §. 2. §. 2. ff. h. t. Quod si turpis causa accipientis fuerit, etiam si res secuta sit, repeti potest. Ut puta, dedi tibi, ne sacrilegium facias, ne furtum, ne hominem occidas. Sed hæc lex solum procedit, si reverâ accipiens alioquin turpiter acturus fuisset, prout alibi explicabo. Excipitur tamen Iudex l. 2. §. fin. ff. hic: Sed si dedi, ut secundum me in bona causa Iudex pronuntiaret: isti quidem relatum, conditioni locum esse: sed hic quoque crimen contrahit: Iudicem enim corrumpere videtur, & non ita pridem Imperator noster constituit, litem eum perdere. Nempe ab Imperatore Antonino l. 1. cum auth. seq. C. de pæna Iudic. qui malè judicavit, constitutum est, ut si litem perdat, qui dissidentia iustæ sententiæ in pecuniâ corruptela spem negotii reposuerit. Quo tamen casu jam non est amplius turpitudine solius accipientis, sed etiam dantis.

363. Ex his simul sumptis mihi dicendum videtur, quod lex hæc de dante Iudici, ut ferat iustam pro se sententiam, quatenus negat danti conditionem, & condemnat, ut litem perdat, in præsumptione fundetur, quod voluerit Iudicem corrumpere, prout etiam supponit glossa: quapropter si constaret, quod dedisset potius ad impediendam iniquitatem Iudicis, ne ferret sententiam injustam contra se, non credo, quod allatæ leges locum haberent, quod etiam mihi supponere videtur Covarruvias, dum à dictis legibus excipit eum, qui dedit Iudici, ut causam suam quamprimum expediat, eò quod res ista non continet suspicionem corrupendi Iudicis.

364. In tertio denique casu, quo turpitudine tam est dantis, quam accipientis, jura negant actionem, quâ datum repetitur, & quod datum est, remanet apud accipientem, cujus in pari causa potior est conditio, uti possessoris. l. 2. §.

§. C. h. t. & l. 3. ff. eod. ubi autem & dantis & accipientis turpitudine versatur, non posse repeti dicimus, velut si pecunia detur, ut malè judicetur.

365. Lex Julia Repetundarum illos punit, qui in officio publico, vel in administratione Magistratus, pecunias ac munera accipiunt, quo magis vel minus officium suum faciant. Civiliter etiam ad quadruplum ejus quod datum, acceptumve est, conveniri possunt, inter fiscum & personam læsam dividendum. Sed hæc alio pertinent, sicut & lex. 1. ff. de Calumniatoriis, ubi dicitur: in eum, qui ut calumnie causâ negotium faceret, vel non faceret, pecuniam accepisse dicitur, intra annum in quadruplum ejus pecunie, quam accepisse dicitur, post annum simpli in factum actio competit.

## CONTROVERSIA VI.

*Vtrum detur obligatio restituendi pro re ablata, quæ alioquin fuisset apud Dominum peritura.*

### SUMMARIUM.

**D**estruens rem alterius injustè sine illius usurpatione, tenetur ad restitutionem totius valoris, etiam si postea apud Dominum perisset, si periculum non poterat prævideri. 367.

Si res elapso periculo apud firem pereat, non peritura si restituisset, tenetur ad restituendum. 368.

Eodem infortunio apud Dominum peritura, non est restituenda. 369.

Teneretur tamen, si ex negligentia furis periret. 371.

366. **O**bservandum est, variis modis contingere posse, ut res quæ injustè ablata est, aut destructa, apud dominum fuisset peritura, si non ablata aut destructa fuisset: primò quando ita destruitur, ut tamen nunquam fuerit à destruyente possessa aut ablata, v. g. segetes accendendo hodie, quæ cras erant grandine peritura: secundò si prius auferatur & detineatur, ac deinde primùm destruat siue culpabiliter siue inculpabiliter, v. g. si quis furetur fructus, qui deinde putrefiunt, aut incendio pereunt apud firem, perituri eodem modo apud dominum sine ejus emolumento ullo. Tertiò. si quis firetur id, quod postmodum alius erat furaturus. Quartò, quando per furtum res est extracta periculo, ex quo alioquin erat peritura apud dominum, deinde verò perit apud firem casu quo apud Dominum non fuisset peritura.

367. **DICO** 1. Qui destruit rem alterius injustè sine illius usurpatione, tenetur ad restitutionem totius valoris, etiam si ex eventu postea constet, rem apud Dominum perituram fuisse, si tamen periculum non, poterat probabiliter prævideri: nam ratione periculi prævisi res  
minus

minus valet, & ideo tantò minus esset restituendum. Probatur. Nam, ut ex dictis patet, destruendo voluisti subire obligationem reparandi, quæ obligatio manet, non obstante, quòd postmodum fuisset peritura: perinde enim est, ac si emisisses pro obligatione solvendi, deberes enim solvere, etiam si fuisset apud venditorem peritura, & si pretium statim solvisses, non teneretur venditor refundere, etiam si ex postfacto appareret, rem fuisse perituram.

368. DICO 2. Si res apud dominum peritura, elapso deinde periculo, v. g. erepta jam ex incendio à fure, deinde apud furem pereat, non peritura apud dominum, si deinde quam primum commodè poterat, restituisse, in hoc inquam casu tenetur fur ad restitutionem totius valoris. Probatur. Nam res illa, licet nihil valeret, dum erat constituta in manifesto periculo interitùs, postquam tamen erepta est, recepit suum integrum valorem ac si de novo reproducta fuisset, & manet in dominio prioris domini, cuius negotium nascitur gessit, quisquis è periculo liberavit. Nascitur ergo in fure obligatio restituendi: quia verò fur habet voluntatem directè privandi dominum re suà, cùm non habeat animum restituendi, gravatur obligatione restituendi æquivalenter casu quo res pereat, etiam si pereat casu fortuito. Nam etsi non sit illi voluntarius casus fortuitus, est tamen illi voluntarium, quòd Dominus re suà careat: itaque casus fortuitus non facit quòd dominus rem suam non habeat, sed tamen una cum voluntate non restituendi facit, quòd eam deinceps in se habere non possit: quatenus ergo voluntas furis facit, ut eam non habeat dominus, apud quem res deinceps salva esset, contrahit obligationem, ut in casu quo pereat, restituat in æquivalenti, sicut teneretur si voluntariè destruxisset, aut postquam erat è periculo liberata, emisisset.

369. DICO 3. Si res furtiva fuisset eodem infortunio apud dominum peritura, quia v. g. fuit commune incendium vel diluvium, tunc probabilius est, furem ad nullam restitutionem teneri. Ità communiter Theologi contra Bertolum. Probatur. Quia in hoc casu realiter & effectivè loquendo fur nullum damnum intulit, sed solum affectivè, & præterea non militat rationes allatæ in primo casu, in quo quidem etiam realiter loquendo nullum damnum inferri videtur, quatenus res illa apud dominum fuisset peritura per alium casum, reverà tamen est disparitas jam insinuata. ponitur enim in casu primæ Concl: fur rem voluntariè absumere, ac proinde voluntariè commutare jus in re quod habebat dominus, in jus ad rem, quod jus manet salvum, sicut si emisisset: in casu verò tertie Conclusionis non destruitur res voluntariè à fure, sed casu fortuito, & quidem tali, quo eadem res fuisset eodem modo apud dominum peritura, v. g. in communi incendio, aut inundatione;

& sic non commutat voluntariè jus in re domini in jus ad rem, seu quod idem est, obligationem restituendi rem in se, in obligationem restituendi pretium.

370. Sed neque in hoc casu sit hæc commutatio involuntariè sicut in casu secundæ conclusionis: nam ibi non casus fortuitus est causa adæquata destructionis, sed unà cum voluntate non restituendi, si enim restitueret non periret apud dominum, ut ponitur in casu: at verò in casu tertie conclusionis, solus casus fortuitus est causa destructionis, quia si res esset ablata domino, si non esset ablata, eodem casu & incendio ponitur esse peritura.

371. Quod si tamen res apud furem periret ex negligentia, eò quòd facile eam posset à periculo liberare, sed non vult, tunc utique ad restitutionem teneretur, quia propter furtum commissum suscepit obligationem custodiendi rem furtivam, ad minimum diligentia communi. ergo hoc ipso, quòd res apud furem sit facilius conservabilis, habet aliquem valorem & æstimationem quæ accessit rei, & suo domino, juxta quam æstimationem debet fieri restitutio.

Quæres: quid si alius furaturus fuisset eandem rem? 32. Adhuc primum furem teneri ad restitutionem. Nam ipse suscepit in se obligationem restituendi, quam alioquin alter subiisset.

## CONTROVERSIA VII.

*Quinam ex Cooperantibus ad damnum injustum, & quo ordine, ac quousque teneantur restituere.*

### SUMMARIUM.

*Quomodo cooperantes debeant concurrere ad damnum, ut teneantur.* 372.

*Quando Mandans obligetur ad restitutionem.* 337.

*Item Consiliarii, & Electores.* 374.

*Quis nomine Palpatoris intelligatur.* 375.

*Ad quid teneatur Consulens.* 376.

*Quando Receptores furum teneantur.* 377.

*Quinam dicantur Participantes.* 378.

*Quinam concurrant negativè.* 379.

*Quo ordine & in quantum prædicti cooperatores teneantur restituere.* 380.

*Causa physica principalis tenetur primo loco.* 381.

*Causa instrumentalis quæcumque tenetur in defectum causæ Principalis.* 381.

*Causa negativæ tenentur in defectum causarum positivè concurrentium.* 383.

*Quid si plures simul equaliter damnum inferant.* 384.

*Quid si quis & suo & aliorum nomine damnum inferat.* 385.

*Ad quid teneantur causa æquè immediatè concurrentes, sed inæqualiter.* 387.

*Quid si effectus eodem modo fieret ab aliis causis?* 388.

372. Co-

372. Cooperantes alii concurrunt positivè, alii negativè. Omnes his verbis comprehenduntur.

*Iussio, Consilium, Consensus, Palpo, Recursus. Participans, Mutum, non Obstant, non Manifestans.*

QUÆRITUR ergo 1. In genere de concurrentibus ad damnum ab alio datum, an ad hoc ut obligentur ad restitutionem, debeant ita concurrere, ut nisi concurrissent, effectus ne quidem quoad substantiam positus fuisset. 2. Negativè. Satis enim est, ita concurrere, ut reverà in suo genere influat, etiamsi ipso non influente adhuc securus fuisset effectus ab alio: v. g. si consulas furtum, ita ut fur defacto tuis motivis verè moveatur, esto etiam te non tenente perrecturus esset: si rem furtivam gestare javes, esto fur sine te solus ferret: si vigilias agas, ne fur apprehendatur, esto etiam te non tenente perrecturus esset: si tua actio non influeret, vel influeret tali modo, ut damnum passus non possit de te conquiri, sed potius gratias agere debeat: v. g. si ad impediendum furtum gravius suaderes minus furtum, item, si non concurreres nisi ad partem, ut si furanti equum suaderes, ut etiam ephippium acciperet & friznum. tunc enim solum ad partis restitutionem tenereris: item si non concurreres nisi ad aliquam circumstantiam, ut si furaturo cras, suaderes ut hodie furaretur; tunc enim, si tantum conditionate suaderes, non tenereris nisi quantum damni superadderet acceleratio furti, vel quantum valere poterat spes furti castitini, fortè impediendi.

373. QUÆRITUR 2. Et in specie de Mandante, quandonam obligetur ad restitutionem. 2. Obligari, si ejus mandatum adhuc objectivè influat in operationem mandatarii damnicantis. Unde nisi ita revocatum sit, ut mandatarius serò credat revocari, semper influit, & consequenter obligat ad restitutionem. Ratihabitio autem ex postfacto superveniens, nec Jurisdictione potest in foro Conscientiæ ad hunc effectum retrotrahi, cum requiratur verus influxus. Sed nec leges ad hunc effectum aliquid statuerunt, sicut statuerunt in contractibus.

Hinc pater, quid dicendum sit de Conscientie. Si enim suo consensu influat in damnicationem, sicut v. g. Princeps, à cuius consensu pendet validitas sententiæ, tenebitur ad restitutionem; sed, quando non influit, sed impertinenter se habet.

374. Huc pertinet obligatio restituendi quam contrahunt Consilarii vel Electores, quando suâ injustâ Electione vel sententiâ sunt causa damni. Quando verò aliquis fert iniuriam suffragium, postquam numerus suffragio-

rum sufficiens jam erat irrevocabiler obrentus, talis suo suffragio non censetur influere in damnum, & ad nihil tenetur.

375. QUÆRITUR 3. Quis nomine Palpatoris intelligatur. 2. Intelligi adulatorem, qui suis laudibus animat alium ad damnicandum. Huc etiam pertinent illi, qui probris, viruperis, irrisoribus causam dant, ut alius alteri damnum iusserat.

376. QUÆRITUR 4. Ad quid teneatur Consulens. 2. Teneri ad restitutionem damni, si suo consilio, hortatu, precibus, instructione, permovet alium ut damnum inferret. Et quidem inter Consulentes & Mandantes est hoc notabile discrimen, quod si Mandatarius damnum inferat post mandatum sufficienter revocatum, liberetur Mandans, non item Consiliarius, etiamsi consilium datum revocet, si illud semel datum infloat. Ratio discriminis ulterior est, quia consilium datur gratiâ alterius qui illo utitur ut suum negotium gerat non Consiliarii; Mandatum verò est præcisè ratione mandantis, cuius negotium gerat Mandatarius, & operetur dum voluerit mandans.

377. QUÆRITUR 5. Quandonam Receptores furum ad restitutionem teneantur? 2. 1. Quando furti & furis tutelam intendunt, sicque impediunt, ne dominus rem suam recipiat. 2. Quando advertunt, hac ratione furem animari ad multiplicanda furti, nisi habeant causam excusantem ab hujusmodi receptione, qualiter aliz actiones secundum se indifferentes excusari solent à peccato.

378. QUÆRITUR 6. Quinam hic dicantur Participantes? 2. Non intelligi illos qui sine cooperatione aliquid ex furto conficiuntur, nam de istis jam supra dictum est, quousque vel ex re accepta, vel ex injusta læsione teneantur: sed intelligi illos qui cooperantur ad furtum: v. g. qui rem furto ablatam sciens vendit: qui subministrat instrumenta pro aperendis januis, &c. qui scalas applicant, qui vigilias agunt, &c.

379. QUÆRITUR 7. Quinam concurrant negativè ad injustam læsionem. 2. Eos, qui cum possent, & ex officio deberent impedire, non impediunt: hujusmodi sunt: non clamantes, non monentes, non defendentes, non repellentes, non custodientes, non revelantes, cum deberent: & isti etiam ad restitutionem teneantur per se loquendo, nisi excusentur ob difficultatem impediendi furtum, quæ pensari debet comparando cum gravitate obligationis quam habent: nam de his omnibus cum propositione discutendum est, sicut in aliis quæstionibus similibus discurrebamus, nec enim omnia sunt repetenda.

380. QUÆRITUR nunc 8. Quo ordine, & in quantum prædicti cooperatores teneantur restituere. Certum enim est, aliquos teneti



teneri restituere immediatè, aliquos non nisi in defectum aliorum, qui quidem tenentur immediatè, sed vel non possunt, vel nolunt restituere. certum itidem est, aliquos non teneri restituere nisi partem, etiam in defectum aliorum, alios verò teneri restituere totum damnum, & quidem vel immediatè solos, vel saltem in defectum aliorum, qui suam partem vel nolunt, vel non possunt restituere. His positis, Respondendum, &

381. DICENDUM est primò. Causa physica principalis damni illati, qualis est, quæ operatur effectum suo non alterius nomine, hoc est, non vigore mandati, tenetur primo loco ante causam moralem, qualis est causa suadens, consulens, nisi causa moralis fraude causam physicam induxisset ad damnificandum: tunc enim ipsa primo loco teneretur, quia propter injuriam causæ physicae illatam obligatur hanc causam indemnem præstare. Idem dicendum est, si ex culpabili inconsiderantia, aut ignorantia, consuleret actionem injustè damnificativam, causa physica verò, aut causa mandans executionem consilii tertio, bonâ fide sequeretur consilium. Ratio Conclusionis est, quia tales causæ morales non nisi secundariò concurrunt, & causa physica, cujus negotium geritur, est causa principalis, & vult in se suscipere totam obligationem restituendi. Ergo vera est pars prima Conclusionis. Secundæ partis, seu exceptionis ratio jam est reddita, & confirmatur, quia tunc damnificatio quatenus est injusta, non est voluntaria nisi consulentis. Rectè autem observat P. Molina, & consiliarios Principum posse ex hoc capite teneri ad restitutionem primo loco, quin principes teneatur, si v.g. dent consilium, ut injustum statum condatur, ut tributum injustum, aut injusto modo, hoc est, non observatâ inter subditos debitâ proportionem imponatur, ut bellum injustum inferatur, &c. Pari modo possunt obligari Advocati, Medici, Jurisconsulti, quos alii de rebus dubiis consulunt, item Confessarii, si consilium dent, unde alii damnum pariantur injustum. Et hi quidem, si pro consilio salarium accipiant, non solum tenentur de dolo, hoc est, culpâ latâ, & latissimâ, sed etiam de culpa levi, quia profitentur rerum, quas consulunt, notitiam; si verò nullum salarium habeant, nec ex consilio quarunt proprium emolumentum, tenentur solum de culpa lata. Qui verò non profitentur notitiam rerum supra alios, & dant consilium damnosum, solum tenentur, si culpam latam admiserint: hæc omnia semper intelligendo juxta superius probata, si nimirum culpa Theologica intervenierit.

382. DICENDUM 2. Causa Instrumentalis sive sit physica sive moralis, non tenetur nisi in defectum causæ Moralis Principalis, cujus nomine & auctoritate operatur, ut sunt: mandans, cogens minis, aut auctoritate impellens.

Excipe tamen, nisi res injustè ablata existat apud causam instrumentalem, aut hæc inde locupletior facta sit, aut tunc ablatam propriâ auctoritate absumpsit: tunc enim quoad hæc tenetur æquè immediatè restituere ac causa principalis.

383. DICENDUM 3. Causæ negativæ damni alieni, non tenentur nisi in defectum causarum positivarum. Ratio est, quia non tenentur aliter, nisi in quantum alienum damnum non impediabant quod impedire tenebantur: ergo obligatio restituendi supponit damnum illatum & necdum compensatum esse ab alio: ergo ad nihil tenentur nisi ex hypothesi, quod causæ positivæ non satisfecerint. Porro comparando has causas negativas inter se (sicut & instrumentales inter se) omnes æquè immediatè tenentur, nisi una influxisset mediante aliâ, tunc enim secundum priores conclusiones & regulas discurrendum esset.

384. DICENDUM 4. Quando plures causæ executivæ simul æqualiter damnum inferunt, ita tamen, ut sint causæ partiales, partialitate non solum effectus, sed etiam causalitatis, hoc est, ita ut una non sit causa damni ab altera causa illati, v.g. plures simul ingrediuntur vineam, non ex communi consilio, sed disparatè, ita ut unusquisque per se ingrediat, non motus ingressu aliorum, tunc quis solum tenetur ad restitutionem partis damni à se dati, nec tenetur in defectum aliorum: secus si fuit etiam causa damni ab altero dati, tunc enim, saltem aliquando, tenetur in solidum in defectum alterius causæ, ut dicemus.

385. DICENDUM 5. Si quis simul & aliorum & suo nomine damnum inferat, æqualiter tenetur cum cæteris: v.g. si plures simul communi consilio & assistentiâ aggrediuntur Paulum, tunc qui prior occidit, non tenetur solus, sed etiam reliqui, si eorum etiam nomine occidit, sicut reverè præsumitur occidisse, quia sese invicem quasi pro instrumentis constituerunt, ut qui primus posset occideret in suum & sociorum finem, & commodum, seu ex communi intentione.

386. DICENDUM 6. Restituente causâ primò obligatâ, reliquæ secundo loco obligatæ ad nihil tenentur, quia tenentur tantum in defectum primæ causæ. Si verò causa secundo loco obligata restituit, obligatur causa primaria illi secundæ causæ refarcire, sicut debitor principalis fidejussori. Patet ex dictis.

387. DICENDUM 7. Causæ æquè immediatè simul concurrentes, & obligatæ, non semper tenentur æqualibus portionibus restituere, sed sæpè inæqualibus, pro majore vel minore influxu & concursu moraliter æstimato: v.g. qui scalam solum admovet, minus censetur influere, minusque opis conferre, quàm qui consilium dat, aut modum furandi ostendit. Quæ autem in hoc sit proportio observanda, non potest

potest facile universali regulâ definiti. Arbitror illam ipsam esse, quæ observaretur, si ex illa summa furto sublata, deberet fieri remuneratio operæ collatæ à singulis secundum æstimationem operæ.

388. DICENDUM 8. Probabile est, illam causam parialem, quæ ita influit, ut tamen sine ea etiam fieret effectus à cæteris concausis, non teneti in defectum aliarum causarum restituere totum damnum. Ità Card. de Lugo. Ratio est, quia ideo videntur alii teneri in defectum aliorum, quia ita influerunt, ut sine suo influxu damnum non fuisset datum; adeoque licet singuli soli non causaveſſent, potuissent tamen singuli, si voluissent, effectum impedire: atqui hoc non verificatur in illa causâ, de qua loquitur Conclusio. Ergo, &c. Et hæc de obligatione restituendi pro damno illato, independenter ab omni iudicis sententia. Loquendo de iure positivo Mandans, & Mandatarius in delictis pari poenâ plectuntur. *L. 1. §. 12. ff. de vi & vi armata. Dejecisse autem & is videtur, qui mandavit, vel iussit, ut aliquis deiceretur, parvi enim referre visum est, suis manibus quis deiciat, an verò per alium. & l. 3. §. 10. eod.* Idem dicitur, sicut & aliis iuribus passim. Sed hæc ad ius Criminale spectant.

## CONTROVERSIA VIII.

*Quæ Circumstantiæ observandæ sunt in Restitutione.*

### S Y M M A R I U M.

**Q**uo loco faciendâ sit Restitutio debitorum ex delicto. 389.

Cum quanto suo damno teneatur restituere debitor ex delicto. 390.

Quo loco, & cuius expensis restituenda sit res, quæ debetur sine delicto, secluso contractu. 394.

Quo loco restituendum sit debitum ex contractu. 395.

Quando quis loco debito non solvit, datur contraeum actio, ubique morabitur. 396.

389. **Q**UÆRITUR 1. Quo loco faciendâ sit Restitutio debitorum ex delicto. 2. Eo loco, in quo si non fieret restitutio, non redderetur omnino indemnus creditor: ad hoc enim unice in tali restitutione attendendum est, ut creditor vi restitutionis ita se habeat, vel formaliter, vel æquivalenter, quantum fieri potest, ac si nunquam damnificatus fuisset.

390. **Q**UÆRITUR 2. Cum quanto suo damno, vel expensis teneatur in conscientia restituere debitor ex delicto. Pro responsione notandum est, non esse præcisè materialiter spectandam quantitatem expensarum, & cuiuscunque alterius damni per restitutionem incurrendi

ultra carentiam illius, quod restituendum est, sed comparative ad subiectum: fieri enim potest, ut respectu Petri damnum centum florenorum quadruplo plus æstimandum sit, quam respectu Pauli, sive id proveniat ratione damni emergentis, sive ex eo, quod per restitutionem cum tanto damno incideret in statum miserum, in quem non incideret creditor suus, etiam si quadruplo plus damni subiret. Eodem modo debet considerari damnum creditoris respectivè ad damnum debitoris, comparando utriusque bona inter se. Hoc posito.

391. Cajetanus, Armilla, Navarrus, Medina, Vasquez, duram valde sententiam tenent, nempe, rem, etiam non magni valoris, esse restituendam ex iustitia (nisi per Episcopum aliud de voluntate Creditoris præsumi possit) cum quantumvis magno damno debitoris, v. g. unus florenus etiam cum iactura centum millium, si aliter restitui non possit. Quæ sententia jam est defersa. Quare DD. communiter agnoscunt, dari aliquam certam quantitatem damni, seu expensarum, quæ si comparetur cum re restituenda, excuset ab obligatione restituendi etiam invito creditore, quia esset irrationabiliter invidus. Solent itaque DD. ex principis generalibus jam supra expofitis varias quantitates assignare, cum quibus ad Quæsitum

392. 2. 1. Si quantitas damni, vel expensarum non excedat duplum ipsius summe restituendæ immediatè ipsi creditori, non excusatur debitor à restitutione immediatè faciendâ.

2. 2. Ad differendam restitutionem cum spe postea restituendi sufficit, si damnum, quod ex restitutione nunc faciendâ pateretur debitor, excedat quadruplum illius damni, quod restitutionis dilatio secum afferat creditori, sin minus, tunc non excusatur, quin statim restituere teneatur.

393. 2. 3. Etiam si debitor excusetur ab immediata restitutione propter damnum expensarum, sitamen nulla sit spes postea immediatè restituendi, possit autem fieri restitutio mediata, hoc est, dando pauperibus, vel ad alias pias causas: tenetur sic restituere.

2. 4. Ut debitor ex delicto excusetur penitus à restitutione, debet damnum excedere quadruplum summe restituendæ. Ratio videtur posse desumi ex eo, quod iura puniant etiam furtum poenâ quadrupli: neque iniquum videtur, si natura potius exigat quadruplum damnum à nocente, qui se sponte in tale periculum conjecit, quam permittat simplum pati innocentem. Monet tamen Lugo in casu, quo debitor non tenetur restituere, injungendum illi esse, ut saltem oret, aut alia pia opera faciat, aut fieri curet pro creditore.

2. 5. Quando ob gravitatem damni non potest restitui totum, potest tamen cum damno minore restitui pars, hæc restituenda est.

394. **Q**UÆ

394. QUÆRITUR 3. Quo loco, & cujus expensis restituenda sit res, quæ sine delicto debetur ex re accepta, secluso contractu. *¶* Est restituenda eo loco, ubi detinetur, & expensis ipsius creditoris: quod si propter expensas non expedit illi immediatè restitui, restituenda est secundùm illius intentionem, vel exploratam, vel præsumptam, & meliore modo, quo potest sine damno restituentis. Quod si majoribus sumptibus opus esset, quàm sit valor rei, neque spes esset, quòd posset asservari in aliud tempus, quòd ad Dominum perveniri posset, tunc poterit de illa disponi, quomodo in frà tract. 5. dicemus disponi posse de bonis inventis.

395. QUÆRITUR 4. Quo loco restituendum sit debitum ex contractu. *¶* De hoc dicendum in propriis locis, quando agitur de contractibus. Breviter nunc *¶* In hoc maxime attendendam esse praxin locorum, vel intentionem, pactum, aut naturam contractuum, & secundùm hæc restituendum. Absque his, regulariter loquendo solutio debiti provenientis ex contractu tali, in quo non redditur annum pro alio, ut ex donatione, legato, &c. fit sufficienter restitutio in loco debitoris, vel ubi res est, quando donatur. In contractibus verò, in quibus eadem res in specie (ut Juristæ loquuntur, Philosophi dicent in individuo) reddenda est, ut Depositi, Commodati: restituenda est, ubi res fuit deposita, commodata. Denique in contractibus, in quibus non redditur idem numero, sed aliud pro alio, v.g. in Mutuo, traditio rei facienda communiter videtur in loco, ubi contractus celebratus est.

396. Observo insuper, quòd quando quis in loco debito non solvit, detur adversus eum actio ubicunq; commorabitur, quâ petitur, ut solvat, quantum intererat creditoris, fuisse solutionem factam in loco debito. Ità habet Lex. i. ff. de eo, quod certo loco debetur. Alio loco, quàm in quem sibi dari quisque stipulatus esset, non videbatur agendi facultas (actione directâ) competere: sed quia iniquum erat, &c. non posse stipulatorem ad suum pervenire, ideo visum est, utilem actionem in eam rem competere. Quod si verò per creditorem stetit, quò minus rem, aut solutionem ibi reciperet, ubi solvendum erat, competit debitori actio adversus creditorem, ut tantum detrahat de debito, quantum debitoris intererat, solutionem eo loco factam fuisse. Ità habetur l. 2. eod.

De circumstantia temporis, quando nimirum sit facienda restitutio, nihil occurrit addendum, sed conformiter ad ea, quæ tum hic de loco, tum superiùs, quando actum est de præcepto restitutionis, an sit negativum, procedendum, & discurrendum est.

*Cujusnam damno pereat, si res restituenda pereat, antequam perveniat ad creditorem.*

## SUMMARIUM.


**R**es non debita in individuo debet ad manus creditoris pervenire, alioquin perit debitori. 397. Quid si res in individuo debeatur, & interveniat injudicatio. 398.

Quid si pereat sine culpa debitoris. 399.

397. **D**ICENDUM est 1. Quando id, quod debetur, non est debitum in individuo determinato, non est satisfactum debito restitutionis, quamdiu, quod restituendum est, non pervenit ad manus creditoris, vel ejus, qui sit loco creditoris. Unde si debitor ipse elegit nuntium, per quem mittit rem, ipsius periculo mittitur. Probatur. Quia debitor non habet obligationem ad hoc determinatum individuum restituendum, sed ad restituendum in specie, per quodcunque tandem individuum: ergo non extinguitur obligatio, si pereat hoc numero individuum; antequam perveniat ad creditorem, sicut non extingueretur, si periret, antequam ullo modo ad creditorem destinaretur.

398. **D**ICENDUM 2. Si res eadem in individuo est restituenda, & intervenit injusta detentio, tunc discurrendum est juxta ea, quæ superiùs dicta sunt, de re peritura, vel non peritura similiter apud Dominum, seu creditorem. Si ergo injusta detentio fuit causa seu occasio, ut periret apud injustum possessorem, non peritura similiter apud Dominum, perit debitori. Videantur ibi dicta.

399. **D**ICENDUM 3. Si verò nulla injusta detentio intervenit, tunc si pereat absque ullâ culpâ debitoris, perit creditori, & debitor penitus liberatur. Ratio est, quia tunc se res habet, ac si periisset sine culpa & casu fortuito, antequam ad Dominum destinaretur, quo casu constat ex dictis, perire Domino.



CONTROVERSIA X.

*Quonam Prioritatis jure & ordine veniant Creditores, si Debitor non est omnibus solvendo.*

SUMMARIUM.

**A**N præferendus sit alijs Creditoribus ille, cujus debitum in re exstante individua fundatur. 400. & seqq.

An debita ex delicto præferenda sint debitis ex contractu. 403.

An seclusis privilegijs præferendus Creditor ex titulo oneroso. 404.

An Creditor antiquior præferendus posteriori. 405.

An Creditor posterior possit petere solutionem in Judicio, prioribus non petentibus, & an per sententiam acquirat privilegium prælationis. 406.

An ex rebus alienis incerti domini possit satisfieri Creditoribus. 407.

Quid si hujusmodi res non amplius exstet in se. 408.

Quo ordine solvendum sit de Jure communi Creditoribus certis. 409.

Secundo loco post funeralia, &c. veniunt Hypothecarii; & prius solvendum antiquiori per se loquendo. 410.

Excipitur casus Legis. 7. C. qui potiores. 411. Verum hypotheca antiquior tacita præferenda expressæ posteriori. 412.

De prælatione pupilli, & dantis ad militiam. eod.

Explicatur Lex 2. C. de pignoribus, & hypot. 413.

Si quis Creditori suo habenti hypothecam solvas debitum, an succedat in Juri prioritatis. 414.

Si debitor sponte solvit posteriori Creditori, an prior habens Jus prælationis possit repetere solutum. 415.

Tertio loco veniunt habentes ex speciali privilegio sibi obligatum debitorem. 416.

Quarto loco veniunt Chirographarii ex titulo oneroso. Quinto loco, ex titulo gratuito. 417.

Verum inter Creditores personales privilegiatos locum habeat Reg. Qui prior est tempore, &c. 418.

An quis possit propriâ auctoritate imponere posteriorem hypothecam cum Jure prælationis. 421.

An inter Legatarios sit prioritatis observanda, si testator nullam instituit. 423.

Ordo prioritatis in edictali processu observandus de Jure Bavarico. eod.

400. **S**ub hoc titulo veniunt plura dubia valde practica, & quæ maximè locum habent in Processu Edictali.

**DUBITATUR 1.** Quando res aliqua in individuo determinato est obnoxia restitutioni, quæ adhuc exstet apud debitorem, an ex illa possit fieri restitutio, seu solutio indifferenter & promiscuè creditoribus, vel an præferendus sit ille creditor, cujus debitum in tali individuo fundatur. In hoc puncto

401. Certum est, quòd quando dominium illius rei mansit penes creditorem, debeat illi præ omnibus alijs creditoribus quantumvis privilegiatis restitui: solutio enim non potest fieri ex bonis alienis invito Domino, sed debet fieri ex patrimonio debitoris. Difficultas est, quando dominium fuit à creditore translatum in debitorem, tunc quaeritur, si emptor necdum solvit, v. g. equi jam sibi traditi pretium, & cogaturolvere debita sua, nec possit tamen omnia, an equum emptum debeat præ omnibus reddere venditori, vel possit, aut quandoque teneatur etiam alijs indeolvere.

402. Prima sententia docet, venditori competere talem prælationem, propter tacitam hypothecam, quam habet in re vendita, quando rem venditam tradidit sequendo fidem emptoris. Ità post alios Lessius, & Rebellus. Respondendum tamen est negativè cum Vasquez, Molina, Lugone. Ratio est, quia ut in casu ponitur, dominium rei venditæ, ità transferetur in emptorem, ut possit de illa disponere etiam alienando, prout voluerit. Atqui hoc non posset, si illa res esset hypothecata specialiter venditori, imò posset equum illis actionibus (v. g. actione quasi Servianâ) prosequi, quæ hypothecario conceduntur, quod tamen apud Juristas esset inauditum in casu quaestionis. Ergo nulla talis hypotheca subest, quia nullo Jure probatur, de quo iterum dicitur in tr. de Empt.

403. **DUBITATUR 2.** An debita ex delicto præferenda sint debitis ex contractu. Affirmat S. Thomas, sed communis sententia merito negat, quia nec Jure positivo hoc statutum est, nec ex Jure naturali deducitur.

404. **DUBITATUR 3.** An Creditori ex titulo oneroso sit prius satisfaciendum, quàm Creditori ex titulo lucrativo, seu gratuito, seclusis alijs privilegijs. R. Affirmativè, & habetur L. inter eos. 19. §. Is quoque. ff. de Re judicata. Is quoque, qui ex causa donationis convenitur, in quantum facere potest, condemnatur, & quidem is solus deducto ære alieno. & inter eos, quibus ex simili causa pecunia debetur, occupantis potior erit causa. Imò nec totum, quod habet, extorquendum ei puto, sed & ipsi ratio habenda est, ne egeat. Ratio autem est in his verbis tacite indicata. Quia nemo videtur se velle gratis obligare ad talem solutionem, vi cujus teneretur incurrere egestatem: atqui si æqualiter solvenda essent illa debita, jam ex tali solutione deberet egestatem pati ille, qui omnibus solvendo non est.

405. **DUBITATUR 4.** An, seclusis alijs privilegijs, (de quibus n. 22.) creditor, cujus debitum est tempore antiquius, sit posteriori præferendus. Negant multi, quos sequitur Mol. d. 336. §. Quando creditores. Quorum doctrina est propter auctoritatem tuta, & probabilis. Plures tamen & probabilius affirmant. Probat auctoritate Bonifacii VIII. dicentis: *Qui prior tempore,*



*tempore, potior jure. Reg. 34. de R. J. in 6. Unde si Leges Civiles aliud habent, curandæ non sunt, utpote à jure Canonico correctæ, & merito, nam ipsa naturalis ratio contrarium suadet. Quando enim aliquis hodie se obligat Petro ad solvendum centum pro equo v. g. tunc utique obligat se, ad solvendum ex suis bonis disjunctim, nempe vel ex his, vel ex illis, tum jam habitis, tum acquirendis: ergo cum hac tacita conditione: si non erunt mihi bona A. solvam ex bonis B. &c. sicut, si quis se obligat ad tradendum vel equum A. vel equum B. obligat se sub hac conditione: si forte periret equus B. ad dandum equum A. ergo non potest se secundo creditori obligare ad dandum equum A. in defectum equi B. talis enim obligatio esset de re illicita, non minus, quam si contractis sponsalibus cum Anna postea contraheres sponsalia de futuro cum Bertha, essent hæc secunda nulla, & de re illicita: sic ergo etiam illicitum esset se alteri obligare ad solvendum ex suis bonis disjunctim sicut priori: quia casu, quo non essent bona alia, quam quæ sufficiunt ad extinguendum debitum antiquioris creditoris, jam hæc sunt determinatè obligata priori, quia conditio esset purificata.*

406. *QUÆRITUR* tamen, an posterior Creditor possit bonâ conscientia in Judicio petere solutionem creditoribus prioribus non petentibus, & an per sententiam executioni mandatum acquirat privilegium prelacionis & prioritatis. *æ. affirmative.* Nam Leges, quas infra referam. n. 16. hæc ita statuerunt, tum in favorem autoritatis Judicis, tum ad stimulantem diligentiam creditorum, & remunerandam vigilantiam.

407. *DUBITATUR* 3. si apud debitorem essent quedam certa bona, quæ in individuo pertinent quidem ad alium, sed omni adhibitâ diligentia nulle spes est rescindi Dominum aliquando, utrum debitor alioquin insufficientis debeat, & possit ex illis bonis solvere creditoribus certis? Negat *P. Molina l. c. §. quod usque adeo; P. Lessius l. 2. c. 15. dub. 1. n. 6.* putat (seclusâ Lege positivâ, quæ jubet dari pauperibus) posse quidem ex illis solvi creditoribus certis, sed non teneri. Respondeo tamen, & posse, & teneri. Ratio primæ partis est: quia talia bona in tali statu sunt instar bonorum, quæ habentur pro derelictis, & sunt primò occupantis, ut dicemus alibi cum Card. de Lugo & aliis: ergo potest ea sibi debitor appropriare: ergo ex illis solvere creditoribus certis. Ratio secundæ partis est. quia debitor tenetur sibi prospicere de medijs, ut sit solvendo: ergo in casu posito tenetur uti hac occasione sibi talia bona appropriandi: quæ appropriatione factâ tenetur inde solvere creditoribus certis.

408. Sed quid si id, quod debetur creditoribus incertis, non amplius exstet in se, adeoque creditores incerti tantum habeant jus perso-

nale, suntne tunc in solutione præferendi creditores certi habentes etiam tantum Jus Personale? *æ. Affirmativè.* Ratio est, quia jus creditorum incertorum in tali casu, quo debitor non est solvendo, & creditores illi ignorantur, censetur extinctum, ut bene observavit Recentior quidam Hispanus, reddens bonam rationem. Jura in res sunt instituta, ut res suis dominis inserviant: atqui res, non potest incerto domino inservire: ergo jus certi creditoris est præferendum juri creditoris incerti. Et hoc adeo verum putat, ut existimet, & merito, adhuc in talibus casibus fore præferendos creditores certos incertis, etiam si autoritate publicâ esset constitutum, ut debita incertorum creditorum essent solvenda Ecclesiæ vel Pauperibus. Rationem optimam dat. Quia jus positivum solum tribuit pauperibus illud jus, quod ignoto creditori convenit ante jus positivum, nam in ejus locum substituit pauperes. atqui ante jus positivum solum comperebar jus ignoto creditori post creditores certos: ergo post jus positivum conditum solum competit pauperibus jus ad bona debitoris post creditores certos & notos. Confirmatur, quia non est cogitandum, quòd Jus positivum per talem constitutionem velit adferre præjudicium certis creditoribus: atqui si pauperibus conferret majus aut æquale jus cum creditoribus certis ad bona debitoris, adferret præjudicium, ut patet: ergo, &c.

409. Dices. Ergo etiam casu quo res domini incerti adhuc in individuo exstaret apud debitorem, posset inde solvere certo creditori, non obstante lege applicante illam pauperibus aut Ecclesiæ. *æ. Negando consequentiam.* Quia pertalem legem jam est præventus debitor in appropriatione, ac proinde non est ampliùs locus appropriationi.

*DUBITATUR* 6. Quo ordine solvendum sit de Jure communi creditoribus certis. *æ.* Eos sequenti ordine venire. Si debitor defunctus est, primo loco solvendæ sunt expensæ funerales, item pro conscribendo testamento, faciendò inventario, & pro alijs similibus, quæ præcedere debent, ut reliquis creditoribus possit deinde solutio fieri. *L. penult. ff. de Religiosis, & sumptibus funerum, & ut funus ducere liceat. Impensæ funeris semper ex hereditate deducuntur, quæ etiam omne creditum solet præcedere, cum bona solvendo non sint.*

410. Secundo loco veniunt hypothecarii. *L. eos. 9. C. qui potiores in pignore habeantur. Eos qui acceperunt pignora, cum in rem actionem habeant (nempe hypothecariam) privilegijs omnibus, quæ personalibus actionibus competunt, præferri constat.* quibus verbis ratio indicatur. Hypotheca enim est jus in re, quod creditori in rem suam à debitore collatum est, adeoque, ut Recentioribus loqui placet, est quedam servitus rebus ipsis imposita pro securitate solutionis, duræque usque

usque ad solutionem exhibitam, & rem ipsam comitatur.

Potro inter creditores hypothecarios prius est solvendum hypothecario antiquiori (nisi posterior alio privilegio gauderet) *L. 4. C. eod. Si fundum pignori accepisti, antequam Republica obligaretur, sicut prior est tempore, ita prior es jure.* Ubi contra quosdam glossa notat, quod hoc etiam de generali hypotheca omnium bonorum intelligendum sit. & habetur statim *L. 6. seq. Si generaliter bona sint obligata, & postea res alii specialiter pignori datur, quoniam ex generali obligatione potior habetur creditor, qui antea contraxit, si ab illo, priore tempore, tu comparasti, non oportet te ab eo, qui postea creditit, inquietari.* quâ lege movetur etiam in hanc sententiam Hunnius in Treut. d. 24. th. 6. q. 33. in fine.

411. Excipitur ab hac regula casus, qui habetur *Lege 7. C. eodem.* Licet iisdem pignori-bus multis creditoribus diversis temporibus datis prio-res (tempore) habeantur potiores, tamen eum, cujus pecuniâ pradium comparatum probatur, quod ei pignori esse specialiter obligatum statim convenit (scilicet si inter illos non sic convenisset) omnibus antefieri jura auctoritate declaratur. Similes se-re duo casus excipiuntur in *L. 5. & 6. ff. eod. tit.* nempe qui mutuavit pecuniam ad reficiendam rem jam antè oppignoratam, quæ alioquin periret: item qui mutuavit pro mercium vectura, vel conductione ædium in quibus merces asser-varentur, quæ jam antè oppignoratæ erant. *Interdum* (inquit Ulp.) posterior potior est priore, ut puta in rem istam conservandam impensum est, quod sequens creditit, &c. hujus enim pecunia salvam fecit totius pignoris causam. Item si quis in merces sibi obligatas crediderit, vel ut salva fiant vel ut navium exsolvantur. Denique est casus exceptus in *L. 12. C. eodem.* nempe. Mulier in dote præfertur om-nibus creditoribus prioribus tacitam hypothecam habentibus: dixi: tacitam. nam non præ-ferri illis, qui hypothecam expressam priorem habent, tradit glossa, & dicam infra agens de do-te. In prioribus autem casibus hypothecarius posterior præfertur prioribus etiam expressam hypothecam habentibus.

412. DUBITATUR tamen, utrum Regula tradita de prioritare temporis etiam pro-cedat, si hypotheca tempore prior sit tacita, & posterior expressa. Negant Navarrus & Sylve-ster. Rediūs affirmat P. Lessius, post Covar-ruviam *l. 1. variar. c. 7. n. 2.* (quamvis non vi-deam quomodo id colligant ex *L. Hac editali 6. §. Huiusmodi adjungimus. C. de secundis napt.*) ex-ceptis casibus in jure declaratis, qualem paulò antè retulimus de dote uxoris. tales enim ex-ceptiones firmant regulam in contrarium. Quan-do ex pecunia pupilli res emptæ est, præfertur pu-pillus omnibus in recuperatione pretii. *L. 6. C. de servo pignori dato.* Si tutor tuus de pecunia tua servos emptos manumisit, quoniam hujusmodi servi

sicut ceteræ res pupillaribus pecuniis emptæ jure pi-gnoris obligati sunt, favore pupillorum liberi facti non sunt. Similem prælationem habet etiam ante dotem, qui credidit pecuniam ad militiam. *Nov. 97. c. 4. ibi.* Sancimus, si quis crediderit au-rum occasione militiæ, & expressim hoc ipsum scriba-tur in instrumento, & in hoc fiat pactum, ut casu pro-veniente prior sit solus, qui hoc credidit, & huic solo casu cedere mulierem.

413. Contra id quod diximus, hypothec-am etiam generalem priorem præferri speciali posteriori (per se loquendo) objici possit cum Sylvestro *Lex 1. C. de Pignorib. & hypoth.* ubi dicitur. *Quamvis constet specialiter quædam & universa bona generaliter adversarium tuum pignori accepisse, & æquale jus in omnibus habere; juris-dictio tamen temperanda est: idcirco si certum est, posse eum ex his quæ nominatim ei pignori obligata sunt, universum redigere debitum: ea quæ postea ex iisdem bonis pignori accepisti, interim tibi non auferri, prætes provincie iubebit.* 2. Ex casu à glossa formato constare legem aliud non velle, quàm, quod pignus posteriori debeat saluum manere, si priori creditori habenti generalem hypothec-am, & etiam specialem in alia re, quæ à tuo pi-gnore distincta sit, possit ex illa speciali plenè debitum solvi: ac proinde ille non possit vi suæ generalis hypothecæ impedire tuam specialem, quantumvis illa sit prior. Ex hoc ipso autem potius argumentum sumitur contra Sylvestrum, nempe à contrario: quod si hypotheca specia-lis non sufficeret, deberet etiam ratione genera-lis hypothecæ præferri.

414. QUÆRITUR hic, an, si quis creditori tuo habenti hypothecam in bonis tuis, solvat debitum, an, inquam, hoc ipso succedat in Jus prioritatis, quod ille creditor habuit, ita ut aliis creditoribus in eodem pignore sit prior? 2. Succedere solum in duobus casibus. primus habetur *L. 1. C. de his qui in priorum creditorum lo-cum succedunt.* nempe si creditori ipsi solverit eo pacto, ut in ejus locum succederet. Non omni-no succedunt in locum hypothecarii creditoris hi quorum pecunia ad creditorem transit. Hoc enim tunc observatur, cum is qui pecuniam postea dat, sub hoc pacto credat, ut idem pignus ei obligetur, & in locum ejus succedat. alter casus habetur *Lege penult. eod. tit.* nempe si pignus emerit à debitore eâ conventionem, ut pretium ad priorem creditorem perveniret, & re ipsa perveniret. Si potiores cre-ditores pecuniâ tuâ dimissi sunt, quibus obligata fuit possessio, quam emisse te dicis, ita ut pretium perveni-ret ad eosdem priores creditores, in Jus eorum succe-deris: & contra eos, qui inferiores illis fuerunt, iustâ defensione te tueri potes.

415. QUÆRITUR adhuc difficilius: an, si de-bitor solvit posteriori creditori, & non ex iudicis sententia, sed sponte, prior creditor habens Jus Prælationis possit à creditore posteriore solum repetere? Negat Fulgositius in *L. pecunia. & Bal-*  
T a dus

aus in *L. ubi adhuc. C. de Jure dot.* Affirmat tamen probabilis Benedictus Stracha præcipue ob textum apertum & cæteris posterioriorem in *L. ult. §. 6. Cod. de Jure delib. ibi. Sin verò heredes res hereditarias creditoribus hereditariis pro debito dederint in solutum, vel per dationem pecuniarum satis eis fecerint, liceat aliis creditoribus, qui ex anterioribus veniunt hypothecis, adversus eos venire, & à posterioribus creditoribus secundum Leges eas abstrahere, vel per hypothecariam actionem, vel per conditionem ex Lege, nisi voluerint debitum eis offerre. Aliud fortasse dicendum est, si prior creditor non fuit hypothecarius, sed privilegiatus personalis ob *L. qui autem §. 6. & §. sciendum. ff. que in fraudem creditorum, &c. ibi. Sciendum, Julianum scriberes, eoque Jure nos uti, ut qui debitam pecuniam recepit, antequam bona debitoris possiderentur, quamvis sciens prudensque, solvendo non esse, recipiat, non timere hoc edictum, sibi enim vigilavit. Idem habetur in *L. pupillus. cod. & ita quoad hoc ultimum sentit P. Molina. l. c. §. hoc loco.***

Hactenus de Jure prioritatis in hypothecâ fundato dictum est. Nunc de prioritare aliorum privilegiatorum agendum est.

416. Tercio itaque loco veniunt solvendi creditores non quidem habentes hypothecam, habentes tamen speciali prælationis privilegio sibi obligatam personam debitoris. Hujusmodi sunt, qui deponunt pecunias apud Depositarium publicum absque exactione usurarum, & cum translatione domini. *L. si hominem. 7. §. 2. ff. Depositum vel contra. Quoties foro cedunt nummularii, solet primo loco ratio haberi depositariorum, non quos fœnore apud nummularios, vel cum nummulariis, vel per ipsos exercebant. Plures hujusmodi privilegiorum refert glossa in *L. eos qui: junctâ glossâ in auct. Quo Jure C. Qui potiores.* Ubi bene explicat hanc auctoritatem aliis Juriis supra relatis sit contraria, sed de his alibi.*

Illi ergo creditores solvendi sunt post hypothecarios quidem, sed ante alios non privilegiatos, qui Chirographarii nuncupantur.

417. Quar o loco veniunt Chirographarii ex titulo oneroso. Quinto loco, ex titulo gratuito. His solutis, si quid reliquum est, pro hereditibus est quoad suam legitimam, vel Falcidianam detrahendam, ac denique pro Legariis.

418. DUBITATUR 1. Utrum inter Creditores personales privilegiatos non hypothecarios locum habeat Regula Juris sup. cit. *Qui prior est tempore, potior est Jure.* ita ut prius illi solvendum sit, cuius debitum est antiquius. Idem quaeritur de Chirographariis inter se comparatis, & collatis. Affirmant non pauci Theologi, quorum sententiam non esse improbabilem ait Lessius, qui tamen eam immerito tribuit glossæ in illam Regulam, quæ loquitur de aliis omnino casibus, ut legenti patet.

419. Respondendum est negativè: cum omnibus Juriis Interpretibus, quibus adhæret

Molina, post Sylvest. & D. Antoninum. Ratio est. Quia Jus Prælationis inter creditores est privilegium Juriis positivi; ergo non est extendendum ultra quàm à Jure conceditur: atqui non conceditur nisi hypothecariis ob rationem speciale in superius aliam: aliis autem negat prælationem ratione antiquioris debiti. Ergo huic Juri dispositioni insistendum est. Habetur expressè *L. Privilegia. 17. ff. de privileg. creditorum. Privilegia non ex tempore astutantur, sed ex causa. & si ejusdem tituli fuerint, concurrunt; licet diversitates temporis in his fuerint.* Loquitur autem de creditoribus personale privilegium habentibus, ut observat glossa. Item clarè ponitur in lege *Pro debito. 6.* Ubi postquam hypothecarii aliis præferuntur, de reliquis Creditorebus statuitur, & qualis portione pro rata debiti quantitate omnibus creditoribus consulendum esse.

420. Rationes adversariorum nihil probant. Dicunt 1. Quò diutius creditor caruit suo, eò strictius ei debetur, & eò citius ei est restituendum. 2. hanc esse petitionem principii: si ex dilatione debiti passus est creditor novum damnum, habet jus illud compensandi, sed non propterea prælationem habet. si nullum damnum passus est, malè inferitur, illi strictius deberi; alioquin hoc argumento ultra probari possent. Dicunt 2. Majori incommodo prius est occurrendum: atqui is qui caret diutius suo, plus accepit incommodi: Ergo. Redit eadem responsio. Dicunt 3. Quando prius debitor contrahitur, debitor est magis solvendo, quàm postea, quando nova debita accedunt: unde par esse videtur, ut prius creditor non fraudetur propter debita posteriora. 2. Antecedens non esse universaliter verum: potest enim quis post contractum primum debitum, & ante contractum secundum factus esse ditior. Deinde consequentia tenet in illis qui habent jus in re, non in illis qui habent jus ad rem.

421. DUBITATUR 2. An quis possit propriâ auctoritate imponere posteriorem hypothecam cum Jure prælationis ad antiquiores hypothecas. v. g. vendendo fundum meo debitori, possumne imponere fundo hypothecam cum privilegio prælationis ad omnes hypothecas generales tacitas & expressas etiam privilegiatas, quibus bona debitoris subiacent. 2. Affirmativè. Ità Negusantius, quem sequitur Card. de Lugo d. 20. de *Juss. §. 5. n. 102.* Ratio est, quia quilibet transferens rem suam potest adhibere moderationes ad libitum retinendo sibi recursum ad illas pro casibus & eventibus certis. Nequè in hoc fit ullum præjudicium aliis creditoribus hypothecariis, quia prælatio hypothecæ, quam ipsi habebant, non est nisi in bonis debitoris, quatenus ad dominium ejusdem pertinent, aut pertinebunt, non autem ad eadem, quatenus sunt alieni juris: atqui in casu nostro fundus non subijcitur dominio debitoris emptio-

emptoris nisi ut aliquo modo juris alieni nempe hypothecari pro casu quo non esset solvendo, & cum praelatione: ergo alii creditores non habuerunt unquam hypothecam in hoc fundo tum praelatione ad venditorem.

422. Declaratur in exemplo manifesto. Quando testator rem suam relinquit heredi cum gravamine fideicommissi, ita ut fideicommissarius non possit eam alienare, sed debeat alteri restituere suo tempore, creditores fideicommissarii, etiam si habuerint anteriores hypothecas etiam generales, non acquirunt hypothecam in tali fideicommissio, vi cuius sint preferendi substituto heredi, cui debent illa bona restituere. Sic se res habet in nostro casu.

423. DUBITATUR 3. An inter Legatarios præcisè quæ tales sit aliqua prioritas observanda, si testator nullam instituit. Affirmant aliqui. Sed cum communi Theologorum negandum est, nisi præsumptio gravis esset de Intentione testatoris, quod v. g. Legata pia voluerit, vel voluisset prius solvi quam profana; & sic hæc ipsa inter se comparando. Ratio est, quia prælatio non est asserenda, nisi quæ vel in Jure, vel in dispositionis voluntate fundatur.

Placet ad calcem hujus capituli adjungere breviter ordinem prioritatis inter creditores observandum Jure Bavarico in Processu Edictali. Continetur autem clausulis sequentibus.

Ad primam classem pertinent Expensæ Processus, non merè summarie, sed specificè designatæ, & iustam rationem non excedentes.

Ad secundam classem pertinent Impensæ funebres pro dignitate & facultatibus defuncti moderate, non immodicæ: quo tamen non spectant vestes famulorum, & quæ ad convivia paranda cõmpta sunt. In eadem classe sunt sumptus in Pharmatopolio (voluptuariis exceptis) durante morbo facti, quo debitor defunctus est. item Salaria medicorum & chirurgorum.

Ad tertiam classem pertinent Salaria seu mercedes famulorum unius anni: qui in ædibus, convictu & servitio debitoris commorantur.

Ad quartam classem pertinent mutantes pecuniam vel materialia ad refectionem ædificii, vel aliarum rerum; item stentæ, & impositiones sive exactiones vulgo *Ausschlag*, & quas debitor de suis bonis ipse debet; item frumentum sementarium mutantes; qui in fructibus ejusdem anni tacitam hypothecam & jus prælationis habent. Ad eandem classem pertinent mutantes ad comparationem vel novam ædificationem ædium & similia, si quæ expressam hypothecam reservantes: item venditores reservantes expressam hypothecam in re vendita donec solvatur pretium. Possent hic mirum videri, cur plus favoris exhibeatur illi, qui ad reparationem ædium dat mutuum, ut præferatur aliis, etiam si non expresse hypothecam reservaverit, quam illi, qui ad emendas vel ædificandas ædes con-

tunt, à quibus requiritur, ut expressam hypothecam constituent, alioquin non nisi nudis personalibus creditoribus præferendi. Soler communiter ex Ant. Fab. hæc differentie ratio assignari, quod mutuantiibus in reparationem aut conservationem rei obligatæ non sit datum privilegium ex favore ipsius causæ, sed propter favorem omnium creditorum, quibus salva efficitur pignoris causa, quod non est in ædificatione, quia præbet tantum causam pignoris. Minus autem est pignus præbere, quam saluum facere. Hoc ultimum non omnes capiunt. Ego aliam rationem dæm. Quia magis interest Reipublicæ inveniri & allici homines, qui dent mutuum ad refectionem ædium, quam ad ædificationem: quia conservatio est magis necessaria.

In hac ipsa quarta classe constituuntur Pupilli, Ecclesie, & alia pia loca, quorum pecunia ad novam ædificationem vel comparationem alicujus rei mutata fuerit: his enim tacita hypotheca conceditur, & in hac quarta classe collocantur.

Ad eandem quartam classem pertinet Dominus fundi directus; qui in re Emphyteutica & fructibus præsentibus tacitam habet hypothecam cum annuo canone & aliis iuribus ad proprietarium spectantibus. Quod si canonem per triennium non exegerit, quoad uniusduntaxat anni canonem habet prælationem, nisi Emphyteuta aut Colonus sterilitatem, incendium aut similem casum fortuitum passus esset, & hoc dominus probare possit: alioquin reliqui canones exstantes inter nuda & personalia credita computantur. In mobilibus rebus anteriores creditores expressam hypothecam habentes privilegium seu jus prælationis habent. Quod de domino directo dictum est, etiam de Domino Vogtæ & pensionationibus illi debitis vulgo *Vogtey-Gelten* dicendum est, cum hoc tamen discrimine, quod dominus directus præferatur. Non est tamen hoc jus prælationis extendendum ad alia bona Emphyteutæ, Coloni, aut Censuarii, sed ad illa sola, quæ ad dominum directum pertinent, vel ex quibus census debetur, & in quorum ædificatione aut reparationem vel comparationem dominus mutuum dedit.

Ad quintam classem pertinet Dos uxoris marito numerata, nisi creditores expressam hypothecam habentes essent anteriores. Propter alia tamen bona marito illata, si mobilia fuerint, uxor à tempore illationis, vel si immobilia dividenda fuerint, à tempore accepti pretii: item propter Morgengabam & donationem propter nuptias à tempore nuptiarum tacitam quidem habet hypothecam in bonis mariti, nullam tamen prælationem. Vidua carens alimentis, donec Processus Edictalis finiat, etiam post annum, ad concurrentem æstimationem dotis pro facultatibus & dignitate mariti, ex bonis hujus est æstimanda,



mentanda, interim etiam in bonis mariti jus habet retentionis. Quidquid autem ultra alimentum percepit, de eo rationem reddet, & restituet, imò etiam cavebit, si ita ludeat ad instantiam creditorum arbitrabitur. Quod si Dos aliæ bona marito illata, quando de prioritate agitur, adhuc existant, tunc jure domini ea retinet, nec de prioritate necesse est cum creditoribus contendere. Idem dicendum, si bona fuerint comparata ex pecunia dotali, nec possit mulier dotem ex bonis mariti aliter consequi.

Ad sextam classem pertinent Pupilli, Ecclesie, Xenodochia, Orphanotrophia, Civitates, Oppida, & alie Communitates approbate, item Confraternitates, quando ipsum tutorem vel administratorem bona substantur.

Ad septimam classem pertinet Fiscus ratione contractus, vel commissæ administrationis, & omnibus creditoribus anterioribus, qui solum tacitam habent hypothecam sine iure prælationis, præferuntur. Præferuntur etiam Fiscus illis creditoribus, quibus in genere quidem omnia bona debitoris expressè obligata sunt, sed in illis bonis, quæ debitor post susceptam Fisci administrationem primùm acquisivit, nullum ius prælationis habent. Denique Fiscus doci, si ante numerationem debitor ipsi modò obligatus fuisset, præferuntur. In bonis autem ex hereditate, vel ex commissio, vel pœnali causâ provenientibus Fiscus nullum habet ius prælationis ante alios creditores anteriores. Fisco æquiparantur quoque hanc classem Indictiones & Gabellæ Statibus Provincialibus persolvende.

Ad octavam classem pertinent Creditores Hypothecarii: isti ergo, si fuerint anteriores, etiam Doci, Pupilli, Ecclesie, Xenodochia, Communitatibus, & Confraternitatibus præferuntur (ut ex dictis patet) non item mutuantibus ad refectionem alicujus rei, nec Indictionibus atque Gabellis, nec mutuantibus frumentum sementarium, nec ad comparisonem, aut ædificationem cum reservata hypotheca: nec quando res comparata est ex pecunia Pupilli, Ecclesie, vel similibus, nec Domino fundi, Vogtæ, ut etiam ex dictis liquet: sicut etiam constat de prælatione illius, qui pecuniam mutuavit in eum finem, ut inde creditori privilegiato satisficeret, reservatâ sibi hypothecâ illius creditoris.

Ad nonam classem pertinent, si per Notarios, vel alios habentes signandi facultatem, vel per ipsum debitorem instrumenta conficiantur, & coram sufficiente numero testium auctoritate Notarii muniantur, vel si instrumenta per debitorem ipsum, vel per habentes facultatē signandi confecta fuerint, à tribus testibus subscribantur: quibus in casibus hujusmodi obligationes validæ quidem sunt, obligationibus autem, vel instrumentis coram Magistratu confectis post: & in classe nona ponuntur: attamen etiam doci, Pupilli, Ecclesie, Xenodochia, Communitati-

bus, Fisco, Indictionibus & Gabellis, si antiquiora sunt instrumenta præferuntur. Plebeiorum, & Rusticorum instrumenta, seu obligationes semper coram Magistratu conficienda sunt, alioquin eorum debita personalia tantum, & non hypothecaria censentur. Inter hypothecarios in hac & præcedente classe positos, qui prior est tempore, præferuntur. Positi verò in classe nona nunquam præferuntur positus in classe octava, etiam si tempore priores essent.

Universum autem hoc jure statutum est art. 25. ut quando in una classe plures creditores ejusdem conditionis, sive naturæ concurrunt, tunc is, qui prior est tempore: si verò diversæ sint conditionis, is qui in ordine hujus processus edictalis prior est, præferuntur. Si quis verò cum reservatione hypothecæ ad emptionem, sive comparisonem alicujus rei pecuniam mutuaverit, & in eundem finem pecunia pupillaris adhibita fuerit, tunc isti duo in sua classe æqualiter ponantur. At si quis ante hujusmodi rem debitori cum reservatione hypothecæ vendiderit, is duobus istis præferuntur.

Ad decimam classem pertinent Creditores ceteri non quidem hypothecam, aliâ tamen privilegium prælationis habentes, qui non ex prioritate temporis, sed ex causâ magis privilegiata dijudicantur, & nudis creditoribus præferuntur.

Post creditores his classibus enumeratos veniunt Chirographarii creditores & alii nudi, sive simplices creditores, qui omnes æqualiter nullo temporis, vel quantitatis habito respectu pro rata portione concurrunt, & admittuntur, sed cum hac exceptione. Nam

Respublica si absque hypotheca Creditrix fuerit, ea nudis & simplicibus creditoribus præferuntur. Item si quis ad rem aliquam comparandam absque reservatione hypothecæ mutuaverit: Item si sponsa ante nuptias sponso dotem numeraverit. Item qui mutuavit, ut Creditori privilegiato solveretur, non reservatâ hypothecâ. Item si quis ante processum edictalem sententiam pro se obtinuerit. Et denique si plures hujusmodi creditores diversæ conditionis concurrunt, eo ordine, quo hic enumerati sunt, invicem præferuntur.

Art. 26. Constitutum est, ut si quis in aliqua re, priusquam in potestatem veniret illius obzati, cujus bona substantantur, expressam vel tacitam hypothecam habuerit, talis præferatur omnibus creditoribus, si illi non possit ex aliis bonis debitoris, vel ab hæredibus & fidejussoribus ejus satisfieri.

Art. 27. Circa usuras statutum est, ut si plures usuræ, quàm unius anni persolvendæ essent, & de illis creditor fidem habuerit, vel eas judicialiter non postulaverit, tunc cum sorte principali (esto instrumentum obligationis aliter sonet) tantum unius anni usuræ, & quæ duran-

rante processu edictali forti acceperunt, decernantur: nisi creditor singulis annis Usuras judicialiter postulaverit, & hanc suam diligentiam docuerit, nec tamen Usuras annuas consequi poterit, quo casu in eadem classe usuræ resi-

duz decernantur, prout in facti contingentia obtinuit Facultas Theologica Ingolstadtensis. De his omnibus videri possunt accuratissimi tractatus Arnoldi Rathi, & Sebastiani Khraiffieri, quæ ad ius commune examinantur.

## C A P V T IV.

### DE JURIS REMEDIIS, QUIBUS SUCCURRITUR DEBITORIBVS CONTRA CREDITORES, ET ALIIS CAUSIS EXCVSANTIBVS A RESTITVTIONE.

#### CONTROVERSIA I.

*Verum Debitores sine culpa sua per hostilem incursum redacti ad tantam inopiam, ut soluendo non sint, possint incarcerari, vel saltem compelli ad præstandas operas Creditori.*

#### S V M M A R I V M.

**M**orosus debitor potest mitti in carcerem tadialem, seu obedientialem. 425.

Qui contumax non est, non potest incarcerationi. 426.

Limitatio quedam non admittitur. 427.

Potest Debitor pacto se obligare in casum non factæ solutionis ad præstandas operas. 428.

An possit Iudex ad instantiam creditoris compellere debitorem, qui non est soluendo, ad præstandas operas. 429.

Probabile est, ius resistere huiusmodi additioni, quæ alioquin iure naturæ fieri possit. 430.

Aliud statuitur de Redemptis, aliud de debitoribus. 431.

Explicatur Lex 20. §. 1. ff. de acquir. hæred. 432.

424. **O**ccasionem huius Controversiæ dedit facti species proposita Clarissimo viro D. Collegæ Casparo Manzio, & ab eodem resoluta Dec. 1. Patrocinij Debit. & est hæc. Civis quidam Augustanus creditur Anno 1630. rustico bis mille florenos, hoc pacto, ut spatio trium mensium post renuntiationem factam infallibiliter iterum pecunias ei restitueret. Post biennium accidit, ut Regis Sueciæ hostiles copiæ intruerent, totam viciniam devastarent, unde debitor ille ad tantam paupertatem redactus est, ut vix victum haberet, & agros (omnino steriles factos) colere non posset. Creditore deinde, post depulso hostes, pecuniam repente. excepit Debitor, jam non esse tempus solvendi, sed exposcenda

meliora tempora. Quæsitum est, utrum huiusmodi debitores possint incarcerari, vel saltem compelli ad præstandum operas & serviendum tantisper, donec creditoribus ut sic satisfiat.

425. Pro resolutione supponitur, quod morosus debitor, & de quo verisimile est, quod soluendo sit, possit mitti in carcerem, non quidem pœnalem, sed, ut vocant, tadialem, seu obedientialem, quod colligunt DD. ex L. 2. C. de exactoribus tribuit. ubi Imp. Constantinus ad populum sic statuit. Nemo carcerem plumbatarumque verbera, aut pondera, aliæque ab insolentia Iudicum reperta supplicia in debitorum solutionibus expavescat. Carcer pœnalis, carcer noxiorum hominum est, &c. Sequi juxta præsidem transeant solutores: vel certe si quis tam alienus ab humano sensu est, ut hæc indulgentiâ ad contumaciam abutatur, conineatur aperiâ & liberâ, & in usum hominum institutâ custodiâ militari. Et licet Imperator loquatur de debitoribus Fisci, Befoldus tamen & C. Manzius etiam ad privatum extendunt, approbante consuetudine quotidianâ plurium Nationum.

426. Ex hac ipsâ aurem Lege per argumentum à contrario colligitur, eum qui contumax non est, incarcerationi nec posse nec debere. Unde pro resolutione casus subsumitur. Atqui qui notoriè soluendo non est, & quidem sine culpa sua, non est contumax, non enim ideo non solvit, quia non vult, sed quia non potest: ergo talis non est incarcerationandus. Et hæc ratio mihi sufficit; alias rationes non moror nec contemno:

temno : nam licet plerumque verum sit, horum debitorum incarcerationem non servire ad obtinendam solutionem, eò quòd non habeant media : in multis tamen locis aliter se res habet, ubi nimirum pro hujusmodi incarcerationis largæ impetrantur elemosynæ ( ut Romæ videre licet ) quibus sua debita possint expungere, & à carcere liberari.

427. Minus adhuc asequor, cur doctrinam traditam limitari posse putet citatus auctor n. 93. Nempe ut incarcerationi possit debitor ille, qui sic bonis suis exutus alios suos debitores eodem infortunio oppressos temerè vexet, & rigorosè exigat; probans hanc limitationem ex processu Evangelico Matth. 18. Nam, ut mihi videtur, hæc non est limitatio Conclusionis & doctrinæ positæ. Quia talis debitor, qui habet alios debitores, non est ex numero eorum, qui penitus solvendo non sunt; & ratione illius adhuc utilis est incarceration, ut cedat actiones contra suos debitores quas habet, seu, ut offerat nomina certa & idonea suorum debitorum. Possit ergo talis incarcerationi, non præcisè propter crudelitatem in debitores exercitam, sed propter contumaciam, sicut ille Evangelicus debitor incarcerationi potuisset, nisi patientiam rogasset. Post duritiem autem exercitam in conservum suum non ad carcerem trādialē, sed ad pœnalem damnatus est, traditus enim est tortoribus. Itaque: vel debitorum debitoris ponuntur esse solvendo, vel non esse. Si primum, & sunt contumaces, jure agit petendo eorum incarcerationem à Magistratu: si non sunt solvendo, & à creditore propria auctoritate incarcerationi, meretur utique & ipse incarcerationi, sed carcere pœnali, non trādiali, qui ob solam contumaciam infligitur. Et hæc de prima parte tituli.

428. Quoad 2. Partem tituli, conveniunt DD. posse debitorem pacto se obligare in casum non factæ solutionis tempore convento ad præstandas operas tamdiu, donec per earum valorem satisfiat creditori pro debito, perinde ac si illam pecuniam per modum anticipatæ mercedis accepisset. Ratio est, quia antecederet ad contractionem debiti posset absolute suas operas locare & in stipulationem deducere L. 3. ff. de Usu & Usufructu, &c. Hominis quoque liberi opera legari possunt, sicut locari, & in stipulationem deduci, ergo etiam poterit sub conditione: si tali tempore non solverit. Unde etiam merito inferretur, non fore iniquum statutum, quo constitueretur, ut qui solvendo non esset, saltē culpā suā, imò etiam sine culpa, ut, inquam, teneretur ad operas statui suo convenientes, & à debitor sine extraordinario gravamine, v. g. vilitudinis, præstabiles præstandas: & hujusmodi statutum existat in iure Saxónico, ut refert Schneidewein §. ult. Inst. de actionib. n. 18. unde inferret, quòd illo jure non sit locus beneficio cessionis bonorum.

429. Restat ergo Controversia inter ICtos, an seculo pacto & statuto possit Iudex ad instantiam Creditoris compellere debitorem, qui non est solvendo, ad præstandas operas & serviendum modo suprà dicto. Videtur autem nihiltota quæstio tandem eò reducenda, utrum tali additioni jus positivum resistat. Si enim nullā lege resisteret, non video, cur non possit autoritate Magistratus talis additio fieri, si enim hæc non posset fieri, deberet resistere Ius naturale; atqui hoc non resistit: non solum enim non est iniquum, sed potius æquitati admodum consentaneum, ut homo viribus valens, & laboribus inutritus servio ad tempus suo creditori, qui illi antea indigo gratis subvenit credendo, dandòque mutuas pecunias: deinde in plurimis casibus, ut in progressu videbimus, potest supplere Magistratus, & expedit ut suppleat voluntates subditorum: cum ergo, ut vidimus, jura permittant, ut quis sponte se pro debito obliget ad operas hujusmodi præstandas, poterit utique cum æquitate naturali consistere, ut à Magistratu talis voluntas suppleatur, & jubeatur tales operas exhibere. Videndum ergo est, an Ius positivum ex quadam commiseratione erga debitores sine culpa insufficientes ad expungenda nomina & debita voluerit resistere additioni talium ad operas.

430. Censeo probabilem esse plurium Iuristarum sententiam, quòd Ius tali additioni resistat, & quidem in Legge ob *as alienum* 12. C. de obligat. & action. quæ sic habet. *Ob as alienum servire liberos creditoribus jura compelli non patiuntur.* Ubi per *tòd servire* non tantum intelligitur, *servum fieri*: sed etiam: ad serviles operas ad tempus obligari. Aliæ rationes quas Iuristæ quidam moderni ex indignitate rei, ex paritate incarcerationis, &c. deducunt ad longum, me nihil movent, quia plus probant, quàm ipsi velint, nempe, nullo statuto posse talem addicendi potestatem iudicibus aut Magistratibus dari, quod tamen illi ipsi fieri posse affirmant. Imò tandem videntur ipsimet supponere, quod diximus, dum ad objectiones in genere respondent, *æquitatem non scriptam scriptæ legi succumbere & subjacere, & tunc tantum universales illas æquitatis regulas attendi debere, cum lex specialis deficit.* cap. fin. de Transact. quibus verbis manifestè fatetur, nullam fore iniquitatem, sic addici ad operas, si lex non obstat. Argumenta itaque quæ pro illicita additione adducunt ex rei indignitate, vel nihil probant, quia nimium probant, vel hoc solum probant, quòd Legeslatores Diocletianus & Maximianus rationabiles causas habuerint, suâ lege talem additionem prohibendi. Vtrum autem Lex allegata ubique recepta sit, nihil possum affirmare. De Jure Saxónico jam dixi. Matthæus Brunus q. 6. n. 7. testatur se Romæ vidisse contrarium prædicari.

431. Obji-

431. Obijciunt Adversarii 1. Redempti ab hostibus debent solvere pretium redemptionis, vel servare per quinquennium redemptori, alimenta autem eis præstita reddere non tenentur, ut habetur *L. fin. C. de Captiv. & postlim. revers.* (itā allegant adversarii, rubrica aliter est scripta: *de Postliminio reversi & redempti ab hostibus.*) ergo idem de aliis debitoribus dici potest. 2. Negando consequentiam, quia Jus aliud de Redemptis, aliud de debitoribus constituit. Et quidem causam diversam esse nemo non videt. Qui enim ab hostibus redimitur, à servitute vera redimitur, & libertatem recuperat, quæ inestimabilis est *L. libertas 106. ff. de Reg. J.* & qui civiliter mortuus erat, vitam civilem statimque recipit: ergo per Redemptionem quantumvis hac lege factam, ut per quinquennium serviret, plurimum lucratur: omnia alia contingerent in eo, qui sine culpa in egenorum numerum redactus ob debitum ante contractum servire cogere- tur, sicque afflictio afflictio adderetur. Alia disparitatis ratio ponitur in l. 2. eod. *ab hostibus redempti* (inquit Gordianus Imperator) quoad exsolvat pretium, magis in causam pignoris constituti, quam in servilem conditionē esse detracti videntur, &c. deinde vocat hoc naturalis pignoris vinculum. Ecce! redemptus est quasi pignoris loco, quid mirum ergo, si à Redemptore detinetur, donec pignus luat?

432. Obijciunt 2. Ex l. pro herede 20. §. si quid tamen 2. ff. de acquirenda vel amitenda heredit. ibi. cum petitor (operatorum) etiam creditoribus comperat, maxime futurarum. unde glossa deducit, creditorem ad operas contra debitorem agere posse. 2. Legem illam aperte loqui de Operis libertorum, quæ peti possunt à Creditore patroni (cujus debitor etiam est libertus) in casu quo potest debitor debitoris conveniri propter inopiam immediati debitoris, de quo est titulus C. Quando Fiscus vel privatus debitoris sui debitores convenire possit vel debeat.

## CONTROVERSIA II.

Quinam & quomodo gaudeant Debitores Beneficio Cessionis.

### SUMMARIUM.

Quomodo & quibus debitoribus concedatur beneficium Cessionis. 433.  
Quanam personæ sint privilegiatæ, ut ob debita incarcerationi non possint. 434.  
Personæ non privilegiatæ habent electionem inter Carcerem & Cessionem. 436.  
Quid operetur Cessio bonorum. 436.  
Quanam personæ excipiantur à Carcere & Cessione bonorum. 437.  
An qui nihil habet possit bonis cedere. 440.

*Nova interpretatio Novellæ 135. Cassari Man- rii. 441.*

*Nostri ejusdem Novellæ interpretatio. 442.*

*Quibus debitoribus denegatur beneficium Cessionis. 443.*

*Quid de jure Bavarico. 444.*

*De induciis quinquennalibus. 444.*

*An cedens bonis possit bonâ conscientia aliqua occultare. 445.*

*Virum hæres negligens inventarium gaudeat hoc beneficio. 446.*

*Virum debitor petens cedere bonis admittendus sit nullo creditore urgente. 447.*

*Verum filiosfam. cogatur etiam cedere bonis adventitiis quoad proprietatem. 448.*

*Verum beneficium Cessionis, & induciarum proficet etiam fidejussoribus. 450.*

433. **D**ebitoribus illis, qui non in fraudem Creditorum sua bona dilapidarunt, neque sunt debitores ex delicto, succurritur Beneficio Cessionis bonorum l. 1. C. qui bonis cedere possunt: *Qui bonis cesserint, nisi solidum creditor receperit, non sunt liberati.* In eo enim tantummodo hoc beneficium eis prodest, ne iudicari detrahantur in carcerem. hoc est, ut sua bona iudici tradant, ut inde, quantum substantia patitur, Creditoribus satisfiat, itā quidem, ut nec alimenta necessaria relinquantur de Iure, sed solus vilis vestitus, exceptis illis, qui adhuc alio privilegio muniti sunt, nempe Beneficio Competentiæ, hoc est, ut non possint in plus conveniri, quam salvâ competente sustentatione præstare possunt. Pro cuius legitimo intellectu

434. Observandum est primò, debitorem debitis gravatum, & in Iudicio convictum nec de fuga suspectum habere sibi concessum à Iure spatium quatuor mensium, intra quod si Creditoribus non satisficiat, urgentibus Creditoribus, Iudicis officio pignora capiuntur (quæ judicialia nuncupantur) hoc est, ludeus inquit, an inter bona debitoris inveniat aliqua, quæ publicâ subhastatione vendi possint. *Lege. 2. C. de usuris rei iudicata. Eos qui condemnati solutionem pecuniarum, quas dependere iussi sunt, ultra 4. menses à die condemnationis distulerint, centesimas usuras exigi præcipimus, &c.* Et siquidem sufficientia invenit, ea vendit, & inde satisfacit Creditoribus: quod si verò non invenit, vel invenit quidem, sed non invenit emptores, eò quòd debitor non det fidejussores de eviçione, tunc debitor, petentibus creditoribus, & nisi sit persona privilegiata, incarcerationi tamdiu, donec Creditoribus satisficiat. Hoc autem intelligendum est, juxta dictā præcedenti Controversiâ, de illis debitoribus de quibus non satis constat, sintne solvendo nec ne. Nam eos, qui notoriè solvendo non sunt, diximus ideo non posse incarcerationi, quia non sunt contumaces. Porro personæ privilegiatæ sunt primò Mulieres honestè viventes, quæ



quæ pro debito civili incarcerationi non possunt.  
*L. 1. Tunc aut. C. de Officio diversorum Iudicum.*  
*auth. hodie novo jure. C. de Custodia reorum.* Adeo  
 ut mulier velint, hoc verum esse, etiam si mulier  
 recuset bonis c. dere. Idque colligitur ex No-  
 vella 134. cap. 9. *Necessarium verò credimus il-*  
*lud competenti adjutorio emendare, ut nulla mulier*  
*de qualibet re includatur, aut custodiatur: sed si qui-*  
*dem pro fiscalibus debitis, aut privatis pulsetur, se-*  
*cundum Legem mulier, aut per virum suum, aut per*  
*se, aut per quam voluerit personam, legiimè respon-*  
*deat, & transgat rem.* Quæ Constitutio cum sit  
 universalis, non satis video, quò fundamento  
 restringat Covarruvias: *L. 2. variar. resol. c. 1.*  
*n. 3. Nisi debitum causâ criminis contractum fuerit.*

435. Secundò privilegiati sunt milites ar-  
 matæ militiæ, qui non possunt conveniri ultra  
 id, quod salvâ conditione suâ facere possunt. *L.*  
*Miles 6. & L. item Miles 18. ff. de re judic. Miles*  
*qui sub armata militiâ stipendia meruit, condemnatus*  
*est, quâ facere potest, cogitur solvere.*

Tertiò privilegiati sunt Nobiles & Illustres  
 ex communione DD. volentium, eos gaudere  
 Beneficio Competentiæ.

Quartò privilegiati sunt alii in dignitate  
 constituti, ut Doctores, & Professores. *L. Medic.*  
*6. C. de Professorib. ibi. Nec ad iudicium deduci,*  
*nec eximi, vel exhiberi, vel injuriam pati: ut si quis*  
*eos vexaverit, pœnâ arbitrio iudicis placeatur.*

Quintò Clerici gaudentes privilegio fori:  
 nisi de fuga suspecti essent.

436. Observandum 2. Pro debitoribus,  
 qui juxta dicta incarcerationi possunt, introductum  
 esse remedium, seu beneficium flebile quid-  
 em & miserabile, ut possint unum ex duobus  
 malis eligere, Carcerem, vel Cessionem bono-  
 rum, quâ possunt carcerem declinare. Hæc igitur  
 Cessio duo operatur, primum est, quodd præstet  
 debitorè immunem à carcere propter debita: se-  
 cundum (& hoc magis universaliter, quia etiam  
 in illis, qui incarcerationi non possent) ut quoad  
 bona quæ postmodum acquisituri sunt, non  
 possint iterum cogi, ad cedendum illis, sed ex  
 illis solùm teneantur solvere restantia debita,  
 quantum commodè possunt: & ità de his bonis  
 posterioribus, non verò de prioribus intelligen-  
 da est Lex. Qui bonis. *6. ff. de Cessione bonorum,*  
*dicens. Qui bonis suis cessit, si modicum aliquid post*  
*bona sua vendita acquisivit, iterum bona ejus non ve-*  
*neunt. Quam Lessius perperam de bonis ante*  
*cessionem habitis intelligi posse putavit, ut etiam*  
*notavit P. Dicalillo.*

437. Observandum 3. Inter illas etiam  
 personas, quæ ceteroquin ratione carceris pri-  
 vilegiatæ non sunt, adhuc aliquod esse disci-  
 men: nec enim universim omnes cogi possunt  
 ad cessionem bonorum, vel carcerem sustinen-  
 dum: excipiuntur enim iure novo Novella 137.  
 illi debitores, qui jurejurando affirmant, quodd  
 nihil ad solvendum reliquum habeant, & præ-

terea non suâ culpâ, & negligentia, sed ex ac-  
 cidenti adversus calibus, ut calamitare belli, in-  
 cendio, naufragio, &c. ad inopiam redacti  
 sunt.

438. Porro Novellæ hujus Constitutio-  
 nem hætenus DD. communi sensu arbitrati sunt  
 illis solis beneficium conferre, qui penitus ni-  
 hil amplius in bonis habent, idque videntur so-  
 nare verba. *Jusjurandum tamen per adoranda præ-*  
*beat eloquia, quod nullam rerum causâ occasionem,*  
*aut aurum reliquum habeat, unde aris alieni supple-*  
*mentum faciat.*

439. Verum continuò se ingerit difficul-  
 tas: quodd hoc modo intellectum beneficium  
 evadere videatur planè ridiculum & nugato-  
 rium: qui enim nihil prorsus habet, quomodo  
 bonis cedet? cessio enim bonorum debet  
 esse præsentium non futurorum, nam futuris  
 tantum abest, ut quis cedere cogatur, ut potius in  
 hoc consistat utilitas cessionis, ut bona futura  
 acquirere possit cum beneficio competentis:  
 ergo ille qui nihil penitus habet, bonis cedere  
 non potest: ergo seclusâ omni constitutione  
 & beneficio Imperatoris, si juret se nihil ha-  
 bere, neque apparet eum aliquid habere, non  
 videtur posse cogi ad cedendum bonis cum ali-  
 qua utilitate creditorum: quid ergo beneficii  
 consequitur ex Novella citata, in qua tamen  
 hoc beneficium multum extollitur?

440. Ad hanc difficultatem responde-  
 runt aliqui cum Gregorio Tolofano, non esse  
 impossibile, eum etiam cedere bonis, qui nihil  
 prorsus habet (quod tamen supponitur in *L.*  
*7. C. qui bonis cedere possunt.*) adhuc enim talibus  
 prodest cessio bonorum, ut deinceps vexari non  
 possint, & futuris bonis quietè frui. Sed hac  
 responsione difficultas non solvitur, imò nec  
 tangitur. Non enim quærimus, quid utilita-  
 tis talis cessio afferat debitori, sed petitur, ut  
 explicetur, quomodo possit esse Cessio bonorum,  
 ubi nulla bona sunt, cum non entis nullæ sint  
 qualitates? deinde non est hoc modo declara-  
 tum, quomodo à Creditoribus ad hanc ces-  
 sionem cogi posset debitor, si Novella non ex-  
 staret: nemo enim rectè cogit alium ad illud,  
 quodd sibi non prodest, sed potius obest: at-  
 qui talis cessio creditoribus nihil prodesset, sed  
 potius obesset, quatenus induceret beneficium  
 Competentiæ.

441. Casparus Manzius novam quidem  
 & singularem, nec tamen improbabilem inter-  
 pretationem illius Novellæ facit, docetque,  
 eam intelligendam esse, non de illis, qui peni-  
 tus nihil habent, sed de illis, qui adhuc ha-  
 bent ruinosas ædes, incultos agros, qui for-  
 tasse intra aliquot annos non facile coli pos-  
 sent, &c. dummodo nihil habeant in censu;  
 tales, inquam, vult cogi non posse ad cedendum  
 suis bonis quæ habent. Hanc interpretatio-  
 nem, quæ ex verbis Novellæ difficultatè impug-  
 nabitur.

nabitur, ideo non libenter amplector, quia videtur Novella aliam interpretationem verbis Novellæ & finis illius magis consentaneam, recipere.

442. Quod ergo ante hac, in libello de Contractibus sine auctore dixi, nunc iterum dico, postquam Novellam accuratius perpendi: dico inquam, posse Cessionem illius, qui de presenti nihil scit se habere, non esse ridiculam aut chymaticam, nec penitus inutiliter urgeri, ac exigi posse à creditoribus, cum molestia, & afflictione calamitosi debitoris, nisi beneficio allegatæ Novellæ munitus esset. Certum enim est, cum, qui determinatè quidem nihil scit in suis bonis esse, posse tamen à parte rei aliquid in bonis habere, seu corporale, seu incorporale, cuius tamen dominium ipse ignoret, huiusmodi res seu jus, si postmodum pateat, non perirebit ad bona futura post cessionem, cum jam antè fuerit illius Dominus. Possent ergo creditores cogere debitorem, ut cedat bonis omnibus, etiam illis, quæ fortè se habere ignorat, ut, si postea aliqua innotescant, cedant creditoribus. Porro quia hæc aliquis quidem, sed exigua valde utilitas esset creditorum, propter modicam spem aliquid consequendi, Cessio verò bonorum semper sit conjuncta cum aliqua civili macula, quam omnes horrent, & quam horruit Zozarius in dicta Novella, scilicet, eò devenisse, ut publice constet non fuisse solvendo, ideo Imperatori iniquum vitum est, licere creditoribus ob tam exiguam spem tali notâ afficere calamitosos debitores, ac proinde vetuit eos cogi ad cedendum bonis suis: sed voluit sufficere, quòd præstet Jusjurandum, quòd nullam rerum causâ occasionem (colligendi scilicet res) vel aurum reliquum habeat, unde eris alieni supplementum faciat. Præterea (notentur sequentia, quibus interpretatio firmatur) si qua ipsi jura Lex, vel ex hereditate, vel cognatorum donatione in rebus mobilibus præstet, in quarum possessione nondum constitutus sit, competere tamen ipsi videantur, possintque creditores, vel partem ex iis, vel etiam totum colligere, extra tamen res uxoris, siquidem reverà ad illam pertineant, hoc fiat, creditoribusque huiusmodi actionum vindicandi, & in personam ejus, qui aliquando iurum futurus sit Dominus, actiones instituendi, si præsens debitor est, si non, & (ut simpliciter dicamus) quoad actionem & vindicationem rerum constituendi in persona ejus, qui ita fuerit obnoxius, licentia sit. Ecce: bona incerta, quibus cedere posset, nisi Novella prohiberet. Simile quid insinuare mihi videtur Cujacius in dictam Novellam, dum ait, creditoribus pro extremo subsidio dari ius, quantum poterint, bona debitoris conquiritendi, & vindicandi: videtur autem loqui de bonis, quorum bonorum exigua spes est, & utrum existant, incertum est. Et hæc circa beneficium dictæ Novellæ, quæ

tamen Iure Bavarico non observatur, ut jam dicam.

443. Observandum 4. Beneficium hoc cessionis, quantumvis flebile, jure communi tamen quibusdam debitoribus denegari, & ne quidem volentes admitti. Negatur ergo imprius illis qui ex delicto debent, juxta juris Regulam, qui non habet in ære, luat in corpore, hoc est, in carcere. *L. generaliter. ff. de pænis.* Huc revocari possunt, qui bona sua in fraudem Creditorum alienarunt; quia nemini fraus & dolus patrocinari debet. *L. 1. ff. de dolo.* qui spe futuræ cessionis contraxerunt: quia lex malitias non fovet: modò de ea voluntate constet indubitatè: qui bona sua per prodigalitatem consumpserunt: quia, cum suâ turpitudine inopiam sibi causari sint, commiseratione non sunt digni. qui scientes, se non esse solvendo, res alienum contraxerunt. qui foro dolosè cedunt. *L. Fulcinius. 7. §. 1. ff. quibus ex causis in possessionem eatur.* Pretor ait, qui fraudationis causâ latitavit, si boni viri arbitratu non defenditur, ejus bona possideri, vendique jubebo. Et hi ex Conflit. Caroli V. habentur pro futibis manifestis. qui bona vel partem celarunt dum cederent. *Quia frustra Legis auxilium implorant, qui in legem committunt. C. quia frustra. de usuris.* denique secundum multos (repugnante licet Harpprecht) qui ab initio negavit debitum, & deinde fuit convictus, & condemnatus: sed jus desidero.

Secundò ob favorem creditoris non permittitur cessio tutoribus ex administratione tutelæ conventis, nec locorum piorum administratoribus secundum Tuldenum, in quo tamen consuetudo loci, vel specialia statuta consulenda sunt.

444. Tertiò Ins Bavaricum tit. 13. *L. R. a. 1.* caver, ne quis ad cessionem admittatur, nisi constet, quòd inevitabili necessitate & casu improvviso sine culpa sua ad eam inopiam pervenerit, ut solvendo non sit. Quamvis Serenissimus Bavariz Dux & Elector Maximilianus felic. mem. 11. April. 1635. ad status suos scribens multum temperaverit Iuris rigore, interdicens, ne contra debitores modernos bellico infotunio afflictos pro rigore justitiæ modis aliquin consuetis executionis procedatur.

Observandum 5. Quando creditores debitorem adiungit ad cedendum bonis, potest debitor non suspectus de fuga petere à Creditoribus inducias quinquennales ad solvendum, ne cogatur cedere bonis. quæ si concedantur, elapso quinquennio, imò nec antè, non licet amplius debitori confugere ad beneficium cessionis, sed vel est illi integrè solvendum, vel detrudendus est in carcerem, quousque integrè solvat. Ità habet glossa in *L. fin. C. qui bonis cedere poss.* Quam Doctores communiter sequuntur: in qua Lege etiam edocetur, qualis Creditorum consensu

senſus requiritur. Lex ita habet. *Cum ſolito more à N. M. petitur, ut ad miſerabile ceſſionis bonorum homines veniant auxilium, & electio detur creditoribus, vel quinquennale ſpatium eis indulgere, vel bonorum accipere ceſſionem, ſalvâ eorum exiſtimatione, & omni corporali cruciati ſemoto, &c. Sancimus, ut vel ex cumulo debiti, vel ex numero creditorum cauſa judicetur. Et ſiquidem unus creditor omnibus aliis gravior in ſumma debiti inveniatur, ut omnibus in unum coadunatis, & debitis eorum computatis, ipſe alios antecellat, ipſius ſententia obtineat, ſive indulgere tempus, ſive ceſſionem accipere deſiderat, &c.* His obſervatis

445. DUBITATUR 1. An, qui cogitur bonis cedere, ita ut nihil niſi veſtes ei relinquereantur, ſi omnia indicaret, poſſit ſalvâ conſcientiâ occultare aliqua, unde tenuem victum habere poſſit. Ad hoc dubium reſpondendum eſt ex illis quæ ſuperius dicta ſunt de licentia accipiendi aliena in caſu neceſſitatis. Theologi communiter reſpondent affirmativè. Quia Leges jubentes omnia manifeſtari, ſunt pœnales. Quodſi per manifeſtationem omnium incurſurus eſſet debitor extremam vel etiam gravem neceſſitatem, iniqua eſſet iudicis ſententia, quæ eum omnibus privaret: quia ſus Naturæ illi concedit poteſtatem auferendi aliis, quantum opus eſt ad talem neceſſitatem pellendam, ſuntque pro tali caſu omnia bona communia. Imò Harpprecht luſitſa in §. ſin. Inſt. de act. n. 28. docet, æquiorẽ & humaniorẽ eſſe ſententiam exiſtımantium, debitori cedenti aliquid victus gratiâ relinquendum eſſe. & teſte Manzio in Germania relinquuntur Opificibus inſtrumenta neceſſaria ad quærendum victum.

446. DUBITATUR 2. Vtrum hæres negligens beneficium Inventarii conſtituendi, ſi deinde non ſit ſolvendo creditoribus defuncti, gaudeat adhuc beneficio Ceſſionis, vel ſit incarcerationandus? Negat illo gaudere Matthæus Brunus tr. de Ceſſ. bon. quæſt. 4. q. 6. Sed rectius alii affirmativam tenent. Probatur. Quia non aliter tenetur hæres, quàm tenebatur defunctus ær. l. ſin. §. 14. C. de Jure deliberandi. & Nov. 1. c. 2, §. 2. ſuo loco referendis. Sed defunctus poteſt cedere bonis. ergo & hæres poterit: quia ita eſt hæres bonorum, ut etiam ad eum tranſeant beneficia unâ cum oneribus.

Objicit Brunus 1. In eo, qui inventarium non conſtitit, præſumitur dolus, & ſubtracſio, & quod hæreditatem opulentam invenierit, alioquin beneficium Inventarii non neglexiſſet. Nov. 1. c. 2. §. 1. verò non conſecrerit. L. ſin. C. de Jure deliber. æ. 1. In allegatis textibus (quos etiam in proprio loco referam) nihil haberi de præſumptione fraudis, ſed de negligentia, & nimia præſidentia in ſubſtantia hæreditatis. æ. 2. Etiamſi hujusmodi præſumptio eiſet, ea poſſet contrariis probationibus, atque adeo etiam bo-

norum excuſſione elidi, quia non eſſet præſumptio Juris & de Jure.

447. Objicit 2. Pœna neglecti inventarii eſt, ut in ſolidum hæres teneatur creditoribus hæreditariis. L. ſin. ch. §. 12. & 13. & 14. æ. Ex hoc plus non probati, quàm quòd debeat hæres in deſectum hæreditatis ex proprio patrimonio debita ſolvere: non autem probat, quòd ſi nec ex patrimonio ſit ſolvendo, debeat incarcerationi, & non poſſit bonis cedere.

DUBITATUR 3. Utrum Debitor petens cedere bonis admittendus ſit, nullo creditore urgente debiti ſolutionem? Affirmare videtur Treutlerus diſp. 24. th. 4. per textum in lege penult. & ultima ff. de Ceſſione bonor. ubi dicitur, quòd ceſſio bonorum fiat non ſolum in iudicio, ſed etiam extra iudicium: ergo (inſert) debitor etiam non conventus poteſt cedere bonis. Reſpondetur tamen, non eſſe quidem neceſſe, ut judicialiter conveniatur, ſufficere tamen & requiri, ut vel Judicialiter, vel extrajudicialiter fuerit à creditore moleſtatus. Ratio eſt, quia volens uri hoc miſerabili beneficio nemine urgente merito ſuſpicionem moveret de fraude committenda in occultatione bonorum: quare Creditores jure poſſent reſcure ceſſionem bonorum, & malle dare inducias, ut integram ſolutionem acciperent.

448. DUBITATUR 3. Si filiusfamilias cogatur bonis cedere, utrum etiam cedere poſſit, ac debeat bonis adventitiis, ſaltem quoad proprietatem, ſi penes patrem ſit Uſufructus. Affirmat Brunus & Treutlerus. ſed rectius negat Hunnius. Probatur ex generali ratione. quia Ceſſio bonorum non ſit in ullis bonis, quæ alienari non poſſunt, quia in talibus bonis executio fieri non poteſt, quæ eſt finis Ceſſionis. atqui filiusfamilias non poteſt proprietatem bonorum adventitiorum alienare ſine conſenſu patris habentis uſumfructum, cùm agatur de præjudicio patris. L. ſin. §. filiis autem. C. de bonis quæ liberis in poteſtate conſtit. acquiruntur. etiam ſuo loco referendis. Ergo, &c.

449. Objiciunt textum L. 7. C. qui bonis erd. ubi aſſeritur, quòd filiiſam. habentes Caſtrenſia vel alia bona, quæ patribus non acquiruntur, poſſint ratione illorum cedere bonis. atqui, præter Caſtrenſia & quali, non poſſunt eſſe alia bona filiiſam. quàm adventitia: ergo vi illius legis poteſt in hiſ fieri ceſſio. æ. Imò ex textu probatur, quòd illa ſola bona adventitia ibi intelligantur, in quibus filiiſam. plenum dominium habet, quia hæc ſola dicuntur patri non acquiri ſicut nec Caſtrenſia. Sic habet lex. Cùm & filiiſamilias poſſint habere ſubſtantias, quæ patribus acquiri vetitæ ſunt, nec non peculium vel caſtrenſe, vel quod patre volente poſſident, quare ceſſio bonorum eis deneganda ſit?

450. DUBITATUR 4. An beneficium cessionis, & quinquennialium induciarum prodest etiam fideiussoribus, ita ut, sicut principalis debitor non potest intra tale tempus conveniri, fideiussores non possint, sicut nec post factam cessionem. *¶* Cum communi Iuristarum sententia negativè. Probatur 1. Exceptiones personales, seu personæ specialiter concessæ non prosunt fideiussoribus. *L. Exceptiones quæ personæ. 7. ff. de Except. Exceptiones quæ personæ cujusque coherens, non transeunt ad alios, veluti ea, quam socius habet exceptionem, quod facere possit, vel patens patronusve: non competit fideiussori.* sic mariti fideiussor post solum matrimonium datus in solidum dotis nomine condemnatur. Atqui talis est exceptio cessionis bonorum, & concessarum induciarum, ergo. Hunnius negat minorem (quamvis sententiam teneat) quia, inquit, cessio bonorum non tribuitur certæ alicui personæ, vel ratione certæ alicujus qualitatæ, sed potius tribuitur inopie. Sed contra hoc est tum Lex allata, tum quod beneficium cessionis non concedatur inopie in abstracto, & quæ non est aliqua res, cui inhæreat, sed in concreto, alioquin plurima privilegia erunt realia, quæ v. g. mulieribus ob sexus fragilitatem, minoribus ob imprudentiam conceduntur.

Probatur 2. Ex *L. Etsi fideiussor. 24. ff. de re judic. ibi. Etsi fideiussor acceptus sit rei, vel actionis, non proderit ei, si persona, pro qua fideiussit, in quantum facere potest condemnanda sit. Si maritus solvendo non fuerit, licet ipsi marito prodest, quod facere non possit, (nempe Beneficium Competentiæ) (id enim personæ mariti præstatur) heredes ejus hoc non prodest. Ecce! hoc beneficium dicitur personæ præstari, & comparatur hæres cum fideiussore: atqui ad hæredem non transit illud Beneficium, si habeat in patrimonio proprio, & neglexit Inventarium, ut dictum est: ergo, &c.*

451. Probatur 3. Ex *§. fin. Inst. de Replacat.* Is qui fideiussorem accipit, hoc maximè intendit, & sibi prospicere vult, ut debitore facultatibus exuto, possit debitum consequi à fideiussore: ergo hoc ipso vult excludere, & excludit à fideiussore exceptionem, quam ob inopiam habet debitor principalis.

452. Obijci potest 1. Regula generalis, quod exceptiones & replicationes debitori principali competentes prosint etiam fideiussori. *§. fin. in p. l. de Replacat. L. 11. C. de Except.* Ut referam suo loco. *¶* Imò in dicto *§.* clarè continetur nostra sententia. Non enim dicit Imperator, omnes sine discrimine exceptiones, quibus debitor defenditur, competere fideiussori, sed: *plerumque.* deinde statim excipit illam, de qua est præsens questio. Sanè, inquit, *quædam exceptiones non solent accommodari.* Ecce! enim debitor si bonis suis cesserit, & cum eo creditor expariatur, defenditur per exceptionem, si bonis cesserit. (Ubi adverte, in corpore glossato irrepsisse ex-

orem, & poni voculam non, quæ debet abesse.) Sed hæc exceptio fideiussoribus non datur, ideo scilicet, quia qui alios pro debitore obligat, hoc maximè prospicit, ut cum facultatibus lapsus fuerit debitor, possit ab iis, quos pro eo obligavit, suum consequi. Itaque illæ solæ actiones conceduntur fideiussori, quæ aliquo modo rei cohereant, qualis est: exceptio pacti conventi, rei judicatæ, doli mali, metus, jurisjurandi, &c. Eandem responsionem adhibet glossa Legi. 11. cit. & dat aliud exemplum exceptionis, quæ non convenit fideiussori, nempe Restitutionis in integrum.

## CONTROVERSIA III.

### Quibusnam conveniat Beneficium Competentiæ.

#### SUMMARIUM.

Quid sit Beneficium Competentiæ. 453.

Quibus concedatur. 454.

An conveniat Doctores. 457.

Utrum Clericis. 458.

An Sacerdotibus. 459.

Utrum Debitores inculpabiliter non solvendo gaudeant hoc Beneficio. 460.

453. Beneficium Competentiæ est privilegium quorundam Debitorum, ut conveniri non possint ultra id, quod commodèolvere possunt: hoc est: quin illis relinquenda sit competens sustentatio, ut postea explicabitur.

454. Convenit imprimis Parentibus conventis à suis liberis, & e contra. *L. 16. C. 17. ff. de re judic.* Ratio est, quia filii jubentur à Legelalere parentes inopes, & e contra. *L. 5. §. 13. ff. de agnoscend. & alend. lib.*

455. Secundò convenit fratri germano adversus fratrem, eò quod sibi invicem alimentata debeant, ut sentiunt communiter Juristæ.

Tertiò convenit socio adversus socium. *L. 16. cit. §. sed etsi quis. l. de act. Patrono adversus libertum.*

456. Quartò, qui ex liberalitate, vel donatione convenitur. *§. sed etsi cit. Quintò Militi armatæ militiæ. L. 6. C. 18. ff. de re jud.*

Quintò convenit Marito adversus uxorem repetentem dotem. *L. 17. cit. §. item si de dote. l. 1. c. l. 12. C. seqq. ff. soluto Matrim.* Quod Doctores etiam ad socerum extendunt. per *L. 15. §. fin. ff. eod.*

457. DUBITATUR 1. An etiam conveniat Doctores Iuris, & Advocatis, Magistris, & Professoribus. Negant Udalricus Zasius, Duarenus, & Hunnius. Alii tamen plures affirmant. Et licet non habeant isti pro se clarum textum Iuris, sed potius contra se habere videantur Legem 6. ff. de re judicata. sup. relata, ubi



in specie Militi armato hoc privilegium conceditur, adeoque diversum videatur supponi in Milite togato, nihilominus valde illis favet *Lex Medicos. 6. C. de Professoribus, & Medicis*. In quo loco Professoribus, & Doctoribus Iuris, nec non Advocatis datur beneficium, ut non possint propter Civile debitum ad iudicium duci, aut incarcerationi: ergo videtur hoc ipso concedi beneficium competentia: quia dum immunes sunt à carcere, non possunt cogi cedere bonis: ergo non tenentur ad plus, quam commodè facere possunt. Neque mihi satisfacit, quod dicit Hunnius, cum beneficio, ut non incarcerationi, bene stare, quòd, etsi non possint cogi ad cedendum bonis, possint tamen ad peram usque excuti, ut ne quidem necessaria ad honestè viveendum ipsis relinquuntur: nam hoc in effectu vix aliud est, quam cedere bonis; & procul videtur abesse à favoribus, quibus in dicta lege afficiuntur. Et quia lex hæc est posterior illi *L. 6. cit.* ideo bene stat, quòd etiam ad togatos fuerit beneficium extensum. Lex ita habet. *Medicos & maxime Archiatros (h. e. Medicorum Principes) vel ex Archiatris Grammaticos, & Professores alios litterarum, & Doctores Legum unà cum uxoris, & filiis, nec non Trebus, quas in civitatibus suis possident, &c. nec ad iudicium duci, nec eximi, vel exhiberi, vel injuriam pati, &c.*

458. DUBITATUR 2. Utrum Clericis competat hoc beneficium competentia. Est autem Sermo de Clericis in sacris constitutis, vel Ecclesiæ & altari proprio ministerio servientibus, ut post Covarr. *l. 2. varior. resol. c. 1. n. 9.* monet Prosp. Farinacius. Duarenus item & Hunnius negativam sequuntur ex iisdem fundamentis, ut in proximo dubio. Zalsus tamen cum communi DD. affirmat, adeo ut aliqui etiam ad omnes, qui gaudent privilegio fori, extendant. Ratio solet reddi, quia sunt milites Cœlestis militiæ, & per eos placatur ira divini numinis. *L. inter claras C. de summa Trin.* unde etiam illis bona quasi Castrensia tribuuntur *L. sacrosanctæ 32. C. de Episc. & Cler.* Alia ratio desumitur ex decentia status Ecclesiastici, ne teneantur mendicare. Denique optima ratio ex eo colligitur, quòd prohibeantur incarcerationi ob debitum civile, ut sup. dictum, & tradit Menoch. *de arbit. Judic. l. 1. q. 88. n. 8.* Farinacius *rr. de Carcerib. l. 1. c. 4. q. 27. n. 65. & seqq.* unde inferunt, eos non posse cogi ad cedendum bonis: qui autem non possunt cogi ad cedendum bonis, ex generali regula gaudent beneficio competentia, quicquid Hunnius contradicatur, ut vidimus dub. præced. Confirmari potest ex cap. *Odoardus de solutionibus*, in quo Pontifex non loquitur de Cessione bonorum, ut minus rectè interpretatur Duarenus, & post eum plures alii, sed solum asserit & statuit, quòd si non sint solvendo, cavere debeant iurejurando, se, ubi ad pinguio-

rem fortunam pervenerint, creditoribus satisfacturos. Videtur ergo Pontifex concedere Clericis illud ipsum privilegium, quod Novella 135. concedit depauperatis per infortunium: atqui his conceditur beneficium competentia ex plurimorum sententia: ergo etiam in cap. cit. id ipsum conceditur Clericis. Capitulum sic habet. *Odoardus Clericus proposuit, quòd cum P. Clericus D. Laicus, & quidam alii ipsum coram officiali super quibusdam debitis convenissent, idem in eum recognoscentem huiusmodi delicta, sed propter inopiam solvere non valentem, excommunicationis sententiam promulgavit. Mandamus, quatenus si constituerit, quòd predictus. O. vel in totum vel pro parte non possit solvere debita supra dicta, sententiam ipsam sine difficultate qualibet relaxetis, recepta prius ab eo idonea cautione, ut si ad pinguiores fortunam devenierit, debita predicta persolvat.*

459. DUBITATUR 3. An hoc beneficium competat focero? 2. Distinguendo inter focerum viri (hoc est patrem uxoris) & focerum uxoris (hoc est patrem mariti.) priori convenit hoc beneficium stante matrimonio, non item soluto, si conveniatur ratione dotis non soluta. *L. pen. ff. de Jure dot.* ibi. *Si manente affinitate dotem promissam gener à focero petit, utique in quantum facere potest focer condemnabitur. si dirempto matrimonio petitur, ex causa & persona id tribuendum puto, &c.* ut verò posteriori convenit, si conveniatur à nuru, sive stante, sive soluto matrimonio. *L. 15. §. 2. ff. soluto matrim.* Socero quoque, cum quo nurus de dote agit, idem honor habetur, ut in id damnetur, quod facere potest. & ratio subiungitur *L. 16. Quia parentis locum obtinet.*

460. DUBITATUR 4. Utrum debitor sine culpa sua per iniquitatem temporum ed paupertatis redacti ut solvendo non sint, gaudeant beneficio competentia. Ratio negandi est, quia non reperitur in Iure clarus textus, qui hoc beneficium ipsis concedat. Ex alia parte ratio affirmandi est. Nam licet in formalibus terminis non concedatur, satis est, quòd confiratur verbis æquivalentibus, hoc est talibus, quæ alium utilem sensum habere non possunt. Talia autem habentur in Novella 135. in qua certum est, novum beneficium contineri, hoc enim dicit ipse Imperator. Verba autem ad tem maxime facientia sunt hæc: *Pbi enim locorum iustum est, ut is qui in univerſum ex accidenti, non supinè negligentia res suas amississe traditus est, denuo per vim ad ignominiosam vitam transponatur, & ad quotidiani viſitæ, neque non (ut licet conſpicere) amictus corporis inopiam adigatur?* atqui (subsumunt, qui affirmant) si talis non habet beneficium competentia, debet bonis cedere, & sic ad talem statum transponi, scilicet ad vitam ignominiosam, quâ non habeat victum quotidianum, & nihil nisi vilem vestitum. Ergo, &c. Ob hanc rationem & quasdam alias affirmandum videtur cum decem gravissimis Ictis, quos refert & se-

& sequitur Casparus Manzius. Dec. 3. q. 2. *Et passim in prioribus supponit.* Video, multa hic obijci posse: præsertim, quod Ius Bavaricum hanc Novellam non recipiat, sed tales admittat ad cessionem. Verùm jam suprâ monui, Cessionem in Iure Bavarico non esse tam rigidam, ut est de Iure communi.

rei, vel causæ actio. & Imperator in L. 2. C. in quibus causis restit. necess. non est. Redintegratio amissæ causæ. Alii communius ex glossa in C. auditis. de integ. rest. sic definiunt. Est reductio in eum locum, in quo quis fuit ante læsionem.

463. Est porto hæc testitudo non nisi largæ & improprie actio. quidquid dixerit Cuia-  
gius, sed est Imploratio Judicis, seu Magistra-  
tus: unde fit, quòd non exerceatur in Judici-  
is coram Iudice Pedaneo, sed coram Magi-  
stratu. Alioquin Prætor debuisset dicere: se  
Iudicem daturum: cùm dixerit: *se animadver-*  
*surum.* L. 1. §. 1. ff. de Minorib. & *subven-*  
*turum.* L. 3. ff. h. t. Est igitur non Iurisdictio-  
nis simplicis actus, sed mixti Imperii; & qui-  
dem Imperio prævalente. L. 26. ff. ad Munici-  
palem & de incolis. ibi. *Ea quæ magis Imperii sunt,*  
*quàm Iurisdictionis, Magistratus municipalis face-*  
*re non potest. Magistratus municipalis non per-*  
*mittitur in integrum restituere.* Atqui Magistra-  
tus municipalis illis tolimomodo destituitur, in  
quibus eminet imperium, L. cit. Ergo, &c.

464. Dices. Actus Imperii est coërcitio: actus restitutionis in integrum non est coërcitio: ergo non est actus Imperii. R. Dist. Majorem. Actus Imperii coherentis Iurisdictioni simpliciter, concedo, Imperii habentis rationem principalis nego, & concessa minore distinguitur consequens eodem modo.

461. **Q**UÆRITUR nunc 1. In quo loco petenda sit restitutio in integrum. 2. Effice petendam in loco domicilii illius, contra quem petitur restitutio. Ità habetur in L. 2. C. ubi et apud quem cognitio in integrum restitutionis petenda sit. ibi. Si de his repetendis per in integrum restitutionem, vel quamcumque aliam causam putaveris agendum, ejus te adire Provincia prefides, in qua domicilium habent, quos convenias.

466. QUÆRITUR 2. An Magistratus inferior possit restituere in integrum contra sententiam Magistratus Superioris. *q.* Negativè. *L.* 18. ff. de Minorib. in pr. *Minor autem Magistratus contra sententiam Majorum non restituit.* Hinc deducitur, quòd si sententia lata est à Iudice delegato Principis, nemo nisi Princeps ipse contra eam possit in integrum restituere. Quia Delegatus præter Principem neminem agnoscit Superiorem. & habetur *cir. L.* §. penult. *Sed etsi ab Imperatore Iudex datus cognoscat, restitutio ab alio nisi à Principe, qui Iudicem destinavit non fiet.*

467. QUÆRITUR 3. An restitutio  
in integrum possit secundò peti, & impetrari. In  
hac quæstione leges videntur in speciem adeo sibi  
contrariæ, ut Cuiacio apertam, & irreconcilia-  
bilem antinomia continere videantur. Mihi  
tamen videntur illæ Leges de diversis casibus  
loqui, & ab antinomia facillè liberari sequenti  
distinctione. Duplici enim modo potest resti-  
tutio secundò peti: primo, postquam semel  
petita

## CONTROVERSIA IV.

*De Beneficio Restitutionis in  
integrum.*

## S U M M A R I U M.

**R**estitutionis in integrum definitio, 462.

*Est improprie Actio. 463.*

*In quo loco perenda sit hæc Restitutio.* 463.

*An Magistratus inferior possit restituere contra sententiam Superioris.* 466.

*An possit secundò impetrari. 467.*

*Exceptio. 468.*

*Contra quos detur hoc beneficium. 469.*

*An sit beneficium personale, an reale, an mixtum.*  
470.

*An pro sit fidejussori illius, qui restituitur. 471.*

*Utrum petitio restitutionis sententiæ executionem sus-  
pendat.* 472.

*Quantum temporis concedatur ad petendam restitutionem in integrum. 473.*

*Quanam sint causæ restitutionis in integrum. 474.*

*An aliquando Minor restituatur contra Minorem.*  
478.

*An Minor restituatur, si per imprudenciam renuntiavit Beneficio Ecclesiastico, illúdque fuit alteri collatum. 480.*

*An sit locus restitutioni in favorem pupilli, si pupillus læsus est per sententiam, adversus curatorem la-  
tam, in causa Minoris. 481.*

*An non solum res principalis, sed etiam fructus percepti sint restituendi.* 482.

*Explicatur Capit. ad nostram de reb. Eccles. non alien.*

461. Ceteris quibusdam personis, quæ in Contractibus, sive ex imbecillitate iudicii, sive ex ignorantia iuris, sive ex alterius injuria, sive ex aliis causis in captionem incidere, & læsæ sunt, extraordinario iuris remedio subvenitur, quod *Restitutio in integrum* vocatur, quo omnia in pristinum statum ita reducuntur, ut, qui restituitur, non quidem locupletetur ex alieno, nec tamen etiam pauperior fiat ex læsione, quæ formaliter ex contractu, vel quasi contractu passus est. Dicitur *Remedium extraordinarium*, quia non aliter competit, nisi quando ordinaria media deficiunt. *L. in causæ. 16. princ. ff. de Minoribus. 25. an.*

462. Restitutionem hanc definit JCrus  
Paulus. 1. Recept. sent. tit. 7. *Redintegranda*

petita quidem est, sed à Magistratu denegata. Secundo modo: si semel impetrata est restitutio, & quia postmodum videtur impetrans per hanc ipsam restitutionem læsus esse, ideo petit iterum contra hanc ipsam restitutionem restitui. Utriusque modi casus habentur in legibus jam referendis. Itaque respondeo primò. Si restitutio denegata fuit, & sententia transit in rem judicatam, tunc non datur ampliùs in eadem causa restitutio ab eodem Iudice: nisi in casu sequentis responsionis. Datur tamen restitutio quoad negligentiam omisissæ appellationis, hoc est, sit iterum potestas appellandi. Ità habetur in *L. 1. C. Si sapius in integrum restitutio possit*. Si (inquunt Imper: Severus & Antoninus) post sententiam Proconsulis contra vos laetam desiderastis in integrum restitui, nec obtinuistis, frustra rursus, ut ea questio in integrum restitutionis agitur, desideratis: appellare enim debuistis, si vobis sententia (denegans restitutionem) displicebat. Sed si adhuc in ea etate estis, cui subveniri solet, appellandi ius vobis restitimus.

Respondeo 2. Si negatà restitutione in integrum, petatur secundò restitutio prætextu novarum defensionum, seu probationum adducendarum, concedi potest restitutio in eadem causa. Ità habetur *L. 2. eod.* Quamquam curatores pupillæ visi sunt, cum in integrum restitui pupillam desiderabant; cum tamen novis defensionibus, causam instrui posse dicas, adeant Curatores uxoris tue Iudicem, & petant, ut causas in integrum restitutionis agant. Et Leg. 3. Idem in genere decernitur, diciturque sapius ita rescriptum fuisse.

Respondeo 3. Si restitutio secunda petatur contra priorem restitutionem, regulariter est concedenda. Casus habetur in *L. 7. §. 9. ff. de Minorib. 25. an. & est iste.* Aliquis per imprudenciam repudiavit hereditatem: impetravit restitutionem, ut se hæreditati immisceat, vel adiret: huius tamen iterum pœnitens petit restitutionem, ut possit abstinere, restitui potest. Verba sunt. Restituitur, cum se hæreditati misceat, vel eam adeat, quam repudiavit, rursus restitui poterit, ut se abstineat, & hoc rescriptum, & responsum est.

468. Dixi: Regulariter. Habetur enim casus exceptus *L. fin. §. 6. C. de bonis, quæ liberis in potest. constit.* & est talis. Pater hereditatem infantis delatam infantis nomine adivit. Filius deinde sui juris factus hereditatem repudiavit per restitutionem in integrum. Deinde huius pœnitens voluit iterum restitui, ut hereditatem habere posset: respondet Imperator. Non autem filio damus licentiam, si in integrum restitutionem petat, respuendam credens esse hereditatem, adhuc minoribus curculis instantibus, iterum per aliam restitutionem adire præstatam hereditatem: ne ludibrio Leges ei fiant, sapius eundem & amplecti, & respuere hereditatem cupienti. Si enim *N.B.* quod Pater fecit, filius ratum non habuit, & propter hoc restitutus est:

Quomodo ferendus videatur iterum iudicium amplectens, quod post Patris voluntatem contrariâ affectione asserendum esse existimavit?

469. QUÆRITUR 5. An sine discrimine contra quosvis detur in integrum restitutio. Et si spectatis antiquioribus legibus ità dicendum quæ, iure tamen novo Codicis excipiuntur parentes, & patroni, ob reverentiam his personis debitam à liberis & libertis. *L. fin. C. Qui & adversus quos. In fine.* Et maneat in omnibus honor parentibus, & patrono, vel patronæ illibatus, atque intactus, sancimus nullo modo; neque adversus parentes utriusque sexus, neque adversus patronum, vel patronam dari restitutionem: nam personarum reverentia omnem eis excludit restitutionem: cum procul dubio sit, etiam ipsas personas cavere, ne quid suæ opinioni contrarium existat.

470. QUÆRITUR 6. Utrum Beneficium restitutionis sit Personale, an Reale, vel saltem mixtum. Et. Esse mixtum, hoc est, non solum Personæ, sed etiam causæ concedi, quia non datur Minoribus, præcisè quia Minores sunt, sed quatenus ex imbecillitate iudicii læsi sunt. Hinc fit, quod hoc beneficium concedatur etiam hæredi desinendi læti, etiam si hæres secundum se non gauderet, eò quod majorænnis sit. Unde Regula Iuris est 196. *Privilegia quædam causæ sunt, quædam Personæ: & ideo quædam ad hæredes transmittuntur, quæ causæ sunt, quæ verò personæ sunt, ad hæredem non transeunt.* Et habetur expressius, & in specie in *L. 18. §. fin. l. 24. §. 1. l. 44. ff. de Minoribus.*

471. QUÆRITUR 7. An Beneficium Restitutionis prosit etiam fideiussori illius, qui restituitur, ità ut & ipse liberetur. Et. Negativè *L. 13. ff. de Minorib. C. l. 1. C. De fideiussoribus Minor.* ubi tamen additur, quod si fideiussor solvit, possit actione mandati convenire principalem, quantumvis restitutum, nisi etiam contra fideiussorem juvari possit restitutione. Sed ea res fideiussores, qui pro te intervererunt, excusare non potest. Quare mandati iudicio convenieris, si eo quoque nomine restitutionis auxilio non juvaberis. Ratio autem responsionis est, quia fideiussor accipitur in securitatem.

472. QUÆRITUR 8. Utrum petitio Restitutionis in integrum late contra te sententiæ executionem suspendat, donec causa restitutionis ventilata & terminata fuerit. Negat Menochius lib. 1. præsumpt. 74. Sed Iuri conformis affirmant Duarenus, Donellus, Minsinger, Hunnius. Textus aptus in *L. un. C. in integrum restitutione postulatà ne quid novi fiat.* Sicut enim appellatione interposita nihil est innovandum, ità etiam petità restitutione. Postulatà in integrum restitutione omnia in suo statu esse debere, donec res finiat per speciem Iuris est, id est, curabit is, ad cuius partes ea res pertineat. Casum ponit glossa. Mihi minor vendidit: petit restitui: pendente iudicio restitutionis in integrum

grum illius rei; super qua petitur restitutio, alienatio fieri non potest. Fundamenta contraria quibus innititur Menochius, plus non probant, quàm quòd sententia possit mandari executioni, si petens restitutionem non possit statim intentionem suam probare, sed longo tempore opus haberet: item si adessent indicia, quòd restitutio in integrum petatur moræ injiciendæ causâ, adeoque ex dolo.

473. QUÆRITUR 9. Quantum temporis concedatur ad petendam restitutionem in integrum. 3x. Iure novo concedi quadriennium à die quo quis scit se læsum esse, & potestas est experiundi. *L. fin. C. de temp. in integ. restit.* & hoc quadriennio esse non solum petendam restitutionem, sed causam etiam finiendam cautum est, ibi. *Sancimus quadriennium continuum tantummodo numerari ex die, quo annus utilis currebat.* & Clem. un. de rest. in int. ibi. *Et causa restitutionis huiusmodi finiri debet intra quadriennium continuum à tempore lesionis, etiam si minus quadriennio tempus lesionis existat. Sed non fiat restitutio, nisi ad tantum tempus, quantum se læsam fore probabit.*

474. QUÆRITUR 10. Quenam sint causæ restitutionis in integrum. 3x. causas has enumerari in *L. 1. §. 2. ff. h. t.* Ubi dicitur; Prætorum subvenire hominibus, vel lapsis, vel circumscriptis, sive metu, sive calliditate, sive ætate, sive absentia incidenti in captionem, sive per statûs mutationem, aut justum errorem.

475. Prima ergo causa est, Metus. de quo Prætor ait. *Quod metus causa gestum est, ratum non habeo. L. 1. ff. quod metus.* Porro de metu nobis ex professo agendum erit in tr. de Contractibus. Secunda causa est, Dolus malus, nempe cùm decipiendi causâ aliud simulatur & aliud agitur. *L. 1. §. 2. ff. de dolo.* ubi Labeo dolum sic definit: *esse omnem calliditatem, fallaciam, machinationem ad circumveniendum, fallendum, decipiendum alterum adhibitam.* Tertia Causa est, ætas minorenns. ita quidem, ut extremus dies vigesimi quinti, & hora ejus ultima, à momento in momentum computetur, ut restitutioni sit locus, *L. fin. C. de temporib. in integ.* ibi. *Quod non solum in minorum restitutionibus, quibus utilis annus incipit currere; ex quo vicesimi sexti anni dies illuxerit.* Est autem hic observandum, quòd non solum contra illum qui minorem circumscripsit, seu circumvenit, detur restitutio, sed etiam aliquando contra eum ad quem res illa pervenit, in qua minor læsus est: & hoc in duobus casibus qui ponuntur in *L. 13. §. fin. ff. de Minoribus.* Primus est, si tertius possessor sciens fundum v. g. ita venditum fuisse à minore, nihilominus erit, cùm debuerit advertere, posse fieri ut per beneficium restitutionis repetetur. Secundus, si bonâ fide & nesciens quidem emit à primo emptore, sed prior hic emptor solvendo non est, nec ab eo potest minor con-

sequi rem suam, tunc enim æquus esse, dicit Lex, *minori succurri etiam adversus ignorantem.*

476. Quarta causa restitutionis in integrum est, Capitis diminutio. *Qui, quære* (ait Prætor *L. 2. §. 1. ff. de cap. dimin.*) *posteaquam quid cum his actum contraxerim sit, capite diminuti, diminutæ esse dicentur, in eos, easve perinde, quasi id factum non sit, iudicium dabo.* v. g. contraxisti cum aliquo dum esset sui juris, deinde factus est juris alieni, & sic civiliter definit esse obligatus: Prætor tamen tibi succurrit restitutione in integrum, perinde ac si alter non esset capite diminutus. Procedit autem solùm de minima capitis diminutione, v. g. quando quis per adoptionem vel emancipationem statum mutat.

Quinta causâ restitutionis est, Justa absentia Reipublicæ causâ, ob quam quis damnum passus est, v. g. præscriptione, tunc enim rescinditur præscriptio.

Sexta causâ habetur *L. 1. ff. de alienat. Indicii mut. caus.* ubi. *Proconsul prospexit; at si quis alienando rem alium nobis adversarium suo loco substituerit, idque datâ operâ in fraudem nostram fecerit, tanti nobis in factum actione teneatur, quanti nostrâ interfit, alium adversarium nos non habuisse.* Itaque si tuus adversarius, ut conditionem tuam detergiorem reddat, alium potentiorum adversarium substituit alienatione factâ, rescindit Prætor huiusmodi alienationem, vel concedit actionem, ut qui dolo alienavit, tanti damnetur, quanti tuâ interest, alium adversarium non habuisse.

477. Septima causa est, Pietas, & Reverentia, ob quam conceditur restitutio in integrum Ecclesiæ. *C. 1. de in integ. restit.* ubi dicitur, *Ecclesiam Iure minoris debere semper illam servari.* Nomine autem Ecclesiæ veniunt etiam Hospitalia, loca pia, quæ privilegiis gaudent Ecclesiæ, Monasteria, Religiosæ Communitates. Personæ autem Ecclesiasticæ, quoad bona sua propria etiam ex Beneficio acquisita, non gaudent hoc privilegio. Utrum Respublica, aut Civitas gaudeat hoc privilegio, dubitatur. Hartmannus, Donellus & Treutlerus, negant in contractibus restitutionem illis concedi. Sed verior sententia affirmat, per *Legem penult. C. ex quibus causis maior.* ibi. *Respublica minorum Iure uti solet, ideoque auxilium restitutionis implorare potest.*

Circa minorennes aliqua dubia sunt, in quibusnam casibus restituantur neche: Et imprimis certum est non restitui in Contractu Matrimonii, Religionis ingressu, in delictis, in venditione sui ad pretium habendum. Item non restituitur, si major factus ratur habuit, quod minor gessit. *L. 3. §. 1. ff. de min. & tot. t. C. Si maior factus.* Item si veniam ætatis impetravit. *tot. tit. C. de his, qui veniam ætatis impetr.* Item si nullius dolo inductus fixit se esse maiorem. *L. 2. C. si minor se maior, dux.* Si is qui minorem nunc se esse asseverat, fallaci ætatis majoris mendacio se deceperit, in integrum restitui non debet.



478. Dubium primum est, an aliquando minor restituatur contra minorem. Negant plures, quos sequitur Sanchez & Layman. Afirmat Castro Palao, citans Alphonsum Azebedum. Negantium fundamentum est, quia privilegium contra æquè privilegiatum privilegio non utitur, ut expositum est tr. de legib. atqui uterque minor est æquè privilegiatus: ergo, &c. Verùm hoc non obstante standum est decisioni JC. Ulpiani contra Pomponium in L. 11. §. 6. ff. de minorib. ubi sic loquitur. *Item queritur, si minor adversus minorem restitui desiderat, an sit audiendus. O Pomponius simpliciter scribit, non esse restituendum. puo autem inspicendum à Præatore, qui captus sit. proinde si ambo capti sunt: v. g. minor minori pecuniam dedit, & ille perdidit: melior est causa secundum Pomponium ejus, qui accepit, & vel dilapidavit, vel perdidit. In hoc ergo casu negatur restitutio danti pecuniam. At verò, si qui pecuniam accepit, inde locupletior factus est, & pecuniam vel adhuc habet, vel benè collocavit, in hoc casu dabitur priori danti restitutio in integrum: Ratio est, quia accipiens in hoc casu læsus non est, nec gaudet privilegio ætatis: & ideo in effectu dans pecuniam utitur suo privilegio contra non privilegiatum.*

479. Dices. Imò in hoc casu non est locus restitutioni: nam ubi succurri potest remedio Juris ordinario, non conceditur extraordinarium: atqui minori danti pecuniam potest succurri remedio ordinario, quando mutuarius factus est locupletior: ergo, &c. *¶* Non in omni casu superesse remedium ordinarium. v. g. si minor vendidit minori rem immobilem cum Iudicis decreto ducentis aureis, cum valeret 300. venditori læso non succurritur jure communi, quia non est læsus ultra dimidium iusti pretii. ergo hic opus erit beneficio restitutionis, ut benè notavit Ant. Faber in rational. ad pandect. in cit. leg. §. 6. Alius casus habetur in L. 34. ff. eod. Nempe si mutuarius factus locupletior sit filius familias, restitit creditori minori mutuanti S. C. Macedonianum, ne recuperet pecunias; Si minor 25. annis filio familias minori pecuniam credidit, melior est causa consentientis, nisi locupletior ex hoc inveniat litis contestata tempore. Ergo restitutione opus habet, si velit pecuniam danti recuperare.

480. Dubium 2. est, an minor restituatur, si per imprudentiam renuntiavit beneficio Ecclesiastico, illudque ex renuntiatione fuit alteri collatum. Negant veteres Canonistæ cum Accursio. Sed ferè probabilis affirmat Covarruvias resol. 5. post Vincentium, Imolam, Emanuel. à Costa, & consentit Treurt. th. 13. Nam hic casus à regula generali non excipitur. Neque obstat, quod in spiritualibus minor censetur major, & perinde ut major in iudicio agere possit. C. si. annum. de Iud. in 6. Nam etiam Ecclesia potest agere in iudicio, & tamen si lædatur, restituitur: ergo ex eo quod Clericus minore-

nis possit agere in iudicio, non ritè inferitur, quod si læsus sit, non restituatur.

481. Dubium 3. est, an sit locus restitutioni in favorem pupilli, si pupillus læsus est per sententiam adversus curatorem latam in causa minoris. *¶* Affirmativè: per legem fin. C. si adversus rem iudicat. ibi. *In rem pupilli, vel aduli adversus tutores, seu curatores lata sententia restitutionis auxilium non minus, quàm si quid adversus eos fuisset statutum, implorare minores posse constat.* Hoc autem intelligendum est, de tutore qui cavit, rem pupilli salvam fore. Secus de eo, qui non cavit: nam ratione hujus ideo non datur restitutio, quia quæ gessit ipso jure nulla sunt, cum non habuerit administrationem. L. 4. C. in quibus causis in integrum rest. neces. non est, ut referam in proprio loco.

482. QUÆRITUR nunc ultimà, an obtentà restitutione in integrum, non solum res principales, sed etiam fructus percepti sint restituendi.

Prima sententia est P. Ferdinandi de Castro Palao, simpliciter negans fructus ullos esse restituendos, qui bonà fide, & ante restitutionem concessam percepti sunt.

Secunda sententia est P. Molinae, Lessii, Laymanni, Lugonis, Bonac. Tanneri, qui volunt, esse restituendos fructus, si læsio provenit ex contractu lucrativo, vel si facta est in pretio, eò quod non iusto pretio emptum sit, tunc fructus restituendos esse saltem quoad illam partem, quæ responderet defectui pretii: de cætero negant esse restituendos: v. g. si læsio solum consistit in lucro cessante, & res non est integra: item (inquit Lugo) si læsio præcisè consistit in eo, quod non expediret rem alienari, eò quod v. g. esset domus vitæ.

Tertia sententia est Covarruviae & plurium Juristarum, quos sequitur P. Vadingus, qui volunt, fructus restituendos esse, quando restitutio fit ex necessitate legis, hoc est, jubente lege, scilicet ante elapsum terminum à jure præfixum, secus si ex speciali gratia post elapsum terminum concedatur, v. g. ob enormem læsionem, vel ex beneficio Principis, arg. leg. idem est de Nestorianis. C. de hæret.

483. Hæc tertia sententia habet pro se non obscuro juris textus, præsertim verò facit pro illa lex patri. 27. §. si pecuniam. ff. de Minorib. illis verbis. *Item ex diverso, si minore pretio, quàm oportet vendiderit adolescens: emptor quidem juberi debet prædica cum fructibus restituere: Juvenis autem eatenus ex pretio reddere, quatenus ex ea pecunia locupletior est.* Ubi sermo est de fructibus perceptis, ut ex præcedentibus colligitur, & non nisi violenter de fructibus pendentibus intelligitur, cum immediatè prius dictum sit, usuras esse restituendas. Id ipsum habetur in L. quod si minor 24. §. 4. *Restitutio autem ita facienda est, ut unusquisque in integrum lus suam recipiat. Itaque si in vendendo fundo circumscriptus restituatur, jubet præ-*

præ-

*Proctor emptorem fundum cum fructibus reddere, & pretium recipere. Ubi glossa addit: cum usuris.*

484. Obijcit P. Molina. Possessor ille fuit bonæ fidei & Dominus factus fructuum percceptorum: ergo iniquum est illis privari. Negatur consequentia, quæ ipsi Molina neganda est, quia etiam fundi factus erat Dominus, & tamen jubetur fundum restituere: item possessor bonæ fidei sit Dominus fructuum percceptorum ante litis contestationem, ut suo loco acturi de Possessione dicemus, & tamen re postmodum evicta, cogitur quòque fructus exstantes restituere. Illud concedi posset, fructus consumptos non esse restituendos, & quidem ex probabili sententia, ne quidem illos, in quibus factus est locupletior, ut eodem loco videbimus.

485. Præterea, ut æquitas servetur, vult VVadingus ab eo qui restituitur, esse emptori non solum pretium restituendum, sed etiam quod emptor interea ex pretio lucraturus fuisset, adeoque Judex non adjudicaret læso omnes fructus, sed detraheret quanti intererat emptoris, non caruisse suâ pecuniâ, ut etiam inveniunt leges citatæ & glossa.

Obijcitur 2. *Cap. ad nostram. de rebus Ecclesiæ non alienand.* Ubi cum Monasterium gravatum ære alieno villam quandam dedidit in feudum laico, ut solveret æs alienum, & postea advertisset, se fuisse enormiter læsum circa pretium, quod erat valde exiguum, Pontifex rogatus restituit in integrum, relictis tamen fructibus feudatario. Respondet P. VVadingus, hunc esse casum exceptum in ipsâ Conclusionem, quia non erat restitutio in integrum propriè dicta, sed rescissio venditionis, cum fuerit enormis læsio, fructibus unius anni æquantibus pretium. Itaque Pontifex jubet, & quidem secundum Jus ordinarium, quando læsio est ultra dimidium iusti pretii, rescindi contractum: ne autem laicus quereretur, se magnos sumptus & labores in colenda villa impendisse, quos compensare oporteret, respondit Pontifex, illos sumptus abunde compensatos esse excessu fructuum. ibi. *Quocirca mandamus, quatenus si prædictum monasterium propter hoc inveneritis enorme dispendium incurrisse, dictum laicum, ut (pecuniâ, quam pro exoneratione feudi, seu etiam pro vitilitate ipsius Monasterii expendisse noscitur, ab eisdem Abbate, & Conventu receptâ cum sibi fructus percepisse sufficere debeant pro labore) præstatum feudum eidem Monasterio dimittat liberum, & quietum.* Quo textu utar in tr. de feudis ad alium scopum.

486. Obijcitur 3. Hac ratione absterrentur homines à contrahendo cum minoribus, & aliis qui gaudent privilegio restitutionis. *¶ 1.* ipsam legem hoc prævidisse, & ideo statuisse, ne passim hoc beneficium concederetur, sed consideratis considerandis, de quibus satis superque hæcenus dictum est. *¶ 2.* Non desse media,

quibus, si velint, possint sibi consulere, ut, exigendo fidejussores, vel etiam (quamvis aliqui contradicant) juramentum non utendi hoc restitutionis remedio.

487. Pro Coronide hujus Controversiæ placet referre judicium VVadingi, quo existimatur, illas leges, quæ universim statuunt, minorem nunquam debere reddere pretium, si non sit factus inde locupletior, esse nimis rigidas; & quia non sunt Imperatorum decreta, sed responsa Jurisconsultorum, temperandas esse, & explicandas juxta illud quod habetur *L. 1. C. de Prescript. 30. annor.* quando scilicet ex parte emptoris dolus intervenit, non item si venditio fuit necessitatis, v. g. ad solvendum æsalitenum. Quod si debitor minori solvit debitum cum consensu Curatoris, & minor pecuniam male impendit, datur adhuc restitutio, ut teneatur debitor denuòolvere (salvâ tamen actione adversus curatorem) nisi solutus fuisset redditum, vel annuæ pensionis. *L. sancimus. 1. L. constitutionem. C. de administr. tutorum, & alibi apud Molin. d. 224. §. ex hæcenus.* & nos suo loco dicemus, acturi de administr. tut. & curat. ubi jura referemus.

## CONTROVERSIA V.

### De Causis aliis excusantibus ab obligatione restituendi.

#### SUMMARIUM.

**A**N detentor rei alienæ teneatur Domino in eadem necessitate constituto rem suam restituere. 489.  
An grave detrimentum rei familiaris, aut etiam honoris, aut famæ, excuset à facienda restitutione. 490.

Quantum debeatur esse damnum, quod debitor debet subire in solvendo debito. 491.

Virum ingressus in Religionem possit esse causa excusans à solutione. 492.

Quid Jure novo ex motu proprio Sixti V. 493.

Virum solvens Creditori sui Creditoris liberetur. 494.

#### §. I.

### Quandom excuset Impotentia, vel Necessitas.

488. **O**mnimodam impotentiam excusare quamdiu ea durat, est extra questionem: ad impossibile enim obligatio non datur, ut habet Reg. Juris Civil. 145. Item extra questionem est, quòd gravis necessitas excuset ab obligatione restituendi debita pecuniaria, quandoquidem in tali necessitate constituto licet etiam aliena accipere, quàmto magis non solvere de suo, de hoc dictum est superius, & in tr. de charitate,

rate, ubi etiam dictum, quoddam transacta necessitate reviviscat obligatio restituendi.

489. **DUBITATUR 1.** An qui rem alienam habet apud se, & Dominus rei incidat in eandem necessitatem cum detentore ( seu iusto, seu iniusto ) teneatur detentor Domino restituere rem suam, quia possit necessitati succurrere. Negant Lessius & Bonacina, ex eo fundamente, quoddam tunc illa destinata esse in dominio, & fiat communis, seu primo occupantis. Verior tamen est sententia affirmans, quam tenet Vasquez & Lugo, & quidem ex fundamento contratio. Nempe quia in tali casu manet in dominio antiquo. Probat. Si Dominus rei incidere in illam necessitatem dum rem apud se teneret, nemo alius in eadem necessitate constitutus posset illi auferre, nec res fieret communis, quia tunc sit communis, quando Dominus illam rem non indiget, prout tradunt omnes Theologi, & ipsi adversarii: atqui eodem modo res se haberet in casu dubii, sola detentione variata, cujus variatio non sufficit ad auferendum dominium, ut per se constat: ergo nec tunc posset alienus detentor rem illam usurpare, sed teneretur restituere, quia non fieret Dominus, sed potius detentio esset continuata, & virtualiter nova ablato.

490. **DUBITATUR 2.** An grave detrimentum rei familiaris, aut etiam honoris, aut famæ, excuset à facienda restitutione, v.g. si debeas centum, & non possis restituere, nisi præter restitutionem centum, adhuc plus damni quam centum inbeundum esset, vel quia debes vendere domum pro 100. quæ valeretur plus quam ducentos, vel quia debes facere expensas tantas in restitutione. Et quidem gravi huiusmodi detrimento, & ( nisi fallor ) etiam minore excusari eum, qui debet & non ex delicto, conveniunt DD. Quæstio est de eo, qui debet ex delicto. Negant excusari Caietanus & Sotus. Affirmat Lessius. n. 21. hic cum pluribus, quos citat: idem tenet Lugo, qui sententiam præcipue probat ex eo, quoddam argumenta contraria nimium prohibet. Clariorem rationem reddit Lessius. Nam licet creditor non læderet iustitiam, exigendo solutionem etiam cum tanto detrimento, læderet tamen charitatem, si solutionem taliter exigeret, si sine suo notabili incommodo posset solutionis dilationem tolerare.

491. Quæres, quantum debeat esse damnum, quod debitor debet, vel non debet subire in solvendo debito. De hoc puncto jam super actum est. Nunc breviter

¶ 1. Si est debitor ex delicto, non excusatur, si damnum adæquet summam debiti. Ratio est, quia nocens utique potius debet facere jacturam, quam innocens: atqui si debitor ex delicto non teneretur in casu posito, deberet creditor innocens pati jacturam debiti: Ergo ne hic pariat, par est, ut ille pariat, cujus

culpâ innocens alioquin pateretur. Respond. 2. Si tamen summam debitam (adnumerato etiam lucro cessante & damno emergente) notabili quantitate damnum excederet, excusaret saltem ab immediata restitutione facienda creditori, & posset restitutio fieri pauperibus, vel aliis ex præsumpta intentione creditoris. Excusaret etiam à restitutione statim facienda, si spes esset, dilationem non fore nimiam. Quæ omnia ex Regula generali metienda sunt, an creditor consideratis omnibus circumstantiis esset, vel non esset rationabiliter invitatus; & quid statuerent homines, si antecesserent ad omnem casum eventualem deberent circa hæc legem ferre, quam regulam ab initio huius tractatus exponere conatus sum. ¶ 3. Si posset saltem partem debiti restituere sine impensis cum prædicta proportionem faciendo, teneretur utique hanc restituere, quia Dominus rationabiliter vult partem restitui, quando totum non potest. ¶ 4. Bonum inferioris ordinis non est obligatio restituendi cum detrimento bonorum superioris ordinis in suo genere aequè gravi: dummodo illud bonum superioris ordinis, v.g. statum honoratum, iuste acquisivit debitor, & non ex ipsa iniusta latione. ¶ 5. Si debitum non est ex delicto, sed vel ex re accepta, vel ex contractu, tunc ad quid teneatur debitor, partim in superioribus dictum est, partim in tract. de contractibus dicitur. Aliquando enim restitutio fit expensis creditoris, & cum periculo illius, aliquando cum periculo & expensis debitoris. Plura de his subtiliter disputata, sed vix practicable videri possunt apud Card. de Lugo. d. 21. f. 1.

## §. II.

*Utrum ingressus in Religionem possit esse causa excusans à solutione debitorum.*

492. **A**liqui simpliciter affirmant, alii simpliciter negant. Alii, quos sequitur Lugo & Castro Pal. rectius mediâ viâ incedunt, & distinguunt. Si enim intra breve tempus (quale communiter putatur esse biennium) poterit debitor manendo in seculo probabiliter satisfacere debitis, tenetur manere in seculo, saltem si debitum est vel ex delicto, vel ex contractu oneroso; si verò nulla spes sit, vel non nisi post longum tempus satisfaciendi, non tenetur cum notabili suo detrimento spirituali, & iactura, ad impediendum damnum totumque creditorum, intermittere ingressum. Secus esset, si quis propter desolationem teneretur ducere desolatam: tunc enim non posset ingredi Religionem, quia etiam corrupta subiret detrimentum liberatis grave, dum non amplius pro libitu posset invenire matrem nisi viliorē.

493. Defacto jure novo, ex motu proprio Sixti V. addito moderamine Clementis VII. prohibentur Religionem ingredi debitores ultra vires, & facultates suas. Quinam verò hoc motu proprio comprehendantur, videri potest apud Sanchez, Lugo, Palao. Primò non habet locum in Monialibus. Secundò non comprehenduntur debitores, qui sine gravi culpa sua contraxerunt debita, & impotentiam solvendi, ità ut nulla sit spes, fore ut in seculo manentes solvere possint. Colligitur ex illis verbis Pontificis: *Multis decoctores post dilapidatam rem familiarem & contritam ingentem vim eris alieni.* Tertiò non comprehenduntur, qui bonis cedunt, & non est spes satisfaciendi in seculo cum beneficio competentia.

Ratio autem illius constitutionis ex natura rei reddi potest. Quia solutio debitorum est juris naturalis: ingressus in Religionem nullius juris est, sed consilii: sicut ergo ob lus naturale parentum pauperum tenetur filius manere in seculo, ut alimenta præbeat parentibus, ità etiam in nostro casu lus naturale prævalebit, per se loquendo, & cum limitationibus sæpe jam positis. Sed hæc aliò spectant.

§. III.

*Utrum solvens creditori sui creditoris liberetur.*

494. R. Respondet cum Card. de Lugo, per se loquendo, & cæteris paribus, si debita sint ejusdem rationis, & speciei functionem recipientis, liberatur, qui solvit creditori creditoris.

Ratio est, quia per talem solutionem transferatur in debitorem lus, quod ille creditor habebat erga creditorem debitoris: ergo creditor fit hoc ipso debitor sui debitoris: ergo si debita sint æqualia, mutuo compensantur.

Dixi. *Cæteris paribus.* Si enim creditor esset ejusmodi, ut vel debitum ejus non esset ità liquidum vel posset ab eo proximè sperari remissio debiti, vel debitor haberet alium modum illi satisfaciendi, solvendo aliud pro alio, cum suo majore commodo, vel tempus faciendæ solutionis adhuc esset procul, tunc cætera non essent paria.

Dixi 2. Si species, in qua fit solutio, sit fungibilis, seu functionem recipiens, ut sunt ea quæ consistunt in numero, pondere & mensurâ. Tunc enim intra eandem speciem potest unum pro alio solvi, hoc est, non est necesse idem numero reddi quod acceptum est, sed v.g. oleum pro oleo, pecunia pro pecunia, &c. Quod si non ex mutuo, sed aliunde deberetur, tunc satisfit solvendo in tali specie, quæ in pactum deducta est. Solutio autem in alia specie, non potest fieri invito creditore. Quare si ego Petro deberem pecuniam, Petrus autem deberet Paulo oleum, & ego solverem Paulo oleum, quod ipsi debet Petrus, non liberarer ab obligatione solvendi pecuniam, quia invitus Petrus non potest cogi, ut debitum pecuniæ extinguatur solutione olei: potest enim illi esse commodius,olvere Paulo oleum, & accipere à me pecunias, quàm casere pecuniâ, & liberari à debito olei.



# C A P V T V.

## DE INIURIIS IN BONIS FAMÆ, ET HONORIS, DEQUE RESTITUTIONIS OBLIGATIONE.

### C O N T R O V E R S I A I.

*Quid sit Fama & honor.*

#### S V M M A R I V M.

**Q**uid sit Fama. 495. 501.  
Honor est testificatio de excellentia aliorum, quâ tali. 498.  
Definitio honoris ejusque differentia à laude. 499.

495. Fama in presenti est bona existimatio aliorum de bonis nostris, cujusmodi sunt:

Virtutes, Ingenium, Doctrina, Divitiæ, Forma, Nobilitas, Valetudo bona, Gratia, Favor Principum, &c.

In explicatione Honoris est aliqua dissensio. Et imprimis certum est, debere aliquo modo distingui Honorem à Laude: nam etsi omnis honoratio possit aliquo modo laus dici, non



tamen e contra omnis laus est honoratio : quis enim rectè dixerit me honorare Carnificem, si illum propter officium dextrè gestum laudavero.

496. Card. de Lugo docet, quòd Honor & Laus conveniant in hoc, quòd sint externa manifestatio internæ existimationis de altero : differre autem unicè per hoc, quòd laudando alium principaliter intendamus significare rem ipsam, seu objectum nostræ existimationis : honorando verò velimus principaliter significare nostram existimationem de bonis alterius.

Hæc tamen differentia non videtur mihi sufficere. Nam Laus & Honor non debent præcisè differre per aliquid omnino insensibile & internum, sed per aliquid sensibile : ut exterius discernere possimus, utrum præcisè laudare, an etiam honorare velimus.

497. P. Lessius docet, quòd Honor non sit quæcunque testificatio nostræ existimationis de excellentia alterius, sed superaddat etiam testificationem submissionis nostræ respectu talis Excellentie. Hanc opinionem rejicit P. Molina 10. §. 11. 4. d. 1. & Card. de Lugo : quia Deus honorat suos sanctos, & Rex Astuerus honoravit Mardochæum, nec tamen utique cum submissione sui : ergo hæc submitissio non pertinet ad honoratorem. In hac re

498. Censeo, Honorem non esse quamcunque testificationem astimationis nostræ de bonis alterius, sed testificationem de alterius excellentia qua tali, adeoque esse conjunctam vel cum reverentia & submissione ipsius testificantis, vel cum intentione procurandi reverentiam & submissionem in aliis propter talem excellentiam.

499. Probatur imprimis ex communi & recepta definitione Honoris, quòd sit : externa testificatio Excellentie, hoc est, cujusdam eminentie supra alios, cujus intuitu debetur ab his submitissio & reverentia. Hinc jam apparet primò discrimen inter laudem & honorem. Laus enim præscindit, an ille qui laudatur, sit propter bonum quod est objectum laudis, aliis præferendus necne. Apparet secundò, quâ ratione Deus suos Sanctos, & Princeps suos subditos dici possit honorare : nempe quando testificantur, esse dignos, quibus alii se submittant, & se velle ita fieri. Quamvis etiam non incommode dici possit, Deum & Principem non honorare tales formaliter, sed tantum causaliter, quod videtur indicasse Christus Joan. 10. *Si quis mihi ministraverit, honorificabit illum Pater meus.*

500. Probatur 2. Auctoritate S. Thomæ, qui id ipsum tradidisse mihi videtur q. 103. a. 1. ad 1. Ubi ad hanc propositionem : *Honor est exhibitio reverentie in testimonium virtutis* : sic respondet. *Reverentia* (intelligit internam) non est idem quod honor, sed ex una parte est principium motivum ad honorandum, in quantum scilicet

*aliquis ex reverentia quam habet ad aliquem, eum honorat : ex alia verò parte est honoris finis, in quantum scilicet alius ad hoc honoratur, ut in reverentia habeatur ab aliis.*

## CONTROVERSIA II.

*Quid sit Infamia, & quæ illius causa.*

### SUMMARIUM.

*Infamia alia Juris, alia facti. 501.*  
*Infames infamia Juris, sunt duplicis generis. 503.*  
*Quinam ex delicto proprio. eod.*  
*Quinam ex delicto alieno. 504.*  
*Quinam ex officio vili. 505.*  
*Omnis Infamia à Jure Civili introducta, est approbata à Jure Can. 506.*  
*Quis sit præcipuus effectus Infamie facti. 508.*  
*Quando Clerico indicatur purgatio canonica. eod.*  
*Virum efficiatur infamis, qui ob contumaciam in causa delicti infamantis condemnatur. 509.*  
*An sententia Arbitri reddat infamem, sicut Sententia Judicis. 510.*  
*An damnatus de crimine Stellionatus sit hoc ipso infamis. 511.*  
*Quomodo quis possit infamiam per sententiam incurrendam declinare. 515.*

501. **I**uris Interpretes accipiunt Famam prout opponitur *Infamie*, hoc est, illi formæ à qua homines denominantur Infames.

Definiunt Famam seu existimationem ex lege *Cognitionum*. §. 5. 1. ff. de *Extrajudicialibus cognitionibus*, quòd sit : Dignitatis illatæ status, legibus ac moribus comprobatus, qui ex delicto nostro autoritate legum aut minuitur aut consumitur. Ex qua definitione facillè colligitur, Infamiam esse laesionem famæ definitæ.

502. Infamia alia est Iuris (hoc est legum autoritate constituta) alia facti, hoc est, quæ quidem non est juris, sed tamen opinionem alicujus apud bonos & honestos viros gravat, ut definit Treutlerus *vol. 1. disp. 8. th. 8.* Huic divisioni, inutili planè subtilitate se opponunt Donellus, Niellius, Horomannus & Hunnius, & faciunt quæstionem de nomine sine fructu, volentes Infamiam facti non esse propriè infamiam, de quo non est curandum. satis est, quòd habeat quosdam effectus, nec tamen omnes, quos habet infamia Iuris.

503. Infames infamia Juris sunt triplicis generis : Ex delicto proprio : ex alieno : ex officio vili. Ad primum genus pertinent : Lenocinium exercentes, bina sponsalia vel matrimonium sine alterius jussu exercentes, vel tale jubentes : conducti ad pugnam cum bestiis non perniciosi : descendentes in certamen privatum cum alio quæstus causâ, seu pretio accepto : (quales

les tamen non sunt pugiles Germaniæ, qui pro præmio pugnant ad virtutem & artem ostendendam) Milites ab exercitiu ob delictum dimissi, aut militariibus insignibus spoliati: Usurarii: Perjuri, non quidem de Iure communi, sed Bavarico. Denique novissimæ Imperii Constit. apud Treutl. Notarii de illicitis rebus instrumentum conficientes. Ex his delictis notoriis, ipso jure, ante omnem sententiam condemnatoriam oritur infamia juris. Sententiam verò condemnatoriam requirunt Infames ex condemnatione ob delictum publicum, qualia sunt Crimen læsæ Majestatis, Adulterii, Proditionis, Falsi, Rapinæ, Homicidii, Furti, Injuriarum, Dolii mali, Perjuri commissi in violatione juratæ transactionis. l. 42. C. de transact. commissi Doli in contractu Societatis, in Tutela, Mandato, Deposito, Accusatione alieni criminis, item damnati ad pœnam publicam, fustigationis, flagellationis: quod ultimum tamen limitat Treutletus & Bacchovius, si ex causa famosa irrogetur. De his exstat tit. ff. de his qui not. infam. & alius. C. ex quibus caus. inf. irrog. & videti plenius possunt apud Molin. d. 8. C. 9. to. 5. neque enim hæc ex professo tractare ad meum institutum pertinet, & à Theologis tractatur in materia de Irregularitatibus. sufficit hic summatim recensuisse.

504. Ex delicto alieno infames sunt: Filii & Nepotes parentum violentas manus in Cardinalem injicientium, filii proditorum crimen læsæ Majestatis committentium. Illegitimi sunt infames non simpliciter, sed solum in ordine ad effectus jure expressos, ut est Irregularitas. c. 1. 2. C. ult. de filiis præbys. cum interim, Iure non prohibente ad actus legitimos, & munera publica admittendi sunt, ut ad officium Tabellionis: item hæredes à parte instituti non possunt à fratre testatoris repelli per querelam inofficiosa, (cum aliquin infames possint repelli,) casu quo non addit unus ex descendentibus vel ascendentibus.

505. Ex Officio vili sunt infames Histriones, hoc est agentes in publicis obscænis spectaculis, & qui matrimonium init cum muliere hujusmodi actionibus manciparâ. Item in Germania Carnifices, & etiam aliqui lictores, quorum filii infames censentur, adeo, ut non solum à dignitatibus, sed etiam à Mechanicis opificiis repellantur, teste Laymanno.

506. Omnis Infamia à Iure Civili introducta, est approbata à Iure Canonico c. omnes. 6. q. 1. Omnes verò infames esse dicimus, quos leges sæculi infames appellant, & omnes, qui culpis exigentibus ad Sacerdotium non possunt provehi, inquit Hadrianus Papa. & præterea adduntur Raptores mulierum, Trid. ses. 24. c. 6. de Reform. Matrim. item induellum descendentes, eorumque patrini sess. 25. c. 19. de Reform. Insecutores Car-

dinalium c. felicitis, de pœnitent. C. Remissionibus in 6.

507. Infamia facti seu popularis ac vulgaris non potest in species deduci, quia consistit in factis, quæ infinita sunt. Est autem Infamia facti longè levior quàm Infamia Iuris: ista enim nisi à Principe, vel alio privilegium habente tolleretur, seu purgetur, est perpetua. Infamia verò facti contrario facto tolli potest.

508. Præcipuus Infamiæ effectus est, quod excludat ab omnibus dignitatibus & officiis, etiam tabellionis, & advocati juxta Reg. Iuris in 6. Infamibus portæ non pateant dignitatum. Episcopus non potest cum infamibus dispensare, ut ad ordines alcendant: in susceptis tamen ut ministrant post peractam pœnitentiam, potest dispensare, si tamen delicta fuerint adulterio minora. C. & si Clerici. 4. de Iudiciis. Ibi. De adulterii verò, & aliis criminibus, quæ sunt minora, potest Episcopus cum Clericis post peractam pœnitentiam dispensare.

Quando Clericus non ex vanis, sed probabilibus conjecturis infamatus est infamia facti, de crimine, cujus plena probatio deficit, indicenda est illi purgatio Canonica, ut juret, se delictum non commisisse, & adducat viros honestos compurgatores, hoc est, jurantes, se credere, purgatores verum jurasse. C. quoties, de Purgat. can. Ubi ponitur formula hujusmodi. Clericus jurabit primum super S. Dei Evangelia, quod delictum non commiserit. Deinde purgatores super S. Evangelia Dei jurabit, quod ipsi credant eum verum jurasse. Nunc aliqua dubia circa infamiam lubet breviter expedire. Itaque

509. QUÆRITUR 1. Utrum efficiatur infamis, qui ob contumaciam in causa delicti infamantis condemnatur. Ratio dubitandi est, quia contumax pro convicto habetur. Nihilominus negativa verior est, quia contumax non est verè, sed tantum Iuris fictione convictus.

510. QUÆRITUR 2. An sententia arbitri etiam reddat infamem sicut sententia Iudicis. Negativè respondet J. C. tus in L. 13. ff. de receptis, qui arbitrium receperunt. ibi. Ex compromisso arbiter infamiam non facit, quia non per omnia sententia est. Ratio ulterior est, quia causa infamiæ æquiparatur capitali. L. Iusta. ff. de manumissis vindictâ. Atqui de vita & capite non potest statui privatim. L. 13. ff. ad L. Aquil. compromissum autem privata quædam conventio est, & arbiter nullam habet Jurisdictionem.

511. QUÆRITUR 3. An damnatus de crimine Stellationis sit hoc ipso infamis. Videntur enim Leges sibi esse contrariæ. Nam in L. quid ergo. 13. §. fin. ff. h. t. dicitur. Crimen stellationis infamiam irrogat damnato, quamvis publicum non est. In lege. 2. verò ff. Stellationis: dicitur: Iudicium famosum quidem non est, sed coercitionem extraordinariam habet. Est autem Stellationis crimen aliquo modo genus, ad omnia nimirum crimina,

mina, quæ non habent titulum specialem. Unde quod in privatis Iudiciis est actio de dolo, hoc in criminibus est persecutio stellionatus. Exemplum est, si quis rem alii obligatam, aut datam dissimulatâ priori obligatione alii distraxerit, obligaverit, in solutum dederit. *L. 3. §. 1. h. t.*

512. Ad Quæritum varii sunt excogitati modi conciliandi illas leges. communior est: quem tenent Duarenus, Donellus, Hunnius & Corvinus in aphorismis: Iudicium Stellionatus per se famosum non esse, sed tunc solum, adeoque per accidens, si ex eo crimine descendat, quod etiam in privato iudicio infamiam condemnato importet: v.g. si competeret de dolo.

513. QUÆRITUR 4. Quomodo quis possit infamiam per sententiam incurrendam evitare. 2. Posse evitare, si penam pecuniariam debitam, & in quam esset condemnandus, v.g. ex actione furti, aut rapinæ, offerat. Neque est necesse, ut ante litis contestationem offerat, quidquid dixerit Bartolus & Tresletus, moti lege 37. ff. de Procuratoribus, colligitur ex §. ult. *Inst. de perpet. & tempor. act. ibi. Quodsi ante rem iudicatam is cum quo actum est, satisfaciât actori, officio Iudicis conveniunt eum absolvere, licet in ea causa fuisset, iudicii accipiendo tempore, ut damnari deberet.* Cui planè consonat lex 37. cit. sitota perlegatur, & perpendatur, licet prioribus verbis oppositæ sententiæ favere videatur. Nam in fine dicitur. *Quodsi lis contestata est, hoc omne officio Iudicis dirimendum est.* Et ita sentit Abbas Panormit. & inclinant Donellus, & VVesenbergius.

### CONTROVERSIA III.

*Quomodo per actus internos Iudicii peccetur contra Famam alterius.*

#### SUMMARIUM.

**D**efinitio Iudicii temerarii in genere. 514.  
Quatuor gradus Iudicii temerarii. 515.  
Dubitatio temeraria in quo differat ab Opinione, & Suspicionem. 516. & seq.  
Pro diversitate graduum requiruntur diversa indicia excusantia à temeritate. 519.  
Temeritas in iudicando dupliciter contingere potest. 520.  
Iudicium temerarium supremi gradus in materia gravi, est peccatum mortale. eod.  
Opinio temeraria facilius excusatur. 521.  
Quando sunt utrinque probabilia indicia, non licet iudicare directè contra Famam alterius: neque tamen est obligatio iudicandi pro fama alterius. 522.  
Quomodo intelligenda Regula 135. §. fin. In re dubia benigniorem interpretationem sequi tutius. 523.

514. **P**ER Iudicium internum tollimus in nobis seu intra nos famam alterius: & si quidem hoc temerè fiat, dicitur Iudicium temerarium, & est contra Iustitiam. Pro quo

Notandum 1. Iudicium temerarium in genere definiri posse, quòd sit: Iudicium seu sententia interna, sine sufficiente fundamento lata contra proximum in rebus ad bonam existimationem spectantibus. vel brevius: Est sinistra existimatio de bonis alterius absque fundamento sufficiente. Debet igitur esse Iudicium voluntarium, & inevidens, nixum fundamento tam levi, ut virum prudentem non debeat movere, eò quòd sit admodum fallax.

515. Notand. 2. Huiusmodi temerarii Iudicii quatuor gradus communiter à DD. assignari. Supremus est: Iudicium temerarium antronomasticè sumptum, hoc est, quo sine sufficiente fundamento iudicas malè de proximo, cum tanta firmitate, ut statuas non recedere ab opinione, nec investigare magis veritatem, sed paratus sis ad opus procedere, hoc est, actiones tuas circa talem personam ex tali iudicio ordinare.

Secundus gradus vocatur *Opinio*: quando quidem opinaris malè de proximo, sed non cum adjuncta firmitate, sed cum tali modo tendendi, à quo te ostendas facilè dimovendum. Tertius assignatur, *Suspicio*. Quartus, *Dubitatio*. Hos duos ultimos gradus valde diversimodè declarant DD. Multi volunt, Suspicionem non differre ab Opinione, nisi secundum magis & minus. Ità P. Molina. Alii volunt non differre à Dubitatione, nisi secundum magis & minus, sed non declarant modos tendendi proprios horum actuum prout differunt ab Opinione. Ità P. Dicastillo & alii. P. Esparza non distinguit ullo modo Suspicionem ab Opinione. Card. de Lugo ait, Suspicionem esse quandam assensum inchoatum, quatenus iudicat, latere ibi aliquid fundamentum ad Operandum, licet ità iudicans necdum opinetur.

Dubitacionem dicunt communiter omnes, esse suspensionem Iudicii circa utramque partem contradictionis, neutri assentiendo. Ceterum, etsi hæc suspensio sit verissima dubitatio, attamen hac ratione non declaratur, quomodo Dubitatio, sit gradus temerarii Iudicii genericè sumpti: nec facile apparet, quomodo per dubitationem possit peccari: nam actus imperans suspensionem Iudicii, quando non adest evidentiâ, non est peccatum per se loquendo.

516. Card. de Lugo n. 20. sic explicat. Dubium, de quo in presenti loquimur, est, quando iudicamus rem esse dubiam, vel suspensimus assensum, quasi partim consentientes motivo illi levi, quod nobis proponitur contra probitatem proximi. Sed contra hoc statim urgeatur. quid significat phrasîs illa: *quasi partim assentientes*? quid est: *partim assentiri*? quid:

*quasi assentiri?* ego certe non intelligo. Deinde necdum declaratur obiectum illius Iudicii, quo temerè iudico: rem esse dubiam. Si enim dicas, esse suspensionem assensus, tunc iudicium erit evidens, quia evidens mihi est, me suspendere assensum: ergo non est temerarium.

§17. Ex hæcenus dictis apparet difficulter ostendi posse speciem Dubitationis, ut contradistincta ab opinione & suspitione, & ideo forasle S. Thomas non distinxit, sed q. 60. a. 3. per dubitationem intellexit Opinionem, Suspicionem & Dubitationem, & ex his unum gradum constituit, quasi solis nominibus differrent. Et quidem ad praxin parum interest, cum solo Iudicio temerario primi gradus per se loquendo soleat mortaliter peccari, ut dicitur.

§18. Si tamen ex proprio sensu aliquid in hoc puncto dicere concessum est, existimo, Dubitationem strictè sumptam esse posse Iudicium, quo Iudico ex levi fundamento, v. g. quia Clericum video familiaris loqui cum adolescente, esse dubium, an sit castus. Deinde verò rō esse dubium, posset explicari, quomodo sit obiectum illius Iudicii, dicendo, illud Iudicium judicare, quod difficile sit reperire positivam probabilitatem Castimonie illius Clerici, quæ omnibus consideratis possit fundare prudentem assensum. Sicut enim suspicio (ut ex Lugone retuli) iudicat fuisse probabilitatem incontinentie, ita Dubitatio, quæ minus lædit famam proximi, iudicat, deesse probabilitatem continentie. Minus enim malum est, deesse probabilitatem externam boni, quam adesse probabilitatem mali.

§19. Notandum 3. Pro diversitate horum graduum requiri etiam diversa indicia excusantia ad temeritate Iudicii: nam quæ sufficiunt ad excusandam à peccato Dubitationem, non sufficiunt ad excusandam suspicionem, & sic deinceps. In exemplo. Si videas Clericum, vel Religiosum cum femina alioquin suspecta solum loquentem familiariter, erit aliquando sufficiens fundamentum ad dubitandum, & suspendendum assensum, an ille Clericus, aut Religiosus sit studiosus continentie, non tamen erit sufficiens ad suspicandum, hoc est, ad iudicandum, quod subit & lateat probabilitas incontinentie. Quodsi videres illum cum femina suspecta nonnihil jocantem, v. g. percutiendo se vicissim, esset quandoque fundamentum sufficiens ad suspicandum, fortè tamen necdum ad opinandum. Quodsi accederet palpatio manuum aut vultus, esset fundamentum opinandi. Si denique accederent oscula & amplexus, esset quandoque fundamentum etiam firmi & non temerarii iudicii formandi, quia talia indicia raro, aut vix unquam fallunt. Sed hæc exempli gratia.

§20. Notandum 4. Temeritatem in iudicando posse contingere dupliciter: primò, &

rariùs, quando videns insufficientiam fundamenti & indicatorum, nihilominus ex malitia pergo iudicare. Secundo & frequentius, quando nolo inquirere, an indicia sint sufficientia ad ralem gradum Iudicii, advertens obligationem inquirendi, & tamen pergo iudicare. His notatis

DICO 1. Iudicium temerarium supremi gradus, si est in materia gravi, & deliberatum, est peccatum mortale. Luc. 6. *Nolite iudicare, & non iudicabimini.* Ratio est. Quia sicut per detractionem apud alios, ita per temerarium iudicium apud nos ipsos auferimus bonam famam, quam alter possidebat, vel si positive non possidet bonam famam, eò quod nihil boni de eo specialiter sciebamur, auferimus tamen hoc ipsum æstimabile bonum, quod est: *Non æstimari malum ab aliis*, quæ est bona fama negativè. Deinde per tale temerarium Iudicium præcluditur injustè vià ad bonam famam positivam acquirendam, sicut si quis mihi in via publica obsteret, ne possem pergere ad nundinas, ut inde lucrum teporarem.

§21. DICO 2. Opinio temeraria faciliùs & sapiùs à peccato mortali excusatur, & per se loquendo, non videtur unquam esse mortale, sicut nec Suspicio, & Dubitatio. Ità communiter Theologi. Ratio est, quia tale formidolosum Iudicium facillè deponibile, non disponit animum, ut procedat ad operationes exteriores, sicut temerarium Iudicium, & ideo nemo rationabiliter graviter agere ferret tale Iudicium, utpote ex se non graviter nocivum.

§22. DICO 3. Quando sunt utrinque probabilia indicia, tunc non licet iudicare positivè & directè contra famam alterius, neque tamen etiam teneor positivè iudicare pro fama alterius. Prior pars probatur: quia in dubio nemo est condemnandus aut infamandus, melior enim est conditio possidentis famam: neque ob solam probabilitatem licitum est, auctoritate privata alterum privare re possessà, ut tradit S. Th. a. 4. Secunda pars Conclusionis etiam probatur. Nemo enim tenetur se in favorem alterius exponere periculo errandi intellectualiter: atqui omne iudicium probabile exponit tali periculo. Ergo, &c.

§23. Dices in dubio favendum est reo, & dubia sunt benignè & in meliorem partem interpretanda: & ut habet regula Juris civil. 135. §. fin. *In re dubia benigniore interpretatione sequi non minus iustus quam tuus.* R. Hæc esse intelligenda vel de Iudicio externo, vel de lignis externis, quatenus me debeo gerere exterius, ac si nihil scitem de probabilitate opposita.

Advertunt tamen Theologi cum S. Thoma, quod licet possit aliquis se cum tali persona circumspicere gerere, modò nihil debiti honoris, & obsequii denegetur.



## CONTROVERSIA IV.

*Quid de Detractione dicendum sit.*

## S Y M M A R I U M.

**Q**uid sit Detractio. §24.*Fit verbis & factis. eod.*

Detractio alia est simplex, alia Sufurratio. §25.

*An, & ex quo capite Detractio differat specie à temerario iudicio. §26.*

Differunt specie Theologica. §27.

*An Detractio sit peccatum mortale, si fiat in materia gravi apud unum solum hominem. §28.**Quid operetur Detractio apud unum solum. §32.**Quanta necessitas sufficiat, ut licitum sit divulgare alienum delictum. §33.*

§24. **D**etractio est alienæ famæ injusta apud alios denigratio, seu diminutio. Fit quidem communiter verbis, sed quandoque etiam factis, quæ verbis æquivalent ad significandam mentem, v.g. pingendo alicui in janua paribulum ad significandum furtum, appendendo cornua ad significandum adulterium. Fit autem detractio non solum affingendo alicui falsum, sed etiam occultum verum manifestando aliis quibus necdum notum est: quia apud hos adhuc possidetur bona fama, quâ possessione injustè spoliatur in certis circumstantiis, ut paterebit ex dicendis: & hinc nascitur obligatio restituendi.

§25. Detractio alia est simplex, alia est Sufurratio, nempe quando quis lædit famam apud tales personas, ut per consequentiam lædatur pax, concordia, charitas, v.g. inter consanguineos, domesticos, familiares: teneaturque subito ad restitutionem non solum famæ, sed etiam pacis, concordie, &c. & est peccatum specie distinctum à simplici detractione, juxta regulam à nobis traditam de distinctione speciei peccatorum in lib. 3.

§26. **Q**UÆRITUR 1. An, & ex quo capite Detractio differat specie à Temerario iudicio. Adverto, duplicem bonam famam proximi posse considerari, radicalem & formalem. Radicalem bona fama est notitia habitualis seu species quas accepimus de doctrina Petri v.g. quando audivimus eum disputantem, aut concionantem, &c. quæ species quando excitatur, inclinant nos ad iudicandum, Petrum esse doctum, quamdiu non acquisivimus species inclinantem ad iudicium contrarium. Fama formalis est ipsum actuale iudicium de doctrina Petri. Hoc observato

§27. **D**ICO, Temerarium iudicium & Detractionem esse peccata specie Theologica diversa. Ità Lugo, asserens, esse conformem praxi Confessoriorum, & fidelium sensui. Est tamen contra Motinam & Dicastillum. Probatur, Tu-

dicium temerarium hoc ipso quod sit temerarium, & sine sufficiente fundamento elicitum, non exstinguit in suo subiecto bonam famam radicalem, sed relinquit totam, vi cuius sine alia instructione extrinsecus adveniente postquam restitueret bonam existimationem apud nosmetipsos, reflectendo nos supra temeritatem iudicii præcedentis, & supra insufficientiam motivorum. Econtra Detractio tollit etiam in proximo, quantum in se est, bonam famam radicalem, ingenerando species contrarias, quibus priores species suadentes bonam famam, opprimantur, & vincantur: unde opus est novâ instructione extrinsecus adveniente ut redeat bona existimatio habitualis apud eum, qui detractori aures dedit. Ergo est sufficiens fundamentum diversificandi specie hæc peccata, juxta regulam traditam in lib. 2. operis Theologici tr. 1. de Peccatis.

§28. **Q**UÆRITUR 2. An Detractio sit peccatum mortale, si fiat in materia gravi apud unum solum hominem, qui rem secretam tenebit, nec aliud damnum inferet illi cui detractum est. Negant Cajetanus, Antoninus & alii, quorum sententiam probabilem vocant Dicastillo & Diana.

§29. **D**ICENDUM tamen est, etiam talem detractionem, per se loquendo, esse peccatum mortale. Ità communis. Probatur primo à minore ad majus. Minus est, perdere tantum bonam famam formalem per temerarium iudicium apud unum hominem, quam perdere famam tam formalem quam radicalem per detractionem apud unum hominem: atqui temerarium iudicium tantum tollit famam formalem, & quidem apud unicum hominem, & tamen est peccatum mortale: ergo multò magis detractio.

§30. Probatur 2. à priori. Quia vel apud unum virum gravem amittere famam in re gravi, etiam si quis certus sit, nihil inde ulterius damni secururum, maxime molestum & durum est, quod quidem negant adversarii, sed experientia comprobatur in obligatione confitendi delictum Sacerdoti noto, etiam si aliud incommodum nullum timeatur. Certè sub prætextu contrarii fundamenti denique alius extendit ad duos, alius ad tres, & sic deinceps.

§31. Obijciunt 1. Fama, Honor, & æstimatio hominum non sunt bona per se appetibilia aut æstimabilia à prudentibus, sed solum in quantum sunt stimuli ad vitia fugienda, sedandasque virtutes, in quibus verus honor consistit, & in quantum juvant ad reliqua bona fortunæ comparanda, & proximos ædificandos; quod si non deserviant ad aliquid horum, non possunt licite appeti, imò debent contemni à viro probò. sed in nostro casu, ut supponitur, id quod honoris deperditur aut famæ, nihil impedit aut juvat ad prædictos fines: ergo non est, cur tanti æstimentur à viro prudente.

332. Hoc argumentum, quod P. Dicastillo putat, non esse facile solubile, imprimis nimium probat, nempe quod ne quidem veniale peccatum esset, quod nemo concedit. 1. probat, quod denique non esset ægrè ferendum, si centum hujusmodi viris manifestaretur, à quibus de cætero nihil timendum esset, quod iterum nemo concedit. Itaque ad argumentum respondendo, transeat major (quam scio à magnis hujus temporis Theologis intrepidè negari) hego minorem: nam talis detractio evidenter hoc operatur, ut infamatus non possit amplius sub motivo bonitatis sibi detracta, v. g. sub motivo hominis Casti aut temperantis, amari ab illo viro prudente ut finis CUI: amari autem est alteri benè velle: vnde sequitur, quod casu quo enervarentur alia motiva amandi, cessaret omnis amor. Deinde ille vir prudens non potest amplius tam honorificè ut prius, & sine mendacio suam existimationem apud alios testatam facere, quod tamen utique servire posset ad aliquem finem in argumento positum.

333. Obijciunt 2. Licitum est in Confessione explicare circumstantiam peccati, ex qua Confessarius intelligat complice: ergo talis revelatio non est gravis infamatio. R. Negando consequentiam. Neque enim hoc ideo licitum est, quia non est gravis infamatio, sed quia adest necessitas manifestandi. Tunc ergo solummodo talis manifestatio licita est, quando sine illa non potest sufficienter explicari species peccati, v. g. incestus cum matre, forore, &c. adeoque in favorem integritatis Confessionis est licita: atqui quando subest iusta causa infamandi, cessat malitia formalis infamationis. Hinc communis habet sententia, quod poenitens non tantum possit, sed etiam debeat manifestare complice, non obstante ejus infamazione apud Confessarium, ut videre licet apud Dicastillo *hic lib. 2. tit. 2. d. 12. p. 2. d. 9.* & Lugo de Pœnit. d. 16. §. 7. & ex professo tractavi in eodem loco.

334. Obijc. 3. ex probabili sententia potest quis ad leniendum dolorem, modò absit vindicta, manifestare amico delictum occultum, quo ab altero laesus est: ergo signum est, quod non sit gravis infamatio. R. Transeat antecedens: negatur consequentia. Probabilitas illius sententiae fundatur in hoc, quod tunc subest iusta, & sufficiens causa: an autem revera talis sit, constabit ex dicendis.

QUÆRITUR 3. Quanta necessitas sufficiat, ut licitum sit evulgare alienum delictum.

335. DICO 3. Et respondeo cum distinctione. Vel accepisti notitiam illius occulti defectus injustè, vel sine injuria ad te pervenit. si primum, tunc ut tradit Card. de Lugo d. 14. §. 7. n. 101. subdistingendum est: si incidat casus, in quo posses licitè hujusmodi notitiam

tibi comparare, si eam necdum haberes, tunc posses uti notitiâ, quam jam habes, quantumvis injustè comparatam, & posses delictum evulgare, si id casus & necessitas postulare, v. g. si necessaria esset alieni delicti evulgatio, ad redimendam injustam vexationem, quam patetis ab eo, cujus occultum delictum nosti, vel si Rei publicæ salus id exigeret, vel si ipse reus teneretur ex iustitia suum delictum manifestare. Ratio est, quia tunc habita notitia justificatur, & perinde se habet, ac si de præsentī iustè acquireretur, ut in simili docent Theologi de injusta ablatione pecuniarum, quæ deinde retineri possunt, si casus emerget, quo eas licitè accipere possem.

336. Quod si nullus hujusmodi casus incidat, non potes evulgare gravè delictum, injustè cognitum, propter quodcumque gravissimum tuum damnum & periculum etiam mortis evitandum. Ratio est, quia cum notitiam injustè comparaveris, nec illa justificatur, perinde te getere debes, ac si nullam criminis notitiam haberes: atqui casu, quo nullam notitiam haberes, non liceret tibi fingere delictum alterius, ut tuum incommodum evitares. Ergo, &c.

Si verò notitiam iustè comparasti (qui casus est frequentior) nec accepisti sub secreto, tunc observanda est regula, quam tradunt DD. in materia charitatis, & breviter superius retulimus, nempe, quando damnum meum, vel alterius innocentis, quod imminet ex delicti alieni occultatione, est respectivè tam grande, ut illud non teneret ex charitate subire ad impediendum grave damnum alterius, quod illi imminet ex manifestatione delicti, tunc possum licitè manifestare, sed cum hac cautela, ut manifestatio fiat cum minore damno, quam fieri potest. Ità Card. Lugo, n. 113. v. g. si tibi ex occultatione alieni delicti imminerent tormenta, vel gravis jactura bonorum, quæ de statu tuo decideres, potes alienum delictum manifestare, etiam cum jactura vitæ illius, sicut in certis casibus ob bonum publicum potest delictum occultum denunciari. Idem cum proportionem dicendum est, si damnum esset in bonis fortunæ.

337. Probatur 1. A posteriori. Certum est ex omnium sensu, quandoque hujusmodi revelationem criminis alieni licere, non solum ob bonum publicum, sed etiam ob privatum, ut cum conjuges inter se manifestant delicta filiorum, vel famulorum: atqui non potest alia expeditior regula & mensura assignari, quam illa, quæ assignatur in charitate. Ergo hæc est assignanda.

338. Probatur 2. a priori. Quia ius, quod habet reus, cujus delictum adhuc occultum a te scitur, est infirmum, & limitatum, nempe, ut non propaleatur, nisi quando & in quantum expedit posse propalari: expedit autem posse propalari tunc, quando alius innocens ex retentio-

ne secreti pateretur damnum respectivè notabile: ergo, &c. Minor probatur. Nam ad tranquillitatem Reipublicæ, & ut illi qui deliquerunt occurrè, habeant stimulum conservandi deinceps bonam famam per bonos mores, sufficit, si non liceat eorum defectus propagare sine causa urgente: & contra, expedit omnibus hoc fructum injici, ut sciant, sua delicta etiam occulta posse propagari, quando occultatio esset innocentibus graviter damnoſa. Ergo in hoc casu est facultas propagandi, quantum necesse est ad prædictum finem.

## CONTROVERSIA V.

*Quanam Notorietas, seu Publicitas, vel alia causa excuset à vitio Detractionis.*

### SUMMARIUM.

**A**N aliqua Notorietas sufficiat ad excusandam Detractionem. 539.

Quanta, & qualis ea debeat esse. 540.

Quot hominibus innotuisse necesse sit. 544.

An sit peccatum mortale, propagare scienter crimen falso de alio sparsum publice. 545.

An homini non existenti possit graviter detrahi, cum obligatione restituendi. 546.

An sine vitio Detractionis liceat manifestare injuriam ad leniendum dolorem. 548.

Quenam necessitas excuset à vitio Detractionis, Remissivè eod.

An Prælati possint aliis communicare notitiam delicti sui subditi ad se delati, ut ad patrem. 550.

539. **Q**UÆRITUR 1. An publicitas seu notorietas sufficiat ad excusandam à vitio detractionis. Respondetur affirmativè. Ratio est, quia si comparatur damnum quod inferretur per ulteriorem propagationem & propagandi licentiam, cum commodum quod affert Reipublicæ potestas & licentia ulterius propagandi, commodum Reipublicæ præponderat, quod sic declaratur. Quando crimen vel defectus jam est publicus, expedit, alios adhuc ignaros quandoque certiores fieri, ne alioquin delinquens honoretur & magni fiat, ac præferatur aliis ille, qui apud alios communiter & publice caret bonâ famâ, & merito suo aliis posthabendus: talis autem honoratio cedere posset in aliorum præjudicium, qui habentes famam integram, æqualiter honorarentur cum habentibus famam denigratam, & sine jure recuperandi, eò quod non sit falsa, sed vera fama publica.

Potèrò hæc ratio non procedit, quando defectus adhuc occultus est; tunc enim non expediebat licentia evulgandi, per hanc enim li-

cent am tolleretur stimulus honestioris vitæ & morum apud plurimos, qui defacto mores rectè componunt, ut bonam existimationem apud ignaros delicti commissi conservent.

540. **Q**UÆRITUR 2. Quanta & qualis debeat esse publicitas, ut excuset à vitio detractionis. **R.** 1. Notorietatem juris sufficere, ut quis possit crimen per sententiam condemnatoriam publicatum, & quæ transit in rem judicatam, publicare ubivis locorum, etiam quo notitia alioquin non fuisset tam facilè perventura. Ratio est, quia sicut ipse Iudex posset suam sententiam omnibus manifestare, ita censetur aliis facultatem dare eandem ubivis manifestandi. hæc enim est publicationis intentio & finis, ut sententia quàm latissimè dimanet.

541. **R.** 2. Quæ sunt publica notorietate facti simpliciter & absolute, possunt non tantum in vicinia ulterius evulgari, sed etiam in locis remotioribus, cum quibus commercium litterarum esse potest. Ratio est, quia si quis ex illis partibus remotioribus eò veniret, ubi crimen publicum est, posset illi tanquam publicum manifestari: ergo etiam absenti manifestari potest: jam enim alteri licet notitiam delicti acquirere, nec interest an eam comparet per accessum ad me, vel meum accessum ad illum. Talia delicta communiter sunt, quæ sunt notoria in aliquo oppido aut civitate. Non item illa quæ sunt solum notoria in aliqua communitate strictiore, cujusmodi sunt communitates Religiosorum, talium enim delicta plerumque ejusmodi sunt, quæ si aliis extra communitatem publicarentur, etiam innocentibus illius communitatis maculam aspergerent: solet enim vitio malevolorum hominum toti hujusmodi communitati attribui, quod ab alteròve committitur, Quapropter jure merito censentur omnes & singuli inviti quoad talem publicationem, & ideo singuli ex tali communitate tenentur servare secretum.

542. Ex hac ratione videor mihi rectè inferre, aliquando hoc ipsum verificari posse in delicto publico in aliqua civitate. Finge enim aliquos ex civibus commisisse actum aliquem valde ridiculum, imprudentem (qualia de pluribus civitatibus conficta esse nemo ignorat) qui si apud alios evulgaretur, omnibus illius civitatis incolis, præsentibus & futuris, non leve præjudicium crearet, ut quocunque venirent, fabula fierent, unde sæpe periculose rixæ nascerentur: quæ incommoda qui prævideret, non posset, meo quidem judicio, sine gravi culpa, prætextu publicitatis, talem actum evulgare.

543. **R.** 3. Si illud delictum, quod aliquando fuit publicum publicitate facti non juris, deinde oblivioni traditum sit, & reductum in eum statum, in quo fuit ante publicitatem, reddit etiam obligatio non publicandi. Esset enim recens

recens & nova famæ ablatio, & quidem famæ justè possessa.

544. QUÆRITUR 3. Quot hominibus innouisse necesse sit, ut crimen sit publicum siue simpliciter siue respectivè, hoc est, respectu certæ communitalis. 2. In genere hanc regulam tradi. Si tot homines & talis conditionis, sciant delictum, ut, etiam si ulterius evulgatio esset prohibita, parum tamen eâ prohibitione impediretur, quominus ulterius evulgaretur, siue id proveniret ex talium hominum inconsiderantia, siue nimia loquacitate, &c. tunc censeri delictum esse sufficienter publicum, ut sine vicio possit ulterius evulgari. Ratio est, quia in tali casu spes retinendæ bonæ famæ apud alios est terè nulla, ut proinde inutiliter alii gravarentur ad illam illasam servandam. Practicè ità statuunt Molina & Layman *tr.* 3. p. 2. c. 3. n. 8. Si Communitas constet. 8. personis, sufficit, si cognoscant delictum 4. personarum. Si constet 20. sufficit si cognoscant septem. Si constet centum, sufficiunt 15. aut 20. ex diversis domibus. & denique si civitas constet 5000. sufficit si triginta sciant. Semper autem subintelligendum est, si sciant notitiâ non per injuriam acquisitâ. Si dubium est, an sit defectus sufficienter publicus, non licet ulterius propagare, quia in dubio melior est conditio possidentis. Ceterum limitat P. Layman superius traditam doctrinam. Si crimen, inquit, in domo notorium sit, non ideo potest aliis ex vicinia manifestari, vel, si in vicinia duntaxat notum, non ideo aliis partibus amplæ civitatis, vel locis, in quibus criminofus famam hæcenus illasam retinet, fas est revelare. Ità P. Laym. ex qua limitatione colligi potest, taxationem numeri personarum pro minore vel majore communitate, non habere vim regulæ fixæ, sed semper tandem recurrendum esse ad regulam generalem paulò ante traditam, nempe si res ità notoria sit, ut moraliter loquendo, & spectatâ hominum conditione, vix ulla spes sit fore, ut crimen maneat occultum; ac proinde non esse æstimabile damnum, quod inferri possit per ejus evulgationem, ut statim in sequentibus advertit idem P. Layman.

545. QUÆRITUR 4. An sit peccatum mortale, propagare scienter crimen falsò de alio jam satis publicè sparsum, ità ut si esset verum liceret propagare notitiam. Respondeo cum distinctione. Si quis plus non diceret, quàm se habere ex fama communi, non peccaret graviter contra iustitiam, quia verum diceret, & effectivè non plus damni inferret, quàm liceret inferre cuivis alteri, qui ex eadem fama publica (sed ignarus falsitatis) propagaret. Si verò diceret, sibi aliunde constare de veritate famæ & delicti, tunc peccaret mortaliter: quæ videtur esse mens P. Laym. l. c. Cont. 2. Ratio est, quia cum falsitas famæ posset aliunde innoscere, & sic spes esse recuperandæ bonæ famæ,

novus ille infamator suâ auctoritate, quantum in se est, impediret restitutionem famæ: sicut qui aliquem jam antè funibus ligatum, vellet novo vinculo ligare, ne, si alii sua vincula tollerent, solutus abire posset.

546. QUÆRITUR 5. An homini non existenti possit graviter detrahi, cum obligatione restituendi. 2. 1. Homini qui nunquam existit, sed fingitur existisse, nulla potest fieri injuria per detractionem, quia nullam famam habet, & in hominum notitia non aliter existit quàm individuum vagum: ac proinde non aliter lædi potest, quàm si dicerem, aliquem hominem in concavo lunæ existentem commisisse adulterium. 2. Homini futuro potest graviter detrahi, cum obligatione restituendi. v. g. si dicerem, hujus faminæ gravida proles omnes, & fuisse & futuras esse leprosas, steriles, &c. Nam licet de præsentis non habeant famam, habebunt tamen, & pro tunc læderentur, nisi ego interea retractarem. 3. Defunctis, de quibus non constet esse damnatos, potest detrahi graviter cum obligatione restituendi, quamvis plerumque minus grave peccatum sit, quàm si vivis eadem fieret detrahitio, eò quod in multis materiis non censeantur adeo curare famam, quâ non ità indigent, sicut vivi. Ità Mol. Laym. Lugo. Ratio est, quia fama potest illis adhuc esse æstimabilis, & utilis etiam post mortem, aliquin quicunque egregia opera præstarent ad famam post mortem retinendam, dici deberent ex errore operati, & quidem ex errore à natura indito, quod est incredibile. Respond. 4. Personæ, de cujus æterna damnatione constet ex fide, non sit injuria, si illi detrahantr, nec proinde est obligatio restituendi. Est contra Card. de Lugo n. 46. sed communis aliorum Mol. Laym. Malderi.

Probatur 1. Damnati hoc ipso quoddam sint in perpetuo statu miseræ, non possunt amplius expectare, aut intendere utilitatem ex aliis creaturis, sed potiùs meram afflictionem: atqñ omne lus debet esse ordinabile ad utilitatem, & commodum habentis lus: ergo nullum lus habent damnati adversus alios homines.

547. Probatur 2. Obligatio ex iustitia completur ultimò à voluntate divina, volente unum gravare in favorem alterius, ut alibi diximus, & iterum dicemus acturi de promissione: atqui est incredibile, & contra sentum fidelium, nos gravari à Deo in favorem illorum, quos à sua amicitia æternum vult excludere, & à quibus aliud non potest expectare, quàm blasphemias, ergo, &c. Ad fundamenta adversarii facile responderetur. Et primum quidem præter admixtionem nihil habet: concedo illi omnes sequelas, v. g. quòd Lucretiæ (si sit damnata) non fieret injuria propriè dicta, si quis diceret, eam fuisse meretricem, & sic de aliis. Et nego esse



duras, sepositâ priûs falsâ apprehensione. Deinde nego damnatos esse nostros proximos quoad famam, hæc enim est manifesta petitio principii, & inde patet oppositum, quia nullâ lege charitatis obligamur damnatis, quos scimus esse nostros irreconciliabiles inimicos. Tertium argumentum desumptum à paritate Reipublicæ humanæ, cuius si quis sit inimicus non propterea spoliatur omni iure, jam est data disparitas: talis enim nondum est redditus incapax felicitatis, & commodorum, sicut sunt damnati.

548. QUÆRITUR 6. An sine vitio detractionis liceat manifestare injuriam ab alio illatam ad leniendum dolorem. Ratio dubitandi movetur à Card. Lugo n. 54. quia si hoc liceret, etiam liceret ad leniendum dolorem repercutere percutientem. Disparitatem dat Lugo: quia repercutiens intendit formaliter vindictam, & ex ea quâ tali lenit dolorem: qui verò manifestat alterius crimen injuriæ mihi illatæ, vult præcisè lenire dolorem aliquantulum excutiendo injuriam, sicut dolorem dentium cupimus lenire per gemitus. Ego quidem disparitatem agnosco, sed non puto sufficere ad probandam licentiam manifestandi delictum. Si enim licebit alteri auferre famam, non quidem intendendo malum ipsius quâ tale, sed quatenus servit ad leniendum meum dolorem, licebit etiam auferre pecunias illi qui me injuriavit aut percussit, non quidem intendendo malum illius quâ tale, sed ad leniendum dolorem ex injuria provenientem.

549. Ex alio ergo capite probandum est, licere talem injuriam manifestare, sed non nisi in eum finem, & eo modo quo talis manifestatio non habet rationem vindictæ, sed rationem medii ad injuriam propulsandam. Dico itaque quod quicumque alium afficit injuriâ (prouthic accipitur injuria, nempe pro læsione famæ aut honoris dolo malo facta) cedit hoc ipso jure suo, ut possit hæc ejus injuria fieri publica, quamdiu non habet animum restituendi. probatur. Nam jus naturale & positivum concedit, ut injurias possit conveniri actione injuriarum, & ad palinodiam adigi, etiam cum infamiae notatur ergo non licebit manifestare amico, consilii petendi causâ, vel ut apud amicum præveniat? ob solum autem levamen doloris non video sufficientis fundamentum.

QUÆRITUR 7. Quænam necessitas excuset à vitio Detractionis. De hoc jam dictum est Contr. præced. Quæst. 3.

550. QUÆRITUR 8. An Prælati possit aliis communicare notitiam delicti sui subditi ad se delati, non ut ad judicem sed ut ad patrem, pro remedio adhibendo. De hoc puncto, inquit Lugo, n. 117. disputatum accuratè fuit in nostra Societ. in Congr. 6. generali, & decreto 33. sequentia statuta sunt. 1. Eâ rationis secretum servare debet Superior, ut de-

ferentem nulli revelet sine ejus consensu, quem interdum dare tenebitur, atque ita ut semper superior omnimodè indemnitate deferentis consular. 2. Delatum etiam nulli debet revelare, qui non possit prodesse fini, quem denuntiatio paterna intendit, qui est profectus spiritualis subditorum, & bonum commune Religionis, quibus superior debet paternè providere. Quare sine urgente necessitate & magna utilitate in ordine ad dictum finem, & cum eo minore detrimento, quo possit respectu famæ delati, nunquam debet manifestare delatum. 3. Quando judicat, ob fines & rationes dictas, revelandum, tunc debet illis tantum manifestare, qui prodesse possunt ad remedium adhibendum. 4. Habitâ ratione finis denuntiationis paternæ, potest ipsum delatum aliquando monere, & corrigere secretò coram duobus testibus, ut ex Evangelio cum S. Thoma docent DD. item & de remedio consulere, imponendo secretum iis cum quibus communicat. 5. Potest etiam unus Superior rem sic delatam, & notam alteri Superiori ejusdem delati manifestare, quando res ita postulaverit ad finem paternæ delationis. 6. Cum autem possit, & sit licitum consulere cum iis, cum quibus expedit pro remedio & cum secreto, ut tamen cum majore cautione procedatur, quando consultatio videretur necessaria, petatur consensus deferentis, quem dare ille debet; sic tamen, ut in consultatione deferentis nomen taceatur, & res, quoad fieri potest, in universalitatem tractetur. Non debet autem Superior petere à deferente, ut suo nomine subscribat rem delatam, cum ea subscriptio tantum deferat denuntiationi judiciali. 7. Potest item ob dictum finem facere secretò quæcunque judicaverit expedire ad medium profectumque delati circa ejus infamiam: ut, monere privatim, reprehendere, terrere minis, diligentius invigilare circa ipsum, mutare illum loco, prævenire occasiones, cavere à recidivo, non admittere ad aliquod officium, removere ab officio quod habet, si sine violatione secreti sub alia occasione apparenti, & probabili id præstare possit. 8. Potest etiam Superior aliqua ex sic delatis publicare in publicis refectoriis reprehensionibus, ut sunt defectus leves, & communes subditorum, imponendo poenitentias ordinarias, secundum praxin communem Societatis, dummodo non afferant ipsi delato infamiam alicujus momenti, & quoad fieri poterit, consensus habeatur deferentis, & sine ullo ejus detrimento fiat. 9. Denique potest Superior interdum ex sic notis, & ad se tantum ad patrem delatis, venire ad dimissionem delati ex Societate: sic tamen, ut, licet adjuvetur, & utatur hac notitiâ, non tamen eo modo procedat, ut talis defectus possit cognosci ab aliis vel in specie, vel in genere. Sed alias alia viâ cognitæ notas apponat, quæ ad illum dimittendum sufficientes sint in opinione aliorum, aut certe

certe nihil dicat, nec det occasionem aliquam credendi, quòd aliquid tale imponatur in pœnam delicti, quod omnino secretum est, nec aliâ viâ scitur, quàm paternæ denuntiationis.

## CONTROVERSIA VI.

*In quibus Personis nascatur ex Detractione obligatio restituendi.*

### SUMMARIUM.

**A**d qualem restitutionem teneatur ille, qui sine culpa Theologica graviter læsi famam alterius.

§§1.

*Obligaris ex iustitia impedire damnum alienæ famæ imminens ex tua actione etiam inculpabiliter posita, sed cum limitatione.* §§2.

*An reus negans delictum cum præiudicio famæ accusatoris, aut testium teneatur fateri delictum.* §§6.

§§1. **QUÆRITUR 1.** Ad qualem restitutionem teneatur ille, qui sine culpa Theologica graviter læsi famam alterius. Et quidem certum est ad minimum teneri ex charitate, si sine notabili suo incommodo possit impedire, ne fama alterius ex sua, vel cuiuscunque alterius actione detrimentum patiatur. Præterea certum est, quòd etiam actio illius, qui inculpabiliter famam alterius læsit, influat aliquo modo in detrimentum famæ alterius, quamdiu suam actionem non retractat, aut nisi aliunde infirmetur: semper enim dependenter ab illa actione manet in illis iudicium habituale de mala fama proximi: sicut si ignis à te accensus non extinguitur, ignis operatur dependenter à tua incensione præcrita.

§§2. **DICENDUM** est, quòd sit obligatio ex iustitia impediendi damnum alienæ famæ, quòd ex tua actione etiam inculpabiliter posita imminet, si sine gravi tuo incommodo (quale non deberes ex charitate pati) possis: & per consequens si id non impediatis sciens te teneri, teneberis deinde ex injusta læsione ad restitutionem damni secuti. Ità Molina, Lugo, Arubal, Rebullus, & Lessius. Deducitur Conclusio ex generali principio ex terminis probabilibus. Unusquisque enim ex officio à natura imposito, tacitoque omnium consensu tenetur specialiore modo suas actiones gubernare, quam actiones proximi, ne aliis sint damnosæ, atque aliorum actiones tenemur gubernare ex charitate: ergo proprias ex iustitia, nec enim apparet, ad quam aliam virtutem specialiter spectet.

§§3. Dices: hoc tantum procedere, & verum esse, quoad actiones huiusmodi non ponendas: hoc est, ex officio tenemur non ponere damnosæ: at verò postquam actio inculpabi-

liter posita est, adeoque fortuitò, non videtur amplius esse obligatio ex iustitia illam actionem revocandi, & extinguendi, si pergat esse damnosa: si enim daretur talis obligatio, sequeretur, quòd sicut à principio sui obligatus non damnificare alterum, etiam cum notabili meo incommodo, quòd, inquam, eodem modo postmodum obligaret ad revocandam actionem jam inculpabiliter positam, cum notabili meo incommodo, quod nemo dicit.

§§4. Responderi tamen potest, neganda paritatem. Non enim debet esse par obligatio ad non lædendum voluntariè, & ad impediendam læsionem proveniente ex actione non voluntaria, sed fortuita & inculpabili. Si enim obligaret ex iustitia impedire damnum alterius cum damno meo notabili, obligaret ad me ipsum damnificandum in favorem alterius sine omni mea culpa, quod nimis durum est: nec videntur homines in talem obligationem consensuri fuisse, sicut confecerant in obligationem restituendi damnum à nobis voluntariè, ac directè, & non tantum permissivè datum.

§§5. Et hæc quidem dici possunt in favorem communis sententia. Cæterum P. Dicastillo oppositam sententiam etiam probabiliter vocat, quod non ausim negare, eum, seclusà auctoritate, nitatur Conclusio fundamentato satis incerto.

§§6. **QUÆRITUR 2.** Si reus neget delictum cum præiudicio famæ accusatoris, aut testium non sufficienter probantium delictum, an teneatur restituere confitendo delictum. P. Molina d. 43. varias adhibet distinctiones, quæ in praxi non videntur habituræ utilitatem, ut bene ostendit Lugo: cum quo §. 1. Si reus non interrogatur servato juris ordine, & judicialiter, ità ut ex obedientia teneatur verum fateri (de quo in tract. de Iudiciis dicendum erit) tunc ex communi & vera sententia ad nullam famæ restitutionem tenetur, quidquid sit an negando commiserit mendacium. Ratio est, quia reus negando crimen non est causa positiva infamationis accusatoris, aut testium, sed merè permissiva, non cooperando ad conservationem famæ. Suppono enim, quòd non dicat, illos esse calumniatores; sed præcisè dicat, se crimen non commisisse, quod posset verum esse, etiam si accusator putaret, se bonam causam habere. Quod si fingamus, accusatorem dicere, se suis oculis spectasse, adeoque negans videatur negando æquivalenter dicere, eum calumniari, adhuc excusabitur ab obligatione restituendi; quia propterea per accidens lædatur fama illius: nam per se loquendo homines potius iudicant reum negare crimen, eò quòd necdum teneatur illud fateri, quàm accusatorem falsum dicere, vel certe suspendunt iudicium: quod si aliqui iudicant accusatorem esse calumniatorem, hoc planè per accidens est, & tam parum tenetur reus hanc infamiam

famiam cavere, quam teneretur, si quis extra omne iudicium ipsi crimen exponeret, & ille negando daret aniam tali iudicio de exprobrante.

¶ Idem probabiliter dicendum videtur etiam quando iuridice interrogatur. Rationem ulteriorem, & à priori reddit Lugo. Quia reus non tenetur ex iustitia adjuvare accusatorem, & bonam facere ejus accusationem, vel, ut brevius dicam, non obligatur ulli mortali ex iustitia, ut contra seipsum probet delictum, confessio enim est omnium efficacissima probatio, vel defendere eum ab infamia, quam ea de causa potest incurrere. & hoc adeo verum existimat Lugo, ut licet crimen obiectum publicum esset, adhuc illud in iudicio negans non committeret injuriam adversus accusatorem. Posset, meo iudicio, hoc amplius confirmari & declarari in exemplo. Sicut enim in publicis scholasticis concertationibus nemo arguet mendacii defendentem, si forte, (ut fieri solet) neget aliquam propositionem, quam in animo putat esse veram, nempe quia ex receptissimo usu vox illa: *Nego*, non habet nudam significationem animi negantis, sed habet hanc significationem: *nego hoc esse verum tali tamque patente veritate, ut ab arguente possit efficaciter probari*. ita in iudiciali lite & controversia jam usu receptum est, ut reus conventus inficiando quæ accusator contra se asserit, nil aliud dicere velle censeatur, quam: se negare vera esse ita ut ab adversario probari iudicialiter possint. sicut enim accusator offert se ad probationem, ita reus censetur hoc & non aliud velle negare. Aliud esset, si quis conventus ratione debiti pecuniarii, negaret contra conscientiam se debere; talis enim utique contra iustitiam peccaret ideo, quia sicut antea dixerat ad omne iudicium tenetur solvere, & injuriam facit existendo in mora, ita utique injuste agit volendo impedire, ne alter per viam juris suum consequatur. Talis ergo debitor peccaret contra iustitiam negando debitum, etiam extra iudicium requisitus; quis autem dicat, eum peccare contra iustitiam, qui extra iudicium negat se commississe delictum, si quis privatus illi delictum obijciat? est ergo omnium iudicio disparitas.

De aliis personis, utrum & quando contrahant obligationem restituendi pro fama, nihil superest dicendum, quod non à studioso lectore ex hæcenus dictis clare deduci possit; & ideo non repetimus, ne liber, in majorem, quam lectori gratum esset, molem excrescat.



*Quo modo & quousque facienda sit restitutio pro fama laesa.*

### SUMMARIUM.

**V**trum detractor teneatur restituere famam apud mediatos auditores. §57.

An eadem sit obligatio & ratio restituendi, si crimen verum injuste evulgatum est, & si crimen falsum. §59.

Quibus ex causis cesset obligatio restituendi. §62.

An pro honore occulte negato sit restituendum. §63.

Probatio Card. de Lugo non est universalis. §65.

Nostri probatio sententia affirmativa. §66.

An excuseris à Restitutione fame per reciprocam infamationem. §68.

§57. **QUÆRITUR** 1. Utrum detractor teneatur restituere famam non solum apud immediatos, sed etiam mediatos auditores, qui ab immediatis acceperunt. Respondendum est affirmative, per se loquendo: nam per accidens sæpe excusari constabit ex dicendis. Ratio est, quia propter injustam læsionem tenetur detractor ad damna subsecuta, quæ poterat probabiliter prævidere, cujusmodi est ulterior evulgatio, nisi sub secreto communicasset personis, à quibus secretum poterat sperare.

§58. Obijciat aliquis, hoc in praxi à confessoribus non moneri, nec à penitentibus observari. Respondet Card. de Lugo n. 16. praxi hac ratione defendi posse, quia quando detractor apud immediatos revocat dictum, tunc, si illi ulterius evulgârunt, tenentur monere detractorem, vel si non monent, potest detractor præsumere, vel non esse factam ulteriorem evagationem, vel ipsosmet velle famam rescire, vel restitutionem esse moraliter impossibilem.

Addo, auditores plerumque etiam ipsos contrahere obligationem non evulgandi, & per consequens si ulterius evulgârunt, jam etiam ipsi tenentur restituere, & potest detractor præsumere ipsos facturos. Præterea immediati auditores possunt frequenter habere rationabilem causam non manifestandi illos apud quos evulgârunt: cum ergo teneantur detractorem monere de ulteriore facta evagatione, nisi iusta causa excuset, hoc ipso si non monent, præsumi potest, subesse causam, vel ulteriorem evagationem non esse factam.

§59. **QUÆRITUR** 2. An eadem sit obligatio & ratio restituendi, si crimen verum injuste evulgatum est, & si crimen falsum. & negativè. Nam si falsum crimen injuste impositum est, retractandum est omnibus modis non inferentibus longè gravius detrimentum, quam sit ipsa infamatio. Unde si simplex re-

tractatio

tractationem non sufficit, ut opinio concepta eximatur, addendum est etiam iuramentum, vel testes adhibendi si fieri potest, & profuturum speratur.

560. E contra si facta sit infamatio per criminis vel defectus veri manifestationem, tunc adhibendi sunt modi loquendi idonei, qui sine mendacio adhereri possunt, v. g. dicendo: meminimus equidem me hoc vel illud aliquid de Petro dixisse, sed erravi, feci illi injuriam, &c. hæc enim æquivoca sunt, & sensum verum recipiunt, nam omne peccatum est error, & destructio est injuria. Imò dicere posset sine mendacio, se falsum dixisse, & se nihil scire de tali defectu, revera enim non dixit verum veritate publicâ, quam solum dicere licebat.

561. Quod si hi modi loquendi nihil proficiunt, aut non possunt adhereri ex aliis causis, poterit adhuc fieri restitutio famæ, laudando illum cui detractum est, vel etiam specialius honorando: nam licet hæc ratio non fiat restitutio famæ in ea materia in qua damnum illatum est, diminuitur tamen sinistra existimatio, & quodammodo extinguitur; sicut lans, quam S. Maria Magdalena aut Ægyptiaca consecuta est per pœnitentiam, extinxit quodammodo omnem infamiam priore vitâ contractam.

562. QUÆRITUR 3. Quibus ex causis cesset obligatio restituendi. 2. quinque potissimum modis cessare obligationem restituendi famam injustè ablatam. Primò, si aliunde recuperata est fama, v. g. si falsitas detecta est apud auditores; tunc enim habetur id, quod per restitutionem intenderetur, nempe, ut non credatur. Secundò, si superinducta est oblivio stabilis: tunc enim potius tenetur, detractor silere, quàm dictorum mentionem injicere, quantumvis revocatoriam, hoc enim est læso optabilius, quia contingere posset, ut revocanti non crederent. Tertiò, si infamatus postmodum aliâ viâ famam amisit: tunc enim cessat ius ad famam recuperandam. Quartò, si rationabiliter præsumi possit, ex reconciliatione v. g. & amicitia de novo contractâ, infamatum condonare restitutionem. Quinò, si alterum infamasti per modum justæ defensionis, quia v. g. infamatio necessaria erat ad infirmendam fidem illius qui te volebat infamare, aut falsum testimonium contra te dicere, cessat obligatio restituendi, quia licitè egisti, & ille sibi imputare debet: fuit enim injustus aggressor famæ tuæ: ergo si moderatam inculpata tutelæ servasti, nulla nascitur obligatio restituendi.

563. QUÆRITUR 4. An pro honore negaro occultè & sine famæ diminutione, vel pro occulta injuria inhonoratioe, secluso omni alio damno, sit facienda restitutio. P. Molina 10. §. d. 46. negat. Fundamentum illius est, quia pro damno merè præterito nemo tenetur restituere, exceptis bonis fortunæ: v. g. si me injustè cõgisti famam pati aut frigus, su-

peratâ fame aut frigore, si nullum aliud damnum secutum est, ad nihil teneris. Hinc etiam in Judiciis quibusdam externis, nihil adjudicari solet pro dolore, quem quis ex injusta percussione passus est. Hoc tamen non obstante

Respondeo affirmativè cum Lugone, & Rebello, qui 1. p. l. 2. q. 10. §. 2. n. 3. refert, sententiam Molinæ fuisse Romæ à Censoribus nostræ Societatis improbatam. Ratio responsionis est. Nam talis inhonoratio non est damnum merè præteritum, ut supponit Molina, sed perseverat moraliter tamdiu, quamdiu non ponitur competens satisfactio. Quod quidem clare colligitur à posteriori. Si enim esset malum merè præteritum, tunc sicut de dolore capitis, aut dentium præterito gaudemus potius, quàm tristamur, ità de inhonoratioe præterita non tristeremur, quod tamen experientiæ repugnat: tamdiu enim, spectatâ communi hominum inclinatione, nolumus cum inhonorante reconciliari, quamdiu non præstat satisfactionem: ergo signum est, illam inhonoratioem moraliter perseverare. Hoc autem est jam ulterius declarandum.

564. Card. de Lugo declarat hoc modo. Honor qui unicuique competit, est ille, quem solent in his circumstantiis communiter exhibere personæ talis conditionis, & in talibus circumstantiis constitutæ: porro, communi stylo, qui alium inhonoravit, aut debitum honorem negavit, solet postea præter & ultra communia signa honoris jam antè debiti, specialia signa honoris exhibere, v. g. veniam petendo, ad prandium invitando, officiosè salutando, &c. ergo qui post inhonoratioem non exhibet specialia signa honoris, non exhibet postea honorem in talibus circumstantiis debitum: ergo de novo inhonorat: ergo ne de novo inhonorat, manet obligatus ad specialia signa honoris, quæ habebunt rationem restitutionis & satisfactionis.

565. Hæc argumentatio nititur præsuppositâ consuetudine, valde dubiâ, & non est universalis: non enim potest applicari primis inhonorantibus occultè: isti enim etiam obligantur ad aliquam restitutionem: atqui non obligantur ad specialia signa honoris, debita ex consuetudine aliorum inhonorantium: supponimus enim illos esse primos, adeoque nullam consuetudinem præcessisse: ergo debet hæc obligatio posse alio modo explicari; & ostendenda est ratio, propter quam homines communi judicio existiment, se post inhonoratioem etiam occultam teneri ad specialia signa observantia & honoris. Non est autem confundenda vindicta debita delicto cum satisfactione debita pro inhonoratioe: sicut enim fur, etiam factâ restitutione, adhuc potest esse dignus suppendio, ita potest quis inhonorans Magistrum, etiam præstitâ satisfactione seu restitutione honoris, adhuc esse dignus supplicio, eò quod in-



honoratio personæ publicæ sit delictum .pertinens ad Iustitiam Vindicativam , & non tantum ad commutativam. Nunc autem loquimur præcipuè de satisfactione pro inhonoratione.

§66. Ratio ergo Conclusionis à priori hæc reddi potest. Evidens est naturæ lumine omnibus infuso , eum qui alterum inhonorat , teneri revocare contemptum , ejusdemque significationem externam per oppositam contestationem : quamdiu enim hoc non præstat , censetur in priore contemptu perseverare : ergo quamdiu hoc non præstat , læsus non restituitur æquivalenter in priorem statum , à quo per inhonorationem dejectus , ac depressus est : jure autem exigit in integrum restitui.

§67. Porro ad revocationem inhonorationis occulæ , non est satis , exhibere communia signa honoris , quæ exhibenda erant , si nunquam inhonorasset : tum quia inhonorans per inhonorationem se extulit ultra statum sibi respectu alterius competentem , & sic est vilior , & contemptibilior factus , quam erat antè . quam regulam observat ipse Deus , humilians eos , qui se exaltant : ergo talis inhonorans jam debet se magis demittere , quam antè : ergo per communem honorationem non satisfacit : tum quia signa communis honorationis non significant satis determinatè revocationem debitam inhonorationis heri factæ , sed solum significant , quem honorem de præsentis mereatur , quidquid heri gestum fuerit : ergo ut significetur revocatio hesternæ inhonorationis , suppetaddenda sunt signa specialia , quæ læso feriam & synceram penititudinem hesterni contemptus tanquam injuste facti significant.

§68. QUÆRITUR §. An excuseris à restitutione famæ , si ab eodem , quem infamasti , & tu æqualiter infamatus es , & ille nolit restituere . R. Si tua dilatio restitutionis non conducit ad obtinendam recuperationem tuæ famæ , non excusaris . Ratio est manifesta . Quia non licet infamatorem reciprocè infamare , nisi hoc sit necessarium ad recuperandam famam : atqui non restituere famam ablatam , est quasi continuè infamare : ergo nec hoc licet . Neque enim in fama locum habet compensatio , sicut in debito pecuniario : lædendo enim famam alterius non propterea recuperasti tuam , sicut auferendo alteri pecunias , quas debet , recuperas tuam . Neque credo , quòd Lessius , & Molina in hoc sensu locuti sint , quando admiserunt hujusmodi compensationem , sed solum , casu , quo non restitutio famæ serviret ad recuperandam famam propriam .



## CONTROVERSIA VIII.

### Quid circa Injurias , & Diffamationes Iura statuant.

#### SUMMARIUM.

*Præ considerat tria Injuriarum genera . §69.*

*Injuria alia est atrox alia levis . §71.*

*Quale remedium habeat injuriam passus . §72.*

*Quomodo actio injuriarum intenetur . §73.*

*Sine actio Civilis an pratoria . §74.*

*Actio ad Palinodiam , an sit Criminalis , vel Civilis . §75.*

*An sit perpetua . §82.*

*Judicium diffamatorum ex Lege Diffamati apud quem Iudicem sit instituendum . §77.*

*Quis sit finis hujus Remedii . §78.*

*Quibus casibus fiat infamis convictus actione injuriarum . §79.*

*Quid intelligatur nomine Famosi Libelli . §80.*

*Qui libellum famosum nec composuit , nec publicavit , sed descripsit , &c. an puniendus parâ legis un. C. de fam. lib. §81.*

*Cum quis libellum famosum ab alio confectum , sed non publicatum , aliis ostendit , an ipse , an Author puniendus . eod.*

*Quibus modis actio injuriarum aboleatur . §82.*

*Utrum actio injuriarum possit redire per in integrum restitutionem . §83.*

*Quid sit Retorsio , & an aboleat actionem injuriarum . §84.*

*Utrum Maritus uxoris nomine , & Paterfam. filii nomine possint retorquere . §86.*

*Utrum possit fieri Retorsio Injurie illata per veri criminis objectionem . §87.*

*An Subditus uti possit Retorsione adversus suum Magistratum . §88.*

*An Retorsio possit scripto fieri . §89.*

*An in Personam incertam : an inferenda Protestatio . eodem.*

#### §. I.

#### Quotuplex sit Injuria.

§69. **I**N Ordine ad Civiles effectus tria Injuriarum genera Ius considerat : alia enim Injuria est Realis , alia Verbalis , alia Scripta . Realis Injuria fit in corpore alicujus , pullando , cædendo , percutiendo , attentando pudicitiam : item si quis re suâ , aut publico Iure uti prohibetur ; si non debitor , quasi debitoris bona , infamandi causâ occupantur , aut pignus proscibitur : Vestis ad invidiam alicujus mutatur : si fidejussor idoneus non accipitur : si is qui idoneum dabat in Ius rapitur : digito infami protenso quis cinædus monstratur : infami picturâ notatur , &c.

§70. Verbalis Injuria fit , si alicui sive præsentis , sive absenti convitium fit : generatim dici potest , injuriam verbalem esse , quoties aliquid moribus Regionis probrosum objicitur .

Scripta

Scripta injuria antonomasticè, & specialiter fumpta (alioquin ad verbalem reducitur) est quæ fit per libellum famosum, de quo infra.

571. Dividitur Injuria secundò in atrocem, & levem. Atrox æstimanda est, vel ex facto, ut si quis fustibus cæsus, aut vulneratus sit: vel ex loco atque tempore; ut, si in foro, in templo, in theatro fiat: vel ex persona; ut si Civis Magistratui, plebeius Senatori, parentibus liberi injuriam faciant: juxta tritum illud:

*His tribus ex causis Injuria dicitur atrox:*

*Facti, Personæ, vel ratione loci.*

Interest autem nôsse hoc discrimen: Non enim contra quemcunque datur actio injuriarum, quâ vindicet injuriam atrocem; v. g. filius emancipatus potest atrocem injuriam persequi contra patrem, non item levem, constitut<sup>9</sup> in patria potestate neutram potest. *L. Prætor. 7. §. 8. ff. de injuriis. ibi. Sed est quis ex liberis, qui non sunt in potestate, cum parente vellet experiri, non temerè injuriarum actio danda est, nisi atrocitas susceperit: certè his qui sunt in potestate, prorsus nec competit, etiam si atrox fuerit.*

## §. II.

### De Actione Injuriarum.

572. QUÆRITUR 1. Quod remedium habeat injuriarum passus? *Re.* Datur illi actio injuriarum: & quidem non solum illi, qui immediatè in se passus est (si injuriam statim ad animum revocaverit, nec postea remiserit) sed etiam Patri (si filium contumeliam passum habeat in patria potestate) Marito ratione vxoris, ac Socero ratione Nurus (si filium maritum habeat in patria potestate): cæteri verò conjuncti non nisi quando injuria etiam in illos redundat. *§. 2. J. h. t. Patitur autem quis injuriam, non solum per semetipsum, sed etiam per liberos suos, quos in potestate habet, item per vxorem suam, id enim magis prævaluit. Itaque si filie alicujus, quæ Titio nupta est, injuriam feceris, non solum filix nomine tecum injuriarum agi potest, sed etiam patris quoque, & mariti nomine: contra autem si viro injuria facta sit, vxor injuriarum agere non potest. Defendi enim vxores à viris, non viros ab vxoribus æquum est. Sed & Socer nurus nomine, cujus vir in ejus potestate est, injuriarum agere potest.* Controversum esse posset, an pater possit injuriam filiof. m. irrogatam eo invito remittere ex qua potest agere. Negat Pinellus, & Treuderus. Communis sententia affirmat, nisi pater esset respectu filii vilis persona. *L. 17. §. 12. ff. h. t. Planè si præfens (pater) agere nolis, vel quia differi, vel quia remitti, atque donat injuriam, magis est, ut filio actio non deatur, nam & cum abest, idcirco datur filio actio, quia verisimile est, patrem si præfens fuisset, acturum fuisse.* Quodsi injuria esset talis, ob quam filio competit actio ex lege Cornelia, tunc pater, nec agere, nec remittere potest. *L. 5. §. 6. ff. de leg. ff. h. t. Ubi tamen*

additur: *Sed patri quidem prætoriam actio injuriarum competit, filio verò legis Cornelia.*

573. QUÆRITUR 2. Quomodo hæc actio intentetur? *Re.* Intentari posse criminaliter, vel civiliter, prout placuerit. Si civiliter injuriarum agitur, actor injuriæ maculam æstimat, certamque pecuniæ summam loco pœnæ reo imponi, sibi que adjudicari petit, salvo moderamine Iudici reservato. Solet autem quandoque Iudex per sententiam interlocutoriam exigere juramentum, quoddam actor mallet in suis bonis illius summæ jacturam facere, quam talem injuriam pati, ut tradit Berlichius post Mascardum: Sed in hoc est attendenda consuetudo, nec ego in Iudiciis Academicæ Ingolst. id unquam fieri vidi.

Criminaliter verò si injuriarum agatur, potest actor condemnari reum in pœnam arbitrio Iudicis infligendam. Porro hæc actiones sese invicem perimunt, quia utraque ad idem tendit, nempe ad vindictam: non tamen perimunt rationem ex lege Aquilia superiùs explicatam, pro æstimatione damni pecuniarii, si læsus per contumeliam aliquod ejusmodi damnum infu- per passus est.

574. QUÆRITUR 3. Civilisne sit actio injuriarum, an Prætoriam. *Re.* Origine quidem suâ fuisse Civilem ex lege Cornelia, sed non nisi, quando quis pulsatus, vel verberatus sit, aut alter domum vi introierit: postea verò à Prætoribus extensam fuisse etiam ad injurias verbales, & sic esse prætoriam: unde probabiliter non durat nisi per annum continuum à die habitæ notitiæ. Jure Bavarico *L. R. t. 46. a. 3.* Si contumelia non meris verbis, sed facto, imò & scitopro, ac picturâ illata sit, actio injuriarum est perpetua. Eodem Jure, si passus injuriam verbalem conveniat injuriantem, & conventus injuriam à se factam confiteatur, dicat tamen, ex calore iracundiæ factum esse, injuriam tamen revocet, protestando, se nihil huiusmodi scire de injuriato, non tenetur ad aliud, quam ad litis expensas. A Iudice tamen pro qualitate injuriæ, an se: pœnam capitale, aut corporalem respiciat, multandus est. Sin autem injuriam probare velit, non aliter quam criminaliter poterit. Si denique neget injuriam à se factam, sed convincatur, tunc, si injuria pœnam capitale respiciat, præter multam ita revocare tenetur, ut dicat, se mentium esse: si non respiciat talem pœnam, Iudex decernet, malè eum fecisse, & ei junget, ut petat sibi injuriam amore DEI remitti. *L. R. tit. 46. a. 1. & 2.* Ad hæredes, & adversus hæredes non transit nisi lite contestatâ, ut patet ex alibi dictis.



## §. III.

*De Actione ad Palinodiam.*

175. PRæter actionem injuriarum datur etiam alia actio non tendens ad vindictam, quæ proinde cum actione injuriarum potest cumulari, & est actio ad *Palinodiam*, seu *recantationem*, non modo usu & consuetudine recepta, sed etiam Imperatoris constitutione roborata: *Imperial. Cam. ordin. p. 2. tit. 28.* quam et si Robertus Maranta censcat criminalem esse, communissima tamen aliorum est sententia, esse Civilem, eò quòd, ut dixi, non ad vindictam tendat, nec per se sit pœnæ persecutoria, sed honoris ablati restituendi, & ideo non perimit actionem Injuriarum pœnæ persecutoriam.

176. Dices, Recantatio infamat, ergo actio ad recantationem est pœnalis. R. distinguendo antecedens: infamat ex intentione actoris, nego, ex constitutione legum, concedo ant: & nego consequentiam, quam omnes negare debent in actione pro socio, *Mandati, tutela, depositi*, quæ etiam infamant, nec tamen sunt pœnales.

## §. IV.

*De Remedio ex Lege: Diffamari.*

177. EXstat in Codice de *Ingenuis manumissis* Lex, quæ incipit: *Diffamari*. Olim quidem solos illos concernens, qui cum ingenui essent, quasi servilis conditionis essent, diffamati sunt: hodie verò jure communi universale remedium seu beneficium subministrat omnibus, qui sive civiliter, sive criminaliter diffamantur, ut ex hac famosissima lege *Diffamari* Judicium Diffamatorium institui possit. Lex ita habet. *Diffamari statum Ingenuorum, seu errore, seu malignitate quorundam, periniquum est, &c. unde constat merito rectorem provincie commotum allegationibus tuis sententiam dedisse, ne de cetero inquietudinem sustineres. Si igitur adhuc diversa pars perseverat in eadem obstinatione, aditus præses provincie ab injuria temperari precipiet.* De hoc

QUÆRITUR 1. apud quem Iudicem instituendum sit, an apud Iudicem diffamati, an apud Iudicem diffamantis. R. cum communissima, & in Camera Spirenshi recepta sententia, esse instituendam apud Iudicem diffamati: Ratio est, quia licet videri possit diffamatus esse potius actor, adeoque forum diffamatoris sequi deberet, in hoc tamen judicio potius Diffamator pro actore reputatur, quia, ut inquit Andreas Gail. l. 1. obs. 9. n. 7. diffamare, est tacite ad Iudicem provocare. Remedium verò dictæ legis non est actio, sed Imploratio officii Iudicis.

178. QUÆRITUR 2. Quis finis sit hujus remedii. R. ut Diffamator citatus, probatæque diffamatione eò adigatur, ut in termino præfixo coram Iudice compareat, & causas

diffamationis sub pœna impositionis perpetui silentii deducat. Quod si causam diffamationis non probaverit, & tamen, ob obstinatam suam malignitatem infamare non cessaverit, postmodum pro injuriæ atrocitate coerceretur. *arg. leg. un. ff. si quis sus dicenti: ibi. omnibus Magistratibus, non tamen duumviris, secundum sus potestatis sua concessum est, jurisdictionem suam defendere pœnali judicio.*

## §. V.

*Quomodo declinari possit Infamia alioquin ex actione Injuriarum proveniens.*

179. Iure communi L. 1. ff. de his qui not. infam. actione Injuriarum convictus fit infamia juris, exceptis his casibus. 1. Si Iudicis auctoritate transegerit. 2. Si non in propria persona sed per procuratorem comparuerit in Iudicio (ut Illustres personæ solent) 3. Si ante sententiam ob dubium Iudicii eventum solverit estimationem injuriæ; idque habet communior opinio, reclamante licet Giphanio. 4. Iure Bavarico a. 9. Iudex potest palinodiam ita injungere, ut tamen tollat infamiam: & a. 10. statuitur, Iudicem ex officio tollere posse totam actionem injuriarum, ita ut neutrius partis honori præjudicet, si quidem causa dubia & ambigua est: quod si clara sit, non potest tollere nisi consentientibus partibus. Princeps autem etiam non consentientibus partibus tollere potest.

## §. VI.

*De Famoso Libello.*

180. SPECIALIS modus infamandi, quem Ius Civile, ut supra dixi, considerat, est Famosus libellus, quo nomine intelligitur quæcunque scriptura, vel, ut vult P. Molina, Althusius & Harpprecht, etiam Pictura, ad alterum infamandum composita. Ex Constit. Carolina a. 110. quando in libello famoso imponitur aliqui delictum falsò, tunc Diffamator pœnâ talionis, hoc est, eadem, quâ puniretur diffamatus, si delictum verum esset, plecti juberetur. Si verò crimen verum evulgatur, pœnâ arbitrariâ coercetur. Iisdem pœnis affici juberetur, qui talem famosum libellum reperit, & non statim lacerat, sed ulterius evulgat: cuius ratio redditur L. un. C. h. t. paulò post referenda, sicut & c. 1. ca. 5. q. 1. quia, dum authorem non prodit, ipse pro autore habetur. Iure Canonico, si res in libello contenta gravis est, diffamator, & ulterior evulgator pœnâ flagellorum castigantur: quod si se author ipse ultro manifestat, mitius punitur can. 1. ca. 5. q. 1. Qui in alterius famam publicè scripturam, aut verba contumeliosa confinxerit, & reperiens scripta non probaverit, flagelletur; & qui ea prius invenerit rumpat, si non vult auctoris facti causam

*causam incurrere.* Ius Bavaricum L. R. tit. 46. a. 8. à Carolina nonnihil recedit, statuens poenam gladii in falsò diffamantes per libellum circa delictum poenâ capitali puniendum: eum qui reperit, & non lacerat sed ulterius evulgat, poenâ arbitrariâ jubet puniri, nisi Pasquillus contineret ea, quæ Republicæ utilitatem concernant, si deregantur; tunc enim jubet ad Magistratum deferri, & non lacerari. Si Pasquillus crimen non capitale affingit, poena talionis statuitur.

§81. QUÆRITUR 1. Si quis famosum libellum ipse non composuit, neque auctore dictante scripsit, sed ab alio compositum & scriptum accepit, legit, vel descripsit, aut per alium sibi describi curavit, non tamen publicavit, an, inquam, talis puniendus sit poenâ l. un. C. de fam. lib. Harpprecht existimat, talem posse à dolo & poena excusari quibusdam præsumptionibus, ex quibus constaret, quod non animo infamandi, sed ex curiositate, ingenii authoris æstimanda causa, &c. descripsit. Ego simpliciter existimo, non esse locum poenæ, si constet, eum non evulgasse; hoc enim lex expressè requirit. Si quis, inquit famosum libellum sive domi, sive in publico, vel quovis loco ignarus reperit, aut corruptat, priusquam alter inveniat, aut nulli confiteatur inventum. Si verò non statim easdem charulas, vel corruperit, vel igni consumpsit, sed NB. vim earum manifestaverit, sciat, se quasi auctorem hujusmodi delicti capitali sententiæ subjugandum.

QUÆRITUR 2. Cùm quis libellum famosum quidem invenit, vel ab alio recepit, eumque aliis ostendit & manifestavit, verùm auctorem illius libelli à se inventi, sed ab auctore non publicati demonstrare paratus est: queritur, inquam, quisnam horum poenâ ordinariâ puniendus sit: Harpprecht existimat, utrumque esse puniendum poenâ ordinariâ: ita habet partim n. 171. partim n. 204. Ego verò censéo, in hoc casu neutrum posse poenâ ordinariâ puniri. Non quidem auctorem libelli, nam ipse libellum non publicavit, quod tamen copulativè requiritur pater ex Consl. Carolina. non item inventorem. Nam lex citata fundatur in præsumptione quod inventor sit auctor; ergo si ille potest probare alium esse auctorem, elidit præsumptionem. & ita sentit etiam post alios Farinacius p. 3. q. 105. n. 451.

Illud hic ex Harpprecht addendum videtur, quod generali ferè omnium locorum consuetudine receptum videtur, ut hujusmodi rei non capitali semper, sed arbitrariâ Judicis poenâ, pro ratione circumstantiarum plectantur, quod ex novissimis Imperii recessibus eruere conatur. Arnoldus Corvinus asserit, in Imperio poenam esse carcerem & multam; item ademptionem officii Typographici illorum, qui libellos famosos loci Magistratui non ante ostensos

excuderunt, nisi locum & tempus, nominè auctorem apposuerint. Consl. Carol. c. 34.

## S. VII.

*Quibus modis actio Injuriarum aboleatur.*

§82. I. Aboletur morte, sive injuriantis sive injuriati, lite necdum contestatâ, ut jam dictum. 2. Lapsu temporis, nempe anni, si actio sit prætoria, quod etiam jam notatum. 3. Dissimulatione, non revocando eam statim ad animum. §. 12. l. h. t. Hæc actio dissimulatione aboletur, & ideo si quis injuriam dereliquerit, hoc est, statim passus ad animum suum non revocaverit, postea ex poenitentia remissam injuriam non poterit recolare. 4. Transactione l. 11. §. 1. ff. h. t. ibi. Proinde si pactum de injuria intercessit, & si transactum, & si jurandum exactum erit, actio injuriarum non tenebitur.

QUÆRITUR 1. An, si statim exterioribus indiciiis eam ad animum revocasse testatus sit, postea verò injuriantem salutaverit, dextram dederit, eum eo biberit, aut alio modo familiaris fuerit, censeatur injuriam remissæ. R. Negativè, nisi ex aliis circumstantiis colligeatur hæc fieri animo remittendi injuriam. Ratio responsionis est: aliud enim est, remississe odium, aliud injuriarum actionem, seu jus agendi: illa signa non significant hoc posterius, sed illud prius: & de hoc solent etiam Confessarii monere poenitentes, quod sine præjudicio actionis suæ possint ea humanitatis consuetæ signa exercere. solent itidem Germani in vim protestationis inter pocula adhibere hæc voces. Aufß Hoffrecht, ut notant Gail & alii, quæ dicere: citra præjudicium injuriæ.

QUÆRITUR 2. An actio ad Palinodiam sit etiam annua tantum. R. Esse potius perpetuam, h. est 30. annis durare: quia est consuetudine introducta. Consuetudo autem est species Juris civilis. l. de quibus. 32. ff. de Legib. relatâ suo loco.

§83. QUÆRITUR 3. Utrum hæc actio injuriarum per imprudentiam intermissa & præscripta possit redire per in integrum restitutionem. R. Negativè. l. auxilium. 37. pr. ff. de minorib. Auxilium in integrum restitutionis executionibus poenarum paratum non est, ideoque injuriarum judicium omissum reperi non potest. Ratio est quia actiones tendentes ad vindictam, nec censentur augere patrimonium, nec amissæ diminuerent l. poenales 32. ff. ad leg. Falc. ibi. Sed ne in actoris quidem bonis defuncto eo injuriarum actio poterit computari, quia & ipsa simul cum eo intercedit. & hæc est ratio, quare non transeant ad hæredes. Per argumentum à contrario dicendum, quod ad actionem recantatoriam detur Restitutio in integrum, cùm sit rei persecutoria, ut dictum est. unde infert Harpprecht, eam etiam ad hæredes transire, eò quod omnes actiones rei persecutorie



curtoris ad hæredes tranſeant. Ego tamen libentius oppoſitum dixerem: quia honor, cujus illa actio perſecutoria eſt, non eſt aliquid ad patrimonium ſpectans. Illud certum eſt, adverſus hæredes injuriantis non dari; quomodo enim illi recantabunt, vel retractabunt, quod non dixerunt, & quod non peccarunt?

### §. VIII.

#### De Retorſione.

184. **E**ſt adhuc alius ſpecialis modus extinguendi actionem injuriarum: Retorſio, ſeu Relatio injuræ. Definitur à Jurisſtis: *Legitima injuria verbalis in ipſummet injuriantem propulſatio, honoris ſuendi cauſa in continenti propriâ autoritate facta.* Non immoror in trutinanda definitione, cum ſciam, omnem definitionem in Jure periculoſam eſſe, & parùm abeſſe ut evertatur. Satis mihi eſt, ſi ex dicendis de re ipſa conſtitit.

185. Diſputant aliqui, utrum Retorſio extinguat actionem injuriarum, vel cum ea cumulari poſſit. Non ignobiles DD. volunt poſſe cumulari non minus quàm actionem Recantatoriam: verùm longè communior ſententia, in Conſuetudine fundata vult, illam retorſione periri. Jure Bavarico inſuper ſtatutum eſt, Retorſionem denud retorqueri non poſſe. Eodem jure, ſi fiat abſenti, intra menſem, ſi præſenti in continenti faciendū eſt. L. R. r. 46. 2. 7. Quodſi calumniator putet ſe gravatum eſſe per retorſionem, eamve non jure aut ritè factam eſſe, poſſet accedere Judicem retorquentis, qui de hoc judicialiter cognoviſcet. quodſi Judicem non acceſſerit, tunc vi retorſionis calumnia ipſi inhæret, ac pro tali haberetur, qualem alterum proclamavit.

186. **QUÆRITUR 1.** Utrum Maritus non ſolùm ſuo (quatenus injuria in eum redundat) ſed etiam uxoris nomine, item paterfamilias filij nomine, poſſint injuriam retorqueri. Negat Harpprecht, hoc unico fundamento: quòd Retorſio nihil aliud ſit, quàm purgatio innocentie ſive exſtimationis contra convitium obiectum. l. *que omnia* 25. ff. de procurator. hæc autem purgatio, cum ſit quædam declaratio, ab animo illius, cui injuria facta, proficiſcens, non poſſet niſi per injuriarum expediri: arg. l. *ſi quis arbitratus*. 43. ff. de P. Ob. & c. 1. 2. 3. cum multis ſeqq. de purg. can. ubi reſcriptum eſt, quòd ipſe ſuſpectus de crimine, ſc. non alius eum purgare debeat. Verùm ex his non videtur probari intentum. Nam retorſio non eſt quædam directæ purgatio & probatio innocentie, ſed eſt potiùs provocatio, ut injuriator convitium vel probet, vel calumnie reus maneat, ut habet ipſe Harpprecht. n. 229. ſanè, me præſente facta eſt aliquando retorſio ab aliquo Religioſo ejusdem

Religionis, nomine aſſectus Religioſi abſentis tunc injuriâ verbalis affecti, & retorſio illa à toto Magiſtrato Academico, nemine diſcrepante, approbata fuit tanquam jure facta.

187. **QUÆRITUR 2.** Utrum poſſit fieri retorſio injuriæ illatæ per veri criminis objectionem? Negat iterum Harpprecht. Qui enim, inquit, verum crimen alteri (quantumvis contumeliæ inferendæ cauſa) objicit, non mentitur. Verùm hæc ratio nullius momenti eſſe videtur. Non enim retorſio debet neceſſario fieri per verbum *Mentiris*: ſed poſſet fieri aliis verbis, v. g. dicendo: *qui me diciſi ſurem, injuriâ nie aſſicit, & ipſe pro tali habendus eſt, quamdiu non probat crimen obiectum.* quæ verba poſſunt proferri ab eo, qui quidem crimen obiectum commiſit, ſed illud adhuc eſt occultum, ut ſine injuria & detractioe obijci non poſſit. Imò Jure Bavarico cavetur, ne verbis injurioſis retorſio fiat, ſed modèſtis. v. g. dicendo: *hoc crimen de ſe non dici cum veritate.* quæ verba poſſent proferri etiam ab eo, cujus crimen occultum eſt, & probari non poſſet, quia quod probari non poſſet, non eſt verum, veritate luridicâ, & idè poſſet ſine mendacio negari, ut ſuprà cum aliis diximus. Cæterùm Jure Bavarico art. 6. licet retorſionem facere non ſolùm per verba: *Tu mentiris*: ſed etiam per huiusmodi: *Tu ipſe talis es, qualem me injurioſè appellâſti*: & quidem exprimendo in ſpecie: *tu ipſe idem ſur, lairo, &c. es, qualem me injurioſè appellâſti.*

188. **QUÆRITUR 3.** An ſubditus uti poſſit retorſione adverſus ſuum Magiſtratū. R. Negativè. Ratio eſt, quia retorſio ut legitima ſit, debet in injuriante poſſe præſumi animus injuriandi honorémque minuendi: unde ſi cui retorſio facta eſt, integrum illi eſt vim retorſionis elidere, ſi probet deſuiſſe animum injuriandi: atqui pro Magiſtrato potiùs contrarium præſumitur per ſe loquendo, abſuiſſe nimirum animum injuriandi, ſed verba ſecundùm ſe quidem injurioſa fuiſſe prolata animo corrigendi. l. *injuriarum*. 13. §. 1. ff. de injuriis. *Is qui jure publico utitur, non videtur injuriæ faciendæ cauſa hoc facere, Juri enim executio non habet injuriam.* unde nec adverſus Magiſtratū actio injuriarum datur. Idem de patre reſpectu filii, præceptoris reſpectu diſcipuli regulatiter dici poſſet.

189. **QUÆRITUR 4.** An Retorſio poſſit ſcripto fieri. R. Affirmativè. & quidem, ſi Jurisſtis credimus, hic retorquendi modus utiſſimus & utiliſſimus, moribûſque comprobatus eſt, ut injuriâ verbalis affectus, Notario, & teſtibus ad id ſingulariter evocatis, libellum retorſionis ritè conceptum, ſuaque propriâ manu ſubſcriptum exhibeat, & ab eodem Notario palam legendum curet. deinde idem Notarius, adhibitis teſtibus injurianti prædictum libellum nomine injuriati legitime inſinuet, illiûſque reſponſum annoter, & publicum instrumentum deſuper

desuper conficiat, ac iniuriato asservandum tradat, quo edoseri possit, se injuriam illatam non neglexisse, sed retorsisse.

**QUÆRITUR** 5. Utrum Retorsio possit fieri in personam incertam, v. g. affigendo schedam in loco publico, ubi prius famosa hujusmodi scheda affixa erat, quâ quibusdam injuria inferebatur. Moveo hanc quæstionem occasione retorsionis quam nuper aliquis hujusmodi attentaverat. Sed respondendum est cum Berlichio p. 5. concl. 64. n. 32. cum seqq. & Harpprecht n. 213. in §. 12. Inst. h. t. hujusmodi retorsionem omni vi carere, quâ scilicet aliquis in genere scribit. *Quicumque hanc rem de me sparit, mentitus est, & ipse talis est, donec probet me talem esse, &c.* Eodem modo nihil roboris haberet, si quidem certam personam nominaret, sed injuriam ipsam non specificaret. Rationem dant adducti AA. Quisquis enim injuriam sibi factam prætendit, non debet vagari cum discrimine alienæ existimationis, sed designare certam, & specialiter dicere, quàm se injuriam passum prætendat, ut habetur L. 7. pr. ff. h. t. Prætor edixit. *Qui agit injuriarum, certum dicat, quid injuriæ factum sit. Quia qui famosam actionem intendit, non debet vagari cum discrimine alienæ existimationis, sed designare, & certum specialiter dicere, quam se injuriam passum contendit.*

Imò necesse est (jure saltém communi inspecto) exprimi in retorsione scripta tempus, & locum quo facta est injuria, ut probat idem Harpprecht, quamvis Halbitterus apud eundem, testetur usum receptum esse, ut etiam absque hoc suam vim habeat. Illud certius est, retorsionem habituram suam vim, si certâ personâ, & injuriâ designatâ retorsio fieret generalibus terminis: *Quisquis hoc de me dixit, &c.* resolvitur enim in hunc syllogismum. Quisquis hoc de me dixit, mentitus est. Titius, ut narravi, hoc de me dixit: ergo, &c. Quare hoc ipso retorsio in personam determinatam facta est, nec aliis indellum præjudicium creatur.

**QUÆRITUR** 6. An Retorsioni scriptæ inferenda sit protestatio, quod Retorsio non fiat animo injurandi. Affermat Durandus in spec. tit. de Advocato §. 4. n. 4. Sed rectius Felinus, & alii negant: tum à paritate retorsionis verbalis, in qua nemo solet addere hujusmodi Protestationem: tum quia hæc protestatio tacite, & sufficienter continetur in ipsa Retorsione, de cujus natura est, quod interponatur animo defendendi, & injuriam à se amolendi modo per lura licito: ergo non possunt lura præsumere factam esse animo injurandi.



## C A P V T VI.

### DE INIURIIS CIRCA CORPUS PROXIMI PER HOMICIDIUM, MUTILATIONEM, &c. STUPRUM, ET ADULTERIVM, ET DE RESTITVTIONE COMPETENTE.

#### C O N T R O V E R S I A I.

*Utrum per Homicidium committatur Injustitia erga occisum invitum.*

#### S V M M A R I V M.

**H**omicidium (exceptis casibus infra examinandis) est peccatum contra Jus occisi. 591. Quomodo non existenti possit fieri injuria. 592.

In ultimo vite instanti competit jus pro sequenti instanti. 598.

590. **N**egativam tenet P. Martinus Esparza q. 16. in fine solvens objectionem factam contra generalem aliquam hujus auctoris doctrinam, quâ docet, nunquam posse Jus alterius a-

ctivum destrui per injuriam: cum enim illi objiceretur homicidium, quo fit injuria occiso, & tamen destruitur vita, quæ est fundamentum omnis Iuris, adeoque etiam per consequentiam destruitur omne Jus, responderet in hæc verba. *Ad homicidium quod attinet, alius est dicendi locus (sed hæc tamen non licuit videre, ubi dixerit) sufficit pro nunc supponere ut certum, hominem non esse Dominum suæ vite, sed totum ejus Jus immediatum ad solum*

*solum Deum perinere. Vnde qui peccat occidendo hominem, non est iniustus erga ipsum, sed erga Deum.* Ha c ille, quo autem sensu velit homicidam esse iniustum erga Deum, non explicat, cujus tamen exp icatio meritò desideratur, quandoquidem q. 20. negat, hominem posse unquam peccatum committere, quod sit propriè Injustitia erga Deum, de quo puncto dixi in tr. de Incarnatione. Nunc breviter & obiter adverto, consequentiam hanc non esse legitimam. Homo non est Dominus vitæ: ergo occidendo non fit illi injuria. Nam homo etiam non est Dominus membrorum, & tamen mutilando fit illi injuria ex omnium liorum DD. sententia.

591. DICO, Homicidium (exceptis casibus infra examinandis) esse peccatum contra Iustitiam, & contra Ius occisi. Conclusionem hanc AA. non disputant, sed supponunt. S. Thomas q. 64. a. 6. ad 2. dicit, gravius peccare eum, qui occidit justum, quam qui occidit peccatorem, & primò quidem dicit magis peccare contra charitatem, quia debet plus diligere justum: secundò, quia injuriam infert ei, qui est minùs dignus injuriâ, & ideo magis peccat contra Iustitiam. Consentiant S. Thomæ omnes Theologi cæteri, supponendo, ut dixi, tanquam veritatem indubitabilem, & meritò; quis enim in se non experitur voluntatem, quâ vult alios in suum commodum obligatos abstinere ab inferenda nece, aut mutilatione, magis, quam abstinere à percussione, furto, &c. Sed referamus unius alteriusve verba. Primus sit P. Joannes Azor Theologus Moralís. Hic ergo incipiens agere de quinto præcepto Decalogi, monet, hoc & reliqua præcepta pertinere ad Iustitiam erga proximum: [sequitur, inquit, ut præcepta, quibus Ius proximi violari prohibetur, aggrediamur nam quinto præcepto prohibetur Injuria, quâ proximus factò læditur in persona propria; sexto, quâ factò læditur in persona conjuncta: septimo, quâ factò læditur in rebus propriis: octavo, quâ verbo læditur] Secundus sit P. Molina Tr. 3. d. 1. Concl. 2. sic habet. [Vita nihilominus, & membra sunt donum quoddam homini in ipsius bonum à Deo concessum, ut finatur vitâ, utaturque membris ad varias functiones. Est insuper homo constitutus Dominus earum suarum operationum, quæ facultati liberi sui arbitrii subsunt. Constitutus item est Custos, & Administrator vitæ, ac membrorum. Conclusio hæc satis ex se est perspicua, communiterque est recepta, &c.] & paulò post [ex prima verò, & tertia parte, provenit, quòd si quis injustè NB. privet alium vitâ, aut membro, vel nocumentum aliud ei in vita, aut corpore inferat, non solum peccet contra Deum, quî Dominus est vitæ, ac membrorum illius, sed etiam NB. committat injustitiam adversus itâ læsum, &c.] & statim addit, quòd si quis non esset invitus, sed volens, non pateretur injuriam, quod probaverat Tr. 1.

disp. 11. Ab hac ergo tam receptâ doctrina, si fundamentum adversarii solverimus, atque recedendum nobis non est.

592. Fundamentum adversarii est hoc. Per occisionem destruitur ipse homo, & hoc ipso tunc nullum existit Ius in illo homine: sed ubi nullû est Ius, nulla potest esse injuria. Nam sicut Iustitia præsupponit Ius activum, cujus terminum intendit ponere, ita injuria supponit Ius activum, cujus terminum vult tollere: ergo à primo ad ultimum, actio destructiva juris activi, qualis est occisio, non est injuria contra illum, cujus Ius destruitur. Ex hoc argumento sequitur iterum contra doctrinam receptissimam, non posse fieri injuriam defunctis per detractionem, quam supra tradidimus.

593. Ad hoc argumentum potest dupliciter responderi. Primò, negando secundum membrum majoris propositionis. Nam licet occisione destruitur homo, non destruitur tamen anima hominis occisi: potèr anima est formale, & immediatum subjectum Iuris ad vitam, seu ad unionem sui cum corpore. Cùm enim anima habeat Ius utendi membris corporis, hoc ipso habet Ius ad omnia media necessaria ad hunc usum: sed inter hæc media est unio sui cum corpore: ergo habet etiam Ius ad hanc unionem.

594. Quòd autem animæ etiam post contradiinctionem, imò, & separata à corpore, possit fieri injuria, est certum. Si enim hæres fuerit gravatus in testamento, ut singulis annis curer haberi anniversarium pro anima defuncti, si id non præster, injuriam facit animæ defuncti. Pari modo potest illi, ut dixi, fieri injuria per detractiones.

595. Et sanè (ut aptiore adhuc exemplo rem declaremus, nempe posse fieri injuriam animæ in primo instanti separationis, vi juris præ-existentis in vita) nemo potest negare, fore injuriam, si quis dolo impeditur aliquem à faciendò testamento: potèr hæc injuria non esset consummata nisi per mortem, ut per se patet: ergo injuria fieret in primo instanti mortis.

596. Responderi potest 2. Distinguen-do secundum membrum majoris præpos. per occisionem destruitur omnia Iura, hoc est, tollitur potestas obligandi deinceps alios ex Iustitia, transeat: destruitur omnia jura hoc sensu, ut nulla remaneat obligatio inducta vi Iuris præ-existentis, nego majorem, & distingo minorem: ubi nullum est Ius, nec immediatè ante Ius inductivum obligationis pro sequenti instanti, nulla fit injuria concedo: ubi nullum est Ius de præ-senti, Ius tamen immediatè ante Ius, non fit injuria, nego minorem, & consequentiam. Explico distinctionem. In primo instanti, quo quis acquirit Ius, illud constituitur per voluntatem præ-sentem, quâ quis vult alios obligare, ne impedian ab usu talis rei, v.g. panis: potèr in hoc instanti non obligat aliquis alios ad non destru-

struendum panem pro hoc instanti, esset enim obligatio ad non ponendum aliquid impossibile: cum enim panis supponatur existere in hoc instanti, implicat destrui in hoc instanti, stante illâ hypothesi.

597. Ut autem hæc voluntas obliget in secundo instanti ad panem non destruendum, non est necesse, ut voluntas conservetur in secundo instanti; sed satis est, eam habitualiter perseverare: nempe, illa voluntas non solum vult in instanti primo, quo producit panis, alios obligare ne impediatur ab usu panis, sed hæc ipsum vult tandiu, quamdiu non revocatur: sola ergo negatio revocationis requiritur, ut infrequenti instanti detur obligatio non destruendi panem: in primo ergo instanti erat illa voluntas conditionalis, in secundo transit in absolutam per negationem revocationis.

598. Ulterius (& hoc bene observandum est) licet voluntas illa sit tantum conditionalis, respectu secundi instantis, in ordine ad hunc effectum, ut panis non possit licite destrui, & debeat compleri in ratione juris absoluti per negationem revocationis, seu cessionis juris, est tamen voluntas absoluta, & ius absolutum in ordine ad hunc effectum, qui est: non impedi in secundo instanti, quod minus quis possit pro libitu suo, vel revocare priorem voluntatem, vel illam stabilire. qui ergo in secundo instanti poneret impedimentum, v. g. inducendo amenitiam, faceret contra ius, quod æquarè præexistebat in priori instanti, & vi cujus obligabatur alii pro secundo instanti simpliciter, & absolute.

Applicando jam doctrinam hanc ad casum nostrum: in ultimo instanti vite habet homo ius absolutum, quo obligat alios, ne in sequenti instanti eum occidant: quia occisio est positio impedimenti, quod minus possit amplius alios liberè obligare aut deobligare pro libitu, circa alias res. Occisio ergo est contra hoc ius præexistens, non merè conditionale, sed absolutum, ut patet à paritate exempli allati.

## CONTROVERSIA II.

*Virum liceat occidere seipsum.*

### S U M M A R I U M.

**O**bligatio se non occidendi est ex Iustitia. 600.  
Potest hæc obligatio constare lumine naturæ. 601.  
Probatio Card. de Lugo rejicitur. 603.  
Item probatio P. Joannis Dicaßilla. 608.  
Nostra probatio. 609.  
Discrimen inter potestatem utendi rebus aliis, & suo corpore. 611.  
Cur unus homo non possit fieri Dominus alterius vite. 612.

*An reus condemnatus ad mortem, possit ipse esse executor. 613.*

*Virum sit contra Iustitiam, abbreviare indirectè vitam mortificationibus. 616.*

599. **C**ertum est 1. Nemini licere seipsum propriâ authoritate occidere; hoc enim ad minimum lege positivâ divinâ prohibitum est. Exodi 20. *Non occides.* Sap. 16. *Tu es Domine, qui vite & mortis habes potestatem.* Deutr. 32. *Ego occidam, & ego vivere faciam.*

600. Conveniunt DD. 2. Hanc obligationem non esse meræ charitatis erga seipsum: alioquin ob majus bonum spirituale posset quis se occidere, sed esse obligationem ex Iustitia erga Deum, quomodocumque; explicetur hæc Iustitia, sive Commutativa, sive Legalis, respiciens Ius Iurisdictionis.

601. Quæstio esse posset, an solâ lege positivâ ita constitutum sit, vel an ipso naturæ lumine constare possit obligatio se non occidendi.

DICENDUM ex communi DD. constare posse lumine naturæ. Difficulus tamen huius conclusionis solida ratio redditur, ut merito dixisse videatur Card. de Lugo, hanc assertionem, sicut & multas alias, esse certiores, quàm sit ejus probatio. Difficulus, inquam, redditur ratio, cur aliarum rerum usus homini concessus sit à Deo, ut sine injuria possit eas destruere ad libitum, non autem proprii corporis usum ita concesserit, sed destructionem exceperit.

602. Aliqui rationem reddunt, quia occisio vel mutilatio sui foret contra Ius Reipublicæ, cujus membrum sumus. Sed contra. Ergo si quis nullius Reipublicæ membrum esset, nec esse veller, ut S. Paulus Eremita, posset se occidere sine iniustitia: imò esset contra Iustitiam, velle se ab omni communitate & Republica humana separare.

603. Card. de Lugo probat hoc modo. Prædicatum: *Dominus*: est correlativum non minus quàm prædicatum; *Pater*: aut: *Magister*: atqui nemo potest esse Pater aut Magister sui ipsius: ergo neque Dominus. Itaque homo non est Dominus nisi suarum operationum. Supponit ergo Lugo, Dominum specificativè sumptum, hoc est, illam personam quæ dicitur Dominus, & rem dominio subjectam debere realiter ab invicem distingui.

604. Hæc tamen ratio non satisfacit. Primò. Quia hac ratione non ostenditur, quare non possit homo fieri Dominus vite alterius hominis, v. g. illius qui nascitur ex ancilla mea, cujus omnes fructus & emolumenta alia appropriantur Domino, et, nisi ancillæ vita non sit sub dominio Domini, item cur qui in bello iusto aliquem capit, & posset illum tunc occidere, quare, inquam, non possit necem differre in tempus arbitrium & sibi libitum.

Aa

605. Con-



605. Contra 2. Quia hac ratione probaretur, quodd homo nullum jus haberet vitæ suæ adversus alios homines ne ab illis occidatur, quod est contra hunc ipsum auctorem. Probatur sequela. Quia non magis refertur Dominus per dominium ad rem cuius habet dominium, quam omnis habens jus referatur per ipsum jus ad rem, in qua vel ad quam habet jus. Nam dominium est species iuris: ergo si Dominus deberet realiter distingui à re cuius habet dominium, etiam deberet realiter distingui à re in qua habet jus; vel e contra, si potest intelligi habens jus in re non realiter distingui à re, potest idem dici de Domino.

606. Itaque Persona habens jus refertur quidem per ipsum jus ad alios quos obligat ne impediatur ab usu, &c. sicut Pater ad filium & Magister ad discipulum; sed non refertur necessario relatione reali ad rem cuius dicitur habere jus: quare idem dici posset de dominio suæ vitæ.

607. Confirmo ad hominem. Lugo docet (ut paulò post referam) Administratorem non debere distingui à re quam administrat: atqui non minus est relativum: esse administratorem, ac esse Dominum; ergo nec erit necessesse Dominum distingui à re cuius est Dominus.

608. P. Dicastillo d. 10. dub. 17. n. 513. paulò aliter probat Conclusionem. Res quæ cadit sub dominio alicuius, necessario est illi subiecta, & quasi ordinata ad commodum & utilitatem ejusdem: sed fieri non potest, ut substantia hominis subdita sit eidem homini, & ordinata ad illius utilitatem: ad hujusmodi enim subjectionem requiritur distinctio.

Sed, ultra id quod paulò antè dictum est, contra hoc est primò. Quia vita est homini tanquam custodi & administratori subiecta ad sui conservationem, etiam secundum hunc auctorem, & non obstante identitate satis refertur ad utilitatem hominis: ergo etiam intelligi posset vita esse subiecta quoad destructionem, non obstante identitate; & quidem hæc ipsa destructio refertur posset in utilitatem ac felicitatem hominis, si homo se occideret, quando moraliter certus esset, se esse in statu gratiæ: sicut tunc licet desiderare dissolvi & esse cum Christo: ergo nulla identitas obstat, quominus intelligi posset in homine potestas seu facultas se occidendi, sive deinde placeat eam vocare dominium, sive non, quæ esset questio de vocabulo.

609. Contra. 2. Quia hac ratione probaretur, quodd Deus non posset homini dare licentiam se occidendi: quod tamen hi Auctores fatentur fieri posse. Sequela probatur. Quia Deus non potest facere, ut homo sit distinctus à sua vitæ: ergo si distinctio necessaria esset, ut homo posset mortem ordinare ad suam felicitatem,

rem, nec Deus posset dare hanc licentiam, quia esset licentia ad faciendum impossibile.

Alia ergo Conclusionis ratio querenda est, quam mihi videtur observasse Cicero de Somnio Scipionis, referens illud Pythagoræ: sicut militi non licet sine Jussu Imperatoris à sua statione discedere, ita nec licet homini ab hac vita discedere, sine Dei voluntate. adhuc clarius Plato in in Phædone, inquit: Ita irascitur Deus, cum quis se occidit, sicut Dominus, cum servum suum viderit se occidere. Itaque

610. Considerandum est id quod lumine naturæ intelligere possumus, Deum omnia, quæ in humano commercio sunt, gratiâ hominis produxisse, ipsum autem hominem creasse gratiâ ipsius Dei, hoc sensu, ut Deo juxta placitum ipsius serviat, ab eo leges accipiat, ipsum colat, & Dominum suum agnoscat, atque ut talem revereat: atque huic obsequio præstando tamdiu obnoxius sit, quamdiu Domino placeat, sine cujus speciali consensu non habeat facultatem sese ullo modo inhabilitandi aut subducendi servitio. Hoc sanè & est de conceptu perfectissimi Domini Dei in creaturas rationales, & de conceptu essentialis servitutis, quæ cuivis creaturæ rationali convenit.

611. Ex hoc autem statim relucet discrimen inter potestatem quam accipit homo circa ea quæ in sui folias gratiam condita sunt, & inter potestatem quam accipit utendi suo corpore suisque potentiis. Cùm enim cætera Deus non æstimet nec amet nisi in gratiam hominis, cui ea subiecit, mirum non est, datam esse homini potestatem ea etiam destruendi, cùm sæpè homini gravior sit destructio quam conservatio rei: & licet homo sæpè peccet ea destruendo, sufficiebat tamen hanc destructionem ex aliis virtutibus quàm ex Justitia prohibitam esse, nempe quæ illam prohiberent in gratiam & bonum ipsius hominis. At verò cùm hominem creaverit Deus specialiter gratiæ sui, ut haberet, circa quem exerceret, aut pro libitu exercere posset suam Inisdictionem, non potest censeri voluisse conferre vitæ dominium, sed tantummodo usum fructum, hoc est, salvæ rei substantiæ.

612. Hinc etiam facile redditur ratio, cur unus homo absque speciali Dei dispensatione non possit fieri dominus vitæ aut membrorum alterius hominis: quia ad Dominium perfectum Dei spectat, non nisi ex suo speciali consensu posse ullum hominem inutilem reddi ad functiones, quas Deus illi præcipere potest.

QUÆRITUR hic ulterius 1. An Reus condemnatus ad mortem possit ipse esse executor sententiæ, v.g. venenum oblatum haurire, vulnus pectori infligere. Negant Lessius, Salas, Valquez, Lugo. Contra quos

613. DICO, probabilis esse licere. Ita Victorius, Aragonius, Corduba, Sa, Toletus, Dicastillo. Probatur Conclusio, destruendo fundamentum.

mentum contrariæ sententiæ, & est hoc. quòd Minister Iustitiæ vindicativæ non minùs quàm ipse Iudex debeat esse distinctus realiter à reo. ergo quando non est distinctus, occidit auctoritate privatâ. antecedens probatur, quia Iustitia semper est ad alium. Hinc S. Thomas q. 64. a. 5. ad secundum, dixit, quòd malefactor non potest se interficere, quia nullus est Iudex suiipsius. Ità Card. de Lugo n. 12.

614. Hæc tamen probatio patitur instantias manifestas. Quando quis punitur pœna exilii aut Relegationis, damnatur ad triremes, metalla fodienda, &c. debet ipse reus esse executor sententiæ & Iustitiæ Vindicativæ, nisi velit vi & flagellis compelli: neque quis rectè diceret, talem privatâ auctoritate, & propriâ voluntate pœnas illas subire. Certè si Superior aut Confessarius injungat alicui pro pœnitentia disciplinam, ipse est Minister Iustitiæ vindicativæ simul & Reus.

615. Confirmatur ad hominem ex Card. de Lugo principiis. Potest homo ex præsumpto consensu Dei tanquam Domini amputare sibi membrum, si hoc sit necessarium ad conservandam vitam, quia, ut tradit Lugo, homo est administrator & gubernator sui corporis: est autem prudentis gubernatoris, ordinare jacturam partis ad conservandum totum: cùm partes, utpote ordinatæ ad totum, debeant postponi toti. Iam ad rem nostram hoc applicando, sciendum est, quòd ex hoc ipso fundamento tradant DD. & probent, dari in Republica potestatem occidendi malefactores: cùm enim sint membra noxia, & Republica sit administratrix & Gubernatrix totius corporis, debet habere potestatem amputandi hujusmodi membra. Iam sic. Si ergo per adversarium non est necesse, ut administrator sit distinctus à re administranda, poterit utique ipse reus esse unus ex administratoribus, & ex commissione Reipublicæ seipsum ut inutile membrum amputare.

Ad argumentum ergo respondetur, Iudicem principalem debere esse distinctum à Reo, & hoc docet S. Thomas loco citato, nihil autem dicit de Ministro. verba illius sunt luce clariora. *Ad secundum dicendum, quòd ille qui habet publicam potestatem, potest licitè malefactorem occidere, per hoc quòd potest de ipso judicare. Nullus autem est Iudex sui ipsius. Unde non licet habenti publicam potestatem seipsum occidere propter quodcumque peccatum, licet tamen ei se committere iudicio alicuius.* quibus ultimis verbis videtur potius favere nostræ sententiæ: quasi diceret, quòd si ab alio iudicatus esset, posset illius sententiæ executor esse.

616. QUÆRITUR 2. Utrum peccet contra Iustitiam, qui voluntariis corporis affectionibus vitæ cum periculo notabilis abbreviationis vitæ, nò quidem intendendo abbreviationem, sed eam permittendo amore virtutis

augendæ. Idem cum proportionè quæri potest de illis, qui voluntario cibi, potus, libidinis excessu, vitæ abbreviandæ periculum subeunt.

æ. 1. Utrumque peccate graviter, & quidem contra Iustitiam, si non sit etiam probabilis in oppositum de non abbrevianda vitæ, & quidem, meo iudicio debet esse maior: sicut peccarem, si alterius crimen evulgarem, quando est probabile quòd adhuc sit occultum, vel si vellem rem alienam v. g. equum ità tractare, ut periculum probabile sit cum notabiliter deteriorandi. Ratio est, quia alioquin homo non agit fideliter officium custodis, administratoris, & usufructuarii, ut patet. æ. 2. Si non sit periculum notabilis abbreviationis, neutrum contra Iustitiam peccare, alioquin infinitæ actiones non solum Religiosorum, sed etiam sæcularium damnandæ essent, quæ tamen à prudentioribus non damnantur sed laudantur. Sic ego novi viros in dignitate constitutos, qui bono publico invigilantes, omnium iudicio vitam sibi abbreviarent continuis curis, præsertim causatum forensium consultationibus: sic laudabiliter exercent quædam artes, in quibus exercendis apparer neminem facile senescere. Unde apparet, auctorem vitæ non exigere talem curam prolongandæ vitæ, alioquin deberet potius contrarium iudicium hominibus inferere. Et ratio ulterior est, quia talis obligatio esset infinitis scrupulis & perplexitatibus obnoxia, ut consideranti facillè patet.

617. Ex quibus apparet, jure merito sufficere à Theologis Romæ reprobatum Iudicium Medicorum, pronuntiantium, juvenem quandam nobilem, minùs firmæ valetudinis, & delicatæ complexionis, teneri egredi ex Novitiatu, ut posset delicatioribus cibis uti in sæculo. qui tamen à Summo Pontifice suo arbitrio relictus mansit in Religione, & medicas curas fallaces esse comprobavit, cùm melius multò sub religiosa disciplina postea valeret, quàm valuisset priùs in sæcularibus deliciis, inquit Card. de Lugo n. 36.

Pari modo, non peccat contra Iustitiam, qui non positivè, sed tantum negativè, est causa abbreviationis vitæ, exponendo se periculo probabili mortis incurrendæ, v. g. non adhibendo media extraordinaria, inferendo aëris cum periculo contagionis, &c. Quæ omnia, perquam eruditè persequitur citatus Card. quorum omnium ratio est, quia si nihil tale liceret, pessimè consultum esset bono publico, cùm omittendæ essent plurimæ actiones bono publico necessariæ, ut consideranti est manifestum. Nec potest rationabiliter cogitari, Deum esse invitum, quandoquidem licentia harum actionum manifestè plus boni afferat, quàm mali, considerando etiam vitas hominum, v. g. licentia curandi ægros utique conducit ad plurimorum vitam conservandam, esto cum aliquo periculo pauciorum vitæ amittendæ. In summa, in istis casibus non possu-

possumus semper habere rationem à priori, sed contenti esse debemus iudicio communi à natura insito: ex quo potest etiam justificari illud de quo multum trahitur Lugo, an liceat militi injicere ignem pulveri tormentario cum manifesta mortis certitudine, ut hosti noceat, eumque arceat, si non sit spes evadendi, &c. Cujus exemplum in Eleazar habetur 2. Machabæorum 6. Sed de hoc videatur P. Andreas Mendo. *Disser.* 4. *quest.* 6.

### CONTROVERSIA III.

#### *Quandonam liceat indirectè occidere innocentem.*

#### S U M M A R I U M.

**N**unquam licet occidere directè innocentem. 618.  
*Ex gravissima causa potest indirectè occidi.* 619.  
 Nulla urgente necessitate nec indirectè licet. 620.  
*Probatio Card. de Lugo patitur difficultates.* 621.  
*Qualis Regula observanda ad cognoscendum, cui assisat jus in casu, quo Iura contraria concurrunt.* 623. & seqq.  
*An liceat procurare abortum directè, ad salvandam vitam matris.* 627.

618. **C**ertum est 1. Non licere sub ullo pretextu, & ad quodcunque malum, seu publicum, seu privatum impediendum, aut bonum obtinendum, occidere innocentem directè, hoc est directè intentione vel electione talis necis, tanquam medii. Ratio est, quia vita non est sub dominio humano. Administratio autem commissi Magistratibus in homines nocentes tanquam membra noxia, non se extendit ad occidendos innocentes: neque talis potestas erat necessaria sicut prior. Non enim nisi Metaphysicus casus excogitari potest, quo non sufficeret permissio occisionis, sed requireretur occisio positiva facienda à Magistratu, cui constaret de innocentia.

619. Certum est 2. Ex communi DD. sententia, innocentem, hoc est, qui nihil agit hic & nunc contra jus nostrum, posse ex gravissima causa indirectè licite occidi, hoc est, per talem actionem, quæ prout substat intentioni nostræ, possit intelligi consecuta esse finem suum directè quæsitum sine occisione alterius, adeoque cui per accidens est, quod hic & nunc habeat annexam innocentis occisionem. Exemplum est in oppugnatione iusta civitatis, ad quam necessaria est quassatio turris, in qua scio existere aliquos innocentes: quò casu dejectio turris est id quod per quassationem tanquam medium directè quæritur, ne scilicet inde possint hostes nocere: dicitur tamen tunc indirectè volita occi-

sio innocentium, qui in turri existunt, sine quorum præsentia posset unque dejectio turris intelligi, & existeret.

620. Aliud exemplum est, si quis fugeret suum hostem stricto gladio insequentem, & deberet per confertam multitudinem fugere, posset cursum directè intendere, & viribus promoveret, etiam si prævideret fore, ut iacentem infantem opprimeret, non tamen liceret gladio petere illos, qui ex involuntaria compressione viam impedirent: hoc enim esset directè tanquam medium eligere occisionem innocentis.

Certum est 3. Quod nullà necessitate urgente non liceat, ne quidem indirectè, occidere innocentem. Non est autem dicenda necessitas, quando alioquin esset omitendum lucrum, v. g. mercatori properanti ad nundinas, ut alios præveniret, & sic plus lucraretur, non liceret inter in directum arripere concitato equo, si infans in via conculcandus esset. Hæc cum sint certa, ratio tamen difficillimè redditur, & regula cognoscendi, quanta debeat esse necessitas.

621. Card. de Lugo *sect.* 5. n. 123. rationem reddere conatur his verbis. Licet, qui arcem diruit, aut globum mittit, physicè loquendo sit causa illius mortis, non tamen dicitur humano & morali modo causa: quia hoc verbum: humano & morali modo: in ordine ad actionem humanam communiter applicatur illi, qui intendit mortem: sic nec communiter dicitur se pollueret, aut esse causa pollutionis, qui aliquid facit, aut comedit, ex quo prævidet secuturam pollutionem, si tamen eam non intendit, vel nisi ex iustitia teneatur illam causam non ponere: tunc enim licet effectum non intendat, dicitur occidere, quia propter obligationem non ponendi causam, imputatur ei effectus perinde, ac si eum intenderet, & dicitur jam physicè, & moraliter causa illius. Hæc Lugo.

622. Contra hanc tamen rationem duo mihi occurrunt. Primum est, quia hoc modo non redditur ratio ex natura rei petita, sed ex modo loquendi desumpta. Indicat quidem ille diversus loquendi modus, talem occisionem non esse culpabilem ex communi hominum iudicio, sed non evolvit nec appetit rationem, cui intuitur ille communis sensus, & iudicium.

Secundum est, quia doctrina illa vel continet petitionem principii, vel relinquit integram difficultatem. Nam imprimis tacite supponit, & rectè, aliquando ne indirectè quidem licere occidere innocentem, sed fore iniusticiam occisionem, v. g. in casu mercatoris properantis ad nundinas: tunc enim habet innocens jus ad omissionem talis actionis. Quæro itaque: cur innocens non eodem modo retinet jus ad suam vitam, & ad omissionem quassationis turris? Respondebis: quia hic est maxima necessitas. Urgeo tamen. 1. Ergo exemplum allatum ab adversario de pollutione, nihil est ad rem, quia

nimum

nimum probat. probaret enim, quod nulla necessitas requireretur, sicut nulla necessitas requiritur, ut liceat comedere cibum ex quo praevideretur securura pollutio. Urgeo. 2. Quid intelligis per maximam necessitatem? an debet esse par necessitas, vel major, quam sit ipsius innocentis? hoc dici non potest, & à nemine dicitur: nam indirecta occisio innocentis est licita etiam ad evitandum minus damnum, v. g. ad evitandam torturam, carcerem gravem, imò & ad evitandum damnum bonorum temporalium, ut patet in causa belli, quando innocentes indirectè occiduntur ad obtinendum unum oppidulū: quæro ergo quanta debeat esse necessitas, ut det mihi jus agendi etiam cum damno indirectè causato vitæ innocentis? sine qua necessitate innocens haberet jus ad omissionem talis actionis, occurrente autem necessitate alter habet jus agendi.

623. Explicatur magis difficultas. Secluso omni damno infantis ego habeo jus equitandi per pontem. e contra infans ibi jacens habet secluso omni meo damno jus ne equitem per pontem cum infantis oppressione. Contingit casus, quo equitatio hîc & nunc sit conjuncta cum damno infantis, omisio vero equitationis sit conjuncta cum damno meo: cur, obsecro, jus mihi potius assistit, quam infanti? cur meæ vitæ potius consulit ac faver, quam vitæ infantis? Pro Resolutione

624. DICO, & statuo regulam, quam etiam suprà in simili tradidi. Quando concurrunt hujusmodi jura in speciem contraria, tunc, ut constet cujusnam jus prævaleat, & per consequens jus alterius in tali casu cesset, tunc, inquam, comparanda sunt damna utriusque partis, & simul est consulenda mensura Charitatis; ac proinde jus alterius in tali casu cesset, vel quem absolvit. Clariùs. Quando damnum à me incurrendum per omissionem fugæ est majus quam illud, quod lege charitatis debeo subire ad cavendum damnum gravius alterius, tunc jus assistit mihi non alteri, quia charitas me absolvit ab obligatione subeundi tale damnum. Si verò damnum esset ejusmodi, ut illud tenerer ex charitate subire ad evitandum majus damnum alterius, tunc jus alteri assistit, quia charitas illi assistit, & me ligat.

625. Hac regulâ suppositâ, quam Lessius & Lugo amplectuntur, ad resolvendam præsentem quæstionem subsumo: atqui jactura meæ vitæ, imò unius oppidi cum talibus consequentiis, & circumstantiis, est majus damnum, quam quod quis debeat ex charitate subire ad conservandam vitam alterius: ergo tunc manet mihi jus indirectè opprimendi infantem.

626. Dices: in casu posito damnum infantis est etiam majus, quam quod teneretur lege charitatis subire ad evitandum damnum fugientis suum hostem: ergo si nostra regula

vera est, jus etiam infanti assistet: ergo dabuntur duo jura sibi contraria, & bellum utrinque formaliter & materialiter justum, quod in terminis repugnat. 3. Concedendo primam consequentiam, & negando secundam. Jus enim quod infanti conceditur in tali casu, non est ad negationem meæ fugæ ab hoste per pontem in his circumstantiis (sic enim essent jura contraria) sed est jus ad tuendum suum locum per resistentiam positivam reprimendo equum, si possit: uno verbo jus habet ponendi omnem actionem positivam loci defensivam, & non directè (licet indirectè) læsivam fugientis. Unde si infans pater, vel tutor ibi staret, posset hoc jus infantis tueri reprimendo equum ad latus, non obstante periculo quocunque lapsus.

Et ut res clariùs appareat. finge in eodem ponte angustissimo duos hujusmodi à suis hostibus fugientes sibi occurrere, neutrum tamen posse ullo modo suum iter & fugam prosequi, nisi indirectè causando lapsum alterius in flumen: sanè dicendum est, unumquemque habere jus adhibendi omnes vires locomotivas & conatum ad occupandum illum locum sibi necessariū ad fugam, & hoc unusquisque directè intendit, & qui fortior erit, vincet sine læsione juris alieni: nam jus ad illum locum occupandum non est absolutum secundum se, sed conditionatum, si habeat vires sufficientes in præsentia contrarii. seu meliùs. est jus adhibendi conatum pro viribus, occupandi locum: hoc autem jus alter qui est fortior, non lædit, non enim impedit illum à conatu, (quo modo impeditur, si directè metum incuteret) sed impedit ab effectu quem alter intendit per conatum: sicut cum plures jaculantur ad metam, quivis habet jus conandi, ut tangat proximè metam, sed non habet absolurum jus, ut nullus eum vincat.

627. QUÆRITUR hîc, utrum liceat procurare abortum, directè illum intendendo, ad salvandam vitam matris necessariū. Aliqui apud Card. de Lugo, nominatim Torrenblanca, dixerunt, ante sætus animationem licere procurare abortum, quando evidens periculum apparer, vel quod in puerperio soleat mater ad extremum deduci, aut nimis arcta sit, aut fama ejus lædatur, aut aliter vitæ discrimen, vel existimationis posset subire. P. Sanchez lib. 9. de Matr. d. 20. n. 9. post alios, dicit id licere, quando ad vitam & salutem matris ex morbo periclitantem necessarius judicatur abortus, non tamen quando ex partûs difficultate futura, aut ex infamia motus timeretur: discrimen assignat, quod in priore casu sætus sit aggressor, non in posteriore. Sed hoc discrimen meritò rejicit Pontius & Lugo, quia reverà vel in utroque vel in neutro fortis est aggressor talis, qualem licet ad sui defensionem occidere.



628. DICENDUM est cum communi DD. nunquam licere directè intendere abortum. Ratio est, quia ipso naturæ instinctu impellimur ad iudicandum, administrationem fœtus naturam sibi reservasse, non minùs quàm seminis, ademptâ hominibus omni licentiâ disponendi de his, nisi ad finem generationis ab ipsâ natura intentum, quia omnis alia licentia exposita esset gravissimis abusus, ut cum eodem auctore alibi diximus.

629. Licitum tamen est matri sumere pharmacum nullo modo de se tendens & ordinatum ad expulsiōem fœtus, esto sit periculum expulsiōis per accidens, si mater alio medio servari non possit. Excipitur casus, qui moraliter censetur impossibilis, nempe si spes probabilissima esset, fore ut fœtus ad baptismum perventurus esset, si mater quantumvis probabilissimè moritura, à pharmaco abstineret. Videatur Diana 10 2. tract. 5. Miscel. Resol. 11. nam hic casus ad Charitatem pertinet.

## CONTROVERSIA IV.

*Quandonam liceat occidere invasorem seu aggressorem; ubi de Duello.*

### SUMMARIUM.

**A**N liceat directè occidere aggressorem. 630.  
*Invasor potest dupliciter esse iniustus, formaliter & materialiter. 632.*  
*An excedens moderamen inculpatae tutelae sit puniendus poenâ ordinariâ legis Corneliae. 633.*  
*Quid requiratur & sufficiat, ut quis dicatur aggressor. 634.*  
*An teneatur fugere adversarium invasorem cum ignominia ex pseudopolitico iudicio hominum. 636.*  
*De Clericis aliter discurrendum. 638.*  
*Quomodo provocatus possit honore salvo detestare pugnam. 641.*  
*Cur non liceat acceptare duellum; rationes aliorum. 643.*  
*Acceptare duellum non licet, sumendo acceptationem in sensu proprio. 648.*  
*Non est necessaria acceptatio, sed est alius modus liberandi se ab ignominia. 649.*  
*Casus in quibus licet acceptare duellum acceptatione impropria. 652.*  
*Acceptatio duelli propriè dicta est intrinsecè mala. 653.*  
*An pro defensione rei furto ablata liceat furem occidere. 604.*  
*An aliquando liceat alterum occidere ad defensionem honoris debiti violentè auferendi. 655.*  
*Cur non liceat percussorem repercutere. 657.*  
*Cur possit puella percutere inhonestum amicum. 659.*  
*An invasus teneatur occidere aggressorem, quando fugere non potest. 660.*

630. QUÆRITUR 1. An qui ab alio iniuste invaditur, & nisi se defendat, occidendus, vel graviter vulnerandus est, possit aggressorem occidere, etiam directè intendendo necem, salvo moderamine inculpatae tutelae. Negant non pauci relati à Molina 10m. 4. disp. 11. Sed communissimè cum S. Thoma Theologi affirmant. Probatur. Nam ipso naturæ lumine omnibus insitum est, licentiam hanc esse necessariam ad absterrendos homines, ite, vindictæ, & passionibus aliis indulgentes; ne passim pro libito, & libidine sua homines innoxios, & conscientiam bonam habentes invadant, quod sanè fieret, sed esset incommodum, & detrimentum Reipublicæ longè, & incomparabiliter gravius, quàm quod affert licentia se defendendi. Unde in Cap. Si verò de Sent. excomm. Rectè pronuntiavit Alexander III. quòd vim vi repellere omnes leges, omniâque lura concedant.

631. Quòd verò tunc liceat occisionem directè intendere, probatur contra Cajetanum. Quia hoc ipso, quòd mihi licitum est intendere defensionem, & hæc defensio, ut ponimus, consistit ultimò, & complete in occisione, ed quòd invasor aliter non sit destitutus, nec minore læsione (si ea studiosè querenda, & anxie arrendenda esset) repelli hic & nunc posset (non enim est in potestate defendentis ligare illi manus, aut etuere oculos, aut amputare digitos salvâ vitâ) eo ipso, inquam, potest intendi ipsa occisio, tanquam medium hic, & nunc necessariò intendendum ad immunitatem sui.

632. Observandum autem hic est, quòd Invasor dupliciter possit esse iniustus, vel formaliter, vel materialiter tantum. prior est, qui deliberatè peccat invadendo; alter qui non peccat, v. g. amens, ebrius, vel ex errore invincibilè inductus, prout inductus erat S. P. Ignatius adhuc secularis, quando deliberavit, ad tuendum Dispart. Virginis honorem, de Majore occidendo, & resolutionem ultimam itineri multa commisit. De utroque procedit Conclusio.

Deinde dictum est, defensionem fieri oportere cum moderamine inculpatae tutelae, quod in eo consistit, ut ne plus fiat, quàm necessarium sit ad sui defensionem, si potest minus à majore sine periculo separari.

633. Ubi inquirunt legis Interpretes, an ille, qui in sui defensionem alium occidens, moderamen inculpatae tutelae excessit, puniendus sit poenâ ordinariâ legis Corneliae: sit de Sicariis, (de qua est titulus 8. lib. 48.) vel quæ deinde illi successit. Et respondent negativè, nempe si excessus provenit ex calore iracundiae, ac iusto dolore, v. g. si inter pugnam aggressor lapsus est, unde alter potuisset sibi fugâ consulere, vel lapso arma eripere, &c. Sed animo turbatus acentivulus lethale destinatè inflixit. Quod si tamen doctò malo occidisset, v. g. si aggressor veniam precatus esset, arma abiecit, &c. Communiò

munior habet DD. Sententia, tunc locum esse pœnz ordinariæ. Probat. à paritate Domini occidentis servum dolo malo, excedentis iustam castigationem. *L. unica C. de emend. serv.* Idem habetur de Magistro discipulum occidente. *L. sed etsi quemcumque. §. Si Magister. ff. ad L. Aquil.* Videatur Fachinæns lib. 1. *Contr.* 32.

634. QUÆRITUR 2. Quid requiratur, & sufficiat ad hoc, ut quis dicatur actualis aggressor, aut invalor, ut tibi licita sit defensio.

DICENDUM 1. Requiritur, ut habuerit actualem animum decretorium te invadendi per te, vel per alium: & tibi debet de hoc morali certitudine constare, nec sufficit suspicio, quantumvis vehemens. Si tamen essent indicia fundantia vehementem suspicionem, & rationabilem timorem animi machinantis occisionem, tunc ex consilio Molinæ & Lugonis admonendus esset aggressor, ne accedat, ne hoc aut illud faciat, eò quod de iustam causam timendi. Quod si admonitus non desisteret, nec quietos redderet animos timentium, posset interfici, ut injustus aggressor: neque enim expectanda est actualis læsio, aut manifesta intentatio, sed cautè procedere licet impediendo læsionem.

Deinde non est necessarium, ut animus occidendi sit liber; unde si te ebrius, aut phreneticus aggrediretur, idem defensionis ius tibi competere. Ratio est, quia defensio iusta, de qua agimus, non habet rationem vindictæ, sed rationem custodiæ: ergo sicut licet defendere rem suam contra phreneticum volentem eam destruere, ita & vitam.

635. DICENDUM 2. Non esse necesse, ut adversarius jam cœperit te corporaliter aggredi: sed satis est, si tibi constet, quod jam præparaverit arma, quod capiet & quærat occasionem te aggrediendi, nec appareat spes animi revocandi. In tali casu dicunt Theologi, licitam esse præventionem. Exterum, etsi speculative loquendo dicatur, negari tamen non potest, hoc ius præveniendi magnis abusibus, & excessibus periculosis expositum esse, & exponere præsertim illarum nationum homines, quorum genius ad vindictam nimis pronus est; unde facile est, ex latente vindictæ desiderio, vel alterius odio, vel ex irrationabili timore sibi persuadere, hic & nunc esse licitam præventionem, quando ei minimè locus est: cuius falsæ persuasionis tragicos eventus historię docent. Contra tamen, dum Tridenti versarer, absolutus est quidam, qui iure præventionis alium occidit, quia authenticis amicorum fide dignorum litteris docere potuit, se ab adversario, tali die, & loco ad necem querendum esse, & raverà questus fuit, sed prævenit ejaculando, & adversarium proferendo. Quare & hic casus non est impossibilis.

636. QUÆRITUR 3. An tenearis fugere adversarium invaluorem, si fugiendo pores quidem te in securitate constituere, sed ex illa fuga sequitur gravis ignominia tua apud alios, ex pseudopolitico nimirum iudicio, quod sit hominis ignavi, fugere sum hostem.

637. DICENDUM est cum communi DD. & respondendum negativè. Unde consequens est, quod tunc liceat aggressorem occidere. Ratio est, quia, ut ponimus, iactura famæ magis tibi damnosa est, quàm sit damnum, quod ex charitate teneris subire in gratiam invaloris, juxta Regulam suprà traditam: ergo habes ius te à tali damno immunem conservandi: atqui non potes aliter, quàm resistendo: ergo habes ius resistendi eo modo, quo haberes, si non posses fugere.

638. Ex hac resolutione nihil favoris accedit Clericis & Religiosis, quibus ob suam professionem non solum non est indecorum fugere, sed potius esset indecorum se defendere, quando fugere possent. Neque debent mundanorum hominum æstimationem curare in hoc puncto, qui Christi mansuetudinem, & humilitatem profitentur, & prædicant aliis doctrinam Christi, jubentis ex una in aliam civitatem fugere.

639. Obijciatur 1. Nemo potest alium occidere auctoritate privatâ: atqui talis occisio fieret auctoritate privatâ: ergo non licet. 2. Distinguendo majorem. Non licet occidere occisionem non habentem rationem mediæ ad custodiendam, & defendendam vitam propriam, sed potius habentem rationem finis, aut vindictæ, concedo, secus nego.

640. Obijcies 2. Salus æterna proximi præferenda est vitæ temporali propriæ: atqui injustus invalor plerumque est in statu peccati mortalis; & si occidatur, erit æternum damnandus: ergo si invaluus habeat magnam probabilitatem statûs gratiæ, tenetur ex charitate potius subire mortem, quàm occidere invaluorem. 3. Distinguendo majorem. Est præferenda in casu, quo proximus est in extrema necessitate constitutus, à qua seipsum liberare non possit, concedo, secus nego, & eodem modo distinctâ minore negatur consequentia.

641. Obijci potest 3. & gravius. Ex conclusione posita sequi videtur, spectato præcisè iure naturæ licitum esse acceptare duellum ab alio oblatum, si provocatus recusare non possit sine gravi famæ honorisque iactura apud alios.

Imprimis antequam ad rem ipsam veniamus, casus iste non est tam frequens, ut multis esse videtur. Potest enim provocatus plerumque (saltem extra militiam) respondere, se sibi ab adversario non timere, nec eum velle fugere, si sit aggressus, ex condicito tamen nolle duellum acceptare, nec posse salva lege divinâ, imò, & humanâ inferente duellantibus infamiam iuris Trid. sess. 25. cap. 19. Cujus verba sunt: Quid

verò pugnam commiserint, & qui eorum patrini vocantur, excommunicationis, ac omnium bonorum suorum proscriptio, ac perpetuae infamiae poenam incurrant, & ut homicidae juxta Sacros Canones puniri debeant. Et si in ipso conflictu decesserint, perpetuo careant Ecclesiastica sepultura. Possent ergo brevissimè dicere: tanti te non facio, ut propter te velim infamis esse licet tu esse vis. Hoc responso satis consuleret existimationi suae apud omnes homines, apud quos interest hominis nobilis esse in honore.

642. Hujus rei duo exempla refert P. Andreas Mendo. Vir quidam nobilis, urbe Lucronio natus, Gubernator Habanae, cum provocaretur ad duellum, respondit, à se multis in praeliis testis fuisse animum impavidum, duellum verò à se recusari propter legem Dei. Quo responso ingentem sibi gloriam comparavit. In urbe Salmantina vir nobilis & fortis, cum à vita laxiore ad meliorem se frugem recepisset, provocatus ad duellum respondit: *Ego tempore superioris non recusassem duellum, nunc autem bene nosti, mihi gratia Dei cura esse ejus legem.* Quod mirati sunt, & laudaverunt, quotquot resciverunt.

Fingendo tamen casum, quo nulla hujusmodi responso sufficeret ad tuendum suum honorem, diversae sunt DD. responsiones, quibus conantur dare disparitatem inter aggressorem, & provocantem ad duellum.

643. P. Lessius respondet disparitatem esse, quia provocans ad duellum non intendit me spoliare meo honore, sed id fit per accidens. Hanc responsum merito rejicit Lugo, quia revera nulla est. Nam etiam aggressor non intendit me spoliare meo honore, sed hujus iactura sequitur per accidens, & indirecè ex fuga, & tamen hoc sufficit, ut non teneat fugere, sed possim me defendere, ergo idem in casu duelli dicendum erit.

Card. de Lugo aliter respondet, & negat paritatem. Nam aggressor cogitat pugnandum, provocans autem non cogit, sed tantum invitat: ergo acceptans non se defendit, sed aequaliter aggreditur alterum, & est reciproca aggressio, sed improprie dicta: quare neutrius naturae favet.

644. Hæc tamen disparitas mihi non satisfacit. Nam si res attentè consideretur, apparebit, quòd provocans verè sit aggressor, non quidem vitæ, sed honoris: nam per provocationem conjicit alterum in necessitatem vel pugnandi, vel amittendi honorem: ergo licet ad pugnam tantum invitet, aggreditur tamen honorem & vitam sub disjunctione, & facit, ut alterutrum periclitetur.

645. Confirmatur 1. Nam apud omnes certum est, posse provocantem à provocato infamari per viam reconvencionis vel quasi, si hoc sit medium ad tuendum honorem: v.g. posset provocatus licitè propalare vilion conditionem

aut originem provocantis, addendo, se ideo nolle comparere, quòd provocans nec sanguine, nec aliis dotibus sit sibi par, quòd utatur artibus magicis, &c. atqui hoc non liceret, nisi provocans esset aggressor honoris & famæ: ergo provocans est verus aggressor honoris, saltem sub disjunctione, ut dixi.

646. Confirmatur 2. Ideo invasor est verus aggressor, quia licet non determinatè cogat ad pugnam, cogit tamen ad hoc disjunctum: *vel pugnare, vel cum dedecore fugere*: atqui provocans eodem modo cogit vel ad pugnandum, vel ad non comparandum cum dedecore: ergo non minus est aggressor.

647. Itaque tertio alii respondent, concedendo sequelam & paritatem, docentque in tali casu licitè acceptari duellum. Et quidem P. Layman *tom. 1. lib. 3. tr. 3. c. 3.* asserit, si res eo loco sita esset, ut miles in exercitu, vir equestis in aula regia excidere deberet officio aut dignitate Ducis, vel Principis favore, si provocatus ad duellum non se listeret provocanti, se non audere damnare eum, si se listeret meræ defensionis gratia. Plures DD. pro eadem sententia refert P. Andreas Mendo *differt. 1. q. 21.* Ego tamen cum communiore aliorum sententia,

648. Respondeo & Dico 1. Acceptationem oblatis duelli non licere, si acceptatio Duelli sumatur in sensu proprio, nempe pro tacito pacto & conventione, quâ duellantes vicissim cedunt jure suo, & affectant tribuere invicem facultatem in vitam, si possit alter prævalere, intendens unusquisque alterum spoliare vitâ suâ, exigens ejusmodi intentionem reciprocâ in altero. Ratio est, quia hæc sunt in præjudicium Domini, quod Deus habet in vitam. Jam ulterius

649. DICO 2. In casu objectionis non esse ullo modo necessariam acceptationem duelli ad defensionem honoris & famæ apud alios, sed esse aliam viam salvandi honoris, quam obiter insinuat Lessius *dub. 12. n. 83.* Laym. c. 3. n. 3. Amicus d. 36. n. 79. Dicastillo d. 10. d. 6. Mendoza, n. 113. Thom. Hurt. 10. 2. tr. ult. resol. 5. n. 183. & ante hos omnes Navarvus c. 15. n. 3. & 4. nempe si provocatus, ad ostendendum, se non timere sibi à provocante, cum protestatione compareat in publico, animo se defendendi, si hostis aggredi velit. hæc enim non est proprie dicta acceptatio duelli, sed iusta defensio honoris, sicut de defensione contra aggressorem diximus cum communi sententia.

650. Limitanda tamen est hæc doctrina, ut solum procedat si provocatus habeat spem probabilem vincendi hostem. hæc enim subtilitas non videtur esse licitum, prodigere vitam, quæ est altioris ordinis, ad tuendum honorem: imò absente tali spe, si constet de inæqualitate pugnantium, si v.g. provocatus sit senex, semicæcus, aut attonum tractandorum impotens, nulla



nulla erit jaélura honoris nifi apud ftultos, fi non comparcat, imò fi compareat, vitæ fuz temerarius proftitutor habebitur.

651. P. Andreas Mendo adhuc rigidior eft, & negat licere comparare tali modo, fi fe exponat probabili periculo fuccumbendi, quod quia in talibus congreffibus femper adest, ideo negat poffe talem comparere. Ratio ipfius eft, quia bona fuperioris ordinis non licet exponere periculo propter bona inferioris ordinis. Verum hæc ratio nimium probat. Imprimis probat non licere fe defendere contra aggrefforem, fi fuga effet ignominiofa, quod eft contra communem doctrinam. Deinde nemo reprehendit illos (qui fanè funt plurimi) qui ad confequendos honores publicos, imò & bona fortunæ, exponunt fe probabili periculo vitæ, aggreffendo itinera periculofa &c. Denique qui propter bona fortunæ allumunt officia infamia, Ratio à priori effe videtur; quia nemo teneretur vitam fuam tueri mediis extraordinariis: atqui effet medium extraordinarium, fi deberem vitam tueri per jacturam honoris, ut fieret, fi effet vera fententia P. Mendo. Ergo, &c.

652. Cafus in quibus licet acceptare duellum acceptatione improprie dictâ, & quæ habeat rationem puram defenfionis, absque pacto fuperius explicato, recenfentur à Molina, & Lugone fequentes. 1. Si invafor injuftus velit te occidere, nifi duellum acceptes. 2. Si injuftè effe accufatus & damnatus, vel dammandus ad mortem: quo cafu oblato rihi duello cum iniquo accufatore, & confenfus judicis, licet illi peccent duellum offerendo, tu licitè illud acceptas, ut quâ poffis viâ propriam vitam defendas. 3. Si in bello jufto Rex videns fe ad verfario inferiore, neque aliter poffe fe defendere, commutat bellum in duellum, feu fingulare certamen paucorum cum paucis, vel Principis cum Principe ad verfario. 4. In eodem bello poffunt ex confenfu Ducis milites acceptare duellum ab ad verfariis oblato, imò & ipfis ad verfariis offerre, exemplo Davidis acceptantis duellum oblato à Goliath. qui enim habent juftam caufam belli, poffunt aggreffi ad verfarios, etiam extra duellum: ergo etiam poffunt aggreffi per duelli acceptationem & oblationem, hæc enim non faciunt auctoritate privatâ fed publicâ.

653. Quoad acceptationem verò duelli improprie dictam, ea eft intinfecè mala, unde ab Ecclefia damnata & punita eft, cap. porrò. c. p. *Henricus de Clericis pugnant. in ducl. cap. Monachiam. 2. q. 5. in c. 1. & 2. de purgatione vulgari.* maxime verò in Trid. cit. c. 19. ubi Concilium vocat ufum duellorum deteftabilem, & fabricantem diabolo introducum: infigit deinde excommunicationis cenfuram dominis locorum, qui in fufcriptionibus duellum permittunt, & ipfis conceffantibus, parinis, auxiliatoribus, & fpectatoribus. Poft Tridentinum Gregorius XIII.

motu proprio, qui incip. *ad tollendam* anno 1582. & Clemens VIII. in Bulla quæ incipit *Illius vices.* 1592. eandem pœnam extenderunt ad quælibet duella privata, & abfolutionem à cenfura Sedi Apoftolicæ refervârunt. Plura videri poffunt apud Mendo. l. c. n. 256.

QUÆRITUR nunc 4. An pro defenfione rei furro ablata liceat furem occidere, fi aliter non poffit à rapina repelli. R. Si furturn fit rei tanri valoris, ut illius damnum non teneret ex charitate fubire pro fâlvanda alterius vita, tunc liceret occidere, ex illo generali principio, quod liceat vim vi repellere: quod principium applicatur etiam ad vim illatam bonis temporalibus, in C. dilecto. 6. de fentent. excommen. in 6. ibi. *Cum omnes leges omniâque lura vim vi repellere, cunctisque sese defendere permittant, licuit utique ipsi Decano, si prædictus Ballinus cum bonis suis mundanis injuriose spoliaré, vel ea violenter occupare præsumperet, contra ipsius violentiam, injuriâque se tueri, &c.*

Deberet autem occifio fieri in continenti, feu flagranti: nam ex intervallo, fi fur jam cœpiffet quietè poffidere, non liceret; quia tunc non haberet rationem juftæ defenfionis; fed tunc funt adhibenda Iuris remedia, & auctoritas publica, quia nemo debet effe ludex in propria caufa. De hoc die etiam aliquid fuprà, agens de furto, ubi quid Iure Bavarico conftitutum fit.

654. QUÆRITUR 5. An aliquando liceat alterum occidere ad defenfionem honoris ab illo mihi debiti, & nunc violenter auferendi, nifi occidam, v. g. nittitur aliquis viro magnæ auctoritatis alapam infligere, vel contumeliose flagellare, neque alter potest contumeliam aliter impedire nifi vulnerando.

655. Refponderetur, loquendo de fæcularibus laicis, affirmativè. Ratio eft, quia majoris æftimationis eft in homine fæculari laico honor ille retentus, feu impediriô tantæ ignominie, quàm bona fortunæ: atqui ob hæc licet: ergo & ob illam. Ratio ulterior eft, quia jactura illius honoris eft majus damnum, quàm talis teneatur fubire ex charitate, aut alia virtute ad vitam alterius confervandam.

656. Dixi: *Loquendo de Laicis fæcularibus.* Scio, quod Joannes Sanchez, Petrus Navarra, Sayrus, Caramuel, apud P. Mendo q. 2. doceant, poffe Clericum, vel Religiofum occidere calumniatorem, minantem fpargere gravia crimina de illo, aut de fua Religione, quando alius defenfionis modus non fuppetit. Contraria tamen fententia, eodem Auctore teftè, eft communis DD. cum glosfa in Clement. si furiofus. de homicidio. & cum glosfa in cap. fufcepimus. v. ligaverunt. eod. r. & omnino tenenda, præfertim poft Decretum Alexandri VII. oppofitam exprefse damnantis, & ob manifestam difparitatem horum, & fæcularium laicorum. Clerici enim & Religiofi



ex virtute Religionis tenentur etiam talis honoris iacturam subire pro salute proximi, si id necesse sit. Sanè si constaret, aliquem à Religioso aut Clerico occisum esse privatâ auctoritate, ideo, quòd aliquis illi alapam infligere, aut infamare voluerit, secluso periculo ulterioris damni, ut incarcerationis, torture, &c. Talis, inquam, non solum non diceretur defendisse honorem suum, sed magnam illius iacturam faceret, sicut plene etiam faceret, si in valorem nollet fugere, cum posset, in casu, quo secularis laicus non teneatur fugere honoris tuendi causâ, & sicut iacturam faceret, si eum à quo ignominiosè percussus est, repercuteret vindicando, sicut in hoc casu secularis honorem non amittit repercutiendo, quidquid sit, an illi liceat repercutere, de quo mox. Itaque

657. Contra Conclusionem objicies. Si possum meum honorem defendere prædicto modo, licebit etiam eum, qui me jam percussit, repercutere: frequenter enim percussio est medium recuperandi honorem, maxime apud homines profanos, qui vilipendunt eum, qui non audeat repercutere. Ad hanc objectionem, plures & graves DD. quos refert Mendo q. 3, respondent concedendo sequelam. Rectius tamen & communius alii negant sequelam. Nam, ut bene advertit Card. de Lugo, tali percussioni prout idoneæ ad recuperandum honorem, inest formalis ratio vindictæ, quæ nunquam potest licite fieri privatâ auctoritate, ut farentur omnes, propter inexplicabilia inconvenientia quæ sequerentur, si privata vindicta licita esset. Quòd autem ratio vindictæ formaliter inest percussioni, probatur. quia in æstimatione hominum mundanorum in tantum recuperatur aut defenditur honor repercutiendo, in quantum hinc concipiunt & æstimant animositatem in vindicanda injuria: ergo supponitur formaliter committi vindicta. Hinc potest reddi ratio à priori. Quia percussio non defendit honorem ne auferatur, aut denegetur: jam enim supponitur ablatum per antecedentem percussione aggressoris, nec percussio facit, ut alter suam in honorem emendet, & honorem ablatum restituat, sed solum facit, ut alius honor & æstimatio animi vindicativi substituat, & generetur de novo, qui in hominum æstimatione compenstat honorem ablatum, resultatque ex æstimatione vindictæ apud mundanos homines, qui tamen honor & æstimatio ex intrinseca ratione non est licite procurabilis.

658. Dices. 1. Ergo saltèm liceret repercutere ordinando talem percussione in hunc finem, ut prior percussus vi compellatur retractare in honorem, & satisfactionem præstare. 2. Negando sequelam, quia nunquam licet vi privatâ recuperare damnum ab altero jam plene illatum.

659. Dices. 2. Ergo vana est persuasio, puellam ab alio impudicum osculum passam, licet posse colaphum infligere, quæ tamen praxis laudatur & suaderet, etiam à Confessariis. 3. Merito laudari, quia attentio communi hominum lascivorum stylo, non acquiescent uni adui, sed qui semel ausus est invetecundus esse erga talem determinatam personam, nisi confundatur, despiciatur, reprehendatur, & se ingratum amatum esse, clare doceatur, putat statim, se amari, & sperat se non difficulter secundo admittendum: ergo talis percussio jam induit rationem justæ defensionis, ne scilicet redeat ad novam injuriam. Imò, ut advertit Lugo, potest habere rationem fraternæ correctionis: addo ego. Imò potest habere rationem elemosinæ spiritualis, quatenus potest esse remedium contra tentationem; sic enim extinguitur, vel deservescet aliquantum ardor libidinis, & amor impudicus.

660. QUÆRITUR 6. An in casibus, in quibus aliquis licet occidit aggressorem, pro defensione vitæ, quando fugere non potest, teneatur occidere, eò quòd sit custos vitæ suæ, & teneatur eam defendere. 3. Negative, quia, ut jam sæpe dictum, nemo tenetur vitam defendere mediis extraordinariis, quale esset, occidere aggressorem jure defensionis, & quidem plerumque periculosæ, nisi qualitas personæ aliud exigeret, de quo videti potest Molina. disp. 14.

## CONTROVERSIA V.

*Qualis Restitutio facienda sit pro injuriis prædictis.*

### SUMMARIUM.

**A**N Occisor, Mutilator, Vulnerator, teneatur aliquid restituere præcisè pro damno vitæ, &c.

661.

Restitutio non fit nisi pro bonis comparabilibus. 663. Damnum honoris potest aliquando reparari per bonam fortunam casualiter. 665.

Quæ Regula sint observanda in æstimatione lucris cessantis, vel damni emergentis. 666.

Quenam sint illæ personæ erga quas nascitur obligatio restituendi damnum illatum per vulnerationem, &c.

667.

Quid circa Creditores dicendum sit. 671.

An obligatio restituendi transeat ad heredes. 673.

An propter excessum moderaminis eadem sit obligatio restituendi. 674.

661. QUÆRITUR 1. An occisor, aut mutilator, aut vulnerator, teneatur aliquid restituere præcisè pro damno vitæ, membri, aut vulneris, seclusis pro nunc aliis damnis

nis annexis aut consequentibus in aliis bonorum generibus, de quibus postea dicitur. Quæstio autem procedit de obligatione restituendi ante sententiam Judicis, nam post sententiam tenetur utique solvere id, in quod à Iudice condemnatur ad lenimentum doloris, vel castigationem injuriantis. Sic legibus constitutum est, ut occisor ex delicto amittat jus succedendi occiso. *L. cum ratio. §. fin. ff. de bonis damnatorum. L. indignum. de his quæ ut indignis auferuntur.* ibi. *Indignum esse Divus Pius illum decrevit, qui manifestissime comprobatus est id egisse, ut per negligentiam culpam suam mulier à qua heres institutus erat, moreretur.*

662. Ad Quæstionem respondetur negativè. Probant restitutionem aliqui, quia bonum corporis (idem est de honore) est altioris ordinis, quam bona fortunæ: ergo non possunt, quantacunque summâ compensari, quia nunquam accedit valor & pretium pecuniæ, ad valorem unius digiti. Hæc tamen probatio, nisi aliter proponatur, non urget. Si enim minimus honor est pretiosior, & majoris valoris, quàm quæcunque summa pecuniaria: ergo minima inhonoratio est gravior damnificatio, quàm ablatio mille florenorum: sed hæc est damnificatio gravis: ergo omnis inhonoratio etiam minima esset damnificatio gravis: ergo nulla inhonoratio posset esse venialis ex parvitate materiæ, quod omnino falsum est.

663. Aliter ergo probatur responsio. Restitutio non fit nisi pro bonis comparabilibus, quando res ipsa ablata restitui non potest. tunc enim, si res ablata talis fuerit, ut pretio comparari possit, datur obligatio restituendi: atqui vita aut membrum non possunt ullo pretio comparari postquam amissa sunt: ergo non potest pro illis fieri restitutio.

Neque refert, quod læsus fortè pluris faceret centum aureos, quàm unum digitum. Nam iustitia non intendit æqualitatem pro damno secundum læsæ æstimationem, sed ut habeat illud, quod est ablatum, vel in se, vel in æquivalenti, hoc est, in pretio quo id possit comparare: ergo si non est comparabile, non potest restitui nec in se nec in æquivalenti: ad impossibile autem non datur obligatio.

664. Confirmatur. Restitutio ad quam obligat iustitia, est formalis ablatio illius mali, seu damni, quod est causativum tristitiæ & doloris, ut superius explicatum est: atqui per diversæ generis bona non potest auferri formaliter damnum in corpore datum, ut non sit amplius causativum talis tristitiæ & doloris, v. g. si mihi oculum eruisi, etiam si des mille flores, semper tamen manet mihi ratio dolendi propter amissum oculum, quæ non maneret si oculus miraculose restitueretur: ergo non fiet restitutio propriè dicta restitutio.

665. Verum equidem est, id quod acutè notavit P. Elparza, per mille florenos oblatos pro oculo, posse quidem animum averti, ut propter gaudium de mille florenis non debeat de amisso oculo, radix tamen dolendi non auferri.

Hinc autem infero, damnum honoris posse aliquando reparari per bona fortunæ, non quidem formaliter, sed casualiter, & ideo ad hujusmodi restitutionem dari obligationem, si aliter non potest honor reparari, v. g. Princeps curavit aliquem nobilem fustigari injultè: tunc si aliter non potest aut non vult restituere honorem, tenetur illi donare aliquam toparchiam, ratione cujus denuo recuperet statum & sessionem inter nobiles, quâ fortassis exciderat illà fustigatione.

666. QUÆRITUR 2. Quæ Regulae sint observandæ in æstimatione lucri cessantis, vel damni emergentis. R. 1. Lucra nondum posita, sed solum in spe existentia, minus valent secundum impedimenta, quæ possunt intervenire. R. 2. Si læsus v. g. mutilatus, potest adhuc aliis modis lucrari, quibus non fuisset lucraturus, si non fuisset mutilatus, ratione hujus tantò minus restituendum est, quantum minus damnificatur in lucro cessante: v. g. Sutor dum exerceat opificium, non potest negotiationi vacare: nunc verò truncatà manu factus inidoneus ad opificium, potest, nisi velit negligens & otiosus esse, negotiari, & mercatorem in rebus minoribus agere: tunc ex æquo, & bono æstimandum est, quantum plus potuisset lucrari ex futura, & hoc restituendum est. R. 3. Ad majorem securitatem optimum remedium est, uti pacificè transactione cum læso, vel cum illis, quorum interest non fuisse læsum, restituendo scilicet nunc simul & semel, vel per vires, prout pacificè liberit, quanti prudentis arbitrio hic, & nunc vendibilis esset spes illa lucri cessantis. R. 4. In æstimanda diuturnitate vite occisi, quamdiu scilicet adhuc prodesse potuisset aliis sibi cõjunctis, ut, liberis, uxori, &c. aliqui existimant posse adhiberi computum ætatis, quem instituit Iure Consultus in *L. hereditatum. 68. ff. ad Leg. Falcid.* (In Corpore glossato initium legis ponitur: computationi.) In hac lege futura vita ab Ulpiano sic æstimatur. Si persona est intra vigesimum annum, censetur adhuc victura 30. annos: cujuscunque anni sit, sive tantum quinquæ, sive quindæ, sive viginti, & ideo si alicui tali alimenta relicta sunt, quantitas alimentorum triginta annorum computabitur, ejusque quantitas Falcidia præstabitur: si verò quis sit intra vigesimum, & vigesimum quintum annum, censetur adhuc victurus viginti octo annos. Si intra viginti quinquæ & triginta, adhuc viginti quinque. Si intra triginta, & triginta quinque, adhuc viginti duos. Si intra 35. & 40. adhuc viginti. Si intra 40. & 50. tot annorum computatio fiet, quot ætati ejus ad annum 60. decreit, remissio.

uno anno. Si intra 50. & 55. annorum 9. si intra 55. & 60. annorum 7. si ultra 60. cujusunque ætatis sit, annorum 5. Ità statuitur & computantur anni pro præstatione alimentorum, & detractiōe Falcidiæ. In qua computatione clarum est, aliquos pares fieri, qui ætate valde impares sunt, ut qui est quinque, & qui 20. annorum. In conscientia erit securissima Regula, si dicamus, unumquemque teneri ad id, quod ipsemet in simili casu, attentis omnibus circumstantiis existimaret sibi solvendum esse, ut indemnis esse posset: neque enim potest in genere, & quasi in abstracto res aliter determinari.

667. QUÆRITUR 3. Quænam sint illæ personæ, erga quas nascitur obligatio restituendi damnum illatum per occisionem vel mutilationem. est autem potissima difficultas quoad personas conjunctas occiso, quæ ab occiso liberalitatem aliquam sperare poterant, & quæritur, an illis omnibus pro valore spei sit restituendum.

668. Prima Sententia universaliter affirmat. Quæ tamen sententia est contra praxin & sensum communem. Ex ea enim sequitur, quod deberent compensari convivia, quæ occisus solebat aliis exhibere, item elemosynæ, quas solebat facere: item si occisus fuisset vir potens apud alios in impetrandis favoribus pro aliis, omnibus satis faciendum esset juxta spem quam habebant impetrandi hujusmodi favores per occisum. denique si quis occideret Causidicum, esset satisfaciendum omnibus, qui sperassent per ipsum se causam lucraturus fuisse, quam per alium minus doctum perdidissent, & sic de sexcentis aliis, quæ omnia essent inobservabilia.

669. Secunda ergo & communior ac mitissima, nec non in praxi observata sententia est, parentibus (si quidem hi erant ab occiso alendi, aut hæredes scribendi) filiis, & uxori restituendum esse juxta æstimationem superiùs jam indicatam, omnibus pensatis. Ratio redditur communiter, quam etiam amplectitur Lugo & Diastillo, quia hæ personæ ità sunt arctè connexæ cum occiso, ut quodammodo unum quid cum ipso esse censentur, non item aliæ personæ, quæ tantum remore & per accidens conjunguntur.

670. Cæterum, nisi explicetur illa particula: *Quodammodo*, quis illius sensus sit, intellectus non quiescit. Videndum ergo restat, in quoniam consistat illa *quodammodo* unitas inter prædictas personas, ità ut se non extendat ad fratres, sorores, aut alios consanguineos. Mihi quidem aliud non occurrit, quàm quòd natura ipsa inter has personas influerit specialem propensionem beneficiendi, qualem erga alias non habemus communiter, ne quidem erga fratres. Cum uxore quidem homo fit una caro, ità ut homo relinquat parentes, & adhæreat uxori. Cum

filiis & parentibus tanta est naturalis amoris vis, ut propterea debuerit natura inter illas personas matrimonium irritare. Hunc autem naturalem affectum beneficiendi nemo prudens ignorat, sed de omnibus præsumitur, nisi contrarium constet: de aliis non item, cum quæ multi, imò plures sint, qui aliis consanguineis non benefaciant ex propriis bonis specialiter, atque sunt, qui benefaciant. Itaque etiam occidens præsumitur saltè implicite, & virtualiter de hujusmodi personis conjunctis cogitasse, & in earum damnificationem consensisse, ut tradit Lugo n. 93.

671. Circa Creditores, si quos habuit occisus, est etiam dissensio inter DD. nobis respondendum est conformiter ad principia superiùs posita. Si enim occisor præcognovit, aut facile præcognoscere potuit, existere debita talia ac tanta, quibus non possit satisfieri ex bonis à defuncto relictis, potuissent verò solvi & probabiliter soluta fuissent successu temporis industria occisi, tunc occisor est omnino obligatus solvere illa debita secundum æstimationem spei: quia occisus habuit obligationem & intentionem solvendi, & quidem, ut bene notavit Arnoldus Rath th. 80. *de damno injurià dato*, strictiorem obligationem habuit debita solvendi, quam alendi liberos, quia alimenta non debentur, nisi detractò ære alieno: quod tamen cum gravis salis intelligendum est, juxta superiùs dicta de causis excusantibus à Restitutione.

672. Si verò occisor invincibiliter non cognovit adesse hujusmodi debita, tunc probabile est, quod docet Lessius & Lugo, occisorem non teneri, quia non debebat suspicari, hujusmodi debita adesse, eò quòd debita communiter solvi possint ex bonis relictis, vel certe debitor ipse nunquam evasisset solvendo. in quo cum Molina etiam consentit citatus Ictus.

673. QUÆRITUR 4. An obligatio restituendi transeat ad hæredes. Affirmative, & quidem, etiam si homicida penâ capitali affectus esset: nisi ex circumstantiis colligi posset, personas læsas hanc obligationem remittere, prout divites communiter remittere solent, penâ capitis contenti. Quòd autem leges aliquæ civiles requirunt, ut priùs fuerit lis contestata cum occisore, servit solum ad forum externum, non autem excusat in conscientia, ut jam etiam superiùs dictum & probatum est.

674. QUÆRITUR 5. An maneat tota obligatio restituendi in conscientia, etiam si occisor fuerit priùs ab occiso injunctus in vas, indeque ansam acceperit se defendendi, sed excessit moderamen justæ tutelæ. Respondet Molina, quòd sicut ob extenuationem delicti Iudex minueret obligationem restituendi in penam injuriæ priùs acceptæ, ità posset læsor in conscientia partem restitutionis defacere.

Hanc

Hanc doctrinam rejicit Lugon. 54. dupliciter, primò quia pœna non debetur ante sententiam: ergo non potest occisor propriâ auctoritate eam priùs infligere. 2. Quia cum hæc pœna nondum sit à jure statuta, non potest post mortem invaloris infligi, non enim infligere ipsi, utpote jam mortuo, sed innocentibus damnum passis, & qui ad integram restitutionem jam jus acquisiverunt.

## CONTROVERSIA VI.

*Expediuntur dubia quadam ad forum externum spectantia.*

### SUMMARIUM.

**Q**uandonam bona eorum, qui se ipsos occidunt, confiscantur. 675.

*An mandans hominem vulnerari, non occidi, si occidatur, teneatur pœnâ ordinariâ.* 676.

*An iustum sit Statutum, quo pœna pecuniaria pro homicidio voluntario constituitur.* 677.

*Quomodo differant homicidium simplex, ex proposito, ex insidiis.* 678.

*An pari pœnâ puniendus sit occissor errans in persona.* 679.

*Quid pro sit vulneratori Exceptio vulnus non fuisse adequatam causam mortis.* 680.

*Si non possit ex circumstantiis colligi, an homicidium fuerit dolofoium aut casuale, quale presumatur.* 681.

*An per Judicis sententiam mutilatus præcisè ob mutilationem aliquid consequi possit.* 682.

*Si pluribus rixantibus homicidium committatur, sed ignoretur auctor, an omnes rixantes pœnâ ordinariâ sint puniendi.* 683.

675. **Q**UÆRITUR 1. Quandonam bona eorum, qui seipsos occidunt, confiscantur. Si quis ob vitæ tedium se occidit, bona non confiscantur, sed ad hæredes pertinent. l. fin. §. 4. de bonis eorum qui ante senti. ibi. Si quis autem tedium vitæ, vel impatientiâ doloris alicujus, vel alio modo (quàm sceleris conscientiâ) vitam finierit, successorem habere Divus Antoninus rescriptum. §. 2. Si se occidit ad effugiendam pœnam publicam ob delictum in quo deprehensus, vel de quo lite contestata accusatus est, delictumque tale sit, ob quod bona confiscarentur, habetur reus pro confesso (quod etiam procedit, si solum attentasset necem, sed impeditus esset) & bona confiscantur, nisi hæredes contrarium probent. eod. tit. & lege. cuius tamen rigor deinde temperatus videtur per authenticam: *Bona damnatorum. C. de Bonis proscripctorum.* ut tunc solum procedat confiscatio, quando occisus caret ascendentibus, descendentibus, & collateralibus usque ad tertium gradum inclusivè:

verba sunt aperta. *Bona damnatorum seu proscripctorum non sunt lucro iudicibus aut officiis: neque secundum veteres leges fisco applicantur, sed ascendentibus & descendentibus, & ex latere usque ad tertium gradum, si supersint.* Et ita sentiunt Baldus, Cynus & alii, quos sequitur Julius Clarus. Verùm Franciscus Aretinus, quem citat & sequitur Fachinus lib. 1. c. 35. contrarium docuit; eò quòd in nullo exemplari illa verba habeantur in Novella ex qua sumpta est authentica. Sed de hoc litigentialii. certum est in hoc puncto observandam esse consuetudinem, quidquid sit de textu, an sit vel non sit corruptus.

676. **Q**UÆRITUR 2. An Mandans hominem vulnerari, protestando ne occidat, pœnâ homicidii ordinariâ leg. Corn. de sic. teneatur, si mandatarius occidit. Affirmant aliqui, quos citat & sequitur Menochius de arbit. Jud. casu 352. Alii tamen verius & æquitati conformius negant. Ità plures quos sequitur Decius & Fachinus. c. 36. Ratio jam superius exhibitæ est, quia ad incurrendam pœnam leg. Corn. non sufficit culpa, sed requiritur dolo, hoc est animus occidendi. & hunc animum illæ leges non excludunt, quæ dicunt, nihil interesse, an quis occiderit, vel mortis causam præberit. Neque refert, quòd talis irregularitas incurrat, ad hanc enim culpa sine dolo sufficit. c. tua nos. & cap. sicut. de Homicid. Nec etiam obstat lex si quis aliquid. §. qui abortivis. ff. de pœnis. ubi. *Qui abortivum aut amatorium poculum dant, etsi dolo non faciant, tamen quia mali exempli res est, humiliores in metallum damnantur, honestiores in Insulam amisâ parte bonorum relegantur.* Quod si NB. eò mulier aut homo perjerit, summo supplicio afficiuntur. Respondetur enim, hoc speciale esse illius criminis, & ideo non extendendum.

677. **Q**UÆRITUR 3. An iustum sit statutum, quo pœna tantum pecuniaria pro homicidio voluntario sit statuta. Sciendum est, lege Corneliâ de Sicariis pœnam capitis statui in homicidas, nisi in gradu nobiliore essent constituti, occisus verò longè inferior esset. Quam pœnam non solum incurrit, qui propriâ manu occidit, sed etiam qui id alteri mandat, ad hoc mercede conducit, consulunt seu suadent aliis non occisuro, quique ad patrandam eadem auxilium ferunt. qui falsum testimonium dicunt, unde quis capite damnatur. Ad Quæsitum ergo respondent Mol. Covarruvias, Julius Clarus & alii communiter, tale statutum per se loquendo, & universaliter latum, planè esse iniustum. Ratio est, quia tametsi ex circumstantiis fieri posset, ut talis pœna aliquando sufficeret, v. g. si quis nobilissimus & Republicæ utilissimus vilem interficeret, nec periculum esset, fore, ut tale quid sæpius attentaret: universum tamen perniciosum esset, pœnâ pecuniariâ posse destinatum homicidium redimi: debet enim pœna proportionata esse delicto, hoc est, quæ



sufficienter possit abstergere à frequentia delicti, qualis urique non est pœna pecuniaria: alioquin Deus in veteri testamento non tulisset pœnam mortis Gen. 9. *Quicumque humanum sanguinem effuderit, effundetur sanguis illius.* Lev. 24. *Qui percusserit & occiderit hominem, morte moriatur.*

678. QUÆRITUR 4. Quomodo differant tam secundum se, quam quoad pœnæ effectum, Homicidium voluntarium simplex (quod Juriste vocant dolosum) homicidium ex proposito, & homicidium ex insidiis. *§. 1.* Dolosum simplex differt ab homicidio ex proposito, & ex insidiis, seu proditoricè facto, tanquam minus grave à graviore: nam ex proposito superaddit alteri hoc, quod præcelsit ex intervallo animus occidendi, antequam rixa ulla orta esset, vel postquam jam cessavit, & ira defebuit. Ex insidiis verò fit homicidium, quando alterum securum, & nihil tale suspicantem aliquis occidit. Jure communi solus homicida simplex gaudet immunitate Ecclesiasticâ. *C. 1. de homicidio.* quod est desumptum ex Exodi 21. *Si quis per industriam (hoc est ex proposito) occiderit proximum suum, vel per insidias, ab altari meo velles eum, ut moriatur.* Sed de hoc videnda est Constitutio Gregorii XIV. & dicemus ex professo in proprio loco. *Tom. 5. de Iudiciis.* Pœna civilis augetur arbitrio Iudicis, jure communi. In Bavaria circa homicidium observatur Constitutio Carolina, ubi a. 137. statuitur, homicidium ex proposito, & ex insidiis, rotâ plectendum, & si accedant aliæ circumstantiæ aggravantes, v. g. quod subditi suum Dominum, Maritus uxorem, &c. occiderit, possunt etiam addi aliæ pœnæ pro arbitrio Iudicis, v. g. candenti forcipe brachia aduri, e quo alligatum trahi, &c. Verùm hæc ad Ius publicum spectant, & frequenter hæ pœnæ clementiâ Principum mitigantur prudentissimè, intuitu salutis animarum.

679. QUÆRITUR 5. An pari pœnâ ut homicida puniendus sit, qui occidit Paulum putans esse Petrum, non occisurus si sciret esse Paulum. Non est autem questio de casu non infrequenti, quo quis v. g. volens dirigere ictum in Petrum, quem benè distinguit à Paulo, Paulus se præter intentionem ingereret, & objiceret ictui, interponendo se rixæ: tunc enim occisor non intendisset directè ullo modo, ne quidem sub ratione confusa necem Pauli, sed solam necem Petri, quem ut ponimus, benè distinxit à Paulo. questio ergo est, quando directè tendit in hunc determinatum hominem, putans esse alium, suum inimicum, &c. In quo puncto non defuerunt, qui dicerent, talem pœnâ ordinari non teneri. Ità Tiraguellus, Jafon, & alii, quos refert, & sequitur Tiraquellus de *Pœnis leg. temperand.* c. 14. n. 4. & Menochius de *arb. casu.* 314. n. 11. Sed longè communior affirmat, in qua conveniunt Bartolus, & Baldus. Probatur ex *l. eum qui §. si injuria. ff. de injuriis.* ibi. *Si in-*

*juria mihi fiat ab eo, cui sim ignotus, aut si quis putat me Lucium Titium esse, cum sim Cajus Sevius, prævalet quod principale est, injuriam eum mihi facere velle. Nam certus sum ego, licet ille me putet alium esse quàm sum.* in qua lege exprimitur ratio responsionis. Nam homicidium in affectu, & effecta fuit illi voluntarium, & directè intentum respectu hujus hominis individui qui occurrebat, esto erraverit circa ejus determinatam individuationem. Probatur ulterius argumento Facitînxi. Is qui cum telo ambulavit hominis occidendi gratiâ, licet non occiderit, pœnâ legis Cornelie tenetur. *L. is qui cum telo. C. ad Leg. Corn. de Sicar.* ergo multo magis eadem pœnâ tenetur, qui cum telo ambulaverit hominis occidendi gratiâ, & simul etiam hominem occiderit, licet non eum quem occidere volebat. Neque obstat *lex si cum servo meo ff. de injuriis.* ibi. *Si cum servo meo pugnum dare vellem, in proximo astantem inuitus percussim, injuriarum non teneor.* de hoc enim casu statim ab initio dictum est, & discrimen assignatum.

680. QUÆRITUR 6. Quid profit vulneratori Exceptio, quâ multi se ab homicidio liberare contendunt, nempe vulnus non fuisse adæquatam causam mortis, sed tam provenisse ex morbo superveniente; ex intemperantia vulnerati; ex incircia chirurgi, vel ex eo quod chirurgus idoneus non fuerit vocatus in tempore, &c. *§. 1.* Si vulnus fuit reverè lethale, & animo occidendi inflictum (ut in hac materia præsumitur, nisi contrarium probetur) nihil prodest illa exceptio, ut constat ex variis legibus ff. ad l. Aquil. & ex ipsâ ratione: nam, ut supponitur, cætera supervenientia tantum accelerant mortem, non causant substantiam mortis. *§. 2.* Si certum est, vulnus non fuisse lethale, sed ex alio accidenti mortem provenire, v. g. ex febri superveniente, cujus tamen illa vulneratio per accidens causa fuit, tunc, quamvis vulnerator teneatur restituere omnia damna, non solum ex vulneratione secundum se, sed etiam ex morte secuta, non tamen est puniendus pœnâ ordinariâ homicidii dolosi: quia homicidium esto præsumatur fuisse intentatum, quatenus tamen vulnus secundum se non sufficisset, censetur respectu vulnerantis esse casuale. Ità Molina, Gomez, Iul. Clarus, alii. *§. 3.* Si vulnus secundum se consideratum dubium sit, an sit lethale, tunc ex eveni, consideratis circumstantiis colligendum est, quale fuerit, & si quidem nihil deprehenditur, ex quo superveniente mors causari potuerit, vulneri adscribenda est, & homicida ut talis puniendus: si quid autem deprehendatur, ex quo superveniente mors causari poterat, probabiliter alioquin non obventura, non est ut homicida puniendus. Quæ omnia prudentis Iudicis arbitrio, adhibito Medicorum, Chirurgorumque consilio relinquuntur.

681. QUÆRITUR 7. Si nec ex facto, nec ex circumstantiis colligi potest, an homicidium fuerit dolosum, hoc est voluntarium, vel potius casuale, quatenam esse præsumatur. 2. Præsumi præsumptione iuris (sed non de lure, cum admittat probationem oppositi) homicidium dolosum. L. 1. C. ad legem. Cornel. de Sicariis. ibi. Si probaverit, non occidendi animo hominem à se percussum esse, remissa homicidii pœnâ, &c.

682. QUÆRITUR 8. Cum supra dixerimus, pro mutilatione secundum se formaliter sumptâ, nullam esse faciendam restitutionem pecuniæ, quæritur, inquam, an nec per Iudicis sententiam mutilatus aliquid consequi possit. 2. Abrogatâ lege duodecim tabularum, quæ pœnam talionis statuerat, conceditur læso, ut eligat vel civilem, vel criminalem actionem injuriarum: si eligat agere civiliter, tunc potest injuriam æstimare, & Iudex æstimationem temperare, ut jam supra dictum est, cum ageremus de actione injuriarum: si vero eligat agere criminaliter, tunc aget ad hoc, ut arbitrio Iudicis aliqua corporalis pœna reo infligatur pro qualitate & quantitate delicti.

683. QUÆRITUR 9. Si pluribus rixantibus homicidium committatur, sed ignoretur, à quonam id commissum sit, an omnes rixantes pœnâ ordinariâ homicidii sint puniendi. Ad hanc quæstionem respondet Julius, Clarus §. Homicidium, à n. 37. ex communiori sententia distinguendo tres casus. Primus, quando homicidium est deliberatum, & ex proposito. Secundus, quando non apparet liquidò, homicidium fuisse animo deliberato patratum, sed adfuit aliqua suspicio. Tercius, quando certò apparet homicidium ipsam ex improvviso, & in rixa commissum.

684. In primo casu, omnes qui homicidio intervenerunt, tenentur pœnâ ordinariâ. Ratio est, quia omnes ad minimum præstiterunt auxilium occidenti: atqui præstantes auxilium debent puniri pœnâ ordinariâ, ut supra dictum.

In secundo casu, siante dictâ incertitudine omnes sunt torquendi super qualitate animi deliberati. Quod si nihil fateantur, debent omnes de ipso tanquam simplici homicidio in pœnam extraordinariam condemnari ratione incertitudinis.

In tertio casu, est iterum distinguendum: aut enim unicum vulnus est illatum, ex quo decessit, & nescitur à quo, tunc tantum puniuntur pœnâ extraordinariâ arbitrio Iudicis. Aut plura sunt illata vulnera, & certi sunt vulneratores, & certa etiam vulnera à singulis illata, sed ignoratur, qui in vulnere in specie mortuus sit, & tunc, aut omnia vulnera erant lethalia, & omnes tenentur de occiso: aut aliqua non lethalia, & tunc illi tantum, qui inculerunt lethalia, tenentur de occiso, alii verò de vulneribus tan-

tum, sed tamen ultra pœnam ordinariam vulnorum, propter auxilium, pœnâ pecuniariâ Iudicis arbitrio. Aut verò sunt certi vulneratores, sed ignoratur, quæ vulnera à singulis eorum illata fuerint: & tunc, aut omnia vulnera erant lethalia, & omnes tenentur de occiso: aut non omnia lethalia, & tunc omnes sunt extra ordinem puniendi. Hæc est resolutio Clari, in qua doctrinæ veritatem, aut coherentiam examinare non est mei instituti in hac materia: satis erat, studioso lectori indicasse opinionem aliorum. Cæterum exstat circa quæstionem propositam Constitutio novissima criminalis Caroli. V. ar. 148. in qua statuitur primò, sicut resolvit primum Casum Iulius Clarus. Statuitur. 2. Si ex improvviso rixa est orta, si occisor scitur, pœnâ gladii puniendus est. Statuitur. 3. Si pluribus vulneribus affectus sit, sed non possit resciri, quâ singulari manu, & vulnere mortuus sit, tunc illi qui prædicto modo vulnerarunt, omnes ut homicidæ puniendi sunt pœnâ mortis. Statuitur. 4. circa reliquos, qui in tali homicidio improvviso adjuutores vel rixæ auctores fuerunt, sicut & si de nullo constare possit, à quo vulneratus fuerit, Iudices consulere jubentur Iurisperitos, exponendo omnes circumstantias.

685. Hujus Carolinæ Constitutionis mentionem facit Gail vol. 2. obser. 109. sicut & Hunnius in Treutlerum, vol. 1. d. 18. th. 9. Sed, meo iudicio, non bene distinguunt inter homicidium factum animo destinato, & homicidium factum in rixa ex improvviso orta: unde Carolinam, quæ inter illa distinguit, videntur malè allegare pro homicidio ex improvviso, & contra illud resolvere quæstionem. Sed hujus rei examen aliis relinquo.

## CONTROVERSIA VII.

*Ad quam restitutionem teneatur stuprator, & quæ pœna stupri.*

### SUMMARIUM.

AD quid teneatur stuprator virginis, vi, metu, fraude, sine promissione. 686.

Stuprata præsumitur fuisse Virgo, & invidia, nisi stuprator contrarium prober. 687.

Si stuprata vult nubere stupratori consentienti, ad aliud non tenetur. 688.

Aliâs teneatur ad augendam dotem. 689.

Stuprata sponte remittente non tenetur parentibus. 690.

Sicut nec stuprata, si æquè benè nubat. 691.

Patri competit actio injuriarum, etiamsi puella sponte consensit. eod.

Si puella consensit ex metu mali justè infligendi, ad nihil tenetur. 692.

Ad quid teneatur, si promisso matrimonio consensum obtinuit. 693.

Quid si

*Quid si virginem finxit, & sic induxit ad promittendum. 694.*

*Quid si habeat votum castitatis aut Religionis. 695.*

*Quenam poena sint constituta supra. 697.*

686. **R**esolutio dubiorum, quae hic occurrunt, atque; facilis est ex generalibus principiis superioribus politis. quare breviter expediri possunt.

**QUÆRITUR 1.** Ad quid teneatur stuprator Virginis, sive veræ, sive æstimate, si eam vi, metu injusto, vel fraude induxit, sine ulla promissione: vel si consensum spontaneum occultum publicavit (qui casus nuper contigit inter personas Illustres) vel si eam talibus modis sollicitavit (quamvis nullâ secutâ violatione) ut prævideret, aut facillè prævidere potuerit, inde apud alios infamiam incursum, perinde ac si deflorata fuisset: v. g. si noctu per fenestras ascendit ipsâ invitâ. Pro Resolutione

687. Præmittendum est, eam quæ contendit, se ab altero stuprum passam esse, præsumi fuisse Virginem, & etiam præsumi fuisse invictam & injustè stupratam, quamdiu alter non probat contrarium. Deinde certum est, stuprum non esse injuriam, si illa sponte consentiat, quidquid sit, an ex Juris positivi dispositione teneatur eam ducere stuprator aut dotare. Volenti enim non fit injuria. Censetur autem sponte consentire, si habet metum injustum, dolus & fraus, magna verecundiæ vis ob reverentiam stupratori sollicitanti debitam, aut ejusdem potentiam: etiam si munera intervenerint & preces importunæ: hæc enim non tollunt illam libertatem quæ sufficeret in tali puella ad celebrandos alios contractus, donationem, &c. Nunc ergo ad Quæsitum -

688. Respondetur 1. Si violata vult nubere stupratori, & ipse eam vult ducere, non tenetur ad aliquid amplius ante Iudicis sententiam: imò tenetur Pater filię dotem constituere perinde ac si violata non fuisset: nam secuto matrimonio purgatur præcedens macula, & parens non patitur notabile damnum.

689. **2.** Si stuprator nolit eam ducere, vel ipsa nolit ei nubere, tenetur ad augendam dotem, ut possit tam commodè nubere, ac si violata non fuisset, vel certè alio modo tam bonum matrimonium procurare. Ratio est, quia alioquin non servat illam indemnem, prout ex Iustitia servare debet à damno injustè dato.

690. **3.** Si stuprata sponte obligationem remisit, non tenetur violator ad aliquid præstandum parentibus in conscientia ante sententiam Iudicis. Ratio est, quia filia non tenetur ex Iustitia parentibus debita nubere meliore modo quo possit: (seclusâ infamiâ) ergo potest liberare violatorem ab onere procurandi matrimonium melius.

691. **4.** Si ante omnem transactionem filia æquè benè nubat ac si violata non esset,

violator in conscientia ad nihil tenetur: quia in effectu nullum damnum intulit.

**2.** 5. Patri puellæ competere adversus stupratorem actionem injuriarum, etiam si puella sponte consensit, cui tamen non nisi post sententiam tenetur stuprator satisfacere. **L. 1. §. usque adeo. ff. de Injuriis.** ibi. *Uque adeo autem injuria quæ fit liberi nostris, nostrum pudorem perungit, ut etiam si volentem filium quis vendiderit, patri, suo quidem nomine competat injuriarum actio, filii vero nomine non competit, quia nulla injuria est, quæ in volentem fiat.* Molina & ex eo Lugo extendunt hoc etiam ad Tutorem, sed de Tutore nulla ibi fit mentio, & ex communi Iuristarum consensu actio Injuriarum non datur nisi personis conjunctis ibi recensitis, & recensimus supra agentes de Actione Injuriarum.

692. **6.** Si puella consensisset ex metu alicujus mali, quod stuprator sine injuria inferre potuisset, sed quasi in pretium stupri admisit non infixit, ad nihil tenetur. v. g. deprehendit puellam in furto: illa ne prodederet, consensit. Ratio est, quia talis metus non est injustè illatus: ergo sicut talis metus non invalidaret matrimonium, ita in præfati casu non sufficeret ad inducendam obligationem satisfaciendi pro damno, quod altera volens passa est.

**7.** Si deflorator non potest dare dotem competentem, tenetur eam ducere in uxorem, si ipsa velit, nisi inter personas tanta esset inæqualitas, ut nimis difficilis esset conjunctio matrimonialis v. g. si ipse esset valde nobilis, illa plebeja. Ratio est, quia ut suprà diximus, potest quandoque restituito etiam pro debito ex delicto, tam difficilis esse, ut cesset obligatio. Teneretur tamen quantum posset, procurare matrimonium bonum cum alio, quo compensaretur jactura.

693. **QUÆRITUR 2.** Ad quid teneatur deflorator, si promisso matrimonio consensum obtinuit. **2.** 1. Si nullum impedimentum vel alia causa supervenit, quæ sufficeret in conjugibus ad impetrandum divortium, neque etiam est talis conditio viri, ut semina facillè potuerit advertere, non promitti seridum matrimonium, tenetur eam ducere, etiam si fido animo promississet: sicut in contractu quocunque oneroso tenetur quis in specie id præstare, ad quod se exterius obligavit, quia tenetur habere animum serium, & si eum non habet facit injuriam, & tenetur se gerere postea ac si habuisset. **2.** Quod si juramento adjecto fidei promississet, an tunc obligaretur ducere non obstante disparitate conditionis, negat Lugo cum Sanchez, ex hoc fundamento, quia juramentum sicut & promissio, non inducit obligationem, nisi juxta intentionem promittentis vel jurantis. Ego tamen non video, quomodo Lugo possit hoc consequenter dicere ad ea quæ dixerat paulò ante n. 20. nempe quòd in contractu oneroso inducatur

ducatur obligatio præstandi in specie promissum, etiam animo ficto, quia tenebatur habere animum verum. hoc totum procedit in casu dubii. Qui enim juramento promittit matrimonium in eum finem, ut fœmina deponat suspicionem animi ficti propter disparitatem conditionis, tenetur habere animum verum: ergo non minus tenebitur, quàm si animo vero promississet absente omni disparitate conditionis. quare probabilius cenſeo, eum tunc obligari ducere, ut docet cum aliis P. Molina d. 106. n. 4.

694. R. 3. Si fœmina finxit se Virginem, & sic decepto inducendo ad promissionem, ad nihil tenetur, quia conditio sub qua promissit, non est purificata. Quodsi deflorator scipsum decepto, putans esse Virginem, an tunc obligetur ex promissione, pendet ex eo, an habuerit intentionem absolutam, vel conditionatam. quodsi fictam intentionem habuit, non tenetur ducere, quia non tenebatur habere intentionem absolutam ducendi, quando Virginis venit in contrahendum, & non aderat. quia res minus valebat, quàm apparebat valere. tenebitur tamen alio modo satisfacere pro copula dolo impetrata.

695. QUÆRITUR 3. Ad quid teneatur violator habens votum castitatis vel Religionis, & non potens aliter satisfacere pro injuria. R. Cum Card. de Lugo, talem, si votum simplex prius emisisset antequam violaret, teneri petere dispensationem, & ut ipse ait, facillè impetrabit. Ratio est, quia hæc dispensatio, vel voti commutatio, est medium necessarium ad satisfaciendum pro injuria illata. Eandem doctrinam tradit Azor l. 5. c. 5. §. Decimaquarta. Deinde absolute existimant Lugo, cum teneri ad ducendum, etiam si forè dispensationem non obtineat, aut non petat (quo casu non potest quidem petere debitum conjugale, si fecit votum castitatis, potest tamen & tenetur reddere.) Rationem à priori hanc reddit: quòd obligatio voti proveniat ex libera voluntate gratuita voventis, qui ipse lege suâ privatâ imponit sibi talem obligationem: atqui tali genere obligationis non potest quis præjudicare Iuri alieno, hoc enim potentius est. Hinc si voveas Religionem, & postmodum contingat, ut pater tuus graviter indigeat operâ tuâ, debes succurrere patri, quia non potes præjudicare Iuri patrerno, quod habet independentem à te. Sic non potes per votum antecessum præjudicare Iuri, quod ex delicto (quale est in casu nostro) alius postea acquirit contra te, quia debita ex delicto sunt præferenda debitis gratuitis, ut supra dictum est. Sic si quis voveret omnia sua dare pauperibus, & postmodum alterum graviter læderet, deberet ex suis bonis satisfacere potius læso, quàm dare illa pauperibus. Pari modo, si quis prius uni gratuito promississet matrimonium, deinde alteri promississet cum defloratione per promissionem obten-

ta, huic præ illa esset obligatus. Secus esset, si priori promississet contractû sponſalium oneroso: nam his debitis non præferri debita ex delicto supra dictum est. Et hæc videntur probabilius dici, quamvis etiam probabilis sententia sit, quæ negat, talem teneri ad defloratam ducendam, etiam si damnum aliter compensare non possit, ut docent Navaræus & alii apud Sanchez Lib. 1. de Matr. d. 45. n. 2.

696. Dices: qui habens votum religionis ingrediendæ, virginem sub promissione matrimonii defloraret, posset utrique debito satisfacere, nempe illam ducendo, sed ante consummationem ingrediendo religionem. Ergo ita illi agendum esset, & ita censet Basilii Pontius lib. 6. c. 72. n. 9. & Diana 10. 2. rr. 4. de Sacram. rer. 203. Sed hos bene rejicit Card. de Lugo. quia, per se loquendo, hoc modo non satisfaceret pro injuria illata, quia talis violata esset postmodum æquè inepti, imò ineptior redditâ ad consequendum tam bonum matrimonium, atque acquirere potuisset, si non fuisset violata. Eandem doctrinam tenet Azor l. c. §. Quæres. Apud quem plures quæstionculas hoc pertinentes videre licet, sed quæ omnes ex dictis facillè resolvuntur, & ideo prætermitto eas specialiter referre.

697. QUÆRITUR 3. Quænam in Iure sint pœnæ constitutæ stupro. Respondetur. De Iure communi: si stuprum factum est sine vi, ejus pœna in personis honestis est publicatio dimidiæ partis bonorum, in humilioribus coërcitio corporis cum relegatione. §. item lex Julia Inst. de pub. Iudic. Si verbò per vim, habet pœnam legis Iulie de vi publica. L. 3. §. præterea ff. de vi publ. Mortis pœnam obtinere tradit Faber, si crimen perfectum fuerit: imperfectum deportatione punitur. Pœna autem legis Iulie de vi publica est aquæ, & ignis interdictio. L. qui dolo. §. ult. ff. eod. in cuius locum deportatio transcessit. Denique ait Fachinus lib. 9. c. 101. hodie pœnam esse arbitariam. Qui corrumpit virginem necdum viripotentem, si sit persona honestior, in insulam relegatur, humilior in metallum damnatur. Sed Jo. Faber in dictum §. item lex Julia. dicit, quòd de consuetudine tales suspenduntur. Zæſius etiam dicit, pœnam mortis de consuetudine videri propositam, nisi circumstantiæ eam minui faciant.

698. Iure Canonico seductam stuprans damnum reparare cogitur, vel ducendo, vel dotando: c. 1. c. 2. de adul. & stupro. c. 2. sic habet. Pervenit ad nos, quòd Felix quandam virginem stupro decepit: quod si verum est, quamvis esset de lege pœnâ preſtendus, nos aliquatenus legis duritiem molientes, hoc modo disponimus, ut aut quam stupravit, uxorem habeat, aut si rennendum putaverit, corporaliter castigatus excommunicatusque in Monasterio in quo agat pœnitentiam, detrudatur, de quo nulla sit egrediendi sine præceptione licentia. Unde graves



DD. existimant, Ius Civile esse à Iure Canonico correctum, sed hoc Farinacius vult solum procedere, si contra stupratorem civiliter, non, si criminaliter agatur. Et Zæsius ait, hanc penam non esse in iusu.

Iure Bavarico *L. P. O. lib. 5. tit. 9. a. 118.* statuitur. Si virgo per infidias, lenocinia, dona, promissiones, inebriationem, promissionem Matrimonii, stuprata sit, stuprator ad aliorum exemplum irremissibiliter, & ponderatis omnibus circumstantiis, conditione personæ violatæ, frequentia criminis, etiam penâ mortis puniatur. Si verò vi oppressa esset, aut potu amatorio inducta esset, secundum Ius Bavaricum & commune penâ mortis puniatur servatis servandis. Quodsi quis stupraverit promisso Matrimonio, etiam consentiente vitiata in Matrimonio puniatur secundum conditionem, personæ, & seminae satisfiat eo modo, quo Iure communi statutum est.

## CONTROVERSIA VIII.

### *De Restitutione ob Adulterium facienda.*

#### SUMMARIUM.

**A**d quid teneatur adulter, vel adultera, suscipiæ prole. 699.

Quanta probabilitas requiratur, quod ipse sit pater.

700.

An Mater teneatur filio illegitimo manifestare delictum, si non possit aliter cavere damnum filiorum.

703. & seqq.

699. Quod præcedente controversiâ monui, hic quoque locum habet, dubia in hoc puncto occurrentia ex generalibus hæcenus traditis esse dissolvenda.

QUÆRITUR ergo 1. ad quam restitutionem teneatur adulter, vel adultera, si proles ex adulterio suscipiatur, & inde alter conjunx innocens, vel alia personæ damnum in bonis fortunæ patiantur, ut si proles adultera sit aliis coheres, quia putatur esse proles legitima. 2. Alimenta post triennium esse præstanda à patre adultero, secundum generalia. 3. Cætera damna esse solvenda partim ab adultero, partim ab adultera: quia ambo ad illa concurrunt, quatenus alienam prolem cum fraude supponunt alteri alendam ut suam, & causant reliqua damna in aliis personis, v.g. coheredibus. Neque refert, quod fortassis adulter non horretur adulteriam ad talem suppositionem: sufficit enim, quod concurrat negativè, dum non ipse educat, & gubernat propriam prolem, sicut teneretur, prævidens ea damna secutura. Quomodo autem

unus in defectum alterius teneatur, explicatum est supra, cum ageretur de cooperantibus ad damnificationem alterius.

700. QUÆRITUR 2. Quanta probabilitas sufficiat, & requiratur, ut adulter iudicans prolem esse suam, obligetur ad prædicta. 1. Requiri moralem certitudinem, hoc est, debere esse summè probabile, & prudenter indubitabile, adeoque nullo modo probabile esse alienam. Ità communiter DD. nec videtur reipsâ dissentire P. Molina, licet à Lugone in oppositum citetur. Ratio est, quia in favorem matrimonii præsumitur proles legitima, nisi manifestè oppositum constet, & hoc non tantum in foro externo, sed etiam interno, quia filius est in possessione legitimitatis. 2. Si certum quidem est prolem esse ex adulterio conceptam, non constar tamen, quisnam ex duobus adulteris sit pater, tunc ad damna restituenda æqualiter tenentur, & in defectum unius alter tenetur in solidum: quia uterque injustè causam dedit illi incertitudini, hoc est, ut incertum esset, quisnam esset auctor damni certi. Utrum autem ad alimenta præstanda teneantur, disputat prolixè admodum Card. de Lugo, & inclinat denique in sententiam negantem, ed quòd proles sit actor petendo ab illis alimenta, & quia de neutro determinatè potest probare, ipsum esse patrem, ideo uterque est absolvendus ab onere præbendi alimenta. Quare autem obligentur ad alia damna, & non ad alimenta, disparitatem ait esse, quia aliorum damnorum sunt causa, ut jam dixi, sed proli nullum damnum dederunt.

701. Ego tamen arbitror plus subtilitatis esse in toto discursu Card. de Lugo, quàm veritatis, & ideo sentio cum communi sententia, singulos debere ex parte concurrere ad alimenta; quia certum est, esse eorum filium: ergo proles habet Ius petendi ab eis alimenta saltè partialiter & disjunctim, & uno deficiente tenetur alter. Ità tenent, ut fateatur, & refert Lugo, Molina, Vasquez, Turrianus, Martinez, Villalobos, Azor, Salas, Castro Palao, Diana, nisi quòd ultimi tres negent, altero deficiente alium teneri in solidum. Ad fundamentum Lugonis responderetur, satis esse, quòd proles probeat, alterutrum esse patrem, & quòd illi injustè sint causa, quòd non possit probare determinatè. Deinde falsum est, quòd proles nullum damnum patiat: an non hoc satis damni est, quòd l. sit proles incerta, carens emolumentis, quæ debentur proli certæ etiam spuris? Idem dicerem cum proportionem de eo, qui notoriè rem habuit cum concubina, esto probabile sit, quòd & alii habuerint, si proles nascatur secundum tempus, quòd responderet tempori copulæ; quidquid contradicatur Sanchez ex Ant. Gomez lib. 4. *Conflitor. c. 3. dub. 1. n. 3.* & mihi indubitatum est, quòd in foro externo tali proles adjudicaretur, nisi possit probare se patrem non esse, & ità me præsentem iudicatum est

CONTROVERSIA IX.

*Expediuntur alia quædam dubia  
circa adulteria.*

SUMMARIUM.

est semel iterumque in Academico Senatu, debuitque reus convenire cum matre in certam aliquam summam, quâ acceptâ Matri filius alendus fuit.

702. Confirmatur ex suprà dictis. Si non certò constet prolem esse adulterinam, licet sit probabile, adulter ideo non tenetur ad alimenta, quia in favorem matrimonii, & prolis, præsumitur proles legitima: ergo si hæc præsumptio non esset, condemnaretur adulter scilicet pro ratione dubii: ergo cum in casu nostro non sit locus huic præsumptioni, cum certum sit prolem esse adulterinam, uterque pro ratione dubii tenetur præstare alimenta.

703. QUÆRITUR 3. An Mater teneatur filio illegitimo manifestare delictum, & illegitimitatem, quando aliter non potest cavere damnum aliis inde securum. R. Si manifestatio possit fieri taliter, ut filius illegitimus teneatur matri credere, vel certè putetur esse crediturus, neque ex manifestatione imminet damnum matri tantum, quantum juxta Regulas suprà traditas excusare potest à restitutione, tenebitur manifestare: quia alioquin suo silentio injustè influeret in illa damna. Sin verò filius nec teneatur credere, nec etiam putetur esse crediturus, tunc mater non tenetur manifestare: quia manifestatio nihil esset profutura: filius enim perget bonâ fide possidere conditionem filii legitimi. Et sic mater non tenetur nisi in quantum potest juxta leges communes restitutionis.

704. QUÆRITUR 4. Cum quanto magis teneatur mater manifestare illegitimitatem filii ad cavenda aliorum damna in bonis fortunæ. R. Hoc, ut dixi, esse resolvendum ex generalibus regulis. Nam quivis injustè lædens tenetur non solum cum æquali suo damno, sed etiam cum notabiliter majore (non tamen cum longè majore) restituere, v.g. qui alterum injustè coniecit in periculum vitæ, tenetur cum periculo vitæ suæ eximere; non tamen, si læsit famam, aut honorem, &c. tenetur cum periculo vitæ restituere famam, aut honorem, aut pecuniam, ut communiter tradunt DD. quia bonum vitæ est incomparabiliter superius. Itaque cum periculo vitæ probabili, si vitæ, si filii, non tenetur mater manifestare, nec etiam cum jactura famæ longè majore, quàm æstimeretur damnum aliorum, secus si jactura non esset tanta, quin homines communiter libenter illam subirent ad lucranda tantâ bona fortunæ.

Denique facilius modus excusandi matrem ab obligatione restituendi, est, quando prudenter præsumi potest, maritum, vel filios male, delictum uxoris & matris manere occultum (ob maculam, quæ ex manifestatione delicti etiam in tales personas redundat) & pati talia damna, quàm ex manifestatione & consequente restitutione incurresse talem maculam.

Quenam sit poena in Jure constituta adulterii. 705. An marito adulterium committente uxor lucretur contradotem, & contra. 706.

Quid censendum de legibus datibus immunitatem marito occidenti adulteram. 713.

An factò divorcio teneatur maritus alere uxorem. 718.

Quomodo se debeat gerere Jdex, si opponatur nullitas matrimonii. 719.

705. QUÆRITUR 1. Quznam sit poena in Jure constituta adulterii. R. 1. Juris Interprètes litigant, an lex Julia aliquando constituerit adulterio poenam capitalem, & negant Faber, Harpprecht, alii, ducti variis legibus, quarum intentio supponit, adulterium non puniri morte. Alii rectius affirmant cum ipso Imperatore Iustiniano, in §. 4. Inst. de publ. Iudic. ibi. Item lex Julia de adulteriis coercendis: quæ non solum remanentes alienarum nuptiarum gladio puniit, &c. Leges verò quæ contrarium supponere videntur, plus non probant, quàm quodd progressu temporis nimia Imperatorum conniventia, poena capitalis in desuetudinem abjerit. Verum postea restituta est constitutio Divi Pii, eademque viguit Constitutione Diocletiani & Maximiani, ut constet ex lege 18. C. de Transact. Denique à Iustiniano restituta est in lege 30. C. hoc tir. ut testatur ipse Novell. 134. c. 10. ibi. §. 1. Sacrilegos autem nuptiarum gladio puniri oportet. R. 2. Hodie Ord. Crim. Caroli V. indistinctè sancitur, poenam adulterii debere esse capitalem, sive solutus cum alterius uxore, sive soluta cum alterius marito, (in quo corrigitur Ius antiquum) sive uxor cum marito alieno carnaliter se miscuerit, quâ ordinatione Iustulit etiam Carolus V. discrimen inter feminas & viros, quatenus Iustinianus feminis remiserat poenam capitalem, contentus, si virgines casta in monasterium detuderetur. Auth. sed hodie. C. ad L. Jul. de adult. quæ sic habet. Sed hodie adultera verberata in monasterium mittatur, quam intra biennium viro recipere liceat. Biennio transacto, vel viro, priusquam reduceret eam, mortuo, adultera consa monastico habitu suscipiet, ibi dum vivit permaneat, duabus partibus propriæ substantiæ liberis, si habet, applicandis, tertiâ Monasterio. Sed si liberos non habet, parentibus existantibus hujusmodi iniquitatem non consentientibus tertia pars applicabitur, due monasterio: quibus prædictis non existantibus, omnis ejus substantia monasterio quaeritur, pactis dotalium instrumentorum in omni casu viro ser-

ro servandis. *§. 3.* Iure Bavarico, loco sup. cit. plura statuuntur. 1. Si inter personas vulgares adulterium est simplex, primâ vice per mensem incarcerationem in pane & aqua vel æquivalenti levi victu: qui pinguioris fortunæ est, insuper 100. lib. n. hoc est, 113. fl. 26. Cr. qui tenuioris verò dimidiâ parte plectitur, applicandâ piis causis, & manifestatori. Qui verò solvendo non erit, finito carcere per tres dies dominicos continuos cum candelâ (non tamen denudatis brachiis, & sine virgis) ante templi fori illi standum erit. Si adulterium sit duplex, nulla pœna pecuniaria recipienda est, sed post duram incarcerationem tribus diebus dominicis continuis ante templi fores cum ardente candelâ & denudatis brachiis, cum virgâ in manibus ferro inclusis, collocandi sunt. 2. Si secundâ vice deprehendantur, relegantur extra Baviariam in perpetuum, vel secundum circumstantias diversas, aliis pœnis cœrentur. 3. Si tertiâ vice deprehendantur, Iudici in criminalibus traduntur pro diversitate circumstantiarum puniendi. 4. statuitur proportionaliter pœna tum carceris tum pecuniaria tum relegationis, tum infamiae, pro personis non vulgaribus, ut sunt Nobiles, Consilarii, Mercatores, & cives insigniores, pro diversitate circumstantiarum. 5. Circa sexum fœmineum ferè eadem pœnæ statuuntur, variatis tamen aliquibus, quæ omnia referre molestum esset, & præter intentionem meam. Singulariter conceditur Nobilibus, ut cum præcitu Principis aut Regiminis, possint suas uxores adulteras in suis ædibus, toparchiis, aut aliis honestis locis usque ad mortem includere. *§. 4.* Iure Canonico aufertur adultero jus exigendi debitum conjugale, & conceditur separatio thori ad instantiam innocentis, ut habetur tit. de Divort. Clericus est suspendendus ab officio *c. 5. in fine* de adult. ibi. *alioquin ab officio suo ipsum suspendere non possonas.* & in Monasterium detrudendus. *can. si quis Clericus. d. 81.* Si quis Clericus adulterasse aut confessus aut convictus fuerit, depositus ab officio, communionem concessâ, in Monasterio toto vitæ suæ tempore detradatur.

706. QUÆRITUR 2. An maritus adulterium committente, uxor lucretur contradotem, seu donationem propter nuptias (ut alii vocant) & contra adulterante uxore maritus lucretur dotem. *§. 1.* Si divortium fiat, affirmativè, per se loquendo: & hoc quidem utroque Iure constitutum est. imprimis in Novella 117. c. 8. ubi etiam statuitur, proprietatem dotis reservari liberis ex adultera exstantibus: si verò nulli existent, proprietatem dotis marito cedit, & insuper ex reliquis uxoris bonis, quantum est tertia pars dotis. Iure can. verò *c. plerumque. 4. de adult. ibi.* Si mulier ob causam fornicationis iudicio Ecclesie, aut propriâ voluntate à viro recesserit, nec reconciliata postmodum sit eidem, dotem vel dotalitium repetere non valet.

707. Dixi. per se loquendo. nam aliqui casus excipiuntur, aut certe sunt dubii. Primus est, si utrinque peccatum est. patia enim delicta mutuâ compensatione tolluntur. *l. 39. ff. soluto matrim. l. 10. ff. de compensationibus.* Hoc autem solum verum est quoad pœnam civilem partibus adjudicandam, nam in criminalibus compensatio non habet locum, cum agatur causâ Reipublicæ. Dubitatur tamen, an, si maritus v. g. labatur primùm postquam jam dos ex præcedente adulterio uxoris illi adjudicata est, commissio dotis resolvatur, competatque ejus repetitio uxori. Aliquibus ita visum est, & videri posset ob *c. ex literis 5. de divortii:* Verùm Thomas Sanchez *l. 10. d. 9. Ant. Perez & Zæsius* censent contrarium. nam actio semel extincta non reviviscit ex solo casu superveniente. *L. 98. §. 8. ff. de solutionib.* atqui actio repetendi dotem est extincta per sententiam. Ergo, &c. Neque obstat capitulum allegatum in contrarium, ubi plùs non dicitur, quam quòd post celebratum divortium si alter fornicetur, compellatur reverti ad dimissam, quia adulteria compensantur. loquitur autem in casu quo separatio non est facta per sententiam, sed sponte, ut legenti patet, & interpretatur Innocentius.

708. Secundus casus exceptionis est, si uxor fuerit fornicata de consensu tacito vel expresso mariti: *arg. l. 26. C. ad L. Jul. de adult.* in qua lege (cujus intellectus aliquando obscurus, ex glossa accipiendus est) conceditur contra accusatorem de adulterio exceptio de lenocinio: unde consequens est, quòd accusator non sit obtenturus, nec proinde dotem lucraturus. cuius ratio est, quia particeps est turpitudinis: ergo iniquum est, ut ex dolo lucrum reportet.

Tertius casus. Si mulier per vim esset oppressa, non potest de adulterio accusari: *L. 20. tit. cit. Fœdissimam eorum nequitiam, quæ pudorem suum alienis libidinibus prosternunt, non etiam earum quæ per vim stupro compressæ sunt, irreprehensâ voluntate leges ulciscuntur: quin etiam inviolatæ existimationis esse, nec nuptias earum aliis interdicti merito placuit.*

709. Quartus casus. Si post commissum adulterium sibi notum, alter conjux debitum conjugale petat aut exsolvat, censetur injuriam condonasse, adeo ut ne quidem post relapsum liceat ex præterito adulterio, sed solum ex novo accusare & agere. Ità communis DD. apud Covarruviam. *de Matrim. p. 2. c. 7. §. 6. n. 11.*

710. Quintus casus. Si tempore legitimo contra accusationem fuerit à reo præscriptum. præscribitur autem, soluto matrimonio, spatium 6. mensium *l. 29. §. 5. ff. h. t. ibi.* sex mensium hæc fit separatio, ut in nuptiis quidem ex die divortii sex menses computentur: & infra: nec mulie-

rem posse accusari, ut quod dantur sex menses utiles. durante vero matrimonio seu cohabitatione, spatio quinquennii continui à die commissi criminis. *L. 5. C. h. tit. Adulter post quinquennium quam commissum adulterium dicitur (quod continuum numeratur) accusari non potest, easque prescriptiones legibus reo datas, auferri non oportet.* Ex quibus verbis inferunt DD. quòd Iudex, tacente reo, possit & debeat exceptionem prescriptionis supplere, reumque ab instituta accusatione absolvere.

711. Sextus casus. Si Maritus motiatur, non propterea hæredes dotem lucrantur, quia hæc actio, utpote criminalis, ad hæredes non transit.

712. Septimus. Si Maritus sibi ipsi jus dixit occidendo adulteram, dotem non lucratur. *L. 10. §. 1. ff. soluto matrim. Si vir uxorem occiderit, dotis actionem hæredibus uxoris dandam esse Proculus ait, & rectè: non enim æquum est, virum ob facinus suum dotem sperare lucrifacere, idemque & contrario statuendum est.*

713. QUÆRITUR 3. Utrum honestæ sint illæ leges Civiles, quæ pronuntiant, posse impunè à marito occidi adulterum cum sua uxore in domo sua deprehensum, si sit persona vilis & infamis, ut habet *lex Marito 24. ff. h. tit.* [Marito quoque adulterum uxoris suæ occidere permittitur, sed non quemlibet ut patri: nam hac lege cavetur, ut liceat viro deprehensum domi suæ, non etiam foris, in adulterio uxoris occidere eum, qui leno fuerit, quique artem ludicram antè fecerit in scenam, &c.] & *lex Gracchus. C. eod. infra referenda*; item posse à patre occidi adulterum cum sua filia nupta adhuc in sua patria potestate constituta, in sua vel generi domo deprehensum in adulterio, si tamen utrumque occidat, & quidem in contineuti, ut habetur pluribus legibus eod. tit. ff. Quodsi maritus aliquem honestiorem occideret, aut uxorem in flagitio deprehensam, facinus quidem puniretur, sed non ultimo supplicio, ob justum dolorem, quem non est facile temperare. *L. 38. §. 8. ff. eod. ibi. Ei qui uxorem suam in adulterio deprehensam occidisse se non negat, ultimum supplicium remitti potest, cum sit difficillimum, justum dolorem temperare: & quia plus fecerit, quam quia vindicare se non debuerit, puniendus est, &c.* debet tamen, adultero occiso, uxorem statim dimittere, & in proximo triduo apud Iudicem competentem fateri, se adulterum occidisse domi suæ, ut tradit Cujacius hoc loco Codicè Iustinianus deinde potestatem Marito ampliavit in auctoritate. *si quis. h. t. desumpta ex Novella 117. c. ult.* Nempe concessit potestatem occidendi adulterum suspectum, si ter ipsi denuntiaverit, ne cum uxore sua versaretur, & is spreverit denuntiationes, in loco ad suspicionem hujus turpitudinis apto, videlicet in domo adulteri vel uxoris, vel in popinis, quodsi in loco non suspecto cum uxore versantè repererit, con-

vocatis tribus testibus tradet eum iudici, qui nullâ aliâ causâ quæsitâ potest eum punire. Quodsi in loco sacro invenerit eum uxore colloquentem post tres denuntiationes, licet marito auias personas defensori Ecclesiæ tradere ut serventur, donec Iudex cognoscat.

714. Ad Quæsitum 34. Duplicem esse sententiam & viam modumque leges illas defendendi. Prima eorum, qui dicunt, Legislatorem constituere maritum vel Patrem tanquam ministrum publicum, dando illi potestatem occidendi adulterum in illis circumstantiis, sicut datur aliquibus potestas occidendi assassinos, &c. & sic in conscientia excusatur talis homicida. Ità Iulius Clarus *§. Homicidium n. 50.* ubi videri posset in paucis lineis contradictoria asserere. Ex Theologis post plures Iuristas eam tenent Lessius, Sa, Fagundez.

715. Veram hic excusandi modus non est verosimilis. primò. Quia punire penâ mortis Reum non servato Iuris ordine quando servari posset, hoc est, non audito reo, non examinatâ causâ, constituendo executorem illum qui deberet esse accusator in propria causa, qui exequatur irâ & odio præoccupatus, est intrinsecò malum; essetque gravissimus abusus publicæ potestatis: sed hoc fieri in priore sententia: ergo non est cogitandum, leges hoc velle. Secundo. Quandocunque sine gravi Reipublicæ incommodo potest consuli salutis animæ ipsius rei, non debet puniri tunc, quando moraliter certum est, reum esse æternum damnandum, ut est in casu nostro. Terriò. Quia si adulter esset Clericus, non haberent locum illæ leges, quia potestas Civilis non habet Iurisdictionem in Personam Ecclesiasticam.

716. Secunda ergo sententia est, eaq; communiore Theologorum, quos sequitur ex Iuristis Antonius Perez, tale homicidium fieri non posse auctoritate publicâ, ob rationes jam exhibitas: esse tamen leges illas adhuc iustas, quia plus non intendunt, quam condonare homicidæ penâs homicidii voluntarii & dolo commissi, hoc est lege Corn. constitutas. Utrum autem ab omni penâ absolvatur, nò est ita clarum, & si hæc est mens legum, vix possunt excusari, quòminus nimiam licentiam faciant. Videri possent aliis penâs locum relinquere. Nam & D. Pius in hac verba rescripto Apollonio. *Ei qui uxorem suam in adulterio deprehensam occidisse se non negat, ultimum supplicium remitti potest: cum sit difficillimum justum dolorem temperare: & quia plus fecerit, quam quia vindicare se non debuerit, puniendus sit: sufficere ergo, si humili loco sit, in opus perpetuum eum tradi, si qui honestior, in insulam relegari.* Ità habetur *l. si adulterium 38. §. 8.* paulò superius adductâ, quem locum non video quomodo multi adducant, post glossam in *l. Gracchus.* ad probandum, quòd leges permittant adulterum occidi, cum solum loquatur de occisione uxoris. Ratio autem legis



de hoc puniendo, procedit etiam in occisore adulteri, quia etiam se vindicat.

717. Verum obstat fortiter lex Gracchus. 4. C. hoc tit. Gracchus, quem Numerius in adulterio hostis deprehensum interfecit, si ejus conditionis fuit, ut per legem Iuliam (est lex marito 24. ff. h. t.) impune occidi poterit, quod legitime factum est NB. nullam poenam meretur. Idemque filius ejus qui patri pariterant, praestandum est. Sed si legis auctoritate cessante inconsulto dolore adulterum interemit, quandovis homicidium perpetratum sit, tamen quia & nox & dolor iustus factum ejus relevant, potest in exilium dari. Ecce i. punit lex homicidam occidentem personam non vilem; sed occidentem personam vilem ab omni poena absolvit, & dicit, occisionem esse legitime factam. Quae verba sane difficultate non carent, & nullibi invenio solidam explicationem. Unde libenter dicerem (nisi major auctoritas & ratio obstaret) revera legem voluisse in hoc casu (non item in casu quo pater occidit) homicidium publicam auctoritate fieri, si persona occisa talis fuit, qualis describitur in lege. 24. Marito quoque adulterium uxoris suae occidere permittitur, sed non quemlibet, ut patri. (Ecce i. discrimen) nam hac lege cavetur, ut liceat (ecce i. prius solum dixerat: permittitur. nunc autem datur licentia) viro deprehensum domi suae, non etiam Soceri, in adulterio uxoris occidere eum NB. qui leno fuit, quive ariem ludicram ante fecerit, in scenam saltandi cantandive causa prodierit, judiciove publico damnatus, neque in integrum restitutus erit, quive libertus ejus mariti, uxorisve patris, matris, filii, filiae, utrius eorum fuerit. Sed quidquid sit de aequitate harum legum, si aliquam iniquitatem continent, correctae sunt per Ius Canonicum c. inter haec 33. q. 2. ubi Nicolaus Papa scribit Albino Archiepiscopo: inter haec sanctitas vestra addere studuit, si cujus uxor adulterium perpetraverit, utrum Marito illius liceat secundum mundanam legem eam interficere. Sed sancta DEI Ecclesia mundanis nunquam confringitur legibus: gladium non habet,

nisi spirituales, non occidit, sed vivificat. Et licet hic Canon loquatur contra licentiam occidendi uxorem (qualis lex exstat apud Hispanos teste Gomez & Covarr. eadem tamen est ratio quoad adulteri occisionem. Glossa in illum can. optime notat, occisionem uxoris licere secundum legem Lombardam, non secundum Romanam; & addit, leges civiles non excusare a culpa, sed solum a poena.

718. Clarius improbat hujusmodi leges S. Augustinus relatus in Can. 9. 33. q. 2. cit. Si (quod verius dicitur) non licet homini Christiano adulteram conjugem occidere, sed tantum dimittere, &c.

QUÆRITUR 4. Utrum facto propter adulterium uxoris divortio, teneatur maritus nihilominus alere uxorem. Affirmant DD. communiter. Sed nullam legem aut cap. invenio. Quare in hoc puto praxin esse attendendam.

719. Quæri potest s. Quomodo Index secularis se gerere debeat, si cepto judicio in causa adulterii opponatur, matrimonium esse nullum ob impedimentum Canonicum. Ad hoc dubium respondet Baiardus §. adulterium n. 44. cum Felino & Afflicto, quod teneatur remittere causam ad Episcopum: posset tamen etiam dicere excipienti teo, ut coram se produceret, quæ intenderet probare coram Episcopo, & si videret ea non obstare, posset procedere ad ulteriora. Addit deinde, de generali consuetudine Iudicem Laicum in causa adulterii criminaliter intentari, posse cognoscere incidenter, an matrimonium subsistat, verum utrum hoc ab eo recte & Canonicè didum sit, viderint Canonistae.

720. QUÆRITUR 6. An adulterium pertineat ad delicta privata, an ad publica. R. Pertinere ad privata, quia licet accusari possit, non tamen a quovis de populo, sed solum a certis personis quibus id de Iure conceditur.



## CAPVT VLTIMVM.

DE INIURIIS IN BONIS SPIRITUALIBUS,  
ET RESTITVTIONE COMPETENTE.

711. **B**onorum spiritualium nomine non veniunt hic tantum supernaturalia, ut Gratia, Sacramenta, &c. Sed etiam usus rationis, Scientia, Libertas, Voluntas ingrediendi Religionē, vel in ea perseverandi. Et quidem quatenus per metum iniustum tollitur Libertas vel minuitur, constat jam ex dictis, metum esse auferendum ex Iustitia, & si ex metu aliud damnum reparabile secutum est, etiam illud reparandum est. Quam autem vim habeat metus ad invalidandos actus, dicitur copiose in tract. de Pactis, & Contractibus in genere.

## CONTROVERSIA I.

*Deturne obligatio, & qualis, restituendi pro inductione in errorem, vel peccatum.*

## SUMMARIUM.

**A**n inducens ad mortale, teneatur ad aliquam restitutionem. 73.

722. **C**ertum est, si quis lædatur in usu rationis, ita ut iniuste demeretur, aut in errorem gravem inducatur, v. g. in errorem fidei, vel alium errorem valde universalem, impeditivum alicujus scientiæ comparandæ, vel alio modo perniciosum, eo quod sit error practicus (nam in speculabilibus hoc rarius contingit) teneri lædentem ad errorem tollendum, ad usum rationis, si fieri possit, restituendum, tollendo v. g. maleficium, item ad damna subsecuta, quæ poterant prævideri, resarcienda.

723. Dubium est, an inducens ad peccatum mortale, teneatur ad aliquam restitutionem, & ad qualem. R. 1. Si inductio facta est consilio, precibus non nimis importunis, nec vim facientibus, peccanti non tenetur ad aliquam restitutionem. Ratio est, quia volenti non fit iniuria, ut explicatum est superius. Dixi: peccanti. Nam si illud peccatum esset alteri tertio damnosum, teneretur eo modo, & ordine, quo diximus superius agentes de cooperantibus ad peccatum. R. 2. Si per metum induxisti, ad peccatum mortale contra quamcunque virtutem, peccas contra Iustitiam lædendo al-

terius libertatem ad quam jus habet: quapropter teneris imprimis metum tollere. Secundò, damna si quæ sunt secuta, & prævideri poterant, ac restitui possunt, restituere teneris, v. g. si ob tale peccatum privaretur beneficio, vel officio. Tertiò, teneris ostendere ignorantem remedia penitentiz. R. 3. Si per fraudem induxisti decipiendi, & in errorem inducendo, ex quo errore postmodum nascatur peccatum quantumvis materiale tantum, si tamen illud sit graviter nocivum, v. g. si tollat virginitatem, quæ est grande ornamentum, si excitet tentationes, & propensionem gravem ad multiplicandos hujusmodi actus, v. g. molliciti, tunc peccas graviter contra Iustitiam, & teneris tollere deceptionem, & damna subsecuta resarcire. Quandoque etiam erit mortale peccatum, inducere per vim, vel fraudem in peccatum veniale, si hoc specialiter deceat talis status personam, vel si ex alio capite colligi possit, illam personam esse graviter invitam, v. g. si Religiosus inducatur ad mentiendum. Respectu aliorum tamen regulariter non est grave peccatum, inducere per fraudem in veniale, quia regulariter homines non censentur esse graviter invitati, cum moraliter omnia vitari non possint. Deducuntur hæc omnia ex generalibus suprâ declaratis.

## CONTROVERSIA II.

*Quæ sit obligatio restituendi ob impedimentum Religionis ingressum, aut procuratum egressum Novitii, aut Religiosi.*

## SUMMARIUM.

**A**d quid teneatur, qui ab ingressu Religionis alium impedit, aut seduxit, ut egrederetur. An metu aut fraude remota ad aliquid aliud teneatur, si impedius nolit Religionem ingredi. 726.

724. **D**UBITATUR 1. An is qualicunque vi, metu, aut fraude seduxit, ne Religionem ingrederetur, aut utjam ingressus egrederetur, teneatur, vel ipse ingredi, vel alicui alteri persuadere ingressum, ut hac ratione Religionis compenset damnum quod ex illa persona

na seducta sperare potuisset, saltem pro restitutione spei. Affirmat post quosdam alios P. Molina. Alii communiter, & verius negant. Probant aliqui ex illa vulgari Regula, quod ingressus Religionis, sicut matrimonium, debeat esse liber. Sed hac probatio non stringit. Libertas enim sufficiens ad validum ingressum non pugnat cum obligatione ingrediendi, ut patet in eo, qui propter voti obligationem ingreditur. Sic etiam valent matrimonia, quæ ex metu iusto contrahuntur; ut si stuprator pœnis Ecclesiasticis adiutus ad ducendam stupratam.

725. Melius probat Logo: & imprimis quod non teneatur ipse ingredi probatur: quia hac ratione obligaretur suam libertatem dare prolesione in bonis temporalibus, quod non est dicendum. sequela patet, quia libertas est altioris ordinis. Sicut ergo impediens per fraudem, ne Maria ducatur à Joanne in uxorem, non tenetur ipse eam ducere, ita & in præsentis casu negandum est. Quod verò etiam non teneatur aliquem alium inducere, probatur: vel enim deberet illi inducere, ut ingrederetur in hunc finem, ut satisfaceret pro debito seductoris, & hoc dici non potest, nam quod per se loquendo est moraliter impossibile, & insperabile, non cadit sub obligationem: sed est moraliter insperabile, ut alius se includat claustro, nullâ aliâ vocatione ductus, quam ut se à tali onere liberet: præterquam quod Religioni plus obesset, quam prodesset, qui careret omni alio motivo; quid enim boni à tali Religioso sperari posset? vel sufficeret inducere aliquem alioquin ingressurum, ut superaddideret intentionem satisfaciendi pro debito seductoris: & hæc obligatio non esset utilis, aut optabilis Religioni, ac proinde eam nihili faceret, & sic esset talis obligatio remissa. Vel denique requireretur, ut saltem alicui aliàs non ingressuro persuaderet ingressum spontaneum, & ex propria devotione sine voluntate satisfaciendi pro debito seductoris, & tunc iste non liberaretur à suo debito, quia libertas unius non extinguit alterius debitum, sicut non solvères

centum debitos Petro, persuadendo Paulo, ut Petro donet centum.

726. DUBITATUR jam 2. An ille seductor, postquam vim, metum, aut fraudem removit, & tamen seductus ille non vult amplius ingredi Religionem, cum tamen posset, an inquam teneatur satisfacere Religioni pro emolumentis temporalibus in bonis fortunæ, quæ ex tali persona sperabat, saltem quantum valebat spes. 2. 1. Non tenetur restituere illud emolumentum, quod Religio facile consequi potest alium illius loco suscipiendo, quem alioquin non potuisset suscipere ob numerum personarum completum. Nam quoad hanc quantitatem nullum damnum patitur. Hoc itaque deducto. 2. 2. Seductorem teneri ad illa, quæ cum ingressu talis personæ erant per se moraliter connexa: ut si fuit homo indoluitus, practicus, utilis ad res Monasterii œconomicas promovendas. Teneatur item ad ea, quæ seductus jam animo destinaverat donare Monasterio, aut Religioni, si de hoc constitit Seductori. Nam vi talis animi & affectus, jam habebat Monasterium propinquam spem, & consequenter eorum carentia est per se connexa cum illa seductione, sicut, si quis fraude impediret aliquem, ne legaret mibi, quod jam animo legare conceperat. 2. 3. Non tenetur tamen ad illa, cum quorum carentia non nisi valde remotè connexa est seductio, v.g. si fuit dives, si sperabat hæreditatem, &c. Quia adhuc ex variis causis poterat Religio ea bona non consequi, potuissetque æquè facile sua bona in alios transferre, si necdum statuit dare Religioni: est ergo spes valde remota. Et hæc de his sufficiant, cum, ut bene notavit Vázquez, non habeant specialem difficultatem, & bona spiritalia vix ad Iustitiam Commutativam spectent, quam solam accuratius tractare propositum est. Quod si de quibusdā ad Vindicativam spectantibus mentio facta est, id obiter & incidenter, ac præter intentionem est calamo fluxit: & eorum quantumvis rudis ac inculca notitia nocere non potest.



R. P. CHRISTOPHORI  
**HAUNOLDI**  
 E SOCIETATE JESU,  
**TRACTATUS III.**  
 DE  
 TRIBVS IVRIVM REALIVM  
 GENERIBUS,  
**DOMINIO, SERVITVTIBVS,**  
**POSSESSIONE,**  
 JURISQUE REMEDIIS, SEU ACTIONIBUS  
 HUC SPECTANTIBUS.

**CAPVT PRIMVM.**  
**DE JURE DOMINII, VEL QUASI DOMINII,**  
**RERV M CORPORALIVM, ET INCOR-**  
**PORALIVM IN GENERE.**  
**CONTROVER SIA I.**

*Quid & quozuplex fit Dominium.*

**S V M M A R I V M.**



Omnis plenè definitio tradita à  
 Bartolo, defenditur. 1.

Lex prohibens dispositionem etsi  
 non minuat dominium, aufert  
 tamen aliquod Jus personale. 6.

Solvitur obiectio desumpta ex per-  
 fectio Dominio Dei. 7.

Doctrina cujusdam Recentioris de Dominio reflexivo  
 rejicitur. 8.

Quo sensu Debitor sit plenus Dominus rei oppignora-  
 ta. 11.

An addenda particula. Nisi conventio obstat. 12.

An addenda particula. Aut vindicandi. 13.

An addenda particula. Nisi vi prohibeatur. 14.

An bonorum vinculatorum sit plenum Dominium. eod.

An Iura & Servitutes sint in Dominio. 16.

Dominium utile quandoque separatur à Dominio di-  
 recto. 17.

Recentioris Hispani opinio circa Dominium directum.  
 eod.

Omnis & solus ille est pleno Jure Dominus rei, in qua  
 prater ipsum nemo alius stabile Jus habet. 18.

D d

§. I. Ex-



## §. I.

*Explicatur definitio Bartoli, & defenditur contra Modernos.*

1. **L**oquimur nunc de Dominio Proprietatis pleno: unde facile constabit, quid sit, & cuinam competat dominium non plenum, seu imperfectum, ac denique quomodo Dominium in genere, prout abstrahit à Dominio pleno, & non pleno, directo & utili, definiri possit.

Dominium plenum, ac perfectum, prout inter homines reperitur, definitur à Batt. in *L. si quis vi. §. 4. ff. de acquir. poss. & communiter aliis post ipsum: Jus perfectè disponendi de re corporali, nisi lege prohibeatur.* In hac definitione multis Juristis æquè ac Theologis displicet illa particula restringens, in *Re corporali.* Quasi verò non detur etiam dominium in re incorporali, v. g. in beneficio Ecclesiastico, in Iure Servitutis, in actionibus, &c. Alii pro defensione Bartoli distinguunt inter Dominium, & quasi-dominium, & illud dicunt dari in re corporali, hoc in re incorporali, hoc est in ipsis Iuribus aliquid agendi, exigendi, &c. Quo sensu nullum dabitur Ius, quod non identificetur cum dominio, vel quasi. Verùm hæc est subtilitas supervacanea, & de vocabulo, & potest cum Vultio & Lessio illa particula sine ullo præjudicio omitti.

2. Alii Recentiores sic definiunt Dominium: *est libera facultas disponendi circa rem vel personam, quoad usus vel actiones lege permissas, non impedibilis licetè ab aliis.* Quæ ultima verba aliud non significant, quàm illa Bartoli: *nisi lege prohibeatur.* Aliqui adhuc addunt: *vel conventionem.*

3. Quidam Recentior Hispanus in tract. M. S. pluribus impugnat has particulas adjectas, tum à Bartolo, tum à R.R. Imprimis sic arguit: Jus plenum domini ante prohibitionem erat facultas respiciens omnes usus: atqui iste respectus æqualiter perseverat in Domino post prohibitionem, ac erat ante prohibitionem: ergo æqualiter est Dominus in ordine ad usum prohibitum, ac erat antequam prohiberetur. Minorem probat. Mera prohibitio (hoc est, non reddens dispositionem invalidam, sed tantum illicitam) nihil tollit illius facultatis constitutive domini: ergo tota illa facultas constitutiva domini, quæ erat ante prohibitionem, perseverat in Domino post prohibitionem usum. Antecedens probatur. Si tolleretur prohibitio aliquod Ius, tunc in ordine ad usum prohibitum haberet se Dominus rei formaliter, ut non Dominus, sicut, si quis servo suo brachium amputaret, uteretur quidem re suâ materialiter, formaliter verò uteretur re non suâ, quia in ordine ad amputationem brachii nunquam habuit dominium servi: ergo pariter sequeretur, quod qui equitaret in suo equo, quando equitatio est prohibita,

peccaret contra Iustitiam, si per prohibitionem Ius equitandi amisisset: quia formaliter uteretur re non suâ. Probatur antecedens. 2. Quamvis prohibeat lex emptionem vel venditionem mercium nocivarum bono communi, si tamen Dominus vendat, valet venditio: ergo Dominus habet adhuc post prohibitionem facultatem ad illum usum, qui dicitur distractio mercii, quamvis sit usus ille per legem prohibitus. Probatur antecedens. 3. ex lege *idem si ob stuprum ff. de conditione ob turpem causam.* Ubi dicitur: meretrix turpiter facit quod sit meretrix, non tamen turpiter accipit, cum sit meretrix. Ergo licet usus sit prohibitus, habet tamen dans & accipiens Ius ad illum usum.

4. Hæc omnia tamen facile solvuntur, negando id quod in argumento principali supponitur, nempe, quasi illa particula: *Nisi lege prohibeatur:* ideo addantur, ut indicarent, posse dominium esse plenum, etiam si per legem aliquid Ius adimatur. Non est hic sensus, aut finis illarum particularum, sed sensus est iste: Dominium est facultas perfectè disponendi de re: quod si aliqua dispositio impeditur, non impeditur ex defectu Iuris, hoc est, quasi sic disponendo violet Ius alterius, habentis Ius ad omissionem talis dispositionis, sed impeditur à lege ex alio fine. Itaque sicut non esset reprehendendus, qui diceret: Visus est potentia videndi coloratum, nisi obstaculum ponatur: quia non vellet dicere, quod positio obstaculi minuat potentiam visivam: ita & in casu nostro.

5. Hinc solvitur vulgaris obiectio contra definitionem. Ex ea enim videtur sequi, quemlibet esse Dominum omnium rerum: quivis enim habet facultatem disponendi de quavis re, nisi lege prohibeatur. 2. Negando Sequelam. Ad probationem dicitur, per legis prohibitionem intelligi illam, quæ quidem supponit in subiecto seu subdito quem obligat, jus disponendi, sed ex certis causis in bonum ipsius subditi vel communitatis, reddit illi quosdam actus, seu dispositiones illicitas, vel etiam invalidas, &c. Unde fit, ut cessante legis obligatione, sine ullius juris nova acquisitione, statim plene disponere possit, eo etiam modo, quo prius per leges non poterat licetè, aut validè. Itaque non sunt illæ particulae intelligendæ de illis legibus, quæ ideo prohibent dispositionem, quia alius habet jus, ne ponatur talis dispositio: quæ leges fundant se in Iure contrario alterius: sic prohibetur furtum, quia alius habet jus ad omissionem furti. Brevissimè ergo sensus Definitionis domini pleni est: Ius in re tam amplum & universale, ut in tali re nullus alius jus habeat stabile & perpetuum: de quo plura inferimus.

6. Advertendum insuper est, quod licet lex prohibens aliquam dispositionem non minuat jus in sensu jam dicto, quasi talem dispositionem reddat injustam, & contra jus alterius, ali-

quo modo tamen, & in alio sensu revera aufferat jus aliquod personale. Nam ante prohibitionem, v. g. venditionis fructuum, si quis per vim, aut metum voluisset aliquem à venditione prohibere, fecisset injuriam, & Dominus jus personale contra alios, ne ipsum vi, aut metu impedirent: facta autem prohibitione per legem potest metu justo impediri ab aliis; sicut qui cum una contraxit sponsalia, potest metu justo impediri ne cum alia contrahat de presenti, quamvis si ita contraheret, matrimonium valeret.

Hinc jam ad argumentum hujus Recentioris aliter responderi potest distinguendo: per prohibitionem non tollitur aliquod Ius reale conceditur: aliquod Ius personale, negatur, & hoc volunt significare illarum partium, quamvis ultro dem, non esse magnam necessitatem eas addendi.

## §. II.

*Solvitur obiectio ex perfecto Dei dominio, ubi de Iure reflexivo cujusdam Recentioris.*

7. Obijci potest contra definitionem Domini plen. 2. Deus est perfectissimus Dominus creaturarum, & tamen non potest de illis perfecte disponere, sicut potest homo: nam homo potest dominium rei suae transferre in alium: Deus verò non potest à se ullum dominium abdicare: ergo non requiritur ad plenum dominium Ius perfecte disponendi. *æ.* Negando consequentiam: debet enim *id perfecte*, intelligi in terminis habilibus, hoc est, de omni dispositione non involvente contradictionem: quod autem homo possit dominium transferre, non item Deus, provenit ex imperfectione domini humani, & perfectione Domini Dei; ille enim est Dominus accidentaliter, Deus autem essentialiter. Itaque Deus non ex defectu Iuris, sed ex incapacitate obligationis ab alterius Iure proveniens non potest à se abdicare Dominium, & hoc non obstat pleno Dominio, sicut eidem non obstat, quod Deus non possit comedere cibum cujus est Dominus. Aliter se res habet, v. g. in habente Majoratum, quem alienare non potest ex defectu Iuris.

Occasione hujus doctrinae placet referre aliam, recentem ab eodem Hispano traditam, & à nemine alio, ut ipse fateatur, agitam, an Dominium aliud sit directum, aliud reflexum, ad eum modum quo Philosophi dividunt cognitionem in directam & reflexam, quia videlicet directam tendit in rem distinctam à cognitione, reflexa in ipsam cognitionem, & similiter dominium directum respiciat rem distinctam à dominio: reflexum verò respiciat ipsum dominium. Docet ergo primò, dominium in rem corporalem, includens facultatem illam alienandi, ven-

dendi, donandi, &c. includere Ius reflexivum, & non solum directum, hoc est, utendi re corporali ad usum ad quos talis res est apta, v. g. equo ad equitandum, &c. ratio est, quia est Ius disponendi de ipso Iure directo, nempe illud transferendi in alium. Docet. 2. Dominium plenum in rem non includere Ius reflexivum. Quia Ius plenum in re habetur, dummodo res ipsa plenè subiacet dispositioni, etiam si Ius ipsum directe disponendi non subiacet dispositioni reflexæ, hoc enim Ius est aliquid distinctum à re ipsa corporali, ergo Ius disponendi de ipso Iure directo non includitur in pleno dominio, quia hoc adæquatè est idem cum Iure directo. Docet. 3. Non esse simpliciter perfectè dominium rei, qui habet dominium, vel Ius reflexivum, quo possit immediatè de suo dominio disponere, illud à se in alium transferendo. Probat. Dominium enim in rem capacem subjectionis, est perfectio simpliciter simplex (ut loquuntur Theologi) ergo est imperfectio, posse illà carere: ergo qui potest à se abdicare hoc dominium potest carere hac perfectione: est ergo Dominus cum imperfectione: ergo dominium plenum potius excludit quàm includit Ius reflexivum. Hinc ergo Deus est perfectè, & plenè Dominus rei cujusvis creatæ, quia non habet facultatem renuntiandi dominio illius, quia hoc non esset subijcere sibi creaturam, sed subijcere sibi seipsum, & perfectionem sibi intrinsicam.

8. In hoc ultimo (nam prioribus non est operæ pretium immorari) non assentior huic Recentiori; ex eo enim manifestè sequeretur, quod præter Deum nemo haberet plenum dominium, non solum si comparatur cum Deo (nam sic nullum penitus dominium habet creatura) sed præscindendo à dominio Dei, nemo inquam haberet, qui tamen ab omnibus, Theologis æquè ac Iuristis, dicitur habere plenum dominium. Si enim Dominium plenum excludit dominium reflexivum, hoc est, Ius alienandi, ut iste Recentior dicit, & omne dominium creatum est dominium renuntiabile, & alienabile (per se loquendo) ergo nullum erit plenum dominium.

9. Deinde transferibilitas domini creati arguit quidem imperfectionem, si comparatur cum Dominio Dei, quia arguit imperfectionem in supposito, nempe capacitatem obligationis erga alium, cui per talem translationem obligatur; si tamen dominium tale comparatur cum dominio non transferibili ad libitum in alium, sed vinculo, certum est, illud prius esse & dici dominium plenum, & perfectius isto, ed quod impossibilitas alienationis non proveniat à perfectione suppositi, sed à Iure alterius resistente tali alienationi, ut contingit in Majoratu, & aliis, ut patebit in progressu. Quod si dicas, minorem nam aut pupillum non posse alienare, & tamen habere

re plenum dominium: quæro, an amittat plenitudinem dominii, quando fit majorennis, & sui Iuris? non utique: atqui tunc potest dominium alienare: ergo hæc potentia non minuit dominium. Deinde minorennis potest alienare auctoritate Curatoris & Iudicis accedente. Denique hac instantia non probatur, quod dominium plenum excludat Ius reflexivum, sed ad summum probaret, quod non includat, quamvis hæc hoc probet.

## §. III.

*Solvuntur reliquæ Objectiones.*

10. **O**bjici potest, 3. Debitor est plenus, & perfectus Dominus pignoris, de quo non potest pro libitu disponere, eò quod Creditor habeat Ius contrarium: neque tamen ullà alià lege prohibetur: ergo definitio non convenit omni definito. Propter hanc objectionem, ut suprà dixi, putarunt aliqui definitioni addendum esse: *aut conventio obstat*: ità ex Theologis P. Azor, ex Iuristis Casp. Manzius in *Rubr. de rer. divis. n. 19*, Henricus Jacobus Zasius ibid. n. 2. Brederodius, Corvinus. Verùm alii non putant esse necesse addere, & fatentur, Debitorem non esse amplius plenum & perfectum Dominum pignoris, quod quidem mirum esse non debet: nam oppignoratio saltem Iure Canonico est quædam species alienationis, ut notant Canonistæ in tit. de *Reb. Eccles. alien. vel non.*

11. Censeo tamen utriusque partis AA. conciliari posse, si animadvertamus, Dominium plenum accipi posse in duplici significatione. Primò enim Dominium plenum juxta Schneidewinium accipi potest prout excludit omne Dominium alterius etiam imperfectum in eadem re, quale est dominium utile sine directo & e contra. Et in hoc sensu concedendum est, debitorem esse plenum dominum pignoris, adeoque non malè addi illam particulam: *Nisi conventio obstat*: quamvis etiam dici posset, hoc ipso etiam legem obstitere, quæ conventionem illam firmavit.

Secundo modo & strictissimè sumitur Dominium plenum prout excludit omne Ius alterius tam in re, quam ad rem, vel saltem omne Ius in re, & sic dicendum est, debitorem non esse plenum Dominum pignoris, adeoque ut sic non est opus adjectione illarum particularum, quia non est necesse, dominium debitoris in pignore comprehendi definitione pleni dominii. De hoc iterum §. seq.

12. Replicabis tamen. Si illæ particulæ addantur, tunc definitio pleni dominii conveniet etiam habenti dominium directum sine utili, qui tamen non est plenus dominus. Sequela probatur. Nam Dominus directus seu proprietatis habet etiam Ius plene disponendi: *nisi conventio statuta cum Vassallo obstat*, sicut habet debitor in pignore. Respondetur negando paritatem.

Nam imprimis Domino proprietatis non obstat Conventio, propriè loquendo, ne plene disponat de re sua, sed potius illi obstat translatio totius utilitatis & Iuris disponendi quoad usum fructum: hic autem per *conventionem* intelligimus tale pactum, vi cuius non transferatur tanta utilitas rei in alium, ut alter acquirat utile dominium, sed solum quo aliquatenus limitetur usus & dispositio circa rem suam, prout fit in constitutione pignoris aut hypothecæ. Deinde, quod benè notandum est, & jam suprà innuebam, per constitutionem pignoris non acquirit creditor Ius quoddam firmum & stabile, sed ad nutum debitoris extinguiibile (nisi per impotentiam retardetur, quod per accidens est, & hic non consideratur) nempe si pignus luat. huiusmodi autem Ius non pugnat cum dominio pleno; nam quando alter possidet rem meam, adhuc ego sum plenus dominus, quamvis alterius possessio Iure me impediatur, ne proximè & immediatè possim de re mea disponere; satis enim est, quod vi juris quod habeo, possim rem meam petere in Iudicio petitorio, & vindicare, ac sic subjicere proximè dispositioni meæ, ut jam plenius dicam. Itaque

13. **O**bjici solet 4. Quando quis rei suæ possessionem amittit, adhuc est plenus illius dominus, & tamen tunc non potest de re sua disponere, nam impeditur à possessore, qui quandoque est bonæ fidei, & ad ipsum pertinet jus utendi re possessâ, percipiendi fructus, &c. quod si est malæ fidei possessor, saltem habet Ius in lege fundatum, ne illi privatâ auctoritate & per vim eripiat, ut suo loco dicam. ergo adhuc est manca definitio. Propter hanc objectionem aliqui Iuristæ addunt definitioni hæc verba: *aut vindicandi*. nam Dominus carens possessione habet Ius rem suam vindicandi. Ità Mynsinger, Harpprecht, Schneidewein, Manzius, Corvinus. Verùm, neco iudicio rectius ab aliis hæc particula omittitur, quamvis ad positam objectionem nihil respondeant. Omitrenda, inquam, videtur ob duas causas. Prima est, quia vitiat definitionem, dum definit Dominium per vindicationem, cuius notitia obscurior est, quam dominii, imò committit circulum: nam Rei vindicatio definitur per Dominium: est enim actio in rem, quâ quis in Iudicio petit se rei contræversæ dominum declarari. Ecce! Vindicatio definitur per ordinem ad dominium: ergo si Dominium iterum definiatur per ordinem ad vindicationem, est circulus manifestus. Secundo omitrenda videtur, quia eâ adjectâ convenit definitio aliis qui non sunt domini pleni, ut Vassallo, & Emphyteutæ, qui etiam habent jus vindicandi. Ad objectionem ergo, 2. Ius possessoris ideo non obstat pleno dominio, quia est fundatum in ignorantia sive ipsius domini, sive possessoris, & ideo non est Ius firmum ac stabile, sed ablata ignorantia extinguitur, quia malæ fidei

dei possessor nullum habet jus retinendi rem, & dominus potest rem vindicando subicere suæ dispositioni: quare habet jus disponendi radicale, quod sufficit, alioquin qui procul distat à suo fundo, non haberet plenum dominium, quia non potest proximè disponente: itaque impedimentum per accedens non debent exprimi in definitione, ut jam magis dicitur.

Obijci posset 5. Quando quis vi impeditur ab usu rei suæ, non potest perfectè & pro libitu de illa disponere, & tamen est plenissimus dominus, quia ponimus vim illam esse injustam.

14. Propter hanc objectionem Iacobus Zæsius addit definitioni: *nisi vi prohibeatur*. Ied immeritò, nam in definitione subintelligitur: si ablit impedimentum physicum: sicut quando à Philosophis definitur vita, quod sit principium movendi se ab intinseco, non est necesse addere: *nisi vi impediatur*, hoc enim per se intelligitur. sic homo dicitur noctu habere totam potentiam videndi, licet tenebris impediatur ab actuali visione. Pari modo dicitur Dominium Ius perfectè disponendi, hoc est, jus tam amplum, ut nihil juris desit ad quamcunque legitimam dispositionem, ideo addit impedimentum: sicut etiam in infante adest impedimentum libertatis, & in eo qui cibo jam satur est, adest impedimentum comedendi suum cibum.

Obijciat 6. Qui possident Majoratum vel Fideicommissum, vel alia bona vinculata quæ alienari prohibentur, sunt adhuc pleni Domini, & tamen non possunt perfectè disponere de ejusmodi bonis: ergo deficit definitio. De hac re diversimodè sentiunt DD. aliqui enim concedunt antedictis, & negant consequentiam, quia putant illud vinculum esse merè à lege introductum, sicut respectu pupillorum. Ità Pinellus, Covarruvias, Ant. Gomez & alii, quos sequitur Molina & Lessius. Sed falluntur. nam illa vincula non proveniunt præcisè & unicè à lege, sed fundantur in Iure aliis quæsitò, quibus fieret injuria si talia bona alienarentur. Verior ergo sententia est aliorum negantium, illos esse perfectos & plenos dominos. Ità Aretinus, Rubius, Tiraquellus & alii apud Molinam Iuristam, lib. 1. de Primogenitiis, c. 19. & sequitur Card. de Lugo: ad cuius confirmationem facit L. finalis §. sed quia C. communia de legat. ubi expressè dicitur, quod hæres possidens fideicommissum non possideat illud purè in suis bonis, & quod fideicommissum sit Iuris alieni, & ideo non possit oppignorari. ibi. Nemo itaque hæres ea quæ per legatum vel purè vel sub certa die relicta sunt, vel quæ restitui aliis disposita sunt, vel substitutioni supposita, secundum veterem dispositionem putet in posterum alienanda, vel pignoris vel hypothecæ titulo assignanda, &c. sed fiat NB. hoc quod alienum est, non ei licere, usque sui patr. monii existens alieno juri applicare: quia satis absurdum est, rem quam in suis bonis purè non possidet, eam ad alios posse transferre,

vel hypothecæ, pignorisve nomine obligare, &c. Adit insuper Card. citatus, Dominium directum Majoratus esse penes totam familiam, quæ est quædam persona ficta: rectè autem possessor Majoratus dicitur simpliciter dominus, quia si comparetur cum cæteris tunc existentibus, nemo magis est dominus illo.

15. Obijci solet ultimò contra id quod diximus, etiam res incorporales, ut Iura & Servitutes esse in dominio, aut quasi dominio: Obijciatur inquam, lex. 1. ff. de Usu & Usufructu per legatum vel fideicommissum datis, ubi dicitur, quod servitutes nec sunt in bonis, nec extra bona, & ideo non possit in illis constitui usus aut usufructus. Respondet cum quibusdam Zæsius, legem loqui non de servitutibus constitutis, sed constituendis. Verùm, ut optimè observat VVurmlerus In nucleis Contr. l. 2. tit. 1. à n. 5. ex contextu aperte constât, sermonem esse de Servitutibus jam constitutis. Melius deinde ipse respondet, Iure Consultum solum velle dicere, quod servitutes non sint in bonis nec extra, quia per se nusquam subsistunt, hoc est, non sunt quædam substantia physica, sed quoddam ens morale: ut etiam observavit Collegium Argentinense, de rei vindic.

16. Pro Coronide Quæres, quid sentendum sit de aliis definitionibus Domini, quæ circumferuntur. v.g. *Dominium est, quo res nostra est.* ità VVelsenbecius, Corvinus, Suthold. Colleg. Argenteor: vel. *Quo res propria est.* 2. Eas laborare hoc vitio, quod definiant unum relativum per aliud correlativum, quod est vitium, & nihil explicat, sicut si dicerem: *Paternitas est, quæ alius est noster filius.* Nam *Dominium, & Nostrium* sunt correlativa, non minùs quàm *Dominium & Servus.*

#### §. IV.

##### *Differentia inter Dominium Directum & Utile explicatur.*

17. **E**xplicatio hujus differentie constabit ex dicendis de Usufructu, Emphyteusi, Feudo, Bonis adventitiis, Dote. Nunc breviter.

Certum est aliquando separari dominium Utile à Dominio Directo; sic qui alteri concedit Feudum, dicitur Dominus directus seu Proprietatis, Feudatarius verò Dominus utilis: idem est in Usufructu, Emphyteusi.

Circa hanc divisionem Recentior Hispanus docet, & multis contendit, Dominum directum esse plenum dominum, & reverà habere Ius utendi fruendi, sed impeditum. Deinde docet, Usufructuarium seu habentem dominium utile tantum non esse dominum simpliciter, sed esse tamen dominum secundum quid. De hoc secundo dicam infra. Quoad primum, tamen posset fieri quæstio de modo loquendi, omnes tamen alii aliter sentiunt, & dicunt, Dominum directum sine utili esse dominum non plenum.



Et ratio est defumenda ex dictis: quia reverà talis non habet ius utendi fruendi impeditum, sicut habet ius comedendi cibum, impeditum dolore dentium, aut nausca stomachi: sed omnino caret iure utendi, quia illud in alium transiit, nempe in Usufructuarius, qui habet ius utendi, &c. quale non habet alius in cibo, cuius comestio est impedita in domino. Deinde si Usufructuarius habet dominium saltem secundum quid, seu partem domini (ut hic Recentior fatetur) quomodo cum hoc stat, aut intelligi potest, quod Dominus directus habeat dominium totum, quandoquidem ne quidem unus partis possint duo esse domini in solidum, ut etiam ipse docet? Aliud est, quod Dominus directus vocetur simpliciter dominus (ob iura suo loco declaranda,) & aliud, quod sit dominus plenus: sic quod quis facit ex metu, dicitur simpliciter voluntarium, sed non Voluntarium plene, quia est secundum quid involuntarium. Neque quidquam illi patrocinatur exemplum quod affert de eo qui locat aut commodat equum alteri, & tamen manet plenus Dominus. nam hoc idco est, quia non transfert in alterum ius stabile, sed ad tempus, quo elapso tenetur alter restituere. Nos autem iam supra diximus, hæc non ob stare dominio pleno, quia talis commodatarius à nemine dicitur dominus equi secundum quid. Contra Usufructuarius habet ius stabile, per se loquendo, ad tempus vitæ, quale habet maritus in corpore uxoris, etiam si illud non possit transmutare ad hæredes. Qui ergo in re sua alteri concedit Ususfructum, concedit ius stabile, & dominium secundum quid, & sic aliquâ parte domini se spoliatur, adeoque desinit esse dominus pleno iure. Et hoc quidem videtur clare supponere iure Consultus Cajus in l. 29. ff. *Qui & à quibus manumissi*. ibi. *Generaliter pignori datus servus sine dubio pleno iure debitoris est, & justam libertatem ab eo consequi potest.*

Quod autem Dominus proprietatis secluso usufructu non sit plenus Dominus, ut vult Recentior, contra quem agimus, habetur aperte in *L. Si stipulatus fuero* 126. ff. de *V.O.* ibi. *Non idem continget ei* (hoc est, non liberabitur ab obligatione per stipulationem contracta) *qui fundum pleno iure promissit, & usufructum dedit: deinde amisso eo, proprietatem sine usufructu tradidit, &c. hic nulla parte obligationis exoneratur, nisi pleno iure fundum effecerit stipulatoris.* Ecce! quod Ius Proprietatis non sit plenum ius, & dominium, secluso usufructu.

18. His ergo iuribus insistendo dicendum est, eum omnem, & solum civiliter & iuridicè loquendo, esse pleno iure Dominum rei, in qua præter ipsum nullus alius stabile ius habet. Hinc infero, eum qui habet suo fundo impositam servitutem, vi cuius ius disponendi minuitur notabiliter, non esse pleno iure Dominum. Dixi: *Notabiliter*: nam ut P. Molina n. 16. notat, parum pro nihilo reputatur.

## CONTROVERSIA II.

*Verum in eodem instanti, v.g. donationis, tam Donator, quam Donatarius sit Dominus in solidum rei donatæ, adeoque non repugnet plurium dominium in solidum ejusdem rei simultaneum.*

## SUMMARIUM.

**D**uplex dominium totale pro eodem instanti ejusdem rei repugnat. 20.

*Non minus repugnat pro diversis signis nature, ac pro eodem.* 25.

*An in eodem instanti possit quis esse servus & liber.* 26.

*An Donator in instanti donationis sit Dominus.* 29.

*Jus Proprietatis aliud est radicale, seu proveniens ab extrinseco, aliud formale completum & proveniens à forma intrinseca.* 32.

*Ad quem usum sit institutum dominium conditionatum & incompletum.* 33.

*An Donatarius sit absolutus Dominus in instanti donationis.* 34.

*Dominium conditionatum unius stat cum dominio absoluto alterius.* 36.

*Quomodo verificetur axioma. Nemo dat, quod non habet.* 38.

*An ex Polygamia possit argui duplex dominium.* 40.

*Quid si Personæ divine assumerent diversas naturas.* 41.

19. Sermo est de illo temporis puncto, quo Donatio, vel alius contractus translativus domini, ita absolvitur, ut sit verum dicere: *Nunc transfertur actus, & formaliter dominium in alium.* & quaeritur quis tunc sit Dominus rei, an donator, an donatarius, an uterque?

Quæstionem hanc quadraginta & pluribus ab hinc annis Recentiores aliqui, quorum tacito nomine meminit Card. de Lugo, excitârunt, & partim argumentorum subtilitate, partim quibusdam Theologicis difficultatibus non aliter (ut putabant) complandis perimoti affirmârunt, duos posse esse Dominos simul, & in solidum ejusdem rei, aut iuris. Hanc opinionem deinde amplexus est idem Cardinalis, 10. de *In carn. d. 3. f. 1. à n. 15.* solâ tamen argumentorum evidentia (ut ipsi videbatur) convictus. Hunc Auctorem cum ejusdem Collegæ P. Antonius Mangilius, & Augustinus Bernal acriter confutassent, ita tamen ut quædam Lugoni concederent, ex quibus possent omnia tela in eosdem Auctores retorqueri, anam dedere laudato Cardinali, ut eandem sententiam amplius & copiosius

filimè de novo promoveret *to. 1. de Inst. d. 2. s. 1.* Hunc secuti sunt Hurtadus Mendoza, & Arriaga, qui *1. p. d. 30.* in ipsa ponè Lugonis verba concessit. Sententia hæc faciliùs à Juristis ridentur, quàm ejus argumenta solvantur.

10. DICENDUM tamen est, hujusmodi duplex dominium totale pro eodem instanti esse Chymaricum, & apertè repugnare. Probatur ex definitione domini præcedente. Controversiâ tradita & explicata, ubi diximus, quòd aliquis dicatur esse plenus Dominus rei, quando nullus alius in ea re adversus ipsum Ius firmum & stabile habet: & à fortiori requiritur, ut nullus alius æquale cum ipso Ius habeat. Ideo enim ex pluribus Sociis vel membris universitatis, unus non habet dominium in solidum, quia alius æquale Ius habet. Unde sic argumentatur. Si in eodem instanti duo essent ejusdem rei Domini in solidum, tunc unus Dominium alterius dominio excluderetur, & non excluderetur. Hæc est contradictio: Ergo repugnat. Sequelam probò præcludendo effugia adversariorum.

Respondebunt ergo primò, Dominium plenum dicere quidem negationem Iuris alieni, non tamen cuiuscunque, sed duntaxat Iuris alieni independentis à voluntate donatoris disponentis de re sua: atqui dominium Donatarii est Ius dependens à voluntate Donatoris: ergo non repugnat cum dominio plenissimo Donatoris.

21. Sed contra 1. Hoc effugium jugulat ipsos adversarios. Ex eo enim inevitabili consequentiâ sequitur, donatarium in eo instanti non esse plenum Dominum: non enim habet Ius cum negatione Iuris alieni independentis à sua voluntate. Ius enim donatoris (quod ipsi volunt tunc coexistere) est Ius independentis à voluntate Donatarii, & non excluditur à Iure donatarii quia coexistit: ergo si bona est adversariorum responsio ad salvandum dominium plenum in donatore, evertit dominium in donatario: ergo jam non sunt duo Domini in solidum.

22. Contra 2. Ex data responsione sequitur, posse dari dominium plenum plenissimum. Nam illud est dominium plenus altero, quod plus Iuris alieni excludit: sed quando quis rem suam non vult alienare, habet Ius excludens etiam Ius alterius dependens à voluntate sua: ergo hoc effert Ius amplius, & universalius illo, quod constitueret cum Iure alterius à se dependente: ergo si hoc adhuc est plenissimum, jam poterit dari Ius plenus plenissimum, quod est Chymaricum.

Respondebunt 2. Dominium plenum dicere quidem negationem Iuris alieni pro eodem signo naturæ, sed non pro diverso: quapropter cum donatarius non habeat Ius nisi in posse

riori signo naturæ; hoc bene consistet cum dominio pleno donatoris.

23. Sed contra: non minùs repugnat pro diversis naturæ signis dominium plenissimum cum dominio alterius in eadem re, quàm repugnet pro eodem signo: ergo responsio est nulla. Probatur antecedens. Ideo repugnat in eodem signo naturæ poni duplex dominium in solidum penes duos, quia tunc in eodem signo poneretur forma, & negatio formæ, nempe Ius alienum, & negatio Iuris alieni, atqui non minùs repugnat pro diversis signis naturæ poni formam, & negationem formæ: cum enim diversa signa naturæ sint in eodem instanti reali, jam hoc ipso in eodem instanti reali poneretur forma, & negatio formæ. Ergo, &c. Hinc Philosophi ridet illos, qui dicunt in priori signo naturæ materiam habere negationem formæ, & in posteriore habere formam.

Respondebunt 3. & hoc ipso exemplo Physico desumpto ex materia prima, habente prioritatem naturæ respectu formæ, conabuntur evincere suum intentum. Sicut, inquit, non requiritur, ut in priori signo existat negatio formæ, sed satis est, formam in priori signo necdum intelligi esse, ità ad dominium plenum non requiritur negatio Iuris alieni, sed satis est, pro priori naturæ necdum intelligi Ius, & dominium donatarii.

24. Sed contra. Hoc ipso quod in priori signo naturæ necdum intelligitur forma existere, dicunt Philosophi, in illo signo præscindendi ab existentia, & negatione formæ: ergo parè modo ex diversitate signorum naturæ plus non ostendunt adversarii, quàm quòd in instanti reali donationis, pro priori signo naturæ adhuc præscindatur ab existentia, & negatione Iuris, & donatarii alieni: ergo sicut in illo priori signo naturæ non rectè diceretur Materia prima esse, *sua*, seu, *sui Iuris*, sed potius dicendà est præscindere ab hoc quod est: *esse sui juris*, vel *esse subjèctam formæ*: Ità in instanti reali donationis non intelligitur donator pro priori naturæ esse Dominus, sed præscindit ab hoc quod est: *esse*, vel non esse Dominum rei donandæ, & sicut post adventu formæ in posteriori signo naturæ, illa indifferentia præclivsa Materie determinatur ad hoc, ut Materia non sit sui Iuris, sed sub dominio formæ cui subjicitur, & se tradit, ità per donationem in signo posteriori determinatur indifferentia præclivsa donatoris ad hoc, ut non sit absolute Dominus rei donandæ: quæ omnia paulò post magis declarabuntur in responsione ad argumentum adversariorum.

25. Argumentor nunc 2. ex absurdis quæ sequuntur ex sententia adversariorum. Imprimis itaque sequitur ex eorum sententia, Patronum in instanti quo manumittit servum, hoc est quod donat illum liberrare, esse adhuc illius Dominum: consequens est absurdum: ergo &c.

Seque-

Sequelam admittunt adversarii. Absurditas ejus probatur. Si Patronus in instanti manumissionis adhuc esset Dominus Petri manumissi, tunc in eodem instanti Petrus adhuc esset Servus: nam relatio domini non existit sine correlatione, & forma denominante *servum*, sicut Paternitas non existit sine forma denominante filium; atqui Petrus in illo instanti non est servus: ergo nec Patronus est Dominus. Concedunt iterum Sequelam assumptam negant. Assumptum verò probatur. Petrus in illo instanti est liber, quia libertas illi donata est: ergo non est Servus. Repugnat enim in terminis esse simul liberum, & servum, non minus, quam repugnat esse simul ligatum, & solutum.

26. Respondet Card. de Lugo, in illo instanti Petrum esse simul servum, & liberum: negat tamen hinc sequi, esse simul ligatum, seu obligatum, & solutum: quia *esse Servum* formaliter non dicit: *esse ligatum seu obligatum*, sed solum hoc quod est: *esse alterius*. Sicut autem in sententia Eugonis non repugnat equum esse simul meum & tuum, ita non repugnat Petrum esse simul suum & alterius.

27. Sed contra. Ostendendum esset adversario, quid *esse alterius Servum* minus sit quam *esse alteri obligatum*. Cum enim esse alterius Servum sit species obligationis, in omni autem specie generis includatur, consequens est, *esse alterius* includere hoc quod est, *esse obligatum*. Itaque sic argumentor. In instanti, manumissionis habet per adversarios Patronus jus Domini: atqui omne Jus habet correspondentem sibi obligationem in illa persona, adversus quam habet jus, ut in primo tractatu probatum est: ergo si juxta adversarios Petrus respicitur ab illo jure domini, debet in Petro existere obligatio. Invertamus nunc argumentum & dicamus hoc modo. Si in instanti Manumissionis Servus non est ligatus seu obligatus, & in priori instanti reali erat obligatus: ergo in instanti manumissionis deest patrono aliquod jus, quod habebat in priori instanti reali: ergo non est amplius plenus Dominus. Consequentia patet: nam omnis obligatio ex iustitia habet essentialiter correspondens & annexum jus, quod existere non potest non existente obligatione: ergo si Servus ex obligato sit non obligatus, debet ex adverso Patronus ex habente jus heri non habens jus: ergo in instanti manumissionis non habet omne jus quod habebat prius, ergo non est amplius plenus Dominus.

28. Secundum absurdum sit hoc. In adversariorum Sententia, quando quis justo pretio alteri rem vendit & tradit, accepto vicissim pretio (singamus utriusque traditionem terminari eodem instanti) sequitur tam emptorem quam venditorem in instanti venditionis esse factum ditiores: consequens est contra naturam & æquitatem contractus: sequeretur enim quod an-

tebo collectivè plus haberent, quam habuerint prius: & simul etiam sequeretur, quòd non plus haberent, quia nihil est in ipso dominio assignabile, quod non etiam prius habuerint: præterea ambo simul sumpti non essent ditiores quovis scorsum sumpto, quia quivis scorsum sumptus est dominus & mercis & pretii: quæ omnia plane sunt absorta. Prima sequela probatur etiam. Nam ante traditionem neuter erat & mercis & pretii dominus, sed unus mercis, alter pretii; traditione autem, secundum adversarios, singuli sunt utriusque domini: ergo sunt ditiores.

29. Obijciunt adversarii. Dominium plenum & in solidum aliud non est, quam Jus plene disponendi sine injuria alterius, &c. Sed Donator (de quo est tora difficultas an sit dominus) in instanti donationis habet tale jus sicut habet donatarius: ergo dominium in solidum est penes singulos. Minorem quoad primum membrum probant. Quicunque actus disponit de re, utique potest disponere, nam ab actu ad potentiam valet consequentia. atqui qui donat, actu disponit: ergo potest disponere, & habet jus disponendi. Neque refert, quod dum donat, non possit v. g. destruere vel aliter disponere in sensu composito: hoc enim ad domini perfectionem non requiritur, cum talis potestas sit chymærica: sufficit ergo posse sic disponere in sensu diviso, hoc est simulare potentiam, nempe dum donat posset non donare sed alio modo uti.

Priusquam directè respondeam, dico argumentum nimiam probare. Probaret enim, etiam in illo instanti quo dominus rem suam destruit, adhuc verè existere Dominium rei: consequens autem est absurdum: nam sicut homo non existens non est dominus, ita non potest dari dominium rei non existentis, alioquin daretur telæio prædicamentalis sine termino. Sequela probatur: quia etiam qui rem suam destruit, actu de re sua disponit: ergo habet jus disponendi: ergo convenit illi definitio domini.

30. Respondent, tunc quando res à suo domino destruitur, adhuc existere dominium morale, non autem physicum: hoc autem dominium morale volunt in eo consistere, quòd destruens immediatè prius habuerit dominium physicum, & in hoc instanti posset non destruere, sed retinere.

Sed contra. Quaero, an habere dominium morale sit simpliciter habere dominium, sine addito, necne? si non? habemus intentum, & inferimus: ergo qui rem suam destruit, non est in instanti destructionis dominus rei, & tamen disponit de re sine injuria: ergo non est bona consequentia: donans disponit de re sua sine injuria per donationem vi juris immediatè præexistenti: ergo est de presenti simpliciter & absolute dominus. Quod si verò dicant, dominium illud morale adhuc consistue-

stare simpliciter & absolute dominum, ponunt relationem sine termino existente, quod ipsum negari fieri posse. Deinde si sufficeret ad esse nunc dominum, immediate ante fuisse, & posse nunc non destruere, dicam pari jure, me adhuc videre abedinem in instanti quo clausi oculos, quia immediate prius vidi, & nunc possem non claudere oculos.

31. Argumentor nunc 2. Ex responsione adversariorum sequitur, eum qui rem suam vult in hoc instanti habere pro derelicta, adhuc esse physicè plenum dominum rei, quia res adhuc existit, & de re illa disponit abjiciendo illam extra suum patrimonium, non minus quam qui donat: hoc autem videtur absurdum. primum: quia si illa dispositio sit efficax prout reverà est, debet obtinere quod intendit: atqui intendit hoc quod est: non esse dominum rei: dicit enim, *Nolo esse dominus*, ergo non est amplius dominus. Quod si dicas, illam volitionem esse efficacem solum pro sequenti tempore, & hoc solum velle eum, qui vult rem habere pro derelicta, contra est, quod eodem modo dicendum tibi esset, donantem non velle pro hoc instanti donarium esse dominum, sed pro tempore sequenti: nam donans vult eatenus donarium esse dominum, quatenus ipse vult non esse dominus: si ergo solum vult non esse dominus pro tempore sequenti, etiam vult donarium esse dominum pro tempore sequenti, & sic non erunt duo domini in solidum pro instanti donationis, & enervatur est totum argumentum adversariorum. In exemplo. Quando quis donat donatione causa mortis, non transfert dominium irrevocabiliter, nisi pro primo instanti mortis, adeoque pro tunc quando ipse non est amplius dominus.

32. Directè nunc ad argumentum adversariorum respondendo, observandum est, Dominium seu ius proprietatis posse claritatis gratià dividi in dominium quasi radicale, quod etiam vocari posset incompletum, vel proveniens ab extrinseco, ut loquitur Esparsa, & in dominium formale, completum, & proveniens à forma intrinseca. Dominium radicale seu incompletum est solummodo dominium conditionatum, nempe non est aliud quam lex illa suprema Naturæ, seu auctoris naturæ, quæ quantum in se est in certis quibusdam casibus alios gravat in favorem unius, sub hac conditione, si favorem accipiet. v.g. lex naturæ universalis est, ut qui aliquid quod nullius est, invenit, vel capit, si velit, sit dominus rei, hoc est, habeat omnes alios gravatos in favorem sui, ut omnes fatentur. Porro lex illa non vult alios gravare in favorem mei me invito, adeoque solum gravat tamdiu, quamdiu ego volo, seu quamdiu non elicio voluntatem contrariam primæ acceptationi: hac autem elicità jam non vult natura amplius alios in mei favorem gravatos. Ecce! antecederet ad acceptationem, omnes homi-

nes, qui aliquid vel invenire, vel capere, vel efficere possunt, vel quibus aliquid donari, vendi, vel potest, &c. habent hoc dominium radicale & conditionatum, seu incompletum, & ab extrinseco proveniens. Quando verò accedit acceptatio, tunc evadit dominium completum, & absolutum, & ab intrinseco proveniens. Quando denique ponitur actus contrarius acceptationi, ejusque quasi revocatorius, hoc est, nolitio habendi alios gravatos, jam tollitur aliquid constitutum Dominii simpliciter dicti & completi, nempe habitualis perseverantia acceptationis.

33. Hiuc jam inferimus, Dominium completum non existere in ipso instanti donationis penes Donatorem, ponitur enim per donationem conditio, quæ posita lex suprema non amplius illi favet, sed potius illum gravat in favorem illius, quem ipse per donationem designat & qui accipiat. Pro quo

Observamus ulterius, Dominium conditionatum & incompletum non solum esse institutum ad hoc, ut per acceptationem possit transire in absolutum, sed etiam ad hoc, ut postquam v.g. Petrus acceptavit, possit postea, quando libuerit, transferre in alium, designando v.g. Paulum. Unde donatio prout se tenet ex parte donatoris, non est usus domini absoluti, sed conditionati, convenientis donatori per denominationem extrinsecam, provenientem à dominio absoluto instantis immediate præcedentis, & à lege conditionatæ favente pro instanti donationis, quatenus si noller dominium præexistens in alium transferre, permaneret dominus, & retineret alios sibi obligatos.

34. Observamus 3. Donarium per acceptationem esse absolute dominum, dominio intrinseco & completo. Nec refert, quod in eo instanti non possit rem destruere, vel alteri donare, vel habere pro derelicta (quia non potest simul velle & nolle esse dominus) hoc inquam non obstat perfecto dominio: nec enim ad plenum dominium requiritur, ut quis possit omnibus modis pro quocunque casu aut circumstantia, vel in quocunque subiecto possibilibus disponere, alioquin Deus non esset plenus dominus cibi, quia non potest cum manducare. sed satis est habere jus ad omnes illos actus & usus, qui hic & nunc sunt possibiles, & quod nemo alius habeat jus in eadem re.

35. Observamus 4. Donatorem in priori signo naturæ intelligi quidem habere dominium conditionatum, adhuc tamen præcindere an habiturus sit in illo instanti reali conditionatum purum, vel quod transcat in absolutum. Ratio est: quia omnis causa in priori naturæ præcindit ab effectu & negatione effectus: ergo dominium conditionatum, quod est causa donationis, præcindit à donatione & negatione donationis: atqui per donationem fit, ut sit



purè conditionatum, per negationem donationis fieret, ut perveniret dominium absolutum, sicut erat in instanti præcedente: ergo ab utroque præcindit: quemadmodum ipsa donatio præcisè prout se tenet ex parte donatoris, est conditionata, nempe, si alter acceptet. & consequenter præcindit etiam ab hoc, an sit vel non sit evasura absoluta: pender enim hoc ab acceptatione, vel negatione acceptationis. Habet quidem donator in instanti donationis Jus absolutum elicendi volitionem donativam, sed hoc Jus non est Jus absolutum, reale, seu in re quam vult donare: actus illos, quibus vel acquiritur, vel continuatur Jus & dominium absolutum rei.

36. Ex his denique liquet Dominium merè conditionatum non excludi à Dominio absoluto alterius: quia vi domini merè conditionati seu extrinsecè advenientis, nullum acquiritur Jus reale, seu in re, sed solum constituitur potestas proxima acceptandi vel retinendi, hoc est, elicendi actus illos, quibus vel acquiritur, vel continuatur Jus & dominium absolutum rei.

37. His ita constitutis, ad fundamentum adversariorum respondemus, distinguendo majorem propositionem. Dominium est plenum, & absolutum Jus disponendi (dum existit) dispositione destructivà ipsius domini absoluti, negamus: est Jus disponendi dispositione supponente voluntatem acceptantem, & non revocatum concedimus. Et ad minorem propositionem, negamus quòd donator habeat in instanti donationis tale Jus, ut ostensum est. Declaratur. Qui vultuti Jure suo, v. g. in legendo libro suo, habet, vel explicitè vel implicitè talem actum voluntatis: *Quia ego hunc librum emi, & translationem venditoris acceptavi, nec eum ulli alteri vel donavi, vel vendidi, &c. nec pro derelicto habui, ideo volo eo nunc uti, & volo obligatos alios, ne me ab usu impediatur.* Ecce! hic est actus proprius domini præsupponens essentialiter acceptationem & negationem revocationis: ergo cum donatio sit formaliter revocatio, seu nolitio retinendi dominium, evidens est, non esse actum, & usum domini absoluti, sed illud solum præsupponere pro priori instanti reali.

38. Instant adversarii. Si donator in instanti donationis non est absolutus Dominus, falsum erit axioma: *Nemo dat, quod non habet.* 2. Hoc axioma non aliter verum esse, quàm hæc similia. Nemo destruit, quod non habet: nemo spoliatur re, quam non habet, nemo occiditur, qui non vivit, &c. ad quæ verificanda satis est præcessisse immediatè formam, quæ tollitur: satis ergo est præcessisse dominium absolutum, & de præsentì existere adhuc conditionatum, nempe, quòd si vel nollem donare, vel alter nollet acceptare, permaneret absolutus Dominus.

39. Similiter responderetur ad alia Exemplum, v. g. dum inquit: in instanti quo Religiosus se obligat Religioni, est adhuc sui Juris, & tamen etiam tunc est sub obedientia: item quando contrahitur matrimonium, contrahens est in priori signo naturæ sui Juris, & in posteriore obligatus, item in instanti, quo homo peccat, habet Jus utendi gratià, & Deus habet Jus eam auferendi. Ad hæc & similia uno verbo responderetur, negando, quòd in priori signo habeatur Jus absolutum; sed habetur Jus conditionatum, cum præcissione à merè conditionato & absoluto: est enim maritus sui Juris ex suppositione, & conditione: si nullam duxerit: & sic de cæteris.

40. P. VVadingus *disp. 11. de Incarnat. dub. 4.* argumentatur contra nos ex Polygamia, ubi constat utramque uxorem non minus Juris habere in corpus mariti, quàm si una sola esset uxor: ergo Jus in corpus mariti est penes utramque in solidum. 2. Neutram uxorem habere ità plenum & absolutum Jus in corpus mariti, sicut si una sola esset uxor: nam una sola haberet Jus non solum ad exigendum debitum, sed etiam ad negationem copulæ cum quocunque alia: hoc Jus non habent uxores plures ejusdem mariti simul. Deinde ut uxor Anna petendo debitum, obliget maritum, requiritur in super præventio, adeoque negatio petitionis factæ à Catharina, per quam negationem completur proximum Jus ad copulam sibi præ alia præstandam. Quod si fingamus ambas simul petere, tunc neutra determinat præ alia obligabit maritum, sed penes maritum erit electio: qui si eligat Annam, hæc jam habet Jus adversus Catharinam, ne impediat: Catharina verò tale Jus non habet, quia deest electio tanquam ultimum complementum Juris: alioquin si ambe haberent Jus, daretur bellum utrinque justum, ut etiam observavit Arriaga.

41. Obijciunt aliqui denique. Si dux, vel tres Personæ divinæ assumerent diversas naturas, essent singulæ Domine in solidum totius orbis, ut docent Burgenfis, Nicolaus Grandis Ruffensis, Pignius, Almainus & alii apud Molinam *tr. 2. d. 28.* sicut Christus fuit etiam quæ homo Rex temporalis & Dominus orbis, ut docet Navarr. *C. Novit de Iudiciis, Hostiens. C. Quid super his. de voto.* Responderi potest 1. secundum plures apud eundem Molinam, Christum non fuisse Dominum & Regem temporalem, sed Regnum ipsius fuisse solum spirituale. Respondent alii 2. inter illas naturas nullam posse esse repugnantiam voluntatum, propter eandem voluntatem divinam in utraque natura assumptam, cui suam creatam quælibet natura accommodaret. Cæterum quid in hoc puncto dicendum sit, pendet ex ijs, quæ de naturæ assumptione impeccabilitate dicuntur in *tr. de Incarnat. absolute loquendo* illæ naturæ simul sumptæ constituerent unum Domi-

Dominum plenum & absolutum, sicut plura membra unius Universitatis. Sed huic non oportet immorari, cum ipsis adversariis præcipuis solvendum sit, qui & ipsi fatentur, repugnare duos esse Dominos in solidum permanentes, & solum id concedunt in instanti translationis dominii.

### CONTROVERSIA III.

#### De speciali Juris Remedio Dominis concessio: Rei vindicatione.

#### S Y M M A R I U M.

**D**efinitio Rei Vindicationis. 42.  
 Quomodo excludatur Hæreditatis petitio. 44.  
 Vindicatio, & Rei Vindicatio differunt tanquam genus & species. 45.  
 Jure Canonico videtur Rei vindicatio etiam ad res incorporales extendi. eod.  
 Quomodo excludantur actio Commodati, Depositi, Locati. 46.  
 Quibus concedatur Rei vindicatio. 47.  
 An aliquando Dominus volens rem vindicare, possit exceptione repelli. 50.  
 An Rei vindicatio detur solum adversus verum possessorem. 51.  
 Cur non detur contra Sequestrem. 52.  
 An detur contra solum detentorem. 53.  
 An hac actione præter rem ipsam principalem adhuc aliud petatur. 54.  
 An actore non petente possit Iudex de fructibus restituendis pronuntiare. ibid.  
 An condemnatus statim restituere teneatur. 55.  
 Quonam casu Rei vindicatio conveniat possessori. eod.  
 Quomodo possint unæ Rei vindicatione plures res simul peti. eod.  
 Quomodo res vindicanda debeat esse certa, & demonstrabilis. eod.  
 Re post litem contestatam destructâ quando possessor teneatur. eod.

42. **D**efinitur: In Rem actio (hoc est realis) per quam rem unam aliquam corporalem (sed hanc particulam aliqui rejiciunt, & volunt aquæ rem incorporalem vindicari posse) nostram tanquam nostram petimus ab eo qui possidet. Alii sic definiunt. Est actio realis specialis, quâ Dominus agit adversus possessorem rei suæ corporalis, & petit se Dominum declarari, eamque officio Iudicis unâ cum fructibus restitui.

43. Dicitur: Actio in Rem. Non quasi cum rei ipsa lis sit: sed Iuris interpretatione censetur quasi ipsa res, utpote nobis immediatè devincta principaliter conveniri, ipse verò possessor per

consequentiam ratione possessionis: si enim desinat possidere (modò id non faciat malâ fide, & in fraudem Domini) non potest amplius conveniri.

44. Dicitur 2. Rem unam aliquam, ut excludatur actio quæ Hæreditatis petitio dicitur, quâ non rem singularem, sed universitatem bonorum petimus.

45. Dicitur 3. Corporalem, quam particulam levibus sanè argumentis impugnât Hunnius, quòd nempe etiam Incorporalia sint res: & etiam incorporalia possint vindicari. Cæterùm benè notat Schneidewinus, quòd quidem omnes reales actiones dici possint, & soleant Vindicationes §. appellamus 15. l. de act. v. g. Vindicatio servitutis, tot. tit. ff. si servitus vindicetur: Vindicatio pignoris. L. 3. §. est autem. ff. ad exhibendum. L. si fundus. 16. §. in vindicatione. ff. de pignoribus. Aliud tamen est Vindicatio: & aliud Rei Vindicatio, quæ est specialis actio & species vindicationis. Neque refert, quòd etiam Incorporales Res dicantur: hoc enim latè loquendo verum est, stricte verò & more in Iure recepto, solum corpus Res dicitur, præsertim verò in præsentî materia, ut satis clarè dicitur in L. 6. ff. h. t. ibi. Appellatio enim Rei non genus, sed speciem significat. Hinc actio, quâ servitus vindicatur, non dicitur Rei Vindicatio, sed actio Confessoria. Cæterùm Iure Canonico videtur rei vindicatio admitti C. examinata de Iudiciis. ubi videtur supponi, quòd Ius Patronatus possit rei vindicatione peti, si sequestratio non obstatet.

46. Dicitur 4. Tanquam nostram, quibus verbis excluduntur etiam actiones Commodati, Depositi, Locati, quibus non petimus rem, ut nostram, sed ut debitam restitui, si ve sit nostra si ve non: quævis hæ actiones excludantur principaliter illis verbis: in Rem. Cùm sint actiones personales. Excluduntur actiones Prætoriz, quæ in rem quidem sunt, sed de rebus non propriè nostris, sed quasi nostris, aut ad Ius nostrum pertinentibus, ut Publiciana, Serviana, Fideicommissaria, bonorum, vel hæreditatis petitio, &c. de quibus suo loco. Unde consequens est, Rei vindicationem soli Domino per se loquendo, competere: & quemadmodum alius est Dominus directus, alius habens dominium utile, ita Domino directo datur Rei vindicatio directa, habenti dominium utile datur Rei vindicatio utilis, ut sunt, Vassalis, Emphyteuta, Superficiarius. Dixi: per se loquendo. Nam

47. QUÆRITUR 1. An nulli nisi Domino, seu directo, seu utili Rei vindicatio saltem utilis à Iure concedatur. 2. Concedi, & primò quidem illi, cui Dominus proprietatis actionem cedit, vocaturque Cessionarius: hic inquam habet Rei vindicationem tam directam, quàm utilem, sed diverso respectu, directam ex persona, & vice ipsius Cedentis: utilem verò ex propria Cessionarii persona, quæ illi sine domi-

nii translatione conceditur in eum finem, ut si forte non posset vindicare nomine cedentis (quia v. g. defunctus est sine hærede, vel ex alia causa repelli posset) æquitate suadente, contra iuris rigorem haberet utilem rei vindicationem nomine proprio, sicutæ à iure fingitur esse Dominus: *L. 5. § 8. C. de hereditate, vel actione vendita.* ibi. *Quamvis utiles etiam actiones adversus debitores hereditarios emptori tribui placuit.*

28. Secundo, datur utilis rei vindicatio illi, qui alteri aliquid dedit, ut alimenta reddantur, si illa non præstentur: talis, inquam, non solum habet conditionem ob causam datorum (quæ est actio personalis) sed etiam illi conceditur utilis rei vindicatio. *L. 1. C. de donationibus, quæ sub modo.* Sic habet. Si doceas, nepti tuæ ea lege esse donatum à te, ut tertia tibi alimenta præberet: vindicationem etiam in hoc casu utilem, et quod legi illa obtemperare noluerit, impetrare potes, id est, actionem quæ dominium pristinum tibi restituatur. Nam non solum conditio quidem tibi in hoc casu, id est, in personam actio iute procedit, verum etiam vindicationem quoque divi Principes in hoc casu dandam esse sanxerunt.

Tertio, si mi iter datur Sponsio, vel Sponsa, si quid alteri ob nuptias securitas dedit, & per accipientem stetit, quominus nuptiæ sequerentur. *L. cum veteribus 15. C. de donationibus, ante nupt.* in fine: ibi. *Quod si sponsa, vel is in cuius agit potestate, causam non contrahendi matrimonii præbuerit, tunc sponsio ejusque hæredibus sine aliqua diminutione per conditionem, aut per utilem actionem in rem redhibeantur.* Ubi glossa notat, hoc provenire ex tacito pacto, de reddendis hujusmodi donationibus, si matrimonium non sequatur perfectum accipientis.

49. Quarto, datur illi qui à Republica vel Filco ad tempus conductum fundum habet, ita habetur: *L. 1. §. 1. & l. ult. ff. si ager vestigialis, id est, emphiteuticarius petatur.* ibi. *Qui in perpetuum fundum (vestigialem seu emphiteuticarium) fruendum conduxerunt à Municipibus, quamvis non efficiantur domini, tamen placuit competere eis in rem actionem adversus quemvis possessorem, sed & adversus ipsos municipes.* & deinde l. 3. Idem est, & si ad tempus habuerint conductum, nec tempus conductionis finitum sit. ita tamen si vestigal solvant.

50. QUÆRITUR 2. An aliquando verus dominus volens rem suam vindicare, possit exceptione repelli. 2. Affirmativè. Repellitur enim primo exceptione transactionis. 2. Jurisjurandi. 3. Rei judicatæ. 4. Exceptione doli mali, si scilicet, qui vendidit rem non suam, postea ejusdem rei dominus factus vellet ab emptore evincere, cum tamen ipse venditor teneatur de evizione: unde juris regula est: quem de evizione tenet actio, eundem agentem multo magis repellit exceptio. *L. vindicantem ff. de Evictionibus.*

51. QUÆRITUR 3. An rei vindicatio detur solum adversus verum possessorem. 2. Dari contra quemcumque detentorem, qui restituendi habet facultatem. *L. officium 9. ff. h. tit. in fine.* ubi dicit Vlpianus contra Pegalum, etiam à nudis detentoribus vindicari posse. & ex contextu clarum est, mendosa esse exemplaria quædam vulgaria, quæ habent: *Peti non posse.* Confirmaturque clarè ex *L. si veniri. §. in bonis. ff. de privil. credit.* ibi *si nummi essent vindicari eos posse puto à depositariis.* Unde hac actione, etiam qui alieno nomine possident, ut Commodatarius, Depositarius, Conducitor, &c. conveniri possunt, ita tamen ut illis spatium indulgentum sit, intra quod auctori, hoc est, cuius nomine possident, denuntient, litem sibi de proprietate motam esse: qui si ad præfixum diem definiendo causæ non adfuerit, summam difficultus negotio coguntur alieno nomine possidentes rem petitam restituere, & absentes possessionem amittunt, *L. 44. §. 2. ff. de acquirenda poss.* (quidquid contradicant Hænius d. 15. ib. 4. q. 14.) ibi. *eamque amitti nobis quoque ignorantibus.* ac postea venientes habent quidem actionem de proprietate salvam, sed ita ut jam actoris partes sustinere debeant, ut Interpretes colligunt ex l. 1. & 2. C. *Vbi in rem actio.* & hoc solum probant Jura ab Hunnio allata. Lex. 1. sic habet. *In rem actio non contra venditorem, sed contra possidentem competit. Frustra itaque desideras non tecum congregi, sed cum auctore tuo dominum vindicantem, cum te possidere contendas.* Nam si denuntiasti ei, qui tibi vendidit, intelligis, evictionis illi periculum imminere. Quod verò attingit ad secundam legem eod. ad vertendum est, quod expressè loquatur de re immobili. Si quis alterius nomine quolibet modo possidens rem immobilem, litem ab aliquo per in rem actionem sustineat, debet statim in judicio auctorem nominare, ut certo dierum spatio à Judice definiendo, eoque ad notionem ejus perducendo, vel ipse in loca, in quibus prædium situm est, perveniens, vel procuratorem mittens, actoris intentiones excipiat. Unde mihi probabile est contra Bartol: C. Cynum, detentorem rei mobilis non juvari hac constitutione, ut auctore nominato liberetur, quia non est rescripta ad certam facti speciem, sed est generalis, inscripta ad universos provinciales. glossa quidem ait, hodie idem in re mobili obtinere, per audent. quæ in provincia C. ubi de criminib. agi oportet. sed statim iterum quasi seipsum corrigens addit, hanc auth. loqui de alio casu.

52. Dixi sup. qui restituendi habet facultatem. Unde contra sequestrem non datur hac actio, quia restituendi facultatem sine Iudicis jussu non habet. c. examinata. de Judiciis. ubi dicitur aliquis inceptè instituisse rei vindicationem petendo sibi adjudicari Ius patronatus, dum Ecclesia esset sequestrata. legatur glossa.

33. QUÆRITUR 4. An hæc actio detur contra solum verum detentorem. R. Dari etiam contra eum, qui licet revera non detineat, nec possideat ullo modo, juri tamen fitione perinde censetur, ac si possideret. Talis est. 1. qui se liti offert: hic inquam rei vindicatione conveniri potest, si actor ignoraverit, eum non possidere, vel si se offerendo fecit, ne verus possessor conveniretur. l. 25. 26. 27. ff. de rei vindic. Talis item est 2. qui cum possedisset, dolo malo desit possidere: l. 25. ff. de seq. cit. unde actori datur optio, ut convenire possit vel eum qui dolo desit, vel eum qui defacto possidet. Et quidem si post litem contestatam desit possidere, certum est. Sed quid si desit dolo possidere post primam citationem ante litem contestationem? Zasius in §. 1. J. de act. negat fore locum rei vindicationi, sed solum actioni in factum ex tit. de alienat. judicii mut. causa facta. Miror tamen, quod hic auctor non advertit clarum textum in cit. l. 27. §. 3. qui sic habet. Sed & is qui ante litem contestatam dolo desit rem possidere, tenetur in rem actione, idque ex Senatus consulto colligi potest, quo cautum est, ut dolo præteritis in hereditatis petitionem veniat: cum enim in hereditatis petitione, que & ipsa in rem est, dolo præteritis fertur, non est absurdum, per consequens & NB. in speciali in rem actione, dolum præteritum deduci. Illud equidem concedendum est, quod contra hæredes illius qui dolo malo desit possidere, tunc solum detur hæc actio, si post litem contestatam desit, arg. l. 55. ff. h. t. Si possessor fundi ante iudicium acceptum duobus hæredibus relictis decesserit, & ab altero ex his, qui totum fundum possidebat, totus petitus fuerit, quin in solidum condemnari debeat, dubitari non potest. Si vero ante litem contestatam, dabitur contra hæredes actio in factum, si ex dolo locupletiores facti sunt, ut constat ex dictis præced. tract. & tradit Arnold. Rath. th. 33. Scio Hunnium l. c. 9. 17. circa finem etiam tunc admittere rei vindicationem, sed lex 4. ff. de heredit. petit. quam adducit, nihil ad rem facit: nam ita habet. Si hereditatem petam ab eo, qui unam rem possidebat, de qua sola controversia erat, etiam id, quod postea temporis possidere restituit. nihil hic de rei vindicatione contra hæredes illius qui dolo desit possidere.

34. QUÆRITUR 5. An hac actione præter rem ipsam principalem v.g. fundum, adhuc aliquid aliud petatur. R. Peti etiam accessiones, quæ factæ sunt per alluvionem, inædificationem, ususfructum cum proprietate consolidationem, partus, fructus, & denique lucra per causam rei petitis possessori acquisita, v.g. hereditas per servum. l. 20. ff. eod. Præterea restituere debet possessor, & quæ post acceptum iudicium per eum non ex re sua acquisivit: in quo hereditates quoque legatæque: quæ per eum servum obvenierunt, continentur, nec enim sufficit corpus ipsum restitui, sed & opus est, ut causa rei restituatur, id est, ut omne ha-

beat petitor, quod habiturus foret, sive tempore quo iudicium accipiebatur, restitui illi homo jussit.

Sed hic dubium nascitur: si actor prætermisit petere fructus & accessiones, & solummodo petiit rem principalem, an iudex nihilominus de illis pronuntiare debeat. Affirmat cum Bachovio, Harpprecht §. 2. J. de off. Judic. n. 7. arg. l. plures est. 22. & l. restituere. 35. ff. de P. S. l. cum fundus. 31. in pr. ff. de rebus credit. c. conquerente. 7. & c. gravis. 11. de Restit. spol. can. nullus. 3. causa 2. q. 2. Distinguit cum VVelsenbocio Casparus Manzius. §. 1. J. de Act. n. 42. si enim post litem contestatam primum fuerint percepti, ait esse ad iudicandos, secus, non esse ad iudicandos. Ratio habetur in l. adiles 25. §. item 8. in pr. ff. de adilitio Edicto & rehibitoria: ibi. Iudici statim atque iudex factus est (hoc est, statim atque de causa cognoscere incipit) omnium rerum officium incumbit, quæcunque in iudicio versantur: ea vero quæ ante iudicium contingunt, non valde ad eum pertinent, nisi fuerint ei nominatim injuncta.

35. QUÆRITUR 6. An detentor, condemnatus restituere, statim restituere teneatur, vel potius gaudeat induciis quatuor mensium, qui debitoribus condemnatis ad solutionem indulgentur l. 2. & 3. C. de usur. rei judic. l. fin. C. de execut. rei jud. Respondetur, posse cum quidem inducias petere, sine frustratione tamen live calumnia, esseque aliquod tempus indulgendum, ita tamen, ut prius caveat de litis estimatione solvenda, dato fido iussore de restituendo intra tempus indultum §. 2. versu: sed si possessor J. de off. Jud. Sed si possessor neget in presenti se restituere posse, & sine frustratione videbitur tempus restituendi causa petere, indulgendum est ei, ut tamen de litis estimatione caveat cum fideiussore, si intra tempus quod ei datum est, non restituerit. Verum hoc tempus certum non est, sed arbitrio iudicis definiendum relinquitur. arg. l. 1. ff. de Jure delib. §. 1. & 2. Ait Prætor. Si tempus ad deliberandum petes: dabo. Cum dicitur tempus, nec adjicit diem, sine dubio ostendit, esse in jus dicentis potestate, quem diem præstinet.

QUÆRITUR 7. Et curiosè quidem ab Interpretibus, quisnam sit ille casus, cujus meminit Iustinianus Imp. in §. 2. Instit. de actionibus. in fine, dum agens de rei vindicat. dicit, aliquando, & quidem uno casu (quem tamen non assignat) hanc actionem institui ab eo qui possidet, quod ideo paradoxum videri potest, quia vindicatio eò tendit, ut dominus rem suam recipiat a possidente. si ergo jam possidet, ad quid opus vindicatione? verba Iustiniani sunt. Sanè uno casu, qui possidet, nihilominus actoris vices sustinet: sicut in latioribus Digestorum libris opportunius apparebit. Sed hoc videtur idem esse ac mittere ad quærendum raze indolis piculum in vastissimo oceanum. Arnoldus Rath subtiliter advertit, non aliò quàm ad titulum proprium Digestorum, qui est: de Rei Vindicatione: nos à



Iuliano mitti; ubi lege. 9. dominus simul & possessor rem suam vindicat à Depositario, Commodatario, Conductore: nam isti non possident iuridice, sed solum rem derinent (quæ solum possessio affinita dicit) & per illos possidet dominus: quia tamen habent restituendi potestatem, conveniri possunt rei vindicatione.

Dices. Si Imperator de hoc casu loqui voluisset, non debuisset dicere esse unicum casum: sunt enim hac ratione plures, & valde frequentes. Ad hoc responderi posset primò, cum Antonio Fabro, textum esse mendosum, & esse omisssam particulam negativam: *Non*. ut legendum sit: *Sane non uno casu*. Quia tamen non omnibus placet iuris correctio, ideo responderi potest 2. cum citato Iure Consulto Arnolfo Rath, th. 64. quod licet casus ille contineat sub se plures species, scilicet respectu Deponentis, Commodantis, Locatoris, & similitum, omnes tamen istæ reducendæ sint ad unum casum genericum, nempe ut vindicari possit à possessore res sua, quando quis ita possidet, ut tamen ipse Dominus rei non insitit, nec actu apud se detineat, sed ea detineatur ab alio, qui tamen non possidet iuridice. Et licet in loco domicilii contra talem, qui (ut supponitur) faretur se non possidere rem ut suam, detur actio personalis, v. g. ex Deposito, Commodato, Locato, si tamen extra locum contractus & domicilii versetur, opus erit rei vindicatione, si restitueretur, nec fit consuetudo arrestandi, ut idem auctor declarat.

QUÆRITUR 8. An & quomodo unæ rei vindicatione possint res plures simul peti. Ratio dubitandi provenit ex diversitate legum, quarum aliquæ requirunt, ut singulæ res corporales singulatim vindicentur, & singulatim designentur. Sic loquitur lex 6. ff. h. t. *Si in rem aliquis agat, debet designare rem, & utrum totam, an partem, & quotam petat*: appellatio enim *REI* non generis, sed speciem significat. Aliquoties autem jam monui, quod speciem iura vocent id quod Philosophi dicunt individuum. Hinc etiam si plures res possint quandoque uno generali vocabulo, vel plurali, aut colectivo comprehendere, v. g. vocabulo *Armamenta* significantur non solum arma, quæ in navi sunt, sed etiam alia instrumenta, ut remi, vela, antennæ, rudentes, clavus, & alia huiusmodi, non tamen possunt omnia sub hoc generali vocabulo vindicari, ut habetur lege. 3. §. 1. ff. h. t. *Armamenta navis singula erunt vindicanda, Scapha quoque separatim vindicabitur*. Idem de suppellectile dicendum est. Ex alia parte certi iuris est, posse Gregem, Armentum, sub uno vocabulo vindicari, nec esse necesse singula gregis capita enumerare, & designare: adeo quidem, ut gregem pro meo vindicare possim, non solum si singula gregis capita mea fuerint, sed etiam si maiorem in eo numerum habeam, nec omnia pecudum capita mea sint, quia à potiori fit denominatio, & ideo po-

test simpliciter dici grex ad me pertinere. L. 2. ff. h. t. *Sed si par numerus duorum interfuerit, neuter solidum gregem, sed ne partem dimidiam totius ejus vindicabit* (quod intelligendum, si casu fuerit facta commixtio, & ideo grex non est factus communis) *sed si maiorem numerum alter habeat, ut detrahit alieno nihilominus gregem vindicaturus sit, in restitutionem non veniunt aliena capita*.

Restat discrimen assignandum, cur non pariter possint omnia navis instrumenta sub uno vocabulo *Armamentorum* vindicari, sed debeant singula enumerari, & tot esse vindicationes, quot res individua. Augetur difficultas ex eo, quod leges expressè hoc ipsum negent in Peculio, quod v. g. alicui legatum est: negant, inquam, posse sub uno Peculii vocabulo vindicari, sicut Grex: ita habet lex 36. ff. h. t. *Vindicatio non ut Gregis, ita & peculii recepta est: sed res singulas is cui legatum peculium est, petet*. Et quamvis inter Peculium & Gregem possit, & solent à Jureconsultis post glossam specialem discrimen assignari, nempe, quia Peculium non solum res corporales, sed etiam incorporeales potest complecti, quæ tamen non vindicantur, hoc tamen discrimen non tollit difficultatem, quia non procedit in armamentis, & in suppellectile, quæ etiam omnia sunt corporalia, sicut omnia capita Gregis.

Magis ergo universale discrimen videtur esse, quod iura nolint ea vindicari sub generali vocabulo, quæ constant partibus notabiliter disparatis, dissimilibus, ad diversos usus destinatis, adeoque non solum physicè, sed etiam moraliter heterogeneis, & neque à natura, neque ab arte ad unum totum constituendum ordinatis, ut ordinantur partes domus.

QUÆRITUR 9. An tanta debeat esse certitudo & designabilitas rei vindicandæ, ut omnem certitudinem excludat, v. g. an quis possit vindicare partem aliquotam, v. g. dimidiam, tertiam, quartam alicuius fundi sibi cum aliis communis: quo casu illa pars debita non est determinatè designabilis, quia nulla determinatè debetur præ aliis, cum totus fundus indivisibilis sit communis. R. Sufficere illam certitudinem, vi cuius Iudex certò intelligere possit, in quo determinato corpore, & quantum petitori adjudicandum & restituendum sit. Unde iu casu posito est locus Vindicationi partis. Colligitur ex lege 3. jam citatâ. ff. h. t.

QUÆRITUR 10. An, & quatenus possessor teneatur de re post litem contestatam extinctâ, seu destructâ. R. Si perit res culpâ possessoris, & quidem civili, (nec opus est culpâ Theologica, si v. g. putavit esse rem suam, sed negligenter custodivit, cum ex tacita conventionem post litem contestatam teneatur diligentius custodire) teneatur culpâ nomine, & ad litis æstimationem condemnabitur. Lege. 39. §. 1. ff. h. t. *Qui in rem convenitur, etiam culpâ nomine condemnatur*.

*demnatur.* Si verò casu fortuito perit, distinguendum est inter malæ & bonæ fidei possessorem: prior enim adhuc tenebitur perinde ac si res exstaret, non item posterior. Ratio differentia est, quia prior in re restituenda culpabilem moram facit, non item posterior. Ceterum

hoc quod dictum est de malæ fidei possessore, intelligendum est secundum ea, quæ præcedente tractatu n. 396. dicta sunt, nempe, si res non fuisset eodem modo apud Dominum peritura. videantur ibi dicta.



## C A P V T II.

### DE JURE SERVITVTVM TAM PERSONALIVM, QVAM REALIVM.

#### CONTROVER SIA I.

##### *Circa Servitutes in genere.*

##### S Y M M A R I V M.

**S**ervitutis in genere definitio. 56.  
*Cur Ius exigendi redditus ex fundo alterius non sit Servitus.* 57.

*An Servitus possit constitui secus à omni utilitate.*

*Conciliantur leges.* 58.

*Cur Fendum, Emphyteusis, Superficies non sint servitutes.* 59.

*Dominus pleno Iure potest servitutem Rei sue imponere.* 60.

*Si plures sunt Domini, quomodo possint Servitutem constituere.* 61.

*An Proprietarius possit imponere Servitutem fundo, in quo alius usufructum habet.* 62.

*Utrum Vassallus, Emphyteuta, Superficiarius possint imponere Servitutem.* 64.

*An Maritus possit rei dotalis imponere Servitutem.* 65.

*An solà legis aut Iudicis autoritate possit in alterius fundo Servitus constitui.* 66.

*An Servitutes constitui possint cum adiectione temporis, vel conditionis.* 67.

*An possit adici certus modus utendi.* 68.

*Ratione Servitutum convenit actio Confessoria, cui opponitur Negatoria.* 69.

*Definitio Confessoria.* 70.

*Cuiam competat hæc actio.* 71.

*Contra quem hæc actio detur.* 72.

*Quomodo actio Negatoria, dicatur Actio in Rem.* 74.

*Cum Negatoria concurrunt in factum actio cautio de damno infecto. eod.*

*An habenti Servitutem competat Novi operis nuntiatio.* 75.

**D**iximus præter Dominium dari, & alia Iura in Re: inter quæ primo loco referri solent servitutes. Non loquimur autem hic de servitute Mancipiorum, sed de servitute quæ aliæ res aliis servire dicuntur, & sunt vel Personales, vel Reales.

#### §. I.

##### *Quomodo servitus in genere definiatur.*

56. **V**arias definitiones afferunt Iuris Interpretes, ex quibus mihi præ aliis placet definitio Hieronymi Treutleri, vol. 1. d. 17. th. 1. lit. A. Servitus in genere, prout præcinit à Personali, & Reali, est Ius in re alteri (hoc est Rei, vel Personæ) constitutum, Ius Domini minuens alterius augendi causâ, ut cogatur Dominus, aut quid non facere in suo, aut alterum facientem pati, quatenus commoda utentis requirunt. Ex qua definitione imprimis confirmatur id, quod supra contra Recentiorum diximus, omnem servitutem minueræ aliquo modo plenissimum Ius Domini proprietatis: quia verò multæ servitutes non minuunt notabiliter, ideo (cùm à potiori fiat denominatio) sæpè dicitur proprietarius esse plenus Dominus, quia parùm pro nihilo reputatur, ut sup. ex Molina notavimus. Contra definitionem

57. Obijcies 1. Ex ea sequi videtur, quoddam quæ Ius habeat exigendi redditus certos ex tuo fundo, sit constituta servitus in tuo fundo, quia cogeris pati, ut inde redditus accipiam. consequens autem est contra legem ult. §. ult. ff. de contrahenda empt. ubi expresse dicitur, quod tali fundo vendito emptor non teneatur ad solven-



vendos illos redditus: teneretur autem, si haberet servitutem. *¶* 2. Negando Sequelam, quia Ius exigendi redditus ex certo fundo, est tantum Ius personale, neque liceret te invito fructus ex fundo accipere, sicut liceret, si servitus constituta esset. Hinc recte dicunt Iuristæ: quoties redditus fructusve annui ex certo fundo verbis precariis, & ad hæredem relatis ita legantur, ut Legatarius à manu hæredis accipiat, ut hæres præset, det, &c. Non censetur usufructus relictus, sed annum legatum. Contra verò si verba dirigantur ad legatarium hoc modo: *volò, ut Titius ex fundo Tusculano percipiat redditus, vel fructus annuos, ita ut eos ipse capiat.* Servitus legata censetur, & ad quemcumque dominium fundi pervenerit, servitute affectum manebit, nisi cum proprietate consolidetur. Imò non est opus, additum esse: *ut eos ipse capiat*, quia subintelligitur ex mente testatoris *L. si quis ita 20. ff. de Usufr.*

58. Obijcies 2. Potest alicui servitus constitui absque ullo commodo, aut utilitate illius: ergo supervacaneæ sunt ultimæ definitionis particulæ. Ant. probatur ex *L. 19. ff. h. t. ubi sic ait Labeo. Et fundo, quem quis emit, servitutem imponi, etsi utilis non sit, existimo: velut, si aquam alicui ducere non expediret, nihilominus constitui ea servitus possit: quædam enim habere possumus, quamvis ea utilia nobis non sint.* Mirè dissentiant Interpretes in conciliando hoc textum cum aliis clarissimis, quibus utilitas servitutis requiritur. Talis est imprimis *lex 15. ff. de servit. Quoties nec hominum, nec prædiorum servitutes sunt, quia nihil vicinorum interest, non valet, velutine per fundum tuum eas, aut ibi constitas, & ideo si mihi concedas jus tibi non esse fundo tuo uti frui, nihil agitur, item lex ergo §. 1. in fine de servit. rust. præd. l. veluti 6. eod.* Omittis minùs probabilibus interpretationibus, communior est expeditissima, quæ distinguit inter utilitatem in actu primo proximo, seu quasi in actu secundo, ut Philosophi loquuntur, & utilitatem remotam seu radicalem, seu aptitudinalem. de priori loquitur *lex & fundo, non de posteriore.* Nam et si de præfenti non sit commodum aquam ducere, eò quòd prædium tuum non eget nuncquàm, quis neget tamen, posse in aliquo eventu futuro contingere ut utilis sit aqua ductus? Hanc interpretationem videtur reipsa approbare Hunnius, Var. resol. de servitut. q. 11. in resp. ad 3.

Obijc. 3. Si cui constituitur Ius spaciandi per alterius prædium, in eoque cærandi præcisè voluptatis gratià, tali Iuti convenit tota definitio, & tamen non est servitus, ut habetur *L. 8. ff. h. t.* 2. Negando antecedens: non enim est Ius in re, sed personale, ut habet communis post Accut. contradicente licet Zasio, cum pluribus.

59. Obijc. 4. Tota definitio convenit Emphiteusi, Feudo, superficie, non minùs,

quàm usufructui, & tamen non sunt servitutes. *¶* cum Hotomanno, Joan. Dicastillo Justitæ, & VVaizenegger, negando antecedens: nam illi utuntur re alienà non ut alienà, sed ut propria, & civiliter habentur pro Dominis, eò quòd illis à Iure detur utilis rei vindictio, quæ non datur Usufructuario. Et ideo Usufructuarius non dicitur simpliciter Dominus, sed quasi, & secundum quid. Hinc etiam Usufructuarius servitutem imponere fundo non potest, imò nec acquirere, cum tamen illi priores utrumque possint, ut dicitur.

## §. II.

*A quibus, & quibus Conditionibus servitus constitui possit.*

60. **R**egula generalis est, omnem eum qui pleno Iure Dominus est, posse servitutem rei suæ imponere, sive inter vivos, sive per ultimam voluntatem. Imò in instanti translationis domini, quia licet tunc non sit Dominus absolutus, sufficit immediatè antè fuisse, & nolle transferre dominium plenum, & ita acceptari ab altero, qui proinde acceptando censetur suo prædio servitutem imponere, ut notat Duarenus in *L. 6. ff. de servit. vrb.* & constat ex dictis cap. præced. Contr. 2.

61. **Q**UÆRITUR nunc 1. Si Dominium fundi sit commune duobus, vel pluribus, quomodo servitutem constituere in fundo suo possint. *¶* 1. unus solus sine consensu aliorum constituere non potest. *L. 2. ff. de servit. Puns ex Dominis communium adium servitutem imponere non potest.* 2. Si dominium sit commune pluribus non ut singulis sed ut universis, hoc est, constituentibus unam communitatem seu universalitatem, tunc sufficit, & requiritur, ut saltem major pars consentiat. *L. quod maior ff. ad municipalem. L. aliud. 160. §. referat ff. de R. J. Refertur ad universos, quod publicè fit per majorem partem.* 3. Si verò est commune pluribus ut singulis, tunc omnium consensus, dum in vivis sunt, requiritur, & novissimè de iure cessione reliquæ omnes confirmabuntur inquit C. Celsus in *L. per fundum. 11. ff. de servit. rust. præd. idem habetur. L. ult. ff. communia prædiorum.* & hic habet locum Regula Iuris can. in 6. *Quod omnes tangit, ab omnibus debet approbari.* Additur quidem in lege per fundum. 11. cit. *Benignius tamen dicitur, & antequam novissimus cesserit, eos qui antea cesserunt, vetare uti cesso jure non posse.* Sed hoc non aliter verum est, quàm si cedendo voluerunt se absolute obligare, secus si solum sub conditione cecissent, si ultimus etiam consenserit. *¶* 4. Si qui prior cessit, defunctus sit, vel aliter focus eius desit, antequam secundus cedat, tunc etiam si secundus postmodum cedat, non est constituta servitus, nec

nec cessio defuncti confirmatur, sed opus est ut hæres illius (si etiam fiat socius) consentiat. *L. fin. ff. communia præd. ibi. igitur rursus hic actus pendebit, donec novus socius cedat.* *§. 5.* Ad alium casum ex eadem lege. *Ex diverso, si ei qui non cessit aliquod tale (puta mors, alienatio) contigerit, ex integro omnes cedere debebunt, tantum enim tempus eis remissum est quo dare facere possunt, vel diversis temporibus possint, & ideo non potest uni, vel unus cedere.* Sensus est: Socii ejusdem prædii hoc solum indultum est, ut non teneantur simul cedere, sed possint successivè, sed non nisi tamdiu quamdiu simul cedere possent si vellent. Atqui hæres defuncti eo tempore quo alter cessit cedere non potuisset, quia necdum fuit socius: ergo, & ille qui prior cessit, de novo cedere debet. Ità interpretatur Jacobus Cujacius ad dictam legem ultimam. *§. 5.* Si duo Domini diversis testamentis eandem servitutem legârunt, tunc ut servitus constituatur, necesse est, ut hæreditas amborum simul adeatur; si enim adeatur diversis temporibus, non constituitur: quia inutiliter dies legati cedit, nec enim sicut viventium, ita defunctorum actus suspendi receptum est. inquit Ictus. & hujus ratio subtilis plane est, quia viventes possunt suam voluntatem revocare, quamdiu ergo non revocant, censentur in ea permanere etiam dum ultimus censent: ergo moraliter censentur simul consentire. at verò defunctus revocare non potest. Hinc sequitur, quod si unus inter vivos, & quidem prior cessisset, alter servitutem legâisset, illius cessio confirmaretur additione hæreditatis, quia illa maneret in suspensio. Secus vero, si vivens cederet post aditam hæreditatem, quia testatoris voluntas non manet in suspensio. *§. 6.* Ususfructus non quidem plenus, sed pro parte potest ab uno Domino solo, sine alterius consensu constitui. *L. 5. ff. de Usufructu. ibi. Ususfructus & ab initio pro parte indivisa, vel divisa constitui, & legitimo tempore similiter amitti potest.* Ratio est clara, quia perceptio fructuum potest sine incommodo alterius in parte fieri à fructuario, sicut facta esset ab eo qui servitutem constituit. secus est in servitutibus prædialibus. *§. 7.* In talibus positus, quibus cessio testamentaria confirmari non potest cessionibus posterioribus, datur adversus hæredem actio personalis ex testamento, ut ipse reliquorum cessionem confirmet.

62. QUÆRITUR 2. An Proprietarius possit imponere servitutem fundo suo, in quo jam alius ususfructum constitutum habet? & quidem posse imponere servitutem nihil penitus præjudicantem Usufructuario, certi Iuris est ex *L. 16. ff. de Usufr.* ubi exemplum affertur. *veluti si talem servitutem vicino concesseris, jussibi non esse alius tollere.* Ratio ulterior est: quia Usufructuarius jam accedenter prohibetur alius tollere invito proprietario: ergo nihil præjudi-

cii subit, si Dominus fundi hanc servitutem in favorem alterius fundi imponit. Sed difficilis questio est, an servitutem æcum præjudicio Usufructuarii imponere possit consentiente Usufructuario? Et li rationem consulamus, indubitanter affirmandum videbitur. Si enim Usufructuarius potest totum ususfructum Domino proprietatis cedere, si antecederet ad constitutionem ususfructus poterat alia servitus imponi, & cum ususfructu durare, si cessio unus Domini potest confirmare cessionem prius ab altero factam, cur non possit Usufructuarius consentire in servitutem novam, quamvis ipse solus nullam constituere possit, cum non sit Dominus? an non quis luri suo renunciare potest.

63. Propter has rationes Franciscus Connanus, & Pinellus affirmant fieri posse. Sed his refragatur textus apertus in *L. 15. ff. de usufructu: §. ultimo in fine his formalibus: Proprietatis Dominus ne quidem consentiente fructuario servitutem imponere possit.* Respondent citati AA. textum esse corruptum, & esse legendum: *Non consentiente fructuario.* Verum, præterquam quod exemplaria diversissima, quæ inspexi, omnia legant textum ut retuli, resistit lex 17. quæ sic habet. *Locum autem religiosum facere potest consentiente fructuario, & hoc verum est N.B. favore Religionis.* ecce! si favor Religionis non esset, ne quidem consentiente Usufructuario posset.

Diversas interpretationes, aut potius rationes invenio: quænam vera sit, non facile dixerim, certum est, singulas posse non leviter impugnari. Aliqui dicunt, hoc ideo fieri non posse, quia Usufructuarius non potest alienare: atqui constitutio servitutis est quædam alienatio: *L. fin. C. de rebus alienand. vel non.* Ità Donellus cum Vasq. Sed contra est: ergo nec posset suo consensu facere locum religiosum. Eodem modo impugnatur ratio Fulgosi, & aliorum dicentium ideo id fieri non posse, quia neuter illorum est perfectus Dominus. Sed contra est, quia satis est quod simul constituent perfectum Dominum: alioquin nec plures socii simul posset imponere servitutem. Alii ut Harpprecht nimis violenter interpretantur, quod lex loquatur de consensu quodam generali, non verò de speciali, sic enim potius deberet dicere lex, quod posset imponere consentiente Usufructuario: intelligeretur enim de consensu speciali: de generali enim ex alio capite non posset intelligi per reg: quod sub generali cessione non veniunt, quæ quis in specie non fuisset concessurus. Alii cum glos: Acurs. respondent legem intelligendam esse, non posse constitui servitutem manente Usufructu: bene tamen eo pereunte per consolidationem. discrimen est, quia in priore casu non maneret salva substantia, quod tamen est de natura ususfructus. Sed non apparet, quare



non maneat salva substantia in tantum, in quantum Proprietarius vult manere, & semper urget instantia, quod possint simul facere locum Religiosum. Denique minus probabilis est interpretatio, ideo nihil posse consensum fructuarii, quia in tali casu ipse esset principalis constitutus servituti in suum præjudicium; cum enim præjudicium Proprietario non fiat, nisi exiguum si comparatur cum præjudicio fructuarii, censeretur servitus principaliter constituta à fructuario: hoc autem fieri non potest, quia usufructuarius non est Dominus: ergo nullam servitutem cedere potest. Quod si tibi hæc non sufficiant, dicas legem illam esse unam ex iis de quibus loquitur lex: *non omnium. ff. de Legib. Non omnium, quæ à maioribus constituta sunt, ratio reddi potest. & in hoc quiescit Hunnius.*

64. QUÆRITUR 3. Verum Vasallus, Emphyteuta, Superficiary possint imponere servitutem, etiam non requisito consensu Domini directi. *æ. Affirmativè de omnibus rebus. Ratio generalis est, quia illis conceditur rei vindictio, & sic loco Dominorum jure nostro habentur, ut patet ex legib. suprà de rei vin. citatis. De Vasallo specialiter habetur lib. 2. feud. tit. 8. §. 1. [Quid ergo si (Vasallus) pretio vel dolo vel injuriâ servitutem rei beneficiariæ imponi patiatur, & ad Dominum ex qualibet causa beneficium postea revertatur, an ex eo præjudicium Domino creetur quæsitum fuit, & responsum est, ut Vasallo quidem, donec feudum tenet, possit obesse, Domino autem etsi per longa tempora perleverat servitus, minime noceat.] De Emphyteuta constat ex l. 1. ff. quibus mod. usufr. amitt. Proinde traditus quoque usufructus, item in fundo relictus (i. e. Emphyteuticario) vel superficiei non iure (sed tuitione prætoris) constitutus capitis diminutione amittitur. De Superficiary habetur l. 1. §. ult. ff. de superficibus. Servitutes quoque Prætorio iure constituentur, & ipse ad exemplum earum quæ ipso iure constitutæ sunt, utilibus actionibus petuntur. Ex quibus textibus constat, resoluti causâ resolvi hujusmodi servitutem, id est, quamdiu tenet Feudum, &c. Tamdiu competere servitutem.*

65. QUÆRITUR 4. An Maritus possit rei dotali imponere servitutem, cum passim dotis Dominus habeatur, ut suo loco dicemus, & ideo ei rei vindictio directæ competat. *L. dote Ancillam. C. de Rei Vindic. æ. Tamen negativè. L. Julianus. §. ff. de fundo dotali. ibi. Julianus scripsit, neque servitutes fundo debitas posse Maritum amittere, neque eas alias imponere. Neque mirum esse debet, hoc specialiter in favorem dotis inter sexcenta alia constitutum esse. Idem negatur Tutori, & Curatori. L. 3. §. pen. ff. de reb. eorum qui subint.*

66. QUÆRITUR 5. An aliquando sola Iudicis aut legis auctoritate possit in al-

terius fundo servitus constitui. *æ. Affirmativè. v. g. quando Iudex in Iudicio familiæ eriscundæ, aut communi dividundo unum prædium uni, alterum alteri adjudicat, tunc postulante sic prædiorum naturâ, constituere judicialiter potest ut unum alteri serviat, v. g. ut per alterum ire, agere, tignum aut temonem immittere liceat, ut luminibus unius officere non liceat. Ita habetur in lege. 22. §. Sed etiam ff. fam. erisc. ibi. [Sed etiam cum adjudicat, poterit imponere aliquam servitutem, ut alium alii servum faciat ex iis quos adjudicat.] Idem habetur *L. communi. 7. §. 1. ff. communi divid.* [Nerarius scribit, arbitrum, si regionibus fundum non vectigalem divisum duobus adjudicaverit, posse quasi in duobus fundis servitutem imponere.] Item *L. usufructus pluribus. 6. §. 1. ff. de usufructu* Potest in Iudicio fam. erisc. unum adjudicare proprietatem, alteri usufructum.*

67. Denique auctoritate legis constitui- tur usufructus patri in bonis adventitiis filii fam. matri ad secundas nuptias transeunti in certis bonis à primo marito acquisitis, vel ex successione unius filii prioris matrimonii. Jura alibi dabimus.

QUÆRITUR nunc 6. An Servitutes constitui possint cum adjectione temporis, vel conditionis. De hoc existat lex 10. ff. de servitut. Quæ sic habet. [Servitutes ipso quidem iure neque ex tempore, neque ad tempus, neque sub conditione, neque ad certam conditionem, (v. g. quamdiu volam) constitui possunt: sed tamen si hæc adiciantur, pacti vel per doli exceptionem occurrunt, &c.] Quæ lex imprimis, etsi loquatur universaliter, de solis tamen servitutibus prædiorum est intelligenda: nam de usufructu aliud constitutum est in lege *Usufructus 4. ff. de usufructu. ibi. & extat, quod vel præsens vel ex die dari potest. item L. un. §. 3. ff. quando dies usufruct. & l. 16. ff. fam. erisc.* Discrimen dant Interpretes, quod servitutes prædiorum sint iura prædiorum, usufructus verò lus sit personæ, constat autem homini posse iura dari ex tempore & ad tempus. Posset hoc discrimen pluribus oppugnari, sed non est operæ pretium.

Ut autem lex *Servitutes*: intelligatur, observandum est discrimen illorum modorum constituendi servitutem. Ex die constitui dicitur dicendo: *Cedo iter ex Calend. Junii.* sensus est. Servitus quidem jam est tuo prædio acquisita (alioquin esset tantum promissio non constitutio) sed nolo te posse eam exercere, aut vindicare ante Calend. Jun. Ad diem constituetur hoc modo. [Post Calendas non sit tibi amplius Ius eundi.] Sub conditione hoc modo. [Cedo tibi iter per fundum, & volo nunc illud tibi acquiriti, sub hac tamen conditione, ut tunc primum liceat eâ uti, cum & si navis ex India venerit.] Ad conditionem constituitur hoc modo. *Cedo*

*iter,*

*her, quamdiu voluero, seu: donec noluero. His observatis*

Lex *Servitutis* dicit, de Iure civili has adjectiones haberi pro non adjectis, adeoque etiam ante Calend. Iun. liceret de Iure civili servitutem exercere, eamque vindicare: sed tamen tuitione & Iure Prætoris eatenus vim habent, ut, si tu velles Servitutem ante Calend. seu contra pacta enumerata & adjecta exercere, aut vindicare, repelli posses exceptione pacti, & etiam exceptione doli: nam hæc exceptio semper locum habet, quoties aliquid petitur, quod exceptione elidi potest. Utilitas autem præcipua huius subtilitatis est, quod si hæc exceptiones initio litis non opponantur, vindicatio vires suas habeat.

68. QUÆRITUR<sup>7</sup>. An adjecti possint in constitutione Servitutis modus certus utendi. De hoc eadem lex sic habet §. 1. *Modum adjecti Servitutibus posse constare, veluti quo genere vehiculi agatur, vel non agatur: veluti ut equo duntaxat: vel ut certum pondus vehatur, vel grex ille transducatur, ut carbo portetur. Intervalla dierum & horarum non ad temporis causam, sed ad modum pertinent Iure constitutæ Servitutis. Quorum verborum ultimorum sensus est, quod divisio temporis non dividat Servitutem quasi unam faciat ex die, aliam in diem, sed sit una eademque Servitus, cuius usus ex conventionem certo aliquo tempore intermittitur. Aliiter se res habet in usufructu, nam divisio temporis dividit usufructum, ac plures usufructus facit, & prædium eo tempore, quo non licet uti frui, liberum est. L. 2. in pr. ff. Quibus modis usufr. amitt.*

### §. III.

#### *De Iuris Remediis, quæ ratione Servitutis competunt.*

Non erit sermo de actionibus personalibus, quibus Servitutem promissam, sed necdum constitutam constitui petimus, illæ enim generales etiam ad alias obligationes sunt, sed de illis, quæ supponunt servitutes constitutas, vel libertatem.

69. Præcipua autem est actio *Confessoria*, quæ Servitutem impositam persequimur: huic opponitur *Negatoria*, quæ libertatis vindicandæ causâ datur adversus eum, qui servitutem præterdit. L. 2. ff. Si Servitus vindicet. ibi. *De Servitutibus actiones competunt tam Confessoria, quam Negatoria: Confessoria ei qui Servitutes sibi competere contendit, Negatoria Domino, qui negat.* Vnde patet, etiam Confessoriam actionem posse negativis verbis concipi: v. g. si dicas, vicinum habere servitutem altius non tollendi, luminibus non officiendi.

70. Definitur *Confessoria actio*, quod sit *Vindicatio Servitutis* (addunt aliqui, *alteriusve*

*Iuris*, v. g. *Iuris decimandi in alieno agro. ita Jo. Faber, Jason, Mynsin. Harpprecht, Manzjus, contra Corasium, sed illa prævaluit à Re alterius nobis vel prædio nostro debita, competens adversus impediendum, ad declarationem Iuris nostri, utque esset impedimentum facere, & eo nomine caveat. Ex qua constat, eam competere tam pro personalibus, quam pro realibus servitutibus. Quod reus conventus cavere debeat, habetur in l. 7. ff. si servit. vin. ibi. *Cautio hæc est, ut eum jubeat de reficiendo pariete cavere, neque se, neque successores suos prohibuit alius tollere, sublatumque habere, & si caverit, absolvetur: Si vero neque rem præstat, neque cautionem, tanti contemnet, quanti actor in litem juraverit.* Ideo autem cautio requiritur, quia sine hac non satis consultum esset actori, si reus nunc quidem ab impediendo desisteret, paulo post autem iterum repeteret molestationem, & ad denuo agendum necessitaret. Quod si per impediendum damnum aliquod passus est actor, petit insuper eadem actione, ut damnum, seu interesse præstet, hoc est, quantum interest actoris, servitutis usum non fuisse impeditum.*

71. QUÆRITUR 1. Cui nam hæc actio competat. 2. Directam quidem dari soli Domino directo prædii, aut cui servitus constituta est: utilem verò etiam illis, qui habent dominium utile prædii, ut Vasallo, Emphyteutæ Superficiario. imò etiam Vusufructuario eam competere vult Harpprecht. Oldendorpius verò & Schneidewein, nec non Zafius & Donellus, quos laudat V Vaizenegger, subtilius dicunt, Vusufructuariam hac actione petere principaliter Ius utendi, fruendi, & hoc ipso in consequentiam venire servitutem rei fructuarie debitam, utpote sine qua non potest plenè uti & frui: & habetur apertè l. 1. pr. si usufr. per. ubi dicitur, servitutem eum vindicare non posse, verum usufructum vindicaturum, ac per hoc vicinum, si non patiat eum ire, agere, teneri ei, quasi non patiat eum frui: & hoc per regulam generalem. uno concessio omne illud concessum intelligitur, quod sine illo expediri non potest. L. 2. ff. de Iurisd. I. Insuper datur utilis actio Creditori, cui prædium hypothecatum est. L. 16. ff. de servit. ibi. *Ei qui pignori fundum accepit, non est iniquum utilem petitionem servitutis dari, sicut ipsius fundi utilis petitio dabitur.* Ex quibus ultimis verbis visum est aliquibus, utilem rei vindicationem etiam Creditori ratione pignoris convenire: sed hoc est contra communem. Quapropter hæc verba glossa intelligit de actione hypothecaria, atque dici utilem, non quasi non conveniat directa, sed ut idem sit, ac efficax. est eequidem violenta interpretatio, & arguit Julianum turpis æquivocationis in eodem contextu: sed melior non occurrat. Vtrum Confessoria utilis datur quasi Domino, hoc est, illi qui possidet bonâ fide, sed necdum præscripsit, nec potest probare dominium,

minium, aut quasi dominium, constabit ex dicendis de actione *Publiciana*.

72. QUÆRITUR 2. Contra quem hæc actio detur. 2. Conformiter ad dicta de rei vindicatione, dari contra quemvis injustè impediens ab usu servitutis, sive sit Dominus prædii sive non. *L. si quis diuturno. §. 1. L. uti frui. §. utrum. ff. si serv. vindic. & etiam contra eum, qui dolo desit possidere prædium serviens, vel se liti obtulit, ad eum modum, quo diximus de Rei vindicatione. L. fin. ff. si ususfructus pet. & glos. in v. alius. vers. item sicut ratione pos.*

73. Ex dictis facillè intelligitur, quæ natura sit actionis Negatorix, dicitur enim esse actio in rem qua negamus rem nostram adversario, vel fundo ipsius servitutem debere, eamque quoad adversarium liberam declarari petimus, atque etiam satisfieri si per attentatam servitutem damnum aliquod passi sumus. *L. 2. in pr. l. 4. §. Competit. ff. si servit. vin.*

74. Est tamen declarandum, quomodo possit dici actio in Rem. Quandoquidem solam negationem servitutis, seu negationem iuris alieni in re nostra vindicemus. Ad hoc respondetur, quòd non solam negationem quomodocunque vindicemus, sed libertatem rei nostræ, v.g. quòd habeam ius altius tollendi. ità habetur l. 4. cit. ibi. *Competit autem de servitute actio Domino adificiæ neganti servitutem se vicino debere. & paulò infra: hoc igitur intendo, habere me ius altius tollendi invito eo cum quo ago, quantum enim ad eum pertinet, liberas ades habeo.*


Advertit hîc Ferd. VVaizenegget, post Oledendorpium, cum Negatoria actione concurrere & alia Iuris Remedia, velut in factum actio, si damnum jam datum sit; item cautio de damno in-festo, antequam damnum detur. *L. si fistula. 18. ff. de servit. urb. prædior.* Quamvis expediat Negatoriâ potiùs expectari in exemplo. si sterquilium juxta patietem meum feceris, ex quo paties meus madercat, possum mihi consulere stipulatione damni infecti, ut ejus damni quod eveniturum est, æstimationem solvas: aut actione negatoriâ: sed hoc posterius utilius est, quia damna ejusmodi insensibiliter evenire solent, & male debemus inundationem averti, quàm postea de damni æstimatione litigare. *L. si quando. 17. ff. si servit. vindicetur.*

75. QUÆRITUR 4. An habenti sibi constitutam servitutem competat ius, quod dicitur: *Novi operis nuntiatio*. Adversus eum qui in fundo serviente cum præjudicio servitutis ædificat. 2. 1. Vfusfructuarius suo nomine non posse novum opus nuntiare, sed nomine procuratorio, quatenus illi commissa est rei servientis cura & custodia, & hoc ipso operis novi nuntiationis mandatum tacitè datū intelligitur.

*L. 1 §. item Jul. ff. de remissionib.* unde patet, quòd adversus ipsum Dominum prædii non competat, sed benè vindicatio ususfructus, seu Confessoria. Ità habetur *L. c. Item Juliano placuit Fru-ctuario vindicandarum servitutum Jus esse, secundum quod opus novum nuntiare poterit vicino, & remissio utilis erit: ipsi autem Domino prædii si nuntiaverit, remissio inutilis erit; neque sicut adversus vicinum, ità adversus Dominum agere potest, Ius ei non esse invito se altius ædificare, sed si hoc facto ususfructus deterior fiat, petere usumfructum debeat. Idem Julianus dicit de cæteris quibus aliqua servitùs à vicino debeatur. 2. Habenti servitutem realem suo prædio debitam, potest opus novum nuntiare etiam Domino prædii servientis. Ità habetur *L. c. §. 3. Jus habet opus novum nuntiandi, qui aut dominum aut servitutem habet. Clariùs habetur in l. 5. §. 9. ff. de operis novi nunt.* ubi sextus Pedius laudatus ab Ulpiano dicit, concedi novi operis nuntiationem adversus eum, qui posteaquam Jus suum diminuit, alterius auxilii, hoc est, posteaquam servitutem adibus suis imposuit, contra servitutem fecit.*

76. Verùm his obstat videtur alius textus in *L. qui viam. 14. ff. de novi operis nunt.* ubi Julianus ait. *Qui viam habet, si opus novum nuntiaverit adversus eum qui in via ædificat, nihil agit, sed Servitutem vindicare non prohibetur.* Interpretes plura tentarunt ad hos textus conciliandos, sed admodum divinatoriè, ut legenti patet. Ego mallem dicere, Julianum fuisse reverà contrarium Ulpiano, ut satis constar ex ultimis verbis. §. paulò antè citati: *item Juliano.* ubi expresse videtur dicere, quòd habenti quamcunque servitutem, solùm competat actio Confessoria, non autem novi operis nuntiatio, proprio nomine, sed tantùm nomine procuratorio.

De Remediis Possessorii dicitur in cap. de Iure Possessionis. De modis acquirendi, & amittendi dicitur etiam in propriis locis, præsertim de Præscriptione. Nam hæc omnia sunt generalia, & aliis Iuribus communia.



CONTROVERSIA II.

Circa Servitutes Personales in specie.

SUMMARIUM.

**D**efinitio *Usufructus*. 78.  
 Quomodo differat ab aliis *Iuribus*. 80.  
 Clericus habens *Ius colligendi fructus* ex pradio beneficii, est Dominus pradii. 83.  
 Heres *Fiduciarius* est verè Dominus rei fideicommissi subiectæ. 84.  
*Usufructus* alius legalis alius conventionalis. 85.  
 An *usufructus* deficiens in uno ex duobus legatariis, accrescat reliquis. eod.  
*Vtrum* univèrsim, quibus conjunctim *Usufructus* legatus est, locum habeat *Ius accrescendi*. 86.  
 Explicatur lex penultima ff. de usufr. accresc. 87.  
 An concurrant Legatarii, si uni est legatus *Usufructus* omnium bonorum, alteri *Usufructus* certi fundi. 89.  
 Si quis heres ex æsse scribatur, & alteri legetur *Usufructus* omnium bonorum, an prior in *Usufructu* concurret. eod.  
 Si fundus duobus conjunctim legatus sit, tertio *Usufructus* ejusdem fundi, vel e contra, quanta portio singulis cedat. 90.  
 Commoda & emolumenta *Usufructus* ad 4. genera reducuntur. 91.  
 Admniculorum nomine quid veniat. 92.  
 An inter fructus veniat *Insula* juxta fundum nata, vel an saltem in illa habeat fructum. 93.  
*Vtrum* *Laudemium* solvendum ratione *Emphyteusis*, pertineat ad *Usufructuarius*. 94.  
 Qui sint fructus *Sylvæ caduæ*. 95.  
 Ex *Sylvâ* non *caduâ* quid possit cedere *Usufructuarius*. 96.  
 An *Fructuarius* teneatur fructus præ aliis vendere Domino. 97.  
 Quale factum requiratur, ut *Usufructuarius* fiat Dominus fructuum. 98.  
 Si *Fructuarius* fructibus jam perceptis debeat ante lapsum totius anni, an fructus in totum ad heredes *Fructuarii* pertineant, vel pro rata temporis cum proprietario sint dividendi. 99.  
 Onera *fructuarii* ad 4. genera revocantur. 102.  
 Ad quam diligentiam teneatur. 103.  
 Ad quam custodiam teneatur. 104.  
 An impensas magnas, sed necessarias aut utiles possit repetere. 105.  
*Vtrum* teneatur *Fructuarius* æs alienum à Testatore contractum exsolvere. 107.  
 Quomodo procedendum heredi in deducendis debitis ex bonis defuncti. 108.  
 Quomodo procedendum in legato *usufructu* omnium bonorum cum onere solvendi annua debita. eod.  
 Quinam excipiantur ab obligatione præstandi cautionem, quod velis uti arbitrio boni viri. 109.

An cautio & inventarii confectio remitti possint. 110.  
 An *Fructuarius* fructus faciat suos, quos percipit ante præstitam cautionem post interpellationem factam. 112.  
 Qualis requiratur & sufficiat cautio. 113.  
 Quidsi *Fructuario* nec fidejussoria, nec pignoratitia cautio possibilis est. 114.  
 Quem effectum habeant clausule *Cautionis*. 116.  
*Usufructus* finitur lapsu temporis si in diem constitutus est. 117.  
*Usufructus* finitur morte naturali *Fructuarii*. 118.  
 Quidsi *Usufructus* constituitur persone fidei. 119.  
 Finitur etiam per mediam & maximam capitis diminutionem. eod.  
 Item per Professionem in Religione incapaci stabilitum bonorum. 120.  
 Aliud est in aliis Religionibus. 121.  
 Si pater Religionem proficatur, an *Usufructus* consolidatur cum proprietate, an acquiratur Monasterio. 122.  
 Finitur etiam omnimodâ destructione. 126.  
 Item si res fructuaria culpâ fructuarii deterior reddita est. 127.  
 Denique per Confusionem finitur. eod.  
 An vestium possit esse *Usufructus* propriè dictus. 129.  
 An quasi *Usufructus* solum constitui possit in ultimis voluntariis. 130.  
*Vtrum* cautio sit de substantia *Usufructus*. 132. & seqq.  
 Ad quid tendat satisfactio. 134.  
 Definitio *Usus*. 135.  
 An possit esse *Usufructus* sine *Usu*. 136.  
 Ad quam se extendat *Usus*. 138.  
*Ius* utendi potest convenire irrevocabiliter & revocabiliter. 140.  
*Ius* irrevocabile non potest separari à Dominio. 141.  
*Ius* revocabile potest à Dominio separari. 142.  
 Definitio *Habitationis*. 147.  
 An differat à prioribus servitutibus, & in quibus 148.

77. **S**ervitutum duo sunt genera, aliæ enim sunt & dicuntur Personales, aliæ Reales. Personales sunt, quæ à re aliena debentur immediatè Personæ, à qua, & in cujus utilitatem Dominus illius rei aliquid pati in suo cogitur, & hinc dicuntur Personales, quia Personæ debentur. Sunt autem tres species. *Usufructus*, *Usus*, *Habitationis*. Reales servitutes sunt, quæ immediatè à prædio alieno debentur prædio nostro. De prioribus in hac Controv.

§. I.

Quid sit *Usufructus*.

78. **V**sumfructum definit Paulus Jctus in l. 1. ff. de usufr. & Iustin. l. eod. t. *Ius alienis* rebus utendi fruendi salva rerum substantiâ. Amplectantur eam Theologi æquè, ac Iuristæ, excepto Vultio, qui ait, se à Logicis doctum esse, Ff 3 affume-



assumere propinquius genus, quale non est Ius: cum multa Iura dentur, quæ non sint servitutes, sed *servitus* est proximum genus. Grandis subtilitas, quæ si in Iuristarum definitionibus curanda esset, quàm pauca tandem subsisterent? Accedit, quòd sufficienter Ius restringatur ad *servitutem* per illas particulas: *rebus alienis*: quæ si propriè accipiantur, solis servitutibus conveniunt: ut sup. explicatum est, & postea dicitur. Deinde terminus *servitus* est æquivocus, & aliquando accipitur pro Iure (quod claritatis gratià vocarent Theologi *servitutem activam*) aliquando pro onere, seu obligatione, seu (ut Iuristæ vocant) pro qualitate quadam morali moraliter inhereente rebus servientibus, & vocari posset *servitus passiva*, ad eum modum quo in priore tractatu Ius distinximus in Activum, & Passivum. Postquam ergo intelligimus, usumfructum esse Ius activum, & servitutem activam, de reliquis videamus.

79. Dicitur: *Ius utendi fruendi*: per quas particulas indicatur differentia illius à servitute *usus*, nempe, Usufructuario non solum Ius est usurpandi fructus in ea quantitate, quæ ipsi sufficientiant pro tota familia, sed insuper capiendi omnes omnino fructus etiam ad emolumentum.

Dicitur deinde. *Rebus alienis*. Quia res sua nemini servit. *L. in re ff. de servit. præd. urb.*

Dicitur denique: *Salvâ rerum substantiâ*. Vnde Usufructuario cautio Vsufructuaria præstanda est, utendi, fruendique boni viri arbitratu, & finito usufructu rem eandem restituendi, de qua cautione existat titulus ff. *Vsufructuarius quemadmodum caveat*, & dicitur infra. Vnde iterum inferitur, non posse usumfructum propriè dictum constitui in rebus quæ ipso usu coluntur, ut sunt vinum, oleum, pecunia numerata, &c. sed de his iterum infra.

Vt autem bonitas definitionis ejusque cum definito convertibilitas constet, dicendum est, per quid usumfructus differat à Iure Emphyteutico, Feudali, superficiario, à Iure quod Maritus habet in rebus dotalibus, quod conductor in re conductâ, Clericus in Beneficio Ecclesiastico, Fiduciarius in fideicommissio.

80. De prioribus tribus ratio discriminis jam superius reddita est: quia isti civiliter ut Domini habentur, dum illis proprio nomine rei vindicatio conceditur, & quia servitutes constituere possunt: Fructuario autem neutrum conceditur, & præterea si aliquando utitur Iure Domini, ut cum agitur de damno infecto, de aqua pluvia arcenda, id non proprio sed procuratorio nomine facit. Quodsi in Iure quandoque etiam Feudum usumfructus vocatur, id de usufructu mixto intelligendum, qui non est servitus, sed mixtus, hoc est dominio, vel directo, vel utili conjunctus.

81. De Mariti dominio in re dotali disputabimus acturi de Iure dotium. nunc suppono diversas esse sententias, an sit tantum civiliter, vel etiam naturaliter Dominus: certum tamen est, esse saltè civiliter, hoc est Iuris subtilitate, Dominum, dum licet illi soli dotem vindicare: & in Iure notatur tanquam exceptio à communi regula, Maritum non posse dotem alienare, cum tamen Dominus sit. *J. Quibus alienare licet in pr. Accidit aliquando, ut qui Dominus sit, alienare non possit: & contra, qui Dominus non sit, alienande rei potestatem habebat. Nam dotalè prædium Maritus invitâ Muliere per legem Juliam prohibetur alienare, quamvis ipsius sit, dotis causâ ei datum.*

82. Quoad Colonum dicendum est, eum uti frui re conductâ non suo sed locatoris nomine quem habet sibi personaliter obligatum, sed non habet Ius in corpore: *Obligationum enim substantia non in eo consistit, ut aliquod corpus nostrum, aut servitutem nostram faciat, vel faciendum, vel præstandum inquit Ictus. L. 3. ff. de O. & A. constabunt hæc ex tr. de Contractibus in specie.*

83. Quoad Clericum potest solum moveri quæstio, si aliquod prædium spectet ad ejus beneficium, ex quo fructus colligendi jus habet: & dicendum est, quòd sit dominus talis prædii, illudque vindicare possit: quodsi ab aliquo injustè impediatur à perceptione fructuum, non ageret Confessoria, sed actione injuriarum *arg. legis 25. ibi. ceterum si post traditionem (pretii pro vindemia emptâ) sive lætam uram calcare, sive mustum evehere prohibeatur, ad exhibendum, (quæ est actio præparatoria ad rei vindicationem) vel injuriarum agere poterit: quemadmodum si aliam quamlibet rem suam tollere prohibeatur.*

84. Denique Hæres Fiduciarius est verè dominus rei fideicommissio obnoxia: neque refert quòd habeat obligationem restituendi hæredi fideicommissario seu indirectè substituto: non ideo enim minus rectè quid nostrum esse vindicabimus, quod abire à nobis dominium speratur, si conditio legati vel libertati constituitur: inquit Ictus in l. 66. ff. de Rei vindic. Neque obstat quòd in l. 3. c. communia de leg. 5. sed quia: dicantur fideicommissa esse aliena: nam ex contextu patet, hoc dici respectu futuræ alienationis ex obligatione faciendæ, statimque additur, ideo ea non posse oppignorari, aut prius alienari, quia Fiduciarius ea non purè in suis bonis possidet, hoc est pleno jure.



§. II.

*De jure accrescendi conjunctis in usufructu.*

85. **S**UPRÀ diximus, Servitutem aliam esse legalem, aliam conventionalem, quæ divisio in Usufructu maximè procedit. Et de priori particulatim suis dicendi locus erit infra de Patria potestate & secundis nuptiis: nunc de illo qui jure accrescendi acquiritur, aliquid dicendum, quia nullibi erit commodior locus. Itaque

**Q**UÆRITUR 1. An Usufructus deficiens in uno ex duobus legatariis, accrescat alteri in tribus sequentibus casibus 1. Cum Usufructus legatur duobus alternis annis. 2. Si in eodem testamento uni sub conditione legatur, & pendente conditione ab hærede legatur alteri: deinde existente conditione prior usufructum consequitur, & deinde iterum amittit. 3. Si Usufructus uno eodémque testamento diversis, sed à diversis hæredibus legatur. 30. In nullo ex his casibus dari jus accrescendi. Non in primo. l. 2. ff. *Quib. mod. usuf. amitt.* [ Si duobus separatim, alternis annis, usufructus relinquatur, continuis annis proprietas nuda est: cum, si legatarium unum substituas, cui alternis annis legatus sit usufructus, plena sit apud hæredem proprietas eo tempore, quo jus fruendi legatario non est. Quodsi ex duobus illis alter decedat: per vices temporum plena proprietas erit: neque enim accrescere alteri quidquam potest: quoniam propria quisque tempora, non concurrente altero, fructus integri habuit. ] Non etiam in secundo. l. 16. eod. [ Si sub conditione mihi legatus sit usufructus, mediòque tempore sit penes hæredem, potest hæres usufructum alii legare, quæ res facit, ut si conditio exstiterit mei legati, usufructus ab hærede relictus finiatur: quodsi ego usufructum amiserò, non revertetur ad legatarium, cui ab hærede purè legatus fuerat: quia NB. Ex diversis testamentis lus non contingit. ] Non denique in tertio. tunc enim perinde est, ac si duorum testamentis legaretur. l. pen. de *Usufr. accrescendo*. [ Cum singulis ab hæredibus singulis ejusdem rei fructus legatur, fructuarii separati videntur, non minùs quàm si æquis portionibus duobus ejusdem rei fructus legatus fuisset: unde fit ut inter eos jus accrescendi non sit. ]

86. **Q**UÆRITUR 2. Utrum universi, quibus conjunctim Vusufructus legatus est, locum habeat Jus accrescendi. Sciendum est, posse legatarios triplici diverso modo conjunctos esse, vel re tantùm, vel re & verbis, vel verbis tantùm. Si re tantùm, vel etiam mixtim, h. e. re & verbis conjuncti sint, convenit inrer DD. jus accrescendi locum habere. Difficultas & dissensio magna est, an habeat locum, quando verbis tantùm conjuncti sunt, non item

re, eò quòd singulis expressè partes assignentur. v. g. *Titio & Seio fundi Tusculani Vusufructum ex æquis portionibus lego.* quo casu multi volunt, quòd deficiente Titio illius portio non accrescat Seio, sed consolidetur cum proprietate. Rationem dant, quia Testatoris hæc mens fuisset videretur, & celestiter causà videretur verbis conjunctis. Contraria tamen opinio propugnatur à multis, maximè ex eo fundamento, quòd ICtus in l. 1. §. idem, C. *interdum ff. de Vusufr. acer.* simpliciter dicat, luri accrescendi locum esse, si conjunctim legatus sit Vusufructus. atqui verbis tantùm conjuncti appellatione conjunctorum non minùs veniunt, quàm qui re aut mixtim conjuncti sunt, ut habetur valde clarè l. 142. ff. de *V. S.* & adhuc clariùs in l. 89. ibi. [ Re conjuncti videntur, non etiam verbis, cum duobus separatim eadem res legatur: item verbis non etiam re. Titio & Seio fundum æquis partibus do lego. quoniam semper partes habent legatarii: præfertur igitur omnimodò cæteris, qui & re & verbis conjunctus est: quòd si tantùm conjunctus sit, constat non esse potiorè: si verò. NB. verbis quidem conjunctus sit, re autem non: quæstionis est, an conjunctus potior sit, & magis est, ut & ipse præferatur. ] Sensum hujus legis exponit Vivianus hoc exemplo. *Lego Titio & Seio fundum Tusculanum.* Hi sunt conjuncti re & verbis. deinde dico in eod. testamento. *Lego fundum Tusculanum Gaio.* Gaius est prioribus conjunctus re, non verbis. iterum dixi: *Titio prædicto & Sempronio lego pro partibus æquis fundum Tusculanum:* hi sunt conjuncti verbis & non re: mortuo me testatore decessit Titius antequam haberet suam partem dicti fundi, id est, quartam, vel alio modo non est consecutus: ipsius pars accrescet Seio, utpote re & verbis conjuncto. Ponamus jam casum aliter, quòd Titius non habebat conjunctum re & verbis, sed unum conjunctum re tantùm, & alium conjunctum verbis tantùm, tunc uterque eorum habebit jure accrescendi partem Titii, & neuter erit altero potior. Ponamus iterum, quòd Titius habuerit tantùm Collegatarium unum conjunctum verbis tantùm: certè ille solus habebit partem Titii, & potior erit omnibus aliis hominibus. Ex hoc exemplo videtur per doctrinæ consequentiàm planè idem dicendum in Vusufructu pro æquis partibus legato duobus, verbis conjunctis.

87. Obstat tamen videretur lex penult. citata ff. de *Usufruct. acres:* ubi dicitur quòd jus accrescendi non sit inter illos, quibus ejusdem rei fructus æquis portionibus legatus est. Relictis aliorum interpretationibus, mihi vera videtur quam dat Bacchovius, secutus Ioannem antiquum glossatorem in dictam legem, quòd in illis verbis: *non minùs quàm si æquis portionibus,* &c. loquatur de duobus qui nec re nec verbis conjuncti sunt, sed iis dimidiat partes ejusdem rei diver-

diversis orationibus relicta, ita ut mens testatoris facile colligi possit, non velle esse re conjunctos; nisi enim de hac mente constet, potius cogitandum est, quod testator solum ideo partes nominaverit, ut declararet, velle se legatariis æqualiter benefacere, sicut si duos heredes in partibus æqualibus institueret. vnde Duarenus acutè dixit, interre tantum & verbis tantum conjunctos hoc interesse, quod re conjuncti ex verbis testatoris habent solidum, sed partes ex interpretatione voluntatis: e contra verbis conjuncti ex verbis habent partes, ex voluntate verò solidum, adeoque jus accrescendi.

88. Ratio universalis est, quia nisi aperte de contrario constet, semper verba testatoris præsumuntur esse prolata in sensu legitimo seu legitimo: atqui conjunctio verbis tantum facta legitime significat mentem & intentionem conjungendi etiam re, ut ostendimus: ergo, &c. Major declaratur in casu qui habetur *L. si alii 19. ff. de iust. per legatum dat.* ubi dicitur, quod si testator uni leget fundum, & alteri ejusdem fundi usufructum, non censetur voluisse usufructum adæquate separare à proprietate (si enim hoc voluisset, debuisset dicere: *Titio fundum detracto usufructu lego.* vel: *Heredes ejusdem fundi usufructum Seio dabo.* sed præsumitur voluisse priorem legatarium consequi proprietatem cum dimidia parte usufructus, ut habet communis Sent. Iuristarum, quidquid contradicere P. Castro-Palao hic §. 1. n. §. malè citans P. Molinam qui non loquitur de hoc casu, sed de casu quo proprietates & usufructus expresse separantur. Ratio præsumptionis est, quia secundum usum legum vox *Fundus* non significat nudam proprietatem, sed totum quoddam integrale ex proprietate & usufructu causali (& moderni vocant usufructum conjunctum cum proprietate) ut habetur *l. 58. ff. de V. O.* *Qui usufructum fundi stipulatur, deinde fundum, similis est ei qui partem fundi stipulatur, deinde totum: quia fundus dari non intelligitur, si usufructus detrahatur.*

89. QUÆRITUR 3. An concurrant legatarii, si uni est legatus usufructus omnium bonorum, deinde alteri usufructus fundi Cornelianiani. Responderetur cum Bartolo in *L. quæritur §. fin. n. 15. ff. de fundo instructo.* negativè. Ratio redditur ex regula generali, quod Generi per speciem derogatur, quando cadunt super eodem jure. *L. in toto. ff. de R. J.* atqui legatum primum est generale & posterius speciale: ergo illi derogatur, & usufructus fundi Cornelianiani pertinet totus ad posteriorem. Aliud esset si priori usufructum omnium bonorum, & posteriori fundum Cornelianum legasset, tunc enim prior cum posteriore concurreret, quia jura non sunt eadem, ita ut unum sit adæquate contentum in altero, & tunc regula non habet locum, ut ibid. notat Bart. & post eum Menochius *l. 4. præsumpt.*

104. n. 34. & seq. Qui tamen in eo mihi non probatur, quod velit etiam in priore casu dari jus accrescendi: quia non sunt conjuncti in usufructu fundi Cornelianiani. Nec ejus ratio convincit. Verum est quod species contineatur sub genere, si species non excipitur, nec deroget generi, non item si deroget, atqui in casu posito derogare ipse Menoch. tradit, alioquin concurrerent: ergo ibi non datur Ius accrescendi.

QUÆRITUR 4. Si quis Hæres ex asse scribatur, & alteri legetur usufructus omnium bonorum, an prior in usufructu concurret? Negativè per *l. 37. ff. de usu & usufruct. leg.* [Vxor meæ usufructum lego omnium bonorum usquedum filia mea (quæ est hæres) impleat annos octodecim? quæritur est an pradiorum tam rusticorum quam urbanorum, & mancipiorum, & supellectilis, itemque Calendarii usufructus ad uxorem pertineat: respondit (Scævola) secundum ea quæ proponerentur, omnium pertinere.] Ratio est, quia Hæreditas potest juridicè intelligi sine ullo corpore sine ulla perceptione fructuum. *L. hæreditas 50. ff. de petit. heredit.* Hæreditas etiam sine ullo corpore Juris intellectu habet.

90. QUÆRITUR 5. Si fundus duobus conjunctim legatus sit, tertio usufructus ejusdem fundi, vel e contra, quanta portio singulis cedat, & quomodo procedat Ius accrescendi. Conjunctos reputari unam personam, & semillem consequi. *L. Sempronius. 26. ff. de iust. leg. & l. 34. ff. de legatis. 1. L. un. §. 10. C. de caducis tollend.* defuncto deinde uno ex conjunctis portio illius accrescet soli conjuncto, quia re & verbis conjunctus est: utroque tamen defuncto accrescet, re tantum conjuncto, vel si superstes sit legatarius, consolidabitur cum proprietate: quæ omnia deducuntur ex dictis.

### §. III.

#### De Commodis & emolumentis Usufructus.

91. AD quatuor genera reducuntur: quæ sunt: *1. Possessio: 2. Adminicula: 3. Fructuum perceptio: 4. remedia seu actiones pro usufructu introductæ.* De Possessione rei fructuarie an Usufructuarius suo vel potius Proprietarii nomine possideat, est lis inter Iuristas, & dicitur in seq. capite. & ex dicendis etiam breviter resolvi potest. cum enim Fructuarius non sit simpliciter dominus, ut dictum est, non potest rem velle possidere ut suam bonæ fide: ergo nec proprio nomine, saltem in ordine ad effectus possessionis: possidet ergo nomine Proprietarii.

92. Adminiculorum nomine veniunt omnia illa, sine quibus rectè uti frui non potest. Hinc primò, si cum usufructu ædium legatus est, debet hæres præstare vel servitutem itineris, vel

vel etiam viz prout necessitas postulaverit. *L. 1. §. utrum autem. ff. si usufructus petatur. 2.* Lumen quantum habitantibus necessarium est præstare debet. *§. ver. ibid. & l. 30. ff. de usufructu.* [Si si qui binas ades habebat, aliarum usufructum legaverit: posse heredem, Marcellus scribit, alteras altiùs tollendo obscurare luminibus, quoniam habitari potest etiam obscuratis ædibus, quod usque adeo temperandum est, ut non in totum ades obscurentur, sed modicum lumen, quod habitantibus sufficit, habeant.]

Fructuum percipiendorum nomine non solum illa veniunt, quæ propriè fructus sunt, ut partus pecorum, frumentum, vinum, oleum, poma & similia, sed etiam quæ aliam obventionis utilitatem habent. Vnde ædium fructu legato ad Fructuarium pertinent omnes redditus, omnes obventiones ex ædificio, atq; &c. *L. 7. §. 1. ff. h. t. v. g. si vicini ædes ruinosa sint, Usufructuarius potest exigere cautionem de damno infecto, adeo, ut si nolit hæres cavere, mittatur Fructuarius in possessionem: & si accedat contumacia, jubeatur tandem iure domini possidere, ita ut ipsi maneant, etiam finito usufructu: quæ omnia habentur iisdem serè verbis cit. leg. 7.*

93. **QUÆRITUR 1.** An inter fructus veniat Insula juxta fundum fructuarium nata: vel an saltem in illa habeat usufructum. Neque esse fructum, ita ut Fructuarius dominium illius acquirat, neque in ea habiturum esse usufructum. *L. 9. §. huic vicinus. ff. eod. ibi.* [Placuit alluvionis quoque usufructum ad fructuarium pertinere. Sed si Insula juxta fundum in flumine nata sit, ejus usufructum ad Fructuarium non pertinere Pegasus scribit, licet proprietati accedat: esse enim veluti proprium fundum, cujus usufructus ad te non pertineat, & sententia non est sine ratione. Nam ubi latitat incrementum, & usufructus augetur: ubi autem apparet separatum, Fructuario non accedit.]

94. **QUÆRITUR 2.** Utrum Laudemium solvendum ratione Emphyteusis à novo Emphyteuta, pertineat ad Vusufructuarium, vel ad Dominum illius castri, vel roparchiæ, in qua alius habet usufructum, & (sub qua existit Emphyteusis). Pertinere ad Vusufructuarium, ut tradit Julius Clarus *§. Emphyteusis q. 23. num. 5.* Ratio est, quia Laudemium est fructus propter rem proveniens, & regula generalis est, proprietarium vivente Vusufructuario nihil utilitatis ex re fructuaria percipere.

95. **QUÆRITUR 3.** Qui sint fructus sylvæ caduz. Usufructuarium posse cadere, & ligna cæsa etiam ad libitum distrahere: modo non excedat arbitrium boni viri in cadendo, sed eo modo cadat, quo vel ipse Paterfamilias cadere priùs solitus erat, vel per accidens factum sit, quod parciùs caderet. *L. 9. §. fin. h. t. & quia*

quandoque expedit sylvam immaturè cædi, poterit id facere fructuarius *l. 49. §. 1. eod.* Neque obstant illa verba *§. fin. cit. hæcenus uti posse ne ex eo vendat.* Nam exsequentibus constat loqui de casu, quo fundus solus principaliter in usufructum concessus est, sylva autem solum accedit, tunc enim sylvæ solum uti, non autem frui licet.

96. Ex sylva non cadua Fructuarius non nisi pedamenta & ramos ad vineæ usum cadere potest. *l. 10. eod. & l. 18. dicitur,* in locum demortuarum arborum alias substituenda esse, & priores ad Fructuarium pertinere: Ulteriùs: arboribus evulsis vel vi ventorum dejectis, usque ad usum suum, vel villæ posse Vusufructuarium ferre: nec materià eum pro ligno usurum, si habeat vnde utatur ligno: materià tamen succidere, quantum ad villæ refectionem posse. *L. arboribus 12. Non tenetur tamen alias substituere. L. 59. Ratio discriminis inter emortuas & evulsas datur, quia contingere posset, & solet, ut vi ventorum ingens strages edatur, & tunc iniquum esset, Proprietarium amittere dominium quod priùs habebat.*

97. **QUÆRITUR 4.** An Vusufructuario liberum sit perceptionem fructuum cuiuscunque voluerit, vendere, vel potiùs Domino proprietatis volenti emere præ aliis vendere tenetur, sicut Emphyteuta ex natura contractus Domino directo præ aliis vendit. *L. fin. C. de Iure Emphyteut. 2.* De iure communi esse illi liberum vendere cui voluerit. Jure tamen Bavarico *L. R. tit. 21. a. 8.* exemplo rei Emphyteuticæ sine consensu Domini non rectè alienatur commoditas usufructus, & Dominus petere potest, ut sibi potiùs vendatur, quam alteri, iusto tamen pretio quo etiam extraneo vendi posset. Quin eo pretio, quo ipse Fructuarius emit, vendere tenetur non tantum Domino, sed cuivis extraneo, nisi Dominus in majus pretium consentiat. Quod si nil certi de pretio soluto constat, poterit Dominus, adhibitis peritis, & spectatà reddituum ac utilitatis ratione usufructum rei vendendæ æstimare, & pretium moderari.

98. **QUÆRITUR 5.** An & quale factum Fructuarii requiratur, ut fructuum Dominus fiat? Est distinguendum inter fructus, aliqui enim ex sua natura tales sunt, ut non facto hominis, sed à natura separantur, tales sunt partes animalium, & de his non est dubium, editos (excepto partu ancillæ, qui non venit fructuum nomine, ut noti Iuris est) statim fieri Fructuarii. *L. 28. ff. de usur. & fruct. in pecudum fructu. ibi. & factus est sicut lac, pilus, & lana: itaque Agni, & hedi, & viruli statim pleno iure sunt bona fidei possessoris & fructuarii.* Alii fructus sunt, qui per se loquendo solent facto manûe hominis separari excutiendo, secando, metendo, &c. quamvis per accidens etiam quandoque sine facto hominis separantur, ut si sponte decidunt poma, vel vento excutiantur. Hoc posito. Fructus isti,

Gg

ut



ut statim per separationem fiant fructuarii, debent vel ab ipsomet, vel ab alio ejus nomine separari, & quando maturi sunt, habet Ius separandi non obstante, quod dum sunt pendentes, aut solo conjuncti, adhuc sint Domini: & factâ separatione statim fiunt fructuarii, etiam antequam in horrea reconditi sunt. *L. 13. ff. Quibus modis ususfructus, vel usus amittitur.* ibi. [Si Fructuarius messem fecit, & decessit: stipulam quæ in messe jacet, hæredis ejus esse Labeo ait: spicam quæ terrâ teneatur, Domini fundi esse: fructuumque percipi spicâ, aut sæno cæso, aut uvâ ademptâ, aut excusâ oleâ: quamvis nondum tritum fumentum, aut oleum factum, vel vindemia coacta sit. Sed ut verum est, quod de olea excussa scripsit, ita aliter observandum de ea olea, quæ per l. deciderit. Julianus ait, fructuarii fructus tunc fieri, cum eos perceperit: bonæ fidei autem possessoris mox quàm à solo separati sint.] Ex quibus ultimis verbis malè intellectis glossa inculit, requiri ut Fructuarius (secus possessor) in horrea fructus condiderit. Sed est alius sensus; nempe, hoc esse discrimen inter Fructuarium & Possessorem, quod fructus fiant possessoris, à quocunque fuerint separati, adeoque etiam à naturâ, vel vento, imò & à fure. Secus Fructuarii. Nam fructus hoc modo separati non fiunt hoc ipso fructuarii, sed Domini; quamvis fructuario liceat fructus qui deciderunt colligere, & sic suos facere. Quoad furem quamdiu apud furem fructus sunt, dominium eorum est proprietarii, neque fructuario competit conditio furtiva, sed bene actio furti, quia ipsius interest fructus furtivè decerptos, vel defectos non fuisse. *L. 12. §. Si fur. 5. ff. h. t.* Quod si fructuarius fructus furto ablatis nactus fuerit, ipsius fiunt. Si verò Dominus ejusmodi fructus separatos collegerit, suos quidem colligit, sed fructuario vel ad eorumdem restitutionem, vel ad æstimationem tenetur, ut tradit Sotomayor. in d. l. & sanè satis indicatur in d. §. seqq. verbis. *Vi interim fierent Proprietarii, mox apprehensi Fructuarii efficierent.*

99. QUÆRITUR 6. Si Fructuarius fructibus jam perceptis decedat ante lapsum totius anni, an fructus percepti in totum ad hæredes fructuarii pertineant, vel pro rata temporis cum Proprietario sint dividendi, v.g. ususfructus est constitutus Titio primo Octobr. & cum jam fructus collegisset, defunctus est Mense Decemb. an pro rata reliqui temporis, hoc est, octo mensium fructus sunt restituendi Domino, vel ex integro pertinent ad hæredes? In hoc puncto Cuiacius l. 4. feud. tit. 30. sententiam tradit prorsus singularem. [Igitur, inquit, sive tempore finiti ususfructus pendeat fructus, sive à solo separati sint, & ij sive exsint, sive consumpti sint, sive ab ipso fructuario, sive alio modo à solo separati sint: ita ineunda est ratio inter Dominum & fructuarium, ut pro rata præteriti temporis, quo eo

anno constitit ususfructus, portio fructuario, vel hæredi ejus præstetur, quod superest Domino.] Quæ doctrina adeo pugnat cum Iuribus tum relativum referendis, ut hic Iuris Consultus videri posset novum Ius condere voluisse, & merito dixerit VVaizenegger, eum graviter hallucinarum esse.

100. Respondendum est, pertinere ex integro ad hæredes. Casus habetur in *L. 58. ff. de Usufructu.* [Defunctâ fructuariâ mense Decembri, jam omnibus fructibus, qui in his agris nascuntur, mense Octobri per colonos (quibus ususfructus locatus erat) sublatis, quantum est, utrum pensio (à colonis) hæredi fructuariæ solvi deberet: quamvis fructuaria ante Calendas Martias, quibus pensiones inferri debeant, decesserit an dividi debeat inter hæredem fructuariæ, & Rempubicam, cui proprietas legata est. Respondi (Scævola) Rempubicam quidem cum colono nullam actionem habere: fructuariæ verò hæredem suâ die, secundum ea quæ proponerentur, integram pensionem percepturum.]

101. Verùm Cuiacius pro se argumentatur ex variis legibus. imprimis ex *L. 33. ff. de Usufr.* ubi statuitur, quod merces operarum locatarum dividenda sit inter hæredem fructuarii, & proprietarium. Idem habetur in *l. 18. §. ult. ff. de stipul. 2.* Facile, differentiam esse claram inter operas per annum præstandas, & inter alios fructus, qui solent omnes simul certo anni tempore percipi. Operæ sunt quotidiani quodammodo fructus, & ideo non sunt plenè percepti ante finem anni, sicut fructus.

Argumentatur 2. Ex lege *uti frui. 5. §. si post litem. 4. ff. si ususfructus per.* ex qua libenter evinceret, posse fructuarii hæredibus debeti etiam partem fructuum non perceptorum: ergo è contrario inferret, posse partem perceptorum deberi proprietario. 3. Hanc legem nihil ad rem facere, sed hunc esse sensum illius. Fructuarius à Domino fuit impeditus quò minus fructus perciperet: ideo actione confessoriâ litem movit, quâ pendente mortuus est: quamvis igitur impeditus non perciperet fructus, Iuris tamen fictione perinde habetur ac si perciperet, quia æquitas non patitur, ut Proprietarius ex injuria lucrum reporter, & innocens damno afficiatur.

Argumentatur 3. ex *l. 7. §. divortio.* ubi fructus novissimi anni quotiesc Matrimonium, inter Maritum, & uxorem, vel hæredes eorum dividuntur, sive percepti fuerint, sive sint percipiendi, ergo idem de Fructuario dicendum erit. 4. Iterum negando consequentiam, & paritatem inter Maritum, & Ususfructuarium. Nam fructus dotis pertinent ad Maritum pro oneribus Matrimonii: ergo. si aliquâ parte anni sustinuit onera, merito fert partem fructuum pro rata temporis. At verò si extinguatur ususfructus

Aut fructibus necdum perceptis, nulli fructus debentur Usufructuario, quia ex nulla causa peti possunt: sed solum peti possunt expensæ in rem fructuariam factæ ab usufructuario fructuum percipiendorum causâ: fructus enim intelliguntur deductis impensis per vulgaria. *L. fructus. 7. pr. ff. soluto Matrim.* Et hæc de emolumentis Fructuarii, nam de actionibus quæ illi conveniunt jam supra dictum est, & de remediis possessorii dicitur c. seq.

## §. IV.

### De Oneribus Fructuarii.

102. **H**æc ad 4. Capita reduci possunt. 1. Tueri rem ne deterior fiat. 2. Præstare stipendia, tributa, alimenta, & similia ad quæ res fructuaria est obligata, vel quæ illi imponuntur. *L. 7. §. hætenus. L. 27. §. si quid. h. tit.* 3. Cavere, se boni viri arbitrio uturum, &c. 4. Facere inventarium. Itaque

103. **Q**UÆRITUR 1. Ad quam diligentiam teneatur Fructuarius. *æ. 1.* & generaliter ad illam, quam solet diligens paterfamilias communiter adhibere. *L. 6. ff. de Vusufr.* Unde meritò inferunt communiter DD. contra Sotomayorem, quod solum teneatur de culpa levi, non autem levissima. Ratio est, quia non tunc constituitur usufructus gratiâ fructuarii, sed aliquo modo etiam gratiâ Domini, quatenus debet huic cautionem præstare, & ex tacito mandato etiam novum opus nuntiare, ut supra dictum est. In specie loquendo, teneatur reparare si res aliquod vitium contraxit, ædes modicè reficere. *L. 7. §. quoniam, & seq. ff. h. t.* facta recta conservare, fundum colere, in locum arborum emortuarum (non item vi tempestatis erutarum) alias substituere: rem à furibus custodire. *L. 52. §. 3. junctâ l. 2. ff. Vusufructuarius quemadmod. cau. i.* tem uti debet servitutibus si quæ fundo debentur, ne non usu amittantur. *L. 15. §. ult. ff. h. t.* interpellare usucapionem, alioquin rei usucapæ æstimationem debet. *L. 1. §. ult. ff. Vusufr. quem ad cau.*

104. Dubium est 1. Ad quam custodiam teneatur Fructuarius quoad pecora in quibus usufructus constitutus est. *æ.* cum distinctione. Vel enim pecora relicta sunt nomine Gregis, aut Armenti, vel singulorum capitum. In primo casu debet in locum capitum defunctorum, vel in iurium alia totidem submittere ex agnatis, si quæ habet: sin minus, non teneatur aliunde coempta submittere, nisi culpa intervenisset. In secundo casu nihil supplere teneatur: oves enim singulæ, v.g. non recipiunt augmentum: sed singulorum capitum est proprius quodammodo usufructus, ideo morte unius finitur usufructus ejusdem. *arg. L. ult. quibus mod. Vusufr. amitt.*

105. Dubium 2. Est: cum dixerimus, quoddam modicis impensis in conservationem ædium, &c. teneatur Fructuarius, an si magnas fecit, necessarias, imò, & utiles, possit eas actione negotiorum gestorum repetere à Domino. *æ.* Affirmativè. *L. 7. C. de Usufr. ibi. Eum ad quem usufructus pertinet, facta recta suis sumptibus præstare debere explorati juris est. Proinde si quid ultrâ, quam impendi debeat, erogatum potes docere, solenniter reposes.* Ex quibus verbis colligo cum Baldo contra Bartolum, non posse ad has faciendas cogi. Colligitur item, expensas utiles etiam repeui posse, cum verba sint generalia.

106. Contra hæc tamen graviter objicitur ex *L. 44. ff. h. t.* [Usufructuarius novum ædificium parietibus, qui rudes fuissent, imponere non potest: quia tamen meliorem excolendo ædificium Domini causam facturus esset, non tamen id suo iure facere potest.] Et *L. 61. [Ædificium inchoatum fructuarius consummare non posse placet, etiam si eo loco aliter uti non possit, sed nec ejus quidem usumfructum esse: nisi in constituendo, vel legando usufructu hoc specialiter adjectum sit, ut utrumque liceat.]* Responsio communis cum glossa est, hoc ideo non licere, quia esset mutare formam rei fructuariæ, sicut mutaret, qui in area poneret ædificium, mutare autem formam non licet, quia sic non maneret salva substantia, sed ex non ædificio fieret ædificium. Quæ responsio an sufficiat dubito. Fortè addi posset, hoc leges specialiter constituisse propter periculum abusûs in ædificando, ad quod multi nimium propensi sunt, & quia cogereur Dominus reddere expensas, qui fortasse mallet ædificium non fuisse absolutum, vel non in talem formam extructum. Et hæc circa primum genus onerum fructuarii.

107. **Q**UÆRITUR nunc 2. Utrum teneatur Vusufructuarius æs alienum à testatore contractum exsolvere. *æ.* Distinguendum est inter usumfructum legatum in re aliqua certa, & singulari, v. g. in fundo Semproniano, & legatum in certa portione totius hæreditatis, vel omnium etiam bonorum. In primo casu non teneatur ad ulla debita solvenda. In secundo casu, hæres deducit æs alienum ab omnibus bonis, cum proportionem debita, in quam etiam legatarius consentire cogitur. *L. fin. ff. de usu. & Vusufr. leg. ibi. Nihil interest, utrum bonorum quis, an rerum tertia partis usumfructum legaverit, nam si bonorum usufructus legabitur, etiam æs alienum ex bonis deducitur, & quod in actionibus erit computabitur: at si certiarum rerum usufructus legatus erit, non idem observabitur.* Hinc rectè constitutum est, ut annua legata præstanda sint ab eo cui omnium bonorum usufructus legatus est. *L. fin. §. si autem æs alienum. C. de bonis quæ lib. Suo loco adducenda.*

108. Porro in deducendis debitis ex omnibus bonis ita proceditur ab hærede. primò, fructus si qui exstant in hæreditate, convertit in illum usum: secundò, si illi non sufficiunt, mobilia: quodsi nec hæc sufficiant, immobilia vendit: & in eo quod residuum est, ususfructus ad legatarium ususfructus omnium bonorum pertinebit, si non excedat dodrantis æstimationem: alioquin hæres detrahendi Falcidiam, sique ususfructum minuendi jus habet. *L. 1. §. 9. ff. ad leg. Falcid. ibi. Sed Aristo à veterum opinione recessit: ait enim posse quartam partem ex eo (usufructu) sicut ex corporibus retineri.*

In legato usufructu omnium bonorum cum onere solvendi annua legata, sic procedendum ait del Castillo, Sotomayor *de usufructu. c. 60. n. 5.* Primò æstimanda est ex una parte proprietas omnium bonorum mobilium & immobilium, juri & actionum: ex altera parte fructus qui uno anno deductis sumptibus fructuum causâ faciendis percipi possunt. Secundò, annorum computatio incunda est, quæ habetur in *L. Hereditarium 68. ff. ad leg. Falc.* (& suprà à nobis explicata jam est in primo tract. cum ageremus de obligatione restituendi pro damno per homicidium dato) ita tamen ut nunquam amplius quàm 30. annorum computatio fiat. Ponamus ergo ex. gr. æstimationem fructuum, qui 30. annis percipi possunt, proprietatis æstimationem ita excedere, ut hæres legitimam portionem habiturus non sit, tunc quarta Falcidiæ detrahatur; & cavebit insuper hæres, quòd si fructuarius citius moriatur, quàm anni fuere computati, vellet restituere, quod amplius consecutus est: contra fructuarius cavebit hæredi, se plus Falcidiæ nomine præstaturum, si 30. annorum spatium exceßerit. Hactenus de secundo genere onerum.

109. QUÆRITUR nunc 3. Cum per se loquendo cautio præstanda sit usufructuario quomodocunque constituto, quòd velit uti re arbitrio boni viri, & finito usufructu rem restituere, *l. 1. ff. usufructuar. quemad. cau.* ubi ad longum describitur & exigitur etiam inventarii confectio. queritur inquam an & quinam ab hac regula generali extipiantur. 2. Excipi sequentes. 1. Patremfamilias in bonis adventitiis filii in quibus usufructum habet. *L. fin. §. fin. autem in fine C. de bonis quæ lib.* ubi ratio redditur: paternâ reverentiâ eum excusante & à ratiociniis & à cautionibus, & ab aliis omnibus, quæ ab usufructuariis extraneis exiguntur. Ergo nec ad faciendum inventarium tenetur. ex comm. opinione, nisi dilapidator esset, aut perversæ conversationis. Excipitur 2. Ille cui usufructus absolute, proprietatis ex die legata est. *l. 9. §. planè ff. 1. cit.* ratio est aperta. quia cum proprietas tandem ad eundem perventura sit, ipsius interest, quomodo in usufructu versetur: ubi ipsi autem nemo cavere jubetur.

110. QUÆRITUR 4. An Cautio & Inventarii confectio remitti possit usufructuario. 2. Inspecis juris solus testator legans usufructum remittere cautionem (non item Inventarium) prohibetur. *l. pen. C. ut in possessionem legatorum.* ibi. [Scire debemus, si de commissi quidem & legati satisfactionem remitti posse, D. Marcum & D. Commodum constituisse: ut autem boni viri arbitratu is cui usufructus relictus est, utatur fruatur, minime satisfactionem remitti testamento posse.] Cujus rei ratio reddi solet; quia morituri minus solliciti sunt de fidelitate legatariorum, & ideo periculum esset, ne in præjudicium hæredis ansam darent malè tractandi rem usufructuariam: hæres autem si remittat, novum beneficium præstat, & legatarium magis obstrictum habet, potestque liberius monere, si aliquem abusum adverteret. Quæ ratio cum non procedat in remissione per conventionem inter vivos, consequenter cum communi sent: contra Donnellum & Hunnium dicendum est, posse conventionem remitti. Adversariorum ratio levis est, dum dicunt, talem remissionem esse contra bonos mores, quia captatur inde ansa malè versandi in re fructuaria. Verùm hoc plus non probat, quàm quòd leges possent prohibere talem remissionem, non quòd ipso jure naturæ sit prohibita, alioquin nec Inventarii confectio remitti posset.

111. Dixi: etiam testatorem posse remittere Inventarii confederationem: quia nulla lex hoc prohibet: lex enim: scire: loquitur de sola cautione. Nihilominus bene post Mol. Gutierrez, Bertrandum, advertit Palao, quodsi, non obstante remissione testatoris, is cuius interest inventarii confectio, nempe proprietarius iudicem adiret, & inventarii confederationem postulat, iudex teneretur non quidem solennem confederationem, sed bonorum fructuorum descriptionem summariam præcipere: quam si fructuarius recusaret, esset suspectus de dolo, & proprietarius admittendus esset ad jurandum in litem, ac fructuarius condemnandus, quantum ille in litem juraverit.

112. QUÆRITUR 5. An usufructuarius fructus faciat suos, quos percipit ante præstitam cautionem post interpellationem à proprietario factam. 2. Negative: quia non præstita cautione causa ad non causam reducitur, hoc est, titulus percipiendi fructus rescinditur, & dominus rem quasi pleno jure sibi vindicat, adeoque etiam fructus percepti officio iudicis restituendi sunt. *l. 7. ff. usufr. quemad. caveat.* ibi. Si usufructus nomine re traditâ satisfactionem non fuerit, Proculus ait, posse heredem vindicare: & si obijciatur exceptio de re usufructus nomine traditâ, replicandum erit.

113. **QUÆRITUR 6.** Qualisnam requiratur & sufficiat Cautio. *n.* Rigore juris attento fideiussoria requiruntur, & sufficiat. Iura enim ubique requiruntur *satisdationem*, ut ex legibus citatis liquet: *satisdatio* autem in Iure est cautio, quæ datis fideiussoribus prebetur. *l. 1. ff. qui satisdare cogantur.* & clariùs *l. 7. ff. de prætoris stipulationib. ibi.* *Prætoris satisdationes personas desiderant pro se intervenientium, & neque pignoris quis, neque pecunia vel auri vel argenti depositio in vicem satisdationis fungitur.* Et quamvis Bartolus & Gothofredus cum gl. hæc verba putent aliud non velle, quàm quod qui *satisdare* cogitur, non cogatur loco fideiussoris pignora dare, possit autem si velit: est tamen interpretatio violenta: quamvis verum sit, usu receptum esse, ut cautio pignoratitia etiam sufficiat, ut probat consensus doctorum: & meritò, quia plerùmque plus cautionis est in re quàm in persona. *L. plus cautionis 25. ff. de R. J.*

114. Sed quid si fructuario nec fideiussoria nec pignoratitia cautio possibilis est, quomodo illi succurrendum erit, ut usufructum consequatur? Aliqui distinguunt inter fructuarium bonæ & integræ famæ ac probitatis, & inter fidei suspectæ: priorem dicunt admittendum esse ad cautionem juratoriam, posteriori casu sequestrum esse indicendum apud aliquem virum divitem & probum, qui usufructuario fructus concedat. prius responsum putat Caltro Palao §. 2. n. 7. post plures celebres Iuristas clarissimè colligi ex *l. 1. §. super peculio. C. de assertionem tollenda.* sed lex hæc loquitur prout de alio casu, à quo (cum sit correctio Iuris antiqui ut patet ex contextu) non licet argumentari ad casus diversos. Verba sunt: *Omnes verò qui pro libertate periclitantur, si quidem possunt fideiussorem dare, eum exigant: sin verò reverà datio ejus impossibilis eis sit, hocque Iudici manifestè ostendatur, juratoris cautioni committi.* Secundum responsum probant ex *L. postquam §. Imperator. F. sed si nec ipse. ff. ut legatorum vel fideicom. ser. ca. cau.* Verum hoc loco non restringitur sequestratio ad illum qui est suspectæ fidei, sed simpliciter ad eum qui non potest idoneè cavere. itaque hæc responsio non est satis fundata in Iure.

115. Optimus itaque modus succurrendi erit, quem Assessores Camera Imperialis observant teste Fachineo lib. 8. *Contr. 40. in fine.* nempe si Hæres vel Proprietarius rem fructuariam penes se retineat, & fructuario certam quantitatem fructuum vel pecuniæ solvat: eumque hoc nomine datâ cautione securum reddat. Nam hoc modo utrique, Proprietario & Fructuario consilium, & neutri de Iure suo quidquam detrahitur.

116. **QUÆRITUR 7.** Quem effectum habeant dux clausulæ *Cautiois*, quarum prima est *in faciendo*, quæ diligens paterfamilias faceret, & *non faciendo* quæ bonus vir non face-

ret. secunda est, *de Restituendo.* *n.* Quoad priorem clausulam, si fructuarius contravenierit, statim committitur stipulatio, hoc est, statim debet proprietario id quod promissum est: & ex ea semel commissa is cuius fuit proprietas, agere potest, etiam si proprietatem habere desierit, quia semel commissa stipulatio resolvi non potest. *l. 57. ff. de evict.* Ex secunda clausula committitur stipulatio finito Usufructu. *l. 1. §. 6. & L. 3. ff. Usfr. quemad. caveat.* Ad actorem autem spectat designare rem quæ & quantum exiter: utrum rem ipsam, an ex causa extinctionem petat: quod si reus excipiat, aliquid sine sua culpa periisse aut deiterius factum esse, hoc ipsi probandum erit. *l. 1. ff. de Exception.*

## §. V.

### *Quomodo Ususfructus finiatur aut amittatur.*

117. **I**mprimis finiri lapsu temporis, si in diem constitutus est, constat ex suprà dictis: quia verò regulariter constituitur ad tempus vitæ Fructuarii, hinc est, quod DD. hunc finiendi modum non soleant sub hoc titulo referre, sicut nec alios aliis servitutibus communes. Circa hunc ipsum tamen finiendi modum bene advertit post Sylvestrum Castro Palao, quod si tibi legeretur Ususfructus donec Titius pubertatem nactus fuerit, quod inquam finitur usufructus si tu moriaris ante pubertatem Titii, quia Ususfructus est Ius personale, quod cum persona resolvitur, ut dicitur. Si verò moriatur Titius ante pubertatem, durat usufructus concessus usque ad illud tempus quo Titius pubertatem adeptus esset, si supervixisset: hæc enim fuisse mens præsumitur cedentis usufructum. Quod si terminus positus esset: *cum Titius uxorem duxerit, vel aliud opus fecerit, &c.* & ante mortuus fuerit, durat usufructus quamdiu Titius illud opus differre potuisset. Ità isti DD. quod verum esse arbitror, nisi de contraria intentione ex aliis circumstantiis constaret.

118. Primò itaque finitur usufructus morte naturali fructuarii. *l. 3. §. ult. ff. quibus modis usfr. amitt.* *Morte quoque amitti usufructum, non recipit dubitationem: cum jus fruendi morte extinguatur, sicut si quid aliud, quod persona coheret.* Quod si ita concessus est, ut ad hæredes transeat, est novus usufructus, & ita receptum est, ut ad primos tantum non ulteriores pertineat, *L. antiquitas C. de Usufructu.* ubi cum Iustinianus retulisset altercationes antiquorum an tale legatum valeret, aliis aientibus, aliis negantibus, ità decidit. [Sanctimus, & hujusmodi legatum firmum esse, & talem usufructum unà cum hærede finiri, & illo moriente, vel aliis legitimis modis cum amittente expirare. Quare enim iste usufructus sibi tale vindicet privilegium,



giunt, ut à generali interemptione usufructus ipse solus excipiat, quod ex nulla rationabili sententia manifestissimum est.] Ex quibus verbis mihi concludendum videtur, quòd etiam si testator expresse diceret, velle se usufructum non solum ad primum, sed etiam ad ultiores semper hæredes pervenire, quòd inquam legatum eatenus non valeret, ob rationem ab Imperatore allatam, & mox asserendam.

119. Sed quid si usufructus constituitur Personæ factæ quæ nunquam moritur, ut est Civitas, aut Universitas, aut Municipium? &c. Talem usufructum post centum annos finire. *L. 8. ff. de usu. & usufr. legato.* ibi. [Si usufructus municipibus legatus erit, quæritur, quousque in eo usufructus tuendi sint: nam si quis eos perpetuo tueretur, nulla utilitas erit nudæ proprietatis, semper abscedente usufructu, unde centum annos observandos esse constat, qui finis vitæ longissimus esset.] idem habetur *L. 58. ff. de usufructu.* nisi Civitas interea destrueretur ita ut delinere vellet esse civitas. *L. si usufructus civitati. 25. ff. de usu & habit.* tunc enim censetur quasi mortua, & usufructus extingueretur.

Secundus modus amittendi, finiendique usufructum est per Capitis diminutionem, non quidem amplius per minimam, ut olim, sed per mediam & maximam. Est enim capitis diminutio (ut hoc obiter dicam) Status mutatio, eaque triplex. Minima, quâ aliquis familiam tantummodo mutat, ut fieri potest per arrogationem, vel emancipationem. Media, qua quis familiam & civitatem amittit, salvâ libertate, ut fit per deportationem aquæ & ignis interdictionem. Maxima est, quæ & familiam & Civitatem & libertatem adimit: quod fit 1. quando quis fit servus pœnæ dum damnatur ad metallum. 2. Quando quis damnatur ad mortem naturalem. 3. Quando libertus ob ingratitudinem revocatur in servitutem. 4. Quando maior 25. annis patitur se vendi, ut pretio patitur. Neque refert quòd authentica, sed hodie *C. de donat. inter vir. & vxor.* statuatur, ut damnati ad supplicium non amittant libertatem, sicque hodie non pariaurur maximam capitis diminutionem: adhuc enim amittunt usufructum, quia patiuntur saltè mediam capitis diminutionem, dum Iura civitatis amittunt, ut contra Gomez advertit noster Molina d. 9. §. *Moror.* Videatur tit. ff. de capite minutis. & *Infl. de capitis diminut.*

120. Ad hunc modum revocatur modus amittendi usufructum per Professionem Religiosam in Religione incapace stabilium bonorum ac reddituum, videlicet in ordine PP. Minorum de Observ. Capucinatorum, & Societatis JESU, quæ suis Professis & Coadjutoribus formati non succedit. Et factâ professione consolidatur usufructus cum proprietate: quæ est recepta sententia contra Rodriguez, existimantem, quòd usufructus, quamdiu professus vivit, pertineat

ad hæredes ab intestato. Sed oppositum dicendum est. Quia usufructus est Ius personæ annexum, & cum eadem extinguitur morte tam naturali, quàm civili, quâ fiat incapax usufructus arg. §. *finiuntur Infl. de usufr.* atqui per professionem in Ordine incapaci bonorum & stabilium reddituum, persona fit omnino incapax usufructus, ergo, &c.

121. Aliter utique dicendum est de Religionibus, quarum Monasteria sunt capacia bonorum immobilium, & reddituum stabilium, his enim acquiritur usufructus, quem habuit Professus ante professionem, isque durat, quamdiu vivit professus. Rario est, quia omnia Iura & actiones huiusmodi Religiosi factâ professione in Monasterium transferuntur. *Auth. Ingressi. C. de sacrosanctis Eccles. ibi. Ingressi Monasteria, ipso ingressu se suæque dedicant DEO: nec ergo de his testentur, ut ipso nec Domini verum.*

In hoc ipso tamen puncto Iuristæ aliqui mediam viam ingressi sunt, dixeruntque usufructum manere apud Religiosum, ut est persona distincta à religio conventu, commoditatem verò ad Monasterium pertinere, eo modo quo suprà diximus posse commoditatem ab usufructuario alteri concedi: quia, inquit, non videtur inconveniens, religiosum professum capacem esse proprii, cujus nullam dispositionem habeat, sicut non est inconveniens conjugatum manente vinculo conjugii fieri Religiosum. Ratio autem quasi à priori est, quia usufructus est Ius Personalissimum inhærens ossibus talis Religiosi. Ità Covarruv. Ant. Gomez, quos sequitur Molina to. d. 9. §. *dubium ulterius*, & probabile iudicat Suarez to. 3. de Rel. l. 8. c. 13. n. 4. Ego in hac subtilitate parùm utilitatis, & plus incommodi adverto, & censeo cum communis sententia aliorum, ipsi Monasterio cedere usufructum simpliciter. Imprimis enim si Monasterio sola commoditas, & non ipsum Ius accederet, acquireret Monasterium merum Ius Personale, & quidem adversus suum Professum: deinde non posset eo invito cedere usufructum Proprietario; non conveniret Monasterio Actio confessoria, aut negatoria, sed hæc omnia Iura essent penes Professum ut contra distinctum à religio conventu: quod tamen est contra clara verba auth. Præterea quæro, an commoditas sit in Monasterium translata purè, & absolute seu illimitatè, vel aliquo modo conditionatè, & in diem incertum, nempe: *quamdiu talis Religiosus manebit incorporatus tali Monasterio*: si primum dicatur, sequitur, quòd si talis Religiosus ad aliud Monasterium transierit, nulla inde commoditas accederet alteri Monasterio, sed mera gravamina, teneretur enim, v. g. cavere præscriptiones, & alia damna præstare Proprietario: tota autem commoditas maneret apud prius Monasterium, quod est ex se inconveniens. Si dicatur secundum: ergo tota commoditas transfertur in se-

cun-

candum Monasterium: ergo in effectu idem est, ac si Ius reale esset penes Monasteria, & nihil penitus utilitatis relucet quoad praxin ex horum DD. opinione. Dicendum ergo est, Ius reale esse penes Monasterium prout continens talem personam, cum qua constituit unam personam & hoc non ex hominis, sed Iuris dispositione, ex qua etiam provenit, quod huiusmodi Monasterium hæreditario Iure, & ab intestato succedat tum ipsi Professo, tum aliis extraneis nomine ipsius Professi. Vnde rectè infert P. Sanchez ex illis quæ suprà docuimus, si usufructus fuisset illi Professo ita constitutus, ut etiam ad heredem ipsius transiret, quod tunc defuncto Professo usufructus perseveraret apud Monasterium, & esset novus usufructus durans centum annis. Econtra si soli personæ Professi constitutus esset, & talis ante professionem Religiosis in testamento commoditatem, vel hæredi relinqueret, vel alteri legaret dependenter à sua vita, Professio defuncto usufructus extinguere- tur, ut hic tradit P. Layman. c. 6. & sequitur ex dictis.

122. Major difficultas, magisque dubium est, utrum si Pater Religionem prohibeat, usufructus consolidetur cum proprietate, an potius acquiratur Monasterio capaci successionis. Consolidari docent Covarruvias de testam. c. 2. n. 9. Fachineus lib. 6. contr. 12. Cævallos q. 64. n. 4. Et del Castillo, Sotomajor, c. 64. n. 9. & plures referunt ac sequitur VVurmserus, transire ad Monasteriū affirmant Baldus, Ant. Gomez, Pinellus, Gutierrez, Lud. Mol. Azor, Sanch. Suarez, Layman, quos referunt, & sequuntur Ferd. VVaizeneg. & Castro Palao. Est præterea aperta sent. glossa in auth. Idem est: C. de bonis quæ lib. ubi quæstionem sit resolvit. Item si pater fructuarius monachatur, an extinguatur usufructus, quem habet? Videtur quod sic, cum pro m. riuo habeatur. Sed certè non quoad comedendum est mortuus, & ideo non finitur. Et hæc est ratio. Quia mors spiritalis non est quoad hanc speciem facti comparanda cum morte naturali: nam naturaliter mortuus non eget alimentis, quorum gratia usufructus patri à lege constitutus est: at vero professus eget: ergo adhuc adest causa concedendi usufructum: & sanè Auth. Ingressi hoc Ius non ademit: cur ergo nos adinamus?

123. Obijcit 1. Saltè dimidia pars usufructus ad filium pertinebit, quandoquidem, ut suo loco dicemus, pater dimittens filium à patria potestate, retinet solam medietatem usufructus: atqui per professionem solvitur patria potestas: ergo. 2. Cum Ant. Gomez negando paritatem. Aliud enim est, filium à potestate patriæ exire: à patris, aliud beneficiò legis intuiui professionis, quæ est causa favorabilis: de priorè disposuit Imperator quoad medietatem: de posteriore casu nihil, vel potius oppositum in Auth. Ingressi.

124. Obijcit 2. Vfusfructus fundatur in patria potestate: ergo hac cessante & sublata cessat etiam usufructus. 2. Distinguendo antecedens. Fundatur in ea in acquirendo usufructum concedo: in perseverando, nego. Et distinguo consequens: ergo hac cessante cessat usufructus quoad bona, quæ filius post patris professionem acquirit, concedo, quoad bona priora, in quibus jam semel Ius quæsitum est, nego consequentiam: Confirmatur. Nam si filius profiteretur, etiam cessaret patria potestas, & tamen usufructus manere totus penes patrem, ut post Sylvest. Ant. Gomez tradit Azor: cap. 22. §. 5. cur ergo in nostro casu annectatur ita patriæ potestati, ut hac cessante finiatur? Quod autem ait Fachineus, non esse consentaneum rationi, ut filius à patria potestate liberatus rerum suarum usu careat, est petitio principii, & nimium probat, quod nec dimidium partem retineret in casu spontaneæ emancipationis: & in super ietorquetur: quia repugnat æquitati; patrem privari usufructu sine iusta causa, & in odium Religionis.

125. Obijcit 3. Vfusfructus datur patri à lege propter administrationem: atqui professus non potest amplius bona administrare: ergo nec usufructum habere debet: Confirmat del Castillo: quia lex attendit in persona Patris specialem industriam & affectum erga filium: qualis non est expectanda à Monasterii Officialibus, qui magis Monasterii, quàm filiorum utilitatem attendunt. 2. Cum Gutierrez, bona esse administranda à Monasterio representante patrem, & cum eo unam personam constituyente, & præsumendum potius esse, quod fideliter administrabit. Et sanè etiam si pater maneret in sæculo, non teneretur per seipsum administrare, sed posset per alios, non adhibituos fortasse illam custodiam, quam adhibent Monasteria. Et hæc de secundo modo finiendi usufructum per mortem civilem, seu statûs mutationem.

126. Tertius modus finiendi & extinguendi usufructum, est, vel omnimoda rei destructio, vel quoad formam mutatio tanta, ut non amplius possit eo nomine appellari, sub quo nomine est usufructus in ea re constitutus. In exemplis res intelligitur. 1. Aedium usufructus extinguitur, si corruant, vel incendio pereant. L. §. 2. ubi additur: Certissimum est, exustis adibus, nec aræ, nec cementorum usufructum deberi. Hæc enim non appellantur ædes. 2. Si ex agro stagnum, vel econtra, ex vinea pratium, ex sylva cardua sationes, ex auri massa vasa fiant, forma mutata est, & usufructus extinguitur. L. 10. §. agri & seqq. ff. eod. ubi §. 7. habetur. 3. Exemplum. In navis quoque usufructu si per partes refecta sit, usufructus non perit: si autem disoluta sit, licet iisdem tabulis, nullâ præterea adjunctâ restaurata sit, usufructus extinguitur, sicut si domus lapsa restauraretur, non propterea rediret usufructus. 4. Gregis usufructu legato, si usque

usque eò pervenit numerus ovium, ut grex non intelligatur, perit usufructus, quia delinit grex esse. *L. utr. ff. eod. & quia 10. oves dicuntur gregem facere. L. fin. ff. de Abig.* Hinc si non amplius supersint decem, consolidabitur usufructus. Et hæc de tertio modo.

127. Quartus modus amittendi usufructum, motibus potius receptus est, quam Iure constitutus, nempe si res fructuaria culpâ fructuarii deterior reddita notabiliter est, contra cautionem præstitam; & colligitur à fortiori ex eo, quod Emphyteuta, & Colonus ob deteriorationem rei lus suum amittunt, & expelli possunt. *L. §8. §. 1. ff. locati. l. 3. C. eod. Nov. 120. c. 8. de alien. Emphyt. Auth. qui rem. C. de SS. Ecclesi. ibi.* [Qui rem huiusmodi conductam, vel in Emphyteusin acceptam fecerit deteriorem, aut Emphyteuticum Canonem per triennium non solverit, hac lege repelli potest, ut tamen solvat totius temporis pensionem, & id in quo rem læsit, refarciat, non repetiturus, si quid impendit nomine meliorationis.] Scio in contrarium asserti difficilem legem. *1. §. ultimus. ff. Usufruct. quemad. cau.* Sed, ut dixi auctoritas & praxis jam prævaluit, & Iure Bavarico tit. 21. a. 17. *L. R. ita constitutum est.*

Denique usufructus dicitur finiri per *Confusionem* (quæ solet à Theol. etiam vocari consolidationi, sicut si redeat ad Dominum proprietatis) quando fructuarius acquirit etiam lus proprietatis, de quo nihil est speciale dicendum.

## §. VI.

*De Usufructu improprie dicto, earum rerum quæ usu consumuntur.*

128. Hæcenus actum est de usufructu propriè, & simpliciter dicto. Nunc agendum est de Quasi usufructu, quem (ut habetur *l. 1. ff. h. t.*) Senatus voluit esse, & constitui posse, omnium rerum, quæ in alicujus patrimonio sunt, adeoque etiam earum rerum, quæ usu tolluntur, seu consumuntur, aut minuuntur, ut sunt vinum, oleum, frumentum, lana, nam licet lana non simpliciter absumatur, ejus tamen usus in transformatione consistit: sic etiam pecunia absumi dicitur, quando ejus dominium in alium transfertur, quæ translatio est proprius pecuniæ usus.

129. QUÆRITUR 1. An vestes sint inter illa, in quibus usufructus propriè dictus constitui potest, an potius inter illa, in quibus improprius, & quasi usufructus constituitur. Ratio dubitandi provenit ex apparente contrarietate legum in hoc puncto. Nam Justinianus in §. *Constituitur. J. h. t.* computat vestes inter ea quæ usu consumuntur, quæque æstimata accipienda sunt à fructuario, adeoque, quæ non debent in se, sed in æquivalenti restitui. Econtra in lege si usufructus §. si vestis. ff. *Usufruct. quemad. cau.*

Sic habetur. *Si vestis usufructus legatus sit, scripsit Pomponius, quamquam hæres stipulatus sit finito usufructu vestem reddi: attamen non obligari promissorem, si tam sine dolo malo attritam reddiderit.* Res hæc quoad praxin non habet magnum usum. Conciliarique possunt hæc leges cum Ferd. V Vaizeneg. & Castro Palao §. 2. n. 4. circa med. dicendo, Justinianum loqui de vestibus vilioribus, ad quotidianum usum deputatis, & brevi absumendis, Iure Consultum verò loqui de vestibus pretiosis, raro induendis, & durabilibus, ut sunt vestes scenicæ, lugubres, &c. Quam interpretationem recipit etiam VVurmserus, *Nucl. Jur. Contr. l. 2. tit. 4. Contr. 4.* refertens Theaurum, Besoldum, Harpprecht aliosque, qui dicunt ita fuisse judicatum.

130. QUÆRITUR 2. An quasi usufructus tantum constitui possit ultimis voluntatibus, vel etiam inter vivos. Ratio dubitandi est, quia toto hoc titulo. §. de usufr. rerum quæ &c. semper & unicè de usufructu legato est sermo. Hoc tamen non obstantè conveniunt Juris Interpretes contra Connanum, posse etiam inter vivos constitui: nec ratio in contrarium multum urget: nam leges loquuntur de eo quod plerumque fit, unde etiam quando loquuntur de usufructu propriè dicto, sæpe semper etiam legati mentionem faciunt, quia raro contingit, ut quis inter vivos alteri usufructum relinquat in rebus suis, solâ proprietate retentâ.

131. Dices: talis usufructus non differt à mutuo, si fiat inter vivos: si verò ultimâ voluntate legetur, tunc differt in eo, quod ultimâ voluntate mutuum dari non possit.

Sed contra est: quia etiam hæres à testatore damnari potest ad dandum mutuum, sicut ad usufructum: hæc ergo Connani disparitas nulla est. Fundamentalis disparitas est, quod mutuum possit quocunque tempore repeti, modò pecunia mutuata semel fuerit ad finem intentum applicata. Usufructus non redit ad proprietatem nisi modis suprà recensitis.

132. QUÆRITUR 3. Vtrum Cautio sit de substantia Quasi usufructus. Non est autem quæstio, utrum sit de substantia in eo rigore, ut nec leges potuissent quasi usufructum approbare sine cautione constitutum, sed quæstio est, an defecto ita requirant leges cautionem, sicut in testamentis requirunt certas solemnitates, & in quibusdam contractibus scripturam, ita ut sine his non valeant, quamvis aliter ordinare potuissent.

Esse de substantia cautionem actum præstitam, est valde communis Iuristarum. Mynsing. Schneide. Vulcei, ad §. *Constituitur. Inst. de usufr. And. Gail, Donelli, Hunnii, quos sequitur VVaizenegger.* Negant non pauciores, Pinellus, Vasq. apud eund. & longè plures, quos sequitur Fachineus lib. 8. c. 43. & VVurmserus.

Prior

Prior sententia habet pro se textum difficilem in l. 2. §. 1. h. t. ubi dicitur, quòd *Remedio cautionis introductio caput quasi ususfructus haberi.* quorum verborum sensus est, quòd cautio sit à lege substituta loco substantiæ, quæ in usufructu propriè dicto est utique de substantia usufructus: ergo in quasi usufructu erit de substantia cautio. Fortius adhuc urgetur ex lege 1. C. de usufr. ubi glossa ponit casum legis talem. Mulier Marito usufructum omnium bonorum, & eorum quæ usu consumuntur, legitimè reliquit, ita quidem ut onus cautionis remiserit: quæritur, an à debitoribus hæreditariis possit maritus petere pecuniam debitam, nisi prius satisdederit, seu caverit. & Respondetur quòd non.

133. Ex opposito sententia negans juvatur valde lege §. 1. ff. h. t. ubi Vlpianus expressè dicit, quòd si pecuniæ usufructus legatus sit, vel aliarum rerum, quarum usus in abusu consistit, nec cautio intervenire, constante usufructu cautio omiſsa, finito verò usufructu quantitas condici possit. Ex quo textu infertur primò, quòd durante usufructu cautio condici possit, & quòd eo finito quantitas: ergo ante cautionem jam erat usufructus. Confirmatur. Quia si usufructus sine cautione non substitit, tunc non solum quantitas accepta, sed etiam fructus restituendi essent, quod tamen ibi non requiritur.

134. Existimo, utrique parti aliquid concedendum esse, & dicendum, quòd de substantia quasi usufructus sit Ius exigendi cautionem, & quidem irremissibile à restatore, adeoque ex parte Fructuarii semper sit obligatio satisfaciendi si exigatur: hoc probant fundamenta prioris sententiæ, & non plus, ut consideranti patet, nempe de substantia esse Cautionem, non quidem absolute sed sub conditione, si exigatur, eaque petita suspendi usufructum donec præstetur: unde sequitur, posse, non petita cautione constitui usufructum, & ut sic non esse de substantia huius quasi usufructus actualem satisfactionem, quod probat fundamentum secundæ sententiæ, ad quod insufficienter respondet VVainzenegger, quòd usufructus ibi *absolvè* dicatur constitutus, & finitus, nempe ex sola intentione contrahentium; quod mihi est incredibile, cum verba sint clarissima. [Si pecuniæ sit usufructus legatus, &c. nec cautio interveniat videndum, finito usufructu, an pecunia quæ data sit condici possit. Sed si quidem adhuc NB. constante usufructu cautionem quis velit condicere, dici potest, omiſsam cautionem posse condici.] Quid clariùs? unde Imola non immerito dixit conf. 120. sententiam hanc receptissimam esse, talem Vusufructuarium ante cautionem non petitam fructus suos facere.

QUÆRITUR 4. Ad quid tendat hæc satisfactio. R. Ut Fructuarius finito usufructu restituat non quidem easdem res in specie (Phi-

losophi dicerent in individuo) nam usu sunt consumptæ, sed tantundem in genere, sive ejusdem generis, bonitatis, & qualitatis; quia verò periculum est, ne deinde de bonitate, & qualitate controversia moveatur, ideo consultum est, ut æstimeretur pretio, & in pretio solvatur. Itaque in hoc quasi usufructu dominium transfertur in Fructuarium: Et ejusdem periculum ad eundem pertinet, secus ac in usufructu propriè dicto, ubi periculum ad Proprietarium spectat, si sine dolo, & culpa levi intreat, ut ex dictis liquet.

## S. VII.

### De Servitute Vshs.

135. **Secunda species servitutum personalium est Vshs.** Vshs dupliciter sumitur, pro usu Iuris, & pro usu facti. Vshs facti est ipsa actualis usurpatio rei: Vshs Iuris est Ius utendi: quantum ergo sumitur pro servitute personali,

Definitur: *Ius utendi tantum re aliena, salvâ ipsius substantiâ.* Hoc est: Ius ex realiana tantum lumenendi, quantum ad commodam sustentationem sui suorumque necesse habet. Vnde sequitur, non posse ullos fructus ad hæredes transmittere. Si pecora habet in usu, potest illis solum uti ad stercorendos agros, lacte verò non nisi modico uti licet. L. plenum §. sed si pecoris ff. de usu, & habit. Constituitur, & finitur iisdem modis quibus usufructus.

136. **QUÆRITUR 1. An sicut potest esse usus sine usufructu, ita e contra possit esse usufructus sine usu, hoc est sine utilitate illa, quæ inest usui.** Adcoque an possit aliquis esse Vusufructuarius in fundo, cujus tamen usus ad alium pertineret, & Fructuario non liceret uti frui, nisi quoad illos fructus, qui residui essent subtrahendo usu, quique non sufficerent ad sustentandam familiam. Communis sententia negat hoc posse esse vilegem. Nam lege 14. §. 1. ff. de Vsu & habit. sic habetur. [Vshs fructus, an fructus legetur nihil interest: (vult dicere Vlpianus, illa vocabula esse synonyma in Iure) nam fructui & usui inest. Vsi fructus deest, & fructus quidem sine usu esse non potest, usus sine fructu potest: denique si tibi fructus deducto usu legatus sit, inutile esse legatum Pomponius scribit, & si forte usufructu legato fructus adimatur, totum videri ademptum scribit. Sed si fructus sine usu, id est, nullâ mentione factâ usus, videri constitutum, qui, & ab initio constitui potest: sed si fructu legato usus adimatur, Aristoteli scribit, nullam esse ademptionem, quæ sententia benignior est.]

Verum huic legi, & per consequens sibi ipsi videri posset contradicere Vlpianus in l. §. 5. ergo ff. usufruct. quemad. cau. Vbi videtur supponere;



ponere, quod fructus, seu usufructus sine usu obtingere possit.

137. Qui hanc difficultatem adverterunt, varîe conciliare conati sunt, nescio an ad mentem Vlpiani, mihi placet conciliatio Harprecht. in hunc tit. J. de Usu & Habit. §. Minus autem. n. 2. Nempe usum, quatenus est servitus separata, & separatam habens naturam, non esse cum usufructu conjunctum, semper tamen quoad utilitatem & in effectu inesse usufructui. Etenim qui frui potest; is multò magis uti potest. Et tamen quatenus utitur, id non iure usus ut est servitus, sed iure usufructus facit. Potest igitur usufructus sine usu legari, hoc est, quin constituitur servitus usus alteri, sed non ut quoad utilitatem, & effectum ab usufructu removeatur. Uno verbo, *Usu* potest esse sine fructu, tam quoad utilitatem, quam quoad naturam servitutis, hoc est, potest aliquis in fundo habere usum, quin alius habeat fructum, & quin ipse Vsuarius frui possit: econtra verò usufructus potest quidem penes aliquem esse, quin apud ullam sit servitus usus (& ita communiter constituitur) sed non potest esse sine utilitate usus, quod voluit dicere Ulpianus §. 2. dictæ l. 14. *Si tibi usus, mihi fructus legatur, concurrere nos in usu, me solum fructum habiturum*: quasi diceret: uterque utemur, sed ego solus ero fructuarius, ad quem reliqua iura usufructui propria pertinebant.

138. QUÆRITUR 2. Quænam magis in particulari sint illa, ad quæ se extendit Servitus Usus. §. 1. Usu ædium concessio potest Vsuarius illas inhabitare cum uxore, liberis, famulis & totâ familia, nurus etiam cum focero & econtra, quilibet cum parentibus, agnatis, & affinis: inquilinum etiam admittere non prohibetur, si cum eo honestè vivere possit. l. 2. *¶ seqq. ff. h. t.* Verbo, totis ædibus utendi jus habet usufructuarius, sicut haberet fructuarius, hoc solo cum discrimine, quod fructuarius, non item Vsuarius seorsim eas locare possit. l. 15. ff. *¶ §. 1. J. h. t.*  
§. 2. Si in fundo constitutus est usus, potest usufructuarius ex eis quæ in fundo nascuntur tantum accipere, quantum in annum duntaxat sufficiat, quæ omnia distinctiùs enumerantur in l. plenius. 12. h. t. §. 3. In usu pecorum veniunt etiam operæ, quæ ex pecotibus percipiuntur: unde rectè uti potest bobus ad arandum, ovis ad vehendum, & maximè ad stercorendos agros. &c. d. l. 12. §. *sed si pecoris. ¶ §. sed si boum armentis.* Fætus tamen animalium non pertinet ad Vsuarium, quia in fructu sunt. §. *in pecudum Inst. de rer. divis.* & fætus edirus est corpus à matre distinctum, eo igitur usufructuarius non utitur, quia uteretur etiâ re quam cuius usum accepit. Sed neque lanâ uti potest, quia nisi transfomeretur, nullus illius notabilis usus est. Lanæ modico uti potest, quantum sibi & suis sufficiat in ratione lactis, non ut inde butyrum aut caseum conficiat. Ita iura citata.

Cætera quæ de hac servitute dici possent, communia sunt illis, quæ de Usufructu dicta sunt, & ideo non sunt repetenda: maximè cum in his consuetudo regionum & provinciarum attendenda sit.

## §. VIII.

*An usus rerum ipso usu consumptibilium possit à Dominio separari.*

139. Ocasione Servitutis Vlus nata est apud Theologos controversia, olim quidem gravis, hodie verò extra litem posita, utrum, sicut Jus utendi re alienâ quæ ipso usu non consumitur, v. g. horto, vineâ, domo, &c. potest separari à dominio, ita ut penes Sempronium maneat dominium agri, penes Caium verò sit Jus utendi, an inquam eodem modo possit Jus utendi separari à dominio in illis rebus, quorum usus in abusu consistit, hoc est, quæ ipso usu principali absumuntur, ut est vinum, oleum, pecunia, &c. de quibus egimus §. 6. Pro resolutione

140. Advertendum est primò: Jus utendi posse alicui convenire vel irrevocabiliter, hoc est independens à continuo consensu illius à quo conceditur jus; vel revocabiliter, hoc est, taliter, ut concedens jus possit illud ad nutum pro libitu revocare, sicut si cui precario aliquid commodare: huiusmodi revocabile jus habet conviva invitatus ad epulas, nam sine injusta acceptione possit dominus cibos subtrahere; habet tamen conviva jus comedendi, quod vocamus jus negativum, quatenus nemini facit injuriam comedendo, quamdiu à domino non prohibetur: habet etiam jus positivum adversus alios, ne vi aut fraude impendant usum benevolentie invitantis.

141. Advertendum est 2. Jus utendi independens & irrevocabile, quod solum nomen *Juris* simpliciter meretur, non posse distingui à dominio talium rerum, & in hoc omnes conveniunt: qui enim habet jus independens ab alterius voluntate aliquid absumendi, jam vocatur & est dominus talis rei, nec quidquam ad rationem dominii desiderari potest, esto quandoque non habeat dominium plenissimum, quia fortasse non potest vendere vel alteri donare, nam hæc limitatio non pugnat cum dominio saltem non pleno. Tota ergo præsens controversia est, an idem dicendum sit de eo qui habet jus revocabile.

Controversiæ huic occasionem præbuerunt PP. Franciscani, qui semper talem paupertatem professi sunt, quæ ne quidem huiusmodi rerum dominium admittat, & tamen certum est, illos habere jus & facultatem saltem revocabilem & n. 140. explicatarum eorum ciborum qui illis offeruntur,

runtur, sicut & aliarum rerum. Dixerunt insuper, harum rerum dominium esse penes Sedem Apostolicam.

Huic doctrinæ se acriter opposuit Joannes XXII. vir doctus: & quia ille in re non pertinente ad fidem, tanquam privatus doctor contrariam opinionem tenuit, nempe dominium non posse à facultate utendi separari in rebus quarum usus in abusu consistit, ideo hoc dominium tanquam suâ opinione inutile & nugatorium à se abdicavit in *extrav. incip. ad Conductorem. & duabus seqq.* Quo non obstante

142. DICENDUM omnino est, si controversia status rectè apprehendatur, posse ius tale revocabile à dominio talium rerum separari: quod si quis putet esse abusum vocabuli *Juris* in iure revocabili, vocem *Facultatem* utendi. Ità jam tenent communiter omnes Theologi, & contra Joannem XXII. postea confirmârunt plures Pontifices: Nicolaus III. *cap. exiit qui seminat, de V. S. in 6. ibi.* [ Nam cùm in rebus temporalibus sit considerare præcipuum, proprietatem, possessionem, usumfructum, jus utendi, & simplicem facti usum, & ultimo tanquam necessario egeat, licet primis carere possit vita mortalium: nulla prorsus potest esse professio, quæ à se usum necessariæ sustentationis excludat: verùm concedens fuit ei professioni, quæ sponte devovit Christum pauperem in tanta paupertate sectari, omnium abdicare dominium & rerum sibi concessarum necessario usu fore contentam. Nec per hoc quodd proprietatem usûs & rei cuiusque dominium à se abdicasse videtur, simplici usui omnis rei renuntiâsse convincitur: qui inquam usus non iuris, sed facti tantummodo nomen habens, quod facti est tantum, in utendo præbet utentibus nihil iuris, &c. ] Et paulò post loquens de dominio earum rerum, quas qui offerunt, præsumuntur velle perfectè à se abdicare dominium, & in alium transferre cupiant propter Deum: [ nec sit persona in quam loco Dei congruentiâs hujusmodi rei dominium transferat, quàm Sedes præfata vel persona Romani Pontificis Christi Vicarii, qui Pater est omnium, & fratrum minorum nihilominus specialis: ne talium rerum sub incerto videatur esse dominium, &c. omnium utensilium & librorum ac eorum mobilium præsentium & futurorum, quæ & quorum usumfructum scilicet ordinibus vel fratribus ipsis licet habere, proprietatem & dominium (quod & ferè Innoc. Papa IV. præd. noster fecisse dignoscitur) in nos & Romanam Ecclesiam plantè & libere pertinere, ac præsentis constitutione in perpetuum valiturâ sancimus. ] Idem habetur in Clement. *Exiit de paradiso, de V. S. ibi.* [ Sicque declaratum existit per nonnullos prædecessores nostros Romanos Pontifices, hanc expropriationem intelligi debere tam in speciali quàm etiam in communi, propter quod & re-

rum omnium concessarum, oblatarum, & donatarum fratribus proprietatem & dominium in se & Romanam Ecclesiam receperunt, dimisso ipsis fratribus in eis tantummodo Usu facti simplicis. ]

143. Probatur nunc Conclusio exemplis & inflautis. & primò exemplo convivæ jam posito. 2. Exemplo servi, cui dominus facit potestatem edendi cibum, cujus tamen servus non est dominus: item alii Religiosi habent facultatem utendi hujusmodi rebus, & tamen sunt incapaces domini, si sint professi.

Probatur 1. à priori: Nam si comparemus eum qui dat facultatem, cum eo qui eam accipit, apparebit, priorem non posteriorem esse dominum. Ille enim est dominus, in cujus potestate est reddere alteri illicitum usum talis rei, sibi verò licitum esse. atqui talis est ille, qui concedit alteri facultatem revocabilem, non verò ille, cui talis facultas conceditur: nam ille prior revocare potest facultatem, & usum reddere illicitum. Ergo, &c.

144. Obijcies 1. PP. Franciscani habent ius strictè dictum adversus alios, ne se impendant ab usu ciborum concessorum: ergo sunt illorum domini. Concesso antecedente negatur consequentia: tum quia illud ius non est in re seu reale, sed personale: unde si quis cibos furaretur, non possent eos suo nomine vindicare: tum quia dominium debet esse ius non revocabile ad libitum alterius.

Objic. 2.<sup>a</sup> Tale ius adversus alios esto sit tantum personale, est tamen pretio æstimabile, & posset pro pretio alteri vendi spes illa quam quis habet ex tali facultate fore ut non revocetur, adeoque ut re tali cum commodò suo utatur: ergo jam videtur argui aliquod dominium, &c. Nullum atqui dominium ciborum, sed quasi dominium juris personalis.

Dices: ergo posset dominus ciborum tantam facultatem revocabilem alicui vendere pro pretio, quia est pretio æstimabilis. Nego consequentiam. Nam licet sit pretio æstimabilis respectu alicujus tertii, non tamen respectu domini, qui sibi reservaret potestatem revocandi, ac proinde nihil à se abdicaret, nec minus haberet post concessionem quàm ante: ergo non potest accipere pretium, quia pretium debet accipi pro translatione alicujus juris irrevocabilis, aliquin acciperetur pretium sine traditione mercis, ut nota vit Lugo.

145. Replicabis. Concessio talis facultatis quantumvis revocabilis, est tamen beneficium & materia gratiarum actionis. ergo etiam pretio vendibilis illi cui conceditur. Nego consequentiam. Nam virtus gratitudinis habet hoc, ut rependat pro re accepta & gratis data, nec requirit iuris translationem, sicut requirit emptio, venditio, quæ est compensatio iuris irre-

vocabilis pretio itidem irrevocabili, alioquin non servaretur æqualitas.

146. Instabis : in illo instanti quo Dominus cibi pro priori naturæ dicit : *volo tibi licere comestionem, & nolo impedire* : non potest revocare, quia in eodem instanti non potest idem velle, & nolle : ergo saltè pro tali instanti acquiratur irrevocabile ad cibum : ergo erit pretio æstimabile. R. Cum Pallav. negando consequentiam : nam illud solum est ius propriè dictum, & pretio æstimabile, quod est antecedens voluntatem alterius non impediendi, & quo ligamus alterius voluntatem, ut etiam diximus in tr. 1. in explicatione iuris in genere, at verò in casu posito Irrevocabilitas non provenit à iure meo in cibum, sed ex eo, quod alter non possit simul velle & nolle revocare.

## §. IX.

### De Servitute Habitationis.

147. Tertia species servitutum Personalium est *Habitatio*, quæ definitur : *Ius habitandi in alienis ædibus, salva earum substantiâ*. Verùm quia hoc totum convenit etiam servituti usûs in ædibus constitutæ, ideo mihi addendum definitioni videtur : *Per se, vel per alium*. Sic enim differt ab usu, ut dicitur. Quæ definitio quem sensum habeat, constat ex dictis, & constabit ex dicendis. Non est operæ pretium hic instituire disputationem contra Hotomannum, negantem hoc genus servitutis, eò quod, ut ipse putat, consistat in mero iure Personali, adeoque non fundante actionem confessoriam aut negatoriam, sed actionem Commodati, vel Præscriptis verbis *arg. l. 1. §. 1. ff. commodati. L. si gratiam. 17. ff. de prescript. verb.* hinc enim plus non probatur, quàm quod Habitatio etiam commodari possit, ità ut quis non iure servitutis, sed iure facultatis ex contractu inhabitet.

Equè parùm altercari necesse est cum Donello, volente hanc servitutem non distingui specie ab usu, & usufructu. Huic enim divisioni contradicit lex 13. C. de usufructu. ubi claris verbis ponuntur differentiæ huius servitutis à servitute usûs, & usufructûs, de quibus jam dicitur. Itaque

QUÆRITUR 1. In quibusnam cum usu, & usufructu conveniat Habitatio : quandoquidem, ut vidimus, usûs etiam, & usufructus in ædibus constitui possit. R. 1. Sicut usufructus, & usûs constitui potest tam inter vivos, quàm ultimâ voluntate, ità & Habitatio. Secundò, sicut in prioribus, ità & hic cautio præstanda est. Terciò Habitatio non transit ad hæredes §. penult. J. de usufr. l. 10. §. utrum. ff. de usu & Habit.

148. QUÆRITUR 2. In quibus differant. R. 1. Habitatio in solis ædibus esse

potest : usûs, & usufructus etiam in alijs. 2. Habitatio seorsum locari potest ab eo, qui servitutem Habitationis habet, usûs ædium non potest. *L. cum antiquitas cit.* 3. Usûs, & usufructus non utendo, & capitis diminutione amittuntur, Habitatio non item. *L. si habitatio. 10. pr. ff. h. t.* in qua lege etiam clarè supponitur contra Donellum, quod sint servitutes specie distinctæ. [ Si habitatio legetur, an perinde sit NB. atque si usûs, quaritur : & effectû quidem idem penè esse legatum usûs, & habitationis, & Papinianus consensit. Denique donare non poterit, sed eas personas recipiet, quas & Usuarii, ad hæredem tamen nec ipsa transit, nec non utendo amittitur, nec capitis diminutione. ] Ratio cur non amittatur non usu (sicut aliæ servitutes, ut dicemus agentes de Præscrip.) est, quia sic alteri constituitur, ut habitet, quoties ipsi commodum, & quamdiu commodum fuerit : potest autem contingere, ut modò commodum sit, modò non : unde in hac servitute toties dies cedit, quoties habitare commodum est, licet ante non habitaverit. Ratio, cur non capitis diminutione amittatur, est, quia sicut legatum alimentorum, ità nec hanc servitutem voluerunt leges alligare statui personæ.

## CONTROVERSIA III.

*Circa Servitutes Prædiorum, tam Urbanorum, quàm Rusticorum, in genere, & in specie.*

### SUMMARYM.

Quæ sit Servitus Prædialis. 149.

Duo prædia requiruntur, aliud dominans, aliud serviens. 150.

Dividitur in Rusticam & Urbanam Servitutem. 151.

Vndenam hæ denominationes desumantur. 152.

Cur ager inferior non serviat superiori recipiendo aequam. 155.

Servitutes prædiales habent causam perpetuam, etsi non actum perpetuum. 156.

An Servitus possit constitui in prædio non vicino. 158.

Servitutes Urbane in tres Classes distribuuntur. 159.

Servitus Tigni immittendi. 160.

Quomodo resistere liceat volenti tignum absque constituta servitute immittere. eod.

An si passus sum absque conventione immitti tignum, Ius quæsum sit immittendi alia in aliam partem parietis. 161.

Servitus projiciendi & protegendi. 162.

Servitus oneris ferendi. 163.

Tempore, quo paries reficitur, sulsura oneris ad prædium dominans spectat. 164.

Servitus altius tollendi. 165.

An possit dici constituta per modum necessitatis. 166.

An

*An possit constitui ad modum facultatis.* 167.  
*Per se loquendo, cuius licet alius tollere casibus quibusdam exceptis.* 168.  
*Servitus alius non tollendi.* 169.  
*Servitus ne luminibus officiatur.* 170.  
*Servitus luminum.* eod.  
*Servitus Prospectus, ne ei officiatur.* 171.  
*Servitus Stillicidii avertendi.* 172.  
*Quomodo Stillicidium variari possit.* 173.  
*An differat à servitute fluminis avertendi.* 174.  
*Servitus Stillicidii non avertendi.* eod.  
*Ad Dominum prædii servientis spectat, ut suis impensis reficiat canales & regulas ex quibus Stillicidium cadit.* 175  
*Servitus Cloacæ.* 176.  
*Servitus Itineris.* 178.  
*Servitus Actus.* 179.  
*Ab actu potest abesse ius vehiculum ducendi.* 181.  
*Servitus viæ.* 182.  
*Quomodo differat viæ ab actu.* 183.  
*Servitus viæ, actus, itineris, non multiplicantur secundum fundorum servientium numerum.* 184.  
*Servitus aqueductus.* 185.  
*An vi aqueductus constitui possit rivus deprimi vel allevari.* 185.  
*Postquam aqua deducta est, an liceat ulterius dirigere.* 186.  
*Aucto per alluvionem prædio dominante non crescit servitus.* 187.  
*An, si aqua necdum appareat, possit aqua ductus, vel iter acquiri.* 188.  
*Non est de ratione aqueductus, ut aqua per alienum fundum ducatur.* 189.  
*Aqueductus ultra Confessoriam defenditur interditiis variis.* 190.  
*Ad aqueductum revocari potest ius aqua derivanda, ius aqua non intercidenda.* 192.  
*Servitus aqua haustis.* 193.  
*Si Dominus ad fontem iret, sed aquam non hauriret, an amitteret iter.* 194.  
*Servitus pascendi pecoris.* 195.  
*Non licet uti pecoribus morbo contagioso affectis.* 196.  
*Domino prædii servientis non licet servitutem deteriorare facere.* 197.  
*Tot sunt huiusmodi servitutes, quot fundi dominantis.* 198.  
*Servitus cretæ eximenda.* 199.

## §. I.

*Natura & Divisio Servitutum Prædialium explicatur.*

149. Servitus Prædialis illa dicitur, quam unum prædium debet præstare alteri prædio ad diversum Dominum spectanti. Hinc si prædium A. hodie serviens prædio meo B. cras meum fieret iure domini, confunderetur servitus cum proprietate, sed cum aliqua suspensio-

ne, nempe si illud ipsum prædium iterum iure domini ad alium perveniret, servitus revivisceret, & in pristinum statum restitueretur. *L. Si ei. 9. ff. communia præd.* [Si ei, cuius prædium mihi serviebat, hæres extitit, & eam hæreditatem tibi vendidi, restitui in pristinum statum servitus debet: quia id agitur, ut quasi tu hæres videaris extitisse.]

150. Duo ergo prædia ad hanc servitutem requiruntur, unum cui debetur servitus, & vocatur Prædium dominans, alterum quod servitutem debet, & vocatur serviens. Et hæc ratio est, quare hæc servitutes dicantur Reales ad discrimen Personalium, quia nimirum Rei, hoc est, prædio, non personæ inhaerent, nec sunt ullius vitæ alligatæ, sed comitantur prædium dominans ad quemcunque pervenerit, quia non prædio propter hominem, sed homini propter prædium debentur: unde eleganter in *lege 31. §. ult. ff. de negotiis gest.* scriptum est, sententiam prædio dari, cum de servitute reali controversia est.

151. Servitus Prædialis dividitur in Rusticam, & Urbanam, quæ denominatione desumpta est ex diversitate prædiorum. Prædium enim aliud est Rusticum aliud Urbanum. Rusticum non inde dicitur, quodd ruri, nec Urbanum, quodd in Vrbe constitutum sit: nam etiam in Civitate, & Oppido potest haberi rusticum prædium, & extra Urbem ruri potest haberi prædium urbanum (quidquid olim Neratius IC. senserit contra Vlpianum in quibus conciliandis frustra laborari censet V Vaizenegger) sed Urbanum prædium illud dicitur, quod principaliter ad habitandum, vel etiam lucrui aut voluptatis causâ exstructum est, & ideo vocatur: *Eder:* inter quæ etiam numerantur stabula meritoria, pro recipiendis mercede tam equis, quam hospitiis: *L. Urbana. 198. ff. de V. S.* quæ sic habet. [Urbanæ prædia omnia ædificia accipimus, non solum ea, quæ sunt in Oppidis, sed & si foris stabula sunt, vel meritoria in villis, & in vicis, vel si prætoria voluptati tantum deservientia: quia Urbanum prædium non locus facit, sed materia. Proinde horti quoque, si qui sunt in ædificiis constituti, dicendum sit Urbanorum appellatione contineri. Planè si plurimum horti in reditu sunt, vinearii foris, vel etiam olitorii: magis hæc non sunt urbana.]

152. Rusticum prædium est, quod principaliter exstructum est, ut præbeat usum rusticum in conservandis fructibus, assertandis pecoribus, ut stabula, granaria, horti olitorii, horrea separatim exstantia (nam alioquin accessoria prædiorum urbanorum sequuntur principale) vocanturque communi nomine *Fundi*.

153. Quæstio est inter Iure Consultos, vndenam servitus denominetur rustica vel urbana, an à prædio dominante, an à serviente, vel denique à natura, & conditione ipsius servitutis. Communis opinio est, denominationem desu-



nisi à prædio dominante: tamen enim, ut videmus, sint certæ species servitutum vrbānarum, & certæ rusticarum, quia scilicet ex natura sua exigunt & solent communiter ac per se tali prædio in specie deberi: v. g. servitus altitudinis non tollendi dicitur servitus vrbāna, quia communiter ex natura rei deberi solet prædio urbano, econtra servitus itineris, aquæ ductus, &c. sunt servitutes rusticæ, quia communiter rusticis prædiis debentur: si tamen per accidens fieret, ut ordo ille inverteretur, tunc servitus ex specie sua vrbāna dici deberet rustica, & econtra: sicut Clericus licet ex ratione specifica vitæ, quam exterius proficitur, vocetur persona sacra, per accidens tamen quandoque dici potest homo profanus.

154. Mihi tamen magis placet sententia Antonii Fabri, & V Vaizeneggeri, denominationem desumi ex natura servitutis, hoc est, non ex eo, quod hic & nunc debeat talis prædio, sed ex eo, quod ex natura sua soleat tali generi prædiorum deberi: alioquin dicendum esset, quod privilegia, quæ conceduntur servitutibus urbanorum prædiorum, ut, quod non amittantur solo non usu *L. 6. ff. de Servit. præd. vrbān.* etiam competitura esse itineri, ut cui, viæ, si hæc deberentur prædio vrbāno, quod nemo facile concesserit.

Servitus Prædialis in genere definitur communiter ex Bartolo: Jus quoddam prædio inhærens, ipsius utilitatem respiciens, & libertatem seu ius alterius diminuens.

155. Obijcies 1. Ex Corasio, *L. 7. fundo 19. ff. de servit.* ubi non requiritur utilitas Servitutis. Ad hoc tamen jam supra responsum est, & locus iste cum alio contrarium asserente conciliatus. *cap. 2. contr. 1. m. 3.*

Obijc. 2. Tota definitio videtur convenire agro inferiori qui servit superiori recipiendo aquam defluentem: atqui hæc non est Servitus ex illis de quibus hic agitur. Ad hoc acutè responderet V Vaizenegger, negando quod inferioris agri libertas minuatur excipiendo aquam ex superiore naturaliter defluentem: quia nunquam habuit facultatem respuendi fluxum aquæ, sed huic oneri à natura subiectus est: ergo definitio non convenit.

156. Servitutes prædiales debere habere causam perpetuam, quamvis actum perpetuum non habeant, traditur in *L. 28. ff. de serv. præd. vrbān.* in qua tamen lege intelligenda difficultatem ingerit ipsa lex excludens aliquid à ratione servitutis ex defectu causæ perpetuæ, cum quo tamen aliquæ servitutes similitudinem habent. Lex ita habet. [Foramen in imo pariete conclusis vel trichinii, quod esset proluendi pavimenti causa, id neque flumen esse, neque tempore acquiri placuit: hoc ita verum est, si in eam locum nihil ex cælo aquæ veniat: neque enim perpetuam causam habet, quod manu fit: at quod è cælo cadit, etsi non assidue sit, & ideo perpetuò fieri existimatur. Omnes autem Ser-

vitutes prædiorum perpetuas causas habere debent, & ideo neque ex lacu, neque ex stagno concedi aquæ ductus potest.

Contra illud de Foramine obijcitur, quia potest constitui Servitus & Jus immittendi fumum. *L. sicut. §. Aristo. ff. si servit. vind.* ubi dicitur, ex taberna calearia fumum in superiora ædificia jure non posse immitti, nisi rei servitus talis admittatur. atqui hic etiam non apparet causa perpetua, quia sicut aqua manu injicitur pavimento, ita ignis injicitur fornaci, & manum desiderat. Respondet Donellus, hic spectari non tam ignem, quam ædificium, aut ædificii partem, quæ ad ignem habendum parata sit. Hæc autem perpetua est, & ad ignem accipendum perpetuò parata.

Simili modo & ex eodem fundamento existimo defendi posse servitutem Temonis immittendi, quam habent aliqui horti vicinissimi horreo alterius, in quo collocantur currus: debent enim in suo pariete pati foramina recipiendis temonibus curruum, qui alioquin collocari non possent, nisi temones per parietem promoverentur. hujus, inquam servitutis causa etiam perpetua est, nempe horreum principaliter ad hoc ædificatum, ut fructus singulis annis inferantur.

157. Contra ultimum de aquæ ductus servitute non constituendū in lacu aut stagno, obijcitur: hinc sequi, quod nec servitus navigandi posset lacui imponi, cuius oppositum habetur *L. via. §. 1. ff. de Servit. præd. rust.* ibi. Si lacus perpetuus in fundo tuo est, navigandi quoque Servitus, ut perveniat ad fundum vicinum imponi potest. Si ergo aqua stagnorum & lacuum, non censetur causa perpetua ad constituendum aquæ ductum, non erit etiam perpetua ad ferendam navigim. & Negando paritatem: nam aquæ ductu exhauriretur lacus, navigando non exhauritur, & quia ex natura rei vel torrentibus vel aliis scaturiginibus nunquam destituuntur aquæ sufficiente ad navigandum. Quodsi constaret, nunquam etiam defecturam ad aquæ ductum, nihil etiam obstat, quominus hæc servitus imponi posset, quia lex foramen 28. loquitur de lacu exsicabili per aquæ ductum.

158. QUÆRITUR, Utrum servitus constitui possit in alterius prædio non vicino, eò quod mediet aliud prædium. & Breviter, possibile constitui, si per intermedium prædium utilitas Servitutis non impediatur *L. 17. §. fin. ff. de aqua plu. arcenda.* ubi hujus rei exempla habentur, his verbis. [Sed si fundus medius alterius inter me & te intercedit, haustus servitutem fundo tuo imponere poterò, si mihi medius dominus iter ad transeundum cesserit, quemadmodum si ex flumine publico perenni haustu velim uti, cui flumini ager tuus proximus sit, iter mihi ad flumen cedi potest.] Leges quæ obijci possunt,

possent, loquuntur de casu quo utilitas Servitutis impeditur per interjectum prædium, hujusmodi est lex. §. ff. de servit. præd. rust. ubi dicitur, *nec appulsus, nec creta eximenda calcisque coquende ius posse in alieno esse, nisi fundum vicinum habeat.*

## §. II.

### De Servitutibus Prædiorum Urbanorum.

159. Servitutes has Hugo Donellus in tres Classes distribuit: in prima sunt quæ ædium dilatandarum causâ parantur, & sunt quatuor. 1. Jus tigni immittendi. 2. Jus projiciendi. 3. Jus protegendi. 4. Jus oneris ferendi. In secunda classe sunt, quæ propter commoditates interiores ædium habentur & retinentur, & iterum sunt. 4. 1. Ius altius tollendi. 2. Ius luminum. 3. Ius prospectus. 4. Ius onerum ab ædibus avertendorum. In tertia classe sunt, quæ ædium nostrarum exornandarum causâ constituantur, & sunt tria. 1. Ius stillicidii, & fluminis avertendi. 2. Ius cloacæ immittendæ. 3. Ius fumi immittendi. Præter hæc lura prædiorum sunt quedam alia minus nominata, & ideo minus curanda, ac pro locorum consuetudine judicanda.

#### Servitus Tigni immittendi.

160. Definitur: Jus quo quis ex ædibus suis in parietem vicini tignum ita potest immittere, ut in utriusque prædio requiescat. Tigni nomine veniunt hæc trabes præcipue: reductivæ tamen etiam oblongi lapides qui immitti possunt, imò & concamerationes, seu arcus insistentes duobus muris.

QUÆRITUR 1. Quomodo resistere liceat volenti tignum absque servitute constituta immittere. R. Etsi optimum & securissimum sit actio negatoria apud Iudicem rem expedire, simpliciter tamen jure possessionis potest tignum propria auctoritate tollere & intercideri: neque hoc casu conferetur sibi propriâ auctoritate jus dicere, sed possessionem defendere, ut pluribus dicitur cap. seq. de Jure Possessionis. interim vid. *L. quemadmodum 29. §. 1. ff. ad leg. Aquiliam.*

161. QUÆRITUR 2. Utrum, si passus sim, absque expressa conventionem immittere te tigna in parietem meum, hoc ipso jus acquisiveris immittendi nova alia tigna in aliam partem ejusdem parietis. R. Negative, & hunc esse sensum censeo legis 14. ff. si Servitus venditur. ibi. *Si cum meus proprius esset paries, passus sim te immittere ligna quæ antea habueris; si nova velis immittere, prohiberi à me potes, imò etiam agere tecum potero, ut ea, quæ nova immiseris, tollas.* Scio variè hæc legem intelligi: sed mihi videtur sen-

sus hic esse: si tu per patientiam meam acquisivisti jus tigni immittendi, & deinde tigna immissa velis renovare, & insuper alia in aliam partem ejusdem parietis immittere, possum hanc extensionem prohibere. Aliud esset, si servitus immittendi tigni expressè constituta esset, sed indefinite, hoc est, non declarando numerum tignorum, tunc enim præsumeretur esse constitutum jus immittendi, quotquot placuerit. sibi enim impuret, qui potuisset clarioribus verbis uti.

162. Quod hoc loco aliqui IC. disputant, utrum Socius possit immittere tignum in parietem communem, est meo judicio impertinens, cum certum sit, hoc eum non posse jure servitutis, quia res sua nemini servit. An jure communione seu Societatis possit, pender ex eo, an talis paries ad hunc usum comparatus, & ad sustinenda onera destinatus fuerit. *L. cum duobus 52. §. item Metla. 13. ff. pro Socio.* ibi. *Si vicini Semipedes inter se consulerunt, ut ubi craticum parietem inter se edificarent ad onera utriusque sustinenda: deinde edificato pariete alter in eum imitti non patitur, pro socio agendum.* Nunc reliquas servitutes referamus.

#### Servitus Projiciendi, & Protegendi.

NON accipitur hodie, ut antiquitus, pro jure projiciendi aquam & similia, in eam viciniam, sed pro jure projiciendi ædificium extra parietes, ut tamen non quiescat in alieno, dicunturque hujusmodi ædificia maniæia seu podia, ut existentes intra domum possint liberius circumspicere; non autem possunt jure libertatis, sed solo jure Servitutis fieri supra solum alienum, quia cælum supra solum liberum esse debet. *l. 1. ff. de servit. præd. urb. Si intercedat solum publicum, vel via publica, neque iuteris, actusvè, neque aliis tollendi servitus impedit, sed immittendi, protegendi, prohibendi (vulgò projiciendi) item fluminum & stillicidiorum Servitutum impedit, quia cælum quod supra id solum intercedit, liberum esse debet.* Ex qua legè inferunt aliqui, servitutum projiciendi & protegendi nihil inter se differre: aliqui tamen cum VVtesenbecio volunt, Projiciendum & Protectum differre tanquam genus & speciem, adeoque Protectum specificè esse protectionem rectè ad defendendos à pluviiis parietes, vel à nimio lumine fenestras, vocanturque suggestundia.

#### Servitus oneris ferendi.

163. Est jus quo columna vel paries onera vicini ædificii sustinere tenetur. arg. *L. eum habere. 33. ff. h. t.* Differt autem hæc servitus à servitute tigni immittendi, quod servitus oneris ferendi non solum datur ad sustinendum onera in pariete, sed insuper ad procurandam perpetuitatem illius parietis: unde fit, dominum prædii servientis obligatum esse ad reficiendum parietem, ut habetur in lege 33. cit. ubi Paulus ait:

Eum

*Eum debere columnam restituere, quæ onus vicinarum ædium ferebat, cuius essent ædes, quæ servirent, non eum qui imponere vellet.* Clariùs id expressit Vlpianus in l. 6. §. etiam de servitute. ff. si servitus vind. ubi relatâ dissensione veterum JCrorum ostendit, huic servituti hoc speciale esse, ut dominum servientis prædii obliget etiam ad agendum. [Etiam de Servitute, quæ oneris ferendi causâ imposita erit, actio nobis competit: ut & onera ferat, & ædificia reficiat ad eum modum, qui servitute impositâ comprehensus est. & Galus putat, non posse itâ servitutem imponi, ut quis facere aliquid cogeretur, sed ne me facere prohiberet, nam in omnibus servitutibus refectio ad eum pertinet, qui sibi servitutem asserit, non ad eum cujus res servit: sed evaluit Servii sententia in proposita specie: ut possit quis defendere, jus sibi esse cogere adversarium reficere parietem ad onera sustinenda.]

164. Illud tamen hic addendum est, eo tempore quo paries reficitur aut reparatur, sustenturam oneris quod ferendum est, ad dominum prædii dominantis spectare, nisi malit interim onus deponere ne corrumpat, & inferiori ædificio noceat. Itâ habetur l. 8. pr. ff. si servit. vind. [Sicut autem refectio parietis ad vicinum pertinet, ita sustentura ædificiorum vicini, cui servitus debetur, quandiu paries reficitur, ad inferiorem vicinum non debet pertinere; nam si non vult superior fulcire, deponat; & restituet, cum paries fuerit restitutus. & hic quoque, sicut in cæteris servitutibus actio contraria (nempe negatoria) dabitur, hoc est, ius tibi non esse me cogere.]

#### *Servitus altiùs tollendi.*

165. DE hac servitute exstat lex 2. h. t. *Urbanorum prediorum iura talia sunt: altiùs tollendi & officiendi luminibus vicini, aut non extollendi, &c.* Priusquam illius definitio detur, videndum est, quo sensu huiusmodi servitus constituta possit intelligi: est enim in hoc puncto summa dissensio DD. Imprimis ergo quaeritur, an possit hac servitus dici constituta per modum necessitatis, hoc est, ut vicinus cogatur & necessitetur, ædes suas in commodum nostrum altiùs tollere, v. g. ad avertendum impetum ventorum, ad arcendam nimiam lucem, vel ad majorem calorem ex reflexione communicandum, &c. Negant hoc Corasius, VVaizeneg. Bacchovius, & alii. Fundamentum negandi est, quodd, exceptâ servitute oneris ferendi, ut diximus, nulla servitus ed tendat, ut alter cujus prædium servit, aliquid faciat, sed solum ut patiatur, aut non agat: atqui in posita specie cogeretur agere.

166. Affirmant probabiliùs Capolla, Schneidewein, Oldendorpius, Sichardus, Zæsius, Casp. Manzius, qui ad fundamentum contrarium rectè responder, in hoc puncto po-

tiores esse debere æquitatem, quàm Iuris subtilitatem. Nam ut Bacchovius animadvertit, & Cicero pro Muria testatur, nugas multas JCrî introduxerunt in Ius Civile, id est, meras subtilitates, & scrupulositates, à quibus vel coarctanei, vel alii recentiores JCrî, & legum latores postea recesserunt. Additque cit. Auctor, in praxi contrarium esse, nempe plures Iure servitutis cogi ad aliquid agendum in suo prædio vel ædibus, v. g. ad restaurandum pontem: & si quis in foro negaret huiusmodi servitutes imponi posse, cum risu exploderetur. Infra etiam dicemus, huiusmodi servitutem esse: *stillicidium avertendi.*

167. QUÆRITUR 2. An possit hac servitus constitui ad modum facultatis, hoc est, an Iure servitutis possit mihi competere potestas altiùs tollendi cum aliquo incommodo vicini, cujus proinde prædium dicitur servire: Rationis dubitandum est: quia quod quis potest facere Iure naturalis libertatis, hoc non potest dici facere Iure servitutis, seu Iure ab alio constituto & concessio: quod enim convenit independenter ab alterius consensu, quid opus est ex ipsius consensu convenire? atqui Iure naturalis libertatis cuius licet ædes suas altiùs tollere, quantum voluerit. l. 8. C. de servit. & ag. Ob hanc difficultatem Bacchovius hanc servitutem itâ intellexit, ut eam penitus sustulerit, & cum opposita, nempe, non altiùs tollendi, confuderit: cum alii omnes eas ab invicem distinguant. Et quidem

168. Ad fundamentum contrarium Respondetur, per se & regulariter loquendo verum esse, quodd cuius liceat altiùs tollere, esse tamen casus exceptos, nempe ob varia vicinorum commoda in plurimis locis exstant utilia statuta, quibus certus altitudinis terminus præscribitur, & tale statutum Florentiis esse testatur Accursius, & de multis civitatibus Bavariz, & Vratislaviz testatur Gail 2. Ob. 69. n. 16. Tali ergo statuto posito jam est sublata illa naturalis libertas, quæ est conditionata, *quandiu contrarium statutum non fuerit*: sicut est libertas venandi, piscandi, &c. sublata ergo sic libertate, potest vicinus (nisi boni publici causâ modus tollendi præscriptus sit) sibi hanc servitutem stipulari, ut liceat altiùs tollere cum aliquo illius incommodo. Similiter exstat lex ultima, §. ult. C. de servit. & ag. quâ non licet, contra naturalem aliquam libertatem, juxta aream vicini, in quâ frumenta teruntur, & exprimuntur, cuique in suo ædificare, quo necessarium ventum ad eum ulum infringat. Itaq; insistendo communi sententiæ,

Servitus altiùs tollendi per modum necessitatis constituta, est jus cogendi vicinum, ad ædes altiùs tollendas. Altera verò, quæ per modum facultatis, est Ius, quo vicinus, non Iure libertatis, sed Iure à vicino concessio, ædes suas altiùs tollere potest.

*Servitus*

*Servitus aliis non tollendi.*

169. **E**st Ius, quo vicinus ultra modum altitudinis certum, conventionis præscriptum, ædes suas invito vicino tollere prohibetur. *L. 8. C. de servit. & ag. & l. 21. 24. ff. h. t.* Hac servitute constituta non impeditur quis viridaria supra illam præscriptam altitudinem ponere. *L. 12. ff. h. t.* Imò & arborem, quæ altitudine excedat. *L. 7. eod.* Nam hæc non veniunt nomine ædificiorum. Neque refert, quòd per hujuscemodi luminibus officiat, non minùs, quàm ædificio: non enim hoc principaliter intenditur per hanc servitutem, sed per aliam de qua mox.

*Servitus, ne luminibus officiat.*

170. **E**st Ius, quo vicinus lumen è cælo veniens convicino adimere, & obscurius facere prohibetur. *L. 4. & 16. ff. h. t.* quâ servitute illud ampliùs, quàm in priore, consequimur, ut nihil penitus vicino facere, seu in alto collocare liceat, quo lumen cæli impediri possit. Imò contra hoc Ius peccaret, qui patietem auferret, ex quo per repercussionem, seu reflexionem lumen in ædes vicini devolvebatur, sicut lumen minueretur: sed non ille peccaret, qui auferret aliquid, quo ablato plus luminis incideret in dominantis ædes, quia hoc non esset officere luminibus, sed promovere.

*Servitus Luminum.*

**E**st Ius, quo vicinus lumina nostra excipere, & præstare teneretur, quatenus ædibus nostris necessaria sunt. *L. 4. ff. h. t.* Vnde hac servitute non prohibetur simpliciter altiùs tollere, modò foramen apertum habeat, per quod lumen sufficiens ingrediatur, & ad ædes vicini perveniat.

*Servitus Prospektus, ne ei officiat.*

171. **E**st Ius, quo ita nobis licet in patentia, & oportet loca ex inferioribus & superioribus locis quaqua versum liberrimè, ac longissimè prospicere, ut Domino prædii servientis non liceat aliquid facere, quo vel aspectum cæli, vel prospectum gratiorem in viridaria, campum, aliaque loca amena auferat. *L. inter servientes. ff. h. t.* Ceterum nil impedit, quòd minùs possit ex conventionem hæc servitus esse restricta ad certum spatium, ut prospectui non officiat versus talem horizontis partem, &c.

*Servitus Stillicidii avertendi.*

172. **E**st Ius, quo vicinus aquam pluviam à tecto suo in tectum vel aream vicini avertere & derivare potest. *L. 2. h. t.* Neque enim Iure libertatis hoc liceret. *L. 8. §. Aristo. ff. Sifervius vindic. ibi. ex superiore in inferiora non aquam non quid aliud immitti licet.* Quod si vicinus absque constituta servitute id faceret, compelli pos-

set, ad immitteudos juxta tectum suum canales, per quos aqua pluvia, vel in plateam publicam, vel in suam aream defluat.

173. In lege 20. §. 5. habetur, quomodo stillicidium variatè possit aut non possit. Stillicidium, quoquo modo acquisitum sit, altiùs tolli potest: levior enim fit eo factò servitus: cum, quòd ex alto cadet, leniùs, & interdum direptum cadat, nec perveniat ad locum servientem. Inferiùs demitti non potest; quia fit gravior servitus: id est, pro stillicidio flumen. Eadem ex causa retroduci potest stillicidium, quia in nostro magis incipit cadere: produci non potest, ne alio loco cadat stillicidium, quàm in quo posita servitus est. Leniùs facere poterimus, acutiùs non. Et statim subiungitur regula generalis: [Meliozem vicini conditionem fieri posse: deteriotem non posse, nisi aliquid nominatim in servitute imponenda immutatum fuerit.]

Servitus hæc non censetur præcisè acquisita superfici, sed solo. nam destructo ædificio, potest ædificium in eadem qualitate, cum eodem servitutis Iure reponi. Ut tradunt communiter DD. in *L. 20. §. 2. ff. h. t.* [Si sublatum sit ædificium, ex quo stillicidium cadit, ut eadem specie & qualitate reponatur: utilitas exigit, ut idem intelligatur.]

174. Controvertitur, utrum ab hac servitute differat, Servitus fluminis avertendi: & eas differre non pauci volunt, atque hoc discrimen constituunt, quòd stillicidium ex alto, & guttatim cadat, flumen verò, vel ex alto per canales collectà aquâ pluvia, vel ex inferiore loco, cum impetu irruat in aream vicini. Alii tamen negant hoc sufficere ad constituendas diversas servitudes. Questio est, & lis nullius momenti; & ideo negligenda, cum sit potiùs questio nominis quàm rei.

Servituti hæc tenus explicatè opponitur servitus stillicidii non avertendi: nimirum: Ius quo quis vicino necessitatem imponit, stillicidium suum non avertendi aliò quàm in aream prædii dominantis. Non malè diceretur: *Ius recipiendi stillicidii vicini in aream suam.* In qua servitute iterum apparet, non esse universum verum, quòd non detur servitus prædiorum ad aliquid agendum: reverà enim hac servitute id agitur, ut vicinus cogatur dirigere stillicidium in aream vicini, ob varias commoditates.

Utilitas autem multiplex esse potest, v. g. si ædium dominantium cisterna implenda est, hortus, aut viridaria irriganda, cloaca eluenda, &c. Quibus sæpè aqua ex proprio tecto cadens non sufficit.

175. Hinc planè videntur rectè colligere Cypolla, & Schneidewein (contradicente licet VVaizengger) quòd ad Dominum prædii servientis spectet, ut suis impensis reficiat canales, & tegulas ex quibus stillicidium cadit. Cum enim à principio ita constitutum sit, ut stillicidium



aliud non avertatur, profectio ne aliud avertatur destructione canalium, cavere debet, qui servitutem sibi impositam habet, nec ad hoc constituendum opus erit alio iure, sed sufficit barparias cum servitute oneris ferendi, cui, annexa est obligatio reparandi parietem, aut columnam, ut dictum est.

#### *Servitus Cloacæ.*

176. **E**st Ius immittendi cloacam, hoc est meatum subterraneum, in ædes, ateam, agrum, vel solum vicini, ad sordes evehendas. de qua est l. 7. ff. de servit. ibi *Ius cloacæ mittenda servitus est.* Numeratur quidem inter servitudes rusticæ l. 2. ff. de ser. præd. rust. sed sensus est, quod propter incidentem usum possit etiam rusticis prædiis imponi, sicut etiam servitus altius tollendi, protectum habendi, quæ ibidem numerantur, cum tamen certum sit, ex natura rei esse servitudes Urbanas, eò quod finis earum in urbanis prædiis maximè, & per se locum habeat. Exstat in Digestis Specialis titulus de Cloacis, ubi tale Edictum prætoris ponitur. Prætor ait: *Quominus illi cloacum, quæ ex ædibus ejus in tuas pertinet (hoc est, dirigitur, extenditur, pervenit, ut exponitur l. 1. §. 10) quâ de agitur, purgare rescire liceat: vim fieri veto: damni infestis, quod operis vitio factum sit, cavere jubebo.* Quo edicto datur Domino facultas intrandi ædes vicini, aperiendi pavementum cloacæ, eamque purgandi: ita tamen ut cautionem damni infecti præstare cogatur.

### **§. III.**

#### *De Servitutibus Prædiorum Rusticorum.*

177. **S**equentes enumerantur. 1. Iter. 2. Actus. 3. Via. 4. Aquæ ductus. 5. Jus aquæ educendæ. 6. Aquæ haustus. 7. Pecotis ad aquam impulsus. 8. Ius pascendi. 9. Calcis coquendæ. 10. Arenæ fodiendæ. 11. Cretæ, vel lapidis eximendi. 12. Ius navigandi per lacum vicini. 13. Ius temonis immittendi, de quo jam supra dictum.

#### *Servitus Itineris.*

178. **E**st Ius eundi ambulandi hominis, non per fundum alterius. l. 1. h. t. Ire autem non tantum dicitur, qui pedes incedit, sed etiam qui equitat, sellâ aut lecticâ vehitur. l. 7. l. 12. h. t. Iumentum tamen agere, vel vehiculum non licet. *ibid.* quod intellige de modo communi quo jumenta agi solent: nam ex equo descendere, eumque manu ducere utique licet, quidquid abnuat Harpprecht, quia tunc adhibetur equus principatiter itineris faciendi gratiâ, non oneris ferendi gratiâ agitur, ut cum jumenta onusta incedunt.

Si iter, in ipsa servitutis constitutione, ita designatum est, ut in certa parte fundi definietur, extra illam non licet ire, quia conventioni standum est. §. 1. ff. de pacis. Si verò indefinitè, & sine ulla determinatione constituta sit, tunc eligenda est quædam pars fundi determinata per quam eatur. l. 13. §. si totus. ff. h. t. ibi. *Et iter actusve sine ulla determinatione legatus est, modo determinabitur, & quâ primum iter determinatum est, eâ servitus constituitur: cetera partes agri libera sunt.* Dissentiunt quidam Icti, ad quem spectet electio, & designatio, alii volunt ad dominum prædii dominantis, alii ad Dominum prædii servientis spectare: verum mihi videtur observandus textus §. relati, ubi statim subiungitur: *igitur arbitri dandus est, qui determinare debet.* Quod intelligo: nisi ipsimet inter se facile convenire possint.

#### *Servitus Actûs.*

179. **E**st Ius agendi, vel jumentum, vel vehiculum. l. 1. ff. h. t. ubi additur: *itaque qui habet iter, actum non habet, qui habet actum, & iter habet, eoque uti potest etiam sine jumento.* Agere hic ille dicitur, qui cogit aliquid, ut procedat, quod in brutis, & vehiculis contingit, quæ non procedunt, nisi operâ, & directione hominum promoveantur. l. 135. ff. de V. S.

180. Contra id tamen quod ex communione DD. (solum Fabro contradicente) & ex recitato textu (ad quem Faber aliud respondere non potuit, quàm dicendo, illas particulas: *etiam sine jumento*: ab aliquo imperio adjectas esse) dictum est, nempe servituti actûs inesse iter, obijcitur 1. ex l. loci 4. §. 1. ff. si servit. vindic. *Qui iter sine actû, vel actum sine itinere habet, actione de servitute utitur.* ubi manifestè supponitur, actum sine itinere esse posse. Ad hoc respondent Bacchovius, Harpprecht, & ante hos P. Molina tr. 2. d. 780. n. 3. posse utique speciali conventionione has servitudes ab invicem separari non sine utilitate, cum longè frequentior causa sit eundi, quàm agendi, & ideo quandoque facilius permittatur actus, quàm iter: ergo actus sine itinere constitui potest: si tamen exclusio non exprimitur, statum Iuri communi, & iter actui inest.

Obijcitur 2. ex L. si Mater. 11. §. si quis iter. 6. ff. de except. rei judic. ubi statuitur, exceptione rei judicatæ non submoveri eum, qui iter petiit, & succubuit, quin possit actum petere. Atqui esset planè submovendus, si ipse actus contineretur iter. textus sic habet. *Si quis iter petierit, deinde actum petat: puto fortius defendendum, aliud videri tunc petitum, aliud nunc: atque ideo exceptionem rei judicatæ cessare.* Ad hoc respondet P. Molina, suspicando, quod in illo casu quo loquitur textus, ex diversa causa, & titulo obveniret servitus actûs à præfata servitute itineris, circa quam damnatus antea fuit. Aliter respon-

respondent Cuicuius & Duarenus, iter aëui inesse tacite, ex consequentia, non Iure actus, non nominatim, & ideo cum, cui actus in specie constituitur est, iter per se vindicare non posse, sed solum actum: ut proinde mirum non sit, exceptionem rei iudicatæ non ob stare illi, qui volens iter vindicare succubuit. Si verba legis spectentur, admodum probabilis est interpretatio Forcatuli, in citato §. tractari de eo, qui non actione confessoriâ, sed personali egit, ut iter sibi constitueretur in certa fundi parte: & hunc actorem, si succubuerit, non prohiberi denuo actione experiri ad constituendum actum.

181. Quod dictum est, Actum esse Ius etiam vehiculum ducendi, non est ita universale, ut non possit abesse, v. g. ob angustiam spatii designari. *Lege 13. ff. de servit.* [Si tam angusti loci demonstratione factâ, via concessa fuerit, ut neque vehiculum, neque jumentum eâ inire possit, iter magis, quàm via aut actus acquisitus videbitur; sed si NB, jumentum eâ duci poterit, non etiam vehiculum, actus videbitur acquisitus.] Unde consequens est, etiam conventionem partium posse ab invicem separari: sed nisi expressè conventum fuerit, semper censentur conjuncta, si spatii latitudo patiatur. Pari ratione modus adjici potest: [veluti quo genere vehiculi agatur, vel non agatur: veluti ut equo duntaxat, vel ut certum pondus vehatur, vel grex ille transducatur, aut carbo portetur,] inquit Papin. in *lege 4. ff. de servit.* Sed quid si quis modum constitutum non servaverit, an servitutem hoc ipso amittet? Negativè. Sic enim respondet Marcellus *L. 11. ff. quemad. ser. amit.*

Latitudo Actus, sicut & itineris, arbitraria est & conventionalis. Iter plerumque ad duos pedes, Actus ad quatuor in portectum, ad octo in anfractum constituitur.

#### *Servitus Viæ.*

182. *Est Ius eundi, agendi, & ambulandi.* ita Vlp. in *l. 1. ff. h. t.* contra quam definitionem, quam vel corruptam vel mancã esse contendunt magni DD. obijciunt principaliter, quòd hac ratione Actus & Via non differrent, quòd tamen ipsis Juribus repugnat. Sequela patet ex dictis de Actu. Mihi, ut verum fatear, non est improbabilis conjectura Connani & Donelli, Gothofredi, VVolffii, Perezii, VVesenbergii, Manzii, quòd pro vocabulo: *Eundi*, legendum sit: *Vehundi*. quo vocabulo comprehenditur differentia Viæ ab Actu. & quidem Connanus ait, se hujus lectionis indicia in Codice veteri deprehendisse. Donellus etiam acutè observat, quòd ratio præcedentium definitionum Itineris & Actus hanc lectionem *Vehundi*, pro: *Eundi*: exigat. Nam Iter definitum est *Ius Eundi*: nempe quia dicitur ab *Eundo*. Actus *Ius agendi*. consequens ergo erat, ut *Via* diceretur *Ius Vehundi*.

quia via etiam dicitur à Vehundo, sicut actus ab agendo, iter ab eundo. Dicamus ergo: inquit *Viam esse Ius Vehundi, & agendi, & ambulandi: tum, ut cætera omnia, sic & superiora duo complecti. Vehi enim dicuntur omnia, quæ trahuntur, sive ea ferimus (ut hastam aut peticam etc.) sive agimus ante nos, sive ducimus nobiscum, sive post nos trahimus, v. g. tignum, lapidem, falces lignorum.* Ità Donellus, & reipsâ reliqui citati. Quia tamen juris correctio odiosa est, ideo definitio defendi potest dicendo, quòd sufficienter expressa sit differentia Viæ ab Actu, quatenus Actus definitur non per vocem *agendi* illimitatè & universalissimè sumptam, sed cum adjecta restrictione: *Jumentum vel vehiculum*: Via verò, nullâ factâ adjectione: unde & plerumque Ius trahendi lapidem aut trabem, ferendi hastam aut vexillum erectum (salvis tamen fructibus pendentibus) includit.

183. Differt Via ab actu 1. Quia Viam habet, Iter & Actum habet principaliter & nominatim, ità ut ex vi & natura viæ possit vel utrumque simul, vel separatim, aut uno verbo Viam vindicare, quæ in actu non verificantur, ut in præced. dictum est. 2. Ius agendi vehiculum, salvâ viæ substantiâ, abesse non potest, sicut ab actu, ut paulò antè dictum. potest tamen à via abesse Ius trahendi lignum aut lapidem, ut colligitur ex *l. 7.* ubi dicitur: *Qui viam habent, eundi agendique jus habent, plerique & trahendi quoque, & rectam hastam ferendi, si modò fructus non ledat.* Ex quibus verbis confirmatur, textum Definitionis non esse corruptum, alioquin & hic deberet scriptum esse, *Vehundi*; & non, *Eundi*. 3. Viæ latitudo ex *lege 12. tab.* in portectum octo pedes habet, in anfractum, nempe ubi flexus est, sexdecim. *l. 8. ff. h. t.* Quod si latitudo viæ demonstrata fuerit, sed locus tam angustus sit, ut jumentum quidem agi possit, non item vehiculum, non erit Via, sed Actus. Quod si nec jumentum agi potest, propter angustiam, nec actus nec via erit: *l. 13. ff. de servit.* cui legi accommodari debet *l. 23. ff. de serv. præd. rust.* quæ alioquin contraria videri posset, dum dicit, quòd sit Iter, & non via, si ob angustiam vehiculum ire non possit; subintelligendum enim est: *nec jumentum agi.* alioquin esset aperte contraria legi *13.* citatæ, quæ expressè dicit: *Sed si jumentum eâ duci poterit, non etiam vehiculum, Actus videbitur acquisitus.*

184. Servitus viæ (sidem cum proportionem de Itinere & Actu) non multiplicatur secundum fundorum servientium numerum *l. 18. ff. h. t.* Una est via, etsi per plures fundos imponatur, cum una servitus sit. Interest autem hoc nosse: nam si per unum fundum ivero, non verò per alium tanto tempore, quanto servitus non utendo amittitur, tunc nihilominus totam servitutem retinebo, ut habetur eadè *l. 18.* Multiplicatur autem servitus, si non solum sint plura prædia domi-

dominantia, sed etiam diversi eorum domini; unde sit ut si unus remitteret servitutem, non propterea ab altero liberaretur. *l. 32. ff. de serv. præd. nrb. paulo ante §. 1.*

### *Servitus Aquæ ductûs.*

185. **E**st ius aquæ ducendæ per fundum alienum *l. 1. ff. h. t.* Ex quocunque loco qui perpetuam aquam habet, servitus hæc constitui potest. *l. 9. ff. h. t.* Fistulas, tubulos, sive canales, rotas, machinas, si quæ adhibentur, ille reficere debet, cujus fundo servitus debetur, nam quoad hanc servitutem nulla est exceptio à regula generali, quod servitus non sit ad faciendum, sed ad patiendum aut non faciendum. *l. 15. ff. de servit.*

Dubium est, an quis vi aquæ ductûs constitui possit rivum deprimere vel allevare. rationem dubitandi faciunt leges in speciem contrariæ: nam *l. 11. ff. communia prædior. in pr.* hoc affirmatur: ibi. *sed & depreßurum, vel adlevaturum rivum per quem aquam iure duci potestatem habes, nisi si, ne id faceres cautum sit.* contra facit *lex 1. §. fin. ff. de rivis.* ibi. [Sed etsi eundem rivum deprimat, vel attollat, aut dilatet, vel extendat, vel operiat apertum vel contra, ego ceteros quidem impune prohiberi puto: at enim eum qui operiat apertum vel contra, enim non puto prohibendum, nisi si quam majorem utilitatem suam adversarius ostendat.] & in *l. 3. §. pen. ff. de itin. actuque priv. lic* habetur. *Respicere sic accipimus, ad pristinam formam iter & actum reducere: hoc est, ne quis dilatet, aut producat, aut deprimat aut exaggeret.* His iuribus pernotum Viglius *Meib. Jur. Civ. l. 8. c. 8. §. 5. Reg. 2.* suspicatur, legem *11. cit.* esse mendosam, quod credo.

186. Postquam aqua in prædium dominans deducta est, licet domino aquam ulterius in aliud locum dirigere, v. g. in commodum alicujus alterius vicini. *l. 1. §. 16. ff. de aqua quot. & æstiva.* neque enim prædii servienis interest hoc non fieri, dummodo in ejus fundo non faciam aliud rivum, nec alio modo illi noceatur: sicut is cui iter debetur, semel in suum fundum ingressus inde egredi potest quæ velit. Neq; dicas, quod servitutes ultra non constituantur, quàm quatenus ad usum certi fundi necessarium est. *l. 5. ff. h. t.* hoc enim totum servatur in casu posito: sicut qui usufructum aut usum habet, potest se genio suo fraudare in favorem alterius; multo magis aqua redundante, prout in servitute hac plerumque in fundo dominante redundat, & durum nimis esset, dominum obligari ad aquam aggeribus coercendam sine ullius comodo.

187. Si prædium dominans per alluvionem auctum fuerit, non propterea servitus cre-

scit, hoc est non propterea major aquæ mensura debetur: non enim modus prædiorum, sed servitus aquæ ducendæ terminum facit. *l. 12. C. de servit & aqua.*

Si partem fundi mei cui aqua debetur, tibi vendidero, aquæ divisio sit pro modo sive quantitate agri tibi alienati & à me retenti. *l. 25. ff. h. t.* ubi additur: [neque ibi aut bonitatis agri, aut usûs ejus aquæ ratio habenda est: ita ut eam solum partem fundi, quæ pretiosissima sit, aut maxime usum ejus aquæ desideret, jus ejus ducendæ sequatur: sed pro modo agri detenti aut alienati fiat ejus aquæ divisio.]

188. In *l. 10. ff. h. t.* solvitur dubium, utrum, si aqua nondum apparet, possit nihilominus aquæ ductûs vel itineris servitus acquiri. *Labo ait, talem servitutem constitui posse, ut aquam querere, & inventam ducere liceat.* Probat id à pari. [Nam si liceat nondum ædificato ædificio servitutem constituere, quare non æquè liceat nondum inventâ aquâ eandem constituere servitutem? & si, ut quærete liceat, cedere possumus, etiam ut inventa ducatur, cedi potest.]

189. Non est de ratione hujus Servitutis, ut aqua per alienum fundum ducatur. ponamus enim fundum meum ita vicinum esse fonti aut flumini privato, ut statim ex eo sine contactu alienæ glebæ aquam in meum fundum ducere possim, servitus consistet, quia sufficit flumen esse privatum, & ab eo tanquam ad alienum prædium spectante servitutum meo prædio deberi.

In *l. 35.* resolvitur alius casus, an si fons exaruit ad tempus, sed postea iterum ad suas venas aquamque rediit, servitus fuerit amissa? & respondetur, pristinum jus esse restituendum.

190. Pro defensione hujus Servitutis ultra actionem Confessoriam variis Interdictis succurritur illi qui ab illius usu impeditur. Primum est Interdictum de *Aqua quotidiana*, hoc est, ea, quæ quotidie ex proposito utentis, ex natura aquæ, & utilitate loci duci potest, etiam si non ducatur quotidie. utque hoc interdictum competat, satis est, si quis hoc anno, vel unicâ die aut nocte duxerit. *l. 1. ff. de aq. quot. & æst.* Ait Prætor. *Pro hoc anno aquam quæ de agitur, non vi, non clam, non precario ab illo duxisti, quo minus iuducas, vim fieri veto.* deinde *§. 4.* additur declaratio. *Quod autem scriptum est in Interdicto: uti hoc anno aquam duxisti. hoc est; non quotidie, sed hoc anno, vel unâ die, vel nocte.*

191. Alterum Interdictum est de *Aqua æstiva*, quæ non nisi æstate duci potest, vel quam natura loci non admittit nisi æstate, vel si quotidie quidem duci possit, ex proposito tamen utentis, vel ex conventione solum ducitur æstate: per hæc itaque differt aqua æstiva ab aqua quotidiana, de qua exstat Interdictum Prætoris. *l. 1. §. 29. de aq. quot. & æst.* *Priore æstate aquam*

quam quâ de agitur, nec vi, nec clam, nec precario ab illo duxisti, quominus ita ducas vim fieri veto. Quid si autem aliquis non duxit aquam priore ætate, sed hæc, quâ ei vis sit ne ducat; vel; quid si quis duxerit non in ætate sed in hyeme? Respondet Ictus §. 35. & 36. adhuc illi competere utile interdictum.

192. Sunt & alia Interdicta utilissima, de quibus est titulus ff. de Rivis, & tit. de fonte, quibus provideretur & consulitur perpetuitati aquæ ducendæ, & contra impediendæ rivorum aut fontium purgationem aut refectionem possidentibus bonâ fide succurritur.

Ad servitutem aquæ ductus revocari potest Ius aquæ derivandæ. Nam seclusâ servitute non est permixtum opere manufacto aquam ex superiore loco in inferiorem derivare. l. 29. ff. h. t. bene autem, constituta servitute.

Item huc revocari potest Ius aquæ non interdicendæ seu prædicendæ. Seclusâ enim servitute, potest vicinus venas in suo fundo existentes incidere, & sic impedire, ut aqua ad tuum fundum perveniat. l. si in meo. 21. ff. de aqu. plu. arc. Similiter possum in mea domo aperire puteum, non obstante quod vix putei tui prædicandatur. l. 24. §. fin. ff. de damno infecto, ubi dicor hoc jure meo facere. Unicuique enim licet in suo ædificandæ in suam utilitatem, etsi per consequentiam vicino noceatur. sic ex communi Juristarum contra Cuiacium & Zaxium, licet in proprio pariete fenestram aperire, cum molestia vicini, nisi constituta sit servitus non aperiendi. Servitus tamen constitui potest, ut nunquam vicino liceat venas incidere. l. 21. cit. ibi [Si in meo aqua erumpat, quæ ex tuo fundo venas habeat; si eas venas incidideris, & ob id defuerit aqua ad me pervenire, tu non videris vi fecisse, si nulla servitus mihi eo nomine debita fuerit: nec Interdicto, quod vi aut clam tenetur.] Unde deducunt Iuristæ, hoc jus incidendi non fuisse præscriptum, etiamsi mille annis aqua jam fluxisset, quia præscriptioni locus non est, si aqua per venas subterraneas decurrat in meum fundum: requiritur enim in acquirenda servitute factum illius, qui asserit, sibi competere servitutem, & patientia alterius de cuius fundi servitute agitur, ut constabit ex dicendis de præscript. in casu autem posito non facto hominis, sed naturâ aqua ponitur fluxisse.

Hinc pariter inferitur, licere Domino fundi superioris in commodum sui fundi retinere, & sistere aquam, alioquin ex natura & situ loci defluxuram in fundum inferiorem, nisi servitus non sistendi constituta fuerit, quæ non præsumitur constituta, etiamsi plurimis annis fluxerit, quia non facto hominis fluxit.

Servitus Aquæ haustus.


193. **E**st Ius aquæ hauriendæ ex flumine, fonte, vel puteo, vel alia aqua vicini, quantum fundo, vel in eo laborantibus opus est. Colligitur ex L. 1. 2. & 3. ff. h. t. Et quidem l. 3. §. ult. habetur, aquæ haustu concessio iter quoque concessum esse: [Et ut ait Neratius, si ve ei jus hauriendi & adeundi cessum sit, utrumque habebit: si ve tantum hauriendi, inesse & aditum: si ve tantum adeundi ad fontem, inesse & haustum.]

194. Sed hinc nascitur dubium, an, qui ad fontem iter, non tamen hauriret aquam, amitteret servitutem tam aquæ haustus quam itineris, intra tempus requisitum ad amittendam servitutem per non usum. Ad hoc respondet Labeo L. 17. ff. quemad. servit. amit. Si is qui haustum habet, per tempus quo servitus amittitur, iter ad fontem, nec aquam hauserit, iter quoque cum amisit. Quod quidem adeo paradoxum visum est quibusdam Juristis, ut dixerint, omisam esse partem. Nec, ante: iter. Communiter tamen retineatur lectio, & respondetur affirmativè.

Obijcitur: Adus non amittitur, si quis usum itineris, qui adui inest, non intermiserit, etiamsi non egerit jumentum aut vehiculum. l. 2. eod. ergo nec iter amittitur per non usum aquæ haustus, & per usum itineris aquæ haustus etiam retinebitur. Negando paritatem. Disparitas est, quia iter in aquæ haustu est accidens, nam solum propter aquæ haustum conceditur, at verò Adui est iter essentiale.

Potest ex eodem loco pluribus aquæ haustus constitui, & sic hæc servitus multiplicari. L. 2. ff. §. 1. h. t. Aquæ ductus, & haustus aquæ per eundem locum ut ducatur, etiam pluribus concedi potest.

Fluic servituti non absumilis est servitus, quæ dicitur, Pecoris ad aquam appulsus. Est enim Ius pecoris ad vicini aquam appellendi, ejus ad aquam gratiâ. L. 1. 4. & 5. ff. h. t. Comprehenduntur autem pecoris appellatione quadrupedes quæ gregatim pascuntur, ut oves, capræ, boves, equi, muli, asini. Quod si pro certo numero constituta est hæc servitus, & in appulsu numerus excedatur, potest quoque excessum repellere. L. 1. §. 18. ff. de Aqu. quot. & ast. ibi. [Marcellus ait, si quis Ius habens pecoris ad aquam appellendi, plura pecora appulserit, non in omnibus pecoribus prohibendum: quia pecora possunt separari.]





*Servitus Pascendi pecoris.*

195. **E**st ius pascendi pecus in fundo alieno alicujus privati. Servitus hæc prædialis est, quando unius prædii pascua non sufficiunt, tunc enim interest prædii, si pecora liceat in pascua vicina agere. Absque servitute autem constituta hoc nemini licet, & si quis attemptaverit, vel non custodiverit pecora sua, quominus ingrediantur aliena pascua, non solum ex lege Aquilia conveniri potest, vel de pastu pecoris L. 14. §. f. ff. de præscript. verb. sed etiam consuetudine receptum est, ut pecora deprehensa includantur, donec damni fiat compensatio: quamvis iure communi hæc inclusio non liceat L. 39. ff. ad L. Aquil. Iure Bavarico L. R. t. 27. a. 7. & 8. statutum est, ut locorum consuetudo, vel abigendi, vel pignoris loco retinendi servetur, non diutius tamen, quam unâ nocte: & si in sua custodia detineat, sed statim agat in iudicium, &c. De iis, qui noctu deviantia pecora includunt, cavetur, ut statim altero die pecora inclusa iterum in pascua agant, neque occultent, alioquin de furto rei pronuntiandi.

196. Sed, & qui constitutam servitutem habet, non debet ea uti cum pecoribus morbo contagioso affectis, ne & aliena pecora inficiantur: semper enim hæc exceptio subintelligitur. Immerito tamen à iustis in hunc finem allegantur can. 16. & 17. c. 24. q. 3. ubi non est sermo de obligatione separandi ex iustitia, sed ex officio boni pastoris, aut patrisfamilias, in bonum proprii gregis.

197. Domino prædii servientis non licet servitutem deteriorem facere, sed debet in eo statu relinquere, qui in pactum deductus est. Quodsi veller formam mutare, v. g. si ex agro veller facere stagnum pro piscibus, plantare vires, &c. potest nuntiatione novi operis, vel confessoria adigi ad abstinendum ab opere: vel

etiam, si contradicente domino servitutis forma mutata est, ut pascua haberi non possint, tunc si opus est reducibile ad pristinum statum, agi potest ut restituatur, & ut damnum emendetur. l. 2. C. de lege. Ag. per actionem legis Aquiliæ, vel per Interdictum: *quod vi, aut clam*. Quodsi non est reducibile ad pristinum statum, tunc solum agi potest ad æstimationem damni seu interese, per eandem actionem.

198. Si plures habent ius compascendi in eodem loco, & pro eodem tempore ac modo, non potest, per se loquendo, unus altero invito provocare ad divisionem, si divisio esset alteri damnosa; tot enim tunc sunt servitutes, quot sunt fundi dominantes. Dixi: *per se loquendo*: nam ex iusta causa peti posset, v. g. si alter rixosus esset, ut fuerunt pastores Abraham & Loth. Quodsi in divisionem consentiant, & divisio non sit damnosa domino prædii servientis, hujus consensus non requiritur, secus si esset damnosa.

*Servitus creta eximenda, calcis coquenda, arena fodienda.*

199. **H**æ servitutes, & iura facile intelliguntur, nihilque speciale habent, nisi quod æquè facile possint esse servitutes personales ac reales, nempe si non primariò in commodum prædii dominantis constitutæ sunt, cujus causam meliorem faciant: & tunc finiuntur, sicut alie servitutes personales. Hujusmodi etiam sunt: ius figulinæ habendæ, tugurii in alieno habendi, uvæ in alieno exprimendæ, excutiendi frumentum in aliena area, ligna secandi, lapides cædendi aut eximendi: in quibus omnibus consuetudo potiùs, quam ius scriptum attendendum est. Ut Interpretes monent; ob quam causam supervacaneum duxi plures leges in propriis terminis allegare. Et hæc de servitutibus.



## CAPUT III.

## DE JURE POSSESSIONIS.

De acquirenda vel amittenda possessione exstat in Digestis titulus secundus libri 41. In Codice lib. 7. titulus 32. de acquirenda & retinenda possessione.

## CONTROVERSIA I.

*Quomodo sit intelligenda definitio Possessionis, prout abstrahit à Possessione Juris, & facti simul, & à Possessione mera facti.*

## S V M M A R I V M.

**P**ossessio Facti non est confundenda cum mera detentione. 200.

Commoda Possessoris Iuridicè accepti. 201.

Possessio est genus ad justam & injustam. 202.

Possessio Facti in genere quomodo definienda. 203.

Corporalis detentio non sufficit ad acquirendam possessionem Iuridicam. 205.

Intentio detinendi rem ut meam, etiam non sufficit. 206.

Quid sit Possessio Civilissima. 207.

Quomodo Creditor possideat pignus. 208.

200. **N**atura Possessionis, tam Facti, quam Iuris, prout distinguitur à mera Detentione, quæ à Juristis vocatur Possessio asinina, & cum qua non rectè confunditur possessio facti, cogniti difficultis est & intricata, ob varias Iuris constitutiones; unde fit, ut natura possessionis non à Iure naturali, aut gentium, sed à Iure positivo humano planè pendeat. Ut autem doctrinæ utilitas (quæ Philosophis videri posset mera lis de nomine) melius apprehendatur, visum est in compendio præmittere commodam & emolumentam Possessoris, quæ in progressu declarabuntur.

201. Itaque varia sunt Possessoris Iuridicè accepti, tamen rei possessæ Dominus non fit, emolumenta à Iure concessa, eaque potissimum septem.

Primum est, quòd res bonà fide possessas (nisi specialiter exceptæ sint) possessione legitimi temporis præscribat, hoc est, earum Dominium acquirit: de quo modo acquirendi Dominium Iure Civili, infra plenè tractabitur.

Secundum, in dubio, quisnam sit rei possessæ Dominus, melior est conditio possidentis, ità ut stante dubio, quod nullà morali & com-

muniter adhiberi solitâ diligentia deponi potest, non teneatur restituere, fructusque perceptos, & bonâ fide consumptos non teneatur restituere, si postmodum appareat alium esse Dominum; de quo pluribus infra.

Tertium, Possessor in Iudicio petitorio pro Domino habetur, & præsumitur, & ideo probationis onere sublevarur, quod onus incumbit ei, qui possessori litem intentat, & nisi dominium manifestè probet, aut injustam possessionem alterius, causâ cadit. §. Commodum. Instit. de Interdictis. c. sape. de restit. spoliatorum. L. finali. C. de rei vindicat. Hujus emolumenti præstantia inde constat, quòd dominium sape sit difficultis probationis.

Quartum, Possessor in petitorio conventus, non teneatur edere titulum suæ possessionis, saltem per se loquendo. L. cogi. 11. C. de petitione hereditatis. ibi. [Cogi possessorem ab eo, qui expetit, titulum suæ possessionis dicere, incivile est, præter eum (scilicet) qui dicere cogitur, utrum pro Possessore, an pro hærede possideat.]

Quintum, Possessio immemorialis supplet omnes præsumptos defectus vitiositatis, nullitatis, simulationis, èstque probatio probata tituli, nec patitur inquisitionem de titulo, sed munus Possessoris prius privilegio singulari, ut tradunt RR. Iure consulti, & colligunt ex cap. sup. quibusdam. §. præterea. de P. S. ibi. [Præterea cum prædaga, quidagla, & salinaria tibi legatus interdixit memoratus, auctoritate Apostolicâ duximus declarandum illa esse interdicta, quæ non apparent Imperatorum, vel Regum, vel Lateran. Concilii largitione concessa, vel NB. ex antiqua consuetudine à tempore cuius non exstat memoria, introducta.] Ex lege hoc Iure §. ductus aque. ff. de

*ff. de aqua quor. ibi. Ductus aquæ, cujus origo memoriam excessit, constituti loco habetur.*

Sextum, si quis à possessione rei, quam naturaliter & civiliter possidet, siue iuste, siue iniuste, vi deiciatur, deiciens seu invasor non solum pellitur à possessione, sed etiam tenetur ad omnes fructus, & damna subsecuta, & insuper amittit rem illam vi possessam, si erat ipsius, si vero non erat ipsius, cogitur eam spoliato restituere, & insuper estimationem illius. *L. si quis in tamam. C. unde vi. §. Ità tamen Instit. de vi bonorum rapt.* Eidem penà tenetur, qui ingreditur possidendam rem, quam scit ad alium pertinere, esto determinatè neciat Dominum. *L. fin. C. unde vi. ibi.* [Nos non concedentes, aliquem alienas res, vel possessiones per suam auctoritatem usurpare, sancimus, talem possessorem ut prædonem intelligi, & generali Iurisdictione eà teneri, quæ pro restituenda possessione contra huiusmodi personas veteribus declarata sunt legibus.]

Septimum denique emolumentum continetur in actione Publiciana, quæ est actio prætoriana, & conceditur illi, qui bonà fide rem quandam à non Domino ex iusta aliqua causa sibi traditam, & nondum usucaptam amisit. In hoc, inquam, casu, cum non detur rei vindictio ob defectum dominii, Prætor tamen ex singulari æquitate tædact actionem realem, & permittit vindicare petinde ac si jam fuisset res usucapta, adversus quemvis possessorem, (vero Domino excepto, & eo qui cum titulo possidet) quâ actione petit actor se rei quasi Dominum declarari, eamque sibi unà cum fructibus, damnis, & expensis restitui. De qua actione est integer titulus 2. Digest. lib. 6. de Publiciana in rem actione, & tractabitur infra Tract. ult. cap. de Præscript. in fine.

202. Possessio ut sic, Iuridicè, & legitimè sumpta est Genus ad Possessionem Iustam (quæ vocatur Possessio Iuris) & Possessionem injustam. Possessio prout sic abstrahens à membris dividendibus vocatur *Possessio Facti*: unde possessio injusta est mera, & pura puta *possessio facti*, carens possessione Iuris, hoc est iustà. Unde Molinæ, Lugo, & alii reprehendunt Bartolum, quod Possessionem in genere definiverit, esse *Ius in se habendi*. Non enim convenit hac definitio Possessionis injustæ, quæ tamen est Possessio Iuridicè sumpta, ut constabit ex dicendis. Nunc ergo ad definitionem accedendo,

203. Possessio facti in genere, prout abstrahit à Possessione Iuris & facti simul, & à possessione facti tantum, communiter, & commodè, sic definitur. *Rei corporalis detentio, corporis, & animi, Iurisque adminiculo.* Quæ definitio indiget accuratâ declaratione, ut molestis replicis obvietur.

Dicitur 1. *Rei corporalis detentio*, seu Apprehensio: nam rerum incorporearum non datur propriè dicta possessio, ut habet communis

loquendi modus, fundatus in quibusdam legibus vocantibus rerum incorporearum *quasi possessionem*. sic in lege 10. ff. si servit. vindic. loquitur Ulpianus de quasi possessione aquaruductus. Verùm hodie rigor iste non observatur, ut notant communiter RR.

204. Dicitur 2. *C. corporis, & animi, Iurisque adminiculo.* quibus verbis Possessionis differentia à nuda detentione indicatur, ad quam tria requiruntur. Primò: Detentio corporis, seu corporalis, quæ fieri potest verè, vel fictè. Verè fit, manibus, pedibus, ingrediendo partem fundi, vel apprehendendo gemmam, &c. Neque necesse est ad possidendum fundum calcare omnem glebam, sed satis est ingredi unam partem. Ficta detentio fit ex Iuris dispositione, e. g. oculis, si venditor mihi dicat: fundum quem ibi vides, traditum tibi volo. *l. 1. §. si iusserim 21. ff. de acquir. possess. ibi.* Non est enim corpore, & actu necesse apprehendere possessionem, sed etiam oculis, & aspectu. *L. quod meo §. si vendiderim. ibi.* [Si vicinum mihi fundum mercato se idator in mea turre demonstrat, vacuamque se possessionem tradere dicat: non minus possidere cæpi, quàm si pedem finibus intulissem.] Idem est, si tradatur scriptura, Claves, annulus, pileus Cardinalitius, &c. Salmè in præsentia rei possidendæ, in quo puncto consuetudo attendenda est.

205. Corporalis autem detentio jam explicata non sufficit ad acquirendam possessionem Iuridicè sumptam, alioquin, quidquid calcarem pedibus, aut manibus atrectarem, possiderem; sed insuper requiritur intentio detinendi rem ut meam. Observe autem, non esse necesse, ut intellectus meus iudicet, rem esse meam, nam merè physicè, sed in ordine ad aliquos effectus civiles possidet, ut videbimus, & tamen benè conscius est, rem quam detinet, non esse suam, sed à se furtivè detineri; sufficit ergo habere intentionem ità detinendi, ut velit ab aliis pro domino talis rei haberi, ac proinde posse di ponere instar veri domini, & salmè quoad externam apparentiam videri dominus.

206. Porro nec hæc Intentio sufficit sine corporali (vera, vel ficta) detentione, alioquin si vellem partes mundi necdum repertas esse meas, jam eas possiderem. Imò nec hæc duo simul sumpta sufficiunt; quia leges quasdam res excipiunt, quas etiam sine animo detinueris, ut habearis earum dominus, leges tamen reddunt huiusmodi Detentionem, & Intentionem inefficacem in ordine ad illos effectus, quos supra regulimus: huiusmodi sunt Res Sacre, & Religiosæ, & quæ publicæ commoditati deputatæ sunt, ut pontes, viz.

207. In quem finem adduntur in definitione illæ particulæ: *Iurisque adminiculo*, hoc est: lege non resistente, seu refragante: sicut enim leges

leges nolunt quasdam res posse ufucapi, aut præscribi, sic etiam quasdam nolunt esse in hominum commercio, aut dominio, nec juridicè possideri.

Contra hanc definitionem opponi possent.

1. Quod in quibusdam Regnis deus Possessio, quæ vocatur *Civilissima*, & comparatur sine ulla corporis aut animi detentione, solâ iuris dispositione, cujusmodi lura exstant in Gallia, Italia, Lusitania, de quibus P. Molina *tr. 2. d. 12. §. Tertium*. Responderi solet dupliciter. 1. Nobis sufficere, comprehendi nostrâ definitione Possessiones Iuris Romani. Responderi solet 2. Etiam ibi intervenire fictam detentionem corporis, & animi, quatenus Respublica approbando illas leges, supplet animum illius subditi cui concedit possessionem, & quatenus Respublica censetur omnia continere, & decernere, dum habet potestatem de omnibus disponendi, quæ intra territorium jani possessum, vel in se, vel in aliquo secum moraliter connexo continentur. An Iure Romano continuetur hoc modo possessio rerum hæreditariarum, infra dicemus Contr. 3. q. 3.

208. Opponi potest 2. Creditor possidet saltem naturaliter pignus, non merè alieno nomine, hoc est debitoris, sed suo, ut ex communi supponit Arnoldus Rath, de Usucap. c. 5. th. 3. allegans legem *si rem. 9. §. 2. L. pignore. 22. §. si prado. l. cum & sortis. 35. §. 1. ff. de pignorat. act.* imò secundum multos ibidem allegatos, quos etiam sequitur Schneidewein, possidet naturaliter simul & civiliter, & tamen non possidet animo habendi ut suam rem, nec vult dominus pignoris haberi. Objectionem hanc solus, quantum videri potui, advertit citatus Auctor, & ideo definitionem Possessionis aliter exponit, quod scilicet non sit necessarius animus habendi rem ut suam, sed sufficiat animus eam sibi habendi citra affectum domini, propter jus aliquod competens in illam rem: & sic jam apparet, quomodo definitio conveniat creditori.

209. Huic doctrinæ, quam etiam tenet Collt Argen. difficulter acquiesco. Imprimis hac ratione defendi posset, quod etiam Usufructuarius suo nomine possideret, quia etiam habet animum habendi rem sibi propter jus competens, & tamen ille ipse auctor loco cit. defendit Usufructuarium non proprio nomine possidere sicut creditor pignus. Deinde ex tradita doctrina videtur sequi, quod Creditor posset præscribere contra jus luendi pignus, quod omnino negandum videtur: sequelam agnoscit doctissimus JC. Hunnius esse legitimam, vol. 2. d. 21. th. 5. ubi probat, jus luendi pignus non posse præscribi, his verbis. [Quicumque pro alio hoc est non sibi sed alii possidet, ille rem quam possidet non potest præscribere. l. 2. ff. qui satisdare cog. nec quisquam potest causam possessionis sibi mutare. L. non solum. §. quod vulgo. ff. de

Usucap. &c. atqui Creditor non suo sed debitoris nomine possidet, igitur non potest præscribere rem sibi pignoratam, aut titulum possessionis sibi mutare.] Unde colligo e contrario, ergo si suo nomine possideret, nihil videretur obstat præscriptioni: Verum quidquid de hoc sit, saltem habeo, hunc Auctorem supponere pro certo, quod Creditor non suo nomine possideat. Idem tenet Corvinus in Enchiridio lib. 3. tit. 15. §. Quomodo Pignori incumbit creditor? respondet his verbis: [Ita ut teneat quidem rem pignori traditam, sed non possideat. l. pen. §. creditor. ff. qui satisdare cog.] verba legis sunt clara. Creditor qui pignus accepit, possessor non est, tamen si possessionem habeat, aut sibi traditam, aut precario debitori concessam, pergit Corvinus & rationem dat: quia non animo domini, sed ipsi debitori tenet. l. 13. ff. de Usucap. ubi disertissime dicitur: Pignori rem acceptam usu non capimus, quia pro alieno possidemus. Neque placet subtilitas Collegii Argenti. distinguens inter hæc duo: Pro alieno, & alieno nomine. ob allatam instantiam de Usufructuario. Eandem sen eam ex communi Theol. supponit Palao p. 24. n. 4. & fise professusquitur P. Molina. d. 134. ubi tamen notat, quoad quosdam effectus possidere Creditorem civiliter, & quoad illos effectus posse pignus dici esse creditoris; quo sensu etiam lurista dicunt, dominum pignoris, si pignus furetur, furari rem alienam. Idem Molina d. 12. §. Apprehensio clarè tradit, Creditorem non suo sed debitoris nomine possidere.

Confirmatur. Quia etiam Colono, Depositario, & Commodatario attribuitur naturalis possessio l. 2. §. 1. ff. pro herede, vel possessore. & tamen isti non nisi alieno nomine possident, cujus legis verba VVurmserus lib. 4. tit. 15. contr. 7. intelligit de possessione abusive sumpta. Habemus ergo parem licentiam sic intelligendi & interpretandi leges tribuentes possessionem creditori. Nulla ergo necessitas cogit, ut definitionem Possessionis in alium sensum, quam qui traditus est, detorqueamus. Ad objectionem ergo negamus antecedens. Denique dici potest, leges attribuentes Creditori possessionem pignoris, posse intelligi de Iure detinendi pignus alieno nomine, quod habet adversus debitorem, quale jus non habet servus, aut filius fam. aut procurator, aut precario possidens; & ideo quatenus possidet hoc jus suo nomine, potest dici possidere etiam pignus suo nomine, hoc est in suum bonum & sui debiti securitatem: in qua finem etiam illi Interdictis succurritur. l. 2. C. de prætorio pig. ibi. ei recuperationem donamus. Ex dictis sponte nascitur definitio Possessionis Iuris. nempe, est *Possessio* (quod est genus hæcenus declaratum) cum jure insistenti rei. E contra Possessio mera facti, est possessio sine jure possidendi.



## CONTROVERSIA II.

*In quo differat Possessio Civilis à Naturali, ubi, an possit eadem res, & quo sensu à duobus possideri.*

## SUMMARIUM.

**P**ossessio alia Naturalis tantum, alia Civilis tantum, & alia Naturalis & Civilis. 210.

Potest quis suo nomine possidere naturaliter ad aliquos juris effectus, non possidendo civiliter ad alios effectus. eod.

Potest acquiri alicui etiam ignoranti possessio iusta, tam naturalis quam civilis. 211.

An repugnet, duos eandem rem possidere. 212.

Dominium civile non est simpliciter Dominium, sicut possessio Civilis est simpliciter possessio. 215.

210. **P**ossessio Divisionis celebris est in Possessione Naturalem tantum, Civilem tantum, Naturalem & Civilem simul junctam in eodem subjecto. Declaratur in exemplo. Titius egreditur negotiorum causâ terminos fundi sui, quem naturaliter & civiliter possidebat, & neminem interea custodiam relinquit, adeoque naturaliter seu corporaliter nec per se nec per alium possidet: quia tamen iniquum esset, quod hoc ipso diceretur possessionem amisisse (sic enim nemo ferè unquam quidquam usucaperet aut praescriberet) ideo dicitur Titius adhuc possidere civiliter, quia possessio civilis solo animo retinetur, etiam sine possessione naturali; & in estimatione morali in ordine ad effectus possessionis, perinde est ac si physicè & corporaliter possideret.

Contra ex Iuris dispositione potest quis etiam suo nomine possidere naturaliter in ordine ad aliquos juris effectus consequendos, absque eo quod adhuc possideat civiliter in ordine ad alios juris effectus. v. g. quando injustus possessor vi aut clam ingreditur fundum alienum, animo detinendi ut suum, tunc necdum possidet civiliter, quamdiu verus Dominus animum non deposuit illum iterum ejiciendi in continentem, ut videbimus; tunc enim adhuc absens civiliter possidet, licet invalore possideat naturaliter. Quod si autem Dominus intelligens alium naturaliter possidere, vel omnino desperat recuperare naturalem possessionem & ideo non tentat, vel tentat quidem sed repellitur, amittit etiam civilem possessionem, eamque alter acquirit. Porò tandiu non censetur animum deposuisse, dum præparat media ad alterum expellendum, conquirendo v. g. socios, scribendo milites, si recuperatio exigat, & illi ius scribendi comparat, nisi sit longè inferior invatore.

211. Advertendum hic est, illas personas quæ ratione statûs sui quod acquirunt alteri acquiritur, ut servi, &c. posse alteri acquirere possessionem iustam etiam ipso ignorante, tam naturalem quam civilem; & quod cum si tales personæ velint alieno live suo nomine possidere; cum tamen alia personæ non possint acquirere alteri possessionem, nisi habeant animum ejus nomine possidendi, ut tutor pupillo.

Dividitur Possessio ulterius secundum diversos titulos possidendi. v. g. dicitur quis possidere pro hærede, pro emptore, pro legato, &c. nempe si possideat titulo hereditatis, emptionis, legati, &c.

212. Quæstio est, an sicut repugnat duos esse dominos in solidum ejusdem rei, ita etiam repugnet duos eandem rem possidere. Non posse duos eandem rem in solidum possidere videtur affecti in lege; 3. §. ex contrario. ff. de acquir. vel amit. poss. ibi. [Ex contrario plures eandem rem in solidum possidere non possunt: contra naturam quippe est, ut eum ego aliquid teneam, tu quoque id tenere videaris.] & paulò post. non magis enim eadem possessio apud duos esse potest, quam ut stare videaris in eodem loco in quo ego sto.] Ceterum hic textus procedit de possessione ejusdem generis, nempe de duorum possessione naturali. Quæstio autem est, an unus possit possidere civiliter & alter naturaliter, idque fieri posse, diximus in exemplificatione divisionis primæ. nunc autem hoc ipsum ex Iure statuamus, quandoquidem non levis est in hoc puncto inter Iuristas dissensio.

Prima ergo opinio id negat, quam tenet Hugo Donellus lib. 5. comm. 8. Franc. Connanus lib. 3. comm. c. 10. Iacobus Cuiacius 9. observ. 30. & 17. obs. 2. & ad l. 3. §. 5. ff. de ac. poss. Io. Borcholt. tr. de acquir. poss. c. 6. n. 18. & seqq. quos sequitur Collegii Argentoratensis.

Secunda tamen sententia, & affirmans mihi verissima est, quam præter Theologos tenent Vulteius Inst. d. Interdict. n. 13. Hubertus Giphanius, Duarenus, & alii, quos refert & sequitur Hunnius in Treutl.

213. Probatur 1. ex lege. 3. ff. *Ni possideatis*. Ubi Ulpianus sic loquitur. *Si duo possideant in solidum, videamus, quid sit dicendum, quod qualiter procedat tractemus: si quis proponeret possessionem iustam & injustam, ego possideo ex iusta causa, tu vi aut clam: si à me possides, superior sum interdicto: si verò non à me, neuter nostrum vincitur, nam & tu possides, & ego.* Hæc Ulpianus, non unice ex Trebatii sententia, quod male interpretatur Cuiacius, nec ex sententia Sabini, ut vult Borcholt, quæ sanè est insolens licentia corrumpendi textum tam clarum. Verior interpretatio est Giphanii, qui dicit hoc Interdictum *Ni possideatis*, dari possidenti tam injustè quam justè, ita ut is qui iuste possidet, sed ab altero injustè dejectus est, habeatur pro possessore, & deicienti contra illum

illum non profit hoc *Interdictum*, quamvis contra alium profit. Hoc totum optime stat cum hoc, quod dejectus possideat civiliter, deficiens autem naturaliter, & utrique detur *Interdictum Vi possideris*: sed in ordine ad diversos effectus. Quod autem Donellus dicat, ideo in d. l. non esse sermonem de duobus possidentibus, quia alter injuste possidet, nihil ad rem facit, nam hoc nobis sufficit, cum etiam injusta possessio sit propria & juridice dicta possessio. l. 3. §. 5. ff. de acq. poss. ibi. *quoniam in summa possessionis non multum interest, iuste quis an injuste possideat*. Præterquam quod possit uterque iuste, hoc est bonâ fide possidere, si absente priore possessore à suo fundo alter bonâ fide fundum ingrederetur animo tenendi ut suum. Omitto afferre alias leges quibus utitur Hunnius, nam ex illis non probatur quod duo possideant ambo suo nomine, sed unus suo, alter ejusdem nomine, ut qui commodatò aut precariò, aut ut servus rem domini possidet.

214. Alia probatio mihi occurrit, retorqueo in adversarios fundamentum quo se timentur, dum à paritate domini argumentantur & dicunt: non posse duos esse ejusdem rei dominos in solidum, ergo nec possidere. Retorqueo, inquam, argumentum, hoc modo. Non solum non possunt duo esse domini ejusdem in solidum, sed ne quidem potest unus esse ejusdem rei Dominus ex duplici titulo, sed solum ex uno, nam alter titulus defecto non confert dominium, sed solum confert, si non jam esset collatum per alterum: jam sic. non obstante, quod idem non possit ejusdem rei esse Dominus ex duplici titulo, potest tamen eandem rem ex duplici titulo possidere, ut tradunt communiter Juristæ, ita ut uterque titulus seorsim sufficiat ad præscribendum, & habetur L. 3. §. ex plurimis. ff. de acquir. pos. ibi. *Non enim sicut dominium non potest nisi ex una causa contingere, ita & possidere duntaxat ex una causa possumus*. Ergo ex eo quod duo non possint esse Domini in solidum ejusdem rei, non licet inferre, non posse duos eandem rem ex diversis titulis possidere. Ratio à priori est, quia non dantur dominia diversi generis, sicut dantur diversi generis modi possidendi.

215. Dices: hoc ipso quod unus tantum possideat civiliter, & alius naturaliter, jam ille non possidet in solidum; sicut in sententia multorum Maritus est Dominus dotis civiliter, uxor verò habet dominium naturale. Negando paritatem, quia dominium civile non est simpliciter dominium, sicut possessio civilis est simpliciter possessio. Neque in ratione possessionis completur per hoc, quod nullus alius possideat naturaliter, sicut dominium in solidum completur per hoc, quod nullus alius habeat ius stabile & æstimabile in tali re, prout exposui in capite 1. hujus Tractatus.

Ad fundamenta adversariorum uno verbo respondetur juxta superius dicta, ea solum procedere de duplici possessione ejusdem generis, quia sunt fundata in lege 3. §. ex contrario, ad quem textum supra respondimus.

## CONTROVERSIA III.

### Quibus modis Possessio acquiritur.

#### S V M M A R I V M.

**A**N possit alius suam possessionem in me transferre absque mea apprehensione. 216.

Quomodo possessio acquiritur per Clausulam Constituti. 218.

Specialis casus Juris Canonici, quo quis possessor efficitur sine suo actu. 220.

Quomodo rerum Incorporalium possessio acquiritur. 221.

Servitutum possessio quomodo acquiritur. 222.

Ad acquirendam quasi possessionem Itineris, Actusve privati, speciale quid constitutum est. 223.

An Possessor probare debeat bonam fidem in usu servitutis, & quomodo. 224.

Qui anno præcedente 30. diebus usus est itinere, deinde per annum non potest, quid Juris? eod.

An sibi præjudicaret, qui precariò aut clam iret. 225.

An jure cujusdam facultatis fas sit per alienum agrum Domino non prohibente ire. 226.

Inviti acceptio diversa est in Jure. 228.

An possessio rerum hereditariarum continuetur in hæredes extraneos. 229.

Quomodo infans possit acquirere possessionem. 234.

An nobis ignorantibus possit possessio per alios acquiri. 237.

An amittam possessionem, quam ignorans per alium acquisivi, si in moriatur, aut possessionem deserat. 239.

**216. Q**UÆRITUR 1. An ad acquirendam de novo possessionem, v.g. fundi alieni, requiratur semper aliqua apprehensio à me facta, vel possit sufficere apprehensio ab alio suo nomine facta, quâ ille cœpit possidere: seu brevius: An alius suam possessionem possit in me transferre absque apprehensione interveniente ex parte mea. 2. Affirmative, nempe quando ille qui prius suo nomine possedit, incipit vi præteritæ apprehensionis, per translationem domini mei nomine possidere. Sic si quis mihi vendat fundum, retento sibi usufructu, incipio sine alio meo actu per usufructuarium possidere. Colligitur ex lege quisquis. 28. C. de Donationibus. ubi venditio est loco traditionis. [Quisquis rem aliquam donando, vel in dotem dando, vel vendendo usufructum ejus retinuerit, etiam si stipulatus non fuerit, eam continuò tradidisse credatur, nec quid amplius requiratur, quo magis videatur facta traditio: sed omnimodo

do idem sit in his causis, usufructum retinere, quod tradere. ] Eodem modo acquiritur locator possessionem, si quis rem à se alienatam conducat, quam prius ut propriam possederat. *L. Quædam Mulier. ff. de rei vindic. ibi. Quædam Mulier fundum donavit per Epistolam, & eundem fundum ab eo conduxit, posse defendi* (inquit Ulpianus) quasi per ipsam acquisierit possessionem velut per colonam. Idem planè esset, si quis rem alienatam retineret loco pignoris, Emphyteusis, depositi, &c. Quod si verò depositarius vellet rem depositam possidere animo furtivo, requireretur nova corporalis apprehensio, & motio de loco. *L. 3. §. si rem. ff. de acq. rer. pos. ibique ratio redditur: quia furtum sine contræctione fieri non potest.*

217. Controversia est de casu, quo tibi ex cessione coheredis pars accresceret, tu verò tuam solam partem ante apprehendisti, an inquam ad acquirendam possessionem accrescentis partis requiratur nova apprehensio. Negat Curtius Junior: sed omnino affirmandum est. Est enim illa pars accrescens omnino distincta ab ea, quam tu prius per possessionem consecutus es: ergo possessio prioris partis non evadit possessio partis accrescentis. Nam licet titulus hæreditatis sit unus & indivisibilis, possessio tamen divisibilis est, pro diversitate & distinctione rerum possidendarum.

218. Ad prædictum modum acquirendi possessionem sine nova apprehensione, pertinet etiam modus acquirendi possessionem per clausulam *constitui*, qui est modus generalis, quando præcedente quocunque titulo ad transferendum dominium habili, constituitur te possessorem nomine illius cui rem alienasti, quia ex constitutione quasi præcurator illius effectus es. *Arg. legis quod meo. ff. h. t. [Quod meo nomine possideo, possum alieno nomine possidere; nec enim muto mihi causam possessionis, sed desino possidere, & alium possessorem ministerio meo facio, &c. Procurator alienæ possessioni præstat ministerium.]*

219. Observat tamen hic Gomez, quòd si lis moveatur inter constituentem, & inter eum in cuius favorem apposta est clausula *constitui*, semper iudicandus sit ille possidere, quia confessio propria constituentis ei nocet. Si verò lis moveatur inter illum, in cuius favorem constitutorum factum est, & inter alium tertium, tunc non presumitur constituens possidere alterius nomine, sed id probandum est, ut censeatur constituto quæsitæ possessio, quia est fundamentum sue intentionis.

Est autem magna utilitas in hoc modo acquirendi possessionem. Si enim venditor post acceptionem constituti venderet rem alteri, & traderet, nihil valeret hæc venditio, quia per constitutum censetur prior traditio fuisse, secus esset, si venderetur, & traderetur ante consensum illius in cuius favorem constitutum appositum est.

220. In Jure Canonico exstat spectatus casus, quo quis ex legis dispositione possessor evadit sine suo actu, nempe si ludex ob contumaciam rei, vellet actorem mittere in possessionem, sed ob rei impotentiam, vel ex alio impedimento non potest, actor elapso anno possessor evadit. *Idem habetur cap. contingit. de dolo & contumacia. Glossa in illud capitulum dicit, hoc etiam esse statum Iure Civili in L. quamvis. ff. de bonis antiquitate Iudicis possidendis.* Imprimis titulus iste in exemplaribus recentioribus inferbitur: *De Rebus, &c.* Deinde lex *quamvis* ita loquitur. *Quamvis possessa non sint bona, quia forte nihil fuerit, quod possideatur, &c.* Quæ lex secundum glossam loquitur de casu quo nulla bona sunt, in quorum possessionem creditor mitti possit, & tunc, antequam postea debitor aliqua bona acquirat, non esse opus novâ immixtione ad acquirendam possessionem. Et hic est casus clarus hujus legis. Nihilominus, post longam inquisitionem deprehendi, quòd in his ipsis verbis etiam continetur casus, quo creditor immitti non potest ex alio impedimento. Nam §. 2. præcedentis legis ita sic habetur. [Si propter naturam rei, veluti si prædium inundatum sit, aut propter sacrorum potentiam, non potest possideri, rectè dicitur NB. non esse quod possideatur.] Ecce! quâ ratione hic casus comprehendatur in lege *quamvis*, nempe impossibilitas possessionis facit, ut dicatur non esse quod possideatur.

221. QUÆRITUR 2. Quomodo rerum Incorporalium, hoc est, Jurium possessio acquiratur. Distinguendum est inter Iura, aliqua enim sunt que non inhaerent alicui rei corporali, cujusmodi est Ius eligendi: alia sunt que inhaerent rei corporali, ut sunt servitutes.

Primi generis Jurium Possessio acquiritur scientiâ & patientiâ illius ad quem spectat concedere, vel resistere actui, si tu talem actum executas animo acquirendi Ius, & credens te uti Iure tuo: nisi ex circumstantiis constaret, talem actum ex gratia concedi. *Mol. tr. 2. d. 14. Concl. 3.* Quòd requiratur bona fides, colligit Molina ex *L. ubi. ff. quemad. servit. amitt.* & ex eo quòd alioquin non præscribit. Hæ probationes supponunt, quòd Iurium fide rerum Incorporalium possessio iusta esse non possit, sicut potest esse rerum Corporalium. Quòd non debeat ex circumstantiis apparere, actum fuisse permissum ex gratia, colligitur ex cap. cum Ecclesia de causa possessionis, & proprietatis. Ubi Clerici aliqui non Cathedralas præcedebant possessionem Iuris eligendi Episcopum, eò quòd jam trium Episcoporum electioni interfuerint; quia verò necdum præscriperant legitimo tempore, & de Iure communi electio non pertinet nisi ad Cathedralas Canonicos, silentium illis impositum est. Hæ ergo Clerici fuerunt quidem in possessione, quia tres actus exerciti videntur sufficienter indicare, quòd non fuerint merè gratiosè admissi; unus tamen talis

lis actus, secundum Parnonit, & Molinam non sufficeret, quia censeretur ex gratia permissus.

222. Quoad servitutem possessionem, imprimis ea acquiri potest, si à possidente fundum mitaris in fundum animo acquirendi illam servitutem. Nam etsi aliqui negaverint hoc sufficere, requirentes insuper aliquem actum & usum servitutis, hunc tamen non esse necessarium commodè probat Gomez, & ex eo Molina ex lege via; iter. ff. de servit. ubi habetur, Servitutes reales & lura incorporalia acquiri quemadmodum ususfectus acquiritur.

Secundò, acquiritur possessio servitutem per usum & exercitium tanquam ex jure debium, cum scientia & patientia illius cujus interest talem usum permitti, vel prohiberi. *L. quoties. 30. ff. de servit. ibi. Ego puto usum ejus Juris pro traditione possessionis accipiendum esse.*

223. In acquirenda quasi possessione Itineris Actusque privati, tanquam servitutis, speciale quid in iure constitutum est l. 1. ff. de itinere actusque privato. ubi Prætor ait. [Quo itinere actusque privato, quo de agitur, vel via, hoc anno nec vi nec clam, nec precario ab illo usus es, quò minus ita utaris, vim fieri vero.] Hoc interdictio continetur remedium retinendæ hujus possessionis specialis, & explicatur §. 2. [Hoc interdictio Prætor non inquit, utrum habuit iure servitutem impositam an non, sed hoc tantum, an itinere actusque hoc anno usus sit non vi, non clam, non precario, &c. Si modò anno usus est vel modico tempore, id est, non minus, quàm triginta diebus.] Ad hanc ergo possessionem acquirendam tria requiruntur. 1. ut intra annum à die Interdicti recto numerandum, usus fuerit. 2. ut triginta diebus ejus anni usus fuerit. Nam quavis possessio aliarum servitutum, ut aquæ ducendæ, tigni immittendi, etiam per unum actum acquiratur, aliud tamen merito statuendum erat in possessione itineris, quia sæpe ex præsumpta facultate iure familiaritatis per alienum fundum ire solemus. 3. requiritur, ut possessor iiverit opinione competentis servitutis. nam si propter incommoditatem aliquam etiam frequenter ivisset, v. g. quia per publicum commicare non licuit, non censetur usus esse existimata servitute.

224. DUBITATUR hæc 1. An possessor probare debeat bonam fidem in usu servitutis, & quomodo. Ad hoc optime responderet Molina d. 708. n. 7. eum esse à Iudice interrogandum, quâ ratione ductus fuerit, quòd uteretur iure suo. Ejusmodi rationes assignat V Vaizenegger, v. g. famam in vicinia fuisse, servitutem sibi deberi, vel, existitisse signa itineris, & adductis verisimilibus indicis debet eum Iudex in possessione tueri, donec adversarius probeat, servitutem non competere, nec esse præscriptam, aut malâ fide usum fuisse. Si tamen adversarius peteret præstari juramentum à possidente, esset ad id

prestandum cogendus, vel si renueret, non esset illi Interdictio succurrendum.

DUBITATUR 2. Si quis hoc anno proximo non potuit uti itinere, v. g. propter inundationem, si tamen anno precedente ad tale impedimentum fuit usus 30. diebus, an censetur esse in possessione, & juvetur hoc interdictio. 2. Affirmativè. l. 1. §. si quis 9. propter. eod. ibi. potest repetitâ die hoc interdictio uti per in integrum restitutionem ex illa parte (id est clausulâ) Si qua mihi iusta causa videbitur.

225. DUBITATUR 3. An quis præjudicaret acquisitæ possessioni, si postea precario petiisset usum itineris, aut clam ivisset. 2. Negativè l. 1. §. ult. & l. 2. ff. eod. ibi. & magis est, ut nihil ei noceat, quod attinet ad interdictum. Nec enim corrumpi, aut mutari, quod rectè transactum est, superveniente delicto potest.

226. DUBITATUR 4. An iure cujusdam facultatis fas sit per alienum agrum domino non prohibente ire, adeoque licet non habeat lus eundi, Ius tamen ab eo quod fas est, fecerit possit, adeoque nihil contra lus alterius egisse censendum sit. Negat Corasius ad l. 1. u. 77. ff. de servit. Communis aliorum, qui hoc dubium attigerunt, affirmat, & merito, quia pro se habet textum clarum can. omnes §. 2. dist. 1. Fas lex divina est, Ius lex humana. Transire per agrum alienum fas est, Ius non est. Accedit ratio. Cum enim transitus (ut supponitur in casu) innoxius sit, æquissimum est non prohiberi. quod observavit S. Augustinus, ut referatur can. ult. causâ 23. q. 2. Notandum est sane, quemadmodum iusta bella gerebantur à filiis Israel contra Amorrhæos; innoxius enim transitus denegabatur, qui Iure humane societatis æquissimo parere debebat. & can. 1. ca. 6. q. 3. habetur, per alienam messem transirentem falcem quidem mittere non debere, sed manu spicas conterere, & manducare posse, & l. in summa. §. item Varus ff. de aqua, & aq. plu. Eleganter dicitur, quod alteri prodest, & tibi non nocet, id æquitate ipsâ suggerente permitendum esse, licet iure deficiamus.

227. Opponit Corasius legem Divus L. per agrum. 11. C. de servitutib. & aqua. ubi dicitur, invito Domino per alienum agrum ire non licere. Atqui invitus est non tantum is, qui expressim dissentit, sed etiam, qui nominatim, & expressè non consentit. l. filiusfam. 8. §. invitus. ff. de procuratoribus. ibi. Invitum accipere debemus non tantum eum qui contradicit, verum eum quoque qui consensisse non probatur. l. qui res. 48. §. quòd si Dominus. ff. de furtis, ibi. Vetare autem Dominum accipimus etiam eum, qui ignorat, hoc est, eum qui non consentit. Ergo, &c.

228. 2. Diversam esse exceptionem Inviti in iure, ut notat Cuiacius in d. l. Divus, dicens, hoc loco Invitum accipiendum esse pro contradicente, & prohibente, non pro ignorante. Quandonam autem accipitur Invitus, pro igno-



rante: & quando solum pro prohibente, pendet ex circumstantiis, & natura negotii de quo est questio: nam si magnum præjudicium veritur, pro invito accipitur a iuribus etiam ignorans, si verò perexiguum, aut nullum damnum imminet, ille solus inivitus dicitur, qui contradicit, & aperte prohibet.

¶ 2. & magis Theologicè, distinguendo inter eum qui est rationabiliter inivitus, & eum, qui irrationabiliter; solus ille prior curandus est, & de illo est vera minor propositio Corasii, quia talis non quidem actualiter, sed habitualiter resistit, & prohibet.

QUÆRITUR 3. An possessio rerum hereditariarum continuetur in hæredes saltém suos ipso jure, absque apprehensione aliqua corporali. ¶ Negativè, ut habet communis sententia. Ità tenet Card. Tuschus in totius Iuris thesauro incomparabili, tomo 6. Concl. 406. n. 4. & magis ex professo Concl. 426. ubi bene limitat Concl. nisi filius hæres continuasset possessionem per colonum cui defunctus concesserat prædium pro certo tempore, quod non erat finitum tempore mortis, si colonus coluit deinde nomine hæredis. Item Andreas Gail lib. 2. obs. 129. & 152. Covarruvias var. resol. 3. Res. 5. n. 6. Treutlerus & alii. Probari imprimis solet ex l. 23. ff. de acq. possess. Cum hæredes institui sumus, aditæ hereditate omnia quidem jura ad nos transeunt: possessio tamen nisi naturaliter comprehensa ad nos non pertinet. Ad hanc tamen legem non ineptè respondebunt adversarii, eam loqui de hærede extraneo, de quo omnes sententur, requiri apprehensionem novam. quòd autem hoc non dicatur gratis, colligi potest ex verbo: *aditæ hereditate*. nam solus extraneus, juridicè loquendo, dicitur adire hereditatem, suus autem hæres dicitur scè hereditati immiscere. Melius probatur ex l. 30. §. 1. ff. eod. Quod per colonum possideo, heres meus, nisi ipse nactus possessionem, non poterit possidere: & additur ratio generalis, desumpta ex conceptu possessionis: *retinere enim amamus possessionem possimus, adipisci non possimus*. Clarus etiam textus est in l. 1. §. 15. ff. Si quis testamentum. ibi. *Possessionem hereditas non habet, quæ facti est & animi*. sed nec heredis est possessio antequam possideat, quia hereditas in eum id tantum transfundit, quod est hereditatis, non autem fuit possessio hereditatis. Ecce! rationem generalem ad omnes hæredes applicabilem. Cum ergo lex nullibi distinguat, neque ullà dispositione suppleat corporalem possessionem respectu hæredis sui (prout fieri posset, ut supra diximus) nec nos distinguere debemus: præsertim cum adversariorum argumenta æquè de hæredibus extraneis, ac suis probarent, si quid probarent: cum ergo nimium probent, nihil probant. Itaque

230. Obijciunt 1. Hereditas est successio in universum Ius quod habuit defunctus:

atque possessio est Ius, ut patet ex dictis, nam licet ejus inchoatio in factò consistat, in conservari tamen dicitur Ius detinendi rem semel possessam, ergo etiam hoc jus transmittitur unà cum aliis ad hæredem. ¶ Quando dicitur omnia defuncti jura in hæredem transmitti, id intelligendum est de Iuribus transcribilibus, & non ad hærentibus quasi ossibus defuncti, cujusmodi est possessio, alioquin etiam ad extraneum transmitteretur, quia etiam omnia jura transmittuntur. Dari autem jus intransferibile patet, nam defunctus habuit Ius instituendi hæredem Sempronium, hoc jus non transmittit ad Sempronium, qui utique non potest seipsum scribere hæredem.

231. Obijciunt 2. Hæredi prodest possessio defuncti, quæ per continuationem servit ad absolvendam usucapionem, ut suo loco dicitur, & habetur §. diutina. Inst. de Usucap. atqui non proderet, si non transmitteretur, quia non continuaretur possessio. ergo transmittitur possessio non minùs quàm dominium aliarum rerum. Sed quis non iterum videt, argumentum hoc æquè probare de hærede extraneo, cum & huic prosit possessio defuncti? ¶ Directè negando minorem, quia hoc in casu objectionis singulari jure statutum est. l. 44. §. 3. ff. de Usucap. Nondum adire hereditati tempus usucapioni datum est, si servus hereditarius aliquod comparas, si defunctus usucapere cœperat. sed hoc N.B. jure singulari recepta sunt. Itaque factà per hæredem apprehensione rei à defuncto possideat, continuatur possessio juris fictione, sicut continuatur dominium.

232. Obijciunt 3. Ex lege Cum miles. 30. ff. ex quibus causis ma. in integr. ubi dicitur hæredes in usucapionem succedere: quia possessio defuncti quasi juncta descendit ad hæredem, & plerumque nondum hereditate aditæ completur. ¶ Iterum nimium probari, nempe de hærede extraneo, qui propriè dicitur adire hereditatem. Deinde, dum dicitur, quasi juncta descendere ad hæredem, insinuat adieri fictione Iuris, sed non nisi interveniente apprehensione. Denique alii respondent, ibi per Possessionem intelligi usucapionem jam completam, possessio enim non completur, sed usucapio, nec novum est, Possessionem accipi pro Usucapione, & citant l. 19. & 26. ff. de acquir. possess. sed ego in his legibus nihil invenio, quod non de possessione propriè dicta possit intelligi.

233. Obijciunt 4. Pater & Filius una eademque persona esse censentur: ergo si Pater possedit, censetur filius possedisse. ¶ Conferri eandem personam, quousque Iura fingunt esse unam personam, nempe dum filius in patria potestate existens patri acquirit: hæres autem dicitur personam defuncti repræsentare, quod etiam de extraneo verum est. Quare non immeritò dixit Andreas Gail lib. 2. obs. 152. pro regula

gula habendum esse, quòd omnibus in casibus, in quibus dominium ipso jure transir, possessio sine apprehensione non acquiritur. subintellige, de jure communi. nam lura speciali possè aliud constituit, jân sup. dictum est.

234. QUÆRITUR 4. An & quomodo infans possit acquirere possessionem. Quæstio hæc apud Iuristas non modicam habet difficultatem, ob legum diversimodè loquentium difficilem conciliationem, quam ut facilius assequamur aliqua prænotanda sunt. Primò quidem notandum, Pupillum qui jam habet sufficientem intellectum, posse non solum accedente auctoritate tutoris, sed etiam sine illa possessionem acquirere. ita habetur lege 4. §. 2. ff. de Puc. ibi. Si non tutore auctore possideat, & an mun possidendi habeat, dicemus, posse eum uscapere. Secundò, distinguendum est inter infantes. Strictè enim infans est, qui necdum fari potest: latius infans accipitur pro parvulo, qui quidem necdum habet plenum intellectum, sufficientem ad discernendum honestum ab inhonesto, seu, ut loquamur theologicè, sufficientem ad committendum theologicum peccatum, habet tamen jam aliquem sensum ultra sensum brutorum, de quo locutus est Apostolus 1. ad Cor. 13. v. 11. Cum essim parvulus loquebar ut parvulus, sapiebam ut parvulus idest, infans, puerulus, cui nondum rationis usum adeptus est, aut certè imperfectè, ut interpretatur noster Menochius. Tertiò distinguendum est inter hæc duo: acquirere possessionem per Tutorem, & acquirere possessionem. tutore auctore, ut benè observat Collegium Argentoratense, & habet glossa in leg. 3. C. de acq. poss. per tutorem acquirere, est, quando nullà voluntate infantis interveniente, tutor supplens voluntatem infantis possessionem acquirit, ejus nomine scilicet, quæ potestas illi ex officio competit, legibus approbantis, sicut potest acquirere dominium infanti etiam, strictissimè sumpto. Tutore auctore verò acquiritur aliquid pupillo, quando voluntati pupilli tutor suum contentum accommodat, & auctoritate suà firmat. hinc non dicitur infans adire hereditatem auctore tutore, sed tutor nomine infantis: nec dicitur infans restituere tutore auctore, sed tutor infantis nomine: nec dicitur infans conveniri in judicio tutore auctore, sed tutor infantis nomine. His positis, certum est, quòd infans per tutorem possit acquirere possessionem, hoc enim claris verbis supponit Imperator in dicta l. 3. ejus verba postea commodius referam. Quamvis Giphanius in comment. ad l. 3. citatam id neget, approbante Hunnio. Sed communiter alii omnes affirmant. Certum etiam est, posse infansem in secundo sensu acceptum acquirere possessionem, auctoritate tutoris accedente. L. 32. §. 2. ibi. Infans possidere rectè potest, si tutore auctore cæpit, nam iudicium infantis suppletur auctoritate tutoris.

235. Est ergo controversia, utrum possit Infanti in secundo sensu accepto possessio acquiri sine tutoris auctoritate. Difficultatem ingerit lex 3. C. h. t. ubi Decius Imperator sic loquitur. [Donaturæ rerum à quacunque persona infanti vacua possessio tradita corpore queri ut Rationem subjungit, alioquin ne quidem, et tutorem possessio acquiri posset infanti.] In contrarium est lex 32. §. 2. ante cit. ubi requiritur tutoris auctoritas. In his conciliandis mirè varia et Interpretès. Duarenus putat, Imperatorem loqui de speciali casu, quo non solum res ex donatione, adeoque contractu pupilli utilitatem concernente, infanti erat tradita, sed etiam ipsi pupillo infanti in manum res erat posita, quam infans manu apprehendere potuerit, sic ut etiam verisimile sit infansem affectum aliquem habuisse ejus rei tenendæ, sicut ferè accidit, ut pueri affectu ducantur in res sibi donatas, easque avidè accipiant, cum affectu tenendi quod sibi donatur. De aliis verò rebus, quæ non traduntur in manum, negat dici posse, quòd acquirant possessionem. Cum hac responsione coincidit responsio Bartoli, Imperatoris rescriptum accipiendum esse de re mobili donata infanti, cujus acquirendæ aliquem animum & affectum infans habeat, veluti sunt jocalia, latine crepundia dicuntur. Unde apparet, horum DD. opinione Imperatorem locutum esse de infante in prima, & stricta acceptione.

Rejicitur hæc interpretatio communiter, utpote quæ non sit nisi conjectura, cujus nullum indicium exstat in rescripto Imperatoris.

Accurcius respondet, responsum Pauli J.C. in l. 32. fuisse ab Imperatore correctum. Sed & hoc aliis omnibus displicet, & merito; solent enim Imperatores mentionem facere antiquioris Iuris, si aliquo favore illis præjudicare volunt. Omisissis aliis solutionibus

236. Communiter jam conciliantur illæ leges, quòd Imperatoris Rescripto subintelligendum sit. Tutore auctore. adeoque Imperatorem loqui de infante accepto in secundo sensu, à quo & Paulus J.C. accipit. Colligitur hæc responsio satis efficaciter ex toto contextu, & argumento quo usus est Imperator. Nempe probans suam assertionem ex absurdo, quod alioquin sequeretur, si infanti non posset acquiri possessio. Nempe, si quid obstatet, esset defectus iudicii. Sed hoc non obstat, alioquin nec per tutorem acquiri posset: quæ illario non esset legitima, si sermo esset de acquisitione possessionis sine auctoritate tutoris. Non enim valet hæc consequentia. [Infans se solo non potest acquirere possessionem. Ergo nec per tutorem.]

137. QUÆRITUR 5. An nobis ignorantibus possit possessio per alios acquiri, ut sunt Procuratores, Servi, filii familias. Certum est, quòd si Procurator speciale mandat habet, nobis acquirat, quidquid ex tali mandato

vult

vult nostro nomine possidere. Deinde etiam certum est, cum qui habet mandatum generale cum libera administratione bonorum, etiam nobis acquirere possessionem, sicut Dominia; quia Procuratori cum libera omnia ea concessa intelliguntur, quæ speciale desiderant mandatum, unde illi licet transigere, & alienare, quod tamen non licet habenti tantum generale mandatum, seu administrationem universorum bonorum sine libera, ut ex variis Iuris textibus probatur, in Tractatu. 10. cap. 6. Demum, etiam sine libera habens generale mandatum nobis ignorantibus acquirit, quod colligitur ex l. 1. §. 20. ff. de acq. poss. quæ nullo facto discrimine dicit. Per Procuratorem, tutorem, curatoremve possessio nobis acquiritur. Major est difficultas in Servo, & Filiofam. Nam Donellus, & Duarenus existimant, per hos possessionem non acquiri Domino, aut Patri nisi ex causa peculii; hanc enim unicam causam expressit lex 44. §. 1. [Quæsitum est, cur ex peculiari causa per servum ignorantibus possessio quæreretur, dixi utilitatis causâ Iure singulari receptum: ne NB. cogerentur Domini per momenta species, & causas peculiorum inquirere, nec tamen eò pertinere speciem istam, ut animo videatur acquiri possessio: nam si non ex causa peculiari quaeratur aliquid, scientiam quidem Domini esse necessariam, sed corpore Servi quæri possessionem. De filiofam. videtur eodem sensu loqui lex. 4. Quidquid filius peculiaris (id est peculii) nomine apprehenderit, id statim pater ejus possidet, quamvis ignoret in sua potestate filium.]

238. Nihilominus ex aliis textibus satis aperte colligitur, indistinctè ex omni causa, si-ve peculii, si-ve alia, per servum, & filiofam. nobis ignorantibus possessionem acquiri, sicut Dominia acquiruntur. Imprimis enim lex 31. §. 3. ff. de usucap. sic loquitur. [Si servus meus, vel filius, peculiari, vel NB. etiam meo nomine quid tenet, ut ego per eum ignorans possideam, vel etiam usucapiam, si is futere cœperit, donec in eadem causa res fuerit, intelligendum est, & possessionem apud me remanere, & usucapionem procedere, sicut per dormientes quoque eos idem nobis contingeret. Idemque in colonis, & inquilinis per quos possidemus dicendum est.] Eadem universalitate loquitur lex 34. §. fin. ff. de acq. poss. Servus quoque meus ignoranti mihi acquirit possessionem. Et ita sentiunt Cujacius, & Ant. Perez. Aliquid tamen priori sententiæ concedendum est, nempe possessionem ignorantem acquiram ex peculiari causa hoc habere speciale, quod etiam durante Domini aut patris ignorantia, usucapio procedat, quod in aliis casibus non procedit, & hoc expressum habetur lege 47. ff. de usucap. [Si emptam rem mihi procurator ignorante me meo nomine apprehenderit, quamvis possideam, eam non usucapiam, quia ut ignorantes usuceperimus, in peculiaribus NB.

tantum rebus receptum est] & cum hac limitatione accipienda etiam sunt verba legis 31. paulò antè relata. Hoc autem utilitatis causâ Iure singulari receptum est. Nimis enim molestum esset, si Dominus, & pater singulis momentis cogeretur inquirere, quænam res, & quotitulus essent in peculio. In aliis causis requiritur ad usucapionem, ut accedat possessioni scientia, quia usucapio requirit bonam fidem, quæ in ignaro possessionis constare non potest.

239. Quæres, an amittam possessionem quam ignorans per alium acquisivi, si is moriatur, aut possessionem deferat? Ad hoc respondit l. 31. ff. de dolo. IC. Proculus contra Sabinum & Africanum, possessionem retineri, quia possessio solo animo retineri potest; cuius sententiam approbavit Justinianus L. ult. C. h. t. ibi. [Ex libris Sabinianis quæstionem in divinas nostri numinis aures relata tollentes definimus, ut si-ve servus, si-ve procurator, vel Colonus, vel Inquilinus, vel quispiam alius per quem licentia est nobis possidere, corporaliter nactam possessionem cujuscunque rei dereliquerit, vel alii prodiderit, desidia fortè, vel dolo, ut locus aperiatur alii eandem possessionem detinere, nihil penitus Domino præjudicii generetur, ne ex aliena malignitate alienum damnum emerget, &c.]

## CONTROVERSIA IV.

### Quomodo Possessio amittatur.

#### SUMMARIUM.

- A**N possessio possit solo animo amitti. 240.  
 An possessio naturalis amittatur per discessum corporalem à fundo. 241.  
 Quomodo possessio fundi amittatur per inundationem. 242.  
 Quomodo amittatur possessio per violentiam dejectionem aut exclusionem à proprio fundo. 243.  
 In quem finem leges fingant Colonum, Fructuarium, &c. adhuc tenere naturalem possessionem, quando absentes sunt, secus qui per seipsos possident. 244.  
 Quomodo amittatur possessio rerum mobilium. 245.  
 Quomodo amittatur possessio Jurium & Rerum incorporalium, ut interruptatur Prescriptio. 246.

240. **Q**UÆRITUR 1. An Possessio tam naturalis, quam civilis possit solo animo amitti. 2. Affirmativè: & quidem non solum tunc, quando quis solum civiliter possidet, non verò naturaliter, nec per se, nec per alium, sed etiam quando naturaliter possidet. Debet autem animus exterioris fuisse manifestatus, nam solus internus animus sicut sub legum dispositionem non cadit, nec in Iudicio probari potest, ita non

non sufficeret, ut usucapionis cursus interromperetur. Debet deinde animus esse absolutus, nam conditionatus quantumvis exterius manifestatus non sufficit, quamdiu conditionis implatione non transit in absolutam. Hæc continentur in legibus pluribus. L. 1. §. 4. ff. h. t. ibi. [Cum maritus, ubi noluit possidere, protinus amiserit possessionem.] L. 3. §. 6. [Itaque si in fundo sis, & tamen nolis eum possidere, protinus amittes possessionem. Igitur amitti & animo solo potest, quamvis acquiri non potest.] L. si me. 34. eod. ibi. [Ergo nec amittit possessionem, qui quodammodo sub conditione recessit de possessione.] Quod si quis in favorem alterius vult non amplius possidere, & alter tamen non acceptet possessionem, tunc attendendus est animus, qualis fuerit: si enim fuit tacite conditionatus, nempe quod nolit aliter desistere possessionem, quam si alteri accedat, non amittit, nec interrompet possessionem; si verò primario & absolute vult desistere, esto desideret ab altero possessionem inchoari, amittit possessionem.

241. QUÆRITUR 2. An possessio naturalis amittatur per discessum corporalem à fundo, ita ut non sit amplius vicinus fundo, nec eum habeat in conspectu. 2. Cum distinctione. Si principalis possidens se ipso fundum naturaliter possidet, tunc tali discessu possessionem naturalem amittit. Si verò possidet per colonum, servum, procuratorem, &c. tunc etiamsi hic taliter à fundo discedat, nec naturalem, nec civilem possessionem amittit. L. 31. eod. [Si colonus non deferendæ possessionis causâ exiisset de fundo, & eod rediisset, eundem locatorem possidere placet.] Quod de naturali possessione intelligendum est: civilem enim locator non amitteret, etiamsi colonus discessisset animo deferendi possessionem. Quod si quis interea absente colono ingrederetur fundum animo eum possidendi, hoc ipso acquireret naturalem possessionem. L. 44. §. 2. ibi. [Ejus verò quod servi, vel etiâ coloni corpore possidentur, non aliter amitti possessionem, quam eam alius ingressus fuisset, eamque amitti nobis quoque ignorantibus.] Junctis ijs quoque habentur. L. 40. §. 1. [Si forte colonus per quem Dominus possideret, discessisset, propter utilitatem receptum est, ut per colonum possessio & retineretur, & contineretur: quo mortuo non statim dicendum, eam interpellari, sed tunc demum, cum Dominus possessionem adipisci neglexerit. Aliud existimandum, ait, si colonus sponte possessione discesserit. Sed hæc NB. ita esse vera, si nemo extraneus eam rem interim possiderit, sed semper in hereditate coloni permanferit.] Neque debet hæc inutilis subtilitas videri. Talis enim continuatio naturalis possessionis per colonum servare potest hæredi, ut non habeat opus novâ corporali apprehensione, ut jam supra indicatum est. Aliam, & præcipuam

utilitatem indicabimus quæst. 4. ubi hoc magis declarabitur.

242. QUÆRITUR 3. Quomodo possessio fundi amittatur per inundationem. Rationem dubitanti ingerunt leges in speciem contrariæ. Nam. L. 3. §. 17. sic habetur. *Labeo & Nerva filius responderunt, desinere me possidere eum locum, quem flumen aut mare occupaverit.* Econtra lex 30. §. 3. sic habet. *Item, quod mari, aut flumine occupatum sit, possidere non desinimus.* Glossa sic conciliat, quod lex 3. loquatur de inundatione quoad multum temporis, lex 30. verò quoad breve tempus. quam conciliationem non improbat Antonius Perez in Cod. h. t. n. 26. sed tamen ipse, alique omnino, & meo ludicio verè, propter contextum, existimant esse mendum, & pro Non, esse legendum, Nos, & ita emendantur plurimæ editiones.

243. QUÆRITUR 4. Quomodo amittatur possessio per violentam dejectionem, aut exclusionem à proprio fundo. 2. Si possessore absente res illius occupetur ab alio, sive bonâ sive malâ fide, animo habendi pro suo, non amittit ille prior possessionem civilem, sed eam retinet tamdiu, donec intelligens rem ab alio tali animo occupatam esse, & aggrediens possessionem naturalem, ad eam non admittitur, vel existimans se non admittendum, nec prævaliturum, aggredi desistat: Colligitur hoc ex diversis legibus. L. 6. §. 1. h. t. [Qui ad nundinas profectus neminem reliquit, & dum ille à nundinis rediit, aliquis occupaverit possessionem, videri eum clam possidere Labeo scribit. Retinet ergo possessionem is qui ad nundinas abiit. Verum si revertentem Dominum non admiserit, vi magis intelligi possidere, non clam.] Deinde L. 7. continuatur resolutio casus, & dicitur: *Et si noluit ad fundum reverti, quod vim majorem veretur, amissæ possessionem videbitur.* Quod etiam prius dictum erat l. 3. §. 8. sed clariùs adhuc resolvitur l. 25. §. 2. [Quod autem solo animo possidemus, quæritur, utrumne usque eod possidemus, donec alius corpore ingressus sit, ut potior sit illius corporalis possessio; an verò (quod quasi magis probatur) usque eod possideamus donec revertentes nos aliquis repellat, aut nos ita animo desinamus possidere, quod suspicemur repelli nos posse ab eo, qui ingressus sit in possessionem, & videretur utilis esse.] Idem clarissimè reperitur. L. 1. §. 24. ff. de vi & vi armata.

244. QUÆRITUR 5. In quem finem leges fingunt Colonum, fructuarium, &c. adhuc retinere naturalem possessionem, etiam quando absentes sunt, quamdiu alius fundum non occupaverit, cum tamen ille qui seipso, & non per alium possidet, amittat naturalem possessionem retentâ solâ civili, si absit à fundo, ut dictum est supra. Responderetur hoc ideo fieri, quia si per absentiam perdidisse censerentur etiam naturalem possessionem (cum non habeant civilem)



lem) hoc ipso contra injustum invalorem non competere illis Interdictum unde vi. Hæc est mens Antonii Gomez in l. 45. tauri n. 107. dum dicit hoc discrimen inde provenire, quod retentâ possessione civili non sit necessaria retentio Possessionis naturalis, siquidem sola possessio civilis operatur omnes effectus, acsi naturali conjuncta esset. Quando verò possessio naturalis sejuncta est à civili, opus est fictione iuris in casu absentiae, ne possessor possessionis utilitatibus careat, nempe Interdicto, Unde vi, quod colligitur ex *L. arboribus de illo. v. nam quâ ratione. ff. de usufr.* ubi dicitur, servi fugientis possessionem civilem esse penes proprietarium, naturalem verò retinere Fructuarium. & l. 3. §. 14. ff. de vi, & vi arm. ubi ponitur, Fructuarium ex absentia redeuntem, si non admittatur, uti posse Interdicto, Unde vi.

245. QUÆRITUR nunc 6. Quomodo amittitur possessio rerum mobilium. Ad hoc claris gratiâ cum distinctione respondendum est. Vel enim res mobilis est ab alio occupata animo retinendi, ut suum, aut non. Si primum, statim amittitur possessio tam naturalis, quàm civilis, etiamsi ignoretur, quis eam occupaverit: & si ve res occupata sit servus five alia res, animata five inanimata, sine ullo discrimine. l. 1. §. per servum ff. h. t. verba postea dabo. item *L. rem. 15. & L. si rem mobile eodem.* Et per hoc differunt res mobiles, & immobiles, quòd in his retineatur possessio civilis, juxta superius dicta, quamdiu ignoratur ab illo possideri, vel quamdiu est animus recuperandi possessionem naturalem. Si verò secundum: id est, si à nemine est occupata, tunc distinguunt leges inter servum, & alia animalia irrationabilia, vel inanimata. Si servus aufugiat, non amittitur illius possessio civilis, donec ab alio occupetur, vel nisi diu se gerat pro libero homine. l. 1. §. 14. [Per servum, qui in fuga sit, nihil posse nos possidere, Nerva filius ait, licet respondeatur, à nobis eum possideri, ideoque interim etiam usucapi. Deinde l. 3. §. 10. [Si servum quem possidebam, pro libero se gerat, ut fecit Spartacus, & iudicium liberale pati paratus sit, non videbitur à Domino possideri, cui se adversarium præparat, sed hoc ita verum est, si diu in libertate moratur: alioquin si ex possessione servitutis in libertatem reclamaverit, & liberale iudicium imploraverit, nihilominus in possessione mea est, & animo eum possideo, donec liber fuerit pronuntiatus.] Ratio ita statuendi erat, ne esset in potestate servorum pro libito se à possessione extimere. Quoad reliquas res mobiles Salycetus in legem. 4. Cod. hoc t. distinguit inter res animatas & inanimatas. De animatis (& in hoc omnes conveniunt) ut in bove, equo, &c. quamprimum custodiam nostram exiverunt, & diligenter perquisita non reperiuntur, amittitur eorum possessio naturalis,

& civilis, etiamsi nemo occupaverit. l. 3. §. 13. ibi. *Nam pecus simul aque aberraverit, aut vas ita exciderit, ut non inveniat, protinus à nobis desinere possideri, licet à nullo possideantur.* De inanimatis putat Salycetus aliud esse dicendum. Verum esse paritatem, satis constat ex citatis verbis: aut vas. & lege 25. *Si id quod possidemus, ita perdidimus, ut ignoremus ubi sit, desinimus possidere.* Nempe si post exquisitam diligentiam non potest res inveniri, & sic animus desinat recuperare.

Unde facilis est responsio ad legem peregrè ff. h. t. quâ inducitur est Salycetus; ubi peregrè proficiens pecuniam absconderat in terra custodiæ causâ, & rediens non erat amplius memor loci ubi absconderat, quaesitum est, an desisset pecuniam possidere, vel si postea recognovisset locum, an confestim possidere inciperet: responsum est, quoniam custodia causâ pecunia condita proponeretur, sus possessionis ei qui condidisset non videri peremptum, nec infirmitatem memoria damnum adferre possessionis, quam alius non invasio. Ergo (infert Salycetus) non est eadem ratio inanimatorum ac animatorum. Respondetur, in hujus legis casu nondum fuisse depositam spem & animum inveniendi, & necdum fuisse debitam diligentiam in inquirendo adhibitam, quæ requiritur tam in animatis, quàm inanimatis.

246. QUÆRITUR 7. Quomodo Possessio Iurium, & rerum incorporalium amittatur, ut Præscriptio interrumpatur. §. 1. Possessionem servitutis amitti amisâ possessione fundi dominantis. *L. si ades. §. 1. ff. de servitut. urban. prædior.* ibi. [Natura enim servitutis ea est, ut possideri non possint, sed intelligatur possessionem earum habere, qui ades possidet.

§. 2. Amitti possessionem, seu, quod idem est, interrumpi præscriptionem prohibitione factâ ab eo contra quem currebat præscriptio. *L. sequitur. §. si viam. 27. ff. de usucap.* [Si viam habeam per tuum fundum, & tu me ab ea vi expuleris, per longum tempus non utendo amittam viam, quia nec possideri intelligitur ius incorporale, nec de via quis, id est, mero jure detruditur. Ratio est, quia cum in incorporalibus quasi possessio nihil aliud sit, quàm patientia adversarii. *L. Quoties. ff. de servit.* statim, quando quis desinit pati, interrumpitur possessio. Idem de aliis Iuribus, v. g. Iurisdictione dicendum est, ut tradit Panormitanus in cap. illud autem. & Bartolus in legem, *Naturaliter. de usucap. & Præscrip.*

247. §. 3. Amittitur possessio Iurium per non usum, vel absentiam, qualiter nimirum amittitur ipsum ius, ut suo loco dicitur. Et hæc de acquirenda, retinenda, & amittenda possessione, prout extra Iudicium contingere solent. De adipiscenda, retinenda, & recuperanda possessione agemus infra de Remediis Possessionis.

CON-

CONTROVERSIA V.

*Quos fructus lucretur, aut quid restituere teneatur Possessor, re evicta.*

SUMMARIUM.

**A**N bone fidei possessor à quo res vindicatur, nihil exigere possit à vindicante. 248.

An omnis ille teneatur restituere, qui ex occasione rei aliena factus est locupletior. 249.

An possessor bone fidei ex re aliena locupletior factus teneatur restituere, etiam si fur sit potens restituere. 250.

An totum illud sit restituendum, quo quis occasione rei aliene factus est locupletior, etiamsi excedat valorem rei. 251.

An qui rem furtivam emit à fure, possit contractum rescindere, & furi rem restituere, ut premium recipiat. 252. & seqq.

Fructus rerum sunt triplicis generis. 261.

Quinam sint fructus merè naturales. eod.

Merè industriales. eod.

Quinam mixti. 262.

Fructus merè industriales non tantum bone, sed etiam male fidei possessor pleno jure suos facit. 264.

Fructus necdum percepti ad Dominum rei pertinent, & unà cum re ipsa vindicantur.

Bone fidei possessor tenetur fructus adhuc in se & formaliter exstantes, tam mixtos, quam naturales restituere Domino, tamen si eorum dominium revocabile acquisiverit. 268.

Possessor hereditatis aliena tenetur etiam fructus consumptos restituere, quantum locupletior factus est. 280.

Ceteri possesores probabilis non tenentur consumptos fructus restituere, quantumvis locupletiores facti. 281.

Mala fidei possessor etiam fructus consumptos ante litem contestationem restituere tenetur in conscientia etiam non factus locupletior. 284.

Fructus consumptos dolo malo, consequitur actor utili vel vindicatione. 285.

Non solum fructus consumptos, sed etiam illos restituere tenetur male fidei possessor, qui percipi potuissent singulari etiam diligentia, sed cum distinctione. 286.

An in his fructibus aestimandis actor, an possessor considerandus sit, nempe, an quos actor, an quos possessor percipere potuisset. 289.

Post litem contestatam tam bone, quam male fidei possessor tenetur fructus perceptos & percipiendos restituere. 290.

Exceptio duplex. eod.

Conclusio procedit, si res evincatur. 292.

Fructus censentur, deductis expensis. 293.

*Impensæ sunt triplicis generis. eod.*

*Expensas necessarias etiam male fidei possessor deducit. 294.*

*Expensas utiles separabiles non tenetur vindicans solvere, sed potest auferendas relinquere. 294.*

*Vtilis impensas non auferibiles bone fidei possessor deducit: sed cum distinctione. 295.*

*Mala fidei possessor in foro externo non permittitur deducere impensas utiles, nec voluptuarias, nisi possint separari. 296.*

*In foro conscientia, & antecederet ad iudicis sententiam possessor male fidei possessor deducere, & bonæ conscientia retinere expensas utiles. 298.*

*Bone fidei possessor potest deducere impensas voluptuarias tunc saltem, quando vel Dominus ipse facturus fuisset, vel postea rem venalem habet, & ratione adificii voluptuarii carius vendit. 301.*

*Probabile est, etiam extra casus positos in foro conscientia bone fidei possessorem pro impensis voluptuariis posse aliquam saltem portionem deducere, juxta speciem lucri faciendi à Domino. 302.*

*In deductionem expensarum computandum est, quidquid fructuum nomine possessor percepit etiam ante litem contestationem. 303.*

*Bonæ fidei possidens, incipiens dubitare, tenetur inquietare. 304.*

*Facto sufficienti examine, si adhuc dubium perseverat, possessor ad nullam restitutionem tenetur, quamdiu manet dubius. 305.*

*Si ex culpa, etiam gravi, neglexit inquisitionem, nec potest postea amplius veritatem agnoscere, probabile est, necdum teneri restituere instar eorum, qui tenentur restituere debita incerta. 306.*

*Talis dubia fidei possessor potest rem possidem vendere, & utiliter alienare, monendo emptorem de periculo evictionis. 307.*

*Quando quis statim ab initio possessionis habet dubiam fidem, auctor tamen habuit bonam fidem, potest rem eodem modo tenere, sicut qui habet bonam fidem. 308.*

*Qui neutro modo rem capere possidet bonæ fidei, debet adhibere diligentiam ad investigandam veritatem. 309.*

S. I.

*Ad qualem restitutionem (seclusis fructibus) bone fidei possessor obligatur.*

**D**E obligatione Possessoris male fidei actum jam est in primo tractatu. Ibidem dictum est, bonæ fidei possessorem obligari in quantum vel res aliena existat, vel illius ratione locupletior factus est. Quia verò hoc variis modis contingere potest, ideo pluribus dubiis expedimus.

248. **QUÆRITUR** ergo 1. An bonæ fidei possessor, à quo res vindicatur, in nullo casu aliquid exigere possit à vindicante. 2.

LI 2

Tunc

Tunc posse, quando negotium Domini utiliter gessit, emendo rem in eum finem, ut Domino possit restituere, eò quod probabiliter alioquin Dominus non esset unquam receptorus, v. g. si emit à fure, exiguo pretio, vel etiam, si emit pretio iusto, sciens Dominum malle pretium solvere, quam rem suam carere ob singularem affectum erga talem rem. Ratio est, quia negotiorum gestio est quidam quasi contractus (de quo agemus tract. 10.) & perinde obligat Dominum rei, ac si mandatum dedisset, ergo negotiorum gestor acquirit lus non quidem in re, sed ad rem, ut tantum sibi solvatur, quantum in utilitatem Domini expendit.

249. QUÆRITUR 2. An omnis ille teneatur restituere, qui ex occasione rei alienæ factus est locupletior. 2. Negativè. Non enim tenetur ille, cui fur ex occasione furti facti aliquid donaret, alioquin non donaturus. Ratio est, quia res aliena ad talem secundum se nunquam pervenit, ut supponimus: ergo donavit rem suam. Regula ergo superius tradita intelligenda est de illis, ad quos res aliena in se pervenerat, & deinde desit quidem esse apud illos, sed tamen reliquit post se fructum: v. g. si quis alienum frumentum bonâ fide absumeret, cùm tantum debuisset absumere de suo, cui, propterea pepercit, & ita factus est locupletior. Item intelligenda est de heredibus, ad quos iure hæreditatis tale lucrum pervenit, etiam si res ipsa non pervenerit, quia hæres repræsentat personam defuncti, & in omnes ejus obligationes, non minus, quam in bona succedit. quæ omnia in proprio loco plenissime tractabuntur.

250. QUÆRITUR 3. An Possessor bonæ fidei ex re aliena locupletior factus teneatur restituere, etiam si fur, à quo rem alienam acceperat, sit potius restituere, non tamen restituit. 2. Affirmativè: quia cùm res aliena ad me pervenerit, nec tamen ejus dominium acquisiverim, lucrum ex illa re acquisitum est loco rei, ac proinde non minus teneor restituere, quam si rem ipsam haberem.

251. QUÆRITUR 4. An totum illud sit restituendum, quo quis occasione alienæ rei factus est locupletior, etiam si excedat valorem ipsius rei: v. g. quia tuâ industriâ vendidisti rem alienam pretio summo, cùm sufficisset pretium infimum, aut medium, quo Dominus rei contentus esse deberet. Affirmat Lessius cum aliis non paucis. Negat Molina, & Layman. Medium viam ingreditur Card. de Lugo disp. 17. n. 22. asserens, non debere quidem restituere illud, quod excedit pretium medium, teneti tamen ad pretium medium restituendum, nec satis facturum obligationi, si solum infimum pretium restitueret. Quod, & mihi placet. Ratio primæ partis est, quia pretium summum, secundum quod excedit pretium medium, est merus fructus industrialis: hos autem fructus

nemo tenetur restituere, ut infra dicemus. Ratio secundæ partis est, quia tamen pretium infimum sit justum pretium, non ita facile tamen pro illo pretio res comparantur, sed opus est industria majore quam communi, adeoque singulari: ergo si hoc solum restitueretur Domino, jam Dominus eò usque gravaretur amplius, quam si haberet rem suam, quatenus ad rem suam comparandam deberet uti singulari industriâ, & ut sic non haberet æquivalenter rem suam. Quod autem possessor obtinuerit medium pretium, non arguit communiter singularem, & æstimabilem industriam adhibitam esse, quia communiter res medio pretio venduntur: ergo pretium medium est potius pars rei, quam fructus industrie.

252. QUÆRITUR 5. An qui rem furtivam emit à fure, possit contractum rescindere, & furi rem restituere, ut recipiat pretium? Certum est. 1. non posse id facere, si se possit alio modo æquè facili in damnum servare, ut per Iudicis sententiam. Certum est. 2. posse eum id facere, si per restitutionem non reddat Domino periculosior recuperatio rei, ipsi autem emptori, nisi restitueret, periclitaretur pretium. Difficultas ergo est, si per restitutionem periclitetur res furtiva, & contra per non restitutionem periclitetur pretium possessoris.

Tres sunt sententiæ. Prima distinguit inter emptorem bonæ & malæ fidei; priorem affirmat posse pro pretio restituere rem furtivam, posteriorem negat. Ità post plures Lessius c. 14. dub. 3. Malderus, Turrianus, Dicastillo.

Secunda universaliter negat. Caietanus, uterque Medina, Sotus, Covarr. Ledesma, quos sequitur Molina.

Tertia universaliter affirmat, ita plures, quos sequitur Diana & Lugo. d. 17. f. 2. ubi ostendit, primam sententiam non procedere consequenter. Nam quod malâ fide res emptâ sit, si emptio non rescindat, illa emptio non operatur injustam læsionem Domini: ergo si restitutio in se non est injusta, non magis licebit restituere bonæ, quam malæ fidei emptori.

253. DICO 1. Tam bonæ, quam malæ fidei emptor potest repetere suum pretium à fure venditore, & permittit furem recipere rem venditam, nihil positivè cooperando, v. g. non referendo rem ad furis aures, sed præcisè non defendendo. Probat. Nemo tenetur ex natura rei, & secluso pacto, rem alienam defendere cum suo notabili detrimento, ut supra dictum est. Atqui in casu posito incurreret detrimentum pretii, si rem alienam defenderet, seu resisteret furi, ne illam auferret; hæc enim resistentia faceret, ut fur non redderet pretium: ergo, &c.

254. Confirmatur exemplis. Si bovem tuum ex puteo extraherem, & in alto adhuc suspensum tenerem, alius verò veller me percutere, nisi bovem dimitterem, possem dimittere, lapsu-

laspurum iterum in puteum, ad me indemnem servandum : item si bos tuus, quem ego furi in tuum commodum abstuli, deprehenderetur esse cornipeta, & inde nasceretur domi periculum bovi meo, possum illum dimittere, etiamsi sciam; ad furem reversum : ergo pari modo possum dimittere rem tuam furi, si ejus defensio mihi detrimento esset.

255. DICO 2. Speculativè loquendo probabilis est sententia secunda, talem emptorem, etiamsi sit bonæ fidei, non posse rem emptam positivâ actione furi iterum tradere pro recipiendo pretio, si res est apud furem magis periclitatura quàm apud me, ut non sit reditura ad suum dominum. Probatur à paritate exemplorum quæ nec adversarii negant, unde videtur ratio à priori erui posse. Si rem tuam ex incendio eripuissem, & alius mihi ministraretur, quod mihi tantundem ablaturus esset, nisi rem illam iterum projicerem in incendium, non liceret mihi iterum rem illam in incendium projicere : tam illicitum enim est tunc rem iterum in incendium projicere, quàm illicitum esset, si eam nunquam eripuissem, sed illa absque me fuisset extra incendium posita. Atqui si emptor in casu nostro restitueret furi positivâ actione rem emptam, planè positivè projiceret quasi in incendium : ergo sicut non posset rem illam nunquam à fure emptam furi tradere in eum finem, ut pecuniam sibi furto ablata restitueret ita nec ut restituat pretium.

256. Ratio à priori, quâvis Lugo fatetur esse fortissimam, est hæc. Melior status rei, undecunque proveniat, pertinet ad utilitatem domini, & Domino accedit : ergo non licet sine iniuria ex meliore statu quem acquisivit positivè dejicere in pejorem statum, tametsi non teneat cum notabili incommodo meo illum meliorem statum conservare : nam hæc sunt valde diversa. Atqui res furtiva à fure ad me perveniens, & extra furis detentionem constituta acquisivit meliorem statum, sicut res ex incendio erepta. Ergo, &c.

Responsiones, quas huic argumento adhibet Lugo n. 30. declarant solum id, quod prima conclusione statutum est, ipsam autem positivam restitutionem de qua nunc loquimur, potius impugnant, quàm excusant, ut legenti manifestum erit.

257. Respondet aliter P. Dicastillo : illum meliorem statum non provenire ex ipsa re, sed ex mea bonitate & probitate. Sed contra, Undecunque proveniat, jam accessit ipsi rei, & domino rei, sicut in exemplo rei ereptæ ex incendio. Hoc quidem verum est, me non tenei talem statum conservare : unde sicut librum possem à me abjicere, relinquendo periculo seu incendii seu furti, ita possem rem emptam ponere extra meam custodiam, & sic desinere

præcisè conservare ejus statum meliorem quem acquisivit : sed sicut non licet librum positivè projicere in ignem, quod esset positivè ponere in statu pejore, applicando scilicet causâ destrutivâ, ita non licebit rem emptam à fure ferre ad xdes furis, & ejus detentioni iterum subijcere. Uno verbo : possum asserere omnia illa, quæ si non auferam, dicor rem illam conservare seu custodire cum periculo proprii damni. quidquid autem amplius fecero quo sim causa nocuamenti vel pejoris status, illud erit contra justitiam.

258. Objicies 1. Cum Lessio. Contra. Quis ille emptionis potest ab emptore rescindi, utpote dolo initus : ergo potest rem emptam restituere in illum statum, in quo ante emptionem fuit. Respondeo negando consequentiam, quam quidem illegitimè inferri ex illo antecedente potest dupliciter ostendi. Primum enim pari jure inferri posset, quod emptor posset rem furi referre, & restituere, si dominus rei præsens esset, & rem vellet vindicare. nam etiam tunc posset contractum rescindere : hoc autem est inconveniens, quia teneretur rem tradere domino : ergo ad rescindendum contractum non est necessarium rem emptam constitui in pristino statu. Secundo posset inferri, quod non solum posset, sed deberet restituere furi, deberet enim omne illud præstare, quod esset necessarium, ut contractus legitimè rescinderetur : ergo si per te est necessarium restitui in pristinum statum, non tantum poterit sed debet restitui, supposito, quod velit rescindere contractum. Ratio autem à priori est, quia fur habet ex se obligationem restituendi pecuniam, & alter habet jus ad illam, utpote dolo & iniuste acceptam. at verò fur nullum habere videtur jus ad restitutionem equi, quin potius dominus videtur habere jus, ut non restituatur positivâ actione. Ergo. Dixi : videtur. Nam fortassis res aliter se habet, ut videbimus.

259. Objicies 2. Cum P. Dicastillo. Qui rem aliquam invenit in platea, & tollit eo animo, ut restituatur domino suo, si deinde aliquid inde malum sibi timeat, potest redire ad locum, ubi invenit, & ibi reponere in pristinum statum : ergo potest etiam emptor in pristinum statum licet pejorem, reponere rem emptam. &c. Negando paritatem, & est satis aperta disparitas. Inventor enim potest quidem ob periculum desinere rem conservare, sed non debet nec potest rem temere abjicere, si commode potest ad antiquum locum reportare, sic enim ponere in pejore statu quàm fuit ille ex quo extraxit : fortassis enim Dominus quaereret in loco ubi amisit, non quaesivisset in loco, in quem inventor abjiceret, quare reportandò in locum antiquum non nocebit domino, sicut noceret qui rem furi restitueret. Et hac ratione aliquando hanc sententiam defendit. Nihilominus



160. DICO 3. Etiam speculative loquendo videtur probabilius, posse rem ad furem referri, ad recipiendum pretium, si fur restitutionem rei exigat, permittendo rei apprehensionem, etiamsi prævideatur periculum domini, rem suam non consequendi. Probo Conclusionem ratione, ex qua statim apparebit solutio & responsio ad instantias pro secunda conclusione allatas. Fur contraxit duas obligationes, unam restituendi equum domino suo, vel in se, vel in æquivalenti, si equum non recipiat: alteram restituendi pretium emptori, ob rem alienam venditam, quam ille retinere non potest. si ergo paratus est restituere pretium, iuste petit sibi restitui equum, ut possit illum restituere domino: certè de hoc dubitari non potest, quod iuste peteret equi restitutionem, si reverà paratus esset equum restituere domino suo: quod autem habeat jus repetendi equum in casu redditii pretii, non provenit, nec fundatur in animo illum restituendi domino, sed in obligatione restituendi equum. sicut jus exigendi alimenta, fundatur in obligatione quam habet servus ad operas, quas sine exhibeitione victus præstare non potest. ergo idem jus est, qualiscunque sit animus: ergo si exigat equum ab emptore, ut habeat potestatem illum restituendi, emptor potest equum exhibere, imò tenetur, si velit recipere pretium, & alter nolit aliter pretium restituere.

Hinc apparet, non esse paritatem in exemplis allatis; quia qui me vellet damnificare, nisi ego res Pauli projiciam in incendium, non habet jus ad talem projectionem, & ad se salvandum indemnem, sicut fur salvatur indemnem, si equum recipiat, quem si non reciperet, deberet in æquivalenti solvere domino. Itaque emptor habet se adhuc permissivè, offendo furi occasionem satisfaciendi suæ obligationi, nec tenetur supplere defectum animi furis cum jactura pretii.

## §. II.

*Circa obligationem restituendi fructus certiora quadam præmittuntur.*

361. Notandum 1. Fructus rerum esse triplices: merè naturales, merè industriales, & mixtos: qui tamen simpliciter industriales etiam à DD. vocantur. His addunt aliqui quartum genus, nempe fructus civiles, hoc est qui ex jure altiorisque obligatione proveniunt, ut Usuræ, pensiones, mercedes, salaria &c. quæ licet fructus propriè non sint, vim tamen fructuum obtinere dicuntur, & velad mixtos, vel ad industriales revocantur. l. 221. ff. de V. S. *Usura pecunia quam percipimus, fructus non est, quia non ex ipso corpore, sed ex alia causa est, id est nova obligatione.* & l. 34. ff. de Usuris. *Usura vicem fructuum obtinens, & mercedem non debens à fructibus se-*

*parari.* & l. 36. eod. *Prædiorum urbanorum pensiones pro fructibus accipiuntur.*

Fructus merè naturales sunt, qui sine præcipuo vel notabili hominis factu ex corpore rei beneficio naturæ proveniunt, ut poma, nuces, sylvæ caduz. Merè industriales sunt, qui quidem ex rei corpore, potissimum tamen hominis labore, industria, operâ, culturâ & curâ proveniunt, & huc etiam revocantur usuræ: item si quis aliquid alieno instrumento elaborat, item si alienum semen in suo agro seminat: nam Segetes inde provenientes, licet ratione agri & seminantis consideratæ sint fructus mixti, ratione seminis tamen sunt merè industriales, quia semen per se non fructificaret, cum sit mortuum, sed vivificatur ab agro, & ideo est potius agri quàm seminis fructus. Fructus naturales iure Bavario vocantur: *Selbst gewachsen*, Industriales verò: *errigelt*.

161. Mixti fructus sunt, qui partim beneficio notabili corporis, partim industriâ notabili hominis proveniunt, ut si in alieno agro à me culto semen projiciam, dicor ex alieno corpore fructus mixtos percepisse: huc revocantur plerique fructus civiles, ut pensiones rerum locatarum, mercedes servorum, vecturæ navium & jumentorum. l. fructus. ff. de Usuris. & l. 62. ff. de Rei Vin. *Si navis à male fidei possessore petatur, & fructus æstimandi sunt, ut in taberna & area quæ locari solent.* Hos mixtos fructus Iuris periti vocant simpliciter industriales, Theologi verò vocant illos mixtos. Cæterum bene monet Thomas Sanchez lib. 2. in decal. c. 23. n. 48. in casibus particularibus attendendum esse, quid in perceptione horum fructuum prævaleat, naturæ an industria, & inde denominationem tribuendam, in dubio verò judicis arbitrio in foro externo, in interno prudentis arbitrio relinquendum. Unde idem Sanchez cum Covarr. & Menochio censet, fructus civiles regulariter industrialibus adnumerandos esse, quia industria prævalet. Alii tamen accuratius illos distinguunt ab industrialibus, & quidem, ut notat Arn. Rath. th. 97. de Rei vind. potiori ferè ratione, quàm industriales à naturalibus, tum quod in legibus l. usura ff. de usuris, & l. mercedes ff. de petis. hæred. civiles fructus dicantur tantum loco & vice fructuum esse, imò negentur propriè esse fructus: & ideo pecunia dicitur esse sterilis & infructifera, tum etiam quod fructus civiles, scilicet naturales & industriales inter hæredem usufructuarii & dominum proprietatis pro rata temporis dividantur, quacunq; anni parte decedat Usufructuarius, ut suo loco declaratum est. tum denique, quod male fidei possessor fructus civiles, non industriales, si ipsius factu, v.g. locatione ædium, proveniant, suos faciat; nam licet eo nomine domino rei obligetur, qui tamen solvit mercedem, dominium transfert, & liberatur. l. 55. pr. ff. de condit. indeb. *Si urbana prædia lo-*

*caverit prado, quod mercedis nomine ceperit, ab eo qui solvit, non repetitur: sed domino erit obligatus.*

263. Notandum 2. Fructus alios esse jam solo separatos, & vel adhuc exstantes, vel jam consumptos, alios esse adhuc pendentes, & nondum perceptos: item alios fructus dici percipiendos, hoc est, qui percipi potuissent à domino rei ab alio possessor. Denique alii sunt fructus præcedentes litis contestationem, alii subsequentes.

264. DICENDUM est 1. Fructus merè industriales non tantum bonæ, sed etiam malæ fidei possessor pleno jure suos facit, ut ne quidem exstantes, & quantum inde locupletior factus est, restituere cogitur. Ratio conclusionis evidens est: quia sicut fructus rei rem, ita fructus industriæ industriam sequitur: quis enim iudex toleraret eum, qui non solum calamum aut penicillum, sed etiam pretiosam scripturam aut picturam repereret & sibi adjudicari vellet, quam cum ipsius calamo scripti, aut penicillo pinxi? Tencor ergo solum calamum, & valoris usus aut daninum domino emergens, aut lucrum cessans (si malâ fide usus sum, quæ se per accidens habent) restituere, non, laboratum opus. Neque ab hac certâ theologorum sententia discrepat VVurmserus *lib. 2. tit. 1. contr. 15.* aut alii iuriste, quia, ut jam ante notavi, loquuntur de fructibus industrialibus, quos theologo mixtos vocant.

265. DICENDUM 2. Fructus necdum percepti, aut segetes agro adhærentes, pompendentia, sætes necdum editi, adeoque sive sint naturales, sive mixti, ad dominum rei fructiferæ pertinent, & una cum re ipsa vindicantur. *L. Julianus 13. §. si fructibus. 10. ff. de actionib. empti.* Si fructibus jam maturis ager distractus sit, etiam fructus emptori cedere, nisi aliud convenit, exploratum est. Ratio est clara, quia censentur pars illius rei fructifere. Teneatur tamen Dominus possessori bonæ fidei expensas utiliter factas, & æstimationem laboris solvere. *L. si quis sciens. 11. C. de R. F. ibi. Sanè cum qui bonâ fide possidens hæc fecerit* (id est alienum agrum severit) *per doli mali exceptionem contra vindicantem dominum servare sumptus iuris auctoritate significatum est.*

### §. III.

*An omnes Fructus exstantes restituenti sint.*

266. Controversum admodum est circa fructus naturales & mixtos jam perceptos, sed adhuc exstantes apud possessorem, an re evictâ sint restituenti Domino, vel an bonæ fidei possessor ipsâ perceptione suos effecerit. In quo puncto adeo in speciem discrepantes exstant leges, ut & nobilissimi Iuris Consulti apud Card. de

Lugo, ac ipse Lugo d. 17. n. 47. planè desperent de illis conciliandis. Quidquid enim dixeris, id quidem ob auctoritatem DD. & Interpretum erit probabile, sed habebis aliquam legem graviter adversantem, ut ostendo.

Si enim primò distinguas cum Acursio, & Duareno, ac Donello, & dicas mixtos fructus fieri bonæ fidei possessoris, non item naturales; opponitur tibi statim lex *bonæ fidei 48. ff. de acquir. rerum dominio*, ubi dicitur, quod bonæ fidei emptor fructus interim, (hoc est, quamdiu possidet, donec res evincatur) non tantum eos, qui diligentia & operâ ejus proveniunt, sed etiam omnes faciat suos. Ecce! lex nullum discrimen admittit, inter naturales & mixtos.

Deinde opponit se lex *in pecudum. ff. de usufr.* ubi de fructibus naturalibus dicitur, quod pleno iure sint bonæ fidei possessoris. [In pecudum fructu etiam sætes est, sicut lac & pilus, & lana: itaque agni & hædi, & vituli statim pleno iure sunt bonæ fidei possessoris, & fructuarii.] Scio aliquos, ut Castro Palao: hæc inter fructus mixtos numerare, sed immerito, in his enim natura prævalet, esto aliquis labor in ijs educandis requiratur. Unde Joan. Harpprecht ex communis Juristarum, & plurimis textibus hæc omnia inter fructus merè naturales numerat. in §. 37. J. de R. D. n. 8. Denique opponitur lex. 22. C. de rei vindi. ubi dicitur. [Certum est, malæ fidei possessores omnes fructus solvere cum ipsa re præstare: bonæ fidei verò exstantes: post litis autem contestationem universos.] Ecce! negantur bonæ fidei possessori omnes fructus exstantes.

267. Si verò secundo dicas cum communis Theologorum quos refert Layman n. 5. omnes tam naturales, quam industriales mixtos esse restituendos, & neutros fieri possessoris, facit imprimis contra te §. 35. *Inst. de Rerum divis.* ubi dicitur: [Si quis à non Domino, quem Dominum esse crediderit, bonâ fide fundum emerit, vel ex donatione, aliâve quâlibet iustâ causâ æquè bonâ fide acceperit: naturali ratione placuit, fructus quos percepit ejus esse pro cultura & cura.] Item facit contra te lex 45. ff. de usuris. ubi dicitur, quod bonæ fidei possessor illos fructus faciat suos, quos operis suis acquisiverit, ut ferendo, non verò fructus merè naturales. [Fructus percipiendo suos facit, illos tamen, quos suis operis acquisiverit, veluti ferendo. Nam si pomum decerpserit, vel ex sylva cædit, non fit ejus, quia non ex facto ejus fructus nascitur.]

Si denique, & tertio dicas cum Menochio, Cujacio, Layman, Manzio, Cast. Palao, quod bonæ fidei possessor fiat quidem Dominus omnium fructuum tam mixtorum, quam naturalium, sed revocabiliter, obstat videtur lex *sequitur. §. luna. 19. ff. de usuc.* ubi dicitur: [Lana ovium futurarum, si quidem apud furem detenta est, usucapi non potest: si verò apud bonæ fidei emptorem, contra. Quoniam in fructu est,

nec

nec NB. usucapi debet, sed statim emptoris fit, idem in agnis dicendum, si consumpti sint, quod verum est. Subsumitur: atqui si tantum fierent possessoris revocabiliter, utique usucapio utilis esset, acquireretur enim dominium irrevocabiliter, ut contra hanc sententiam argumentatur Donellus, & Lugo: ergo acquirit eos irrevocabiliter. In hac legum perplexitate placet magis recta sententia, cum qua

268. DICO 3. Bonæ fidei possessor tenetur fructus adhuc in se, & formaliter existentes, tam mixtos, hoc est, non merè industriales, quàm naturales, restituere Domino, tametsi ante rei evictionem eorum dominium, sed revocabile acquisiverit. Probatur Conclusio ex lege Cerrum 22. C. de Rei vindicatione, cujus verba paulò antè dedimus. Quæ quidem debet esse maximi ponderis, cum sit lex Codicis, & valde clara, adeoque si esset aliqua legum antilogia, priores censerentur posthabendæ. An autem reverà sibi contradicant, videamus.

269. Obijciat ergo 1. Lex sequitur. 4. §. Lana. ff. de usucap. cujus verba paulò antè recitavimus. 2. In prædicta lege non negari, quòd possint utucapi fructus percepti quoad irrevocabilitatem, ut benè notarunt Antonius Faber, Menochius, Hartmannus, Pistorius, Fachineus, quos refert & sequitur Arnoldus Rath de Rei vind. th. 123. lit. C. sed eo solum sensu, quòd non possint usucapi simpliciter & quoad dominium ut sic, cum bonæ fidei possessor statim sit Dominus, ità ut si alienet, verè transferat dominium.

270. Replicabis. Insolens esse videtur, dari dominium revocabile, præsertim illarum rerum, quæ usu consumuntur: unde nos ipsi ex certa sententia suprà docuimus, ideo RR. PP. Franciscanos non esse Dominos ciborum, quia solum habent facultatem revocabilem, & ideo talem usum distingui à dominio. Respondeo, doctrinam illam de facultate PP. Franciscanorum procedere de facultate ad nutum in singula momenta revocabili, ubi constat de Dominorum rerum, à quo facultas pendet, nihil hujusmodi est in iure possessoris ad fructus. Ceterum non est insolens dari dominium revocabile, tunc nimirum, quando resolvitur causa domini: exemplum est in dominio, quod habet maritus in dote, quod revocatur resoluta causâ, scilicet dissolutione matrimonio: sic ergo, resoluta causâ, propter quam possessor erat Dominus factus, hoc est, bonâ fide, quæ cessat, quando per rei evictionem constat quis sit Dominus, revocatur dominium. & hoc sibi vult lex bonæ fidei. ff. de acquir. rer. dom. jam sup. recitata, dum dicit, quòd possessor bonæ fidei omnes fructus interim suos faciat, hoc est, donec evincatur: eodem modo intelligendus est. §. 35. Inst. de R. Divis. etiam relatus, ex quibus legibus, junctâ lege Codicis, est plenè proba-

ta Conclusio, legesque aliquot conciliatæ. Adhuc tamen

271. Obijci potest 2. Lex 45. ff. de Viris. ubi dicitur: *Fructus percipiendi vxor vel vir ex re sibi (à conjugè) donata (adeoque alicui, quia donatio inter conjuges per se loquendo non valet) suos facit, illos tantum, quos operis acquisierit, veluti ferendo: nam si pomum decerpserit, vel ex sylva reciderit, non fit ejus, sicut nec cuiuslibet bonæ fidei possessoris.* Ex hac lege visum est P. Laymanno, c. 3. de Restit. n. 5. clarè deduci, possessori solum acquiri dominium fructuum industrialium, seu mixtorum, non verò naturalium. Verùm huic responsioni adversatur lex Bonæ fidei, quæ nulum admittit discrimen.

272. Aliter ergo respondet P. Castro Palao, ideo maritum vel uxorem non acquirere dominium fructuum naturalium perceptorum (bene tamen industrialium) quia caret legitimo titulo, qui requiritur ad acquirendos fructus naturales, non verò ad industrialia. Hæc responsio, & est sine iure conficta, & contra clarum textum citatæ legis, in qua dicitur: *sicut nec cuiuslibet bonæ fidei possessoris.* Adeoque nec illius, qui habet titulum, quales plerique sunt.

273. Aliter ergo ad prædictam legem respondendum esse censo, & fatendum imprimis, quòd hæc lex loquatur de dominio irrevocabili, adeoque asserere, quòd uxor fructus industriales faciat irrevocabiliter suos, non item naturales. Ratio discriminis est hæc, quia licet donatio fundi facta à marito non valeat quoad fundum ipsum, valet tamen quoad emolumenta fundi, per quæ ipse non sit pauperior: jam verò si mulier in agro illo suum semen ferat, & illos fructus colligat, non fit maritus pauperior; si verò fructus pendentes decerpere, & suos facere uxor posset, posset ex hoc capite maritus pauperior fieri. Est ergo ratio discriminis. Quod si quis huic responsioni meæ acquiescere nolit, fateamur cum Lugone & aliis, hanc legem, quæ est Pomponii JC. responsum, & exstat in Digesto veteri, esse posterioribus correctam.

274. Obijciat 3. Si Possessor esset fructuum Dominus, tunc Dominus rei evictæ non posset illos petere Rei vindicatione, quòd tamen facere videtur. 2. Cum Layman, Palao & aliis, imò non petere illos rei vindicatione, sed vel conditione sine causa (quæ est actio personalis, quâ petimus illud, quod quidem ante ex iusta causa apud alium fuit, sed postea cessante causâ esse non debet) vel impetrato Iudicis officio. Addo ego, posse etiam peti conditione ex lege, quæ datur, quando aliqua obligatio lege cauta est, nec tamen est expressum, quâ actione agendum sit. Restitutio fructuum cautata est. L. Cerrum cit. L. de R. V.

## §. IV.

*An restituendi fructus consumpti ante litem contestationem, in quantum bona fidei Possessor inde locupletior factus est.*

275. **G**Ravius adhuc controversum est, an bona fidei possessor fructus consumptos, sed adhuc æquivalenter exstantes restituere cogatur ex legum dispositione. Dico, ex legum constitutione: nam seclusis legibus ex lre naturæ teneretur utique restituere illos fructus, in quantum locupletior factus est. Quia tamen ex iustissimis causis leges possunt in huiusmodi casibus aliud statuere, videndum est, an in hac parte leges adjudicent fructus consumptos omnes bonæ fidei possessori, vel an illos excipiat, in quantum locupletior factus est.

Et quidem Iure Bavarico non tenetur bonæ fidei possessor ullos restituere. Ità habetur. L. R. tit. 9. a. 10. & ità interpretatur Arnoldus Rath de Iuris differentis ch. 80.

Intricatissima res est de Iure Cæsareo. Esse restituendos, in quibus possessor est locupletior factus, sine discrimine affirmat Innocentius, Bartolus (qui tamen etiam pro contraria parte citatur) Abbas Panor. Covar. Molina, Sayrus, Rebellus, Lessius, Layman, & innumeris citatis Sanchez apud Palao disp. un. de iust. in genere p. 24. §. 7. n. 11. quibus adhaeret, sed nihil disputat Lugo n. 47. Val. Azor, Toletus, Rodriguez apud Laym. & est, vno verbo, communissima Theologorum, ità ut nullum inveniam, qui contrariam, ut probabiliorē defendat, quamvis probabilē dicant plerique. Ex Juristis eam tenet & acerrimè contra Harpprecht defendit VVurmserus lib. 2. Contr. 15. & apud eum Pistorius, ac plures alii.

276. Hujus sententiæ potiora fundamenta sunt sequentia. Primum ex variis legibus desumitur. *L. sed est. 25. §. consuluit. 11. ff. de hereditatis petitione.* [Consultui Senatus bonæ fidei possessoribus, ne in totum damno afficiantur, sed in id duntaxat teneantur, in quo locupletiores facti sunt. Quemcunque igitur sumptum fecerint ex hereditate, si quid dilapidaverunt, perdidērunt, dum re suā se abuti putarunt, non prestabunt; nec, si donaverint, locupletiores facti videbuntur, quamvis ad remunerandum aliquem naturaliter obligaverint, planè si remunerationem acceperint, dicendum est, eatenus locupletiores factos, quatenus acceperunt velut genus quoddam hoc esse commutationis.] Deinde adducitur lex illud quoque 40. §. 1. eodem. ibi. *In bona fidei possessore hi tantum veniunt in restitutione, quasi augmenta hereditatis, per quos locupletior factus est.* Denique adducitur lex 1. C. de pet. hæ-

red. ibi. *Fructus bonæ fidei Possessores reddere cogendi non sunt, nisi ex his locupletiores exstiterint.*

277. Verùm hæc leges ad rem præsentem minime faciunt, quia ut ex verbis, & ex Rubrica patet, loquuntur specialiter de possessore hereditatis evictæ. Est autem specialis ratio, cur iste debeat fructus æquivalenter exstantes restituere; quia cum possederit *pro herede*, quidquid illi quâ tali accessit, cum reverâ hæres non fuerit, hereditati tanquam personæ fixæ accessit, eamque auxit, evasitque pars universitatis bonorum. Non ità se habent fructus aliorum singulorum bonorum, qui, ut paulò antè vidimus, non possunt eadem actione peti, quâ res ipsa possessa vindicatur: fructus autem hereditatis eadem actione petuntur, quâ hereditas petitur, ut notat P. Castro Palao, & Casparus Manzius in tit. 17. lib. 4. Inst. §. 3. Quate ex hoc capite sumitur argumentum pro contraria sententia.

278. Secundum fundamentum hujus sententiæ est hoc. Regula generalis est, quod nemo cum alterius detrimento (sine illius consensu) debeat locupletari. *L. nam hoc natura. 14. ff. de condit. indeb.* atqui hoc fieret, si luceret fructus, quibus consumptis possessor locupletior factus est. Hoc fundamentum plus non probat, quàm quod spectato Iure naturæ ità se res haberet, seclusis legibus: sed ex dispositione legis aliter esse posse nemo negaverit, nisi qui vim præscriptionis ignoret.

279. Tertium fundamentum. Fructus exstantes sunt restituendi, ut præced. §. dictum. sed fructus consumpti cum lucto possessoris exstant æquivalenter; ergo sunt restituendi. Nec hoc quidquam evincit. Nam, nisi vis fiat legibus, illæ loquuntur manifestè de realiter existentibus, & in Iudiciis semper isti soli intelliguntur. Quapropter attentâ legum dispositione fructus æquivalenter exstantes non veniunt nomine exstantium, licet hoc nomine veniant, si de solo Iure naturæ questio esset. Hæc sunt fundamenta hujus tam receptæ sententiæ, ut mirum sit tam multos tam obstinâtè illi adhæsisse.

280. DICO 4. Possessor hereditatis alienæ tenetur etiam fructus consumptos restituere, quantum locupletior factus est. Constat ex legibus in primo fundamentum præcedentis sententiæ adductis, quæ id clarissimè dicunt.

281. DICO 5. Ceteri possessores bonæ fidei bonorum singularium probabilis non tenentur consumptos fructus restituere, quantumvis locupletiores inde facti sint. In hac conclusione convenio cum modernis Iuristis, quibus ex Theologis accedit Palao, quatenus in eam magis inclinat.

Probo Conclusionem 1. Quando leges loquuntur de fructibus hereditatis restituendis, semper expressè mentionem faciunt eorum quibus possessor factus est locupletior: quando verò de cæteris possessoribus loquuntur, nullam ho-



rem exceptionem faciunt, sed simpliciter dicunt, fructus consumptos lucrari possessorem. *L. sed, & loci. 4. §. post litem 2. ff. finium regundor. ibi.* [Sed ante iudiciū percepti non omnimodo hoc in iudiciū veniant, aut enim bonā fide percepit, & lucrari cum oportet, si eos consumpsit; aut malā fide, & condici oportet.] Item *§. si quis à non Domino. Inst. de Rer. divis. ibi.* [Naturali ratione placuit fructus quos percepit ejus esse pro cultura, & cura.] Qui textus si benè ponderetur est efficacissimus. Nam Iure naturæ non propter curam, & curam lucratur à restitutione fructuum consumptorum sine lucro, sed propter bonam fidem, ut Theologi omnes docent: ergo quando Imperator aliquid vult amplius concedere pro cultura, & cura, illud erit lucrum ex fructibus consumptis. Et hoc indicat verbum: *Naturali ratione* (id est æquitate) *placuit.* Ulterius colligitur id ex lege *certum. C. de Rei V. quam retulimus præc. §. ubi fructus exstantes jubentur restitui conformiter obligationi naturali:* ergo debuisset Imperator etiam de lucro ex consumptis mentionem facere, nisi voluisset in hoc possessori favere. Denique huic sententiæ etiam inde pondus accedit: quia teste non solum Pinello, & Fabro, sed etiam ex adversariis Rebello, & Sanchez in praxi hæc sententia observatur. Hinc autem

282. Probatur Concl. 2. In magna legum ambiguitate (si quæ tamen in præsentia est) illa interpretatio posthabenda est, quæ in praxi non observatur, & si observanda esset, innumeris perplexitatibus, & scrupulis objiceret possessores timorata conscientia: sic se res habet in casu nostro. Nam sententiam nostram tribunalia sequuntur: ipsi Theologi securam in conscientia farentur, & præterea clarū est, quàm difficile, molestūque futurum esset timoratis possessoribus examinare lucrum ex fructibus, & sincere ponderare, ac tandem restituere.

283. Objici posset ex *§. etsi Inst. de off. Iud.* ubi dicitur, eadem intervenire in petitione hæreditatis, ac singulorum: atqui in illa petitur lucrum ex fructibus consumptis: ergo, & in hac. &c. Eadem intervenire formaliter, non materialiter; hoc est, fructus utrobique petuntur, sed non eodem modo, & pari latitudine, quam tamen diversitatem noluit Justinianus declarare in Institutionibus, sed in Codice.

### §. V.

*Ad quos fructus restituendos malæ fidei possessor teneatur.*

284. **DICENDUM 6.** Malæ fidei possessor etiam fructus consumptos ante liris contestationem restituere teneatur in conscientia, sive locupletior factus sit sive non. Ratio est manifesta: nam illi fructus cesserunt possessori

bonæ fidei propter bonam fidem, ut supra probatum est: ergo si bona fides non adfuit, manserunt in dominio Domini rei: ergo si possessor absumpsit, tenetur ad restitutionem. Textum jam dedimus in leg. *Certum. C. de Rei vindic.*

285. Fructus consumptos, si quidem dolo malo consumpti sunt, consequitur Actor Rei vindicatione uti: (non directi) quæ datur adversus eum, qui dolo desit possidere, ad hoc, ut si non amplius existant, eorum restitutio præstetur. *L. 36. in pr. ff. de Rei vindic.* [Qui petitorio experitur iudicio, ne frustra expectetur, requiritur debet, an is cum quo instituat actionem, possessor sit, vel dolo desit possidere.] Si verò id eo consumpsit, quia aliquin corrupti essent, non possunt vindicari, quia nec possidet nec dolo desit possidere; sed actor illos consequetur conditione furtivā, ut habeatur *§. finali Inst. de obligationib. quæ ex delicto nascuntur. ibi. Conditio autem (furtiva) adversus furem ipsum hæreditarie ejus, licet non possideat, competit.* Eadem autem ratio est de quocunque malæ fidei possessore. *Arnoldus Rath. th. 115. de R. V.*

Conclusio procedit 1. Etiam si illos fructus Dominus rei non fuisset percepturus. Itā communis contra Covarruviam, Vasquez, Sayrum, Navarrum. Ratio est, quia quando existerunt, erant ipsius Domini: ergo malæ fidei possessor tenebatur illos restituere exstantes: ergo si absumpsit, rem alienam sciens absumpsit, & quæ alteri quæsitum læsit: ergo restituere tenetur.

Procedit 2. Etiam si illi fructus proveniunt ex melioramentis adjectis rei à malæ fidei possessore, modò sint inseparabilia à re. Ratio est eadem.

286. **DICENDUM 7.** Non solum fructus consumptos, sed etiam illos restituere tenetur malæ fidei possessor, qui percipi potuissent non solum communi, sed etiam singulari diligentia, sed cum hac distinctione, ut in foro conscientia non nisi ad illos teneatur, quos ipse Dominus rei verisimiliter percepturus fuisset juxta consuetam illi in rebus suis diligentiam. Ratio. Quia quoad hos solos læsus est, & numerantur inter lucrum cessans, ad quod malæ fidei possessor obligatur.

287. In foro externo in penam injustæ detentionis condemnatur possessor etiam in restitutionem illorum fructuum, qui etsi non fuissent percepti, honestè tamen percipi potuissent. *L. navis. 62. §. fin. ff. de R. V. ibi. Generaliter autem, cum de fructibus æstimandis quaritur, constat animadverti debere, non an malæ fidei possessor fructus sit (putarem legendum, fructus sit) sed an petitor frui potuerit. si ei possidere licuisset, quam sententiam Julianus quoque probat. L. 32. eod. Fructus non modò percepti, sed & qui percipi honestè potuerunt, æstimandi sunt, &c.*

Obji-

Obijci tamen potest lex 17. C. de R. V. ubi loquens de emptore qui admonitus quod res esset aliena, emit, aut alio modo malâ fide contraxit, sic habet. *Fructus, quos eum malâ fide percepisse fuerit probatum, adius præf. Provincie restituuntur.* cum ergo nulla mentio fiat fructuum, qui percipi potuissent, ad hos non tenebitur.

188. Propter hanc legem plurimi Juristæ, quibus accedit Sanch. lib. 2. c. 23. n. 98. distinguunt, & aiunt, ad fructus perceptibiles & non perceptos solum illum malâ fidei possessorem teneri, qui sine titulo malâ fide possedit; de quo volunt loqui leges à me relatas. Itâ post glossam Bartolus, Durand, Angelus Hostiensis & alii. Verum mihi probabilior est sententia aliorum quos sequitur Menochius de recuper. poss. remed. 15. n. 606. & seq. sine discrimine omnes teneri, quia leges allatæ nullum discrimen faciunt. lex autem *Si fundum, et si taceat fructus non perceptos*, non propterea negat esse restituendos, si actor probasset, & petiisset: sed quia actor tantum probavit consumptos, hos solos ad iudicare Præses jubetur. Sanè glossa quatuor casus recenset, & Sanchez duos addit, in quibus nec titulus, utpote à jure reprobatus, excusât.

189. QUÆRES 1. An in his fructibus æstimandis Actor potius an possessor considerandus sit, hoc est, an possessor in illos condemnandus, quos actor percipere potuisset, vel quos possessor: sunt enim hominum industriæ diversæ. Castro Palao vult Judicis arbitrio relinquendum. Hoc tamen non satisfacit; nam Judex volet ex nobis scire, quid legibus conformius sit. Itaque sentio cum Arnaldo Rath th. 102. de R. V. actoris rationem habendam esse, huic enim favere volunt leges. & præterea non potest actor se solum existimare per hoc, quod possessor non sit usus majori industriâ, quam quâ ipse dominus uti potuisset si rem possedisset.

QUÆRES 2. An hæc obligatio sit in foro conscientie quoad fructus qui percipi potuissent, sed nec à possessore percepti sunt, nec à domino percepti fuissent. R. Negative, ante Judicis sententiam, quia sunt leges penales latæ in odium malâ fidei, de quibus actum in 1. tract.

## §. VI.

*De obligatione restituendi fructus post litem contestatam perceptos vel percipiendos.*

190. DICENDUM 8. Post litem contestatam, tam bonæ quam malæ fidei possessor tenetur fructus perceptos & percipiendos restituere, etiam si inde non sit factus locupletior. Itâ interpretes in leg. 25. §. 7. ff. de her. d. pet. ibi: que redditur ratio. [quoniam post litem conte-

statam omnes incipiunt malæ fidei possessores esse; quin imò post controversiam motam: quamquam enim litis contestatæ mentio fiat in Senatusconsulto, tamen & post moram controversiam omnes possessores pares fiunt, & quasi prædones tenentur: & hoc jure hodie utimur: caput enim scire (fictione juris itâ præsumptis inquit gl.) rem ad se non pertinentem possidere se is qui interpellatur.]

Excipitur tamen ab hac regulâ primò; si fructus erant percipiendi ex melioramento à possessore adjecto, tunc enim bonæ fidei possessor non tenetur restituere fructus non perceptos, benè tamen malæ fidei possessor, ut contra Accursium docet Arnold. Rath th. 109. Ratio est æquitas, ne bonæ fidei possessor ex sua diligentia damnum percipiat.

191. Excipiuntur 2. Usuræ, quæ ex pecunia aliena percipi potuissent: nam nec hæ restituendæ sunt: cujus specialis ratio redditur in l. 62. ff. de Rei V. ibi. [Nam etsi maxime vedura, sicut usura non naturâ pervenit, sed jure percipitur: tamen ideo vedura desiderari potest; quoniam periculum navis possessor petitori præstare non debet; cum pecunia periculo dantis scerneretur.]

292. Conclusio autem procedit, supposito, quod per Sententiam res fuerit evicta; nam quamdiu evicta non est, tamdiu possessor bonæ fidei habet jus percipiendi fructus, sicut habebat antè, nec quoad hoc fit per litem contestationem malæ fidei possessor, sed solum quoad effectum in conclusionem positum, ex suppositione quod in Iudicio petitorio succumbat: & hoc sensu intelligi potest lex 25. §. 2. ff. de Usuris. ibi. *Bonæ fidei emptor quoad percipiendos fructus intelligi debet, quamdiu evictus fundus non fuerit.* Quin imò Garzia, quem sequitur Sanchez l. c. n. 193. & Palao §. 8. n. 4. docet, non teneri bonæ fidei possessorem restituere fructus aliter post litem contestatam quam antè, si in ipsâ litem contestatione non fuerint allegata talia argumenta, quibus vera mala fides fuerit introducta: nam si possessor putavit se adhuc probabilem habere exceptionem, censent isti DD. non esse comparandum aut aquirandum cum malæ fidei possessore, ac pro se allegant legem 17. C. de Rei Vin. Ego tamen non assentior, nam in cit. l. hoc non habetur. deinde obstat lex 25. ff. de hered. pet. ex cujus verbis paulò antè recitatis constat, incipere possessoris malam fidem fictione juris statim post motam controversiam etiam ante litem contestationem: & præterea lex Ceterum. C. de R. V. clarè facit, & universaliter loquor asserens, bonæ fidei possessorem post litem contestationem ad universos fructus restituendos obligari.



## §. VII.

*Quas expensas deducat possessor seu bona  
seu mala fidei in Restitutione rei  
& fructuum.*

293. Suppenendum ex lege 36. §. fin. ff. de herod. Speit. fructus non habere rationem fructuum, nisi deductis impensis, quæ querendum, cogendum, conservandumque eorum gratia sunt. Deinde

Notandum est ex l. impense. ff. de V. S. Impensas esse triplicis generis, *Necessarias, Vitales, Voluptuarias*. Necessariæ sunt, quæ si non fierent, res peritura seu deteriore futura esset, ut resectio ædificii, cultura agriorum, alimonia & cura animalium, & similia quæ enumerantur in l. 1. §. fin. & l. 2. 3. 4. ff. de impensis in rem dotalem factis. Impensæ utiles sunt, quæ fructum rei augent, sine quibus tamen res non minùs integra esset, ut ædificium in area vacua extruendum. Voluptuariæ seu Voluntariæ sunt, quæ rem tantum ornant, & ad recreationem serviunt, utilitatem autem seu fructum non augent, ut Viridaria, aquæ salientes, incrustationes, picturæ, &c. His notatis

294. DICENDUM 1. Expensas necessarias tam malæ quàm bonæ fidei possessor deducit. Ratio est, quia aliquoquin dominus rei locupletaretur cum jactura alterius: nam illas expensas ipse facere debuisset, si res non fuisset ab alio possessa.

DICENDUM 2. Expensas utiles, si possint à re possessa auferri salvâ ipsius substantiâ, non tenetur dominus solvere possessori, sed potest eas possessor auferendas relinquere. Ratio est, quia aliquoquin cogeretur emere rem illam, quod leges non probant. *L. nec emere. C. de Jure deliberandi. Nec emere, nec donatum asssequi, nec damnosam quinquam hereditatem adire compellitur.* Hoc tamen ego limitandum existimo, si res illæ separatæ à corpore rei possesse illam adhuc utilitatem retineant: si enim penitus inutilis redderentur possessori, credo consentaneum esse æquitati, ut perinde habeantur ac si tolli non possent, ne utilis administratio rei sit damnosa possessori bonæ fidei, quod æquitas non permittit.

295. DICENDUM 3. Utiles impensas non auferibiles bonæ fidei possessor deducit, si dominus ita dives sit, ut solvere possit absque rei suæ alienatione. Quod si ita pauper sit, ut non possit impensas solvere, nisi rem ipsam quam evincit vendat, non potest tamen possessor rem ipsam interea servare, vel dominum cogere ad vendendum, ut impensæ solvantur, prout tradit Arnoldus Rath th. 145. & colligitur ex lege in fundo, 38. ff. de Rei Vin. ibi. *Finge pauperem (dominum fundi evicti) qui si reddere id cogatur, laribus, sepulchris avitiis carendum habeat, suff-*

*scit tibi (possessori) permitti tollere ex his rebus quæ possit: dum ita ne deterior sit fundus, quàm si initio non fuerit edificatum, &c.* manebit tamen dominus obligatus, postea, cum primùm ex fructibus poterit, solvere.

Conclusionis hujus secundum membrum triplicem patitur exceptionem. Prima. si dominus rem evictam venalem habeat. l. 29. ff. eod. Secunda. Si dominus ejusmodi expensas ipsemet facturus fuisset, aut cum fierent approbaverit: l. 38. eod. ibi. *finge & dominum eadem facturum fuisse; reddat impensam ut fundum recipiat.* Tertia. si possessor bonæ fidei adhuc incertus an res esset aliæquæ, antequam ædificaret, denuntiaverit ei, qui se dominum dicebat, ille verò dissimulaverit, consetur enim consensisse, & tacite mandasse. arg. l. 18. ff. mandati. *Qui patitur ab alio mandari ut sibi credatur, mandare intelligitur.*

296. DICENDUM 4. Malæ fidei possessor in foro externo non permittitur deducere expensas utiles, & multò minùs Voluptuarias, sed eas per sententiam Judicis amittit, nisi possit illas re vindicatæ auferre. l. §. C. de R. V. ibi. *[Ejus autem quod impendit, rationem haberi non posse, merito rescriptum est; cum malæ fidei possessores, ejus quod in rem alienam impendunt, non eorum negotium gerentes quorum res est, nullam habeant repetitionem, nisi necessarios sumptus fecerint. Sin autem utiles: licentia eis permittitur, sine læsione prioris status rei eos auferre.] & l. 37. ff. eod. in fine. Sed hoc ei concedendum est, ut sine dispendio domini arce tollat ædificium quod posuit.*

297. Objici possit §. ex diverso. *Inst. de Rer. divi.* ubi dicitur, quòd qui in alieno solo ex sua materia domum ædificavit, domus fiat illius cujus solum est, & dominus materiæ proprietatem illius amittit, quia voluntate ejus intelligitur alienata, utique si non ignorabat se in alieno solo ædificare: & ideo *NB. licet diruta sit domus, materiam tamen vindicare non potest, ergo nec possessor malæ fidei potest ædificium auferre.* Negatur consequentia & paritas, quia in possessore malæ fidei non præsumitur animus alienandi materiam, cum voluerit rem ut suam tenere. De hoc iterum dicitur tract. §.

298. DICO tamen §. In foro conscientie & anteedenter ad ludicis sententiam possessor malæ fidei possessor deducere, & bonæ conscientie retinere expensas utiles. Ità Theologi. Probat. Quia in conscientia non tenetur malæ fidei possessor, nisi ut Dominum rei, indemnem & illam servet: atqui servare illa sum restituendo cætera omnia, quæ habiturus fuisset, si nunquam res suâ caruisset: inter hæc autem non sunt impensæ utiles, ut patet. Ergo, &c.

299. Confirmatur. Quia ipse leges statuunt, non debere alicuium cum alterius quantumvis malæ fidei possessoris jactura locupletari: ergo quando condemnant malæ fidei possessorem

ad expensas utiles amittendas, sequitur has leges esse penales, adeoque ante Iudicis sententiam non obligare.

300. Confirmatur iterum, quia æquitas harum legum fundatur in culpa malæ fidei, unde & natum est axioma: quod quis ex sua culpa sentit, sentire non videtur. *Arnold. Rath. t. 1. § 1. n. 2.* nempe quia agnoscit, se talem penam promeritum esse: non tenetur autem in conscientia ipse sibi penam pro culpa infligere.

301. DICO 6. Bonæ fidei possessor potest deducere impensas voluptuarias tunc saltem, quando vel Dominus ipse eas facturus fuisset, vel postea rem venalem habet, & ratione ædificii voluptuarii carius vendit. Patet ex dictis: alioquin locupletaretur Dominus cum alterius jactura. Idem in foro conscientia dico de possessore malæ fidei ante Iudicis sententiam.

302. DICO 7. Probabile est, etiam extra casus jam positos posse in foro conscientia bonæ fidei possessorem pro impensis voluptuariis aliquam saltem portionem deducere juxta spem lucri, quod probabiliter Dominus inde consecutus est. Ità docet Lugo n. 63. Ratio est, quia reverà quoad istam spem aliquid utilitatis consequitur Dominus, nempe utilitatè carius vendit: ergo sicut ob hanc rationem potest bonæ fidei possessor deducere impensas utiles, etiam poterit hanc partem impensarum voluptuarias. Hanc æquitatem etiam leges agnoscere videntur. Nam *L. utiles. ff. de heredit. pet. habetur, ad picturam quoque marmorum & ceterarum rerum voluptuariarum impensas proficere doli mali exceptionem* (hoc est, posse repelli actorem nolentem permittere detractionem) si modò bonæ fidei possessores simus. Dixi saltem partem. Nam ut Dominus rei totas restituere teneatur, prout volebat Molina d. 725. non videtur æquitati consentaneum, ut norant Rebellus, Sanchez, & Lugo. Iniquum enim esset, inquit Lugo, cogere Dominum rei emere justo pretio, & consumere valorem fructuum in solvendis expensis factis ad recreationem, quas ille nunquam passus esset cum tanto dispendio rei propriæ familiaris.

303. DICE NDUM 8. In deductionem expensarum computandum esse quidquid fructuum nomine possessor percepit etiam ante litis contestationem, adeoque tantò minùs esse deducendum, quantò plus fructuum percepit. Hoc enim æquitas suadet, ut fructuum perceptio fiat impensis fruents, & colligunt Interpretes ex lege 48. ff. de R. V. ubi dicitur, sumptus exceptione doli oppositâ servari Iudicis æquitatè, si *NB. fructuum ante litem contestatam perceptorum summam excedant.* Quod etiam habetur l. 65. eod. Itaque in his omnibus æquus Iudex æstimabit, & compensationem ex æquo, & bono faciet, nam ut apicem tangat, est humanitùs impossibile.

## §. VIII.

*Ad aequalem restitutionem fructuum, an rei consumpta teneatur possessor dubie fidei.*

304. DICO 1. Qui rem bonâ fide possedit, & deinde incipit dubitare, tenetur inquirere inveritatem rei, an res sit aliena necne: & ad hoc obligatur ex Iustitia à voluntate generali, & implicita, de qua in tr. 2. dictum est, quoddam radice obligationum ex Iustitia ad quam teliquæ radices reducuntur. Ipso enim naturæ lumine agnoscimus expedire, ut unusquisque dubiæ fidei possessor obligetur inquirere ad tollendum dubium: ergo in illo universali consensu hominum in hoc quoque conventum, aut conveniendum fuisse censendum est.

305. DICO 2. Facto sufficienti examine, si adhuc dubium perseverat, nec illud morali diligentia tolli potest, possessor dubius ad nullam restitutionem tenetur, quamdiu manet dubius. Probatur ex regula nota, quoddam melior sit conditio possidentis bonâ fide præcedente, & ideo suo loco dicemus, tale dubium superveniens non obesse præscriptioni.

306. DICO 3. Si ex culpa, etiam gravi, neglexit inquisitionem, nec potest postea amplius veritatem agnoscere, probabile est adhuc non teneri ad restitutionem instar illorum qui tenentur restituere debita incerta, de quibus agam tract. 5. Ità Rebellus, Bonac. Palao, Lugo. Probatur. Qui dubitat an aliquem læserit suâ injustâ actione, ad quam omittendam obligabatur, non tenetur stante dubio restituere: sed talis verè adhuc dubitat, an per illam omissionem inquisitionis reverà aliquem læserit, hoc ipso quòd dubitet, an res ad alium pertineat: ergo non tenetur restituere. Aliud dicendum esset, si determinatè dubitaret, an res esset Petri, nam tunc Petrus determinatè læderetur omissione inquisitionis, ratione spei propinquæ, quoddam fortè res esset sua.

307. DICO 4. Talis dubiæ fidei possessor potest rem possessam vendere, & utiliter alienare, monendo tamen emptorem de periculo evictionis. Ratio est: quia alioquin sæpè modicam utilitatem afferret possessio. Emptor autem nisi de periculo moneretur, fraudem patreretur, potest enim absterri ab emptione cogito hoc periculo. Utrum autem, si postea Dominus compareat, sed non possit rem vindicare, quia non amplius exstat, teneatur ille dubiæ fidei possessor ad totum pretium refundendum, vel solum quantum locupletior factus est, utrumque probabile est, habetque pro se graves auctores apud Lugo à n. 90. Mihi posterius ferè probabilius est, ex eo fundamento: quia si ipse possessor rem illam absumpserit, non teneretur nisi in quantum locupletior factus esset: ergo



nec ad plus tenetur, quando per alios rem illam consumit.

308. DICO 5. Quando quis statim ab initio possessionis habet dubiam fidem, auctor tamen, à quo rem accepit, habuit bonam fidem potest rem eodem modo tenere sicut ille qui à principio habuit bonam fidem. Probat. Quia accipit rem cum omni iure, quod habebat auctor. Atqui ille propter suam bonam fidem poterat retinere, etiam si dubitare cepisset, ut hactenus dictum est: ergo hoc Ius transfert in possessorem una cum re ipsa.

309. DICO 6. Qui neutro modo rem cepit possidere, hoc est, nec propria nec aliena bona fide, sed emit, v. g. ab aliquo, de quo dubitat, an non rem furatus sit, debet adhibere diligentiam ad investigandam veritatem. Quod si nihil appareat quo dubium tollatur, tunc si dubium veritatur circa determinatam personam, tenetur illi pro ratione, & gravitate dubii proportionaliter restituere. Quod si tantum in genere dubitat, an res sit aliena, adhuc rem retinere potest, sed instar diligentis negotiorum gestoris, custodiendo fructus, eos percipiendo, procurando, &c. Quod si denique omnis spes, & moralis possibilitas agnoscendi Dominum cesserit, & tamen dubium perseveret (quod in praxi raro continget, cum plerumque probabile argumentum haberi possit pro alterutra parte) tunc censet Lugo probabile ad nullam restitutionem teneri, quia nemo apparet, qui prober se esse laesum. Ita d. 18. n. 4. Ego censco, esse obligationem restituendi pro quantitate dubii, sed non nisi eo modo quo instra tr. 5. de rebus inventis, & debitis incertis philosophabimur.

## CONTROVERSIA VI.

*Quanam sint Iuris Remedia, seu Interdicta Possessionis adipiscende.*

### SUMMARIUM.

**I**nterdicta, seu Remedia possessoria dividuntur. 1. in Exhibitoria, Prohibitoria, Restitutoria. 311. Explicatur differentia Interdictorum ab actionibus eod.

Dividuntur. 2. in Interdicta Adipiscende, Retinende, Recuperanda possessionis. 312.

Adipiscende possessionis primum est: quorum bonorum. 312.

Secundum, quod Legatorum. 313.

Tertium, Salvianum. 314.

Retinende possessionis: uti possidetis, & utrobi. 315.

Recuperanda possessionis Iure Civili duo. Unde vi: & de precario. 316.

Iure Canonico primum. c. Redintegranda. secundum. c. sepè. 317. 318.

An hodieque sit horum Interdictorum usus. 319.

In quem finem sit introductum Interdictum, quorum bonorum. 320.

Quibusnam hoc interdictum succurratur. 322.

An detur etiam heredi non ex assu. 323.

An competat liberis legitimatis. 324.

An ejus executio possit impediri, si possessor exceptionem Domini opponat. 325.

An detur contra possessores ex alio etiam titulo, quam pro herede, vel possessore. 326.

An detur contra solum actuale possessorem. 327.

An hoc Interdictum consequatur qui etiam illorum possessionem, quæ alius pro herede jam usu cepit. 328.

An detur etiam contra eum, qui non totam hereditatem, sed res particulares possidet. 329.

An petantur etiam incorporalia & debita hereditaria. 330.

De Remedio simili, quod habetur L. fin. C. de Edicto Hadr. toll. 331.

Vtilitas Interdicti, Quorum bonorum, ultra hereditatis petitionem. 332.

Vtilitas Interdicti, Quorum Legatorum. 333. 334. An illi sit locus, si Legatarius rem detineat ex voluntate heredis. 335.

An detur soli heredi immediato. 336.

An detur contra Fideicommissarium. 337. & seq.

An detur contra eum, qui ex voluntate defuncti rem legatam jam possederat tempore mortis. 340.

An detur contra tenentem datam mortis causa. 341.

An contra tenentem prelegatum. 342.

An Interdictum Salvianum detur contra Inquilinum. 343.

An contra possessorem rerum oppignoratarum, si à conductore habet titulum possidendi. 344.

An etiam aliis, quam locatori competat. 345.

An detur pro adipiscenda possessione mercium induciarum. 348.

## §. I.

*Generalia de Interdictis præmittuntur.*

310. **R**emedia pro possessione, sive, Iudicia Possessoria vocantur in Iure Interdicta de quibus exstat in Institutionibus titulus 15. lib. 4. in Digestis liber 43. in Codice libri 8. titulus. 1. Interdictum ergo hoc sensu non est Censura Ecclesiastica, quæ ad Ius Civile nihil pertinet, sed est Prætoris decretum Corpori Iuris infernum; adeoque est sententia non perpetua, sed ad tempus inter litigantes de possessione, quasi Interim dicta, donec pleniore Iudicio terminetur causa Proprietatis in Iudicio Petitorio: quæ absorbet causam possessionis. Prudentissimè autem hæc Interdicta, seu actiones extraordinariæ sunt introductæ, ne scilicet, dum de proprietate lis, ut sæpè fieri solet, in longum protraheretur, ad vim, & arma partes devenirent, ut facile poterat contingere ob utilitatem Possessionis. Aliqui JC. duplicem Etymologiam assignant, Grammaticalem, & Iuridicam. Grammaticalis est, juxta quam Interdictum dicitur ab Interdi-

*terdictendo* : unde inferunt, omnia interdicta esse aliquo modo prohibitoria, largè loquendo, nam, ut mox dicam. strictè loquendo Interdicta prohibitoria sunt unum membrum divisionis. Erymologiam Iuridicam voluit fuisse assignatam à Justiniano §. 1. in fine, nempe Interdictum dici ab eo, quòd inter duos dicatur. Hæc est inutilis lis de vocabulo.

Breviter, & quoad rem ipsam: quod in Iudicio Petitorio est *Sententia*, hoc in Iudicio Possessorio est Interdictum. Aliquando autem, & quidem conformiter titulo Ordinationis Cameræ *vox Mandaten* p. 2. tit. 23. emanant cum clausula iustificatoria, hoc est reservatæ reo expiendi, aut contradicendi facultate: v. g. *si per hoc mandatum te gravatum esse, & causas, quare perire non tenearis dignas, & relevantes habere existimas, hisce litteris citamus, ac vocamus.*

Dantur ergo Interdicta, maximè quando de Possessione contenditur, ut dicitur pr. J. h. t. Hinc nata est communis persuasio, Differentiam *Interdictorum & Actionum* in eo consistere, quòd Interdicta solam possessionem, Actiones verò Proprietatem solam concernant, & intendunt: quam opinionem rejicit accuratè Arnold. Rath in thesibus nuper editis à n. 11. Nam imprimis Interdictum aliquando etiam simul de proprietate vel quasi datur. L. 2. §. 2. ff. h. t. [Quædam Interdicta rei persecutionem continent, veluti de itinere actûque privato, nam proprietatis causam continet hoc Interdictum.] E contra aliquando actio de possessione, & quidem solâ esse potest. L. 2. ff. de conduct. triticiaria. [Sed & ei qui vi aliquem de fundo deiecit, posse fundum condici Sabinus scribit: sed ita si Dominus sit: qui deiectus condicatur: ceterum si non sit, possessionem eum condicere Celsus ait.] Ergo condictio incerti, seu triticiaria esse potest de sola possessione. Differentiam itaque magis universalem citatus Auctor desumit ex diversitate ordinis, solennitatis, executionis, ac formulæ, prout olim observabantur: nam qui olim Interdictum postulabat, cum adversario suo Prætorem adibat, qui pro tribunali sedens causam decernebat, v. g. dicendo ad spoliatorem. *Vnde tu illum vi deiecesti, eò restituas.* At verò in Actione Incerti, seu Triticiaria privatum Iudicem Prætor constituebat, dicendo, v. g. *Cajus Iudex esto.* Qui perinde ut in causa proprietatis processu Iudiciali accuratè servato licet de possessione dirimere debebat. Ità quidem olim. Sed hodie quoad ordinem, formam, & processum Interdicta (inquit post alios idem A.) amplius non differunt à reliquis actionibus, sublato antiquo dandorum Iudicum privatorum, seu pedaneorum more, & ipso Magistratu hodie ex necessitate sui officii causas definiente, adeoque cui olim dabatur Interdictum, ei competit hodie actio utilis, seu extraordinaria in factum ad possessionem acquirendam, retinendam, recuperandam. L. 4. C. Vn-

de vi. *Si de possessione vi deiectus es, eum & lege Julia vis privata reum postulare, & ad instar Interdicti, unde vi convenire potes.* & ideo Rubrica dicit: *de Interdictis, sive extraordinariis actionibus, quæ pro iis competunt.* Unde etiam lege fin. C. h. t. sic habetur. [Si quis quodlibet Interdictum efflagitet, ruptis veteribus ambagibus, inter ipsa cognitionum auspicia actionem exprimere, ac suas allegationes jubeatur proponere.]

Disputant autem Interpretes, quales sint hæ actiones utiles in locum Interdictorum substitutæ. aliqui volunt esse reales, alii personales. VVilhelmus Ludwel distinguit hoc modo. aliquæ enim descendunt ex conventionibus, ut interdictum de precario, aliquæ ex delicto, pr Interdictum *Vnde vi*: quod vi aut clam & quædam ex lure quodam reali, saltem quasi dominii, ut Interdictum de itinere, actûque privato: de liberis exhibendis, &c. Primi & secundi generis actiones personales, tertii generis reales esse vult, & contra quemcumque possessorem dari. De his iterum paulò post n. 319.

311. Dividuntur hæ Interdicta dupliciter.

1. In Exhibitoria, Prohibitoria, Restitutoria. Exhibitoria sunt tria. 1. De libero homine exhibendo 2. De liberis exhibendis. 3. De liberis exhibendis & deducendis. Prohibitoria sunt quatuor. 1. Ne vis fiat ei, qui in possessionem bonorum debitoris à Iudice missus est. 2. De mortuo inferendo. 3. Ne quid in loco sacro ædificetur. 4. Ne quid in flumine publico, ripæve immitatur. Restitutoria ex seqq. constabunt. De prima specie exhibitoriorum exstat titulus ff. de hom. lib. exhibendo, ubi l. 1. Prætor ait. *Quem liberum dolo malo retines, exhibeas.* De secunda specie est. L. 2. §. 2. ff. de operis libert. *Init oigitur Prætor pollicetur, se Iudicium operarum daturum in Liberos & libertas.* Hoc Interdictum ex cõmuni Interpretum competit ob paritatem rationis cuilibet utiliter, qui habet lus reale in personam, ut Domino in Vassallum, Abbati in Monachum, tutori in pupillum. De tertia specie exstat tit. ff. de lib. exhib. quod etiam utiliter datur marito adversus patrem detinentem filiam nuptam, fortè quòd ab eo aliquatenus duriusculè habitata. L. 2. ff. h. t. *Imò magis de uxore exhibenda ac ducenda pater, etiam qui filiam in potestate habet, à marito rectè convenitur.* Non tamen, si nimia esset mariti avarities.

De Prohibitoriis exstat L. 1. ff. ne vis fiat ei qui in possess. miss. ait Prætor. [Si quis dolo malo fecerit, quò minus quis permissu meo, ejusve cuius ea Iurisdictio fuit, in possessione bonorum sit, in eum factum Iudicium quanti ea res fuerit, ob quam in possessionem missus erit.] Item §. 1. J. h. t. ubi recensentur prohibitoria, hoc est, prohibentia [vim fieri sine vitio possidenti, vel mortuum inferenti quò ei lus erat inferendi, vel in loco sacro ædificari, vel in flumine publico ripæve aliquid fieri quò pejus navigetur.

312. Di-

312. Dividuntur 2. & quidem celebrius ac utilius in Interdicta Adipiscendæ, Retinendæ, Recuperandæ possessionis. Adipiscendæ possessionis sunt tria. 1. vocatur: *Quorum bonorum*, ejusque actio competit hæredi, qui necdum bona hereditatis possedit, ut possessionem acquirat contra illos qui temerè hereditatem defuncti occuparunt: nam si nemo occupasset, posset propriâ auctoritate possidere, quamvis decesset officium Iudicis adhiberi.

313. Secundum est Interdictum: *Quod legatarum*, competens hæredi contra legatarium, qui rem sibi legatam propriâ auctoritate occupavit. Equissimum enim Prætori visum est, neminem sibi ipsi ius dicere, sed ab hærede petere legatum. Itaque hac actione petit hæres, ut legatarius restituat possessionem in hunc finem, ut legatarius possit detrabere Falcidiam, de qua agemus in tr. 1. de Testamentis, tom. 2.

314. Tertium est Interdictum Salvianum, quo fucur tur Domino fundi contra colonum, & conductorem ad acquirendam possessionem earum rerum, quæ in fundum locatum colonus intulerat, & eo ipso tacitè obligata erant Domino pro pensione fundi.

315. Retinendæ, seu conservandæ Possessionis duo sunt Interdicta. 1. *Vi possideris*. Et datur pro retinenda possessione rerum immobilium sine vitio possessorum, hoc est, nec vi, nec clam, nec precario, contra eum qui possessionem autem inquietare. Quod si dubium sit, quis tempore litis possideat, tunc ille tuendus est in possessione hoc Interdicto, quem verisimilius est possidere. Secundum vocatur Interdictum *utrobi*. & datur pro bonis mobilibus, estque in cæteris prioris simile.

316. Recuperandæ possessionis remedia duo existant in Iure Civili, & duo in Iure Canonico. Iuris Civilis primum est: *Vnde vi*. Quod conceditur primò ei, qui vi ex loco, & possessione dejectus est, contra violentum possessorem, ut à possessione expellatur, restituat omnes fructus, & damna subsecuta, amittat rem illam si erat sua, vel si non erat, æstimationem, sive expulsius iustè sive iniustè possederit. Secundò datur adversus eum, qui volentem ingredi possessionem impedit, nisi prohibens iustam causam habuerit. Tertio contra illum, qui alterius nomine possidens non vult petenti restituere possessionem. 4. Contra eum qui ingreditur ad possidendam rem aliquam vacantem, ità ut nec civiliter possideatur, quam tamen sciat ad alium pertinere, quicumque ille sit, ut teneatur tradere rem illam ei ad quem pertinet, cum omnibus fructibus, & damnis subsecutis, & universum omnia ea præster, ad quæ teneretur, si vi possessionem illam occupasset.

Secundum Interdictum ex Iure Civili est: de *Precario*. Contra eum, qui precariò habet rem, & eam suo tempore non restituit.

317. Iuris Canonici primum remedium habetur c. *Redintegrande* 3. q. 1. quod dicitur Iuristæ esse plenissimum & utilissimum, concurrere quæ omnibus, datique non solum pro rebus mobilibus sed etiam immobilibus, non solum Clericorum, sed etiam Laicorum, & convenit omni qui sine iusta causa cecidit à possessione ad alium derivata, seu bonâ seu malâ fide, sive scienter, sive ignoranter, sive cum vitio, sive sine vitio, sive cum titulo, sive sine titulo. Alii tamen volunt, non esse pinguius Interdicto *Vnde Vi*.

318. Secundum habetur c. *sepe* 18. de *Rescriptis*. *Spoliat*. & datur contra recipientem scienter rem invasam à spoliatore, quam teneatur restituere, cum Iure civili tantum spoliator teneatur. Hæc nunc in compendio, & rudis delineationis instar, postea pluribus agetur.

319. De Interdictis Justinianus in Inst. §. ult. sic concludit titulum. [De ordine & vetere exitu Interdictorum supervacuam est hodie dicere. Nam quoties extra ordinem Ius dicitur (qualia sunt hodie omnia Iudicia) non est necesse reddi interdictum. sed perinde iudicatur sine interdictis acti utilis actio ex causa Interdicta reddita fuisset.] Huius §. occasione his oratio est inrer Iuristas, an hodièque sit Interdictorum usus. Et contra Mindanum est communis sententia, ea non esse in usu quoad solennitatem apud antiquos observatam, benè tamen quoad actiones. Hæc est lis parùm utilitatis præticæ continens, sed historiam desiderans, quam ex Balduino refert Mynsingerus in d. §. & ego supra tituli n. 311. agens de differentia actionum ab Interdictis, & nunc breviter repeto. Ordo igitur Interdictorum fuit, ut Prætores adirentur, ut interdicta litigatoris redderent sub certa & solenni verborum formula, summam causâ cognitâ, & dabant Recuperatores apud quos litigaretur. Postea verò, ne semper à mero Iudicis officio (quale fuit Prætoris) penderemus, Interdictorum loco introductæ sunt actiones in *factum*, quæ sunt valde generales (de quibus videatur glossa hîc) quibus rectâ viâ apud Iudicem competentem (prætermisso Prætore) uteremur. Itaque hodie statim instituitur actio in *factum*, (omissâ imploratione Prætoris pro Interdicto) ad quam rectè instituendam non minùs hodie est necessaria Interdictorum notitia quàm olim. De quibus nunc in specie dicamus.

## §. II.

### *De Interdicto Quorum bonorum. ff. h. t.*

**A**Lt Prætor. *Quorum bonorum ex edicto meo illi possessio data est, quod de his bonis pro hærede aut pro possessore possides, possideresve, si nihil usucapum esset, quod quidem dolo malo fecisti, uti desideres possidere, id illi restituas.* Pro huius Interdicti plenâ intelligentia,

320. Notandum 1. Aliquos succedere defunctis Iure Civili, alios Iure Prætorio. qui Iure Civili succedunt, dicuntur *Hæredes*, qui verò Iure Prætorio, dicuntur *Bonorum possessorum*. de quibus est titulus. 10. Instit. lib. 3.

321. Notandum 2. Aliquando contingere, ut bona hæreditaria ab alio possideantur, ut proinde ille qui ius succedendi habet, non possit propriâ auctoritate possessionem adipisci: quo casu datur quidem remedium civile, & actio quæ vocatur *Petitio hæreditatis* §. 28. *Instit. de Act.* Verum quia in iudicio petitorio res hæreditariæ non ita citò & facili obtinentur, ideo Prætor introduxit Interdictum *Quorum bonorum*, & remedium possessorium, ad possessionem earum tantò citius consequendam. Nam actio per hoc interdictum concessa, non requirit tam exactam probationem sicut Petitio hæreditatis, sed sufficit probatio summaria.

322. QUÆRITUR 1. Quibusnam hoc Interdictum succurratur. R. Non solum succurratur illi qui *Bonorum possessor* dicitur, sed etiam cuius hæredi, sive ex testamento, sive ab intestato. Nam hodie Iure Novellarum plerique illi, qui de Iure prætorio ad bonorum possessionem admittentur, legitiimi hæredes existunt: & præterea ante Novellas promulgatas ex hoc Interdicto concedebatur cuius hæredi legitimo utilis saltem actio. Neque enim conveniebat, Prætorẽ suò beneficio excludere legitimos hæredes (hoc est à Iure vocatos) quorum eadem, imò major esset ratio habenda quàm eorum, quos Prætor ad possessionem bonorum hæreditatorum vocabat. Colligitur etiam satis clarè ex l. 1. C. h. t. ibi. *Interdictio Quorum bonorum non aliter possessor constitui poterit; quàm si te defuncti filium esse, & ad hæreditatem vel bonorum possessionem admissum probaveris.* Dixi: daretiam illis qui ex testamento hæredes sunt, quod quidem aliqui Iuristæ negant, (quos secutus est VVeselenbecius Consil. 6. & 81.) ducti eà ratione, quòd in pluribus legibus tantum fiat mentio illius qui succedit ab intestato. Ad hoc tamen responderetur, hoc frequentissimum esse, quòd Imperatores in suis Rescriptis se accommodent casui proposito. Neque etiam obstat, quòd hæredes scripti alio remedio muniti sint in l. fin. C. de edicto D. *Hadriani tollendo*. Ad hoc enim benè respondet Bartolus & ex eo Hunnius, sæpè utilius esse remedium hoc experiri, cùm scilicet testamentum aliquam habet cancellationem vel aliud vitium.

323. QUÆRITUR 2. An hoc Interdictum detur etiam hæredi non ex asse, sed in certam quotam, v. g. trientem instituto. R. Affirmativè. Nam talis etiam succedit titulo universali. l. 13. C. de hæredit. *instit.* ubi expressè dicitur, tales posse omnibus actionibus hæreditariis uti. ibi. *eos tantummodo omnibus hæreditariis actionibus uti vel conveniri decernimus, qui ex certa*

*parte vel sine parte scripti fuerint.* Deinde etiam inde colligitur, quòd Remedium legi *ulr. C. de edic. Adr. 101.* etiam concedatur hæredi in certa quota instituto: ergo & Interdictum *Quorum bonorum*.

324. QUÆRITUR 3. An hoc Interdictum competat liberis legitimatis. R. Competere illis, qui vi legitimatiõis possunt vel ex testamento vel ab intestato succedere, quinam autem illi sint, dicitur suo loco, tract. seq.

325. QUÆRITUR 4. An huius Interdicti executio possit impediri, si possessor exceptionem dominii opponat? R. Cum Menochio distinguendo. Si enim dominium statim & in continenti probari non possit, v. g. quia essent audiendi testes, essent discutienda documenta & instrumenta probationis, tunc non impeditur executio per talem exceptionem, quia cùm hoc Iudicium sit summarium, non admittit exceptionem alioris indaginis. l. si in quo. ff. ut in possessionem legatorum &c. si verò possit exceptio in continenti probari, impeditur executio: quia solæ frustrationes sunt amputandæ l. fin. C. h. t. atqui probatio in continenti non est frustra io.

326. QUÆRITUR 5. Quandoquidem in Interdicto tantum fiat mentio Possessoris qui possidet pro hærede vel possessore, an non detur contra possessores ex titulo alio, v. g. pro emptore. Arnoldus Raht. n. 43. negat absolutè. Alii tamen existimant dari actionem utilem, sicut etiam datur utilis petitio hæreditatis contra habentem titulum. l. 13. §. 10. ff. de pet. hæred. ibi. *si mulier hæreditatem in dotem dedit, maritum pro dote quidem possidere hæreditatem, sed petitionem hæreditatis utili teneri. mulierem verò directè teneri.* Quod tamen procedere solum volunt DD. quando titulus ille acquisitus est post mortem ejus de cujus hæreditate agitur.

327. QUÆRITUR 6. An hoc Interdictum detur contra solum actuale possessorem. Menochius n. 66. existimat, directum dari contra solum actuale possessorem; contra eum verò qui dolo desit possidere, non dari directum sed utile tantum. Verum non apparet, in quo sensu Iuridico hoc dixerit Menochius, nam Verba Interdicti expressè mentionem faciunt illius, qui dolo desit possidere: omnis autem illa actio est & dicitur directæ, quæ verbis legis continetur: contra utilis illa dicitur, quæ nec ex verbis legis expressis, nec manifesta ejus sententia, sed legali quadam interpretatione de casu simili ad similem propter rationis similitudinem producitur, ut tradit Brederodius & alii. Unde omnes alii dicunt dari Directam actionem ex hoc Interdicto contra dolo desinentem possidere.

328. QUÆRITUR 7. Utrum hoc Interdicto consequatur quis etiam illorum possessionem, quæ alter pro hærede possidendo jam



ufucepit. Rationem dubitandi suggerunt verba ipsius Interdicti: *Possiderere si nihil ufucapum esset*. quæ verba ait Menochius duplicem habere sensum: primo enim possunt referri ad personam primi possessoris, quàm Prætor alloquitur, quasi sensus sit: *si nihil à te ufucapum esset*. secundo referri possunt ad alium tertium, quasi sensus sit: *si nihil ufucapum sit ab eo, cui rem alienasti*. Menochius itaque resolvit, eum qui hoc Interdicto convenitur, reverà potuisse ufucapere, & si ufuceperit, posse se exceptione doli tueri. Donellus convenit cum Menochio, quòd possidens pro hærede potuerit ufucapere, si iustam causam existimandi se hæredem esse (nam alioquin titulus pro hærede non sufficit ad ufucapiendum. *L. fin. C. de ufucap. pro hærede libero*.) Sed tamen negat, posse se exceptione doli tueri, adeoque vult posse efficaciter conveniri Interdicto.

Verùm hæc omnia divinatorie potius, quàm Iuris auctoritate dicuntur. Nam dictà lege finali clarè improbat titulus pro hærede. ibi. *Nec obtentus, velut ex hereditate esset, quod alienum fuit, Domini intentio ullo temporis longi spatio absunetur*. Itaque dicendum est verba edicti intelligenda esse in secundo sensu à Menochio relato. Quapropter vi huius Interdicti non ille conveniunt, qui ufucepit, sed cuius dolo factum est, ut alius ufucaperet, ac proinde tenetur pro re ufucapta satisfaccere agenti ex Interdicto.

329. QUÆRITUR 7. An hoc Interdictum detur etiam contra eum, qui non totam hereditatem, sed aliquas res determinatas, & singulares, pertinentes ad hereditatem possidet. Rationem dubitandi faciunt verba Vlpiani quæ subiicit ipsi interdicto, dum ait: *Hoc Interdictum restitutorium est, & NB. ad universitatem bonorum, non ad singulas res pertinet*. His non obstantibus. Affirmativè. Ratio est. Quia, ut certi Iuris est, pro quibuscunque rebus corporalibus competit *Petitio hereditatis*, pro iisdem quoque datur Interdictum, *Quorum bonorum*. *L. fin. C. de edicto D. Hadr. toll.* quæ suo loco referetur. Atqui etiam pro singularibus, & pro re vnica competit petitio hereditatis. *l. 9. & 10. ff. de hered. pet.* [Regulariter definiendum est, eum deum teneri petitione hereditatis, qui, vel ius pro hærede, vel pro possessore possidet, vel tem hereditariam, licet minimam.] Ergo, &c. Itaque verba Vlpiani referenda sunt ad personam agentis: nam res singulæ petuntur etiam universali iudicio; licet enim res, quæ petuntur, singulares sint, causa tamen petendi universalis est, nempe causa hereditatis.

330. QUÆRITUR 8. An hoc Interdicto etiam petantur Iura Incorporalia, & debita hereditaria? Directà actioe hæc non posse peti, & hoc ad minimùm habetur *l. 2. ff. h. t. Interdicto quorum bonorum debitores hereditarius non tenentur, sed tantum Corporum possessorum*. Utilem tamen actionem concedi putat Petrus

Friderus *tratt. de Interdictis*, ex eo fundamento, quòd de his detur Petitio hereditatis, ut patet ex lege. 9. paulò antè recitata. Atqui petitio hereditatis, & Interdictum: *Quorum bonorum*, pari passu procedunt. Ad hoc tamen responderi potest, procedere pari passu quoad corporalia, non quoad incorporalia, quæ expresse excipiuntur: & quia Possessio non est nisi Corporalium: hereditas autem est nomen Iuris, non corporis. *L. hereditas: ff. de pet. her. Hereditas etiam sine ullo corpore Iuris intellectum habet.*

Advertendum denique est cum Maranta tr. de ord. Iudiciorum p. 4. dist. 7. n. 6. & Arnoldo Rath n. 53. hoc Interdictum non competere illi, qui rerum hereditarium possessionem semel nactus, eandem postea amittit: jam enim per additionem hereditatis desierunt esse res hereditariæ: quare non habet amplius locum remedium adipiscendæ possessionis, sed recurrendum est ad remedium recuperandæ possessionis, (de quo paulò post) vel ad rei vindicationem.

Et hæc de primo Remedio adipiscendæ hereditatis, ad quod ob magnam affinitatem reduci potest Remedium quod constituit Justinianus Imperator in *L. fin. C. de Edicto D. Hadriani tollendo*, cuius jam semel iterumque mentionem fecimus.

331. Constituerat enim Adrianus Imp. ut hæres testamento scriptus, desiderans in possessionem hereditariam mitti, non nisi intra annum mittatur, & quidem in earum rerum possessionem, quas testator tempore mortis habuit, non autem legitimo modo ab alio detinentur. Hoc abrogato quoad temporis restrictionem, constituit Justinianus, ut hæres institutus possit à Iudice competente quandoquocunque mitti in possessionem earum rerum, quæ tempore mortis testatoris fuerunt, postquam Iudici obtulit, & exhibuit testamentum non cancellatum, aut imperfectum, sed solemne, quòdque in exteriori figura, specie, & inscriptione videatur fure factum, integrum, non vitiatum, quòdque publicè fuerit exhibitum in originali. Canonistæ docent, hoc beneficium competere in causa beneficii clerico, quando de corporali possessione beneficii agitur: postquam enim in Clericum collata est verbalis possessio beneficii, tunc ut naturalem quoque possessionem cum effectu consequatur, implorare potest Officium Iudicis Ecclesiastici, exhibendo Bullas collati beneficii, in quibus Iudex observavit ea, quæ cum proportionibus sunt Iudici Laici inspicienda in exhibitio testamento, ut dictum est.

Competit hoc remedium hæredi scripto (adeoque non ab intestato, aut substituto) live ex asse, live ex parte. Corvinus vult, hoc remedium esse perpetuum, & in hoc differre à Remedio Interd. *Quorum bonorum*. Econtra Menochius vult etiam Interd. *Quorum bonorum* esse perpe-


perpetuum, sed non nisi quibusdam auctoribus adductis, nullo autem Iuris textu probat.

Per hanc missionem in possessionem non fit præjudicium illis, qui hæredi scripto controversiam movent, v. g. quod testamentum alio occulto vicio laboret, quod sit falsum, inofficiosum, &c. nam de his postea coram competente Iudice disceptatur.

332. Quæres, quid opus sit hoc Interdicto, cum sufficiat Hæreditatis petitio. Respondet Arn. Rath n. 49. utilitatem huius Interdicti specialem in eo consistere, quod in hoc Interdicto non admittantur exceptiones alioris indaginis, ne earum prætextu restitutio diutius differatur. Quamvis itaque (inquit cit. A.) in petitione hæreditatis possessor quæstionem dominii rectè objiciat, ea tamen exceptio in hoc interdicto ad vitandas ambages regulariter non admittitur, sed ad petitorium Iudicium reservatur, nisi possessor possit in continenti, & absque frustratione dominium probare.

Non potest hæc in possessionem missio per appellationem impediri, quoniam appellatio non recipitur. l. 6. C. quorum appell. non recipiuntur. [Quisquis, ne voluntas defuncti testamento scripta, vel ne hi quos scriptos paruerit hæredes, in possessionem mittantur, ausus fuerit provocare, interpositamque appellationem is cuius de ea re notio erit, recipiendam esse crediderit, viginti librarum argenti multâ, & litigatorem, qui tam importunè appellaverit, & iudicem, qui tam ignavam convenientiam adhibuerit, involvat.] Aliqui tamen volunt appellationem recipiendam esse, non quidem quoad effectum suspensivum, sed devolutivum, ut cognitio, an in prima instantia possessorii benè iudicatum sit, ad superiorem Iudicem devolvatur: interim sententia executioni mandetur. De Iure Canonico etiam quoad effectum suspensivum admitti appellationem, colligunt aliqui ex cap. de appellat. extra de appellat. c. cum ad sedem. de restit. spoliat. sed de hoc in tract. de Iudiciis videndum erit.

Idem Corvinus vult, missionem hanc dari non solum in bona defuncti propria, sed etiam in omnia ab eo detenta, ut commodata, deposita, pignoratâ, cum, & hæc veniant in hæreditatis petitionem. L. & non tantum alibi referendâ. ff. de petit. hæredit. Plura, quæ huc non pertineant, videti possunt apud Interpretes, & in illis locorum consuetudo attendenda.



### §. III.

*De Interdicto. Quod Legatorum. seu quorum Legatorum. De quo est tit. in D. & C.*

333. VT huius Interdicti utilitas intelligatur, quædam prænotanda sunt.

Notandum itaque 1. Legatarios fieri Dominos Legatorum statim à morte testatoris, vel defuncti legantis. Unde si indubitatè constaret, nihil interesse hæredis (qui est obligatus solvere legata) quò minus legatarii statim apprehendant legata, illa apprehendendo Iure suo uterentur; & si hæres vellet illis litem movere, posset exceptione doli repelli. Neque in tali casu reprehensibilis esset, quasi ipse sibi Ius diceret, Hoc enim tunc solum fit, quando res est controversa, non autem quando extra controversiam res ad aliquem pertinet. Domino enim certo, & nemine contradicente, licet propria auctoritate possessionem capere, & sine injuria prohiberi non posset.

Notandum 2. Hæredi competere Ius Falcidia, hoc est lege Falcidia cautum esse, ne Paganus (secus est de milite) plus legare posset bonorum suorum (detractis debitis & funeris expensis) quàm dotantem: quare si legata tam enormia essent, ut detractis debitis, & funeris expensis, non remaneret hæredi quarta pars, si legata integrè solvenda essent, ex legatis posset hæres detrachere quartam partem, quæ Falcidia dicitur, & explicabitur accuratè Tract. 7.

334. Notandum 3. Quandoque aliqua disjunctivè, seu alternativè legari, & tunc dubium esse inter DD. penes quem sit electio, an penes hæredem an penes legatarium. His positis

Apparet statim utilitas Remedii *Quod Legatorum*. Cum enim possit interesse hæredis, legata à se detineri & non à legatario, erat necesse, ut in casu, quo legatarius rem legatam propria auctoritate occupasset, hæres aliquo Iuris Remedio possessionem adipisci posset. Utrum autem hæres possit Falcidiam consequi Rei vindicatione, Iure novo Justiniano, ut putat Vultreius Jur. prud. Rom. vol. 2. c. 11. litt. d. non pertinet ad hunc locum.

335. QUÆRITUR 1. An locus sit Interdicto, si legatarius rem detineat ex voluntate hæredis. Distinguant Interpretes, vel enim dedit consensum ante aditam vel agnitam hæreditatem, vel post agnitam: si prius: adhuc illi dabitur: quia non quæ hæres, sed quæ extraneus consensum dedit. Si secundum, non dabitur. Textus apertus in §. 2. ibi. Non ex voluntate hæredis occupavit.

336. QUÆRITUR 2. An soli hæredi immediato detur. R. [Hoc Interdictum & hæredem hæredis, bonorumque possessoris habere

bere propter utilitatem huius dicendum est, nec non ceteros quoque successores.] §. 3. unde infertur, quod etiam successoribus singularibus datur, si illorum interest.

337. QUÆRITUR 3. An hoc Interdictum detur etiam contra Fideicommissarium. Quod detur contra Fideicommissarium singulare, deducitur efficaciter ex eo, quod fideicommissum singulare, & legatum, ex quata sint quoad quartæ partis detractiorem §. 2. *Inst. de legat.* adeoque Falcidia non solum ex legatis, sed etiam Fideicommissis singularibus detrahitur.

338. Quod etiam detur contra Fideicommissarium universalem ex hoc Interdicto Actio in factum directa (nam de utili non videtur negandum) affirmant Menochius plures citans, & novissimè Corvinus in hunc tit. C. sicut in aliis jura in hoc sequens Menochium. Mihi verò negandum omnino videtur cum Hunnio, & Antonio Perez. Ratio est. Quia Interdictum in specie de Legatis tantum conceptum est: ergo non potest ulterius quoad fideicommissa extendi, nisi in quantum legata sunt fideicommissis æquiparata. Atqui non sunt æquiparata fideicommissis universalibus sed tantum singularibus: nam de fideicommissis universalibus non Falcidia sed Trebellianica detrahitur. Ergo, &c.

339. Obijciunt pro se legem unicam C. *Quorum legat.* ubi sic loquitur Imp. [Hæredi scripto satis idoneè lege Falcidia, si exhausta legatis successio probetur, per quartæ retentionem prospectum est. Unde si Legatarius, vel Fideicommissarius non consentiente patre tuo, quem asseveras testatori successisse, & bonorum possessionem accepisse, relicta sibi legata, vel fideicommissa detinuit, secundum sententiam interdicti, quod adversus legatarios scriptis hæredibus propositum est, oblata satisfactione, quam præstari oportet, in possessionem te constitui, &c.] Verum ex ipsis verbis constat sermonem esse de Fideicommissario singulari, cum expressè mentio fiat Falcidiæ detrahendæ, quæ, ut dixi, non detrahitur à fideicommissio universalis.

Dices. In iure quandoque Falcidia cum Trebellianica confunditur. Ità est; sed omnes fateantur id fieri in sensu improprio. non est autem dicendum, quod in dicta lege Imperator improprie locutus sit.

340. QUÆRITUR 4. An detur contra eum, qui ex voluntate defuncti rem legatam jam possederat tempore mortis. Negat cum pluribus Menochius. Sed affirmandum omnino videtur ob textum clarum *legis* 26. ff. *ad leg. Falc.* *Lineam margaritarum triginta quinque legavit: qua linea apud legatarium fuerat mortis tempore: quæro an ea linea hæredi restitui deberet propter legem Falcidiam!* (id est detrahendam) respondit, posse hæredem consequi, ut ei restitueretur. Quod autem adversarii dicunt, esse sermonem

de legatario retinente contra voluntatem defuncti, est divinatio: rationabilius oppositum præsumitur, eò quod non fuisset legatarius si ipso invito detinuisse. Ratio autem est, quia causa Interdicti etiam hic locum habet, nempe quia interest hæredis, ut supponitur.

341. QUÆRITUR 5. An detur contra eum qui detinet aliquid donatum mortis causa. Ad hoc responderi Vlpianus in l. 1. §. 5. *Si quis ex mortis causa donatione possideat, nunquā cessabit interdictum; quia portio legis Falcidiæ apud hæredem ipso jure remanet, etsi corporaliter res in solidum translata sint.* Itaque Falcidia etiam à donatione mortis causa detrahitur, ut patet ex *lege* 2. *C. de mort. ca. don.* quia verò res donata ab ipso donatore translata est in donatarium, & donatarius mortis causa non debet donatam rem ab hærede accipere, sicut legatarius legatum, ideo ex hoc Interdicto non convenitur ille donatarius, sed supplementum Falcidiæ alio modo vindicatur. Utilis tamen actio ex hoc etiam Interdicto datur ex Sententia Cuiacii, Perez & Corvini, si donatarius rem donatam primum post mortem donatoris, invito hærede occupasset.

342. QUÆRITUR 6. Si plures hæredes simul instituti sint, uni autem eorum aliquid prælegatum sit, isque illud præceperit, an contra illum locus sit huic Interdicto. 2. Esse locum contra eum non quâ parte hæres est, sed quoad id quod jure legati habet. §. 6. *legis*. 1. ff. *h. t.* *Qui vero ex causa præceptionis, utique tenetur hoc Interdicto, sed pro ea scilicet parte, quam jure legati habet, non etiam pro ea quam quasi heres habet.*

QUÆRITUR 7. An Legatarius hoc Interdicto conventus perdat ius legati. Ratio dubitandi est, quia ex regula generali ius suum perdit, qui quod sibi deberi putat, non per iudicem reposcit. 2. Tamen negativè. Imò habet ius exigendi ab hærede cautionem de legatis restituendis (detractis detrahendis) l. fin. §. 1. ff. *h. t.* *Quod ait Prætor.* Si per bonorum possessorum non stat, ut satis detur: sic accipimus, si paratus sit satisfacere: non ergo offerre debet satisfactionem, sed petenti satis moram non facere.

Objici tamen posset lex §. C. de legatis. ubi dicitur Legatarius actione legati privari. *Non est dubium, denegari actionem legatorum ei pro portione competenti, in his rebus, quas subtraxisse enim de hereditate apparuerit.* 2. Hanc legem cum priore conciliandam esse hoc modo, quod prior loquatur de occupatione legati ante aditam hereditatem & rem legatam apprehensam, posterior verò de subtractione post aditam hereditatem & rem legatam ab hærede apprehensam: nam hoc casu spoliatur hæredem suâ possessione.



§. IV.

De Salviano Interdicto.

Suprà §. 1. dictum est, hoc Interdictum dari locatori contra colonum aut conductorem, ad possessionem rerum pignori obligatarum adipiscendam, quas colonus in fundum induxit, & pro mercede pignori futuras pepigit. ut colligitur ex l. 1. ff. h. t. quæ sic habet. *Si Colonus ancillam in fundo pignoris nomine duxerit, & eam vendiderit: quod apud emptorem ex ea natum est, ejus apprehendendi gratia utile interdictum reddi oportet.*

343. QUÆRITUR 1. An hoc Interdictum detur non solum contra conductorem prædii rustici, qui Colonus dicitur, sed etiam contra conductorem prædii urbani, qui Inquilinus dicitur. Est autem inter horum bona prædii illata hæc differentia, ex valde recepta Juristarum sententia, contradicente Hunnio vol. 2. d. 25. th. 2. q. 32. quod bona Coloni non sint oppignorata locatori, nisi expressa conventio & contractus intervenierit, bona verò Inquilini sint per solam illationem tacite oppignorata. de quo videbimus in tract. decimo. Quod detur contra Colonom, est indubitatum, & patet ex toto titulo & textu. Non dari contra Inquilinum tenet Cynus in l. C. certi juris. §. ult. C. locati. cui ad stipulatur Zæsius, in Digest. titulum de Sal. Inter. & quidem ex hoc Interdicto directe solum Colonom conveniri posse mihi facile persuadeo, quia in textu plus non continetur, cum semper fiat mentio expressæ conventionis, & de prædio rustico sermo sit. Quin tamen detur etiam utile Interdictum contra Inquilinum, nihil plane obstat, & ita tenet Menochius & Hunnius. Ratio est, quia mens & intentio Interdicti etiam locum habet in Inquilino, cujus bona (ut nunc supponitur in quizione) sunt tacite oppignorata.

344. QUÆRITUR 2. An hoc Interdictum detur etiam adversus alium possessorem rerum oppignoratarum, si à conductore habet causam & titulum possidendi. Aliqui contra alios possessores tantum utile concedunt, ut Menochius, VVesenbergius & Zæsius. Alii nec utile nec directum volunt concedere, sed contra alios possessores remittunt locatorem ad actionem Servianam (de qua alibi dicitur, quæ non est ita expedita sicut Salvianum, ut advertit Zæsius) ita sentit Hotomannus, fundans se in lege 1. C. de precario. Alii denique concedunt etiam Directum. & fundant se in lege 1. §. 1. h. tit. ubi Iuge consultus Iulianus nominatim & expressè dat Interdictum Salvianum adversus extraneos possessores. Quodsi tantum utile intellexisset, id utique adiecisset, sicut prius fecerat, dicens: *Quod apud emptorem ex ea (ancillâ oppignoratâ & venditâ) natum est, ejus apprehendendi gratia utile Interdictum reddi oportet.* Post hæc subjungit a-

lium casum, & dicit. *Si colonus res in fundum duorum pignoris nomine intulerit, singuli adversus extraneum Salviano interdicto recte experiuntur.* Huic sententiæ videtur multum negotii facessere lex 1. C. de precario, ubi dicitur hoc Interdictum tantummodo adversus colonum, debitoremve competere. Neque ullo modo mihi satisfacit Responsio Zæsii & aliorum, quod illis verbis: *[integrum tibi jus est ea (id est oppignorata & vendita à debitore) persequi, non Interdicto Salviano (id enim tantummodo adversus conductorem, debitoremve competit) sed Servianâ actione]* quod inquam his verbis tantum directum Interdictum negetur. hoc sanè est contra styllum legum. Si enim hoc voluisset Imperator, non debuisset uti particulâ exclusivâ *Tantum*, & remittere ad Servianam actionem; quod mihi certissimum est. Donnellus respondet, textum esse corruptum, & esse legendum: *adversus conductorem rem debitoremve.* Sed hanc corruptionem quomodo probat? Posset quis tentare aliam viam conciliandi, & dicere, quod Imperator velit, Interdictum Salvianum non dari adversus conductorem nisi respectivè ad ea bona quæ non sunt validè alienata, adeoque adversus extraneum possessorem non quemcunque, sed eum solum, qui non comparavit dominium rei, dari; adversus illum verò qui dominium rei oppignoratæ comparavit, dari solum Servianam actionem. Confirmarique posset hæc Interpretatio ex principio legis 1. ff. h. t. ubi Interdictum utile datur, non ad apprehendendam ancillam oppignoratam & venditam à colono, sed ad apprehendendum partem illius, qui natus est apud emptorem, & non apud colonom, adeoque directè peti non potest, quia nunquam in fundum illatus est; utiliter tamen peti potest, quia (ut suppono) fuit saltè tacite, oppignoratus. Video difficultatem hujus interpretationis, ex eo quod non solum ancillæ, sed ipsius etiam partem dominium videatur fuisse apud emptorem, & in lege detur utile Interdictum ad possessionem utriusque adipiscendam, ut communiter supponunt Interpretes. Alius conciliandi modus est Arnoldi Rath à n. 68. Legem 1. C. de precario & Salviano, quoad totum contextum, exceptâ solâ parenthesis, loqui de alio debitore, & tertio pignoris possessore, quàm ex causa locationis, contra quem interdictum hoc locum non habet (ut statim dicam) sed tantum contra tertium possessorem, in quem res translata est, quæ ex causa locationis erat oppignorata, & in fundum conductum invecta. Lex autem illa sic sonat. [Si te non remittente pignus debitor tuus ea quæ tibi obnoxia sunt, vendedit, integrum tibi jus est ea persequi, non interdicto Salviano (id enim tantummodo adversus conductorem debitoremve competit) sed Servianâ actione, vel quæ ad exemplum ejus instituitur, utilis adversus emptorem exercenda est.]



Quodsi nulla harum conciliationum satisfacit, dico cordatè, non posse has leges sine maiore divinatione conciliari, & ideo posteriorem quæ est Codicis, prævalere in hoc, quod Interdictum Salvianum ne quidem utile detur amplius adversus extraneum qui dominus pignoris evasit, sed solam Servianam. Et hoc confirmabitur ex q. seq. Itaque

345. QUÆRITUR 3. An hoc Interdictum non solum locatori, sed etiam aliis Creditoribus res oppignoratas habentibus contra suos debitores competat, ut earum possessionem adipisci possint. Affirmant VVelsenbecius, Cuicius, Vultei, Gipharius & alii. Negat Treutlerus, Donellus, Menochius, Hunnius, quibus libenter assentior, ob ea quæ in præced. quæst. resolutione dixi, ex quibus hæc resolutio deducitur, ut patet. Sed neque adversarii illam extensionem ullo juris textu firmare possunt.

346. Obijciunt 1. Quod in lege 1. C. de precario, ponatur verbum generale: *Debitoris*. item quod ponatur illa disjunctiva: *Conductorem, debitorem*: quibus verbis Conductor à Debitore distinguitur; contra utrumque verò, tam debitorem quam conductorem datur Salvianum interdictum: ergo contra quemcumque debitorem datur hoc Interdictum. Ad 1. Facilis est responsio, verba legis esse restringenda ad debitorem illius casus de quo lex agit, is autem est conductor, & non alius. Ad 2. &c. In Iure phrasim titulatam esse, ut disjunctio habeat sensum conjunctionis, adeoque in præsentis sensum esse de conductore qui simul debitor sit, si enim nihil ex conductione deberet, non esset locus interdicto ad obtinendam possessionem pignoris.

347. Obijciunt 2. De quibus rebus datur Actio Serviana, de iisdem datur Interdictum Salvianum. atqui licet actio Serviana directæ in causis locationis tantum locum habeat, utilis tamen seu quasi Serviana datur contra quemcumque debitorem: ergo & quasi Salviana. &c. Negando majorem, cujus oppositum habetur in l. 1. C. de Precario, ubi expresse negatur Salviana, & asseritur Serviana. & licet quasi Serviana in Iure concedatur, nusquam tamen de quasi Salviano quidquam legitur. Unde merito dixit Sarmiento, iniquum fore, eum qui vult agere Salviano Interdicto, remittere ad actionem Servianam directam vel utilem (ut fit in l. 1. cit.) excludendo à Salviano, si illi utile Salvianum competere. quandoquidem in Serviana probandum sit debitoris dominium pro tempore constituti pignoris, in Salviano solam possessionem, sicut per altero expeditius.

348. QUÆRITUR 4. An Salvianum detur etiam pro adipiscenda possessione mercium inductarum in ædes conductas, si conductor pensionem non solvat. Pender resolutio

ex dicendis de contractu pignoris, an nempe huiusmodi merces sint tacite hypothecatæ locatori, de quo ideo dubitatur, quia non sunt illatæ eo animo ut ibi maneant, sed ut distrahantur. Huic tamen dubitationi, meo quidem iudicio bene occurrit Udalricus Zasius docens, quod licet species (hoc est individua) mercium vendantur, tamen semper aliæ substituantur. Unde quamvis hæc res in individuo, & alia, ac alia vendantur, tamen cum aliæ substituantur, officina semper mercibus repletur, & ideo in genere sunt merces exstantes oppignoratæ. arg. legis cum *tabernam ff. de pignoribus*. ubi in simili casu respondet Iureconsultus, merces esse oppignoratas. & ratio ita respondendi est, quod, etsi merces vendantur, aliæ tamen substituantur. [Cum tabernam debitor creditori pignori dederit, quæsitum est, utrum eo facto nihil egerit: an tabernæ appellatione merces quæ in ea erant, obligasse videatur, & si eas merces per tempora distraherit, & alias comparaverit, easque in eam tabernam intulerit, & decesserit, an omnia quæ ibi deprehenduntur, creditor hypothecariæ actione petere possit, cum & mercium species mutatz sint, & res aliæ illatz? Respondit, ea quæ mortis tempore debitoris in taberna inventa sunt, pignori obligata esse videntur.]

Hinc ex opposito fundamento contra Zasium infert Menochius, nomina debitorum, seu instrumenta quibus nomina debitorum continentur, non posse peti Salviano, quia, cum non inferantur eo animo, ut ibi perpetuò sint, sed ut exactis debitibus restituantur, ideo non censentur tacite oppignorata. Et hæc de Interdictis seu Remediis Adipiscendæ possessionis à Prætoribus propositis. Sunt insuper tria Remedia civilia adipiscendæ possessionis. Primum quod habetur L. fin. C. de Edicto D. Mauritiani tollendo, de quo supra jam satis dictum n. 331. occasione Interdicti *Quorum bonorum*. Alterum extat in l. 3. C. de pignoribus. quo creditoribus vi pacti conventi datur facultas propriâ auctoritate ingrediendi possessionem rerum debitoris. Creditores, qui non reddidit sibi pecuniâ conventionis legem ingressi possessionem exercent, vim quidem facere non videntur, at tamen auctoritate præsidis possessionem adipisci debent. Circa quam legem obierat Arn. Rarh n. 88. & seqq. debitorem, vel ante litis ingressum debere suum debitum liquidare, vel si, ut potest, suâ sponte possessionem ingressus sit, statim litigationis articulos Iudici offerre, etsi urbanis, & ruri fecerit, si ante ingressum Iudicis auctoritatem adhibeat. Tertium Civile Remedium adipiscendæ possessionis, declaratur ab eodem Auctore à n. 92. quod sit Iudicis officium, quo hæres uti potest, cum vacante bonorum hæreditarium possessionem vult adipisci  
arg. l. 68. ff. de rei vind. & l. 3.  
ff. ne vis fiat ei, &c.

## CONTROVERSIA VII.

*Quenam sint Remedia Retinendæ Possessionis: præcipue de Interdicto: uti possidetis.*

## S V M M A R I V M.

**I**N Interdicto: uti possidetis. *Utrique litigans est actor & reus.* 349.

*Quid probandum sit illi, qui prius in Iudicium venit.* 351.

*An Interdictum hoc competat etiam pro rebus Incorporeis.* 352.

*De aliis Interdictis ad Servitutes rusticæ pertinentibus.* 355.

*Interdictum. Ne vis fiat, non est Retinendæ Possessionis.* 356.

*De Interdicto utrobi.* 357.

349. **A**IT PRATOR. [Vti eas pedes, quibus de agitur, nec vi, nec clam, nec precario alter ab altero possidetis, quominus ita possideatis vim fieri veto.]

In hoc interdicto, sicut, & in Interdicto utrobi, uterque litigantium est actor, & reus, ita ut non facile discerni possit, uter agat, & uter conveniatur, & hoc sensu duplex esse dicitur. l. 3. §. 1. ff. h. t. ibi. *Hoc interdictum duplex est, & iij quibus competit, & actores, & rei sunt.* Ille tamen habetur simpliciter pro actore, qui primus ad Iudicium provocavit. l. 13. ff. de Iudic.

350. In ferenda sententia non observantur Iudex verba quibus Interdictum conceptum est, his enim formulis olim Prætores pronuntiabant sub conditione facti; & remittebatur res ad Iudicem, qui de re, & facto cognosceret, deinde de Iure secundum formulam pronuntiaret. Has ambages sublatas esse jam supra tradidimus, & constat ex totò titulo Codicis de formulis, & de sublati. Index ergo cognita causa pronuntiat assertivè, Paulum possidere; deinde possessionem ita confirmat, ut condemnet adversarium in futurum, ne vim faciat possidenti quominus quietè possideat. Exigit tamen Iudex à victore satisfactionem, nihil se in re deterius facturum, sed rem, cujus possessionem obtinuit, si in petitorio succubuerit, salvam, & illam restituaturum. Et hic est genuinus sensus legis un. C. h. r. & non ille quem aliqui putant, quod satisfactio sit exigenda à victo, de non facienda vi, hæc enim satisfactio solum in servitutibus, quarum possessio obtenta est, exigitur. L. penult. ff. de aqua quot. [Si de via, itinere, aqua, & aqueductu agatur, huiusmodi cautio præstanta est, quamdiu quis de Iure suo doceat, non se impediturum agentem, & aquam ducentem, & iter facientem. Quod si neget adversarium sui esse, cavere sine præ-

iudicio amittendæ servitutis debet, donec questio finietur, non se usurum.] Lex verò unica C. h. r. sic habet. [Uti possidetis fundum, de quo agitur, cum ab altero nec vi, nec clam, nec precario possidetis, ReCTOR provincie vim fieri prohibebit: ac NB. satisfactionis, vel transferendæ possessionis edicti perpetui formâ servatâ de proprietate cognoscat.] Ratio diversitatis redditur à Donello & aliis, quod nihil sit in servitute, quod victus restituat corpore, & ideo in subsidium exigitur cautio à victo, quæ sit loco restitutionis; in re corporali jam possessa nihil opus est, quod substituitur: cur ergo victus satisfacet?

351. **QUÆRITUR** nunc 1. Quid probandum sit illi qui primus in Iudicium venit. *Re.* Ille illi probandum, & quod in possessione turbatus ab altero fuerit, & quod temporeurbationis possederit. Iure Canonico sufficit antiquioris possessionis probatio. c. licet. de probat. ubi lis de possessione orta esse refertur, & Raven: Ecclesia probavit, se cum iusto titulo 60. annis bona quædam immobilia possedisse, Communitas autem Faventini probavit tantum 50. Annorum possessionem sine titulo, iudicatum est, contra hanc, quod proculdubio iniuste aliqua servitia in illis locis perceperit, & sine titulo iusto, cum duo simul eandem rem & eodem modo in solidum possidere non possint, & Faventini non ostendant titulum, Revennatensis Ecclesia verò eum ostendat ex privilegiis Imperatorum & Rom Pontif. Cùm ergo Faventini aliqua ex illis locis propria temeritate occupaverint, & æcononius petierit à vi turbativa seu inquietativa Faventinos prohiberi, &c. Faventini condemnantur quoad possessorium Iudicium, & perpetuum silentium illis imponitur, & prohibentur, ut neque per se neque per alios super his præsumant Ravennatensem Ecclesiam, aut habitatores prædictorum locorum, aliquatenus molestare.

352. **QUÆRITUR** 2. An Interdictum uti possidetis, competat etiam pro rebus Incorporeis, saltè utile. Negat Giphanius. Sed cum receptissima affirmandum est, ob textum clarum quo hoc Interdictum usufructuario conceditur l. ult. ff. h. t. [In Summa puro dicendum, & inter fructuarios hoc interdictum reddendum, etli alter usufructum, alter possessionem sibi defendat. Idem erit probandum, & si usufructus quis sibi defendat possessionem. Proinde etli alter usum, alter fructum sibi tueatur, & his interdictum erit dandum.]

353. Objicit Giph. 1. De Servitutibus sunt confirmata propria Interdicta, ut: de itinere, & itinque privato ff. h. t. de fonte, de rivis, de cloacis. quæ interdicta dicuntur quasi possessoria. l. 20. ff. de Servit. l. 1. §. hæc interdicta. ff. de aqua quot: ergo non datur Interdictum utile: *Uti possidetis.* *Re.* Negando consequ. sic de proprietate

præ competit commodanti non solum actio proprietatis Commodati, sed etiam rei vindictio. Deinde illa Interdicta propria non se extendunt ad omnes Servitutes, ut patet, multo minus ad alia Iura Incorporalia quæ non sunt servitutes: ergo in his erit locus huic Interdicto.

354. Obijcit. 2. Finis hujus Interdicti est, ut intelligatur quis sit possessor propter Iudicium petitoriam, ut postea de dominio agi possit ab eo qui possessor non est. atqui hoc non procedit in servitutibus, quia Servitutem petere potest tam qui possidet quam qui non possidet. §. *æquè Inst. de act. l. 6. est forte & l. sicut §. sed si queritur. ff. si serv. vind.* 3. Negando minorem, nempe quod is qui possidet, possit servitutem vindicare: ad quid enim vindicare id quod jam habet? vindicamus ea quæ absumt, & quatenus absumt: textus allegati prorsus abs te sunt: plus enim non volunt, quam, quod qui possidet rem corporalem, agere possit negatoria actione, quæ negat servitutem competere alteri: atqui evidens est, quod hoc non sit vindicare servitutem, cum sit potius vindicare immunitatem à servitute.

355. Huius occasione dicendum hic breviter aliquid est de aliis Interdictis ad servitutes rusticæ pertinentibus. Primum habetur. ff. *de aqua quor.* ubi ait Prætor: [Uti hoc anno aquam, quæ de agitur, non vi, non clam, non precario ab illo duxisti, quod minus ita ducas, vim fieri veto.] Sufficiat autem unâ nocte, vel die duxisse. L. 1. §. 4. h. t. Secundum & famosius est: ff. *de itinere actûque privato.* ubi Prætor ait: [Quo itinere actûque privato, quo de agitur, vel vi, hoc anno, nec vi, nec clam, nec precario ab illo usus es, quo minus ita utaris, vim fieri veto.] De modo acquirendi has servitutes suo loco dictum est. Illis acquisitis dantur hæc Interdicta contra impedientem uti. Similia Interdicta sunt concessa sequentibus titulis, de Rivijs, de Fonte, de Cloacis. de quibus nihil occurrit notatu dignum.

356. Aliqui ut Menochius, revocant ad Interdicta retinendæ possessionis etiam Interdictum: *Ne vis fiat ei qui à Prætor in possessionem bonorum missus est.* de quo est titulus 4. lib. 43. Verum rectius dicunt alii, hoc Interdictum non esse retinendæ possessionis: quia talis non habet possessionem quando mittitur in possessionem, & ei ne eam acquirat, resistitur. Melius ergo alii revocant ad Interdicta adipiscendæ possessionis, & sic sonat. [Si quis dolo malo fecerit, quod minus quis permisi meo, eiusve cuius ea Iurisdictio fuit, in possessione bonorum sit, in eum in factum Iudicium, quanti ea res fuit, ob quam in possessionem missus eris, dabo.] Quæ de his dubitari possunt, facile ex alibi dictis resolvuntur, & ideo non sunt repetenda. Et hæc de Interdictis pro rebus immobilibus.

357. Restat Interdictum pro rebus mobilibus, quod dicitur *utrobi:* de quo est tit. ff. 31. lib. 43. Prætor ait. [Utrubi hic homo, quo de

agitur, maiore parte huiusce anni fuit, quod minus is eum ducat, vim fieri veto.] Hoc Interdictum datur pro retinenda possessione rerum mobilium, de cætero est ex æquarum Interdicto *uti possidetis*, quod est pro rebus immobilibus: adeoque in utroque is vincit, qui nec vi, nec clam, nec precario ab eo à quo inquietatur possessionem habet. §. 1. *hic.* Et hæc de Remediis retinendæ possessionis.

Circa quæ placet referre ex Arnolfo Rath, quomodo se gerere debeat Iudex in ferenda sententia, & quidem si reus conventus nec possideat, nec possessionem prætetendat, molester tamen, & turbet alterum, adeoque non gerat actoris personam, res est expedita. Verum quia ordinariè utræque litigantium se possessorem declarari intendit, & ambo fidem aliquam possessionis habere faciunt, seque in ea defendi petunt, est difficultas, & controversia, quid Iudici incumbat, maxime si ambo litigatores possessionem ejusdem generis, & ijsdem actibus probent. Hoc casu pro illo pronuntiandum est, qui titulum, vel antiquiorem possessionem probat, quia præsumitur talis prius ab altero turbatus esse: unde idem auctor ex Andrea Gail lib. singulari de pigratione. observ. 22. n. 10. notat, utile esse in his Interdictis articulare, & probare dominium simul cum possessione, non quidem ut super hoc sententia feratur, sed ad colorandum iudicium possessorium, Quod si verò possessionem diversis generis intendat, v. g. unus civilem, alter naturalem, aut ex diversis causis eandem, v. g. unus usum rei, alter fructum, vel unus proprietatem, alter usufructum, Iudex utrique suam probatam possessionem adjudicabit, & utrumque diversis respectibus condemnabit, Fructuarium, ne Proprietarium turbet in possessione proprietatis, & e contra ne Proprietarius turbet Fructuarium.

## CONTROVERSIA VIII.

### Quanam sint Remedia Recuperandæ Possessionis.

#### SUMMARIUM.

- Q**ualis vis requiratur, ut locus sit Interdicto unde vi. 359.  
*An detur contra vi dejicientem, sed non occupantem.* 360.  
*An quis possit vi dejici de possessione rerum Incorporalium.* 361.  
*An Interd. unde vi tantum detur de rebus immobilibus.* 362.  
*An detur Notorio Prædoni adversus Dominum notorium.* 363. & seqq.  
*Insigne Privilegium quo gaudent Clerici spoliati.* 371.

*Virum qui non vi, sed clam ingressus est, conveniri possit Interd. unde vi. 372.*

*Ad quid detur Interdictum, unde vi. 373.*

*Interdictum de Precario cui & adversus quem detur. 375. & seq.*

*Virum Interdictum c. Reintegranda. ca. 3. q. 1. detur tam Laicis, quam Clericis. 380.*

*An detur etiam contra successorem singularem bonæ fidei cum titulo possidentem. 381.*

*Quanto tempore duret hoc beneficium. 385.*

*De actione Publiciana remissivè.*

## §. I.

### De Interdicto. Unde vi.

358. **P**REtor ait: *Vnde tu illum vi deiecit, aut familia tua deiecit, de eo, quæque ille tunc ibi habuit tantummodo intra annum, post annum de eo, quod ad eum qui vi deiecit, pervenerit, iudicium dabo. ff. de vi & vi armata.* Comprehendit itaque hoc Interdictum non solum vim privatam, sed etiam publicam. Privata dicitur, quæ sine armis, publica quæ fir armis, inter quæ non solum gladii, bombardæ, &c. sed etiam fustes & lapides numerantur. Porro quia hoc Interdictum primariò in odium invaloris (nam in valo & dejectio Ius Civile sufficienter prospexit) constitutum est, ideo strictam recipit interpretationem. Unde —

359. **Q**UÆRITUR 1. Qualis vis requiratur, & sufficiat ad hoc, ut quis ex hoc Interdicto conveniri possit. *z. 1.* Non sufficere, si quis metu præcisè impulsus ipse possessionem deserit, v. g. si quis videns venientem à longè prædonem cum armis fugeret à fundo, nisi tandem prædo invaserit, & occupaverit fundum. Ità habetur l. 1. §. 29. h. t. [Idem Labeo ait, cum qui metu turbæ perterritus fugerit, videri dejectum. Sed Pomponius ait, vim tunc corporali vi locum non habere. Ego (Ulpianus) etiam eum qui fugatus est supervenientibus quibuscumque, si illi NB. vi occuparunt possessionem, videri vi dejectum.] Idem repetit l. 3. §. 7. [Proinde et si armatus audisset venire, metu decesserit de possessione, dicendum non esse eum armis dejectum, nisi possessio ab his fuerit occupata.] *z. 2.* Neque sufficere, si quis etiam vi compulsus ipse deinde tradidit possessionem. l. 5. h. t. *Si rerum tibi possessionem tradidero, dicit Pomponius, unde vi interdictum cessare: quoniam non est vi dejectus, qui compulsus est in possessionem inducere.* *z. 3.* Neque sufficere per vim aliquem impedire, ne ipse possessionem Iure capiat, si prius nec corpore nec animo possidebat. Aliud esset, si adhuc animo, hoc est, civiliter possidens mitteret aliquem, qui suo nomine corporaliter possideret, & ille vi prohiberetur. Ratio prioris est, quia qui non possidet, non deicitur, & habetur §. 26. *Eum qui neque animo neque corpore possidet, ingredi autem,*

*& incipere possidere prohibetur, non videri dejectum verius est: deicitur enim qui amittit possessionem, non qui non accipit. Ratio secundi est, quia talis amittit denique per talem vim etiam civilem possessionem: ut supra dictum est. z. 4.* Neque sufficere, si quis me quidem deiceret, sed non meos. Quia per illos adhuc possiderem. l. 1. §. 45. *z. 5.* Sed neque is hoc interdictum gaudet, qui vi quidem dejectus est, sed in contenti (prout licere sup. dictum est) iterum per vim recuperat, nam talis non amittit civilem possessionem. l. 3. §. 9. [Eum igitur qui cum armis venit, possumus armis repellere, sed hoc confestim, non ex intervallo: dummodo sciamus non solum resistere permissum, ne deiciatur, sed et si dejectus quis fuerit, eundem deicere non ex intervallo, sed ex continenti.]

360. **D**ubitabis, an contra illum daretur hoc Interdictum, qui me vi deiecit, sed ipse possessionem non occupavit. *z.* Affirmativè, & habetur expressè l. 4. §. 22. ff. de usurpat. [Si tu me vi expuleris de fundi possessione, nec apprehenderis possessionem, sed Titius in vacuum possessionem intraverit, potest longo tempore caperes: quamvis enim interdictum, unde vi, locum habeat, quia verum est, vi me dejectum, non tamen verum est, & vi possum.] Requiritur ergo, & sufficit corporalis violentia tanta, vi cuius quis & naturalem, & civilem possessionem amittat, ut satis explicatum est. In aliis casibus alix actiones dabuntur, ut actio quod metus causa, actio injuriarum, &c.

361. **Q**UÆRITUR 2. An quis etiam per vim deici possit de possessione rerum incorporalium, ut locus sit huic Interdicto. Ad hoc respondet Fredericus Martini de annuis redditibus cap. ult. n. 30. & ex eo Ant. Perez. Si Iurium incorporalium quasi possessione, ut puta juris eligendi decimarum, patronatus, Iurisdictionis, censuum & reddituum annuorum quasi spoliatus quis fuerit, utili Interdicto unde vi adversus spoliatorem experietur. In hisce namque Iuribus, itemque præstationibus annuis, quasi spoliatio contingit, si Domino singulis annis redditus suos recipere consueto à debitor non quidem ex inopia, sed ejusdem pertinacia solutio denegetur: ut non debeat audiri debitor postea allegare volens causas, cur annuos redditusolvere distulerit; hoc enim ad petitorium pertinet: spoliatus autem ante omnia est restituendus. Idem tradit Andreas Gail. Lib. 2. Obfer. 75. addens posse etiam taliter spoliatum agere ex constitutione legis, si quis in tantam. C. Unde vi. quæ habet specialem effectum, ut dicemus infra.

362. **Q**UÆRITUR 3. An hoc Interdictum tantum detur de rebus immobilibus. Ioannes Corasius putat, etiam pro mobilibus utile competere. Verum obstat textus expressus & exclusivus in l. 1. §. 6. exceptis illis mobilibus, quæ fuerunt in fundo vi occupato. [Il-



lud utique in dubium non venit, Interdictum hoc ad res mobiles non pertinere, nam ex causa furti vel vi bonorum raptorum actio competit. potest & ad exhibendum agi. Planè si quæ res sunt in fundo, vel in ædibus unde quis dejectus est, etiam earum nomine interdictum competere non est ambigendum.] Cùm ergo hæc verba repugnant expresse, non est locus utili Interdicto respectu mobilium principaliter spectatorum, juxta regulam superius traditam, quando nam utilis actio detur. Ex hoc tamen textu non rectè infert Hunnius, ne quidem pro rebus incorporalibus dari utile interdictum (ut q. 2. asseruimus) nam incorporalia non excluduntur sicut mobilia, & præterea rebus immobilibus adnumerantur, ut alibi dicemus.

363. QUÆRITUR 4. Et est celeberrima Iuris quæstio, an hoc Interdictum detur notorio prædoni adversus dominum notorium fundi, quo dominus per vim spoliavit prædonem, à quo prius ipse etiam per vim dejectus erat. Supponitur autem in casu, quod hæc secunda spoliatio non fuerit in continenti facta, tunc enim jure egisset, ut ex dictis patet. In hac re sunt tres diversæ sententiæ.

364. Prima distinguit inter causas beneficiales & prophanas, & asserit: si agatur de beneficio Ecclesiastico, prædonem spoliatum restituendum non esse. Fundat se in c. ad decimas de rest. spol. in 6. & c. Constitutus de filiis præbys. & c. Quoniam eodem. Si verò de re prophana agatur, asserit etiam prædonem esse restituendum, & ad hoc illi concedi Interdictum. Vide vi. Ità Immola & alii apud Menoch. rem. 1. recuper. n. 131.

Secunda Sententia sine ullo discrimine affirmat, Prædonem esse restituendum, etiam si notorius sit, & à notorio domino fuerit iterum spoliatus. Ità Panormitanus, & alii quos sequitur Fachinæus l. 8. c. 10.

Tertia sententia est, non dari sic spoliato hoc Interdictum. Ità Antonius Butrius Covar. & plures alii, quos sequitur Menoch. q. 11. n. 113. & apud modernos Iuristas invaluit. expresse eam tueretur Hunnius, vol. 2. d. 25. in Trent. q. 56. Antonius Perez, Zacchius, & Collegium Argentor: in com. ad tit. ff. & c. Huius ergo sententiæ argumenta videamus.

365. Primum argumentum desumitur ex l. 1. §. Qui à me. 30. ff. h. t. Qui à me vi possidebat, si ab alio deiciatur, habet interdictum. ergo per argumentum à contrario, qui non ab alio deicitur, sed à me, qui ab illo etiam dejectus sum, non habet hoc interdictum. Hoc tamen argumentum infirmum est, imprimis quia nimium probaret: probaret enim quod etiam non daretur illi interdictum, si ego illum deiciens non essem dominus, aut saltem non constaret de meo dominio, quod est contra omnes. sequela patet; quia tunc etiam non ab alio deiceretur. Sen-

sus illius legis est, quod qui ab alio spoliatur, semper uti possit hoc interdicto, non autem qui à spoliato spoliatur, quia prius videndum est, an id in continenti fecerit necne. In continenti autem fecisse potuit, etiam si non statim in momento, sed si id fecit antequam animum recuperandi deponeret, v. g. statim præparando media, circumspiciendo de occasione, de auxiliatoribus, &c. prout Theologi interpretantur, talis enim possessionem civilem nunquam amisit, sed eam resinavit, ut ex supra dictis liquet.

366. Secundum argumentum sumitur ex cap. cùm dilectus. de causa posses. & propriet. ubi dicitur quod causa proprietatis prævaleat: ergo quando constat de dominio, non est habenda cura possessionis. Distinguo consequens: quando constat judicialiter, concedo: si solum constet extrajudicialiter, nego consequentiam. Verum videamus ipsum textum, & apparebit, nihil impertinentius posse ad propositum adduci. Ad quartum, inquit Innoc. Pap. III. breviter respondemus, quod cum super possessorio NB. & petitorio simul est actum, utrumque una sententia debet terminari. (ecce! loquitur de casu quo duo judicia simul cumulantur.) sed licet in pronuntiatione sit possessio præmittenda, in executione tamen debet proprietas prævalere. Hoc adeo non favet tertiæ sententiæ, ut potius obstat, cùm requiratur sententia super possessione, & quidem præmittenda.

Tertium argumentum Antonii Perez. Interdictum in nostro casu inutiliter concederetur prædoni, quia posset exceptione doli submovetur, dolo enim petit restitui, qui statim debet iterum restituere domino. 2. Quin imò non posset hac exceptione repelli, quia Iuris ordo servandus est, qui requirit, ut spoliatus ante omnia restituatur, alioquin neque haberet hoc interdictum ille qui non vi, sed clam possessionem occupasset, & deinde per vim dejectus esset. quod est contra omnes. Et sanè nemo negaverit, dominum ob vim illatam punibilem esse, quandoquidem juris remediis neglectis ipse sibi jus dixit.

367. Quartum argumentum sumitur ex lege; Bona fides. ff. depositi, ubi dicitur: Non est ex bona fide rem suam dominum prædoni restituere compelli. Hic locus adducitur ineptissimè. sic sonat. [Si rem meam fur, quam me ignorante subripuit, apud me, etiam nunc delictum ignorantem, deposuerit, rectè dicitur non contrahi depositum. quia non est ex fide bona rem suam dominum prædoni restituere compelli.] Vides, sermonem esse de casu, quo dominus rem suam absque omni virio & violentia consequitur; noster autem casus est, quando consequitur per vim, & modo illicito.

368. Quintum argumentum desumitur ex cap. ad decimas. de rest. spoliat. in 6. Casus est talis. Canonici quidam occupaverant decimas in aliena parochia: parochus illos decimis spoliavit.

liavit. quæsitum est an debeant restituere. Respondit Pontifex, nequaquam restituendos esse, nisi evidenter docuerint, N.B. quod earum possessione legitime affecti fuisset. Quia eas occupasse injustè verisimiliter præsumuntur, cum proveniant ex prædiis intra alienam paræciam constitutis, sitque manifestum (nisi aliud ostendatur) eas de iure communi ad eandem Ecclesiam pertinere.] Respondet optimè Fachineus, hoc specialiter constitutum esse, ut hæc res in exemplum traheretur, & iura canonica eluderentur, quæ prohibent possideri decimas in aliena Parochia. Adde, ex textu non constare, quod possessionem acquisiverint Canonici, & quod Parochus sciens passus sit illos percipere decimas; multò minùs constet, quod illas vi occupaverint, & fortè cum vellent vioccupare, Parochus vim vi repulit.

Adhuc impertinentiùs adducuntur c. *Constitutus*, & c. *Quoniam*. De filiis præsb. Capitulum *Constitutus*, dicit spoliatum beneficii restituendum esse, si constet patrem ad tempus administrasse, non autem in perpetuum concessum fuisse. Ergo, inquirunt, à contrario sensu rectè colligitur, restituendum non esse, si beneficium patri in perpetuum concessum fuisset. Ità est. Sed quid hoc ad rem? quid hic de reciproca spoliatio? meritò talis non est restituendus, ne fiat contra Canones, quibus prohibetur, filium beneficium habere in ea Ecclesia, in qua pater habuit. Capitulum *quoniam* nec verbum habet de spoliato, sed hoc statuit, ut si filius beneficium habeat in ea Ecclesia, in qua pater ante habuerat, debeat à beneficio removeri.

Hæc sunt argumenta hujus communis sententiæ, quæ quid roboris habeant, viderit lector. Nunc referamus argumenta secundæ sententiæ, asserentis competere sic spoliato Interdictum unde vi. Ea sumuntur ex utroque iure.

369. Primum argumentum ex cap. in litteris. de Rest. spol. ubi Pontifex ad quæstionem an restituendus sit spoliatus beneficio, qui dicitur non fuisse Canonice institutus, respondet. Prius de violenta ejectione, quam de Canonica institutione agi debere. & rationem addit quasi à fortiori: Quia prado etiam est secundum rigorem iuris restituendus. Respondent Castro Palao & alii, esse sermonem de prædone non notorio. Sed hæc responsio est manifestè insufficiens, quomodo enim in non notorio prædone esset rigor iuris? quomodo esset argumentum Pontificis à maiore ad minus?

370. Secundum argumentum desumitur ex pluribus iuris Civilis textibus, ubi generaliter & sine ullo discrimine etiam prado iubetur ante omnia restitui. Imprimis est lex celeberrima Codicis septima h. t. (cujus verba infra commodiùs referam) ubi disertè dicitur, quod si Dominus rei aliquem vi spoliaverit, debeat restituere. Respondent, non esse ibi sermonem de prædone

notorio spoliato. Esto. Satis esse velle restitui spoliatum etiam adversus Dominum, etiam quando constat eum Dominum esse, statuit enim lex, ut amittat dominium. Et bene ait Fachineus, non pertinere ad substantiam rei, esse vel non esse notorium, sed ad probationem, & ideo regulas iuris non immutatur: neque ullibi hæc distinctio in iure existit. Idem dicit Lex 4. §. Si Dominus. ff. de usurpat. Si Dominus fundi possessorem vi deiecerit, Cassius ait, non videri in possessionem ejus rediisse, quoniam Interdicto unde vi restitutus sit possessionem. Item Lex cum fundum. ff. de vi, & vi armata. ubi casus est talis. Cum fundum, qui locaverat, vendidisset, iussit emptorem in vacuum possessionem ire, quem colonus intrare prohibuit: postea emptor vi colonum expulit. Placebat, colonum interdicto venditori teneri: quia nihil interesset, ipsum an alium ex voluntate ejus missum intrare prohibuerit: neque enim ante amissam possessionem videri, quam si tradita fuisset emptori: quia nemo eo animo esset, ut possessionem amitteret propter emptorem, quam emptor adeptus non fuisset. Emptorem quoque, qui postea vim adhibuit N.B. & ipsum Interdicto colono teneri, &c. quæsitum est, an emptori succurri debeat, si voluntate venditoris colonum postea vi expulisset: dixi, non esse juvandum, qui mandatum illicitum suscepit.] Ecce! emptor, fundi Dominus, ob vim illatam etiam ex alterius voluntate tenetur Interdicto, quidni si proprio nomine id fecisset?

Huc etiam facit textus. §. 6. Inst. de Interdictis. ibi. Nam ei proponitur Interdictum unde vi per quod is qui deiecit, cogitur ei restituere possessionem, licet is ab eo qui vi deiecit N.B. vi, vel clam, vel precario possideat. Ecce! primo spoliatori contra reciprocum spoliatorem datur hoc Interdictum, nec curatur, an sit vel non sit Dominus. Nam statim subjungitur: si quidem in bonis (spoliatoris) ejus est, dominio ejus privatur. Mihi sanè incredibile est, quod leges non disertè exceperissent Dominum notorium, si eum eximium esse voluissent.

371. Quare, inspectis iuris apicibus, illisque insultando censuo veriorum esse secundam sententiam. Quam etiam in terminis tenet Schneidewein in dictum §. Inst. n. 23.

Advertendum tamen hoc loco est insignè privilegium, quo gaudent specialiter Clerici. & quidem antiquitus erat amplissimum, ut Clericus à quocunque spoliatus, si ab aliquo seu civili seu criminali actione conveniretur, non teneretur in iudicio respondere, nisi prius restitueretur: ratio redditur in c. oportet. ca. 3. q. 2. Quia nec nudi contendere, nec inermes nos inimicis debemus opponere. Quia verò postmodum Clerici hoc privilegium abusi sunt, & cum ab aliquo convenirentur, allegarunt falsò, se esse spoliatos, & ideo non teneri respondere, ideo Innocentius. 4. cap. 1. de Rest. spol. in 6. Privilegium restrinxit, ut Clerici

ricis non liceret hac exceptione spoliationis uti, nisi adversus ipsum spoliatores. Postea dubitatum est, an Clericus ab alio prius spoliatus, & deinde eundem in alia re spoliatus, si à spoliato conveniatur Interdicto *unde vi* possit vi dicti privilegii uti exceptione, quod ipse prius fuerit ab illo spoliatus, & sic non teneatur respondere, donec ipse prius restituitur, & affirmativè respondet Gregorius IX. *Cap. fin. de ordine cognitionum. ibi. Quamquam ab agendo, spoliatio ab eis (Clericis) opposita repellatur.* Ità interpretatur Fachineus. *lib. 8. c. 11.*

372. **QUÆRITUR** 5. Utrum, qui non vi, sed clam possessionem absenti ingressus est, conveniri possit Interdicto, *unde vi*. Ratio dubitandi est, quia leges adductæ expresse loquuntur de violenta occupatione. Ex ideo negativam tenet Menochius & Hunnius, aliis citatis. Communissima tamen affirmat propter legem finalem C. h. tit. quæ vel est correctoria priorum, vel saltem utile Interdictum concedit. [Cum quærebatur, quid fieri oporteret propter eos, qui vacuum possessionem absentium sine judiciali sententia detinuerunt; quia veteres leges, nec unde vi Interdictum, nec quod vi aut clam, vel aliam quandam actionem ad recipiendam talem possessionem definiebant, violentiâ in ablatam possessionem minime præcedente, nisi Domino tantummodo in rem actionem permittentes; nos non concedentes aliquam alienas res, vel possessiones per suam auctoritatem usurpare, fancimus NB. talem possessio em ut prædonem intelligi, & generali iurisdictione eâ teneri, quæ pro restituenda possessione contra huiusmodi personas veteribus declarata sunt legibus. Ridiculum enim est dicere, vel audire, quod per ignorantiam alienam rem aliquis quasi propriam occupaverit. Omnes autem scire debent, quod suum non est, hoc ad alios modis omnibus pertinere.]

373. **QUÆRITUR** 6. Ad quid detur hoc Interdictum. *Re. 1.* Ad restituendam possessionem rei immobilis à qua quis dejectus est, ut jam suprà dictum est, & pater ex legibus adductis. *Re. 2.* Ad restitutionem etiam rerum mobilium, quas dejectus habebat in loco, non solum propriarum sed etiam alienarum, ut sunt deposita, commodata, pignorat, locata, &c. l. 1. §. 6. ff. h. t. ibi. *Planè si quæ res sint in fundo, unde quis dejectus est, etiam earum nomine Interdictum competere non est ambigendum.* Quamvis dejectus, si malit, possit de his etiam agere ad exhibendum. §. 32. eod. ibi. *Planè si quis velit de possessione quidem rei soli per hoc Interdictum experiri, de rebus vero mobilibus ad exhibendum actione potest.* *Re. 3.* Ad restitutionem fructuum non solum à prædone perceptorum, sed etiam quos dejectus percipere potuisset; insuper omnis utilitatis, atque interesse, quod spoliatus habuisset, si vi dejectus non fuisset. ib. §. 40. & 41. *Ex die, quo quis dejectus est, fructuum ratio habetur, quamvis in cæteris*

*Interdictis, ex quo edita sunt, non retro competuntur. Idem est & in rebus mobilibus, quæ ibi erant, nam earum fructus computandi sunt, ex quo quis vi dejectus est.* Itaque ratio fructuum habetur ex eo tempore quo quis dejectus est, quod huic Interdicto singulare est, cum in aliis fructus à die redditus interdicti computentur. Quin imò etiam illa restituere tenetur, quæ sine culpa illius perierunt, eodem modo apud Dominum peritura, ut habetur §. 34. in fine. ibi. *Scribit Julianus, eum qui vi deiecit ex eo prædium, in quo homines fuerunt, propius esse, ut etiam sine culpa ejus mortuis hominibus estimationem eorum per Interdictum restituere debeat.* Quod tamen non procedit in foro conscientie ante Iudicis sententiam.

374. *Re. 4.* Si res per vim occupata fuit in dominio spoliatoris, amittit illius dominium, siue spoliatus justè, siue injustè possederit; quod si non fuit in illius dominio, præter rem, ejus quoque estimationem spoliato restituere cogitur à Iudice. Ità habetur statutum in *L. 7. C. h. t.* [Si quis in tantam furoris pervenerit audaciam, ut possessionem rerum apud solum, vel apud homines quoslibet constitutarum ante adventum Iudicis arbitrii violententer invaserit, Dominus quidem constitutus possessionem, quam abstulit, restituat possessori, & dominium ejusdem amittat: si verò alienarum rerum possessionem invaserit, non solum eam possidentibus reddat, verum etiam estimationem earundem rerum restituere compellatur.] Hoc ipsum relatum est in §. *Recuperanda. J. de Interd.* Cæterum in beneficialibus non est opus sententiâ Iudicis, sed spoliator ipso iure privatur. C. 18. de præbend. in 6. ibi. *Eo ipso si quod in dignitatibus, personaribus, & beneficiis occupatis ipsis forsitan competeat, amittant.*

**QUÆRITUR** 7. An hoc Interdictum detur etiam contra tertium possessorem, seu successorem singularem, si sciat violentiam à suo Auctore, seu Antecessore exercitam. *Re.* Jure Civili inspecto non dari. *L. 7. ff. h. t.* Cum à te vi dejectus sum, si Tilius eandem rem possidere capit, non possum cum alio, quam tecum hoc Interdicto experiri. De Iure Canonico aliud dicendum est, quod etiam in civili foro observandum est. C. 18. de rescriptis. *spoliatorum.* Quod paulò post referam.

Et hæc de primo Remedio ex Iure civili, pro recuperanda possessione:



§. II.

De Precario. l. 2. ff. h. t.

375. **A**l Prætor. Quod precariò ab illo habes, aut dolo malo fecisti, ut desineres habere, quâ de re agitur, id illi restituis.

376. Interdicti huius inducendi causa fuit, quod ab initio nulla alia actio hoc nomine existeret, cum magis ad beneficii causam, quam negotii contracti spectet Precarii conditio. De quo dicitur in tr. de Contractibus.

Datur hoc Interdictum ei qui precariò dedit sive per se, sive per procuratorem, etiam si non sit Dominus. Deinde etiam datur ejus hæredi vel alteri successori etiam singulari; nam, & ab eo censetur haberi precariò, quod ab auctore ejus habetur. l. 8. §. 1. & 2. ff. h. t. [Quod à Titio precariò quis rogavit, id etiam ab hærede ejus precariò habere videtur, & ita, & Sabinus, & Celsus scribunt, eoque iure utimur. Ergo, & à cæteris successoribus habere quis precariò videtur. Illud tamen videamus quale sit, si à me precariò rogaveris, & ego eam rem alienavero, an precarium duret, re ad alium translata? & magis est, si ille non revocet, interdicere posse, quasi ab illo precario habeas, non quasi à me.]

377. Datur adversus eum qui precariò accepit, si rem penes se habeat, aut dolo desit habere. Ead. l. 8. §. 3. Eum quoque precario tenere voluit prætor, qui dolo fecit, ut habere desineret. Datur etiam creditor adversus Dominum pignus precariò detinentem. Datur contra hæredem, ad quem licet possessio non transeat, quæ ei non est concessa, detinet tamen, vel dolo desit detinere: quia tenetur ex dolo defuncti, quatenus ad eum pervenit.

Petitur hoc interdictum non solum res precariò concessa, sed etiam fructus post editum Interdictum percepti, debet enim actor in pristinam causam restitui: alioquin, si facta non fuerit restitutio, [condemnabitur reus in tantum, quanti interfuit actoris, rem ei restitui ex eo tempore quo editum est Interdictum: ergo & fructus ex die interdicti editi præstabuntur.] L. 8. §. ex hoc. ff. h. t.

378. Hoc Interdictum est perpetuum, & non tantum annale sicut Interdictum, unde vi, quamvis & hoc sit perpetuum, quatenus est rei persecutorium. Imò hodie de iure Canonico, & de consuetudine actio hæc semper est perpetua, ut tradit VVesenbergius in Paratit.

§. III.

De Remedio ex cap. Redintegranda:

ca. 3. q. 1.

379. **R**edintegranda (scribit Pontifex Joannes) sions omnia exspoliatis, vel ejectionis Episcopis

præsentialiter ordinatione Pontificum, & in eo loco unde abscesserant (alii legunt: & in eorum unde abscesserunt possessionem) funditus revocanda, quacunque conditione temporis, aut captivitate, aut dolo ut violentiâ majorum, aut per quascunque injustas causas, res Ecclesiæ, vel proprias, aut substantias suas perdidisse noscuntur ante accusationem, aut regularem ad Synodum vocationem eorum.

Hoc Remedium, concessum omnibus, injuste suâ possessione, seu rerum immobilium, seu mobilium, spoliatis, vocant Interpretes plenissimum, concurrens cum omnibus aliis remediis spoliatorum, qualia plurima recenset VVesenbergius, & Marauda, sed ideo communiter prætermittuntur ab aliis, quia omnis eorum vis, & efficacia in hoc remedio continetur. De quo

380. **QUÆRITUR** 1. Utrum indiscriminatim, tam Clericis, quam Laicis concedatur. Aliqui apud Andream Gail. vol. 2. obs. 75. n. 11. voluerunt restringere ad solos Clericos, sed communissima, & in foro recepta sententia extendit etiam ad Laicos; & in hoc puncto auctoritas, & usus est attendendus, quidquid dicendum esset, si cortici verborum inhaerendum esset.

381. **QUÆRITUR** 2. An hoc remedium detur etiam contra possessorem singularem bonâ fide, & cum titulo possidentem, hoc est, ad quem res ignoranter pervenit cum aliquo titulo. Negat Bartolus, quem sequuntur plurimi quibus subscribunt Menochius, Fachineus, l. 8. c. 12. & Gail. Affirmat tamen Joachimus Mynlingerus Centuriâ. 3. observat. 85. sic scribens. [Attamen frequentius utriusque scholæ interpretes consueverunt contra Bartolum, quod inò beneficium d. c. redinteg. comparat adversus titulo possidentem, etiam si res ad eum sine vitio pervenerit, &c. Aitque Alexander, quod secundum hanc sententiam in Iudiciis sæpè numero judicari viderit, quemadmodum, & ipse aliquoties ex facto consultus ita respondit.] Et infra dicit, quod Cameræ Spirensis Assessores hauc sententiam in judicando suo tempore aliquot vicibus observârunt. Sed videamus argumenta hujus sententia.

382. Probatur maximè à Mynlingero: quod textus ipse impersonaliter, & generaliter loquatur ergo generaliter est intelligendus. l. 1. §. generaliter. ff. de legatis præstand. & confirmatur ex cap. Episcopi. ca. 3. q. 1. c. Ecclesiæ. ca. 3. q. 2. ubi recuperatur possessio à quibuscunque, quæ dictio est generalis, & omnes complectitur casus etiam privilegiatos. L. in fraudem. §. fin. ff. de milit. testam. l. 1. §. quod autem. ff. de aleat.

383. Ad hoc argumentum respondet Menochius, & Fachineus, textus adductos esse intelligendos de quibuscunque malæ fidei possessoribus; hæc tamen responsio difficilis est, quia



quia ut docent ipsi Adversarii, Menochius, & Gail post Covarruviam, & Alciatum, Actor utens hoc Remedio plus non debet probare, quam antiquiorem possessionem, & novam rei conventi: quod argumento est, hoc iure spoliatum non contra deicientem solum, sed quemvis alium possessorem restitui, ut etiam notavit; Colleg. Argent. Verum consequentia non est infallibilis, quia dici potest, quod procedat, si possessor non potest probare bonam fidem, & titalum, tunc enim præsuntur mala fides. Omitto alia argumenta minus efficacia.

384. Pro contraria sententia videtur mihi fortiter urgeri posse ex cap. *sepè*. 18. de *Rest. spol.* quæ constitutio edicta est quinquaginta annis post promulgationem canonis *redintegranda*. In illo capitulo satis clarè sermo est de singulari successore, scienter in vitiolam possessionem succedentem, & statuitur, contra hunc dari restitutionem; & quia hunc specialiter in quaestionem adducit, videtur supponere, id non procedere contra possessorem bonæ fidei. Et quia hoc capitulum est alterum Remedium contra


Spoliatores, placet ejus verba referre, quod est Innocentii III. [ *Sapè* contingit, quod spoliatus per spoliatorem in alium retranslati, dum adversus possessorem non subvenitur, per restitutionis beneficium eidem spoliato commode possessionis amissio, propter difficultatem probationum juris proprietatis amittit effectum. Unde non obstante iuris civilis rigore sancimus, ut si quis de cætero NB. scienter rem talem receperit, cum spoliatori succedat quasi in vitium (eò quod non multum intersit, quoad periculum animæ injustè detinere, ac invadere alienum) contra possessorem, & hujusmodi spoliato per restitutionis beneficium succurratur. ]

385. QUERITUR 3. Quanto tempore duret hoc beneficium cap. *Redintegranda* &c. *sepè* cit. 22. Omissis variis distinctionibus quas adhibet Menochius, & quæ involvunt aliqua alibi dicenda, per se loquendo hoc Beneficium esse perpetuum, & à quibusdam ad 30.

ab aliis ad 100. annos extendi.

*Myssinger cent. 3. ob-  
serv. 85.*





R. P. CHRISTOPHORI  
**HAUNOLDI**  
 E SOCIETATE JESU,  
**TRACTATUS IV.**  
 DE DIVERSITATE  
**JURIUM,**  
 SECUNDUM DIVERSA GENERA  
**PERSONARVM**  
 CAPVT PRIMVM.  
 DE DOMINIO RELIGIOSORVM  
 CONTROVERSID.

*An Status Religiosus pugnet cum Dominio.*

S V M M A R I V M.



Communitas Religiosorum est capax  
 Domini tam mobilium, quam  
 immobilium. 1.

Professi in particulari sunt incapaces  
 omnis domini rerum tempo-  
 raliū. 4.

Potest hæc incapacitas etiam repo-  
 neri in voto non solenni. 5.

Professi sunt capaces Jurium spiritualium. 6.

Paupertatis Religiosæ votum simplex, stat cum do-  
 minio rerum temporalium. 8.

Bulle Gregorii XIII. referuntur, quibus hoc pun-  
 ctum circa Religionem Societatis JESU stabilitur.  
 10.

Declaratur id ipsum ratione. 12.

Quenam sit origo Incapacitatis domini. 13.

IN duplici sensu questio hæc agitari potest. Pri-  
 mus est, an Communitas Religiosa sit capax  
 domini. Secundus, an Religiosus aliquis in  
 particulari, salvo Religionis statu, possit esse ca-  
 pax domini. Quoad primum sensum

1. Navarrus 2. De Regular. docet ne-  
 gativam, concedens Communitatibus solam  
 administrationem: Dominium verò tribuens  
 Christo. Contra quem

DICENDUM est, Communitatem Re-  
 ligiosorum (exceptis excipiendis) esse capacem  
 domini

Dominii propriè dicti tam immobilium quam mobilium bonorum. Non probo Conclusionem argumento quo post alia utitur Card. de Lugo, & ex eo alii, quòd nempe ipsum pauperatis votum videatur tale dominium in communi supponere: nam eo ipso, inquit, quòd subditus promittit, se non usum bonis temporalibus, nisi dependentem ab aliis, nempe ab iis, qui nomine conventus ea administrant, supponit eorum dominium penes communiter esse. Hoc, inquam, mihi non videtur aliquid probare: nam etiam si Communitas haberet neram administrationem, & esset dominium penes Pontificem, ut dicitur de PP. Franciscanis, adhuc votum pauperatis hoc totum contineret: nec video bonitatem consequentia & suppositionis.

2. Probatur Conclusio 1. Ex Extravag. *Exiit.* de V. S. ubi Nicolaus Papa III. de Minoribus in specie dicit, quòd non habeant dominium bonorum quibus utuntur, sed quòd illud ad Pontificem spectet, & hoc contra opinionem Ioannis XXII. ergo supponit Pontifex, apud alios Religiosos possesse dominium.

Probatur 2. Et efficacius ex Conc. Trid. sess. 25. c. 3. de Regularibus. ubi continetur privilegium (cui Societas Jesu renuntiavit quoad domos profectas, ut haberetur decret. 33. Congr. 2. Gener.) his verbis. *Concedit Synodus omnibus Monasteriis, & domibus tam virorum quam mulierum, & mendicantium, exceptis domibus fratrum S. Francisci, Capucinorum, & eorum qui Minorum de Observantia vocantur* (sub qua exceptione non comprehenduntur Moniales S. Clara: censuit Congregatio Concilii) *etiam quibus, aut ex Constitutionibus suis erat prohibitum, aut ex privilegio Apostolico non erat concessum, ut deinceps bona immobilia eis possidere liceat.* Unde subsumitur. atqui Administrator non dicitur possidere bona quæ administrat, quia non suo nomine detinet: ergo &c. Et sane oportuisset Navarrum adducere & assignare effectum alicuius dominii propriè dicti, qui non conveniret Communitatibus Religionum defuncto habentium bona immobilia; alioquin notum in circo querit. Utique non dicit, quòd Pontifex posset ad libitum & sine causa transferre bona ab uno Monasterio ad aliud, quod tamen posset, si sola Administratio penes Communitates esset, sicut potest Princeps transferre bona unius Castri sui ad aliud, augendo administrationem unius, & minuendo administrationem alterius.

3. Probatur 3. Non potest assignari unde proveniat hæc incapacitas. Non enim provenit ex Ordinatione aliqua Ecclesiæ: nam nulla talis potest assignari, sed bene in contrarium, ut patet ex decreto relato Conc. Trid. Non item ex intentione voventium. Nam intentio voventium adeo non potest Communitatem reddere incapacem Dominii, ut ne quidem possit ipsum

voventem reddere incapacem, seclusâ Ecclesiæ auctoritate, votum quoad hoc solemnizante aut confirmante. Nam ut acutè perspexit P. Suarez 10. 3. de Rel. lib. 8. c. 7. n. 23. quantumcumque quis vellet se privare habilitate quâ habet ad dominium, non posset, sicut non posset (addo ego) se inhabilitare ad matrimonium: itaque hæc habilitas non est materia voti, sed potius est effectus voto adjunctus ex institutione Ecclesiæ, quâ institutione supposita, est etiam ille effectus voluntarius voventi, quia volendo causam vult effectum. Sed neque ex intentione offerentium talia bona pertinent illa bona ad alium quam ad Communitates, quia taliter volunt ab illis haberi, qualiter possunt: ergo quamdiu aliunde non probantur incapaces, intentio donantium vult omni meliore modo ad illos, adeoque jure dominii pertinere.

Fundamentum Navarræ solvetur in cap. seq. de dominio Clericorum, contra quod æquè pugnat, ut agnoscat Navarrus.

4. Quoad secundum sensum imprimis certum est, Religiosos solenniter professos in particulari esse incapaces omnis dominii, & Juris rerum temporalium, seu ad bona fortunæ spectantium, tam mobilium, quam immobilium, ita ut nemo illos aliquid tanquam verè proprium tenere possit. Adducitur imprimis can. *Non dicatis.* ca. 12. q. 1. (quod est S. Augustini serm. 3. de communivita Cleric.) *Non dicatis aliquid proprium, sed sint vobis omnia communia.* Sed hic locus facile posset alii sensum admittere, quòd non probet incapacitatem, sed solam spontaneam abdicationem factam, & voluntatem habendi omnia pro derelicto, sicut in primitiva Ecclesia Actor. 4. 32. legitur: *nec quisquam eorum, quæ possidebat, aliquid suum esse dicebat, sed erant illis omnia communia.* Fortius probatur ex cap. 6. de statu Monach. ibi. [Nec æstimet Abbas, quòd super habenda proprietate possit cum aliquo Monacho dispensare, quia abdicatio proprietatis, sicut & custodia castitatis, cum eo est annexa regulæ Monachali, ut contra eam nec Summus Pontifex possit licentiam indulgere.] & cap. 2. eodem ex Conc. Lateran. ibi circa med. [Qui verò peculium habuerit, nisi ab Abbate fuerit ei pro adjuncta administratione permissum, à communione removeatur altaris, & qui in extremis cum peculio inventus fuerit, & dignè non pœnituerit, nec oblatio pro eo fiat, nec inter Fratres accipiat sepulturam.] Clarissimè etiam decernitur in Trid. sess. 25. c. 2. de Regul. [Nemini Regularium tam virorum quam mulierum liceat bona immobilia vel mobilia cujuscumque qualitatibus fuerint, etiam quovis modo ab eis acquisita, tanquam propria, aut etiam nomine conventus possidere vel tenere: sed statim ea Superiori tradantur, conventuique incorporentur.]

5. Secundò certum est, hanc incapacitatem non esse ita propriam solemnitati votorum, ut non possit ex constitutione Ecclesiæ etiam reperiri in voto non solemn. Constat ex vobis Coadjutorum Formatorum Religionis Societatis Jesu, qui voto paupertatis non minùs redduntur incapaces domini, (quandiu in Societate manent) quàm Professi, sicut etiam inhabiles ad matrimonium redduntur tam Coadjutores, quàm Scholastici per votum Castitatis non solenne, de quo videndæ sunt Bullæ Pontificiæ, quas non refero, quia ad materiam præsentis Tractatus non faciunt.

6. Tertiò certum est, Religiosos etiam Professos, in particulari consideratos, esse capaces Iurium & Bonorum Spiritualium, & quasi domini eorum, v. g. Beneficii, Iuris eligendi, Iuris alimentorum, Iuris manendi in tali Cœnobio: ad quæ Iura tuenda possunt agere nomine proprio, utique remediis acquirendæ, retinendæ, & recuperandæ possessionis. Nam his bonis non renuntiat per votum paupertatis, ut tradit D. Thomas. 22. q. 186. a. 7. ad 4.

7. Quæstio nunc est, an sicut Ius ad hæc bona spiritualia nihil pugnat cum statu Religioso, ita quoque non pugnet Ius & dominium rerum temporalium, ita ut votum paupertatis Religiosæ non inducat incapacitatem domini, sed solum tollat omnem licentiam utendi his bonis independentem à consensu Superioris, à quo etiam pendeat voluntas subditi in dominio retinendo, debeatque paratus esse, illud à se abdicare, quando & quo modo Superiori visum fuerit.

8. DICENDUM est, non solum nullam huiusmodi repugnantiam esse, sed defacto existare Religionem Societatis Jesu, in qua illi qui post Novitiatum edunt Vota Simplicia, sunt dominiorum capaces, donec ad ultima vota, sive solemnia (ut sunt Professi) sive non solemnia, hoc est, per Dimissionem dissolubilia (ut sunt vota Coadjutorum Formatorum, tam Spiritualium, quàm temporalium) admittantur. Est conclusio stabilita Bullis Pontificiis, contra adversarios huius Instituti: & ne testibus domesticis utar, audiatur Augustinus Barbosa lib. 1. Iuris Eccles. c. 41. n. 191. [Adscripti enim huic Societati postquam emisserint tria vota simplicia, NB. verè & propriè sunt Religiosi, ut definiunt Sanctæ mem. Greg. XIII. in sua Const. *Quantò fructuosius*. & in alia. *Ascendente Domino*. tradunt Navarr. Comment. 1. de Regular. n. 19. Mandos. Conf. 13. n. 3. *Seg. Fr. Emanuel quæst. Regular. to. 1. q. 1. a. 4. q. 56. a. 1. Carolus Tapia in aush. ingressi V. Monasteria. c. 10. n. 8. C. de Sacr. Eccles. Joannes de Cruce de statu Relig. l. 1. c. 2. concl. 5. V. ex dictis. Nicol. Garcia de Benef. p. 7. c. 10. n. 53. V. clarius patet. Aldrete. in allegat. pro omnimoda Regular. exempt. p. 2. c. 7. n. 5. &c. quæ quidem emissio votorum simplicium non sit irrevocabiliter,*

quoad ipsam Societatem, cujus Superior Generalis potest eos semper dimittere cum causa, etiam absque illorum culpa, juxta statuta dictæ Religionis, & confirmationis Apostolicæ. Unde ut majorem Societas haberet libertatem, illos, si opus esset, cum minori offensa dimitrendi, sapienter fuit provisum, ut eis liceret retinere Bona sua, & Beneficia, ne postea dimissi eis privati remanerent, ut in Const. p. 4. c. 4. litt. E. in fine, & p. 6. c. 2. litt. H. quæ ratio expressè legitur in d. constit. Gregor. *Ascendente Domino*, quod his temporibus & in hac Religione speciale est, ac diversum ab aliis Religionibus, ut in puncto tradunt Vasquez. p. 2. 10. 2. d. 165. n. 104. in fine. Molina. tr. 2. disp. 139. col. 3. illi qui finito. Lessi. Mirand. Ribad. Nicolaus Garcia, &c.] Hactenus Barbosa.

9. Unde satis ignorantiam suam (ne quid amplius dicam) prodidit nuper publicis thesibus quidam non Academicus Theologus, dum assereret, hos non esse Religiosos, nisi conditionatè, quam sublimitatem hæcenus inauditam, nescio ex quo scrinio produxerit. Dedocendus est error, exhibendo illi verba Bullarum, quas malo dicere eum ignorasse, quàm ausu temerario contradixisse.

10. Itaque Gregorius XIII. in Bulla, *Quantò fructuosius*, sub dat. Romæ Calend. Febr. 1582. Sic loquitur:

[Quantò fructuosius in colenda Domini vinea se exercet Veneranda Jesu Societas, dignisque æternâ mercede operariis abundare conatur, tantò propensius contendimus eam, religiosamque subinde, quam instituit prolem, unde tota Respublica Christiana ubique sublevarur, proficui, & confovere; simulque omnia remove, quibus, & spiritualis eorum profectus retardari, & charitatis fervor, qui ab jisdem in regeneratas pretioso Domini nostri Jesu Christi Sanguine animas, se diffundit, alicubi frigidescere, aut in lubricum defluere posset. Cum enim sicut juxta dictæ Societatis Constitutiones, & laudabilè Institutum à fel. rec. Paulo III. & Julio etiam III. confirmatum, ac etiam à Paulo. IV. Romanis Pontificibus, Prædecessoribus nostris, diligentissimè examinarum, & à Concilio Tridentino commendatum, Societas ipsa non solum Professi, & Novitii NB. sicut & reliqui Regulares Ordines, constet: sed varii in eadem Societate Religiosorum personarum gradus sint, in quibus linguli, juxta commissi cuique à magno Patrefamilias talenti mensuram, & Præpositorum suorum directionem, Altissimo famulantur. Sicut enim finis dictæ Societatis, fidei propagatio & defensio, animarumque in vita, & doctrina Christiana progressus: ita etiam gratiæ ejus vocationis proprium est, diversâ loca ex Romani Pontificis, ac Præpositi Generalis ejusdem Societatis directione, peragere, vitamque in quavis mundi parte agere, ubi laboriosam eorum



operam, & industriam fructuosam, copiosiores salvandarum animarum proventus, ad Dei æterni gloriæ consequi posse sperantur: ad quem finem Spiritus Sanctus, qui bonæ memoriæ **IGNATIUM** Loyolam ipsius Societatis Institutorem, ejusque Socios excitavit, Media etiam præclara maximèq; opportuna hujus Sedis ministerio eis tribuit atque confirmavit, publicarum scilicet prædicationum Verbi Dei ministerii cujuscunque, Spiritualiumque Exercitiorum, & charitatis operum, Pœnitentiæ, & Eucharistiæ Sacramentorum administrationis, ac frequentis usus. Ad quæ pro dignitate exequenda, & ad difficultates superandas, subeundaque pericula, quibus dictæ Societatis Religiosi in hujusmodi excursionibus, & ministeriis expendantur, cum hæc magnum, tum virtutis, tum devotionis præsidium possulent, statutum est, ut, & Novitii in Societate prædicta per Biennii spatium probeantur; & qui expleto Novitiatu litteris operam dederint, illorum studiis absolutis Tertium etiam annum Probationis in humilitatis exercitiis appendant, ut si qua in re vel hujus virtutis amor, vel pietas, ac devotionis fervor, per litterarum occupationem distractus intepuerit, per earundem virtutum frequentiore exercitacionem, & divinæ gratiæ ardentiorē invocationem restaretur. Qui enim Professionem emittere debent, eos vocatio hæc viros in vitæ puritate, ac litteris conspicuos, diuturnisque, ac diligentissimis experimentis probatos, eosque Sacerdotes, & in Verbi Dei ac Sacramentorum administratione diu multumq; versatos, exigit, ut & Constitutionibus dictæ Societatis, & summis Pontificibus est decretum. Sed neque omnes ad eandem professionem idonei esse possunt, neque qui temporis progressu futuri sunt, tales evadere, aut cognosci sine longa exercitacione atque experimento. Quapropter Societatis Corpus in sua membra, ordinem, & gradus idem **IGNATIUS** divino instinctu ita duxit disponendum, ut biennio Novitiatus absoluto, omnes qui in Societate perseverare voluerint, tria vota substantialia quidem Paupertatis, Castitatis, & Obedientiæ, Simplicia tamen, emittere debeant, ac Novitii esse desinant. Quibus votis emissis in corpus ejusdem Societatis cooptrati, & quantum ex parte ipsorum perpetuo obligati remanent. Quod si injussu discedant, Apostasie notam, & excommunicationis, ac alias, quibus ipsi Professi subiacent, pœnas incurrunt; quamvis rationabili ex causa, juxta Constitutiones easdem, ab ipso Præposito Generali dimitti, & votis hujusmodi liberari possint. Quæ omnia ipsis primo ingressu per aliquot dies in separata habitatione constitutis antequam ad aliorum Novitiorum communem convictum admittantur, in ipsius Societatis Privilegiis, Constitutionibus, & Regulis consideranda traduntur. Biennio itaque Novitiatus

completo, & emissis votis simplicibus, una est omnibus omnino vivendi, & obediendi ratio, debentque omnes in communi vivere, ac in omnibus obedire non secus ij qui professionem non emisissent, quam professi. Quod verò ad Paupertatem attinet, quamvis NB. Bonorum suorum Ius atque Dominium justas ob causas pro Superiorum arbitratu ad tempus retinere valeant, ut in pios usus, juxta Evangelicum consilium distribuant, in illorum tamen usu religiosam paupertatem servant, nec ullâ retinquant propriâ, & sine Superioris facultate uti possunt. Peractis igitur hujusmodi probationibus, & experimentis, cum dictæ Societati fuerit per ea in Domino satisfactum, quosidem Præpositus Generalis idoneos judicat, eos vel ad Professionem per vota solennia, vel ad gradus Coadjutorum Formatorum Spiritualium si Sacerdotes, vel Temporalium, si Laici sint, per vota eadem publice emissâ, quamvis non solennia, juxta Constitutiones admittit. Quibus emissis eo ipso nihil omnino proprii amplius, vel domi, vel foris habere possunt, hincque incapaces cujusvis hereditariæ successione, nec propter emissâ hujusmodi vota publica, aut per mortem ab intestato, in illorum, sicut nec in Professorum bonis, Domus ulla, aut Ecclesia, vel Collegium dictæ Societatis succedere potest. Et licet eos qui post biennium Novitiatus emensum dicta tria vota simplicia, sicut ab hac Sede probata sunt, emittentes, & extra Novitiorum numerum habiti, ac in corpus ipsius Societatis cooptrati, illiusque meritum, & privilegiorum non secus atque ipsi Professi, ex prædictæ Sedis dispositione participes effecti, quique quantum in eis est, & professionem emittere parati, si ipse Præpositus Generalis id prædictæ Societatis Instituto congruere judicaverit, & in perpetuum Dei servitio consecrati, ac suâ sorte, prout illorum laudabile Institutum exigit, contenti, ac denique Excommunicationis, & aliis Apostatarum pœnis subiecti sint, NB. verè, & propriè Religiosos esse compertum sit: nonnullorum tamen animos, qui pii alioqui, & utiles operarii existunt, sollicitari & affligi interdum contingit, quasi non sint Religiosi, eo quod non sint Professi: Nec etiam desunt, qui Religionis prætextu, transgurgante se Satana in Angelum lucis, non solum ea occasione iniquiati sunt, sed etiam aliorum pacem & vocationem disturbare, eosque in fraudem, & defectionem deducere conantur, unde gravissima posset hæc Religio, tantopere utilis, & ubique ab omnibus expetita, concipere detrimenta. Nos considerantes divinæ sapientiæ atque providentiæ thesauros, pro temporum necessitate varia, & inter se dissimilia, eademque salubria Ordinum Institutum in Ecclesia sua produxisse, & nunc maxime (ut felicissimi toto orbe successus testantur) mirificos in agro Domini sanctus hoc peculiari dictæ Societatis Instituto proferri, quare ad

re ad submōvenda circumstantia hujusmodi pericula, eāque in sincera vocationē sua continendam, partes nostras adhibendas decrevimus, ut praelis hujusmodi perturbatōnum causis, Religio ipsa, quae in propagandam Religionem Christianam, emendandōsque in ea mores, corde, animo, virib⁹que omnibus sine intermissione in sibi, votivo munere perservat: motu proprio, certāque scientiā nostrā, & de Apostolicā Potestatis plenitudine, laudabile hujusmodi Institutum, ac praedicta, ceterāque omnia dictae Societatis Privilegia, facultates, exemptiones, immunitates, gratias & indulgentia, tam ad praedictis, quā aliis Praedecessoribus nostris, & etiam a nobis concessa, Constitutiones quoque & statuta, quāviscunque sint, ea omnia, ac si ad verbum praesentibus inferrentur, pro expressis habentes, auctoritate Apostolica tenore praesentium approbamus & confirmamus, suppletis omnes luitis & Facti defectus, si qui inteventerint in praedictis Constitutionibus & Statutis: ac decernentes ex nunc irritum & inane, quidquid fecerit super his à quoquam, quavis auctoritate, scienter, vel ignoranter contigerit attentari. Ad haec dictā Societatem firmo declarationis nostrae praesidio communicare volentes, statuimus etiam decernimus, non modō eos, qui in Coadjutorum Formatorum, sive Spiritualium, sive Temporalium gradus & ministeria admittuntur, sed etiam alios omnes, & quoscunque qui in ipsa Societate admissi, biennio Probationis à quocunque peracto, tria Vota praedicta, tamen simplicia, emisissent, emittēque in futurum. NB. verē & propriē Religiosos fuisse & esse, & ubique semper & ab omnibus censi & nominari debere, ac si in Professorum praedictorum numerum adscripti fuissent. Praecipimusque & interdicimus, ne quisquam scrupulum de hoc cuiquam injicere, neve illud in Controversiam, dubium vel suspicionem ponere audeat quoquo modo, &c.] & haec est prima Bulla ad nostrum propositum faciens.

Sequitur altera, quae incipit. *Ascendente Domino*, in qua omnia repetuntur prioris Bullae, & alia specialia nostri Instituti, quae quia ad punctum de quo agimus, non faciunt, ideo illis praetermissis, refero quae huc pertinent.

In hac ergo Bulla Pontifex obviaturus calumniatoribus nostri Instituti, sic loquitur. [Quae Societas Jesu (quemadmodum, & alia nascentium Regularium Ordinum exordia) à spiritu contradictionis impugnatur; cūque ipsi Ordines Romanorum Pontificum propterea constitutionibus circumniti consueverint, ejus rei Sanctorum Dominici & Francisci praclarissimi Ordines exempla abunde suppeditarunt, ita Nos, licet aliis Institutum praedictum, Privilegia & Constitutiones ipsius Societatis confirmaverimus, & declaraverimus, motu proprio statuantes, eos, qui Biennio Novitatus peracto, tria vota, tamen Simplicia, emisissent, esse verē

& propriē Religiosos, cum praepcepto, ne quis haec in dubium revocare audeat, ac cum irritante & aliis Decretis, prout in nostris super hoc confectis litteris plenius continetur. Quia tamen non defuit temeraria quorundam audacia, qui post declarationem, decretum, praepceptum, & interdictum nostrum hujusmodi non solum multa ex praedictis, & fortassis alia ad Societatis Institutum ac vivendi formam spectantia, labefactare, sed & ipsa Apostolica decreta ac praepcepta publicē, & ex cathedra ausu temerario impugnare, mentēque nostram perversē interpretari non erubescant, disputantes, & praedicta in dubium revocantes, omnique, NB. ex aliorum Regularium Ordinum communibus rationibus, formis ac statutis merientes, Societatis Institutum, peculiare Constitutiones, ac vim Votorum Simplicium illius, à Sede Apostolica in eadem Societatis Religione probata admissorum, penitus ignorantes, ac nonnulla Jure antiquo, quae post illud successu temporum hujus Sedis auctoritate, approbatione & confirmatione, & peculiaribus privilegiis sancita & roborata esse dignoscuntur, perperam interpretantes convellere nituntur. Quin etiam Nos supra dicta Motu simili, & ex certa Scientia de Apostolica potestatis plenitudine decernentes ac praecipientes, privato sensu locutos fuisse, ac tanquam Privatos Doctores errare potuisse, imò verē & de facto ob falsam supradictorum informationem, errasse, ideoque praepceptum nostrum nullam ad obligandum vim habere: Neminem praeterea eorum, qui solennem Professionem in dicta Societate non emisissent, de illius corpore, aut verē & propriē religiosum esse posse, sed eos merē Sculares, ac Ordinariorum Jurisdictioni subditos existere, nec Societatem ipsam, aut illius Superiores, imò nec Nos jus in eos ullum ex vi votorum hujusmodi habere, vel acquirere, aut Superioribus ipsis conferre posse: non considerantes NB. Voti Solennitatem solā Ecclesiae Constitutione inventam esse, tria que hujusmodi Societatis Vota, tamen Simplicia, ut Substantialia Religionis vota ab hac Sede fuisse admissa, illaque emittentes in statu Religionis verē constitui, quippe qui per ea ipsa se Societati dedicant, atque actu tradunt, & sequē divino servitio in ea mancipant, in quibus Votis nullus praeter Romanum Pontificem potest manū apponere: aliisq; atque aliis modis Societatem ipsam impetunt, universali Ecclesiae peritalem, quae diversis functionibus & personarum gradibus distributa, à Romanis Pontificibus Presbyterorum, à Tridentina Synodo Clericorum Religio appellata, habitu, nomine, plerisque personarum gradibus votorumque differentiis, ab aliis Regularibus Ordinibus distinguitur. Quibus etiam adiungunt, licere iisdem non Professis, etiam invitis dictae Societatis Superioribus, ad quosvis Regulares Ordines se transferre, Transgressoresque horum

votorum, ac inobedientes, aut etiam uxorem ducentes, nullam ipsi Societati injuriam facere, imò posse Episcopos cum eis dispensare, ut in vitis etiam Superioribus eisdem uxorem ducant. Quibus cum glossatores & obsecratores hujusmodi sua falsa doctrinā favere pergunt, horum votorum naturam, & pœnarum vim non intelligentes, vel eludendo conantes, eò sunt progressi, ut etiam vi facultatum, quæ litteris Indulgentiarum Cruciatæ sanctæ nuncupatarum continentur, omnes transfugas, & ab ipsa Societate deficientes non Professos, quorū ea defecerint, ab Excommunicationis latæ Sententiæ pœna à quocunque Confessario absolvi posse; nullamque ipsi Societati suis operariis privatæ injuriam fieri, aut præjudicium generari existiment, sed & votorum substantialium Religionis prædictæ, ac Decretorum contra eosdem Apostatas Sedis hujus auctoritate editorum, vim, quantum in eis est, enervare contendant. Insuper asserunt, non posse vota. aliqua in sæculo emissā, in tria hæc substantialia Societatis commutari, cum tamen hæc vota sint Statutis, ut præfertur, Religiosi adeo utilis & perfecti, ut illa in hæc possint, hæc verò in aliorum Ordinum etiam Solennia vota commutari, sit ab hac Sede iustus de causis interdictum. Nec etiam defuisse alia, quæ in animarum suarum præjudicium, Societatis perturbationem, & scandalum plurimum comminiscantur. Nos universalis Ecclesiæ utilitati, quam ex inviolato & inconcusso dictæ Societatis Instituto, & religiose sobolis educatione sentimus, & majorem in dies speramus, prospicientes, & præterea ejusdem Societatis indemnitati, paci, quieti & incrementum consulere volentes, Motu simili & ex certa scientia nostra, deque Apostolica potestatis plenitudine, laudabile ipsius Societatis Institutum, & quæ illud concernunt, præmissa omnia & singula, prædictaque illius ac quæcunque alia privilegia, facultates, exemptiones, immunitates, gratias, & indulta à prædictis prædecessoribus nostris, & à nobis etiam per communicationem concessa, Constitutiones quoque ac Statuta & Decreta qualiacunque, ac si ad verbum præsentibus infererentur, pro expressis habentes, tenore præsentium approbamus, & confirmamus, supplementes, &c. Ad hæc dictam Societatem firmo Sedis hujus præsidio communitare volentes, hac nostrā perpetuā Constitutione, Motu, Scientiā & potestatis plenitudine similibus statuimus, atque decernimus, tria vota hujusmodi, etsi Simplicia, ex hujus Sedis institutione, ac nostrā etiam declaratione & Confirmatione, esse verè substantialia Religionis vota, ac in dicta Societate tanquam in Religione approbata, per Sedem eandem admissa fuisse & esse, ac per Nos admitti, nec in illis à quoquā præter nos, & Sedē hujusmodi dispensari, nec eā ullo alio modo, quam per legitimam dimissionem à Societate cessare posse; & non modò eos, qui in Coadju-

torum formatorum sive spiritualium, sive temporalium gradus, & ministeria, ut præfertur, admittuntur, sed & Scholares ipsos, ac supradictos alios omnes, & quoscunque, qui in ipsam Societatem admitti, biennio probationis à quolibet eorum peracto, tria vota substantialia prædicta tametsi simplicia emerisint, aut emittent in futurum, verè & propriè Religiosos fuisse & esse, ac fore, & ubique semper & ab omnibus censeri, & nominari debere, non secus atque ipsos tum Societatis, tum quorumvis aliorum Regularium Ordinum Professos, suisque Præpositis in omnibus & per omnia obedire, & huic Sedi immediate subiectos, & à quorumvis Ordinariis, & Delegatorum, seu aliorum Judicum Iurisdictione omnino exemptos, prout Nos etiam vigore præsentium eximimus; denique ut omnia Societatis Privilegia iuxta Generalis Præpositi dispositionem sunt participes, ita quoque Excommunicationis Majoris latæ sententiæ, & aliis Apostatarum pœnis, si qui à Societate deficient, subjacere, ac tanquam veros Apostatas puniri posse: nec à quoquam nisi per Nos, & Sedem prædictam, aut Generalem Præpositum ab ipsa pœnis absolvi, nec ante hujusmodi absolutionem & à Societate Dimissionem, Matrimonium contrahere, quin imò eos omnes ad contrahendum inhabiles, ac contractus hujusmodi nullos & irritos esse, prout irritos facimus, & annullamus. Et ut contradicentium audacia coëscatur, præmissas omnes & quasvis alias illis similes asseriones, contra dictā Societatis Institutum, vel quomodolibet in illius præjudicium pronuntiatas aut scriptas, falsas omnino & temerarias esse & censeri debere. Præcipimus igitur in virtute S. Obedientiæ, ac sub pœnis excommunicationis latæ sententiæ, nec non inhabilitatis ad quævis officia & beneficia secularia, & quorumvis Ordinum Regularia, eo ipso absq; alia declaratione incurrendis (quarum absolutionem Nobis & Successoribus nostris reservamus) ne quis cujuscunque status, gradus, & præminentie existat, dictæ Societatis Institutum, Constitutiones, vel etiam præsentibus, aut quemvis earum, vel supradictorum omnium articulum, vel aliud quid supradicta concernens, quovis NB. disputandi, vel etiam veritatis indagandæ quæsito colore, directè vel indirectè impugnare, vel eis contradicere audeat, distinctius inbibentes, ne quis sive extra sive intra dictam Societatem, nisi de illius Generalis, aut inferiorum Præpositorum licentia, notationes, declarationes, glossas, vel scholia ulla super præmissis facere, vel ea, nisi quantum verba ipsa sonant, interpretari, aut de eis disceptare, seu scrupulum cuiquam injicere, vel in Controversiam, aut dubium revocare audeat quoquo modo; nec glossas, aut interpretationes sive impressas, seu scriptas, ad id pertinentes, legere, docere, aliisque tradere, vendere, vel apud se retinere præsumat: si quid verò dubii de

ijdem

ijdem oriri contigerit ad Sedem prædictam, vel ad Generalem Præpositum dicte Societatis, aut ad eos, quibus id ipse commiserit, referatur. Sicque in præmissis omnibus, & singulis, per quoscunque Iudices, &c.]

11. In has Bullas, & Constitutiones Pontificias peccarunt duo Theologi nuper; alterius jam supra meminimus, qui dixit, nostros Scholasticos esse Religiosos conditionatè. Alter asseruit, Solemnitatem votorum in Societate Professorum, esse inferioris notæ, & gradus, atque est solennitas Professorum aliorum Ordinum, eò quod illorum solennitas sit tantum legis humani, horum verò Iuris divini; quem errorem redarguit Gregorius XIII. ut vidimus. Ex eadem Bullarum ignorantia quidam Causidicus famosissimus, cum antè nullam unquam causam (ut dicebatur) cecidisset, in una, quæ de dominio ejusdam Scholastici lis mota erat, succubuit, ut ipse falsus est.

12. Probatur nunc Conclusio etiam Ratione. Quia Dominium ligatum, nec potens exerceri sine superioris licentia, & etiam ad ejusdem nutum abjiciendum, nihil obstat perfectioni acquirendæ ab ipso subdito, ut docet Suarez to. 4. de Relig. l. 4. c. 4. n. 12. ille enim verè affectu, & effectû pauper est, qui spontaneo voto reddit sibi turpem usum cujuscunque rei sine consensu, & licentia Superioris: in estimatione enim morali, non aliter suis bonis gaudet, quam si illorum dominium non haberet, & in effectû censetur omnium rerum usum, qui illi conceditur, habere precariò.

13. Probatur Conclusio denique, investigando originem hujus incapacitatis annexæ votis Solemnibus Religiosis. Colligere autem eam possumus ex pluribus Canonibus, quibus indicatur eam esse introductam à Justiniano Imperatore, approbantibus tacitè, vel expressè Summis Pontificibus, prout plura contenta in secundo, & tertio titulo Codicis approbata sunt, quæ absque hac approbatione robur non haberent, cum Imperatores non haberent se solis potestatem aliquid statuendi circa res, aut personas Ecclesiasticas.

14. Primus textus habetur. *can. 7. ca. 19. q. 3.* qui est Gregorii M. lib. 7. *indict. 2. Epist. 7. ad Episcopum Carantan.* [Quia ingredientibus Monasterium convertendi gratiâ, ulterius nulla sit testandi licentia, sed res eorum ejusdem Monasterii juris fiant, apertè NB. legis definitione sancitum est.] Quibus verbis indicat leges Justinianæ quæ exstant in Codice. Nam Novell. 123. c. 38. sic habetur. [Si quia mulier, aut vir Monasticam elegerit vitam, & intra verit Monasterium, filiis non exstantibus, Monasterio quod ingreditur, res ejus competere jubemus. Si verò talis persona filios habeat, & non antequam intret Monasterium, de suis rebus fecerit dispositionem, & legitimam partem filiis deputaverit, et

tiam sic liceat ei, postquam Monasterium ingreditur, suam facultatem in propriis dividere filios; ita tamen ut nulli filiorum suam minuat legitimam partem: quam verò non dederit filiis partem, Monasterio competat. Si verò omnem substantiam inter filios dividere voluerit, propriâ suâ personâ filiis consummerat, unam sibi partem omnibus modis retineat, quæ debeat Iuri Monasterii competere. Si verò in Monasterio degens moriatur, antequam inter filios suos proprias distribuatur res, legitimam partem filii percipiant, reliqua verò substantiæ pars Monasterio competat.] Quod autem in hac Constitutione dicitur, post Religiosum etiam post professionem suam inter liberos distribuere, servatâ parte legitimâ, hoc interpretes dicunt intelligendum esse de jure liberæ administrationis, non verò domini, quæ administratio non repugnat voto solenni paupertatis, ut tradit Navarrus comment. 2. de Regularib. n. 16. & seq. & n. 57. Quamvis Felinus, Decius, & Baldus velint, non esse inconveniens, Religiosum post professum retinere dominium ad breve tempus.

15. Deinde Novella 5. cap. 5. sic habet. [Illud quoque decernimus, qui in Monasterium introire voluerit, antequam Monasterium ingreditur, licentiam habere, suis uti quo voluerit modo. Ingredientem namque simul sequuntur omnino res, licet non expressim, qui introduxere eas, dixerit: & non erit NB. Dominus earum ulterius ullo modo. Si verò filios habuerit, &c.]

Alter textus habetur in cap. 2. de testament. in fine. *Res ipsæ eidem loco, ex quo illic ingressi & Abbatiis constituta est, de jure competere.*

16. Tertius locus habetur in Conc. Oronensi IV. cap. antepen. [Quoniam non licet viris Religiosis aliquid proprium possidere, qui se & sua pariter in ipso Religionis ingressu Domino dedicarunt, præsentis auctoritate definimus, ut nulla persona in regulari ordine constituta condere testamentum presumat, cum nihil habeat suum temporale, quod transferre valeat in dominium alienum.]

17. Quartus textus est in cap. 6. de statu Monach. ubi Innoc. III. sic constituit. [Prohibemus quoque districte in virtute obediencie, sub obtestatione divini Iudicii, ne quis Monachorum proprium aliquo modo possideat, sed si quis aliquid habeat proprii, totum in contenti resignet.] Claudir illud cap. Pontifex his verbis. [Nec existimet Abbas, quod super habenda proprietate possit cum aliquo Monacho dispensare: quia abdicatio proprietatis, sicut & custodia castitatis, adeo est annexa Regulæ Monachali, ut contra eam nec Summus Pontifex possit licentiam indulgere.] Quæ ultima verba sic intelligenda sunt, quod Pontifex non possit, stante Religionis naturâ, dare Monacho aut cuicunque Religioso licentiam habendi dominium,



quod in se & sui usu sit omnino independens ab arbitrio Superioris, hæc enim licentia extraheret hominem ex statu Paupertatis, & sic tolleretur status Religiosus. Ità Lessius n. 22. interpretatur hunc textum, & patet ex toto contextu. Eandem interpretationem tradit Suarez lib. 8. de Paup. c. 12. n. 14. adducens pro ea Turrecrem. Sylvestrum, Cordubam. Quòd autem Pontifex possit approbare Religionem, cuius Religiosus habeat dominium dependens à nutu Superioris, cæteri Pontifices definiverunt, ut patet ex Bullis relatis.

## CONTROVERSIA II.

*Quomodo, & quam bona Religio ratione suorum Religiosorum acquirat.*

### S V M M A R I V M.

**A**liquæ Religiones proficiuntur paupertatem, ut earum Monasteria, Domus, aut Collegia non succedant suis Professis ab intestato. 19.

In cæteris bona Professis, de quibus ante professionem non disposuit, perveniunt ad Monasterium. 20.

Si Religiosus Testamentum fecit, nihilominus bona ad Monasterium pertinent usque ad mortem naturalem Religiosi quoad usumfructum, nec potest testamentum revocare. 21.

An ususfructus, quem pater habebat in bonis filii, per professionem patris veniat ad Monasterium, aut per professionem filii consolidetur cum proprietate. 22.

An sicut pater professus debet liberis assignare legitimam, ita filius carens descendentiis debeat assignare ascendentiis. 23.

Quo sensu Monasterium dicatur esse loco filii. 24.

An Emphyteusis perveniat ad Monasterium per professionem. 25.

Idem queritur de Feudis. 26.

Quid si in horum concessione adjecta sit conditio, ne transferatur ad Ecclesiam. 27.

An Patronatus transferatur in Monasterium. 28.

An Monasterium succedat in fideicommissis, excluso substituto. 29. & seqq.

Si non adiecit conditionem, valeret substitutio. 33.

Casu quo testator in specie cavisset: si hæres professus fuerit, adhuc hæc conditio pro non adjecta haberetur, & substitutio esset nulla. 35.

Prelatio Monasterii non fundatur in presumptione, sed in puro favore. 36.

## §. I.

*Quanam acquirat per ipsam Professionem.*

18. **T**amet si videri posset hæc quæstio ad sequentem Tractatum de Modis acquirendi Dominia pertinere, rectius tamen hic tractabitur, quia ad sequentem Tractatum pertinent illi modi acquirendi, qui consistunt in aliquo facto hominis eò directo, ut dominium acquirat ille, qui tale factum ponit: talis autem non est præsens acquirendi modus, ut patet.

19. Distinguedum ante omnia est inter duo Religionum genera. Aliquæ talem proficiuntur Paupertatem, ut earum Monasteria, Domus, aut Collegia non succedant suis Professis ab intestato. Unde si illarum Religiosi intestati Professionem emittant, neque prius de suis bonis inter vivos disposuerint, continuò omnia eorum bona pertinent ad hæredes ab intestato; ipsi autem Professi fiunt incapaces deinceps Iuris, aut domini quorumcumque bonorum, non solum considerati quoad suam particularem personam, sed etiam, ut sunt membra talium Monasteriorum, ita ut ne quidem Monasteria eorum loco, ac nomine ullum jus habere possint, v. g. succedendi cognatis, &c. quia reputantur mortui per ipsam professionem, perinde ac si naturaliter mortui essent. Huiusmodi sunt omnes Domus, & Collegia Societatis Iesu, item Monasteria Fratrum Minorum de Observantia, & cæterorum, qui strictius adhuc Regulam Divi Francis observant. In Societate nostra quoad hoc punctum veniunt non solum Professi, sed etiam Coadjutores Format; non tamen illi qui post Novitiatum sola Vota Simplicia ediderunt, quique Domini capaces adhuc sunt. Si quis autem ex his Religiosis testatus profiteatur, aut ultima vota emittat, ejus testamentum, aut alia ultima voluntas per Professionem non secus confirmatur, quam si tunc naturaliter mortuus esset; ac proinde, non expectata morte naturali, statim sit executio.

20. Reliquarum Religionum Monasteria, & Domus hanc inhabilitatem non habent. Sed eò ipso, quòd quis in ejusmodi Monasteriis ritè profiteatur, bona omnia ipsius, de quibus ante Professionem saltè per ultimam voluntatem non disposuerat, perveniunt ad Monasterium (juxta leges præced. Contr. adductas,) non solum quoad proprietatem, sed etiam quoad possessionem, si Monachus ea possederat. Auth. Nunc autem. C. de Episc. & Clericis. Auth. Ingressi, & Auth. si quæ mulier. C. de SS. Eccles. quatum verba sup. recitata sunt. Tenetur tamen Monasterium ad omnia debita talis Religiosi quæ contraxit ante Professionem juxta vires bonorum, vel jam acquisitorum, vel in futurum acquirendorum.

21. Quod si testamentum fecit, aut ultimam voluntatem aliam, nihilominus bona ad Monasterium pertinent, usque ad mortem naturalem talis Religiosi quoad usum fructum, eo modo quoad religiosum ipsum pertinuisse, excepto jure revocandi testamentum aut ultimam voluntatem, quod omnino cessat, ut habet communis sententia contra Bartol. & ratio est, quia sicut non potest post Professionem condere testamentum, ita nec factum revocare. Posset tamen Religiosus in suo testamento aut ultima voluntate disponere, ut statim emissâ professione ad hæredes aut successores pervenirent.

22. DUBITATUR 1. An Ususfructus quem Pater habebat in bonis filii, per professionem patris veniat ad Monasterium: item an Ususfructus quem pater habebat in bonis filii, per professionem filii consolidetur cum proprietate. Utrumque hoc dubium expediri tract. 2. C. de Servitut.

23. DUBITATUR 2. An sicut (ut Novell. cit. vidimus) Pater professus debet assignare legitimam, ita filius carens descendens debeat legitimam assignare ascendentibus, si careat descendentibus, quam illi consequentur, si in seculo mansisset, & mortuus ante ascendentes fuisset. Negat glossa in Auth. *si qua mulier. C. de SS. Ecclis.* Verior & communis affirmat, & meritis, quia hæc videtur fuisse intentio Imperatoris, & æquitas omnino requirit, nec quidquam obstat.

24. Obijciunt Monasterium habetur loco filii: ergo talis professus juris fictione non caret descendentibus: arg. *cap. in presentia, de probationibus. re.* Hoc solum verum esse in casibus à jure expressis. Casus autem in d. cap. talis est. Petrus habens duos fratres & unum filium, hunc hæredem instituit, hac conditione, ut si sine liberis decederet, bona filii ad duos fratres devolverentur. Filius deinde Monachus factus omnia sua Monasterio obtulit. Fratres contendebant, ea sibi deberi, quia sine liberis decessit. Sed nihil obtinuerunt, ob hanc causam: quia non est intelligendum, talem sine hærede decedere; qui Monasterium sibi hæredem instituit. Habetur ergo Monasterium pro filio ad excludendum substitutum, non autem ad excludendos hæredes quibus legitima debetur.

25. DUBITATUR 3. An Emphyteusis perveniat ad Monasterium per Professionem. Ratio dubitandi est, quia si ad Monasterium perveniat, cum Monasterium nunquam moriatur, nulla spes est, ut redeat ad dominum directum, neque unquam solvetur laudemium. Nihilominus respondendum est, venire quidem ad Monasterium, sed cum hoc gravamine, ut (si ita velit dominus directus) teneatur Monasterium eam alienare, transferendo in personam non magis privilegiatam quam fuerit professus ante professionem. Neque obstant Constitutiones

prohibentes alienationem bonorum. cum enim illæ conditæ sint in favorem Monasteriorum, non habent vim in illis bonis, quæ si alienari non possent, nec etiam acquiri possent, & sic obessent Monasterio; quod autem in favorem aliqujus introductum est, non debet in ejus odium detorqueri. l. 6. C. de Legib. & Reg. Jur. Can. 61. in 6. Quod ob gratiam alicujus conceditur, non est in ejus dispendium retorquendum.

26. DUBITATUR 4. De Fendis. Variæ adhibentur distinctiones. Communis opinio, quam tenent Decius, Navarrus, Molina Jurista, & alii, affirmat ea pervenire ad Monasterium quoad commoditates feudi, & ad vitam feudatarii. modò sit Francum, hoc est liberum à servitio, vel sit concessum faminæ, vel cum onere talis servitii, quod à Monasterio quoque præstari possit. Cæterum huic doctrinæ adversatur Iulius Clarus lib. 4. §. *Feudum* q. 78. volens, talem Religiosum reputandum esse tanquam naturaliter mortuum, & in feudum debere succedere, qui eo naturaliter mortuo successisset: quodsi nullus superesset, qui à iure vocetur, reverteretur ad dominum directum. Ratio tamen Iulii Clari nullius est momenti: dicit enim, quòd hoc esset distrahere Monachos ab Instituto suæ Religionis, quod est servire Deo, & abstinere à negotiis & administrationibus secularibus. Hæc sanè ratio nimium probat, nempe, quòd nec alia bona requiritia administrationem transirent. Itaque Monasteria bene prospiciunt administrationi per suos ministros.

27. Illa tamen ejusdem Clari limitatio admitti posset cum Sanchez c. 15. n. 42. ut communis opinio procedat solum in feudis inferioribus, non habentibus annexam dignitatem, quamvis nec hæc limitatio ullo jure probetur (nisi coincidat cum una ex limitationibus suprà positis) sed in sola præsumptione domini directi fundetur.

Sed quid si in concessione Feudi vel Emphyteusis adjecta sit (ut solet) conditio, ne transferatur ad Ecclesiam aut personam potentiorum? Aliqui quos refert & sequitur Sanchez c. 15. n. 65. affirmant adhuc transferri in Monasterium, quia illa translatio in pactum deducta, accipienda est de translatione ex voluntate possessoris, & perpetua, non autem de ea, quæ fit ex iuris dispositione in consequentiam translationis personæ, & pro ejus vita. Idem docet de quibusvis aliis bonis, eâ lege datis Monacho, ne ea alienent. Respondeo tamen negativè, cum pluribus aliis quos refert Sanchez & sequitur Castro Palao tr. 16. De oblig. stat. Relig. disp. 3. p. 4. n. 8. quia illa subtilis distinctio inter modum alienandi directum & indirectum, non est ex mente concedentis. Finis enim conditionis apposta est, ne dominus proprietatis, ob Ecclesiæ vel alterius privilegia aut potentiam, obsequio debito privetur, aut laudemium non consequatur. In aliis ta-

men hujusmodi modificatis donationibus facilius fieri posset, ut finis intentus adhuc obtineretur, si translatio in Monasterium fieret.

28. **DUBITATUR** 5. An Ius Patronatus transferatur in Monasterium. Ratio dubitandi esse posset, quia cum sit res spiritualis, nec pretio æstimabilis, videtur manere penes ipsam personam Profelli, sicut alia Iura spiritualia, ut Ius eligendi, manendi in tali cœnobio, prout suprà dictum est. Respondeo tamen affirmativè. Quia omnia Iura transferibilia transferuntur in Monasterium; tale autem est Ius patronatus, non item Ius eligendi, jus beneficii, manendi in tali loco, &c. Eodem modo transit ad Monasterium jus nominandi ad Emphyteusim, & hoc multo magis, quia est jus pretio æstimabile. Non item transit in Monasterium Ius Retractus, quod v. g. proximiori consanguineo concessum est, retrahendi rem alienatam extra familiam, eodem pretio emptori. Solutio: hoc enim jus non solum non transit ad Monasterium, sed neque apud ipsam Profellum manet. non quidem apud Profellum, quia non potest amplius sibi aliquid emere: non ad Monasterium transit, quia hoc esset directè contra finem hujus privilegii & Iuris, sic enim non retineretur res per Retractum intra familiam, quia Monasterium non est in familia.

## S. II.

*Examinatur speciale dubium de exclusionem Substituti in Fideicommissio.*

29. **DUBITATUR** 6. An si Religiosus habet fideicommissum, quod teneretur restituere alteri tertio si in sæculo maneret, an inquam vi Professionis Monasterium ita succedat in fideicommissio, seu bonis gravatis, ut excludat Substitutum, cujus rei casum tetulimus in dub. 2. sed nunc est res accuratius discutienda.

30. Certum est 1. Quod si fiat professio in Religione seu Monasterio incapaci successionis, ut est Religio PP. Franciscanorum, & Soc: Jesu, substitutus non excluditur: adeo quidem, ut statim à puncto professionis ad substitutum hæreditas devolvatur. nam quod aliqui putent, substituto esse expectandam mortem naturalem, & interim hæreditatem venire ad hæredes ab intestato, eo quod substitutus respexerit mortem naturalem, nullius est momenti, nam in hoc casu professio æquivalere morti naturali, & intentio substituentis fuit excludere hæredes ab intestato: & insuper absurdum est substitutum succedere immediate hæredibus ab intestato, & non instituto.

31. **DICENDUM**. 1. Si substitutio sit conditionata: si hæres institutus sine liberis decesserit. per professionem religiosam excluditur substitutus profanus. Hujus conclusionis casum sup. retuli in cap. in presentia de probationibus.

Fundamentalis autem illius probatio continetur in Authent. de Sanctissimis Episc. (quæ est Novellat. 13.) cap. 37. quæ in favorem profitentium concepta est hoc tenore. [Sed & hoc præfenti addimus Sanctioni: si forte quis sub conditione nuptiarum, sive liberorum, sive dotis causâ, sive antenuptialis donationis donaverit seu reliquerit suis liberis, sive alii cuicunque personæ hæreditatem sive legatum; aut ab initio purè relinquens eis, oneret eos substitutione, aut restitutione, aut sub una prædictarum conditionum reliquerit, vel donaverit, substitutiones verò vel restitutiones eis fecerit adjectis conditionibus quibuscunque, ex iis quæ superius enumeratæ sunt, sancimus, si personæ talibus conditionibus subjectæ, sive masculi, sive femine Monasteria ingrediantur, aut Clerici, aut Diaconissæ, aut Ascetrix fiant, tales condiciones invalidas, & pro non scriptis esse. Hoc autem solatio & clerici & diaconissæ Ecclesiarum fruantur, si usque ad suam vitam in his perseveraverint, ut res sub tali conditione donatas aut relictas ad pia opera expendant aut relinquant. In personis enim quæ in Monasterium vel Asceterium ingrediuntur, & relinquunt hujusmodi conversationem castam, Monasterio aut Asceterio ubi à principio ingrediuntur, res sub tali conditione donatas aut relictas cum alia eorum substantia competere volumus.]

32. **DICENDUM** 2. Si causa pia sit sub una dictarum conditionum substituta, non excluditur à Monasterio; sed post mortem naturalem Profelli restitui debet hæreditas illi piæ causæ. Atà habetur in verbis statim adjectis. Si tamen in Redemptionem captivorum, aut egentium alimenta sub prædictis conditionibus substitutio aut restitutio fiat, ex nullo memoratorum modo eam excludi permittimus. Ubi quamvis Imperator solas duas causas pias exprimat, extendendum tamen est ex ejusdem intentione præsumpta, etiam ad alias pias causas, v. g. si locus aliquis venerabilis substitutus esset, ut habetur in Sum: Unde non taxativè, sed exempli causâ adjectæ censentur, ut docet Menochius de præsumpt. lib. 4. præsumpt. 83. n. 47. Gutierrez lib. 2. canon. quæst. cap. 32. n. 39. Sánchez lib. 7. cap. 16. n. 34. Palao lo. cit. n. 12. etiamsi causa pia fasset tantum mediâtè substituta, aut una cum causa profana. ne scilicet aliqui in perpetuum excludatur.

33. **DICENDUM** 3. Si testator nullam penitus conditionem adjecit, sed simpliciter aliquem etiam extraneum substituit, & institutus proficiatur, in hoc casu substitutus non excluditur à Monasterio, sed post mortem naturalem Profelli est illi restituendum fideicommissum. Hæc Conclusio est contra Gregorium Lopez, Antonium Gomez & quosdam alios. Docetur autem à P. Molina d. 190. Sánchez n. 82. Palao. n. 4. Probat, meo judicio, clarè ex ipso textu Authentice relatæ, ubi disertè Imperator

rator dicit, quod si à principio fuisset facta substitutio simpliciter, & sine conditionibus, postea verò additæ essent conditiones, quod tunc substitutio esset nulla: ergo planè supponit, quod si nullæ conditiones adjectæ essent, substitutio subsisteret.

34. Obijciunt. Taciti & expressi idem est Iudicium. atqui si exprimeret conditionem de liberis non nascituris, substitutus excluderetur: ergo etiam excluditur hac conditione non expressa, quia tacite inest; non enim credendum est, voluisse testatorem descendentibus extaneum præferre. *¶* Hoc argumentum niti falsò supposito, quod nempe favor ille Imperialis fundetur in præsumptione testatoris; hoc inquam, falsum est, cum sit merus favor Religiosis: alioquin si hæc Juristarum subtilitas ad probandum illorum assertum efficax esset, inde sequeretur, quod si causa pia substituta simpliciter esset, nullà expressa conditione, & tamen instituto liberi nascerentur, sequeretur, inquam, quod causa pia excluderetur à liberis, quod adversarii non concedunt.

35. DICO 4. Etiam casu, quo testator in specie hanc conditionem adiecit: *si hæres institutus Professus fuerit in Religione capaci successione*. adhuc hæc conditio pro non adjecta habenda esset, & substitutus in perpetuum excluderetur à Monasterio succedente suo Professo. Ità tenet Fachineus lib. 4. cap. 56. quem præter alios sequuntur Sanchez & Palao, contra Molinam Juristam, Covarruviam, & Gutierrez, & contra August. Barbosa. *L. 3. J. Ecl. c. 31. n. 8.* & contra Hieron. de Cevallos *spec. Opin. Comm. q. 193.* Probat cum eodem Fachineo ex intentione Imperatoris, qui non obstante contrariâ voluntate testatoris, voluit substitutum per Monasterium excludi, quod sic probatur. Nam hoc vult in casu authenticæ testator, ut si hæres institutus sine liberis moriatur, succedat substitutus: atqui hæres ingrediens Monasterium absque liberis moritur: ergo testator vult, ut hoc casu substitutus, & non Monasterium succedat: cum igitur in hac facti specie Imperator velit Monasterium succedere contra voluntatem testatoris, censetur hoc ipsum velle in casu, quo testator expressè dixerit, se nolle Monasterium succedere. Est enim eadem ratio favoris exhibendi Monasterio, & parum interest, utrum expressis verbis constet de voluntate testatoris excludendi Monasterium, an implicitis, ex quibus eadem voluntas manifestè deducatur, & cognoscatur.

36. Dices: Saltem si proprius testatoris filius substitutus esset, non excluderetur à Monasterio, quia tunc præsumitur testator noluisse pro proprio filio Monasterium præferre. & ità censent plures, quos sequitur Menochius & Sanchez. Respondendum tamen est, negando subsumptum, ex fundamento posito: quia prælati Monasterii extraneo substituto, non fundatur in

præsumptione, sed in favore legis, indistinctè loquentis quoad omnes substitutos, exceptâ causâ piâ.

## CONTROVERSIA III.

*Utrum valida sit dispositio facta sine licentia Superioris à Religioso habente dominium.*

### SUMMARIUM.

**P**robabilis est, quod dispositio facta à Religioso capaci dominii, sine Superioris licentia non valet. 38.

*Hæc Invaliditas videtur necessaria ad obtinendum finem quem Societas per dominii capacitatem intendit. 42.*

*Verba: Non possunt recipiunt sensum legis irritantis. 43.*

37. **Q**uæstio procedit de Religiosis nostræ Societatis ante emissâ ultimâ vora, sive Solennia, sive Coadjutorum formatorum. Affirmant Suarez to. 4. tr. 10. lib. 4. c. 6. à. n. 12. Sanchez lib. 7. de Statu Religioso. c. 8. n. 25. & c. 18. n. 28. Azor to. 1. lib. 12. c. 12. q. 8. Layman. l. 4. tr. 5. c. 7. n. 3. Lugo hic n. 79. Castro Palao l. 4. c. p. 2. n. 7. Vadingus, d. 2. d. 2. §. 2. & obiter supponit Dicastillo de Testam. Salvo tamen tantorum DD. iudicio,

38. DICO mihi probabilis videri, quod talis dispositio sit ipso jure nulla. Ità tenent P. Molina to. 1. d. 139. Lessius lib. 2. c. 4. d. 5. n. 28. & P. Amicus hic. Probanda est Conclusio satisfaciendo adversariorum fundamento, quod est negativum, nempe quod illa dispositio nullo iure sit irritata. Sanè Molina suam sententiam supponit, non tamen probat aliter, quàm unicè ex eo, quod tales personæ non sint sui Iuris, neque proinde Ius ullum habeant disponendi de suis rebus, quæ probatio est nimis sicca: dicere enim adversarii, illos esse sui juris eo modo, quo ante Constit. Greg. XIII. fuerunt sui Iuris ad contrahendum matrimonium, illicitè quidem, sed tamen validè. Certum enim est, posse aliquam dispositionem valere, etsi illicita sit: quo autem sensu tunc talis dispositio dicatur fieri Iure, & esse iusta, explicui in primo Tractatu in exemplo, quo quis rem venditam sed necdum traditam, vendit & tradit alteri, quæ alienatio valet, etsi sit iniusta, & lædat Ius prioris emptoris.

39. P. Lessius probat hoc modo. Per votum paupertatis à Superiore acceptatum, privavit se subditus potestate disponendi suo arbitrio, solumque retinuit potestatem disponendi ex arbitrio & consensu Superioris: unde si hic consensus desit, dispositio erit irrita, idque multò majore



ri ratione, quàm dispositio Prælati de re Ecclesiæ est irrita, si fiat absque consensu Capituli. Simili modo dispositio pupilli est irrita absque consensu tutoris. est enim totum dominium sit in pupillo, tamen hoc dominium est impeditum, translata potestate disponendi in tutorem. Simili modo dominium talis Religiosi est impeditum, ita ut non possit exire in actum, nisi deponenter à voluntate Superioris.

40. Respondet ad hæc Castro Palao, instantias non convincere, nec facere ad nostrum casum, quia ibi provenit invaliditas dispositionis ex legis dispositione, qualis in nostro casu nulla est. Videndum ergo est, quomodo ex Constitutionibus talem invalidationem saltem probabiliter cruiamus. Pro quo

41. Revocanda est in memoriam Regula dignoscendi legem irritantem à non irritante, quam tradidi in tr. Proemiali de legibus c. 2. *Con-1170v. 4.* & est hæc. Si lex requirit aliquid observandum ab eo, cui tunc actu potestatem tribuit ad talem actum, de cuius valore agitur, censetur id quod requirit, ad substantiam actus pertinere, v. g. si Pontifex det facultatem conferendi beneficium, sed cum consilio Episcopi, tunc consilio non adhibito, collatio non subsistit. c. cum in veteri. 12. de Elect. Hæc Regula videtur habere locum in nostro casu. Nam imprimis habilitas, seu capacitas Domini, quæ à Sede Apostolica conceditur tali Religioso, est Privilegium huic Religioni speciale, quatenus votum paupertatis conjunctum cum tali habilitate & capacitate, ex constitutione ejusdem est votum substantiale Religionis, constituens verum Religiosum. Quando ergo Pontifex ad usum hujus capacitatis & domini cum voto conjuncti, requirit licentiam & consensum Superioris, videtur hic consensus pertinere ad substantiam actus: verba Pontificis sunt hæc. *Quod verò ad pauperem attinet, quamvis bonorum suorum ius, atque dominium iustis ob causis pro Superiorum arbitratu ad tempus retinere valeant (Ecce! capacitatem) ut in pios usus juxta Evangelicum consilium distribuant* (Ecce! limitationem ad certi generis dispositiones) *in illorum tamen usu Religiosam pauperem servant; nec ullare tanquam NB. propria & sine Superioris facultate uti possunt.* Quorum verborum sensus legitimus, & juxta consuetum loquendi modum qui adhiberi solet in legibus irritantibus, hic est, quod ius proprietatis ita sit ligatum, ut nisi in ejus usu accedat facultas Superioris, perinde sit ac si non esset. Hoc sanè videtur significare hæc verba: non posse uti tanquam propria. Sic si lex diceret: *inter talem gradum consanguinitatis non potest contrahi matrimonium:* omnes intelligeremus de impedimento irritante. Instatur est in Testamento, quod filius suus iuxta consensum patris facit ad causas pias: tale enim testamentum cum consensu patris factum valet, ut docent omnes, &

tradam to. seq. tr. 1. sine consensu patris non valet.

42. Confirmo hoc discursu, qui me maxime mover. Domini capacitas in illis personis eo modo & cum eà restrictione accipi & intelligi debet, quo servit, & est necessaria ad finem, quem Pontifex & Societas per illam capacitatem intendit; de cætero quatenus non est necessaria, debet luri communi adaptari, & quàm minimè potest, ab aliorum Religiosorum voto discrepare, ut omnes supponunt qui de hoc scribunt, atqui finis intentus optimè obtinetur, si consensus, & Facultas Superioris requiritur ad valorem actus & dispositionis, & ad hunc finem non est ullo modo necessarium, quodd dispositio facta sine licentia Superioris tantum sit illicita, & tamen valida: imò si ponatur esse invalida, longè magis conducit: ergo, &c. Minor declaratur, quæ quidem mihi evidens est. Finis illius capacitatis est, ut possit talis facilius à Religione dimitti, & sine offensa: ad hunc finem obtinendum utique non est necesse, quodd dispositio valeat sine consensu Superioris; nam talis valor non servit ad conservandum, sed ad destruendum patrimonium, ut patet. Ex hinc ostenditur etiam, quodd magis conducit ad finem illum facilius dimissionis in invaliditas actus, quàm ejus validitas. Si enim dispositio valeat, potest se Religiosus privare suo dominio invito Superiore: atqui sic jam reddet difficiliorem dimissionem, quàm esset, si actus esset invalidus, quia conservatio domini faciliat dimissionem: ergo magis consultum est fini Societatis, si tales dispositiones sint invalidæ, quàm si sint validæ. Denique per hanc in validitatem magis assimilatur votum hoc paupertatis simplex voto Solenni, ut patet, quia tollit illud commodum, quod quæreret Religiosus in tali dispositione valida, quod commodum adversatur perfectioni paupertatis, eoque caret ille qui habet votum Solenne. Ergo à primo ad ultimum, magis videtur esse ex mente Pontificis, verba illa: *Non possunt*, esse irritantia, quàm præcisè prohibentia.

43. Quod autem verba: *Non possunt*, recipiant sensum legis irritantis, adeo certum est apud Legistas, ut universaliter statuât, quodd quotiescunque lex aliquem actum prohibet, hoc ipso eundem invalidet, nisi contrarium colligatur ex ipsa, aut alia lege, aut circumstantia. Fundamentum est in lege *Non dubium. C. de legibus*, ubi sic dicit Imperator. *Nullum enim pactum, nullam conventionem, nullum contrarium inter eos videtur volumus subsistere, qui contrarium lege contrahere præsumunt.* De hac tamen lege, quodd cum tanta universalitate non sit recepta à iure Canonico, dixi in tr. de legibus.

44. Dices. Ergo quando Pontifex decrevit, ut votum Simplex Castitatis talium Religiosorum irritaret Matrimonium contrahendum, non fuisset necesse, dicere: [quin imò

eos omnes ad contrahendam inhabiles, ac contractus hujusmodi nullos, & irritos esse, prout irritos facimus, & annullamus.] Sed satis fuisse dicere: *Non possunt contrahere.* 32. Fuisse necessariam distinctionem hujus impedimenti dirimentis novi declarationem. In declaratione Pauperatis non erat necessarium exprimere tam clare irrationem. disparitas est. Quia constet in lute duo esse genera impedimentorum Matrimonii, alia irritantia, alia solum impedientia: & tale esse vorum Castitatis simplex erat extra controversiam, & clarioris: ut ergo transferretur ad alterum genus impedimentorum dirimentium, erat utiq; expressus declarandum. Quoad dispositiones verò, & usum domini, clari etiam Iuris est, quod in plurimis personis hoc ipso, quod dispositio prohibeatur sine alterius consensu, sit etiam invalida, ut patet in pupillo, & aliis. Et instantia dabitur cap. seq. contr. 1. n. 1.

## CONTROVERSIA IV.

*Quomodo Religio acquirat per suos post Professionem.*

### SUMMARIUM.

**Q**uidquid professus per suas operas, & industriam, donationem, &c. acquirat, Monasterio acquirat. 45.

Quid si donans: expresse noluit acquiri Monasterio. 46.

An Professus acquirat Monasterio immediate, an mediate. 47.

Non est universim verum, quod hereditas adeunda sit ab eo cui est delata. 51.

Quomodo Professus compareatur modo filiofamilias, modo servo. 52.

Ne quidem consensus Professi requiritur. 53.

Quo Iuris loco deferatur hereditas Monacho. 54.

Quid juris, si quis jam professus in uno Monasterio transeat ad aliud. 55.

Si Franciscanus transiret ad Religionem capacem successionis, an reviviscerent priora jura. 58.

Cuinam acquirat Effectus post ejectionem. 59.

Attendenda Constitutio Gregorii XIII. incip. Officii nostri. 62.

45. Sermo est de Religionibus, & Monasteriis Successionis capacibus, cujusmodi, ut jam supra dictum, sunt omnes exceptis PP. Franciscanis, Capucinis, & Societate Iesu. De illis ergo jam dictum, quomodo sua Bona Professi transferant in Monasterium, etiam nulla facta dispositione ante professionem. Nunc videndum quomodo post professionem, edo ipsi in particulari non sint amplius capaces domini, nihilominus Monasterio acquirere possint.

DICENDUM I. Quidquid Professus per suas operas, & industriam, vel per donatio-

nem, aut quemcunque alium titulum acquirat, Monasterio acquirat. c. *Abbas*. ca. 18. g. 2. ibi. *Omnia quae adquisierit* (Monachus) ab *Abbatibus auferantur*, secundum regulam Monasterio profutura. Et quamvis professus testamentum facere non possit, ipse tamen in testamento haeres institui potest, sicut & ex testamento legata capere, imò, & ab intestato jure sanguinis succedere, non secus ac in saeculo successisset, adeoque etiam in feudis (cum limitationibus supra positis) & Majoratibus: imò hoc amplius habet Religiosus, ut ob ingratitudinem in saeculo commissam non possit à parentibus exheredari, ut habetur cap. *fin. ca. 19. g. 3.* [Non liceat parentibus liberis, vel liberis parentes ab hereditate repellere Monachos factos, quamvis dum laici fuerant, in causam ingratitudinis incidissent.] Et est desumptum ex Novella. 123. c. 47. [Nullam verò licentiam damus, aut parentibus filios, aut filios parentes, secularium vitam sectantes, & relinquentes velut ingratos suis excludere hereditate Monasterium, aut Monasticam vitam subsecuros.]

46. **Q**UÆRES. Si quis aliquid Monacho donaret, aut relinqueret cum hac expressa conditione, ut non acquireretur Monasterio, quid tunc juris esset? Similis quaestio solet institui de servis, qui quidquid acquirunt Domino acquirunt. 32. quoad Professos, intentionem relinquentis praesumi fuisse, ut usus & commoditas relinqueretur professo, dominium autem penes Monasterium esset. Constat enim voluisse professo gratificari quantum capax esset: non est autem capax nisi precaria commoditatis. Quodsi Praelatus conditionem regulariter, legatum esset nullum, & ad heredem pertineret, ob defectum conditionis, quæ non esset turpis deberet enim usus non concedi nisi pius, nec alium usum concessum esse praesumendum est, & ideo usus altius quam pius, non esset validus. Panormi. c. *Monachi*, de statu Monach. n. 8. De servis aliter se res habet; nam illi non sunt simpliciter incapaces domini, ut alibi dicitur. Quodsi non per donationem inter vivos, sed per ultimam voluntatem relinqueretur aliquid Religioso, cum expressa conditione, ut esset Dominus illius, conditio esset impossibilis, & ideo haberetur pro non adjecta, ut diceretur suo loco.

47. **D**UBITATUR I. Quonammodo Professus, quæ post professionem acquirat, Monasterio acquirat, an scilicet immediate, an mediate, hoc est, an prius, prioritate quacunque reali ipse professus acquirat dominium, ut est persona particularis, & deinde illud transferat in Monasterium, vel an potius ipsam Monasterium, ut in se comprehensens, aut repraesentans Monachum professum immediate acquirat illud dominium. Quæ quidem quaestio videri posset in mera speculatione consistere, sed est

admodum practica, ut patet ex dicendis, & notavit Julius Clarus lib. 3. §. *Testamentum*. q. 30. Si enim dicas acquiri tantum mediata Monasterio, tunc requiritur acceptatio, & aditio hereditatis facta ab ipso professo, qui si nolle adire, Monasterium non possit illam acquirere adeundo, sed illa ad alios heredes devolveretur, sicut in aliis casibus devolvitur repudiata hereditas. Si verò dicamus, acquiri Monasterio immediate, potest Monasterium adire etiam invito Joanne; imò etiam si Joannes post delatam hereditatem moreretur ante illius aditionem, adhuc Monasterium posset adire; sicut etiam si pater ab intestato moreretur dum adhuc vivit filius professus, etiam si hic moreretur ante aditam hereditatem, adhuc Monasterium adire posset. Est ergo tota questio, an in hoc puncto professus de jure veniat comparandus cum servo (qui tantum mediata acquiri Domino) an cum filiofamilias, qui acquirit patri immediate hereditatem sibi delatam.

48. Prima sententia docet, Monasterio non nisi mediata acquiri. Ità Fachineus lib. 6. *Courtois*. c. 16. §. *ego video*, & Legista communiter contra Canonistas, apud Julium Clarum l. c. cit. qui non satis se resolvens sic concludit. [Hæc est ardua questio, satis periculosa, propter infinita argumenta, quæ hinc inde adducuntur per DD. Propterea in tanto conflictu opinionum credo, quod Iudex non erraret, sequendo in foro Cæsaris opinionem Legistarum, & in foro Canonico opinionem Canonistarum.] Ex Theologis non invenio, qui Legistas sequatur præter P. Paulum Rosmer in thesibus de Jure, & Iust. Argumentorum autem infinitudinem nullibi invenio: sed unicum fundamentum, ad quod forte reliqua reducuntur.

49. Canonistarum ergo sententia est, immediate acquiri Monasterio. Canonistas sequuntur Theologi, P. Molina, Sanchez, Lugo, Palao. Probatur hæc sententia unico sed efficaci argumento. Professus est incapax domini, & omne illius lûs in Monasterium translatum est, ut supra probavimus; atqui si verè esset sententia Legistarum, deberet esse capax domini saltem pro instanti, & quidem in solidum, quo instanti nondum dominium esset apud Monasterium, quia dominium in solidum non potest in eodem instanti acquisitionis esse pene duos; ut etiam ipsi fatentur. ergo vel Monasterio nihil acquiritur, vel illi acquiritur immediate; primum à nemine asseritur: ergo secundum asserendum est.

50. Obijciunt Adversarii. Hereditas adeunda est ab illo, cui est delata. l. 1. §. 1. *C. de repudianda vel abstinenda hereditate*. atqui in casu de quo disputamus, est hereditas delata professo: ergo ab illo est adeunda. §. 1. *Leges allatas*

nihil penitus ad rem facere, quia hoc solum dicunt, quod si filius (penes quem erat potestas adeundi vel abstinendi) abstinuit ab hereditate, non possit ut hæres conveniri. Sed quid hoc ad nostrum professum, qui non habet velle aut nolle, adeoque nec potestatem adeundi vel abstinendi?

51. §. 2. Argumentum nimium probare: probaret enim quod etiam hereditas filio delata non aliter acquireretur Patri, quam facto filii, hoc est, eo adeunte: hoc autem est falsum, per textum legis finalis *C. de bonis que lib.* in principio. ibi. *Sancimus itaque liberam habere licentiam, & patrem ipsum sibi adire hereditatem recusante filio, & omne, five damnum five lucrum in suam habere fortunam, nullo ex hoc præjudicio filio generando.* & est apud omnes res certa. ergo non est universalis veritas illa propositio in sensu adversariorum, quod ab illo ipso in propria persona adeunda sit vel repudianda hereditas cui deferatur.

52. Itaque 3. directe ad argumentum, distinguendo majorem. hereditas adeunda est ab eo, cui est per delationem jus questum, concedo majorem, in alio sensu, nego majorem. & distinguo minorem. Professo est delata hereditas, hoc est, illi est acquisitum jus secundum propriam & singularem personam, nego minorem, hoc est, per delationem professo factam, est jus questum Monasterio quod representat professum tanquam membrum suum, concedo minorem, & nego Consequentiam, vel etiam distinguo. est adeunda à professo ut est persona individua, contradistincta à Monasterio totoque conventu, nego, ut est persona indistincta à Monasterio, concedo consequentiam.

53. Obijci potest 1. Professus solet comparari servo: atqui si servo deferatur hereditas, eo invito non acquiritur hereditas domino: ut habetur l. 3. *C. de hereditibus instituendis*. ibi. *patuit enim (Servus) quamvis jubente domino nolle adire*. ergo idem de professo dicendum est. 2. Professum non semper & in omnibus comparari servo, sed modò comparari servo, modò filiofamilias, prout nimirum comparatio est favorabilis Monasterio. Comparatur itaque servo, eatenus, quatenus, sicut servus domino lucratur non solum usumfructum, sed etiam proprietatem rei sibi delatæ, ità & Monachus Monasterio, & in hoc non comparatur filio, qui patri solum usumfructum acquirit. E contra comparatur filiofamilias in hoc, quod sicut ipso filio invito pater potest adire hereditatem, & sic sibi acquirere usumfructum, ità Monasterium possit adire hereditatem invito Monacho. Denique in hoc utrumque excedit, quatenus Monasterium potest adire hereditatem vivo quidem Monacho delata, sed eo defuncto ante aditionem, ut supra dictum est, quia specialius est una persona cum Monasterio, quam filius cum patre.

53. Hinc

33. Hinc apparet, non satisfacere Fachineum, dum dicit, Monachi consensum requiri, non ut ipsi acquiratur, sed ut Monasterio acquiratur, & ideo ejus incapacitatem non obulare; nam ex eo quod comparatur filiofamilias, ne quidem ipsius consensus requiritur. Neque refert, quod dicit idem Fachineus, non esse Monachum comparandum filiofamilias, quia per Professionem non acquirit patrem sed Superiorem. Respondetur enim, acquirere quidem Superiorem, sed simul fieri unum quid cum toto Monasterio, & ideo non Superiori, sed Monasterio, & hoc sensu etiam sibi acquirere.

34. QUÆRES, quo jure deferatur hæreditas Monacho. R. Deferri in lege, *Deo nobis*, §. 1. *C. de Episcopis & Clericis*. ibi. [Necesse sit eis omnimodo quartam quidem portionem relinquere, &c. sin vero ultimam voluntatem parentes neque testamento, neque alio ultimo clogio declarasse monstrari fuerint, omnem patrum substantiam hæredes quibus ab intestato competit, secundum leges nostras sibi defendant: nullo eis impedimento ex Sanctimoniali conversatione generando, siue soli, siue cum aliis ad successionem vocantur.] & statim §. 2. subjungitur, quod etiam si talis apostatarer, adhuc omnia jura ad Monasterium pertinerent.

35. DUBITATUR 2. Quid juris sit, si quis jam professus in uno Monasterio, cui jam aliqua bona per illum acquisita sunt, deinde transeat ad aliud Monasterium, ibique valide profiteatur: utrum bona priori Monasterio jam acquisita, transeant ad alterum Monasterium: item, ad quodnam Monasterium pertineant bona quæ post secundam professionem illi accedunt. Panormitanus cum quibusdam aliis putavit, omnia jam acquisita etiam ante secundam professionem, transire & pertinere ad secundum Monasterium. Respondetur tamen, bona ante secundam professionem professo obvenientia ad primum Monasterium pertinere, bona vero post secundam professionem obvenientia ad secundum Monasterium pertinere. Colligitur ex can. Statutum, ca. 18. §. 1. [Statutum est, & rationabiliter secundum Sanctos Patres à synodo confirmatum, ut Monachus quem canonica electio à jugo regulæ Monastica professionis absolvit, & sacra ordinatio de Monacho Episcopum facit, velut legitimus hæres paternam sibi hæreditatem postea jure vindicandi potestatem habeat: sed quicquid acquisierat, vel habere usus fuerat, Monasterio relinquat, & Abbas sui, qui fuerat secundum Regulam S. Benedicti, arbitrio. Postquam enim Episcopus ordinatur ad altare, ad quod sanctificatur, & titularur, secundum sacros Canones, quod acquirere poterit constituat.]

36. Hinc Covarruvias conatur deducere, quod si relictum esset legatum, cum conditione pendente in futurum, & Religiosus ante impletam conditionem proficeretur in secundo Mona-

stero, quod inquam tale legatum non pertineret ad primum, sed ad secundum Monasterium: secus esset, si donatio vel promissio esset facta sub conditione, conditioneque impleteretur post secundam professionem, tunc enim (illius opinionæ) pertineret ad primum Monasterium: Rationem discriminis putat esse, quod licet in ultimis voluntatibus spes non transmittitur ad hæredes, in contractibus tamen transmittitur.

37. Mihi tamen magis placet doctrina P. Molinæ n. 29. quod si mortuo testatore, qui legatum sub ea conditione reliquit, religiosus profiteatur secundò ante impletam conditionem, legatum pertineat ad primum Monasterium: eò quod per mortem testatoris comparaverit jam jus ad rem, tamen non obtinendam, nisi impletà conditione. Si vero vivo adhuc testatore emittat secundam professionem, legatum pertineat ad secundum monasterium, eò quod ante testatoris mortem non erat legatum consummatum, quasi primum monasterium comparasset jus ad rem dependenter à tali conditione obtinendam.

38. DUBITATUR 3. Si Franciscanus v. g. transierit ad Religionem capacem successionis, seu juriurum ad bona suorum Religiosorum, an tunc reviviscerent priora jura, quæ transissent ad Monasteria Franciscanorum, si illa capacia fuissent, & an quæ post secundam professionem ei competunt, acquirantur novo monasterio secundæ professionis. R. Priora non reviviscere, quia jam pleno jure ad hæredes alios pervenerunt, sicut si hodie resurgeret à mortuis testator ante centum annos defunctus, non recuperaret bona, quæ defunctus hæredibus reliquit, ut dicam in Tractatu sexto: c. *quomodo infam. infirmetur*. nam professus ille, ut supra diximus, civiliter ita mortuus fuit, ut in ordine ad successionem hæredum ab intestato vel ex testamento ante professionem factò, non esset expectanda mors naturalis. Quia vero per secundam Professionem revixit eatenus, quatenus incoeptatus est monasterio capaci successionis, ideo bona deinceps obventura Monasterio acquirantur. Colligitur etiam ex cap. paulò ante recitato. Nam si in Episcopum eligeretur, haberet ex ejusmodi bonis ipse commoditatem ad tempus vitæ, ceterum proprietatem pertineret ad Ecclesiam cujus Episcopus fuit. Contrarium dicendum est, si e contrario aliquis v. g. Benedictinus fieret Franciscanus, nam quæ post secundam Professionem ad ipsum pertinerent, (quicquid aliqui dixerint pertinere ad primum monasterium) dicendum est, statim pertinere ad hæredes ab intestato, ad quos pervenissent, si naturaliter mortuus esset. Ratio est, quia per secundam professionem desit eis religiosus & membrum prioris monasterii.

39. DUBITATUR 4. De ejusmodi ex monasterio, cuinam post ejedionem acquirat.




Navarrus existimat eum acquirere Episcopo, si iuste ejectus fuit. Verum Molina ait semper acquirere Monasterio, sive iniuste sive iuste ejectus fuit. Nunquam enim ita abscissus est, ut non debeat se reddere idoneum ad receptionem, & recipi possit absque novâ professione. Usus tamen illarum rerum illi selinguitur, dum vivit extra Monasterium.

60. Nihilominus pro Navarro videtur facere paritas cum Servo, qui; si à Domino abjiciatur, & pro derelicto dabeatur, nihil ampliùs acquirit domino l. 36. ff. de stipulat. ibi. *Quia qui pro derelicto rem habet, omnino à se abjicit, nec potest ejus operis uti, quem mero jure ad se pertinere noluist.* atqui sic se habere videtur religiosus ejectus. Verum negatur paritas inter servum & religiosum: nam dominus habet plenum jus efficiendi servum sui juris, & hoc fecisse videtur cum relinquendo: hpo autem jus non habet monasterium respectu Religiosi, qui semper manet obsecratus monasterio. Unde aliqui dicunt, quod si post ejectionem injustam non ampliùs acquirit monasterio, hoc sit in pœnam injustæ ejectionis, & ideo non obliget ante sententiam judicis. Sed isti AA. nullam legem adducunt, quâ ista pœna sit constituta. Sanè lex adducta de servo non continet pœnam, sed jus naturale.

61. Dices. Hanc pœnam colligi ex cap. unico, de Infant. & languid. exposcit. ubi Greg. IX. sic statuit. *Si à Patre sive alio, sciente ipso aut ratum habente (relegato pietatis officio) infans expositus existit, hoc ipso à potestate fuit patria liberatus. Nam & hoc casu in ingenuitatem liberum, & servus in libertatem eripitur, quod & prædictis ejusque etatis languidus, si expositus fuerint, vel si alicui eorum alimenta impie denegari contigerit, est dicendum: sicut ergo fit argumentum ab infante ad liberum & servum, ita fieri poterit ad religiosum derelictum.* Respondetur tamen negando paritatem. Disparitas est jam indicata; nam & liberus & servus possunt à domino aperi in libertatem, non item Religiosus à Monasterio: vel enim est iusta vel injusta ejectio: si iusta: Religiosus est incul-

pa, quæ non debet obesse Monasterio, quia tenetur se ejectus emendare, & Monasterium tenetur eum recipere: si injusta: iterum tenebitur Monasterium eum recipere, & subditus cogendus est ad redeundum, & cum eodem redibunt bona adhuc existantia, quæ verò fuerint ab eo absumpta vel alienata, censuratur alienata cum tacita licentia Prælati.

62. Itaque de iure communi videtur omnino dicendum, quod semper Monachus ejectus acquirit Monasterio. Dixi: *Iure communi.* Existat enim specialis Constitutio Gregorii XIII. incip. *Officii vestri partes sedulo.* edita Anno 1577. 21. Jan. ubi declaratur, omnia bona Regularium extra claustra degentium, sive mendicantium, sive non mendicantium, post eorum obitum, quocunque iure & actione fuerint acquisita, spectare ad Cameram Apostolicam, & hanc habere ius vendicandi hæc spolia, in quibuscunque Provinciis, Dominis, Regnis, & locis consistant, non obstantibus quibuscunque privilegiis, quamvis de Superiorum suorum licentia extra claustra degentes illa acquisivissent, & etiam si acquisitiones hujusmodi ab ipsis Professis ex redditibus beneficiorum Ecclesiasticorum cum cura vel sine cura per eos oblatorum, seu detentorum, aut ex propria industria seu artificio, mercatura, aut NB. ex testamento siue successione ab intestato quorumvis consanguineorum, affinium vel amicorum suorum, aut quorumcunque aliorum factæ essent. Denique ita omnibus Judicibus judicare præcipit, & quidquid aliter actum fuerit, scienter vel ignoranter, irritum & inane decernitur. Hujus Constitutionis mentionem nullam facit Molina & Lugo; & alii quoque dubitant, utrum ubique recepta sit, vel an pro sola Italia sit data, in qua spoliis illorum usus est, & rationem dubitandi adducunt, quod ex cunctis Bullæ demandetur Ludovico Tabernæ, Notario & Thesaurario, ac spoliis ad dictam Cameram pertinentium Collectori Generali per Italiam. Verum de hoc nihil habeo, quod statuum.



## CAPVT II.

DE PECULIO, FRUCTIBUSQUE CLERICO-  
RVM BENEFICIATORVM, DEQVE DOMINIO,  
ET ADMINISTRATIONE BONORVM  
ECCLESIASTICORVM.

**B**ona Clericorum, tam specificativè, quàm reduplicativè considerantur, in quinque genera distribui ac dividi possunt. Ad primum genus pertinent ea, quæ patrimonialia dicuntur, quæque illis specificativè sumptis, hoc est, nullo habito respectu ad beneficia Ecclesiastica, conveniunt non secus ac Laicis, ut quæ jure hæreditario, successione, contractu, donatione, usufructu, labore, industria, &c. acquiruntur. Ad secundum genus spectant, quæ quasi patrimonialia dicuntur; quæ quidem Clericus acquirit occasione Ministerii Ecclesiastici, sed non tanquam fructus beneficii, sed potius tanquam præmium aut mercedem laboris, aut stipendium pro facto, pro concione, Confessionis administratione, cantu, funeralibus; quæque consequuntur Capellani, Organomi, aut Vicarii temporales. Huc etiam reducit P. Molina, quæ à Sede Apostolica Cardinalibus quot annis in subsidium expensarum conferuntur, aut quæ Episcopo vel alteri in subsidium expediendæ alicuius legationis attribuantur. Tertium genus constituunt ea bona, quæ directè spectant ad Ecclesias, Hospitalia, aliæque loca Ecclesiastica, sive ea mobilia sint, sive immobilia, sive ad fabricam, sive ad infirmos curandos, aut simile Ministerium deputentur. Quartum genus est Redituum Ecclesiasticorum, qui directè deputantur ad Ministrorum sustentationem ratione tituli, beneficii, & residentie. Quintum genus (quod tamen aliqui ad secundum genus reducant) est eorum bonorum, quæ actuali presentie seu interesse debentur, & distributiones quotidianæ vocantur. De Patrimonialibus & quasi patrimonialibus nulla est dubitatio, eorum dominium ad Clericos in particulari spectare, quicquid dixerit

Medina, arbitratus eos habere votum pauperum exclusivum hujusmodi domini.

## CONTROVERSIA I.

*Penes quem sit Dominium bonorum tertii generis.*

## SUMMARIUM.

**D**ominium bonorum spectantium ad Ecclesias, hospitalia, &c. Non est penes Clericos Particulares. 63.

*Est penes Ecclesiam particularem. 64.*

*Quo sensu dicantur esse patrimonium Christi. 65.*

63. **C**ertum est dominium horum bonorum non spectare ad ipsos Clericos particulares, qui illa administrant, nam penes hos est sola administratio; quod si ex hujusmodi bonis, v.g. præliis, fructus loco stipendii percipiant, jam hi fructus ad bona quasi patrimonialia spectant, ipsius tamen prædii dominium non est penes ipsos, imò ne quidem penes Papam, ut est particularis persona; unde can. *Non liceat Pape ca. 12. q. 2.* Symachus Papa dicit. *Non liceat Papa prædium Ecclesie alienare aliquo modo pro aliqua necessitate, nec in usum fructum rura dare, &c.* subintelligendum tamen est: *absque rationabili causa.* Unde talis alienatio esset invalida, ut infra dicam, & ex parte supponit Navarrus de spoliis Clericorum. §. 3. n. 7. & sic habemus etiam in lure Canonico exemplum, ubi dicitur: *Non licere, idem est, ac: non valere.* pro confirmatione sententie paulo superius tradite contr. 3. quæritur nunc, penes quem sit horum bonorum dominium.

64. **P**rima sententia est, horum bonorum dominium esse penes ipsum Christum, non vero Ecclesiam tantum applicatam. Ità Major in 4. d. 21. q. 16. in eum sequitur Navarrus, unde infert l. c. quod si Summus Pontifex sine legitima causa id quod est unius Ecclesie, tribueret alteri, peccatum quidem, eam tamen Ecclesiam, quæ id accepit, restituere non teneri alteri Ecclesie, quia adhuc maneret in dominio Christi, ut antè erat, secus esset, si Laico daret, qui restituere teneretur,

reatur, quia alioquin auferretur de dominio Christi, Christo præsumptè invito.

Secunda & vera sententia est, Dominium particulare horum Bonorum (prout differt à dominio alto) esse penes Ecclesiam particularem; quatenus autem unaquæque Ecclesia particularis est pars totius Ecclesiæ universalis, ut sic dominium bonorum omnium Ecclesiarum particularem esse penes Ecclesiam Universalem, cujus caput est Romanus Pontifex. Probatur hæc sententia, Ex intentione fidelium eo modo dantur hujusmodi bona Ecclesiis particularibus (intelligendo per Ecclesias Communitatem aliquam personarum) quo modo dantur Monasteriis: atqui Monasteria habent verè dominium particulare talium bonorum: ergo etiam Ecclesiæ particulares habent hujusmodi dominium.

65. Obijciunt. Hæc bona appellantur patrimonium Christi. *cap. cum secundum. de præbendis. &c. cum ex eo. de elect. in 6. appellantur etiam pecuniæ Christi. C. qui Christi & cap. qui abstulerit c. 12. q. 2. & à Trid. sess. 25. c. 1. dicuntur esse res Dei. &c. 1. Ex his loquendi modis nihil inferri legitime contra positam sententiam; alioquin etiam inde inferendum esset, bona Monasteriorum non esse sub dominio Communitatis, quod esset contra ipsum Majorem & Navarrum. Deinde probaret, Clericos non esse Dominos fructuum superfluatorum, quod falsum esse patebit ex seqq. &c. 2. Sicut vocantur Res Dei, ita etiam vocantur Res Ecclesiarum, & dicuntur ab Ecclesiis possideri. *cap. expedit. ca. 12. q. 1. ibi. Non enim propria sunt, (administrantium) sed communes Ecclesiæ facultates, & ideo quisquis omnibus, quæ habuit, dimissis aut venditis sit rei sue contemptor, cum Præpositus fuerit factus Ecclesiæ, omnium quæ NB. habet Ecclesiæ, efficitur dispensator. & de S. Paulino subditur. Quo facto (suorum bonorum donatione,) satis ostendit, & propria debere propter perfectionem contemni, & sine impedimento perfectionis posse Ecclesiæ facultates, quæ sunt NB. profecto communes, possideri. Item *cap. causa. 13. de P. S. sic dicitur. Ceterum primitiæ, decimæ, & oblationes, in solis Ecclesiarum bonis præcipue numerantur. Oblationes vero dicimus quæcunque de propriis & licitis rebus Ecclesiæ à fidelibus offeruntur. &c. 3. Quando ergo dicuntur esse patrimonium Christi, res Dei, indicatur solummodo, quod ex Intentione fidelium talia bona non liceat ad alium usum convertere, quam qui conducatur ad cultum Dei, v. g. ut Ministri alantur, qui Sacramenta administrent, Verbum Dei prædicent, & si quid superfit, pauperibus erogetur, &c. cum hoc ergo onere fiunt Ecclesiæ; unde fit, ut ne quidem ab ipsa Communitate licite possint ad alios usus converti.***

Hinc infert Molina. n. 11. *diff. 142. Quod si Summus Pontifex absque rationabili causa bona unius Ecclesiæ, aut pii loci attribueret alteri pio loco, restituendum id esset, quod translatum*

est, tum ab altero loco qui accepit, tum in ejus defectum ab ipso Summo Pontifice, non minus, quam si Laico esset collatum, cujus oppositum Navarrus asseruerat.

## CONTROVERSIA II.

*Utrum Clerici sint Domini suorum reddituum, vel tantum Administratores.*

### S U M M A R I U M.

**C**lerici sunt Domini suorum reddituum Ecclesiasticorum etiam superfluatorum. 68.

Pro diversitate temporum diversa olim distributio observata. 73.

Quomodo censuræ Patrum intelligende. 77.

An possint licite ad usus profanos expendi. 81.

Non est jure naturali vetitum. 82.

Constitutio Pauli V. incip. In eminenti. summam refertur, quia conceditur facultas disponendi pro libitu de bonis Ecclesiasticis superfluis. 85.

Pensiones, Præsentia, aut Capellania, ratione acquisita possunt ad usus profanos expendi. 86.

Quam veniant nomine pauperum, quibus Clerici enlargiri possunt. 89.

An possint enlargiri illis, qui non sunt membra illius Ecclesiæ. 90.

Quanam quantitas sit mortalis, expensa in usus profanos. 91.

An Beneficiarius, qui post beneficium sibi collatum de patrimonialibus in pias causas expendit, vel pro sustentatione, possit ex Ecclesiasticis compensare. 92.

An propter excessum dotium, & qualitatum, possit excedere in sustentatione. 93.

An propter opera supererogationis possit inde patrimonio adiacere. 95.

An ob parsimoniam possit expendere plus in usus profanos. 96.

An ad piam causam possit alienare fructus ad plures annos. 97.

Explicatur *cap. 3. de Arbitris. 98.*

Potest redditus locare ad triennium utile. 100.

An ad plures annos possit se personaliter obligare ad permittendam alteri fructuum perceptionem. eod.

Si ultra triennium locaret, an valeret quoad triennium. 101.

Si intra annum decedat, qualis facienda divisio fructuum inter heredes, & successorem. 102.

Attendenda Bulla Julii. 111. incip. Motu proprio. 103.

66. **Q**uestio est de illis bonis, quæ ratione beneficii tanquam fructus illius, Clerici consequuntur, an eorum sint veri Domini, vel tantum Administratores, adeo ut si ex superfluis ad

ad suam sustentationem aliquid ad usus profanos expendant, peccent contra Iustitiam, & teneantur ad restitutionem, imò, & qui illa accipiunt non fiant Domini, sed restituere teneantur, & quidem hi principaliter, illi verò in hominum defectum, cum contra si sint Domini, non peccent contra Iustitiam.

67. Prima sententia docet, Beneficiatos non fieri Dominos illorum reddituum. Pro hac sententia stant antiquiores Canonistæ. Major in 4. dist. 24. q. 16. & 17. Navarrus ad cap. fin. ca. 16. q. 1. & in Apolog. monito. 24. 27. & quidem nimis acriter (ait Barbosa) Auctor hujus sententiae Archidiaconus. Plures refert Theologos Azor, quos sequitur Paulus Comitulus resp. mor. l. 1. q. 70. & 71. & (speculativè loquendo) P. Tanner hic q. 6. dist. 8. n. 215. Malè tamen pro ea citatur à Card. de Lugo Layman l. 4. tr. 2. c. 3. n. 3. Nam Layman ibi disertè asserit, Beneficiatos omnino superfluatorum dominium comparare. Asserit quidem ibi Layman, teneri Beneficiatos ex Iustitia expendere superflua in pios usus; sed hinc non sequitur eum negasse esse Dominos, sunt enim hæc quæstiones diversæ, ut notavit ipse Layman ex Paludano, Navarro, Martilio, Molina, & advertit etiam Palao de Charitate d. 2. p. 6. n. 4. & clarè patet in fideicommissò, ubi heres gravatus tenetur ex Iustitia fideicommissum alteri restituere, licet illi sit Dominus. Cæterum fateor in præsentia, re ipsa quæstiones hæc coincidere, quia si Clerici sint Domini, non est fundamentum dicendi, eos teneri ex Iustitia prout vult Layman, & ideo sententia Laymanni est utrunque singularis.

68. Secunda sententia affirmat fieri Dominos. Pro hac sententia asserit Martilius de Columna apud Barbosa quinquaginta quinque Canonistas, ac sexdecim Theologos, ultra quos plures refert ipse Barbosa lib. 3. Juris Eccles. cap. 17. n. 10. quos sequitur etiam Prosper Fagnanus in. 1. p. tertii Decret. de Pec. Cleric. c. si quis sanè. in quo Auctore oportet aliqua specialiter advertere. Dicit ergo imprimis, quòd, cum vix reperiantur, qui contrariæ sententiæ, hoc est, Iustitiæ illius normam custodiant, ut superflua pauperibus largiantur, etiam inter beneficiatos Religiosos, quòd, inquam, non expedit inducere NB. Clericis conscientiam, contra quam facturi sint, & gratis damnentur.

69. Deinde statim subjungit, tamen opinio Archidiaconi sit fortè communior, magis tendat ad charitatem, & tunc NB. omnino existat, quàm quæ hac eos obligatione solvit, hanc tamen dicit verior, quàm deinde ad longum propngnat, & consuetudinem illius tanquam validam commendat. Hanc doctrinam fateor me non posse conciliare cum ea, quàm hic ipse Auctor tradit in cap. Non ininitis (& à nobis est

refutatus in secundo libro Theologiæ (specul.) ubi docet, & evincere conatur, nunquam licere sequi opinionem etiam probabiliorem contrariam quæ tutior est. Si ergo tutior est sententia Archidiaconi, quomodo licet nunc sequi oppositam tanquam probabiliorem?

70. Est etiam hæc sententia jam communis apud Theologos, quorum antesignanus est S. Thomas. 2. 2. q. 185. a. 7. in C. & quodlib. 6. a. 12. qui testatur, huic sententiæ favere consuetudinem. Sicur, & Covarruvias in cap. cum in officiis de testam. n. 3. asserens hanc sententiam esse nostris temporibus admittendam ex totius Christiani orbis consuetudine, cui, si corruptela existeret (ut putant adversarii) iretur obviam per Summos Pontifices; tenetur enim Princeps prohibere, quæ sunt contra Iustitiam, & ne pauperes, Christi membra, tam grave detrimentum in rebus suis accipiant, providere. Et hæc quidem deberet cuiusvis esse Iustitiosissima hujus sententiæ probatio. Nihilominus

71. Probatur Conclusio efficaciè auctoritate Concilii Trid. Nam imprimis sess. 23. c. 1. de reform. sic habet. Si quis autem contra hujus decreti dispositionem abfuerit, statui Sacrosancta Synodus præter alias pœnas adversus non residentes, & eum pro rata temporis absentie fructus suos non facere, nec tutà conscientia, alià etiam declaratione non secutà, illos sibi detinere posse, sed teneri, aut ipso cessante per Superiorem Ecclesiasticum illos fabricæ Ecclesiarum, aut pauperibus loci erogare. Item sess. 24. c. 12. de Reform. ita habet. [Provisi etiam de beneficiis quibuscunque curam animarum habentibus, teneantur à die adeptæ possessionis ad minus intra duos menses in manibus ipsius Episcopi, vel eo impedito, coram Generali ejus Vicario seu Officiali orthodoxæ suæ fidei publicè facere professionem, & in Romanæ Ecclesiæ obedientia se permansuros spondeant, ac jurent. Provisi autem de Canonicatibus, & dignitatibus in Ecclesiis Cathedralibus non solum coram Episcopo seu ejus Officiali, sed etiam in Capitulo idem facere teneantur: alioquin prædicti omnes provisi ut suprà, fructus non faciant suos, nec illis Possessio suffragetur.] Item absentes ultra tres menses jubet privari fructibus, quos lucrati fuissent. Ex his subsimur hoc modo. Atqui lucrari fructus, eosque facere suos, idem omnino est, ac acquirere dominium: ergo qui in præcedentibus non delinquant, faciunt fructus suos, eos lucrantur, & acquirunt eorum dominium. Minor quamvis ex terminis clara sit, confirmatur tamen ex cap. unico de cleric. non residentibus. in 6. ubi Bonifacius VIII. sic loquitur. [Statuimus, ut distributiones ipsæ quotidianæ, in quibuscunque rebus consistant, Canonicis, ac aliis Beneficiatis, & Clericis Ecclesiarum ipsarum, qui eisdem Officiis in ipsis Ecclesiis adfuerint, tribuantur, &c. Qui verò aliter de distributionibus ipsis quidquam receperit (exceptis il-



lis quos infirmitas, seu iusta, & rationabilis corporis necessitas, aut evidens Ecclesiæ utilitas excusaret) rerum sic receptarum dominium non acquirit, nec faciat eas suas; imò ad omnium restitutionem, quæ contra huiusmodi nostram Constitutionem receperit, teneatur. ] Ex quo recte apparet, quòd in sermone canonico idem sint *facere suum, & fieri dominum*. Utitur multi hoc textu ad probandam Conclusionem, sed non satis efficaciter; nam Adversariorum multi facerent, distributiones huiusmodi pertinere ad bona quasi patrimonialia, quia sunt quasi merces, aut præmium præsentia. Efficacior textus habetur in Const. Julii III. *Cum sit aut: ibi. Fructus occasione Ecclesiarum, Monasteriorum, & Beneficiorum Ecclesiasticorum pro tempore provenientes, licet postquam ad manus Beneficiorum pervenerunt, & cum aliis ipsorum Beneficiorum fructibus commixti sunt, non ulterius in Ecclesiasticis, sed potius ipsorum Beneficiorum propriis, & ab eis acquisitis bonis iudicari, & propterea quodammodo pro secularibus, & profanis haberi consueverint, nihilominus quamdiu Beneficiati illos non exegerint, verò Ecclesiasticos esse, & censeri debere.*

72. Probatur denique Conclusio ab absurdo jam superius indicato. Cum enim evidens sit, consuetudine prædicari passim hanc sententiam, si ea falsa esset, deberent infinitæ donationes contradiusque facti in causas profanas rescindi à superioribus, & hi ad hoc tenerentur in conscientia, ex munere suo, peccarentque non rescindendo, sicut peccaret tutor non rescindens contractum factum à pupillo in suum præjudicium: atqui talis rescissio nunquam facta, vel audita est neque huius prætextu à quoquam cuiquam lis unquam intentata fuit: ergo cogitandum est, quòd huiusmodi dispositiones sint validæ, & per ipsam taciturnitatem superiorum validentur. Pro solutione argumentorum

73. Notandum est, pro temporum diversitate diversam horum bonorum distributionem observatam in Ecclesia fuisse. Principio quidem nascentis Ecclesiæ Christiani Evangelicam perfectionem imitantes, omni se dominio abdicarunt, & rerum venditarum pretium ad Apostolorum pedes ponebant, ut singulorum fidelium necessitates subvenirent. *Actuum 4.* Postmodum, cum numerus fidelium cresceret in immensum, ut commodè nec in communi vivere, nec ad victum, & vestitum singulis necessaria suppeditari possent, Laici Christiani cœperunt bona propria ex commissione retinere, Clerici verò adhuc communem vitam agebant, nihil proprium habentes in particulari, prædicia tamen à fidelibus donata, vel aliàs quæstua materialibus Ecclesiis tradebantur, quibus Episcopi præfidebant, ut ex illorum redditibus, decimis, & oblationibus, aliisque Eleemosynis Clerici com-

mune vitam ducentes sustentarentur. Ità habetur *cap. Videntes. ca. 12. q. 1.* Post hæc tempora Clerici agere serebant carere rebus propriis: & ideo fuit eis approbative permissum, ut parentum patrimonialia, & bona aliunde quæstia habere possent, ità tamen ut proprium habentes nihil caperent de bonis deputatis ad pauperum & Laicorum sustentationem. Ità habetur *cap. 19. ca. 12. q. 1. Episcopi de rebus propriis vel acquisitis, vel quid quid de proprio habent, hæredibus suis, si voluerint relinquunt. Quidquid verò de provisione sua Ecclesiæ fuerit, sive de agris, sive de fructibus, sive de oblationibus, omnia in Iure Ecclesiæ reservare censuimus.* Tandem posteriore tempore Parochia sunt divisæ, singulaque singulis Præbiteris Ecclesiæ assignatæ, & Ecclesiarum bona quoad rectius in quatuor partes sunt distributa, quarum una Episcopo, altera Parocho, tertia fabricæ, quarta hospitibus peregrinis & pauperibus assignata. *can. vobis. ca. 12. q. 2.* & pluribus aliis. Porro hæc divisio facta à Simplicio Papa, qui sedit anno 471. non fuit satis constanter observata, unde factum, ut pars pauperibus designata (teste Palao) in nulla ferè Ecclesia reperiretur intacta, & hodiè ne sciat, quorūm ea deveniret, utrum confusa fuerit cum portione Episcopi, aut Cleri, vel, an inde beneficia erecta, vel an ad Saculares Principes pervenerit, &c. Denique varia adhuc Beneficia, & Parochiæ erectæ fundatæque sunt, & beneficiarii certi redditus assignati. His præmissis ad argumenta respondemus.

74. Obijciuntur imprimis innumera locutiones PP. & Conciliorum, quibus dicunt, bona superflua esse pauperum, & si in usus profanos expendantur, committi furtum & sacrilegium: ergo supponunt esse contra Iustitiam, & Clericos non esse Dominos sed tantum Administratores. Ad hæc omnia solet uno verbo responderi, vel in illis omnibus esse sermonem de superfluis bonis ante factam divisionem, vel si loquuntur de posterioribus temporibus, loqui PP. per quandam exaggerationem, sicut etiam Laicos, de quorum dominio nemo dubitat, vocant pauperum homicidas, quando non dant elemosynam, ad quam tamen non tenentur ex Iustitia; vel denique loqui de bonis Ecclesiæ, quæ Clerici administrant, & quorum dominium est penes Ecclesiam, ut supra dictum est. Quòd autem aliqui dicunt, divisionem non potuisse mutare naturam illorum bonorum, adeoque etiam post divisionem servare eandem conditionem, ut *sunt ad causas pias eroganda* (ut quidam apud Barbosam arguantur) est planè frivolum, quasi verò hoc quod sit, esse pauperum, sit bonis ipsis intrinsecum, & essentialia, sequeretur sanè, quòd post elargitionem pauperibus factam adhuc retinerent hanc conditionem, ut non possint, nisi ad causas pias etiam ab ipsis pauperibus expendi, quo nihil dici potest absurdius. Itaque fideles offerentes sua Ecclesiis, nec voluerunt, nec

nec potuerunt velle ligare potestatem Pontificis, supremi administratoris, quod minus posset talem distributionem facere, ut bona Clericis distributa illis appropriarentur, eod quod temporum ratio, & personarum conditio ita exigeret: sufficiebatque, ut maneret obligatio non ex Iustitia, sed ex Charitate (ut semper loquitur S. Thomas) quin etiam ex Religione (ut volunt Theologi infra referendi) illa superflua ad pios usus expendendi.

75. Præterea illud etiam hîc notandum est, ipsis adversariis esse explicandos PP. Nam adversarii fatentur, & docent, quod Beneficiarius habens bona patrimonialia quæ ipsi abunde sufficerent ad sustentationem, possit tamen illis intaccis, & ad alios usus aut dispositionem, v. g. testamentariam reservatis, vivere de fructibus beneficii, aut aliis bonis Ecclesiæ, ipsi pro congrua sustentatione designatis. Respondent ergo ipsi imprimis S. Hieronymo ad Damasum Papam sic scribenti. [Clericos autem illos convenit Ecclesiæ stipendiis sustentari, quibus parentum, & propinquorum nulla suffragantur bona. Qui autem bonis parentum, aut suis sustentari possunt, si quod pauperum est accipiunt, sacrilegium profecto committunt, & per abusum talium Iudicium sibi manducant, & bibunt.] c. Clericos. ca. 1. q. 2. Respondent S. Prospero. [Nec illi qui sua possidentes, dari sibi aliquid volunt, sine grandi peccato suo, unde pauper victurus erat, accipiunt, ita possessores non alimenta quibus abundant, sed aliena peccata suscipiunt.] c. si quis. c. pastor. ca. 1. q. 2. Respondent S. Augustino ad Bonifacium Comitem scribenti. [Si privatum possidemus, quod nobis sufficiat, non illa nostra sunt, sed pauperum quorum procuracionem quodammodo gerimus, non proprietatem nobis usurpatione damnabili vindicamus.] c. fin. c. 12. q. 1. Ad hæc, & plura huiusmodi etiam adversarii respondendum esse, nemo non videt. Nam est indubitata hodie sententia, posse Clericos habentes patrimonium etiam locuples, impetrare beneficia, & vivere de proventibus Ecclesiæ, juxta conditionem & dignitatem, & patrimonium cum fructibus servare quibus volunt. Ità Innocentius in c. Episcopus. n. 1. de præbendis. ibi. [Non credimus, inquit, quod qui habet beneficium, vivere debeat de patrimonio, sed de altari.] Hostiensis idem docet, & Felinus docet esse communem. & quid plura? Navarrus, acerrimus alioquin adversarius, in hoc censent de redditibus Ecclesiæ. n. 78. addens idem esse iudicium de bonis industriæ quæstis.

76. Rationem autem huius sententiæ exhibent sacre paginæ. Decet enim, ut qui altari servit, de altari vivat, cum nemo militet stipendiis suis. 1. Corinth. 5. Dignus est operarius mercede sua. 1. ad Timoth. 5. Non alligabis os bovi trituranti. Deutr. 25. Accedunt Canones clarissimi,

c. Charitatem. ca. 12. q. 2. ibi. in fine. Iustum namque est, ut illi consequantur stipendium, qui pro tempore suo commodare reperiuntur obsequium: c. Ecclesiasticis ibid. Ecclesiasticis utilitatibus defudantes, Ecclesiasticè dignum est remuneratione gaudere. c. Clerici. c. 1. q. 2. Clerici omnes, qui Ecclesiæ fideliter, vigilantique deservunt, stipendia sanctis laboribus debita secundum servitii sui meritum per ordinationem canonum à Sacerdotibus consequantur. Concilium Agathense c. 18. ut refertur in cap. Episcopi. ca. 12. q. 1. sic statuit. [Episcopi de rebus propriis vel quidquid de proprio habent, hæredibus suis, si voluerint, derelinquant. quidquid verò de provisione suæ Ecclesiæ fuerit, sive de agris, sive de fructibus, sive de oblationibus, omnia in jure Ecclesiæ reservare censuimus.] Omitto plures alios canones id ipsum apertissimè statuentes, qui videri possunt apud Prosperum Fagnanum. l. c. à n. 8.

77. Quid ergo ad relatas ex Patribus censuras dicendum? Omnis variis solutionibus, quæ non videntur quadrare verbis, imprimis aliqui Patres videntur clarè loqui de illa portione quæ pauperibus est assignata. quam Clerici aliunde abundantes sic accipiant, & Pauperes destituantur necessario subsidio, sibi destinato per suprâ dictam divisionem & provisionem, graviter peccant: quod est intelligendum de illo tempore, quo huiusmodi distributio vigeat, & de portione pauperum constabat. Colligitur hæc responsio ex illis verbis: Si quod pauperum est.

Secunda responsio est aliorum, quod Patres sint intelligendi de casu extremæ necessitatis pauperum, vel etiam gravis necessitatis, cum enim in tali casu deberent maxime Clerici misereri pauperum, & etiam ex proprio patrimonio subvenire, quomodo excusari poterunt, si ut parcant proprio patrimonio, accipiant stipendia ab Ecclesiâ, quibus alioquin pauperibus subveniri posset. Hæc est mens S. Thomæ. 22. q. 185. a. 6. ubi ad auctoritatem S. Hieronymi respondet, non omnia bona clericorum esse pauperibus eroganda, nisi forsitan in articulo necessitatis, in qua etiam pro redemptione captivorum & aliis necessitatibus pauperum, vasa cultui divino dicata distrahunt. Certè in tali casu illa bona evadunt communia in favorem pauperum, adeoque his præ aliis sunt elargienda.

78. Tertia & valde probabilis responsio est, Patres loqui de illis Clericis, qui beneficia ambiunt & possident, (cum aliunde vivere possent) ex mala intentione, nempe discedendi, vel consanguineos dandi, nullo alio fine spectato, quam ut lautè, delicatè, pomposè, & basilicè vivere possint, in quem finem accumulanti bona Ecclesiæ, & nullis redditibus satiantur, & sæpè beneficia beneficiis adiciunt, & nescio sub quibus prætextibus impetrant, non solum cum scandalo, sed etiam ingenti præiudicio aliorum pauperum clericorum, & cum detrimento

incredibili divini cultus & servitii. quod utinam non contingat nostris temporibus! Hæc est mens Hugonis in *c. illi autem. ca. 12. q. 1.* dicentis. [Intentio clericorum potest esse mala, si accipiant bona Ecclesiæ eâ intentione, ut possessiones magnas sibi & consanguineis suis emant, divitias cumulent & similia: tunc cum pessima sit illorum intentio, peccant mortaliter sic accipiendo, & suis & Ecclesiasticis sic utendo, imò abutendo: si verò accipiant, ut suis honestis usibus provideant, & pauperibus tempore necessitatis subveniant, optima est eorum intentio, & tunc sine peccato possident sua, & percipiunt Ecclesiastica sibi assignata.]

79. Obijciunt 2. Factâ divisione bonorum pars pauperibus deputata evanuit lapsu temporis, ac probabiliter fuit confusa cum parte Episcoporum & Clericorum: ergo dominium illius partis adhuc manet penes pauperes. Hoc argumentum pluribus peccat. Antecedens est mera divinatio & conjectura. quidli enim ex illa parte fuissent nova beneficia erecta, cum appareret, pauperibus aliunde à fidelibus esse prospectum? quidli templa ædificata, hospitalia, seminaria erecta? Deinde argumentum peccat in consequentia: nam ex antecedente ad summum inferri posset, solam illam partem, quæ ad pauperes spectat, esse pauperibus elargiendam, non verò cætera: quis enim credat, totam superfluitatem redditum supra congruam sustentationem, provenisse ex illa portione pauperibus assignata? Sed neque hoc probat argumentum, etiam dato antecedente. potuit enim Summus Pontifex ex gravibus causis illam partem pauperum Clericis velle accrescere, videns non deesse pauperibus aliunde subsidium, ut sic personæ magis illustres & idoneæ ad Clericatum alliceerentur.

80. Obijciunt 3. Clerici jure communi prohibentur testari de redditibus Ecclesiasticis, ut Tractatu 6. dicitur, ergo signum est, quòd non sint eorum domini. Nego consequentiam. plures enim sunt intestabiles, qui tamen sunt domini, ut inpuerbes, filiosam. Prohibentur autem Clerici de superfluo testari non tantum ad causas profanas, sed etiam ad causas pias (excepta modicâ quantitate rerum mobilium *c. relatum de testam.*) ex hac justissima causa, ut hac ratione clerici prioriores essent in opera pia, & elemosinas faciendas inter vivos. Quod si illorum bonorum superfluum domini non essent, ne quidem consuetudine potuissent introduci, ut de illis bonis testari possent; nemo enim potest de rebus alienis testari, & tamen hæc consuetudo invaluit in Germania, Hispania, & alibi.

81. QUÆRES. An Clerici non solum validè, sed etiam licitè possint redditus superfluos ad usus profanos expendere. Hæc quæstio non huc, sed ad tr. de Religione vel Chari-

tate spectat. Breviter tamen respondetur ex communi Theologorum negativè. Et quidem ad minus jure humano id esse prohibitum, probari solet ex Trid. sess. 25. c. 5. de Reform. ubi hæc habentur. [Sancta Synodus omnino interdicit Episcopis, ne ex redditibus Ecclesiæ consanguineos familiarsve suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed si pauperes sint, iis ut pauperibus distribuant.] Et paulò post. [Quæ verò de Episcopis dicta sunt, eadem non solum in quibuscunque, beneficiis Ecclesiastica tam secularia quam regularia obtinentibus, pro gradibus suis conditione observari, sed & ad Sacræ Romanæ Ecclesiæ Cardinales pertinere decernit.] Quæ verba etsi in rigore possent intelligi de illis bonis Ecclesiæ, quorum Episcopi & alii Clerici tantum habent administrationem, si tamen consensus DD. imò & eorum qui Concilio interfuerunt, spectetur, etiam de beneficiis redditibus accipienda sunt.

82. Dixi: *Saltem jure humano esse veritum.* Est enim controversum, an etiam jure naturalitè sit illicitum, ut nec Pontifex possit licitam reddere hujusmodi dispositionem ad res profanas. Communis sententia affirmat esse obligationem naturalem, contra quam proinde nulla præscriptio vel consuetudo possit prævalere.

Negativam tamen docuit Sorus lib. 10. de *Justitia q. 4. a. 3.* Lessius l. 2. c. 4. dub. 6. n. 47. & alii apud Sanchez lib. 2. Conflic. c. 2. dub. 40. Hanc sententiam, si rectè intelligatur, censere esse veram. Et quidem quod me maximè movet, est, quia alioquin nullâ consuetudine potuissent induci facultas testandj ad causas profanas de his bonis, quam tamen consuetudinem esse, negare non possumus, scientibus & non improbantibus Superioribus Ecclesiasticis, prout fuscè profequitur Aug. Barb. lib. 3. Jur. Eccles. c. 17. & seq. contra Molin. Deinde nullo solido fundamento probatur hæc obligatio naturalis in eo sensu, quo videtur à suis Auctoribus asseri.

83. Cardinalis de Lugo conatur subtiliter eruere hanc obligationem ex illis verbis Concilii Tridentini paulò antè recitatis. *Quia res Dei sunt.* Sunt autem res Dei, non quasi dominium sit penes solum Deum, sed quatenus fideles illi bona donaverunt Ecclesiæ quasi personam Dei in terris gerenti, volendo his obligationibus honorare Deum, desiderantes, ut Ecclesiæ de illis bonis non aliter disponat, quàm ad cultum Dei, & prout decet disponi de peculio Christi, perinde ut ex iustitia deberet disponere, si non esset Domina, sed tantum Administratrix illius peculii Christi. Hæc suâ intentione fideles non quidem obligabant Ecclesiæ ex iustitia, sed tamen reddebant illas oblationes sanctas, & sacras, unde postmodum resultabat ex ipsa lege naturali indecentia in disponendo de talibus bonis ad usus profanos.

84. Por-

84. Porre sicut Ecclesia primò statim ante illorum bonorum divisionem habebat obligationem hanc non expendi nisi ad usus pios, licet bonorum domina esset, ita postmodum cum eodem onere transiit in alios Officiales, Episcopos, & Clericos, quibus noluit dare sicut dantur pauperibus; his enim ita dantur, ut illa datio sit ultimata executio voluntatis divinæ, & donantium, adeoque pauperes non obligantur iterum expendere ad usus pios, sed voluit Clericis dare ut personis idoneis, & cooperatoribus, vel instrumentis in ponenda ultima executione.

Hic est discursus Cardin. de Lugo: in quo, ut patet, ipsemet supponit, & est res per se clara, hanc denominationem: *esse res Dei. esse in patrimonio Christi, &c.* esse denominationem extrinsecam, separabilem ab illis rebus, sicut Consecratio potest à Calice separari pro profanationem. Hoc supposito, discursus factus probat quidem, res illas tamdiu esse voluntate Ecclesiæ manentes Dei, tamdiu esse obligationem naturalem eas non profanandi auctoritate privatâ Clericorum: Cum hoc tamen stare potest, quòd Ecclesia posset eas res suâ auctoritate profanare, tradendo Clericis absque obligatione iterum expendendi ad causas pias, sicut profanat illa, quæ dat pauperibus, cantoribus, presentibus in Choro, &c. Hinc jam potest salvari (si tamen expedit eam salvari, de quo alii judicant) consuetudo testandi ad causas profanas; dum enim Ecclesia hanc consuetudinem tolerat, tacite videtur insinuaré, se statum sacrum illarum rerum, hoc est reddituum, velle solum durare usque ad tempus mortis, tunc autem desinere esse res Dei.

85. Confirmo hunc meum discursum ex Constitutione Pauli. V. editâ 8. April. 1606. quæ incipit. *In eminenti.* In hac ergo Constitutione (quam nimis longum esset de verbo ad verbum referre) imprimis tribuit omnimodam facultatem incolis & civibus vrbis Romæ, qui in ea vel ejus districtu infra decem milliaria, non tamen extra debitam Recidentiam decesserint, liberè & licitè, pro libito voluntatis disponendi de omnibus suis bonis, etiam provenientibus ex quibuscunque fructibus, redditibus, proventibus, lurtibus, obventionibus, & emolumentis Ecclesiasticis, etiam decimalibus Ecclesiarum, & beneficiorum, quomodolibet qualificatorum, quæ in titulum vel commendam, aut administrationem, vel aliâ quomodolibet, etiam ex dispensationibus Apostolicis obtinent, seu autè obtinuerint, vel imposterum obtinebunt, cujuscunque qualitatis, quantitatis & valoris existant, per eos acquisitis vel acquirendis in eadem urbe & illius districtu, infra decem milliaria consistentibus, tam inter vivos, quàm NB. in ultima voluntate in favorem consanguineorum & affinium suorum, & quarumvis aliarum personarum, etiam penitus extranearum. Insuper decrevit, ut ipsæ decedentibus ab intestato, eorum bona ex

bonis & redditibus Ecclesiasticis supradictis provenientia per eos acquisita, ad eorum hæredes ab intestato venientes liberè deveniant. Idem prius statuerat Julius III. in Confl. quæ incipit. *Carpentes, ut alma Vrbis nostra.* edita 6. Id. Maji 1549. Sicut ergo hoc fieri potest ab his ex speciali indulto, potest per consuetudinem fieri in aliis. Sed de hoc iterum Tractat. 6.

Placet nunc breviter expedite dubia quædam faciliora circa præsentem materiam. Itaque

86. DUBITATUR 1. An quæ Clerici acquirunt tanquam Distributiones pro Præsentia, item quæ ratione Capellanæ, ac denique Pensiones, acquirant cum obligatione expendendi superflua in usus pios. Affirmant de distributionibus Navarrus, Molina, & alii. Probabilius tamen alii negant: quia potius videntur numerandæ inter bona quasi patrimonialia, cum dentur ab Ecclesia ut stipendium & merces illius laboris & assistentiæ, sicut etiam datur Cantoribus, Grammaticis, &c. quatum distributionum finis est, fovere studium assistendi in Choro.

87. Quod Capellanus iterum affirmat Navarrus, Sylvestre, quos sequitur Azor. Sed rectius hanc obligationem alii negant, voluntque Capellanas non solum amovibiles, seu non collativas, sed etiam collativas seu inamovibiles, esse eximias ab illo onere expendendi in usus pios, haberique pro bonis quasi patrimonialibus. Ratio est, quia licet computentur inter beneficia Ecclesiastica, propter stabilitatem suam, & ideo talis Capellanus inamovibilis teneatur ad Horas Canonicas, nihilominus censentur ex intentione Fundatoris conferri instar Stipendiorum Misse, sicut Capellanæ amovibiles.

88. Quoad Pensiones, quamvis aliqui ut Palao & Molina, atque etiam Barbosa l. c. n. 33. in fine, distinguant inter illas quæ dantur titulo seculari, & quæ titulo spirituali, probabilius tamen universim de omnibus dicendum est, accedere bonis quasi patrimonialibus, quia extractio illa bonorum ex fructibus beneficii, requirit causam piam, & ideo jam per illam ultimatè satisfactum est obligationi expendendi illa bona in usus pios.

89. DUBITATUR 2. Quinam veniant nomine pauperum, quibus si Clerici largiantur sua superflua, satisfaciunt obligationi prædictæ. R. Venire quamcunque causam piam, ut ex omnium sententia tradit Fagnanus. Loquendo autem magis in specie de personis. R. Venire non solum illos, qui non habent necessaria ad naturæ conservationem, sed etiam, qui non habent necessaria ad suum statum conservandum, quales hoc tempore sunt quandoque etiam Illustres Personæ.

90. DUBITATUR 3. An bona superflua possint largiri etiam illis, qui non sunt membra illius Ecclesiæ, unde tales redditus proveniunt. R. Per se loquendo, affirmativè.



In gravi tamen necessitate membrorum propriæ Ecclesiæ, his præ extraneis succurrendū est. Ad hoc enim ipsa Ecclesia obligabatur priusquam beneficiariis illa conferret: ergo cum eodem onere transfert in beneficiarios tanquam suos Officiales, ut dictum est.

91. DUBITATUR. 4. Quænam quantitas bonorum sit mortalis, si expendatur in usus profanos. Diana p. 5. tract. de Elemosyna. Resol. 27. securus Petrum Hurtadum, universaliter dicit, quemlibet Ecclesiasticum etiam dirissimum, satisfacere suæ obligationi, si seclusus necessitatibus gravibus, erogat in communibus necessitatibus quartam partem reddituum Ecclesiasticorum, vel certè dimidium illius, quod remanet post congruam sustentationem: citant pro se Sorum lib. 10. de Iust. q. 4. a. 4. V. *quantvis documentum*. Toletum lib. de septem peccatis mortalib. c. 38. Tabienam & Molinam 10. 1. disp. 146. v. *Contrarium majore*. Lorcam disp. 40. de Charitate. n. 43. Bannez a. 6. dub. ult. v. *ex dictis omnibus*. Si Hurtadus & Diana solum velint, quod sufficiat talem summam actu expendere in causas pias, reliqua superflua reservando in aliud tempus & alias occasiones, quibus possent occurrere necessitates necdum prævisæ, vel occasiones ædificandi, aut fundandi hospitalia, aut nova beneficia erigendi, ita ut necdum concluderit Beneficiarius, qualiter tandem velit ea expendere, tunc nullam meretur hæc sententia reprehensionem. Nam licet Navarrus & quidam alii velint, statim esse expendenda superflua in usus pios, invehanturque graviter in thesaurizantes, alii tamen cum D. Thoma docent, quando non est necessitas, licitum esse ex dictis redditibus emere possessiones, vel colligere thesaurum pro futuris necessitatibus, modo id fiat sincera intentione, & non sit prætextus palliandæ avaritiæ, nec sit periculum repentinae mortis, post quam ab amicis diripiat thesaurus. Si verò illi auctores velint (ut videntur velle) quod reliqua possint licite impendi in usus profanos, est sententia nimis laxa, meritoque reprehensa à Card. de Lugo, qui etiam observat, malè pro ea adduci auctores nominatos. Nam imprimis Toletus cum Tabiena solum dicit, quod licet beneficiarius sit dispensator horum bonorum, possit tamen nomine Ecclesiæ suis consanguineis aliquid donate si indigeant, & maritare nepres, habita ratione conditionis sui status: & hoc nemo negat. Molina verò loco allegato nec illud divit, nec dicere poterat, cum disp. 144. contrarium docuerit. Bannez denique solum dixit, se non absoluturum Episcopum Hispaniæ, nisi saltem quartam partem redditum in elemosynas expendisset in communibus necessitatibus, quia in Episcopis Hispaniæ putavit illam quartam partem ad minus esse superfluum congruæ sustentationi. nunquam autem dixit, quod si longè plus superflui, possit ad usus profanos expendere. Eadem videtur esse mens Lorcæ

& Soci. Ad dubium ergo. 2. Quantitatem illam non esse mensurandam illà Regulà Theologicà, quæ solet tradi de quantitate mortali furti. Non enim obligatur beneficiatus ex iustitia. P. Coninck quidem, Molina & Palao, satis laxam Regulam assignant, scilicet quartam vel quintam partem omnium reddituum fore inortalem, si expendatur in usus profanos, non tamen infra. Unde sequitur, quod Archidiaconus Toletanus, qui habet annuos redditus Triginta millia aureorum, posset absque peccato mortali expendere in usus profanos, ultra quinque millia. Magis placet Regula Card. de Lugo, nempe vigesimam partem bonorum superfluum, si hæc excedant summam. 100. fl. Nam quinque floreni respectu tantæ summæ censetur parva quantitas, & qui cætera omnia in usus pios expendere, aut referret, censetur moraliter sua superflua expendisse in usus pios.

92. DUBITATUR 5. An beneficiatus, qui post beneficium sibi collatum de suis bonis patrimonialibus pro sua sustentatione vel ad causas pias expendit, possit postmodum illam summam sibi restituere & compensare ex suis redditibus Ecclesiasticis, etiamsi dum expendere, non habuerit animum reservandi ex redditibus. 2. Affirmativè. Nam ut traditur in materia de Legibus, communiter & regulariter præcepto fatistis, etiamsi non addit memoria præcepti, modò ponatur opus quod præcipitur. Atqui in casu nostro talis Clericus jam expendit in sui sustentationem de bonis Ecclesiasticis, si postea resarciat, quod antè Iure expendere potuisset. Ergo, &c.

Sed quid habuisset positivum animum non resarciendi? In hoc casu plures, quos sequitur Palao, negant posse postea resarcire, sed melius & consequentiis affirmat Lugo: nam præcepto etiam tunc fatistis, quando ponitur opus præceptum, etiamsi adit intentio non satisfaciendi præcepto per illud opus.

93. DUBITATUR 6. Si Beneficiarius habeat accidentales dotes, & qualitates, quibus alios excedit, ut nobilitatem sanguinis, præstantiam doctrinæ, &c. An sicut ratione harum qualitarum ducit statum dignum sumptuose sustentatione, ita ex bonis Ecclesiasticis possit facere illum excessum sustentationis. 2. Posse quidem aliquantè plus in sui sustentationem convertere, quam alius carens huiusmodi qualitatibus, non tamen totum illum excessum, si habeat ex patrimonialibus, unde convenienter cum splendore majore sese sustentare possit. Si tamen ex his non habet, potest ex redditibus beneficii pro sustentatione accipere, quantum requirit nobilitas status, & conditionis.

94. Responso habet tres partes. Prima probatur. Nam ex dignitate huiusmodi personarum, sunt etiam ejus obsequia præstantiora: quia est Ecclesiæ valde honorificum, quod ei ab  
ejusmo-

eiusmodi nobilibus personis serviat: ergo ratione huius majoris honoris sunt præstatiota obsequia: ergo hoc majus pretium potest Ecclesia compensare. Secunda pars etiam probatur. Quia nec decet, nec expedit Ecclesiæ, imò perniciosum esset, alere eiusmodi Nobiles Ministros, qui pretextu Nobilitatis vellent expensis Ecclesiæ uti, ut suis parcerent: quia nobilitatis excessus non reddit tam excessivè pretiosius obsequium; hoc est, non est proportio inter excessum sumptuum à tali persona faciendorum, suprà communes sumptus faciendos ab alio Beneficiatio non ità nobili, & inter excessum honoris, qui accedit Ecclesiæ ex obsequio talis personæ suprà honorem accedentem ex alio Beneficiatio non ità Nobili. Probatur denique tertia pars: Ecclesia potest sua bona expendere in usus pios: atqui pium est sustentari indigentes, quales sunt omnes illi, qui non habent statui vii necessaria, ut sup. dictum est. Et ex hoc fundamento dispensatur in pluralitate beneficiorum incompatibilium.

95. DUBITATUR 7. Si Beneficiarius exhibeat Ecclesiæ opera superogationis, ad quæ ratione officii non obligatur, an inquam pro illo obsequio possit ex redditibus aliquid amplius suo patrimonio adhibere. R. Affirmativè. cum enim sit Dominus simul, & dispensator superfluatorum, potest pro similibus operibus tam sibi quàm aliis erogare.

96. DUBITATUR 8. An si Beneficiarius parcius vivit, quàm tenebatur, possit ex redditibus Ecclesiasticis tantum quantum compar sit, expendere in usus profanos. R. Affirmativè, quia jam censentur transire in bona patrimonialia.

97. DUBITATUR 9. & difficilior, utrum Beneficiarius possit ad piam causam alienare fructus, seu redditus sui beneficii ad plures annos, v. g. ad vitam concedentis, vel accipientis. Casus sit iste. Clericus vult dotare sororem pauperem: non potest autem competentem dotem totam simul numerare Marito, dat illi facultatem capiendi decimas ex certo prædio tamdiu quamdiu Beneficiatus, & soror in vivis essent, alterutro tamen defuncto Ius illud cessaret. Videtur indubitè affirmandum: causa enim est pia, & Clericus est reddituum Dominus, & communiter Theologi concedunt, posse Clericum dare moderatam dotem filiae etià spurge, si indigeat. Accedit, quòd Clericis liberum sit alienare fructus suorum beneficiorum ad vitam alienantis c. de cetero. & c. veniens. 8. de transactionibus, vel saltè ad septennium c. fin. ne Prælati vices suas sub anno censu concedant. Neque hoc est contra Extravag. Ambrosiæ, quæ licet prohibeat alienationem, vel locationem ad triennium bonorum immobilium, non tamen prohibet alienationem fructuum talium bonorum: undè tempore illius extravag. liberum e-

rat Beneficiarius redditus locare ultra triennium, & etiam alienare saltè ad modicum tempus. Clem. 1. de Rebus Eccles. non alienand.

98. In contrarium tamen videtur urgeri posse ex cap. 3. de arbitris, ubi similis casus habetur. Nam cum quidam G. duxisset forem alicujus Clerici, qui fidei interpositione promissit dare loco dotis annuatim quinque solidos: ortà postmodum controversiâ compromiserunt in arbitros, qui arbitrati sunt, quòd Maritus sororis Decimas, quas in Paræcia habebat ille Clericus, pro quinque solidis taxatis perciperet annuatim. Unde, inquit Alexander III. [Quoniam huiusmodi arbitrium Ecclesiæ posset imposterum perniciosum existere, mandamus, quatenus si ità inveneris, prænominatum G. diligenter commoneas, & Ecclesiasticâ districtione compellas, ut prælibatas decimas liberas omnino dimittat, nec sibi occasione huiusmodi aliquid ulterius vindicare præsumat. Clericum verò moneas, ut cum eodem G. amicabiliter studeat convenire.] Hæc tamen optimè meo iudicio, præ aliis conciliat August. Barbosa. L. c. n. 40. dicens in cit. cap. idè damnari arbitrium, quia poterat deinceps existere perniciosum Ecclesiæ, v. g. si post mortem Clerici Maritus, aut soror contendissent retinere Decimas, vexando Ecclesiam litibus, & impensis: indicatur hoc illis verbis. Quoniam huiusmodi arbitrium Ecclesiæ posset imposterum perniciosum existere. Præsertim cum arbitrium fuerit absque ulla temporis præfinitione absolute conceptum, adeoque in perpetuum arg. l. 1. ff. pro socio. v. ejus. in d. Clem. 1. adeoque alienationem continebat. dist. Clem. 1. ergo absque debitis solennitatibus, & evidenti utilitate valere non poterat. Itaque non ex alio capite improbat in cap. 3. arbitrium, quàm quia imposterum poterat Ecclesiæ esse perniciosum quatenus alienationem continere videtur.

99. Quod verò in ratione dubitandi dictum est, quasi liberum sit Beneficiarius alienare redditus suorum beneficiorum ad vitam sive alienantis sive percipientis, id falsum esse constat ex c. 2. & ult. Ne Prælati vices suas. Neque id probant allegata capitula c. de cetero. & c. veniens. de transactionibus, nam imprimis ibi sermo est de transactione ad vitam solummodo transigentium, absque ulla successorum præjudicio, adeoque non est vera alienatio absoluta, de qua Iura loquuntur, dum super prohibita alienati prohibent transactionem. L. si non solum C. de præditi minor. Deinde ibi agitur de Transactione, & compositione super re Dubia, & lite incerta, ut constat ex recepta Transactionis definitione: unde certè dici non potest, qualisnam ex transigentibus rem ad suam Ecclesiam spectantem alienet, cum sub iudice lis sit. Ità ferè Barbosa.

100. Ceterum etsi Beneficiarius non possit suos redditus alteri locare ad longum tempus, c. *vestra. de locato.* potest tamen locare ad triennium, ut conceditur in *Extrav. Ambitiose. de Reb. Eccles. non alien.* non tamen ultra, v. g. ad duo triennia cum adjecto pacto ut post primum incipiat secundum. Covart. lib. 2. var. c. 16. n. 4.

Illud dubitari posset, an ad multos annos v. g. ad totam vitam suam posset Beneficiarius se personaliter obligare, ad alteri permittendam fructuum perceptionem. Ratio dubitandi esse posset, quia videretur in effectu esse alienatio. Nihilominus dicendum cum Bonacina, Filliucio, Quaranta, Molina, Gutierrez, Barbosa, &c. hoc nullo iure prohibitum esse; neque tale pactum esse alienationem, quia inducit solam obligationem, & actionem personalem, non realem, ita ut alter iure proprio possit fructus percipere, quod solum improbat iura. Unde Rota decis. 181. dixit, quod Titulares bene possunt obligari ad annuum pensionem ex fructibus beneficiorum solvendam vitam suam durante.

Triennium ad quod locare licet, non est accipiendum materialiter, sed formaliter, seu utile, unde si uno alterove anno nihil, aut parum perciperetur, alii anni adijciendi essent, quibus tandem triplex fructuum collectio constaret, ut ijdem auctores tradunt.

101. Si locatio facta esset ultra triennium, volunt multi in totum vitari, eò quod Pontifex in *extrav.* dicat: *nullius omnino sit roboris, & momenti.* Alii volunt, valere ad triennium, eò quod utile per inutile non vitiatur, per Regulam Iuris in 6. & hæc quidem opinio prævalet, si intentio contrahentium talis fuit, ut vellent valere, quantum valere per leges posset: secus enim esset, si eorum intentio fuisset ad totum tempus alligata, ut aliter valere nollent, nisi longiore tempore posset valere.

102. DUBITATUR 10. Si Beneficiarius intra annum decedat, & beneficium alteri sit collatum, qualis sit faciendum fructuum divisio inter hæredes, & successorem in beneficio. Communior est sententia, fructus pendentes, aut necdum ab Antecessore collectos, aut exactos, pertinere ad successorem, separatos verò, & collectos pertinere ad hæredes, sicut suo loco de Usufructuario dictum est, *præced. tract. cap. de servitut.* Alii, quos sequitur Molina d. 635. n. 7. & Filliucius rr. 41. c. 6. q. 6. n. 44. putant fructus inter beneficiarii hæredes, & successorem esse dividendos, quod idem dicendum est de Beneficiario renuntiante intra annum, quia beneficium datum est propter officium, & servitium Ecclesie præstitum.

103. Verum anno 1550. emanavit Bulla Julii. III. incip. *Motu proprio*, quâ disponitur, fructus, ubi non spectant ad Cameram tanquam spolia, spectare ad successores, dummodo rea-

liter, & cum effectu necdum percepti fuerint ab antecessore, & aliis propriis bonis incorporati, quantumvis beneficiatus omni diligentia conatus sit illos, etiam judicialiter obtinere. Sed hæc Bulla non est ubique recepta; an in Germania recepta sit, mihi non constat, & usus consulendus est.

## CONTROVERSIA III.

*Quanam potestas alienandi competat  
Administratoribus bonorum  
Ecclesie.*

### SUMMARY.

**A**dministratores bonorum Ecclesie quomodo prohibeantur alienare bona Ecclesie. 104.

*Quanam sint iustæ causæ.* 105.

*Quid requiratur in Religione Societatis Jesu.* 106.

*Bulla Greg. XIII. eod.*

*Bulla Urbani VIII. 107.*

*Per accidens fieri potest, ut Solennitates non requirantur.* 108.

*Res immobilis exigua, & inutilis, vel longè distita, potest sine consensu Pontificis alienari.* 109.

*Inutiles, etsi non damnosæ, cum consensu majoris partis capituli.* 110.

*Pro pretio rerum damnosarum emenda bona utilia.* 111.

*Virgente necessitate, ut non sit recursus ad sedem Apostolicam, valet alienatio hæc non consultâ.* 112.

*Ex rationabili causâ debet Ecclesia cum Principe Patria commutare possessiones, nec tenetur, Princeps dare aliquid majoris valoris.* 113.

*Possunt bona duarum Ecclesiarum sub eodem Prelato existentium inter se commutari irrequisitâ Papæ licentiâ.* eod.

*Alienatio etiam latè dicta prohibetur.* 114.

*Quoad Feudum, & Emphyteusim intelligenda est prohibitio de illis de novo concedendis.* 115.

*An Emphyteusis possit concedi solum ad vitam accipiens, vel etiam pro hæredibus.* 116.

104. **D**ICENDUM 1. Administratores bonorum Ecclesie prohibentur immobilia & mobilia pretiosa quæ servando servari possunt, per se loquendo alienare, nisi ob iustâ causam, & interveniente solennitate requisitâ; quæ duo copulativè requiruntur. Ità habetur *Auth. de non alienand. aut permutandis reb. Eccles.* Quæ est Novella. 7. & *L. jubens & seqq. C. de SS. Eccles.* Quæ in iure Canonico confirmantur eodem tit. *de reb. Eccles. alien.* cui deinde accessit Extravagans communis incip. *Ambitiose.* ubi Paulus II. prohibet omnium bonorum Ecclesiasticorum immobilium & mobilium pretiosorum, quæ servari possunt, alienationem, omnique pactum per quod dominium transfertur, concessionem, hypo-

hypo-

hypothecam, locationem & conductionem ultra triennium, in feudationem & contractum Emphyteuticum, præterquam in calibus à iure concessis, & postea referendis.

105. Dixi 1. *Ob iustam causam*, cujusmodi enumerantur. 4. 1. Necessitas: ut si Ecclesia sit ære alieno gravata. 2. Major Ecclesiæ utilitas. 3. Pietas, ut pro redemptione captivorum, vel pauperum necessitate sublevanda. 4. Incommoditas rei, quam ideo expedit alienari, quia si fervetur, plus incommodi quàm commodi inde recipiat Ecclesia.

Dixi 2. *Et interveniente Sollemnitate requisitâ*, quæ in sequentibus constituit. Primò, ut præcedat Tractatus cum Capitulo, vel cum illis ad quos res alienanda pertinet, an expediat alienatio, & an adsit una ex requisitis causis. *C. sine distinctione. ca. 12. q. 2. & c. 1. de Reb. Eccles. non alienand. in 6. ibi.* [Quia tractatus solennis diligens, qui in talibus concessionibus perpetuis & alienationibus rerum Ecclesiasticarum exigitur, non fuit habitus in eadem: ordinationem, & concessionem ipsam (præsertim cum evidens necessitas quare fieri deberet, vel utilitas non subesset) decernimus non valere.]

Secundò, ut accedat consensus quoad majorem partem tunc præsentium, vel Capitularium, vel Beneficiariorum, si plures habet, ut tradunt Interpretes in tit. *de his quæ fiunt à Prelatis sine cons. cap.*

106. Advertunt tamen Molina, V Vadinius & Palao, in Religione Societatis Jesu solum requiri tractatum cum Consultoribus, non tamen eorum, vel Collegii, aut immediati Superioris consensum: sed Consultores solent subscribere informationi, quæ mittitur ad Generalem: quamvis nec hæc sint essentialia, sed sufficiat, quocunque modo Generalis, vel Congregatio sit benè informata, ut colligitur ex Bulla Greg. XIII. quæ incip. Apostolicæ Sedis. ibi. [Ut ex nunc de cætero perpetuis futuris temporibus, in informatione de contractibus ineundis per litteras, vel aliis, prout ipse Generalis statuerit, à subordinatis localibus Præpositis, vel Rectoribus, aut Præfectis, seu eorum vices gerentibus, vel à Provincialibus, seu Visitatoribus, aut Commissariis, vel ab aliis libi benè visis, auditis juxta eorum Institutum Consultotibus, acceptâ, quæcunque Domotum, tum Professarum, tum Probationis, Collegiorum, & aliorum locorum ejusdem Societatis ubilibet consentientium bona stabilia & immobilia, seu quasi stabilia, nec non & pretiosa mobilia, cujuscunque qualitatis, & quantitatis ac valoris, & in quocunque loco posita, pro pretio & sub pactis, conditionibus, modis, & formis hinc inde conveniendis, in evidentem tamen Domorum & Collegiorum hujusmodi utilitatem, per se vel alium, seu alios, vendere, alienare, permutare, ac etiam in Emphyteusum, seu Livellum ac tres generationes vel nomi-

nationes tantum, seu ad longum tempus pro affectu sibi benè viso concedere absque alia à nobis vel Successoribus nostris Romanis Pontificibus pro tempore existentibus, aut Sede prædictâ, vel illius de Latere Legatis, seu Nuntius, aut etiam locorum Ordinariis petenda, vel obtinenda licentia, seu confirmatione, liberè & licite possit, & valeat, concedimus & indulgemus, &c.] Hæc Gregorius XIII.

Postea verò Urbanus VIII. in Bulla mox alleganda, requisivit ultra consensum Generalis etiam consensum Sacre Congregationis Concilii Tridentini. Terriò requiritur auctoritas & consensus saltem Prælati, qui ex mune publico Ecclesiæ præest, ut Archiepiscopi, Episcopi, Abbatis exempti, Generalis Ordinis, &c. Quod si inferior Ecclesia Rectore careat, constituendus est Administrator seu Defensor, priusquam Episcopus auctoritatem præbeat alienationi. *c. 1. de Reb. Eccles. non alien.* *Non licet Episcopo vel Abbati terram unius Ecclesiæ vertere ad aliam, quamvis amba sint in ejus potestate; tamen si commutare volueris terras earum, cum consensu ambarum partium fiat.* Quartò requiritur, ut fiat subscriptio à Capitularibus, vel Notario pro consuetudine loci. Quintò denique adjecta est sollemnitas in allegata Extrav. Ambitiosæ, ubi requiritur, ut Summus Pontifex consulatur: unde & ab Episcopis, aliisque Prælati, qui à Papa confirmantur, juramentum exigi solet de rebus non alienandis inconsulto Papâ. Hæc Extravagans postea confirmata magisque declarata est ab Urbano VIII. vel potius à Congregatione Concilii Trid. ex mandato Papæ 1524. 7. Sept. quod quidem decretum directum est ad solos Regulares, ex eo tamen colligitur, alienationes sine consensu Sacre Congreg. factas non solum illicitas sed etiam irritas esse, quod quidem Extrav. *Ambitiosæ*, non satis expresserat, & ideo aliqui DD. secus interpretati sunt. Præterea Urbani etiam poenas auxit: nam in Extrav. *Ambit.* Abbates non privabantur ipso facto beneficiis, quorum bona alienabant ipso facto: irem inferiores Prælati vel Rectores privabantur tantum illis beneficiis quorum bona alienabant. in Constit. Urbani privantur omnibus officiis, quæ tempore alienationis obtinent, & reddunt inhabiles ad ea imposterum obtinenda. Et quia maximæ considerationis est hæc constitutio, quæ ut præ oculis habeatur, optandam est, non erit inutilis labor, si eam huc transcriperem; nisi enim hujusmodi quandoque referantur, planè in oblivionem perniciosissimam abeunt. Tenor est iste.

107. [Sacra Congregatio Card. Conc. Trid. Interpretum, rerum experimento edocta, quantum Religiones accipiant detrimenti, ex bonorum mobilium & pretiosorum mobilium detractionibus, quas crebrò faciunt Regulares Apostolicis privilegiis innixi, ac proinde operæ pretium putans illorum facultatem aliquâ ratio-



ne compescere, speciali Sanctis. Dn. nostri iussu Generalibus & Provincialibus capitulis, vel Congregationibus, Abbatibus, Generalibus, & quibuscunque aliis Superioribus Regularibus cuiusvis ordinis, Congregationis, Societatis, Instituti, intra fines Europæ existentibus, omnium rerum & bonorum immobilium ac pretiosorum mobilium alienationem, omnemque pactum, per quod ipsorum dominium transferretur, census perpetuos seu vitalitios, hypothecam, locationem & conductionem ultra triennium, concessionem in feudum, vel emphyteusim, præterquam in casibus à Jure permixtis fieri perpetuè prohibet, atque interdicit, absque illius Concilii expressa licentia, in scriptis & gratis concedenda, sub pena privationis omnium officiorum quæ tunc obtinebunt, vocisque activæ & passivæ ac perpetuæ inhabilitatis ad illa impostum obstringenda, quam ipso facto absque alia declaratione incurrant, sublatâ etiam Generali & Protectori illam moderandi vel relaxandi facultate, penâ nihilominus Apostolicarum Constitutionum, & præsertim Fel. Recor. Pauli II. quæ incipit. *Ambitiosa*. in suo robore permanentis. Alienationes verò, pacta, census, hypothecas, locationes, conductiones & concessionem quasque contra hujusmodi prohibitionem faciendas, Sanctitatis suæ auctoritate ipso jure nullas atque irritas decernit. Non obstantibus Constitutionibus, Ordinationibus Apostolicis in favorem quarumcunque personarum acque Ordinum tam mendicantium, quam non mendicantium, Militiarum etiam S. Joannis Hierosolymitani, Congregationum, Societatum, ac cuiusvis alicuius Instituti, etiam necessarium & in individuo exprimendi, Monasteriorum, Conventuum, Collegiorum, Domorum, ac locorum Regularium quorumcunque, necnon illorum etiam Iuramento, confirmatione Apost. vel quavis firmitate aliâ roboratis, statutis vel consuetudinibus etiam immemorabilibus, exemptionibus quoque, indultis, & privilegiis, sub quibuscunque tenoribus & formis, & cum quibusvis etiâ derogatoriis derogatoriis, aliisque efficacioribus & insolitis clausulis necnon irritantibus decretis, etiam Motu proprio & ex certa scientia, ac de Apostolice potestatis plenitudine, aut aliâ quomodolibet, etiam per vicin communicationis, seu extensionis concessis, & iteratis vicibus approbatis & innovatis, etiam si pro illorum sufficienti derogatione, de illis, eorumque totis tenoribus & formis specialis & individua, & de verbo ad verbum, non autem per clausulas generales idem importantes mentio seu quævis alia expressio habenda, & aliqua alia exquisita forma servanda esset, tenores hujusmodi pro expressis habentes, quibus quoad ea quæ præsentî decreto ac prohibitioni adversantur, illis aliis in suo robore permanentis, specialiter & expressè Sanctitatis suæ auctorita-

te derogat, cæterisque contrariis quibuscunque.]

108. Dixi rectè. *Bona immobilia vel pretiosa*, &c. nam quæ vel servando servati non possunt, vel non sunt pretiosa (qualia censentur quæ valorem decem aureorum non excedunt, vel quæ talia iudicantur prudentis arbitrio juxta loci consuetudinem, ut docent Barboza, Riccius, Bonac. Palao) potest administrator alienare, si iudicet expedire Ecclesiæ, nec alia solennitas requiritur, nec ad hæc se extendit iuramentum de non alienandis.

Dixi 4. *Per se loquendo*. Nam per accidens fieri potest, ut solennitates non requirantur, prout indicatur in Constitutionibus adductis, ubi dicitur, prohiberi alienationem, pactum transferens dominium, census perpetuos vel vitalitios, hypothecam, locationem & conductionem ultra triennium, concessionem in feudum, seu emphyteusim: præterquam in casibus à Jure concessis. his, inquam, verbis, indicatur esse casus aliquos in jure expressos, ad quos Pontifex non requirit dictas solennitates saltem omnes. Et quamvis aliqui rigidi DD. putaverint, hoc solum procedere in Feudo & Emphyteusi, aliam tamen jam communiter tradunt, Molina, Tanner, Vadingus, & ex Canonistis Zypæus de Jure Noviss. ultima verba allegata referenda esse ad omnes alios contractus præcedentibus verbis nominatos; v.g. si in Jure sit casus expressus, quo valeat locatio ad septennium, illa pro tali casu non censetur prohibita in dictis Extrav. Quinam verò casus sint, pro quibus dictæ solennitates non requirantur, est inquirendum.

109. DICENDUM ergo 2. Res immobilis, si sit exigua, (facti compiratione cum reliquo Ecclesiæ ad quam pertinet patrimonio) & final vel inutilis, vel longè distita, potest sine solennitatibus, adeoque etiam sine consensu Pontificis, saltem de Jure communi alienari, & sufficit, ad ministratori videri hanc alienationem esse necessariam. Ità habetur. c. Terrulas. ca. 12. q. 2. *Terrulas aut vineolas exiguas, & Ecclesiæ minus utiles, aut longè positas, & parvas, Episcopus sine consilio Fratrum (si necessitas fuerit) distrahendi habeat potestatem.* Glossa taxat. 20. aureis.

110. DICENDUM 3. Res, quæ Ecclesiæ sunt minus utiles, etsi non damnosæ, possunt alienari sine consensu Pontificis, modo addit consilium & consensus senioris partis Capituli. colligitur ex c. 8. de reb. Eccles. alien. ubi Pontifex concedit hanc facultatem Episcopis irrequisito Pontifice, quem in cæteris vi iuramenti deberet consulere. ibi. *Possessiones verò, quæ Ecclesiæ minus sunt utiles, pro aliis utilioribus de Fratrum tuorum senioris partis consilio. & assensu alienandi seu commutandi liberam concedimus facultatem.*

111. DICENDUM 4. Res non solum inutiles sed etiam damnosæ, v.g. ædes quibus

bus conservandis plus impendendum quàm inde utilitatis capiat, possunt sine ullis solennitatibus ab administratore alienari, ita tamen ut pro pretio emat alia bona utilia, quod etiam in præcedentibus adfectionibus subintelligendum est. Colligitur ex cap. non liceat Pape, &c. sine exceptione. ca. 12. q. 2. ibi. *Nisi forte aliquid horum faciat, ut meliora proficiat, & cum totius Cleri tractatu atque consensu eligat id, quod non sit dubium profuturum Ecclesie.* Rationem dant Canonistæ: quia moraliter non tam est alienare, quàm bona Ecclesie conservare, recteque administrare.

112. DICENDUM 5. Quando necessitas sive alendi ministris, sive subveniendi captivis aut pauperibus ita urget, ut non sit recusus ad Sedem Apostolicam, valet alienatio etiam hac inconsulta. Colligitur DD. ex cap. Tua nos. de Eccle. edificandis. ibi. *Fraternitati tue mandamus, quatenus illius iuramenti (de rebus non alienandis) occasione nullatenus prætermittas, quin populo indigenti super basilicarum institutione studeas salubriter providere.* & ex illis iuribus, quibus permittitur, imò præcipitur venditio sacrorum vasorum aureorum, ut c. aurum. c. gloria. ca. 12. q. 2.

113. DICENDUM 6. Ex rationabili causa potest, imò debet Ecclesia cum Principe Patriæ commutare possessionem, nec tenetur Princeps dare aliquid maioris valoris, modò det æquale. c. 1. de verum permutat. ibi. [Si Princeps voluerit rem mobilem Sanctis locis præstare, & accipere ab eis aliam immobilem, eoque modo de communi voluntate permutationem contrahere, liceat ei hoc facere, si causa rationabilis id exposcat, & res quam præstiterit, major fuerit vel æqualis. pragmatica Sanctione super hoc promulgata.] v.g. si Princeps ex fundo Ecclesie vellet Vivarium facere, Civitatem dilatare, &c. Debet tamen Princeps edere pragmaticam Sanctionem, hoc est, facere Instrumentum permutationis. Alias solennitates non requiri docent plures, quos sequitur Tuschus V. Alienatio. Conc. 273. & P. VVadingus, contra plures alios. Ratio est, quia alioquin non apparet, quis favor specialis & æstimabilis Principi patriæ concedatur.

DICENDUM 7. Possunt bona duarum Ecclesiarum sub eodem Prælato existentium & subiectarum, inter se commutari, irrequisita Papæ licentiâ, modò Prælatus convocatis iis, qui vel ex statuto vel ex consuetudine convocandi sunt, ad eum perlicitur. Videri haberi in c. 1. de Reb. Ec. non alien. cujus verba supra recitata sunt, & ita sentiunt Tuschus l. c. Oldradus Conf. 248. quos sequitur VVadingus. Rationem dant, quia bona manent intra familiam in subiectione Prælati. Unde etiam inferunt, Generalem alicuius Ordinis, habentem sibi subiecta plenè non solum personas omnes totius ordinis, sed etiam res (ut habet Generalis nostræ Societatis) posse hoc modo commutare bona

Collegiorum seu Domorum, aut Monasteriorum sibi subiectorum, non obstantibus Extrav. Pauli II. & Urbani VIII. quæ loquuntur de alienatione vel commutatione, quæ bona Ecclesie desinerent esse subiecta eidem Prælato, cujus auctoritate commutarentur. Et hi videntur effectus à communi Regula quoad solennitates excepti.

114. Reliquum est, ut aliquid in specie dicamus de Contractibus prohibitis in dicta Extravag. & imprimis non solum prohibetur Alienatio strictè dicta, quæ est translatio Domini directi, sed etiam alienatio latè dicta, hoc est translatio Iuris realis qualiscunque. Unde in specie loquendo non solum prohibetur rei Ecclesiæ Ventilio, Donatio, Permutatio, sed etiam Feudum, Emphyteusis, Censuum perpetui, vel etiam vitalitii, hypothecæ specialis, non tamen generalis, ut tradunt Covarruvias, Molina Bonac. Palao, VVadingus, & alii. Ratio exceptionis est, quia generali hypothecæ non tam res quàm personæ manent obligatæ. Item prohibetur Locatio, & Conductio, non solum ad longum tempus, hoc est, ad decennium, sed etiam ultra triennium, esto locatio infra decennium non sit alienatio, sicut est locatio ad decennium & ultra, quæ generali hypothecæ & non locatio specificè dicta. Debet autem hoc triennium utiliter computari, ut jam supra notui.

115. Circa Emphyteusim & Feudum intelligenda est prohibitio de illis de novo concedendis. Si verò jam semel concessa sunt, possunt sine aliis Solennitatibus renovari, si renovatio censetur utilis Ecclesie: & sæpè esse censetur vel ex hoc uno capite, quòd, ut notat Barbosa & Palao, hac gratitudine Ecclesia sibi demereatur homines, ut libentius accipiant in Emphyteusim ea bona, quæ melioratione opus habent. Debet tamen hæc renovatio fieri, priusquam bona illa, finitæ priori Emphyteusi denuò fuerint incorporata Ecclesie, quæ incorporatio fit, quando Administratores semel decernunt eam non alienare.

116. Dubitatum est, an Emphyteusis possit concedi solum ad vitam accipientis, vel in perpetuum etiam pro hæreditibus. Rationem dubitandi movit Novella citata sup. de non alienandis, &c. ubi solum ad vitam permittitur. Verum posse in perpetuum concedi tradunt Covarr. Julius Clarus, Vasq. Molina, Palao, quia Jure Ecclesiastico non prohibetur Emphyteusis si serventur solennitates; quibus observatis, quamlibet permittit, quod ipsum habetur in Novella. 120. c. 6. & hæc de Dominio Clericorum.



## CAPUT III.

## DE PECULIIS FILIORUM FAMILIAS.

**J**ustinianus Imperator lib. 1. Inst. duas Personarum divisiones posuit, unam tit. 3. de Iure Personarum, & est hæc. Summa divisio de Iure Personarum est, quod omnes homines aut Liberi sunt aut Servi. Alteram posuit tit. 8. & est hæc. Quædam Personæ sui Iuris sunt, quædam alieno Iuri subiectæ. Dux hæ divisiones sunt quasi dispersatæ, hoc est, non subordinatæ. Nam secundum membrum primæ divisionis, continetur tanquam pars in secundo membro secundæ divisionis, adeoque secundum membrum secundæ divisionis latius patet, quàm secundum membrum primæ divisionis, & contra primum membrum primæ divisionis latius patet, quàm primum membrum secundæ divisionis. Nam Filiifamilias sunt personæ liberæ, sed non sunt sui Iuris: item hi ipsi filiifamilias sunt alieni Iuris, sed non sunt Servi. Ut ergo illæ dux divisiones subordinarentur, ad leges Logicas ita ponendæ essent. Omnis homo, aut est liber, aut servus. Liber aut est sui Iuris, aut alieni, sub patria scilicet potestate constitutus. De ijs qui sui Iuris sunt, hoc loco non agitur, & sunt omnes illi, qui nec sunt Servi, nec sub patria potestate constituti, cujusmodi etiam sunt pupilli & minores, esto tutores, & curatores habeant. Nunc ergo agendum de illis, qui sunt sub potestate non quidem dominica, sed patris, habentque ut patet, hanc denominationem à forma civili, quæ dicitur: Patria Potestas. Quia verò hæc non promiscuè in omnes filios convenit, ideo prius filiorum diversitas explicanda est.

## CONTROVERSIA I.

## De Filiis Legitimis, &amp; Illegitimis, horumque Legitimatione.

## SUMMARIUM.

**F**ilii alii Legitimi alii Illegitimi. 117.  
 Illegitimi subdividuntur in Naturales, & Spurius, aliter tamen in Iure Civili & Canonico. 118.  
 Quibus modis filii legitimentur. 119.  
 An filius sit legitimus natus ex habente votum solenne castitatis post Matrimonium. 120.  
 An legitimitio per subsequens Matrimonium stet in-vitis filius. 121.

An fieret legitimitio per Matrimonium mediatum. 122.  
 An hæc legitimitio sufficiat ad excludendum substitutum sub conditione: si sine legitimis liberis decesserit. 123.  
 An de substantia sit, confici instrumenta dotalia. 124.  
 An legitimentur proles, si non poterat Matrimonium subsistere tempore conceptionis, sed natiuitatis. 125.  
 An per subsequens Matrimonium legitimentur proles concepta ex adulterino coitu, si alteruter ignoravit esse adulterium. 131.  
 An legitimentur proles per Matrimonium putativum post copulam fornicariam (sua opinione) cum impedimento dirimente ignorato. 132.  
 Firum filio naturali mortuo & nepotes relinquentes, hi legitimentur per Matrimonium. 133.  
 An presumatur proles aliena nata ante nonum mensem, vel, defuncto marito post mensem decimum. 134.  
 Quos effectus habeat legitimitio per subsequens Matrimonium. 137.  
 Quando nam locum habeat Legitimitio per Rescriptum Principis. 138.  
 An requiratur consensus agnatorum & cognatorum. 141.  
 Quibusnam competat potestas legitimandi Rescripto. 142.  
 An legitimatus in uno loco sit pro legitimo habendus alibi. 143.  
 Quenam sint exprimenda in impetratione legitimationis. 144.  
 An hodie legitimentur obliti Ministeriis Principum eodem.  
 An Rescripto legitimatus excludat filias postea natas, si alioquin statuto excludantur. 145.

117. **D**ividuntur primò Filii (sicut & filix) in legitimos & illegitimos. Legitimi sunt qui vel ex iustis nuptiis procreati sunt, vel postea legitimentur, ac Iuris fictione ex iustis nuptiis procreati censentur ad ordinem ad Iuris effectus. Illegitimi sunt, qui neutro modo se habent.

118. Subdividuntur Illegitimi in Naturales & Spurius, quæ divisio alium sensum habet in Iure Civili, & alium in Iure Canonico. Iure Civili naturales sunt, qui ex concubina domi retenta, & non vaga meretrice sive vulgò nati sunt: qui concubinatus Iure civili permittus esse dicitur,

tur, non quod approbatur, sed quod non puniatur. Spurius, iure civili, sunt, qui nec ex legitimo Matrimonio, nec ex concubina nati sunt. Habentur hæc. *L. penult. & ult. ff. de concubinis. Concubinam ex sola animi destinatione estimari oportet. Concubinam ex ea Provincia in qua quis aliquid administrat, habere potest. L. 23. ff. de statu hom. Vulgo concepti dicuntur, qui patrem demonstrare non possunt, vel qui possunt quidem, sed eum habent, quem habere non licet.*

Iure Canonico omnes illi dicuntur naturales, qui nati sunt ex parentibus, inter quos conceptionis, vel saltem nativitaris tempore (de qua controversia dicam infr. q. 6.) Matrimonium consistere potuisset. Econtra Spurius sunt illi soli, qui nati sunt ex parentibus, inter quos nec tempore conceptionis, nec tempore nativitaris Matrimonium esse potuisset. Colligitur ex *cap. niscum pridem. §. Persona. de Renuntiati*. Est etiam in hoc puncto aliud discrimen, quia Ius Canonicum etiam illos liberos pro legitimis habet, qui nati sunt ex matrimonio bonæ fide contracto, cum impedimento dirimente, ut traditur in tr. de Matrim. & habetur. *C. ex tenore. qui filii, &c.*

119. Filii illegitimè nati legitimantur, hoc est, natalibus substituantur, sequentibus modis. Primò per subsequens Matrimonium legitimantur filii naturales, non tamen Spurius accepti in sensu Canonico: & hæc est amplissima legitimatio, reddens filios aptos etiam ad Ordines & Honores, ac Dignitates. *C. Tanta. qui filii sint. leg. Tanta est vis Matrimonii, ut qui antea sum geniti, post contractum Matrimonium legitimi habeantur.*

Secundò legitimantur Rescripto Principis. Tertiò per Oblationem Curie, hæc est, si filius offertur ad munera & functiones Curie ex qua est oriundus; vel si filia in uxorem datur viro conditionis curialis: hæc tamen legitimatio, teste Corvino & Zafio. ff. de Concub. n. 5. hodie non procedit, additque ei comparari ingressum in Monasterium. Sed de hoc agi solet in tract. de Irregularitatibus.

120. QUÆRITUR 1. An ille filius sit legitimus, qui natus est ex parentibus, inter quos quidem stat legitimum Matrimonium, sed alter eorum habet vorum solenne Castitatis, sive per professionem factam post Matrimonium jam consummatum (quod non dissolvitur) sive per Sacrum Ordinem, quo nequidem ratum Matrimonium dissolvitur. R. Affirmativè saltem quoad successionem. Quia nullo Iure privatur taliter conceptus, quia est conceptus ex veris conjugibus, & non est puniendus pœnâ privationis successionis, sine Iure ita statuentem.

121. QUÆRITUR 2. An legitimatio, quæ fit per subsequens Matrimonium, procedat liberis in viris. Rationem dubitandi facit Novella 89. §. generaliter, ubi requiritur consensus liberorum, & additur ratio. *Nam si sol-*

*vere Ius patria potestatis in viris filiis non permixtum est paribus, multò magis sub potestate redigere invirum filium, & nolentem, sive per oblationem ad Curiam, sive per instrumentorum celebrationem, &c. iustum non est.* R. Tamen, in hac specie legitimatio non requiritur consensus legitimandi; quia vis legitimatiois huius attribuitur honori Matrimonii, cui non debet posse præjudicare filius per dissensum, sicut nec eidem præjudicaret protestatio patris nolentis filios legitimari. *Corvar. p. 2. cap. 8. §. 2. n. 15.* Et hæc est sententia Canonistarum contra Legistas, quibus adhæret Hunnius vol. 1. d. 2. q. 25. & lib. 1. var. resol. q. 30. & Fachineus lib. 3. c. 54.

Ad rationem dubitandi, & Novellam adductam respondetur, in hoc casu in honorem Matrimonii suppleri à Canonica Lege voluntatem liberorum, sicut in pluribus aliis suppletur, vel quandoque invalidatur, prout magis bono communi expedire videtur.

122. QUÆRITUR 3. An Legitimatio hæc debeat fieri per subsequens Matrimonium immediatum, vel etiam sufficeret mediatum. R. Sufficere mediatum. Ratio est, quia Canones plus non requirunt, quam ut Matrimonium contrahatur cum matre prolis, quæ tempore conceptionis, aut nativitaris fornisset esse uxorem. Hoc autem totum verificatur etiam in Matrimonio mediatum.

123. QUÆRITUR 4. An hæc legitimatio sufficiens sit ad excludendum substitutum sub hac conditione: *si sine legitimis liberis*. ita ut exclusio substituto succedat proles legitimata? R. Affirmativè; cum enim Matrimonium subsistat, etiam si fingamus in articulo mortis celebrari, efficitur, ut talis sine legitimis liberis non moriatur. Aliud esset, si conditio posita esset: *sine liberis legitime natis*. Tunc enim censetur expressè, & primariâ intentione substitutus Prælatum proli legitimatæ, pro qua nullus legis favor produci potest, qualem supra pro Monasteriis in simili casu produximus.

124. QUÆRITUR 5. An de substantia huius legitimatiois sit, ut consiciantur instrumenta dotalia. Aliqui existimant Iure Civili requiri ad substantiam, secus Iure Canonico. Quia in cap. *Tanta*, nulla horum instrumentorum fit mentio, qualis tamen fit l. 1. C. de Naturalib. lib. & Novella 89. §. Reliqui igitur. ibi. *Si quis igitur dotalia scripserit, &c. Legitimas esse nuptias, & filios, vel præcedentes, vel conceptos legitimos ei esse Sancimus.* R. Tamen, ne quidem Iure Civili requiri ad substantiam legitimatiois colligitur ex verbis relatis, alioquin etiam ad valorem Matrimonii requireretur. Solum ergo requiritur instrumentorum dotalium confectio ad certiorum Nupiarum probationem, ne ad confirmandum liberorum statum aliquid à conjugibus simulatur. Textus apertus in Nov. *Quibus modis*



*naturales filii efficiantur legitimi. 24. §. Illud, quoque ibi. [Quia enim, & antiquis promulgatum est legibus, & à nobis ipsis sunt hæc eadem constituta, ut etiam nuptiæ extra dotalia documenta ex solo affectu valeant, & rata sint (utque etiam in ordine ad legitimandam prolem, juxta titulum Novelle) sed salutatis contra dictis nostra ex hoc est completa Respublica, &c.]*

125. QUÆRITUR 6. An etiam ille proles legitimeretur per subsequens Matrimonium cujus natiuitatis quidem tempore Matrimonium poterat subsistere, sed non tempore conceptionis. Negat Franc. Sarmiento, quem sequitur Henricus Zafius in tit. *Qui filii sunt leg. n. 18.*, & inclinat etiam Suarez de *Censur. d. 50. f. 1. n. 3.* notans, Covarruvias etiam affirmativam tenuerit, postea motum rationibus Sarmienti nurasse, & rem dubiam ac indecisam reliquisse. Idem dicit Hunnius. Ego tamen hunc locum in Covarr. non potui reperire; & nec à Suarez, nec ab Hunnio citatur, sed solus ille ubi affirmativam tenet, nempe p. 2. cap. 8. §. 2. n. 2. Itaque Affirmativam, post multos alios, tanquam communem tenet Covarruvias, quem sequitur P. Molina d. 172. n. 4. & ita in Regno Castellæ est definitum. Eandem tenet Fachinus lib. 3. cap. 50. citans pro eadem Hostiensem, Jo. Andream Antonium Butrio. his accedunt Greg. Lopez, & Thom. Sanchez. lib. 3. de *Marr. disp. 7. n. 19.* & Hunnius *Loc. cit. q. 27.* quibus ob graviores auctoritatem libentius subscribo. nam juri civili insisterendo non satis clarè convincitur, ut patebit: bene tamen iure Canonico.

126. Probatur ergo 1. iure constitutum est, ut Natiuitatis, vel conceptionis tempus inspicatur, quatenus magis est in favorem prolis, ita ut si in favorem illius sit, tali tempore natus esse, fingatur natus, quia adhuc in utero est. *L. qui in utero ff. de statu hom. ibi. Qui in utero est, perinde est, ac si in rebus humanis esset. Custoditur quamdiu de commodis ejus agitur.* Hinc autem videtur inferri posse, quod sicut proles concepta in ejus favorem habetur pro nata: tunc quando necdum nata est, ita etiam in ejusdem favorem tempus natiuitatis habeatur pro tempore conceptionis. Unde sequitur, quod proles cum adulterio concepta, sed postea nata, quando copula inter parentes non esset adulterina, quod inquam talis proles sit filius naturalis, & non spurius, quia debet haberi ac si conceptus tunc esset.

127. Probatur 2. ex l. 5. ff. eodem. ibi. *Ingenui sunt, qui ex matre libera nati sunt. sufficit autem liberam fuisse eo tempore quo nascitur, &c.* Respondent adversarii, hujusmodi leges esse intelligendas quoad favorem libertatis, ut scilicet proles libera habeatur, etiam si tempore conceptionis mater ancilla fuerit. hoc autem non debere extendi ad legitimacionem, si copula delictum attendatur. Quia talem copulam non

purgat natiuitas, nec cohonestat subsequens Matrimonium, quod non facit, copula ante habita turpitudinem minus legibus esse damnatam, & ex ea conceptam prolem minus spuriam: cum regula juris sit, quod qualitas ex antecedenti, non ex necessario consequenti consideretur, & delictum semel perfectum variationem non recipiat etiam per penitentiam. *L. qui ea mente ff. de furtis.* Verum hæc Responsio est petitio principii: & non ostendit, quare leges voluerint favere proli quoad libertatem, & non etiam quoad legitimatam, cum utriusque ad statum pertineat. Certè leges Civiles etiam illos pro spuris habent, qui vulgò concepti sunt, hoc est, non ex concubina, ut suprà dictum, & tamen certum est, hos per subsequens Matrimonium legitimi.

128. Probatur 3. Ex *L. Nuper C. de naturalib. lib.* ubi Imperator unicè agit de legitimacione per subsequens Matrimonium, & non de libertate, & in fine sic concludit. [Generaliter definimus, & quod super hujusmodi casibus variabatur, definitione certà concludimus, ut semper in hujusmodi questionibus, in quibus de statu liberorum est disputatio, non conceptionis, sed partus tempus inspicatur, & hoc favore facimus liberorum, ut & editionis tempus statuamus esse inspectandum, exceptis his tantummodo casibus, in quibus conceptionem magis approbati infantium conditionis utilitas expostulat.] Ad hunc textum non invenio responsum, & sanè videtur esse satis clarus.

129. Obijciunt 1. Lex 11. ff. de statu hominum, in qua conceptio ex conjunctione filix, patre ignorante, atque ita tempore inhabili (quia illo iure requirebatur ad valorem consensus patris) non prodest, quod mortuo avo (id est patre mulieris) nascatur tempore habili. Hanc legem ad rem non facere, quia Matrimonium à principio invalidum ob defectum consensus patris, non efficiebatur validum post mortem patris, cum filius nasceretur: quapropter præcisè propter mortem patris non legitimitur proles; non dicitur autem in illa lege, quod non legitimeretur, si Matrimonium cum eadem legitimè contractum esset postea: pertinet ergo ad adversarios probare, quod Matrimonium postea fuerit novo consensu contractum.

130. Obijciunt 2. à Zafio (accepti ex P. Suarezio) quia textus cap. *Tanta. Qui filii, &c.* non natiuitatem inspicit, sed conceptionem. Verba sunt. [Si autem vir, vivente uxore, aliam cognoverit, & ex ea prolem susceperit, licet post mortem uxoris eam duxerit, nihilominus spurius erit filius.] Hæc. Ut hoc capitulum ad rem faceret, deberet in eo dici, aut aliunde ostendi, quod etiam ille filius fit spurius, qui natus est post mortem uxoris: hoc autem non dicit textus, quin potius insinuat, quod loquatur de filio nato ante mortem uxoris. dicit enim. *Et ex*

*ea prolem susceperit.* Non dicitur autem Maritus in rigore ex uxore prolem suscepisse, quando præcisè concepta, & non nata est. Quædicta sunt procedunt etiam de eo, qui post impetratam dispensationem natus est, nam & is secuto Matrimonio legitimatur, ut tradit Mol. & Sanchez.

131. QUÆRITUR 7. Utrum per subsequens Matrimonium legitimetur proles concepta ex adulterino coitu, si alteruter parentum ignoravit committi adulterium, putans esse meram fornicationem. Ratio dubitandi est. Quia, ut habetur in cap. *ex renore.* h. r. si proles nascatur ex parentibus habentibus impedimentum dirimens; si tamen alteruter ignoret illud impedimentum, proles iure canonico habetur pro legitima. ibi. [Intelligentes, quòd Patrem Matrem in facie Ecclesiæ ignaram, quòd ipse aliam sibi Matrimoniale copulasset, duxerit in uxorem, & eam ipsa coniunx, ipsius legitima putatur, dictum R. suscepit ex eadem: in favorem prolis potius declinamus, memoratum R. legitimum declarantes.] Ergo in casu quæstionis, esto proles legitima non sit, quia scierat fornicaria, poterit tamen per subsequens Matrimonium legitimari, quia non spuria, sed naturalis reputabitur. Ob rationem hanc plures ita iudicant dicendum, quos refert. Covarr. *L. c. n. 15. § 17.* sed ipse inclinat in contrarium, ductus cap. *Tanta.* ubi generaliter dicitur (ut iam reatum est) si vir vivente uxore aliam cognoverit, filium inde susceptum semper esse spurium, nullà menciónē factā, aut mulier illa quam cognovit, sive vir, vel ignoraverit statum seu conditionem. Ad rationem dubitandi negatur paritas, quia in casu capituli *ex renore.* ignoratur omnis culpa, & inculpabiliter iudicatur copula honesta, in casu verò cap. *Tanta.* agnoscitur turpido saltem fornicationis. Quòd autem hæc scientia sufficiat, ut per ignorantiam adulterii non purgetur vitium, ob quod spurius sit filius, bene probat Fachineus c. 51. Nam cum quis operam dat rei illicitæ, non inspicitur ejus opinio, sed rei veritas. *L. Eum qui nocentem. §. si injuria. ff. de injuriis. L. aut qui aliter. §. si quis dum putat. ff. quod vi aut clam. C. in ebriaverunt. ca. 15. q. 1.* Sed mulier soluta, dum patitur se cognosci, dat operam rei illicitæ, ut patet. Ergo ejus opinio inspicenda non est, sed rei veritas, quod scilicet cum illo Matrimonium esse non poterat. Verior ergo & mihi videtur hæc sententia, sed non auderem eam dicere cum Suarezio indubitaram: nam contrarium docet glossa in cap. *Tanta.* Prepositus in cap. *quod nobis.* Rosellus de *legitim.* p. 1. c. pen. Hostiensis in c. *tanta.* Dominicus conf. 65. Ludovic. de Sardis. de *legitim.* Rota Romana apud Cassiodorū decif. un. tit. de Sponsalibus.

132. QUÆRITUR 8. Si ignati impedimenti dirimentis habeant copulam fornicariam (suâ opinione) & post natam prolem con-

trahant cum eadem ignorantia & bonâ fide Matrimonium, an inquam proles legitimetur per tale matrimonium putatum. Ratio dubitandi est, quia si nasceretur post matrimonium contractum, haberetur pro legitima: ergo etiam si prius nata est, legitimabitur, quia Matrimonium retrorahitur. Verum juxta Resolutionem prioris dubii respondendum est negativè, ob rationem ex Fachineo allatam: & quia alioquin unius solius ignorantia sufficeret, quod tamen negatum est.

133. QUÆRITUR 9. Utrum Filio naturali mortuo & nepores relincente, hi legitimentur per Matrimonium subsecutum. *96.* Affirmativè cum Barolo contra Baldum. Probatur. Ideo filius per consequens Matrimonium legitimatur, quia lex fingit Matrimonium contractum fuisse, antequam filii nascerentur, & sic Matrimonium in favorem filiorum retrorahitur: atqui si Matrimonium prius contractum fuisset, filius defunctus jam legitimus esset, & nati ex illo: ergo idem operabitur, si postea contractum fuerit, ut nepotes sint legitimi. Neque obstat, quòd medium nempe filius defunctus non sit medius habile, quod tamen esse deberet. *L. 1. §. ceterum. ff. de acquir. Poss.* Satis enim est extrema esse habilia in ordine ad Matrimonium, ex quo descendit tam filiorum, quam nepotum legitimatio.

134. QUÆRITUR 10. Si constiterit conjuges, nullam copulam præcessisse Matrimonium, si deinde nascatur proles, vel ante novum mensem, vel, si defuncto Marito post mensem decimum, quæritur, inquam, an habeatur pro legitima, vel potius præsumatur aliena? De novo mense nullum est dubium, cum sit ordinarius. De partu decimestri idem communiter tenetur, ob Hippocratis auctoritatem, & colligitur per arg. a contrario. *L. 3. §. penult. ff. de suis & legitimis.* ibi. *post decem menses mortis natus non admittitur ad legitimam hereditatem.* De septimo mense id ipsum affirmat J. C. Paulus *L. 12. ff. de statu hom. ibi.* *Septimo mense nasci partum perfectum, jam receptum est propter auctoritatem doctissimi viri Hippocratis, & ideo credendum est eum qui ex iustis nuptiis septimo mense natus est, justum filium esse.* & *L. 3. ff. de suis & leg. hered. §. in fin. ibi.* *De eo autem, qui centesimo octuagesimo secundo die natus est, Hippocrates scripsit, justo tempore videri natum. Unde inferitur, quòd sufficiat natum esse ad initium septimi mensis: nam ille centesimus octuagesimus secundus dies attingit initium septimi mensis.*

135. De Octimestri partu ideo dubium est, quia Medici communiter asserunt eum non esse vitalem: ergo si vitalis sit, censetur conceptus præcessisse, si pro septimo mense nulla copula intercessit, quia v. g. constat maritum octo mensibus abfuisse. In hoc puncto bene monet Menochius de *presumpt. casu.* 89. n. 38. magnam diligentiam Iudicis requiri in consulendis Phisicis & Medicis. De

De undecimimestri partu dubitatur cum ob legem tertiam §. *penult.* paulò antè relatò, cum propter legem 29. ff. *de lib. & posthum.* ibi. *is demum heres legitimus est, qui post mortem testatoris in decem mensibus proximis natus fuerit.* In Nov. 39. cap. 2. dicit Iustinianus, non esse possibile, ut partus editus undecimo mense post mortem mariti sit ex marito defuncto.

136. His tamen non obstantibus benignior Iuristarum sententia est, quòd si Maritus non diu egrotavit, & partus editus est secundo aut tertio die undecimimensis, sit habendus pro legitimo, præsertim si aliunde non adest fundamentum suspicandi libidinem viduæ post mortem mariti: pro tali enim, teste Gellio pronuntiavit D. Hadrianus: neque leges allegatæ de initio mensis undecimi loqui videntur.

QUÆRITUR 11. An ad substantiam hujus legitimacionis requiratur confessio Instrumentorum dotalium. *Affirmat Hun. var. res. l. 1. q. 1. 31.* Sed negandum est cum communi Canonistarum. Ratio quia vis legitimacionis à Iure Canonico tribuitur unicè matrimonio: non minus autem esset tribuendum instrumentis dotalibus, si pari necessitate requirerentur.

Objicitur ex §. *fin. J. de nuptiis.* ubi dicitur de hac legitimacione: [ne non is qui à muliere liberè procreatus, cujus matrimonium minime legitimè interdictum fuerat, sed ad quam pater consuetudinem habuerat, postea ex nostra constitutione dotalibus instrumentis compositis in potestate patris efficitur &c.] *¶ 1.* Etiam si hoc voluisset Imperator, esse tamen hodie præferendum Ius Canonicum, quod non requirit hanc conditionem. *¶ 2.* Imperatorem fortè requisivisse doris constitutionem scriptam, ut inde melius constaret de serio animo habendi concubinam pro uxore, quandoquidem talia matrimonia clam contrahebantur. Sententiam nostram præter Caonistas sequuntur etiam Civilistæ plures apud Harpprecht *sic. Inst. de Nupt. §. 13. n. 5.*

137. QUÆRITUR 12. Quos Effectus habeat hæc legitimatio per subsequens matrimonium. Et quidem quod faciat habilem ad succedendum non secus ac si legitimè natus esset, quoad ea quæ jure communi deferuntur, non est dubium, & constat ex legib. adductis. Quoad ea verò quæ lege speciali aut statuto municipaliter deferuntur, cujusmodi est Ius primogenituræ, feudum Emphyteusis & similia, est controversia. Negant quoad primogenituram celeberrimi Iureconsulti teste Hunnio, qui tamen nullum nominat præter Treutlerum, apud quem tamen nihil reperio th. 7. ubi citatur: sed potius thes. 6. admittit legitimari quoad emphyteusin & feuda. Verùm quorumcumque sit negativa sententia, rectius affirmant Zæsius & Hunnius, ratio est, quia talis est verè primogenitus: & quia *Novella 89. c. Reliqui.* universalissi-

imum favorem exprimit. *Semel eos efficientes legitimos, damus habere etiam successiones illas, quas habent illi, qui ab initio legitimi sunt. & cap. illud ejusdem.* ead. dicit Iustinianus, legitimatos à legitimis nihil differre.

138. Denique ad obtinenda officia & munia utriusque fori, sive civilia sive Ecclesiastica, legitimis pares sunt, ut in nullo differant, propterea quòd hæc legitimatio retrahatur ad tempus nativitaris, quasi proles jam tunc legitima fuisset. Et hæcenus de primo legitimandi modo: *Per subsequens matrimonium.*

Legitimatio per scriptum Principis tunc solum locum habet, quando filii legitimi deficiunt. *Nov. 89. c. 9. & Nov. 74. c. 1.* [Si quis sanè non habens filios legitimis, naturales autem tantummodo, ipsos quidem suos facere voluerit, mulierem verò non habet penitus, aut quæ non sine delicto sit, aut quæ non appareat, habeat autem secundum quandam legem ad matrimonium præpeditam, damus ei fiduciam novâ quâdam adinucenti à nobis viâ, ad legitimorum jus perducere naturales, proculdubio suis in talibus casibus non existentibus filiis.] Ratio est, quia talis legitimatio cederet in præjudicium filiorum legitimorum, quibus regulariter & per se loquendo nolunt Principes suis favoribus præjudicium asserre. Dixi: *per se loquendo.* Absolutè enim Princeps non carer potestatem etiam iustis liberis existentibus legitimorum jura tribuere naturalibus per dominium altum, quod habet in bona subditorum, quando bonum publicum id exigit: & etiam id tunc poterit, quando Pater filiis legitimis suam legitimam assignaverit, quo satisfecit legi. In dubio tamen contrarium præsumitur ob rationem datam. Primum ergo requisitum ad hanc legitimacionem est, ut deficiant filii legitimi.

139. Secundum requisitum est, ut ipsi liberi legitimandi consentiant. *Nov. 89. cap. Generaliter.* cujus verba sup. relata sunt. Ratio ibidem assignata. nam sicut illis invitis non solvitur patria potestas, ita nec inviti subjiciuntur.

140. Quod si sit infans, sicut ejus consensus in emancipatione non requiritur ita nec in legitimacione, quatenus tamen major factus ratum habuerit.

Tertium requisitum est oblatio facta à patre. *Nov. 89. c. 10.* sufficit tamen si hoc in mortis articulo petat. ibi. [Si quis, qui solummodo naturalium filiorum est pater per quosdam fortuitos casus non valuerit hoc agere, moriens autem sub quodam prædictorum casuum scripserit testamentum, volens sibi legitimis esse filios successores, & in hoc damus ei licentiam & fiduciam, supplicantiibus tamen etiam sic filiis post mortem patris, & hoc dicentibus, & ostendentibus patris testamentum, & hæredibus existentibus secundum legem, hoc quoque donum habeant patris & Principis, id est, dicere, naturæ simul

simul & legis.] Posset tamen Princeps solis liberis petentibus eos legitimare, si morum probitas & bonitas indolis exigeret. Non erit tamen tunc ullus effectus quoad successionem & alia jura aliis jam quaesita, nisi publica causa aliud suaderet.

141. DUBITATUR An requiratur consensus agnatorum & cognatorum ab intestato venientium. Hünnius tribuit affirmativam Fachineo, sed nullum locum indicat, & nullibi planè eam reperio in Fachineo, qui solum consensum liberorum requirit. Itaque communis & certa sententia est, eorum consensum non requiri; quia necdum aliquod jus, sed solam spem habent, eamque remotam. & ideo etiam in adoptione eorum consensus non requiritur. l. 7. ff. de adop. Sanè is, cui non est proles legitima vel ascendens, potest totam suam substantiam naturali filio relinquere. Nov. 89. c. 12. §. 5. cur ergo non possit legitimationem petere ad successionem?

Hinc dubium est, quomodo intelligenda sit clausula, quam in hujusmodi legitimatone solent Principes apponere, ut succedant patri matri, & aliis, si proximi ex cognitione consenserint: Aliqui volunt designari successores etiam laterales. Sed malè. nam sic inanis & sine fructu erit plerumque clausula: quis enim horum consensum speret? Verius est, ad eorum consensum restringi, quibus legitimatus intendit succedere.

142. QUÆRITUR nunc 12. Quibusnam hæc potestas legitimandi conveniat. 2. Competere tantum illis Principibus qui Superiorem non agnoscunt, quoad suos subditos. [Idem jus, (inquit Zæsius n. 25.) est Pontifici Romano quoad omnes Christianos, qui omnes sunt ejus subditi; cujus tamen legitimatio non proderit nisi quoad Ordines, dignitates & beneficia Ecclesiastica. c. Per venerabilem. 31. h. r. Habet enim in spiritualibus Pontifex summam potestatem circa omnes Christianos, etiam in casu, quo proles nata ex nefaria copula, eam sit supra jus, ut quod huic denegatum, concedere possit restituendo. Quoad successionem & civilia munia non prodest Pontificis legitimatio, ne turber Judicis laici Jurisdictionem. nisi tamen & ipse potestatem temporalem habeat circa personam, aut aliquis non habens Superiorem eidem se subijciat, aut ita postulet Reipub. necessitas. c. Novit. de Judiciis.] Ità Zæsius. cui addendum est, quod scribit Fachinæus lib. 3. c. 58 respondendo ad argumentum, quo aliqui probare nitebantur, legitimatum à Pontifice posse succedere etiam extra ditionem temporalem Pontificis, quia is habere dicitur casualiter jurisdictionem in omnibus locis, ut habetur in cap. per venerabilem. Respondet ad hoc Fachinæus, quod licet Pontifex dicatur habere casualiter jurisdictionem ubique etiam temporalem, eam tamen ipse pro-

fitetur, se nolle exercere cum alterius injuria, ut habetur in dicto cap. per venerabilem. quod quia longissimum est, sufficit illius summam, ut habetur in ipso corpore juris, huc ponere. [In terris Ecclesiæ Papa potest libere illegitimos legitimare, in terris verò alienis non nisi ex causis multum arduis, vel nisi in spiritualibus: tunc tamen indirectè, & per quamdam consequentiam intelligitur legitimare etiam quoad temporalia; hoc tamen ultimum non est sine scrupulo. h. d. secundum intellectum, qui placet Panormitano, & est cap. difficile, & multum famosum.]

143. QUÆRITUR 13. Utrum legitimatus uno in loco & territorio, haberi debeat etiam alibi ut legitimus quoad successiones & honores. Affirmant Surdus & quidam alii. Sed negandum videtur cum Covarr. & Zæsius, hoc enim esset extra suum territorium jus dicere, cui proinde impune non parebitur. L. fin. de Jurisdic.

144. QUÆRITUR 14. Quænam sint exprimenda in impetratione legitimatationis. 2. 1. Esse exprimendum, an sit simpliciter naturalis; an spurcius, an incestuosus 2. Debet fieri mentio statuti, si quod existat, quo faminae per masculos excluduntur: Nam tale statutum pertinet ad præjudicium filiarum, possitque Principem à legitimatone retardare. 3. Si petit legitimari ad successionem in feudo, debet feudalis qualitas exprimi, ut tradit Mynsingerus. §. obfer. 42. & alii.

QUÆRITUR 15. An sicut olim Curia oblata legitimabantur, ita hodie legitimantur, qui Ministeriis Principum offeruntur. Affirmat Accursus. Sed omnino negandum est. (nisi speciali statuto aliud cautum esset.) quia non est par ratio. non enim tam ardua sunt Principum ministeria, ut hoc illicio indigeant, sicut erant munera curialia, plus oneris quam honoris continentia.

145. QUÆRITUR 16. An filius per rescriptum Principis legitimatus excludat filias postea natas, si ex speciali statuto alioquin à legitimis excluduntur. 2. Affirmative per Novell. 89. c. 9. in fine, ubi Imperator dicit, per Principis rescriptum legitimatos à legitimis nihil differre. Si tamen constaret, quod Statutum loquatur de solis filiis legitime natis, ei non censetur Princeps præjudicare.





## CONTROVERSIA II.

## De Filiis Adoptivis.

## SUMMARIUM.

- A**doptionis genericè sumpta definitio. 146.  
 Adoptionis Divisio in Arrogationem & Adoptionem specificè sumptam. 148.  
*Ad Arrogationem requiritur expressus consensus arrogandi.* 150.  
*Coram quo Iudice fieri debeat adoptio.* 151.  
*Quinam possint adoptare.* 152.  
*Quando feminis concedatur.* 153.  
*Virum Infans possit arrogari.* 154.  
*Quomodo intelligenda sit quarta pars bonorum relinquenda injuste emancipato.* 156.  
*Quinam adoptati subiciantur patriæ potestati adoptantis.* 157.  
*Si adoptans avus emancipet, recidit in potestatem patris naturalis.* 158.  
*An quis possit adoptare solum in filium, vel etiam in Nepotem.* 159.  
*Potest quis patrem cum filio adoptare.* 161.  
*Habens filium quomodo possit adoptare in nepotem.* 162.  
*Virum Adoptivus succedat in Feuda.* 163.  
*An filius adoptivus excludat substitutum.* 164.  
*Quinam ulterius adoptare prohibeantur.* 165.

146. **A**doptio genericè sumpta prout abstrahit ab arrogatione & adoptione specificè sumpta, definitur, Actus legitimus (hoc est, secundum iura factus, & legibus approbatus) per quem is, qui naturâ non est, fit filius electione. Sive: Est legitima extranei hominis in filium assumptionio.

Inventa est Adoptio primariò in solatium eorum, qui per naturam liberos non habent, sive ob conjugii sterilitatem, sive ob liberorum procreatorum amissionem, sive ob eorum degeneres & improbos mores, & sic meliùs illi se fieri, nullos habere: deinde etiam in solatium eorum, qui Matrimonium ob ejuſ, onera & molestias detestantur:

147. Est ergo hæc secunda filiorum divisio in Naturales & Adoptivos. Ubi *Naturales* non accipiuntur prout opponuntur legitimè natis (de quibus præced. Contròv. actum) sed accipiuntur, prout per naturalem generationem obtinent sunt.

148. Dividitur Adoptio genericè sumpta in Arrogationem, & Adoptionem specificè sumptam.

Arrogatio est Adoptio alicujus extranei, qui sui Iuris est, hoc est, in nullius patriæ potestate constitutus. Adoptio in specie est adoptio alicujus extranei filii familias, hoc est, sub patriæ potestate constituti. Cur autem hæc species re-

tinuerit nomen generis, dant Legistæ hanc rationem, quia in iure plura sunt negotia, quàm vocabula. *L. Natura. ff. de præscript. verb.* Unde fit, ut quandoque species mutuetur nomen generis.

149. Cur autem Adoptio alicujus qui esset paterfamilias vocaretur Arrogatio, inde est, quia primitus fieri debebat in comitiis, cum consensu & rogatione populi Romani; nempe quia agebatur de cive Romano sui Iuris existente, & patriæ potestati subijciendo, quòd ad totam Rempublicam spectare videbatur: rogandus ergo erat populus an permittere vellet adoptionem quæ propterea *Arrogatio* dicta est. Huic Solennitati postea successit consensus Imperatoris. *l. 2. ff. de Adopt. ibi.* [Principis auctoritate adoptamus eos qui sui Iuris sunt: quæ species adoptionis dicitur Arrogatio, quia & is qui adoptat rogatur, id est, interrogatur, an velit enim, quem adoptaturus sit, justum sibi filium esse, & is qui adoptatur, rogatur, an id fieri patiatur.]

150. Requiritur ergo ad Arrogationem expressus consensus illius, qui adoptandus est, cum tamen in adoptione specificè sumpta sufficiat consensus tacitus. *L. 5. ff. h. t. In adoptionibus eorum duntaxat, qui suæ potestatis sunt, voluntas exploratur: sin autem à patre datur in adoptionem, in his virisque arbitrium spectandum est, vel consentiendo, vel non contradicendo.* Ratio autem prioris est, quia per arrogationem constituitur sub patriæ potestate & delimit esse sui Iuris, ut dicitur: atqui hoc non debet nisi consentiens pati. Ratio posterioris est, quia jam est in potestate patriæ, & statum non mutat, habetque patris naturalis iudicium. Requiritur tamen saltem tacitus consensus; quia transit, si non in patriam potestatem, saltem in familiam adoptantis eatus, ut filius illius dicatur, & non potest adoptantem vocare in Ius sine venia. *Brederosius hic.*

151. **QUÆRITUR 1.** Coram quo Iudice fieri possit & debeat adoptio. *2.* Successus temporis & locorum consuetudine introductum est, ut sicut Arrogatio alioquin Principis consensum requirens postea perinde valere cœperit, si apud Prætores aut Præsides esset iussumata, & Adoptio apud quemvis competentem Iudicem. *L. 2. & fin. C. h. t.* ita apud quemvis ordinarium loci, & coram quovis Magistratu municipali Adoptio & Arrogatio procederet.

152. **QUÆRITUR 2.** Quinam possint adoptare. *2.* Eos solos, qui naturâ generare, & filios in potestate patriæ habere possunt. *§. 4. Inst. de Adopt.* Hinc inferunt Iura. 1. Castratos adoptare non posse. *§. 9. Inst.* quia naturâ generare liberos nequeunt. Spadones vetò possunt adoptare, quia spem habent restitutionis, cum impedimentum generationis possit cœterâ Medicorum emendari. *L. 40. ff. h. t.* Spado adoptando suum heredem sibi adsciscere potest, nec ei corporale vitium impedimento est.

153. *Inferunt* 2. Fœminas adoptare non posse, quia non possunt liberos, etiam naturaliter conceptos habere in sua potestate. §. 2. & 3. *Inst. h. t.* In solatium tamen liberorum amissum ex indulgentia Præcipis adoptare possunt, non ut adoptatum in sua potestate habeant, sed solum ad hoc, ut habeant, quos filios appellent, & ut tandem, si intestate decedant, habeant legitimos successores: adeoque hujus adoptionis idem effectus est, qui adoptionis specificè sumptæ, factæ ab extraneo.

*Inferunt* 3. Eum adoptare non posse, qui non plenâ pubertate, hoc est, octodecim annis excesserit adoptandum. *Inst.* §. 4. Nam ante hanc ætatem regulariter loquendo vis generandi non est expedita.

154. *QUÆRITUR* 3. Utrum infans possit arrogari. Ratio dubitandi est, quia iura, ut vidimus, requirunt expressum consensum arrogandi; atqui talem non habet infans. §. 1. Posse adoptari adoptione specificè sumptâ, quia satis est, eos non contra licere, & patrem consentire, ut dictum est. §. 2. Antiquitus non poterat impubes arrogari, quia horum iudicium infirmum est: sed neque tutorum auctoritas sufficiebat. Quia tutores non habent potestatem subijciendi caput liberum alienæ potestati: Nihilominus postea rescripto Divi Antonini Pii, & Imp. Diocletiani, & Maxim. permissum est, ut etiam impubes ex iusta causa arrogari posset, si illi, qui sanguinis necessitudine conjuncti sunt, iudicaverint id impuberi expedire, & apud Magistratum affirmaverint, quâ ratione iudicium impuberis suppletur. *L. 2. in pr. C. hoc tit. Impubes, quem ad vicem naturalis sobolis arrogare desideras, si hi qui sanguinis necessitudine sibi junguntur, id ei expedire apud præsidem provincie iudicaverint, filium habeas. &c.* Elegantem hujus rei rationem reddit Casp. Manzius, quare tutoris consensus non debebat sufficere, sed tamen propinquorum. Quia potuisset tutor fortassis unus tutelæ hoc modo subterfugere, & per consensum in arrogationem se à tutelæ molestia liberare: propinqui autem non ita facile consentiant, quia spem habent successione, si impuberem mori contingat, dum sui iuris est, (quia testamentum facere non potest) quæ spes evanesceat, si arrogetur. Requiritur ergo accurata causæ cognitio, an honesta sit, & pupillo expediat: unde, & conditio illius qui vult arrogare, consideranda est. Requiritur insuper, ut hujusmodi, quod bona arrogari, si impubes decesserit, restituere velit hæredibus pupilli. Denique obligant, quod, si illum emancipaverit, non solum omnia ejus bona ei reddere velit, sed etiam quartam partem omnium bonorum relinquere. Itâ habetur *L. 2. cit.* [Itâ ut bonorum tuorum quarta pars, tam in postremo iudicio tuo, quam si à te emancipatus fuerit, ei præbeatur, & super Patrimonio ejus idoneis fidejussoribus datis servo publico caveatur, ne sub copulandæ adoptionis obtentu, in facultates ejus, ut ei diligenti provisione servandæ sunt, irruas.] Ubi glossa notat: quod hoc sit intelligendum de Emancipatione sine causa, alioquin si causa iusta esset, perderet eam par em.

155. Unde non invenio, quo iure nixus sit Antonius Perz in h. t. n. 8. dicens, quod hujus arrogationis effectus sit iste, quod arrogatus non possit impuberem arrogatum sine iusta causa emancipare, vel exheredare: ex iusta verò causa emancipans, vel exheredans teneatur adhuc quartam partem suorum bonorum relinquere. Hoc sanè lex hæc non dicit, nec ille aliam assert. Et sanè ratio est, quod solum teneatur quartam partem relinquere, si sine causa iusta emancipet: quia hæc est ejus legitima, quâ non est injustè privandus. Aliam rationem reddit Harpprecht, quod in pœnam temerariæ emancipationis, aut exheredationis quartam arrogato relinquere jubetur. Nam, vel arrogare non debuisset, vel arrogatum non dimittere sine iusta causa. Ex his rationibus apparet, alios Legistas cum glossa sentire.

156. *QUÆRITUR* 4. Quomodo intelligenda sit hæc quarta pars bonorum relinquenda injustè emancipato, an quarta pars omnium bonorum, h. e. quadrans assis, vel solum quarta pars portionis ab intestato debitæ. Hoc posterius affirmat Accursius, sed illud prius est cum communione affirmandum. Itâ enim sonant verba relata legis. 2. *C. h. t.* nec Accursius quidquam alicujus momenti in contrarium assert. Si, inquit, omnium bonorum pars quarta deberetur arrogato, melioris conditionis foret arrogatus, quàm liberi naturales, ac plus consequeretur, quàm liberi naturales; siquidem si tres, quatuor, aut plures liberos naturales arrogator haberet, plus auferretur ex bonis patris arrogatus, quàm naturales, quod videtur inconveniens. Hoc, inquam, leve est, nam, ut vidimus, qui vult alium arrogare, non debet habere filios naturales. Quodsi aliquando conceditur Arrogatio habenti filios naturales, id rarissimum est, & in considerationem non venit. Nam tali casu sufficere, si filii naturales suam legitimam portionem consequantur.

157. *QUÆRITUR* 5. Quinam adoptati subijciantur patriæ potestati adoptantis. §. 1. Omnes arrogati subijciuntur, itâ quidem, ut si hi ipsi habuerint in patria potestate alios sive adoptivos sive naturales, hi omnes inâ cum suo patre subijciantur. Nam qui sub patria potestate est, nō potest ipse alios habere sub patria potestate, quia non potest esse simul paterfam. & filiusfam. Itaque quoad arrogatos Justinianus nihil innovavit. *L. penult. §. 1. ibi. Et omnia, quæ ad legulum arrogatum veteres legumlatores introduxerunt, intacta illibataque in eorum personis referuntur.* §. 2. Loquendo de adoptione specificè sumpta o-

lim quidem idem Iuris erat, ut etiam adoptivus transiret in potestatem adoptantis. Sed Justinianus Imperator hoc immutavit in dicta lege his verbis. [Ideo talium dubitationem rescantes, & tale vitium corrigentes, sancimus, per adoptionem quidem ad extraneam personam factam jura naturalis patris minimè dissolvi, sed ita eum permanere, quasi non fuisset in alienam familiam translatus. Cùm enim tanta fragilitas est adoptionis, ut possit in ipso die, & filius fieri, & extraneus per emancipationem inveniri, quis pariat jura patris naturalis nexu divino copulata, ludibrio defraudari, cùm in hoc casu & contradicendi filio ex jure veteri detur licentia, & invitus transire ad aliam non cogitur familiam. Et paulò post. [Si verò pater naturalis avo materno filii sui, vel si ipse fuerit emancipatus, etiam avo paterno, vel proavo simili modo paterno vel materno, filium suum dedit in adoptionem, in hoc casu quia in unam personam concurrunt, & naturalia, & adoptantis jura, maneat stabile Ius patris adoptivi, & naturali vinculo copulatum, & legitimo adoptionis nodo constructum; & ad eum solum respiciat filius, cui eum, & natura aggregavit, & lex per adoptionem assignavit: &c.] Itaque in adoptione specifica distinguitur. Vel adoptans est adoptati avus, vel extraneus; si est avus, nihil innovatur, sed transibit in potestatem patriam adoptantis, eique soli succedet. Si verò sit extraneus, manebit in patris naturalis potestate salvis omnibus Iuribus successionis. & quidquid filius hic acquirit, patri naturali acquirit. Adoptivus pater extraneus nihil ei cogit in testamento relinquere, imò potest, quandoque voluerit adoptionem dissolvere. quod si aliquid reliquerit, erit mera liberalitas. Nihilominus tamen hæc Adoptio ab extraneo facta non est penitus inutilis, & mera caremnia. Nam adoptans ex adoptionis actu hoc consequitur, quòd adoptatus etiam filius ipsius dicatur. Deinde si pater adoptivus intestatus decesserit, ad ejus successionem legitimam admittitur, non tamen ad successionem aliorum consanguineorum.

158. Quodsi Adoptans avus adoptatum emancipaverit, tunc recider in potestatem patris naturalis, & omnia Iura successionis recuperabit. *ead. L. De hoc tamen dicitur tr. §. c. 3. con. 2. ubi dicam Ius succedendi patri naturali non amitti.* Sed quid si post mortem naturalis patris emancipasset filium (prout liberè potest) & patris bona jam ad alios devenissent, ad quid avus tenebitur? P. Mol. d. 227. n. 20. putat, quod nisi loco patris necessarius succedat, talem emancipatum manere exclusum ab utraque hæreditate: nec Ius pro hoc casu providisse, præsumens ascendenti non emancipatum, & dissolutorum adoptionem, nisi ob ingratitudinem adoptati. Ego crederem, quòd in tali casu ex

legis intentione & æquitate habendus esset instat Arrogati, & per consequens quartam partem bonorum consequeretur, si sine justa causa emanciparetur.

QUÆRES: quomodo possit avus paternus nepotem adoptare, cùm per se sit sub ejus potestate. R. Si filius fuerit emancipatus, nepos est in sui patris, & non avi potestate, & tunc poterit illum adoptare.

159. QUÆRITUR 6. An quis possit adoptare non solum in filium, sed etiam in nepotem, præsertim si nullum filium habeat, prout regulariter adoptantes non habent. Ratio dubitandi est, quia adoptio naturam imitatur: acqui secundum naturam nemo habet nepotem, nisi habuerit filium: ergo ut quis adoptet in nepotem, debet prius vel per naturam, vel per adoptionem habere filium. Ratio ulterior est, quia sic duæ fictiones circa unam eandemque rem concurrent, nempe fictio filii, & fictio nepotis. His non attentis decrevit Imperator. §. 1. *Inst. h. t.* Possit fieri talem adoptionem in nepotem, & nepotem, imò & pronepotem, &c. etiam nullo existente filio. Neque enim adoptio per omnia imitatur naturam, sed eò usque, quousque Imperator voluit, alioquin nemo adoptare posset, nisi qui haberet uxorem. Pari modo non duæ tantum sed plures fictiones simul concurrent, si leges ita statuant, quamvis in re dubia non admittantur.

160. Quodsi curiosus quæras, quam rationabilem causam habere quis possit, ut malit in nepotem, quàm in filium adoptare? Respondet Casparus Manzius. Fortè nepos illi valde dilectus mortuus est, ejus loco & memorie vult alium substituere. Fortè tam provectæ ætatis est, ut malit avus, quàm pater nuncupari. Addi potest & hæc, fortè habuit filios steriles, quos vult hac adoptione honorare.

161. Ulterius §. 6. concedit Imperator, ut quis possit patrem cum filio adoptare, non solum patrem in filium, & filium in nepotem, sed etiam è converso filium in filium, & patrem in nepotem. Quia verò Imperator non explicat, an hoc velit solum posse fieri disjunctim, an etiam conjunctim, ideo Casparus Manzius in gratiam scilicet hanc quæstionem tanquam spinosam ad longum disputat, apud quem ea videri potest, mihi ea tora inutilis, (ne dicam ridicula) videtur. Nam ut faretur hic auctor, parens tradens se tam perverso ordine in adoptionem, ut filius esset filii sui, ineptiret. infero, ergo etiam ineptiret adoptans: ille enim ineptit, qui ab alio aliquid ineptum petit. Ergo talis adoptio non erit ad nientem Imperatoris.

162. In casu, quo quis habens filium, si ve naturalem, si ve adoptivum, vellet adoptare alium in nepotem, tanquam ex illo filio natum, hoc casu requirit Imperator §. 7. consensum filii quantumvis in ejus patria potestate existentis.

Non

Non item si avuus suum nepotem veller alteri in adoptionem dare. Ratio disparitatis est, quia in priori casu agnascitur filio hæres, quod utique non convenit fieri eo invito. In secundo casu nihil derogatur filio avi nudentis in adoptionem nepotem, quandoquidem utrumque habet in sua potestate: vel enim tradit in adoptionem ascendenti, & tunc transit in ejusdem potestatem, & hoc potest fieri in vivo patre, quia posset eo invito emancipari. Vel dat extraneo, & tunc non transit, & mortuo avo est recasurus in patriam potestatem sui patris naturalis: ergo non est usque adeo in præjudicium filii posterior adoptio, sicut esset prior: quamvis negari non possit, tunc etiam aliquid præjudicii esse, si avo materno daretur nepos in adoptionem, quia non esset, avo mortuo, recasurus in patriam potestatem patris naturalis.


163. QUÆRITUR 7. Utrum adoptivus succedat in feuda. Distinguendum est inter Feuda hæreditaria, & non hæreditaria. In Feuda hæreditaria quæ jure hæreditario deferuntur, succedit, non jure feudali, sed jure communi & hæreditario. Nam in hæreditaria successione adoptivus æquiparatur per omnia naturalibus. Nov. 118. c. 1. per illa verba: *cuiuslibet nature aut gradus, &c.* Si verò feudum non sit hæreditarium tunc iterum distinguendum est. Vel enim fuit adoptatus antequam feudum acquireretur, vel post feudum acquisitum: si post acquisitum, non succedit: & hoc ad minimum vult tit. 26. §. *Adoptivus. lib. 2. Feud.* ubi dicitur: *adoptivus filius in feudum non succedit.* Si ante feudum acquisitum, tunc iterum distinguendum est. vel enim est feudum omnino novum, vel patrum. Si patrum, etiam non succedit, quia sicut in priori casu, ita & in hoc primus concedens feudum non censetur habuisse intentionem, ut ad filios adoptivos perveniret. Si verò sit omnino novum, tunc si ex investitura, vel aliàs constaret, quòd feudum etiam pro adoptivis concederetur, utique succederet. Secus non succederet, quidquid dicant aliqui, quia potuit concedens ignorare filium adoptivum, aut etiam sciens velle insistere luti feudorum expresso. in tit. cit. Sed de hoc redibit sermo suo loco cum agatur de Feudis.

164. QUÆRITUR 8. An filius adoptivus excludat substitutum, sicut diximus supra de filio legitimo, si fideicommissum reliatum est patri adoptivo sub hac conditione: *si sine liberis.* Ratio dubitandi & affirmandi posset esse, quòd adoptati quoad successionem æquiparentur naturalibus: ergo sicut naturales excluderent substitutum, ita excludent etiam adoptivi. Hæc tamen ratio continet æquivocationem. Comparantur adoptati ab ipso testatore cum naturalibus ejusdem, non adoptati ab hærede. Itaque negativè respondendum est. Imprimis enim

absurdum est admittere, quòd in arbitrio hæredis gravari sit posse substitutum deludere, & extinguere fideicommissum: hoc autem posset adoptando. Deinde non est verisimile, testatorem voluisse adoptivos nomine liberorum complecti, cum non fictos, sed veros liberos cogitasse merito præsumatur. Denique est textus satis apertus in *L. fideicommissum. 76. ff. de Condit. & Demonstr.* quæ sic habet. *Fideicommissum à filiis relictum: si quis ex his sine liberis diem suum obierit: adoptionis commento non excluditur.* Quid clariùs?

Hoc ipsum putavit Jafon esse dicendum, si filius adoptivus hæres fuit fideicommissum gravatus: ex eo fundamento. Quia Justiniani constitutione *L. generaliter. §. cum autem. C. de Inst. & subst.* cautum est, ut quoties testator aliquem ex sua progenie fideicommissum gravaverit, hæc conditio subintelligatur: *si sine liberis.* ergo etiam in fideicommissum Adoptivi subintelligenda est, quia æquiparatur cum naturali filio. Ceterum Hunnius secutus Franciscum Mantuam distinguit. Si adoptati ab ascendente, scilicet avo, fuerint gravati, erit subintelligenda, secus si ab extraneo. Discriminis ratio est, quia non est verisimile (secundum leg. cit.) testatorem voluisse substitutum extraneum præferre proprio sanguini. Hæc ratio procedit in adoptato ab avo (cujus etiam sanguis est) non verò in adoptato ab extraneo.

165. QUÆRITUR 9. Quinam (præter insinuat) adoptare prohibeantur. *2.* Prohiberi illi, qui sunt obnoxii rationibus reddendis illi ipsi quem vellent adoptare, fraud enim merito timeri posset. Hinc ante redditas rationes Tutor aut Curator arrogare non potest, cuius tutelam aut curam gessit, nisi postquam adoptandus fuerit viginti quinque annorum, aut nisi ex privilegio principis. *L. nec ei in pr. jun. Età lege nonnunquam. ff. h. t. ibi.* [Nec ei permittitur arrogare, qui tutelam vel curam alicujus administravit, si minor 25. annis sit, qui arrogatur, ne fortè eum ideo arroget, ne rationes reddat.]





## CONTROVERSIA III.

## De Patria &amp; Potestate.

## SUMMARIUM.

**P**atria Potestatis definitio. 166.

Quando supremus ascendens moritur, proximus est sui juris, & ceteri recidunt in ejus potestatem. 167.

Patri arroganti & adoptanti ex descendens competit patria potestas. 168.

Arrogatus transiit in potestatem unâ cum liberis. 169.

Quos effectus pariat patria potestas. 170.

Quomodo patria potestas finitur. 176.

Si avus emancipet filium, non propterea nepos recidit in potestatem patris, sed manet in potestate avi. 178.

Secus si exiret per dignitatem. 179.

Solvitur etiam per mortem civilem. 180.

Solvitur etiam per hæresin. 181.

Item per incestas nuptias. 182.

Item per captivitatem patris vel filii. 183.

Item per Professionem in Religione. eod.

Item per Electionem filii in Episcopum aut Cardinalem. 184.

Item si filius fiat patritius, præfatus pratorii, &c. 185.

Item per Emancipationem. 186.

Ex consuetudine solvitur patria potestas per Matrimonium. 187.

In quibus casibus possit pater cogi ad emancipandum. 188.

Quos effectus pariat dissolutio patrie potestatis. 189.

**P**atria potestas non accipitur hoc loco Theologicè pro potestate gubernativa, prout jure naturali introducta est, & vota liberorum dissolvendi ac iterandi potestatem continet. sed accipitur in sensu Juris Civilis, & ratione effectuum quos hoc jure habet, dicitur esse Juris Civilis, & ab hac Potestate provenit formaliter denominatio Filii familias, non tamen denominatio Patris familias. hæc enim denominatio desumitur unice & adæquatè ab eo quod est, esse sui juris, & caput suæ domûs: quæ denominatio convenit etiam ei qui nullam prolem habet, imò & infanti non constituto in ullius patrie potestate.

166. Notand. 1. Definitur Patria potestas: Jus, per quod filii & filie exterique descendentes supremo ascendentium superstiti ex linea masculina subjiciuntur in ordine ad certos effectus jure Civili introductos. Colligo hanc definitionem ex iis quæ deinceps dicturi sumus; neque differt hæc definitio à definitione Schneidewini & Harpprecht, nisi quod hi solius Patris & Avi mentionem faciunt, cum tamen etiam Proavo convenire possit. Itaque de jure communi supremus ascendentium habet in patria po-

testate omnes descendentes legitimos per lineam masculinam, sive masculi illi sint sive feminae, sive conjugati, sive soluti: non tamen descendentes per lineam femininam, v. g. filius filix non est in potestate avi materni. Unde nescio cujus culpa irrepperit turpis error in tomum Card. de Lugo disp. 7. s. 1. n. 1. ubi dicitur, avum habere in sua potestate filiarum filias, non tamen filios, quod omnino falsum est, nam nec filios nec filias filiarum habet in patria potestate. *Inst. de pat. potest. §. Jus autem.* hæc omnia clare habentur his verbis. [Qui igitur ex te & uxore tua nascitur, in tua potestate est. item qui ex filio tuo & uxore ejus nascitur: id est, nepos tuus & neptis, æquè in tua sunt potestate, & pronepos & proneptis, & deinceps ceteri. Qui autem ex filia tua nascuntur, in potestate tua non sunt, sed in patris eorum.]

167. Notandum 2. Quando supremus ascendens moritur, tunc proximus est sui juris, & reliqui descendentes recidunt in ejus potestatem. Quod si aliquis descendentium, v. g. filius, egrediatur patriam potestatem, non propterea illi, qui antequam egrederetur, jam nati aut etiam solum concepti sunt, & postea nati, erunt sub hujus potestate, sed sub potestate avi seu supremi ascendentis superstitis: illi verò qui post emancipationem concepti fuerint, erunt sub emancipati potestate, & extra potestatem avi, &c. §. *Illud autem. §. Inst. quibus modis jus pat. pot. solv.* ibi. [Illud autem scire oportet, quod si natus tua ex filio tuo conceperit, & filium postea emancipaveris, vel in adoptionem dederis prægnante nuru tuâ, nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit, patris sui emancipati, vel avi adoptivi potestati subijciatur.] Hæc quidem de jure communi. Verum hodie, ut infra dicam, plerumque soli patri competit patria potestas, quia særè ubique per nuptias filius egreditur patriam potestatem. Ubi tamen hæc consuetudo non viget, jus commune obtrinet; juxta quod etiam filii jam conjugati & majores 25. annis adhuc sunt in patria potestate donec emancipentur.

168. Notandum 3. Patri adoptivo non cuicunque, sed illi solum competit patria potestas, qui per arrogationem adoptat, hoc est aliquem sui juris, vel qui adoptat aliquem ex descendens, v. g. avus Maternus filium sui generi, vel avus paternus suum nepotem geitium ex filio suo jam emancipato. in his casibus definit adoptatus esse in potestate patris sui naturalis, & incipit esse in potestate avi. quæ omnia præced. Contr. probata sunt legibus. Et hi omnes adoptatores possunt adoptatos iterum dare alteri in adoptionem, sicut si essent filii naturaliter geniti.

169. Notandum 4. Si arrogatus habeat ipse filios in potestate, transit in potestatem patriam arrogantis unâ cum suis liberis, eique, nisi emancipetur succedit pleno jure sicut filius naturalis. Qui verò ex descendentibus adoptatur, ita succedit avo adoptanti tam ex testamento quàm ab intestato, ut tamen secundum aliquos patri naturalis non sit hæres seu necessarius ex testamento, hoc est, ut non possit impugnare & dicere nullum testamentum patris naturalis, si in eo præteratur: si tamen pater naturalis in restatus decedat, succedit illi ab intestato non ut filius, sed ut proximus agnatus, ac jure sanguinis: nam si filii adessent ab illis excluderetur, & ita plures supponunt. Verum in seq. tract. loco paulò antè citato ostendunt probabilius esse oppositum ex Navellæ. Matri verò tam ex testamento quàm ab intestato est hæres. Quod si fortè talis adoptatus ab ascendente adoptante emancipetur (quemadmodum pro libitu adoptantis potest) eo ipso recidit in potestatem patris naturalis, eique succedit perinde ac si nunquam adoptatus fuisset. De casu, quo pater naturalis ante talem emancipationem jam mortuus esset, dixi aliquid sup. Cont. q. 5. prope fin. & mitior quòd hunc casum Legiſta non attingant, saltem quos ego videre potui. Hæc omnia ferè jam sup. probata sunt, & habentur *L. pen. §. si verò pater. 6. de adopt. L. penult. ff. de ad. l. si tibi parens c. de suis & legitimis hæredibus. §. sed hodie. v. si verò pater. Inst. de adopt. §. sed ea omnia. Inst. de hæred. quæ ab intestato deferuntur.*

170. QUÆRITUR nunc 1. Quos effectus patriæ potestatis. 2. Primus & primarius effectus est jus quod habet pater in bona filii: de quo dicitur *Conſ. v. seq.* Secundus est, quod Pater sine opprobrio, vel (ex probabili sententia) in necessitate tuenda vitæ constitutus, quam aliter tueri non possit, habeat jus vendendi vel oppignorandi filium (qui non sit in factis constitutus, nam hos excipiunt Canonistæ) cum obligatione tamen eum redimendi, cum pater ad meliorem sortitum redierit: & emptor cogitur accepto pretio ad quocunque eum dimittere liberum. *L. 2. c. de patrib. qui filios suos.* [Si quis propter nimiam paupertatem, egestatemve victus causâ filium filiamve sanguinolentus vendiderit, venditione in hoc tantummodo casu valente: emptor obtinendi ejus servitii habeat facultatem: liceat autem ipsi, qui vendidit, vel qui alienatus est, aut cuilibet alteri ad ingenuitatem eum propriam repetere, modò si aut pretium offerat quod potest valere, aut mancipium pro hujusmodi præstet.] Observant autem Harpprecht & alii, hanc venditionem potius habere rationem pignoris quàm venditionis. Nam licet Iustinianus Nov. 134. c. 7. prohibeat, ne pro paterno debito filius pignori capi, aut retineri possit, non tamen patribus id prohibet, sed creditoribus, irrogatâ etiam con-

travenientibus pœnâ patribus ipsis solvendâ. Tertius effectus. Pater potest filium ab alio dentum vel fugitivum (nisi ob servitium patris fugisset) reducere, ad quem effectum obtinendum utitur *Interdicto de liberis exhibendis aut reducendis.* de quo est tit. ff. & 6. ubi limitationes videri possunt. Quartus effectus Filiusfam. si velit in Iudicio contendere cum suo patre in cuius potestate constitutus est, non solum prius à Iudice veniam petere debet (hoc enim omnibus filiis etiam emancipatis & adoptatis ab extraneo commune est) sed neque illi facultas conceditur nisi in casibus sequentibus. 1. Si lis sit de bonis Castrensibus vel Quasi, *L. lis nulla ff. de Iudiciis.* 2. Si de ipsâ patriâ potestate vel Emancipatione. *L. 1. c. de patr. pot.* 3. Si de alimentis. *L. si quis. ff. de lib. agnos.* 4. Si de bonorum adventitiorum dilapidatione, vel alienatione immobilium. *L. Imperator. ff. ad Treb.* 5. Si filius non suo, sed alieno nomine agat, v. g. ut Tutor, Curator, Procurator. *gl. in l. lis nulla. ff. de Iud.* 6. Si lis sit de spiritualibus, de relictibus Eccles. imò & de Restit. Uxor. *Panormit. c. non est de sponsal.* Et hos effectus communiter referunt DD. Iura autem adducta suis locis exhibebuntur.

171. Quintum effectum ponit Ant. de Butrio, & ex eo Card. Tufchus n. 4. Curator bonis vel liti dari non potest adulto filiofam. existenti in potestate patris, si pater velit ipse administrare, quod præsumitur in dubio, ideo datio est nulla.

172. Sextum effectum ponunt alii. quòd filius in potestate constitutus non possit in Iudicio cum alio contendere sine licentia patris, in causâ civili ubi patris interest, secus verò in criminali, ubi de publico interesse agitur. Schneidew. hic. n. 33.

Septimus effectus est, quòd filiusfam. sine consensu patris non possit obligari ex mutuo, de quo agemus suo loco. *de S. C. Macedoniano.*

Octavus effectus est, quòd filiusfam. non possit donare mortis causâ absque consensu patris; testamentum verò, ne quidem consentiente patre facere possit nisi de Castrensibus & quasi. sed de hoc in tract. 6. & 9.

173. Nonus effectus est, quòd Pater filio impuberi quem in potestate habet, possit testamentò tutorem dare, eisdemque pupillariter substituere. de quibus iterum suo loco.

174. Decimus effectus. Pater injuriam filiofam. illatam remittere potest eo in vivo, nisi esset in dignitate constitutus; vel si ipse honestus, pater vilis esset. *l. 17. §. 12. c. seq. ff. de Injuriis.* & de hoc in præcedentibus dictum est tract. 2.

175. Undecimus effectus. Si pater velit jure testari, intuitu patriæ potestatis debet filium aut instituere hæredem, aut eum nominatim exheredare, alioquin testamentum quoad hæres-

hæredis institutionem non valet. *de quo, tomo seq. tr. 6.*

176. QUÆRITUR 2. Quomodo Patria potestas solvatur, ac finiat. R. Primus modus est per mortem naturalem, seu patris, seu filii, & hoc per se manifestum est. Nam unum Relativum sine correlativo esse non potest, nec forma sine subiecto. Sed nec ad hæredes transmitti potest, tum quia communiter filius ipse est hæres, tum quia est Ius personale, ossibus personæ individuae inhærens. Per mortem civilem non plenè extinguitur, sed potius suspensa manet. Nam si fiat in pristinum statum restitutus per Gratiam Principis, redit quoque Patria potestas; de quo postea. Nunc quoad mortem naturalem,

177. Notandum 1. Quod morte habentis patriam potestatem semper quidem illa solvatur inter hæc extrema, & correlativa, sed non semper ita, ut filius liber, & sui Iuris evadat. Si enim una cum suo patre fuit in alterius potestate, v. g. avi, avo mortuo recidit in patriam potestatem sui patris, qui tunc fit sui Iuris. Item si moriatur ascendens adoptator in cuius potestate fuit positus per adoptionem, ut dictum est præced. Contr. tunc eo mortuo, & adhuc vivo patre naturali, recidit etiam in huius potestatem, ut ibid. dictum est. & quoad prius habetur pr. *Inst. quib. mod. Ius pat. pot. sol. ibi. Itaque si moriente avo pater eorum vivit, & in potestate patris sui est, tunc post obitum avi in potestate patris sui fiunt.*

178. Notand. 2. Si avus emancipet filium, non propterea nepos recidit in potestatem patris, sed manet in potestate avi, sicut maneret, si pater mortuus esset. Hoc posito si moriatur avus, tunc nepos fiet sui Iuris, & non recidit in potestatem patris prius emancipati. Ità habetur *Inst. pr. h. t. quib. mod. ibi. Si verò it, quo tempore avus moritur, aut jam mortuus est, aut per emancipationem exiit de potestate patris: tunc ii, qui in potestatem ejus cadere non possunt, sui juris fiunt.* Sed quid fieret, si avus filium emancipatum iterum adoptaret, & deinde moreretur, essetne nepos recasurus in potestatem patris? Ratio dubitandi, & affirmandi posset esse, quia quod abstulit emancipatio, hoc restituit Adoptio: ergo sicut nepos fuisset recasurus, si pater nunquam fuisset emancipatus, ità erit recasurus, si iterum fuerit adoptatus. Respondendum tamen est negativè. *l. 41. ff. de Adopt. Si pater filium, ex quo nepos illi est in potestate, emancipaverit, & postea eum adoptaverit, mortuo eo nepos in patris non revertitur potestatem. Nec si nepos in patris revertitur potestatem, quem avus reinverit filio dato in adoptionem, quem denuo readoptavit.*

179. Notand. 3. Si verò pater exiisset patriam potestatem non per emancipationem sed per dignitatem, tunc mortuo avo nepos sui Iuris non efficitur, sed recidit in patriam potesta-

tem patris. Ità habetur in Novella 81. quæ incipit *Constitutio, quæ dignitatibus.* ubi §. 2. sic habetur. [Non enim volumus eum, qui ità suæ potestatis sit, perdere aliquod legitimorum Ius, sed sint & generi ad eos, & ipsis ad genus intacta legitima, & ex natura servata Iura, & filii eorum post mortem avorum sub eorum recidant potestatem, ac si contigisset eorum parentes morte suorum patrum, & non ex præsentī lege suæ potestatis fieri. & merito filios post mortem suorum patrum sub potestate habere, ut nihil horum, quæ ab imperio conferuntur, eis deesse videatur.]

180. Secundus modus sublativus, vel potius, ut dixi, suspensivus patriæ potestatis est mors civilis §. 1. *Inst. h. t.* [Cum autem is, qui ob aliquod maleficium in insulam deportatur, civitatem amittit, sequitur, ut qui eo modo ex numero civium Romanorum tollitur, perinde quasi eo mortuo desinant liberi in potestate ejus esse. Pari ratione, & si is, qui in potestate parentis sit, in insulam deportatus fuerit, desinit esse in potestate parentis. Sed si ex indulgentia principis restitutus fuerint, per omnia pristinum statum recipiunt.] Idem de pœnæ servo effecto est dicendum. §. 3. Non idem est in Relegatis. §. 2. Relegati autem patres in insulam in potestate liberos retinent. [Et ex contrario liberi relegati in potestate parentum remanent.]

Deportari autem dicuntur, qui in exilium mittuntur. Causa introducendi apud Romanos hanc pœnam erat, quod Iure Quiritum non liceret adimere vitam Civī Romano, quantumvis facinoroso, & scelerato. Hodie in Imperio Romano loco deportationis mittuntur ultra quatuor sylvas Imperii. Ab his differunt Relegati, quod illis interdicitur certa Civitas, aut provincia, vel quod mittantur ad certum locum, sed tempore indefinito. Olim differebant principaliter, quod deportati desinerent esse cives Romani, non item Relegati, & ideo hi non amittunt patriam potestatem.

181. Pœnæ servi olim facti sunt, qui ad ultimum supplicium condemnati, vel in metallum effodiendum fuerunt, vel ad pugnandum cum bestiis, &c. Hodie hæc servitus non habet locum. *Nov. 22. c. 8. auth. sed hodie. C. de donatione inter vir. & uxorem.* & consequenter, nec illi qui ad remotos mittuntur.

Tertius modus amittendi patriam potestatem est hæresis (sed ubi hæretici tolerantur, hæc non habet locum) c. 2. §. ult. *de hæreticis in 6.* ibique ratio redditur, cum dignum sit, ut propter tanti atrocitatem delicti filii esse in parentum hæreticorum desierint potestate. Idem de schismate docent plures apud Sanchez *Cons. Moral. l. 1. c. 1. dub. 14. n. 6.*

182. Quartus modus est, si pater contrahat incestas nuptias, easque (ut vult Covarr.) consummet. *auth. incestas. §. 1. C. de incestis nuptiis* [Incestas nuptias contrahentis pœna est confiscatio

rio honorum tam ceterorum, quam docis, exilium etiam, & cinguli spoliatio, verberatio quocumque si vile est, &c. Substantia sic amissa liberis hoc ipso sui juris effectis applicetur, ut tamen pater ab illis alatur: his non exstantibus filio defertur.]

183. Quintus est captivitas patris, vel filii ab hostibus, si servus fiat: (quod apud Christianos locum non habet) tunc enim suspenditur patria potestas, ita ut si in captivitate moriatur, retrahatur extinctio ad primum captivitatis diem: si vero liberetur, tunc privilegio postliminii censetur nunquam fuisse interrupta. Ita habetur Inst. §. 5. h. t. Quod si Christianus ab infidelibus capiatur, si revertatur iure postliminii omnia sua iura recuperat, perinde ac si captus non fuisset: si post decesserit apud hostes, statim cum captus est, decessisse fingitur. Interim dum apud hostes vivit, bonis ipsius curator dandus est. l. 15. ff. ex quibus causis majores, &c. Imo to. seq. dicam esse probabile, quod Christiani non reputentur servi, etiam si à Turcis capiuntur.

Sextus est Professio sive Patris sive filii in Religione approbata: quantum hoc illis utile est. de quo satis constat ex dictis cap. 1. Utrum autem hoc etiam procedat in illis, qui vota simplicia emiserunt, ita ut non recidant in patriam potestatem, si post emissam vota simplicia dimittantur in nostra Religione, agit Sanchez. l. 5. in Decal. c. 5. n. 31. & merito resolvit, quod talis recidat in patriam potestatem: non enim est paritas inter talem & inter Professum. Professus enim ejectus nihil amplius sibi acquirere potest, ejusque status est suo modo perpetuus, non minus, quam status Matrimonii aut dignitatis: secus est de Religiosis prædictis. Unde caute legendus est idem Sanchez, Conf. Mor. l. 1. c. 1. c. 14. n. 4. ubi contrarium asserit, & paritatem facit cum Professo.

184. Septimus est Electio filii in Episcopum vel Cardinalem. DD. communiter cum gl. in extrav. Execrabilis. de præbendis & dignit. verbo. sublimitate. Vtrum hoc etiam procedat de constituto in sacris Ordinibus, dubitatur. & Cardin. de Lugo putat clare negandum esse, quia alioquin non concederetur in hoc speciale quid Episcopis, utpote qui supponuntur habere sacros Ordines. Hanc rationem impugnatur quidam Recentior ex eo, quod multi Episcopi non sint Sacerdotes. Verum præterquam quod in illo privilegio attentum sit id quod per se est, Episcopus etiam non Sacerdos habet tamen Iurisdictionem in Sacerdotes, & huic dignitati videtur privilegium speciale concessum: de constitutis in Sacris nullum tale existat, & hac est longe communior Canonistarum contra Sylvestrum, Armillam, Ang. post glossam. Et quid multis? habetur expressè in Auth. Præbyteros. c. de Ep. & Cler. & Novell. 123. c. 19. [Præbyteros, & Diaconos, & Subdiaconos, Cantores & Lectores (quos omnes Cleri-

cos appellamus) res quolibet modo ad dominium eorum venientes, habere in sua potestate præcipimus ad similitudinem Castrensium peculiorum, & donati cui volunt secundum leges & in his testari: licet NB. sub parentum potestate sint: sic tamen ut horum filii, aut his non exstantibus parentes eorum legitimam ferant partem.]

185. Octavus. Si filius fiat patricius, Præfectus prætorii, vel vrbis Metropolitanæ, aut similibus officiorum. l. fin. C. de decurionib. & filijs, &c. ibi. *Is gaudeat se hujusmodi conditionis esse exortem, & liberum cum suis facultatibus suæque posteritate.* Liberi tamen prius procreati manent in avi potestate. Ibidem habetur Auth. Episcopalis dignitas. Auth. Constitutio que dignitatibus. & est Novel. 81. ex quibus colligit Mol. d. 229. n. 10. contra Gomez, non solum personam, sed etiam bona egredi patriam potestatem, ita ut ususfructus non amplius pertineat ad patrem qui prius pertinebat. & indicatur in verbis L. ult. citatis.

In his tamen (prout etiam de Profellis dictum) filius solum liberatur à patria potestate in odiosis, non item in favorabilibus, juxta Reg. quod in alicujus favorem introduci non debet in ejus odium retorqueri. l. 6. C. de Legib. & R. 61. in 6. Quod ob gratiam alicujus conceditur, non est in ejus dispendium retorquendum. De Doctorali dignitate etiam multi idem asserant apud Harprecht, & quæ multi negant: in quo Consuetudo attendenda est, assistentibus tamen non obscurè favet Nov. 81. statuens, ut omnis dignitas à Curia liberans, liberet etiam à pat. potestate, atqui hoc præstat doctoratus. l. 6. & to. C. de Profess. ergo.

186. Nonus modus est Emancipatio, quæ fieri debet coram Iudice, parentibus & consentientibus patre & filio. §. Præterea. j. h. t. alii qui probant ratione. quia quilibet rei suæ moderator & arbiter est: ergo sicut potest Dominus manumittere servum, ita & pater emancipare filium. Sed hæc ratio in multis claudicat: Non enim potest pater emancipare filium invitum, sicut Dominus manumittere servum. hujusmodi ratiunculas passim excogitant: & asserunt quidam Moderni, quas ego, nisi in ipsa lege ponantur, in medio relinquo, quia ex centum vix una est, quæ non vel nimium, vel nimis parum probet.

Emancipatio olim fiebat per nescio quas nugatorias & imaginarias venditiones factas patri alicui fiduciario, & revenditiones vero patri factas, ac denique per subsequentem manumissionem tanquam servi. Has inutiles ceremonias explosit Imperator in d. §. constituens, ut sufficeret, si coram competente Iudice, utpote actus legitimus, fieret. Et hæc quidem est Emancipatio expressa.

187. Tacita Emancipatio est quam induxit Consuetudo, quæ in omnibus ferme Christiani orbis provinciis solvitur patria potestas per Matrimonium, ut videre est apud Clarissimum



IC. Besoldum. *Consilio* 44. n. 4. & *segg.* & *Consilio* 151. à n. 4. ubi pro consuetudine Germaniæ (cetera Regna omitto referre) citantur Zasius, Forster, Gilkenius, Speckhan, Berlichius, Hilfinger, VVesenbicius. In Bavaria tamen non nisi accedente foci separatione solvitur patria potestas per matrimonium, ut tradit Io. Franciscus Balthasar *pract. Resol.* tit. 3. *Resol.* 2. n. 10. unde interit, si soluto matrimonio filius ad focum patris rediret, fore ut patria potestas redintegraretur.

183. Ad emancipandum filium Pater cogi non potest nisi in casibus sequentibus. 1. si filium inhumaniter & crudeliter tractet ultra gravitatem delictorum. *L. ult. ff. si à parente quis manumissus fuerit.* ibi. [Divus Trajanus filium quem pater malè contra pietatem afflicebat, coegit emancipare, quo postea defuncto pater ut manumissor bonorum possessionem sibi competere dicebat. sed consilio Neratii, Prisci, & Arstonis, ei propter necessitatem solvenda pietatis denegata est.] 2. Si filias ad peccata carnalia pertrahat. *L. Si lenones. junctà gl. C. de Episcopali audient.* [Si lenones patres & domini suis filiabus vel ancillis peccandi necessitatem imposuerint, licet filiabus & ancillis Episcoporum implorato suffragio, omni miseriarum necessitate absolvi.] 3. Si quis adoptet suum privignum, & privignus pubes factus intelligat, adoptionem sibi non expedire, causa per judicem cognita compertoque quòd non expediat, cogetur illum emancipare. *L. 32. 33. ff. de Adoptionibus.* ibi. *Imperator Titus Antoninus rescripti. privignum suum tutori adoptare permittendum.* Et, si pubes factus non expedire probaverit, æquum esse emancipari eum, &c. Idem est de quibuscumque adoptatis minoribus 25. quia habeat beneficium restitutionis in integrum. *L. 3. §. 6. ff. de minoribus.* Si quis minor 25. annis arrogandum se dedit, & in ipsa arrogatione se circumventum dicat, dico debere eum audiri in integrum se restituendum.

Filius per liberam emancipationem (non si alio modo) egressus patriam potestatem, propter ingratitudinem iterum potest subijci patriæ potestati, quia potest Emancipatio, sicut alia donatio revocari.

189. QUÆRITUR 3. Quos effectus habeat dissolutio patriæ potestatis. R. Filius potest deinceps suo nomine, utpote paterfamilias, liberè contrahere, testamentum condere, atque omnia agere, ut alii patresfamilias, & in acquisitis habet plenum dominium, nisi quòd pater usufructum in medietate bonorum adventitiorum filii retineat (si eum liberè emancipavit) in recompensationem & præmium emancipationis: §. *hoc autem. Inst. per quas personas nobis acq. de quo suo loco infra.* in quo tamen consuetudo & statuta municipalia observanda sunt.

190. Ex parte patris Emancipatio imprimis hoc operatur, ut possit pater filio succedere.

(de quo suo loco) deinde si filius vel filia sit impubes, & adhuc tutorem exigat, parens sit ejus tutor. §. *præterea. Inst. h. t. in fine.* Et præterea, si impubes sit filius vel filia, vel ceteri, ipse parens ex manumissione tutelam ejus nanciscitur.

## CONTROVERSIA IV.

### Quid juris sit circa diversa peculia filiorumfamilias.

**P**Eculium filiorum fam. quadruplex. 192.

Quanam pertineant ad peculium Castrense. eod.

Quanam ad peculium QuasiCastrense. 193.

Quanam ad peculium adventitium. 195.

Ex peculio adventitio potest pater sustentare filium. 196.

Quanam pertineant ad Peculium Profectitium. 198.

Peculii Castrensis & Quasi etiam quoad Ususfructum spectat ad filium. 199.

Peculii Profectitii etiam dominium ad patrem spectat. eod.

Quid Militaris habeat filius in peculio profectitio. 200.

Excipiuntur quedam, quorum dominium & ususfructus ad filium spectat. eod.

Peculii adventitii dominium quoad proprietatem pertinet ad filium fam. Ususfructus ad patrem regulatur. 201.

Exceptiones, & casus, quibus ususfructus etiam ad filium spectat. 202.

An Ususfructus maneat apud patrem defuncto filio. 206.

Quid in hoc puncto de Jure Bavarico. 207.

191. **P**Eculium est posilla substantia, vel pecunia separata à rebus & rationibus patris data vel promissa filio aut servo. Ità quidem solet describi secundum primævam nominis etymologiam. *L. depositi. ff. de peculio.*

192. Quadruplex est peculium filiorum, Castrense, Quasi Castrense, Adventitium, Profectitium.

Ad Peculium Castrense pertinet, quidquid filius acquirit ratione vel intuitu militiæ justæ, sive extra sive intra mœnia, sive re ipsa militando, sive exercendo officium publicum spectans ad militiam, ut est officium tabellionis, navis, remigis, &c. item quidquid filius dono vel alio modo acquirit intuitu & ratione militiæ, alioquin non acquiritur: ac denique quidquid ex hujusmodi bonis iterum lucratur & fructificat. Ad hæc bona, ex speciali privilegio Constantini Imperatoris secundum primævam nominis etymologiam, quæ filius acquirit in palatio regis ob aulicum obsequium, suâ industriâ aut parsimoniâ, aut Principis largitate. *L. un. C. de Castrensi omnium Palatinorum peculio.* [Omnes palatinos, quos edicti nostri jam dudum certa privilegia superfundunt, rem, si quam dum in palatio nostro morantur, vel parsimoniâ propriâ quæsierint, vel dominis nostris fuerint conse-

consecuti, ut Castrense peculium habere præcipimus.] Priora habentur L. 11. ff. de Cast. pec. Excipiuntur tamen prædia à patre donata. l. 4. C. cod. [Si filius familias fuisse, & res mobiles vel se moventes quæ Castrensis peculii esse possunt, donatæ tibi à patre sunt, eas quoque in cætero peculio castrensi, non communes cum fratribus habes: prædia autem licet ennti tibi in castra filio pater donaverit, peculii castrensis non sunt. Diverso jure ea prædia habentur, quæ ex occasione militiæ filiistam. obveniunt.] Excipiuntur etiam ea quæ donantur à bello revertenti. L. pater militi ff. eod. nisi ob facinus in bello gestum, vel ob amicitiam ibi contractam donatum fuerit. L. si forte. L. castrense. & L. Divus. ff. eod. & L. 1. C. eod. ibi. [In quibus sunt etiam hæreditates eorum, qui non aliàs noti esse potuerunt, nisi per militiæ occasionem, etiamsi res immobiles in his erunt. Matris autem hæreditas, quamvis in militia delata sit, ad peculium Castrense non pertinet. In Castrensi verò peculio prædium donatum non esse constat, quamvis emptæ ex castrensi peculio prædia ejus conditionis efficiantur.

193. Ad peculium quasi Castrense pertinet 1. Quidquid filius acquirit ex aliquo publico officio stipendium habente, ut Iudicis, Assessoris, Advocati, Magistri Artium liberalium, Theologice, Canonum, Legum, Medicinæ, Advocati, etiam quod à suis clientibus accipit, hoc enim publico stipendio, quod olim erat constitutum, successit. non tamen stipendium Procuratoris, hoc enim munus non est publicum, cum etiam infami competere possit: nec item quod acquiritur per artem mechanicam. L. ult. C. de inoff. test. ibi. [ & omnibus generaliter, qui in diversis dignitatibus atque administrationibus positi à nostra consequuntur manu, vel ex publicis salariis quasdam largitates. ] & infra. [ ut puta viris disertissimis, Patronis causarum, virisque devotissimis memorialibus, & agentibus in rebus, nec non magistris studiorum liberalium, architectis quoque & aliis omnibus omnino, qui salaria vel stipendia perciperent publica.]

194. Pertinet huc 2. Quod donatur à Rege vel Regina, vel Imperatore, seu Augusto vel Augusta. l. 7. C. de bonis quæ liberis. ibi. habeant hujusmodi res omni acquisitione absolutas, & nemini eas acquirunt, neque earum usumfructum pater vel avus vel proavus sibi vendicat, sed ad similitudinem Castrensis peculii &c.

Pertinent huc 3. Feuda, ut communis habet sententia: quia plerumque à Principe sunt data. Cæterum in hoc rectè monet Ferd. V Vazzenegg: dissert. 2. de servit. c. 4. n. 12. prudentis Iudicis arbitrio rem committendam esse, ut feudum naturâ diligenter exploratæ ex servitiorum genere, personarum conditione, concedentis affectione, aliisque circumstantiis decernat, ad quæ bona sint reducenda. Certè communis est senten-

tia, quòd pater in feudis usumfructum non habeat, quia ipse feudatarius filius est usufructuarius.

Pertinent huc 4. Quæ Clericus post Clericatum acquirit. Auth. Presby. C. de ep. & Cleric. quam sup. retuli. Et hoc extendendum etiam est ad illa bona, quæ alioquin ex modo acquirendi adventitia essent. alioquin in cit. auth. non esset Clericis aliquod privilegium concessum; nam quæ acquirunt ratione Clericatus, comprehenduntur nomine quasi Castrensiem ex communi Regulâ, quòd sint publicum stipendium ob munus publicum.

195. Ad peculium adventitium pertinet, quidquid filius aliunde acquirit, quod non sit Castrense vel quasi Castrense. nec etiam occasione proximâ & intuitu u patris primatiò, nec ab ipso patre acquisitum. hujusmodi sunt quæ filio adventunt jure hæreditatis ex linea materna, donatione, industriâ, labore, artificio, eventu fortuito, ut si inveniret thesaurum, gemmam: &c. Item quæ per negotiationem ex pecunia mutuo à patre accepta lucratur. Item quæ donantur à patre donatione antidotali, aut ita ut in partitionem non debeant adduci. Colliguntur hæc ex §. igitur v. quod autem. Inst. per quas personas nobis ac. ibi. [Sanctum etenim à nobis est, ut si quid ex re patris ei obveniat, hoc secundum antiquam observationem totum parenti acquiratur. Quæ enim invidia est, quod ex patris occasione profectum est, hoc ad eum reverti? quod autem ex alia causâ sibi filius familias acquisivit, hujus usumfructum patri quidem acquirit, dominium autem apud eum remaneat, ne quod ei suis laboribus, vel prosperâ fortunâ accesserit, hoc in alium proveniens lucuosum ei ptopcedat.] Et ex l. 6. C. de bonis, quæ liber.

196. Observandum autem hic est cum communi Theologorum, quòd, cum pater non teneatur alere filium ex propriis, si filius aliunde habeat, unde alii possit, quòd inquam possit pater congruum filii sustentationem accipere ex iis quæ filius proprio labore consequitur: excessus tamen nisi filius consentiat ut ex suis bonis fiat, ad peculium profectum spectabit. Ita Mol. Lessius, Palao. Pari modo si filius cum patris pecunia non mutuo accepta, adeoque non suo sed patris nomine negotietur, non adjiciet peculio adventitio lucrum, sed profectitio.

197. De rebus à patre donatis donatione remuneratoriâ, communis est sententia apud Sanchez. Cons. Mor. l. 1. c. 2. dub. 4. n. 4. quòd pertineant ad peculium adventitium, non secus ac si extraneus fecisset. Non enim censetur pater præcisè donasse affectu paterno, sed per modum remuneratoris.

Quæ avus, etiam paternus, donat nepoti existenti in patria potestate sui patris, & non avi, si dubium sit, an intuitu patris donata sunt, adnumerabuntur peculio adventitio, ut tradit Sanchez ex Ant. Gomez.

198. Ad Peculium profectitium filiiſam. ſpectant ea bona, quæ filius acquiſivit ex rebus & ſubſtantia patris, vel quod ei intuitu patris datum eſt. v. g. quando donatio ad inſtantiam patris facta eſt, vel quando datum eſt ad uſum ad quem pater dare debuiffet, ſed ob inopiam non potuit, v. g. ad proſequenda ſtudia, non daturus, ſi pater haberet unde daret. Si tamen darentur, ob ſpecialem ſpem, quæ in filio relacet, cum econtra pater ſit homo non omnino proficiuus Reipub. vel avarus, & negligens filii, cenſerem pertinere ad bona adventitia, & ſi dæns noller patrem habere in illis uſumfructum, non competet ei, ſicut, quando quis donat aliquid filio, hac lege, ut ſint bona Caſtrenſia, quamvis non hoc ipſo ſint bona Caſtrenſia, evadunt tamen bona quali Caſtrenſia, ita ut pater in illis uſumfructum non habeat. *L. ſi forte ff. de Caſtrenſi pec. & docet Bart. Mol. tr. 2. d. 8. & 230.* His poſitis videndum eſt, penes quem ſit dominium, aut uſumfructus horum peculiorum. In quo aliqua ſunt clari Iuris, aliqua dubia.

199. Certum eſt 1. Peculii Caſtrenſis, & quali Caſtrenſis dominium ſpectare ad filium non ſolum quoad proprietatem, ſed etiam quoad uſumfructum, atq; adeo in his bonis nihil habet pater vigore patris poteſtatis, ſed filius eſt iſtæ patrisfamilias. Ita habetur pluribus legibus à lege prima ff. *C. hoc tit. & lege ſin. C. de Inoff. teſt. l. 1. §. ſin. ad S. C. Macedon.*

Certum eſt. 2. Peculii profectitii tam dominium proprietatis, quam uſumfructus ad patrem ſpectare. §. 1. *Inſt. per quas pers. nobis a. quir. cujus verba ſup. recitavi.*

200. QUI ÆRES. Quid ergo utilitatis habet filius in hoc peculio, ut mereatur dici peculium filii? *æ.* Habere hanc utilitatem, ut caſu quo alia bona patris ob ejus delictum publicarentur, non publicetur illud peculium. l. 3. §. *ſed utrum. in f. ff. de Minorib.* ibi. [Licet aliquo caſu ad filium peculium ſpectet: ut puta ſi patris ejus bona ſiſco propter debitum occupata ſint. Nam peculium ei ex Conſtitutione Claudii ſeparatur.]

A regula hac excipiuntur illa, quæ pater dat filiis in patrimonium, ut ſuſcipiant ſacros ordines, vel filia in dotem, aut filio ad nuptias: nam horum dominium, & uſumfructus ad filium aut filiam ſpectat. Nihilominus dicuntur pertinere ad peculium profectitium, quia quoad ſubſtantiam (non item quoad fructus) debent poſtea in partitionem aſſerri, ut ſuo loco dicetur tract. 2.

201. Certum eſt. 3. Peculii adventitii dominium quoad proprietatem pertinere ad filiumſam. uſumfructu vero ad patrem regulariter & per ſe loquendo. *L. cum non ſolum. L. cum oportet. C. de bonis quæ lib.* ibi. [Si quis itaque filiusſam. in patria poteſtate conſtitutus aliquid ſibi acquiſerit, non ex ejus ſubſtantia cujus in po-

teſtate ſit, ſed ab aliis quibuſcunque cauſis, quæ ex liberalitate fortunæ, vel laboribus ſuis ad eum perveniant: eas ſuis parentibus non in plenum, ſicut antea erat factum, ſed uſque ad ſolum uſumfructum acquirat, &c. Dominium autem filiiſam. inhæreat, ad exemplum tam maternarum, quam ex nuptialibus cauſis filiiſam. acquiſitarum rerum.]

202. Dixi. Regulariter. Nam plures caſus excipiuntur in quibus etiam uſumfructus ad filium devolvitur. Primus caſus eſt, ſi Pater ſponte uſumfructum remittat. Nam licet videri poſſet donatio, reverà tamen non eſt donatio, ſed eſt mera non uſurpatio Iuris, quæ licita eſt patri erga filium. Neque poſtinde poteſt tanquam inofficioſa revocari à ſtatribus, quia nihil diminuit de patrimonio patris, ſed ſolum patrimonium non augetur. *L. cum oportet. §. ſin autem. C. de bon. quæ lib.* ibi. [Sin autem res ſibi memorato modo acquiſitas parens noluerit tenere, ſed apud filium, aut filiam, vel deinceps perſonas reliquerit: nullum poſt obitum ejus licentiam habeant hæredes alii patris, &c. Eundem uſumfructum, vel quod ex hoc ad filioſam. pervenit, utpote patri debitum ſibi vindicare. Sed quali diurnâ donatione in filium celebrandâ, qui uſumfructum detinuit, quena patrem habere ejus oportuerat, ita cauſa intelligatur, ut eundem uſumfructum poſt obitum patris ipſe lucretur &c.] Poſſet tamen pater, ex communis ſent. revocare, ut colligitur ex verbis cit. quod tamen limitarem, niſi expreſſe in perpetuum ceſſiſſet.

203. Secundus. Si quis filio hac lege donet, vel relinquat, ut uſumfructus etiam ſi penes filium. *Auth. excipitur. C. de bon. quæ lib. Excipitur quod eis datur, vel reliquitur ab aliquo parentum conditione hac adjectâ, ne patri perveniat uſumfructus.* Et licet hoc aliqui extendant ad donationem à quocunque factam, hoc tamen adverſatur verbis relatis, quæ ad donationem parentum reſtringit. Putarunt aliqui Legiſtæ, in hoc caſu Patrem adhuc habiturum commoditatem uſumfructus ſed hoc meritò alii communiter negant, quia utique alia eſt intentio donantis.

204. Bartolus ad dictam auth. ponit talem facti ſpeciem. Mater Maritum inſtituit eâ conditione, & gravamine, ut hæreditatem filio reſtitueret quando ad legitimam ætatem perveniſſet. filius ætate completâ hæreditatis reſtitutionem petivit. Indicatum eſt, debere patri relinquere uſumfructum tertiiæ partis ſive legitime, quæ filio in bonis matris competebat: quia mater non potuit ſuâ privatâ diſpoſitione privare patrem uſufructu partis de Iure debite. Quod adeo mihi verum eſt, ut idem dicendum eſſet ſi mater expreſſe reclamâſſet. *per auth. ut liceat matri.* ibi. [Sancimus licentiam eſſe matri, & aviæ, aliisque parentibus, poſtquam reliquerint filii partem,

partem, quæ lege deberetur, quod reliquum est suæ substantiæ, donare sub hac conditione, ut usufructus non quærat patri. Hoc enim extraneo relinquere poterat, unde nulla parentibus utilitas nasceretur.]

205. Tertius casus sive Exceptio. Si pater succedat suo filio cum altero filio, fratre defuncti in bonis adventitiis, tunc pater non habet usufructum, uterque enim secundum Ius commune vocatur ad successionem. Hoc casu pater non acquirit usufructum in parte alterius filii. *Auth. item hereditas. C. de bon. quælib. Item hereditas fratris sororisve, ad quam una cum patre admittitur. quæ verba ad legem præced. Cum oportet. referenda, & ad Auth. præced. excipitur. paulò antè relata.* Potrà quia hæc Constitutio est correctoria Iuris communis, ideo immemor illam extendunt Salicetus & alii ad successionem quâ pater & filius succederent extraneo.

Quartus casus. Si pater non consentiat, quod filius adeat hereditatem, eâ nihilominus editâ pater non habet in ea usufructum. Perinde enim est, ac si eum habere noller. Et hi sunt casus in Iure magis expressi. Quibus adduntur à DD. sequentes. Si pater contrahat incestas nuptias, tunc enim perdit patriam potestatem, ut sup. dictum. Si bona patris applicentur filius ob divortium à patre minis legitime factum, ob eandem rationem. Si filius accipiat ab uxore dotem patre non consentiente, nec se pro dote obligante, ob rationem superius datam. Quando filius egreditur patriam potestatem per Electionem ad Episcopatum vel Cardinalatum aliamve dignitatem, tunc enim usufructus bonorum adventitiorum definit esse patris, & consolidatur cum proprietate. Nam quando emancipatio legibus inducta est, eâpositâ cessat usufructus. *Arius Pinellus cap. de bonis mat. l. 1. p. 1. n. 42.*


Si pater filium emanciper voluntariè, retinet tantum medietatem usufructus illorum bonorum adventitiorum quæ filius habuit ante emancipationem, ut jam superius præced. Contr. dictum. Si per Matrimonium ex consuetudine, vel lege patria filius eximatur à patria potestate, tunc etiam usufructus consolidatur cum proprietate. Si dos adventitia soluto Matrimonio redeat ad filiam, pater non habet in ea usufructum ex communione sententia. Denique

quando filio constitueretur, aut testamento relinquere usufructus, & non incurrat patris. Non enim datur servitutis servitus. *L. 1. ff. de usufruct. legato.* Ità communior sent. contra Sanchez, & potest hæc exceptio reduci ad secundam: videtur enim usufructus tunc relinqui hæc lege, ut patri non acquiratur.

206. QUÆRES, an usufructus maneat apud patrem defuncto filiosam. *æ.* Manere toto tempore vitæ ejus, non obstante quod dominium ad alios hæredes pervenerit. Constitutum ex natura usufructus, tum ex dictis sup. de dominio Relig. quomodo per Professum acquiratur Monasterio, tum ex lege fin. *versu pen. C. ad Tertull. S. C. ibi. Sin verò defuncta persona in sacris patris constituta decesserit, pater usufructum quem & vivente filio habebat, teneat donec vivat, incorruptum, &c.* Et hætenus de Iure communi.

207. Jure Bavarico L. R. Tit. 3. a. 3. Liberi Matrimonio juncti, vel familiam seorsum consentiente patre agnoscunt, sibi non patri acquirunt. Verum, quod de bonis adventitiis, quorum usufructus consistente patriâ potestate penes parentem fuit, dubitatio oriebatur, distinctio, moribus patriâ consentanea inter plebeios, Nobiles, Doctores, non tantum Consiliarios, sed & alios in Academia probatâ promotos, atque etiam patritios, placuit, ut plebei, *die gemeine Burger vnd Baur. Leuth*, & qui his similes sunt, usufructu bonorum adventitiorum à linea materna provenientium ramdium gauderent, quamdiu liberis alimenta præstant. Verum liberis per proprium Matrimonium, ac proprium focum, vel aliâ per propriam familiam ex paterna potestate exeuntibus, materna ceteraque bona adventitia à patre restitui debent, exceptâ dote, quâ pater totius vitæ tempore utitur, fruitur. Excipitur casus quo liberi intra 25. annum sine consensu parentis Matrimonium ineunt, ut tunc ante 25. annum non teneatur pater bona materna testinere, sed his uti frui possit. Nobiles, Doctores & Patritii dotis ac bonorum paraphernalium ab uxore relictorum, bonorum etiam liberis per lineam maternam acquisitorum, usufructum retinent ubi liberi patriâ potestate liberantur. Cæterarum rerum aliarum de quæsitum non

item.





## CAPUT IV.

## DE BONIS PUPILLORUM ET MINORENNIUM EORUMQUE ADMINISTRATIONE PER TUTOREM ET CURATOREM.

S V M M A R I V M.

**R**atio, cur Infantes debeant esse capaces Domini. 208.

Quomodo possit quis de rebus suis disponere pro tempore mortis. 209.

Quo sensu Tutela sit Officium publicum. 211.

208. **D**E fide est, etiam infantes esse domini capaces, ad Gal. 4. Quia verò dominium non habetur, nisi ad sit voluntas habendi, in infantibus autē nulla sit huiusmodi voluntas propria, hinc ejus voluntas aliunde suppletur, ut in 1. & 2. Tract. declaratum est. Ratio autem à priori est, quia omnis illa potestas concedenda est Reipublicæ humanæ, quæ est necessaria ad rectam & felicem ejus gubernationem: atqui talis est potestas supplendi voluntatem infantium & amenitium, imò & pupillorum ac minorennium adhuc infirmo judicio præditorum, in ordine ad acquirenda & administranda acquisita rerum dominia. Si enim infantes non essent dominiorum capaces, parentes non essent multum solliciti in providenda illis hereditate. Vnde Respublica mendicabilis abundaret, aliique vehementer in aliis sublevandis gravarentur, unde consequeretur educatio pessima, mores corruptissimi, &c.

209. Ex eodem fundamento explicari possunt plura huiusmodi, v. g. quomodo quis possit disponere de rebus suis & dominium in alium transferre post mortem suam, quando ipse nec erit nec esse amplius potest Dominus rerum suarum, sed eas necessariò relinquere debet: item quomodo possit eum constituere Dominum, qui necdum in rerum natura existit, v. g. per substitutionem fideicommissariam seu indirectam: item quomodo possit relinquere hereditatem jacentem seu vacantem, ita ut ad certum tempus bona in nulli privati dominio sint, donec ponatur hæc vel illa conditio, donec nascatur talis, &c. Sicut enim gubernatio Reipublicæ humanæ requirebat tale dominium Iurisdictionis, vicijus posset Legislator etiam suo-

rum præsentium subditorum posteros nascituros obligare legibus pro futuris temporibus, quibus ipse Legislator non amplius est existurus, eò quod supremus Legislator Deus suppleat humanorum Legislatorum voluntates, ut auctor naturæ, ita pariter necessarium erat, hominibus tale concedi dominium proprietatis, vi cuius possent modo prædicto disponere, supplente scilicet Republicæ voluntatem personæ nondum existentis, hoc est, ita interea de bonis per dominium alium disponente, aliisque ex justitia obligante, sicut prudenter fieri vellet illa persona si existeret, & solum rationis haberet. Et hoc ipsum est, quod Iura significare volunt, quando hereditatem dicunt esse personam fidam: Nam, ut bene notavit Card. Pallavicinus, seclusa omni fictione illa persona non est alia quam Respublica.

210. De dominio pupillorum, & minorennium nihil restat dicendum, cum omnia sint in prioribus expedita. Sed de Administratione hoc loco tractabimus, tum ob aliquam similitudinem, quæ est inter huiusmodi personas (quæ quidem sui Iuris sunt, sed alterius judicio gubernantur) & inter filiosfam. item inrer patriam potestatem, & Tutelam, ac Curatellam, tum ad imitationem Imperatoris Justiniani, qui post absolutam patriam potestatem transit ad officium Tutoris, & Curatoris.

211. Neque hac tractatione limites operi huic præfixos (de Iure Privatorum) excedimus, prout alicui videri posset ex eo, quod Tutela dicatur officium, & munus publicum. l. 9. ff. de his qui sui. Filiosfam. in publicis causis loco patriæfam. habetur, veluti ut Magistratum gerat, ut tutor detur. Nam simpliciter loquendo Tutela non est munus publicum, dicitur tamen esse Iuris publici, non utilitate (quia ad utilitatem privatorum tendit) sed auctoritate, quia lex, & Magistratus ultro dat Tutores, & tam invitis pupillis obtrudit, quam tutores invitos ad Tutelam

lari cogit, ut in progressu diceretur. Insuper oriamus in Testamento tutor dari possit, non tamen nisi lege permittente: & hoc sensu dicitur Iuris publici.

## CONTROVERSIA I.

*Quid & quotuplex sit Tutela, & quomodo differant Tutor, & Curator.*

### SUMMARIUM.

**D**efinitio Tutelæ. 212.

*Atalè quidam pro Vis. legunt Ius. 213.*

*Quomodo intelligende paricula. In capite libero. 214.*

214.

*Duplex discrimen Tutelæ à Curatela. 217.*

*Quomodo Causa efficiens rectè ponatur in definitione. 218.*

218.

*Quomodo definitio conveniat Tutelæ Dativæ. 219.*

*Quandiu Tutela duret. 220.*

*Divisio Tutelæ in Testamentariam, Legitimam, & Dativam. 221.*

212. **T**utela definitur à Justiniano. §. 1. *J. h. r.* post Servium Sulpitium, ) Crum, & Dialecticum egregium, *Vis ac potestas in capite libero, ad tuendum eum, qui propter ætatem se defendere nequit, Iure civili data, ac permessa.* Ex qua definitione imprimis apparet, quomodo differat à patria potestate: hæc enim ut vidimus, non restringitur ad ætatem imbecilem, cum etiam continere possit majorem, præterquam quod etiam non sit ejus finis primarius tueri & defendere.

213. Contra hanc definitionem obijciunt non ignobiles Legistæ, quod tæxus sit corruptus, & pro *Vis* legendum sit *Ius*. Ità VVelsenbecius, Vultejus, Treitelus, & alii. Sed immerito. Tum quia in Pandectis Florentinis, quæ correctioræ sunt, legitur, *Vis*, tum quia sic legendum esse colligitur ex §. seq. *J. Tutores autem sunt, qui eam vim, ac potestatem habent, exque ipsa re nomen accipiunt.* Quasi diceret (Logice loquendo) Persona Tutoris est subiectum denominationis à Tutela tanquam forma, & sic Tutela est *vis*, & potestas, itaque Tutor est, & denominatur habens vim, & potestatem. Taceo quod hæc duo vocabula tanquam idem significantia sæpius in Iure conjungantur: quare vel in hoc subtilitate est nodum in scirpo quærete.

214. Obijci majori jure posset. 2. quod illæ part. *In capite libero* tum æquivocè, tum inperfectè ponantur. æquivocè quidem, quia non satis constare potest ad quem referantur, an ad tutorem, an ad pupillum. Superflue autem ideo, quia si dicas referri ad Tutorem, sunt pla-

nè superflua, quia si quid servirent, ad hoc servire deberent, ut excluderent Servum: atqui Servus per cætera sufficienter excluditur, quia servus nullam habet potestatem gubernativam jure civili datam ac permissam. Si verò dicas, referri ad pupillum, tunc non sunt idoneæ ad excludendum filiumfam, qui etiam esse caput liberum, ergo addi deberet: *sui juris*. Respondent Hunnius & Harpprecht. illa verba ad utrumque referri. Verum non ostendunt, quomodo relatio ad Tutorem non sit superflua ob rationem à me factam. Deinde dicunt, non fuisse necesse, addere: *sui juris*, quia præsupponitur eum qui in tutela est esse sui juris. Sed hæc responsio est manifestè insufficiens, quia non minùs supponitur, eum qui in tutela est, esse caput liberum: imò hoc in ipsa definitione satis indicatur, dum dicitur dari ad tuendum eum, qui se tueri defectu ætatis non potest.

215. Ego itaque aliter respondeo, & dico illa verba referri præcisè ad pupillum. Ideo autem non addi illa verba *sui juris*, quia caput liberum hic accipitur non prout opponitur Servo, sed prout opponitur etiam potestati patriæ, hoc est: caput liberum ab omni potestate gubernativa in bonum Gubernantis; cujusmodi est potestas dominica & patriæ, quæ in hoc prædicato aliquo modo conveniunt, quamvis in aliis differant. Tutela autem est potestas totaliter ordinata ad bonum pupilli qui gubernatur. Post hæc scripta vidi hoc discrimen etiam observatum ab Azone in tit. C. de tutela testament. n. 5.

Obijci potest 3. Dari potest Tutor etiam filiosam, ergo non debet definiti Tutela in ordine ad illos solos qui sui juris sunt. Antecedens patet ex *L. fin. §. 2. C. de Sententiam passis & ressit.* Hanc legem non esse ad rem. nam tutor fuit datus filio cujus pater erat deportatus, & sic filius impubes debebat habere tutorem, quia per deportationem patris sui juris factus est, quia verò pater beneficio principis fuit restitutus, & patriam potestatem recuperavit, nihilominus datus tutor permansit, quia timebatur filio propter improbos mores patris.

216. Obijci potest 4. Datur etiam quandoque Servo tutor: ergo non tantum capiti libero. Ant. patet ex *l. 13. ff. de Tutorib. & Curatorib. datis.* Illum Servum fitione juris censeri liberum, cui libertas simul & hæreditas testamento relicta est, & ideo jubet lex illi dari tutorem, donec hæreditas restituatur.

217. Ex posita definitione colligitur duplex discrimen Tutelæ à Curatela. primum quod Tutor primò & principaliter datur ad defensionem personæ pupilli, & per consequentiam pro administratione bonorum. Cura autem primariò bonorum administrationi datur. Deinde Tutor datur præcisè in defectu ætatis, Curator autè datur etiam propter furorem prodigalitatem, morbum perpetuum, & alia vitia.

§. furio-

*§. furiosi & seq. Inst. de Curatorib. Furiosi quoque & prodigi licet majores 25. annis sint, tamen in curatione sunt agnatorum, &c. sed & mente captis, & furis & mutis, & qui perpetuo morbo laborant, curatores dandi sunt.*

218. Obijcit *§. Vulreius*, ultimas particulas ideo redundare, quod ponant causam efficientem in definitione. Verum hæc obiectio sapit ignorantiam philosophiæ. aliud est, causam efficientem poni in recto in definitione (& hoc est vitiura) aliud poni in obliquo tanquam terminum connotatum; seu in obliquo inclusum in ipsa forma. hoc modo ponitur lex civilis in definitione tutelæ, sicut in definitione *Curatoris* in genere ponitur in obliquo Causa prima, imò secundum modernam philosophiam ipsa lex civilis tribuens formam Tutelæ, est pars constitutiva in obliquo ipsius formæ. sed hæc ad philosophos spectant.

219. Obijciunt alii *6. Definitio* posita non convenit Tutelæ dativæ, sed soli legitimæ & Testamentariæ. Nam dativa Tutela non ex Iure Civili, idest ex præscripto Legis XII. Tab. sed multo magis ex Magistratûs dantis decreto defertur. ut dicatur. Ita *Simon de Labrique* th. 3. n. In definitione non accipi Legem Civilem in hoc rigore, sed latius prout complectitur etiam reliquas partes Juris Cæsarei.

220. Tutela respectu masculinorum durat usque ad decimum quartum annum completum, feminæ verò usque ad duodecimum etiam expletum. *Inst. quib. mod. tut. finiat. pr.* Curatela datur ab hoc tempore adeptæ pubertatis usque ad vigesimum quintum expletum, si præcisè detur in defectum ætatis. *Inst. de Curatorib. pr.* Curator non datur invito, nisi ad litem. *§. Item in iuri eod.* Imò in causis spiritualibus, ut Matrimonio, Beneficio, &c. & quæ illis annexa sunt: quisquis pubertatem adeptus est, potest sine curatoris & patris consensu live per se, live per procuratorem respondere. quod si impubes sit, adjungetur ei ab Episcopo ejusvè Vicario Curator aut Procurator. *c. fin. de Judiciis in 6.* quod quia celebre est, huc ponam. [Si annum quartum decimum tuæ peregristi ætatis, in beneficialibus & aliis causis spiritualibus, nec non & dependentibus ab iisdem, ætati major 25. annis existeres, ad agendum & defendendum per te vel procuratorem (quem ad hoc constituendum decreveris) admitti debebis. Si verò infra quartum decimum exstas, per te agere aut defendere non poteris super ipsis; sed vel per tuum Episcopum, vel per Officialem ejusdem tibi Curator dabitur ad lites hujusmodi exercendas: aut tu ipse (si major infante fueris) cum auctoritate alterius eorundem Procuratorem ad eas poteris deputare. Delegatus etiam Apostolicæ Sedis, & subdelegatus ab eo, tibi (si non habes) Curatorem dare valeant, vel auctoritatem constituendi Procuratorem præstare ad illas causas, vel lites dun-

taxat, quæ coram ipsis fuerint ventilandæ. Ita hujusmodi quoque litibus live causis, quantum in potestate patris exstas, nec aliis absque illius assensu in judicio regulariter esse possis, ejus, (cùm de his se intromittere non habeat) nequaquam requiri debet assensus.] Iure Bav. sunt majoresnes 21. anno.

221. Divisio communis Tutelæ est in tres species: in Tutelam Testamentariam, Legitimam, & Dativam. Hanc divisionem impugnant aliqui post Cuiacium, volentes, quod accuratior esset divisio Tutelæ in Legitimam, & Dativam; Dativa iterum alia est, quæ datur in testamento, & alia quæ datur à Magistratu. Verum non est, cur huic Logicæ subtilitati quidquam defemus, & à consuetâ divisione, ejusque expositione recedamus.

222. Testamentaria Tutela est, cùm parentes liberis in potestate constitutis impuberibus, iusto testamento tutores constituunt: de hac habetur integer titulus. *ff. de Testamentaria Tutela.*

Legitima tutela est, quando deficiente tutore testamentario, proximus agnatus à lege ad tutelam impuberis vocatur. de quo iterum est titulus *Inst. De Legitima Agnatorum tutela.* Hæc porro quatuor species sub se continet: nempe tutelam agnatorum, patronorum, parentum, & fratrum, quæ *Fiduciaria* appellatur, de quibus iterum est titulus 17. 18. 19.

223. Dativa tutela est, cùm non exstante tutore Testamentario, aut legitimo, datur tutor à Magistratu, de quo est titulus *Inst. de Attiliano tutore. & titulus. ff. de Tutoribus & Curatoribus datis ab his qui Ius dandi habent, &c.* & titulus Codicis: *Qui dare Tutores & Curatores possint.* De quibus omnibus deinceps accuratius dicetur.

## CONTROVERSIA II.

### De Testamentaria Tutela.

#### S U M M A R I U M.

**T**estamentarius Tutor alius confirmandus, alius non. 224.

*Vi Datio Tutoris non confirmandi in Testamento valeat, quanquam requirantur.* 226.

*An nomine Filiorum, vel Liberorum veniant etiam Nepotes.* 227.

*Testamentaria Tutela potest dari sub conditione pendente ad tempus, & ex tempore.* 228.

*Quid si Minor veniam ætatis impetravit?* 229.

*Correctio Iure antiquo, Mater & Avia tutrices testamento dari possunt.* 230.

*Quinam Tutores Testamentarii indigeant confirmatione.* 231.

*Quale sit discrimen inter Tutorem datum ab extraneo, & datum à Matre.* 234.

224. DE hoc primo loco agendum est, neque enim legitima, aut dativa tutelæ locus est, nisi deficiat Testamentaria. L. 11. ff. de Test. tutel. ibi. Sciendum est enim, quamdiu testamentaria tutela spectatur, legitimam (multo magis dativam) cessare. Est itaque tutela testamentaria, quæ testamento dari permittitur.

Testamentarius tutor alius est, qui non indiget confirmatione, alius, qui est confirmandus à Magistratu. Hac subdivisione observata, non est necesse addere cum Hunno communi divisioni tutelæ quartum membrum, nempe tutelam confirmatam.

225. Tutorem non indigentem confirmatione dare possunt suis liberis (sed non tenentur) omnes illi qui liberos habent in patria potestate. L. 1. h. t. *Lege duodecim tabularum permittum est parentibus liberis suis, sive feminis, sive masculinis sexus, si modo in potestate sint, tutores testamento dare.* & hoc merito constitutum est, & à lege præsumptum, eum liberis optimè prospecturum esse, qui in vivis eis ex patria potestate prospexit.

226. Ut autem hac tutoris datio valeat, requiritur primò, ut detur in testamento perfectò verbis directis, aut Codicillis testamento confirmatis. L. 3. [Testamento datos Tutores accipere debemus etiam illos, qui Codicillis testamento confirmatis scripti sunt.] Deinde requiritur, ut adita sit hæreditas ex huiusmodi testamento. L. 9. [Si nemo hæreditatem adierit, nihil valet ex his quæ testamento scripta sunt. Si verò unus ex pluribus adierit, tutelæ statim valent, nec expectandum erit, ut omnes hæreditatem adeant.] Non tamen est necesse, ut impubes ipse hæres sit, imò etiam si exhæredatus esset, adhuc tutoris datio teneret, cum non fundetur in institutione, sed in patria potestate, quam non extinguit exhæredatio. L. 26. §. 2. [Propter licet inofficiosi testamenti ordinandam, exhæredato filio, cui tutorem pater dedit, eundem à prætore confirmari oportet: eventus iudicæ rei declarabit, utrum ex testamento patris, an ex decreto Prætoris auctoritatem acceperit.] Tertio requiritur, ut is cui datur tutor, non sit recasurus in alterius potestate. Tutorem enim non habet, nisi qui sui iuris est, ut dictum præced. contr. 227.

227. QUÆRES. Si in testamento datur tutor *Liberis* vel *Filiis*, an veniant hoc nomine etiam Nepotes & Filix. R. Sub termino *Liberorum* omnes hi veniunt. L. 220. de V. S. *Liberorum* appellatione, Nepotes & Pronepotes, ceterique qui ex his descendunt, continentur. Deinde Filiorum nomine etiam filix veniunt. Nam in Iure sermo masculinus concipit femininum, sed non econtra. Utrum autem in præsentī negotio nomine filiorum veniant Nepotes, est incertum. Nam imprimis etiam filiorum nomine sæpè venire nepotes, habetur in terminis l. cir. §. 1. Econtra etiam certum est, sæpè strictiorem esse *Filii*

significationem, ut nepotes non comprehendat; & quævis lex 84. eod. dicat; *Filii* appellatione omnes liberos intelligimus, notat tamen ibi glossa, Nepotes non intelligi, & hoc per legem. 6. ff. de testam. intela. quæ proinde in præsentī negotio attendenda est, & sic loquitur. [Quid si nepotes sint? an appellatione filiorum & ipsi tutores dari sint videndum, & magis est, ut quis quoque dati videantur, si modò liberos dixit: etenim NB. si filios: non continebuntur: aliter enim filii aliter nepotes appellantur. Planè si posthumis dederit, tam filii posthumi, quàm cæteri liberi continebuntur.] Circa hunc textum est ingens dissensio. Plures enim volunt esse legendum, *Posteris*. Ità Mynf. Hopperus, Holoander, Manzius, & plura exemplaria, quæ inspejta legunt, sed editio Flor. legit: *Posthumis*. Quæ lectione supposita, mirâ audaciâ dicit Bacchovius in Treud. Imperatorem Justinianum & J.C. Ulpianum ineptè respondisse, eò quòd liberi jam existentes non veniant nomine posthumorum. Ob hanc rationem, ut verum fatear, mallem legere *Posteris*.

228. Testamentaria tutela potest dari sub conditione pendente, ad tempus, & ex tempore. §. 3. *Inst. qui testam. iur. dari poss.* *Ad certum tempus, vel ex certo tempore, vel sub conditione, vel ante hæredis institutionem posse dari tutorem non dubitatur.* Differt ergo hæc tutela à legitima & dativa, quòd hæc non possint pendere ex eventu, sed certe esse debeant, cum non sit, qui legis aut Magistratus factum suppleat. Testamentaria verò propter conditionem pendente, potest & debet pupillo per Magistratum providi, substituto alio tutore, qui pupillum interim taceat. §. 1. *Inst. de Antil. Tut.* Hinc defenditur datio tutoris furiosi, ægri, minoris 25. annis, subintelligitur enim conditio: ubi mentis compos fuerit, convaluerit, major ætate factus fuerit. §. 2. *Inst. qui testam.*

229. Sed quid si minor veniam ætatis impetravit? adhuc expectandum est tempus majoræ rennitatis. Nam venia ætatis minoribus ad hoc solum conceditur, ut de propriis tantummodo rebus liberius disponere possint, non ut ad negotia aliena accedere valeant. L. 2. C. de his qui ven. ætat. impetrav. qui honestate morum præditi paternam frugem, vel avorum patrimonium gubernare capiunt.

230. Correcto Iure antiquo per *auth. Matris. C. quando Mulier. Mater* & *Avia* tutrices Testamenti dari possunt. [Matri & Avie secundum ordinem tutelam subire etiam ante agnatos permittimus, si inter gesta nuptiis aliis, & auxilio S. C. Velleiani renuntiaverit, solis testamentariis præcedentibus eas, legitimis & dativis postpositis. Defuncti namque voluntatem præponimus. Præter has autem aliis mulieribus interdicimus officium tutelæ subire.] Et *Auth. seq. additur.* [Sacramentum quidem non exigitur, sed contractis nuptiis expellendam à tutela]



convenit, salvā minoribus omni aliā (prout iuris est) cautela. ] Ex his constat, quod legitimam Matris tutela cesset per secundas nuptias. unde probabiliter inferitur, etiam testamentariam cessaturam, ob rationem legis praelentis minus accuratam tutelam, nisi expressa mens testatoris aliud vellet. Jure Bavarico, quando mater testamento suis liberis tutrix data est, ipsi duo assistentes adiunguntur, quibus singulis annis summarie rationes reddere debet. L. R. a. 3. Imò lure hoc etiam non data in testamento potest esse tutrix liberorum, quamdiu vidua permanet, & bona diligenter administrat, adjunctis duobus assistentibus, ut dictum.

231. Hactenus de tutore testamentario, qui non indiget confirmatione Magistratus, cum per leges satis confirmatus sit. Nunc breviter videndum de illo qui confirmatione opus habet. &

Primo quidem si Pater det tutorem filio pupillo emancipato, confirmanda est datio, & quidem simpliciter nullā praeiussā inquisitione. l. 3. ff. de confirmando tutore. [Qui à patre tutor scriptus est, aut non iusto testamento, aut non ut lege praecipiebatur, confirmandus est ad tutelam gerendam, perinde ac si ex testamento tutor esset, id est, ut satisfactio ei remittatur.] Hoc ipsum clariss, & insuper quomodo mater possit filio tutorem dare, ponitur in lege 4. ff. de testam. tutel. ibi. [Sed & inquiri in eum, qui matris testamentum datus est tutor, oportebit: cum à patre datus, quamvis minus iure datus sit, tamen sine inquisitione confirmatur, nisi, si causa propter quam datus videbatur, in eo mutata sit, veluti si ex amico inimicus, vel ex divite pauperior effectus sit.] Ex his legibus & alia mox citanda constat, idem dicendum de tutore dato in testamento imperfecto, & in Codicillo non confirmato per testamentum, vel verbis precariis datus. L. 1. §. 1. de confirm. tut. ibi. [Si autem fuerit persona talis, quae non potest dare, vel mater aut patronus, aut extraneus quis, aut persona, cui non potest dari, velut si pater filio non existenti in potestate, aut filiae dederit, aut si dixerit: Precor te curam habere rerum; aut in Codicillis non confirmatis dederit tutorem, aut curatorem, tunc quod deficit, repleti à consulari potestate constitutiones concesserunt, & secundum mentem confirmari tutores.

232. Secundò confirmatur tutor datus filio naturali per patrem. Per arg. à contrario. l. 7. ff. de confirm. tut. Naturali filio cui nihil relictum est, tutor frustra datur à patre, nec sine inquisitione confirmatur. Idem dicendum de quovis extraneo tutore dante. L. 4. [Si Patronus, vel quivis extraneus impuberi, quem heredem instituerit, tutorem dederit, & extra ea nihil in bonis habeat pupillas, non male dicetur, iudicium ejus sequendum esse, qui & personam ejus, quem tutorem esse voluerit, noverit, & impuberem ita dilexit, ut eum heredem instituerit.]

233. Controversum est circa tutorem à matre in testamento datum, an debeat confirmari etiam tunc quando filium heredem instituit. Affirmant plures, quibus subscribitur Hunnius propter legem. 4. ff. de testam. tutela. cujus verba paulò antè recitavi. adeo quidem, ut si filium non instituit heredem, datio sit omnino nulla, quia tunc praesumitur non bene voluisse filio consulere per tutorem, quem noluit habere heredem. Ità Cujacius, Faber, Heigius, Vulteius, Borchold apud eundem. Verum huic sententia adversatur Lex 4. C. h. t. quae sic habet. [Mater testamento filiis tutores dare non potest, nisi eos heredes instituerit; quando autem eos heredes non instituerit, solet ex voluntate defuncti & datus tutor à praesidibus confirmari.] Et ideo sententiam contrariam tenet Harpprecht, volens hac lege esse derogatum legi. 4. ff. eod. Verum mihi non est improbabile, quod docet Cuiacius, & Hunnius, in hac lege textum esse corruptum, & omisā part. negativā legendum esse: Quando autem eos heredes instituerit. & hoc videtur planè colligi ex contextu, multòque clariùs ex eo, quòd hac lex non sit Justiniani Imperatoris, sed sit relictā ex antiquiore Codice qui non ampliùs existat, est enim Alexandri Imperatoris Constitutio, quae cum sit antiquior lege. 4. Digestorum, non potest hanc abrogare. Itaque verior videtur sententia communior, quòd mater non possit tutorem dare filio non instituto, qui à Magistratu confirmetur, sed bene, si eum instituerit, tunc enim cum inquisitione confirmabitur.

234. Dices: ergo nullum est discrimen inter tutorem datum ab extraneo, & datum à matre. 2. Discrimen indicari in l. 4. ff. de confirm. tutore. jam sup. relata. nempe quòd extraneus tantum tunc possit dare tutorem confirmandum, quando hæres, cui datur, nihil habet in bonis præter id in quo instituitur, quia non convenit ab extraneo dari tutorem pro bonis quae ab ipso non proveniunt. Deinde etiam hoc discrimen esse videtur, quòd tutori à matre dato remittatur satisfactio. L. 2. ff. de confirm. tut. Quòd autem P. Molina n. 14. hic distinguit inter bona relictā à matre, & quae aliunde habet, ut satisfactio remittatur solum quoad priora, non video, in qua lege fundetur, nec aliquis Legista, quem viderim, hoc discrimen facit. Et regula generalis est, quòd satisfactio non exigatur ab eo, qui cum inquisitione datus est: ergo tutor à matre datus, & cum inquisitione confirmatus non tenebitur ad satisfactionem.



# CONTROVERSIA III.

## De Legitima Tutela.

### SUMMARIUM.

- Q**uam sint Legitimi Tutores. 235.  
**Q**uomodo ad Legitimos devolvatur Tutela, si Tutor testamento datus non gerat tutelam. 239.  
 Si proximi gradu non sunt idonei, aut excusati, quinam veniant. 240.  
 An Avo paterno non solum praeferatur Mater, sed etiam Avia. 242.  
 Ad quot gradus se hac Tutela extendat. 243.  
 Quid iuris, si quis impubes minorem aetatis habeat fratrem, qui ob defectum aetatis non potest esse tutor. 244.  
 An mater amittens ius tutelae, ob secunda vota possit reassumere tutelam mortuo secundo Marito. 245.  
 Quid specialis iuris habeat Legitima Patronorum tutela. 246.  
 Non subsistente testamento, ob exheredationem an deferatur tutela testamentario, vel legitimo. 247.

235. **T**estamentario tutore deficiente, vel quia nullus à defuncto datus est, vel quia datus quidem, sed mortuus ante testatorem, vel ante pupilli pubertatem, legitimus tutor ad tutelam vocatur, originaliter quidem lege XII. Tab. quâ lege, & antiquo iure fiebat discrimen inter Agnatos, hoc est, per lineam masculinam conjunctos, utentes iisdem insignibus, & eodem familiaris, seu domus nomine, cujusmodi sunt fratres ex eodem patre, & sorores, fratrum filii, &c. Patruus, patruelis, &c. & inter cognatos, hoc est secundum sexum fœmineum conjunctos, ut est filius sororis, &c. uno verbo, qui alio cognomine & insignibus gentilitiis utuntur: quo, inquam, antiquo iure priores, non posteriores immediate ad successionem vocabantur, & ideo etiam ad tutelam. Sed iure novo (ut tr. 5. dicitur) hæc differentia sublata est, sicut & differentia inter emancipatos & non emancipatos quoad successionem.

236. Primo ergo loco tutela legitima Marti deferitur, si quidem tutrix esse velit, sed (ut jam supra dictum est) prius debet coram Iudice promittere, se ad secunda vota non transituram, nisi depositâ prius tutelâ, ac præterea debet renuntiare beneficio S. C. Velleiani (de quo tract. 9.) *Auth. Marti & Avia*, jam supra relatâ, & *auth. Sacramentum. C. quando mulier tutelae officii potest.* etiam relatâ.

237. Secundo loco venit Avia, & excludit ceteros propinquos. *Auth. de hered. ab intestato. §. ex his.* ibi. [Nisi Mater, aut Avia fuerit. His enim solis secundum hereditatis ordinem, & tutelam subire permittimus.]

238. Tercio itaque loco, exclusis deinceps omnibus feminis, quantumvis propinquis (cùm officium tutoris aliquo modo publicum, & virile sit) veniunt laterales illi, qui gradu sive agnationis, sive cognationis sunt propinquissimi, eo modo quo ab intestato succederent, si pupillus impubes moreretur. Itâ Nov. 118. c. 5. [Ex his, quæ de hereditate diximus, & disposuimus, & quæ de tutela sunt, manifesta consistunt. Sancimus enim, unumquemque secundum gradum, & ordinem, quo ad hereditatem vocatur, aut solum aut cum aliis (qui in eodem gradu conjuncti sunt) etiam functionem tutelæ suscipere. Nulla neque in hac parte differentia introducenda de agnatorum, seu cognatorum iure, sed omnibus similiter ad tutelam vocandis, quique ex masculorum, quique ex fœminarum prole descendunt minori conjuncti. Hoc autem dicimus, si masculi, & perfectæ ætatis sint, & nullâ lege prohibeantur tutelam suscipere, neque exculatione comperente sibi utantur.] In casu, quo nimis multi essent in eodem gradu conjuncti, cùm non expediat tutelam à tam multis administrari, sic statuitur *auth. Sicut C. h. t.* [Quod si plures sint ejusdem gradus, & ad tutelam vocantur, jubemus communiter apud Iudicem convenientibus unum, vel plures eligi, & eum, vel eos administrare, ut magis idoneo, vel idoneis committatur tutela, periculo tutelæ omnibus imminente, qui ad tutelam vocantur, & substantiâ eorum minoribus tacite subjacente pro hujusmodi gubernatione.] Estque hæc *auth.* desumpta ex Nov. 118. c. 5. cit.

239. **Q**UÆRITUR 1. Quomodo ad legitimos devolvatur tutela, si tutor testamento datus non gerat tutelam, vel quia moritur ante pubertatem pupilli, vel quia excusatur, vel quia removeatur. Ad hoc quæritur Respondetur ex lege. 11. à §. 1. [Etsi semel ad testamentarium devoluta fuerit tutela, deinde excusatus sit tutor testamentarius, adhuc dicimus in locum excusati dandum (aliu[m] tutorem à Magistratu) non ad legitimum tutorem redire tutelam. Idem dicimus etsi fuerit remorsus, nam, & hic idcirco abit, ut alius detur. Quod si tutor testamento datus decesserit, ad legitimum tutela redit, quia hic S. Confultum cessat. Planè si duo, pluresve fuerint tutores testamentarii, in locum ejus qui decessit, vel in civitate esse desit (per capitis diminutionem, seu maximam, seu mediam) poterit dari alius: ceterum si nullus superstit, vel in civitate sit, legitima tutela succedit.] Ratio est, quia capitis diminutio ista est quædam mors civilis.

240. **Q**UÆRITUR 2. Si proximi gradu non sunt idonei ad tutelam, vel excusantur, an tunc alius à Magistratu dandus sit, vel veniant legitimi post impeditos proximi. Ratio dubitandi est, quia isti non sunt successione proximi, cur ergo in locum illorum, qui

spem proximam successionis habent, sustineant onus tutelæ, quandoquidem onus tutelæ ob spem successionis à lege imponitur? Nihilominus respondendum est ex l. 30. ff. de Legit. tut. vocari propinquiores, & sic fieri, ut interdum hæreditas sine tutela, & tutela sine hæreditate deferatur. Sed de hoc distinditius quæ. 6.

241. QUÆRITUR 3. Quare DD. in explicanda legitima tutela communiter nullam mentionem faciunt tutelæ, quæ potest a vo, & patri competere, nempe si quis filium, aut filiam, nepotem, aut nepotem ex filio, & deinceps impubes emancipaverit, tunc enim, ut supradiximus, cum de effectibus Emancipationis ageremus, & haberetur *Inst. de leg. par. tut.* legitimus emancipatorum ante pubertatem tutor erit. Ergo male communiter dicitur, quod legitima tutela primo loco deferatur Matri, nam primo loco patri deferetur. 2. Præterquam quod rarum sit, ut filius impubes emancipetur, est præterea hæc ratio, quia hæc tutela olim Fiduciaria dicebatur, & nunc dicitur Quasi legitima, & non simpliciter legitima, quia non descendit ex lege XII. tab. Quare autem olim fiduciaria dicta sit, videri potest apud Interpret. in tit. *Inst. de Fid. tut.* & est questio nullius utilitatis, ac proinde omittenda.

242. QUÆRITUR 4. An Avo paterno non solum præferatur mater (utpote iure sanguinis proximior) sed etiam Avia. Hunnius affirmat q. 22. & probat his verbis. [Justinianus in Nov. 118. c. 5. dicit, se Matrem, & Aviam quoad Tutelam OMNIBUS A LATERE COMATIS præponere. Quodsi omnibus: utique etiam Avo paterno.] Ego non assequor hanc consequentiam. Nam Avus paternus utique non est lateralis. Itaque Glossa in auth. *Matri, & Avia C.* quando mulier: rem sic ordinat. *Si existit Pater, & Mater, Pater in Tutela præferatur matri. Si autem est Avus, & Avia, ambo admittuntur, cum non sit cautum, quod Avia per legitimus repellatur. Si sit Mater, & Avus, præponitur Avus paternus, cum sit legitimus (sed hoc secundum communio rem non est verum, ut paulo ante dictum, quia mater est proximior) sed si veris Pater & Avia, equaliter admittuntur.* (Sed nec hoc credo verum. Si enim pater matrem excludit, & mater Aviam, utique pater Aviam excludet, juxta illud: si vinco vincentem te, multo magis vinco te,) dicendum ergo videtur ad questum, Avum non excludi ab Avia, sed simul admitti.

243. QUÆRITUR 5. Ad quot gradus se extendat Legitima Tutela. 2. Ad tot gradus, ad quos se extendit ius successionis. Quousque autem hoc se extendat, an in infinitum, vel solum ad decem gradus, in tr. seq. de successione ab Intestato dicitur.

Respectu bonorum Feudalium est specialis ratio, cur se extendat etiam ultra decimum

gradum, quia omnibus agnatis lateralibus à primo acquirente originem trahentibus, in infinitum deferatur. Et hoc, inquit Hunnius, potissimum procedit in Feudis Regni, Ducatus, Marchie, Comitatus, Baronie, atque in similibus Feudis Regalibus, sive Regalem dignitatem habentibus: nam in his datur successio in infinitum: ergo, & in infinitum est locus Tutelæ legitimæ.

244. QUÆRITUR 6. Quid iuris sit, si quis impubes minorem nem habeat fratrem, qui ob defectum ætatis non potest esse Tutor, utrum sequens agnatus proximior patruus, vel patruelis, ad Tutelam admittatur, an verò à Magistratu sit Tutor constituendus. 2. Si frater est evasurus majorem ætatis, priusquam aliter pubes fiat, & quidem tempore aliquo notabili, tunc à Magistratu ad interim Tutor dabitur. Itæ Schneidewein ex communi DD. & merito. Cur enim statim gravaretur remotior, si frater paulo post idoneus erit? Secus verò procedit responso data superius q. 2. nempe quod tunc vocetur propinquior, v. g. patruus.

245. QUÆRITUR 7. Utrum Mater quæ ad secunda vota transit, ideoque Ius Tutelæ amittit, si secundus Maritus moriatur priusquam filius pubertatem attigerit, possit reassumere, & administrare Tutelam. Affirmat Speculator tit. de Tutor. §. *nunc videndum. v. quid si mater.* Sed rectius negant cæteri, Mynsinger, Treutlerus, Hunnius, Tiraquellus, & alii. Qui tamen limitant, an possit reassumere, quando liberis de alio tutore necdum est prospectum, vel si habebat quidem animum nubendi, sed non nupsit.

246. QUÆRITUR 8. Quid iuris specialis habeat Legitima Patronorum Tutela? Cum hæc hodie parum in usu sit. Breviter 2. Patronus est legitimus tutor servi impubers manumissi. Si Patronus decessit, Tutela ad ejus liberos pertinet. Quodsi plures Patroni fuerunt, & aliter situm, alter nepotem reliquit, ad filium non ad nepotem Tutela pertinet, quia & hæreditas sic deferretur. Quodsi ex pluribus Patronis unus decesserit, vel ab hostibus captus, aut aliâ ratione in servitutem redactus sit, quamvis filium reliquerit, tutela penes ceteros Patronos, quamdiu vivant, erit, nec cum illis filius captivi, aut servi effecti concurrat. Hæc videri possunt apud Interpretes in tit. *Inst. de Leg. patr. tutelâ.*

247. QUÆRITUR 9. Si in testamento tutor datus est, sed testamentum non subsistat ob exheredationem injustam, vel præteritionem filii, utrum tunc Tutela deferatur legitimo, an testamentario. 2. Antiquo iure legitimo deferrebat, quia tale testamentum per querelam inofficiosa penitus evertebatur. Sed hodie, testamento quoad hæredis institutionem corruente, legata, tutela, & cætera testamento constituta

stituta, firma manent ex communiore DD. opinione, adeoque tutela testamentario deferetur. Sed de veritate illius opinionis erit alius dicendi locus, cum agemus de Exheredatione liberorum Tract. 6.

## CONTROVERSIA IV.

### De Dativa Tutela.

#### S V M M A R I V M.

**Q**uandonam sit locus Tutela Dativa. 248.  
Ad quem Iudicem spectet dare Tutorem. 249.  
Ad quos spectet petere Tutorem. 250.  
An & quando habenti Tutorem alius Tutor, aut Curator detur. 252.  
Quinam à lege prohibeantur dari Tutorem. 253.  
An tantum à Dativa Tutela excludatur Creditor & Debitor. 256.  
A Tutela removeatur Prodigum. 257.

248. **I**N defectum Tutorum de quibus hactenus actum est, ad Magistratum, & Iudicem spectat assignare idoneum tutorem, quem ad suscipiendam tutelam etiam cogere potest, ita exigente conditione pupillorum, & hinc dicitur *Dativus*. [Si cui nullus omnino tutor fuerat, ei dabatur in urbe quidem à Prætorè Urbano, & maiore parte tribunorum plebis tutor ex lege Attilia, in Provinciis verò à Præsilibus Provincialium ex lege Julia, & Titia.] *Inst. pr. De Attiliano Tut.* plura in seqq. §§. quæ jam superius explicata sunt, sed nunc sub hoc titulo, absque iurium iterata allegatione, repetenda. Imprimis ergo Dativo Tutore opus est, quando nullus est datus legitimo modo in testamento, & nullus etiam legitimus haberi potest. Deinde si tutor testamento datus est sub conditione pendente, vel ex certo die. Item dum hæres deliberat de adeunda hereditate, interea alius tutor quasi Vicarius à Prætorè decernitur, l. 10. ff. de testam. iur. Si hereditas nondum adita sit, ex qua tutor speratur, verius est alium tutorem posse dari, quasi nondum sit, nec speretur. Quodsi testamentum penitus non valeret, vel hereditas repudiaretur ab hærede scripto, statim legitimus, & non dativus vocaretur ad tutelam. Denique si tutor ab hostibus captus esset, tutela in suspenso esset propter spem reditus, & interim à Magistratu alius subrogandus esset. Nam reversus ope postliminii omnia iura, adeoque & tutelam recuperat. De quo etiam sup. de par. poi. dictum est.

249. **Q**UÆRITUR 1. Ad quem Iudicem spectet dare tutorem. 2. Spectare ad Iudicem partis pupilli, esto pupillus absens sit. Item ad Iudicem loci unde pater originem trahit, aut ubi filius natus est, si pater ibi domicilium habebat, aut ubi maiorem partem facul-

tatum suarum sitam habet. & inter hos est locus præventioni, nam ab uno datus prævalet, & alius ab aliis dari non potest. *L. un. C. ubi petantur tutores.* iunctâ glossâ. [Magistratus ejus civitatis, inde filii tui originem per conditionem patris ducunt, vel ubi eorum sunt facultates, Tutores, vel Curatores his quamprimum secundum formam perperuam dare curabunt. Quodsi filii neque possident quidquam in Provincia, ubi morantur, neque inde originem ducunt, restituti apud patriam suam, & ubi Patrimonium habent, morabuntur, ut ibi defensores legitimos sortiantur.] Quodsi in duabus Provinciis habeant facultates, utriusque Provinciæ Iudex tutores dabit. l. 27. ff. de tutorib. & Curat. dativ.

250. **Q**UÆRITUR 2. Ad quos spectet petere tutores, aut Curatores. 3. Matri incumbit onus petendi tutorem intra annum, si ipsa nolit esse tutrix. Curatorem autem petere non tenetur, cum puberes minores anno 25. ipsi sibi curatores, si res eorum exigat, petere debeant. l. 6. C. qui petant tutores. Quodsi non petierit, indignam se facit hereditate, & successione, ut nulla ei ignorantia iuris sit profutura, nisi casu fortuito impedita fuisset. *L. fin. eod.* [Matres naturalibus etiam filiis ad similitudinem eorum, qui ex iustis, & legitimis nuptiis sunt procreati, petendorum tutorum accessitati subiacent, nullâ eis ignorantia iuris ad evitanda legibus, vel sacris constitutionibus definita, si petitionem tutorum minis curaverint, profuturâ.] Adde l. 8. eod. Ad idem tenentur propinquiore. *L. scient. C. de legitimis heredib.* [Scient, qui ad successionem vocantur pupilli mortui, si defuncto ejus patre, tutorem ei secundum legem non petierint intra annum, omnem eis sive ab intestato, sive jure substitutionis successionem ejus (si impubes moritur) denegandam esse.] Sed quid si his non petentibus ceteri deinceps etiam non petant, an propterea eadem successione privabuntur? Negat Fachineus lib. 8. c. 59. quem sequitur Ant. Perez. Sed insistendo iuris apicibus ego affirmandum putare cum Bartolo, in *L. Nepotibus C. qui petant tutores*. Revera enim lex adducta *Scient.* sine exceptione, aut restrictione loquitur, neque Fachineus habet fundamentum restringendi ad illos qui primi vocantur. Adducit quidem legem 2. §. ult. ff. ad Tertull. ubi dicitur, *Matre tutorem non petente successionem ad alios perimere*. Verum si hæc lex aliquod probaret, soli matri, & nulli alii proximiori incumberet onus petendi tutorem, quod est contra ipsum Fachineum. Deinde argumentatur ab absurdo. Si, inquit, essent quatuor, vel quinque agnati, & nemo eorum peteret tutorem, nemo posset hereditatem obtinere, & sicco esset applicanda, quod absurdum esse videtur, & iniquum. 2. Imò iniquum est, illos qui non obliviscun-



tur iuris quod habent ad successionem præfisco, oblivisci pupilli cui volunt succedere, eumque indefensum relinquere, forte ut tantò citius intereat, & successioni sit locus: non est ergo absurda, sed iusta sequela.

251. In aliorum defectum Creditor habet Ius petendi tutorem. *L. 4. C. h. i.* [Si filius debitoris tui non sunt necessarii, qui tutores petant, pates & ipse curate, ut accipiant per quos legitime defendantur.]

252. QUÆRITUR 3. An aliquando habenti tutorem alius tutor vel Curator adiungatur. *§. 2.* Per se loquendo hoc fieri non potest. *l. 9. cod. Cum iure habenti tutorem tutor dari non possit. §. 1. 9. ff. qui dare Tutores. cum habenti tutorem alium dari iura prohibeant.* Excipitur tamen ab hac regula 1. Si patrimonium pupilli late diffusum est, ut ab uno commodè administratione non possit, tunc enim alius Curator à Præfide ei adiungitur. *L. 3. C. In quib. causis, &c.* [Propter late diffusum vel in diversis locis constitutum patrimonium, vel quòd solus ad administrationem non sufficias, an tibi tutelam administranti adjungi aliquos curatores oporteat, præfides provinciae, si te non sufficientem deprehenderit, æstimabit.] 2. Si patrimonium sit actum. *L. fin. cod. [Cum ob augmentum facultatum curatores adiungi solent, non prius dati tutores ab administratione eorum liberantur. Sanè si is, qui administravit, tempore finitæ tutelæ fuit solvendo, secuti temporis periculum ad te pertinere non potuisse manifestum est.]* adde *L. 9. §. fin. ff. de administr. tut. ibi. [Qui datus est simpliciter tutor pupillo, vel curator, si quid postea augmenti accesserit, periculo tenetur, quamvis soleat ad augmentum dari curator.]* Sed, si tutor solvendo non est, periculum cum Curatore communicatur. *ibid. 3.* In locum Tutoris Reipublicæ causæ absentis, vel aliàs excusati, alius substituitur, sicut *l. 1. 2. 4. C. in quibus causis, &c.* 4. Si Tutor durante tutelâ debitor aut Creditor pupilli factus est, tunc ei Tutor vel curator adiungitur. *Nov. 72. C. 2.* aliud esset, si jam prius creditor aut debitor fuisset, ut jam dicitur.

253. QUÆRITUR 4. Quinam à lege prohibeantur dari Tutores aut Curatores. *§. 1.* Milites. *l. 4. C. qui dare tutores.* [Militis armata munericibus occupatus, neque si legitimus sit, neque si ex testamento datus fuerit, nec alio modo (et si voluerit) Tutor vel Curator fieri potest: sed si errore ductus res administraverit, negotiorum gestorum actione convenitur.] Secundò Maritus. *l. 2. cod. [Maritus et si rebus uxoris suæ debet affectionem, tamen curator ei creati non potest.]* Creditor & debitor. *Nov. 72. [Hæc omnia lege corrigentes, & præcipuè illud, ut si quis obligatum habuerit minorem, aut ejus res, hunc non omnino ad curationem ejus, vel si legibus vocetur, accedere, &c.] & paulò post.*

[& illud Sancimus, ut si apertissime manifestum est, quia is qui sit administrator, ipse est iuri minoris obnoxius: neque ipse curator erit.] Exceptum tamen esse Matrem & Aviam *Nov. 94.* jam supra notatum est, ubi *c. 1.* exceptionis ratio redditur, quòd Matrem vel Aviam pius naturæ amor circa filios sine suspitione faciat quàm plurimum, cæteris creditoribus vel debitoribus nullam habentibus ad filios favoris necessitatem.

256. Sed dubium est, utrum tantum à dativa tutela, vel etiam à legitima & testamentaria excludatur Creditor & Debitor. Distinctionem adhibet Faber post Bart. Si enim testator scivit esse talem quem dedit, non repellitur. Si autem nescivit, repellitur. Ego tamen hanc distinctionem non probo, sed simpliciter dicendum existimo, tales à testamentaria tutela non repelli, quia dicta auth. de dativis loquitur. facilius eam admitterem in legitimis, quia Matri & Avæ tanquam legitimis hoc privilegium singulare est, quòd admittantur etiam debitoribus & Creditores: cum ergo exceptio firmet regulam in contrarium, videntur etiam alii legitimi, notorii Debitoribus & Creditores removendi. In Testamentario est alia ratio, quia approbatio Testatoris fraudis suspensionem excludit, etiam si nesciverit esse Debitorem aut Creditorem.

257. Quartò à Tutela removeretur Prodigus. Tum quia furioso comparatur, tum quia ipsemet curator indiget. Quintò. Qui jam unam Tutelam malè administravit. *l. 3. §. 8. ff. de suspectis tutorib. 6.* Religiosus, Episcopus, & alii Clerici secundum Novellam 123. *c. 5.* quæ sic habet. [Deo autem amabiles Episcopos, & Monachos, ex nulla lege tutores aut curatores cujuscunque personæ fieri permittimus, presbyteros autem & Diaconos, & Subdiaconos jure & lege cognationis tutelam aut curam suscipere hereditatis permittimus proprio & solo gradu cognationis ad tutelam & curam vocatis hujusmodi suscipere administrationem permittimus, si tamen intra quatuor menses ex quo vocati sunt, apud competentem Judicem scripto declarent talem administrationem propriâ voluntate suscepisse, & si quis eorum forsitan hoc fecerit, nullum ex hoc in alia tutela aut cura præjudicium patiatur.] 7. Qui postquam à patre tutor designatus est, graves inimicitias cum patre exercuit, nec reconciliatus est. *l. 8. ff. de confirm. Tut. In confirmando tutore hoc prior inquirere debet, &c. an inimicitia cum patre exarsint.* Omitto alios, de quibus jam contat ex dictis, cujuscumque sunt faminae, Minores, Surdi, Muri, &c.



CONTROVERSIA V.

De Satisfactione Tutorum, & remotio-  
ne Susceptorum.

SUMMARIUM.

**Q**uam Tutores & Curatores debeant satisfacere. 258.

Hodie sine discrimine omnibus camio prestanda est. 259.

Potest ex pluribus sufficere unus Satisfactorio. 260.

Quibus actionibus subveniatur Pupillo aut Minori. 261.

An Satisfactorio purget vitium Suspicionis. 262.

Quam de Jure pro suspectis habendi sint. 263.

Quam possint Tutorem suspectum postulare seu accusare. 264.

Quid interea agendum, dum accusatio pender. 265.

Quam culpam præstet Tutor & Curator eodem.

Quam culpam hæres tutoris. eodem.

An Tutor accusatus & convictus fiat infamis. 266.

258. **Q**UÆRITUR 1. Quam tutores & Curatores debeant satisfacere, rem minoris salvam fore, integræque restituendam, nullumque detrimentum in administrandis, defendendis, augendisque pupilli rebus ex negligentia & culpa obventurum. *¶* Jure communi inspecto, omnes qui non sunt testamento aut per inquisitionem dati, Inst. h. t. pr. ibi. *Nam tutores testamento dati satisfacere non coguntur, quia fides eorum ac diligentia ab ipso testatore approbata est. Item ex Inquisitione tutores vel curatores dati satisfactione non onerantur, quia idonei electi sunt.* Subintelligenda tamen est limitatio & exceptio leg. 8. ff. de confirm. tutore. nempe si conditio dati tutoris post confectum testamentum ita mutata esset, ut dubium prætori esse posset, an voluntas patris se ad talem casum extenderet, tunc enim satisfactio exigenda esset.

259. Dixi. *Jure communi inspecto.* Nam hodie sine discrimine omnes tutores & curatores cautionem præstare debent, ex reformatione Politæ Caroli V. de anno 1548. & Rudolphi. II. Imper. de anno 1577. tit. 32. ubi ratio generalis redditur, quia sæpius compertum est, etiam jure communi exceptis in officio suo vel negligentes vel dolosos fuisse. Itaque hoc novo jure non tantum cautionem præstare, sed corporali juramento promittere debent, quod personis pupillorum & minorem annis rectè prospicere, bona eorum utiliter & fideliter administrare, singulis annis ultro, non requisiti rationem reddere, nihil in propriam utilitatem convertere, nec quidquam sine præscitu & decreto Magistratus alienare velint, ut jam distinctius dicitur. Jure Bavarico hujusmodi rationes reddendæ sunt vel finitâ tutelâ, aut singulis annis, vel etiam secun-

do & tertio anno, pro arbitrio Magistratus vel agnatorum, & pro ratione circumstantiarum: Idque fieri debet coram Magistratu præsentibus agnatis vel cognatis: vel inter Nobiles, Doctores, & Patricios, &c. coram agnatis tantum. a. 5. & 10. aliquando etiam in Consilio aulico, ut notat Kraißler.

260. Potest tamen ex pluribus tutoribus testamento etiam datis unus satisfactorio sufficere, si se ad illam offerat, & solus administrare velit, & cæteri consentiant. Ità habetur §. t. h. t. Inst. cætera quæ in dicto §. habentur, reformatæ sunt, & ideo non refero. In eadem reformatione habetur, quod Tutores qualescunque sint, administrationem rerum pupillarium & minorum non suscipiant prius, quam decreto Magistratus illis administratio committatur. Quo decreto interposito conficiunt protinus Inventarium omnium bonorum, nullis exceptis, quæ pupillus vel minor habet, idque coram Notario & testibus. Deinde satisfabunt, sive cautionem præstabunt, quæ fiat vel sub hypotheca omnium suorum bonorum, vel datis fidejussoribus (quæ est satisfactio specificè sumpta) & insuper corporale juramentum præstabunt, sanctèque promittent, curaturos se, ut personæ pupilli & minoris, in educatione, cæterisque necessariis rectè prospiciatur, bona eorum utiliter & fideliter administrantur, rationes administrationis singulis annis reddantur, & denique tutelâ curavê finitâ se bona restituros esse.

261. **Q**UÆRITUR 2. Quibus actionibus subveniatur Pupillo, aut Minori. *¶* t. Competit illi actio tutelæ, & actio ex stipulatu rem pupilli salvam fore, & actio hypothecaria, quatenus bona Tutoris & Curatoris tacite sunt hypothecata minori à puncto tutelæ & curæ susceptæ, ità ut ad quemcunque devenierint, possit ea minor extrahere ut sibi satisfiat. *L. pro officio C. de Administ. tutor.* [Pro officio administrationis, Tutoris vel Curatoris bona, si debitores existant, tanquam pignoris titulo obligata minores sibi vindicare non prohibentur. Idem est, etiam si Tutor vel Curator quis constitutus res minorum non administravit.] 2. Contra fidejussores etiam datur illi actio ex stipulatu, rem pupilli salvam fore. l. 4. §. 2. ff. rem pupilli sal. fore. *Illud sciendum est, hac stipulatione teneri tam eum qui tutor est, quam eum qui pro tutore negotia gessit, vel gerat, & fidejussores eorum.* Horum bonia univertis excusis si needû indemnitate pupilli in solidum satisfacere possint, restat tandem actio subsidiaria, de qua Inst. h. t. §. 2. sic habetur. [Subsidiaria autem actio in eos datur, qui aut omnino à tutoribus vel curatoribus satisfacti non curarunt, aut non idonee passi sunt caveri, quæ quidem ex Const. Imperialibus etiam ad hæredes eorum extenditur, quibus constitutionibus & illud exprimitur, ut nisi caveant tutores, & curatores, pignoris captis coërceantur.] Hæc igitur

igitur actio subsidiaria (ut habetur §. 4.) non datur contra eos qui tutores & curatores dare solent, ut sunt Praefectus urbi, Praetor, Praeses, Consul, &c. sed contra illos, quorum est exigere satisfactionem, & contra eorum haeredes; & hi sunt Magistratus Municipales, Civitatum defensores, & alii pro diversis locorum consuetudine. Huic legi videri posset quoad haeredes esse derogatum per legem. 7. C. de Magistrat. conveniendis. ibi. In haeredes Magistratus, cujus non lata culpa idonee cautum non est pupillo, non solet actio dari. Ad hoc tamen respondent Interpretes, esse discrimen, quod contra ipsos Magistratus datur hac actio etiam ex levi culpa, contra haeredes vero non nisi ex lata culpa.

262. QUÆRITUR 3. An satisfactio purget vitium suspitionis, ita ut etiam suspectus tutor oblatâ satisfactione admittendus sit. R. Adeo non purgat, ut tutor suspectus omnino sit removens etiam postquam admittus est, sive sit testamento datus sive legitimus sive dativus. l. 4. C. de suspectis tut. Etiam testamento patris tutorem datum suspectum postulare potes si fraudem tutoris argueris. Inst. §. 1. eod. Datum est autem jus removendi tutores suspectos Roma Praetori, & in Provinciis Praefidis earum, & Legato Proconsulis. Sed non est satis expeditum cum his conciliare legem 9. ff. eod. ubi dicitur. Si tutor aliquo vinculo necessitudinis, vel affinitatis pupillo conjunctus sit, vel si patronus pupilli liberti tutelam gerit, & quis eorum a tutela removendus videatur, optimum est, curatorem si potius adjungi, quam eundem cum notata fide (id est nota infamiae) & ex estimatione removeri. Glossa putat, hoc solum esse consilium, absolute tamen posse removeri. Sed hac ratione nullus legitimus esset removendus, sed curator adjungendus esset. Alia responsio est, tunc esse adjungendum curatorem, quando si removeretur, v.g. ob dolum vel culpam latam, incurreret infamiam; (ut dicemus:) amovendum autem esse, si de sola culpa levi suspectus est, ob quam amotionem non fieret infamis. Verum cum prius adductae leges velint, esse simpliciter removendos nec consanguinitatis ullam mentionem faciant, cui parci velint (nam sic à fortiori etiam Testamentario parcendum esset, ac denique etiam cum inquisitione dato) ideo, salvo meliori iudicio putarem illam legem Digestorum non amplius esse observandam, sed simpliciter removendam, ut habet alia glossa. Posset tamen fortasse locum habere in persona non quomocunque conjuncta, sed à qua (sic ut libertus à patrono) maxima beneficia accepisset pupillus, aut ad huc sperare posset. tunc enim consultius esset pupillo, talem non amoveri, quam amoveri cum offensa.

263. QUÆRITUR 4. Quinam de jure pro suspectis habendi sint. R. §. 5. Inst. h. t. Suspectus autem est, qui non ex fide tutelam gerit, licet solvendo sit. Paulò accuratius l. 3. §. 5. &

segg. ff. eod. In summa, suspectus est, non cui res angusta domi est, nec enim paupertas suspectum facit, si de reliquo fidelis sit l. 8. ff. h. t. sed qui tam corruptos mores habet, ut ex illis meritis censetur imminere periculum pupillo & rebus illius. Huc pertinent & illi, qui actu quodam vel dissoluta negligentia delatum sibi munus recipere cunctantur. l. 2. C. eod. Curatores quidem suo periculo, quanto tardius tutela ad eos transferretur, cessant; quod si in fraudem factum existimas, suspectos eos postula. qui si submoveri meruerint, in locum eorum alios accipies. & l. 3. Quod si in eadem consummacia perseveraverint, suspectos postulare, ut alii in locum eorum petantur non prohiberis. Is etiam tanquam suspectus removetur, imò ad praetorem urbis puniendus remittitur poenâ corporali, qui vel mendacio negat adesse in bonis pupilli unde illi alimenta praebeantur, vel qui se subducit, ne pupillo alimenta decernantur. l. 3. cit. §. 14. & seq. & l. 7. §. 2. ff. eod. ibi. [Tutor qui ad alimenta pupillo præstanda copiam sui non faciat, suspectus est, poteritque removeri. Sed si non latet, sed praesens nihil posse decerni contendit quasi inopibus, si datis pupillo advocatis in mendacio revincatur, ad praetorem urbis remittendus est, &c. puniendus eâ poenâ, quâ solent affici, qui tutelam corruptis ministeriis praetoris redemerunt.] Eadem habentur §. 9. Inst. h. t. ubi illud speciale constituitur, quod in absents tutoris possessionem bonorum pupillus mittatur. Interim datur Curator, qui ex bonis pupilli ea distrahat, quæ servando servari non possunt, & inde pupillo alimenta præstet. Ità hunc locum intelligit Mynsinget. Sed magis ad litteram textus videtur mihi intelligere Casparus Manzius, quod nempe ex rebus tutoris possessis custodiæ causâ ea vendantur, quæ per moram deteriores fierent.

264. QUÆRITUR 5. Quinam possint Tutorem suspectum postulare seu accusare. R. Quemvis de populo, adeoque quemvis cognatum, affinem pupilli: imò & ipse pupillus, si pubes factus evaserit, Curatorem suum suspectum postulare potest, dummodo ex consilio necessariorum seu amicorum id faciat, ne ætatis ludibrio ductus temerè notet curatores suos. §. 3. Inst. h. t. ibi. [Sciendum est, quasi publicam esse hanc accusationem, hoc est omnibus parere. Quin imò & mulieres admittuntur ex recepto Divorum Severi & Antonini, sed ex sola quæ pietatis necessitudine ductæ ad hoc procedunt, ut puta mater, nutrix quoque, & avia, potest & soror. Sed & si qua alia mulier fuerit, quam praetor propenq. pietate intellexerit fœdus verendum non egredientem, sed pietate perductam non sustinere injuriam pupillorum, admittet eam ad accusationem. & §. 4. Impuberes non possunt tutores suos suspectos postulare; puberes autem curatores suos ex consilio necessariorum suspectos possunt arguere.

265. QUÆRITUR 6. Quid interea agendum dum accusatio pendet. *§. 7. Inst.* Quoad cognitio finitur interdicitur Tutori vel Curatori administratio. Quod si suspecti cognitio suscepta fuerit posteaquam tutor vel curator decesserit, extinguitur suspecti cognitio. Verum hæc accusatio non per mortem extinctio non impedit, quominus tutelæ actio adversus tutoris hæredem dirigatur, quemadmodum contra ipsum tutorem moveri potuisset si supervivisset. *L. fin. C. de heredib. tutor. v. l. curat. Hæredes eorum, qui tutelam vel curam administrarunt, si quid ad eos ex rebus pupilli vel adulti pervenit, restituere coguntur. In eo etiam quod tutor vel curator administrare debuit, nec administravit, rationem reddere eos debere non est ambigendum.*

QUÆRITUR 7. Quam culpam præstet Tutor aut Curator. *§.* Non quidem levissimam, sed tamen levem. *L. 7. C. Arbitrium intel.* [quidquid tutoris dolo, vel lata culpa, aut levi seu curatoris minores amiserint, vel cum possent, non acquiescunt, hoc in tutelæ seu negotiorum gestorum utile iudicium venire non est incerti iuris.] Et licet hoc videri posset esse contra communem regulam, quod quando in Contractu spectatur sola utilitas alterius, cui quis obligatur, solum præstetur culpa lata, merito tamen Quasi-contractus tutelæ excipitur, quod est officium publicum, & versans circa personas sibi insufficientes, quibus meliore modo ut succurratur, interest Reipublicæ. Non desunt aliqui rigidi Interpretes, qui etiam ad levissimam culpam obligant tutorem, moti lege 4. *C. de pericul. tut.* ubi solum excusatur a præstando casu fortuito: ergo (in inferunt) culpam omnem etiam levissimam præstabit. *§.* Negando consequentiam: & hunc argumentandi modum in tract. de Contractibus sæpius rejiciam: quia Imperatores respondent ad id, quod ex ipsis quærebatur: si ergo quæritur de casu fortuito, de hoc solo respondent, à culpa abstrahunt, quia de illa non quærebatur.

Major controversia est, an similiter tutorem hæredes (lite necdum contestatâ) de levi culpa teneantur. Affirmant Cujacius & Hotomanus. Negant Ant. Faber, Hunnius & alii probabilius. Probat *l. 1. ex l. 4. ff. de Magistr. conveniend.* ibi. [Non similiter hæredes Magistratum, ut ipsi teneantur. Nam NB. nec hæres tutoris negligentia nomine tenetur: nam Magistratus quidem in omne periculum succedit: hæres ipsius dolo culpæ proximæ succedaneus est.] Ubi per Negligentiam culpa levis intelligitur. Et confirmatur ex *L. 1. C. de heredib. tut.* ibi. [hæres tutorum ob negligentiam, quæ lata culpæ non comparari possit, condemnari non oportet.] Quod autem Cujacius ex quibusdam Græcis exemplaribus putet priorem negationem expungendam, vel ideo rejiciendum est, quod sic sequeretur, hæredem ne quidem de lata culpa te-

neri, cum tamen Cujacius velit teneri etiam de levi.

Objicit Cujacius 1. Actio tutelæ datur in hæredes tutoris. Respondet Hunnius, dari quidem sed aliter quam in ipsos tutores, ut colligitur ex lege 4. cit. & ex eo quod hæredes tutoris comparentur hæredibus Magistratûs, ut ex eadem lege patet.

Objicit 2. In aliis contractibus hæres eodem rigore tenetur, quo defunctus. Ergo & hæres tutoris. *§.* Negando consequ. nam ut paulo antè notavi, si paritas cum aliis contractibus observaretur, ne tutor quidem de culpa levi teneretur, quia obligatur non in suum, sed solius pupilli commodum. Mirum ergo non est, quod major rigor in favorem pupillorum introductus non extendatur ad hæredes.

266. QUÆRITUR 8. An tutor accusatus & convictus, fiat infamis. *§.* Si de dolo accusatus & convictus, adeoque à tutela remorsus est, certum est esse infamem. *§. 6. Inst. h. t. Suspectus autem remorsus, si quidem ob dolum, famus est: si ob culpam non aequè.* Hæc ultima verba movent dubium, de qua culpa loquatur Imperator, an de levi, an etiam de lata, & supina. Donellus, Valtricus Zasius, & Duarenus putant, ob nullam culpam fieri famosum. Communis aliorum sententia est, idem d. cendum esse de culpa lata, quod de dolo, quia nihil frequentius in iure est, quam culpam latam dolo æquiparari. *L. quod Nerva 31. ff. Deposit.* *Quod Nerva diceret, latorem culpam dolum esse, Proculo displicebat, mihi (Celfo) verissimum videtur. Nam etsi quis non ad eundem modum, quem hominum natura desiderat, diligens est, nisi tamen ad suum modum curam in Deposito præstat, fraude non caret. Nec enim salvâ fide minorem iis, quam suis rebus præstat. Vbi tamen notare oportet, quod lata culpa non accipitur, prout communiter à Theologis accipitur pro ea quæ opponitur communi diligentia aliorum patrumfamilias, sed quæ opponitur diligentia, quam Depositarius in suis propriis rebus solet adhibere. quæ profectò vix potest à dolo & malitia, vel ut eam Zasius nominat, versutia excusari, à qua facilius excusaretur utique, si simili negligentia in propriis versaretur. Deinde in *L. Magna. ff. de V. S. Magna negligentia culpa est, magna culpa dolum est. L. 1. §. 1. ff. Si mensor falsum modum dixerit. in fine. Lata culpa planè dolo comparabitur. ex quo loco rejicitur quorundam distinctio, quod hoc solum procedat in Contractibus, non autem in delictis. nam in hoc loco sermo est de delicto. Idem colligitur ex *L. 1. §. 8. ff. l. 31. simul junctis. ff. Deposit.* nam in priori dicitur, quod Depositarius solum dolum præstat. In secunda verò, quod etiam de lata culpa possit actioe depositi conveniri. Itaque leges, quas adversarii pro se afferunt, non de culpa lata, sed de levi loquuntur.**



reversis annus vacationis indulgetur à suscipienda nova tutela. l. 2. eod. & hic annus est continuus, computaturque, ex quo quis rediit, vel redire debuit. l. 4. ff. de vacat. Excusat. munerum. cetera habentur §. 2. Inst.

273. Dictum est, interim dari Curatorem. An etiam tutor dari possit, merito dubitari potest ob legem. 3. §. si quis absurdus. 10. ff. de suspectis tutoribus. C. l. 12. ff. de tutel. C. l. 9. pr. ff. de tutela & rationib. distrab. actione. in quibus dicitur, in locum tutoris Reipub. causà absentis tutorem peti posse, tutoremque datum fuisse supponitur. Responso communis est, ibi per tutorem intelligi Curatorem: quæ tamen interpretatio mihi difficilis est. Melius respondent alii, regulariter quidem dari Curatorem, nihilominus dari quandoque Tutorem, si tutor absens, vel absurdus sic desideraverit, fortè intelligens pupillo id profuturum propter lites in Iudiciis ordinariis, aliæ de causâ. Quodd autem communiter dicitur, Tutorem habenti tutorem non dari, id quomodo intelligendum sit, superius explicatum est Contr. 4. q. 3. & casus præfens exceptus ibidem; & est causâ excipiendi manifesta, quia propter absentiam perinde est, ac si tutor esse, saltè ad tempus desisset: unde, & rediens dicitur in §. 2. cit. Inst. recipere, hoc est, reassumere tutelam. Quodsi trans mare absit, non refumit. l. 11. §. 1. ff. de minorib. ubi tales dicuntur tutelam deponere.

274. Quarta causâ excusans est Magistratus, seu Potestas: excusans, inquam, à tutela suscipienda. Sed suscepam tutelam deferere non possunt. §. 3. Instit. Quia verò inter Magistratus Romanos præterea erat, & majores, Consul Urbis, Prætor ibid. & in Provinciis Proconsul præfes, &c. qui ne quidem volentes poterant suscipere tutelam, ideo, §. citatus intelligendus est de Magistratibus inferioribus, qui quando jam actum gerunt, possunt quidem tutelam si velint suscipere, sed si nolint possunt excusare: non ramen habent excusationem illi qui nondum administrant, sed sunt in spe acquirendi Magistratum. l. 23. ff. de Excusat. [Propter Magistratum, quem quis in municipio erat administraturus, tutelæ excusationem non habere respondit.] Quod, ut dixi, intelligendum est de spe administrationis. Alioquin non cohæreret cum aliis Iuribus.

275. Quinta causâ est lis cum pupillo. §. 4. [Item propter litem quam cum pupillo, vel adulto tutor, vel curator habet, excusari non potest, nisi fortè de omnibus bonis, vel hereditate controversia sit.] Sed Iure novo repellitur à tutela debitor & creditor, ut supra adductis Iuribus probatum est, & ideo hæc causâ non ampliùs habet usum, nisi fortè, si quis in fraudem, ad declinandum onus tutelæ vel curæ, pupillum aut adultum sibi debitorem faceret, v.g. procurando, ut alius sibi suas actiones adversus

pupillum cedat. Tunc enim talis, nisi aliunde suspectum se redderet, non crederem repellendum esse, sed potiùs curatorem ad licentiam fore dandum.

276. Sexta causâ excusans est trium tutelarum, vel curationum onus jam antè, & defacto impositum. §. 5. [Item tria onera tutelæ non affectata, vel curæ, præstant vacationem quamdiu administrantur, ut tamen plurimum pupillorum tutela, vel cura eorundem bonorum, veluti fratrum pro una computetur.] Et hoc non præcisè in favorem tutorum, sed ipsorum etiam pupillorum, & adultorum cedit, ne ob onerum multitudinem minùs sedulò, & scilicet administrarentur.

Septima causâ excusans est paupertas (non quidem pupilli, nam tutor non datur principaliter bonis, sed personæ, unde etiam si nihil in bonis habeat, tutor tamen opus habet. l. 12. §. 3. ff. de administ. tut.) sed tutoris, aut Curatoris. si se imparem oneri injuncto possit docere. §. 6. Ratio limitationis est, quòd alioquin plurimi prætextu paupertatis pupilli se excusarent. Ejusmodi paupertas excusans est, si præter quotidianas operas nihil habet, unde vitam tolerare queat. Cæterum arbitrio Iudicis relinquendum est, ut ex circumstantiis iudicet de sufficiente paupertate ad excusandum. Notant hoc loco Interpretes, quòd et si per se loquendo pro tutela salarium peti non possit, hoc tamen exceptionem admittat in tutore, qui propriis manibus, & jumentis prædia pupilli, vel adulti colit, ad hoc enim quis dicat tutorem gratis teneri? Utrum autem Tutor Advocatus possit pro operis in causâ pupilli præstitis salarium petere, non ausim affirmare, quamvis Lipsiensis Iureconsulti teste Berlichio ita pronuntiaverint. Ego tamen, ut dixi, dubito, ob communem Doctorem opinionem, quòd tutor gratuiam, integram, & omni lucro abstinentem fidem, ac operam præstare debeat, etiam si à negotiis suis propriis pupilli causâ fuerit advocatus, & impeditus.

277. Octava causâ excusans est morbus. §. 7. [Item propter adversam valetudinem, propter quam ne suis quidem negotiis interesse potest, excusatio locum habet.] Hujusmodi censentur esse tabescentes, Epileptici, Paralytici, hydropici, febri, aut podagrâ laborantes, aut alio simili vehementiore morbo detenti, de quo Iudex arbitrabitur.

278. Nona causâ excusans est literarum ignorantia §. 8. [Similiter eos, qui litteras nesciunt, esse excusandos D. Pius rescriptis, quamvis, & imperiti literarum possint ad administrationem negotiorum sufficere.] Ex quibus ultimis verbis planè inferitur, ignorantiam litterarum præcisè non excusare, sed ut conjunctam cum stupiditate quadam excludente sagacitatem, & industriam, qualis sæpè est etiam in rusticis, & literarum penitus ignavis, & hoc confor-

conformiter ad l. 6. §. ult. ff. h. t. ubi dicitur, ejus qui se negat litteras scire, excusationem accipi non debere: si modo non sit expert negotiorum.

279. Decima causa excusans est inimicitia, quod dupliciter intelligi potest. Primum si in testamento datus est tutor à patre ex odio, & inimicitia. Secundò si intervenerunt post factum testamentum, vel etiam aliàs, de primo loquitur §. 9. [Item si propter inimicitias aliquem testamento tutorem pater dederit, hoc ipso præstat ei excusationem.] De secundo loquitur §. 11. [Inimicitie, quas quis cum patre pupillorum, vel adultorum exercuit, si capitales fuerunt, nec reconciliari intervenit, à tutela, vel cura solent excusare.] De hoc jam superius aliquid dictum est. Quænam sit capitalis, hoc est gravissima inimicitia, ad prudens etiam Iudicis arbitrium pertinet.

Undecima causa est, si quis statûs controversiam à pupillorum patre passus est. §. 12. ut si pater pupilli tutorum petierit in servitutum.

280. Duodecima est ætas septuaginta annorum, (quæ est senectus) completorum. §. 14. Inst. Ubi notandum est, textum in lege. 3. C. qui ætate, vel professione se excusant. esse corruptum, ubi pro. L V. legendum est. L XX. Gaudet hac excusatione tam legitimi, quàm Testamentarii, & Dativi. Nam legitimi etiam senes etsi ad hæreditatem vocentur, excusari tamen à tutela possunt, sicut, & minores, ut supra in simili dixi.

281. Decima tertia causa est, quæ habetur §. 17. [Item Romæ Grammatici, Rhetores, & Medici, & qui in patria suas has artes exercent, & intra numerum sunt, à tutela & cura habent vacationem.] Juriste non excusantur, quia sunt maximè intelligentes eorum, quæ ad tutelam benè gerendam spectant. Et hæc ætas de causis excusantibus, in titulo hoc Inst. comprehensis.

282. Decima quarta causa excusans esse potest diversa conditio personarum, & statûs disparitas: sic qui ingenuus est excusatur à tutela liberti pupilli. l. 3. C. h. t. [Excusationis quidem tux, si ingenuus libertino tutor datus es, certa causa est.] Unde probabiliter colligitur, solis dativis hanc excusationem prodesse. Ex hoc tamen videtur profluxisse mos ille, quo se excusant nobiles, ne dentur tutores plebeis.

283. Decima quinta causa excusans specialiter à curatela est, cùm quis illius ipsius tutelam gessit, cujus curationem gerere deberet. l. 20. C. h. t. [Curator adultis nominatus, quorum tutor antea fuerat, invitus in administratione teneri non potest. Proinde si dies excusationibus præfinitus nondum excessit, uti competenti defensione potes.] Excipitur liber-

tus, qui patroni liberis tutor & curator datus confirmatur sine excusatione, ob inaslimabile beneficium libertatis quod à patrono accepit, & pro quo omnia patrono debet. l. 7. eod. ibid. [Et ideo nec illud eis prodesse debet, quominus curatores etiam inviti Patroni, seu Patronæ liberis dentur, quòd eorum tutelam administraverint.]

284. Ex his excusationis causis si quis plures habet, potest unà allegatâ, & fortè non probatâ, aliam allegare, nam Excusationes Exceptionibus æquiparantur. Cæterùm hæc Excusatio non debet fieri per viam appellationis, sed simpliciter proponet suam excusationis causam: quæ si à Iudice reprobetur, ab hujus sententia non prohibetur appellare. l. 18. h. t. Quod si sententiæ acquieverit, vel excusationem intra præfinitum tempus (de quo supra) non allegaverit, postea non audietur. l. 3. & 11. h. t. Adeo ut omisæ medio tempore administrationis periculum ad eum redundet. l. 19. C. de administrat. tut. Quod si autem fuerit à Iudice probatâ, isque tutorem nominatim absolverit, ad eum non pertinet periculum omisæ administrationis. l. 22. h. t. [Si tutor nominatus decreto præfidiæ habens excusationem absolutus es, ad te non pertinere periculum administrationis manifestum est.] Debet autem totum negotium Excusationis à die nominationis intra quatuor menses continuos expediri, postea, si ipse in mora fuit non audietur, l. 38. ff. de Excusat. tut. [Quinquaginta dierum spatium tantummodo ad contestandas excusationum causas non pertinet. peragendo enim negotio ex die nominationis continui quatuor menses constituti sunt.]

Iure novo Nov. 1. c. 1. tutor testamentò datus, nullo modo potest legatum sibi quacunque ex causa relictum consequi, si tutelam recuset, nisi aliter consistet de voluntate testantis.



CONTROVERSIA VII.

De Auctoritate & Administratione Tutorum & Curatorum.

SUMMARIUM.

**R**egula generalis circa auctoritatem Tutoris necessaria. 285.

Quomodo sine tutoris auctoritate possit pupillus conditionem suam meliorem facere, alium sibi obligando. 286. & seqq.

Quoniam tempore debeat intervenire Tutoris auctoritas. 290.

An Tutor possit suam auctoritatem interponere in negotio quod inter ipsum, & pupillum geritur. 292.

Negotium pupilli aliquando geritur à Tutore, nihil agente pupillo. 293.

Tutori & Curatori statim faciendum Inventarium. 295.

Binam educandus sit pupillus. 296.

Quanam sint causae sufficiens ad alienanda bona immobilia pupilli cum Iudicii Decreto. 297.

285. **R**EGULA generalis, quandam Tutoris auctoritas necessaria sit, statuitur Inst. h. t. pr. his verbis. [Auctoritas tutoris in quibusdam causis necessaria pupillis est, in quibusdam non est necessaria: ut ecce! si quid dari sibi stipuleretur, non est necessaria tutoris auctoritas. Quodsi aliis promittant pupilli, necessaria est tutoris auctoritas. Namque placuit, meliorem quidem conditionem licere eis facere etiam sine tutoris auctoritate, deteriorem vero non aliter, quam cum tutoris auctoritate. Unde in his causis, ex quibus obligationes mutuae nascuntur, ut in emptionibus, venditionibus, locationibus, conductionibus, mandatis depositis, si tutoris auctoritas non interveniat, ipsi quidem qui cum his contrahunt, obligantur, ac invicem pupilli non obligantur.]

Cum autem obligatio sit duplex, alia Civilis, alia naturalis, nec dubium sit, textum adductum ad minimum loqui de obligatione civilis, hoc est, quod in Iudicio non detur adversus pupillum actio ex tali contractu, quaestio gravissima est, an pupillus saltem naturaliter, hoc est in conscientia obligetur, quando sine auctoritate tutoris contractum celebravit, qui obligationem ex genere suo inducit, ut est, emptionis, locationis, &c. vel etiam pactum quaecunque quo se alteri vult obligare. Hanc quaestionem accuratè tractabo in tract. de Pactis, & Contractibus in genere, in quaest. de Inhabilibus ad contrahendum. Pro nunc contra obligationem civilem, quatenus dicitur in textu posse alterum pupillo obligari, quin pupillus vicissim obligetur, nisi quando causam suam meliorem facit pupillus, contra hoc inquam

286. Obijcitur 1. Quod in uno ex correlativis statutum est, statui quoque debet in altero. *L. fin. ff. de accepti lat. & alibi passim.* Sed contrahentes inter se sunt correlativi: ergo si unus obligatur, debet & alter, & si unus non obligatur, nec alter obligari debet. 2. Distinguedo maiorem. Si eadem sit ratio in utroque correlativo, concedo, si sit diversa ratio, nego. & eodem modo distinctà minore negatur consequens. Disparitas est manifesta. Nam pupillus est infirmus ætatis & iudicii, facileque circumveniri potest ab adulto. Ob hanc ergo rationem conveniens erat, legem favere pupillo contra alterum, quam legem non debet adultus ignorare: ac proinde contrahendo in legem consentite videtur.

287. Obijcitur 2. Inter contrahentes requiritur Iustitia ut servetur æqualitas. atqui si pupillo contra alterum conceditur actio, & alteri contra pupillum negatur, non servatur æqualitas, ergo agitur contra Iustitiam. 3. Distinguedo maiorem. nisi alter contrahentium tacite vel expresse renuntiet huic æqualitati, concedo rati. secus nego. & eodem modo distinguitur minor. non servatur æqualitas, renuntians huic æqualitati adulto, concedo, secus minore. & consequens. Dicitur autem renuntiare, quatenus sciens aut scire debens contrahit cum pupillo, cui leges favent antecederet ad cuiusvis contractum: & hoc fieri à legibus non solum expediens, sed aliquo modo necessarium erat, ut multorum fraudibus obviaretur. Ceterum si adultus ignoraverit invincibiliter alterum esse pupillum, etiam pupillus exceptione doli removebitur, quodsi scivit quidem esse pupillum, sed legem ignoravit, si persona est, in qua Iuris ignorantia excusatur, & hoc in Iudicio probaverit, etiam sic exceptione juvabitur. Quodsi presumptionem declinare non potest, saltem in conscientia non tenebitur, & si cogatur observare contractum, & per observationem læsus fuerit, erit locus occultæ compensationi, de qua actum in primo tractatu.

288. Quod autem in textu recitato dictum est, posse pupillum conditionem suam sine tutoris auctoritate meliorem facere, cum grano salis intelligendum est; sunt enim aliquæ actiones, quæ per se loquendo videntur & sunt plerumque lucrative, sæpè tamen subest periculum læsionis, quatenus secum trahunt aliquas obligationes, & ideo tales non valent. Hinc neque hæreditatem adire, neque bonorum possessionem petere, neque hæreditatem ex fideicommissio suscipere aliter possunt pupilli nisi tutoris auctoritate (quamvis illis lucrosa sit) ne ullum damnum habeant, inquit Iustinianus §. 1. Inst. de Auct. Tut. Ratio est, quia hæres obligatur Creditoribus & legatariis, habet sæpè annexas periculosas lites, &c.

Huic tamen textui videtur adversari lex 26. ff. de Conditionibus institutionum, quæ sic habet. [Si pupillus sub conditione hæres institutus fuerit, conditioni etiam sine tutoris auctoritate parere potest. idemque est, & si legatum ei sub conditione relictum fuerit, quia conditione expleta pro eo est, quasi purè ei hæreditas vel legatum relictum sit.] & Aliud est, ponere conditionem, quâ posita habet absolutum jus adeundi hæreditatem: aliud, adire hæreditatem. in priori nihil leditur pupillus, sed lucratur ius absolutum, quod maneret conditionatum, imò nullum, si conditionem non poneret. sed adeundo hæreditatem est in periculo lationis.

289. Magis obstat videri posset lex 7. versus: nisi etiam impuberi. C. qui admitti ad bonorum poss. possint. & l. 18. in fine. C. de Jure delib. ubi dicitur, etiam sine tutoris auctoritate posse pupillum petere bonorum possessionem, & impetare. & In illis legibus expressè haberi, quòd Prætoris auctoritas suppleat defectum Tutoris. Prior lex sic habet. [Ipse autem pupillus bonorum possessionem sine tutoris auctoritate amplecti non potest: nisi etiam impuberi sine tutoris auctoritate hoc postulanti sciens hoc competens Iudex dedit bonorum possessionem: tunc enim emolumentum successionis videtur prætorio jure questum esse.] Posterioris legis verba hæc sunt. *Velfi non habeat tutorem, adire prætorem, & ejus decreto hoc jus consequi poterit.*

290. Quo tempore autem auctoritas Tutoris intervenire debeat, declarat lex 2. [Tutor autem statim in ipso negotio præsens debet auctor fieri, si hoc pupillo prodesse existimaverit. Post tempus verò, vel per epistolam, aut per nuntium interposita auctoritas nihil agit.]

291. Huic textui videri posset contraria esse lex 25. §. 4. ff. de acquirenda vel omittenda hæreditate. ubi Vlpianus dat discrimen inter mandatum seu iussum, & habentis potestatem & auctoritatem tutoris, & dicit illud debere præcedere, auctoritatem tutoris verò interponi postea negotio. *Iussum ejus, inquit, qui in potestate habet, non est simile tutoris auctoritati, quæ interponitur postea negotio: sed præcedere debet, ut Cajus Cassius lib. 2. Juris Civilis scribit, &c.* Ioannes Harprecht mirè se torquet in explicanda voce, *Postea*. & dicit, non usque adeo ineptè posse accipi pro *Integro* adhuc negotio. Hinc dicitur res adhuc esse integra, id est perfecta, in qua nihil est immutatum, &c. Verùm hæc explicatio nullo modo placet. quia si hoc sensu negotium diceretur perfectum, hoc est nedum gestum aut inchoatum, tunc nulla daretur disparitas inter Iussum & auctoritatem tutoris, quia sicut Iussum, ita & auctoritas tutoris præcedere deberet negotium. Existimo discrimen in hoc consistere, quòd Iussum tempore præcedat totum actum qui ex Iussum fit, auctoritas autem tutoris potest appo-

ni confectio negotio, modò toti negotio præsens fuerit, & tandem dicat: Probo quod gestum est. Ratio est, quia non est necesse ut tutor mandet pupillo, sed potest consensum & auctoritatem accommodare, nempe si pupillus sub conditione dixit se velle, si tutor consentiat, & tutor id audiens consensum accommodat, quem deinde alter contrahens acceptat. Sanè hunc sensum ad minimum debere inesse verbis dictæ legis 25. colligitur ex eo, quòd adducatur auctoritas Cæii Cassii, quæ exstat in l. 9. §. 5. ff. de auctor. & consensu tut. ubi sic. Tutor statim in ipso negotio præsens debet auctor fieri: post tempus verò, &c. quæ sunt ipsissima verba. §. relati Inst. & sensus est (ut notat Ant. Perez) quòd nullus alius actus intervenire debeat inter negotium gestum & consensum Tutoris. Ceitè non apparet, quid aliud ex parte tutoris requiratur. Adhuc plus concedit Calpurnius Manzius, dum ad §. 2. n. 7. suarum Inst. sic ait. Quidsi autem tutor mox negotio perfectò superveniat, & antequam alius actus intercedat, præsens auctor fiat? Respondetur, authorizatio valebit. l. 25. ff. de acquirenda hæredit. Ant. Perez. Ratio est, quia inesse videntur, quæ in continentis sunt. l. 40. ff. si certum petatur. Ecce! hic auctor non requirit actualem præsentiam dum negotium geritur. Mecum etiam sentit Ant. Perez. in tit. C. de Auctor. Tut. paulò antenum. 3. ubi cum miratus esset assertionem Bacchovii (quæ est eadem cum assertionem Manzii) quòd assertuisset, ritè interpositam fore tutoris auctoritatem, etiamsi negotio præsens non fuerit tutor, si tamen postea superveniens id edocuit approbet, subdit, hæc duo copulativè requiri, præsentiam tutoris in limine negotii, & NB. ut perfectum negotium ratificet. Præterea, inquit, interponenda est hæc auctoritas purè, etli conditionalis contractus cum pupillo fiat. l. 8. ff. h. t. Huc etiam facit lex 3. §. h. t. *Etiam si non interrogatus tutor auctor fiat, valet auctoritas ejus, cum se probare dicit id, quod agitur: hoc est enim auctorem fieri.* Est ergo hoc speciale quid in pupillorum negotiis, ut per supervenientem ex intervallo ratihabitionem non confirmetur, sed ad solennitatem spectet, ratihabitionem in continentis accedere à tutore, qui ipsi negotio præsens & intelligens quid agatur interuenit.

292. Ex dictis nascitur dubium, an Tutor possit suam auctoritatem interponere in negotio quod inter pupillum & ipsum tutorem geritur. Ad hoc respondetur §. 3. J. h. t. [Si inter tutorem pupillumque judicio agendum est: quia ipse tutor in rem suam auctor esse non potest, non prætorius tutor, ut olim constituitur, sed curator in locum ejus datur, quo curatore interveniente iudicium peragitur, & eo pacto curator esse definit.] Qui textus ut intelligatur,

293. Advertendum est cum Interpretibus, negotium pupilli aliquando geri à ipso tutore,



tore, nihil agente pupillo, & hoc fit per illos actus, quibus tutor dicitur administrare tutelam, de quibus est specialis titulus C. & Digest. & paulo post de illis etiam agemus in hac controversia, aliquando autem gerit pupillus ipse negotium, & tunc opus est ut accedat Tutoris auctoritas & consensus, & de hoc sunt Tituli Iuris de auctoritate Tutorum. Hinc autem fit, ut negotium possit esse mixtum, nempe quod geritur inter ipsum Pupillum & Tutorem, & ab utroque simul. Et hoc casu tutor non potest fieri auctor in rem suam, sed ejus loco curator pupillo constituendus est, ut proinde Tutor non formaliter & quā talis, sed solum (ut Logici loquuntur) quā talis & specificativē interveniat. Quod si tamen adhuc alius tutor esset, posset illius auctoritate negotium cum altero expediti. *L. si plures 24. ff. de testam. tut. Si plures tutores sunt, à prætore curatorem peti supervacuum est, quia altero auctore cum altero agi potest.*

Hic tamen opponi posset casus qui habetur in lege 56. ff. de administr. Tut. ubi Tutor rerum pupillarum venditionem fecit, sed quædam animalia, quibusdam emptoribus pretium non solventibus sibi retinuit, & apud se habuit, pretium deinde rationibus pupilli intulit, videri posset hic in rem suam auctor fuisse. Verum respondetur, quod hæc venditio fuerit potius actus administrationis, quia pupillus nihil legit. Unde respondit Scævola, pupillum animalia, & quæ inde nata sunt, vindicare non posse, quia tutor hoc casu non emit illa animalia à pupillo, sed ab emptore non solvente ea redemit.

294. Posset deinde difficultas moveri ex l. 1. §. 4. ff. de auct. tut. ubi sic dicitur. *Sanè si ipse quidem (tutor) emit palam, dedit autem nomen non malà fide, sed simpliciter, ut solent honestiores non pati nomina sua instrumentis inscribi, valet emptio: quod si callidè, idem erit ac si per interpositam personam emisset.* Ergo si tutor palam emat, & bonà fide, valet emptio, atqui facta est auctoritate tutoris: ergo potest in rem suam auctor fieri. Hunc locum Legiste ità interpretantur, tuac palam contrahere tutorem cum pupillo, quando id facit auctoritate contutitoris sui, vel decreto Iudicis cum causâ cognitione, vel cum consensu contanguineorum pupilli.

Quod si pater pupilli fuisset debitor tutoris, posset tutor sibi solvere ex bonis pupilli hæredis, nam hic actus etiam ad administrationem pertineret, nec esset negotium cum pupillo, sed pupilli, sicut si alteri creditori solveret. Unde si res attentè consideretur, quoties tutor duplicem personam gerit, Tutoris & Creditoris, v. g. ubi contractus jam præcessit cum patre, & solum fastisit obligationi, in tali inquam casu non præstat pupillo auctoritatem, sed administrat bona illius, sicut, si pupillus infans esset, & dicitur tunc agere pupilli nomine: Quare, si strictè sumatur auctoritas tutoris, tam repugnat in rem

suam auctorem fieri, quàm pro seipso fidejube-re, aut testimonium dicere. Et hæc non de Tutore solum, sed etiam de Curatore intelligi debent.

Restat nunc dicendum, quomodo se Tutor, & Curator in administratione gerere debeat.

295. Tutor itaque, & Curator statim ubi se constitutos noverint, nec excusaverint, facient Inventarium, de quo jam superius actum est: est enim Inventarium caput, & fundamentum reddendarum rationum. Deinde antequam aggrediatur administrationem, coram Magistratu juramentum præstabit, quod quidquid utile pupillo erit, curabit, & quod damnosum cavebit, ut etiam supra dictum est, & habetur Auth. quod nunc. C. de Curatore fur. & prodigi. Insuper discretis verbis promittet, se in Iudiciis sine mora defensionem pro pupillo susceperum, bonà fide, & sic causâ iusta videatur. His præstitis immiscebit se administrationi, ad quam primum spectat, ut pupillus probè instruat, secundum vires patrimonii, & conditionem illius: deinde ut ex fructibus alimenta decernantur: tertio ut res pupilli conserventur, & si quid ab aliis exigendum, & in patrimonium inferendum est, ut inferatur, curabit, &c. Quæ in bonum pupilli alienanda videbuntur, alienabit servatâ formâ alienandi, vel à lege, vel à testatore præscriptâ. Si bona immobilia putaverit alienanda, id fiet interposito Iudicis decreto. Eadem cum proportionè Curatores observabunt.


296. QUÆRITUR 1. Ubinam educandus sit pupillus. De hoc est l. 1. C. ubi pupilli educ. [Educatio pupillorum tuorum nulli magis, quàm matri eorum, si non vitricum eis induxerit commitenda est. Quando autem inter eam, & cognatos, & tutorem super hoc orta fuerit dubitatio, aditus præses Provinciæ, inspectâ personarum & qualitate, & conjunctione, perpendet ubi puer educari debeat. Sin autem æstimaverit, apud quem educari debeat, is necessariatè habebit hoc facere, quod præses jussit.] Hodie (inquit Perez) in plerisque locis, qui consuetudine, & statutis utuntur, ipso Iure matri committitur educatio; imò etiam vitrico.

297. QUÆRITUR 2. Quænam sint causæ sufficientes ad alienanda bona immobilia Pupilli, vel Minoris cum Iudicis decreto. 1. Res alienum, quod aliis mediis expungi non potest. *L. ob es alienum. C. de prædiis minorum.* Ob es alienum tantum causâ cognitâ præfidalis decreto prædium rusticum minoris provinciale distrahi permittitur. Multò magis, si talis venditio necessaria est ad alimenta præstanda, aut pupillum ab aliquo periculo liberandum. Ad dotandam sororem pauperem ex eodem patre natam, possunt etiam vendi res minoris. *L. lex quæ. 22. §. 1. C. de administr. tut.* [Lex quæ tu-

tore

tores, Curatorésque necessitate astringit, ut aurum, argentum, gemmas, vestes, & c. etque mobilia pretiosa, urbana etiam mancipia, domos, balnea, horrea, & omnia, quæ intra civitatem sunt, vendant, rent, omniâque ad nummos redigerent, præter prædia, & mancipia rustica, multum minorum utilitati adversa est. Præcipimus itaque, ut hæc omnia, nulli Tutorum, Curatorumve licet vendere; nisi hac fortè necessitate & lege, quâ rusticum prædium atque mancipium vendere, vel pignori, vel in dotem dare in præteritum licebat: scilicet per inquisitionem Iudicis, probatam causæ, & interpositionem decreti, ut fraudi locus non sit. ] *¶ L. 12. §. 3. ff. eod.* clariùs & distinctiùs omnia proponuntur. [ Cùm Tutor non rebus duntaxat, sed etiam moribus pupilli præponatur, imprimis mercedem præceptoribus; non quas minimas poteri; sed pro faciliâ patrimonii, prodignitate natalium constituit: alimenta servis libertisque, nonnunquam etiam exteris, si hoc pupillo expediet, præstabit. Solennia munera parentibus, cognatisque mittit. Sed non NB. dabit dotem sorori alio patre natæ, etiam si ex aliter nubere non potuit: nam etsi honestè, ex liberalitate tamen sit: quæ servanda arbitrio pupilli est. ] In illud scilicet tempus, quando non amplius pupillus erit. Tenetur tamen frater alimenta præbere sorori uterinæ, si aliunde sustentari non potest, & ideo tutor etiam hæc providebit. *L. 4. ff. ubi pupillus educari.* in fine. [ Existimo, etsi citra Magistratum decretum tutor sororem pupilli sui aluerit, & liberalibus artibus instituerit, cùm hæc aliter ei contingere non possent, nihil eo nomine tutelæ iudicio pupillo, aut substitutis pupilli præstare debere. ]

Rona immobilia possunt etiam sine Iudicis decreto alienari, si testator ita alienari iusserit. *L. 1. C. Quando decreto opus non est.* [ Si probare potes, patrem pupilli, cuius tutores convenisti, consensisse, ut reddito tibi prædio precium reciperet, id quod convenit, servabitur: neque enim in ea re auctoritas prædis necessaria est, ut tutorum sollicitudini consulatur, si voluntari defuncti parent.



## CONTROVERSIA VIII.

### Quomodo Tutela finiatur, & de Actio- ne Tutelæ directæ & contra- ria.

#### SUMMARIUM.

**T**utela finitur 1. Cùm pupillus ad pubertatem pervenit. 298.

Periculum tamen administrationis non est per hoc finitum. eod.

In Germania Tutores manent Curatores. 299.

Finitur 2. Si arrogetur impubes, vel deportetur, vel in servitium redigatur, vel ab hostibus capiat. 300.

Actio directæ Tutelæ convenit pupillo. 302.

Quando hæc actio institui possit. 303.

Si plures Tutores fuerint, quomodo conveniendi. 304.

Quid si Administratio non fuit divisa. 305.

Datur contra Tutores etiam Actio de rationibus distrahendis. 306.

Tutela iudicio etiam heredes tenentur. 307.

An actio Tutelæ ob species omittas repeti possit. 308.

Competit etiam pupillo actio ex stipulatu. 312.

Datur Tutori actio tutelæ contrariæ, quæ etiam illi convenit, qui pro Tutore negotia gessit. 313.

298. **F**initur Tutela, per se loquendo, cùm pupillus ad pubertatem pervenit, mas quidem post completum decimum quartum annum, femine post duodecimum; quæ tamen non tam puberes, quàm viripotentes dicuntur. *Inft. Quibus modis pr.*

Dixi: per se loquendo. Quia etiam post adeptam pubertatem Tutor negotiis pupillaribus assistere jubetur, donec rationibus redditus in Curatorem administrationem omnem transtulerit, si tamen Curator dandus sit, nam invito Curator non datur. Non censetur autem omnem administrationem transtulisse, qui adhuc retinet instrumenta litis à se capte, & ideo quamdiu hæc & alia acta ad causam pertinentia, quæ penes se habet non tradiderit, litem prosequi suo periculo tenetur. *L. un. C. ut causæ post Pub. adfit Tutor.* [ Tutores, qui necdum administrationem ad Curatores detulerunt, defensionis causarum pupillarium assistere oportere, sæpè rescriptum est, & ideo si instrumenta, quibus asserti possunt causæ provocationis, etiamnum hi quorum meministi, apud se detinent, aditus præses Provinciæ periculū sui eos admoneri præcipiet. Tutore mortuo hæredi incumbit cæptam litem prosequi. Itaq; licet tutela finita sit, periculum tamen administrationis non est finitum, ut dictum est. Potest tamen, ut periculum evitet, finita tutelâ rationes reddere, & pupillum jam puberem factum admonere, ut sibi Curatorem petat, in quem negotia, lites

lites cæptas, aliâque res pupillares transferat. *L. 5. §. 5. ff. de admin. tut.* ubi hoc fieri posse supponitur per illa verba. *Si Tutor pupillum suum puberem factum non admonuerit, &c.*

299. In Germania consuetudo obtinuit, ut Tutores maneant Curatores usque ad completum 25. annum ætatis, nisi veniam ætatis impetraverit pupillus, (de qua alibi dicitur,) quæ masculis non conceditur nisi sint viginti annorum, fæminis verò si sint octodecim annorum. Imò lute Bavarico *tit. 5. a. 5.* Tutor finitâ tutelâ etiam ejusdem tutelam, nisi justam excusandi causam hæbeat, suscipere tenetur.

300. Finitur etiam tutela, si arrogetur impubes (quæ est minima capitis diminutio, quia sit juris alieni transiens in patriam potestatem arrogantis,) vel deportetur (quæ est media capitis diminutio, quia amittitur civitas, sed non libertas) item si in servitutum (quæ est maxima capitis diminutio) redigatur, vel ab hostibus capiatur. *Inst. h. t. §. 1.* Tutor autem per minimam capitis diminutionem non liberatur tutelâ testamentariâ, aut derivâ, sed tantum legitimâ, quia per arrogationem transit ad aliam familiam, quæ omnia jam supra insinuatâ sunt, & habentur. *Inst. §. 4. h. t. & hoc de lute antiquo.* Nâ jure novo sublatâ agnationis & cognationis differentiâ, nulla amplius tutela minimâ capitis diminutione finitur. *Nov. 118. c. 4. sup. relatâ.*

301. Cæteri modi finiendæ tutelæ ex supra dictis etiam satis constant, ut, si datus sit in certum diem, si usque ad aliquam conditionem datus sit tutor in testamento. *§. 2. & 5.* Denique qui vel remouentur à tutela, vel qui ex justa causa se etiam post susceptam tutelam excusant. *§. 6.* Quibus nihil ultra superius dictâ addendum occurrit.

302. Restat nunc agendum de actione, quæ convenit ratione Tutelæ sive Pupillo, sive Tutori. Quæ pupillo convenit, vocatur *Directa* & est actio personalis, bonæ fidei adversus Tutorem, ut administrationis suæ rationes reddat, & quidquid adhuc ex pupilli bonis retinet. *l. 9. C. Arbitrium tutelæ.* ibi. *Tutorem quondam, ut iam rationem, quam si quid reliquorum nomine debet, reddat, apud prætorem convenire potes. & l. 7. Quidquid Tutoris dolo, vel latâ culpâ aut levi, seu curato- ris minoris amiserint, vel cum possent, non quæsierint, hoc in tutela seu negotiorum gestorum utile Judicium venire non est incerti juris.* Et hic est casus specialis, in quo quis tenetur de levi culpa etiam quando ipsius res & negotium, hoc est de commodo illius non agitur: in aliis enim hujusmodi, ut in Deposito, tantum de lata culpa tenetur. Vnustamen casus excipitur, quo tutor de levi culpa non tenetur, & habetur. *L. 2. eod.* [Nomina Paternorum debitorum, si idonea fuerint initio susceptæ tutelæ, & per latam culpam tutoris minus idonea tempore tutelæ esse cæperunt, Iudex qui super ea re datus fuerit, dispiciet, & si palam do-

lo tutoris, vel manifestâ negligentia cessatum est tutelæ Iudicio damnum, quod ex cessatione accidisset, pupillo præstandum esse, statueret curabit.] Sensus est. Si tutor negligens fuerit in rationibus exigendis à debitoribus pupilli, & illi interim desierint esse solvendo, tunc solum de lata culpa tenetur.

Si tutor rem minoris sine decreto Iudicis (ubi id requiritur) vendidit vili pretio, & pupillus adulus factus venditionem alioquin nullam ratam habet, potest nihilominus justum pretium cum usuris venditæ possessionis actione tutelæ consequi. *L. 6. eodem.* *Cum interdixit venditionis vitium etiam pretii fraude tutor vester cumulasse proponatur, non dubitabit præfes Provincie, quando venditionem confirmare voluissit residuum pretium cum usuris venditæ à tutore possessionis celeriter vobis restitui jubere.*

303. Si ex pecunia minoris sibi tutor aut curator prædium comparaverit, erit in arbitrio pupilli prædium sibi vindicare, vel pecuniam repetere unâ cum legitimis usuris. *L. 3. eod.*

Hæc actio tutelæ etsi Iure communi non nisi finitâ tutelâ institui poterit, post Constitutionem tamen Caroli V. & Rudolphi II. supra allegatam singulis annis (nisi ab hac lege aliquâ consuetudine recessum sit) ratio tutelæ reddenda est, & tunc huic actioni locus erit. De cætero alie actiones intra tempus tutelæ contra tutorem locum habere possunt, ut actio furti, damni injuriæ dari, &c.

304. QUÆRITUR 1. Quomodo, si plures tutores fuerint, conveniendi sint. Quæstionem hanc præ omnibus accuratè resolvens Hunnius ita distinguit. Vel inter tutores divisâ est administratio, vel non: si est divisâ, vel est divisâ à testatore, aut à Iudice, vel tutorum conventionione inter se. Si divisâ est à Iudice, non potest quisvis in solidum conveniri, non enim suâ, sed alterius voluntate divisus fuit, & hæc obedientia non debet ei præjudicium creare: sed quisque pro rata parte suæ administrationis conveniri debet. *L. 51. ff. de administ. tut.* ubi in fine redditur optima ratio. *Quantum enim facit in totum denegata (administratio) tantum valet, si in ea re, de qua agitur, denegata sit.* Si verò divisâ est per conventionem tutorum, potest quisvis in solidum conveniri, quia suo pacto nec pupillo, nec creditoribus nocere debent: perinde ergo est, ac si quisvis eorum reus esset.

305. Quodsi autem administratio non fuit divisâ, tunc, (ut brevius dicatur, quod Hunnius prolixissime prosequitur) datur minori electio contra quem agat, ita, ut ei contra quem agit, actiones cedat contra contutores: quodsi ex illis unus solus gesserit, primò ille conveniendus est: quodsi hic non est solvendo, deinde cæteri conveniri poterunt. *L. 6. C. Arbitr. tutela.* ibi. [Tutores, qui gesserint, sive eorum hæredes, ob ea negotia quæ per eos administrata sunt,

principali loco conveniri debere: ceteris ob culpa rationem non servati detrimenti periculo sublicitus, vel si pariter administrasse doceatur, etiam adversus unum liberum experiendi arbitrium competet: ita ut actiones, quas adversus alios habetis, ad electum transferantur.] De Jure Bavarico si unus contutorum negligentiam contutoris non correxit, sed dissimulavit, non quoad beneficium excussionis, ut scilicet administrator prius conveniatur. Si plures fuerint contutores quam duo, hoc iure validum est, quod à maiore parte gestum est, sin duo tantum fuerint, unus absque altero nil agit validè. *Tit. 5. a. 8.*

306. Præter dictam & explicatam actionem Tutelæ, datur contra Tutores alia actio directa de rationibus tutelæ distrahendis, id est, de Controversia illarum rerum, quæ per tutorem subtrahuntur à rationibus redditis, & interceptuntur, vel intercepterentur, nisi peterentur à pupillis vel minoribus tanquam ablata. Hæc actio datur in duplum rei ablata, cui simplum tanquam pœna inest. Eâ intentatâ tutelæ actio quoad speciem istam cessat, non item cessat actio furti, si forte tutor rem pupilli furtivè contrectet. *L. 1. §. 21. ff. de tut. & rat. distrahendis actione.* ibi. [In tutela ex una obligatione duas esse actiones constat: & ideo sive tutelæ fuerit actum, de rationibus distrahendis agi non potest, sive contra tutelæ actio quoad speciem istam precepta est.] De hac actione, sicut de aliis pœnalibus dicendum est, eam in hæredes non dari, nisi lite prius cum tutore contestatâ. Ad hæredes verò Miutoris transit, & est perpetua.

307. Tutelæ itaque iudicio etiam hæredes tenentur, quia agitur ex quasi contractu. de levi tamen culpa hæredes non tenentur, sed tantum de dolo & culpa lata, ut jam supra notatum est, & habetur *L. 1. C. de hæredib. tut. vel curat. Hæredes Tutoris ob negligentiam, quæ non late culpæ comparari possit, condemnari non oportet: si non contra tutorem lis inchoata est, neque ex damno pupilli lucrum captatum.*

308. Questio admodum practica & utilis movetur ab Interpretibus in legem 2. Codicis de Iudiciis, utrum actio tutelæ semel intentata ac finita, ob species prius omittas repeti possit. In casu. Pupillus, finita tutelâ, generaliter agebat contra tutorem actione tutelæ, ut redderet rationem suæ administrationis: in qua actione multæ species continentur implicatæ. Verum in prosecutione causæ cum pupillus cepisset exprimere nominatim species de quibus vellent reddi rationem, ut vinum, pecuniam, &c. omisit autem frumentum, Tutor ad illam generalem petitionem est absolutus, & sententia transit in rem iudicatam. Postmodum pupillo venit in mentem, quod non fecisset mentionem frumenti, quare denuo eundem tutorem apud eundem Iudicem convenit actione tutelæ, & in specie petiit reddi

rationem de frumento. Tutor excepit de re iudicata, cò quod generaliter absolutus fuerit. *Questum est, an exceptioni locus esset. Respondit Imperator in d. lege 2. his verbis. Licet Iudice accepto cum tutore tuo egissi, ipso iure actio tutelæ sublata non est, & ideo si rursus eundem Iudicem petieris, contra utilem exceptionem rei iudicatæ, si de specie, de qua agis, in iudicio priore tractatum non esse allegas, non inuuliter replicatione doli mali uteris.*

DICENDUM ergo, exceptionem illam replicatione doli mali summoveri & elidi, adeoque adhuc locum esse actioni tutelæ. Ratio huius rei est, quod sententia generalis restringatur ad ea, quæ in specie & expressè in Iudicio deducta sunt, quia Iudex censetur semper de his rebus iudicare quas cognoverit. *L. de qua re. ff. de Iudiciis.* cujusmodi casus habetur etiam in *L. 20. & 21. ff. de exceptione rei iudicatæ.* [Si cum argentum mihi testamento legatum esset, egerim cum hærede, & postea Codicillis prolatis, vestrum quoque mihi legatum esse appareat, non est deducta in superius iudicium vestris causa, quia neque litigatores, neque Iudex de alio, quam de argento actum intelligant.] Itaque in huiusmodi Iudicis per verba generalia conceptis magis; attendenda est mens & intentio Iudicis, quam generalitatis verborum, ut notat Udalricus Zalius in *l. 2. cit.*

309. Obijci tamen potest 1. casus qui habetur in *L. 4. C. de Iudiciis.* his verbis. [Si cum tibi pretium prædiorum à curatoribus comparatorum reputaretur, & instrumenta emptionis traderentur, quæstionem omisse evictionis non movisti: intelligis semel finitam litem instaurari non posse.] 2. Negando paritatem. Nam in actione tutelæ omissa sunt ea, quæ æquè erant principalia, & per se proponibilia, in casu autem legis 4. evictio est quid merè accessorium, & de his verum est, quod non possint de novo in iudicium deduci semel omitta: huiusmodi sunt fructus, litis expensæ, pœna, &c. ut bene observavit Petrus Gilkenius in *d. l. 4.*

310. Obijci potest 2. Transactio æquiparatur sententiæ. atqui transactio generalis omnia comprehendit: ergo & sententia generalis. 2. Distinguendo minorem. Transactio generalis, in qua tam propositio, quam prosecutio semper est generalis, conceditur, secus negatur. Ratio est, quia tunc præsumitur consensus generalis in omnia, quæ terminis generalibus comprehenduntur, non item, quando in prosecutione causæ certæ species in iudicium deducuntur, ut fit in casu nostro.

311. Obijci posset. 3. Latâ sententiâ expirat officium iudicis: ergo non potest idem Iudex denuo adiri actione tutelæ. 2. Negando consequentiam. Quia antecedentis sententis est verus, si de eadem re scito sit, nempe quod Iudex non possit super eadem re iterum sententiam



tiam ferre, nam per priorem sententiam officio functus est, in nostro autem casu post eundem Iudicem adiri, super specie omilla, nimis clarè ponitur in lege. 2. citata.

312. Compeit denique pupillo Actio ex stipulatu, ut constat ex toto tit. ff. Rem pupilli salvam fore. Eadem actione non solum ipsi tutores, sed etiam fideiussores ex tempore moræ à tutore factæ in restituendo, de fructibus, & usuris conveniri possunt, quod est etiam speciale in materia hac, (nam alioquin fideiussor non teneret ex morâ principalis, ut suo loco dicitur,) & habetur l. 10. ff. rem pupilli, & ibi. [Si posteaquam pupillus ad pubertatem pervenerit, tutor in restituenda tutela aliquandiu moram fecerit, certum est, & fructuum nomine & usurarum medii temporis, tam fideiussores ejus, quam ipsum teneri.]

De Actione subsidiaria jam supra satis dictum est, cum ageremus de dativa tutela. & hæc quidem sunt actiones, quæ pupillo, tum adversus tutores, tum adversus eorum hæredes, & fideiussores, tum denique contra Magistratus (respectivè) dantur. Nunc actionem Tutoris videamus.

313. Datur ergo Tutori adversus Pupillum actio tutelæ contraria, quæ petit, ut sumptus in rem ejus factos, & quidquid ratione administrationis sibi abest, recuperet, ne officium præstitum sibi damnosum sit, quod manifestè æquitas postulat, & habetur l. fin. c. de contrario iudicio tutelæ. ibi. [Quod si sciens amplius in rem suam erogatum, agendum propterea tutelæ non putaverit, eum contrario iudicio convenire potest.]

Hæc actio non solum tutori, ejusque hæredi, (ut patet ex l. cit.) sed etiam illi convenit, qui pro tutore negotia gessit, quia in locum tutoris constitutus est.

Jure Bavarico tenentur pupilli pro quantitate patrimonii, & pro quantitate laborum, tutori finitâ tutelâ honorarium dare, & nisi hoc fiat, per Magistratum tutori decernitur.

## CONTRVERSIA IX.

### De Curatoribus.

#### SUMMARIUM.

Quibus, & à quibus detur Curator. 314.

Minor Curatore carens potest res suas administrare. 317.

Quenam Actiones competant finitâ curatelâ. 318.

An Prodigus fiat inhabilis ad contrahendum, suâque bona administranda ipso iure ante sententiam.

322.



Quæ hæcenus de tutoribus dicta sunt, præterea cum proportionè debita etiam Curatoribus convenire, aliquoties insinuatum est, nunc quæ sunt propria illorum, breviter indicanda.

314. QUÆRITUR ergo 1. Quibus & à quibus detur Curator. Ad hoc respondet Imperator Inst. hoc tit. pr. & §. 1. [Masculi quidem puberes, & sæminæ viripotentes usque ad vigesimum quintum annum completum curatores accipiunt, quia licet puberes sint, adhuc tamen ejus ætatis sunt, ut sua negotia tueri non possint.]

315. §. 1. [Dantur autem curatores ab eisdem Magistratibus, à quibus & tutores. Sed Curator testamento non datur, datus tamen confirmatur decreto prætoris, vel præsidis. §. 2. Inviti adolescentes Curatores non accipiunt præterquam in litem.] Huic. §. ut concilietur l. 1. §. ult. ff. de minorib. 15. an. ubi dicitur, administrationem rei suæ minoribus non debere committi, quamvis bene rem suam gerentibus; intelligenda est de illis qui Curatorem semel receperunt, ut colligitur ex lege. 2. & 3. Iure Bavarico sunt majorennæ anno vigesimo primo completo L. R. tit. §. 2. 1.

316. Minor ergo Curatore carens potest res suas administrare, si tamen in contractu lesus se per imprudentiam probaverit, habet beneficium restitutionis in integrum, de quo copiosè dictum est tr. 1. Litem tamen institui sine Curatore non permittitur minor, sed curatorem accipere compellitur. §. 3. cit.

317. QUÆRITUR 2. An ob solum defectum ætatis habeatur Curator: 2. Negativè. [Nam furiosi quoque, & prodigi, licet majores viginti quinque annis sint, tamen in curatione sunt agnatorum ex lege. XII. tabularum. Sed solent Romæ præfectus urbi, vel prætores, & in Provinciis præsidēs ex inquisitione eis curatores dare. Sed, & mente captis, & surdis, & mutis, & qui perpetuo morbo laborant, (quia rebus suis præesse non possunt) curatores dandi sunt.] §. 4. Ex his apparet, non soli ætati, sicut tutores, sed etiam ex aliis causis, majoribus 15. annis curatores dari.

318. QUÆRITUR 3. Quenam actiones competant, seu minori adversus Curatorem, seu Curatori adversus minorem, finitâ Curatelâ. 2. Utilem actionem utramque directam tutelæ convenire etiam minori adversus Curatorem finitâ Curatione. l. 14. C. de administrat. tut. [Rationes curæ administratæ ante impletum vigesimum & quintum annum durante officio polci jure non posse manifestum est.]

319. Præterea potest Curator conveniri actione negotiorum gestorum. l. §. 6. ff. de Administrat. tut. ibi. [Si igitur cessent in his, quæ constituta sunt, faciendis, magis puta sufficere negotiorum gestorum judicium.] & l. 4.


§. 3. ff. de tutela, & rat. disrahend. actione. Cum furiosi curatore, non tutela sed negotiorum gestorum actio est, quæ competit etiam dum negotia gerit, quia non idem in hac actione, quod in tutela actione. Est autem, ut ex verbis relatis colligitur, hoc discrimen, quod actio utilis tutelæ non detur nisi finitâ curatelâ, actio verò negotiorum gestorum etiam durante Curatelâ. Rationem hujus discriminis bene notavit Hunnius Resol. th. §. q. 21. quod Iudicium Tutelæ, & Curatelæ semper est generale. l. 33. ff. pro sociis. Negotiorum gestorum interdum est generale, interdum speciale, sive unius negotii, aut paucorum, saltem non omnium. Eo igitur casu, quo quis est curator omnium bonorum, cum eo agi non potest actione utili Curatelæ nomine eâ durante: sed si non est omnium bonorum, potest cum eo agi etiam durante curatione. & hæc spectato Iure communi. Nam de Iure novo observanda est Constitutio Imper. Caroli. V. & Rudolphi. II. sup. adducta.

320. Actione ex stipulatu statim agi potest contra curatorem, quamprimum aliquid pupillo salvum esse desiit. l. 4. §. pen. ff. rem pup. salvam fore. ibi. hæc stipulatio statim atqui quid salvum esse definit committitur. & hoc dictum est de curatore.

321. Curatori datur Actio utilis Contraria, sicut de tutore dictum est, atque hæredibus, & in hæredes minoris, quæ omnia satis superque constant ex dictis.

322. Solet hic à Iure Consultis quæstio incidens moveri, an aliquis prodigus fiat inhabilis ad contrahendum suæque bona administranda, ipso Iure, ante omnem Iudicis sententiam. Communior longè sententia negat, cui se opponunt Hunnius, & Harprecht, post Fachineum & alios. Sed hæc quæstio resolvenda est juxta ea, quæ de legibus pœnalis in tractatu de Legibus, & deinde in 1. tract. de Lege Aquilia, &c. dicta sunt. Illud concedi posset affirmanti sententiæ, in quam tandem etiam propendit Harprecht, sufficere sententiam declaratoriam prodigalitatis. Ego tamen non credo unquam hujusmodi sententiam ferri, nisi quando actu prodigo Curator constituitur. Itaque breviter, & verè quæstioni huic responderet Antonius Perez in tit. 70. Cod. n. 2. prodigos nullos haberi, nisi quibus decreto Prætoris interdicta est bonorum administratio. Interdictio enim facit, ut prodigi furiosis comparentur, non ipsa prodigalitas per se, cum unicuique liberum sit bonis suis liberaliter uti. Neque debet aliquem movere, quod in pluribus Iuris textibus legatur, prodigo interdici administrationem à lege. Non enim sensus est, quasi sine decreto prætoris interdictio accidat, sed quoddam Lex Iudici, seu Magistratui præscripserit hanc facere. Ante factam igitur interdictionem alienationes & promissiones factæ, valent, secus postea, ut satis clare habetur. l. 10. ff. de curatorib. furioso dandæ. Julianus scribit, eos quibus per Prætorem bonis interdictum est, nihil transferre posse ad aliquem, quia in bonis non habeant, cum eîs diminutio sit interdicta.

323. Et sanè quis unquam audit, fuisse aliquem contractum irritum declaratum, qui initus erat cum aliquo prodigalissimo ante omnem sententiam? Quodsi adversarii dicant, hoc inde esse, quod non confiterit omnibus ( hoc enim expresse requirunt ) de illorum prodigalitate, ego pariter dicam, hoc signum esse, quod non nisi rarissime, imò moraliter vix unquam in magna communitate, aut Republica constare sufficienter possit de prodigalitate tanta, ob quam putant adversarii, jam illos incurrisse inhabilitatem: propter rarissimos autem hujusmodi casus non est ullo modo credibile, voluisse leges à prodigis illam inhabilitatem incurri, cum leges non aptentur rarissime contingentibus. Taceo alia inconvenientia, quæ sequerentur, si sententia adversariorum in praxin redigenda esset.



## CAP. V T V.

DE DOMINIO BONORUM VXORIS, UBI  
DE JURE DOTIUM PLENE  
AGITUR.

## S V M M A R I V M.

**Q**uid sit Dos. 324.  
Ejus divisio in Profectitiam & Adventitiam. 325.

Item in Dotem aestimatum & inaeftimatum. 326.

Quenam sint Paraphernalia. 327.

Quid Donatio propter nuptias. 328.

Quid Arrha. 329.

Quid Morgengaba. 330.

Quid sponsalitia largitas. eod.

Dominium dotis aestimatum est penes maritum. 331.

Quando Domini translatio complectitur. 332.

Quid praesumendum in dubio, an fuerit dos aestimata animo vendendi. 333.

Si aestimatio sit iniqua infra dimidium, an reducenda ad aequitatem. 334.

An maneat specialiter obligata uxor. 335.

Dotis inaeftimatae dominium civile habet Maritus. 336.

Vxor retinet dominium naturale. 337.

Constatte Matrimonio uxori competit utilis vindictio contra extraneum. 339.

Periculum rerum inaeftimarum, & incrementum pertinet ad uxorem. 340.

Maritus non tenetur ex culpa levissima. 341.

Dominium rerum consensitum in numero, pondere, & mensura, etiam naturale, transfertur in Maritum. 342.

Fructus etiam ad Maritum pertinent, si sustineat onera, etiam si excedant. 343.

Partus ancillae, & alia quae non sunt fructus, ad uxorem. 344.

**V**aria sunt bona, quae aliquo modo ad uxorem spectant, ut Dos, Paraphernalia, Donatio propter nuptias, Arrha, Donatio facta in remunerationem pudicitiae, Nobilitatis, &c. Germanicè Morgengab. Sponsalitia Largitas de quibus videndum est, an & quomodo eorum dominium Uxori, vel Marito competat. Prius tamen rudi minervā cuiusvis naturae & differentiae describenda.

324. Dos est omne illud, quod nomine uxoris datur aut promittitur Marito ratione

Matrimonii, ad onera illius sustinenda. Dos autem sine Matrimonio non intelligitur esse, quantumvis sit promissa, aut tradita; adeoque, logicè loquendo ejus denominatio complectitur à contractu Matrimonii non minus, quàm denominatio Mariti, aut uxoris.

325. Dividitur 1. in Profectitiam, & Adventitiam. Profectitia est, quae vel datur ab aliquo ascendente, ut patre, avo, vel intuitu patris ab extraneo. Adventitia est, quae aliunde quàm ex bonis ascendentium constituitur, v.g. ex propriis bonis uxoris, vel ab extraneo non intuitu patris.

326. Dividitur 2. In Dotem aestimatum & non aestimatum. Aestimatum dicitur, cuius valor certo pretio taxatur. Haec aestimatio aliquando efficit venditionem emptionem, hoc est Maritus tenetur ad reddendum tantum pretium soluto Matrimonio, quanti dos aestimata est, non verò ad rem ipsam, perinde ac si rem illam emisisset. Aliquando verò solum aestimatur in hunc finem, ut constet de valore dotis, v.g. fundi dotalis, ut si fortè ex culpa Mariti deperderetur, pretium certum repeti posset. Hinc à contrario constat quid sit dos non aestimata, nempe cuius valor aestimatus non est, seu taxatus. Iura huc facientia dabuntur in progressu.

327. Paraphernalia, quasi iuxta, seu praeter dotem, sunt illa bona, quae uxor jam dotata praeter dotem habet, v.g. quae donatione, aut jure hæreditario, &c. acquirit.

328. Donatio propter nuptias (quae etiam Contrados dicitur) est illa, quae fieri solet à Marito, vel alio ejus nomine ad dotem assecurandam; & ideo regulariter solet, ac debet esse aequalis doti, & si Dos crescat durante Matrimonio, etiam Contrados crescere debet, nisi consuetudo aliud obineat. Habetur Novella. 97. c. 1. initio. ibi. [Hoc igitur ante alia universalia corrigimus, & qualia in dotibus esse, & propter nuptias donationibus, & ea, quae offeruntur, & ea, quae in stipulationem deducuntur parata.] & c. 2. habetur, quod constante Matrimonio

monio augeri possit dos, dum tamen tantundem augeatur donatio propter nuptias.

329. Artha jure communi est illud, quod sponsi mutuo sibi tradunt in signum, & pignus Matrimonii futuri. *L. Artha. C. de sponsalib.* Dixi. *Jure communi.* Nam lre Hispanico, aut Lusitanico significant Artha id, quod apud Germanos Morgengab. ut constat ex P. Molina disp. 431. Covarr. Sanchez apud Laym. l. 3. tr. 4. c. 13. n. 11. Itaque

330. Donatio facta in remunerationem pudicitiae, &c. seu Morgengab, describitur à Jo. Francisco Balthasar *pract. Resol. Juris Civil. & Bavar. tit. 2.* Est donatio, quam in catena, vel torque, aut alia simili pretiosa re, vel certa pecuniae summa, novus Maritus in novam conjugem, manè post primam condormitionem propter summum pudicitiae & honoris thesaurum, quem nova conjunx Marito suo concedidit, confert. Quae descriptio supponi videtur, Morgengabam non nisi in bonis mobilibus constitui posse, quod videtur pugnare cum lre Bavarico, juxta quod potest Morgengaba in Feudo constitui cum consensu domini proprietarii: imò in feudo hereditario etiam sine consensu domini, & agnatorum constitui, ac dari potest. Magis placet descriptio Arnoldi Rath. *th. 7. de potest. Juris Rom. & Bavar. differentiis*, quod sit Maritinae donum quod Maritus altero nuptiarum die pro pudicitia, & (lre Bavarico) Virginitatis thesauro novae nuptae elargitur. Hanc Morgengabam vocat Schneidewein in rubr. *de success. inter virum, & uxorem.* n. 41. sponsalitiū largitatem; verum strictius loquendo ab invicem distinguuntur. Itaque Sponsalitiū largitas est donatio inter Sponsos facta, contemplatione futuri Matrimonii. Vocari etiam solet Dotaliū, seu mundus muliebris. Hæc donatio lre antiquo erat absoluta, nullam involvens conditionem, sed hodie habet annexam tacitam conditionem nuptiarum securarum, quæ si non sequamur, irrita est donatio, & revocatur.

## CONTRORSIA I.

### *Penes quem sit dominium rerum Dotaliū.*

331. Dicendum est 1. Dominium Dotis æstimatæ æstimatione faciente venditionem, est penes maritum. Ratio est manifesta, quia perinde est acsi maritus illa bona emisset: ergo facta traditione dominium rei emptæ, licet nondum solutæ, consecutus est. Habetur *l. 1. C. de Jure dot.* [Quoties res æstimatæ in dotem dantur, maritus dominium consecutus summx, vel lre pretii debitor efficitur. Si itaque non con-

venit, ut soluto matrimonio restituerentur, & jure æstimatæ sunt, retinebit eas, si pecuniam tibi offerat. & l. 10. cod. Cum dotem te æstimatam accepisse profitearis, apparet, jure communi per pactum, quod doli insertum est, formato contractu ex empto actionem esse: quis enim dubitet, æstimationem à re mueri deberi; cum periculo tuo res deteriores fiant, vel augmenta lucro tuo recipiantur. Hinc

Infertur 1. Rerum ita traditarum commodum & incommodum ad maritum spectare, ut in l. 10. dicitur, & soluto matrimonio maritum non ad res acceptas, sed solum ad pretium reddendum teneri; quod si res ipsas offerret, possunt quidem illæ, vel quoad partem vel quoad totum ab uxore aut ejus hæredibus accipi, sed si nolit, & malit pretium, hoc solvendum erit. Item si maritus aliquam hujusmodi rem, v. g. torquem aureum, legaret uxori, eo tradito, non propterea pars dotis soluta esset, sed illius torquis pretium nihilominus deberetur.

332. Infertur 2. Translationem domini tunc primum compleri, si matrimonium secutum est, aut præcessit. Ratio ex dictis redditur. Dos enim completur in ratione dotis per ipsam matrimonium: ergo traditione ante matrimonium facta, nondum transferretur dominium, quia est conditionata, & si ante matrimonium periret, non mariti, sed uxoris damnum esset. habetur l. 10. §. 4. *Si ante matrimonium æstimatæ res dotales sunt, hæc æstimatio quasi sub conditione est, namque hæc habet conditionem: si matrimonium fuerit secutum: secutus igitur nuptiis æstimatio rerum perficitur, & fit vera venditio. id est absoluta.*

333. QUÆRITUR 1. Si dubium est, utrum æstimatio facta sit animo vendendi, vel sine hoc, quid sit præsumendum. Respondent communiter, præsumi venditionem. Ego autem existimo præsumendum esse id, quod in tali loco communiter & frequentius fit. talis enim animus præsumitur in personis particularibus, qualem communiter solent habere, qui talem contractum celebrant.

334. QUÆRITUR 2. Si æstimatio fuit iniqua, sed non ultra dimidium iusti pretii, an reducenda sit ad æquitatem. Ratio dubitandi est, quia generaliter in contractu Venditionis emptoris requiritur læsio ultra dimidium iusti pretii. Respondendum tamen est affirmativè, & hoc specialiter in favorem dotium introducendum est. l. 6. §. 2. [Si in dote danda circumventus sit alteruter, etiam majori annis viginti quinque succurrendum est, quia bono & æquo non convenit, aut lucrari aliquem cum damno alterius, aut damnum sentire per alterius lucrum.

335. QUÆRITUR 3. An non obstante hac venditione, nihilominus hæc bona specialiter adhuc obligata sint uxori. R. Affirmativè, nempe pro casu, quo, quando restituenda

das



dos est, non exstant alia bona, seu pretium dotis in bonis mariti. tunc enim dominium revertitur ad uxorem, non secus ac si nunquam vendita fuissent. potestque uxor ea vindicare exclusis quibuscumque creditoribus. habetur l. 30. C. eod. [In rebus dotalibus, sive mobilibus sive immobilibus seu se movenibus (si tamen exstant) sive æstimatæ sive inæstimatæ sint, mulierem in iis vindicandis omnem habere post dissolutionem matrimonii prærogativam iubemus: & neminem creditotum mariti, qui anteriores sunt, posse sibi potiorum causam in iis per hypothecam vindicare. &c.] *Volunt itaque eam in rem actionem quasi in ejusmodi rebus propriis habere, &c.*

336. DICENDUM 2. Maritus habet dominium saltem civile dotis inæstimatæ, vel æstimatæ quidem, sed non æstimatione faciente venditionem. Ità certa sententia. Habetur *Inst. pr. quibus alienare licet vel non. Accidit aliquando, ut qui dominus rei sit, alienare non possit, &c. Nam dotale prædium maritus invita muliere per legem Juliani prohibetur alienare.* Probatur etiam inde, quòd illi comparat rei vindicatio. *L. doce ancillam, §. De Rei vind. Doce ancillam, de qua supplicat, dotalem fuisse in notione prædij, quo patet factum, dubium non erit, vindicari ab uxore tua nequivisse.*

Dixi: saltem civile. Illud autem vocant Legiste Dominium civile, (ad differentiam dominiij naturalis, quod non ex Jure communi & naturali, sed singulari, & ex legis auctoritate ac fictione quadam competit quoad certos effectus expressos, ut tradit Arnoldus Rath de *Rei Vindic. th. 13. n. 13.* hoc supposito

337. Gravis est controversia, an ad Matrimonium non solum dominium civile sed etiam naturale transeat, (secundum limitationem sequentis Concl.) vel an potius dominium naturale maneat penes uxorem. Aliqui post Bartolum & Baldum tribuunt naturale dominium Marito. Communis tamen Theologorum æquè ac Iuristarum sententia Marito tantum dominium civile, Uxori verò dominium naturale tribuit. Ità S. Thomas in 4. dist. 34. q. 4. ad 1. P. Molina. Rebellus de Contractu dotali, q. 1. n. 17. Zafius, *Intellectuum singularium lib. 2. c. 5.* Zafius de *Jure dotium*. Corvinus in *Enchirid. eod. tit.* Hieronymus de Cavallos *Spec. Op. con. contra Con. q. 3. à n. 49.* Fundamentum hujus sententiæ desumitur ex lege in *rebus C. de Jure dotium, paulò ante cit.* ubi Imperator disertè dicit, res dotales ab initio uxoris fuisse, & naturaliter in ejus permanisse dominio. *Non enim (addit) quod legum subtilitate transitus earum in patrimonium mariti videatur fieri, ideo rei veritas deleta vel confusa est.*

338. Respondent adversarii, intelligendum esse secundum quid. nempe quòd soluto matrimonio dotem vindicare possit. Hæc tamen responsio vim infert textui: si enim Imperator hoc solum voluisset, non debuisset dicere, do-

minium mansisse penes uxorem, sed dicere debuisset, soluto matrimonio redire; alioquin reddidisset pro ratione quod erat ipsi probandum, & idem per idem probasset, ut legenti facile patet. imò dicere debuisset Imperator, penes uxorem mansisse civile dominium, hoc est, à iure fingi mansisse ad hoc ut haberet rei vindicationem.

Dicer aliquis, illà lege nimium probari: probaretur enim, etiam dotis æstimatæ æstimatione faciente venditione, dominiū manere penes uxorem, quod tamen omnes negant. Ob hanc ratione glossa existimat in hac lege non esse sermonem de dote æstimatæ æstimatione faciente venditionem, sed de illa quæ non facit venditionem. Verum quia Imperator ibi nullam hujusmodi distinctionem facit, ideo communiter & merito DD. supponunt, omnem dotem æstimatam ibi comprehendi, ità expressè Zafius & P. Molina. d. 426. & merito, quia hæc sola dicitur simpliciter dos æstimata in specie, ut patet etiam ex l. 10. statim citanda. Quo supposito respondeo, Imperatorem in posterioribus verbis quibus de dominio locus est, non esse locutum, nisi de illa dote de cujus dominio dubitari poterat, penes quem esset, an penes uxorem, an penes maritum. hujusmodi autem dos non est, quæ fuit æstimata ut venderetur, ut ex se clarum est, & in legibus Digestorum pro prima conclusione allatis jam erat explicatum.

339. Inferitur 1. Cum Arnaldo Rath, etiam constante Matrimonio Uxori utilem vindicationem adversus extraneum accommodari, neque obstat legem *Doce ancillam*, quam paulò superius recitavi, quia ibi sermo est de casu concurrentis, adeoque præferendi mariti.

340. Inferitur 2. Periculum rerum inæstimatarum absque culpa mariti, sicut & incrementum pertinere ad uxorem ratione dominiij naturalis, sicut dotis æstimatæ ad maritum. & habetur expressè l. 10. ff. eod. [Plerumque interest viri, res non esse æstimatas, idcirco non periculum rerum ad eum pertineat, &c. quoties igitur non æstimatæ res in dotem dantur, & meliores & deteriores mulieri sunt. Si prædij inæstimatis aliquid accessit, hoc ad compendium mulieris pertinet, si aliquid decessit, mulieris damnum est.]

341. Inferitur 3. Quamvis Maritus ex culpa in administratione commissa teneatur uxori reparare damnum, non teneatur tamen ex culpa levissima: quia contractus in utriusque utilitatem tendit, de quibus contrahentibus regula generalis est, non obligare nisi ad culpam levem præstandam, ut suo loco dicetur.

342. DICENDUM 3. Si tradantur in dotem res consistentes in numero, pondere & mensura, sed sine æstimatione faciente venditionem, tunc earum rerum dominium naturale transferretur etiam in maritum, instar rei mutui datae.

datæ. habetur satis clarè l. 42. ff. h. t. *Res in dotem datæ, quæ pondere, numero, mensurâ constant, mariti periculo sunt, quia in hoc dantur, ut eas maritus ad arbitrium suum distrahat, & quandoque soluto matrimonio ejusdem generis & qualitatibus aliis restituat.*

343. **DICENDUM** 4. Constante matrimonio fructus dotis percepti ad maritum, sionera matrimonii sustineat, etiamsi excedant illa onera, pettinent. *L. un. §. cumque exstipulatu. C. de rei uxoriæ actione.* ibi. [Fœtus autem jumentorum, omniâque quæ fructuum nomine continentur, ad lucrum mariti pertineant pro tempore matrimonii, sive æstimata, sive non æstimata sint.] l. 10. ff. de *Iure Dot.* si servi sobolem ediderint, Mariti lucrum non est. (quia homo non est inter fructus) sed fœtus dotalium pecorum ad Maritum pertinent, quia in fructibus computantur. Sic tamen ut suppleri proportionem prius oporteat, & summissis aliis in locum demortuorum capitum ex agnatis, residuum in fructibus Maritus habeat, quia fructus dotis ad eum pertinent. l. 7. §. 10. ff. *solutio matrim.* In servi quoque anni ratio habetur si in annum fortè operæ ejus locatæ sint, ut præteritii temporis ad Maritum, post divortium autem ad mulierem, operæ pertineant. & §. 11. De pensionibus quoque prædiorum urbanorum idem est, quod in fructibus rusticorum. Itaque non tantum fructus naturales, sed etiam civiles ad Maritum spectant, ut notavit Hieronym. Arnold. Rath. th. 51.

344. Quæ verò fructuum nomine non veniunt, ad uxorem pertinent. hujusmodi sunt partus ancillæ non æstimatæ (de qua jam dictum) item, Thesaurus in fundo dotali inventus. l. 7. §. 12. ff. *sol. matrim.* ubi dicitur: *in fructu enim (thesaurus) non computabitur, sed pars ejus dimidia restituatur quasi in alieno inventi.* Ex quo textu etiam efficaciter probari potest, dominium naturale manere penes uxorem, quod etiam observavit Ant. Perez. Item nomine fructuum non veniunt Lapidicinæ, si cæso marmore lapis non renascatur. §. 13. eod. *Quia nec in fructu est marmor, nisi tale sit, ut lapis ibi renascatur, quales sunt in Gallia.*

## CONTROVERSIA II.

*Penes quem sit Dominium Paraphernalium, Contradotis, & Sponsalitiæ largitatis.*

### SUMMARIUM.

**B**ona Paraphernalia sunt in dominio uxoris pleno iure, nisi instar dotis tradantur. 345.  
Contradotis dominium manet penes Maritum, saltem naturale: dubium est de civili an competat uxori. 346.

*Si consistat in rebus immobilibus, quomodo possit eas alienare Maritus. 347.*

*Quid sit hodie Doarium. 348.*

*Sponsalitiæ largitatis dominium est penes uxorem. 349.*

*Inest semper conditio. Si Matrimonium sequatur. 351.*

*Item subest conditio. Nisi sponsa promissione dotis decepisset. 353.*

*Morgengabe spectat ad donationem inter Maritum & uxorem. 354.*

345. **DICENDUM** 1. Bona Paraphernalia sunt in dominio uxoris pleno iure, nisi ita tradantur, ut instar dotis mariti fiant. *L. 9. §. ff. de Iure dot.* [Caterum si res dentur in ea quæ Græci Parapherna dicunt, quæque Galli Beculium appellant, videamus an statim efficiantur mariti, & purem, si sic duntur, ut fiant, effici mariti: & cum distrahum fuerit matrimonium, non vindicari oportet, sed condici, nec dotis actione peti, &c.] Quodsi uxor tradat hujusmodi bona marito, prout omnino conveniens est, non tamen ut ipsius fiant, habet maritus solum ius administrandi revocabile ad libitum ab uxore. Si verò ita tradantur, ut ipsius fiant civiliter, sequuntur naturam dotis, hoc excepto, quod fructus illorum non lucretur maritus, quamvis eos possit in suam & uxoris utilitatem (non tamen suam solam) vel ad causas ad quas uxor voluerit, expendere. *L. fin. C. de Pactis conventis.* ubi accuratè omnia comprehenduntur. [Si mulier marito sua nomina, id est fœneratitias cautiones quæ extra dotem sunt, dederit, ut loco Paraphernalium apud maritum maneat, & hoc dotali instrumento fuerit adscriptum, utrumne habeat aliquas ex his actiones maritus, sive directas, sive utiles, an penes uxorem omnes remaneant, & in quem eventum dandæ sint marito actiones, quærebat. Sancimus itaque si quid tale evenierit, actiones quidem omnimodo apud uxorem manere, licentiam autem marito dari easdem actiones movere apud competentes Iudices, nullâ ratificatione ab eo exigendâ, & usuras quidem eorum circa se & uxorem dependere: pecunias autem fortis quas exegerit, servare mulieri, vel in causas, in quas ipsa voluerit, distribuere. Et siquidem in dotali instrumento hypothecæ pro his nominatim a marito scriptæ sunt, his esse mulierem ad cautelam suam contentam. Sin autem minimè hoc scriptum inveniatur, ex præsentis nostra lege habet hypothecam contra res mariti, ex quo pecunias ille exegit, antè enim habet ipsa mulier facultatem (si voluerit) sive per maritum sive per alias personas easdem movere actiones, & suas pecunias percipere, & ipsas cautiones à marito recipere, securitate ei competente faciendâ. Dum autem apud maritum remanent easdem cautiones, & dolum, & diligentiam maritus circa eas præstare debet, qualem & circa suas

res habere invenitur: ne ex ejus malignitate, vel delicta aliqua mulieri accedat jactura: quod si evenierit, ipse eam de proprio refarcire compellitur.]

346. DICENDUM 2. Donationis propter nuptias, seu Contradotis dominium naturale manet penes maritum, sicut diximus dominium naturale dotis manere penes uxorem, sed cum hoc discrimine, quod fructus sint etiam mariti. Probatur. Quia nullum prorsus fundamentum apparet, quare dominium naturale transeat ad uxorem: quin imò major esset ratio, cur dominium dotis transeat ad maritum. Nam finis illius Contradotis est asscuratio dotis, cui finis plenè satisfiis sine translatione domini naturalis in uxorem.

An verò penes uxorem sit dominium saltem civile, ità ut ei rei vindicatio competat, vel solam habeat hypothecariam actionem, problematice defendit Arnoldus Rath *rh. 19. de Rei Vindic.* Imprimis enim actio hypothecaria videtur sufficere, conceditur quippe amplissima uxori contra omnes possessores. *Auth. Permissa est. C. de donat. ante nupt. Permissa est & in rem actio pro tali donatione mulieri adversus omnes possessores.* E contra competere uxori Rei vindicatione, clarissimè habetur Novellà 61. *¶ Immobilia antenuptialis donat.* ubi statuitur, ut immobilia antenuptialis donationis neque hypothecæ dentur, neque omnino alienentur à viro, nec consentiente uxore, nisi postea satisfieri possit uxori, & ratio redditur his verbis (quibus supponitur convenire rei Vindicatio) [ut mulier eveniente forsitan lucro quod ei confert antenuptialis donatio, difficultatem patiar, non inveniens rem in viri substantia, cum sit alienata aliis aut supposita, ut potentibus fortè personis. quatenus illi propter huiusmodi causas aut sit omnibus modis inadibilis vindicatio, aut difficilis, &c.] & ut habet Schneidewein, marito vergente ad inopiam etiam constante Matrimonio uxor à Creditoribus mariti vindicare potest donationem propter nuptias. *L. 29. & Auth. seq. C. de iure dot.* [Donationem quoque propter nuptias in hoc casu constante Matrimonio vindicare potest.] Imò ut Arnoldus Rath acutè notavit, Justinianus Imperator tit. *Instit. de donat. §. est & aliud genus.* hoc planè supponit, cum ibi agat de modo acquirendi iure civili per donationes, inter quas numerat donationem propter nuptias.

347. Si donatio propter nuptias consistat in rebus immobilibus, non potest maritus eas alienare, ne quidem consentiente uxore, nisi transacto biennio iterum consentiat, sintque alia res mariti, ex quibus mulieri succurri possit, si in dotalibus læderetur. Novellà 61. jam antè citatà.

348. Hæc donatio hodie videtur esse id, quod Pragmatici vocant *Doarium*. Est autem Doarium pars bonorum mariti assignata ex con-

suetudine vel conventione mulieri, ut pro dote eam habeat obligatam, & post mortem mariti lucretur, aut proprietatem eorundem, aut usumfructum. Sæpè etiam Opifices pro Contradote aliud non constituunt, quàm artem suam & peritiam, quam tanti æstimant, ut æqualeat dori.

349. DICENDUM 3. Sponsalicia largitatis cum conditione secuturi Matrimonii facta secuto Matrimonio dominium pleno jure est apud uxorem, neque restitui debet soluto Matrimonio, sicut debet donatio propter nuptias. Probatur. Quia hæc donatio nullibi est irritata, & est liberalis: ergo conditione impletà transit in absolutam.

350. Observandum autem hic est 1. Sponsalitia largitatem olim idem fuisse, quod donatio propter nuptias, & hæc vocabatur Donatio ante nuptias, quod emendavit Justinianus rum in Codice *Nov. cit.* tum in *Instit. de donat. §. cit.* & voluit vocari donationem propter nuptias, & sic jam distinguitur & re & nomine à Sponsalitia largitate, quam suprà descripsimus.

351. Observandum 2. Hodie, correcto antiquo jure, constitutum est, ut omnibus huiusmodi donationibus insit tacita conditio, si Matrimonium sequatur. Quia verò Matrimonium potest ex variis causis post celebratam sponsalia non sequi, ideo cum certis exceptionibus audiendus est Imperator Constantinus in lege 15. & 16. *C. donat. ante nupt.* [Cum veterum sententia displiceat, quæ donationes in Sponsam, nuptiis quoque non secutis decrevit valere, ea quæ largiendi animo inter Sponsos & Sponsas Iure celebrantur, redigi ad huiusmodi conditiones jubemus, ut si affinitate coeundæ causâ, sive non ità, vel in potestate patris degentes, vel ullo modo proprii juris constituti tanquam futuri causâ Matrimonii aliquid sibi ipsi, vel consensu parentum mutuo largiantur, siquidem Sponsus, vel parentes ejus sortiri filium noluerint uxorem, id quod ab eo donatum fuerit, nec repetatur traditum, & si quid apud donatorem resedit, ad Sponsam & hæres ejus submotis ambagibus transferatur. Quodsi Sponsa, vel is, in cuius agitur potestate, causam non contrahendi Matrimonii præbuerit, tunc Sponso ejusque hæredibus sine aliqua diminutione per conditionem, aut per utilem actionem in rem redhibeantur.] Quæ similiter observari oportet, si ex parte Sponsæ in Sponsum donatio facta sit.]

352. [Si à Sponso (L. 16.) rebus Sponsæ donatis, interveniente osculo ante nuptias, hunc, vel illam mori contingat, dimidiam partem rerum donatarum ad supersitem pertinere præcipimus, dimidiam ad defuncti, vel defunctæ hæres, cuiuslibet gradus sint, & quocumque jure successerint, ut donatio stare pro parte dimidia, & resolvi pro parte dimidia videatur. Osculo verò non interveniente, sive Sponsus, sive Sponsa obierit, totam infirmari donationem, & dona-

tori Sponso vel hæredibus ejus restitui. Quod si Sponsa, interveniente vel non interveniente osculo, donationis titulo (quod raro accidit) fuerit aliquid Sponso largita, & ante nuptias hunc, vel illum mori contigerit, omni donatione infirmata, ad donatricem Sponsam, sive ejus successores, donatarum rerum dominium transferatur.]

353. Sed adhuc alia conditio subest tacite illi donationi, nempe: nisi Sponsa promissione amplioris dotis, quam quæ deinde data est, Sponsum deceiverit, & ad tales donationes induxerit. *L. 3. C. eod.* [Pollicitatione à fratre quondam tuo sponsalium causâ factâ, etsi in stipulationem deducta sit, ideo præstanda non fuit, quoniam in dote uxor maritum fefellerit: exceptionem itaque doli adversus actionem ex stipulatione rectè obijcies.]

Verùm ijs, quæ paulò antè in l. 15. & 16. dicta sunt, obstat videtur lex 4. eod. tit. ubi dicitur. *Quod Sponsæ eâ lege donatur, ut tunc dominium ejus adipiscatur, cum nuptiæ fuerint secutæ: sine effectu est.* Atqui hæc est donatio conditionalis: ergo talis donatio non valet. Respondendum tamen est, sermonem hic esse de donatione, quæ fit non per modum sponsalitiæ largitatis, sed quæ fit in tempus inhabile, hoc est, in tempus, quo donationes non valent, nempe post Matrimonium, quia donans vult donâsse tanquam maritus, & non tanquam Sponsus. In effectu autem est hoc discrimen, quòd sponsalitiæ largitas licet sit conditionata, est tamen pro tempore præteriti præcedente Matrimonium, ad quod deinde retrorahitur secuto Matrimonio, ut omnes fructus & emolumenta ad Sponsam spectent, quod non est in casu legis 4.

354. Restaret hic agendum de Dono maritali seu Morgengeba, sed cum ea fiat post contractum Matrimonium, adeoque sit donatio inter virum & uxorem, spectat ad Tractatum de Donationibus.

## CONTRÓVERSIA III.

*Ad quem pertineant Arrhæ: & an sponsalibus adjici possint pœna.*

### S U M M A R I U M.

**Q**uid sit Arrha, quæ sponsalibus adjici solet. 355.

An possit constitui in quavis quantitate. 356.

An possit constitui in certa specie. 357.

An possint constitui mutux. 358.

Quid agendum cum Arrha, quando contractus Matrimonii completus est. 359.

Quid agendum, non secuto Matrimonio. 360.

An resiliens sine causâ possit obligari ad duplum, tripulum, &c. 361.

*Promissio nuptiarum sub pœna dupliciter fieri potest. 362.*

*Iustus resiliens non tenetur ad pœnam. 363.*

*Probabilius est valere pactum de pœna. 364.*

*Novella 18. circa adjectionem pœnæ recitatur. 371.*

*Explicatur cap. Gemma. de Sponsalibus. 372.*

355. **A**rrha est, quæ in continenti traditur à promittentibus hac lege adjunctâ, ut si dans Arrham sine justa causa resiliat, eam amittat, & alter eam lucretur, si verò resiliat accipiens Arrham, teneatur eam restituere, & tantundem in æquivalenti. *L. 2. C. de Sponsal.* [Arrhis sponsaliorum nomine datis, si interea Sponsus, vel Sponsa decesserit, quæ data sunt, jubemus restitui, nisi causam, ut nuptiæ non celebrarentur; defuncta persona jam præbuit.] *¶ L. 5.* [Mulier juris sui constituta Arrharum sponsalium nomine usque ad duplum teneatur, id est, in id, quod accepit, & aliud tantundem, nec amplius, si post completum vicissimum quintum annum, vel post impetratam veniam ætatis hujusmodi Arrhas suscepit. In simplicium autem, id est, tantummodo in id, quod accepit, si minoris ætatis est.] Nempe quia restituitur in integrum. Quænam sint iustæ causæ resiliendi, docetur in materia de Sponsalibus.

356. **Q**UÆRITUR 1. An Arrhæ possint constitui in quavis quantitate, etiam majore, quam dos sit. *¶* Affirmativè ex communiori sententia, licet id fieri non solet. Colligitur ex adducta lege. *¶* ubi limitatur, ut in restitutione non possit imponi obligatio ultra quadruplum: ipsi tamen Arrhæ constituendæ nulla quantitas præscribitur.

357. **Q**UÆRITUR 2. An Arrha possit constitui in specie, v. g. in fundo, vel in pecunia numerata. *¶* Possit constitui in utrolibet, ex communiori sententia: quia nullâ lege prohibetur, & Arrha reddi potest, ejusque duplum, tripulum, &c. in æstimatione.

358. **Q**UÆRITUR 3. An possint Arrhæ constitui mutux vicissim, seu utrinque. *¶* Affirmativè. Neque hoc est supervacaneum, nam qui resilit, amittit datam, & acceptam restituere tenetur, quod secutius est, quam si nullam dedisset, sed tantum accepisset.

359. **Q**UÆRITUR 4. Quid agendum cum Arrha, quando contractus Matrimonii completus est. *¶* Arrham esse restituentem illi, qui eam dedit. Ratio est, quia est instar pignoris, & nisi reddenda esset, non tam esset Arrha, quam donatio, nec haberet rationem motivam ad implendum potius, quam non implendum contractum.

360. **Q**UÆRITUR 5. Quid faciendum de Arrha non secuto Matrimonio, si id iustè non impletur? *¶* Tunc eam non amitti, sed esse restituendam suo Domino, ut habetur in legibus paulò antè adductis, & ratio est, quia Arrha



Arrha datur ad hoc, ut promissum servetur in quantum servandi obligatio est: cessante ergo obligatione cessat ratio amittendi Arrham.

361. QUÆRITUR 6. An resiliens sine justa causa, non solum teneatur ad Arrhæ restitutionem, & æquivalens, vel si non accipit, ad Arrhæ amissionem, sed etiam possit pactum apponi, ut is qui Arrham accipit, & injustè resiliat, teneatur reddere triplum, aut quadruplum. R. Affirmativè ex ead. lege fin. cit. ità tamen ut in triplo, vel quadruplo includatur Arrha accepta. Et in tali pacto pejor utique est conditio accipientis. Excipe minorem, ut jam sup. dictum, ob beneficium Restitutionis. Et hæc de prima parte præsentis Controv. ex qua nascitur altera. Itaque

Secunda pars Controversiæ proposita est, utrum contrahentes Sponsalia possint adjicere Pœnam, v. g. pecuniariam, sub qua se obligent ad implenda sponsalia.

362. Notandum est 1. Possè promissionem nuptiarum sub pœna dupliciter fieri: primo si quis nolit se absolūtè, & determinatè obligare in conscientia ad contrahendum Matrimonium, sed cum disjunctione, vel ad solvendam tantam pœnam, vel ad contrahendum Matrimonium, ità ut electio sit penes ipsum, etiam in conscientia. Talis promissio non haberet vim sponsilium, quia sponsalia debent in conscientia obligare determinatè ad Matrimonium contrahendum. Secundo itaque potest fieri promissio, quâ quis se obligat in conscientia ad contrahendum Matrimonium, insuper obligat se ad solvendam tantam pœnam, v. g. 50. fl. si per ipsum steterit, quominus impleretur contractus.

363. Notandum 2. Possè quem resiliatè sponsalibus vel justè, vel injustè. Et quidem si injustè resiliat, conveniunt omnes DD. non teneri resilientem ad solutionem pœnæ, nec possè ad solutionem ab ullo Iudice compelli: hoc enim ad minus probat *cap. Gemma. de sponsalib.*

364. Celeberrima controversia est tam inter Theologos, quàm inter Iuristas, præsertim Canonistas, an injustè resiliens obligetur ad pœnâ adjectionem, adeoque pactum valeat, vel potiùs an tale pactum de pœna sit planè nullum, & invalidū. Utraque pars habet graves auctores. & priorem opinionem amplectitur Basilii Pontius. *lib. 12. c. 17. n. 8.* asserens esse quali certam. Item Diana p. 3. tr. 4. Resol. 211. Castro Palao. p. 9. & valde inclinat Conink, & Layman. de quibus tamen immeritò dicit Joannes Bosius c. 11. n. 419. eos mordiculis tenere, & tanquam certam supponere. hoc falsum est: nam solum ut probabilem admittunt. Eandem tenet P. Martinus Perez. tr. de Matrim. Posterioriorem partem tradunt ceteri ferè omnes tam Theologi, quàm Iuristi, quos sequitur Dicastillo. Quapropter negari non potest, hanc opinionem esse secutam,

& possè Iudicem secundum illam procedere, imò, & Confessarium possè pœnitentem absolvere, qui talem pœnam non vult solvere, & sponsalia jam per subsequens Matrimonium cum alia contractum evertit. Affirmatque P. Aversa praxin pro hac sententia stare. Nihilominus re diu considerata, & speculativè loquendo magis propendeo in priorem sententiam. Nam posterior sententia nititur Iuris textibus, qui non convincunt. Ergo cum omnes fateantur, jure naturæ tale pactum non esse irritum, nihil est, quo probetur talis pacti nullitas.

365. Accedit ratio validissima, cui necdum video satisfactum ab Auctoribus secundæ sententiæ, quamvis mirum in modum se torquant in ea dissolvenda. Vidimus paulò antè, possè tradi Arrhas, hac lege, ut si tradens injustè resiliat, eas perdat, is verò qui accipit, si injustè resiliat, teneatur in duplum, vel etiam quadruplum. In hoc pacto infringitur argumentum unicum adversariorum, quatenus putant, per adjectionem pœnæ impediri libertatem Matrimoniorum.

366. Respondent aliqui primò, discrimen esse: quia pœna faciliùs promittitur, cum verbo tantum promittatur solvenda in futurum. Arrhæ verò maturiore consilio traduntur, cum statim ipso facto tradantur. Hæc tamen ratio non satisfacit, tum quia dare Arrham non est usque adeo difficile, cum detur solum instar pignoris, & reddenda sit servanti fidem: tum quia ille qui accipit Arrham cum pacto reddendi quadruplum, adhuc nihil dedit, sed potiùs accepit, & tortè ideo prior ad contrahendum fuit, & consequenter periculum est, ne sibi de facili vinculum injiciat non resiliendi, scèpe non minus tollat libertatem, quàm per adjectionem pœnæ. Quin planè excessus ille nihil omnino differre videtur à pœna. Tum denique quia Imperator Leo inf. adducendus, ex hac ipsa ratione probat, pœnarum pactum debere valere. Nov. 18.

367. Respondent alii 2. Discrimen esse, quòd Arrhæ soleant communiter in minore quantitate tradi.

Sed contra 1. Quia, ut vidimus, possunt tradi in quantavis quantitate. Secundo, quia Adversarii nolunt possè pœnam adici etiam in parva quantitate. Tertiò ex hoc etiam capite potiùs debere pœnæ pactum valere, etiam monet sup. Leo. ut videbimus.

368. Respondent alii 3. Discrimen esse, quia Arrha datur in signum, & ad securitatem rei gestæ, pœna verò non pro securitate, sed ut contrahentes astringantur ad nuptias. Ità Valascus: *Consult. 2. n. 1.* & Barbosa in *cap. Gemma. de sponsal.* Verùm hæc responsio tota consistit in elegantibus verbis, quæ videntur diversum quid significare, cum tamen ad præsentem scopum idem planè significant. Quòd enim Arrhæ dentur ad securitatem futuri Matrimonii,

quid quæro aliud est, quàm quòd astringant ad Matrimonium: in quo enim alioquin consultit ista securitas, quàm in hoc, quòd alter impellatur vehementer ad standum promissis, ne Arrham perdat? hæc certè mihi sunt satis evidentiæ.

369. Videamus nunc de Iuribus. Ex Iure Civili asserunt legem suam. C. de sponsalib. ubi in fine dicitur. *Extra definitionem autem hujus legis, si cautio pænæ in stipulationis continens fuerit interposita: ex utraque parte nullas vires habebit, cum in contrahendis nuptiis libera potestas esse debeat.* Ad hoc tamen respondetur cum glossa, sensum esse, quòd pænæ ultra quadruplum Arrhæ (de quo immediatè prius sermo erat) non valeat, & addit glossa, hoc ita intelligendum, ne Imperator sibi ipsi, & quidem intra pauca verba contradicat, cum quadruplum habeat rationem pænæ. Et hic sensus mihi planissimus visus est propter illa verba: *Extra definitionem autem hujus legis: antequam glossam legerem.*

370. Adducunt deinde legem. 134. ff. de V. Ob. quæ tamen, si attentè legatur, nihil ad rem facere videtur: dicit enim hujusmodi pænæ ad parentibus adjectam, ignorantibus liberis, non tenere, quia liberis debet esse libertas Matrimonii, hoc est, non debet illis aliunde injici quædam necessitas, in quam ipsi non consenserint. Lex ita habet. [Titia, quæ ex alio filium habebat, in Matrimonium coit Gajo Sejo habenti filiam: & tempore Matrimonii consenserunt, ut filia Gaij Seij filio Titia desponderetur, & interpositum est instrumentum, & adjecta pænæ, si quis eorum nuptiis impedimento fuisset. Postea Gajus Sejus constante Matrimonio diem suum obiit, & filia ejus noluit nubere. quæro, an Gaij Seij hæredes teneantur ex stipulatione: respondit, ex stipulatione, quæ proponeretur, cum non secundum bonos mores interposita sit, agenti exceptionem doli mali obstatum: quia inhonestum visum est, vinculo pænæ Matrimonia obstringi, siue futura, siue jam contracta.] Responsum à me datam invenio in Notis Gothofredi, ubi sic ait. Hinc nota, consensiones parentum non tenuisse liberos non adstipulantes. L. 11. ff. de sponsal. l. 2. ff. de ritu nupt. hinc illud Pamphili in Andria. act. 1. scenâ. 5. *Proh Deum atque hominum fidem, quid est, si non hæc contumelia est. Vxorẽm decevisti sese dare mihi hodie, nonne oportuit præscire me ante? nonne prius communicatum oportuit?* Vides, hoc solum pro absurdo reputari, me sub pænâ obligari ad Matrimonium, qui nunquam in pænâ, aut Matrimonium consensit.

371. Deinde his legibus oppono Novellam. 18. Imperatoris Leonis, qui elegantissimè Arrham adjectionem cum pacto pænæ comparans, ita statuit, ac discutit. [Idcirco, quòd consuetudini placuit, ut in sponsaliorum reprobationibus pænæ imminerent illis, qui reproba-

re instituerent, id in legis auctoritatem collocamus. Arbitror enim id quòd consuetudini visum est, eà lege, quæ de hujusmodi rebus lata est, nihil improbabilius esse: ac res ipsas referte in melius. Nam cum lex Arrhæ perditione, aut in duplum restitutione, solum temeritatem puniat, hæc definitum pactòque constitutum in sponsaliorum rescissione subiri damnum vult. Ac sanè, ne (ut fieri assolet) sponsalia iustum deorsum ferantur, hoc mihi (quemadmodum dixi) majorem obtinere vim videtur. Solius enim Arrhæ perditio, quæ in eum qui dedit, ac deinde sponsalibus non acquiescit, constituta est ejusque in duplum restitutio, quam multatam is, qui Arrham cepit, deindeque in pacto conventio non persistit, sustinet, ut propter pænæ levitatem ad pactorum rescissionem, qui id facere cogitant, faciliùs ferantur, facit. At ex pacto delinita pænæ gravius damnum sibi obvenire videns inconstans ille, tardius omnino ad divellenda sponsalia fiet. Quod sanè nos etiam nuptialibus contractibus magis conducibile fore animadvertentes, quod ex consuetudine fieri solet, in legitimam constitutionem traducimus. Ex Arrhæ siquidem perditione faciles sponsaliorum eversiones video, ex pænæ per solutione non item. Nam gravius dispendium (pacto enim constituta pænâ Arrhâ major proflus atque gravior est) vel invitum inhibens, animi inconstantiam acquiescere illis, quæ antea de sponsalibus placent, compellit. Sic igitur, quod à consuetudine confirmatum est, quemadmodum hæcenus ita deinceps obrineto, & causas dijudicato: tum etiam qui sponsalia evertit, pænæ exactione fectior.] Hæc est lex novissima, & clara, & ut ipse Imperator insinuat, si anteriores leges oppositum voluerunt, earum est abrogatoria. Scio Novellas Leonis Imper: non habere legis auctoritatem in Imperio Occidentali, in quantum sunt derogatoriæ Iuris Rom: sed nego hanc esse derogatoriam.

372. Denique fundant se adversarii potissimum in c. Gemma 29. de Sponsalib. ubi refertur talis facti species. Parentes desponsant adjectâ pænâ puellam necdum septem annorum alteri. Puella ad pubertatem veniens cum alio quodam Matrimonio contraxit, prior Sponsus pænâ exegit. Relata res est ad Pontificem Greg. IX. respondit in hæc verba. *Cum libera Matrimonia esse debeant, & ideo talis stipulatio propter pænâ interpositionem sit merito improbanda, mandamus, quatenus, si est ita, eundem, ut ab extorsione prædictæ pænæ desistat, Ecclesiasticâ Censurâ compellas.* Unde sic argumentantur. Ratio quam reddit Pontifex, est universalis, pro omnibus rescriptibus, etiam injustè, nam & illorum libertas impeditur: ergo semper illicita, & inhonestæ est talis pænæ adjectio.

373. Hoc capitulum habere eandem solutionem cum L. Titia. Loquitur enim de rescriptis.

CONTROVERSIA IV.

*Quisnam teneatur constituere Dotem vel Donationem propter nuptias.*

S V M M A R I V M.

filientibus illis, qui nunquam propriâ & liberâ voluntatē in sponsalia, aut Matrimonium, necdum in pœnam, confenserunt. Talis fuit illa puella, cui adveniente usurpationis & pubertate fas fuit resiliere.

374. Urget tamen P. Aversa, non posse hunc sensum esse capituli, quia sic frustra disponeret, quod ipso naturæ ordine satis clarum est. Profectò mirabile esset, si in iure Canonico nihil disponderetur, quod est iuris naturæ, & doctis quidem clarum est, non autem indoctis, qui Pontifici proponunt. Imò ex ipsis Pontificis verbis apparet, quòd Pontifex nihil de novo statuat quoad nullitatem pœti, sed supponat, iure naturæ esse nullum: dicit enim: *Cum libera Matrimonia esse debeant.* (nunc quid hoc est iuris naturæ?) *Et ideo talis stipulatio propter pœnæ interpositionem sit merito improbanda.* Ecce! supponit ex illo antecedente, sequi, contractum esse iniquum.

375. Confirmatur responsio. Libertas matrimonii duplex consideranda est, una est, quâ liberum est contrahere vel non contrahere; ita ut neutrum membrum contradictionis sit sub obligatione, & hæc est libertas naturaliter & moraliter seu civiliter loquendo. alia est, quâ quidem physicè adhuc liberum est contrahere, sed tamen contrahere est sub obligatione, ut sit, si sponsalia præcesserunt, & non datur iusta causa resiliendi: vel econtra est sub obligatione non contrahere, v. g. si quis habeat simplex votum castitatis aut religionis &c. huiusmodi, loquendo civiliter & iuridicè, potius dicuntur esse necessaria quàm libera, nam quæ sunt inhonestæ, civiliter dicuntur esse impossibilia.

376. Pontifices itaque & Canones nullâ ratione volunt favere libertati secundi generis, quin potius pœnis Ecclesiasticis compellunt ad contrahendum matrimonium: sic qui iuramento matrimonium promissit, cogitur ad illud implendum, c. ex literis Sylviani de sponsalib. Unde etiam si contrahentes nullam pœnam adiciant sponsalibus, per sponsalia jam sibi iniecerunt necessitatem contrahendi matrimonium, nisi velint graviter peccare. Sicut ergo laudabile est, imò necessarium, ut tales gravissimis pœnis compellantur contrahere, neque talis metus dicitur officere libertati, cui jam sponte præjudicantur, ita non officiet libertati metus pœnæ solvendæ, sed potius compellet ad servandam iustitiam, & solvendum debitum, vitandūque peccatum. quomodo ergo credibile est, quòd Pontifex velit favere libertati in tali casu, cum hoc aliud non esset, quàm favere peccato? Ergo libertas cui favent Canones & Jura Cæsarea, est libertas primi generis: ergo tunc solum non erit obligatio solvendi pœnam ex pacto, quando ipsa sponsalia desinunt obligare, hoc est, quando est iusta causa resiliendi.

**C**onstituere dotem tenetur ex propriis bonis pater legitimus. 377.

An tenetur, si filia aliunde dives esset. 378.

Prolem illegitimam non tenetur dotare ultra alimenta.

Nec tenetur dotare, si filia turpiter vivat. 381.

Nec illam, quæ invito patre ante 25. an. indigno nubit. 382.

Nec prolem ingratam. 383.

Patre non habente, nec filia, an mater tenetur dotare. 384.

Deficiente patre tenetur avus paternus. eod.

An deficiente patre tenetur primò Mater, an Avus. 386.

In horum defectum, & solum in subsidium tenetur frater ex eodem patre. 389.

377 **D**ICENDUM 1. Si exstet pater legitimus, ille tenetur, & quidem ex propriis bonis. estque obligatio gravis, nisi rationabilis causa saltem ab acceleratione excuset, quales siequenter adfunt. Ratio est, quia ad officium patris spectat gubernare filiam: ergo volenti rationabiliter nubere, tenetur de marito prospicere, & consequenter dotare, & si nolit, potest à Iudice sub pœna arbitraria ad hoc compelli. Habentur hæc l. 19. ff. de Rit. Nupt. [Qui liberos quos habent in potestate, injuriâ prohibuerint ducere uxores, vel nubere, vel qui dotem date non volunt, ex constitutione Divorum Severi & Antonini per proconsules, præsidésque provinciarum coguntur in matrimonium collocare, & dotare. Prohibere autem videtur, & qui conditionem non querit.] Idem esse dicendum de filia emancipata, probabitur infra Concl. 3.

378. Dubium tamen est, an etiam deberet pater dotare, si filia aliunde dives esset. Negant probabiliter post Bartolum, Alciatum, Fachinæ lib. 10. c. 38. & Castro Palao d. 9. p. 5. §. 1. Ratio eorum est, quia diviti non tenetur pater præbere ex propriis alimenta, atqui alimentorum est major obligatio quàm dotis: ergo nec ad dotem obligabitur. Quodsi illis obijcias, quòd etiam diviti debeatur legitima: ergo hæc debebit constanti pro dote: respondent, legitimam non deberi ante mortem: unde etiam non diviti non debetur statim tota legitima pro dote, nisi pater commodè possit, ut tradit P. Molina d. 424.

379. Probabilius, tamen mihi videtur, quòd nihil referat, divèsne sit filia aut filius necne. Ità sentiunt Constantius, Constantius Rogerius, Everhardus, quos refert & sequitur Hieronymus

nymus Rath. th. 15. Perez, & Rebellus, & Castro Palao ait, esse in praxi observandum. Eandem tenent Andr. Gail. Mynfinger C. 5. obser. 32. n. 2. Hunnius vol. 2. d. 7. th. 2. q. 10. Hoc sane satis clarè supponitur in l. 7. C. de dotis promissione. supponitur inquam adesse debitum dandi dotem etiam aliunde bona habenti, ut legenti patet, & summa illius hæc est. Pater simpliciter dotando filiam habentem propria bona, si non exprelsit, de quo patrimonio, an filiz, an patris, præsumitur dotasse de propriis bonis ipsius patris: si verò exprelsit quòd dotabat de proprio patrimonio & filiz, tunc si est solvendo, intelligitur dotasse de proprio, si verò non est solvendo, intelligitur dotasse de patrimonio filiz. *Id Vivianus.* Ratio est, quia ad querendum meliorem matrum expedit habere pinguiorem dotem: ergo expedit deberi legitimam pro dote, non obstantibus propriis bonis.

380. Excipitur à Conclusionè & regula generali primò, proles illegitima, spuria aut naturalis. quam pater non tenetur dotare ultra alimentum ad quæ iure Canonico tenetur, imò iure naturali. Ratio exceptionis est, quia nullam illi legitimam debet. dos autem substituitur legitimæ & in eam computatur, ut habetur l. 129. C. de inoff. test. & alibi dicitur. Scribit tamen Andreas Gail l. 2. c. 88. n. 7. in Iudicio Imperii supremo conclusum, ut pater filiam ex damnato coitu natam modicè dotet.

381. Excipitur 2. Filia turpem & meretriciam vitam vivens. Ratio desumitur ex e., quòd talis possit exheredari. l. 19. C. eod. cui autem legitima adimi potest, etiam dos potest, quæ legitimæ subrogatur. de quo iterum alibi, & ideo leges non refero.

382. Excipitur 3. Quæ infcio & invito patre ante 25. annum ætatis indigno marito nubat. l. 3. §. 5. ff. de bonor. possess. contra tab. ibi. *cum possit avus iure suo uti cumque exheredare.* Iure tamen Canonico consensus parentum non requiritur ad valorem matrimonii, ut in Trid. definitum est. Imò, Constitutione Carolinæ in Comitibus august. anno 48. promulgatâ tit. de Sacram. Matrim. versu: *Virum autem in hoc casu parentes, &c.* non datur simpliciter parentibus potestas filias ita contrahentes exheredandi, aut earum dotem diminuendi, sed id iudicis arbitrio relinquitur. Statutis denique Bavariis cautum est, ut tales non teneantur parentes dotare dum vivant, eas autem omnino exheredare non possint, nisi turpi vel infami nupserint.

383. Excipitur 4. Proles ingrata erga patrem. arg. Novellæ 22. c. 27. circa finem. *per ingratitudinem huiusmodi obnoxii constituitur qualem leges querunt: tales namque etiam hac utilitate privamus, &c.* Uno verbo, causa sufficiens ad exheredandum, est sufficiens ad non dotandum.

384. DICENDUM 2. Patre non habente unde possit dotare, & accedente causâ ur-

gente, v. g. quia est periculum incontinentiæ, & filia non habet propria bona, tenetur Mater dotare. arg. l. 14. C. de iure dot. [Neque mater pro filia dotem dare cogitur, nisi ex magna & probabili causa, vel lege specialiter expressâ: neque pater de bonis uxoris suæ invita ullam dandi habet facultatem.]

DICENDUM 3. Deficiente patre tenetur avus paternus dotare neptem. l. 6. ff. de Collatione bonor. ibi. [& quia pater filiz, ideo avus propter filium nepoti dotem dare debet. quod si filius à patre exheredatus est, existimo, non absurdè etiam in exheredato filio idem posse defendi, nec infavorabilis sententia est, ut hoc saltè habear ex paternis, quod propter illum datum est.] (nepoti.) Quod si filius non esset emancipatus, & tamen dives, non teneri avum dotare neptem nisi ex bonis filii, tradit Palao: quamvis contrarium teneat Perez de dot. promiss. Zælius n. 14. Rebellus q. 4. n. 23. Ratio est: nam licet obligatio hæc sit ex persona filii patris neptis, tamen quia principaliter procedit ex patris potestate, iudistinctè tenet avum. & est textus in l. 5. §. 8. ff. de iure dot. [Si filius familias mutuatus creditorem delegavit, ut daret pro filia dotem, vel etiam ipse accepit, & dedit, videri dotem ab avo profectam Neratius ait, hæc tamen quatenus avus esset dotaturus neptem suam: id enim in rem avi videri versum.]

385. Confirmatur in l. 19. cit. ff. de ritu nuptiarum, generaliter & indistinctè dicitur, qui liberos in potestate habent, eos cogi in matrimonio collocare, & dotare. atqui nomine liberorum veniunt omnes descendentes, ut sup. declaratum est. Ergo. Et in hoc est notabile discrimen inter avum & patrem, quòd hic filiam etiam emancipatam debeat dotare. Nam licet iure veteri suspecto hoc quoque de patre negandum esset, ut patet ex verbis legis 19. ff. de ritu nupt. supra relatis, & aliis iuribus, nihilominus ex nova Iustiniani constitutione, quæ exstat l. fin. C. de dotis promiss. & est una ex novis Iustiniani Constitutionibus, dos filiz emancipatæ non minus atque in factis paternis existenti danda est à patre: ibi enim dicitur: *utrumne videretur pater ex ipso debito dotis, &c. dedisse.* Deinde concludit, quòd pater in dubio præsumatur dotem filiz etiam emancipatæ de suo dedisse, ex hoc fundamento, quòd sit officium patris, dotare filias: quæ omnia jam supra adducta sunt.

386. Dubium est, utrum deficiente patre teneatur primò Mater, vel Avus paternus dotare Neptem si pater & neptis inops sit, Mater autem locuples. Matrem primò obligat Castro Palao d. 9. p. 1. §. 2. n. 4. citans Fachineum lib. 10. c. 49. sed Fachineus comparat Avum cum Patre, non cum Matre. Venit ex sententia obligans Avum primo loco. Ità plerique Iuristæ, quos refert & sequitur Rebellus. q. 4. n. 24. Ratio est, quia Mater simpliciter & per se loquendo non te-

neur



netur dotare filiam, quia non habet unquam in sua potestate, & tantum per accidens in defectum, & ex aliis causis tenetur. Avus autem tenetur in defectum patris, ut jam dictum est.

387. Objicit Palao. Neptem divitem non tenetur dotare avus: atqui Neptis habens matrem divitem dives censetur propter jus ad legitimam: ergo, &c. Verum filiam esse majorem paulo ante diximus & probavimus. Nihilominus probat eam Palao.

388. Major est obligatio alendi, quam dotandi, nam illa est juris naturalis, hæc positiva: sed avus non tenetur alere neptem divitem: ergo nec dotare. Imprimis ad majorem responderi posset, etiam dotacionem esse juris naturalis. sed transmissa majore & minore, negatur consequentia, quæ est similis huic. Major est obligatio conservandi vitam comedendo, quam tuendi honorem: sed homo satur non tenetur comedere ad conservandam vitam, ergo nec tueri honorem. Itaque obligatio alimentorum præbendorum supponit pro causa necessitatem & indigentiam, quæ sublatâ cessat obligatio. ergo si neptis non est egens, non est obligatio alendi. at verò obligatio dotandi supponit pro causa acquisitionem melioris & ditioris mariti, quæ non cessat, etiam si neptis habeat propria bona, & sit dives, potest enim fieri ditior accessione bonorum avi. Huc facit (ut bene urget Hunnius) regula juris *C. de legib.* quod ea, quæ in favorem & commodum alicujus sunt introducta, ea non debeant in odium & detrimentum ejus detorqueri: atqui ad commodum filiarum pertinent ea, quæ mater aut alie personæ reliquerunt filiæ: ergo, &c. atqui detorquerentur, si propter isthæc bona filiarum dos non daretur: ergo est danda.

389. DICENDUM 4. In defectum eorum de quibus jam dictum est, & in subsidium solum si soror non habeat propria bona, tenetur frater ex eodem patre natus sororem dotare. Ità communis DD. ad quam probandam allegat Rebellus legem cum plures. §. fin. ff. de administr. & periculo tutor. ex Rebello descriptis Palao, sed quia in illo §. nihil habetur ad rem nostram, ideo Palao dixit, hæc sententiam nullo iure, sed solâ auctoritate efficaciter probari. Verum legendus erat §. penultimus, quem utique volebat citare Rebellus loco finalis §. ubi hæc habetur. *Sed non dabit dotem sorori alio à patre nata, etiam si aliter ea nubere non potuit.* unde formatur argumentum. Exceptio firmat regulam in contrarium: ergo dum excipitur soror uterina, soror consanguinea erit dotanda fratri ex obligatione, uterina verò tantum ex liberalitate, ut ibidem habetur. Hinc à fortiori colligitur, consanguineum obligari ad alendam sororem inopem, bene enim valet argumentum ab obligatione dotandi (per se loquendo) ad obligationem alendi, licet non econtra, ut patet in filio, qui tenetur alere matrem inopem, non tamen tenetur dota-

tate, ut tradunt Rebellus, Barbosa, Palao, Hunnius.

390. Quo modo obligabantur prædicti ad dotandum, eo modo obligantur eorum hæredes, ex regula generali, quia sicut in jura, ità & in obligationes succedunt. Quod intelligendum est, si jam illi de præsentî habuerunt obligationem; non si habituri fuissent, si diutius supervivissent.

Contra hæcenus positas Conclusiones, & imprimis quidem contra id, quod dictum est, patrem teneri dotare filiam etiam divitem

391. Objicies 1. Cessante ratione æquitatis, quæ suadet filias dotari, cessat quoque æquitas & vis legis filiam dotare jubentis: atqui in filia divite cessat æquitas & ratio legis, quæ hæc est, ut possint honestioribus nubere maritis. Ergo cessat obligatio. Jam suprà negavi minorem: facilius enim utique acquirit maritum, si præter dotem afferat paraphernalia.

Objicies 2. Pater non tenetur alere filiam divitem. Ergo nec dotare. Negatur consequentia. disparitas jam suprà data est in avo, quæ huc etiam quadrat.

392. Objicies 3. Contra id, quod dictum est, filiam illegitimam non esse dotandam ex obligatione. Pater tenetur filiæ spurie providere de necessariis, ut habetur. *C. cum haberes de eo qui duxit in Matr.* atqui dos est necessaria. ergo. 2. Majorem esse intelligendam de simpliciter necessariis, non de necessariis ex accidenti, quod non sit filia esse continens. Alia quæ obijciuntur, sunt jam superius dissoluta, nec repetenda.

## CONTROVERSIA V.

*Qualiter pro dote fidejussores dari, vel exigi possint.*

### S U M M A R I U M.

**M**aritus potest exigere fidejussores de dote promissa. 393.

An femina possit pro dote fidejubere. eod.

Uxor non potest, per se loquendo, à Marito exigere fidejussores de dote conservanda. 394.

Extraneus tamen dans dotem possit exigere. 395.

393. DICENDUM 1. Maritus potest exigere fidejussores de dote promissa solvenda, & hos potest uxor aut pater offerre. l. 55. ff. de Iure dot. Cum dotis causa aliquod expromittitur, fidejussor eo nomine datus tenetur.

QUÆRES, an etiam femina possit pro dote fidejubere. Ratio dubitandi est propter S. C. Vellejani beneficium, quo femina se tueri posset. Nihilominus responderetur affirmativè, & est casus diserte exceptus in leg. fin. si quis S. C. Vell. [Generaliter sancimus, ut si a major

major 25. annis, five masculus, five femina dotem pollicitus sit, vel sponderit, pro qualibet muliere cum qua Matrimonium licitum est, compellatur suam confessionem adimplere, neque enim ferendum est, &c. Cum enim scimus favore dotium, & antiquos juris conditores severitatem legis sæpius mollire, meritò & nos ad hujusmodi venimus sanctionem. Nam si spontanea voluntate ab initio liberalitatem suam ostendit, necesse est eum, vel eam suis promissionibus satisfacere, ut quod ab initio spontè scriptum, aut in pollicitationem deductum est, hoc ab invitis postea compleatur, omni auctoritate Vellejani S. C. in hac causa cessante.]

394. DICENDUM 2. Uxor per se loquendo, non potest à Marito, constante Matrimonio, vel ante fidejussorem exigere de dote conservanda, & soluto Matrimonio restituenda. l. 2. C. Ne fidejussores dotium dentur. Generali definitione constitutionem pristinam ampliatis sancimus nullam esse satisfactionem, vel mandatum pro dote exigendum, vel à Marito, vel à patre ejus, vel ab omnibus, qui dotem suscipiunt. Imò communissima Theologorum, & Juristarum sententia contra Duarenum, Cynum, Cunnanum, & Baldum apud Palao tenet, etiam si sponte fidejussorem adhiberentur, illam fidejussionem fore nullam, quod Fachineus. lib. 8. c. 76. benè colligit ex verbis Codicis Theodosiani unde lex cit. desumpta est. Ratio, inquam, datur, quia non præcisè in favorem mariti, sed potius in favorem Matrimonii, & conservandæ fiducie, seu confidentiæ uxoris erga Maritum, prohibentur exigi fidejussores: turpe enim est uxorem concedere suum corpus Marito, & in conservatione dotis plus fidere aliis, quàm Marito. Quæ est ratio Imperatoris in d. lege.

395. Ex hac ratione videtur legitimè inferri: I. quod si extraneus aliquis pro muliere dotem det, possit à Marito fidejussorem dotis servandæ exigere, quia ratio allata cessat; non enim tunc est diffidentia in muliere, sed in extraneo.

Inferitur 2. Solutio Matrimonio posse dari, & peti fidejussorem de dote reddenda. l. 7. ff. de Exceptionib. ibi. sic Mariti fidejussor post solutum Matrimonium datus in solidum dotis nomine condemnatur. In hoc enim casu cessat iterum ratio legis, ut patet. Maritus tamen ultra quàm facere possit, non tenetur. l. 12. C. seq. ff. soluto matrim. Maritum in id quod facere potest, condemnari, exploratum est; sed hoc (beneficium competentis scilicet) heredi non esse præstandum; quia tale beneficium personale est, & cum persona extinguitur.

396. Dixi in Conclusionem. Per se loquendo. Nam per accidens fieri posset, ut fidejussor exigendus esset, nempe si Maritus suâ culpâ vergeret ad pauperitatem, essetque periculum prodigendæ dotis, nec postea reddendæ. arg. cap.

per vestras, de donationib. inter virum, & uxorem. ibi. ut quoniam H. ad inopiam vergere videbatur, dos illa non assignaretur eidem, nisi cautionem idoneam de ipsa non peritura præstaret. & infra. mandamus quatenus dotem assignari faciat eidem, sub ea quàm potest cautione præstare.

## CONTROVERSIA VI.

An, & in quibus eventibus possit, constante adhuc Matrimonio, dos à Marito repeti.

### SUMMARIUM.

Marito ex culpa ad inopiam vergente, potest dos repeti pro securiore administratione. 397. An idem dicendum, si sine culpa ad inopiam vergat. 398.

Si Maritus fidejussorem daret, teneretur uxor accipere. 399.

Emendatis moribus esset illi restituenda. 400.

Non esset integrum; repetere dotem, si mulier novâ prodigalitate viri. 401.

Non potest mulier renuntiare privilegio revocandi dotem. 403.

Dotis profectitiæ repetitio constante Matrimonio, an competat uxori, an patri. 404.

397. DICENDUM 1. Si Maritus suâ culpâ ad inopiam vergat, & evidenter constet, facultates proprias Mariti non sufficere exactioni dotis, potest adhuc constante Matrimonio dos repeti ad hoc, ut ex securiore dotis administratione fructus capiantur, indeque onera Matrimonii sustententur. l. 24. ff. soluto matrim. ibi. Et constat exinde dotis exactiorem competere, ex quo evidentissimè apparuerit, Mariti facultates ad dotis exactiorem non sufficere. Clariùs habetur Novellâ. 97. c. 6. pr. post med. ibi. Quia enim dedimus mulieribus electionem etiam constante Matrimonio, si malè res Maritus gubernet, & accipere eas, & gubernare, & secundum decentem modum, &c.

398. Dubium tamen est, an sit etiam locus repetitioni, quando Maritus sine culpa, fortuito casu ad inopiam vergat. Multi affirmant, mixti lege 30. C. de Jure dot. §. fin. propter vocem Infortunii. Sed verior est sententia negans. Quia lex antè citata expressè loquitur de casu malæ administrationis. & lex 30. loquitur de casu quo maritus est minùs idoneus ad dotem administrandam. & infortunium potest etiam ex culpa contingere.

Ratio insuper est, quia si maritus ceteroquin esset idoneus, cur quæso illi administratio adimeretur, & alteri traderetur? Illud tamen concederem, quòd non esset expectandum, do-

nec matitus ad inopiam vergat, sed sufficeret, si apparet, virum male usurum rebus dotalibus, v. g. quia proprias res suas ita prodigit, ut idem periculum imminet doti. Nam Novella 97. non videtur plus requirere.

399. Si tamen maritus veller fideiussores dare, sicque idoneam cautionem praestare (prout hoc casu dari posse paulò superius dictum est) tamen si communis sententia Legistarum optionem det uxori, malitne repetere dotem, vel acceptare fideiussores, vel uti sequestro, Canonistae tamen & Theologi, ut Panormitanus, Rebellus, Molina, Palao, imò & Baldus, & Lopez apud eosdem volunt, uxorem teneri acceptare fideiussoriam cautionem, quia in capitulo *per litteras*. sup. relato, non uxori, sed Iudici datur horum remedium electio. Si ergo Iudex cautionem eligeret, hæc acceptanda esset.

400. DICO 2. Si maritus, ablata dote ita mores emendaret, ut nullum ampliùs morale periculum esset malæ administrationis, tunc probabilis est, dotem esse restituendâ. Ità post alios P. Molina d. 429. *ad finem*, & Palao p. 13. n. 13. contra Rebellum. Ratio est, quia cessante causâ debet cessare effectus. Nam Iure naturali, competit dotis administratio marito: ergo si se æquè idoneum probat, ac alius est, vel saltè qualis fuisse, dos ablata non fuisset, non est cur non restituatur dos, quia hæc restitutio etiam conduceret ad maritalem affectum conciliandum, in quem finem, ut suprà vidimus, uolunt Iura à marito idoneo fideiussores exigì, quod tamen tolerabilis longè esset, quàm administrationem alteri committi.

Obijcies: Actus perfectus & consummatus non revocatur ex eo, quòd cesset causa, ob quam inductus est. C. *factum legitimum*. de R. J. in 6. Negando actum esse consummatum, ita ut non sit conditionatus, seu ad tempus: & hoc ideo, quia fit contra naturæ ordinem. Sicut Profectus qui ejicitur ex Religione, si se emendet, est restituendus.

401. DICO 3. Si statim à principio dotis traditæ constabat uxori de moribus mariti, & periculo proximo malæ administrationis, neque tamen curavit sibi consulere de securitate dotis, nec maritus postmodum novam causam dedit, non videtur esse uxori integrum repetere dotem, aut exigere fideiussores. Ità Salicetus, Gomez, Rebellus, Molina, Palao. Ratio est, quia leges indulgentes revocationem, & fideiussorum exactionem, aut sequestrum, semper procedunt in casu novæ causæ emergentis: quare nullâ novâ causâ emergente, & uxore sponte dotem huic periculo subjiciente, non tam culpa penes maritum est, quàm penes uxorem, quæ proinde legum illarum beneficio digna non est, quod ab initio noluit usurpare.

402. Qui contrariæ sunt opinionis, moventur argumento legis 14. *¶ 17. ff. de pactis do-*

*salib.* ubi dicitur, quòd mulier non possit ullo pacto deteriorem facere conditionem dotis: atqui in casu Conclusionis videtur hujusmodi pactum intervenire non repetendi dotem, si verum est, quòd repetere non possit. Ipsi enim traditioni in illis circumstantis videtur hujusmodi pactum inesse. Negando minorem, nam talis traditio dotis non est tacitum pactum dotis non repetendæ, sed est conditio, quâ posita leges non tribuunt facultatem, dotem auferendi.

403. DICO 4. Privilegio revocandi dotem ex causis de novo emergentibus non potest mulier validè renuntiare. Probatur: nam talis renuntiatio esset pactum non utendi beneficio legis, & sic faceret peiorem dotis conditionem, atqui non potest facere uxor. L. 14. *ff. de pact. dot. De die reddenda dotis hoc Iuris est, ut liceat pacisci, dum ne mulieris conditio deterior fiat.* & l. 17. ibi. [Quod ad diem reddendæ dotis atinet, pacto existimo meliorem conditionem mulieris fieri posse, deteriorem non posse.]

Obijcies: Potest mulier renuntiare hypothecæ quam habet in bonis mariti, quia generaliter permittitur illi renuntiare certis & determinatis hypothecis. L. 21. C. ad S. C. Velleianum. [Jubemus licere mulieribus & pro uno contractu, vel certis contractibus, seu pro una, vel certis personis, seu rebus Iuri hypothecarum sibi competenti per consensum proprium renuntiare.] Atqui tali renuntiatione etiam fieret deterior conditio mulieris quoad recuperationem dotis. Ergo idem dici posset de renuntiatione de qua loquitur conclusio. Transeat antecedens (quod fortassis negari posset, & dici, quòd lex solum det licentiam renuntiandi hypothecis, quando hoc fieri potest sine præjudicio boni publici, qualis tamen non est renuntiatio præjudicans doti repetendæ, cum ad bonum publicum spectet dotem revocari posse) sed transeat Antecedens, nego consequentiam. Nam licet factâ renuntiatione hypothecæ, non possit mulier ampliùs bona mariti actione hypothecariâ avocare, potest tamen per actionem ex dote, vel per rei vindicationem repetere, ut partim superius dictum est, & infra dicetur. quare talis renuntiatio non est usque adeo in præjudicium dotis.

404. QUÆRÈS. Si dos est profectitia, an Ius repetendi dotem constante Matrimonio competat patri, an uxori filiz. Ratio dubitandi est, quia dominium est penes patrem, & solum Matrimonio ipsi competit Ius repetendi dotem: ergo etiam constante Matrimonio. Ad hoc tamen optimè respondet Rebellus n. 10. quòd quavis in repetenda dote profectitia, solum Matrimonio, principale Ius competat patri, tamen in repetenda dote constante Matrimonio, præcipuè Ius ipsi filiz competit, eò quòd de fructibus dotis sic constitutæ sustinenda sunt adhuc onera Matrimonii, & alenda familia, cujus cura potiùs ad filiam quàm patrem pertinet. Sit tamen filia ne-

gligeret hoc Ius repetendi, posset pater negligentiā supplere, & agere etiam cōstante Matrimonio, licet non nisi per mortem patris dos personæ filix consolidetur; cū verò pater soluto Matrimonio repetit dorem profectionis, eidem filix tradenda est, & in ipsius patrimonium coalescit.

## CONTOVERSIA VII.

*Quā ratione possint, vel non possint Bona Dotalia alienari, & in specie de Fundo Dotali.*

### SUMMARIUM.

**I**ure novo non potest alienari fundus dotalis in præjudicium uxoris sine causa utili, aut necessaria, aut hypothecari. 405.

Potest à Socio provocari ad divisionem, sed non provocare maritus. 406.

Si cum juramento, cum consensu uxoris alienaretur, valeret alienatio. 407.

Pro alio fundo potest utiliter alienari de consensu utriusque. 408.

Valet alienatio ex causa necessaria. 409.

Neque bona mobilia inestimata possunt alienari, si maritus non sit solvendo. 410.

Non requiritur, ne quidem iure novo (ut putat Perez) renovatus uxoris consensus post biennium. 413.

**F**undus dotalis dicitur, quæcūque res immobilis non æstimata ætimatione faciente venditionem, in dotem marito data.

405. **DICENDUM 1.** Iure novo non potest valide in præjudicium uxoris, & non ex causa utili vel necessaria, fundus dotalis alienari aut hypothecari (quæ est species quædam alienationis) nec à marito consentiente uxore, nec ab uxore consentiente Marito, nec ab ambobus simul dūm constat Matrimonium. *Inst. quib. alienare licet. pr. ibi.* [Dorale prædium maritus invitâ muliere per legem Juliam prohibetur alienare, quamvis ipsius sit dotis causâ datum: quod nos legem Juliam corrigentes in meliorem statum deduximus. Cū enim lex in solis tantummodo rebus locum habebat, quæ Italicæ fuerant, & alienationes inhibebat, quæ invitâ muliere fiebant, hypothecæ autem earum rerum etiam volente eâ: (id est, inhibebat fieri) utrique remedium imposuimus, ut etiam in eas res, quæ in Provinciali solo posite sunt, interdicta sit alienatio vel obligatio: neutrum eorum neque consentientibus mulieribus procedat, ne sexus muliebris fragilitas in perniciem substantiæ earum convertatur.] Idem habetur *L. un. §. 15. C. de Rei uxoria act.*

406. **Conclusio** procedit 1. de alienatione voluntaria non de necessaria. Hinc si fundus

sit communis, & à duobus pro indiviso possessus, hoc casu maritus non potest alterum consortem ad divisionem provocare. *L. 2. C. de fundo dot. Mariti, qui fundum communem cum alio in dotem inæstimatum acceperunt, ad communem dividendo iudicium provocare non possunt, licet ipsi possint provocari.* Ex quibus ultimis verbis constat, quodd si à socio conveniatur, validè dividet, dummodo divisio sit utilis.

407. **Procedit 2.** de alienatione, quæ non sit juramento firmata: nam si in juramento cūm consensu uxoris alienaretur, valeret alienatio. *Cap. cūm contingat. de Iurejur.* [Cūm contingat interdum, quodd cōstante Matrimonio mulieres alienationibus super rebus dotalibus, & donationibus propter nuptias consentiant, ne ulterius contraveniant, proprio sacramento firmando, ac solato, processu temporis, Matrimonio contravenire niranr, utrum hoc eis liceat, à nobis tua fraternitas requisivit. Respondemus, quodd etsi mulierum consensus in talibus non videatur obligatorius secundum legitimas sanctiones: ne tali tamen prætextu viam contingat perjuris aperire, inulceres ipsæ servare debent huiusmodi iuramenta, sine vi & dolo spontè præstita, cūm in alterius præjudicium non redundent, nec observata vergant in dispendiū salutis æternæ.] In cap. *Licet eod. in 6.* additur, Iudices sæculares ad hoc Ius Canonicum observandum per ordinarios esse Censuris compellendos. De hoc tamen agatur in tr. de *Conr. quomodo juramento firmentur.* Procedit denique, nisi uxor post biennium iterum & iterum consentiat, habente viro, unde sit solvendo, ut constabit infra ex Aurh. *Sive à me. C. ad S. C. Peli.*

408. **DICENDUM 2.** Utiliter tamen pro alio fundo in prioris locum subrogato, potest alienari de consensu utriusque. *L. fin. ff. de Jure dot.* [Fundum filix nomine pater in dotem dederat: hujus (id est patris) hæredi filix ex assse, creditoribus urgentibus patris, utilis videtur, potius fundum qui dotalis est distrahere, quodd minus fructuosus sit, & alios hæreditarios uberiore reditu retinere: maritus consentit. Si nulla in re capio sit futura, quæro an ea pars dotis, quæ in hoc fundo est, mulieri, manente matrimonio rectè solvatur? Respondit, si pretium creditor solvatur, rectè solutum.]

Quamdiu verò non substituitur fundus alius, quod res mulieris melioretur, negotium pendet, & si tandem non fiat subrogatio, alienatio est nulla, ut observat Rebellen *q. 7. f. 1. n. 5.* qui etiam verisimilius putat, quodd non sufficeret, si pecunia pro fundo dotali soluta deponebatur apud mercatorem pro usufrius certis: & hoc propter instabilitatem talis lucri. Neque oppositum probari potest ex cap. *Per vestras. de don. inter virum & uxorem.* sup. relatum, ubi dicitur, posse pecuniam alicui mercatori committi, ut de parte honesti lucri onera matrimonii sustineantur.



tur. loquitur enim cap. non de pecunia pro fundo soluta, sed de constituta pro dote.

DICENDUM 3. Valer etiam alienatio facta ex causa necessaria, cujusmodi esset, æs alienum uxoris solvendum; de consensu enim mariti permittitur alienatio fieri; cujus quidem conclusionis nullam legem claram invenio, nam quæ afferuntur, ut lex maritus. §. 1. & lex fin. ff. de Iure dot. hoc non dicunt: sed ratio id probat: quia mulier debitis contractis tenetur in conscientia satisfacere, nisi per impossibilitatem excusetur: ergo si aliter satisfacere non potest, quam venditione fundi dotalis, & Maritus consentiat, non videtur æquum, ut hac viâ satisfacere prohibeatur. Quin imò, loquendo de debitis ab uxore ante Matrimonium contractis, etiam sine consensu Mariti posse fieri venditionem, affirmat glossa ad l. Titia. 62. & ita Senatus Neapolitanus apud Ant. Caputium decis. 128. à n. 4. decidit. Verius tamen mihi videtur contrarium cum Castro Palao p. 14. n. 5. Ob hanc rationem. Quæ alienantur in fraudem creditorum ex contractu oneroso, non rescinduntur emptore dissentiente: atqui Maritus accepit bona dotalia ex contractu oneroso, sicut emptor, nempe ad alendam familiam: ergo eo dissentiente non poterit inde satisfacere creditoribus. Neque absurdum est, quòd sic debitorum solutio suspendatur usque ad dissolutionem Matrimonii, hoc enim per accidens est, & in pluribus casibus admittendum: sicut etiam per accidens sapè aliquis ex proprio delicto commodum reportat.

410. DICENDUM 4. Neque bona mobilia inæstimata æstimatione faciente venditionem, si non consistant in numero, pondere, & mensura, possunt validè alienari, si Maritus solvendo non sit. Probat solet ex l. 42. ff. de Iure dot. ubi specialiter de iis, quæ consistunt in numero, pondere, & mensura, dicitur, ea à Marito distrahi posse pro arbitrio suo, quia in hoc dantur. Ergo rectè inferitur, ea quæ non sunt huiusmodi, non posse alienari, ne quidem consentiente uxore. Communiter tamen dissentient Legistæ, hoc solum procedere, si Maritus non sit solvendo, tunc enim datur mulieri rei vindicatio, juxta leg. 30. C. de Iure dot. scilicet verò, si Maritus sit solvendo. Idè post Jasonem Mynsinger Inst. quibus alien. pr. Zælius Digest. tit. de fundo dotati. n. 3. Hunnius de Iure dot. q. 48. Ratio huius limitationis est, quia Lex Julia in specie ac nominatim de fundo dotali concepta erat, & hanc quidem Justinianus rigore auxit, ut suprâ vidimus, sed non extendit ad res mobiles: atqui quando unum ex pluribus prohibetur, cætera concessa intelliguntur. l. 12. §. cum prætor. ff. de Iudic. Accedit, quòd nulla lex dissentit res mobiles prohibeat alienare, ut patet ex legibus quæ allatæ sunt.

411. Confirmatur hæc sent. satis efficaciter ex l. 1. C. de servo pig. dato. Licet dotale mancipium vir qui solvendo est, possit manumittere, tamen si te pignori quoque datum mulieri apparuerit, invitâ eâ non posse libertatem assequi non ambigitur. Ex qua lege fit argumentum ad alias res mobiles, quæ servando servari possunt, eas posse alienari etiam invitâ uxore, si Maritus sit solvendo, & cæ res non sunt oppugnatæ mulierum.

412. Neque refert, quòd videatur eadem esse ratio de non alienandis mobilibus pretiosis, quæ de immobilibus, nam præterqu岸 quòd hoc non sit verum, cum bona mobilia plus fructuum, & emolumentorum contineant, quàm res mobiles, hoc tamen transmissò non licet à prohibitionem unius argumentari ad prohibitionem alterius, quia est prohibitio exorbitans à Iure communi, quo licet unicuique disponente de re sua pro arbitrio suo.

413. Verum hic dissimulare non possum, quòd Antonius Perez citans Joan. Fabrum, tradit l. c. n. 7. Iure novissimo non tenere alienationem specietum, h. e. rerum mobilium, nisi adhibita solennitate renovati post biennium ab uxore consensûs. pro quo allegat Auth. sive à me. C. ad S. C. Vellejanum. Verum legi, & re legi illam Auth. & semper mihi clarum visum est, eam solum loqui de rebus immobilibus. Authentica sic habet, (& est ex Nov. 61. c. 1.) [Sive à me sive ab alio pro me fiat donatio propter nuptias, quod ea ex causa NB. est immobile, neq; alienare valeo, nec obligare: in hoc ergo contractu consensus mulieris nihil proficit, quò minus demus mulieri in rem actionem in sponsalitia largitate (donatione propter nuptias) soluto Matrimonio, nisi, & secundò (id est semel atque iterum) post biennium profiteatur, & alie res viro sint, ex quibus ei consuli possit.] & §. 1. subiungitur. [Et multò magis idem in dotibus locum habet, ut non aliquid NB. immobile pro ea alienetur, vel obligetur.] Quid quæso ex his potest sine violentia trahi ad res mobiles? Postquam hæc contra Perezium conceperam, reperio meam sententiam defensam ab Hieron. Arnoldo Rath. th. 57. & ab Hunnio. l. c. q. 48. & 49. contra Bartolum, & Baldum, qui etiam observat, quòd in Novella 61. c. 1. §. 3. in fine funditis evertatur sententia contraria, dum dicit Imperator: Jam enim hæc sufficienter delimitata atq; sancita sunt: nempe Iure antiquo. Atqui Iure antiquo hoc solum sancitum erat de fundo dotali: ergo totus contextus est de hoc solo intelligendus.

414. Obijcit Bartolus, & Baldus illa verba dicti §. 3. Et multò potius hæc in dote valent, si quid dotis, aut alienetur, aut supponatur. Ad hoc respondet Hunnius, hæc verba esse referenda ad præcedentia, quæ loquuntur expresse de rebus immobilibus. Est hæc sufficientissima

suma responsio. Verum adhuc clarius respondetur, quod in Authentica, quæ ex hac Nov. desumpta est, & paulò antè recitata, expressè in §. 1. restringatur ad immobile: ut non aliquid immobile, &c. & sic evanescit totum fundamentum contrariæ sententiæ.

## CONTROVERSIA VIII.

*A quonam fundus invalide alienatus possit vindicari, aut alienatio confirmari.*

### SUMMARIUM.

**M**aritus potest vindicare fundum invalide alienatum. 415.

Videtur hoc posse etiam proprio nomine. 417.

Solutio Matrimonio potest etiam uxor vindicare. 418.

Solutio Matrimonio morte Mariti potest mulier confirmare alienationem. 419.

An Maritus teneatur emptori de Evictione, si fundus vindicetur. 420.

Rebus dotalibus valide alienatis, si Maritus vergat ad inopiam, quid remedium competat uxori. 422.

415. **DICENDUM** 1. Maritus potest, constante Matrimonio res invalidè à se alienatas ab emptore, vel quocumq; alio de rentore vindicare, seu revocare, saltem nomine uxoris, apud quam hoc ipso manet dominium naturale, quia alienatio non valuit.

416. Obijcit Regula Iuris, quod nemo possit proprio facto contravenire, tametsi absque Iuris solennitate atque adeo nulliter factum sit. l. 4. C. de Revocandis donat. 2. Imprimis in hac lege non dicitur quòd invalida fuerit donatio, sic habetur. [Cum profitearis in fraudem te alterius donasse; professionem in honestam continere intelligis. Itaque si donationem perfecisti, eam revocare non potes ex memorata allegatione sub obtentu penitentiae.] Deinde respondetur, ad summum id verum esse, quando præcisè agitur de commodò proprio, non quando de commodò alieno. Cæterum nec hoc universim verum est. Qui enim sciens Matrimonium irritum celebraret, utique posset contra factum suum venire, & ab uxore discedere.

417. Dixi: saltem uxoris nomine. Quin mihi certum est, posse proprio nomine vindicare, quia ut suprà vidimus, habet dominium civile, cujus vel maximè hic effectus est, ut competat Rei vindicatio. & habetur. l. doce Ancillam. C. de rei vind. Unde non video, quare Castro Palao hoc solum ut probabile defendat, & hanc rationem det: quòd habeat obligationem uxoris interesse & commodò consulendi.

Quæ ratio est nulla. nam hanc obligationem habet omnis administrator, & tamen non proprio nomine agit.

418. **DICENDUM** 2. Solutio Matrimonio etiam uxor potest fundum sic alienatum vindicare. Ratio, quia habet illius dominium, & jam Maritus non habet ampliùs administrationem. Quin imò si Maritus noller ipse vindicare, posset uxor, etiam constante Matrimonio, & sine consensu illius vindicare.

419. **DICENDUM** 3. Solutio Matrimonio morte Mariti, tunc primum potest mulier confirmare alienationem priùs factam à Marito, si fundus priùs redditus fuerit, & hac ratione cessaverit esse dotalis. Ratio est, quia quamdiu non redditur, manet fundus dotalis: atqui quamdiu manet dotalis, tamdiu non potest alienari, quia quamdiu mulieri competit actio, tamdiu non potest alienari. l. 3. §. 1. ff. de fundo dot. ibi. Totiens autem non potest alienari fundus, quotiens mulieri actio de dote competit, aut omnimodè competitura est. Quòd autem ante redditionem maneat fundus dotalis, habetur l. 12. eod. Etiam si dirupto Matrimonio dotale prædium esse intelligitur. Quod si Matrimonium solvatur morte uxoris, hæredes possunt ratificare alienationem, nullà præcedente receptione, quia jam desit esse fundus dotalis.

420. **QUÆRES** 1. An, si fundus dotalis invalidè alienatus, vindicetur, & revocetur, maritus venditor teneatur emptori de evictione? Respondet Molina d. 428. §. Quando fundus. cum distinctione. Vel emptor scivit esse dotalem, adeoque alienationem non valere, vel inculpabiliter nescivit. Si primum, solum potest agere ad pretium, non verò ad interesse. l. fin. §. fin. C. Communia de legatis. ibi. [Emptor autem sciens rei gravamen, adversus venditorem actionem habeat tantum ad restitutionem pretii, &c. cum sufficiat ei saltem pro pretio quod sciens dedit pro aliena, sibi satisfieri.] Si secundum, potest agere de evictione etiam ad interesse. Hæc est responsio verissima.

421. Sed obijcit sibi ipsi Molina, quòd ipse dixerit disp. 380. quòd sciens rem esse alienam, pretium perdat: ergo non potest agere ad illud. Respondet, illud verum esse, quando res fuit penitus aliena: dos autem est aliquo modo mariti. Hic locus hujus auctoris posset alicui esse causa errandi: quomodo enim Molina dicere potuit, contra apertum juris textum, quòd talis emptor non possit agere ad pretium? imò in illa disp. 380. §. Sextus. expressè dicit, quòd possit agere ad pretium emptor sciens rem esse alienam. Itaque de Iure communi potest agere ad pretium etiam docente Molina, sed de Iure Lusitano (de quo id dixerat d. 380.) pretium perdit, quo supposito ego putavi consequenter dicendum esse, quòd etiam talis emptor Iure Lusitano perderet pretium fundi dotalis scienter empti, nec responsionem Mo-

linæ

linz esse sufficientem. quod enim maritus sit dominus, nihil juvat causam emptoris. Est enim solum Dominus fictione iuris in ordine ad certos effectus, inter quos non est alienatio: ergo quoad hunc actum perinde est, ac si non esset Dominus.

422. QUÆRES 2. Casu, quo res dotales validè alienavit maritus, eò quod eam habuerit dominium etiam naturale juxta superius dicta, deinde verò maritus ad inopiam vergat, ut non sit solvendo; quid iuris aut Remedii competat uxori respectu bonorum alienatorum? Potest autem hoc tripliciter contingere, ut sit locus dubitandi 1. Si dos fuit constituta in numerata pecunia, & pro pecunia illa fuit emptum prædium, vel aliud bonum immobile, ut Molendinum, &c. 2. Si dos fuit constituta in re immobili, sed æstimata æstimatione faciente venditionem, adeoque dominium etiam naturale fuit penes maritum, & deinde hæc res fuit à marito validè alteri vendita. 3. Si talis fundus fuit cum alio commutatus. In his casibus cum distinctione & discrimine procedendum est. In primo & tertio casu distinguendum est: vel enim fundus emptus aut commutatione acceptus, manet adhuc penes maritum, aut iterum est alienatus. Si primum, competit uxori utilis rei vindicatio, ut tradunt Rebellus q. 4. n. 17. Palao p. 3. ex Juristis plures apud Balthasar sit. 1. resol. 15. n. 21. Zælius de fundo dot. n. 3. probatur ex lege 55. ff. de donat. inter virum & uxor. Uxor marito suo pecuniam donavit, maritus ex pecunia sibi donata, aut mobilem, aut soli rem comparavit, solvendo non est, & res exstant, &c. & in fine. Sed nihil prohibet, etiam in rem utilem mulieri in res ipsas accommodare. Si verò secundum dicatur, nempe quod fundus iterum alienatus sit, Petrus Barbosa, Rebellus, & Palao iterum distinguunt, & quidem si in tertium possessorem translatus sit dominium titulo oneroso, negant uxori competere utilem rei vindicationem; si verò titulo lucrativo, concedunt. Hæc tamen distinctio in nulla lege fundata est, & lex allegata paulò antè plus non requirit ad concedendam uxori utilem vindicationem, quam ut res exstet, & maritus non sit solvendo. Præterea regula generalis est, quod in casibus dubiis semper in favorem dotis pronuntiandum sit. L. in ambiguis. ff. de R. J. In ambiguis causis pro dote est respondendum. Quare verius existimo, quod uxori competat utilis rei vindicatio, quocunque titulo res ad alium pervenerit, seu lucrativo, seu oneroso, si maritus ad eam inopiam perveniat, ut ex ejus bonis dos haberi non possit. Unde sequitur, nunquam transferri in alios dominium omnimodò absolutum, sed aliquo modo conditionatum, seu revocabile in casu supervenientis inopie.

423. In secundo verò casu suprà posito, nempe si fundus fuit venditus, iterum dicendum est, uxori competere utilem rei vindicationem si

maritus ad inopiam perveniat, ut solvendo non sit, ut tradunt Rebellus l. c. n. 18. Zælius l. c. Mol. d. 426. & jam ante hos Baldus & Salyceus, colligentes id ex lege in rebus. 30. C. de Jure dot. cujus verba dedi suprà. videtur enim, fundi dominium naturale translatum quidem in maritum, sed ità ut dominium civile maneret penes uxorem ad hunc effectum. Covarr. pract. quest. c. 28. n. 8.

## CONTROVERSIA IX.

Quando & quousque Dos restituenda sit  
soluti Matrimonio.

### SUMMARIUM.

Si dos consistat in rebus immobilibus corporalibus inæstimatis, statim est restituenda soluto Matrimonio. Si in cæteris, post annum. 424. Fructus ad quem spectent. 425. Quandiu dos non restituitur, alenda est uxor ab hæredibus mariti, cum certis limitationibus. 426. Marito, Socero, & filiis Mariti ex conjugis repetente dotem susceptis, conceditur beneficium Competentie, si dos fuit æstimata. 428.

424. DICENDUM 1. Si dos consistat in rebus immobilibus corporalibus inæstimatis, æstimatione faciente venditionem, statim est restituenda: si verò in rebus mobilibus, aut incorporeis, vel in sanctis iura, vel in immobilibus corporalibus æstimatis æstimatione faciente venditionem, vel quando certa summa in valore est restituenda, intra annum primum est obligatio restituendi, nisi aliud pactum fuerit. L. un. §. ex actio. C. de Rei uxoria act. ibi. [Exactio autem dotis celebretur non annuâ, bimâ, trimâ die (id est, tribus pensionibus, ut olim) sed omnino intra annum in rebus mobilibus, vel se moventibus; vel incorporeis: cæteris videlicet rebus, quæ solo continentur, illico restituendis, quod commune utriusque fuerat actionis.] id est ex stipulatu & rei uxoriæ.

425. DICENDUM 2. Fructus dotis consentis in re frugifera inæstimata à die soluti matrimonii, pertinent ad uxorem, in cæteris ad maritum (ut suprà dictum) usus tamen reddituum seu litium, imò & dotis quæ in summa consistit, spectat ad maritum, ejusque hæredes eo tempore quo nondum teneant dotem sive ex lege sive ex pacto restituere. L. cit. §. sin autem. ibi. [Fructibus videlicet immobilium rerum parti mulieris ex tempore dissoluti Matrimonii præstandis.]

426. DICENDUM 3. Quandiu dos non restituitur, alenda est uxor ab hæredibus mariti (nisi aliunde, vel ex fructibus dotis alimenta habere possit) si tamen velit in domo hæredum

commorari, & ut alii quibus debentur alimenta, consuetas operas velis præstare. Quodsi domum mariti possideat, potest eam unâ cum ibi contentis loco pignoris retinere, donec dos solvatur. Imò si prægnans sit relicta, alenda est, quousque fœtus enixa est. non obstante, quòd bona habeat ex quibus alii possit, aut etiam si dos illi fuerit jam restituta, nihilominus alenda est ab heredibus mariti, quousque fœtus nascatur. *arg. L. 1. §. 19. ff. de ventre in poss. mitt.* [Mulier autem in possessionem missa, ita sola sine quibus fœtus sustineri, & ad partum usque produci non possit, sumere ex bonis debet, & in hanc rem curator constituendus est, qui cibum, potum, vestitum, rectum mulieri præstet pro facultatibus defuncti, & pro dignitate ejus atque mulieris.] Quæ autem à principio Conclusionis dicta sunt, hæc ratione nituntur. Dum dos apud heredes mariti remanet, eadem obligatione tenentur heredes, quâ vivens maritus tenebatur, adhuc enim habet rationem dotis: ergo ipsdem gaudet juribus: atqui maritus ratione dotis possit tenebatur uxorem alere: ergo eadem obligatione tenentur heredes, quamdiu dotem detinent.

427. Dixi: *nisi aliunde habeat, &c.* Nam si aliunde, vel ex fructibus dotis, vel operis & labore eam non dedecentibus se sustentare possit, cessat obligatio eam alendi. Ratio est, quia hi modo alendi etiam vivente Marito conduxissent, & sufficissent ad eam alendam.

428. DICENDUM 3. Marito, Socero, & filiis Mariti ex conjugē repente dotem susceptis, conceditur à Jure beneficiū competentis, si dos fuit æstimata æstimatione faciente venditionem, (de cujus natura actum est tr. 1.) *L. un. §. cum autem. 7. C. de rei uxoria act.* ibi. [Et non in solidum, sed in quantum maritus facere potest, si non dolo malo suam diminuerit substantiam; &c. in tantum quidem maritus condemnatur, in quantum facere potest, quia hoc æquissimum est, & reverentia debitum maritali, si non dolo malo versatus est: cautione videlicet ab eo exponenda, quòd si ad meliorem fortunam pervenerit, etiam quod minus persolverit, hoc restituere procuret.] Idem habetur. *§. Item si de dote. Inst. de actionib.* [Item si de dote in judicio mulier agit, placet eatenus maritum condemnari debere, quatenus facere possit, id est, quatenus facultates ejus patiuntur. Item. *L. 12. 15. 18. §. 1. ff. soluto.* Sed præ oculis habenda sunt, quæ in lege Codicis addebantur, de absentia doli mali, & cautione, &c. De socero habetur. *L. 15. §. 2. Socero quoque. cum quo nurus de dote agit, idem honor debetur, ut in id damnetur, quod facere potest.*

Hoc beneficium heredibus extraneis mariti negatur. *L. Maritum. 12. ff. solutio matrim. ibi. Sed hoc heredi non esse præstandum.* quæ verba glossa Gothofredi intelligit de extraneo, non de suo ob legem 18. eod. etiam filios mulieris, qui patri heredes

existunt, in id quod facere possunt, condemnandos Labeo ait.

429. Imò negaretur etiam Marito, si uxor esset in pari necessitate, nisi dos tota restitueretur; nam in pari necessitate creditoris debitor nunquam gaudet beneficio competentis.

Dixi in Conclusionem. Si dos sit æstimata. Nam dos inæstimata si exister, pleno jure ad uxorem redit, ut sæpe dictum. Addit P. Molina; si Matrimonium dissolutum sit morte Mariti, tunc beneficio competentis nec socerum, nec filios gaudere, etiam quoad ea bona, quæ quidem æstimata tradita sunt, sed adhuc penes Maritum exstant, idque ait constare ex lege in Rebus C. de Jure dot. Sed, ut jam supra notavi, hoc lex illa non habet, & contrarium inde efficaciter probatur, quòd talium bonorum dominium ita transiverit ad Maritum, ut non teneatur nisi ad æstimationem: atqui ad æstimationem dotis non tenetur socer, & filii, nisi in quantum possunt: ergo etiam respectu talium bonorum gaudent privilegio competentis. Neque in aliquo Legista invenio contrarium.

## CONTROVERSIA X.

*Quibus Iuris Remediis, seu actionibus uti possit uxor, vel heredes illius ad repetendam dotem soluto Matrimonio.*

### SUMMARIUM.

**I**ste Novo triplex Actio competit uxori, & heredibus illius. 430.

Actio ex stipulatu de dote exorbitat à communi regula, cum sit bonæ fidei. 432.

Convenit, etiam nullâ stipulatione interveniente. 433.

Si pater stipulatus esset, dotem sibi restitui, an actio transmittatur ad heredes. eod.

Hæc stipulatio non fugitur, quando dotem dat extraneus. 434.

Mulier in bonis Mariti habet hypothecam tacitam cum pralatione. 435.

An detur hæc hypotheca cum pralatione etiam heredibus uxoris. 436.

An mulier præferatur tantum habentibus tacitam hypothecam. 439.

Quibus creditoribus non præferatur mulier. 444.

Nimium extenditur hoc privilegium ab Hunnio. 447.

430. DICENDUM est, Iure novo triplicem actionem competere uxori, & heredibus illius Dixi. Iure novo. Nam de actionibus, quæ jure antiquo dabantur, nempe Actio

Rei



Rei uxoria, Actio præscriptis verbis, Conditio ex lege Julia, de his inquam, non est nobis hodie magnopere curandum, nos enim (licet sic loqui cum Imperatore *L. un. C. de dedit. lib. tollenda*) qui veritatem colimus, ea sola tradenda putamus, quæ obtinent.

431. Triplex, inquam, actio datur, Rei vindicatio directa, & utilis: (ut jam supra sæpius dictum est) *L. in Rebus. C. de Iure dotium*. Hypothecaria, & ex stipulatu. *1. tot. tit. C. de leg. un. Cod. de rei uxoria actione*. Actio Hypothecaria ideo convenit, quia omnia Mariti Bona sunt uxori hypothecata hypothecâ tacitâ pro dote, de qua hypotheca paulo post plura dicentur.

Quæ autem habentur ad longum in *L. un. C. de Rei uxoria actione* in exstipulatu actionem transfusa & de natura dotibus præstita, ea inquam in compendio habentur Instit. de actionib. §. fuerat, qui sic habet. [Fuerat antea & rei uxoriæ actio una ex bonæ fidei Iudiciis: sed cum plenior esse ex stipulatu actionem invenientes, omne jus, quod res uxoria antè habebat cum multis divisionibus, in actionem ex stipulatu, quæ de dotibus exigendis proponitur, translucimus, meritò, rei uxoriæ actione sublata, exstipulatu actio quæ pro ea introducta est, naturam bonæ fidei Iudicii tantum in exactione dotis iniecit, ut bonæ fidei sit. Sed & tacitam ei dedimus hypothecam. Præferri autem aliis creditoribus in hypothecis tunc censuimus, cum ipsa mulier de dote sua experietur, cujus solius providentiâ hoc induximus.]

432. Ex his verbis colligitur. 1. Quòd hæc actio ex stipulatu de dote, sit exorbitans à communi regula & natura actionum ex stipulatu, quòd alia sint stricti juris, hæc autem sit bonæ fidei: ratio hoc ita constituendi erat, quòd actio rei uxoriæ, in cuius locum substituta est, fuisset bonæ fidei, unde sic formabatur: *Quod æquius melius, iudicato*.

433. Colligitur 2. Quòd hæc actio competit, etiam si nulla stipulatio prius intervenierit, hoc est, etiam si nec Maritus stipulatus sit, sibi dotem promissam solvi, nec uxor eam sibi soluto Matrimonio restitui, fingitur enim intervenire. Et ideo datur, tam Marito, quam uxori. Marito ad obtinendam dotem promissam, uxori ad eam repetendam. §. 2. d. l. un. ibi. [Et ut plenius dotibus subveniatur, in huiusmodi actione damus ex utroque latere hypothecam, sive ex parte Mariti pro restitutione dotis, sive ex parte mulieris pro ipsa dote præstanda, vel rebus dotalibus evictis: sive ipsæ principales personæ dotes dederint, vel promiserint, vel susceperint, sive alia pro his personæ: & dos sive adventitia sive profectitia sit.]

Est tamen hæc aliqua difficultas: si pater, cum daret filiz dotem, expressè stipulatus esset, soluto Matrimonio per mortem generi, dotem sibi restitui, utrum hac stipulatione

impediretur consolidatio dotis in filia, sicut consolidaretur, si nullatahâ stipulatio intervenisset, adeoque, an talis actio transmittatur ad hæredes patris. Ratio dubitandi nascitur ex §. 11. ubi Imperator videtur universum dare filie hanc actionem præ aliis hæredibus patris. Nihilominus Petrus Barbosa ad *l. 41. n. 29. ff. soluto*, post Bartolam ait, tunc talem actionem ad patris hæredes transire, sicut transiret ad hæredes extranei sic stipulantis, cum hoc tamen discrimine, quòd teneretur Pater, aut ejus hæres hanc dotem sibi mero jure quæsitam filiz iterum nubenti restituere sine diminutione, nisi patrimonium patris adversâ fortunâ fuisset diminutum, ut habet Auth. hujus tit. [Sed quavis dos potestatis sive pactionis jure ad patrem redeat, non tamen licet ei, filia denuò nubente, diminueret priorem dotis menturam, nisi fortè substantia sua decreverat aliqua fortuitâ clades: tunc enim amplius secundo Marito in dotem præstare non cogitur, nisi quantum facultates ejus patiuntur.] Ex quâ auth. clarè colligitur, in §. 11. non esse sermionem de expressâ, sed tantum de tacita stipulatione, quæ substituta est rei uxoriæ actioni.

434. Colligitur 3. Hanc stipulationem non fingi, quando aliquis extraneus dæ dotem, unde, si talis velit dotem ad se redire soluto Matrimonio, debet hoc expressè stipulari, & tunc non ex dictâ lege, sed ex propria stipulatione actionem habebit, eaque non erit bonæ fidei, sed stricti juris. habetur. §. 13. ibi. *si non specialiter extraneus dotem dando in suam personam dotem stipulatus sit, vel pactum fecerit: tunc præsumatur, mulierem ipsam stipulationem fecisse, ut ei dos ex huiusmodi casu accedat*. Itaque talis præsumitur dotem donasse. Neque debet aliquem turbare, si legat in §. 11. sive alie personæ dederint. Nam sensus est, quòd mulieri competat actio bonæ fidei ad repetendam dotem, etiam si eam extraneus dederit.

435. Colligitur 4. Quòd mulier in bonis Mariti (non item Maritus in bonis illorum qui dotem promiserunt) habet hypothecam tacitam, vi cuius præferatur reliquis Mariti creditoribus omnibus, anteriorem hypothecam habentibus. Ità sonant ultima verba relati. §. & l. 30. C. de Iure dot. sup. relatâ. & l. 12. §. 1. C. Qui postres in pig. ibi. [Sancimus ex stipulatu actionem quam mulieribus jam pro dote instituenda dedimus, cuique etiam tacitam donavimus inesse hypothecam, poriora jura contra omnes habere Mariti creditores, licet anterioris sint temporis privilegio vallati.] Circa hoc tamen privilegii duplex quæstio & controversia suboritur.

436. Prima quæstio est, an detur hæc tacita hypotheca cum illa prælatione etiam hæredibus uxoris. In quo puncto certum est, non dari hæredibus extraneis, nam hoc ad minuitur

constitutum est. *L. un. C. de privilegio dotis. Scire debes privilegium dotis, quo mulieres utuntur in actione de dote, ad heredem non transire. Difficultas est de defendentibus, de quibus communissima sententia affirmat, & legem adductam post glossam Gothofredi, intelligit de hærede extraneo, & nos supra similem legem adduximus, in qua per hæredem solus extraneus intelligitur. Deinde non leve hujus sententiæ fundamentum habetur in *L. affiduis 12. cit. §. 1. versu exceptis*, ubi expressè dicit Imp. quòd filiis prioris uxoris (quibus postea noverca supervenit) pro dote matris suæ jam dederit hypothecam contra paternas res vel ejus creditores. Atqui nullam aliam dedit, quam illam, de qua agimus. Unde planè evanescit responsio, subtilis quidem, sed metè elusoria Antonii Fabri *Lib. 8. conject. 13.* qui se communis sententiæ opponit, quem sequitur Hunnius vol. post. d. 24. th. 7. §. 49. nec est operæ pretium eam referre, quia mihi prorsus persuasero, cum unam sententiam in foro semper prævalituram, contra Fabri nimis frequentes singularitates.*

437. Nec obstat primò, quòd privilegia personalia non transeant ad heredes, ne quidem liberos. *Æ.* Enim, illud intelligendum de personalibus strictissimè sumptis, & quæ ossibus inherant, non verò de illis, quæ conceduntur personæ intuitu liberorum, quale est hoc privilegium dotis. Exemplum clarissimum supra attulimus in beneficio competentis, ubi vidimus, quòd non obstante *L. 12. ff. soluto*, quæ simpliciter illud negat hæredibus, sit intelligenda de hærede extraneo, ob legem 18. eod. quæ illud liberis concedit. Quare eodem modo est intelligenda lex unica de privilegio dotis paulò antè relata.

438. Multò minùs obstat 2. quòd in §. *Fuerat. J. de act.* supra relato, dicat Justinianus, hoc privilegium *solius mulieris providentiæ esse introductum*, quasi verò extensio ad liberos non pertineat ad mulieris providentiam! cùm clarissimi juris sit, ideo tam multa privilegia doti & uxoris dari, quia interest Reipublicæ, eam per legitima Matrimonia & liberorum procreationem honestè quæ educationem augeri & crescere! ergo non est contra legis intentionem, favores hujusmodi ad liberos extendi, cùm æquè interfit Reipublicæ, dotem esse securam filiis, atque esse securam uxori! Huc faciunt plures juris textus. nam auth. de Nuptiis, quæ est ex Nov. 12. dicit Imperator, se ideo studere favere nuptiis, quòd generi humano inducant artificiosam immortalitatem. Plures textus vide apud Udalricum Zasium in tit. ff. solut. *L. dotis causâ. n. 8. & seqq.*

439. Secunda quæstio est, an mulier vi hujus privilegii & hypothecæ tacitæ, præferatur omnibus anterioribus creditoribus privilegiatis, vel an tantùm tacitam hypothecam habentibus, non verò ijs qui habent expressam. Hoc posterius

atenent, post Jasonem Zasium n. 21. Hottoman. n. 4. Schneidewein n. 58. VVelsenbecius n. 2. Covarr. p. 1. c. 9. n. 1. & seq. Andr. Gail lib. 2. observ. 25. n. 10. & alii plures.

440. Contraria tamen opinio, quæ est longè plurium, mihi verior, & omnino ad mentem Imperatoris esse videtur, nempe quòd etiam expressam hypothecam habentibus præferatur, quam sententiam præ cæteris accuratè propugnat Harpprecht in d. §. fuerat. Probatur 1. Si Imperator voluisset restringere ad habentes hypothecam tacitam, non debuisset omnes creditores hypothecam anteriorem habentes, adeo universaliter sermone nominare, cùm non valde multi sint quibus in iure tacita hypotheca conceditur, nempe in rebus, tutorum & curatorum (ut supra dictum) in rebus illatis & in vectis in prædium urbanum (ut etiam supra dictum) in domo, quæ reficitur pecuniâ creditâ (ibid.) & denique in contractu fisci, quæ omnia habentur in tit. *C. in quibus causis pignus, vel hypotheca tacita contrahitur*. ad hos inquam, si Imperator restringere voluisset, nec ità universaliter loqui debuisset in legibus adductis, nec adeo extollere hoc privilegium.

441. Probatur 2. Mulier in dotis exactioe præfertur creditori, cujus pecuniâ res emptæ, aut reparatæ est, ut habetur *Nov. 97. cap. 3. ibi.* [Quæsitum est igitur, si mulier prætendens privilegium super antiqua dote & augmentum, in quo etiam hoc servatur privilegium (sicut prædictum) prioribus voluerit præponi creditoribus, veniat autem & alter creditor, posterior quidem, prætendens autem pecuniis suis emptam aut reparatam uavem aut domum, aut agrum, &c. utrum oporteat dotem etiam talibus præponi, &c. Plurimum igitur super his cogitantes, non invenimus mulierem justè existentem cedere alicui tali privilegio.] Hoc præsupposito fit hoc argumentum. Talis creditor præcedit etiam habentes hypothecam expressam: ergo etiam mulier. Antecedens patet ex *L. 5. ff. qui potiores.* & *L. 7. C. eodem*. neque negat adversarij. Consequenter probatur ex regula generali: Si vinco vincentem te, multò magis ego te vincere debeo. *L. 14. §. 3. ff. de perpet. & temporalib. præscript.*

Obijciunt 1. Provisio hominis facit cessare provisionem legis: atqui creditor habens expressam hypothecam, sibi providit, mulieri autem providit lex: ergo si hæc cum illa concurrat, hæc cessat. *Æ.* Distinguendo Majorem: quando lex disponit solùm in subsidium & defectum dispositionis hominis, & sic de eadem re, de qua disposuit homo, concedo, secus nego.

442. Obijciunt 2. Fiscus & mulier paribus passibus ambulant *L. 2. C. de privileg. fisci.* [Quamvis ex causa dotis vir quondam tuus tibi sit condemnatus, tamen, si priusquam res ejus tibi obligarentur, cum fisco contraxisti, ius fisci causam tuam prævenit. Quod si post bonorum ejus

ejus (mariti) obligationem rationibus meis (id est fisco) cepit esse obligatus, in ejus bona cessat privilegium fisci.] (Ob hunc textum Gothofredus quoque in gl. in contrariam sententiam abieci sublimitur. atqui fiscus non præfertur anteriori creditori expressam hypothecam habenti. L. 4. C. eod. si fundum pignori accepisti, antequam Reipublicæ obligaretur, sicut prior est tempore ita potior est jure. Ergo nec dos præfertur. 2. Hoc argumentum nimium probare. Nam ut notat ipse Gothofredus in prædictam legem. 2. Fiscus ne quidem præfertur anteriori habenti tacitam hypothecam, & tamen illi præfertur mulier ratione dotis. Deinde Lex 2. C. de priv. Fisci. non ponit illam regulam, quam glossatores inde confinxerunt, plus enim non dicit, quàm quòd fiscus priorem hypothecam habens, præferatur mulieri & vice versa. hinc autem inepte infertur: ergo privilegium dotis conveniunt fisco & contra. Nam inde sequeretur, quòd etiam privatus creditor habens hypothecam gauderet privilegiis fisci, quod nemo dicit. Sequela probatur. Nam & fiscus præfertur privato, si ille sit prior, & privatus fisco, si hic sit posterior. L. 8. ff. qui pot. in pig. & inde ponitur regula. qui prior tempore potior jure.

443. Ulterius, leges illa quas afferunt adversarii, ad probandum, quòd fiscus non præferatur anterioribus habentibus expressam hypothecam, nempe L. si pignus. ff. eod. l. si fundum C. eod. loquuntur de bonis fisci ratione delicti obligatis, non verò de bonis obligatis & hypothecatis ratione contractus, nam in his fiscus etiam aqualiter præfertur anterioribus expressam hypothecam habentibus. l. 28. ff. de jure fisci. Si, qui mihi obligaverat, quæ habet, habiturusve esset. (est hypotheca generalis) cum fisco contraxerit, sciendum est, in re postea acquisita fisco potioris esse debere, Papinianum respondisse. quod & constitutum est. prævenit enim causam pignoris fiscus. Sed quid quid de hoc sit, illud mihi certum est, secundum legem 2. C. de priv. fisci, parem esse fisci & mulieris rationem tunc, cum soli inter se comparantur, secus, si ambo cum anteriore privato concurrant, & comparentur. Nempe quando inter se comparantur, & concurrent, vult Justinianus servari regulam: Qui prior tempore potior jure. & sic privilegiatus contra privilegium suum prærogativa non utitur. Si verò concurrant cum anteriore privato, tunc privatus vincit Fiscum (eo casu quo paulò ante dictum est, nempe si ex delicto sunt bona obligata) & mulier privatum & fiscum, non quidem concurrente cum fisco, sed cum privato qui fiscum vincit.

444. Obijcit 3. Et difficultas lex 29. C. de jure dotium. ubi circa medium expressè supponitur, esse aliquos creditores habentes hypothecam, quibus mulier non præferatur. Verba sunt hæc. sed ita eam posse easdem res vindicare vel à creditoribus posterioribus, vel ab aliis, qui non potiora jura legibus habere noscuntur. atqui non

possunt assignati alii, quàm habentes expressam hypothecam. Ergo. Imprimis hoc argumentum etiam adversarios ferit, qui dicunt, expressam hypothecam non esse à lege, sed ab homine, tacitam esse à lege: ergo cum verba allata loquantur de jure à lege concessio, uxor ne quidem habentibus tacitam hypothecam præferenda esset, quod est contra omnes: omnibus ergo hæc lex explicanda est. Respondent ergo Interpretes, quos sequitur Harpprecht, esse aliquos creditores qui potiori jure vallati sunt quàm mulier ratione dotis, & imprimis assignati fisco in causa Primpili, de quo est lex 4. C. in quib. causis pignus ratiōe contrahatur. quæ sic habet. [Satis notum est, & ratione constitutum, bona earum in dotem data quæ nuptæ sunt his qui Primpili sarcinam subeunt, obnoxia necessitati ejus teneri: verum tertio ordine, ut scilicet tunc demum ad hoc periculum mulieris patrimonium respiciat, si universis viri ac nominatorum facultatibus exhaustis, nihil residuum invenitur.] Casum hujus legis, paucis & claris verbis ponit glossa. Si ex mala administratione primpilarii factus sit debitor fisci, non solum restat obligantur ratiōe fisco, sed dos uxoris tux, ita videlicet, si bona mariti exhausta sunt, neque aliquid residuum invenitur.

Primpilus autem est Centurio, annonæ inter milites distribuendæ præfectus, qui ratione officii obligatur fisco, & non solum illius, sed & uxoris ejus bona in defectum bonorum mariti sunt fisco oppignorata. Quare si postea maritus conveniatur ratione administrationis suæ, fiscus mulieri præfertur ex communi sent. ob ingens periculum quod ex tali administratione Reipublicæ imminet, respectu cujus tanquam causæ publicæ causa dotis est censenda causa privata. Et hic est primus casus, in quo prælatio dotis non procedit.

445. Secundus casus est, quem jam supra retuli ex l. 12. C. qui potiores. §. 1. versu exceptis. nempe quando cum Noverca concurrunt liberi prioris matrimonii in exactione dotis.

446. Tertius casus est in causa funeris, quod funeraria actio, secundum aliquos causæ dotis præferatur, ne contra omnem humanitatem cadavera insépulta jaceant. l. 45. ff. de religiosis & sumptibus funerum. sed hoc alio spectat.

447. Non est hoc loco dissimulanda nimia extensio privilegii dotalis quam facit Hunnius d. 24. in Trinit. q. 48. nempe quod sit etiam locus prælationi in deposito apud maritum, ita ut mulier præferatur deponenti, quo, nescio an quid postea dicti iniquius, cum res deposita nec eminus quidem possit dici esse in bonis mariti. Unde rectè argumentatur universaliter Bacchovius tr. de actionib. d. 6. ad h. 26. In quibuscunque rebus penes maritum existentibus nulla contrahitur & contrahi potest utilis & efficax hypotheca & obligatio pignoris, in illis non po-



test præferri mulier: atqui in rebus penes maritum depositis, sicut & com modatis, locatis, pignori datis, nulla consistere & contrahi potest pignoris obligatio; ergo in illis mulier præferri non potest. Quod autem pro suo fundamento Hunnius supponit, res depositas esse in bonis mariti, falsè simul ac verè respondet Harprechte, dupondium videre, id esse falsissimum.

Et hæc de actione ex stipulatu de dote. in qua etiam illud specialiter introductum est, ut habeat locum non solum quando dos consistit in re incertâ, sed etiam quando consistit in re certa, ut ex Mynsingero notat Casparus Manzius.

## CONTROVERSIA XI.

*Quibus Exceptionibus actio Dotis elidatur.*

### S Y M M A R I U M.

**A**ctio Dotis eliditur Compensatione. 448.

Item exceptione doli ob rem evictam. 450.

Quando exceptio non numerata dotis opponenda sit. 451.

448. **P**rima exceptio est Compensatio, quæ datur Marito, ejusque hæredi, ob impensas necessarias, utiles, voluntate mulieris factas: item ob res amotas, nonnunquam etiam ob commodatas, ut si res Mariti ipso invito mulier commodavit. Habentur hæc seqq. juribus. l. 1. c. *verum amotarum*. [Compensationis æquivalenti jure postulas. Non enim prius exsolvi, quod debere te constiterit, æquum est, quàm petitioni mutæ responsum fuerit: ed magis, quod ea te persequi dicis, quæ divortii causâ amota quæreris. Cùm igitur apud competentem Iudicem ex stipulatu conveniatis, apud eundem doce, tui juris res ablatas esse.] Item L. 6. C. de *Compensat.* ubi eadem ferè formalia habentur, quod autem hæc lex amplius habet, est, quod neque scriptura, quæ cautum est acceptam esse dotem, obliget, si reverâ tradita dos non est. l. 15. §. 1. ff. *solutio Matr.* ibi. [Hæredi Mariti, licet in solidum condemnentur, compensationes tamen, quæ ad pecuniariam causam respiciunt, proderunt, ut hoc minus sit obligatus, veluti ob res donatas, & amotas, & impensas, inorum verò coercitionem non habet.] Id est, contra mores uxoris, cùm Maritus non objecerit, hæres mulieri objicere non potest. l. 12. §. 5. ff. de *act. rerum amot.* ubi de actione rerum amotarum dicitur, quod hæredibus detur, & rei persecutionem contineat, adeoque non finiatûr anno, sicut nec conditio furtiva. l. 1. ff. de *impensis in res dotales factis*. [Quod dicitur, necessarias impensas dotem minuire, sic erit accipiendum, non ut ipsæ res corporaliter diminuatur,

ut puta fundus, vel quodcunque aliud corpus, etenim absurdum est diminutionem corporis fieri propter pecuniam: cæterum hæc res faciet delinere esse fundum dotalem, vel partem ejus; manebit igitur Maritus in rerum detentione, donec ei satisfiat. Non enim ipso jure corporum, sed dotis sit diminutio: ubi ergo admittimus diminutionem dotis ipso jure fieri? ubi non sunt corpora, sed pecunia, nam in pecunia ratio admittit diminutionem fieri. Proinde si æstimata corpora in dotem data sint, ipso jure dos diminuetur per impensas necessarias.] Hæc illa lex. Quæ tamen limitationem accipiunt, nam de suo tenetur Maritus res dotales tueri, colere agros, reficere domos sumptu modico, colligere fructus, &c. Quæ limitationes habentur. l. 15. *ead.* ubi in fine additur. *Quæ autem impendia secundum eam distinctionem ex dote deduci debeant, non tam facile in universum definiri, quàm per singula ex genere, & magnitudinis impendiorum æstimari possunt.* De utilibus impensis consensu uxoris factis, habetur. l. 8. ff. de *impensis in res dotales factis*. Vitium nomine iâ faciendam deductionem quidam dicunt, si voluntate mulieris facta sint. De rebus donatis & amoris habetur. l. 7. §. 5. ff. *solutio*. Ob donationes, nam ob res amotas, ex his fructibus qui post divortium percepti sunt, compensationes fieri possunt. & l. 15. §. 1. & l. 1. C. res amot. jam recitatis supra. De commodatis habetur. l. 24. §. 6. ff. *solutio*. [Si uxor viri rem commodaverit, eaque perierit, videndum an compensationem hoc nomine pati possit, & puto, si quidem prohibuit eam Maritus commodare, statim deductionem fieri: si verò non prohibuit eam commodare, arbitrio judicis modicum tempus ei indulgeri cautionem præbeanti.]

449. Citæ hanc primam Exceptionem observandum est, non esse ex illis, quæ dantur, ubi actio non datur, quia Marito etiam actionum remedio succurrit ob impensas, nimirum 1. Conditione indebiti. 2. Rei vindicatione si res exister, aut conditione si non exister. 3. Interdum utili rei vindicatione. 4. Actione rerum amotarum. Primum habetur. l. 1. §. 2. ff. de *impens. in res dot. factis*. [Si dos tota soluta sit non habita ratione impensarum, videndum est, an condici possit id quod pro impensis necessariis compensari solet, & Marcellus admittit, compensationi esse locum. Sed et si plerique negent, propter æquitatem sententia Marcelli admittenda est.] Secundum habetur. l. 5. §. ult. cum *lege seq. ff. de donat. inter virum & uxorem*. [In donationibus autem jure civili impediitis (qualis est inter virum & uxorem) hætenus revocatur donum ab eo ab eâve cui donatum est, ut si quidem exister res, vindicetur, si consumpta sit, condicatur hætenus, quatenus locupleior quis eorum factus est. Quia quod ex non concessâ donatione retinetur, id aut sine causâ



aut ex injusta causa retineri intelligitur, ex quibus causis conditio nasci solet.] Tertium habetur. l. 29. §. 1. & l. seq. ff. eod. Si vir uxori lanam donavit, & ex ea lana vestimenta sibi confecit, uxoris esse vestimenta Labeo ait, utilem tamen viro competere vindicationem. Quartum habetur toto titulo Digestorum & Codicis, de actione rerum amotarum, & aliquid dictum est in tr. 1. cum ageretur de actione furti, & Conditioe furtiva.

450. Secunda Exceptio quæ Marito competit, est Exceptio doli ob rem evictam. l. 49. §. 1. ff. soluto. ibi. Paulus respondit pradio evictio sine dolo & culpa viri pretium petenti mulieri doli mali exceptionem obesse. Consequi enim eam pretium fundi evicti evidens iniquitas est, cum dulus patris ipsi nocere debeat. Eadem exceptio doli datur propter expensas factas l. 23. ff. eod. Et si quid in eam dotem impensum est, nec à muliere red-detur, per doli mali exceptionem servabitur. Datur tertio, ob rem uxori à Marito pro dote legatam, legato accepto. l. 46. ff. eodem per argum. à contrario. Qui dotem stipulanti uxori promiserat, eidem testamento quædam legaverat, ita tamen, ne dotem ab heredibus peteret, ea quæ legata erant, uxor ipsi capere non poterat. Respondi dotis actionem mulieri adversus heredes non esse denegandam. Ergo si legato capto adhuc dotem peteret, posset exceptione doli summoveri.

451. Tertia Exceptio est non numeratæ dotis. hæc exceptio opponenda est à Marito ejusque hærede contra uxorem infra annum, si intra biennium Matrimonium dissolvatur, infra tres menses verò, si ultra biennium usque ad decem annos protendatur: Quodsi decennium effluxerit, omnino sublata erit hæc exceptio. Auth. quod locum. C. de dote cautâ, non numerata. [Quod locum habet, si intra biennium solvatur Matrimonium, si autem ultra biennium usque ad decimum annum extendatur, & ipsi Marito & hæredi ejus intra 3. menses querela permittitur, sed si decennium transierit, querela denegatur permissa restitutione in integrum præfinita, & specialiter si minor ætas interveniat.] Cessat tamen hæc exceptio. 1. Si per Maritum steterit, quominus dotem sibi promissam exigeret, cum tamen posset. l. 33. ff. de iure dot. [Si extraneus sit qui dotem promissit, isque defectus sit facultatibus, imputabitur Marito cum eum non convenerit, maxime si ex necessitate, non ex voluntate dotem promiserat, nam si donavit, utcumque parcendum Marito, qui eum non precipitavit ad solutionem, &c.] 2. Cessat, si dotem, licet cautam sive promissam tantum, tulerit acceptam. l. 49. eod. ibi. cum verò acceptam (dotem promissam) fecit, omnimodo ad eum periculum pertinebit, perinde enim est, acsi accepit pecuniam, & eandem promissori donaverit. 3. Cessat, si soluto Matrimonio per annum tacuerit, neque eam opposuerit. l. 3. in fine. C. de dote cautâ non numerata.

ibi. ut intra annum tantum continuum à morte Mariti, vel mulieris, vel missione repudii computandum ea licentia detur.

452. Quarta exceptio posset hic poni, quæ competit conjugi ob adulterium ab altero conjugè commissum, ex quo lucratur dotem, vel contradotem. Verum de hoc egi tract. 2. de Pœnis adulterii.

## CONTROVERSIA XII.

*In qua residua quedam dubia circa Dotem & Matrimoniale Donatorem expediuntur.*

### S U M M A R I U M.

**A**N dos data ab extraneo contemplatione patris sit adventitia. 453.  
An privilegia dotis convenient rebus ex pecunia dotis emptis, aut commutatis æstimatis. 454.  
Quanam res possint in dotem dari. 455.  
Quid juris, si pater uni ex filiabus ultra patrimonii vires in dotem dedit. 456.  
An valeat promissio dotis incerta. 457.  
Quanam pacta dotalia prohibita sint. 458.  
De iure Canonico possint firmari juramento. 459.  
An dos exigenda in loco contractus facti. 460.  
Apud quem Indicem, secularem, an Ecclesiasticum causa dotis agenda sit. 461.  
An Morgengabe solis Virginitibus competat. 462.  
An de hoc dono possit mulier liberè disporre etiam pro liberis secundi Matrimonii. 463.  
An, & à quo quantitas hujus doni taxetur. 464.  
An etiam ratione hujus doni habeat tacitam hypothecam. 465.

453. **Q**UÆRITUR ergo 1. An illa dos, quæ datur ab extraneo filiz contemplatione patris, sit dos profectitia, an adventitia. Profectitia comprehenditur in l. 5. pr. & §. 1. ff. de iure dot. [Profectitia dos est, quæ à patre vel parente profecta est de bonis vel facto ejus: sive igitur parens dedit dotem sive procurator ejus, sive iussit alium dare, sive cum quis dedisset negotium ejus gerens parens ratum habuerit, profectitia dos est.] Adventitia dos dicitur, quam dedit extraneus seu quis alius præter parentem paternum. l. 16. C. de iure dot. 2. Esse profectitiam. Ità communis, contra Emanuelera Mendez. ad l. cum oportet. C. de bonis quæ lib. 7. Habetur expressè in l. 5. §. 2. ff. de iure dot. Quod si quis patri donaturus dedis, Marcellus l. 6. digest. scribit, hanc quoque à patre esse profectam, & est verum.

454. **Q**UÆRITUR 2. An privilegia dotis convenient rebus ex pecunia dotis emptis, aut permutatis cum rebus dotalibus, æstimatis æstima-

stimatione faciente venditionem. *z.* Ex supra dictis, carenus illis privilegiis gaudere, si maritus solvendo non sit, tunc enim utili actione vindicari possunt, ut supra dictum.

455. QUÆRITUR 3. Quænam res possint in dotem dari. *z.* Possè dari res omnes quæ in commercio sunt, etiam incorporales, ut hæreditas, obligatio sive nomina, ususfructus, quo in dotem constituto non tam ipsi fructus, quam ipsum jus in dotem datum censetur: atque ut ususfructus, sic etiam nuda proprietas dari potest, cui si ususfructus postea ex alio titulo accedat, consolidatio totum erit dotale. *L. 18. C. de Jure dot.* [Si focus tua fundum deducto usufructu uxori tuæ donavit, tibi que in dotem uxori quidem proprietatem, focus autem usufructum dedit: uxore tuâ rebus humanis exemptâ, fundum apud te remansisse secundum placitum inter vos fidem non ambigitur.]

456. QUÆRITUR 4. Quid Iuris sit, si pater uni ex filiabus ultra patrimonii vires in dotem dedit? *z.* Factum suum ipse revocare non potest, reliquis tamen liberis datur querela inofficiosæ dotis. *L. un. C. de inoff. dotibus.* [Cum omnia bona à matre tua in dotem dicantur exhausta, leges legibus concordare promptum est, ut ad exemplum inofficiosi testamenti adversus dotem immodicam exercendæ actionis copia tribuatur, & filiis conquerentibus emolumenta debita conferantur.]

457. QUÆRITUR 5. An valeat promissio dotis incertæ, nullam rem, aut quantitatem designando; sed in genere, se dotem daturum. Distingnuendum est, aut dotis hujusmodi promissio in boni viri arbitrium relata est, nempe quod ille dandum arbitrabitur, aut non: in priore casu subilitur dotis promissio. *L. 3. C. de dot. promiss. & nuda stipul.* [Si cum ea, quæ tibi Matrimonio copulata est, nuberet, is cujus meministi, dotem tibi, non additâ quantitate, sed quodcumque arbitratu fuisset, pro ea daturum se ritè promissit, & interpositæ stipulationis fidem non exhibet: competentibus actionibus usus ad repromissi emolumentum Iure Iudiciorum pervenies, videtur enim boni viri arbitrium stipulationi infernum esse.] Et ratio est, quia sic definit dos esse incerta, nam arbitrium certum est. In secundo casu subdistingnuendum est. Vel enim pater mulieris dotem promissit, vel alius extraneus. In priore casu utilis est promissio. *L. 69. §. 4. ff. de Jure dot.* [Gener à Socero dotem arbitratu Soceri certo die dari: non demonstratâ re, vel quantitate stipulatus fuerat, arbitrio quoque detracta stipulationem valere placuit. Et statim occurrit obiectio: quæ fieri possit ex legato incerto. Nec videtur simile, quod fundo non demonstrato, nullum esse legatum, vel stipulationem fundi constaret; cum inter modum constituendæ dotis & corpus ignotum differentia magna sit: dotis etenim quantitas pro modo facultatum pa-

tris & dignitate mariti constitui potest.] In secundo casu inutilis est promissio. *L. 1. C. de dot. promissione.* [Frustra exilimas, actionem tibi competere, quasi promissâ dos tibi nec præstita sit, cum neque species ulla, neque quantitas promissâ sit, sed hæcenus nuptiali instrumento adscriptum, quod ea, quæ nubebat, dotem dare promiserit.]

458. QUÆRITUR 6. Quænam pacta dotalia prohibita sint & improbata. *z.* 1. Quo de hæreditate vel tota vel parte aliqua alterius conjugis præmortui agitur. *L. 5. C. de pactis conventis.* ibi. [Cum igitur affirmes, dotali instrumento pactum interpositum esse vice testamenti, ut post mortem mulieris bona ejus ad te pertinerent, quæ dotis titulo tibi non sunt obligata, intelligis nullâ te actione posse convenire hæredes, seu successores ejus, ut tibi testantur, quæ nullo modo debentur.] 2. Reprobatur pactum, ut filia dote contenta nullum ad bona paterna regressum habeat. *L. 3. C. de collationibus.* [Pactum dotali instrumento comprehenditur, ut conventâ dote, quæ in Matrimonio collocabatur, nullum ad bona paterna regressum haberet, juris auctoritate improbat, nec intestato patri succedere filia eâ ratione prohibetur. Dotem sanè quam accepit, fratribus, qui in potestate manserunt, conferre debet.] 3. Reprobatur pactum, ut filia, non obstante dote nihilominus ex æqua portione patri cum fratribus succedat. *L. 15. C. de pactis.* [Pactum, quod dotali instrumento comprehensum est, ut si pater vitâ fungatur ex æqua portione ea, quæ nubebat cum fratribus patris sui esset, neque ullam obligationem contrahere, neque libertatem testamenti facienda mulieris patri potuit auferre.] Et hæc quidem de Jure Cæsareo procedunt. Nam in Regionibus diversis rata habentur hæc pacta, maxime inter Principes & Comites, ut de Germauia, Italia, & Gallia restantur. AA.

459. De Jure Canonico etiam hujusmodi pacta juramento firmari possunt. *C. 2. de pactis in 6.* [Quamvis pactum patri factum à filia, dum nupti tradebatur, ut dote contenta nullum ad bona paterna regressum haberet, improber lex civilis: si tamen juramento, nec vi, nec dolo præstito, firmatum fuerit ab eadem, omnino servari debet, cum non vergat in æternæ salutis dispendium.]

460. QUÆRITUR 7. An sicut debitum ex aliis contractibus inductum exigitur in loco quo contractus celebratus est, idem de dote dicendum sit. *z.* Negativè. hæc enim in loco domicilii mariti tempore quo fuit celebratus contractus exigenda est. *L. 65. ff. de Iudiciis.* [Exigere dotem mulier debet ibi, ubi maritus domicilium habuit, non ubi instrumentum dotale conscripsum est, nec enim id genus contractus est, ut & eum locum spectari oporteat, in quo instrumentum dotis factum est, quàm eum

in cuius domicilium, & ipsa mulier per conditionem Matrimonii erat reditura.

461. QUÆRITUR 8. Apud Iudicem Ecclesiasticumne, an secularem causa dotis agenda sit. Multi volunt, esse locum præventioni. Sed communior, & melior opinio apud Palao est, pertinere (si per se & principaliter iudicanda sit) ad secularem iudicem; ad Ecclesiasticum verò solum ad supplendam negligentiam Iudicis secularis, vel quando accessorie ad Matrimonium tanquam causam principalem iudicatur. Colligitur ex toto titulo Digestorum & Codicis de Iure dot. & specialiter ex lege 14. *prope finem*. [Quodsi in Provinciis, vel non sit alius administrator civilis, vel militaris, vel propter aliquam causam difficile sit ei, qui memoratam querelam opponit, adire eum, &c. licentiam ei damus, per virum Reverendissimum Episcopum eandem suam exceptionem creditori manifestare, &c. Et ex cap. 3. de donat. inter vir. & uxor. ibi. Quia igitur vos, qui de Matrimonio principaliter cognovistis, & de dote (*quæ est causa incidens*) accessorie cognoscere voluistis, & sententialiter definire, mandamus, &c.]

462. QUÆRITUR 9. Circa Matrimoniale donum, seu Morgengebam, an ea solis virginibus competat, vel etiam viduis. R. 1. In Hispania & Lusitania etiam viduis eam competere tradunt Ant. Gomez. Mol. & alii. R. 2. Iure Bavarico solis virginibus debetur. L. R. tit. 1. a. 1. & notat Arnoldus Rath. rh. 7. lit. C. Balthasar tit. 2. *resol. 1. n. 4.* adeo quidem, ut huic Iuri uxor renuntiare non possit nisi in scripto, saltem à duobus testibus extraneis sigillato. Hoc autem statutum, ut existimo, intelligendum est de illis, quæ saltem communi exultimatione & famâ per virginibus habentur, ut oppositum non constet, quidquid à parte rei sit, alioquin esset ansa non paucorum scrupulorum, quia non paucæ acciperent: nullo jure, cum Maritus non aliter velit transferre dominium, quam in quantum id requirit statutum.

463. QUÆRITUR 10. An hujus doni dominium ita transeat ad uxorem, ut de illo possit liberè dispendere etiam pro liberis secundis Matrimonii, si ad secunda vota transierit, vel an teneatur quoad proprietatem illud integrè reservare liberis prioris Matrimonii. Est diversa AA. opinio. Franciscus Balthasar vult posse liberè dispendere, & pro se citat Lupum valasq. & nostrum P. Molinam rr. 2. d. 431. Sed reverà Molina non habet in sensu hujus Auctoris. Contrarium tenent Molina Jurista, Gutierrez & alii apud nostrum Mol. Sed de hoc fortè infra redibit sermo.

464. QUÆRITUR 11. An & à quo quantitas hujus doni taxeetur. R. Jure Bavarico relinquatur arbitrio Mariti, à quo etiam ex usu communi potest deinceps augeri. Si tamen Maritus nullam determinaret, ad Iudicem specta-

ret determinare, cui tamen non licet ultra tertiâ partem bonorum Marito ab uxore allatorum (hoc est dotis, ut interpretatur Balthasar) taxare. L. R. Tit. 1. a. 1. Unde inferitur, quoddos promissa, non tamen soluta integrè fuit, Maritus quoque compelli non possit ad maiorem quantitatem Morgengebæ, quam quæ non excedat tertiâ partem dotis solutæ, nam illud solum quod solutum est, dici potest allatum Marito. Ususfructus ejusdem est penes Maritum. L. R. Tit. 2. a. 5.

465. QUÆRITUR 12. An sicut ratione dotis, ita ratione Morgengebæ habeat uxor tacitam hypothecam in bonis Mariti. R. Uxor ratione morgengebæ habet hypothecam Iure Bavarico in omnibus bonis Mariti, quamdiu Maritus hypothecam non constituit in bonis certis. Hæc tamen hypotheca non gaudet jure prælationis. *Gandi Process* tit. 2. a. 11.

QUÆRITUR 13. An res in morgengebam data possit à Marito saltè consentiente uxore alienari & oppignorari, aut econtra. R. 1. Affirmativè. Si tamen (de Iure Bav.) præter uxoris consensum accedat sigillatio alicujus habentis potestatem in rebus alienis sigillandi: vel si uxor per annum & diem alienationi, vel oppignorationi (cujus conscia sit) non contradicat. Balthasar *resol.* 4. R. 2. Uxor potest etiam inter vivos (*Iure Bav.*) morgengebam alienare, & Maritus consensum præstare debet. L. R. Tit. 2. a. 7.

## CONTROVERSIA XIII.

### De Pænis secundarum Nuptiarum.

#### SUMMARIUM.

VTroque Jure cessant hodie pæna secundarum nuptiarum. 466.

Quanam olim fuerint hujusmodi pænae. 468.

An cessent hæc pænae in vidua ducente vitam turpem intra annum. 469.

An requiratur partus. 470.

Quid sit fornicetur post annum luctus. 471.

Si existerint liberi prioris Matrimonii, quanam pænae improprie dictæ sint secundò nubentibus impostæ. 472.

An inter lucra à marito quesita numerentur, quæ donantur uxori contemplatione mariti. 475.

An Conjux per transitum ad secundas Nuptias amittat proprietatem illorum lucrorum, quæ aut vigore Statuti aut reciproci pacti percipit. 479.

Nullis existentibus liberis cessant omnes pænae. 483.

Inter lucra per secundas nuptias amittenda non venit ususfructus, si quem uxor à marito habuit. 486.

Non amittit proprietatem lucrorum, si maritus aut liberi renuntient. 487.

Consensus tamen tacitus non sufficit. 488.

*Probabilius filii ne quidem per expressum consensum in nuptias sibi præjudicant.* 489.

*Tenetur binuba etiam eorum bonorum proprietatem reservare liberis superstitibus, quæ per successionem liberorum prioris conjugii ab intestato ex bonis paternis accepit, secus si ex testamento successit, vel donatione inter vivos accepit.* 493.

*Pro consequendis his lucris datur liberis Rei Vindicatio.* 495.

*Item Conditio ex lege, vel Conditio sine causa.* 496. *Consultur etiam quoad res mobiles æstimatione arbitri.* 497.

*An sit Mater, ita & Pater cautionem præstare debeat.* 499.

*Mulier binuba non habet potestatem relinquendi per ultimam voluntatem posteriori marito plusquam virilem partem.* 500.

*Quodnam tempus pro ponderando excessu inspicendum sit.* 501.

*Potest binuba liberis posterioris Matrimonii relinquere quantum voluerit, dummodo liberis prioris Matrimonii legitimam relinquat.* 502.

*Quamvis Jure Codicis excessus dividendus erat inter liberos, aliud tamen est Jure Novell.* 22. 503.

*In his inducitur obligatio in conscientia ante Iudicis sententiam.* 504.

466. Quæ de secundis Nuptiis in Jure traduntur, habent affinitatem aliquam cum Jure dotium, aliisque de quibus hæcenus actum est, & ideo non pigebit aliquid de his addere. DICENDUM 1. Pœnæ propter dictæ, quibus antiquo Jure Cæsareo afficiebantur binubæ intra annum luctûs, hodie cessant, tam Ecclesiastico quàm seculari Jure. Ecclesiasticum Ius exstat. *cap. fin. de secundis Nuptiis.* Non debet legalis infamia sustinere jacturam.

467. Dices, his verbis solam pœnam infamix tolli: ergo reliquæ manent. R. Et auctoritate DD. & praxi hæc verba etiam ad reliquas pœnas merito extendi, quia ratio tollendi infamiam, est etiam ratio tollendi reliquas pœnas, nempe liberas Matrimonii, quam Apostolus Paulus indulget. *Covarr. in tit. de secund. Nup. p. 2. c. 3. §. 9. n. 7. & seqq.* Jure seculari idem receptum est, cum leges non dedignentur Sacros Canones imitari. & in hac materia maximè, quæ ratione Sacramenti, & periculi animæ, ad forum Ecclesiasticum spectat, cui Ius civile subordnari debet.

468. Hujusmodi autem pœnæ fuerunt præter infamiam, 1. hæreditatis capiendæ, legati, fidei commissi, aliorumque ultimæ voluntate relinquendorum incapax fuit; & quæ sic relicta erant, ad hæredes pertinebant, vel collegatarios aut substitutos, &c. Jure accrescendi, vel substitutionis; nisi infamia fuisset rescripto Principis abolita. *Nov. 22. 2.* Lucra, quæ ex suprema viri voluntate jam acceperat, contractis nuptiis intra annum luctûs ei tanquam indignæ au-

ferebantur, & ob factam priori marito injuriam post prælatas decem personas, in fiscum transferre-  
bantur. 3. In secundum maritum ultra tertiam partem bonorum titulo lucrativo conferre non potuit. 4. Hæreditates ab intestato non ultra tertium gradum poterat vindicare. Hæc pœnæ continentur. l. 1. c. de secund. nupt. [Si qua mulier nequaquam luctûs religionem priori viro nuptiarum festinatione præstiterit, ex Jure quidem novissimo sit infamis, præterea secundo viro ultra tertiam partem bonorum in dotem non det, neque ei ex testamento plus quàm tertiam partem relinquat. Omnium præterea hæreditatum, legatorum, fideicommissorum, supremæ voluntate relictorum, mortis causâ donationum, sit expertis: hæc namque omnia ab hæredibus, vel cohæredibus, aut ab intestato succedentibus, vindicari jubemus, &c. his etiam amittendis, quæ prior maritus ei supremæ voluntate reliquerit: quanquam hæc quæ mulieri à priori viro relinquuntur, & per inmatum Matrimonii vacuata esse cæperunt, primò à decē personis dicto prætoris enumeratis, id est ascendentibus & descendentibus, ex latere autem usque ad secundum gradum, scilicet gradibus servatis, deinde præsumi à fisco jubemus. Eandem quoque mulierem infamem redditam hæreditates ab intestato, vel legitimas, vel honorarias non ultra tertium gradum finimus vindicare.] Hæc inquam pœnæ non ampliùs incurruntur per secundas nuptias, etiam si eâ parte anni celebrantur, ut prudenter dubitari posset an proles concepta sit prioris, vel posterioris mariti, ut communiter tradunt Canonistæ.

469. Dubium tamen est, an hæc pœnæ etiam cessent in vidua intra annum luctûs libidinofam vitam ducente. Affirmat cessare Cornarius ad L. fideicommissum. n. 4. v. expredictis. C. de fideicom. Alii communiter negant cessare. Neque enim SS. Canones ejusmodi pœnas abolendo Luxuriæ favere voluerunt, sed soli nuptiarum libertati, & periculo incontinentiæ. Huc facit Novellæ. 39. c. 2. prope finem. [Si quid tale contigerit, modis omnibus eam privari antenuptiali donatione, & secundum proprietatem & secundum usum, subdandam quoque omnibus aliis pœnis, ac si secundas eam contigisset ante luctûs tempus celebrasse nuptias. Non enim aliquid ampliùs habet castitate Luxuria, &c.]

DUBITATUR tamen, utrum ad has pœnas incurrendas requiratur consuetudo & frequentia fornicationum. Ratio dubitandi est, quia DD. videntur requirere vitam inhonestam, quæ videtur importare consuetudinem. Nihilominus communis est DD. sententia, sufficere unicam fornicationem. Nam dicta Novella plures non requirit, sed dicit eas pœnas infligi propter stuprum. Et hoc esse indubitatum ait Acosta in cap. Si Pater. n. 41. de testam. in 6.



470. Putantur etiam aliqui, requiri parum, propter verba dictæ Novellæ. *Unde sancimus, si quid tale contigerit, & ante luctus tempus pepererit Malier.* Verum ex adjectis verbis constat, ex qua causa mentio fiat partus; additur enim: *Circa terminum anni, ut indubitatum sit, sobolem non ex prioris confutare Matrimonio.* Ecce! solum assumitur, ut signum factæ fornicationis, quæ plerumque non manifestatur nisi per conceptum, & uterum. Quod si aliunde constaret de fornicatione etiam non prolificâ, utique delictum non minueretur ex eo, quod imprægnatio non sit secuta.

Sed quid si fornicetur mulier post annum luctus? *æ.* Tunc non incurrit illas pœnas, quæ paulo ante enumeratæ sunt, sed illas, seu potius illis favoribus privabitur, quibus privantur viduæ nubentes post annum luctus, de quibus infra.

471. DICENDUM 1. Sunt adhuc alia pœnæ secundò nubentibus (sive ante sive post annum luctus) impositæ, non quidem in odium nuptiarum, sed ex provisione, & ad utilitatem liberorum ex prioribus nuptiis susceptorum. quare hæc pœnæ solum locum habent si existiterint liberi prioris matrimonii. De his pœnis triplex diversum lus exstat, sed solum tertium & ultimum est attendendum. Primum habetur sub titulo Codicis de secundis Nuptiis, & in lege 1. C. ad S. C. Tertul. [Mater qui defuncto filio filiarè sine liberis ex testamento vel ab intestato succedit, si matrimonium secundum post mortem filii vel filie non contraxerit, omnia filii seu filie morte delata vel derelicta pleno jure acquirat. Sin verò alterius mariti conjugium elegerit, extrinsecus quidem quæ sita filio filiarè simili firmitate possideat, rerum verò paternarum defuncti solo usufructu humanitatis contemplatione potitur, proprietatem & foribus & fratribus transmissura defuncti.] & l. 3. C. h. t. sic statutum erat. Fæminæ quæ susceptis ex priore matrimonio filiis ad secundas transierint post tempus luctus nuptias, quidquid ex facultatibus priorum maritorum sponfalium jure, quidquid etiam nuptiarum solennitate per ceperint, aut quidquid mortis causâ donationibus factis aut testamento jure directo, aut fidei commissio, vel legati titulo, vel cuiuslibet municipalis liberalitatis præmio, ex bonis priorum maritorum fuerint consecutæ, id totum, ita ut per ceperint integrum ad filios quos ex præcedente conjugio habuerint, transmittant, &c.] Deinde permittitur mulieri, ut possit uni soli filio reservare, cæteris tamen legitimam habentibus.

472. Secundum & recentius jns habetur Novellâ 2. c. 1. & Auth. lucrum. h. t. ubi corrigitur id quod ultimo loco statutum erat in præced. l. 3. his verbis. *Lucrum hoc aequaliter inter liberos lege distribuatur, nec arbitrio parentis permittitur.* Quin etiam ad eos filios hoc jus pertinet,

qui defuncti parentis hereditatem repudiaverunt. Auth. *Hæ res h. t. Hæ res lucro cedunt liberis, licet hæredes non sint patris aut matris, aut utriusque, nisi fuerint ingrati, & probetur ingratitudo.* ita ut hos defunctos filii relicti repræsentent, & eam partem auferant, quam abstulisset eorum parens si vixisset. l. 7. C. 8. nam hæc lucra non ex successione, sed ex legis beneficio tanquam æ alienum liberi consequuntur, exclusis liberis secundum matrimonium. Auth. *ad eos h. t. Ad eos solos, etiam nunc pertinet: & si quis ex eis præmoriatur, relicta sobole portio ejus ad eum deferatur.*

473. Tertium jus, hodie observandum habetur Nov. 22. cap. 23. *Si verò expectet quidem tempus mulier, & propterea effugiat prædictas pœnas* (quas diximus esse abrogatas) [ad secundum verò veniat matrimonium priores neglegens nuptias: si quidem non habeat filios (dicatur etiam denud) sine periculo est totum hoc. Si verò sit soboles, & filios ex hoc exonoratos viderit lex: tunc omni largitate à viro ad eam veniente, eam secundum proprietatis privar partem, solum ei derelinquens usum fructum]. Et hæc sancita sunt etiam super antenuptiali donatione, & super omni largitate, sive cum viveret, à viro ad eam veniente, aut etiam ex testamento, aut mortis causâ donatione, sive institutionis sit pars, sive legatum, sive fidei commissum. Et generaliter dictum est, quod omnis eam deserit proprietatis modus, in iis quæ à priori viro in eam venerunt, & filii ea percipient, & proprietatis erunt domini, secundum tempus mox quo mater conjuncta est alii viro. Et hæc communis mulieris & viri multa sit posita. nam si filie filios habens secundam eis superinduxerit uxorem, non ex dote fruetur lucris secundum proprietatis rationem, &c.]

474. Quidquid ergo binuba à marito lucrata esset, si vidua mansisset, illius proprietatem amittit, ut in textu habetur, usufructu ad dies vitæ retento. Eorum verò, quæ à marito titulo oneroso consecuta est, etiam proprietatē retinet. Inter hæc bona rectè numerantur & illa, quæ constante matrimonio communi labore & industria, v. g. negotiatione acquisita sunt: talia enim lucra non censentur ab uxore acquisita titulo lucrativo, sed potius oneroso.

475. Valde controversum est 1. An inter lucra à marito acquisita numeranda sint illa, quæ donantur uxori contemplatione mariti, quem admodum supra dictum est, ad bona profectitia pertinere, quæ donantur filio intuitu patris. Affirmat communis sententia, quam sequitur *Fav. chineseus lib. 2. c. 15. n. 10. Iulius Clarus §. donatio. q. 10. Thomas Sanchez de Matrim. l. 6. d. 26. n. 21.* Mihi tamen negativa verior videtur, quam tenet Arnoldus Rachi. *De secund. Nupt. p. 1. th. 31.* Ratio est, quia licet mulier subjecta sit marito quoad effectus matrimoniales, non est tamen sub patria potestate constituta, sed est sui juris.

Unde

Unde sicut quod quis mihi donaret intuitu amici mei, quem sibi vellet aliquis hoc modo demereri, nemo diceret, illud acquiri amico, & ab illo ad me pervenire, ita nec quod mulieri donatur intuitu mariti, non dicitur prius esse in bonis mariti, & inde ad uxorem venire. Sic etiam quæ Legatis donantur intuitu principum, non dicuntur donari Principibus, & ab illis ad legatos pervenire. Aliud enim est, aliquid fieri mihi: & aliud fieri intuitu mei, loquendo civiliter & in ordine ad comparandum dominium, quidquid sit de æstimatione affectus, quo sensu Christus dixit: *quæcunque uni ex minimis meis fecistis, mihi fecistis.*

476. Obijcit Bartolus 1. paritatem cum arrogato, cui si quid datur intuitu arrogatoris, tanquam amici aut cognati, censetur arrogatori acquiri, idque colligit ex l. 10. §. 6. ff. de Vult. & pupill. substit. ubi dicitur. *Ego etiam amplius puto, & si quid beneficio arrogatoris acquisivit, & hac substitutum posse habere: ut puta arrogatoris amicus vel cognatus ei aliquid reliquit.* Ergo idem de uxore dicendum videretur. Negando paritatem. Disparitas jam est indicata. Nam arrogatus est sub patria potestate, cuius effectus est talis modus acquirendi, ut dictum est supra. Alioquin dicendum esset, quod etiam quæ filio emancipato donarentur intuitu patris, acquirerentur patri, quod pfe Sanchez reputat absurdum.

478. Respondet quidem Sanchez, instantiam hanc non esse bonam, nec esse paritatem inter emancipatum & uxorem: quia filius emancipatus & à patre separatus sit persona extranea, quem proinde scit donator nihil habere commune cum patre: conjuges vero sunt una caro, ipsæ expensis vivunt, & habent bonorum Societatem. Cum ergo quæ uni donantur, cedant in utriusque utilitatem, merito in conjugibus consideratur, cujus contemplatione donatum sit, ad discernendum donantis animum, cui id acquiri voluerit. Sed contra est, quia etsi Iure Lusitano sit Societas bonorum inter Conjuges, ea tamen non est Iure Cæsareo: nam quisque conjugum suum patrimonium habet & retinet, sicut filius emancipatus. Imò, quæ donantur Socio intuitu Societatis non propterea fiunt communia aut acquiruntur Societati, sed propria efficiuntur socii, cui donata sunt. L. 60. ff. pro socio in fine. Nam nec compendium, quod propter Societatem ei contigisset, veniret in medium, veluti si propter Societatem hæres fuisset institutus, aut quid ei donatum esset.

479. Controversum est 2. An Coniunx pertransitum ad secundas nuptias amittat etiam proprietatem illorum lucrorum, quæ aut vigore statuti, aut reciproci pacti in casum alterutrius præmorientis superflues ex bonis defuncti percipit. Negant post alios Thomas Sanchez lib. 7. de Matr. disp. 89. n. 81. Castro Palao d. 4. de sponsal. puncto 13. §. 6. n. 2.

480. Probabilius mihi videtur etiam illa amitti. Probat. Binuba amittit lucra nuptialia ex pactis acquisita, ut constat ex supra dictis, & ex capite 1. Novellæ 2. atqui hæc pacta solent esse mutua & reciproca, ut patet etiam ex supra dictis. Ergo etiam lucra ex reciproci pactis amittuntur, & sanè hæc resolutio est conformis generalibus loquendi formulis Iuris. L. 3. C. de secundis Nupt. pr. Quidquid ex facultatibus priorum maritorum sponsalium Iure, quidquid etiam nuptiarum solemnitate percepit, &c. Omnia huiusmodi dicitur amittere. Neque fundamenta adversariorum ullius sunt momenti.

481. Obijciunt ergo 1. Quæ sic acquiruntur, non sunt mera lucra, sed conventiones reciproca, aut quasi permutationes quædam inter conjuges in casum alterius præmorientis facta: ergo non amittuntur. Negando antecedens. Quod enim uterque coniunx sua bona committat fortunæ, quæ vel ipse ex alterius bonis locupletetur, vel econtra, sine iactura propriis, non tollit rationem lucri, ut patet in illis, qui ludendo cum periculo perdendi lucrantur.

482. Obijciunt 2. Si donationes vicissitudinarie essent lucra, indigerent insinuatione: atqui ea non indigent, ut dicemus suo loco. Ergo, &c. Negando. Donationes vicissitudinarias quæ ex utraque parte in actum rediguntur, non sunt huiusmodi lucra, de quibus nunc loquimur ut patet. Deinde falsum est, quod huiusmodi pacta dotalia non indigeant ullâ insinuatione. nam licet ex parte mulieris insinuatîo non sit necessaria ad hoc, ut donationem ante nuptias etiam ultra 500. solidos ex pacto lucretur: ex parte viri tamen requiritur. Nov. 127. c. 2. Illud quoque dignum correctione aliquâ iudicantes (nempe quod erat constitutum Nov. 119.) sancimus, necessitatem habere viros ipsos, aut etiam qui pro ipsis antenuptiales donationes scribunt, si quingentorum solidorum transcendit quantitatem, insinuare eam in actis monumentorum, &c. Denique non est bona consequentia. Donatio reciproca non indiget insinuatione. Ergo non est lucrum. Nam donatio infra 500. solidos etiam non indiget insinuatione: & tamen est lucrum. Poterat etiam in conjugibus ex alio capite non requiri insinuatîo, etiam si donatio sit lucrum.

Obijci posset 3. Hinc sequi videtur, quod per secundas nuptias etiam amitteretur Maritinalè donum, quia etiam videtur habere rationem meri lucri. hoc autem est contra praxin. Negando sequelam: revera enim est donatio onerosa, quatenus prærequirit obligationem Virginitatis, necdum simpliciter debitam Iure Matrimonii, cdm uxor habeat Iure Canonico adhuc duos menses ad deliberandum: C. ex publico. de conv. conjugat. Sanè nisi huc recurramus, (quod tamen ab aliis non video observatum) mihi non apparet, quomodo non sit dona-

donatio purè liberalis : quandoquidem uxor vigore Matrimonii tenetur reddere debitum.

483. D I C E N D U M 3. Non solum si nulli liberi unquam fuerint suscepti, verum etiam, si suscepti quidem, sed ante binubam defuncti sunt, cessant pœnæ, de quibus hætenus actum est. Probatur quoad secundum membrum (nam de primo nō est dubium, ob clara verba iuris novissimi Nov. 22. sup. recitata) ex L. 3. §. 1. C. de secund. Nupt. ibi. [Omne his qui supererunt ex priore susceptis Matrimonio filiis relinquat. Et clarius Nov. 22. c. 26. Si verò moriantur omnes, & rursus ad orbitatem causa veniat, tunc ex effectum erit, quod alienatum est. Quis enim hoc etiam infringat, filiis (quibus videlicet solis hoc fecerimus) non existentibus:]

484. Obijciunt tamen adversarii 1. In lege 3. C. de secundis Nupt. pr. ad pœnas secundarū nuptiarū incurtendas plus non requiritur, quàm ut liberi ex priore Matrimonio fuerint suscepti: atqui hoc totum verificatur, etiam si postea ante matrem mortui fuerint. Ergo hac morte non eximeretur mater binuba ab his pœnis. 2. Negando majorem. nam esto lex in pr. plus non dicat, postea tamen in sequentibus verbis (ut sup. relata sunt) satis apertè hoc dicit, sicut & alius textus Nov. 22. relatus, & alii mox referendi.

485. Obijciunt ergo. 2. Per secundas nuptias translata est proprietas in liberos tunc existentes. Ergo debet eorum hæreditibus reservari. Nam postquam semel est proprietate privata, non est cur ob mortem filiorum subsecutam consolidetur proprietatis semel amissa cum usufructu retento. Ad hoc præclare respondet Arnoldus Rath, contentanæ ad id quod in simili supra respondi, nempe proprietatem non transisse adhuc in liberos absolutè, sed conditionarè, sive proprietatem hac conditione affectam: si liberi binubæ matri supervixerint: ut proinde ejusmodi lucrorum maneat causa in suspensio, sequentibus committenda fortunis, & aut perscè ab initio infirmam alienatione, si videlicet omnes liberi supervixerint, aut perscè valene, si liberos nimirum omnes ante matrem mori contingat, ut habetur. c. 26. Nov. 22. cit. quemadmodum in simili supra ex Inst. quib. modis patria pot. solvatur. §. si ab hostibus dicitur, jus patriæ potestatis, patre capto, in suspensio esse. pari modo diximus de fructibus à bonæ fidei possessore perceptis Dominum eorum esse Inerim, & revocabiliter, dum rem ipsam bonâ fide possidet.

Quæ dicta sunt, procedunt non solum si liberi mortui naturali, sed etiam si morte civili per professionem in Religione successionis incapaci, matris mortem prævenierint, ut constat ex dictis cap. 1. hujus Tractatus.

486. D I C E N D U M 4. Intra lucra per secundas nuptias amittenda non venit usus-

fructus, si quem uxor à marito habuit, & hoc quidem ex jure novissimo Nov. 22. c. 32. ibi. [Ante nos quidem (inquit Imperator) dicebat lex, si ad secundas veniret nuptias, aut pater, aut mater, statim relicto usu cadere, sicuti prius cadebat proprietate, & repente illum filiis restitui. Nobis autem non satis hoc placuit, sed volumus manere sic quoque usum, donec supersit, qui hunc habet usum fructum.] Hac novellâ corrigitur illud quod habetur lege un. C. Si secundo nupsit mulier cui maritus usum fructum reliquit. In Authentica verò statim subiecta ponitur exceptio ab hac correctione, nempe quod mulier amittat usum fructum, si à marito ea lege concessus fuit, ut ex secundis nuptiis interiret.

487. D I C E N D U M 5. Si maritus, aut liberi expressè renuntiant juri suo, mulier per secundas nuptias non amittit proprietatem lucrorum prædictorum. Ità communissima contra Giphanium ad L. hac editâli. C. de secundis nup. Ratio desumitur ex Regula generali, quod quilibet possit juri suo & favoribus renuntiare. Neque obstat ratio Giphani, quod hæc pœnæ sint legitime, & propterea à privatis non remittendæ. 2. enim, non habere amplius rationem pœnæ, certè non pœnæ puræ, sed potius rationem provisionis & favoris filiis collati.

488. D I C E N D U M 6. Consensus tamen tacitus, consistens in eo, quod liberi non contradicant nuptiis secundis, non sufficit, ut censeantur juri suo renuntiâsse, & ut mulier etiam proprietatem lucretur. Ità communis contra Decium & Menochium. Ratio est, quia, ut optimè notat Arnoldus Rath. th. 65. alioquin nunquam, aut rarissime legibus de secundarum nuptiarum pœnis locus esset, quia rarò liberi apertè contradicunt, aut ignorant hujusmodi nuptias. Confirmabitur hæc conclusio à fortiori in seqq.

489. D I C O 7. Probabilis mihi est, quod filii ne quidem per expressum consensum in nuptias (non appositâ expressâ renuntiatione) sibi in hoc puncto, & beneficio præjudicent. Ità contra communem antiquiorum (quos sequitur Sanchez l. 7. de matr. d. 89. n. 43. & Arnold. Rath, quamvis non sine formidine.) Franciscus Sarmientus, & Andreas Fachineus. lib. 3. cap. 65. & Antonius Perez. in Cod. tit. de secund. nupt. n. 20. Probatur imprimis hac ratione. Consensus expressus non est hocipso virtualis, multò minus formalis renuntiationi beneficii, ut per se patet, nam adversarii farentur, quod possent liberi tali consensui adiacere protestationem, & reservationem proprietatis: & patet etiam ex eo, quod iure Bavatico L. R. Tit. 40. a. 6. hoc expressè supponatur, dum ultra consensum requiritur expressâ renuntiatione: ergo tali consensu non sibi præjudicant filii eo modo, quo præjudicarent, si expressè renuntiarent: nam quæ



sunt ab invicem separabilia, unum non est aptum causare totum effectum, quem utrumque simul causaret. Probatur. 2. Ex eo, quod talis consensus in materia presenti non debeat civiliter haberi pro consensu, sed perinde sit, ac non contraxisse. Nam (inquit Fahineus) ita iure constitutum est, ut qui contradicendo actum impedire nequit, nullum consentiendo sibi parerit præjudicium. *L. Cajus. ff. de Pignorat. act. L. que dotis. ff. soluto matrim.* Atqui liberi non possunt discutendo nuptias impedire: ergo consentiendo nullum sibi præjudicium creant. Elegantiùs hanc rationem effert Sarmientus. Quid enim, inquit, commiserunt filii, qui matris nuptiis consentientes fecerunt id, quod iure divino & humano facere debuerunt? Matrimonio namque consenserunt, quod Apostolus approbat, Sacri Canones amplectuntur, & lus Civile non impedit, quod ipsum si tanquam impij voluissent impedire, id efficere non potuissent: succedit ergo regula: non contradicens actui, qui absque eo geri potest, non censetur consentire, ac nullum sibi præjudicium parat.

490. Contra hanc rationem ingeniosè replicat & obijcit instantiam Arnoldus Rath. Pater nequit impedire tutelam, veluti munus publicum filio delatam. *pr. Inst. qui testam. tutor dari possunt. & princ. Inst. de Excus. tut.* quia tamen non tenetur consentire, per consensum suum sibi in tantum præjudicat, ut ex mala filii administratione in solidum conveniri possit, cum aliàs, expressà approbatione cessante, tantum de peculio teneatur. *L. si filiusfam. ff. de tutel. & L. Lucius Titius 21. ff. de administ. & periculo tutor.* 2. Disparitatem apparere ex legis verbis, sic habet. [Si filiusfam. tutor à prætore datus sit, si quidem pater tutelam agnovit, in solidum debet teneri, si non agnovit, duntaxat de peculio. NB. agnovisse autem videtur (non quocunque consensu, sed) sive gessit, sive gerenti filio consensit, sive omnino attingit tutelam. (ecce! loquitur de consensu in ipsos actus filii, illos approbando, & sic aliquo modo suos faciendo, quid ergo mirum si inde in solidum teneatur?) unde cum quidam filio scripserit, ut diligenter tutelam gereret, cum scias (inquit) periculum ad nos pertinere, dixi, hunc quoque videri agnovisse: si solum monuit filium, non videtur agnita.] Clarissimè autem loquitur & rem totam declarat lex *Lucius*, ab adversario citata. [Lucius Titius, Gaium Seium filiusfam. testamento filio suo tutorem dedit. Gaius Seius sciente & consentiente patre tutelam administravit: quæro an, defuncto Gaio Seio, actio tutelæ adversus patrem ejus, & in quantum competat? Marcellus respondit, secundum ea, quæ propòsita essent, actione de peculio NB. & de in rem verso patrem teneri, nec multum videri in hoc casu facere patris scientiam & consensum ad obligandum eum in solidum (quid clarius

dici possit?) nisi fortè contutore, vel aliquo alio volente eum facere suspectum, intercessit, & quasi in se peticulum recepit.] Ecce! ad obligationem in solidum, requiritur talis consensus, qui habeat rationem fideiussionis. Nihil simile est in consensu filiorum in nuptias matris.

491. Urget idem auctor. Possent filii consentire cum reservatione expressa proprietatis. 2. Ità est, sed nego hoc esse necesse, quandoquidem nulla lex hoc requirit, & præterea solus consensus nec ex natura rei, nec ex ulla lege probatur præjudicare, sicut filius non præjudicat sibi, si matri nuptias gratuletur, quia hoc fit urbanitatis gratià, ut tradit hic ipse auctor. Ità poterunt filii non tantum urbanitatis gratià, sed etiam utilitatis & lucri gratià consentire, quia vident inde se lucrari proprietatem.

492. Obijciunt adversarii. Filii suo consensu remittunt injuriam, quæ illis inferitur per secundas nuptias: atqui ob solam hanc injuriam est constituta pœna amissionis lucrorum quoad proprietatem: ergo sublatà injurià tollitur ille effectus. 2. Negando suppositum majoris. nam postquam secundæ nuptiæ sunt ab Ecclesia canonicizatz, & ablata infamia, nulla ampliùs fit injuria filiis: (quomodocunque loquantur Iura Civilia) ergo nullam remittunt. Pari modo omnis pœna, sub formali conceptu pœnæ ablata est, & solum manet dispositio sub conceptu provisionis, & favoris. Confirmatur ex eo, quod si haberet rationem pœnæ, non deberet penitus cessare, quando nulli liberi exsistunt, quia licet tunc nulla fiat injuria liberis (si nulli unquam extiterunt) fit tamen injuria (si modum loquendi Iuris civilis attendere vellemus) marito defuncto, cujus animam contristari dicunt Iura Cæsarea: atqui tunc remittuntur hæc pœnæ, ut patet ex suprà dictis. non est ergo ampliùs habenda consideratio injuriæ.

493. DICENDUM 8. Tenetur binu-  
ba etiam eorum bonorum proprietatem servare liberis superstitibus, quæ per successionem liberorum prioris conjugii ab intestato ex bonis paternis accepit, secus si ex testamento successit, vel etiam donatione inter vivos accepit. Hæc habentur. *Nov. 22. c. 46. §. 1. & 2.* [Si igitur legitime filius testatus fuerit, & relinquat patri substantiam, sive partem ejus aliquam, hanc illi accipiat per scripturam, & habeat quod dimissum est, aut datum, & secundum proprietatem & secundum usum. Sicut enim licebat relinquere alicui extraneorum, & nihil hæredi secundæ mulieris nocebant nuptiæ, ità & matri relinquens sive institutionem sive legatum rectè relinquat & dominium & usum, sive ex rebus quæ extrinsecis advennerunt, fierit facultas, sive ex paternis: nihil ex hoc fratribus contradicere valentibus. Si autem intestatus filius moriatur, jam ad secundam



secundas veniente matre nuptias, aut postea veniente, vocetur quidem & ipsa cum filii aut filiarum fratribus secundum nostram constitutionem ab intestato ad ejus successionem, sed quanta quidem ex paterna substantia ad filium pervenerunt, eorum solummodo habeat usum.]

494. Dixi: quæ per successionem filiorum ex bonis paternis ab intestato accipit. Unde contrahitur, quid dicendum sit, de illa quota quam filius accepisset ex successione fratris, quæ tamen originaliter fuisset in bonis paternis v.g. Furunt ex prioris matrimonio tres fratres. Sempronius, Titius & Mævius. Sempronio mortuo Titius & Mævius unum cum matre ab intestato successerunt pro virilibus portionibus, singuli in 600. moritur deinde Titius, cujus hæreditas ad Mævium & Matrem devolvitur, adeoque ex illis 600. fratris (quæ originaliter ponimus fuisse paterna) mater accipit 300. quaritur an horum 300. proprietatem amittat Mævio relinquendam, eo quod originaliter proveniant ex bonis paternis. Affirmat Azebedo apud Sanch. de mat. l. 7. d. 89. n. 22. Negandum tamen est cum communi aliorum. Quia mulier non comparavit illa bona ex immediata filii Titii successione in bonis paternis, sed ex illius immediata successione in bonis fratris, unde magis ex substantia fratris quam patris profecta censetur.

495. DICENDUM 9. Pro obrinendis his lucris post mortem binubæ datur imprius liberis Rei vindicatio contra quemcunque possessorum hujusmodi rerum. l. 5. C. de secundis Nupt. ibi. *Exstantes ab omni possessore liberi vindicabunt.* & Nov. 22. c. 24. ibi. *Vindicabunt enim ea omnia filii.* Dixi. post mortem binubæ. cujus ratio redditur ex suprà dictis, quia liberi non habent proprietatem absolutè & irrevocabiliter, sed conditionatè & revocabiliter, nempe, si supervixerint matri. Ergo primum post mortem matris habent vindicationem, quia tunc primum habent dominium absolutum. Neque ad hanc actionem excludendam ullius præscriptionis, nisi tricennalis exceptio valet, & quidem eo tempore subducto, quo liberi vel impuberes, vel in patris potestate constituti fuerunt. Nov. 22. c. 24. in fin. ibi. [Non aliter excludendi nisi tricennale transeat tempus, incipiente filiis tempore currere, ex quo suæ potestatis apparuerint existentes aut facti.]

496. Datur præterea etiam Condictio ex lege, vel Condictio sine causa adversus alienantem illiusque hæredes, ad eorumdem æstimationem persolvendam. l. 5. C. de secund. Nupt. ibi. *ab Hæredibus ejus exigunt, qui eas servare debuerunt.* Quia verò (ut bene dicitur Arnoldus Rath parte 2. th. 23. de secund. Nupt.) hæc actio, utpote non respicit, sed tantum personam alienantis, & hæredum æsticiens, facile tam per bonorum di-

stractionem, quam per concurrentium aliorum creditorum prælationem inanis reddi posset, ideo pro majori securitate conceditur liberis hypotheca in facultatibus binubæ, non demum à tempore contracti secundi Matrimonii, sed ex eo die quo eadem res ad eam (binubam) pervenit. ut sic possint per hanc retroactionem aliis creditoribus præferri. L. 6. §. Omnibus. C. de secund. Nupt.

497. Consultitur denique adhuc alio Iuris remedio quoad res mobiles, quas mulier à marito lucrata est. Eas enim æstimat arbiter electus à matre & liberis, qui postquam juratus indicaverit pretium illarum rerum, traduntur deinde res illæ mulieri, sed ita, ut satisfatione caveat, salva earum rerum corpora, vel pretium post mortem suam liberis esse restituendum, si liberi supervixerint. Quod si mater nolit, aut non possit satisfacere, debet earum rerum possessio transferri ad liberos prioris matrimonii, si quidem ipsi satisfecerint, quanti res ab electo arbitro fuerint æstimate, ejus pecuniæ matri loco ususfructus, quor annis datum ita quatuor pro centum. Ita habetur in L. 6. §. 1. C. de secund. Nupt. iisdem propè verbis. (hodie tamen in Imperio solvuntur quinque pro centum) ubi tandem additur: [Sin autem utraque pars prædictam fideiussionem dissimulaverit, aut fortè offerre nequiverit, eadem res apud mulierem usque ad diem vitæ suæ manebunt.]

498. Porro quia hæc lex solum de matre loquitur, ne quis putaret, in patre binubo rem aliter se habere, maximè quod filiis denegeretur hypotheca in bonis patris binubi L. cum oportet. §. 2. C. de bonis quæ liberis. ibi. *Non autem hypothecam filiam.* adversus res patris viventis adhuc seu jam mortui sperare audeant. Ideo in L. 8. §. in illo. 4. declarat Imperator, quoad lucra liberis prioris matrimonii servanda nullum esse discrimen inter patrem & matrem ad secundas nuptias transeuntem. [Præcipimus exemplo matris, cujus res post secundas nuptias filiis ex prioris matrimonio natis in hypotheca suppositæ sunt, ad conservanda eis lucra, quæ ex prioris matrimonio ad eam pervenerunt, patris quoque bona, quæ habet, habiturusque est, filiis ex prioris matrimonio natis post secundas ejus nuptias ad ea conservanda, quæ ex eorum matre lucratus est, supposita esse.]

499. An autem pater etiam cautionem præstare debeat, ut paulò antè de matre dictum est, negavit Cujacius ad l. 6. §. fin. C. de secund. nupt. Sed immeritò & contra textus satis claros, quibus hic casus excipitur à privilegio patri cæteroquin concessio immunitatis à satisfatione. l. 6. §. 1. [In suprà dictis autem casibus fideicommissorum servandorum satisfationem cessare jubemus, si non specialiter eandem satisfationem testator exigi disposuerit, & NB. cum pater, vel

mater secundis existimant nuptiis non abstinendum. (*Eccē hunc casum exceptum*) in his enim duobus casibus necesse est, ut eadem satisfactio pro legitimo ordine præbeatur. ] Quæ constitutio confirmatur in Nov. 22. c. 41. ibi. *Nisi secundas pater contraxerit nuptias : sit enim & hæc secundo nubentibus pœna.* Et quamvis hoc loco sit mentio de satisfactione *legatorum servandorum causâ* liberis præstandâ, à fortiori tamen exigi poterit in lucris, in quibus pater & mater quoad cautionem æquiparantur in l. 6. cit. §. 1. ut vidimus.

500. DICENDUM 10. Mulier binuba non habet potestatem relinquendi per ultimam voluntatem, aut dotis nomine, aliòve pacto posteriori marito plus quam virilem partem seu portionem, juxta textum. l. 6. pr. C. de secund. Nupt. [Hæc edictali lege in perpetuum valiturâ sancimus, si ex priore Matrimonio procreatis liberis pater, matervæ ad secunda, vel tertia, aut ulterius repetiti Matrimonii vota migraverit, non sicut licitum novercæ, vel vitrico, testamento, vel sine scriptura, seu codicillis, hæreditatis jure, sive legati, sive fideicommissi titulo, plus relinquere, nec dotis, aut antenuptialis donationis nomine, seu mortis causâ habitâ donatione conferte, nec inter vivos conscribendis donationibus, quam filio, vel filiæ, si unus, vel una exstiterit. Quodsi plures liberi fuerint, singulis æquas partes habentibus, minimè plus, quam ad unumquemque eorum pervenerit, ad eorum liceat vitricum, novercæque transferri. Sin autem non æquis portionibus ad eosdem liberos memoratæ transiverint facultates: tunc quoque non liceat plus eorum novercæ, vel vitrico testamento relinquere, vel donare, seu dotis, vel antenuptialis donationis titulo conferre, quam filius, vel filia habet, cui minor portio ultimâ voluntate derelicta, vel data fuerit, aut donata, itâ tamen ut quarta pars quæ eisdem liberis debetur ex legibus, nullo modo minuat, &c. Quam observationem in personis etiam avi, vel aviæ, proavi & proaviæ nepotum, vel neptum, item proneporum, vel proneptium sive in potestate, sive emancipati emancipatæve sint, ex paterna, vel materna linea venientibus custodiri censemus. Sin verò plus, quam statutu est aliquid novercæ, vel vitrico relictu, vel donatum, aut datum fuerit, tanquam non scriptum, neque derelictum, vel donatum, aut datum sit, ad personas deferri liberorum, & inter eas dividi jubemus, omni circumscriptioe, si qua per interpositam personam, vel alio quocunque modo fuerit excogitata, cessante.]

501. Quodnam verò tempus pro ponderando excessu inspiciendum sit, declaratur Nov. 22. c. 28. [Unde, ut non circa hoc erremus, tempus illud considerandum est, secundum quod binubus moritur, & portio inde sumenda, & se-

cundum eam id quod plus est contemplantes auferre quod transgreditur oportet, & filiis applicare: in omnibus talibus non ab initio donatio, aut scriptura respicienda, sed qui vocatur eventus considerandus est.]

Finge ergo maritum habentem in bonis 400. donasse uxori, aut testamento legasse 200. postea verò opes infortunio diminutas usque ad 100. superflite filio uxor non consequetur nisi 100. quia filius auferet 100.

Hinc autem notabile valde corollarium infert Arnoldus Rath. 3. p. th. 6. Nempe non esse restituendos fructus ex dotis excessu ultra virilem portionem secundo marito constitutæ perceptis, dum mulier binuba vixit. Nam cum (ut supra dictum) hujusmodi excessum filii non vindicent nisi mortuâ matre, & ideo ejus æstimandi gratiâ Patrimonium tempore mortis, non constitutæ dotis inspiciatur, subsistit usque ad mortem dos, quantacunque fuerit: ergo fructus ex eo percepti penes maritum pleno jure manebunt. Ratio ulterior est, quia potuisset binuba in vita sua augere Patrimonium eò usque, ut in sua donatione nihil excessisset.


502. DICENDUM 11. Potest tamen binuba liberis posterioris Matrimonii relinquere quantum voluerit, dummodo liberis prioris Matrimonii suam legitimam relinquat. Ratio est: tum quia hoc posset extraneo, cur non & liberis? tum quia ad hoc expressa licentia illis conceditur Nov. 22. cap. ult. ibi. *Nam si aliquem ex secundis habuerit nuptiis, aut etiam Primis ita festivum itâ dilectam, ut velint præponere eum aliis in possessione, damus licentiam hoc agendi.* Ex quibus verbis apparet, non per modum legis obligantis, sed potius adhortationis & consilii dictum prius esse ead. Nov. & eod. cap. *Non erit iustum, ad secundam omnino declinare prolem, & quod ex lege est tantummodo relinquentes prioribus, alia omnia ad secundos deducere, sed aliquid & prioribus adiacere.* ubi vox. *Iustum.* idem est, quod *Decens, & conveniens*, sed non ex obligatione.

503. DICENDUM 12. Quamvis jure Codicis. l. quoniam. C. de secund. nupt. hujusmodi excessus marito secundo collatus ex æquo dividendus esset inter liberos tam posterioris quam prioris Matrimonii, hoc tamen Iure Novellarum correctum est. Nov. 22. c. 27. his verbis. [Quod plus est in eo quod relictu, aut datum est, competit filiis, & inter eos solos ex æquo dividitur ut oportet. Nam quæ ex secundis nuptiis filios participari etiam horum scriptum quidem in quadam constitutione est (nempe in l. paulo ante cit.) non tamen etiam nunc nobis placet. Sed ea priori Matrimonio filiis propter quos & observatum est, detur solis.]

DICENDUM 13. Binuba non potest prætectu ingratitudinis revocare donationes filiis prioris Matrimonii factas nisi casibus expressis Nov. 22. c. 35. [Mater tamen donans aliquid filio de suo, si ad secundas venerit nuptias, non poterit per occasionem ingratitudinis revocare quod datum est. Non enim ex pura videtur voluntate ingratitudinem introducere, sed secundas nuptias considerans ad hanc venisse cogitationem putabitur: nisi tamen apertè filius, aut circa vitam ipsam insidians matri, aut manus inferens impias, aut circa substantiâ totius ablationem agens adversus eam aliquid declaretur.] Hæc pœna non haberet locum vitrico defuncto, quia cessaret præsumptio allata in hac constitutione.

504. DICENDUM 14. Ea quæ hæc genus dicta & iure Codicis constituta sunt, inducunt obligationem in conscientia, nec ulla Iudicis sententia expectanda est, quidquid dixerit P. Layman. lib. 5. tr. 10. p. 3. c. 6. n. 10. v. Dico. 3. Ratio patet ex dictis in tract. de Legibus Contr. 1. Quia hæc leges ex primaria sua institutione & legislatoris intentione favorem spectant non pœnam, & ideo simpliciter favorabiles sunt, & quia ex verbis legum clarè constat, quod dominia & proprietates ipso jure attri- buant liberis. & ità supponunt cæteri Theologi.





R. P. CHRISTOPHORI  
HAUNOLDI  
E SOCIETATE JESU,

TRACTATUS V.

DE MODIS  
ACQVIRENDI  
RERUM DOMINIA


INDEPENDENTER AB ALTERIUS  
VOLUNTATE,  
TAM JURE GENTIUM,

*Quam*  
JURE CIVILI.



**M**odi acquirendi Dominium alii sunt de Jure Gentium, seu Naturali, alii de Jure Civili. §. *Singulorum. Inst. de rerum divis.* Prioris generis varii enumerantur: Occupatio, Nativitas, Alluvio, Specificatio, Confusio, Permixtio, Accessio, Ædificatio, Plantatio, Fructuum perceptio, Traditio, &c. Posterioris generis enumerantur: Usucapio seu Præscriptio,

Donatio, Hereditas, Legatum, Fideicommissum, Bonorum Possessio, Acquisitio per arrogationem, de quibus agit Iustinianus in Institutionibus à titulo 6. lib. 2. usque ad titulum 14. libri tertii. quod etiam pertinent Modi acquirendi per certa Contractuum genera. Sed nos hoc tractatum de illis agemus, quibus acquiritur independenter à voluntate alterius, ut est Præscriptio, seu Usucapio, & Successio ab Intestato.



CAPUT



# CAPVT PRIMVM.

## DE MODIS ACQUIRENDI JURE GENTIUM.

### CONTROVERSIA I.

*De Modo acquirendi per Inventionem, seu Occupationem.*

#### S V M M A R I V M.

**B**ona inventa alia habent, alia non habent Dominum. 1.

Ad acquirendum inventionem requiritur corporalis apprehensio. 2.

Quæ nullius in bonis sunt, fiunt primò occupantis. 3.

Mineralia, &c. in loco communi reperta, Jure gentium inventori cedunt. 4.

Quandonam præsumi possit Dominus rem suam habere pro derelicta. 5.

Quomodo longinquitas temporis faciat rem esse sine Domino. 6.

Res à vero Domino pro derelicta habita, sit occupantis. 8.

Definitio Thesauri. 10.

Inventio Thesauri hodie magna ex parte est modus acquirendi Jure Civili. eod.

Quid circa Inventionem diversam Thesauri diversum statutum sit. 11.

Si inventiatur Thesaurus fortuito in loco sacro, quid Juris. 14.

Jura circa hoc punctum videntur pugnantia. 15.

Quid si Thesaurus inventiatur in fundo usufructuarii. 18.

An, si sciam Thesaurum latere in agro alieno, possim agrum emere eo solo pretio, quod valet secluso Thesauro. 19.

An saltè ex æquitate dividendus. 20.

Quà actione consequi possit Dominus suam portionem. 23.

Inventor rerum amissarum tenetur adhibere media ordinaria ad agnoscendum Dominum. 24.

Quid Juris, aut obligationis sit post factam inquisitionem Domini non reperti. 25.

Non videtur esse obligatio Jure naturæ, expendendi in usus pios. 26.

De PP. Mercenariis & Trinitariis. 31.

Bona incerta, sed non inventa aliqua debentur sine delicto. 33. Alia ex delicto. 34.

Non reputantur incerta, si constet deberi uni ex duobus aut tribus. 35.

Probabilius est, debita incerta ex delicto Jure naturæ esse pauperibus distribuenda, vel ad alios pios usus applicanda. 38.

Voluntas præsumpta Domini non est regula, aut ratio universalis. 41.

Ratio à priori præsentis obligationis. 43.

#### §. I.

*De Inventionem in genere.*

1. **N**otandum 1. Bona quæ inveniuntur, sunt duplicis generis, aliqua in nullius unquam dominio fuerunt, vel certè si fuerunt, esse desierunt, eò quòd vel ob temporis longinquitatem, quo possideri desierunt, jam Domino careant, vel quòd ab ipso Domino pro derelictis sint habita. Alia sunt, quæ Domino non carent, licèt incognitis sit inventori: ut bona amissa.

2. Notandum 2. Ut quis dicatur aliquà rem invenisse, & inveniendò acquisivisse, non est satis, oculis primò deprehendisse, sed requiritur insuper aliqua corporalis apprehensio, eo modo, quo illa res apprehendi solet. Vnde (ut benè notat Card. de Lugo) si duorum simul ambulantium alter gemmam prior videret, sed alter prior apprehenderet, huic esset adjudicandum dominium.

3. Notandum 3. Regulam generalem esse: Quæ nullius in bonis sunt, fiunt primò occupantis, si occupet animo possidendi ut suum, nihil à Republica alteri fuerint applicata, ut fit, quando bona vacantia, hoc est, relicta à defuncto non habente hæredem legitimum applicantur fisco: item cùm bona peregrini decedentis in hospitali sine hærede, per Episcopum loci ad pias causas applicantur, de quibus est Authentica: Omnes Peregrini. C. communia de Successionibus. [Omnes Peregrini & Advenzè liberè hospitentur ubi voluerint, & hospitati si testari voluerint, &c.]

de rebus suis liberam ordinandi habeant facultatem, quorum ordinatio inconcussa servetur. Si verò intestati decesserint, ad hospitem nihil perveniet, sed bona ipsorum per manus Episcopi loci, si fieri potest, hæredibus tradantur, vel in pias causas erogentur. Hospes verò si aliquid ex talibus bonis contra hanc constitutionem nostram habuerit, Episcopo triplum restituat, quibus visum ei fuerit assignandum, non obstante statuto aliquo aut consuetudine seu privilegio, quæ hætenus contrarium inducebant.]

4. Hinc inferitur, Mineralia Venasque Metallorum in loco communi repetas, jure gentium inventori cedere, non item si in fundo alterius privati reperiuntur, tunc enim Jure gentium cedunt Domino fundi tanquam fructus & pars fundi, sicut si tibi fons scaturiret, aut lapidicina vel creti fodina reperiatur. Defacto tamen, vel lege, vel consuetudine, talium Mineralium repertorum magna pars Principi per modum Tributi cedit: de quo non possunt conquæri subditi, cum spes hujusmodi inveniendorum non admodum æstimetur. De his exstat *Lex 3. C. de Metallariis & Metallis, &c. Cuncti qui per privatorum loca saxorum venam laboriosis effossionibus persequitur, decimas fisco, decimas etiam Domino repræsentet: cætero modo propriis suis desideriis vindicando.*

5. QUÆRITUR 1. Quandonam præsumi possit Dominus velle rem suam pro derelicta habere, si non constet expressè de animo illius. 2. Ad hoc non sufficere, quòd res in eum statum deveniret, ut nisi tu occupares, omnino periret, aut non posset moraliter ad suum Dominum, sine majore sumptu quàm res ipsa valet, reverti. Si enim in tali casu tu rem occupes, teneberis, per se loquendo illam restituere, ita tamen ut Dominus tibi teneatur pro labore, periculo, &c. satisfacere, tibi que negotiorum gestorum actio competat. 3. 2. Utendum est se conjecturis ex circumstantiis, v. g. si Dominus, cum facillè possit, non curat inquirere, si res non sit magni pretii, & ideo non videatur Dominus curam alicujus & sollicitudinem in ea restituenda exigere. Quo titulo possunt quandoque inventores à restitutione excusari.

6. QUÆRITUR 2. Quanta longinquitas temporis faciat, ut res, quæ Dominum habebat, incipiat in nullius bonis esse, cedatque inventori. Respondet Card. de Lugo, eam sufficere, quæ facit, ut non possit moraliter Dominus illam rem ut suam recuperare, eò quòd non possit exstare notitia Domini præteriti, & amissionis, unde nec hæredes unquam occasionem habebunt rem illam, ut suam, vindicandi: & sic Thesaurus dicitur in nullius bonis esse, quia deponentis & depositionis memoria non exstat.

7. Hæc responsio vera est, sed exigitur ulterior ratio cur hæc longinquitas sufficiat. Ra-

tio ergo ultimata hæc esse videtur. Post tantam longinquitatem temporis fit, ut tale dominium nullius sit amplius æstimationis, & à nemine quocunque tandem pretio emeretur, nec Dominus bonam conscientiam vendere possit, quia plus acciperet quàm rei dominium possit æstimare in talibus circumstantiis, sicut nemo emeret thesaurum in fundo maris demersum: atqui dominium quod non est ullo pretio æstimabile in hujusmodi rebus corporalibus est omnino nullum: ergo post illam assignatam longinquitatem temporis, dominium extinguitur.

Hinc infero cum eodem Card. de Lugo, id quod de longinquitate temporis omnes admittunt, etiam ad alias circumstantias quoad hunc effectum æquivalentes esse extendendum. Sicut enim diuturnitas temporis tollit rei memoriam, ita loci distantia tollit possibilitatem recuperationis.

Itaque dominium non primùm extinguitur, quando alius occupat, sed postquam in eas devenit circumstantias, in quibus domino est impossibilis moraliter recuperatio. l. 2. §. 1. ff. pro derelicto. [Sed Proculus non desinere eam rem Domini esse, nisi ab alio possessa fuerit, Julianus, desinere quidem omittentis esse, non fieri autem alterius, nisi possessa fuerit, & recedat.]

8. DICENDUM nunc est. Si res à vero Domino pro derelicto esse habita, statim fit occupantis, si vult illius Dominus esse. Ita l. cit. & l. 4. §. 1. [Id quod quis pro derelicto habuerit, continuo meum fit: sicut cum quis æs sparserit, aut aves amiserit.] & ratio est, quia si ve propria voluntate velit Dominus dominium à se abdicare (ut potest) si ve res per se in eum statum veniat, ut desinat per se dominium, ut in casu amissæ avis, perinde res se habet, ac si nunquam in ullius dominio fuisset: ergo sicut tunc occupans fieret Dominus jure naturali, & gentium, ita etiam in casu quo dominium esse desijt. l. 1. cod. [Si res pro derelicto habita sit, statim nostra esse desinit, & occupantis statim fit: quia ipsdem modis res desinunt esse nostræ, quibus acquiruntur.] Nempe voluntate.

9. Objicies. Id quod primùm usufruendum est, non fit statim occupatione nostrum. Atque res pro derelicto habita est usufruenda: ergo. Minor probatur ex l. 4. cod. [Id quod pro derelicto habitum est, & haberi putamus, usufruere possumus, etiam si ignoremus à quo derelictum sit. l. 1. §. 1. [Si id quod pro derelicto habitum possidebas, ego sciens in ea causa esse abs te emerim, me usufructum constare, nec obstat, quòd in bonis tuis non fuerit.] 2. In utraque lege sermonem esse de re pro derelicta habita ab aliquo qui non erat Dominus, v. g. qui sciens esse alienam noluit retinere, ne fortassis furti argueretur, &c. In tali casu potest adhuc

adhuc res habere antiquum Dominum, & consequenter opus est ufucapione.

Dices. Quomodo ergo verum est, quod habetur l. 6. [Nemo potest pro derelicto ufucapere, qui falso existimaverit rem pro derelicto habitam esse?] &c. Cum glossa: subintelligendum esse: nisi iustus error interveniat. Alioquin enim deest bona fides.

## §. II.

### De Inventione Theauri.

10. **D**efinitur Thesaus: vetus depositio pecuniarum, vel alterius rei inobilis, cujus non exstat memoria, ut jam Dominum non habeat. Ex qua definitione colligo, thesaurum desinere esse in dominio deponentis, non precise ex diuturnitate temporis, ut putabat Lessius. c. 2. dub. 15. n. 58. sed quoddam deficiat deponentis memoria.

DICENDUM est, tamen si jure gentium Thesaus plene spectaretur ad inventorem, quocumque modo & arte invenisset, cum non sit fructus fundi, nec pars illius, sicut sunt venae metallinae, ideoque cederet primo occupanti, non minis, quam cederet gemma, quam aliqua avis ex litore maris eò deportasset; nihilominus ex gravibus causis aliter dispositus Ius Civile, ut adeo Inventio Theauri hodie magna ex parte sit modus acquiriti jure civili potius quam Iure gentium. In Inst. de rerum divis. §. 39. sic habetur. [Thesauros, quosquis loco suo invenierit, divus Hadrianus naturalem æquitatem secutus ei concessit, qui eos invenierit. Idemque statuit, si quis in sacro, aut religioso loco fortuito casu invenierit. At si quis in alieno loco, non datà ad hoc operà, sed fortuito invenierit, dimidium Domino soli concessit, & dimidium inventori. Et convenienter si quis in Cæsaris loco invenierit, dimidium inventoris, & dimidium Cæsaris esse statuit. Cui convenienter est, ut si quis in fiscali loco, vel publico, vel Civitatis invenierit, dimidium ipsius esse debeat, & dimidium fisci, vel Civitatis.] Hactenus Instit. In Codice l. un. de thesauris sic habetur. [Nam in suis quidem locis unicuique, dummodo sine sceleratis, ac puniendis sacrificiis, aut alia qualibet arte legibus odiosa, Thesaurum, (id est condita ab ignotis Dominis tempore vetustiori mobilia) quærere, & invento uti liberam tribuimus facultatem, &c. In alienis vero terrulis nemo audeat invitis, imò nec volentibus, aut ignorantibus Dominis opes abditas suo nomine persequari. Quodsi præter hujus legis tenorem in alieno loco thesaurum scrutatus invenierit, totum hoc locorum Domino reddere compellatur, & velut temerator legis saluberrimè puniatur. (quibus verbis videtur requiri sententia Iudicis) Quodsi fortè, vel arando, vel aliàs terram alienam colendo, vel quocumque

casu, non studio perscrutandi in alienis locis thesaurum invenierit, id quod repertum fuerit, dimidià retentà, alterà dimidià datà cum locorum Domino partiatur, ita enim fiet, ut unusquisque suis fruatur, & non inhiat alienis.] Ità Imperator.

11. Possent autem hoc ordine comprehendendi. Vel invenitur thesaurus mediis illicitis, vel licitis. si primum, cedit fisco quoad eam partem quæ alioquin ad inventorem spectasset. Si secundum, iterum distinguendum est. vel enim invenit aliquis in agro vel solo proprio, & totus cedit inventori: vel invenit in solo alieno, & denovo distinguendum est: vel invenit & quærit sine licentia Domini, vel cum ejus licentia, si sine licentia, iterum distinguendum, vel enim invenit casu præter intentionem quærendi thesaurum, & tunc medietatem lucratur inventor, altera cedit domino fundi: vel ex industria quærit, & tunc totus cedit Domino loci. Quodsi cum consensu & præscitu Domini quæsitivus, nihil tamen in pactum deducens quantum sibi, quantum Domino cedere debeat, tunc Sylvestet & Navarrus volunt, in hoc casu totum esse inventoris, idem sentit Card. de Lugo, & probat hoc modo. Lex civilis de hoc casu nihil statuit: ergo relictus est juri naturæ & gentium, quo jure cedit inventori. Verum Lugo vel non legit legem recitatam ex Codice (ubi casus aperte decisus est illis verbis prohibitorius: Imò nec volentibus. & seqq. Quodsi præter hujus, &c. ex quibus constat esse reddendum Domino fundi) vel incidit in glossam Plateæ aut Gothofredi, qui, ut notat Ant. Perez illam legem corruptè legunt, dum volunt omittendam particulam: imò. Sed non rectè: sic enim idem bis diceret Imperator: qui enim invitus est, utique nec volens est. Quapropter Juristæ rectius resolvunt, saltè per sententiam condemnatoriam totum cedere Domino fundi.

12. Quodsi thesaurus invenitur in loco communi seu publico, cujus dominium speciale nullius est, ut in flumine, platea, via, totus cedit inventori: si verò in loco publico, pertinente tamen ad fiscum vel civitatem, ut est sylva, pascuum, hortus, &c. tunc media pars pertinet ad inventorem & media ad Dominum loci, saltè si fortuito invenierit. Imò Lugo vult idem esse, si datà operà invenierit, eò quod §. 39. cit. non fiat discrimen. Verum ego aliter sentio. nam in lege C. est universim prohibitum quærere thesaurum in loco alieno, & in poenam statuitur, ut totus de industria quæsitus cedat Domino loci. Imò in §. 39. clarissime referuntur verba posteriora ad priora (ubi de fortuita inventione erat sermo) dum dicitur: & convenienter. prout etiam notavit Casp. Manzius in Inst. & Antonius Perez in d. tit. Cod.

13. Quodsi in loco sacro aut Religioso invenitur thesaurus, tunc enim verò ingens diffidium

dium est inter Juristas, ad quem pertineat. Et quidem si de industria esset quaesitus, clarum est, quòd ad fiscum totus pertineret saltem post Iudicis sententiam. *C. un. quae sunt Regalia. lib. 2. Feudorum tit. 56. in fine.* quam constitutionem non videntur advertisse Accursius & Portius, volentes dimidiam partem esse inventoris. Ea sic habet in fine. *Dimidium thesauri in loco Caesaris inventi non datà operà, vel loco Religioso. Si datà operà, totum ad eum (fiscum) pertineat.*

14. Difficultas ergo est, si in veniatur thesaurus casu fortuito in loco sacro seu religioso, qui tunc nullius dominio sit. Card. de Lugo tanquam indubitatum supponit pertinere totum ad inventorem, quia in §. *thesaurus. 39.* clarè hoc dicitur, dum à Just. Imp. sententia Hadriani probatur. Verùm non solum apud omnes ferè Legistas, sed etiam apud Molinam d. 56. videre licet citatam *Legem. 3. §. 10. si in locis. ff. de Iure fisci.* ubi statuitur, ut dimidia pars ad fiscum pertineat. *Si in locis fisco vel publicis, Religiosisve, aut in monumentis thesauri reperi fuerint, Divi fratres constituerunt, ut dimidia pars ex his fisco vindicaretur.* Et ne fortè quis dicat, Institutiones esse posteriores Digestis saltem quoad compositionem, & ideo cit. legem esse correctam in §. *thesaurus.* adhuc obstant clara verba Friderici Imp. in lib. 2. Feud. paulò antè recitata.

15. Quapropter Juristæ magnopere laborant in conciliandis his Iuribus, adeo ut Casparus Manzius septem modos conciliandi referat, nullum approbet; plures VVurmserus, qui tandem, aliis rejectis, amplectitur hunc. Distinguendum est inter loca Religiosa privata, & inter loca Religiosa fiscalia sive publica: de prioribus videtur loqui §. *Thesaurus.* dum dicit, totum ad inventorem pertinere: de posterioribus verò videtur intelligenda lex 3. *caput unicum. L. 2. Feud.* Nam quòd quis locum Religiosum suà voluntate facere possit, mortuum inferendo in suum locum, habetur §. *Religiosum. Inst. de rer. div.* Eandem conciliationem adhibet post plures alios Harpprecht, & Hunnius var. resol. lib. 2. q. 36. explicans legem 3. cit. quòd ibi non fiat oppositio inter locum fiscale & Religiosum, sed potius sit commemoratio locorum fiscalium, seu divisio loci fiscalis in publicum & Religiosum, ut sensus legis iste sit. *Thesauri inventi in loco fiscali partem dimidiam esse fisci, sive locus fiscalis sit publicus, sive Religiosus.*

16. Verùm, nisi fallor hæc conciliatio non procedit. nam in §. *Thesaurus* apertè conjunguntur locus sacer & religiosus, & quod de uno dicitur, etiam de altero dicitur. Atqui locus sacer non est idem, quòd locus Religiosus privatus: nam §. *Sacra Res. & §. Religiosum.* distinguuntur ab invicem, neque privata auctoritate potest quis locum facere sacrum, licèt possit facere religiosum. Locus enim sacer est, qui ritè, hoc est, secundum ritum Ecclesiæ

Deo consecratur, & ad cultum & ministerium Dei dedicatur, ut sunt Ecclesiæ, Sacella, Monasteria. Quis autem neget hæc esse loca religiosa publica? ergo in §. *Thesaurus*, est etiam sermo de locis religiosis publicis, & non tantum privatis.

17. Alii ergo Juristæ de illis Iuribus conciliandis desperarunt, fatenturque esse leges pugnantes & inter se contrarias: ità post alios videtur sentire Casparus Manzius n. 29. & plures alii apud Harpprecht. nec ego procul absum, ut credam. Certè Nicolaus de Passeribus post omnes conciliationes tentatas & refutatas concludit. *Sentio cum Duareno, hæc duæ rescripta adeo pugnantia esse, ut nullà ratione conciliari queant.* Verùm his hæc hodie ad praxin nihil facit, nam ut notat ex communi Castro Palao, hodie nullus locus est Sacer, aut Religiosus, cujus dominium speciale non competit, vel Prælaro, vel communitati: quapropter de inventione thesauri in tali loco, judicandum est, sicut de inventione thesauri in loco alicujus privati statutum est.

18. Quod si thesaurus invenitur in fundo Usufructuarii, nihil pertinet ad usufructuarium, nisi ipsemet usufructuarius fortuitus fuisset inventor, tuuc enim haberet dimidium, non quàm usufructuarius (quia thesaurus non est fructus fundi) sed quæ inventor per textum in *L. 7. §. 12. ff. solutio Matrim.* ubi maritus thesaurum in fundo dotali repertum pro dimidia tantum parte lucratur. ibi. [Non magis, quàm si thesaurus fuerit inventus: in fructum enim non computabitur, sed pars ejus dimidia restituetur, quasi in alieno inventi.] Secus est, si invenitur in fundo feudatarii vel Emphyteutæ, cum isti in omnibus substituantur tanquam veri Domini, nisi in casibus in feudo & emphyteusi exceptis, inter quos non est inventio thesauri. Neque ab hac communi sententia recedendum est propterea, quòd Dominus proprietatis non videatur commodum thesauri inventi voluisse cedere Vassallo: hoc ipso enim quòd non exceperit, censetur sub generali omnium emolumentorum nomine comprehensum. Quæ præterea objicit Harpprecht, ex dictis facile solvuntur. Denique in his omnibus est attendenda consuetudo, quæ vim legis habet, de qua testantur Zæsius, & Antonius Perez, hodie Principes vel partem vel totum sibi vindicare.

19. QUÆRITUR, an, si sciam, thesaurum latere in agro alieno, possim agrum emere eo solo pretio quod valet seculo thesauro. 20. Affirmativè cum communissima Theologorum, quos ex Juristis sequitur Zæsius n. 30. Hotomannus, Heigius, & novissimè Berlichius, quos sequitur Harpprecht. §. 39. Ratio est, quia imprimis thesaurus non est pars fundi, nec venditor est Dominus illius, quia necdum cum invenit: ergo ager non valet plus propter thesaurum ab aliis ignoratum: ergo ritè solvitur illo pretio quo ager ille tunc æstimatur ab æquis æstimatoribus. Si enim



enim plus valeret, effere excessus refundendus ab emptore, etiam casu quo tempore emptionis ignorasset thesaurum postea repertum, sicut, si geminam pretiosam ex inscitia emas quasi vilem, teneris postea, cognito pretio, refundere. sequam autem nemo admittit.

20. Non desunt tamen Legistæ, qui putent ex æquitate tunc thesaurum esse dividendum. Ità Udalricus Zasius §. *Actionum*. 28. n. 32. tr. de *actionibus*. Rationem dant. cum enim emptor thesaurum reconditum sciverit, hæc utique scientia ipsum quodammodo in mala fide constituit. Fingitur itaque emptor jam tunc invenisse thesaurum, cum fundus adhuc alienus esset. Si namque venditor scivisset thesaurum, non ita agrum venditurus fuisset, & emptor, nisi scivisset, non fuisset empturus. Quare æquissimum putatur, ut per actionem in *factum* subsidiariam, officio Iudicis simul implorato dimidium venditor consequatur. Et Franciscus Connanus ait, se ita judicaturum esse in facti contingentia, si casus occurreret.

21. Verùm, hæc est subtilitas nullo jure naturali, aut positivo fundata. Imprimis enim quid sibi vult illa pars. *Quodammodo*? Dolus enim & fraus consistit in indivisibili. & Ulpianus l. 7. §. 10. de *pactis* ait: Inest dolo fraus: hoc est, dolus qui consideratur à lege, debet in se fraudem hoc est defraudationem continere: non defraudator autem venditor thesauro per hoc, quod emptor eum sciat, venditor autem nesciat, nec illius dominium adhuc comparaverit, nec unquam etiam spem æstimabilem conceperit illius inveniendi.

22. Quod autem venditor non fuisset venditurus si scivisset thesaurum, nec emptor empturus, si nescivisset, non gravat emptorem ad plus solvendum, quam respectu aliorum omnium emptorum fundus valeat. Sicut si scirem, in stagno tuo nasciturum piscem miræ raritatis & æstimationis, & emerem, alioquin non empturus.

23. QUÆRES, quâ actione consequi possit thesaurum, vel partem dimidii Dominus fundi, qui non invenit? 24. Possit instituire rei vindicationem: quia jure civili dominium acquisivit per apprehensionem, & inventionem alterius. Ità censent Accursius, & alii, quos refert & sequitur Harpprecht.

### §. III.

*Quid iuris & obligationis sit circa inventionem, quorum Dominus adhuc exstare præsumitur: ubi incidenter resolvitur, ad quid teneatur, qui destinet incerta debita.*

24. Contingit quotidie, ut quis inveniat aliquid, ignarus quis amiserit. Quæritur,

ad quid teneatur? an possit rem illam sibi retinere?

DICENDUM 1. Tenetur inventor adhibere media ordinaria, & diligentiam pro qualitate rei inventæ, ut Dominum agnoscat; v. g. affigendo schedas, publicando in exedris, &c. Ità omnes supponunt. Et imprimis quod obligetur lege charitatis, non potest dubitari: hæc enim obligat ad cavendum alterius damnum, quantum sine suo incommodo potest, ut dictum est in tr. de Charitate. Deinde etiam obligatur ex Iustitia, meo quidem iudicio ex quasi contractu, quatenus illam rem inveniendò corporaliter possedit, seu detinuit, & in suam custodiam accepit: si enim noluit subire obligationem inquirendi Dominum, ut in tali casu decet negotiorum gestorem, debuisset illam rem relinquere in loco, ut vel ipse Dominus, vel alius illam inveniret, & sic fortè ad suum Dominum rediret.

Controversia celebris est, quid juris, ant obligationis sit post factam sufficientem inquisitionem, nec tamen repertum Dominum.

25. Communissima antehac erat, & etiamnum apud multos est sententia, obligans inventorem, ad illa bona vel pauperibus eroganda, vel ad alios pios usus impendenda. Cardinalis de Lugo hanc communem sententiam etiam amplectitur, sed cum hac limitatione, ut quamdiu res inventa conservari potest, & spes est, Dominum inveniendi, conservetur: quodsi id fieri non potest, distrahatur, & pretium aservetur: quodsi nec hoc fieri potest, expendatur in Domini utilitatem, v. g. in pios usus. Fundamentum hujus sententiæ est, quia eo modo teneur inventor hæc bona expendere, quo modo prudenter præsumitur velle Dominus: atqui modo prædicto videtur velle expendi. Ergo, &c. Nihilominus

26. DICO 2. Secura in praxi, imò etiam speculative mihi probabilior est sententia, non esse obligationem prædictam expendendi in usus pios, de jure naturæ. Ità docuit Sorus, lib. 5. de *Iust. q. 3. a. 3. ad. 2.* quem sequuntur Sarmientus, Petrus Navarrus, Malderus, Medina, Aragonius, Megala, Diana, Lopez, Henriquez, quos refert Lugo n. 138. quibus addo P. Amicum, qui eam supponit disp. 41. n. 43. & eandem absolute tenet Paulus Rosmer, de *Resist. §. Quæres 3.* (in suo primo & brevi tract. nam quid dicturus sit in tract. quem, dum hæc scribo, Salisburgi sub prælo habet, ignoro) Dicastillo. lib. 2. tr. 2. disp. 9. dub. 15. n. 431. & Palao. p. 19. n. 4. licet oppositam velit in praxi sequendam, quasi jam sit facta præscriptio; quod nemo alius dicit, nec apparet quomodo potuerit fieri talis præscriptio, stante tantâ auctoritate in contrarium. Ab eodem refertur Sà & Mercadus. Tolerus. lib. 5. v. 18. ait, pro contraria sententia nullam esse rationem, nisi quia sic sentiunt omnes

omnes: sed quàm non sentiant omnes hoc tempore, jam vidimus. Probabilem insuper eam vocant Vasquez, Lessius, Lugo, Salas, asserens eandem probabilem esse iudicatam à P. Alphonso Rodriguez, viro, scriptorum suorum pietate ac gravitate bene noto.

27. Probari solet hæc sententia hoc præcipuo fundamento. Fædè diligenti inquisitione domini, eoque non comparente, censeri debet illa res esse in nullius bonis, sicut thesaurus: atqui res carens Domino sit inventoris. Ergo &c.

Hæc tamen probatio nullius est momenti. Certum enim est, sæpè longo tempore post adhibitam sufficientem inquisitionem comparere Dominum, imò rem extantem sibi vindicare, nullo Iudice reclamante, sed approbantibus omnibus: ergo omnes supponunt, eum semper mansisse Dominum. Ergo falsum est, quòd illa bona deserint esse in bonis illius. Neque est paritas cum thesauro, nam huius Dominus non potest ullo humano modo agnoscì, rerum amissarum verò Dominus lexcentis modis agnoscì potest, etiam post adhibitam sufficientem ab inventore inquisitionem.

28. Melius probatur à P. Layman. *lib. 3. f. 5. tr. 1. c. 5. n. 24.* & Palao, destruendo fundamentum contrariæ sententiæ. Falsum est, quòd communiter & plerumque qui aliquid amittit, velit, ut, se non reperio per sufficientem inquisitionem, res expendatur ad pios usus, sine ulla deinde spe recipiendi, si fortè, ut facile fieri posse facientur adversarii, postea ipse compareat: quin potius communiter volunt rem vel asservati ab inventore, vel si malit, bonà fide distrahi, aut absumi, cum obligatione restituendi quantum inde locupletior factus est, & deducto etiam pretio laboris, si quem impendit, si Dominus fortè compariturus est. Certè communiter Domini post longum tempus comparentes mallent rem sibi esse asservatam formaliter, vel æquivalenter, quàm inde factas elemosynas.

29. Confirmatur 1. Non tenetur inventor ad plus, quàm tanquam bonus negotiorum gestor ad id, quo præstito, si Dominus postea compareat, non potest rationabiliter conquiri: atqui si inventor servet obligationem restituendi, vel tem, vel quantum locupletior factus est, intra tempus, intra quod nondum res incipit esse in nullius bonis, non potest Dominus rationabiliter conquiri. fecit enim inventor id, quod ipse, vel alius vellent fieri de suis bonis, si ea perderet, & alius reperiret.

30. Confirmo 2. Si hoc non sufficeret, sed esset obligatio expendendi ad causas pias, sine ulla prorsus spe alicujus lucri redundantis in inventorem, & quidem obligatio ex iustitia, tunc vel hanc obligationem contraxit inventor statim ubi rem invenit, etiam antequam apprehendit, adeoque etiam ad ipsam apprehensio-

nem fuit obligatus, vel primùm post apprehensionem & investigationem Domini: primùm dici non potest, & nemo dixit. Possit enim sine iniustitia relinquere rem in loco. Secundum etiam dici non potest. Hæc enim obligatio plus obesset, quàm prodesset Dominis, qui res suas amittunt. Si enim inventor non nisi onus & obligationem conscientie ad investigandum Dominum, ad distribuendum pauperibus, ad probandum in iudicio se distribuissè, ansamque scrupulorum à se contrahi putaret, sæpius profectò rem potius in loco relinqueret, quàm tolleretur, quod utique non prodesset Domino. sic videmus ab hereditatibus illis sæpè prudenter abstineri, à quibus non nisi gravamina sperari possunt. Sanè hac ratione malè dicerentur *forunati inventores*: gravarentur enim tantummodo, sine ulla lucrandi spe, quod est contra communem sensum.

31. Pro contraria sententia, ultra præcipuum fundamentum jam dissolutum, objici posset. 1. In Hispania Patres Mercenarii & Trinitarii habent privilegium tam à Regibus, quàm à Pontifice, ut bona inventa possint etiam sub excommunicatione exigere, ut ea impendant in Redemptionem captivorum: ergo inventor non potest eas jure retinere. De his Mercenariis obiter & perpaucis scribit P. Molina. *d. 749. c. 750.* & ex eo referunt Palao & Dicastillo, ac variis modis responderi potest. 1. Legem illam non obligare ante sententiam Iudicis, & ante exactionem. Ità sentiunt Petrus Navarra, Aragonius, Rodriq. Henriq. nec improbat Dicastillo. Responderi potest. 2. etiamsi illæ leges ante exactionem obligarent, non fore nobis contrarias, qui solum dicimus, inventorem non esse jure naturæ obligatum, sed posse retinere sibi cum obligatione suprà dicta, nisi lex positiva aliud statuat. 3. Illas ipsas leges adeo non esse in usu in Hispania (nisi quoad animalia quædam errantia, quæ Hispani *Monstrenca* vocant) ut non magis sint curandæ, teste Molinà, quàm si latæ non essent, forte ob nimiam observandi difficultatem, qua difficultas ostendit, non adesse obligationem naturalem expendendi in pios usus, alioquin illæ leges essent commodissimæ ad satisfaciendum obligationi naturali. 4. Illos Trinitarios obligari iisdem legibus per quatuordecim menses investigare Dominum, & in hunc finem habent plurimos officiales publicos: quapropter mirum non est, si inventor lege compellatur ad hoc medium adhibendum ut Dominus inveniat, si enim illud negligat jam non adhibuit media ordinaria, ad quæ tamen adhibenda obligatur jure naturæ. Responderi denique potest. 5. Illas leges fundari in præsumptione, quòd in Hispania plerique inventores supprimerent bona inventa, nec adhiberent sufficientem inquisitionem Domini, nisi lege compellerentur ad cer-

tuum

rum aliquid medium : non ergo supponat obligationem ex lege naturæ ad dandum pauperibus, sed solum ad investigandum Dominum.

32. Obijciunt 2. Textum S. Augustini, vel, ut alii putant, S. Hieronymi, qui refertur c. 14. q. 5. [ Si quid invenisti, & non reddidisti, rapuisti. ] Item c. 8. eadem, & est Hieronymi. Multi sine peccato putant esse, si alienum quod invenerint, teneant, & dicunt : Deus mihi dedit, cui habeo reddere. Discant ergo peccatum hoc esse simile rapinæ, si quis inventa non reddat. ] 3. Facile, hos textus loqui de Restitutione eorum, quorum Dominus aut scitur, aut facile sciri possit.

*Dabim incidens de Bonis incertis, eorumque obligatione restituendi.*

33. **O**ccasione præcedentis controversiæ agitur hic alia non absimilis circa bona incerta, non tamen inventa, quæ possunt esse duplicis generis. Aliqua enim debentur sine omni delicto, v.g. quia ea hæres reperit in hereditate quam adiit, & tum nescit esse aliena, vel ex alio contractu, v.g. ex mutuo, sciens se mutuum aliquod debere, sed nescit, cui, nec creditor comparer; vel habet depositum alicujus militis qui occisus est, nec scit, quinam sint ejus hæres, &c. De his bonis discurrendum est sicut de bonis inventis, & gratis aliqui faciunt discrimen.

34. Alia sunt debita incerta ex delicto, v.g. quæ quis furatus est, nesciens Dominum illius rei, vel qui usuras exercet, oblitus eorum quos damnificavit, vel si aliquis telonarius defraudat plures, quorum non potest recordari, nisi valde in confuso.

35. Advertunt autem DD. ferè omnes, non esse reputandum inter bona incerta, si constet deberi uni ex duobus aut tribus, nescitur tamen, cuinam determinatè debeantur. Item si constet deberi certæ alicui communitati; aut majori illius parti : nam in his casibus cum possit moraliter assignare res ad suum Dominum reverti, faciendum est, quantum moraliter fieri potest, ut res Domino restituatur, v.g. si illi forte mirantur, aut rem inter se dividant, vel si tradatur Magistratui, aut Episcopo, aut Parocho, ut distribuat ea bona cum proportionem ad majus vel minus damnum, quod membra illius communitatis passa fuerunt, aut passa esse videntur. Item si mercator putat, eosdem reditus ad emendum, potest restitutionem facere, vendendo illis pretio viliori. His positis

36. Prima sententia est P. Pauli Rosmer, loc. citat. qui docet, sola illa debita incerta, quæ quis contraxit ratione usuræ, esse pauperibus distribuenda, ob textum clarum, *Cum tu, de Juris*. ubi Alexander III. jubet acquisita ini-

quæ ex usuris, si neque Dominorum hæres superint, dari pauperibus, & usurarii eorumque hæres Ecclesiasticis pœnis ad hoc cogantur.

Hæc tamen sententia singularis est, cum alii DD. omnes extendant ulterius, in quo ait Lugo, omnes convenire.

37. Secunda Sententia docet, hujusmodi debita incerta, esse, non quidem ex jure naturæ, sed tamen ex lege positiva vel consuetudine, vim legis habente, distribuenda pauperibus, vel in alia opera pia. Ità Lessius l. 2. c. 14. *dub. 6.* Valquez verò, Malderus, & alii, quos ex parte sequitur Dicastillo n. 368. nam. n. 371. volunt, jure naturæ hæc bona non pauperibus esse distribuenda, sed devolvi ad communitatem Reipublicæ.

Tertia Sententia est, etiam jure naturæ esse pauperibus distribuenda, vel ad alia pia opera applicanda, nisi Respublica vel suprema potestas aliud suâ lege statuatur. Ità cum S. Thomas habet communis sententia.

38. **DICO 3.** Probabilius est, debita incerta ex delicto jure naturæ esse pauperibus distribuenda, vel in alios pios usus convertenda. Probat 1. Ex cap. *cum tu, cit.* ubi scribens Alex. III. Salernitano Episcopo : [ Cum tu, inquit, manifestos usurarios juxta decretum nostrum, quod nuper in Concilio promulgatum est, communionem altaris & Ecclesiasticâ præceperis sepulturâ privandos, donec reddant, quod tam pravè receperant, quidam eorum ad excusandas excusationes in peccatis impudenter affirmant, illas duntaxat usuras restituendas, quæ sunt NB. post interdictum nostrum receptæ. Fraternitati tuæ taliter respondemus, quod live ante, live post interdictum nostrum usuras extorserint, cogendi sunt per pœnam, quam constituimus in Concilio, vel his quibus extorserunt, vel eorum hæredibus restituere, vel (his non superstitibus) pauperibus erogare : dummodo in facultatibus habeant, unde ipsi possint eas restituere; cum juxta verbum B. Augustini, non remittitur peccatum, nisi restituatur ablatum. Illi autem, qui non habent in facultatibus, unde usuras valeant restituere, non debent ullâ pœnâ muldari, cum eos nota paupertatis evidenter excuset. Possessiones verò quæ de usuris comparatæ sunt, debent vendi, & earum pretia his à quibus usuræ sunt extortæ restitui, ut sic non solum à pœna, sed NB. etiam à peccato possint (quod per usurarum extorsionem incurrerant) liberari. ] In hoc ergo cap. declarat Pontifex, deficientibus hæredibus illorum, qui usuras solverunt esse usuras pauperibus elargiendas, & rationem reddit universalem ad omnia debita ex delicto, quia juxta verbum S. Augustini, non dimittitur peccatum, nisi restituatur ablatum : ergo restitutio non imponitur ut pœna, sed declaratur ejus necessitas orta ex obligatione naturali restituendi.

Confirmatur 1. ex ultimis verbis capituli : *ut sic non solum à pœna* ( scilicet Ecclesiastica lata

in Concilio Lateranensi) sed etiam à peccato possint, quod per usurarum extorsionem incurverunt, liberari. ubi aperte supponit Pontifex, non posse aliter liberari à peccato illo, nisi hoc modo restituendo: atqui possent aliter liberari, si per peccatum usurarum non contraxissent talem obligationem, sed ea proveniret à lege positiva: posset enim hæc abrogari, vel præscribi: ergo, &c.

39. Confirmatur 2. Alexander Pontifex supponit hanc obligationem jam fuisse tempore S. Augustini, cujus auctoritatem allegat: atqui tempore S. Augustini nulla lex Canonica existit de hoc puncto: ergo lege naturæ jam tunc erat obligatio.

40. Probat 2. Autoritate S. Hieronymi, relati in c. nemo qui 14. q. 5. *Nemo, ait, qui rapit, moriens, si habet unde reddat, salvatur. Si eos, quorum fuit, invenire non poterit, Ecclesiæ vel pauperibus tribuat.* Respondet Rosner, hunc locum nullius esse auctoritatis, quia inscribitur: *Palea.* Verum modo non habeat auctoritatem Canonis, habet tamen auctoritatem S. Hieronymi. atqui S. Hieronymus non condidit legem, sed locutus est ex dictamine naturæ.

41. Cardinalis de Lugo probat Conclusionem ratione à priori, quam ante ipsum breviter insinuavit Molina 10. §. d. 746. n. 2. Res illa (hoc est debitum) adhuc manet sub dominio antiqui Domini: ergo debitor debet de illa disponere juxta voluntatem saltem præsumptam Domini, vel ejus cui debetur. Voluntas autem præsumpta rationalis hæc est, ut, si ei tradi non potest, saltem expendatur in ejus obsequium in meliori modo quo fieri potest: ergo juxta illius voluntatem expendi debet in usus pios, ex quibus redundet aliqua utilitas in Dominum ipsius.

42. Hæc ratio aliquando mihi placuit, nunc autem video non esse satis universalem, & aliam universaliori dari posse. Non inquam, est universalis, quia non procedit de illis debitis ex delicto, quæ in eum statum pervenerunt, ut nullâ humanâ viâ possit amplius agnoscere ille qui læsus est, vel hæredes illius. atqui etiam hæc restituenda sunt, vel elargienda pauperibus, nam de his æquè procedit dictum S. Augustini & Hieronymi, imò clarè colligitur ex verbis Alexandri III. dicit enim: hæredibus deficientibus pauperibus esse usuras distribuendas: atqui quando hæredes deficiunt, jam illud debitum definit esse in ullius bonis, & tamen manet gravatus debitor: non quidem voluntate creditoris, qui nec in se, nec in suis hæredibus existit: ergo aliunde petenda est ratio.

43. Ratio à priori præsentis obligationis mihi esse videtur hujusmodi. Natura non vult ex delicto commodum reportari, neque ita impune contra iustitiam peccari posse, ut inde homines allici possent ad frequentanda talia delicta. Cùm ergo natura videret, quòd si sur posset licitè hujusmodi debita incerta retinere,

postquam Dominus, factâ inquisitione non compareret, plurimi allicerentur, ad hujusmodi furta multiplicanda, spe freri (ut tradit ipse Lugo n. 143.) fore, ut ignorato deinde Domino non tenerentur restituere. Ideo natura in penam talis delicti imposuit obligationem universalem restituendi debita incerta, vel expendendi eo modo, quo vellet ipse Dominus si existeret, & prudentissimè deceiveret, vel (ut ad aliud propositum docet Palavic:) prout communiter prudentiores vellent talem manere obligatum, si à natura consulti fuissent antecederet, antequam ulli constaret, quisnam ex hominibus esset aliquando ita lædendus. Atqui prudentiores vellent, furem obligari ad largiendum pauperibus, vel ad alias pias causas: quia quivis speraret, hac viâ fortè sibi, aut suis in necessitate subventum iri: & quia non potest laudabilior designatio excogitari: ergo hanc obligationem natura instituit ut penam, & aliquid quo modo dependenter à præsumpta voluntate Domini, non eo modo, quasi obligatio penderet immediatè ab ipso ut à Domino, sed ut esset pars universi, ut exposuit est.

44. Obijciunt Adversarii 1. Si jure naturæ deberentur hujusmodi debita pauperibus, aliisve causis pijs, sequeretur Pontificem non posse tale debitum majore ex parte remittere, exigendo solutionem exiguæ partis: atqui hoc Pontifex defacto facit per *Compositionem* ut vocant, v. g. per Bullam Cruciatæ fit compositio super 14. vel 15. scutis pro duobus lulis, hoc est vinginti crucigeris, applicandis ad bellum contra infideles. 2. Negando sequelam, quia creditor, vel natura, non vult obligare debitorem nisi cum subordinatione ad legitimum Magistratum, cui concessa à Deo potestas est administrandi res ad pias causas & usus applicandas; & consequenter, si Summus Pontifex, ad quem hujusmodi administratio pertinet, judicat, bono publico magis expedire, si attentâ fragilitate humanâ parum exigatur, & multum remittatur, præsertim in finem tam præclarum, qui alioquin vix posset obtineri, jam hoc est conforme voluntati prudenti & rationabili totius generis humani.

45. Obijciunt aliqui 2. Si talia debita deberentur pauperibus jure naturæ, sequeretur, illa non posse præscribi, quia contra jus naturæ præscribi non potest: consequens autem est falsum. Non retulisset hoc argumentum, nisi coràm spectatissimè & audivissent illud in publico tantâ contentione proponi, ut viris in iure versatis insolubile visum fuerit, cùm nullius sit momenti, & sexcentis instantiis retorqueri possit, una sufficiat. Hæreditas parentum debetur jure naturæ filiis legitimis, & tamen bona quæ in illa hæreditate continentur, possent præscribi. Consistit autem æquivocatio argumenti in hoc, quòd aliud sit: præscribi contra ipsam obli-



obligationem naturalem per actus contrarios abrogando legem naturæ, sicut præscribi potest contra legem positivam, & hoc utrique fieri non potest, & quodd aliud sit, præscribi rem ipsam, ad quam tradendam obligat natura tamdiu, quamdiu per præscriptionem dominium non acquiritur, & hoc fieri posse omnes admittunt, & hoc sensu negatur sequela, & negatur, hoc modo præscribi contra ius naturæ, id est, contra legem, quia tantum præscribitur res quæ est in hominum commercio.

Quo ordine sint solvenda debita incerta, in concursu aliorum Creditorum, egi in secundo tractatu.

## CONTROVERSIA II.

### *De Modis acquirendi dominium servorum, item de spoliis hostium.*

#### SUMMARIUM.

**Q**uatuor titulis acquiritur dominium hominis. 46.

*Quid si Christianus à Turcis capiatur, an eorum servus efficiatur.* 47.

*Acquiritur etiam dominium hominis natalitate.* 49.

*Item iustâ condemnatione.* 50.

*Item Emptione.* 51.

*Quenam requirantur Jure Casareo ad valorem hujus emptionis.* 52.

*Manumissionis varii modi.* 53.

*Quibus casibus manumittere non liceat.* 54.

*Captus in bello etiam iusto, licet fugere potest ad suos, & liber efficitur.* 55.

*Servus à Domino expositus, vel eger relictus, aut alimentis destitutus, fit liber.* 56.

*Servus item circumcissus à Judeo subiecto Ecclesiæ.* 57.

*Item si Dominus consentiat in Matrimonium servi cum libera ignorante.* 58.

*Quenam res aliæ in bello capte fiant capientis.* 59.

#### §. I.

##### *Quot modis Dominium hominis acquiritur.*

46. **D**ICENDUM est, quatuor modis, seu titulis acquiri dominium in hominem, ut inde servi dicantur. Primus modus est, quando bello iusto homo ex hostibus capitur. §. 17. *Inst. de rer. divis.* [Item ea quæ ex hostibus capimus, jure gentium statim nostra fiunt : adeo quidem ut & liberi homines in servitutem nostram deducantur. Qui tamen si evaserint nostram potestatem, & ad suos reversi fuerint, pristinum statum recipiunt.] Requirit autem,

ut bellum iustum sit, ex se clarum est, quia per injuriam nemini libertas auferri potest, sicut nec alia bona sine obligatione restituendi, quod bene agnovit Ulpianus in l. 24. ff. de captivis. Et ideo qui à latronibus captus est (quales sunt omnes, qui bellum injustum gerunt) servus latronum non est, nec postliminium illi necessarium est. Et hæc quidem obrinent in bellis contra Gentiles & qui Christiani non sunt, non tamen quæ geruntur inter Christianos, etiam cum Hæreticis, inter quos, ex antiqua & laudabili consuetudine, capti non fiunt capientium servi, sed lytro redemptionis præstito liberi abeunt, ut proinde de postliminio non sit querendum.

47. Sed quid si Christianus à Turcis & Saracenis capiatur, quaeritur an reverà servus efficiatur Turcarum, ita ut locus sit fictionibus legis Cornelie & postliminii, quæ sunt duo beneficia seu remedia, quibus consulitur captis, & in servitutem redactis. Primum est, quod si contingat captos apud hostes mori, per fictionem legis Cornelie habeantur mortui ipso momento captivitatis, atque ita quasi adhuc cives mortui essent, ut testamenta quæ reliquerunt salva maneat, bona ex iis ad scriptos heredes transeant, aut ab intestato ad proximos devolvantur. Alterum est Jus postliminii, id est, Jus amissæ rei recuperandæ ab extraneo, & in statum pristinum restituendæ. L. 19. ff. de captiv. & postlim. reversis. Fingitur ergo, si reversus est, quasi nunquam captus fuisset, ut omnia jura salva sint, recuperetur patria potestas interea suspensa (à puncto captivitatis) ut interea quæ sita à liberis aut servis eidem cedant (cellura aliquin liberis, si mortuus apud hostes fuisset, quia liberi tunc à puncto captivitatis sui Iuris fuissent) testamentum integrum sit, imò & codicilli in captivitate facti sustineantur, idque intuitu testamenti in civitate facti. L. 12. §. 5. & 6. [Codicilli, si quos in tempore captivitatis scripserit, non creduntur jure subtili confirmati testamento quod in civitate fecerat: sed nec fideicommissum ex his peti potest (intellige si non redeat) quia non sunt ab eo facti, qui testamenti factionem habuit: sed quia meum principium eorum in civitate constituto captivo factum est, id est, in testamento confirmatio codicillorum, & is postea reversus est, & postliminio Ius suum recepit, humanitatis rationi congruum est, eos codicillos ita effectum suum habere, quasi in medio nulla captivitas intercessisset. Cætera quæ in Iure sunt, posteaquam postliminio rediit, pro eo habentur, ac si nunquam iste hostium potius fuisset.] His præmissis

48. Alciatus & Rebuffus in l. hostes. 118. ff. de V. S. docent Christianos à Turcis vel Saracenis captos, in servitutem ipsorum redigi, ejusque conditionis esse, cujus juxta Ius civile capti ab hostibus Romane Reipublice censebantur. Verum hoc non est ita indistinctè verum, ut sibi persuadet

suadet Joan. Harpprecht in §. 17. *Inst.* quasi per quandam conventionem utrinque servi fiant, quicunque in bello capiuntur, quod Imperium Romanum cum hostibus non Christianis gerit. Distinguendum itaque est. Is qui capitur ab hoste gerente bellum evidenter injustum, nullo modo libertatem amittit. Ità in terminis Lessius *L. 2. c. 5. dub. 4. n. 12. in fine.* & est apud Theologos certa res, adeo ut si Imperium gereret bellum injustum contra Turcas, Turcæ captivi non fierent servi. Si verò quis capiat ab hoste gerente bellum iustum, tunc fit servus, non tantum ille, qui formaliter nocens est, & in persona pugnat, adeoque licet occidi posset, sed etiam innocentes, ut infantes, qui ob innocentiam directè non possent licet occidi, ut constat ex dictis in secundo tractatu, traduntque hic Molina & Lessius; in servitutem tamen redigi possunt, si sunt pars Reipublicæ bellum injustum gerentis, sicut alia illorum bona capi possunt.

Quod si bellum ambiguum & dubium esset, tunc concedi potest, utrinque servos effici captivos, ut tradit Covarr. ubi tamen postea constaret de belli sui injustitia, deberent ex ea parte capti in libertatem sine luto ullo restitui: quæ omnia liquidè deducuntur ex Regulis generalibus de Restitutione traditis in 2. tract. de hoc iterum in seq. tomo, & tr. de Testam. ubi dicam esse probabile, quòd capti à Turcis nunquam fiant servi.

49. Secundus modus seu titulus acquirendi dominium hominis, est Nativitas, ratione cuius servus est, qui ex ancilla natus est, quæ quidem fuerit ancilla toto uteri tempore. §. *sed est qui.* *Inst. de Ingeniis.* ibi. [Sufficit autem liberam fuisse matrem eo tempore quo nascitur, licet ancilla conceperit, & e contrario si libera conceperit, deinde ancilla facta pariat, placuit eum qui nascitur, liberum nasci, quia non debet calamitas matris ei nocere, qui in ventre est.] Ex his illud quæsitum est, si ancilla prægnans manumilla sit, deinde ancilla iterum facta pepererit, liberum an servum pariat. [Et Marciianus probat liberum nasci, sufficit enim, ei qui in utero est, liberam matrem vel medio tempore habuisse, ut liber nascatur, quod & verum est.] Hæc quidem de Jure Cæsareo, nam in illis partibus, ubi Jus Cæsareum non observatur, sufficit ancillam esse in partu.

50. Tertius modus & titulus servitutis est, Iusta condemnatio ad servitutem propter grave aliquod delictum, v. g. si quis deferret arma, vel alia prohibita ab Turcas, vel illorum naves gubernaret contra Christianos, fieret servus Christianorum eos deprehendentium & capientium *c. 6. de Judæis, & saracen.* ibi. [Tales igitur ab Ecclesiastica Communionem præcisos, & excommunicationi subiectos, rerum suarum per Principes Catholicos, & consules civitatis privatione mulctari, & capientium fieri servos censemus.]

Item Raptor puellæ non consentientis. *ca. 36. q. 1. ibi. aut ad serviendum subjectus sit, aut redimendi se liberam habeat facultatem.*

51. Quartus modus, & titulus inducendæ servitutis, est, Emptio venditio hominis ante liberi, quando quis, vel seipsum vendit, vel à patre venditur in necessitate, ut fieri posse ab habente patriam potestatem, suo loco dictum est.

52. Ad valorem huiusmodi venditionis requiruntur Jure Cæsareo sequentes conditiones. 1. ut is qui se patitur vendi, sit maior. 20. annis. 2. ut intendat esse particeps pretii & recipere sit particeps, & ut emptor credat ipsum esse servum: & ideo Ius non permittit, ut quis se ipsum per se vendat, sed ut id per alium fiat: 4. ut sciat se esse liberum, & id ipsum etiam venditor sciat. §. 4. *Inst. de Jure Person.* ibi. *aut Iure Civili, cum liber homo major viginti annis ad pretium participandum sese venundari passus est.* Itaque hic modus non est Iuris gentium, sed Civilis, sicut & Ingratitudo liberti, & quidam alii modi qui non sunt in usu.

## §. II.

### *Quomodo Servitus Personarum amittatur manumissione.*

53. DE Libertinis quæ talibus non est necesse tractare, cum homie, vel nullum, vel vix ullum discrimen eorum sit ab ingenuis. Nov. 78. salvo patronatûs jure.

Multis autem modis, (inquit Iust. §. 1. *Inst. de libert.*) Manumissio procedit. Aut enim ex sacris constitutionibus in sacrosanctis Ecclesiis, aut vindictâ, aut inter amicos, aut per Epistolam, aut per testamentum, aut per aliam quamlibet ultimam voluntatem.

54. QUÆRITUR, quibus casibus manumittere non liceat. 2. 1. Manumissio facta in fraudem Creditorum, quibus manumitens solvendo non est, est ipso Iure nulla. §. 3. *J. Quibus ex caus. manum. non licet. Nam is qui in fraudem creditorum manumittit, nihil agit, quia Lex Ælia Sextia impedit libertatem.* & hoc est speciale: nam aliarum rerum alienatio in fraudem creditorum facta, valet quidem, sed Actione Paulianâ revocari potest. *1. 1. ff. de in fraud. cred. facta sunt.* In testamento tamen hæres scribi potest, & hoc ipso liber fit, sed cum onere, quod in favorem creditorum introductum est. §. 1. nempe ut liber quidem fiat, sed simul hæres solus & necessarius: si nempe nemo alius ex testamento hæres existat. Valde enim prospiciendum erat, ut egentes homines, quibus alius hæres extimur non esset, vel servum suum hæredem haberent, qui satisfactorius esset creditoribus, aut hoc eo non faciente, creditores res hære-

hæreditarias servi nomine vendant, ne injuriâ defunctus afficiatur.

§. 2. Eâdem lege Eliâ Sentiâ Domino minori 20. annis, non aliter manumittite permittitur, quàm si vindictâ apud Consilium, justâ causâ manumissionis approbatâ, fuerint manumissi. §. 4. Justâ autem manumissionis causâ hæ sunt, veluti si quis patrem aut matrem, filium filiamve, aut fratres sororesve naturales, aut pædagogum, aut nutricem, aut educatorem, aut alumnum alumnâque, aut collatancum manumittat, aut servum Procuratoris habendi gratiâ, aut ancillam matrimonii habendi causâ, dum tamen intra sex menses in uxorem ducatur, nisi justâ causâ impediat. Semel autem causâ approbatâ, si vera sit siue falsa, non retractetur. §. 5. 6. & hæc quidem ætas requiritur ad manumittendum inter vivos, nam in testamento ut manumittatur, requiritur, & sufficit, si Dominus decimum septimum annum impleverit, & decimum octavum inceperit. §. 7.

### §. III.

*De aliis modis finiendi Servitutem.*

§. DICENDUM 1. Etiam in bello justo captus & servus factus, licet fugere potest ad suos, & sic liber efficitur. §. 17. J. de rerum divis. ibi. Qui tamen si evaserint nostram potestatem, & ad suos reversi fuerint, pristinum statum recipiunt. & l. 25. ff. de captiv. Nihil interest, quomodo captivus reversus sit, utrum dimissus, an vi vel fallaciâ hostium potestatem evaserit, itâ tamen si eâ mente venerit ut non eo revertatur. Fundatur ergo hæc potestas fugiendi in lege & consuetudine gentium, quod talis, sicut avis evolans ex cavea, libertatem recuperet, modò non juramento aut alio pacto se obligaverit ad non fugiendum.

§. 6. DICENDUM 2. Si Servus à Domino exponatur, vel æger relinquatur, vel alimenta non præbeantur. L. 17. §. 3. C. de latina lib. tollen. ibi. [Talis itaque servus libertate necessariâ, Domino etiam nolente reipsâ donatus, fiat illico civis Romanus, nec aditus in boia patronatûs quondam Domino reservetur.

§. 7. DICENDUM 3. Si Judæus Ecclesiæ quoad temporalia subiectus, suum servum circumcidat. L. un. C. ne. Christian. mancip. [Quod si aliquis Judæorum mancipium vel Christianum habuerit, vel sectæ alterius seu nationis crediderit ex quacunque causâ possidendum, & id circumciderit, non solum mancipii damno mulsetur, verum etiam capitali sententiâ puniatur, ipso servo pro præmio libertate donando.]

§. 8. DICENDUM 4. Si Dominus consentiat in Matrimonium servi cum libera, hæc conditionem illius ignorante. Auth. de Nupt.

quæ est Nov. 22. c. 10. ibi. Hæc autem decernimus, & tale non esse dicimus Matrimonium, si causam animus incertus disponat solum, neque consensu Domini, neque malignitate ejus aliquâ, neque negligentia consensu. & cap. 11. Nam si tradiderit tanquam liberam suam ancillam Dominus, ille autem liber existens, & credens tradenti hanc accipit, &c. non erit justum tale Matrimonium non constare, sed tacitam libertatem sequi, siue virum siue ancillam. De aliis jam a libi dictum, ut si servum in filium quis adoptet, si concubinam in uxorem ducat. In his enim præsumitur manumissio.

### §. IV.

*Quanam aliæ res in bello justo capte, fiant capientis.*

§. 9. VT leges in speciem contrariæ inter se cohareant, distingiendum est inter res mobiles & immobiles. Quoad res immobiles constat ex praxi, eas acquiri Principi seu Reipublicæ, cujus nomine bellum geritur, nisi tales res iterum eriperentur hostibus, nunc enim antiquis Dominis restituendæ essent. Habentur hæc satis clarè L. 20. §. 1. ff. de captivis. [Verum est, expulsis hostibus ex agris quos receperint, dominia eorum ad priores Dominos redire, nec aut publicari, aut prædæ loco cedere. Publicatur enim ille ager, qui ex hostibus captus sit.]

§. 60. Quoad res mobiles distinguunt Legistarum aliqui, quibus adhæret Harpprecht, contradicente licet Hunnio. Velenim sunt res valde pretiosæ, vel vulgares. Si pretiosæ, volunt etiam cedere Principi, cum in iure hujusmodi res immobilibus comparentur. Et videtur supponi L. 13. ff. ad L. Juliam peculat. Is qui prædam ab hostibus captam subripuit, lege peculatus tenetur, & in quadruplum damnatur. Si verò sint res vulgares, cedunt capientibus etiam privatis. §. Item ea. 17. J. de rer. divis. Item ea quæ ex hostibus capimus, jure gentium statim nostra sunt.

Verum in hac re usus obtinet præ legibus. & ideo plura non sunt addenda.



## CONTROVERSIA III.

## De Modo acquirendi Dominium per Venationem.

## S V M M A R I V M.

**D**efinitio Venationis. 61.

Ejus divisio in tres species. 62.

Fera capta etiam in alieno fundo, sit capientis, & tamdiu manet in Dominio, donec elaboratur, & pristinam libertatem recuperet. eod.

Animalia inclusa, ut pro libitu possint apprehendi, sunt includentis. 63.

Cujus sit fera ab anno vulnerata, ab alio apprehensa. 65.

An fera laqueo à te posito capta, alterius eximentis fiat. 67.

Non sit fera illius, qui eam redigit ad angustias, ut evadere non possit. 68.

Distinguendum etiam videtur, an laqueus positus sit in loco publico, an in alieno. 69.

An qui piscem capit in meo, fiat Dominus piscis. 70.

In piscina capiens, furtum committit. 71.

An sit hodie discrimen inter piscinam, lacum, stagnum. 72.

An Principes possint subditis prohibere Venationes in locis communibus, vel ad privatum spectantibus. 73.

Non possunt Principes prohibere subditis, ne fructibus defendendis arceant feras. 76.

Quid in hoc puncto statueris Serenissim. Elector Maximilianus. 77.

An Princeps prohibendo venationem, obliget ex Iustitia. 78.

Si Princeps alieni Magnati applicaret tuis venandi, alii probabiliter ex Iustitia tenerentur abstinere. 79.

An Princeps teneatur ad reparanda damna subditorum. eod.

Quæ poenâ affici possint Feripera. 80.

An Columbaria sint licita cum damno agrorum vicinorum. 81.

An liceat tibi in Columbario exponere escam, quâ alluciantur alienæ columbæ. 82.

An columbas extra columbarium liceat capere, occidere. 83.

An Apes illæ tuæ sint, quæ in arbore tuâ mellificant. 84.

Cur Imperator non faciat discrimen inter apes non feras & foras. 87.

61. **O**ccupatio animalium (quæ generali vocabulo Venatio occupativa dicitur) definitur à Ferd. V Vaizenegger c. 1. n. 25. Ius persequendi animalia, quæ terræ, mari, cælo capiuntur, & nullius sunt, jure naturali permixtum, vel legitimo titulo acquisitum.

62. Dividitur in tres species: in Venationem specificè dictam, Piscationem, & Aucupium. De his quædam certi juris, quædam controversæ. Quæ certi juris sunt, habentur ferè in Instit. de rerum divisione, & acquirendo eorum dom. saltè prout ea se habent lure gentium.

Itaque I. Fera capta non solum in proprio, sed etiam alieno fundo, sit primò occupantis: & quamvis ingrediendi contra Domini prohibitionem facias injuriam; non tamen teneris ad aliam restitutionem, quàm pro damno quod tali ingressu aut venatione fundo intulisti. Illud habetur §. feræ Inst. de rer. divis. & acq. dom. [Nec interest, feras bestias & volucres utrum in suo fundo quis capiat, an in alieno. Planè qui alienum fundum ingreditur venandi, aut aucupandi gratiâ, potest à Domino, si is præviderit prohiberi, ne ingrediatur. Quidquid autem eorum caperis, eousque tuum esse intelligitur, donec, &c.] Quæ verba, quidquid aliqui negent, ad præcedentia, Planè qui: referuntur: Ratio autem est, quia illæ feræ in nullius bonis sunt: ergo cedunt primò occupanti, lure naturæ. Quamvis ergo ingressus sit injustus, venatio tamen non est injusta, sed est actus à priore distinctus. Neque hic locum habet illud effectum: Cujus actus initium vitiosum est, totus actus vitiosus est. Hoc enim verum est de uno eodemque actu continuato, non de actibus diversis, quorum secundus priorem supponit: sic, v.g. qui contra priora sponsalia cum Maria celebrata, ducit Benham in uxorem, injustè agit, sed quæ deinde jure matrimonii validi facit, & à conjuge exigit, non sunt vitiosa. Aliud exemplum affert Hunnius. Prohibent jura contractura cum pupillo sine auctoritate tutoris, si tamen pupillus locupletior factus est, non prohibetur alter etiam ex tali contractu lucrum capere.

II. Fera capta tamdiu manet in dominio capientis, quamdiu non elabatur à custodia, ita ut pristinam libertatem censetur recuperasse. Vnde illa animalia, quæ ex sua natura sunt mansueta, & consuetudinem habent redeundi ad custodiâ, vel faciliè ad illam reduci possunt, ut gallinæ, anseres, equi, canes, &c. non sunt capientis extra custodiam, sed manent in priore dominio. Econtra illa animalia, quæ naturâ fera sunt, sed tamen cicurata, ut cervi, accipitrès, &c. tamdiu manent in dominio nostro, quamdiu consuetudinem redeundi retinent: quamprimum verò hanc exuunt, & naturalem feritatem inducunt, desinunt esse nostra, & iterum fiunt primò occupantis. Inst. §. 12. de rer. divis. eodè ferè verbis, & additur §. 13. [Illud quæritum est, an si fera bestia ita vulnerata sit, ut capi possit, statim tua esse intelligatur? & quibusdam placuit, statim esse tuam: & eousque tuam videri, donec eam persequaris. Quodsi deficiis persequi, desinere esse tuam, & rursus fieri occupantis. Alii verò putarunt, non aliter tuam esse, quàm si eam



eam ceperis. Sed posteriorem sententiam nos confirmamus, quod multa accidere soleant, ut eam non capias.]

63. III. Animalia, quæ certo loco inclusa tenentur, ut non possint vagari, quod volunt, & possunt hoc ipso facilius apprehendi pro libitu, jam sunt in dominio illius qui inclusa tenet, quia sunt revera in custodia, sicut avicula adhuc est in nostra custodia, quando volat per cubiculū, etiam si non statim possit manu apprehendi, quapropter hæc inclusio morali æstimatione pensanda est; nam si esset inclusio in loco tam amplo, ut animalia illa non propterea ullam arctitudinem paterentur, v.g. in integra sylva etiam circumsepta, non per hoc tua, cujus sylva est, esse censeretur, nec à te possideri. *L. 3. §. 14. ff. de acquir. & amit. posses.* [Item feras bestias quas vivariis includimus, & pisces quos in piscinas conjecerimus, à nobis possideri. Sed eos pisces qui in stagno sunt, aut feras quæ in sylvis circumseptis vagantur, à nobis non possideri: quoniam reliquæ sint in libertate naturali: alioquin etiam si quis sylvam emerit, videri eum omnes feras possidere, quod falsum est.]

64. Contra dicta obijci posset, & probari, quoddam in alieno venatur, feram non acquirit. Qui fructus in alieno fundo, invito Domino colligit, eos non acquirit, sed potius furtum committit. *L. 12. §. 5. ff. de usus. & quemad. si fur decerpserit, vel defecerit fructus maturos pendentes, &c.* competit fructuario furti actio. Atqui venatio quandoque est inter fructus. *L. 26. ff. de usus.* Venationem fructus fundi negavit esse, nisi fructus fundi ex venatione conferret. Ergo, &c. Respondetur, venationem non esse inter fructus nisi sub valde lata & generali significatione, sub qua comprehenduntur omnes omnino redditus, & obventiones, omnia emolumenta & commoda, sive naturaliter ex ipso rei corpore producantur, sive iure & solertia hominis percipiantur, & universum omnes fructus civiles, de quibus actum superius de possessione. Speciali enim ratione & propriè fructuum nomine id tantummodo continetur, quod ex corpore cujusque rei ita percipitur, ut ex eo salvo renascitur sit. *L. 59. §. 1. ff. de usus.* Quidquid in fundo nascitur, vel quidquid inde percipitur, ad fructuarium pertinet. & de his est verum, quod capientis non fiant, quia jam sunt in dominio Domini fundi, non verò feræ quæ liberè vagantur, & nunquam possessæ sunt.

65. QUÆRITUR nunc 1. Cujusnam sit fera, si ab uno vulneretur lethaliter, ita ut illi necessariò moriendum sit, ab alio autem sit vulnerata apprehendatur. 2. Cum distinctione. Si est ita vulnerata, ut non potuerit amplius evadere potestatem vulnerantis, procul abeundo, tunc erit vulnerantis. Est enim perinde, ac si laqueo eam teneret, aut lanceâ vel gladio transverberasset, ita ut ad pedes concideret: non enim requiritur immediata manuum

contractatio, sed sufficit facta medio instrumento; alioquin si quis aves jacularetur ex arbore, cadentesque alias tolleret, essent tollentis, quod est contra sensum communem.

66. Quando verò ita vulnerata est, ut adhuc possit fugere per saltus, & moraliter possit sese oculis venatoris subducere, tunc si alius eam occupaverit, illius fiet, juxta textum recitatum ex §. 13. Inst. *Quia multa accidere possunt, ut eam non capias.* Hodie usus in his partibus obtinuit, ut liceat vulneranti feram istam & sanguinantem, quantumvis necdum ipsius sit, etiam extra propriam sylvam aut districtum persequi, & quamdiu persequitur, jus non sit alteri eam eripere, & persequentem antevertere: & quidem jure Bavarico in planitie per duos dies, in montibus per tres persequi licet.

67. QUÆRITUR 2. Si fera laqueo vel alio instrumento à te posito capta est, an alteri eximere liceat, vel jam tua sit. Covarruvias & Navarr. apud Lessium adjudicant illam eximentis, nisi contraria sit consuetudo in aliquo loco particulari. Idem sentiunt plures DD. apud eundem, qui foret esse probabilem. Alii, ut Molina & Lessius, respondent cum distinctione. Vel enim fera ita capta est, ut se non poterit amplius extricare, tunc erit illius qui laqueum paravit, quia tuo instrumento illi libertatem ademit, adeoque sufficienter apprehendit. Vel adhuc poterat se extricare, & tunc erit eximentis, quia nondum amisit potestatem recuperandæ libertatis, adeoque necdum erat planè capta. Si verò dubium esset, utrum se esset extricata, tunc præda est inter eximentem & alterum dividenda.

68. Quoad secundum membrum distinctionis mihi videtur res certa. Indeque contra Molinani & VVaizenegger deduco, feram non esse adjudicandam illi, qui eam persequendo redegit in tales angustias, ut fugere non posset, quin denique apprehenderetur, si antequam apprehendas aut vulneres, alius eam manu capiat, vel laqueo, vel foveâ. Ratio est, quia tuo facto præcisè necdum amisit potestatem recuperandi libertatem, sed solum erat in proximo ut amitteret, sicut diximus de illo qui prius videret gemmam, & alius prius apprehenderet. Colligitur etiam à posteriori. quia alioquin dicendum esset, contra justitiam peccasse illos Sanctos, qui feras in tali necessitate ad se fugientes, non tradiderunt insequenti, sed libertate donarunt, ut notavit Lugo n. 7.

69. Quoad primum verò membrum non libenter assentior Lessio & Molina, sed mallem distinguere hoc modo. Vel laqueus positus est in loco publico, ubi licitum cuivis est ponere, vel in alieno loco, invito domino loci. Si positus est in loco publico (idem est si in alieno consentiente domino) tunc assentior Lessio & Molina. Si verò in alio, invito domino, tunc cen-

seo, dominum loci sine ulla injuria non solum feram captam, sed etiam instrumentum posse tanquam caducum, & quidem jure gentium, retinere. Responsio hæc est consentanea *legi ss. ff. de acquir. rerum dom.* ibi Proculus. [Laqueum videamus, ne interfit in publico an in privato posuerim, & si in privato posui, utrum in meo, an in alieno, & si in alieno, utrum permissu ejus cujus fundus erat, an non permissu ejus posuerim. præterea utrum in eo ita hæserit aper, ut expedire se non possit ipse, an diutius luctando expediturus se fuerit, &c.] Dico ergo, quod tali casu non fiat injuria venatori, si feram sibi seruet dominus, imò & instrumentum. Ratio est. quia ex omnium sensu & praxi certissima, sine ullo scrupulo observari solita, talia non redduntur venatori: ergo signum est, quod ex tacita conventionione omnes in hanc penam consentiant, ut si quis in loco alieno cum injuria (eo quod dominus habeat jus prohibendi, & defecto prohibeat) laqueos ponat, & dominus inveniatur, unum cum præda habeat jus auferendi. Ratio ulterior est, quia videtur ex terminis absurdum, quod quis dolo malo possit sibi viam parare, ut sibi liceat, quod alioqui ab altero posset jure impediri: atqui regressum in sui fundum potest alioquin dominus jure impedire, ut supponimus; si autem feram teneretur relinquere venatori, haberet venator jus redeundi ad laqueum, & feram auferendi, & ad hunc regressum sibi viam parasset dolo malo, nam ponendo laqueum habuit intentionem redeundi ad quærendam feram, ergo, &c. Ego sanè neminem obligarem ad talium rerum restitutionem; & cum in his partibus casus sit quotidianus, non audio unquam in hoc puncto scrupulum moveri.

70. QUÆRITUR 3. Circa Piscationem, an qui in piscina, vel stagno, aut lacu meo piscem capit, fiat dominus piscis. Distinguendum prius est inter Piscinam & Stagnum. (& quod de stagno dicitur à fortiori de lacu dicendum) Piscina enim est locus, ubi quasi in custodia (sicut feræ in vivario) asservantur & aluntur pisces, jam antè alibi capti & naturali libertate privati, & hominis operâ impositi piscinæ. Stagnum verò est locus amplior, ubi pisces per se crescunt, vel inundatione importantur, & adhuc naturalem libertatem habere censentur, nec ita facile possunt ad libitum extrahi: & sicut se habet piscina ad Vivarium seu Barchum, ita stagnum se habet ad sylvam etiam circumseptam. & ideo pisces in stagno necdum dicuntur à Domino stagni possideri. habentur hæc l. 3. §. 14. ff. de acquir. possess. [Item feræ bestias quas vivariis includimus, & pisces quos in piscinas conjecerimus, à nobis possideri. Sed eos pisces qui in stagno sunt, aut feræ quæ in sylvis circumseptis vagantur, à nobis non possideri, quoniam relictæ sunt naturali libertati. Alioquin etiam si quis sylvam emerit, videri eum om-

nes feras possidere, quod falsum est.] Hoc posito

71. Conveniunt omnes quoad piscinam, furtum esse, si alius inde piscetur, nec fieri Dominum piscis, cum jam Dominus piscinæ sit illius Dominus. Quoad stagnum est major difficultas. Joannes Harpprecht, quem sequitur VVaizenegger, docet, capientem fieri quidem Dominum piscis, sed dominio revocabili (secus quam qui capit feram in sylva, qui fit Dominus irrevocabiliter) atque piscatorem compelli posse ad pisces reddendos Domino stagni. Hanc tamen doctrinam & distinctionem inter feræ, & pisces, exhibital Bocerius in *tract. de pæn. furtor. crimin.* c. 2. n. 89. eamque ne linceis quidem oculis, aut animo sagacissimo in lure animadverti posse putat. Hanc censuram etiam Harpprecht ægrè ferat, reverà tamen nec minus, nec rationem efficacem affert. Ratio illius hæc est, quia pisces in stagno sunt quodammodo pars aquæ (sed quid juvat esse quodammodo, si non sunt eo modo, ut sint in dominio?) & sunt instar fructuum: (sed quid prodest esse instar: si non sunt ita, ut censentur unam cum stagno possideri? & cur non etiam feræ sunt instar fructuum & quodammodo pars sylvæ?) Deinde probat illud quodammodo & instar ex duplici capite. Primò quia omnis lacuum, & stagnorum fructus ex piscationibus constat. Secundò. Quia pisces etiam libere vagantur, ex aqua tamen ut fructus ex terra nasci intelliguntur. Concedo hæc omnia: sed non video quomodo hinc inferri possit: ergo piscatoris dominum est revocabile. Potius enim sic inferendum esset: ergo piscator non fit Dominus: sicut qui poma in alieno decerpit, non fit Dominus. Itaque Iure communi spectato fit irrevocabiliter Dominus piscis piscator, sicut venator feræ captae in sylva, & solum tenetur ad refundendam spem, quam habebat Dominus, eosdem pisces capiendi.

72. Nihilominus Ferd. VVaizenegger adducit Constitutionem Caroli V. in *Constit. pænalib.* art. 169. ubi Imperator inter stagna, lacus privatos, & piscinas, nullam constituit differentiam, sed æquè piscium in lacubus, stagnis, & piscinis existentium furtum fieri proficitur. Ex quo videtur inferri posse, tales pisces à Domino stagni jam possideri (saltem civiliter) & esse in illius dominio. Ad hoc responderetur dupliciter. Primò dici posset, quod Imperator velit quidem ut fures puniendos esse, reverà tamen fures non esse, nisi impropiè. Secundò dici posset, Imperatorem statuisse, ut qui capiat piscem, non fiat Dominus piscis, sed vel in ipsa captura Dominus stagni fiat Dominus piscis, vel (ex communiore sententia) ut intelligatur jam antè Dominus fuisse, & hoc propterea constitutum videri, quod fructus stagnorum semper, & unice in piscatione consistat, non item fructus sylvarum in venatione: & quod

quòd piscium captura in stagno non sit ità difficilis, & incerta, sicut ferarum in sylva.

*Dubium incidens, circa potestatem Principum, prohibendi, vel arrogandi sibi ius venandi.*

73. **DUBITATUR** 1. An Principes possint suis subditis prohibere venationes in locis aliàs communibus, vel ad aliquem privatum spectantibus. Negativam sententiam tenuerunt Antiqui præclarissimi J.Cti. quibus accedunt Menochius *Consilio*. 298. n. 18. lib. 3. & Craveta *consilio* 643. lib. 4. & 945. lib. 5.

74. **DICENDUM** tamen est 1. Possesse causas iustas prohibendi. Ità post plures Covarruvias aliique RR. quos sequitur Fachineus & V.Vaizenegger, neque dissentiant Theologi. Probatur, assignando iustas causas prohibendi: potest enim status Provinciæ talis esse, ut salus & tranquillitas publica, subditorum utilitas & securitas, id plane exigant: nempe quando timendum esset, quòd subditi venationibus occupati agros non cohererent, otio vacarent, vel sub prætextu venationis, prædones tegerentur (quod periculum nunquam facillè, meo iudicio, cessabit in provinciis multis sylvas continentibus) ne arma tenerent periculosa, ne facillè ad intestinam rebellionem se possent armare, &c. Item si ad condignam Principis & Aule ejus sustentationem necessarium esset, Principi refervari jus venandi.

75. Præterea Principes in multis locis ideo & meritò ac jure suo prohibent, quia jam antecederet ad talem prohibitionem acquirunt jus, ut præter ipsos nemo venetur, nisi cui ipsi concesserint, sive quia Principes hoc pacto terras subditis distribuerunt, sive quia subditi ad demerendum Principem sponte hoc jus in eum transtulerunt, sive quia per plures actus jam præscriperunt.

Neque obstat vulgaris illa levisque obiectio. Quod jure naturæ licet, Princeps non potest prohibere. Habet enim contra se infinitas instantias: v.g. donatio ultra 500. solidos jure naturæ liceret etiam sine insinuatione, & tamen irritatur lege positivà: filius familias jure naturæ posset licitè & validè testari, & tamen lege positivà non permittitur: jure naturæ liceret contrahere Matrimonium sine Testibus, & tamen prohibetur. Itaque Natura dicitur hujusmodi res facere licitas sub conditione seu ad tempus indefinitum: Quamdiu ob bonum publicum à potestate superiore (quæ à Deo est) non prohibetur.

76. **DICENDUM** 2. Non possunt Principes prohibere subditis, ne fructibus descendendis arceant feras, easquè abigant. Ità omnes non Theologi solum, sed etiam Iuristæ,

ut videre licet apud Harpprecht, qui præ cæteris accuratè materiam hanc totam pertractavit. Ratio est, quia cuiusvis sua defendere licet contra quemcunque privatum, multò magis contra bestias, quæ utique non debent ali à rusticis, seu damno rusticorum, neque hoc spectat ad Dominium Altum, quod Principes habent in bona subditorum pro casu summæ necessitatis, qualis utique non est, ut feræ possint impunè omnia depascere & devastare. Unde nullà consuetudine contrarium obtineri potest, teste V.Vaizenegger *th.* 24. Ex quo lubet referre quid circa hoc in Bavaria sit constitutum. Bavarica Constitutio, inquit n. 25. c. 3. rusticis licentiam dat, muniendi agros contra feras, vel fossis aut sepimentis, ad eam, quæ ponenti placet, altitudinem. Sed & canes certo numero alere permittit, quibus feræ, cum fruges depascunt, abigantur. ità quidem, ut qui domos & horrea habent ampliora, duos, qui angustiora, unum alant, eosquè baculo ad collum appenso domi contineant; ubi tamen feræ in agris alicujus deprehenduntur, licet ei suum ac vicini canes à baculo liberos in agros dimittere, hac lege, ut feris exactis domum recipiantur, ut primùm fieri potest. *Geiadsordnung*. c. 18. & 20. Optima constitutio.

77. **Quin** imò 1627. mandavit Serenissimus Elector, ut subditi canes hominibus ad custodiam factorum constitutis adjungere, iisque cervorum incursionibus attere, non prohibeantur. Denique anno 1629. seriò præcepit, ne Statibus Provincialibus, quibus venari licet, ullà ratione permittatur feras fructibus pendentibus in apertos & nusquam septos agros cum suo commodo, & vicinorum detrimento pertrahere.

78. **QUÆRITUR** 2. An Principes prohibendo venationem, obligent ex Justitia, vel tantum ex Obedientia. 2. Cum distinctione. Vel Princeps prohibet aliis venationem etiam in propriis eorum fundis, præcepto præsupponente Jus Principi quæsitum ex titulis suprà recensitis: & tunc subditi utique peccant contra Justitiam, quia agunt contra jus alteri quæsitum. Nihilominus tamen etiam in tali casu feram sic captam non tenetur capiens restituere, sed ad summum tenetur, in quantum interest Principis, non fuisse læsum jus suum: nam Princeps nunquam fuit dominus feræ, quia eam nondum cepit: imò probabile est, quod docent Lessius, Molina, Palao & alii Theologi, ad nullam tunc teneri restitutionem. Principes enim hanc non solent curare nec urgere, sed contenti sunt, si solvatur pœna imposita casu quo deprehendantur. Si verò Princeps prohibet ex aliqua gravi causa, quales suprà insinuavimus, & non habet aliud ius, nisi quod omnibus competit iure gentium, tunc probabilius est, quod docet Vasquez & Lugo, Principem tantum velle ex obedientia, non verò ex justitia obligare. Ratio est, quia non videtur aliter velle prohibere, quam quo

modo solent Principes alia prohibere, ut appor-  
tationem mercium, venditionem frumenti, pi-  
peris, armorum, &c. quibus casibus nemo di-  
cit eos peccare contra Iustitiam, agendo contra  
legem.

79. §. 2. Quando Princeps alicui Mag-  
nati applicaret jus venandi, & aliis in gratiam  
illius prohiberet, probabilis mihi est, alios et-  
iam ex Iustitia obligari ad abstinendum. Ratio  
est, quia Princeps videtur illi velle conferre po-  
testatem alios suâ voluntate in suum proprium  
commodum obligandi, aut deobligandi pro li-  
bitu, unde ille ipse Dominus postea aliis indul-  
gere venationem, cedendo jure suo.

QUÆRITUR 3. An Princeps teneatur  
ad cavenda, vel refarcienda damna subditis,  
si quod pariantur ex venatione reservata, vel fe-  
rarum multiplicatione exorbitante. §. Affir-  
mativè, nisi subditi ex pacto teneantur hujus-  
modi detrimenta sustinere, ut si prædia vicina  
comparassent hac conditione & pacto, vel nisi  
ipsi neglexissent media, quibus se poruissent ex  
indulto Principis indemnes servare.

80. QUÆRITUR 4. Quâ pœnâ af-  
fici possint Feripetæ, vulgò *Wildbreischützen*,  
contra Principis edictum. Card. de Lugo n.  
61. absolute & indistinctè docet, non posse pœ-  
nam capitis, vel mutilationis infligi, imò nec fla-  
gellationis, nisi homini sæpius monito, & gra-  
ve valde damnum inferenti. Fachineus addit,  
si Principem contemnere videretur, & incorrigi-  
bilis reputaretur. Exciperem ego casum unum,  
quo etiam propter unum actum posset pœnâ ca-  
pitis affici ex adjunctis circumstantiis, si scilicet  
venatio esset expressè prohibita ex causa gravissi-  
ma, v. g. ad latrocinia cavenda, ubi ad terro-  
rem & exemplum aliorum ita puniri possent et-  
iam primò deprehensi, præsertim si armis sub  
pœna capitis prohibitis usessent, ut legimus apud  
Valerium Maximum. L. 6. de *Servitute Do-  
miniorum* à Prætor Romano factum. Ceterum ad  
hanc questionem omnium accuratissimè respon-  
dit Serenissimo Baviaræ Principi, Nicolaus Ever-  
hardus. vol. 1. consilio. 10. n. 35. & seqq. Imprimis  
ergo cum in Iure nihil sit statutum, docet hic  
Auctor, hoc crimen, utpote extraordinarium,  
etiam extra ordinem esse coercendum, attentis  
circumstantiis.

Deinde constituit varios gradus pœnarum.  
1. Multam pecuniariam, aut carceris ad aliquot  
septimanas, cum aliqua maceratione corporis.  
Hac pœnâ coerceri potest, qui primâ vice de-  
prehensus unam alteramve feram pellis tantum  
aut etiam carnis causâ occidit, seclusis aliis cir-  
cumstantiis. 2. Relegationem perpetuam cum  
cautione jurata. Quâ pœnâ plecti posset, qui  
jam semel multatus, denuò venatus esset: vel  
qui, etsi nunquam multatus, multas tamen fe-  
ras cepisse deprehensus esset. 3. Amputationem  
manus dextræ, cum repetita relegatione & cautio-

ne de non redeundo, vel condemnationem ad  
trirèmes, vel in opus publicum: quâ pœnâ digni  
sunt, qui contra fidem juratam redeunt in Pro-  
vinciam, iterum venantes, tum propter perjuri-  
um propter Principis contemptum. 4. Pœnam  
mortis, vel saltem abscissionem etiam alterius  
manus, si alie circumstantiæ concurrant, v. g. si  
jam ter punitus necdum cessat. Tunc enim  
locum habet illud. 1. Reg. c. 14. *Qui Princi-  
pi non obedierit morte moriatur.* Sed hac (ut fa-  
tear) extra orbitam instituti operis mei, cujus fi-  
nis est jus Privatorum tradere, & Modos Acqui-  
rendi dominium venatione, non autem exami-  
nare circumstantias venationis iustæ, vel injus-  
tæ, quæ ex generalibus principiis tr. 2. tradi-  
tis resolvenda sunt. Cætera ad jus publicum  
spectant.

## APPENDIX

### De Columbariis & Alveariis.

81. QUÆRITUR 1. An Columbaria sint  
licita cum damno agrorum vicinorum.  
§. Affirmativè: quia omnes vicini in hoc  
sunt æqualis conditionis, & hoc consuetudo  
ostendit, nec censetur columbæ plus damni  
quàm commodi afferre agris, propter stercoreatio-  
nem.

82. QUÆRITUR 2. An liceat in tuo  
columbario exponere talem escam, aliâve fa-  
cere commoditatem, quâ alliciantur alienæ co-  
lumbæ ad tuum columbarium, & consuetudi-  
nem redeundi ad proprium amittant. §. Di-  
rectè non licet hoc intendere, ne quidem per  
media aliquin licita secundum se; hoc enim ef-  
fet directè velle alteri suum dominium & jus mi-  
nuere, & damnum inferre; sicut non liceret si-  
stulando allicere aviculam alterius. Indirectè  
tamen licet dare talem causam, utendo mediis  
per accidens talem recessum causantibus, v. g.  
melius pascendo tuas columbas, erigendo co-  
lumbarium in altiore loco, &c.

Quamvis non sit reprehendenda consue-  
tudo, reddens licitam etiam directam inten-  
tionem, quia jam intervenit mutus consen-  
sus.

83. QUÆRITUR 3. An Columbas  
extra columbarium vagantes, capere liceat, aut  
occidere. §. Negativè, quia etsi feræ naturæ  
sint, sicut & pavones §. 15. cum tamen consue-  
tudinem redeundi habeant, manent in dominio  
priori, cui auferre invito suum non licet, nisi  
consuetudo non improbata id licitum faceret.

84. QUÆRITUR 4. Circa Alvea-  
ria, an apes illæ tuæ sint, quæ in arborem tuam  
involant, ibique mellificant & nidificant, & al-  
vearii locum faciunt. Ad hoc respondet Imperator  
Justinianus §. 16. Apium quoque fera na-  
tura est. Itaque apes, quæ in arbore tua conse-  
derint,



derint, antequam à te alveo includantur, non magis tuæ intelliguntur esse, quàm volucres, quæ in arbore tua nidum fecerint. Ideoque si alius eas incluserit, is earum Dominus erit. Favos quoque si quos effecerint, eximere quilibet potest. Planè, integrè re, si prævideris ingredientem fundum tuum, poteris eum Jure prohibere, ne ingrediat. Examen quoque, quod ex alveo tuo evolaverit, eò usque intelligitur esse tuum, donec in conspectu tuo est, nec difficilis persecutio ejus est: alioquin occupantis sit. Hucusque Imperator.

Ne autem aliquis inde deduceret, idem dicendum esse de gallinis & anseribus, subdit §. 16. [Gallarum autem & anserum non est fera natura. Ideoque si anseres tui, aut gallinæ tuæ aliquo modo turbati, turbatæve evolaverint, licet conspectum tuum effugerint, quocunque tamen loco sint, tui tuæve esse intelliguntur: & qui lucrandi animo ea animalia detinet, furtum committere intelligitur.]

85. Circa apes claritatis gratiâ distinguendum est. Si enim eas in arbore tua consedis, & jam nidificasse ac mellificasse videns, habeas animum, eas unâ cum arbore ut tuas possidendi, virtute cujus intentionis pergis illam arborem possidere, hoc ipso jam satis eas apprehendisti, sicut apprehendere censeris pisces, si qui descendunt ex flumine in tuam piscinam, unde ascendere non possint: nec enim requiritur, ut talis locus sit ex industria ad hoc constructus; neque necesse est, ut apes illas manu contrahes, aut arborem amplectaris, aut alveario artefacto includas: cur enim non possis earum Dominus fieri, volendo illas pro alveario in arbore retinere, tanquam in loco sibi grato?

86. Prius tamen, quàm talem animum habeas, & antequam illæ nidificent, seu mellificent, sicque in arbore stabilem sedem figant, non erunt tuæ. Imò si ex alieno alveario huc volassent, non licet tibi eas tuo alveario includere, quamdiu animum redeundi non planè deposuerint: unde & tintinnabulis potest eas Dominus revocare, vel aliâs tamdiu persequi, quamdiu conspectum ejus aut famulorum non effugerunt, & adhuc facilis est earum persecutio.

87. Cæterum, non insulsè aliquis dubitare posset, cur Imperator non faciat discrimen inter apes feras, & non feras, sicut fecit §. 16. discrimen inter anseres feros & non feros. Certè Plinius judicavit apes vernaculas non esse feræ naturæ, quod ex Juristis etiam censuit Hotomanus & Tuningius, ut proinde horum sententiâ de cicuribus apibus non videatur procedere textus adductus, quòd alius eas à me avolantes, & conspectum meum effugientes, possit includere. Accedit, quòd non minus, quàm anseres & gallinæ ad suum alvearium redeant, etiamsi pro suo alimento evolent. Nihilominus dicendum est, etiam has esse feras, sicut sunt columbæ & pavo-

nes: quòd enim redire consueverint, non ex natura sua, sed extrinsecus allumpta consuetudine faciunt. Quod etiam inde patet; quia quando novo sibi Rege constituto examen avolat, non reddit ad prius alvearium, sed novam sibi sedem eligit, ubicunque illam repererit, quod anseres aut gallinæ non faciunt.

## CONTROVERSIA IV.

### De reliquis Modis acquirendi Jure Gentium.

#### SUMMARIUM.

**T**ertius modus acquirendi dominium Jure Gentium, est nativitas animalium. 88.

Quartus est per alluvionem. 89.

Ad quem pertineat incrementum, si fundus sit fructuarius. 90.

Quintus modus acquirendi per vim fluminis de alterius prædio afferentis, si arbores radices egerint in tuo fundo. 91.

Sextus Modus: si Insula de novo in fluvio nascatur. 95.

Quomodo intelligendus modus dividendi Insulam. 97.

Septimus modus: Alvei mutatio. 100.

Cui ager inundatus & relictus, restituitur pristino Domino, non item alveus. 101.

Octavus modus est, Specificatio. 103.

Si quis ex aliena materia speciem fecerit, quis sit speciei Dominus. 104.

Non sufficit quæcumque mutatio: & quanta esse debeat. 105.

An perinde sit, etiamsi malâ fide fecerit. 107.

Quid si postea ad pristinam naturam revocari, quis Dominus materie. 109.

Quo Juri remedio utatur Dominus materia. 110.

Nonus modus: Accessio: quomodo differat à specificatione. eod.

Huc reducitur Ferruminatio, & Plumbatura. 111.

Decimus modus, Confusio. 112.

Undecimus modus: Commixtio. 115.

Duodecimus modus: Edificatio. 119.

An à male fidei possessore possit materia vindicari. 121.

Datur actio de signo juncto. 122.

An detur etiam contra bonæ fidei edificatorem in duplum. 123.

Quis possit conveniri de dolo, & quis solum in factum. 125.

An liceat edificatori eximere signum, & restituere, ne duplum prestare debeat. 132.

Quid Juri, si ex propria materia in alieno solo edificetur. 133.

Quid antiquo Jure, quid novo Codicis. 134.

Quomodo intelligenda lex 2. C. de rei vind. 136.

Videtur correctoria priorum. 141.

*Qui in alieno solo suo nomine edificavit, seu bonâ seu malâ fide, si ipse edificium non possidet, stricto Iure nullam habet actionem. 142.*

*Ex æquitate tamen potest possessionem repetere Conditione incerti. eod.*

*Decimus tertius modus acquirendi Iure gentium est: Plantatio. 143.*

*Decimus quartus; Satio. 144.*

*Mala fidei Seminarii in alieno agro licet fructus auferre, nisi Dominus agri sumpus refundat. 145.*

*Decimus quintus modus; Scriptura. 146.*

*Consuetudo est contraria, ut charta Scriptura cedat. 147.*

*Decimus sextus modus est: Fructuum perceptio à bonâ fidei possessore. 150.*

*Decimus septimus: Traditio. 151.*

*Differentia inter abjectionem rerum in naufragii periculo, & Missilium. 153.*

88. **T**ERTIUM acquirendi modum refert Imperator. §. 19. *Item ea quæ ex animalibus dominio suo subiectis nata sunt, eodem jure tibi acquiruntur.* Sed quia dubitari poterat, cujus esset hinnulus, qui natus est ex equa tua, quæ concepit ex equo meo, ad hoc respondetur. l. 5. §. 2. ff. de rei vindic. *Idem scribit, si equam meam equus tuus prægnantem fecerit, non esse tuum, sed meum, quod natum est.* Quod si quis invito Domino equum alienum in equam suam immiscerit, in factum actione tenebitur. l. 52. §. 20. ff. de furtis. in fine.

89. **Q**UARTUS modus est per Alluvionem. Nam quod per alluvionem agro tuo flumen adjecit, jure gentium tibi acquiritur. Est autem Alluvio incrementum latens. Per Alluvionem autem id videtur adijci, quod ita paulatim adijcitur, ut intelligi non possit, quantum quoquo temporis momento adijciatur. §. 20.

90. **Q**UÆRES, ad quem pertineat incrementum, si fundus sit fructuarius. 32. Quoad fructum ad Usufructuarium, quoad proprietatem ad proprietarium. l. 9. §. 4. ff. de Usufr. *Placuit alluvionis quoque usufructum ad proprietatem pertinere.* Et hinc merito inferunt ulterius DD. propter alluvionis incrementum, non esse Emphyteutæ canonem, vel aliud onus, aut servitium augendum.

91. **Q**UINTUS modus acquirendi sit vi fluminis. §. 21. [Quod si vis fluminis de tuo prædio partem aliquam detraxerit, & vicini prædio attulerit: palam est, eam tuam permanere. Planè si longiore tempore fundo vicini tui hauserit, arboresque, quas secum traxit, in eum fundum radices egerint, ex eo tempore videntur vicini fundo acquisitæ esse.]

Differt ergo hic modus ab alluvione, quod subito non lentè, sed uno impetu adijciatur, & non statim acquiratur fundo cui adijcitur, sed tunc primum, cum longiore tempore fundo

cohareat, & arbores in fundum radices egerint.

92. Huic tamen textui videtur adversari quod habetur. l. 5. §. 3. ff. de Rei Vind. ubi dicitur: *de arbore quæ in alienum agrum translata coaluit, & radices immisit, Varus, & Nerva utilem in rem actionem dabant.* Ergo prior Dominus dominium non amisit, alioquin non competere ei in rem actio, quæ non datur nisi Domino, vel cui Dominus actionem cessit, & in quibusdam aliis casibus suo loco recensitis: *de rei vin.* Variæ sunt viæ conciliandi has leges. Prima interpretatio & conciliatio est Joan. Harpprecht, & VVurmseri lib. 2. Con. 6. (quam etiam aliquando tenuerat Hunnij, sed eam postea tanquam divinatoriam deseruit) & est hæc, quod hic textus non tribuat actionem utilem rei vindicationis illi, à cujus fundo avulsæ sunt arbores, sed illi cujus fundo adhæserunt, & radices egerunt, nempe si quis alius illas occuparet, contra illum haberet actionem utilem, non utilem in eo sensu, quo opponitur directæ (habet enim directam, quia est verus Dominus) sed utilem, id est, efficacem. Hæc tamen interpretatio mihi non placet, & rejicitur ex verbis adjunctis (quæ Harpprecht referre omisit) & sunt hæc: *Nam si nondum coaluit, mea esse non desinet.* Ex quibus clarè colligitur, quod etiam priora verba loquuntur de eo, à cujus fundo avulsæ sunt arbores: ut sensus sit: si radices egerunt, non datur directæ, sed tantum utilis actio, nam si non egerunt, datur directæ.

93. Secunda interpretatio est Hunnij, quod detur priori Domino utilis actio, non quâ arbores ipsas consequatur, sed earum assimilationem, quam ipsi à Domino agri præstari æquissimum sit. Verùm hæc responsio non placet, quia reverbè talis nullo jure tenetur ad æstimationem præstandam; cum arborum dominium acquisiverit non minori jure, quàm qui acquirat per alluvionem.

94. Tertia est, utilem actionem tunc dari, quando non vi fluminis (de qua loquitur. §. Inst.) sed factio hominis arbor translata est. Ita Myns. & VVesfenbet. apud Manzum. Verùm & hæc est mera divinatio, cum nullo verbulo talis distinctio insinuetur.

Quarta est: In Digestis ab Ulpiano solum historicè narrari, non item approbati, quod Varus & Nerva utilem actionem dederint. Hanc conciliationem amplectuntur plerique, Accursius, Bartolus, Donellus, Gilkenius, Bocerus, & alii. & hanc etiam amplectitur glossa litt. d. post medium, his verbis. *dic ergo secundum B. & Jo. hic: sed nos non damus* (id est utilem in rem actionem) volunt ergo isti, quod Ulpianus subticuerit: *sed nos non damus.* Certe Ulpianus refertens alioquin aliorum sententias, solet eas ita proponere, ut vel expresse approbet, vel satis insinuet: hic autem per vocem: *Dabant,* planè

plante indicat, hoc quidem olim obtinuisse, sed modo non amplius obtinere.

97. Sextus modus acquirendi jure gentium est, si Insula de novo in flumine nascatur. §. 22. [Insula in flumine nata, si quidem mediam partem fluminis tener, communis est eorum, qui ab utraque parte fluminis prope ripam prædia possident, pro modo scilicet latitudinis cujusque fundi quæ prope ripam est. Quod si alteri parti proximior sit, eorum est tantum, qui ab ea parte prope ripam prædia possident. Quod si aliquâ parte divisum sit flumen, deinde infra unitum agrum alicujus in formam insulæ redegerit, ejusdem permanet is ager cujus & fuerat.] & l. 1. §. 6. ff. de fluminibus. [Si insula in publico flumine fuerit nata, inque ea aliquid fiat, non videtur in publico fieri. Illa enim Insula aut occupantis est, si limitati agri fuerint, aut ejus cujus ripam contingit, aut si in medio alveo nata est, eorum est qui prope utrasque ripas possident.]

Obijci posset lex penult. §. fin. ff. h. t. ubi dicitur. [Si id quod in publico natum, aut ædificatum est, publicum est, insula quoque, quæ in publico flumine nata est, publica esse debet.] Donellus respondet, his verbis nihil absolute, sed tantum conditionate affirmari. Non placet: cur enim Labeo non pronuntiaret absolute? Verius respondet Hotomannus, nec improbat Hunnius, omissam esse particulam negativam ab initio totius legis ponendam. Non, si quod in publico (i. e. loco civitatis) ædificatum, &c. Negatur ergo inter hæc, & Insulam paritas. Et meritorum, nam Insula nascitur cum detrimento prædiorum vicinorum, quibus admittitur: item vicini debent reficere ripas fluminis: ergo æquum est, ut & commodum sentiant.

96. Itaque Insula de novo nascitur, quando terra apparet, quæ antè erat aquâ tecta. Non item nascitur, sed sit, quando flumen in duo cornua divisum circumdat agrum jam antè possessum, & in formam Insulæ redigit, quo casu manet ager prioris Domini.

97. Circa Insulâ de novo apparentem quaeritur quomodo intelligenda divisio relata in textu §. 22. 2. Imprimis quoad Longitudinis Insulæ considerationem non est magna difficultas: pertinet enim ad eos ad quos agri vicini, cum ea proportionem, quam habet respondentem in Insula. Quoad latitudinem verò non est difficultas satis expedita in textu, dum dicitur, esse illius ripæ, cui est proximior; communem autem utrique parti riparum, si mediam partem fluminis obtineat. Difficultas autem est in eo: quia nunquam contingit, ut Insula ita in medio nascatur, ut quoad extremitates non sit uni vicinior quam alteri ripæ: an ergo, si vel uno vel altero pede est uni ripæ proximior, statim tota illi ripæ cedit?

98. Pro hujus rei intelligentia placet referre modum faciendæ divisionis, quæ est Barto-

li. Nam si Insula esset perfectæ & Mathematicæ in medio, medietas cederet uni, & medietas alteri: si autem Insula esset plus versus unam partem, quam versus aliam, illa tantum pars insulæ, quæ uni parti propinqua (secundum cordam ductam per medium fluminis, & in medio nodo signatam) illius fundi esset, & illa quæ magis propinqua alteri, cederet alteri. Putat deinde Bartolus, mediam fluminis partem posse deprehendi, si dividatur tota fluminis latitudo in tres partes æquales, tunc enim, si insula teneat illam partem fluminis quæ est in medio, putat inter vicinos dividendam esse, secundum proportionem majoris vel minoris vicinitatis. Si autem extra mediam illam partem tota esset in parte unius ripæ, tota illi cederet. Ego rem sic concipio, quod tota insula spectet ad ripam A. si tota residet ex illa parte, ita ut nihil notabile Insulæ se extendat ultra medietatem fluminis versus ripam B. & e contra. Si autem se notabiliter extendat ultra medietatem, illa pars pertinebit ad alteram ripam. Ratio est, quia illa insula censetur nata ex partibus riparum à flumine arrostarum.

99. Obijci posset lex penult. §. ult. ff. de acquir. rerum dom. ubi dicitur. Si id quod in publico innatum aut ædificatum est, publicum est, insula quoque, quæ in flumine publico nata est, publica esse debet. Glossa Gothofredi contradicit huic textui, & dicit: inò privatorum est. 2. Hunc §. esse intelligendum conformiter ad §. 2. præcedentem, ubi sic distinguitur. [Si qua insula in flumine publico proxima tuo fundo nata est, ea tua est. Videamus ne hoc verum sit de ea insula NB. quæ non ipsi alveo fluminis coheret, sed virgultis aut aliâ qualibet levi materiâ ita sustinetur in flumine, ut solum ejus non tangat, atque ipsa moveatur: hæc enim propemodum publica atque ipsius fluminis est insula.] Itaque §. ultimus intelligendus est de Insula natante, qualem ego vidi valde magnam in lacu Eberspergensis. Ratio autem diversitatis cur hæc Insula natans non item solo & alveo coherens, fiat juris publici, est hæc, quia illa prognascitur ex flumine potius quam terra, ideo sicut flumen est publicum, ita & hoc accessorium illius tanquam principalis. At verò Insula in hærens alveo sicut mediantem alveo continuatur cum ripis, ita ex riparum arrosonne progigni creditur: quid mirum ergo, quod illi cedat, quorum diminutione coalescit?

100. Septimus acquirendi modus Jure gentium est, Alvei mutatio. [Quod si (inquit textus §. 23. & 24.) naturali alveo in univsum derelicto, ad aliam partem fluere ceperit, prior quidem alveus eorum est, qui prope ripam ejus prædia possident, pro modo scilicet latitudinis cujusque agri, quæ prope ripam sit. Novus autem alveus ejus juris esse incipit, cujus & ipsum flumen est, id est publicus. Quod si post ali-

flumen, rursus novus alveus eorum esse incipit, qui prope ripam ejus prædia possident. Alia sane causa est, si cujus totius ager inundatus fuerit. Neque enim inundatio fundi speciem commutat: & ob id si recesserit aqua, palam est, eum fundum ejus manere ejus & fuit.]

101. Sed merito circa hoc dubitatur, cur ager inundatus, & iterum relictus, restitatur totus pristino Domino, non item alveus de novo occupatus, & iterum relictus, restitatur illis, quorum agros absumperat, sed dividatur inter prædia vicina sicut Insula. §. 1. Discrimen fundari in eo, quod per inundationem non censetur forma agri immutata, sicut per alvei inductionem, quâ proinde definit ille fundus esse privatorum, sed sit publicus sicut flumen est. Ulterior autem hujus ratio est, quia per se loquendo alveus stabiliter occupatur, & valde per accidens est, si iterum defecatur, neque hoc est moraliter sperabile: at verò inundatio sicut est repentina, ita non est stabilis, sed brevi tempore durat. Ceterum, ex æquitate quandoque in alveo contrarium observatur, & redditur priori Domino, nam lege 7. §. 6. *versus cujus totum. ff. de acquir. rer. dom.* hoc satis indicatur, dum dicitur, *stricto iure* ita fieri, ut vicini prædiis cedat, & in fine additur. *Sed dixi est, ut id obtineat.*

102. Illud non assequitur, quare Schneidewein dicat, inundatione agrorum possessionem interrumpi, & per consequens etiam interrumpi usucapionem, & ita raro fieri posse, ut isti qui possident prædia penes flumen, quæ sæpe inundari solent, usucapionem recte valeant expedire. Citat duas leges pro hac assertionem, quæ tamen in terminis contradictorii loquuntur. Prima citat legem 3. §. 17. ff. de acquir. possess. cujus hæc sunt verba. *Labeo & Nerva filius responderunt, desinere me possidere eum locum, quem flumen, aut mare occupaverit.* deinde citat legem 30. §. 3. eod. verba sunt hæc. *Quod mari aut flumine occupatum sit, possidere non desinimus.* Sanè ut hæc leges cohæreant, videtur prior intelligenda de stabili occupatione, secunda de temporaria: & in priore casu interrumpitur usucapio, non in posteriore, quam proinde non debebat pro se citare dictus auctor, cum in terminis illi contradicatur.

103. Octavus acquirendi modus est. Specificationis. Est autem specificatio introductio formæ in materiam, ut si quis ex urvis aut olivis faciat vinum aut oleum, ex auro vel argento vas, ex vino & melle mulsium, ex Medicamentis Emplastrum, ex lana vestimentum, ex tabulis navem, &c.

104. QUÆRITUR jam, si quis ex aliena materia speciem fecerit, quis speciei Dominus sit, an qui fecerit, an qui materiam Dominus fuerit. Ad quod respondetur §. 25. [Si ea species ad priorem & rudem materiam reduci possit, eum videri Dominum esse, qui materiam Dominus fuerit; si non possit reduci, eum potius intelligi Dominum, qui fecerit. Ut ecce! vas confla-

tum potest ad rudem materiam æris, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest. At ne mulsium quidem ad vinum, & mel resolvi potest. Quodsi partim ex sua materia partim ex aliena speciem aliquam fecerit quis, veluti ex suo vino, & alieno melle mulsium miscuerit, aut ex suis & alienis medicamentis emplastrum aut collyrium, aut ex sua lana, & aliena vestimentum fecerit, dubitandum non est, hoc casu eum esse Dominum, qui fecerit, cum non solum operam suam dederit, sed & partem ejusdem materiae præstiterit.] Hæc ergo ratione conciliavit Imperator Proculum, & Sabinum, seu Proculianum, & Sabinianos. Nam Proculiani universam speciem de novo factam auctori adjudicabant, quasi opus de novo factum, factoris ideo sit, quia antea nullius fuit, & ab eo primò occupatur. E contra Sabiniani adjudicabant Domino materiam, eò quod forma sit quid accidentale, & accessorium sequatur principale, sicut accidens est entis, id est, substantiæ Ens.

Imperator vero respexit ad naturam speciei factæ, & si quidem potest forma inducta ita auferri, ut salva maneret substantia, seu materia, vera esset sententia Sabinianorum, secus, vera esset Proculianorum.

105. Advertendum porro hic est 1. Non esse specificationem, si quomodocunque aliquid accidentalem iterum immutetur, sed debet ita immutari, ut in commercio humano fortiaur quodammodo novam rationem entis, novòque ideo nomine substantivo efferatur, & non merè adjectivè variatum sit: ita sanè differunt uvæ & vinum, olivæ & oleum, aurum & statua, vinum mel, & mulsium, &c. non item lana nativi coloris, & lana tinctæ, quæ semper adhuc venit nomine lanæ, unde qui lanam alienam tinxit, quantumvis effecerit, ut lana non possit in pristinum statum restitui, nihil tamen suum fecit, sed manet lana illius cujus antè fuerat. L. 26. §. ult. ff. de acquir. rer. dom. *Si meam lanam feceris purpuram* (id est, infeceris purpurâ) nihilominus meam esse Labeo ait, quia nihil interest inter puram, & eam lanam, quæ in lutum aut cænum cecidisset, atque ita pristinum colorem perdidisset.

Pari modo potest reddi ratio, ejus quod l. 7. §. 7. in fine eod. dicitur: [videntur tamen mihi rectè quidam dixisse, non debere dubitari, quin alienis spicis excussum frumentum ejus sit, cujus & spicæ fuerunt, cum enim grana, quæ spicis continentur, perfectam habeant suam speciem, qui excussit spicæ, non novam speciem facit, sed eam quæ est, detegit.

106. Dices 1. Hoc non cohæret cum textu §. 25. ubi idem dicitur de frumento ex spicis facto, quod de vino ex uvis facto: & sanè videtur esse paritas. nam etiam vinum solum dicitur detractis pelliculis. 2. Textum paragraphi esse desumptum ex lege 7. citata, & secundum



cundam illam intelligendum, & Vigelius dicit, fuisse in Instit. aliquid onisum. Disparitas autem inter vinum & frumentum hæc est, quod uvæ & olivæ antequam exprimantur, habeant alium usum, & habeant verè rationem cibi, & non rationem potus, &c. hinc dicunt Theologi fucum pelliculis adhuc inclusum consecrari non posse, cum tamen possit vinum inclusum dolio. Grana verò intra spicas nullum usum habent, sed tunc primum cum excuriuntur.

Dices 2. Ergo etiam farina erit illius, cujus fuerunt grana, & non molitoris; quia licet non possit reduci ad priorem statum, grana tamen non videntur habere usum, nisi redigantur in farinam. Respondeo tamen negando illatum, & censo fore molitoris, quod etiam attulerit Collegium Argentoratense: falsum enim est, quod grana non habeant humanum usum diversum ab usu farinæ, pro diversitate frumenti: imò universim habent usum feminis.

107. DUBITATUR, & merito, utrum, ad hoc ut qui speciem ex aliena materia fecit, fiat speciei Dominus, perinde sit, etiam si malâ fide fecerit, sciens esse alienam. Affirmant VVesenbergius, Heigius, Bachovius & alii. Communior tamen sententia requirit inculpabilem ignorantiam alienæ materiæ. Vnde inferunt, quod si duo concurrant in specie faciendi, atque unus bonam fidem, alter malam fidem habeat, quod inquam, spectet ad materiæ Dominum, & specificantem bonâ fide. Probatur autem ex *Legge 12. §. 3. ff. ad exhibendum*. [Si quis ex uvis meis multum fecerit, vel ex olivis oleum, vel ex lana vestimenta, cum scierit hæc aliena esse, utriusque nomine ad exhibendum actione tenebitur, quia quod ex re nostra fit, (malâ fide) nostrum esse verius est.] Ratio redditur: quia talis videtur operam suam donare. arg. l. 53. ff. de R. J. Cujus per errorem dati repetitio est, ejus consulto dati donatio est. Hinc infero, non fore malâ fidei eum, qui sciens rem esse alienam, inculpabili tamen errore putat, Dominum materiæ non esse in virum, dummodo illi pro materia fiat compensatio: talis enim virque non potest censeri velle operam suam donare.

108. Circa illud, quod in textu dicitur, quod si materia possit ad pristinum statum reduci, opus factum pertineat ad Dominum materiæ, occurrunt duæ leges, quæ in speciem contrariæ esse videri possent, quatenus una dicit, navem ex aliena materia factam, pertinere ad eum qui navem fecit, & est lex 26. ff. de acquir. rer. dom. alia verò dicit, pertinere ad Dominum materiæ, & est lex 61. ff. de rei vindicatione. Conciliantur tamen dicendo, quod posterior loquatur, quando navis est facta ex tabulis alterius, quatenus navis in illas resolvi possit. [Minicius interrogatus si quis navem suam alienâ materiâ refecisset, num nihilominus navis ejusdem maneret? Respondit manere. Sed si in ædificanda

ea idem fecisset, non posse Julianus notar, nam proprietas totius navis carinæ causam sequitur.] In altera verò sermo est, quando quis navem fecit, non ex alienis tabulis jam antea confectis, sed ex aliena cypresso, ex qua & ipse tabulas confecit, tunc enim non potest redire ad pristinam formam. [Sed si meis tabulis navem fecisses, tuam navem esse, quia cypressus non maneret, sicut nec lana vestimento facto, sed cupressum aut lanceum corpus fieret.]

109. Circa illud etiam, quod in fine §. dicitur, eum esse Dominum, qui & materiæ patrem subministravit, & specificationis auctor est, quæritur, an hoc etiam verum sit, si opus possit ad pristinam naturam reduci. Respondetur ex communiore sententia negativè: tunc enim unusquisque suæ materiæ Dominus manebit. l. 12. §. 1. ff. de acquir. rer. dom. [Si ære meo, & argento tuo confecto, aliqua species facta sit, non erit ea nostra communis, quia cum diversæ materiæ æs atque argentum sit, ab artificibus separari, & in pristinam materiam reduci solet.]

110. QUÆRES, quo iuris remedio uti possit Dominus materiæ, si specificator illius Dominus se inuito factus sit. 1. Domino materiæ dabitur actio in factum contra specificantem, ad consequendam materiæ æstimationem. l. 23. §. 4. ff. de Rei vind. [In omnibus igitur istis, in quibus mea res per prævalentiam alienam rem trahit, meamque efficit, eam rem vindicem, per exceptionem doli mali cogar pretium ejus, quod accesserit, dare.]

Nonus acquirendi modus est Accessio, ad quam primò reducitur Intextura. §. 26. [Nam si alienam purpureum vestimentum cum quis intexuerit, licet pretiosior sit purpura, tamen accessionis vice cedit vestimento, & qui Dominus fuit purpuræ, adversus eum qui subripuit, habet furti actionem, & conditionem (intellige furtivam) si ve ipse sit, qui vestimentum fecit, si ve alius. Nam extinctæ res, licet vindicari non possint, condici tamen à furibus, & quibusque aliis possessoribus possunt.]

Differt sanè hic acquirendi modus à specificatione, quæ fit partim ex propria partim ex aliena materia: nam in specificatione utriusque materia est aliquo modo principalis in ordine ad recipiendam formam inducendam: in Accessione verò, seu Intextura, forma vestimenti, v. g. inducitur in materiam vestimenti principalem, cui purpura tanquam minus principalis & accessoria copulatur, unde vestis purpurea dicitur. Unde solet hæc regula tradi. Si species est jam confecta, v. g. vestis, quod ei additur (ut purpura) toti cedit: velut si statuz pes adderetur ex aliena materia, si scypho ansa, si annulo gemma, &c. Irà habetur in terminis. l. 23. cit. §. 2. de Rei Vind.

Quod si bonâ fide facta est intextura, habet ille cujus purpura fuit, conditionem sine causa,

causa, vel actionem ad exhibendum. l. 1. §. fin. ff. de condit. sine causa. ibi. constat id demum alicui condici posse, quod, vel non ex iusta causa ad eum pervenit, vel redit ad non iustam causam: & l. 6. ff. ad exhibend. Gemma inclusa auro alieno, vel sigillum candelabro vindicari non potest, sed, ut excludatur, ad exhibendum agi potest. Si verò malâ fidei, qualis actio competat, recitatum est in textu, nempe actio furti, & condictio furtiva adversus quemvis malâ fidei possessorem, & hæredes illius, eo sensu quo explicatum est in primo tractatu, cum ageretur de furto.

111. Reducitur hinc. 2. Ferruminatio, & Plumbatura. Ferruminatio est, cum metalla diversorum in unum corpus conjunguntur, ut solent confusione copulari duo frusta candentia. Plumbatura fit, quando per dissimilem materiam conjunguntur, v. g. plumbo, aut stanno, aut clavis, &c. De his nihil specialis difficultatis occurrit, nempe datur etiam actio ad exhibendum, ut separantur materiz, & tunc vindicentur. l. 23. §. 5. ff. de R. P.

112. Decimus acquirendi modus est Confusio. §. 27. [Si duorum materiz ex voluntate Domini confusæ sint, totum id corpus quod ex confusione fit, utriusque commune est: veluti si qui vina sua confuderint, ut massas argenti, vel auri conflaverint. Sed etsi diversæ materiz sint, & ob id propria species facta sit: forte ex vino & melle mulsam, aut ex auro & argento electrum, idem juris est. Nam, & hoc casu communem esse speciem non dubitatur. Quodsi fortuito, & non voluntate Dominorum confusæ fuerint, vel ejusdem generis materiz, vel diversæ, idem juris esse placuit.] Ità textus, qui claritatis gratiâ sic exponi potest.

113. Confusio itaque est, quando duæ materiz (seu ejusdem, seu diversæ speciei) liquidæ ità misceantur, ut ab invicem separari non possint arte humanâ, & ordinariâ, & consequenter non existat reverâ una pars sensibilis contradistinguibilis ab altera, sed intimè misceantur, ut fit, cum vinum vino, vel melli miscetur. Vel ergo fit hæc confusio consentiente utroque Domino, & tunc mixtum quod inde resultat, est utrique commune, & pro indiviso ad eos pertinet, etiamsi specificatio facta sit, v. g. mulsam. vel fit casu fortuito, ut si vinum vino confunditur, & tunc est etiam utrique commune. Vel fit ex unius intentione sine consensu alterius, & tunc distinguendum est: si enim fiat specificatio, v. g. ex unius melle, & alterius vino mulsam, tunc est illius, qui miscuit animo acquirendi dominium, ut dictum de specificatione, quia & materiam, & operam præstitit. Si verò nulla nova forma resultat, tunc iterum manet corpus commune.

114. Secus si res habet in confusione materiarum, quæ arte possint ab invicem separari, v. g. confusio artis cum argento, plumbo, &c.

Nam in hoc casu confusio communionem non inducit, & manet hic quisque suæ materiz Dominus, eamque is vindicatione petere potest, vel agere prius ad exhibendum, ut jam supra dictum est.

115. Undecimus acquirendi modus est Commixtio, quæ differt à Confusione formaliter & propriè sumpta, quod fiat in corporibus solidis. §. 28. [Nam si frumentum Titii frumento tuo mixtum fuerit, si quidem ex voluntate vestra, commune est: quia singula grana, quæ cujusque propria fuerunt, ex consensu vestro communicata sunt. Quodsi casu id mixtum fuerit, vel Titius id miscuerit sine tua voluntate, non videtur commune esse, quia singula corpora in sua substantia durant, &c. Sed si ab altero vestrum totum id frumentum retineatur, in rem quidem actio pro modo frumenti cuiusque competit; arbitrio autem Iudicis continetur, ut ipse æstimet, quale cujusque frumentum fuerit.] Ità textus.

116. In commixtione itaque illud speciale constitutum est, ut si ex unius voluntate commisceantur, v. g. tuum & meum frumentum, tunc non fiat unus cumulus communis utrique, quia singula corpora manent in sua substantia, & secundum se sunt adhuc separata à cæteris, esto discerni non possint; unde alter manet suæ partis Dominus, eamque petere potest, distinctione tamen adhibita inter quantitatem & qualitatem. Quantitas enim venit in actionem; qualitatis verò ratio habetur officio Iudicis: v. g. Modius mei frumenti optimi & purissimi casu commiscetur cum duobus modis tui frumenti deterioris: non possum vindicare mea grana, quia non possint discerni: vindico tamen modium frumenti, quæ est quantitas meæ materiz mixtæ: quia verò consecutus sum frumentum deterius, par est, ut hujus rationem habeat Iudex, & faciat, ut ratione deterioris frumenti damnum quod patior resarciat.

117. Contra hanc Justiniani Constitutionem objicitur lex. 78. ff. de solutionibus & liberationibus, ubi dicitur, quod si pecuniæ alienæ solutæ sunt, manent ejus, cujus fuerint; si mixtæ essent, ità ut discerni non possent, ejus fieri qui accepit. Ità ut actio furti competere Domino contra eum qui dedisset. Ergo mixtio etiam frumenti, si fiat animo acquirendi dominium, operabitur, ut frumenti dominium transeat ad eum qui admiscuit suo.

118. Ad hanc objectionem respondet Julius Pacius, in hujus legis casu non ex simplici mixtione, sed propter vim solutionis creditorem fieri Dominum pecuniæ. Sed contra est. Quia si propter vim solutionis hoc fieret, pari modo Dominus fieret, si nullâ mixtione factâ daretur in solutum.

Card. de Lugo respondet, tunc per mixtionem acquiri dominium, quando parva quantitas

ritas, seu frumenti, seu pecuniar alienar, misceatur quantitati majori propriar, ut sic illa parva absumi videatur, & de tali mixtione esse sermonem in citata lege. 78. in §. autem. 28. Inft. esse sermonem de mixtione alienar quantitatibus, vel aqualis, vel majoris. Verum hac responsio nullo juris apice indicatur.

Mihi placet Responsio Collegii Argenter. Quod in pecuniar permixtione hoc specialiter constitutum sit, propter usum nummorum quotidianum in commerciis, ne ex dominii incertitudine in nummis admitta, contractus innumeri fluctuent, praesertim contractus Mutui, & Emptionis, qui sunt quotidiani.

119. Duodecim acquirendi modus est Edificatio. De quo sunt duo §. 29. & 30. Prior hic habet. [Cum in suo solo aliquis ex aliena materia edificaverit, ipse intelligitur Dominus aedificii, quia omne quod solo in aedificatur, solo cedit. Nec tamen is qui materia Dominus fuerat, desinit Dominus ejus esse, sed tantisper neque vindicare eam potest, neque ad exhibendum de ea re agere propter legem duodecim tabularum, qua cavetur, ne quis tignum alienum aedibus suis junctum eximere cogatur, sed duplum pro eo praestet per actionem, quae vocatur de tigno juncto. Appellatione autem tigni omnis materia significatur, ex qua aedificia fiunt. Quod ideo provifum est, ne aedificia rescindi necesse sit. Quod si aliqua ex causa dirutum sit aedificium, poterit materia Dominus, si non fuerit duplum jam consecutus, tunc eam vindicare, & ad exhibendum de ea agere.]

120. Intelligendus est hic §. de aedificiis, quae solo affixa sunt, & immobilia: quae enim solo moveri possunt, solo non cedunt, l. 60. ff. de acquir. rer. dom. [Titius horreum frumentarium novum ex tabulis ligneis factum mobile in Seij praedio posuit, quantur, uter horrei Dominus sit, respondit, secundum ea quae proponerentur, non esse factum Seij.] Unde a fortiori inferitur, quod si ipse Sejus ex alienis lignis in suo solo fecisset, non fieret ejus Dominus.

121. QUÆRES. 1. An nec a malae fidei aedificatore possit materia vindicari. 2. Non posse, ob rationem allatam in textu, ne aedificia diruantur, & colligitur ex Lege 1. ff. de tigno juncto. [Lex duodecim tabularum neque solvere permittit tignum furtivum, aedibus, vel vineis junctum, neque vindicare.]

Dices. Imò datur contra malae fidei aedificatorem actio ad exhibendum. l. 13. §. 6. ff. de R. V. [Tignum alienum aedibus junctum, nec vindicari potest propter legem. 12. Tab. nec eo nomine ad exhibendum agi, nisi adversus eum NB. qui sciens alienum junxit aedibus, sed est actio antiqua de tigno juncto, quae in duplum ex lege 12. tab. descendit.] 2. Dari quidem contra talem actionem ad exhibendum, sed non quae

in effectu consequatur destructionem aedificii, sed quae consequatur aetimationem materiae; & hanc responsionem subministrat paulo ante adducta lex. 1. ff. de tigno juncto, ubi. §. 2. sic habetur. [Sed & ad exhibendum danda est actio, nec enim parci oportet ei, qui sciens alienam rem aedificio inclusit junxerit, non enim NB. sic eum convenimus, quasi possidentem, sed ita, quasi dolo malo fecerit, quo minus possideat.] Sensus est, quod, cum aedificia non sint diruenda, talis malae fidei possessor perinde in effectu sit, ac si non possideret, quia non possidet tali modo, quo ipsi fas sit restituere: & ideo habet se sicut qui dolo desijt possidere: contra talem autem datur non solum actio ad exhibendum, sed etiam Rei vindicatio, ut dictum est tract. 2. de Rei Vind. & tendit hac actio ad rei aetimationem: quam tamen non possit laesus instituere, si jam per actionem de tigno juncto duplum esset consecutus, quia idem bis peti non potest.

122. Datur autem actio de tigno juncto ex lege XII. Tab. ad tigni aetimationem in eum, qui convictus est junxisse, ut constat ex relato textu. Verum

123. Controversia satis intricata est, utrum actio de tigno juncto non solum detur contra malae fidei, sed etiam contra bonae fidei aedificatorem in duplum.

Prima sententia negat. Ita Mynfinger & VVelsenbecius. Communior tamen affirmat. Et quidem inspectis juris apicibus affirmativa satis est fundata.

Probatur imprimis ex §. citato. ubi sicut tam de bonae quam de malae fidei possessore dicitur, quod tignum vindicare stante aedificio non possit, ita statim eadem generalitate per particulam adversariam Sed, subjungitur, posse actionem in duplum agi adversus aedificantem. Idem indicant verba ultima ejusdem §. dum dicitur, dominum materiae, diruto aedificio posse materiam, seu tignum suum vindicare: si duplum nondum fuerit consecutus. atqui hac conditionalis non procedit de malae fidei possessore: ergo de bonae fidei possessore intelligenda est: ergo & bonae fidei possessor supponitur in duplum conveniri posse. Minor probatur. Nam a malae fidei possessore potest dominus tignum vindicare etiam si duplum consecutus fuerit, quia tignum mala fide junctum est in jure furtivum. l. 1. citata ff. de tigno juncto. & dicitur postea, solvendo objectiones.

124. Probatur 2. Ex lege 23. §. 6. ff. de R. V. cujus verba paulo superius dedi, in quibus clare dicitur, actionem de tigno juncto in duplum etiam adversus eum dari, contra quem non datur Rei vindicatio, nec actio ad exhibendum, hanc autem dari solum adversus malae fidei possessorem, & idem habetur in L. 6. ff. ad exhibendum. ubi satis aperte dicitur actionem de tigno juncto.

juncto dari in locum actionis ad exhibendum, quæ competeret etiam adversus bonæ fidei possessorem, nisi lex 12. tabularum in favorem ædificiorum oblatet. [Gemma inclusa auro alieno; vel sigillum candelabro vindicari non potest, sed ut excluditur, ad exhibendum agi potest. Alii tamen in signo juncto ædibus, de quo nec ad exhibendum agi potest, quia lex duodecim tabularum solvi veterat: sed actione de signo juncto ex eadem lege in duplum agitur.]

125. Et hæc sunt fundamenta sententiæ affirmativæ; ad quæ tamen fortassis responderi possit, ea procedere ex præsumptione malæ fidei, vel certæ alicujus negligentie & culpæ civilis in investigando Domino materiæ: quæ præsumptio si purgaretur, crederem profecto, locum habituram sententiæ negativam, & solum dandam esse actionem in factum Domino materiæ ad consequendum simplum. Sed videamus hujus negativæ sententiæ fundamenta, & apparebit ea favere responsioni à me datæ, & auctores in hoc puncto conciliati posse.

126. Objici ergo solet 1. Lex 63. ff. de donat. inter virum & uxorem. ibi. [Sed in hoc solum agi potest, ut sola vindicatio, solvatur, & competit mulieri, non in duplum ex lege duodecim tabularum: neque enim furtivum est, quod sciente Domino inclusum est.] Ex quibus verbis colligi videtur, quod non detur actio in duplum, quando materiæ non est furtiva: atqui quando possessor est bonæ fidei, nunquam materiæ est furtiva, ergo. Respondent communiter, hunc textum loqui non de quocunque bonæ fidei possessore, sed de eo, qui sciente Domino tignum junxit. Verum licet res ita se habeat, revera tamen hoc textu satis innuitur, quod si constaret aliunde, quod tignum furtivum non esset, quàm ex consensu vel scientia Domini, etiam tunc non daretur actio in duplum, & ideo ex hac lege confirmari videtur id quod ego paulò antea dixi, nempe universim cessante præsumptione doli, non esse dandam actionem in duplum.

127. Objicitur 2. Lex 1. ff. de signo juncto, ubi Lex 12. explicatur, quasi loquatur solum de signo furtivo. sic ait Vlpianus: Lex duodecim Tab. neque solvere permittit tignum furtivum ædibus, vel vineis junctum, neque vindicare. Ergo nec actionem in duplum videtur ultra tignum furtivum extendere. Responderi ad hoc solet, argumentum esse à sensu contrario, quod licet in jure fortissimum sit, tunc tamen non procedit, quando sunt textus clari in contrarium. Cæterum, quia textus in contrarium non videntur mihi plus probare, quàm pro casu quo locum habet præsumptio doli, aut negligentie, ut dictum est, ideo ex hoc etiam textu videtur posse confirmari, actionem in duplum tunc solum locum habere, quando est præsumptio, vel doli, vel negligentie.

128. Objicitur 3. Bonæ fidei possessor caret omni culpâ. Ergo non est puniendus. Atqui puniretur, si condemnaretur in duplum: ergo non potest contra eum agi in duplum. Ad hoc responderi solet 1. Ædificatorem bonæ fidei in hoc casu non puniri, imò mitius cum illo agi, quàm summo iure agi posset: etenim lute posset condemnari ad restituendum tignum, quâ condemnatione factâ, rescindendum esset totum ædificium cum graviore utrique damno. Quando igitur duplum solvendo illud damnum evitat, non modò non mulctatur, sed beneficio etiam summo afficitur.

Hæc tamen responsio non enervat penitus argumentum. Nec enim universim verum est, quod totum ædificium esset destruendum. Deinde si ædificator paratus esset similem profus materiam aliunde comparare & restituere, & auctor nollet esse contentus, posset utique doli exceptione repelli. Denique responsio non procedit in casu quo, vel tota materiæ, vel major ejus pars esset aliena, quo casu facilius totum ædificium cederet, quàm duplum solveret.

129. Responderi solet. 2. Bonæ fidei ædificatorem esse quidem doli expertem, non tamen carere culpâ, cum debuisset diligenter inquirere, suane an aliena esset materiæ. Ità Hunnius & Harpprecht. Hæc responsio iterum confirmat meam sententiam, quod nempe eatenus contra bonæ fidei possessorem detur actio in duplum, quatenus vel doli, vel negligentia & culpabilis aliqua ignorantia intervenit, quæ tamen non sufficiat ut instar furis conveniri possit in duplum, quod totum sit pœna, ut paulò post magis explicabitur.

130. Objicitur 4. Bonæ fidei ædificator debet aliquantò melioris conditionis esse, quàm malæ fidei: ergo iniquum videtur ut pariter in duplum conveniantur. Respondetur, malæ fidei possessorem adhuc esse pejoris conditionis, quia non solum in duplum convenitur, sed insuper actione ad exhibendum, quâ ultra duplum (quod totum est pœna furti) compellitur solvere pretium & simplum, adeo, ut etiam postquam Dominus duplum consecutus est actione de signo juncto, adhuc actione ad exhibendum, quæ agitur ad æstimationem (ut supra declaratum est) conveniri possit. At verò bonæ fidei possessor solummodo in duplum conveniri potest, ut patet ex textu §. citati.

131. Ex his omnibus, meo judicio, non malè concludi potest, & DD. inter se conciliari videntur, dicendo, quod qui est notoriè malæ fidei possessor, adeoque furti reus, conveniri possit modo paulò ante dicto. Qui non est convictus de dolo, sed neque etiam potest purgare præsumptionem doli, aut negligentie commissæ, possit conveniri solâ actione de signo juncto in duplum: qui denique se probaverit vacare omni culpâ, & bonæ fidei possessorem fuisse, solâ



sola actione in factum, ad consequendum pretium, aut, si ædificium dirutum esset, rei vindicatione conveniri posset.

132. Ulterior quæstio est, an si ædificator malit tignum eximere & restituere, quam duplum præstare, id liceat. Negant Gilkenius & Hunnius: sed meo iudicio rectius affirmatur, quia nullo jure prohibetur: leges enim allatæ prohibent quidem actorem ne ad hoc faciendum inducat necessitatem, sed non prohibent, ne ædificator sponte id faciat. Quod autem adversarii putant, id prohiberi in favorem ædificiorum, ne deformetur, non est universale, sæpius enim eximi potest & aliud substitui absque deformatione, ut bene notavit Harpprecht. Neque etiam bene probatur ex eo, quod non liceat legare aliquam partem ædificii, quam hæres si deberet præstare legatario, destruendum esset ædificium. L. 41. §. 1. ff. de Legatis. 1. Nam in hoc casu imponeretur hæredi necessitas destruendi ædificium, quod sanè durum est, & merito non permittendum.

133. Sequitur nunc alter §. qui est trigessimus Inst. h. tit. ubi resolvitur quæstio priori opposita, nempe si ex propria materia in alieno solo ædificentur. [Ex diverso (inquit textus) si quis in alieno solo ex sua materia domum ædificaverit, illius sit domus, cujus & solum est. Sed hoc casu materia Dominus proprietatem ejus amittit, quia voluntate ejus intelligitur alienata, utique si non ignorabat, se in alieno solo ædificare; & ideo licet diruta sit domus, materiam tamen vindicare non potest. Certè illud constat, si in possessione constituto ædificatore soli Dominus petat domum suam esse, nec solvat pretium materiae & mercedes fabricorum, possit eum per exceptionem doli mali repelli, utique si bonæ fidei possessor fuerit qui ædificavit. Nam scienti alienum solum esse, potest obijci culpa, quod ædificaverit remerè in eo solo, quod intelligebat alienum esse.] Hactenus textus, circa quem tamen accuratior quæstionum distinctione procedendum est, &

134. DICENDUM 1. Qui sciens ex sua materia in alieno ædificat suo nomine, attentio Juris antiqui rigore (secus, attentio Jure Codicis) non solum Dominus soli fit Dominus ædificii, sed etiam lucratur materiam, & ædificator perdit dominium illius. Ità habetur in textu. §. & L. 7. §. 12. ff. de acquir. rer. dom. [Ex diverso si quis in alieno solo suam materiā ædificaverit, illius sit ædificium, cujus solum est, & si scit alienum solum esse, suā voluntate amisisse proprietatem materiae intelligitur: itaque neque diruto quidem ædificio vindicatio ejus materiae competit.] Ratio est, quia præsumitur animus donandi in ædificatore malæ fidei, quatenus scit, aut scire debet, ædificia solo cedere, & solum esse alienum. Nam quod nullo iure cogente in alium transfertur, donatio est. L. 82. ff. de R. J.

135. Hinc autem consequens est, quod si ex aliena materia, v. g. Petri, esset ab alio ædificatum in fundo Pauli, Petrus non amitteret dominium materiae, sed posset eam, diruto ædificio, vindicare, nisi prius pretium illius sive à malæ fidei ædificatore, sive à Domino soli consecutus esset. quia in hoc casu nulla esset donatio facta à Domino materiae, cum ille non ædificaverit, nec ab ædificatore, cum nemo possit donare rem alienam.

136. Contra conclusionem obijciunt lex 2. C. de Rei vindic. ubi etiam malæ fidei ædificatori conceditur materiae recuperatio diruto ædificio. ibi. Si verò fuerit dissolutum, ejus materia ad pristinum Dominum redit, sive bonæ fidei, sive malæ ædificium exstructum sit: si non donandi animo ædificia alieno solo imposita sint. In concilianda hac lege cum legis 7. §. 12. paulò antè pro conclusionem relato, mira est DD. varietas, & (si licet dicere) divinandæ diversitas. Prima conciliatio est Accursii in gl. quem innumeri secuti sunt, inter quos & Harpprecht. Hi igitur volunt, quod in hac lege Codicis sermo sit de casu, quo quis non ex sua, sed ex aliena materia, v. g. Petri ædificavit in solo Pauli. Hanc interpretationem vult Harpprecht extorquere ex illis verbis: si non donandi animo; & c. quæ conditio (ait) non nisi illi malæ fidei possessori convenire potest, qui ex aliena materia ædificavit, quia non poterat donare alienum. Hæc tamen interpretatio nullo modo placet. nam illa verba conditionalia potius oppositum evincunt, nempe indicant esse sermonem de tali ædificatione, in qua posset intervenire animus donandi: si enim esset sermo de casu quo non potest intervenire animus donandi, non debuisset Imperator Antoninus dicere: si non animo, sed: quia non animo, sicut ineptè quis diceret: Brutus animalia non peccant, si non habent usum rationis: sed dicendum est: quia non habent usum rationis.

Secunda interpretatio legis 2. est Eguinarif Baronis, hanc legem intelligendam esse, quod tunc possit malæ fidei ædificator materiam vindicare, si probare possit, se non habuisse animum donandi. Sed nec hæc interpretatio difficultate caret. Quia, si textus attentè consideretur, non erat Imperatoris mens præcisè hanc conditionalem ponere: Tunc materia ad pristinum Dominum redit, si non adfuit animus donandi, & hoc probatur. Sed Imperator statuit regulam generalem, quod materia redeat ad pristinum Dominum, & ab hac regula ponit exceptionem: nisi adfuisse animus donandi. Regula ergo supponit potius, quod communiter non adfit animus donandi. Contra lex Digestorum citata supponit pro regula generali, quod in malæ fidei possessore adfit animus donandi, ut ostensum est superius: ergo hoc modo hæc leges non conciliantur, nisi assignetur alius casus, in quo generaliter præsumatur non adesse animus donandi: unde tacitè onus pro-

probandi animum donandi rejicitur in Dominum soli, si velit materiam ut suam retinere, & tueri.

137. Tertia interpretatio est Mynsingeri, qui vult, legem 2. Codicis accipiendam esse de edificio extructo à colonò, vel inquilino, vel emphyteuta, & similibus, & hos posse materiam diruto edificio vindicare, quia videntur habuisse sus edificandi.

Sed hæc interpretatio non solum est divinatoria, (cùm nullo verbulo restringatur regula ad tales personas) sed etiam est contra textum ipsum, qui materię recuperationem non tantum bonę, sed etiam malę fidei edificatori concedit.

138. Quarta interpretatio est Julii Capra, tunc materiam ad pristinum Dominum redire (secundum legem 2. Codicis) quando idem ille, qui edificium construxit, illud dissolvit, nempe quia iisdem modis quibus dominium amittimus, iisdem dominium dissolvitur. Verum hæc interpretatio non solum est divinatoria, nullo verbulo textus infinuata, verum etiam est contra rationem & sensum legis 7. Digestorum. Si enim materiam edificando verè alienavit, & donavit, quo quæso Iure dici potest, destructione iterum acquiri? præsertim cùm Iura negent tali edificatori potestatem agendi ad edificiũ destructionem, ut supra vidimus, & destruendo potius pœnam mereretur, quàm præmium recuperatę materię.

139. Quinta interpretatio paulò melior præcedentibus, est Andreę Fachinei *L. 1. Contr. ss.* nempe legem 2. Codicis loqui de casu, quo aliquis in alieno solo edificat sciente & patiente Domino; talis enim scientia & patientia hoc operatur, ut materia vindicari possit, argumento *L. Purę §. si donavi. ff. de doli mali except.* ibi. *Dolo enim feci, quia passus sum eum edificare, & non reddo impensas.* Quoddam lex 2. loquatur in hoc casu, colligi videtur ex verbis initialibus illius legis. *Si inferiorem partem edificiũ quæ solum contingit* (id est, fundamentum interpretatur glossa) *ad te pertinere probare potes, eam quam vicinus tuus impofuit, accessisse dominio tuo non ambigitur.* Verum & hic divinat, quod ex parte Domini soli dolus intervenit, de quo nec verbum est in textu, & non debuisset dissimulari, si in pœnam hujus doli daretur repetitio materię, sicut non dissimulatur mala fides in edificatore.

Sexta tandem interpretatio est Nicolai de Passeribus, qui cum aliis dicit, inspecto Iuris rigore (in quo loquitur legis 7. §. 12.) non redire materiam ad edificatorem, ex æquitate autem redire, & sic intelligendam esse legem. 2. Cod. Eandem sententiam tenuit prius Cuiacius, & Hermannus Vulteius apud Nicolaum. Rationem dant, quia non debet quis ex aliena jactura lucrum facere, ut Paulus J. C. loquitur de eo, in cujus fundum quis sciens & malà fide quid impendit. *L. Planē 38. ff. de pet. heredit.* [Planē in

cæteris necessariis & utilibus impensis posse separari, ut bonę fidei quidem possessores has quoque impudent, prædo autem de se queri debeat, qui sciens in rem alienam impendit. Sed NB. benigniuss est, in hujus quoque persona haberi rationem impensarum; non enim debet petitor ex aliena jactura lucrum facere, & id ipsum officio Iudicis continebitur: nam nec exceptio doli mali desideratur, &c.]

140. Hæc interpretatio non tam est legum Conciliatio, quàm assertio correctionis. Si enim Imperator per legem 2. statuit hanc æquitatem esse servandam in recuperatione materię, contra rigorem legis 7. §. 12. quid hoc aliud est, quàm hanc legem per illam esse emendatam?

141. Quapropter, ut dicam quod sentio, omnino censeo legem Digestorum, & §. Instituit. quoad hoc esse correctas per legem 2. sed non ex æquitate debita malę fidei edificatori (ut putat sexta interpretatio) cujus utique mentio facta esset, sicut facta est in *L. Planē*. paulò antè adductā, sed potius quoad præsumptionem donationis factę à malę fidei possessore. Præsumunt enim illa antiquiora iura, generaliter, malę fidei edificatorem habere animum donandi: hæc præsumptio mihi semper falsa visa est, quoties illos textus legi, & mihi persuadeo, quod idem mecum alii in animo sentiant, quidquid ore tenus dixerint. Curenim, quæso, qui malà fide in alieno edificat, habeat animum donandi occultum, non potius eum manifestet alteri, nempe Domino fundi? nunquid si Dominus soli taceret, & permetteret edificatorem possidere aditum, possessor proderet suam intentionem donandi? scilicet. Itaque falsò præsumitur in tali animo donandi, imò oppositum merito præsumitur, ut consideranti patet. Hanc ergo præsumptionem Imperator agnovit in l. 1. & ideo addidit. *Si non animo donandi, &c.* qui animus non præsumitur, sed probandus est Domino soli, ut bene notavit Gothofredus in eandem legem. Et sic probatum est secundum membrum Conclusionis. Quousque autem bonę vel malę fidei possessor possit impensas deducere, disputatum est Tract. 3. ubi adum est de Possessione.

142. DICENDUM 2. Qui in alieno solo suo nomine edificavit, seu bonà fide malà fide, si ipse edificium non possidet, tunc stricto Iure ipsi nullā actione succurritur, quā possit suū repetere. Ità habetur *L. 33. ff. de condic. indeb.* [Si in area tua edificassim. & tu ades possideres, condictio locum non habebit, quia nullum negotium inter nos contraheretur: nam is qui non debitam pecuniam solverit, hoc ipso aliquid negotii gerit: cùm autem edificium in area sua ab alio positum Dominus occupat, nullum negotium contrahit.] Clariùs in lege seq. citanda.

DICENDUM 3. Ex æquitate tamen etiam talis edificator potest possessionem repetere

re conditione incerti in ordine ad hunc effectum, ut sumptus & impensas deducere possit, quibus res melior est facta. Itā habetur L. 38. ff. de petii. Heredit. [Planē in ceteris necessariis & utilibus impensis posse separati ut bonæ fidei quidem possessores has quoque impendant, prædo autem de se queri debeat, qui itē in rem alienā impendit. Sed benignus est, NB. in hujus quoque persona haberi rationem impensarum, non enim debet petitor ex aliena jactura lucrum facere, & idipsum officio iudicis continebitur, nam nec exceptio doli mali desideratur.]

143. Decimus tertius acquirendi Jure gentium modus est, *Plantatio*. §. 31. *Instit. de R. D.* [Si Titius alienam plantam in solo suo posuerit, ipse erit. Ex diverso si Titius suam plantam in Mævii solo posuerit, Mævii planta erit: si modo utroque casu radices egerit. Antē enim quā radices egerit, ejus permanet, cujus fuerat. Adeo autem ex eo tempore quo radices egerit planta, proprietās ejus commutatur, ut si vicini arbor in terram Titii presserit, ut in ejus fundum radices egerit, Titii effici arborē dicamus. Ratio enim non permittit, ut alterius arbor esse intelligatur, quā cuius in fundum radices egerit. Et ideo prope confinium arbor posita, si etiam in vicini fundum radices egerit, communis sit.] Itā textus.

Nō sensus hujus §. perperam intelligatur, quasi sufficiat quomodocunque radices egisse in fundum vicini, ut communis fiat, vel penitus ad vicinum pertineat, præ oculis habendæ sunt aliæ leges, quibus habetur, & arborē & radices ejus esse, in cujus fundo origo nata est, & non ejus in cujus fundum sunt propagatæ, adeoque ad Ius domini definiendum non præciē radices spectandas esse, sed & ipsum arboris corpus, live tunc cum ramis, adeo ut in cujus fundo est ipsum corpus arboris, penes illum sit dominium, etiam si radices aliquot vel etiam ramos aliquot in fundum vicini porrexerit: quod si inde nocuum aliquid illi timendum est, varias actiones habet. Itā habetur imprimis l. 6. §. 2. Si arbor in vicini fundum radices porrexerit, cedere eas vicino non licebit, agere autem licebit, non esse ei Jus, sicut tignum aut prociū immixtum habere. Est ergo hæc actio Negatoria, qualis explicata est in tr. de Servitutibus. Deinde §. 3. dicitur. Si radices vicini arbor aletur, tamen ejus est, in cujus fundo origo ejus est. Addunt tamen aliqui, inter quos Schneidewein, si denuntiaveritis, in cujus fundum radices porrectæ & productæ, illi cujus arbor propria est, ut radices tollat, aut ramos, & hic id facere neglexerit, quod tunc propriā auctoritate non tantum ramos & radices, sed etiam totam arborē succidere, & ligna succisa tollere impunē quis possit, per L. 1. §. 2. ff. de arborib. cedend.

144. Decimus quartus, nec à priori absumilis est Sano. §. 32. [Quā ratione enim plantæ

quæ terræ coalescunt, solo cedunt, eadem ratione frumenta quoque quæ fata sunt, solo cedere intelligantur. Cæterum sicut is qui in alieno solo ædificavit, sed ab eo (si possideat) Dominus petat ædificium, defendi potest per exceptionem doli mali (si Dominus expensas restituere recusat) secundum ea quæ diximus, itā ejusdem exceptionis auxilio tutus potest esse is, qui alienum fundum suā impensā bonā fide consecvit.] Itā textus.

145. Quod autem hic in fine dicitur, & restituitur ad bonæ fidei possessorem, est intelligendum eo modo, quo suprà de ædificatore in alieno solo dictum est, ubi vidimus, quo fundamento possit Jure Codicis etiam ad malæ fidei possessorem extendi. Cæterum in confesso apud omnes esse debet, quod malæ fidei seminatori & possessori fructus auferre sibi liceat, nisi Dominus agri sumptus refundat. L. 37. & seq. ff. de R. V. ibi. *Constitutum verò, ut si paratus est Dominus tantum dare, quantum habiturus est possessor his rebus ablatis, fiat ei potestas.*

146. Decimus quintus modus est *Scriptura*. Quod reducimus etiam Picturam. §. 33. [Litteræ namque, licet aures sint, perinde chartis membranisque cedunt, ac solo cedere solent ea, quæ inædificantur, aut inseruntur. Ideoque si in chartis inembranive tuis carmen vel historiā, vel orationem Titius scripserit, hujus corporis non Titius, sed tu Dominus esse videris. Sed si à Titio peras tuos libros, nec impensas Scripturæ solvere paratus sis, poterit se Titius defendere per exceptionem doli mali: utique si earum chartarum membranarumve possessionem bonā fide nactus est.] Hucusque textus.

147. Verum hodie §. iste non observatur, eo quod consuetudo habeat, ut charta scripturæ cedat. Vnde qui bonā fide in charta aliena conscripserit ea, quæ ipsius interest habere notata, satisfaciē Domino chartæ, aliam æquē bonam chartam reddendo, vel pretium illius, & interesse. Si malā fide fecit, poterit ultra chartæ æstimationem & pretium etiam actione furti in duplum conveniri. Certe plerumque hoc longè gravior erit Domino chartæ, quā si chartam scriptam recipere deberet, & expensas refundere, cum plerumque Domino chartæ scripta, vel etiam typus nihil prodest, & mallet habere chartam mundam. Et quidem valde consentanea sunt hæc ijs, quæ Imperator statim subiungit. §. 34. circa picturam, ubi statuit, tabulam alienam picturæ cedere. *Ridiculum enim est, picturam Apellis, vel Parrhasij in æstimationem vilissimæ tabulæ cedere.* Itā est. Sed cur non pariter ridiculum est, aureas litteras, & doctissimam scripturam chartæ vilissimæ cedere?

148. Additur eod. §. [Si à Domino tabulæ imaginē (ab alio pictam) possidente si qui pinxit eam petat, nec solvat pretium tabulæ, poterit

poterit per exceptionem doli mali submo-  
veri. At si is qui pinxit, eam possideat, consequens  
est, ut utilis actio Domino tabulæ adversus eum  
detur: quo casu, si non solvat impensam pictu-  
ræ, poterit per exceptionem doli mali summo-  
veri. Vtique si bonæ fidei possessor fuit ille,  
qui picturam imposuit. Illud enim palam est,  
quod si is qui pinxit, subripuit tabulas, si-  
ve alius, competit Domino tabularum furti actio.]  
Ita textus. Hæc omnia quomodo intelligenda  
sint, ex hæcenus disputatis liquet.

149. Vnde etiam satis apparet, hodie non  
multum interesse scire, quomodo conciliandi in-  
ter se sint duo textus Digestorum, in speciem  
valde contrarii, quorum prior est Pauli J.C. in  
l. 23. §. 3. ff. de R. V. [Sed & id, quod in charta  
mea scribitur, aut in tabula mea pingitur, sta-  
tim meum fit, licet de pictura quidam contra sen-  
serint, propter pretium picturæ; sed necesse est  
ei rei cedere id, quod sine illa esse non potest.]  
Alter textus est Gaii J.C. l. 9. ibi. [Litteræ  
quoque, licet auræ sint, &c: sed non ut litte-  
ræ chartis membranisque cedunt, ita solent pi-  
cturæ tabulis cedere, sed ex diverso placuit ta-  
bulas picturæ cedere.] Nicolaus de Passeribus  
rejectionis omnibus interpretationibus (unā excep-  
tā) tandem de conciliandis illis desperavit,  
donec incidit in Julium Pacium, qui conatur concili-  
are, quasi Paulus proposuisset prioribus verbis  
regulam generalem; deinde retulisset exceptio-  
nem picturæ, & hanc exceptionem approbasset.  
Verum quod exceptionem non approbaverit, ni-  
mis clarum est ex verbis ultimis, & nimis vio-  
lentiam manum adhibet Pacius, cujus interpre-  
tationem non sine causâ ineptitudinis arguit Bac-  
chovius. Sed ut dixi, non est operæ pretium  
diutius inmorari, præsertim cum. §. Inst. satis  
clare dicat, illos sibi fuisse contrarios, illis ver-  
bis. *Quidam putant, tabulam picturæ cedere, aliis  
videtur, picturam tabulæ cedere.*

150. Decimus sextus modus est, fructuum  
perceptio à bonæ fidei possessore, de quo copio-  
sè actum est in tract. 3. cap. 3.


151. Decimus septimus est, *Traditio*. De  
quo eodem loco actum est, & agetur amplius in  
tract. de Contractibus. Pari modo jam supe-  
rius actum est de Occupatione eorum quæ pro  
derelictis habentur.

152. Restat unicè. §. 48. Inst. de R. D.  
circa res quæ in periculo naufragii ejiciuntur.

Hæc enim Dominorum manent, quia palam est,  
eas non eo animo ejici, quod quis eas habere  
nolit, sed quo magis cum ipsa navi maris peri-  
culum effugiat. Qua de causâ, si quis eas flu-  
diis, vel etiam in ipso mari nactus lucrandi  
animo abstulerit, furtum committit. Nec lon-  
gè videntur discedere ab his, quæ de rheda cur-  
rente non intelligentibus Dominis cadunt. Ita  
textus.

153. Differentia igitur inter harum rerum ab-  
jectionem, & Missilium projectionem, fundatur in  
diversa intentione abijcientium. qui enim Mis-  
silia spargit, directè intendit translationem domi-  
nii in eum, qui apprehensus est: qui verò pro-  
jicit merces ut navis relevetur, hoc non inten-  
dit, sed indirectè tantum ponit in statu & peri-  
culo perdendi; si enim in portu naufragii peri-  
culum esset, & scaphæ ad manum essent, non  
in mare, sed in scaphas res deponerentur.

154. Quod dictum est de ijs quæ sponte  
ejiciuntur in periculo naufragii, etiam procedunt  
de illis, quæ ex ipso naufragio in mare delabun-  
tur, & in litus ejiciuntur, aut in mari natant,  
ut apprehendi possint, talia enim non dicuntur  
esse in derelicto, sed in deperdito. l. 21. §. 1.  
ff. de acquir. vel amit. Possess. *Quod ex naufragio  
expulsum est, usucapi non potest, quoniam non  
est in derelicto, sed in deperdito.* Imò qui eas sci-  
ens rapuit, aut reposcenti non reddit, quadruplo  
teneretur. l. 44. ff. de acquir. rer. dom. in fine.  
*Idem ait, etsi naufragio quid amissum sit, non statim  
nostrum esse desinere: denique quadruplo teneri eum  
qui rapuit.* Denique ex Constit. Friderici Imp.  
publicatione omnium bonorum mulctatur. *Auth.  
Navigia. C. de furtis & servo corrupto.* Quæ sic  
habet. [Navigia quocunque locorum pervene-  
rint, si quo casu contingente rupta fuerint, vel  
aliàs ad terrâ pervenerint, tam ipsa navigia, quàm  
navigantium bona illis integrè reserventur, ad  
quos spectabant, antequam navigia hujusmodi  
periculum incurrissent: sublata penitus om-  
nium locorum consuetudine, quæ huic adver-  
santur sanctioni: nisi talia sint navigia, quæ pi-  
raticam exercent pravitatem, aut sint nobis Gæ-  
ve Christiano nomini inimica. Transgressores  
autem hujus nostræ constitutionis, bonorum luo-  
rum publicatione mulcentur: & si resex-  
egerit, eorum audacia juxta man-  
datum nostrum modis aliis  
compescatur.]





## CAP V T II.

DE V S U C A P I O N I B U S E T  
P R Æ S C R I P T I O N I B U S.

**H**ic est modus acquirendi independentet à consensu alterius, iure Civili introductus, & celeberrimus. Cum enim solo iure gentium dominium non amitteretur per quantumvis longam alterius possessionem, ex altera verò parte animadverterent legum conditores, sæpe contingere ut quis longo tempore possidens rem bonâ fide ut suam, postea cum magna Reipublicæ molestia & litium multiplicacione, ac prolongatione, à superveniente Domino deiceretur, voluerunt ex suprema potestate, & alto in bona subditorum dominio, huic malo remedium adhibere, & partim, ut punirent subditorum socordiam in prosequendis & custodiendis rebus suis, partim ut importunam litium frequentiam, & dominiorum iuriumque incertitudinem præcaverent, introduxerunt modum acquirendi domini in re aliena etiam infcio prioris Domino, vocaruntque Vſucapionem, quæ tamen hodie (præsertim à Canonistis) Præscriptio vocatur. De hoc acquirendi domini modo nunc diligentius, modo Theologorum æquæ ac Iuristarum, agendum est.

## CONTROVERSIA I.

## Quid sit Vſucapio &amp; Præscriptio.

## S U M M A R I U M.

**D**iscrimen inter Vſucapionem & Præscriptionem. 155.  
Præscriptio definitio. 157.  
Vſucapioni opponitur Vſurpatio. 158.  
Vtrum hic modus acquirendi solum procedat in foro Externo, vel etiam Conscientiæ. 164.  
Leges non voluerunt præcisè punire negligentiam. 165.  
Vtrum Præscribens consequatur Dominium directum. 168.  
Quid Iuris, si qui præscripsit, ex Iuris ignorantia restituat. 175.  
Quomodo intelligendum, quod Iuris Ignorantia nemini proſit. 177.

**V**ſucapere, si vocabulum spectetur, idem est, quod rem aliquam per usum & possessionem acquirere.

155. Existimârunt aliqui Iurisperiti, inter quos Mynſinger & Schneidewein, inter Vſucapionem & Præscriptionem hoc esse discrimen, quod Vſucapio conveniat solum rebus mobilibus, Præscriptio verò rebus immobilibus. Hæc tamen opinio communiter improbatur, quandoquidem ex veterum Iuris conscriptorum responsis planè liquet, Vſucapionis verbum non solum ad res mobiles, sed etiam ad immobiles aptari ac referri. habetur imprimis in l. 33. §. 2. ff. h. t. [ Si Dominus fundi homines armatos venisse existimaverit, atque ita profugerit, quamvis nemo eorum fundum ingressus fuerit, vi defectus videtur, sed nihilominus id prædium, etiam antequam in potestatem Domini redeat, à bonæ fidei possessore usucapitur, quia lex Plautia & Julia ea demum venit longâ possessione capi, quæ vi possessa fuissent, non etiam ex quibus vi quis dejectus fuisset. ] & §. seq. Si mihi Titius à quo fundum petere volebam, possessione ceſſerit, Vſucapionis causam iustam habeo. Idem habetur lege unicâ. C. de Vſucap. transform.

Strictius loquendo ea distinctio est, quod Vſucapio sit ipsa acquisitio Domini, Præscriptio autem sit exceptio fundata in Vſucapione, seu acquisitione domini. Primum habetur in lege. 3. ff. h. t. Vſucapio est adſectio domini per continuationem possessionis temporis lege definiti. Posterius habetur. l. 9. C. de Præscript. long. tempor. Emptor bonâ fide contra presentem decennii præscriptionem & absoluti restitui postulat. & l. fin. cod. ibi. & decennii præscriptione agentem excludi. Est ergo Præscriptio strictè sumpta, Exceptio temporis, quâ quis Repetitionem à priore Domino, vel quovis alio defacto instituat, arcer, & à limine iudicii repellit. Ità Covar. P. Molina, Lugo, Palao, Arnoldus Rath. th. 3.

156. Nos deinceps more aliorum nullâ distinctione utemur, sed idem nobis erit usucapio, quod Præscriptio, prout etiam sumitur in iure Canonico, de Præscript. in 6. Quamvis aliqui Vſucapio ad res corporales, Præscriptio etiam ad res incorporeales pertineat, quæ est quæstio de

modo loquendi, nullam habens in presenti utilitatem.

157. *Præscriptio itaque definitur: Adjectio, seu Acquisitio Domini per continuationem possessionis, tempore & modo legibus definita.* Neque ab hac definitione re ipsa abluunt illa communis Canonistarum, (improbante licet Covarr.) quod sit: *Ita quoddam ex tempore congruens, legum auctoritate vim capiens, negligentibus præsum inferens, & finem litibus imponens.* Brevissimè eam definitur Modestinus J.C. in l. 3. ff. h. t. quod sit: *Adjectio domini per continuationem possessionis temporis lege definita.*

158. *Vfusucapioni opponitur Usurpatio, quæ Juridicè accepta est Actus quo capta Vfusucapionis continuatio interpellatur. l. 2. ff. h. t. Usurpatio est vfusucapionis interruptio.* Dividitur in Naturalem & Civilem. Quæ divisio infra declarabitur.

Ne verò circa definitionem Vfusucapionis aliquas Juristarum subtilitates prætermittamus, objectiones aliquæ dissolvendæ sunt.

159. Obijciatur ergo. 1. Acquisitio domini est effectus Vfusucapionis. Atqui nulla res rectè definitur per effectum in recto, ut patet ex Logica, quia definitio objectiva debet identificari cum definito, nullus autem effectus identificatur cum sua causa, cum nihil possit causare seipsum. Ob hanc causam rectè Bartolus impugnavit definitionem *Appellationis*, quod sit prioris sententiæ Rescissio. Quandoquidem Rescissio est effectus Appellationis, nempe quando in secunda instantia pronuntiatur, bene esse appellatum, & malè in prima instantia judicatum.

160. Ad hoc argumentum respondet Covarruvias in cap. *possessor de Reg. Jur. in 6.* tunc solum definitionem non rectè per effectum concipi, quando effectus sunt remoti, & separabiles à causa seu à re definita, non item quando sunt essentialiter connexi, qualis est acquisitio domini per Vfusucapionem. Verùm hac responsio solum vera est de definitione facta in ordine ad effectum tanquam connotatum, non autem quæ sit per effectum in recto, talis enim manifestè vitiosa est.

161. Meliùs ergo responderetur negando, quod acquisitio domini seu dominium *in fieri* sit effectus Vfusucapionis; est quidem effectus præcedentis Possessionis, bonæ fidei, &c. sed non ipsius Vfusucapionis completæ sumptæ, hæc enim est formalissimè acquisitio, seu titulus cui innititur dominium *in facto esse*. Est enim *Modus* acquirendi dominium ut patet. *Modus* autem acquirendi est formalissimè acquisitio. sicut *Modus* discurrendi, speculandi, loquendi, cantandi, &c. est ipse discursus, speculatio, locutio, cantus, &c.

162. Obijciatur 2. Dominium seu acquisitio domini non habet plures causas sed unam.

atqui Vfusucapio potest contingere ex pluribus causis: ut pro hærede, pro donato, pro derelicto, pro emptore, &c. ergo Vfusucapio non potest esse acquisitio domini. Ità Accursius glossator. Hoc argumentum valde infirmum est, & imprimis est simile huic. Vniuscujusque rei non est nisi unus locus. superficies potens hoc corpus ambire, est multiplex: ergo superficies ambiens hoc corpus non est locus. Deinde æquivocat in eo, quod titulum possidendi confundat cum titulo domini. Vfusucapio per possessionem absoluta est unus titulus domini hujus quod per Vfusucapionem acquiritur, at verò tituli possidendi possunt esse varii, ut dictum est in tr. de possessione.

163. Obijciatur 3. In definitione nulla fit mentio Tituli & Bonæ fidei: sed hæc sunt de essentia Vfusucapionis: ergo definitio allata non explicat totam essentiam definiti. Ità Paulus Castrens. Ad hoc argumentum respondet Amilius Ferretus & Hunnius, negando minorem, & dicunt, bonam fidem & titulum esse qualitates & accidentia quædam, sine quibus substantia rei intelligi ac percipi possit. Verùm hæc responsio non est sufficiens, quia bona fides, & titulus (saltem in pluribus & ordinariis Vfusucapionibus) essentialiter requiruntur, & quidem si logicè rem discutiamus, sunt partes constitutivæ, quatenus omne illud est constitutivum, quo non posito, cæteris omnibus positis, non est positum totum. Responderetur ergo imprimis, hac objectionem peti solum definitionem Modestini, non autem illam quam primo & secundo loco posuimus, ubi sufficienter indicantur bona fides & titulus, dum dicitur: *modo legibus definita.* Neque enim ad bonam definitionem requiritur, omnes partes constitutivas diversis & explicitè significantibus vocabulis poni, alioquin nec Matrimonium bene definitur in c. 11. de *Presumpt.* quod sit viri & mulieris maritalis conjunctio, inter legitimas personas individuum consuetudinem retinens. nam per part. *legitimas*: indicatur habilitas corporum, & negatio omnium impedimentorum dirimentium; quæ tamen explicitè non ponuntur. Sed neque definito Modestini magnopere premitur, quia, cum loquatur ut J. Consultus, non quamcunque possessionem (qualem Juristæ *asuinam* vocant) sed legitimam, seu à legibus approbatam, assignavit. Hoc manifestè etiam ex eo colligitur, quod definitio Modestini convertatur cum definito. Omnis enim Vfusucapio est adjectio domini per continuationem possessionis temporis definita, & e contra: omnis adjectio domini per continuationem possessionis temporis definita est Vfusucapio. Stabilis sic definitio.

QUÆRITUR 1. Vtrum hic modus acquirendi solum procedat in foro externo, quo negetur actori repetitio, vel an etiam in foro conscientie, ita ut si priori domino constaret, sempro-

Sempronius præscriptiſſe fundum, etiamſi Sempronius ignotaret, non poſſet tamen ille à Sempronio bonâ conſcientiâ fundum petere, etiamſi poſſet legitimè demonſtrare ſe priùs fuiſſe dominum: & per conſequens, ſi Sempronius per errorem & juris ignorantiam tradiſſet fundum jam præſcriptum, teneretur alter fundum reddere, & Sempronius poſſet illum bonâ conſcientiâ repetere & vindicare, vel tanquam indebitum condicere. Negant in foro conſcientiæ procedere Adrianus & Medina apud Dicaſtillo; Roſella, Hugo apud Molin. Alii limitant, procedere, ſi poſſessor præſcribens habuit rem titulo oneroſo. Alii requirunt ad valorem præſcriptionis negligentiam domini in repetenda ſua à bonæ fidei poſſeſſore. Ità plures apud Mol. Contra quos

164. DICENDUM eſt, procedere etiam in foro conſcientiæ modo explicato. Ità jam omnes Theologi. Probatur. Si ſupremi legiſlatores potuerunt poſitis talibus conditionibus tranſferre dominium in poſſidentem abſque omni iniquitate, & verba legum ſignificant intentionem tranſferendi: conſendi ſunt deſacto voluiſſe tranſferre: ſed verum eſt antecedens, ergo. Minor probatur. Nam imptimis quodd ex urgente cauſa poſſint tranſferre dominium ab uno in alium, non eſt dubitandum, nec adverſarii negant: quodd autem in caſu præſenti ſubſiſt huiusmodi cauſa, jam eſt ſuprà indicatum, nempe quia intereſt quietis Reipublicæ, litium aliquem finem eſſe, & dominia rerum non eſſe incerta: quodd denique verba taleſem intentionem ſignificant, eſt apertuſ, & conſtabit ex textib⁹ referendis, & ex definitione Vſucapionis. Ergo. &c.

165. Confirmatur. Si leges voluiſſent præciſe punire negligentiam dominorum, & ſic ex talis negligentia præſumptione procederent, eſſent leges pernicioſe potiùs, quàm utiles Republicæ; tum quia illaquearent ſcrupulis conſcientias, utrum adverſarius reverà commiſſit negligentiam, cùm plerumque nulla negligentia committatur ab hæreditibus, contra quos abſolvitur uſucapio, tum quia præberetur anſa oculiſ compenſationibus innumeris, dum, contra quem præſcriptum eſt, ſcit ſe nullam negligentiam commiſſiſſe, ſed invincibili ignorantia laboraſſe; & ſimul etiam ſcit, ſe non audiendum à Iudice, ſi vellet præſumptionem negligentia purgare, quandoquidem exceptio Præſcriptionis eſt peremptoria. tum denique hoc ex eo colligitur, quodd quibſdam ex ſpeciali favore detur actio reſciſſoria, reſtitutio in integrum, aliis non detur, qui fortaliſ minùs culpabiles fuerunt: ergo ſignum eſt, quodd Legiſlatores longè alias circumſtantias conſiderent, quàm negligentiam in tuendis iuribus ſuis.

166. Per hæc autem non negamus, quodd ad emendandam ſegnitiem platinorum ſit etiam introducta Præſcriptio, hoc enim ſæpius cla-

mant leges, ſed negamus hanc eſſe vel æquā tam vel unicam cauſam, quia etiam illā non interveniente poteſt alia intervenire, nempe dominiorum incertitudo, & litium multiplicatio: adeoque alterutram harum intervenire ſufficiet; imò neutram in caſu particulari intervenire neceſſe eſt, ſed ſatis eſt, in genere ſubſeſſe periculum, ne, ſi Præſcriptio non teneret ſimpliciter, & ſegnities in valeſceret, & lites recrudereſcerent, ac eviſionis periculo pleraque dominia ſubjacerent.

Objici poſſet Novella 9. ubi Imperator concedit Eccleſiis privilegium, ut contra eas non currat præſcriptio niſi ſpatio centum annorum, & dat cauſam: *ne iniquis hominibus impium remaneat præſidium, & ſtutus peccandi locus etiam ſcientibus relinquatur.* ergo vocat Præſcriptionem impium præſidium: ergo non procedit in foro interno. Putant aliqui hanc Conſtitutionē eſſe ſuppoſiticiam, ut Cujacius, Duatenus, Alciatus, Pinellus. Sed non eſt hoc deveniendum, quia Imperator loquitur de illis temporibus, quibus alioquin currebat præſcriptio etiam cum mala fide.

Objicit Bacchovius 2. Abſurdum eſt malam fidem ultimis diebus ſupervenientem impedire acquiſitionem, & non impedire, ſi ſtatim completo tempore ſuperveniat. 3. Negando paritatem, quia in ſecundo caſu non poteſt ampliùs impedire id quodd jam factum eſt. Neque tunc eſt mala fides, quia non eſt mala Fides, poſſidere hodie id quodd hodie eſt meum, & quodd heri non fuit quidem meum, ſed à me bonâ fide poſſideſſe eſt, ſicut heri fuiſſet mala fides, ſi ſciens tunc eſſe rem alienam, adhuc poſſideſſem.

167. QUÆRITUR 2. Vtrum præſcribens non ſolùm conſequatur utile dominium, ſed etiam directum. Hieronymus de Cavallos q. 252. refert plures, volentes tantum acquiri utile dominium; quodd aliqui reſtrinxerunt ad res immobiles.

168. DICENDUM tamen eſt, acquiri pleniffimum dominium, ita ut nullum planè jus remaneat apud priorem dominum. Ità RR. omnes poſt Covarruviam, qui hunc articulum bene diſcuſſit, relatis in utramque partem plurimis Auctoribus.

169. Probatur autem Concluſio, quia Iuta nullibi vel uno apice indicant hanc diſtinctionem, ſed perpetuò dicunt, dominium tranſferri in præſcribentem: & ut infinita præteream, l. 4. in fine C. de Præſcript. 30. vel 40. annor. traditur, ei qui legitimè præſcripſit, pleniffimam ſecuritatē ſuper dominio præſtari. ibi. *ſit liber, & præſentis ſaluberrima legis pleniffima munitione ſecurus.* atqui non eſſet pleniffimè ſecurus, ſi alter retineret directum dominium: deberet enim poſſe caſus occurrere, quo dominium utile iterum directo consolidaretur, vel alia præjudicia incur-

ineuitri à præscribente, si vera esset sententia contraria.

170. Probatur 2. Quia hac ratione finis intentus non obtineretur, quia lites non ita essent sopitæ, ut non faciliè resuscitari possent.

171. Cardinalis de Lugo conatur probare à priori Conclusionem n. 11. In veteri Domino, inquit, non potest remanere aliquid domini, nisi remaneat aliquid litoris & possessus in rem illam pro aliquo casu possibili; ideo enim Dominus fundi dicitur habere dominiū directum, quia habet litem, ut possit dominiū utile ad ipsum redire, vel deficiente linea, vel in aliis casibus in feudo expressis, atque etiam defectu habet litem ad aliquid à feudatario perfolvendum: quod idem invenitur in Domino directo boni Emphyteutici. Ille verò qui antè erat Dominus fundi, quem tunc legitima præscriptione acquisivisti, nullum prorsus litem retinet in fundo, ut de eo possit disponere, vel aliquam utilitatem ex eo percipere pro ullo tempore futuro aut jam possibili: in quo ergo consistit illud dominiū directum, quod tibi dicunt deesse, & apud antiquum Dominum manere? Erit certè dominiū de solo titulo, sicut illam qui principatum vel oppidum aliquod alienavit, solemus urbanitatis & honoris gratiā appellare sicut prius Principem, vel Dominum talis oppidi, de ea re tamen nihil prorsus dominiū retinuit. Hæc Card. de Lugo.

172. Verum (quod debita cum reverentia dixerim) res aliter se habet, quod facile deprehendit, quisquis legerit Covarruviam, qui postquam Conclusionem nostram propugnasset, in gratiam tamen contrariæ sententiæ tanquam communioris tunc temporis, & gravissimæ auctoritatis munitæ ostendit. §. primo toto quatuordecim utilitates, quas contraria sententia subtiliter invenit in illo directo dominio (quod Lugo putat fore de mero titulo) quod putat manere penes priorem Dominum, unde Covarruvias concludit his verbis. [Hæc sanè tractavimus, ut planè ostenderemus plurimum referre, quod præscribens dominiū directum an utile vscupatione acquisierit, si quidem dominiū directum manens penes veterem possessorum contra quem præscriptio processit, maximam habet NB. atque assert utilitatem, tamen si, quod ingenuè fateor, veriorum esse censeam opinionem illam, quæ dicit, etiam dominiū directum acquiri præscribenti.] Hæc Covarruvias.

173. Videamus breviter unam alteramve utilitatem, quam habere præstinus Dominus, si vera esset contraria sententia.

I. Qui usum cepisset rem alterius 30. annis absque titulo, bonam tamen fide, haberet quidem actionem & rei vindicationem adversus quemcunque alium possessorem, qui post præscriptionem rem à se præscriptam possideret, & hoc vigore præscriptionis, ac dominiū utilis. *L. si quis*

*emptionis in pr. C. de præscript. 30. vel 40. an. non tamen haberet, si res illa possideretur ab illo contra quem eam præscriperat: nam ab hoc non posset rem illam vindicare propter dominiū illius directum, quod retinebat secundum adversarios. Pro quo citant legem allegatam. §. 1. ubi secundum glossam hoc dici videtur: sed reverè non id dicit, quia loquitur de illo qui malā fide possedit; prout etiam advertit Covarr. post alios. Verba sic habent. [Sed cum moderata divisione ei præstari censuimus, ut si quidem bonā fide ab initio eam rem tenuerit, simili possit uti præsidio (id est Rei vindicatione) sin verò NB. malā fide eam adeptus est, indignus eo videatur, ita tamen, ut novus possessor, si quidem ipse rei Dominus ab initio fuit, & memoratæ exceptionis (id est Præscriptionis) necessitate expulsus est, commodum detentionis sibi acquirat.*

II. Vetus dominus ratione dominiū directi posset agere contra alium qui non præscripsit, nec habet ius ab eo qui præscripsit, & tamen possidet rem ab alio præscriptam. Verum hoc nullo jure probant adversarii, & ideo illis negandum est.

III. Putant adversarii, quodd antiquo domino, absque ulla prævia restitutione in integrum (quia hoc beneficio non gaudet) danda illi esset Actio rescissoria. Sed hoc etiam falsum est, quia nullo jure probatur.

IV. Hac ratione defendi potest, quodd non esset inutile legatum, si testator legaret rem illi qui contra legantem eam præscriperat: quia dominiū directum vi legati acquireret, quo hæres privaretur.

V. Vi directi dominiū posset antiquus dominus impedire, ne ob delictum præscribentis possent res præscribere confiscari.

VI. Dominus directus posset rem contra se præscriptam bonā fide iterum præscribere ex solo titulo *pro suo*, vi directi scilicet domini, qui proculdubio esset insignis effectus. Vides ergo, quodd tali dominio adhuc convenirent utiles effectus, etiam si non convenirent illi effectus qui conveniunt domino feudi.

174. Contra Conclusionem objici potest 1. lex 13. §. 1. ff. de Jurejurando. ibi. *Julianus ait, eum qui juravit, fundum suum esse post longi temporis præscriptionem etiam utilem actionem habere debere.* atqui cui competit tantum utilis & non directa actio, non habet dominiū directum, ergo præscribens non habet dominiū directum. 2. Ex ipso textu clarè constare, quodd sermo non sit de rei vindicatione, quæ convenit ratione præscriptionis, sed de actione quæ convenit ratione præstiti juramenti, quæ est actio in factum. Præterquam quodd in jure frequens sit, actionem utilem (æpè nominari non prout opponitur directæ, sed prout idem est ac efficax actio; quo modo fumitur *l. 1. §. ult. in fine ff. de*



*aqua plu. arc. h. to. in pr. ff. si servitium vindicetur, & aliis jam sup. relatis.*

175. Obijcit 2. Ex Præscriptione dicitur oriri Exceptio, imò sumitur pro ipsa Exceptione, ut supra dictum est. atqui Exceptio est actionis exclusio: ergo antiquus dominus habet rei dominium: alioquin agere non posset. 2. Antiquum dominum non habere in rei veritate lus agendi, eò quòd exceptione succumbat, sed si agat, solum quoad apparentiam videri actionem habere.

Sed quid si ille qui præscripsit, ignarus Iuris acquisiti non utatur exceptione, sed ex imprudentia restituat; poteritne postmodum rei vindicatione rem præscriptam repetere? P. Paulus Lyman l. 3. r. 1. c. 8. n. 22. circa finem tribuit negativam Gregorio Tholosano, qui tamen hoc expressè non dicit, sed solum dicit, quòd reo exceptionem præscriptionis non opponente, non teneatur ex officio Iudex hanc exceptionem supplere: ex hoc autem non potest legitime inferri, quòd Tholosanus senserit; Iudicem futurum actionem repetenti. Affirmandum itaque cum DD. est, posse rem ità ex ignorantia Iuris, aut facti traditam vindicare, si post restitutionem constiterit, Præscriptionem fuisse reverà completam. Ratio est, quia ubi non est animus transferendi dominium, non transferetur voluntate privatà: sed in proposito casu non est animus transferendi dominium: quia ideo solum traditur, quia putatur jam esse alterius: quod autem jam alterius est, amplius ejus fieri non potest. §. Sic itaque discretis. *Inst. de Action.* Ergo, &c. Quia tamen oppositum speciosè ratione defendi posset, est illi occurrendum.

176. Obijcies ergo. Qui solvit indebitum, putans se debere, transfert dominium: datur enim ità solvendi *Conditio indebiti*: ergo translatus fuit rei in solum datæ dominium, quia nemo condicit rem suam præterquam à fure. §. eodem. Atqui restituens rem præscriptam solvit indebitum: ergo transfert dominium. 2. Negando minorem. Reverà enim non solvit obligationem aliquam putatitiam, sed solum quod putat esse alienum restituit, qui autem solvit indebitum, supponit per errorem se debere, v. g. 100. & solvit ex eo quod est suum, adeoque habet animum transferendi dominium. Quamvis fortasse, Theologicè loquendo, nec talis transferat dominium, quia non habet animum absolutum transferendi, sed conditionatum: si debeat: unde si constaret de animo conditionato, & conditio non esset purificata, propterea credo, quòd Rei vindicatione posset solum repetere, nisi per commixtionem jam esset alio titulo (superius præced. cap. explicato) dominium translatus.

177. Dices: Iuris ignorantia nemini prodest, & neminem excusat. 2. Distinguen-  
do. Iuris ignorantia nemini prodest, si agatur de acquirendo, concedo: Si agatur de danando

rei jam acquisitæ, nego. L. 7. ff. de Iuris & facti ignorantia. Iuris ignorantia non prodest acquirere volentibus, suum verò petentibus non nocet.

Ceterò in casu, ubi nulla obligatio (Iuridicè accepta) subest, non admittitur in iure distinctio inter ignorantiam Iuris & facti, ut manifestè colligitur ex L. 4. C. de Iuris & facti ignor. ubi æquiparantur. [Si post divisionem factam testamenti vitium in lucem emerferit, ex his quæ per ignorantiam confectæ sunt, præjudicium tibi non comparabitur. Ostende igitur, testamentum vel fide veri deficere (ecce: ignorantiam facti) vel Iuris ratione stare non posse (ecce: ignorantiam Iuris) ut infirmata Scriptura, quæ testamenti vice prolata est, solidam successionem obtineas.]

Quin, quod amplius est, etiam in nostro casu habet locum *Conditio indebiti*, etiam si dominium translatus non sit, vocaturque *Conditio ex æquo & bono*. Ità habet lex 66. ff. de condit. indeb. Hæc *conditio ex æquo & bono* introducit, quod alterius apud alterum sine causa deprehenditur, revocare consuevit. Textus planè apertus, & clarus.

## CONTROVERSIA II.

*De prima conditione ad præscribendum requisita: qualis bona fides requiratur, & quæ Ignorantia proficit, vel obsit. Item quæ fides Auctoris proficit, vel obsit successori.*

### S U M M A R I U M.

Quomodo inter Conditiones requisitas ad præscribendum dicatur requiri Traditionem. 178.

Quatuor conditiones requiruntur. eod.

Quid hoc loco sit Bona fides. 179.

Ad bonam fidem non sufficit invincibilis ignorantia rem esse Petri, si falsò putem esse Pauli. 180.

Non obstat bonæ fidei, mihi constare de nullo iure, si alterum ignorem. 181.

Bona fides aliter requiritur Iure Civili, aliter Iure Canonico. 182.

Bona fides qualis sufficiat ad præscriptionem impropiè dictam. 183.

Exempla Præscriptionis improprie. 183. 184. 185. 186.

Ignorantia alia Iuris, alia Facti. 187.

In quo vigore abrogata sint leges civiles admittentes præscriptionem cum mala fide. 188.

Abrogata sunt etiam quoad præscriptionem actionum personalium. 191.

An bona fides proveniens ex Iuris Ignorantia aliquid quando sufficiat ad præscribendum. 197.

Quando requiritur titulus coloratus, an Ignorantia Iuris obsit. 198.

*An obstat Ignorantia Iuris præscriptioni longissimi temporis.* 207.

*Error Iuris dubii non impedit præscriptionem.* 206.

*Probabilius mala fides auctoris obest successori saltem in immediato universali jure communi.* 208.

*Quid juris de successore mediato.* 209.

*Si hæres ex alio superveniente titulo possideat rem à defuncto mala fide possessam, potest à puncto acquisiti tituli possessionem computando præscribere.* 213.

*Quoad res immobiles mala fides auctoris nocet etiam successori proximo singulari, si rem alienavit ignorante Domino, ne præscribat tempore ordinario dominium.* 215.

*Bona fides auctoris prodest successori tam universali quam particulari.* 218.

*Quæ dicta sunt de mala fide auctoris, procedunt etiam in Communitate respectu posteriorum.* 219.

*Mala fides Prælati non nocet Ecclesie.* 220.

178. **I**nterpretes Iuris antiquiores ad valorem Præscriptionis quinque condiciones requirebant, quas his versiculis indicabant.

*Non usucapies, nisi sint tibi ista quinque.*

1. Bona fides. 2. Iustus titulus. 3. Res non vitiosa. 4. *Vi res tradatur.* 5. Tempus quoque continuetur.

Verum, quarta conditio non requiritur, nempe *Traditio*, tanquam conditio à cæteris distincta; nam ut egregie notavit Arnoldus Rath cap. 5. asserti. 1. nullus occurrit casus, quo cæteris requisitis concurrentibus, præcisè ob deficientem traditionem usucapio impediatur: quare non aliter *Traditio* requiritur, quam quatenus sine ea vel possessio, vel iustus titulus, vel denique bona fides deficiet. quod hac ratione declaratur. Velenim sermo est de ijs modis sive titulis, quibus dominium sine traditione transit (sicut etiam fundo meo accedit, quod per recessum fluminis latenter adjicitur, aut proprietati accedit usufructus, quocumque modo in usufructuario extinguitur) & tunc certum est, æquè ad usucapiendi conditionem, quam ad ipsum dominium acquirendum, solam apprehensionem possessionis saltem vacantis sufficere, ut evenit non solum in titulo *Pro suo*, & *Pro derelicto*, verum etiam in titulo *Pro hærede*, & *Pro Legato*: nempe hæres aditæ hereditate rerum hereditariarum, & legatarius ipsius legati dominium, si quidem defunctus Dominus fuit, ipso Iure sine omni traditione, imò & legatarius absque omni possessionis apprehensione consequitur. Quidni similiter in tali casu usucapio à defuncto incepta sine omni traditione, imò & apprehensione in hæredem transeat? quamvis si hæres vel legatarius ex persona propria titulo *Pro Hærede*, vel *Pro Legato* præscriptionem velit inchoare, apprehensio possessionis vacantis idcirco requiratur, quod nulla præscriptio sine possessione, adeoque sine apprehensione possit inchoari. Vel agitur

de titulis inter vivos, v. g. donatione, venditione, & similibus, quibus rerum dominia sine traditione non transferuntur, & tunc ideo requiritur traditio, vel patientia Domini, adeoque tacita voluntas, quæ permittit rem ab alio detineri, quia alioquin possessio & bona fides deficeret. Hac ergo conditione rejectâ, possumus versiculos hos substituere.

*Non usucapies: quatuor nisi ista subsint.*

1. *Æqua fides.* 2. *Iustus titulus.* 3. *Res non vitiosa.* 4. *Tempore præscripto Possessio continuetur.* Incipiendo ergo à bonâ fide, aliqua præmonenda sunt. Itaque

179. Notandum est 1. Bonam fidem hoc loco aliud non esse, quam conscientiam bonam circa possessionem rei alienæ ut suæ; quæ proinde supponit ignorantiam alicujus circumstantiæ, aut conditionis, quæ cognita sciret, rem talem non ad se, sed ad alium pertinere, proindeque jam peccaret volendo possidere ut suam, & tunc esset malæ fidei possessor. Eodem modo non esset bonæ fidei possessor, qui cum dubio negativo (ut Theologi loquuntur) vellet incipere possessionem: nam ut licitè capiam possessionem rei ut in eâ, debeat positivè & probabiliter iudicare, rem esse meam. Quando tamen tale dubium postea primùm superveniret, non induceret malam fidem, aut obstaculum præscriptioni: quia licitè continuatur possessio cum tali dubio speculativo, propter regulam generalem, quod melior sit conditio possidentis.

180. Notandum 2. Ad bonam fidem requisitam ad præscriptionem, non sufficere (pro ut asseruerunt Ægidius à Bellamera, Imola, & Felinus in cap. fin. de Præscript. eamque communem dicit Socinns, male eam deducentes ex Bartolo) quoddam invincibilem ignorem rem esse, v. g. Petri, cujus revera est, & tamen simul per errorem putem esse Pauli, cujus revera non est, quasi hæc ignorantia sufficiat, ut possum rem præscribere contra Petrum. Ratio est, quia talis peccat possidendo, & in veritate malam fidem habet, cui jura nullo modo volunt beneficium præscriptionis indulgere.

Neque obstat casus ille, quem obijciunt adversarii, & est iste. Uxor Anna donavit marito Titio catenam auream, quam putabat esse suam, sed erat Sempronii. Mævius enim à Titio catenam, sciens esse illi ab uxore donatam, simulque sciens, aut scire debens, donationem inter conjuges non valere: ergo respectu Titii est in mala fide, non item respectu Sempronii, & tamen in tali casu Mævius catenam præscribit contra Sempronium. L. 5. ff. pro derelicto. [Si id, quod pro derelicto habitum possideas, ego sciens in ea causa esse abs te emerem, me usucapturum constat: nec obstat quoddam in bonis tuis non fuerit: nam & si tibi rem ab uxore donatam sciens emerem, quia quasi sciente & volente Domino id faceres, idem Iuris est.]

Respon-

Respondetur enim, non esse necessarium, quod in hoc casu Mævius sit ullo modo in mala fide etiam respectu mariti. primò quia emit sciente ac consentiente putativo Domino, ut habetur in textu. secundò, quia Mævius potest prudenter cogitare, talem donationem non fuisse ex illis, quæ à lute prohibentur, non enim prohibentur illæ, quibus donans non sit pauperior, qualis poterat esse donario catenæ aureæ, si v. g. fuit remuneratoria. Sed de hoc plura in Contractu Donationis.

181. Notandum 3. Non obstat bonæ fidei, si contingat, v. g. duos habere diversa numero, vel specie lura in eadem re, & de uno mihi constet, non item de altero, v. g. scio meum fundum esse hypothecatum Mævio, nescio tamen esse hypothecatum Sempronio, tunc etsi sim in mala fide respectu Mævii, quia tamen sum in bona fide respectu Sempronii, possum, non obstante illâ malâ fide præscribere hypothecam contra Sempronium, & actionem hypothecariam Sempronii per exceptionem longi temporis elidere.

182. Notandum 4. Aliquam bonam fidem tam à Jure Civili quam à Jure Canonico requiritur ad præscriptionem, sed magno cum discrimine. Nam Jure Civile ad usucapionem ordinarii temporis tantum ab initio requiritur, nec vult obstat præscriptioni, si corrente illo tempore mala fides superveniat. *L. un. C. de usucap. trans. form. ibi. Hoc tantummodo observando, ut in his omnibus casibus ab initio eam bona fide capiat, secundum quod exigit longi temporis præscriptio.* Ad præscriptionem verò longissimam temporis seu extraordinarii, ne quidem requiritur Jure Civile bonam fidem ab initio, ut colligitur ex l. 3. & 7. C. de præscript. 30. annorum, ubi sola continuatio temporis requiritur. Sed in hoc puncto Juri Civili per Jure Canonicum derogatum est, quo Jure, ne peccata foveantur, bona fides requiritur toto temporis spatio quo possessio requiritur. *cap. fin. de Præscript.* [Quoniam omne quod non est ex fide peccatum est, synodali judicio definimus, ut nulla valeat absque bona fide præscriptio tam Canonica, quam Civilis. Cum generaliter sit omni constitutioni atque consuetudini derogandum, quæ absque mortali peccato non potest observari. Vnde oportet, ut qui præscribit, in nulla temporis parte rei habeat conscientiam alienæ.] Inde etiam Regula Juris de R. J. in 6. à Bonifacio VIII. constituta est. *Possessor male fidei ullo tempore non præscribit.* cujus regulæ duplex sensus esse potest, & uterque verus. Primus, quod si vel ullo possessionis tempore sit malæ fidei possessor, non præscribat. Secundus, quod si malæ fidei sit ab initio possessionis, nullo unquam quantumvis longo tempore præscribat; & merito, quandoquidem malæ fidei possessio cum sit injuria, inducit obligationem refundendi omne damnum subsecutum ex secunda radice Restitu-

tionis, de qua actum est in 2. tract. unde etiam si postea bona fides adveniat, & quæ supponit ignorantiam juris alieni contra quod præscribitur, tantum requiritur ad præscriptionem strictè ac propriè dictam, hoc est illam, quæ procedit ex animo possidendi rem ut suam, & de hac in præsentis potissimum agitur. Nam præter hanc datur alia præscriptio minus propriè dicta, quæ quidem etiam bonam fidem requirit, hoc est, ut nihil fiat contra conscientiam, sed non talem, quæ procedat ex ignorantia juris alieni à nobis possessi. Hoc modo præscribitur 1. Adio quæ ex lege pœnali, vel Iudicis præcepto ad pœnam oritur (ex communi DD.) etiam si quis sciverit, talem pœnam alteri debitam esse, quia delinquens non tenetur pœnam sponte offerre, sed solum cum exigitur post latam à Iudice sententiam, cujus executionem subire debet. Quare si intra tempus à lege definitum non exigitur, præscriptio est completa, & sus exigendi extinguitur. Ita tenet glossa in *Can. Fraternitas. ca. 12. q. 2.* quam Navarrus in Manuali c. 23. n. 66. & alii communiter sequuntur.

183. Notandum 5. Bonam fidem, prout eam in Not. 1. exposuimus, & quæ supponit ignorantiam juris alieni contra quod præscribitur, tantum requiritur ad præscriptionem strictè ac propriè dictam, hoc est illam, quæ procedit ex animo possidendi rem ut suam, & de hac in præsentis potissimum agitur. Nam præter hanc datur alia præscriptio minus propriè dicta, quæ quidem etiam bonam fidem requirit, hoc est, ut nihil fiat contra conscientiam, sed non talem, quæ procedat ex ignorantia juris alieni à nobis possessi. Hoc modo præscribitur 1. Adio quæ ex lege pœnali, vel Iudicis præcepto ad pœnam oritur (ex communi DD.) etiam si quis sciverit, talem pœnam alteri debitam esse, quia delinquens non tenetur pœnam sponte offerre, sed solum cum exigitur post latam à Iudice sententiam, cujus executionem subire debet. Quare si intra tempus à lege definitum non exigitur, præscriptio est completa, & sus exigendi extinguitur. Ita tenet glossa in *Can. Fraternitas. ca. 12. q. 2.* quam Navarrus in Manuali c. 23. n. 66. & alii communiter sequuntur.

Secundò præscribuntur hoc modo merces quinquennali præscriptione, quæ ob non solum vestigal ipso Jure fisco commissæ esse sciuntur. *L. 2. C. de vestigalibus, & commissis.* [Neque commissum, quod ante quinquennium factum dicitur, si licet res anticipata non est, vindicari potest. Neque pro re, quæ in commissi causam cecidit, si ipsa non existat, nec dolo supprimatur, pretium peti potest.] Nam si dolo supprimeretur, jam non adesset bona conscientia.

184. Tertiò præscribitur hoc modo libertas adversus servitutes rusticas: quando scilicet, ille qui est Dominus prædij dominantis, intra certum tempus non utitur servitute, cum posset uti, etiam si ex ignorantia non utatur, & Dominus prædij servientis sciat servitutem debere: talis, inquam, præscribit servitutem, & extinguit jus alterius, quia non tenetur illum de tuo jure monere. Colligitur ex l. 13. C. de servitutib. & aqua. ibi. *ut omnes servitutes non utendo amittantur.* Et tradit P. Lessius lib. 2. c. 6. d. 6. in fine. Quod tamen non procedit in servitutibus urbanis, quæ non possunt præscribi nisi interveniente facto aliquo ipsius præscribentis contra jus alterius. Unde jam ad bonam fidem requiritur inculpabilis ignorantia juris alieni, alioquin peccaret & esset malæ fidei possessor. Exemplum est in lege. *6. ff. de servit. prædior. urban.* ubi discrimen inter servitutes rusticas & urbanas pulchrè declarat. [Hæc autem Jura similiter ut rusticorum quoque prædiorum cer-

to tempore non utendo pereunt, nisi NB. quòd hæc dissimilitudo est, quòd non omnimodo pereunt non utendo, sed ita si vicinus simul libertatem ufucipiat: veluti si ædestæ ædibus meis serviant ne altiùs tollantur, ne luminibus meorum ædium officiatur: & ego per statutum tempus fenestras meas præfixas habuero, vel obstruxero, ita demùm jus meum amitto, si tu per hoc tempus ædes tuas altiùs sublatas habueris, alioquin si nihil novi feceris, retineo servitutem.] Itaque quando servitus alterius consistit in jure, ut ego aliquid non faciam, non præscribo, nisi bonâ fide contra egero.

185. Quarto præscribitur hoc modo Actio redhibitoria, quâ emptor, qui si scivisset rei venditæ vitium, eam empturus non fuisset, agere potest intra sex menses ad redhibitionem, & venditionem rescindendam. l. 19. §. 6. ff. de edilit. Edicto. Tempus autem redhibitionis, sex menses utiles habet, & ex die venditionis currit. Pari modo præscribitur Actio: quânto minoris, competens intra annum illi qui cognito rei vitio empturus quidem fuisset, sed non tanti ad recuperandum tantum, quanto minoris emisset. ibid. si quânto minoris agitur, annus utilis est. Verùm hæc tantùm procedunt in foro contentioso, non item in foro conscientiæ, in quo ad refusionem damni dolo dari utique tenetur venditor. Jure Bavarico quatuordecim diebus hæc dux actiones concluduntur. tit. 6. n. 4.

186. Quintò probabiliter sic præscribitur libertas adversus ufumfructum jam constitutum, ut putat Arnoldus Rath. ih. 14. ob legem 13. C. de servit. & aqua. de quo tamen ego magnopere dubito, nec satis video, quomodo Proprietarius sciens ufumfructum ad alium pertinere, bonâ fide possit fructus colligere & percipere, tam parùm enim id videtur ei licere, quàm cuivis alteri, qui sursum committeret. Faciliùs concederem, si ufusufructuario negligente fructus nec ille colligeret, nec proprietarius, vel certè proprietarius illos non aliter quàm pro derelicto habitos acciperet, quod bonâ fide facere posset. Et sic intra tempus legitimum posset ufumfructum contra Ususufructuarium præscribere, & cum proprietate consolidare.

187. Notandum. 6. Ignorantiam, ex qua bona fides & opinio falsa de jure nostro nasci potest, duplicem esse, videlicet Ignorantiam juris, & Ignorantiam facti. Ignorantia Juris est, quando ignoro quid in Jure scriptum & statutum sit circa contrahendum, vel actionem quam celebrare volo, v. g. si voleas contrahere cum pupillo sciens esse pupillum, ignoro, talem contractum sine auctoritate tutoris non valere, nec sufficere, si ejus auctoritas postea ex intervallo superveniat, prout non valere legibus cautum est. Porro hæc Juris Ignorantia iterum duplex est, alia est Ignorantia Juris indubitati & manifesti,

alia Ignorantia Juris dubii, hoc est, quod diversos habet probabiles intellectus. Ignorantia facti est, quando id quod ignoto, in facto consistit; v. g. si ignoro cum quo contraho, esse pupillum, aut minorem, putans esse majorem: item si puro te emisse fundum quem mihi vendis, cum tamen eum non emeris, &c. Porro hæc Ignorantia etiam duplex est, alia probabilis, seu tolerabilis, vel saltè hîc & nunc invincibilis & inculpabilis: alia supinâ, crassa, vel affectata & culpabilis, quando nempe hîc & nunc possem scire, & deberem investigare veritatem rei, nolo autem scire, ut non impediatur, v. g. à contractu. His prænotatis plures & graves controversiæ restant circa bonam fidem.

188. Primò ergo quaeritur, in quo rigore abrogatæ sint leges civiles, admittentes præscriptionem etiam cum mala fide. Prima sententia est, leges civiles & statuta præscriptionem cum mala fide admittentia, etiamnum hodie in Imperio, Canones vero malam fidem excludentes, & super relatos, in partibus Italiæ, sive locis Summo Pontifici quoad secularium jurisdictionem subjectis, vim obtinere. Pro hac sententia refert Arnoldus Rath glossam in cap. fin. de Præscript. Sed licet glossa hujusmodi interpretationem referat, eam tamen non approbat, sed in seqq. reprobat, dum dicit. [Vnde potius standum est Canonis, quàm Legi in hoc casu, quia præscribens non excusatur à peccato per rationem legis: & ideo canon voluit propter periculum animatum in hoc leges corrigere, licet non servetur in iudicio seculari, sicut dicitur de legibus permittentibus usuras, quæ hodie non tenent.] Hæc glossa. Pro eadem sententia refert prædictus Papinienus in praxi judiciaria: verbo Præscriptio. Quem videre non potui. Fundamentum hujus sententiæ est inepta interpretatio capituli, quasi per Præscriptionem canonicam intelligeret Pontifex Præscriptionem rei spiritualis, & per Civilem, Præscriptionem rei temporalis: quarum neutra valeat in foro Ecclesiastico, sed est inepta interpretatio.

189. Secunda sententia est, leges Civiles in foro civili eatenus servandas, nec Jure Canonico correctas, esse, ut antiquus Dominus contra quem malâ fide præscriptum est, in iudicio coram seculari iudice non audiat, sed oppositâ Præscriptionis exceptione repellatur, licet in conscientia sit obligatio restituendi. Fundamentum est, quia hoc solo constituto jam obtinetur finis à Repub. intentus, nempe litium diminutio, & negligentia castigatio. Sicut ex nudo pacto leges negant actionem, & tamen stat obligatio in conscientia Covarruvias variat. Refol. c. 4.

190. Tertia sententia est, leges civiles esse quidem correctas per Ius Canonicum quoad Præscriptionem Actionis realis & rei vindicationis,



nis, non tamen quoad Præscriptionem actionum personalium. Fundamentum postea dabitur. Ità Hostiensis, Guido, Papæus, asserens in Concilio Gratianopolitano opinionem hanc prævaluisse, & Ferandus Vasquius, *Contr. lib. 2. c. 76. n. 3.* ait, multos esse, qui dicant hanc sententiam veram esse sicut Evangelium. Lessius denique, *lib. 2. c. 6. dub. 6. n. 20.* ait, non esse improbabile, cum mala fide posse præscribi contra actionem personalem, ità ut si certo tempore creditor non exiger debitum, postea non possit illud petere in Iudicio, eique denegeretur actio. Verùm, Lessius nunquam dixit hanc sententiam esse probabilem in foro conscientiæ, (poteat illi non nemo videtur tribuere) nam statim subiungit hæc verba. *Non tamen per hoc liberatur Dominus in conscientia, si malà fide retinet.*

191. DICENDUM tamen est. Leges Civiles, admittentes Præscriptionem cum mala fide, non solum pro toto Imperio abrogatæ sunt, sed etiam abrogatæ sunt quoad Præscriptiones actionum personalium. Hæc est jam recepta sententia, nec debet, aut potest aliter probari, quam ipso textu superius jam relato, in quo abrogationis causa posita est universalis. [Quoniam omne quod non est ex fide, peccatum est. Et: cum generaliter sit omni constitutioni atque consuetudini derogandum, quæ absque peccato mortali non potest observari. Vnde oportet, &c.] Item, dum dicit se definire, quod nulla valeat absque bona fide præscriptio. Vnde rectè argumentatur Arnold. Rath: si enim non valet, ergo in Iudicio opposita non patiet præscribenti exceptionem ad prioris Domini actionem repellendam, juxta illud: *Non præstat impedimentum, quod de jure non fortitur effectum. de R. J. in 6.*

192. Obijciunt 1. Pontifex tam in cap. fin. quam in Regula Iuris, semper loquitur de Præscriptione rerum quæ possidentur & detinentur: ergo nihil corripit quoad alias Præscriptiones. 2. Negando consequentiam. Nam ex ratione allata de peccato, & universalitate sermonis, contraria mens constat. Præterquam quòd etiam debita dicantur suo modo possideri, quatenus essent solvenda, & non solvantur, deberent extingui & non extinguuntur.

193. Obijciunt 2. Quamdiu creditor non exigit debitum, tamdiu debitor non peccat non solvendo: ergo absque peccato poterit tandem præscribere. 2. Antecedens universaliter esse falsum, & consequentiam nullam. Vel enim debitum est contractum in certum diem, & tunc etiam si creditor non urgeat solutionem, dies tamen interpellat pro creditore, & debitor est in mora, culpamque committit. Vel debitum est indefinite contractum, & tunc, vel est extacita intentione in illud tempus contractum, quod solet ex consuetudine & usu observari, & subin-

telligi, & tunc iterum elapsum tempus interpellabit: vel ad minimum subest hæc conditio, quando creditor exigit, & tunc nego unquam præscribi, quia semper manet obligatio, quamdiu manet potestas exigendi in creditore, vel hæreditibus illius: quibus deficientibus deficit quidem obligatio, sed non vi præscriptionis ut patet. Accedit quòd in hoc casu ad præscribendum requireretur animus recusandi solutionem, & sic inchoandi possessionem libertatis: qui animus jam esset peccaminosus, adeoque ineptus ad inchoandam præscriptionem.

194. Obijciunt 3. Possunt servitutes rusticæ (ut supra dictum) præscribi factem præscriptione improprie dictâ, etiam ab eo qui scit se eam debere, si Dominus eâ non utatur: ergo etiam poterit debitum præscribi, si creditor non exigit. 2. Negando consequentiam & paritatem, quia imprimis in illis servitutibus nulla est obligatio aliquid agendi etiam Domino non urgente, sicut est fere in omnibus debitis, cum quia in servitutibus leges ità statuerunt, eò quòd Domino non utente, cum est occasio utendi, videatur habere servitutem pro derelicta. Vnde si circa debita indefinite contracta existerent aliquæ leges, quibus ex causis bonum publicum concernentibus talia debita extinguerentur post lapsum certi temporis creditore sciente & non urgente, ex præsumptione, quòd debitum veller habere pro derelicto, tunc sanè esset omnimoda paritas, & præscriberentur Præscriptione improprie dictâ, sicut servitutes, sed non cum mala fide, ut supra declaratum est; & sic objecti saltat extra chorum.

195. QUÆRITUR 2. An bona fides proveniens ex Juris ignorantia, sufficiat ad præscribendum. De ignorantia facti omnes fatentur sufficere, nisi aliquid aliud obstat præscriptioni. De ignorantia Iuris itaque

Prima sententia est, universim loquendo sufficere, saltem pro foro poli seu conscientiæ, esto in foro fori seu externo ob præsumptionem scientiæ, talis exceptio repelleretur. Ità Medina de Reb. Resist. q. 17. §. antepen. in cujus sententiam propendit Lugo, & Castro Palao, eam ut probabilem defendens. Lessius vocat non improbabilem. Et ob horum auctoritatem qui cum tali ignorantia, bonâ fide, tempus præscriptionis complisset, posset hanc sententiam ut probabilem sequi, rômque possessionem retinere ut suam, saltem quamdiu non cogeretur iudicis auctoritate restituere. Quod si restituisset, non posset uti occultâ compensatione, quia ut hæc liceat, requiritur jus certum, quale iste non haberet. sed de hoc dictum est in 2. tract.

196. Secunda sententia distinguit inter Præscriptionem longi & longissimi temporis, hoc est ad quam non requiritur titulus. Quoad priorem vult obstat ignorantiam Juris, quoad posteriorem non item, si sit inculpata. Ità Co-

varruias l. c. §. 7. n. 5. & 11. Paulus Castrensis in l. Celsus de Vnicap. & plures alii, quos sequitur Lessius c. 6. dub. 5. §. Hac feri. & Arnoldus Rath.

Tertia sententia est, eam nunquam sufficere. Ità P. Molina. *disp. 64.* existimans oppositam omni probabilitate destitutam esse.

197. DICO 1. In certis quibusdam personis sufficit ad præscribendum tempore ordinatio bona fides, etiam ex Iuris ignorantia procedens. Ità in terminis Molina Juroconsultus lib. 2. de primogen. c. 7. n. 69. Probatur. Tunc solum potest ignorantia Iuris obesse bonæ fidei ad præscribendum requisitæ, quando ignorantia Iuris non toleratur à Iure: atqui sunt quædam genera personarum, in quibus ignorantia Iuris toleratur à Iure, adeo, Iura nolunt talibus personis illam ignorantiam asserere præiudicium, nec à talibus personis exigunt scientiam legum. ergo &c. huiusmodi sunt Milites & Minorennes, quibus ignorantia Iuris non nocet, etiam in acquirendo. l. 1. C. de Iuris & facti ignor. [Quamvis cum causam tuam ageres, ignorantia Iuris propter simplicitatem armatæ militiæ allegationes competentes omiseris: tamen si nondum satisfecisti, permittit tibi sic capere ex sententia conveniri, defensionibus tuis uti. & lege. 2. Cum ignorantia Iuris facile excusari non possit, si major annis 25. hæreditariæ materituz renuntiasti, scilicet prece subveniri tibi desideras. & l. 11. Quamvis in Iuro nec feminis Ius ignorantibus subveniri solet, tamen contra ætatem adhuc imperfectam locum hoc non habet, retrò principum statuta declarant.] ergo saltem in his personis bona fides cum ignorantia Iuris sufficit ad præscribendum etiam tempore ordinario. Leges ergo, quæ universaliter dicunt, Iuris errorem non prodesse, intelligentæ sunt in terminis habilibus, respectu illarum personarum, in quibus error Iuris non toleratur. Nisi enim hoc dicamus, non apparet, quid indulgeatur illis personis, in quibus Iuris error tolleratur. quod enim ignorantia Iuris in damnis rei amittendæ non noceat, est generale omnibus, ut in terminis habetur l. Iuris ignorantia. & seq. ff. de Iuris & facti ignorantia. Utrum autem his personis accenferi debeant Mulieres & Rustici, respondet Lessius in tit. de Iuris & facti ignor. Mulieribus & Rusticis non passim subveniri, ut patet ex lege quamvis. citatâ, sed tantum in quibusdam casibus, quos refert Antonius Perez. in hunc tit. C. sed hoc non pertinent.

198. DICO 2. Quando ad præscriptionem non sufficit titulus præsumptus, sed allegari debet titulus coloratus (de quo infra) tunc probabilis videtur, Ignorantiam Iuris siquid & indubitat oblatæ præscriptioni in illis personis in quibus ignorantia Iuris non toleratur. Ità præter auctores secundæ & tertiæ sententiæ contra primam sent. docent P. Amicus & P. Dicastil-

lo, qui duo nullam mentionem faciunt de præscriptione longi temporis. Probatur Conclusio. Potuerunt leges hoc ita statuere, ut tali cum ignorantia etiam inculpabili præscriptio non teneret, ut farentur adversarii: & ratio est manifesta, quia cum præscriptio non sit Iuris naturæ, sed Legis beneficium, utique leges poterunt extendere vel restringere prout visum fuerit, sicut etiam quasdam res, v. g. furtivas, exceperunt, quas si non exceperissent, utique etiam præscribi possent. Quod autem defacto ità voluerint, saltem quando requiritur titulus coloratus, clarè colligitur ex eandem verbis. Nam l. 4. ff. de Jur. & fa. ig. sic habetur. [Iuris ignorantiam in Uluscione negatur prodesse: facti verò ignorantiam prodesse constar. & l. 31. pr. ff. de Ululcap. Nunquam in uluscipionibus Iuris error possessori prodest, & ideo Proculus ait, si per errorem initio venditionis tutor pupillo auctor factus sit, vel post longum tempus venditionis peractum, ulucipi non posse, quia Iuris error est. & l. 2. §. 15. ff. pro euprore. ibi. quod si scias pupillum esse, putes tamen pupillis licere res suas sine tutoris auctoritate administrare, nec capies usu, quia Iuris error nulli prodest.] Quod autem in his casibus termo sit de ignorantia Iuris etiam inculpabili, constar ex eo, quod si sermo esset de ignorantia culpabili, sequeretur, quod culpabilis ignorantia facti prodesset, quia leges dicunt illam prodesse, & ne crasse æquivocet, debent semper loqui de ignorantia eodem modo lumpa, ergo cum non pro sit ignorantia facti, nisi inculpabilis, ignorantia Iuris etiam inculpabilis dicitur non prodesse.

199. Respondent adversarii, leges illas procedere ex præsumptione malæ fidei, nempe ex præsumptione scientiæ, & quod legum ignorantia non intervenierit. Sed contra 1. quia leg. 2. §. 15. paulò antè adductus, hanc responsionem non recipit, expressè enim dicit: si scias pupillum esse, NB. putes autem, &c. ecce! supponit lex adesse opinionem, quod licet pupillo contrahere. quæ opinio est error in Iure.

Contra 2. Si purè procederet hæc leges ex præsumptione malæ fidei, sequeretur quod si pars adversaria seu actor cui obijciat Exceptio præscriptionis, fateretur, existitisse in adversario ignorantiam Iuris, sequeretur inquam, quod Iudex in foro externo deberet judicare, fuisse præscriptum, ut farentur adversarii: nam quando ex confessione adversarii constar de falsitate præsumptionis, etiam si hæc esset Iuris & de jure, contra quam nulla admittitur probatio præter confessionem adversarii, tunc judicatur secundum rei veritatem, & non secundum præsumptionem: atqui nullum Tribunal (nisi forte cui præesset Medina) hoc faceret: quod inde colligitur, quia quando reus convenus allegat Ignorantiam Iuris, Iudex non querit ex actore, an ignorantiam fateretur intervenisse, sed inspecto solo

solo titulo à Iure reprobat, repellit Iudex Exceptionem præscriptionis: ergo lignum est, quod hæc leges, prout observantur, non putè procedant ex præsumptione.

100. Contra 3. Demus, iura præsumere malum fidem in eo qui prætendit ignorantiam Iuris, inde tamen non sequitur, sed rotundè negandum est, huic præsumptioni vultisse leges allegare præscriptionis invaliditatem. Sicut in finiti, licet iura præsumant fraudem in testamentis debitâ solennitate destitutis, nullitatem tamen testamentorum huiusmodi minùs solennium non alligant huic præsumptioni, ut tradit ipse Lugo. Ratio omnium est, quia iura sunt vigilantibus scripta, & ideo Iuris ignorantia non toleratur: ut hac de causa existerent cives, ad ea quæ sunt liquidi juris cognoscenda, saltem circa illos actus, quos ipsi volunt celebrare.

101. Obijciunt 1. Ius Canonicum solummodo illam malam fidem excludere videtur, quæ peccatum mortale constituit. atqui ignorantia Iuris, si invincibilis sit, nullum inducit peccatum: ergo hanc ignorantiam Ius Canonicum non excludit. 2. Ius Canonicum improbare admissionem malæ fidei quàm iura Cæsarea admittent, & hæc erat illa quæ consistebat in peccato. in cæteris, quæ Ius Cæsareum constituit & requirit ad præscriptionem, Ius Canonicum nihil immutavit, quia non habuit causam immutandi, cum illis stantibus conscientia non lædatur. Imò admissâ ignorantia Iuris potius fovetur peccata, ut paulò post ostendam: ergo merito non sunt improbatæ huiusmodi leges. Notissimi quippe Iuris est, ea in quibus Iure Canonico non est aliter dispositum, esse leges Cæsareas observandas, iuxta illud vulgatissimum effatum. *Sicut Leges non dedignantur sacros Canones imitari, ità & sacrorum statuta Canonum Principum constitutionibus adjuvantur.* c. 1. de nov. op. nunciat.

102. Obijciunt 2. Aliquæ leges dicunt, Ignorantiam Iuris non præsumi: ità habet Lex. *Quemadmodum C. de agricolis censitis, & colonis.* ubi in fine dicitur. *Male fidei namque possessorem esse nullus ambigit, qui aliquid contra legum Interdicta mercatur.* Ad hanc tamen legem faciliè respondetur, in ea nullum verbum esse de Præsumptione, sed potius de eo qui per fraudem mercatus est contra legem, ut in præcedentibus dictum erat. Neque verò commento fraudis id usurper legi illi. quæ verba Card. de Lugo non videtur advertisse, & certè modus mercandi ibi descriptus est talis, ex quo manifestè colligitur emptio in fraudem legis facta, ut etiam glossa observavit. Verùm etiam si præsumptio in hac lege contineretur, sicut continetur in Regula Iuris 82. in 6. *Qui contra Iura mercatur, bonam fidem præsumitur non habere.*

Respondetur leges hoc velle, quod in tali casu perinde procedendum sit in Iudicio, ac si

malæ fides Theologicè sumpta intervenisset, & quod valde miror, non videtur Lugo memor fuisse in sect. 3. conscribenda, quod immediatè priùs dixerat sect. 2. n. 15. in medio, his verbis.

[ Si autem non solum esset præsumptio, sed constaret de malæ fidei possessoris, aut NB. de ignorantia Iuris non dubii, quæ ignorantia etiam si esset invincibilis, æquivaleret malæ fidei in hac materia. ] Ratio autem ità statuendi multiplex esse poterat. imprimis ut lites faciliùs terminarentur: deinde ut huiusmodi litium multiplicatio impediretur, quæ utique plures nascerentur, si spes esset in Iudicio vincendi beneficio ignorantie Iuris, quàm si constet hanc non admitti; denique ne fraudibus & peccatis antea præberetur: quod tamen fieret dupliciter, si ignorantia Iuris non obstatet præscriptioni. primò, quia multi contraherent cum scientia Iuris, hac spe, quod deinde possent prætereire ignorantiam Iuris, & eam fortè non difficulter probare. secundò, quia sic in Iudiciis auferrentur multis sua bona, quæ reverà in conscientia præscripsissent, & ad iudicarentur illis, qui fortè benè sciunt, alterum ignorantiam invincibilem habuisse, & ideo in conscientia præscripsisse; hic & nunc autem contra ipsum ex falsa præsumptione sententiam ferri. Satiùs ergo fuit, ad huiusmodi inconvenientia evitanda, universaliter irritare ordinaras saltem præscriptiones cum ignorantia Iuris, quando titulus coloratus est necessarius.

103. DICO 3. Probabilius mihi est, ad præscriptionem longissimi, seu extraordinarii temporis, quando sufficit titulus præsumptus, non obstat præscriptioni ignorantiam Iuris, adeoque si post illos annos resciretur, præcessisset titulum cum ignorantia Iuris, nihilominus præscriptio fuisset completa. Ità AA. secundæ sententiæ. Probatur. Vbi titulus non requiritur, sed sufficit præsumptio illius, seu vera, seu falsa, ibi Ignorantia Iuris non potest obesse Præscriptioni: sed in Præscriptione longissimi temporis titulus non requiritur, sed loco tituli est illius præsumptio, ut suprà probatum est: ergo. Major probatur. Ignorantia Iuris solùm ideo obest, quia fundat titulum, quem Iura improbant: ergo si titulus non requiritur, ignorantia Iuris non potest obesse.

104. Dices in tantum præscriptum esse iudicatur, in quantum titulus præsumitur: ergo si deprehenditur falsitas præsumptionis, etiam deprehenditur falsitas præscriptionis. 2. Distinguedo præcedens: ità ut talis sententia Iudicis unice nitatur præsumptione tituli, nego. Ità ut nitatur illis Iuribus, quæ præsumptionem loco tituli habent, concedo antecedens & nego consequens. Itaque sicut titulum coloratum, accedente possessione legitimi temporis, acceptant iura perinde, ac si esset verus, in ordine ad transferendum dominium, ità titulum præsumptum acceptant loco colorati.

205. Obijcit Molina noster capitulum *dundum de decimis*. ubi aliqui Præscriptionem fundabant in donatione facta à Rege Laico, qui non poterat donare rem Ecclesiasticam, contra quos tulit sententiam Innocentius III. his verbis. [Nos igitur, cum donatores prædicti conferre non potuerint aliis, quæ ipsi de jure non poterant possidere, &c. Sententialiter prohibemus, ne Fratres Hospitalis præsumant ulterius impedire, quominus decimas percipias, &c.] 2. Hoc capitulum penitus nihil patrocinari adversariis. Fuit enim ibi allegatus titulus in Ignorantia Juris fundatus, ut patet. Quando autem in Præscriptione etiam longissimi temporis, allegatur titulus reprobatus, tunc non præsumitur intervenisse alius titulus idoneus ad præscribendum, imò præsumitur non intervenisse, ut cum probabili sent. dicemus Contr. seq. Respondetur 2. in illo capitulo non exprimi, fuisse præsentem Præscriptionem longissimi temporis, sed potius indicatur contrarium: nam altera pars replicavit contra præsentem Præscriptionem dupliciter. primò, quòd titulus fuerit inidoneus. 2. Quòd tempus requisitum necdum effluerit.

206. DICO 4. Error juris dubii & controversi non impedit Præscriptionem, ne quidem illam, ad quam titulus requiritur. Ità Theologi & Juristæ communiter omnes, excepto Jo. Harpprecht. n. 87. Ratio est, quia talis error erroris, seu Ignorantiæ facti meritò comparatur, & in hoc casu cessant rationes, ob quas Ignorantia Juris non toleratur, & sic per se corruunt, quæ Harpprecht in contrarium assert.

207. QUÆRITUR 3. Quomodo mala fides auctoris obstat successori, & bona fides proffit. Pro resolutione

Nota 1. Auctorem vocari à Jure illum, qui tanquam rei suæ dominus, dominium in me transferre videtur, & ego dicor illi succedere.

Nota 2. Successorem alium dici à Jure *singularem*, alium *universalem*. Singularis successor est, qui in re aliqua determinata & singulari succedit, ut Emptor, Donatarius, Legatarius. Successor universalis est, qui succedit in universitatem bonorum, seu in universum sui jure hæreditario, sive deinde sit hæres ex asse, sive tantum in certa parte hæreditatis totius seu alius, v.g. in triente, semisse, &c. nam & hæc successio respicit rem indefinitam, & nullam singularem quæ talem. His positis

In præsentī quæstione planè perplexa, nec Theologi nec Juristæ conveniunt, & suis allegationibus ac rationibus omnia dubia & perplexa relinquant. dicam quæ mihi verisimiliora videntur.

208. DICO 1. Probabilius est (non tamen indubitatum ut nonnulli supponunt) malam fidem theologicam antecessoris, obesse successorī saltē immediate universali, jure com-

muni, adeo ut nec incipiendo à propria possessione possit præscriptionem complere. Dixi *Jure communi*. Nam Jure Bavarico contrarium statutum est, ut scilicet incipiendo computare tempus ab adita hæreditate & propria possessione, possit usufructu tam universalis quàm singularis successor, non obstante malâ fide auctoris. L. R. tit. 9. a. 7. Conclusio est communis, & idēo probabilior. Contrarium tamen habet Corvinus in Jure Rom. Vultei, & insinuat Brederodius. Covarruvias verò & Castro Palao de veritate communis sententiæ dubitant. Dixi: *saltem immediato*. Nam quoad hæredem ulteriorem & mediatum, multi negant, & æquè multi affirmant obesse malam fidem primi defuncti. Negant Ioann. Crocius, Accursius, Covar. l. c. n. 6. Fernand. Valsq. l. 2. *Illust. controv. c. 73. n. 18.* Molina, Lessius, Castro Pal. Rationem dant, quia hæres hæredis non est defuncti primi hæres, item quia primus hæres, non realiter, sed tantum fictione juris habet malam fidem: atqui duplex fictio juris est eodem capite in jure non admittitur: hic autem interveniret duplex fictio. Affirmant obesse Georgius Everhardi, Andreas Fachineus, quod etiam tenet Lugo. *f. n. 61.*

209. Ego quoad hoc punctum in priorem magis inclino, quamvis id admodum dubium farear. Iuristæ probant oppositum, nempe quòd adhuc mala fides auctoris remoti obstat, unicè ex eo, quòd talis possessio malâ fide cæpta sit, hæres autem repræsentet defunctum. Ad hoc tamen fundamentum videtur haberi sufficiens responsio ex fundamentis sententiæ negativæ, jam adductis, ut consideranti liquet.

210. Cardinalis Lugonis fundamentum est hoc. Quia hæres etiam mediatum (si immediatus non satisfecit) tenetur resciscere omnia damna à primo defuncto aliis injustè illata, quia succedit in omnes obligationes. Hæc probatio ex pluribus capitibus non est efficax. Imprimis enim (quod etiam advertit Arnold. Rath. *ib. §1. in notis.*) non probat, quòd hæres mediatum non præscripserit & dominus factus fuerit, sed solum probat, quòd teneatur ad tantundem refundendum, vel rem ipsam restituendam si adhuc apud se existeret; non tamen auctori competere Rei Vindicatio, nec contra ipsum hæredem quæ præscripsit, nec contra alium ad quem pervenisset. Ratio à priori est, quia benè consistunt simul hæc duo, me fieri dominum rei: & me ex iustitia teneri satisfacere pro injuria seu læsione, quæ alter per acquisitionem dominii læditur. v.g. si emo equum, qui mihi traditur, quem scio jam antè alteri obligatum: ità etiam injustus possessor verè possidet, & tamen tenetur satisfacere pro injusta possessione. Deinde ex ratione Lugonis sequeretur, quòd iniqua jure constitutio Juris Bavarici, quia nullo jure possit tali hæredi præscriptio concedi, si ratio Lugonis bona esset, acmpe



nempe si obligatio restituendi impediret præscriptionem. Denique sequeretur, quòd ne quidem accedente alio titulo posset hæres præscribere rem malà fide possessam à defuncto: quia semper manet obligatus ad rescandenda damna, quæ defunctus intulit Domino, inter quæ est etiam talis præscriptio, & habetur casus clarus in *L. an vitium. §. 1. ff. de diversis temporalib. præscript.* quàm post referam. Manet ergo valde probabilis opinio, negans malam fidem defuncti obesse mediato successori. Sed relicto hoc dubio & redeundo ad Conclusionem,

211. Probatur Conclusio ex lege *cùm hæres 11. ff. de diversis temporal. præscript.* [Cùm hæres in ius omne defuncti succedit, ignorantie suà defuncti vitia non excludit, veluti cùm sciens alienum illum illo, vel precario possedit; quãvis enim precarium heredem ignorante non teneat, nec interdictio rectè conveniatur, tamen usufrucapere non poterit, quòd defunctus non potuit. Idem iuris est, cùm de longa possessione queritur, neque enim rectè defendetur, cùm exordium ei bonæ fidei ratio non tueatur.]

Probatur item ex lege, Si malà fide. 3. C. communia de usufrucap. Si malà fide servum tuum sciens Antiochus tenuit, intentionem tuam contra successorem ejus licet bonà fide possidet, propter initium vitium in capio non absumpsit. Itaque cùm hæres repræsentat personam defuncti, habet malam fidem fictam fictione iuris, hoc est, jura fingunt, possessionem hæredis initium capere ab illo puncto, & cum illa fide, quà defunctus cepit possidere.

212. Respondet Castro Palao, hujusmodi leges solum velle, malam fidem defuncti nocere hæredi eatenus, quatenus intendit nomine defuncti possidere, ejusque possessione ad præscribendum uti, & ex ejus titulo, non autem quatenus à seipso & ex titulo aditæ hereditatis vult possessionem inchoare. Sed hæc responsio ex duplici capite non satisfacit. 1. Quia hac ratione leges illæ nihil ordinassent, quod non antè per se notum fuisset, & indubitabile, nempe, quòd possessio antecessoris cum mala fide conjuncta, non possit conjungi per modum partis cum bona fide successoris ad præscribendum, cùm debeat bonæ fidei principium habuisse. Secundò huic explicationi refragatur *Lex 11. C. de acquirenda possess. vitia possessionem à majoribus contracta perdurant, & successorem auctoris sui culpa comitatur.* Ecce! vitium antecessoris transfunditur in possessionem successoris, eatenus, quatenus fingitur ipse malà fide inchoasse, adeoque tam parùm sufficit, ipsum in se habere bonam fidem, quàm parùm sufficeret, si ipsi antecessori post malam fidem ex oblivione supervenisset bona fides, ut suprà diximus.

Obijcies. Ex nostra conclusione sequi videtur, quòd neque possit rem capere hæres ex titulo *Pro Hærede*, tunc quando defunctus rem il-

lam possedit bonà fide quidem, sed fundatà in ignorantia iuris, adeoque sine titulo sufficienter: consequens videtur absurdum, & oppositum supponit ut certum Ferdin. Vassq. *L. c. n. 19.* Sequela probatur. Quia sicut hæres repræsentat defunctum, ità ut censetur malè fidei possessor, ità etiam videtur repræsentare quoad illam iuris ignorantiam. 2. Negando sequelam. Disparitas est, quia in casu objectionis defunctus non fuit malè, sed bonè fidei possessor: ergo initium possessionis hæredis non est vitiosum: ergo licet non profit illi tempus quo possedit defunctus ex defectu tituli, superveniente tamen postmodum titulo *Pro Hærede*, potest præscribere per tempus propriæ possessionis: quemadmodum si defuncto adhuc vivo supervenisset novus titulus à iure approbatus, à tempore tituli potuisset præscribere, etiamsi prior possessio non profuisset: satis enim est, quòd non sit vitium in fide.

213. DICO 2. Si hæres ex alio superveniente titulo possideat rem à defuncto malà fide possessam, potest à puncto acquisiti tituli possessionem computando præscribere. Ità omnes. Probatur ex *L. §. 1. ff. de diversis temporal. præscript.* ubi casus talis resolvitur. [Ex factis propositum est, quandam cùm rem pignori dedidisset, eandem distraxisset, hæredemque ejus redemisset, queritur, an hæres adversus pignoris persequutionem exceptione longæ possessionis uti possit. Dicebam hunc hæredem, qui pignus ab extraneo redemit, posse exceptione uti, quia in extraneo locum succellit, non in ejus qui pignori dederat: quemadmodum si antè redemisset sic deinde hæres exstiteret.] Quibus verbis indicatur ratio Conclusionis. quia tunc possidet rem non titulo *Pro Hærede*, nec ut repræsentans defunctum, nec ut successor illius, sed, v.g. *ex empto*, & ut successor singularis.

214. DICO 3. Quod in prima conclusione assertum est, non tantum de præscriptione temporis ordinarii, sed etiam temporis longissimi assertendum est. Ità Alexander, Jafon, Pannormit. Fachineus, quos refert & sequitur Castro Palao, & Arnoldus Rath. contra quosdam, quos refert & sequitur Covarruvias *L. c. n. 4. Ferd. Vassq. c. 75.* & probabile ait Lessius.

Probatur Conclusio. Ius Civile, quatenus ad præscriptionem longissimi temporis non requerebat ab initio bonam fidem, est correctum à iure Canonico, ut dictum est. atqui possessio hæredis quæ talis in casu conclusionis incipit (fictione iuris) cum mala fide, quia ejus initium sumitur à possessione defuncti inclusive, qui fuit in mala fide: ergo præscriptioni longissimi temporis obest mala fides defuncti.

215. DICO 4. Quoad res immobiles mala fides auctoris nocet etiam successori proximo singulari, si rem alienavit ignorante Domino, idque iure novo *Auth. male fidei. C. de præscriptione longi temporis*, ne scilicet præscribat tempore

ordinario dominium, non tamen nocet, quominus prædicti tempore extraordinario. [ Male fidei possessor alienante cessat longi temporis præscriptio, si verus Dominus ignoret suum Ius, & alienationem factam: Ipeatur ergo triginta annorum defensio. Si verò is qui putabat easdem res sibi competere, hoc cognoscens intra decem annos in et præsentis, & viginti inter absentes, litem non fuerit correllatus, possessor præscriptioe munitus firmiter eas habebit. ]

216. Dixi 1. *Dominum*. Nam de hoc solo loquimur adducta authentica, quæ proinde ut potest exorbitans & correctoria Juris antiqui, non est ad alia lura, v.g. hypothecas extendenda: ad eoque has etiam hodie ordinario tempore præscriberet bonæ fidei possessor, etiam si casus malæ fidei possessoris comparasset, rigore antiqui juris in hoc non correcti. l. 1. & 2. c. Si adversus creditorem præscriptio opponatur. lex. 1. sic habet. [Diuutrum silentium longi temporis præscriptione corroboratum creditoris pignus persequentibus inefficacem actionem constituit: præterquam si debitores, vel qui in eorum jura successerint, obligati rei possessioni incumbant. Vbi autem creditori a possessoris longi temporis præscriptio obijciatur, personalis actio adversus debitorem salva ei competit.] Casus est iste. Mutuasti mihi decem, obligavi tibi pignora; ea distaxi malâ fide, Paulus qui ea comparavit, decem annis bonâ fide possedis, potest a te actione hypothecatâ convenire exceptione præscriptionis longi temporis se tueri, salvâ tibi actione personali adversus me pro debito. Secunda lex sic habet. [Si debitori hæres non existit, sed iustâ 20. annorum (inter absentes) possessione collata in te donatio corroborata est, neque personali actione, quia debitori non successit, conveniti te Iuris ratio permittit: neque NB. data pignori prædia post intervallum longi temporis tibi auferenda sunt.]


217. Dixi 2. *Res immobiles*. Nam in præscriptione rerum mobilium nihil est immutatum. Nec erat operæ pretium immutare. Quamvis enim casus fingi posset, quo res mobilis à male fidei possessore accepta posset intra triennium præscribi, is tamen erit rarissimus, nam regulariter res mobiles malâ fide possessæ sunt furtivæ, & ideo non præscribibilis, ut dicimus.

218. DICO 5. Bona fides Auctoris prodest Successori, tam universali, quam particulari, adeo ut nisi in hoc mala fides superveniat, possit computare tempus possessionis, quo auctor bonâ fide possedit, illudque cum tempore suæ possessionis conjungere, seu (ut Juristæ loquuntur) possit accessione temporis uti. Ratio est. Quia Auctor vult in successorem om-

ne suum jus transferre, atqui inter jura erat hoc, quod est, cœpisse præscriptionem possessione bonæ fidei : ergo & hoc transfert.

219. DICO 6. Quædicta sunt de mala fide auctoris ut nociva successori, non solum procedunt in personis particularibus, sed etiam in Communitate respectu posterorum, aut successorum. Itæ communis contra Bartolum Baldum, quorum auctoritas non est magnificanda in hoc puncto, ut advertit Arnoldus Rathi. c. 58. Nam Baldus solâ Bartoli auctoritate nititur, Bartolus verò auctoritate Innocentii in cap. cura, de lute patron. ubi id non simpliciter affirmat, sed potius in contrarium inclinat. Ratio Conclusionis est, quia Univeritas est semper eadem, & non mutatur ex eo quod illi moriantur singuli successores, & alii in locum eorum succedant. L. 76. ff. de Iudiciis. ibi. [Nam & Legionem eandem haberi, ex qua multi decessissent, quorum in locum alii subjecti essent, & Populum eundem hoc tempore putari, qui ab hinc centum annis fuisse, cum ex illis nemo nunc viveret.] Baldus etiam in L. Imperium ff. de Jurisd. omnium Iudicum. tradit, scientiam oblivioni traditam non esse habendam pro bona fide; & hinc infert, quod si populus volens præscribere Iurisdictionem in aliquo castro fuerit à principio male fidei, licet hodie sit bonæ fidei, non præscribat in æternum, quia cum populus sit idem numero, semper videtur mala fides continuari.

220. Dices. Ergo etiam mala fides Prælati nocebit Ecclesiæ, & impedit quominus Ecclesia postmodum præscribat. R. Negando consequentiam & paritatem, quia Prælati in hoc casu considerandus est ut administrator bonorum; quare sicut mala fides Tutoris non impedit præscriptionem pupilli, ita nec mala fides Prælati. Obligator tamen iste satisfacere parti læsæ pro damno, & antequam compleatur Præscriptio, tenebitur cursum interrumpere, manifestando, rem esse alienam.



CONTROVERSIA III.

*Qualis Titulus ad præscribendum requiratur & sufficiat.*

SUMMARIUM.

**Q**uid sit Titulus requisitus ad Præscriptionem. 221.

Titulus potest esse triplex. Coloratus : Existimatus : Præsumptus. 222.

Ad præscribendum tempore ordinario non sufficit titulus merè præsumptus. 223.

Ad præscribendum tempore ordinario non requiritur titulus coloratus, excepto Emptionis titulo. 224.

Servitutes saltem reales continuis præscribuntur tempore ordinario sine titulo. 225.

Ea que tempore ordinario sine titulo præscribi non possunt, præscribuntur tempore extraordinario, absque allegatione tituli. 229.

Quenam requirantur, ut titulus præsumatur. 230.

Si quis contra prohibitionem legis bonâ fide per tempus immemorabile possideret, præscriberet. 231.

Si de titulo vitioso constaret, præsumeretur ex illo possidere. 232.

Ad præscribendum tempore ordinario ex titulo Emptionis existimato, non sufficit, si alius tradat putans se vendidisse. 233.

Aliquando tamen sufficit titulus existimatus. 234.

Res aliena à pupillo emptæ non potest usucapi ob defectum tituli. 236.

Quis sit Titulus Pro suo. 238.

Item Pro soluto 239.

An sufficiat titulus Pro donato. 241.

An filius ex hoc titulo possit usucapere rem alienam à patre sibi donatam, si in ea voluntate moriatur. 242.

Titulus Pro hærede dupliciter accipitur in Iure. 243.

Hæredes sui possunt res alienas in hereditate reperiæ usucapere. 244.

In quibus casibus locum habeat titulus Pro hærede. 248.

Res aliena potest præscribi Pro Legato. 253.

Quid si quis existimet legatam esse defunctum, cum vivat. 254.

Aliiter se res habet in donatione mortis causâ. 255.

221. **N**otandum 1. Titulum hoc loco aliud non esse, quàm causam ex se habilem ad transferendum dominium, ut sunt Donatio, Emptio, Penmutatio, Legatum, Fideicommissum, Occupatio rei pro derelicto habitæ, Aditio hereditatis, &c. Quando enim Donator v. g. non fuit rei Dominus, sed esse existimabatur, licet donando non transferat dominium, transfert tamen usucapiendi conditionem, & dicor possidere titulo donationis, seu pro Donato, qui titulus solet vo-

cari *Coloratus*, quia est tantum apparens, reverâ enim res non erat cum effectu translationis domini donata. Vocant hunc titulum Lugo, & Dicastillo *Titulum præsumptum*, sed est æquivocatio & abusus vocabuli: nam licet titulus coloratus possit vocari præsumptus hoc sensu, quatenus habens titulum coloratum ex empto, v. g. prudenter & bonâ fide præsumat venditorem fuisse Dominum mercis, non tamen vocatur à Juristis titulus iste simpliciter & absolute præsumptus, sed per titulum præsumptum aliud intelligunt. pro quo

222. Notandum 2. Titulum, qui ad præscriptionem saltem quandoque sufficere potest, & requiritur, posse esse triplicem. Primus dici potest Titulus verus, sed invalidus, qui & vocatur *Coloratus*, seu apparens, quem jam explicavimus, nempe quando reverâ intervenit, v. g. donatio, sed ex latente aliqua causa fuit invalida, quod provenire potest, vel quod Iura talem donationem secundum se invalident, ut inter virum & uxorem, vel quia donator non erat Dominus, vel quia non intervenit insinuatio quam Iura requirunt, &c. Secundus vocari potest titulus existimatus, quando scilicet non quidem reverâ talis titulus intervenit, sed tamen ex justa causa existimo, talem rem mihi donatam, aut legatam esse, quia alius, qui rem quasi ex illis titulis debitam tradidit, persuasit mihi illam rem ad me pertinere, v. g. si hæres tradat rem quasi mihi legatam, cum tamen legata non sit, & in hoc casu dicor possidere *pro meo*, vel *pro soluto*. & de hoc titulo agitur in Digestis Lib. 41. f. 10. qui inscribitur *Pro suo*. Tertius vocatur *Titulus præsumptus*, hoc est, quando ob diuturnitatem temporis, v. g. 30. annorum, præsumitur à Iure titulus præcessisse, licet possessor non possit speciem tituli allegare, quia non recordatur amplius, an pro donato, vel empto, vel hærede, vel legato, &c. possideat. Quando verò talis titulus præsumatur à Iure, vel non præsumatur, ex dicendis constabit.

223. **DICENDUM** 1. Ad præscribendum tempore ordinario non sufficit titulus merè præsumptus, imò nullus tunc à Iure præsumitur, sed debet allegari, & probari certus titulus, alioquin usucapio non intelligitur existisse. Quomodo hoc in Servitutibus verificetur, postea dicetur. Probatum conclusio ex *Lege* 27. ff. h. t. [Celsus errare eos ait, qui existimarent, cuius rei quisque bonâ fide adeptus sit possessionem, pro suo usucapere eum posse, nihil referre emerit necne, donatum sit, necne, si modò emptum vel donatum sibi existimaverit, quia neque pro donato, neque pro legato, neque pro dote usucapio valeat, si nulla donatio, nulla dos, nullum Legatum sit.] Eradhuc clariùs ex *Lege* 24. C. de R. V. [Nullo iusto titulo præcedente possidentes ratio Iuris querere dominium prohibet. Idcirco cum etiam usucapio cesser, intentio domini nunquam

quam absumitur.] Nota, legem hanc non loqui de titulo existimato superius explicato, & de quo loquitur conclusio sequens, sed de titulo existimato in hoc sensu, quod quis falsò sibi persuadeat, talem titulum, v. g. donationem intervenisse.

224. DICENDUM 2. Ad præscribendum tempore ordinario, non requiritur titulus coloratus, sed sufficit titulus existimatus, seu putativus, secundo loco explicatus, excepto emptionis titulo, de quo specialiter agendum erit. Hanc conclusionem non invenio quidem apud Theologos satis expressam, quin imò videntur supponere, titulum coloratum requiri. Solus P. Castro Palao insinuat conclusionem §. 5. n. 2. Ex Juristis eam obiter etiam insinuat Cuiacius in dictam legem *Celsus* 27. fusiús eam tradit Schneidewein n. 37. VVelsenbecius n. 2. ff. pro donato. Julius Pacius, Harpprecht, Mynsingerus, Manzius §. 11. à n. 6. Bacchovius in Treutlerum de *Ufucap. litt. E. & F.* Arnoldus Rasth ih. 14. èstque proinde communis apud Juristas. Probatur ex variis legibus. imprimis ex §. 6. ff. pro Legato. [Ea res quæ Legati nomine tradita est, quantum Dominus ejus vivat, Legatorum tamen nomine ufucapietur, si is cui tradita est, mortui esse existimaverit.] Item ex L. 33. §. 1. ff. de ufucap. ibi. *Si justam causam habuerit, existimandi, se heredem, vel bonorum possessorem Domino exstisisse, fundum pro herede possidebit.* & clarissime l. 48. ff. eod. [Si existimans debere tibi tradam, ita demum ufucapio sequetur, si & tu putes debitum esse. Aliud si puteam me ex causa venditi teneri, & ideo tradam. Hic enim nisi actio prætedat pro emptore, ufucapio locum non habet.] Ecce! quam clare ponatur discrimin inter alios titulos possessionis, & inter titulum Emptionis, prout etiam habetur in aliis legibus. L. 2. ff. pro Emptore. L. 27. ff. de Ufucap. Sed de hac exceptione postea.

225. DICENDUM 3. Servitutes saltem reales continuæ, hoc est, habentes actum continuum, ut aqueductus, suggrundii, &c. præscribuntur tempore ordinario sine titulo, hoc est, non tenetur præscribens allegare & probare titulum, sed sufficit scientia & patientia Domini. Habetur in L. 10. ff. *Si servitus vindicetur.* [Si quis diuturno usu & longâ quasi possessione ius aquæ ducendæ nactus sit, non ei necesse est docere de iure, quo aqua constituta est, veluti ex legato, vel alio modo, sed utilem habet actionem, ut ostendat per annos fortè tot usum se, non vi, non clam, non precario possedisse.] & in L. 5. §. 3. [Si quis servitutem iure impositam non habeat, habeat autem velut longæ possessionis prærogativam, ex eo quod diu usus est servitute, interdicitur hoc uti potest.]

226. Ratio est, quia scientia & patientia Domini est loco tituli, legibus ita constituentibus, & patientiam Domini consensum interpretantibus.

Dixi 1. *Continuæ.* nam de discontinuis, ut sunt, iter, actus, via, iure quidem Bavarico *rit. 26. a. §.* constitutum est, ut titulus etiam allegetur & probetur. De iure verò communi dubitationem mover Arnoldus Rath ex eo, quod distinctio inter servitutes continuas, & discontinuas communiter quidem recepta, sed ad theoriam & Iuris veritatem accuratius examinata, non sine ratione rejici & dici posset, quod omnes omnino servitutes perpetuam causam habeant, per legem 28. ff. de Servit. urb. prædior. quæ sic habet. [Neque enim perpetuam causam habet, quod manu fit, ac NB. quod ex cælo cadit, etsi non assidue fit, ex naturali tamen causa fit, & ideo perpetuò fieri existimatur.] Quia scilicet natura servitutis cuiusque, nisi per accidens pacto impediatur, talis est, ut quoties libuerit, eâ uti liceat, quod enim naturaliter fit, & semper quodcumque libet fieri potest, perpetuum ac continuum est, etsi assidue non fiat.

Ceterum eodem auctore fatente, distinctio illa, & opinio, alterens servitutes discontinuas sine titulo non nisi immemoriali tempore acquiri, adeoque titulo opus esse, ut ordinario tempore acquirantur, non solum ab omnibus ferè veteribus Interpp. approbata est, sed hodie etiam ita invaluit, ut eam summa tribunalia passim sequantur in iudicando, ut etiam testatur Covarruvias L. 1. *variar. respo. c.* 17. n. 11. Neque est Iuribus destituta. Nam pro ea facit lex 1. §. fin. *um lege.* 2. §. 8. ff. de aqua pluvia arcenda. L. *Servitutes ff. de Servit. & L. hoc iure.* 3. §. ductus aqua. ff. de aqua quotid. & *asiva.* de quibus satis dictum est tr. de Servitutibus.

227. Existente ergo titulo quem quis à putativo prædii Domino obtinuit bonâ fide, omnes servitutes indistinctè ordinario tempore præscribuntur. L. fin. C. de præscript. longi temp. circa finem. [Ut bono initio possessionem tenentis, & utriusque partis domicilio requisito sit expedita questio pro rebus ubique positis, nulla scientia vel ignorantia expectanda, ne altera dubitationis inextricabilis oriatur occasio. Eodem observando, & si res non soli sint, sed incorporales, quæ in iure constituunt, veluti usufructus & cæteræ servitutes.]

228. Dixi 2. *Servitutes reales.* Quia Iura adducta pro conclusione, tantum de realibus loquuntur. Vnde saltem usufructum communiter excipiunt DD. qui ob damni gravitatem, & contentum rei emolumentum à realibus servitutibus separatur, ut sine titulo non præscribatur tempore ordinario, quia à regula generali requirente titulum, libi eximitur, sicut servitutes reales.

229. DICENDUM 4. Ea quæ tempore ordinario sine titulo præscribi non possunt, præscribuntur tamen tempore extraordinario, 30. vel 40. annorum, (quæ appellatur Possessio lon-



longissimi temporis) quin teneatur ullum titulum allegare possessor: si tamen ea interveniant, quæ requiruntur, ut pro tunc à iure præsumatur titulus iustus intervenisse, licet à possessore ignoretur. Ità statutum est utroque iure, Cæsareo quidem in lege 4. *C. de præscript. 30. vel 40. annor.* ibi. [Quicumque super quolibet iure, quod per memoratum tempus (40. annorum) inconcussum & sine ulla re ipsa illata iudiciaria contentione possedit, superque sua conditione, quæ per idem tempus absque ulla iudiciali sententia simili munitione potitus est, sit liber, & præsentis saluberrimæ legis plenissimâ munitione secutus.] Pontificio verò iure. *cap. ad aures de Præscript.* [Ad aures nostras pervenit, duas Ecclesias litigasse super decimis, quas una earum in alterius parochia annis 40. possedit. Tunc fraternitati tenore præsentium innotescat, quod de iure melior est conditio possidentis. Quia quadragenalis præscriptio omnem prorsus actionem excludit.]

230. DICENDUM 5. Vt autem pro 30. aut 40. annorum possessore titulus præsumatur, necesse est. 1. Vt talis possessio non sit à iure prohibita, sive (ut iura loquuntur) ne ius ei resistat. Ex hoc defectu non præscribet unus Episcopus contra alterum, etiamsi per 40. annos aliquas parochias, aut Ecclesias in Diocesi alterius existentes possideret, si titulum allegare non posset, ut habetur. *c. 1. de Præscript. in 6.* vel certe per tempus immemoriale possederit. [Episcopum, qui Ecclesias & decimas, (licet in sua sint constitutæ Diocesi) proponit se præscripsisse, allegare oportet huiusmodi præscriptionis titulum & probare. Nam licet ei, qui rem præscribit Ecclesiasticam, si sibi non est contrarium ius commune, vel contra eum præsumptio non habeatur, sufficiat bona fides, ubi tamen est ei ius commune contrarium, vel habetur præsumptio contra ipsum, bona fides non sufficit, sed est necessarius titulus.]

Requiritur 2. Vt non aliunde sit præsumptio malæ fidei in possidente, talis enim præsumptio excluderet præscriptionem iusti tituli.

231. DICENDUM 6. Si tamen contra prohibitionem & resistentiam legis aliquis bonæ fide per tempus immemorabile possideret (modò de iniusto & vitioso titulo non constituit) adhuc præscriberet, ut habetur in *cap. citato*, ubi additur in fine. *Nisi tanti temporis allegatur præscriptio, cuius contrarii memoria non existat.*

232. Quod si de titulo vitioso constaret, præsumeretur ex illo & non alio possideret (nisi adhuc alium iustum titulum etiam allegaret) & sic non præscriberet. Quod quidem de iure Bavarico certum est, sed de iure communi controversum. Nam adhuc præscripturum contendit Ferd. Vazquez. *Ill. contr. l. 2. c. 81. n. 11. ci-*

tans plurimos, & inter eos Covarr. in *c. possessor. p. 2. §. 5.* qui tamen non loquitur de casu quo constaret de vitioso titulo. Negativa itaque verior est, quam tenent Masquard. de *Probat. vol. 3. concl. 1321. n. 38. & 63.* Fachineus. *lib. 8. c. 33.* Rath. *c. 3. th. 34.* Ratio est, quia nemo præsumitur ex alio titulo possidere, quàm de quo constat, si de aliquo constat. Et hæc de Titulis in genere. Nunc de quibusdam in specie aliquid dicendum est.

## §. I.

### De Titulo. Pro Emptore.

233. DICENDUM est: 1. Ad præscribendum tempore ordinario ex titulo emptionis existimato, non sufficit, si aliquis mihi rem tradat, putans se illam rem aliquando mihi vendidisse, & hoc ego credâ. Ità habetur in *l. 48. jam sup. adducta ff. de Usucap.* in qua ratio specialitatis pro hoc contractu redditur his verbis. [In cæteris causis solutionis tempus inspicitur, & sufficit me putare meum esse, cum solvis: in emptione autem & contractus tempus inspicitur, & quo solvitur.] Sensus est. In titulo emptionis aliter requiritur bona fides, quàm in aliis contractibus. Nam in aliis sufficit ad præscribendum, si bona fides addit tempore traditionis, seu solutionis, etiamsi antea præcessisset mala fides, at verò in Emptione requiritur, ut bona fides etiam adfuerit, dum fieret contractus emptionis, hoc est, ut nescirem esse alienam. Et hoc fortassis ideo specialiter statutum est, ut sic abstererentur homines ab emptione rerum alienarum, si scirent sibi talem scientiam obesse ad præscribendum, ut notat VVesenbergius: atqui in casu Conclusionis nulla emptio supponitur præcessisse: ergo nec bona fides præcedere potuit. Fateor hanc legis rationem obscuram esse, & pluribus impugnari posse, quod tamen non expedit: nam lex ipsa nobis locutionis esse debet, quia non omnium legum rationes à nobis reddi posse, suo loco notavimus.

234. DICENDUM 2. Sufficit tamen etiam in titulo Emptionis aliquando titulus existimatus, tunc nempe, quando alius, v. g. meus servus, vel procurator cui rem emendam mandavi, mihi rem tradat, asserendo, se eam meo nomine emisse. Ità habetur in lege fin. ff. *pro suo. §. 1. ibi.* [Vt probabilis error possidentis usucapioni non obstat, veluti si ob id aliquid possideam, quod servum meum, aut ejus cujus in locum hæreditario jure successi, emisse id falso existimem, quia in alieni facti ignorantia tolerabilis error est.] *¶ l. 11. ff. pro emptore.* [Quod vulgò traditum est, eum qui existimat, se quid emisse, non posse pro emptore usucapere, hæcenus verum esse ait, si nullam iustam causam

eius erroris emptor habeat; nam si forte servus aut procurator, cui emendam rem mandasset, pertraheret, se emisse, atque ita tradiderit, magis esse, ut ufucapio sequatur.]

235. Dices. Etiam in hoc casu non intervenit bona fides tempore contractus, quia ponitur nullus contractus esse celebratus: atqui ex huius defectu non præscribitur in casu præcedentis conclusionis: ergo nec in casu huius conclusionis. R. In casu huius conclusionis intervenit bona fides ex parte principalis, quantum in ipso erat, & ab ipso exigebatur, scilicet dum mandatum dedit, ut res suo nomine emeretur.

Ad hunc Titulum pertinet subtilis illa quaestio quam movet Antonius Faber *lib. 7. commentur. c. 13.* an nimirum ufucapi possit ab emptore res empta a pupillo, aliena, sed bonâ fide putante esse pupilli, quem tamen scit esse pupillum, sed laborat ignorantia juris. Affirmat Faber hoc discursu permotus. Nam si quid obstat, vel obstat vitiū rei, vel conditio pupilli: neutrum obstat. Non vitiū rei: quia non est res pupillaris, ut ponimus, sed aliena. Non persona pupilli: quoniam in hac parte non est favorabilis pupillus, utpote cuius nihil interest, cum neque per talem venditionem fiat pauperior, nec ex contractu sine tutoris auctoritate inito de evictione teneatur, quia nullo modo ex parte sua obligatur, cum contractus claudicat, ut suo loco dictum præced. tr. Imò pupilli utilitas postulat, ut ufucapio compleatur, ne pupillus teneatur acceptum pretium restituere, ne quidem si locupletior factus sit, quod tamen alioquin restituere deberet.

236. DICENDUM tamen est, talem rem ob defectum tituli non posse ufucapi, & habetur satis aperte in lege 31. ff. de *Ufucap.* [Nunquam in Ufucapionibus Iuris error possessori prodest, & ideo Proculus ait, si per errorem initio venditionis tutor pupillo auctor factus sit, vel post longum tempus venditionis peractum, ufucapi non posse, quia Iuris error est.]

237. Respondet Faber, in hac lege sermonem esse de re pupillari vendita, non de aliena. Sed contra est, quia hac ratione non debuisset huius resolutionem fundare unice in errore Iuris, sed potius in vitiū rei, quæ nunquam præscribi potest, ut dicitur infra.

## §. II.

### De Titulo. Pro Suo, & Pro Solutio.

238. **T**itulus *pro suo* non consideratur ut est quidam titulus generalis, transcendens alios titulos speciales, in quibus aliquo modo imbitur. Nam & qui pro emptore, pro donato, pro derelicto, pro legato, pro hærede possidet, dicitur hoc sensu possidere *pro suo*. & hoc sensu

non est titulus idoneus ad præscribendum, nam omni speciali titulo tanquam principali sublato, tollitur etiam titulus generalis tanquam accessorius illius. Igitur hoc loco habet rationem Tituli specialis, quando nempe res aliena à nobis bonâ fide possideretur ex aliqua causa, quæ ad alios nominatos speciales titulos non pertinet, & tamen apta est ex se conferre dominium: huiusmodi causas plurimas retulimus capere præcedente, in modis acquirendi dominium jure gentium, v.g. per inventionem gemmæ in litore maris, putans nullius in bonis unquam fuisse: item per venationem, capiendū cervum, qui jam mansuetus factus ab alio, & consuetudinem redeundi adhuc retinens, ad alium spectat, quod ego ignoro. huiusmodi res dicitur quis speciali titulo possidere *Pro suo*.

239. Quod dictum est de Titulo *Pro suo* etiam verum est in titulo *Pro soluto*, nempe quod aliquando generalis sit, & transcendat varia genera solutionum factarum, sive ex causa iudicati, sive pro empto, sive pro donato, noxæ deducto, mutuo dato, &c. aliquando verò sit specialis.

240. Specialis autem Tituli rationem habebit in hoc casu. Putas te mihi v.g. ex legato vel quocunque alio titulo equum debere, & mihi in solutum tradis equum alienum, non significans mihi specialem titulum, sed tantum dicens, te debitorem esse huius equi, hac possessione in me translata, possum equum præscribere & ufucapere titulo *pro soluto*, quia de nulla alia causa possidendi mihi constat.

## §. III.

### De Titulo. Pro Donato.

241. **E**x eo quod titulus hic lucrativus sit, dubitatum fuit & controversum apud veteres, an sit sufficiens ad Ufucapionem iustificandam, si quis mihi rem alienam, putans esse suam, donaverit. Dubitationem sustulit Iustinianus *L. pen. C. de Prescript. longi temp. 10. annorum.* ibi. [ut si ve ex donatione, sive ex alia lucrativa causa bonâ fide quis possiderit, exceptio sine dubio ei competat, nec occasione lucrativæ causæ repellatur.] Et in Digestis habet hic titulus specialem locum, ubi lege 1. dicitur. *Pro donato ufucapit, cui donationis causa res tradita est. nec sufficere, opinari, sed & donatum esse oportet.* quæ ultima verba non ita accipienda sunt, quasi donatio existimata non sufficeret, si aliquis mihi equum alienum traderet, existimans se mihi illum ex dono debere: hoc enim sufficeret, ut supra probatum: sed sermo hic est de imaginaria persuasione & deceptione, quasi aliquis mihi rem donasset, & hoc non sufficeret iuxta superius dicta.

242. Circa hunc titulum controversitur, an filius ex illo possit ufucapere rem alienam à patre sibi donatam, si in ea voluntate moriatur:

tur: an inquam illa donatio ita morte confirmetur, ut sufficiat ad usucapionem. Et quidem id aperte negati videtur in l. 1. ff. pro donato. Si pater filio quem in potestate habet, donet, deinde decedat, filius pro donato non capiet usum, quoniam nulla donatio fuit. Et l. 2. §. 2. ff. pro herede. ibi. cui consequens est, ut filius à patre heres institutus, res hereditarias à patre sibi donatas, pro parte coheredum usucapere non possit. His tamen non obstantibus affirmandum est, ob clarum textum Codicis L. 25. de donat. inter virum & uxorem... [Donationes quas parentes in liberos cujuscunque sexus in potestate sua constitutos conferunt, vel uxor in suum maritum, vel maritus in suam uxorem, vel alteruter eorum in aliam personam, cui constante matrimonio donare non licet, vel aliæ personæ, in eam cui donare non poterant, ita firmas esse per silentium donatoris vel donatrici sancimus, si usque ad quantitatem legitimam, vel eam excedentes actis fuerint intimatæ.]

## §. IV.

### De Titulo Pro Herede.

243. **T**itulus Pro Herede dupliciter in Iure accipi solet. Primò, pro eo qui se heredem falsò contendens, rem verè hereditariam possidet. Contra hunc datur vero heredi Petitiò hereditatis, contra quam non præscribitur tempore ordinario, sed primùm 30. annorum possessione excluditur. Secundò, accipitur Titulus Pro Herede & accommodatur illi qui verè est hæres, & rem alienam in hereditate inventam tanquam hereditariam possidet. Et hoc sensu accipitur hoc loco, fundatque præscriptionem longi temporis, illius rei alienæ in hereditate inventæ, ut habetur l. 3. ff. pro herede. Plerique putarunt, si hæres sim, & putem rem aliquam ex hereditate esse, quæ non sit, posse me usucapere. Sic ut autem supra diximus, sufficere titulum existimatum, ita & hic sufficeret, si quis iusto errore pro herede haberetur, qui tamen in rei veritate ob occultum defectum non esset. Non tamen sufficeret, si quis errore ductus putaret se heredem esse illius quem defunctum falsò existimat. l. 3. C. h. t. Opinione falsà mortis pro herede possessionem absentis procedere non potest. Quomodo autem hoc verum sit aut non sit, si defunctus fuit malæ fidei possessor, jam supra actum est.

244. Controversum tamen est 1. An hoc æquè procedat de heredibus suis, ac de extraneis. rationem dubitandi de heredibus suis faciunt textus statim referendi. & ideo negativam tenent Donellus, VVelsenbecius & Hunnius. Nihilominus dicendum est, etiam hæredes suos posse res alienas in hereditate repertas usucapere. neque enim illum fundamentum solidum

affert Donellus aut alii aduersarii, quo probent contrarium.

Argumentantur autem 1. quia hæres suus non fit de novo dominus, sed fictione juris jam antè erat dominus, quia fingitur una persona cum defuncto fuisse. atqui ad præscriptionem requiritur titulus aptus transferre dominium in eum qui prius non fuit dominus, ergo, &c. 2. Fictionem juris non esse introductam in præjudicium suorum hæredum, sed in favorem præcisè: quare illa fictio non impedit, quominus rei veritas in præsentî prævaleat: est autem rei veritas, quod hæres suus antè non fuerit dominus. Ratio ulterior est, quia ut benè advertit Antonius Perez, & constat ex dictis de Possessione tr. 4. licet hæres fictione juris fuerit dominus rerum paternarum, non tamen eas possidet, sed primùm incipit possidere, quando eas apprehendit, & hoc sufficit ad præscribendum res alienas, quarum nunquam fuit dominus, cum nec defunctus fuerit.

245. Argumentantur 2. Ex lege 2. C. h. t. quæ dicit: Nihil pro herede posse usucapi, suis heredibus existentibus magis obtinuit. 3. Hanc legem non dicere, quod sui hæredes non habeant jus usucapiendi pro herede, sed quod non possint alii extranei quidquam ex illa hereditate pro herede usucapere, quamdiu sui hæredes existunt, quorum causa potior est, cum ipso jure illis quæ sit hereditas: his ergo possidentibus alii hoc ipso non possident, quia ut suo loco dictum, non potest eadem res, & eodem possidendi genere, à duobus in solidum possideri. Aliam rationem addit Arn. Rath, in not. ad th. 22. quod extraneus sese pro herede gerens in eo casu quo sui hæredes existunt, in mala fide versetur, aut versari præsumatur, quoniam nemo tam crassi iudicii est, qui non intelligat, se frustra ad hereditatem ab intestato aspirare, cum adsunt liberi.

246. Argumentantur 3. Hæres suus tantum improprie & abusive dicitur hæres l. 11. ff. de liberis & posthum. & Inst. §. 1. de Hered. qual. & differ. 3. Vtrumquè locum prorsus ineptè asserti, & heredi suo perfectius convenire rationem heredis quàm extraneo, ut patet ex toto titulo Inst. de Hereditatum qual. & differ. Itaque primus textus non dicit, quod non sint hæredes, sed quod quodammodo non videantur hæredes, propter jus ad bona hereditaria etiam si hæredes, non instituerentur. Verba textus sunt. [In suis heredibus evidentiùs apparet, continuationem domini eo rem perducere, ut nulla NB. videatur hereditas fuisse, quasi olim hi domini essent, qui etiam vivo patre NB. quodammodo domini existimantur, &c. itaque post mortem patris non hereditatem percipere videntur, sed magis liberam bonorum administrationem consequuntur: hac ex causa licet non sint hæredes instituti, domini sunt. Nec obstat, quod licet

eos exheredare, quodd & occidere licebat.] Ex quibus patet, quodd potius sit quidam abusus verborum, quando heredes sui dicuntur fuisse domini, quam quando dicuntur Hæredes; certe S. Paulus hanc consequentiam fecit: *Si filius & hæres, & cum sit hæres omnium*, qui utique non abusivè locutus est. Minus ad rem facit textus Iustit. ubi potius contrarium dicitur. *Sed sui quidem heredes ideo appellantur, quia domestici heredes sunt, & vivo quoque patre NB. quodammodo Domini existimantur.*

247. Arguantur 4. Ex L. 2. §. fin. ff. pro herede. ubi Julia: us negat filium rem à patre donatam pro hærede usufructu possesse. Hanc objectionem meritò explodit, & potius in adversarios retorquet Arnoldus Rath. Si enim *Suus* hæres nunquam pro hærede usufructu possidet, frustra in ea lege quaereretur, an in casu ibidem proposito ex ea speciali ratione dubitandi usufructu pro herede non procederet, quodd filius possessionem rei vivo adhuc patre ex prohibita causa, scilicet donationis nactus esset, cum etiam hoc impedimento sublaro, nunquam filius suus ex contraria DD. sententia Pro herede (ut volunt adversarii) usufructu capiat. Textus sic habet. [Filium quoque donatam rem à patre pro hærede negavit usufructu Servius. Scilicet, qui existimabat, naturalem possessionem penes eum fuisse vivo patre. *Sed ponderanda sunt verba sequentia.* Cui consequens est, ut filius à patre hæres institutus res hæreditarias à patre sibi donatas NB. pro parte cohæredum usufructu non possit.] Quibus verbis (inquit cir. A.) tantum negatur usufructu hoc titulo pro portionibus cohæredum, adeoque satis innuunt, quodd filius pro sua hæreditatis parte usufructu possit. Itaque ex eo quodd lex specialiter dicat, rem donatam à patre non posse usufructu, per argumentum à contrario, quodd in iure fortissimum dicitur, inseritur, alias res hæreditarias usufructu possesse, quia in donatione est specialis restrictio propter nullitatem donationis, & quia filius jam naturaliter possedit vivo patre.

248. Controvertitur 2. In quibus casibus locum habeat titulus Pro Hærede. Imprimis certum est, quodd si defunctus rem ut suam bonâ fide (nam de mala fide quomodo noceat successor supra dictum est) possedit, successor continet possessionem, & prescriptionem compleat ex illo titulo, ex quo eam defunctus possedit, adeoque non Pro herede.

249. Itaque 1. Tunc potest hic titulus sufficere & allegari, quando hæreditas non constat ex quo titulo, & an bonâ vel malâ fide possederit defunctus. Tunc enim, quia bona fides defuncti præsumitur, si hæres huiusmodi rem quam putat ex hæreditate esse, legitimo tempore possedit, solo hoc titulo Pro Hærede præscribit, & se contra veterem Dominum tamdiu defendet, donec is malam fidem defuncti probaverit.

250. Secundò, potest hic titulus habere locum in casu quo defunctus alienas aedes incoluit, in quibus Dominus ædium cubiculum ali-quod rebus suis asserendis reservavit: hæres deinde res ibi asservatas, quasi defuncti fuisset, tanquam hæreditarias apprehendat, tunc pro hærede poterit usufructu capere.

251. Tertiò, ex quorundam sententia quos sequitur Baechovius, in illis etiam casibus huic titulo locus est, quibus defunctus rem alienam non suo, sed alieno nomine detinuit, v. g. ut commodatam, depositam, locatam, &c. Quia in his casibus, cum in defuncto nullum vitium fuerit, nihil impedit, quominus hæres eam velut Pro herede usufructu capiat. Verum Arnoldus Rath huic sententia se opponit ex eo capite, quodd hæres iuris præsumptione, quantumcunque alium habeat animum, censetur ac fingatur tenuisse, & possedisse eo modo & formâ, quibus tenebat defunctus, quia cum eo reputatur una persona, & in omnem defuncti locum succedit, eodem proinde & non meliori iure usus. Ergo sicut defunctus absque superveniente extrinsecus novâ causâ non poterat solo animo sibi mutare causam possessionis, ita nec ejus hæres potest, nisi Domino repente interveniat possessionem.

Fundat se præterea, nec immeritò in L. 11. ff. de divers. temp. præscript. ibi. *& ideo (hæres) licet precarium ignorans usufructu capere non potest, quodd defunctus non potuit.* Hæc lex multum favet huic Auctori. quamvis responderi possit, eam loqui de possessione defuncti, qui fuerit malâ fidei, quæ etiam in precario possidente subesse potest, quia potest velle suo nomine possidere, & factò aliquo possessionem intervertere. & sequentia verba hoc etiam insinuant. *Neque enim rectè defendetur, cum ex ordinem ei bonæ fidei ratio non suatur.*

252. Ad rationem verò huius auctoris responderi possit, omnino requiri, ut factò aliquo possessionem Domini intervertat, ut desinat civiliter possidere, hoc autem sufficienter fieri per illam apprehensionem, quâ possessionem bonorum hæreditatis acquirit: & quatenus hoc modo novæ possessionis initium facit, ut sic est aliquo modo distincta persona à persona defuncti, & fictio veritati cedit. Alioquin non video, quomodo pro herede præscribi possit res aliena à defuncto possessa, sed ita ut non constet, bonâ an malâ fide possederit, quodd tamen hic Auctor asserit th. 24. certè in hoc casu videtur tota argumentatio huius auctoris procedere, adeoque & illi solvenda videtur. Quare sententia Baechovii & aliorum mihi satis probabilis videtur, quodd talis se possit contra veterem Dominum eo usque prescriptione defendere, donec ille doceat, defunctum fuisse malâ fidei possessorem,

aut se in civili possessione permanisse.



§. V.

De Titulo. Pro Legato.

233. Rem alienam posse pro legato prescribi, probabili errore interveniente constat ex lege 4. ff. pro legato. [Pro legato potest usucapi, si res aliena legata sit, aut testatoris quidem sit, sed adempta codicillis ignoratur, in horum enim persona subest iusta causa, quæ sufficit ad usucapionem. Idem potest dici, si in nomine erit dubitatio, veluti si Titio legatum sit, cum sint duo Titii, ut alter de se cogitatum existimavit.] & lege ult. [Pro legato usucapit, cui rectè legatum relictum est: sed etsi non iure legatum relinquitur, vel legatum ademptum est, pro legato usucapi, post magnas varietates obtinuit.]

254. Sed quid si quis rem legati nomine traditam bonâ fide possideat, existimans legatam esse defunctum, cum adhuc vivat, usucapiet? R. Affirmative l. 5. & 6. [Ea res quæ legati nomine tradita est, quamvis Dominus ejus vivat, legatorum tamen nomine usucapietur, si is cui tradita est, mortui esse existimaverit.]

255. Aliter se res habet in donatione mortis causâ. [Si enim alienam rem mortis causâ donavero, eaque usucapta fuerit, verus Dominus eam condicere non potest, sed ego si convalueram. l. 13. ff. de donat. causâ mortis. Nempe condicere possum conditione sine causâ, quia donatore convalescente, donatio causâ mortis facta, ipso jure revocatur, ut suo loco dicitur. Et hæc de Titulo ad prescribendum requisito.]

CONTROVERSIA IV.

Qualis, & quam diuturna possessio ad Usucapionem sufficiat.

S V M M A R I V M.

AD prescribendum non sufficit possessio naturalis sine civili. 256.

Civilis tamen sine Naturali sufficit. 257.

Possessio debet esse continuata. 261.

Tempus non de momento in momentum, sed de die in diem computandum est. 266.

Res mobiles, quantumvis pretiose privatorum cum titulo prescribuntur triennio. 268.

Non solum Jure Civili, sed etiam Salvis Canonibus idem de rebus mobilibus Ecclesiarum inferiorum dicendum. 270.

Aliud dicendum de rebus mobilibus Ecclesie Romanæ. 271.

Sine titulo res mobiles saltem spatio 30. annorum prescribuntur. 272.

Quæ Conditiones requirantur ad prescribenda beneficia Ecclesiastica. 273.

Quomodo prescribens reddatur securus in conscientia 283.

Res fiscales mobiles & immobiles vacantes & denuntiatae prescribuntur spatio 4. annorum. 290.

Quantum dicantur Bona vacantia & denuntiata. 292.

Conclusio procedit de fisco Seculari. eod.

Quinquennalis prescriptio procedit contra actionem fisco competentem ob non solum vestigal. 294.

Olim quinquennio, nunc biennio prescribitur Actio non numerata pecuniae. eod.

Res immobiles privatorum cum titulo inter presentes 10. inter absentes 20. annis prescribuntur. 295.

Quid sit partim absens partim presens fuit. 296.

Excipiuntur res minorum. 297.

Quomodo possit exigi spatium 30. annorum ad prescribendum contra minorem. 298.

Quando Prescriptio 10. annorum locum non habet, succedit prescriptio 30. an. 299.

Quinam sint specialiter privilegiati. 300.

Casus exceptus à centenaria prescriptione contra Rom. Ecclesie. 301.

Civitates etiam gaudens privilegio centenariae prescriptionis. 303.

An ad enumeratas prescriptiones requiratur titulus. 304.

Quomodo prescribatur cum titulo Servitutes. 305. 306.

Cur in servitutum prescriptione non requiratur probatio tituli. 307.

Sine titulo non prescribuntur discontinuæ nisi tempore immemoriali. 311.

Quomodo prescribatur usufructus, & usus. 315.

Quomodo prescribatur libertas à servitute. 316.

Debita prescribuntur cum bona fide contra creditores 30. annis. 317.

Excipiuntur aliquatenus actio hypothecaria. 318.

Quomodo conficiatur prescriptio temporis immemorialis. 319.

Omnis actio criminalis tollitur spatio 20. annorum. 320.

Extenditur ad Inquisitionem. 321.

Contra eam non datur Restitutio in integrum. 322.

Quando incipiat currere tempus. 323.

Quorum criminum actio tollatur quinquennio. 324.

325.

Accusatio Apostasie perpetuo durat. 326.

Crimen Parricidii nunquam prescribitur. 327.

Duplex species interruptionis, naturalis, & Civilis. 328.

Superveniente dubio negativo non interruptitur prescriptio. 329.

Si titulus resolvatur, interruptitur prescriptio. 330.

Prescriptio interruptitur, quocunque modo interruptitur Possessio Civilis. 331.

Interruptitur per litis contestationem, & in quibusdam casibus per citationem. 332.

Quo sensu dicantur omnes post litis contestationem esse mala fidei. 334.

Non tamen interruptitur respectu tertii cum quo lis nulla capta est. 335.

Trien-

*Triennalis Præscriptio non interruptitur litis contestatione.* 336.

*Præscriptio 10. annorum cum titulo interruptitur contestatione, non citatione.* 337.

*Auctore causam non prosequente, sed sine dolo, adhuc interruptitur.* 338.

*Præscriptiones improprie dictæ solâ citatione interruptuntur.* 339.

*Auctore succumbente præscriptio censetur non interrupta.* 340.

*Quid si res interim fuerit alienata, nocebitne interruptio successorum singulari.* 341.

*Si pacto, aut transactione recessum esset, perinde est, ac si lis nunquam mota esset.* 342.

*Per Bullam Cencæ non interruptitur præscriptio.* 343.

*An Majoræ nobis possit concedi beneficium Restitutionis in integrum, si constet eos ex invincibili ignorantia rem suam non repetiisse.* 344.

*Dormit præscriptio contra Ecclesiam tempore Schismatis & Vacationis.* 350.

*Secundò, tempore grassantis pestis, sive belli & hostilitatis.* 351.

*Tertiò, dormit illo tempore, quo quis rem alteri præcarior concessit.* 357.

## S. I.

*Qualis Possessio requiratur, & sufficiat, Naturalis an Civilis.*

256. **DICENDUM** est 1. Ad præscriptionem non sufficere possessionem naturalem sine civili. Est certa sententia contra Ferd. Vasq. lib. 2. c. 57. Ratio est manifesta. Si possessio naturalis sine civili sufficeret, possent duo simul eandem rem præscribere, adeoque fieri Domini in solidum, quod repugnat. sequela probabitur ex assert. seq.

257. **DICENDUM** 2. Civilis possessio sine naturali sufficit ad præscribendum. Ratio est, quia si civilis possessio sine naturali non sufficeret, nemo facillè unquam præscriberet, quia nemo facillè per tantum tempus continuat possessionem naturalem, sed solam civilem.

258. Objicit Vasquius. Possessio naturalis, utpote corporea, evidens & notabilis, multò favorabilior est, quàm civilis, quæ plerumque est occulta, subdola, fallax, & machinationibus plena, aut certè exposita & valde obnoxia, ideoque tam de iure scripto, quàm & maximè jure forensi receptum est, ut quando diversæ hæc possessiones penes diversum existunt, & alia aliam non recognoscit (sicut recognoscunt se possessio naturalis creditoris & debitoris in pignore, quod ille naturaliter, iste civiliter possidet) possessionis civilis perquam rarus, & in præscriptionibus nullus omnino effectus sit, nisi naturalis alterius possessionis prohibitionem aliquâ interruptatur. Verùm

hæc omnia falsa sunt, & omnino neganda. Sufficit enim possessio civilis, etiam in casu quo alius naturaliter possidens eam non recognoscit, ut patet in eo qui ad nundinas profectus nemine suo loco in domo relicto, nihilominus ob civilem possessionem usufructu, etiam si interea alius domum occupasset animo domini acquirendi, quamdiu non est ab ingressu repulsus. L. 6. §. 1. de acquir. possess. & l. 25. eod. quas suo loco, agens de continuatione possessionis retuli tract. 4.

259. Hinc deducitur, neminem incipere præscriptionem solâ & purâ naturali possessione, nisi civilis accedat, ob rationem allatam, quia vel alius possidet civiliter, vel non possidet. Si non? tunc qui possidet naturaliter & suo nomine, ac animo habendi ut suum (& non præcisè animo habendi sibi propter jus pignoris aut usufructus) hoc ipso etiam incipit possidere civiliter. Si verò alius possidet civiliter, naturalis possessio nihil iuvat, ut dictum.

260. Urget tamen Vasquius, quòd hinc sequeretur, leges præscriptionis frustra introduci, & esse, & consilia legislatorum illusoria fore, quasi remedium præscriptionis potissimum contra absentes, & ignotantes introductum, semper replicatione civilis possessionis in animo retentæ possit eludi. Negando sequelam, nam ut ex dictis patet, in tr. 4. de possessione, possessio civilis amittitur etiam ab invito, quantumvis conaretur in animo eam retinere, v. g. quando à possessore naturali non admittitur, & animum desperat recuperandi in continente possessionem naturalem propriis viribus. Imò etiam nemine naturaliter possidente potest possessio civilis amitti etiam involuntariè, ut, si longo tempore absens neglexit naturalem possessionem occupare. l. 37. §. fin. ff. de usufructu. [Fundi quoque alieni potest aliquis sine vi nancisci possessionem, quæ, vel ex negligentia Domini vacet, vel quia Dominus sine successore decesserit, vel longo tempore abfuerit.] Item si quis ignoret, rem ab alio detentam esse suam, nec de illa recuperanda ullam cogitationem habeat.

261. Regula generalis ad omnes, quæcumque rerum præscriptiones, est, quòd possessio debeat fuisse per certum à iure constitutum tempus continuata, & nunquam interrupta intra illud tempus, quamvis interruptio non obster, quominus post illam denuò incepta possit continuari ad præscribendum: quomodo autem possessio interruptatur, & quomodo interruptio differat à dormitione, infra dicetur. Quia verò pro rerum diversitate diversum tempus, sive jure communi, sive privilegio constitutum est, ideo distinctius per sequentes §§.

id explicandum est.



§. II.

*Quomodo tempus Prescriptionis computandum sit.*

262. Notandum 1. Res quæ præscribuntur, alias esse mobiles, alias immobiles. Rerum mobilium nomine hoc loco veniunt res corporales, quæ loco moveri possunt, ut animalia, pecunia, instrumenta, &c. Hinc, quia accessorium sequitur principale, ideo actiones, quæ ratione debitorum rerum mobilium competunt, sicut & ipsa debita, bonis mobilibus accensentur, sicut e contra census annui, usufructus, alique servitutes, beneficia, &c. sunt bona immobilia, sicut fundi vel domus, quibus adhærent.

263. Notandum 2. Aliquando præscribi contra absentes, aliquando contra præsentis, & quia durum esset, absentes æquè citò rebus suis privari ac præsentis, qui facilius possunt res suas apud alium existentes agnoscere, ideo etiam plus temporis solet quandoque pro absentibus quam præsentibus requiri. Præsentis autem olim dicebantur, qui sub eodem præside Provinciæ domicilia habebant. *L. fin. C. de longi temp. præscript.* absentes, qui sub diversis. Quod nostris temporibus intelligendum erit de diversis territoriis diversum iudicem habentibus, cuiusmodi plerumque erunt etiam diversæ civitates, habentes suos Gubernatores, aut Consules immediatè supremo Principi subiectos.

264. Notandum 3. In iure aliam præscriptionem dici longi temporis, nempe decem annorum inter præsentis, & viginti annorum inter absentes; aliam longissimi temporis, nempe 30. vel 40. annorum; aliam centenariam, aliam denique inmemorialem: quamvis ex specialibus privilegiis intra 40. & 100. annos dentur etiam aliquæ præscriptiones, ut constabit ex dicendis. Sicut etiam dantur aliquæ præscriptiones infra decennium, triuni, quatuor annorum.

265. Notandum 4. Aliquas præscriptiones fieri de quarum titulo non constet, aliquas verò, de quarum titulo constet: hæ dicuntur præscribi cum titulo, illæ sine titulo, quamvis tunc præsumatur adfuisse titulus ob temporis longinquitatem. His præmissis

Controversia est, quomodo tempus sit computandum, an de momento in momentum, an de die in diem, ita ut sufficiat hunc ultimum diem attingisse. In qua re leges sibi adversari videntur.

266. DICENDUM est cum recepta DD. sententia, non de momento in momentum, sed de die in diem computandum esse. Probatur ex lege. *15. ff. de diversis temp. act.* [In usucapione ita servatur, ut etiam si minimo momento novissimi diei possessa sit res, nihilominus repleatur usucapio, nec totus dies exigitur ad explendum constitutum tempus.] In eundem sensum loquitur *lex 6. §. 7. ff. de usucap.* [In usucapioni-

bus non à momento ad momentum, sed totum postremum diem computamus. ideoque qui horà sextâ diei Calend. Jan. annuar. possidere cæpit, horà sextâ noctis pridie Calend. Jan. implet usucapionem.] Quæ verba etsi videri possent prioribus contraria, si tamen rectè intelligantur contraria non sunt, quia sensus posterioris legis est, non computare nos in usucapionibus tempus ab horâ ad horam, ut necesse sit, quâ horâ quis cæpit possidere, & usucapere, in eandem horam desinere ultimi anni diem, quo finiatur usucapio, sed computare totum diem postremum, ut scilicet, cum ad eum diem perventum sit, quamvis cæptus tantum sit, non finitus, nihilominus completum censeatur usucapiendi tempus. Ità Brouchorst. & alii conciliant hæc leges.

267. Verùm plus negotii faciliè lex 6. ff. *de obligat. & actionib.* In omnibus temporalibus actionibus, nisi novissimus dies totus compleatur, non finit obligationem.

Omissis variis conciliandi modis optimus est, quem Accursius secundo loco proponit. Nimirum hæc postrema lex loquitur de actionibus personalibus (quibus obligationes respondent) ut si quis intra constitutum tempus non egerit, v. g. si actio sit annalis, intra annum, ab agenda excludatur: & ideo postremus dies totus utilis est actori, adeoque ut contra actionem præscriptum sit (quæ tamen est præscriptio minus propriè dicta, ut suprâ notatum est) necesse est, totum diem effluxisse. Utrum enim est, adhuc talem agere intra annum, etiam si ultimâ postremi diei horâ agat. Priores verò leges loquuntur de præscriptionibus propriè dictis, quæ excludunt actiones reales, nempe rei vindicande datas, in quibus postremus dies aliquâ sui parte cæptus, pro completo habetur. Ratio est, quia in his legibus constituitur priori Domino in rem actio non sub hac conditione: Si ipse intra tale tempus egerit: sed sub hac: si alius possessor non possederit tanto tempore. Adeoque volunt leges, ut actio cesset, si alter tanto tempore possederit, quod verificatur, si possessio ad ultimum diem saltem inchoatum pervenerit, etiam si finitus non sit. Et hæc est communior conciliatio, quam tenent post Accursium Nicolaus de Passeribus, Hunnius, Harpprecht, & ipsa consentit, si benè intelligi, Arnoldus Rath c. 5. th. 50. & 51. Hinc, inquit, sicut Calendis Januariis natus, & anno quarto decimo non solum ipso natali die, verum & pridie Kalendarum post horam sextam noctis (id est post dimidiam noctem, quæ Germanis dicitur hora 12.) testamentum condens jam pubes factus testari dicitur, ita qui horâ sextâ diei Calendarum Martiarum possidere cæpit, horâ sextâ noctis pridie Calend. Mart. implet usucapionem, ut tamen dies intercalaris sive bis sextus, tempori, & inde actori, sive pristino Domino proferat, atque hoc cum præscriptione actionum personalium usucapio rerum commune habeat,

ea tantum servatâ differentiâ, quod in præscriptione actionum personarum postremum diem expletum esse oporteat, in usucapione verò sufficiat eum captum fuisse.

### §. III.

#### *De Præscriptione trienniali rerum Mobilium.*

268. **DICENDUM** 1. Res mobiles, quantumvis pretiosæ privatorum, cum titulo præscribuntur triennio. §. 1. *Instit. de usucap. C. lege un. C. de Usucapione transform.* ubi Justinianus correcturus Ius antiquum statuit, ut si quis alienam rem mobilem, seu se moventem, in quamcumque terra bonâ fide per continuum triennium detinuerit, firmo jure eam possideat, quasi per usucapionem acquisitam. & paulo post: ut in omnibus iusto titulo possessionis antecessoris iusta detentio, quam in re habuit, non interrumpatur, licet ex titulo lucrativo eacepta sit.

269. Dicit aliquis, hanc temporis brevitatē iniquam videri: deberet enim plus temporis pro mobilibus, quàm immobilibus taxari, quia celari possunt, & ideo Domino Ius prosequendi difficilius reddi. Respondet Arnoldus Rath, rerum mobilium amissione ut plurimùm minus præjudicii Domino creati, & ideo brevius tempus sufficere. Addo ego, res mobiles si bonâ fide possidentur, non ita solere occultari, jam enim fraudulenta occultatio bonam fidem everteret, imò rem furtivam efficeret, & sic nunquam usucapi posset ordinario tempore.

270. **DICENDUM** 2. Non solum Iure civili, sed etiam salvis Canonibus, idem de rebus mobilibus Ecclesiarum saltē inferiorum dicendum est. De Iure civili constat ex *Auth. Quas actiones. C. de SS. Ecclesiis.* quæ sic habet. [Quas actiones aliàs decennalis, aliàs vicennalis, aliàs triennialis præscriptio excludit, hæc, si loco Religioso competant, quadraginta annis excluduntur, usucapione triennii, vel quadriennii præscriptio in suo robore durantibus, solâ Romanâ Ecclesiâ gaudente centum annorum spatio vel privilegio.] Hanc autem authenticam receptam esse ab Ecclesiâ, constat ex can. placuit. c. 16. q. 3. in fine, ubi verbaliter illius auth. recitatur. & can. ultimo iterum confirmatur his verbis. *Sed & venerandæ Romanæ Leges divinius per ora pio rum Principum promulgata, rerum ejus præscriptionem non nisi per centum annos admittunt.*

271. Controversum est, utrum Romana Ecclesiâ, specialiter sic dicta, & Romano Pontifici subiecta, in hac præscriptione rerum mobilium pari jure cum inferioribus Ecclesiis censetur, vel potius gaudeat etiam in his privilegio 100. annorum. Parem illius conditionem esse affirmant Molina, Laymâ, Lugo, & alii Theologi: quæ sententiâ mihi specialiter probabilis est ob auctoritatē Card. de Lugo, qui Romæ eam scripsit, utiq; gnarus eorum quæ in Curia Romana obti-

nent. Contrariâ tamen tenent Lessius ex Theol. ex Juristis Panormitanus, in cap. cum dilecta de confirm. utili vel inut. v. *Possessiones.* Felinus, Baldus, Salycetus, Marcus Aur. apud Gilkeniū c. 2. l. v. 31. (qui tamen magis inclinat in priorem) & denique Arnoldus Rath. habetque hæc sententiâ pro se duos textus ex decretalib. primus est in cap. *Ad audientiam* 13. de præscript. ibi ad finem. [Respicientes insuper, ipsum negotiorum tangere principaliter Romanam Ecclesiâ, contra quam non nisi centenaria præscriptio currit, in solutione prædicti censûs, & aliorum petitorum condemnâvimus partem adversam, &c.] Alter textus habetur c. *Cum vobis.* eod. ibi. [Licet tam legali, quàm canonica sit definitione statutum, ut contra Romanam Ecclesiâ, quæ gaudet privilegio speciali, non nisi centum annorum præscriptio locum sibi valeat vindicare.] Cum ergo hic textus adeo sint universales, & iudistincte loquentes, & nullo textu possit ostendi restrictio ad res immobiles, credo, insistendo Iuri scripto, verriorem esse sententiâ posteriorem.

272. **DICENDUM** 3. Sine titulo res mobiles saltē spatio 30. annorum præscribuntur, quæ est præscriptio *longissimi temporis*, ut jura vocant. Constat assertio à fortiori ex dicendis de præscriptione rerum immobilium siue titulo.

### §. IV.

#### *De Præscriptione trienniali Beneficiorum.*

273. **DE** hac existat Regula Cancellariæ 33. sic sonans. [Si quis quæcumque Ecclesiastica beneficia, qualiacumque sint, absque Simoniaco ingressu, ex Apostolica, vel ordinaria collatione, vel electione, & electionis hujusmodi confirmatione, seu præsentatione & institutione illorum, ad quos hujusmodi beneficiorum collatio, provisio, electio & præsentatio, seu quævis alia dispositio pertinet, per triennium pacifice possederit, dummodo in beneficiis, si dispositioni Apostolicæ ex aliqua reservatione generali in corpore Iuris clausa, reservata fuerint, se non intruserit, super eisdem beneficiis taliter possessionis molestari nequeat, nec non impetrationes de beneficiis ipsis sic possessis factas irritas, & inanes censeri decrevit, antiquas lites super illis motas penitus extinguentes.]

Hæc itaque regulâ commutata est Præscriptio longi temporis in triennalem. De qua paulò accuratius agendum est cum Theologis, Azor, Sanchez, Lugo, Palao.

Vt igitur hac regulâ Beneficiarius juvetur, sequentes conditiones requiruntur. 1. Bona fides. 2. Possessio. 3. Vt sit pacifica. 4. Triennium. 5. Vt sit beneficium Ecclesiasticum quod possideatur. 6. Titulus coloratus. 7. Non sit Simoniaca. 8. Ne in beneficium reservatum Sedi Apostolicæ.



scilicet reservatione generali corpori Iuris inserta se intruset.

274. Prima conditio, nempe bona fides, expressè non ponitur in Regula. Vnde eam negat requiri Antonius Gomez, dicens Rotam Romanam in iudicando semel iterumque ita sensisse. Alii tamen communius eam requirunt. Videntur tamen posse conciliari, si dicamus, Gomezium solum eam bonam fidem negare requiri, quæ non sit fundata in ignorantia juris, sed solum in ignorantia facti. Nam Jurista solent malam fidem vocare, non solum, quæ consistit in mala conscientia & peccato, sed etiam quæ procedit ex ignorantia juris, ut sup. vidimus. Ea ergo bona fides requiritur, quæ excludit peccatum, ob quam causam Leges Civiles à Iure Canonico correde sunt. Ignorantia Iuris ideo non debet obstaré, quia alioquin Regula rarò juvaret beneficiatos, cum plerumque talis possessio proveniat ex ignorantia juris, quod beneficium ad alium de jure pertineret.

275. Circa secundam conditionem notat Gomez, quòd si possessio per alium accepta esset meo nomine, non tamen præcedente mandato, sed subsecutà rati habitatione, possessionis triennium à rati habitatione computandum esset, non à possessionis puncto, quo alius eam accepit meo nomine. Quia rati habitatio non retrahitur in præjudicium tertii.

276. Circa tertiam conditionem dicendum, quòd ille definat pacificè possidere, cui, vel cuius vicario citatio, vel appellatio etiam extrajudicialis est intimata. & probabilius etiam (quamvis hoc neget Sanchez) ille, cui licet ab aliquibus non est mota his, qui quidem eam movere possunt, ab alio tamen est mota, talis enim ne quidem contra priores præscribit, quia Regula simpliciter requirit pacificam possessionem, qualis non est, quæ vel ab uno turbatur: & teste Lud. Gomez ita servat Rota in iudicando.

277. Circa quartam conditionem observandum est, quòd possessio debeat esse continuata ab eadem persona, nec possit accessione temporis juvari possessione antecessoris, etiam si in favorem facta esset renunciatio, quia non possidet vi juris quod habuit antecessor (illud enim per renunciationem extinguitur) sed vi novæ collationis, aut Institutionis, sicut si antecessor mortuus esset.

278. Circa quintam conditionem notandum est, nomine Beneficii Ecclesiastici hic non comprehendì Abbatis Abbatisarum, non enim hæc possident Beneficium propriè dictum Ecclesiasticum, cum sint incapaces, ut contra Sanchez notavit Azor, & Lugo. Illud tamen non est improbabile, quòd Regula etiam ad Officia Ecclesiastica extendatur, quamvis expressè non ponatur in Regula, quia Regula videtur facta occasione decreti Concilii Basili. sess. 21. ubi dicitur:

*Quicumque non violentus, sed habens coloratum titulum, pacificè & sine lite pralaturam, dignitatem, beneficium, vel officium triennio proximo, &c. Sed in hoc attendendus est stylus Curie, sicut etiam in eo, utrum Regula procedat & juret possessorem etiam contra legitimum impeditum, necne.*

279. Circa sextam conditionem, quid per titulum coloratum intelligatur, superius expositum est. Hic plùs non requiritur, quàm ut titulus habeatur ab eo, qui iure communi ordinariam potestatem habet conferendi, etiam si hic & nunc esset impeditus, v. g. excommunicatus denunciatus, aut confesret beneficium lite pendente, vel contra inhibitionem executoris, &c. Secus si forma non servaretur: alios defectus refert Sanchez *Confl. Mor. lib. 2. c. 1. dub. 31.* de quibus ego dubito, sed immorari non vacat, cum sint de rarò contingentibus, v. g. non video quare non sit sufficiens titulus coloratus, si quis ab ordinario beneficium accepit ob alterius renunciationem invalidam, quam putavit bonà fide esse validam; quia tamen Rota dicitur aliter resolvissè, non relictò; quia forsas talis collatio non erat absoluta sed conditionata, qualis esset, quæ fieret ex causa commutationis invalidæ.

280. Circa septimam conditionem docet Lessius, seductus à Gomez, sufficere, non quidem merè mentalem, sed ramon conventionalem Simoniam, esto necdum realem completam. Verùm Lessius (inquit Lugo) non advertit, ipsum Gomezium in fine quæstionis. 12. hunc errorem cortexisse. Quidsi Simonia ab alio quàm à beneficiato commissà est? Communiter respondent; non obstat præscriptioni, quamvis de jure obstat validitati collationis, quia cum verba regulæ videantur loqui de Simonia ab ipso beneficiato commissà, etsi possent etiam de alia intelligi, quia tamen versantur in odiosis, non est extendenda. Quidsi à Simonia absolutus fueris, poterisne deinde præscribere? Minime: quia adhuc verum manet, quòd ingressus fuerit Simoniacus.

281. Circa octavam conditionem sciendū est, illū dici intrusum 1. Qui sine autoritate ejus cujus est beneficiū conferre, se in beneficiū immitit. 2. Qui sine titulo se in beneficiū administrationem insert. 3. Qui post electionē, ante confirmationem beneficium administrat. 4. Qui beneficium retinet, postquam per sententiam Iudicis ab eo est amotus, nisi ab ea sententia Iure provocaverit. 5. Qui cum excommunicatione, vel suspensione aut interdicto ab officio beneficium adeptus fuerit. 6. Qui per Iudicis sententiam declaratus est violentè beneficium occupasse, & sic titulum canonicum quem habebat, amisisse. *jux. rap. eum qui de præbend. in 6.* 7. Qui possessionem accepit beneficii à Pontifice concessi litteris non expeditis, sed solā supplicatione signa-

tā, si solā signaturā acceptā, quidquid in contrarium dixerit Rebūffus, qui, ut notavit Azor, locutus est juxta morem Iux Provincie, in qua nondum erant receptę constitutiones juniores, quibus decernitur, ut tales pro intrusis habeantur.

282. Porro Beneficia, quę intrusus præscribere non potest ex regula Cancellarię, sunt omnia & sola illa, quę dispositioni Apostolicę ex aliqua reservatione generali in corpore juris clausa reservata fuerint. Vnde immerito restringit Sanchez dub. 34. n. 3. ad illa sola beneficia, quę vacant per obitum alicujus apud Sedem Apostolicam. nam licet hæc solcant in signaturis specialiter denotari tanquam reservata reservatione in corpore juris clausa in Regula Cancell. tamen latius extenditur, propter illam particulam: *ex aliqua*, cujus sensus est: *ex quacunque*. Sunt autem illa beneficia reservata quidem Sedi Apostolicę, sed non reservatione in Corpore juris clausa, ut, quę reservantur per regulas Cancellarię, sūt, ut per alias Bullas extra Iux commune vagantes, & hæc non excipiuntur in regula.

283. Restat Controversia, utrum hæc præscriptio reddat securum in conscientia possessorem. Ratio dubitandi est, quia ut patet ex ultimis verbis, regula videtur tantum loqui de foro externo, in quo non possit molestari.

284. DICENDUM tamen est, reddere securum in conscientia, non solum hoc sensu (quem aliqui subtilius quam solidius excogitarunt) quod acquirat quidem possessionem & exceptionem quā se possit defendere bonā conscientia, permanente tamen vero titulo penes alium ad quem beneficium spectabat, ita ut possessore mortuo posset sine nova collatione suum jus proseguere, & beneficii possessionem recuperare; sed etiam, quod verē titulum præscribat, & jus prioris penitus extinguat, quę est natura præscriptionis, & sincera intentio illius regulę. Quando ergo generaliter dicitur, quod beneficium Ecclesiasticum non possit licite sine Institutione canonica obtineri Reg. 1. de reg. Juris in 6. est intelligendum, secusā præscriptione fundatā in titulo colorato, quod erat notandum contra Molinam, generaliter asserentem, titulum ad beneficium non posse præscribi.

285. Objicit tamen Castro Palao 10. 2. disp. 2. p. 33. n. 2. & seqq. si tribueretur possessori titulus, sequeretur, quod hac regulā posset defendi in possessione beneficii spurii, hæreticus, infamis, irregularis, excommunicatus, si beneficium adeptus pacifice tenio possideret, posset enim in conscientia illud retinere: consequens est absurdum: non potest autem esse absurdum nisi ex hac causa, quia impedimentum canonici obstat beneficii receptioni, eam annullando obstat hoc ipso continuationi & firmitati.

286. Confirmatur, quia si triennalis possessio titulum hunc concederet, & securum red-

deret possessorem in conscientia, non posset Episcopus ab ejusmodi possessore in visitatione titulum exigere & examini subijcere, hoc autem facere posse Episcopum docet post alios Covarruvias in reg. possessor 2. p. §. 10. n. 10. concl. 8.

Hoc argumentum recte retorquet Card. Lugo, quia probaret, quod nequidem in foro externo immunis esset à molestatione, sed deberet defendi in judicio infamis hæreticus, &c. hoc utique adversarius non concedet: ergo ipsimet argumentum solvendum est. Aliqui concedunt sequelam, quos refert Sanchez, & ex parte lequitur.

287. Responderetamen Card. Lugo cum distinctione. Nam, vel impedimentum & nullitas collationis tenuit se ex parte ipsius personę, quę incapax erat propter aliquam circumstantiam beneficii recipiendi, vel tenuit se solum ex parte collationis beneficii. Si primum, & impedimentum est perpetuum, vel certe adhuc durat transacto triennio, asserit Lugo, talem non juvari hac regulā: unde irregularis, excommunicatus, spurius habens incapacitatem ex se, durante tali incapacitate non juvatur hac regulā. idem dicendum putat de habente beneficia incompatibilia, cujus tamen contrarium tenet Gomez apud Azorium, putans talem posse per Regulam Cancellarię defendi, sicut & Parochum qui intra annum non suscepit Sacerdotium. Vnde fortassis iterum aliqua distinctio adhibenda esset inter impedimenta tenentia se ex parte possidentis, ut nimirum illa obstant, quę non solent ab Ecclesia facile dispensari, non item illa, in quibus videmus dispensari frequenter, & facile.

288. Si verò impedimentum teneat se ex parte collationis vitiole ob aliquem defectum, tales omnino juvari possunt per regulam Cancellarię, si non sint excepti in ipsa regula. Ratio hujus posterioris partis est, quia regula illa potissimum facta videtur ad hujusmodi defectus supplendos.

Priorē autem distinctionis partem probat Card. de Lugo ex Regula generali Præscriptionum; nempe nulla præscriptio potest locum habere in illis qui de jure incapaces sunt dominii, ut Religiosus, & servus; cum ergo possessio triennalis inducat per regulam Cancellarię ad imitationem communis præscriptionis, debet eodem modo intelligi circa subiectum alijs habile acquirendi beneficium: qualis non est spurius, hæreticus, habens beneficium incompatibile. Sed de hoc ultimo ego mallem contrarium affirmare, quia impedimentum quod intervenit, non ita se tenet ex parte personę, nec eam in se inhabile reddit, sicut infamia, & hæresis, sed potius impedimentum exclusivum alterius beneficii inest priori beneficio, cum quo sæpe conjungitur beneficium aliud, nunquam autem

autem cum infamia conjungitur beneficium, sed semper infamia prius debet auferri.

189. Ad Confirmationem argumenti facti à P. Castro Palao, responderi optime idem Cardinalis, Episcopum jure suo posse exigere à Parocho titulum sui beneficii: imprimis ut appareat, an reverà possit allegare & probare titulum coloratum: deinde ut ex titulo constet, an potuerit bonâ fide possidere, & aliæ conditiones intervenire, quæ requiruntur in Regula. Et hæc de hac præscriptione Beneficiorum.

## §. VI.

### De Præscriptione Quadriennii vel Quinquennii rerum fiscalium, & Fisci contra.

290. DICENDUM 1. Res fiscales, seu mobiles seu immobiles vacantes & denunciatas, contra Fiscum præscribi spacio quatuor annorum. Ità constituit Constantinus Imperator in l. 1. C. de quadriennii præscriptione. Notum est à fisco questionem post quadriennium continuum super bonis vacantibus inchoandam non esse. Deinde lege. 2. Zeno Imp. constituit ex adverso, ut Fiscus eodem temporis spacio præscriberet eas res, quas ut suas (licet reverà alienas, vel communes, vel alteri obligatas) vendidit, vel ex alia causa alienatam tradidit, dominio statim translato, indeque emptore citra omne evictionis periculum securo reddito, ità ut dominus vel creditor intra quatuor annos non emptorem, sed Fiscum convenire debeat, elapso verò quadriennio ne Fiscum quidem convenire possit. Lex ita sonat. [Omnes qui quascunque res mobiles vel immobiles seu te moventes, vel in actionibus aut quocunque jure constitutas, à sacratissimo ærario comparaverint, eos quin etiam quibuscunque res mobiles seu immobiles seu te moventes, aut in actionibus vel quocunque jure constitutæ, munificentie principalis nomine datæ fuerint, omnibus pariter privilegiis, quæ ex divinis satisfactionibus inclyta recordationis Leonis & nostræ pietatis super certis patrimoniis ante emptores consecuti sunt, perpotiri sancimus, & ita cunctos hujusmodi beneficiis seu privilegiis perfrui, tanquam si super singulis substantiis seu patrimoniis etiam nunc vel postea data fuisset hujus dispositio: nec posse contra emptores prædictarum rerum factos jam vel futuros, vel contra eos quibus super hujusmodi rebus largitas nostra delata est vel fuerit, aliquas actiones in rem domini vel hypothecæ gratiâ vel in persona civiles seu prætorias, vel ex legibus seu sacratissimis constitutionibus descendentes, vel quaslibet alias (licet nominatim præsentis sanctione non sint comprehensæ) moveri datâ volentibus licentiâ intra quadriennium contra sacratissimum

ærarium, si quas sibi competere actiones existimant, exercere: ità tamen ut post elapsam quadriennium, nec sacratissimum fisco licere libimet quibuslibet actionibus pulsare cognoscant.]

291. Hanc constitutionem in compendio tradidit Iust. Imper. §. fin. Iust. ubi declarat, quid prioribus aliorum constitutionibus adjecerit. [Edicto D. Marci caverit, eum qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ Memoræ Zenonis (quam revulimus) bene prospexit iis, qui à fisco per venditionem aut donationem, vel alium titulum accipiunt aliquid, ut ipsi quidem securi statim fiant, & victores, exstant, live experiantur, live conveniantur. adversus autem sacratissimum ærarium usque ad quadriennium liceat iis intendere, qui pro dominio vel hypotheca earum rerum quæ alienatæ sunt, putaverint sibi quasdam competere actiones. Nostra autem divina constitutio, quam nuper promulgavimus ( & habetur l. 3. C. eod.) etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfatâ Zenonianâ constitutione continentur.] Ratio hujus favoris fisco constituendi erat, ut fisco facilius in veniret emptores.

292. QUÆRES. Quamam dicantur bona vacantia, & fisco denunciata, sed nondum incorporata de quibus loquitur conclusio posita. 2. Esse illa bona quæ fisco deberint ex morte alicujus sine legitimis hæreditibus defuncti: nam illis defunctibus fisco succedere dicimus capite sequente.

Nota. 1. Conclusionem procedere de fisco seculari. nam quod fisco Ecclesiæ attinet, bona etiam necdum incorporata, adversus inferioris Ecclesiæ fisco non præscribuntur nisi spacio 40. annorum, Romanæ Ecclesiæ verò 100. ann. ut docet Panormitanus, sed in dubium vocat Molina d. 73. n. 9. Stylus Curie attendendus est.

Nota. 2. Quando illa bona non sunt denunciata fisco, & ab alio cum titulo bonâ fide possidentur, præscribuntur eo tempore quo alia bona privatorum. L. 18. ff. de Pscap. [Quamvis adversus fisco usucapio non procedat, tamen ex bonis vacantibus, nondum tamen nunciatis, emptor prædii ex ipsæ bonis exsisterit, rectè diutina possessione capiet, idque constitutum est.]

293. Nota. 3. Conclusionem intelligendam esse de proprietate, vel hypotheca rerum singularium emptarum à fisco, quod nimirum Dominus, aut creditor non possit emptorem convenire, sed fisco. Aliter res se habet in emptore hæreditatis. l. 41. ff. de jure fisci. Eum qui bona vacantia à fisco comparavit, debere actionem;

*nem, quæ contra defunctum competeat excipere.* Itaque qui à filio hæreditatem emet, esset peioris conditionis, quàm alius emptor hæreditatis, nam hæres vendens hæreditatem, tenetur post venditionem creditoribus hæreditariis, legatariis & fideicommissariis respondere, quia vendendo hæreditatem, non delinit esse hæres: l. 2. C. de hæredit. vel actione vendita. [Ratio juris postulat, ut et creditoribus hæreditariis & legatariis, seu fideicommissariis se convenire volentibus tamen respondeas, & tunc eo cui hæreditatem vendidisti tu experieris suo ordine. Nam ut satis tibi deat, serò desideras, quo vendundabatur hæreditas hoc non est comprehensum. Quamvis enim ea lege emicit, ut creditoribus hæreditariis satisfaciatur, excipere tamen actiones hæreditarias in virtute cogi non potest.] Contra emens hæreditatem à filio, debet actiones hæreditarias excipere, illique respondere. d. l. 41. C. l. 1. C. eod. *Æs alienum, hæreditate nomine fisci vendit ad omni emptoris bonorum pertinere, nec fiscum creditoribus hæreditariis respondere certum & absolutum est.* Circa ipsum tamen Ius hæreditatis emptor hæreditatis petitione inquietari non potest, sicut nec circa res singulares in hæreditate existentes, quas fiscus in vendita hæreditate nominatim existere affirmavit, in his enim fiscus obstrictus manet rerum Dominis, & rei vindicatione, ac hæreditatis petitione conveniendus est. lege. 3. C. quadriennii præscript. per quam legem plerique Legistæ putant correctum esse Ius antiquum legi 13. §. 9. ff. de hæred. pet. ubi dicitur dari utilem actionem adversus emptorem; quia illa lex 3. Codicis est nova ex 50. Justiniani Constitutionibus post Pandectarum & novi Codicis compositionem emendato Codici ad veteris Iuris emendationem insertis. Ità post alios sentit etiam Arnoldus Rath. c. 5. ih. 20.

294. D I C E N D U M 2. Quinquennalis præscriptio procedit contra actionem fisco competentem ob non solum vectigal. l. 2. C. de vectigalib. & commissis. [Neque commissum, quod ante quinquennium factum dicitur, si lite res anticipata non est, vindicari potest, neque pro re quæ in commissi causam cecidit, si ipsa non exstat, nec dolo supprimatur, pretium peti potest.]

Omni quidem etiam Exceptio non numerata pecunia non nisi quinquennio præscribatur, sed postea ad biennium reducta est. Inst. de litig. obligat. ibi. [Sed nec creditores diutius possint suis pecuniis forsan defraudari, per constitutionem nostram tempus coarctatum est, ut ultra biennii metas huiusmodi exceptio minime extendatur.] Constitutio autem exstat in tit. Cod. de non numerata pecunia.

ta pecunia.

## §. V.

### De Præscriptione longi Temporis.

295. D I C E N D U M 1. Res immobiles prævatorum cum titulo præscribuntur inter præsentis (modo superius explicato) decem annis, inter absentes viginti annis, live deinde res ipsæ sint in diversis, live in eodem territorio. Præ Inst. h. r. ibi. Immobiles vero per longi temporis possessionem (id est inter præsentis decennio, inter absentes viginti annis) usucapiantur. & tot. tit. præscriptum l. ult. C. de præscript. longi temporis. Jure Bavarico li res ex contractu emptionis possideantur, præscribuntur quinquennio inter præsentis, & decennio inter absentes.

296. D I C E N D U M 2. Si is contra quem præscribitur, partim absens, partim præsens fuerit, tot anni adiciendi sunt decem annis, quot annis absens fuit. Auth. quod si quis. C. de præscript. longi temp. [Quod si quis quibusdam præsens sit, quibusdam absens, adiciuntur ei super decennium tot anni, quot annis ex decennio fuit absens.]

297. D I C E N D U M 3. A prædictis regulis excipiuntur res tam mobiles, quàm immobiles Minorum, quæ etiam cum titulo non præscribuntur nisi spatio triginta annorum l. fin. C. in quibus causis restit. in integr. non est necessaria. [Sed humanius est, latius eandem legis interpretationem extendere in omnibus casibus, in quibus vetera jura currere quidem temporales præscriptiones adversus minores concesserant, per in integrum restitutionem eis subveniebant: easipsum iure non currere. Melius etenim est intacta eorum jura servari, quàm post causam vulneratam remedium querere, videlicet exceptionibus 30. vel 40. annorum in suo statu remanentibus.] Jure Bavarico tamen videtur adhuc opus esse beneficio restitutionis in integrum, prout iure antiquo Iure communi. L. c.

298. Circa hanc præscriptionem notat Ant. Perez post glossam, quod, si præscriptio fuit inchoata contra auctorem, à quo res ad pupillum pervenit, præscriptio, durante pupillari ætate dormiat (quia contra pupillum nulla currit præscriptio) & cessat, & post eam rursus currere incipiat, & continuatur.

Hoc observato facile obviatur subtili Republicæ quam hic facit Lugo n. 72. ubi quaerit, quomodo possit exigi (spatium 30. annorum ad præscribendum contra minorem? nam, inquit, quamdiu est impubes pupillus, non currit præscriptio contra illum: post pupertatem verò non restant nisi. 19. (est error, nam solum restant undecim) anni usque ad majorem ætatem, adde, si 19. (iterum idem error) annis duravit possessio, quibus ille minor erat, postea cum amplius non sit minor, sufficientes tres, vel quatuor (est iterum error, quia sex, vel propè septem adhuc requi-

requi-



requiruntur) anni pro altera dimidia parte quæ deerat, atque adeo ad summum 23. (imò tantum 17. aut 18.) annis finitur semper præscriptio, nec unquam exiguntur 30. anni. Ad hoc respondet Lugo, posse hoc privilegium locum habere, si res devolvatur ab uno minore ad alium. Verùm non est credibile, quòd propter casum tam rarum illud privilegium sit constitutum. Facilius ergo responderi potest, procedere privilegium in casu, quo res contra auctorem præsertim absentem jam fuit aliquor annis possessa.

Deinde dici potest, non esse necesse ad salvandum hoc privilegium, & ejus utilitatem perscrutandam, ut possessio duret 30. annis materialiter, sufficit si duret formaliter. v.g. si possessio sit per decem annos res minoris, quæ est tertia pars 30. annorum, computabuntur isti 10. anni pro tertia parte decem annorum, perinde ac si possedisset tribus annis & 4. mensibus. Vnde superaddere debebis sex annos, & octo menses, conformiter illi calculo qui fiet infra num. 302.

## S. VI.

### De Prescriptione longissimi Temporis 30. 40. 100. annorum.

299. **DICENDUM** 1. Quando decennialis præscriptio hæcenus asserta locum non habet, sive ob defectum tituli, sive ob rei vitium (de quo contro. seq.) succedit præscriptio longissimi temporis, hoc est, triginta annorum. *L. 3. C. de præscript. 30. vel 40. annor.* [Sicut in rebus specialibus, ita de universitate, ac personales actiones ultra 30. annorum spatium minimè protrahantur: sed si qua res, vel jus aliquod postuletur, vel persona quacunque actione vel persecutione pulsetur, nihilominus erit agentis triginta annorum præscriptio metuenda.] Idem confirmatur *cap. 3. de præscript.* [Sanctorum Patrum Sanctiones statuentes confirmaverunt, & nos inrefragabiliter confirmamus, ut omnes possessiones ad singulas Provincias nostrorum Fratrum pertinentes, à quibus per 30. annos possessæ sunt, quietè & sincere, absque synodali proclamatione perpetuò teneantur.]

**DICENDUM** 2. Bona immobilia contra Ecclesiam Romanam non nisi spatio 100. annorum præscribuntur. *C. ad audiendum, &c. seq. de præscript.* quorum verba jam supra adduxi, contra Ecclesias inferiores & loca pia (nisi specialiter privilegiata sint) spatio 40. annorum *C. de quarta. tod.* [De quarta decimæ & oblationis defunctorum, Clericus ab impetitione Episcopi quadragenariæ præscriptione temporis se posse tutari videtur, nisi fortè interita pastoralis Sedes caruisset pastore, qui jura Ecclesiæ suæ exigere potuisset. Nam Romana Ecclesia tricennemallem (ita legendum, & non: triennalem, ut habent aliqua exemplaria) præscriptionem contra Ecclesiam

non admittit.] Idem habetur clariùs *Nov. 111. c. 1. ibi.* [Jubemus in negotiis quæ antehac 30. annorum removebat exceptio, nunc venerabilibus Ecclesiis, Monasteriis, & Xenodochiis, necnon Orphanotrophiis, & Brephotrophiis, & Prochorotrophiis quadraginta annorum protelatio conferatur.

300. Dixi: nisi specialiter sint privilegiata, ut sunt Monasteria Ordinis S. Benedicti, & S. Salvatoris, requiruntur. 60. annorum spatium. in Germania Monasteria Ordinis Cisterciensis S. Bernardi, non nisi spatio 100. ann. Quod ultimum Ordinibus Mendicantibus à Leone X. & Pio IV. concessum est, ratione immediata subjectionis Sanctæ Romanæ Ecclesiæ & Sedi Apostolicæ, sub cujus protectione suscepti sunt, de quibus videri potest Joan. Bapt. Confertius, citatus ab Arnolfo Rath *c. 5. th. 35.* quæm auctorem non vidi.

301. A regula centenariæ præscriptionis contra Romanam Ecclesiam, unus casus excipitur in *cap. fin. de Præscript. in 6.* ubi statuitur, etiam contra Romanam Ecclesiam præscriptionem quadragenariæ locum esse, si Bona Flereticorum, qui dum viverent, Catholici putabantur, à Catholicis eorum filii vel nepotibus, aut extraneis quibuscunque spatio quadraginta annorum fuerint bonæ fide possessa.

302. Ex dictis rectè inferunt DD. quòd si bona possessa, dum pertinerent ad aliquem privatum v.g. per quinque annos, si deinde perveniant ad Ecclesiam inferiorem gaudentem privilegio præscriptionis 40. annorum, non sit necesse, continuari possessionem adhuc 35. annis, sed sit sufficiens continuatio per viginti adhuc annos. nam quinque priores anni jam erant dimidiata præscriptio; ergo æquivalent 20. annis quæ est media pars 40. annorum, quibus si addantur 20. evadent quadraginta.

303. **DICENDUM** 3. Civitates etiam gaudent privilegio centenariæ Præscriptionis, sicut Ecclesia Romana. *l. 25. v. si ve itaque memoratis religiosissimis locis. C. de SS. Ecclesiæ.* sed non nisi in casibus sequentibus. [Sive itaque memoratis religiosissimis locis vel civitatibus hæreditas, sive legatum vel fideicommissum fuerit relictum, sive donatio vel venditio processerit, in quibuscunque rebus mobilibus vel immobilibus, vel se moveantibus, sive pro redemptione captivorum quædam fuerint relicta, vel donata, sit eorum penè perpetua vindictio, & ad annos centum extendatur, nullà aliâ exceptione temporis inhibendâ, sive contra primas personas, sive contra hæredes vel successores eorum moveatur.] Observant tamen DD. hunc textum tantum loqui de rebus donatis, venditis, relictis, &c. sed nondum traditis: unde inferunt, quòd si traditæ essent, & ad alium possessorem pervenirent, possent spatio 30. vel 40. annorum præscribi. Et quia centenariæ præscriptionis privi-

privilegium non nisi in tribus casibus, & quidem cum limitatione allata conceditur civitatibus, non satis legitime infert Molina & Lessius, idem privilegium convenire bonis illis, quæ coronæ vel Principatui alicui incorporata sunt, ut notavit post alios Arn. Rath. th. 42. rectè concludens, bona Principum, quæ Princeps non habet jure Principatus, sed jure privatorum, ut pastua, saltus ferarum, viridaria, & prædia tam rustica quàm urbana, præscribi posse contra Principes spatio 40. annorum, de quo tamen nullus clarus textus existat, unde graves DD. inter quos Covarr. putant, præscribi hæc bona contra Principes, sicut contra quemcunque alium privatum.

304. QUÆRITUR, an ad Præscriptiones hæcenus hoc §. enumeratas requiratur Titulus. Respondet Molina d. 72. regulariter non requiri. postmodum verò disp. 76. docet, ad centenariam prout distinguitur ab immemoriali, titulum requiri; sed nullo jure vel ratione probat. Vnde cum Castro Palao §. 15. n. 1. videtur consequentiùs dicendum, ad omnes titulum requiri. per hoc fit privilegium maximè æstimabile.

## §. VII.

### De Præscriptione Servitutum.

305. DICENDUM 1. Omnes servitutes, sive certam & continuam possessionem habeant, sive non habeant longo tempore, decem annis inter præsentem, viginti inter absentes bonâ fide acquiruntur cum titulo quem quis habet à non Domino, qui tamen quasi Dominus constituit servitutem. Neq; est necesse, ut verus Dominus sciverit, servitutem ab alio constitutam esse, & præscribentem eâ uti. *L. fin. C. de Præscript. longi. temp.* [Nemo post hac dubitet, neq; inter præsentem neque inter absentes quid statuendum sit, ut bono initio possessionem tenentis & utriusque partis domicilio requisito sit expedita questio pro rebus ubicunque positis, nullâ scientiâ vel ignorantia expectandâ, &c. Eadem observando, si res non soli sint, sed incorporales, quæ in jure consistunt, veluti usufructus & ceteræ servitutes.] Quam legem malè quidam cum glossâ volunt accipiendam de amissione servitutis, seu de præscribenda libertate contra servitutem: ad hoc enim non requiritur bona fides ab initio possessionis, ut superiùs declaratum est.

306. DICENDUM 2. Servitutes, quæ certum & continuum usum habent longo tempore, præscribuntur etiam sine titulo, ex communi iuristarum. *Leg. 10. ff. Si servitus vindicetur.* [Si quis diuturno usu & longâ quasi possessione latus aquæ ducendæ nactus sit, non est necesse ei docere de iure quo aqua constituta est,

velut ex legato vel alio modo, sed utilem habet actionem, ut ostendat per annos ferè tot usum se non vi, non clam, non precario possedisse.]

307. QUÆRES, quæ ratio potuerit esse, non requirendi tituli probationem in acquirendis servitutibus, sicut in acquirendis rebus corporalibus immobilibus per longum tempus. Quia servitutes, de quibus est conclusio, censentur esse modici præjudicii, quia per eas dominium non aufertur, & ideo etiam faciliùs præsumitur intervenisse aliquis titulus, vel invincibilis error, quo quis putavit sibi servitutem deberi, eò quòd sæpe sæpiùs hujusmodi servitutes sint valde necessariæ prædiis vicinis. Vnde Vlpianus. *L. 1. ff. de fidi de aqua quor. & est. dixit.* [Sed etsi jure aqua non deberetur alicui, si tamen jure ducere se putavit, cum non in jure sed in factò erraverit, dicendum est, eoque jure utimur, ut interdictò uti possit: sufficit enim, si jure suo ducere putavit, nec vi, nec clam, nec precario duxit.]

Quod dictum est ad has præscriptiones non requiri scientiam illius contra quem præscribitur, quamvis textus à nobis allatus satis clarè id dicat, nihilominus

308. Obijciunt DD. (qui majori calculo scientiam requirunt) 1. legem 2. *C. de servit. & aq. Si aquam per possessionem Marialis eo sciente duxisti.* 2. Imperatorem hic facere mentionem scientiæ, non quòd ea necessaria fuerit, sed quia in facti specie ità propositum fuerat. Respondent alii 2. Scientiam fuisse adductam in eum finem, ut Imperatori constaret, non fuisse aquam clam ductam, & animocelandi.

309. Obijciunt 2. *Legem. 16. ff. si servitus vindicetur.* [Si à te emero, ut mihi liceat ex ædibus meis in ædes tuas stillicidium immittere, & postea te sciente ex causa emptionis immissum habeam, quæro an ex hac causa actione quadam, vel exceptione tuendus sim. Respondi utroque auxilio me usurum.] Ecce! quæ scientia domini requiratur. 2. Casum esse longè diversum, nempe quando servitus ex causa emptionis debetur: certum enim est, quòd si servitus ex contractu debeatur, propriâ autoritate, sine voluntate ejus qui servitutem debet, servitute uti non possum, nisi ab illo possessionem accipiam, sicut & aliarum rerum emptarum si quis propriâ auctoritate sine consensu venditoris possessionem caperet, non pro emptore possideret, sed prædo esset. *L. 5. ff. de acq. poss.* sed hoc nihil ad præscriptionem facit.

310. Obijciunt 3. Patientia præsupponit scientiam; sed requiritur in Domino patientia. Ergo & scientia. Minor probatur ex *lege 6. ff. eod. Sicut, si patiente eo edificaverò, ego possessor ero effectus.* 2. Cum Longovaltio, patientiam quæ loco traditionis habetur in servitutibus, non necessariò habere comitem scientiam,

entiam, sed hoc valere, ut pari dicatur, qui non impedit, aut contradicit: quia plus non requiritur ad præscribendas servitutes, quam ut non vi, aut clam, aut præcatiō possideantur: hoc autem fieri potest altero ignorante, ut patet: ergo sufficit patientia negativa.

311. DICENDUM 3. Servitutes discontinuæ, ut iter, actus, via, sine titulo non præscribuntur, nisi tempore immemoriali. Hæc sententia tenenda est ob communem DD. auctoritatem, (quidquid sit, an juris apicibus inspicis defendi possit, perinde ut continuas longo tempore præscribi, ut putat Ferd. V. Vaitzenegger cum aliis, qui questionem hanc Scholasticè discutunt) quæ ita invaluit, ut eam Summa Tribunalia passim in iudicando sequantur, & Covarruvias restetur eam in foro receptam esse. Mynsinger etiam cent. 4. obs. 33. asserit, assessores Cameræ Spirensis eandem secutos esse. & de iure Bavariæ ita statutum est. L. R. 1. 26. a. 4. Porro hanc sententiam solâ auctoritate, non item iuribus efficaciter probari constabit, si probationibus, quæ fieri solent, solutionem commodam adhibebimus. Itaque

312. Probari solet 1. ex lege 3. §. ductus aqua ff. de aq. quot. & est. Ductus aqua, cuius origo memoriam excessit, iure constituit loco habetur. Unde per argumentum à sensu contrariō concludi videtur, quando memoriam hominum non excedit, iure constituti non habetur. Verum, argumentum hoc non procedit in præsentia questione, non enim illi locus est, nisi quando contrariū non est aliis legibus constitutum: atqui ex suprâ dictis constat, etiam discontinuas servitutes saltem cum titulo præscribi longo tempore: ergo licet verum sit hoc antecedens, tempore immemoriali possessa habentur pro constitutis. Non valet tamen hæc consequentia. Ergo si ne tanto tempore non habentur pro constitutis.

Probari solet 2. Ex lege 1. §. fin. ff. de aqua & aq. plu. arcenda. ibi. Si tamen lex agri non invenitur vetustatem vicem legis tenere. Quid autem sit vetustas explicatur in l. 2. pr. §. 1. & nempe tempus cuius memoria non extat. Profecto hæc probatio non solum recipere eandem solutionem, quam dedimus priori, sed insuper textus ipse videtur Conclusioni manifestè contrarius esse, statim enim sequuntur hæc verba. [Sanè enim & in servitutibus hoc idem sequimur, ut ubi servitus non invenitur imposita, qui NB. diu usus est servitute, neque vi, neque præcatiō, neque clam, habuisse longam consuetudinem, vel ex iure impositam servitutem videatur. Non ergo cogemus vicinum aggeres munire, sed nos in ejus agro munimus, etique ista quasi servitus (¶ quidem discontinua) in quam rem utilem actionem habemus, vel interdictum.]

313. Probari solet 3. & præcipue ex lege 14. ff. de servitutib. ubi negatur, servitutes discontinuas ullo modo usucapi posse, his verbis. [Servitutes rusticorum prædiorum corporibus accedunt, incorporeales tamen sunt, & ideo usu non capiuntur, vel ideo, quia tales sunt servitutes, ut non habeant certam, continuamque possessionem.] Verum nemo non videt, hoc argumentum & textu probari, quod ne quidem tempore immemoriali præscriptio absolvatur, si verum est, quod toties interrumpatur præscriptio, quoties cessat usus. Respondetur ergo, servitutes hæc usucapi non posse iure Pandectarum, si de usucapione propriè dicta anni, vel biennii, ut olim in usu fuit, loquamur. Usucapio namque est acquisitio domini per continuationem veræ possessionis, qualis cum in servitutibus non sit, sed tantum possessio improprie dicta, propriè non usucapiuntur: cum hoc tamen stat, quod usu longi temporis, etsi non sit usucapio, acquiri possint, nam hoc, saltem accedente titulo, conceditur ab omnibus: leges autem titulum non requirunt magis in discontinuis, quam continuis. Porro licet hæc servitutes non habeant usum continuum, habent tamen causam perpetuam: ergo ut dicantur quasi possideri, sufficit habere animum eis utendi cum libuerit, sive per se, sive per alium, & ab hoc animo nunquam per alterius resistentiā fuisse dejectum.

314. Obijcit ultimò Ant. Gomez. Dominus servitutis, seu prædii dominantis, habet suam quasi possessionem mediane usu & exercitio: ergo etiam præscriptio regulari debet ab actu, & exercitio discontinuo: ut enim nostra possessio, quæ fundatur in naturali insistentia coloni nostri, ab hoc ita dependet, ut expulso colonio possessionem etiam ignari amittamus, licet eandem retineamus, si alius possidendi animo fundum nobis ignorantibus ingressus est, si animo solo possideamus non corpore alieno, ita de servitutibus discontinuis propter actuum interpolationem dicendum videtur, nimirum in his aliud præscriptionis tempus requirendum esse, & ultra hominum memoriam extendendum. Ad hoc argumentum iterum responderetur, eo nimium probati, nempe, quod neque cum titulo possent longi temporis spatio præscribi. Sicut ergo ad hanc sufficit causæ perpetuitas, animus utendi nunquam depositus, cum libuerit, ita etiam sine titulo sufficere poterit. Fateamur ergo, non tam iure scripto, quam non scripto firmendam esse sententiā requirentem tempus immemoriale: ad præscribendas servitutes discontinuas.

315. DICENDUM 4. Ususfructus, & usufructu tantò tempore acquiruntur, quanto res immobiles usucapiuntur, decennio inter presentes, vicennio inter absentes, si titulus accedat saltem existimatus, ut suprâ de corporalibus immobilibus dictum. Sine titulo, tam mobilium, quam

quàm immobilium usufructus spatio 30. annorum acquiritur. Vtrum autem usufructus rerum mobilium cum titulo acquiratur triennio, sicut ipsæ res mobiles triennio usufruuntur, non est in iure satis expressum, & licet Panormitanus, & alii post eum id negent, velintque esse rebus immobilibus comparandum, probabilis tamen mihi videtur opinio Donelli affirmantis. Conclusio probatur ex lege fin. *C. de Præscript. longi temp.* jam sup. relata. in fin. [Eodem observando ceteri res non soli sint, sed incorporales, quæ in jure consistunt, veluti usufructus, & ceteræ servitutes.] & hic textus probat 1. Membrum conclusionis. Secundum verò probat lex pen. §. 1. *de usufructu.* ibi. [Nisi talis exceptio usufructuario opponatur, quæ etiam si dominum vindicaret, posset eum præsentem, vel absentem excludere.] Et sanè, cum usufructus maximi momenti sit, & instar dominii, non erat conveniens, ut sine titulo præscriberetur tempore ordinario, quidquid sit de quæstione paulò autè tractata, an aliæ servitutes ita acquirantur: neque Bocerius, qui contrarium tenet, affert textum nisi qui pro solis realibus servitutibus facit. Illud econtra mirabilis est, quod docet Dynus in *C. possessor. n. 33. de R.J. in 6.* & Sotomayor *de usufr. c. 68. n. 9.* sine titulo usufructum non nisi tempore immemoriali præscribi. Perinde est ac si dixissent, nunquam præscribi, quia nullius hominis vita æquat tempus immemorabile, usufructus autem cum vita definit.

316. Et hæc de servitutibus præscribendis. Unde facillè intelligitur, quanto tempore opus sit ad præscribendam libertatem à servitute, nempe tanto tempore, quanto ad præscribendas servitutes opus esse diximus, nisi quoddam non eodem modo bona fides & titulus requiratur, ut patet ex suprà dictis, quando egimus de ijs quæ tantum improprie præscribuntur. Denique non est omnino prætereundum quod habetur in *Lege 7. ff. quemadmodum servitutes amitt.* quoad amissionem servitutum earum, quarum usus est alternativus. [Si sic constituta sit aqua, ut vel æstate ducatur tantum, vel uno mense, quæritur, quemadmodum non utendo amittatur, quia non est continuum tempus, quo cum uti non potest, non sit usus: itaque & si alternis annis, vel mensibus, quis aquam habeat, duplicato constituto tempore amittitur. Idem & de itinere constitutum: si verò alternis diebus, aut die toto, aut tantum nocte, statuto legibus tempore amittitur, quia una servitus est. Nam si & alternis horis, vel unâ horâ servitutum quotidie habeat, Servius scribit perdere eum non utendo servitutem, quia id quod habet, quotidianum sit.]

## §. VIII.

*De Præscriptione Actionum, & Obligationum.*

Suprà jam diximus debita rerum mobilium computari inter mobilia, & debita rerum immobilium inter immobilia, nunc de eorum præscriptione agendum est.

317. DICENDUM ergo 1. Debita rerum mobilium æquè ac immobilium præscribuntur cum bona fide contra creditores spatio 30. annorum. *L. 3. C. de præscript. 30. ann.* jam sup. relata. & *L. 1. §. ad hæc C. de annali excepti.* Speciales quædam actiones enarrantur, quæ poterant in dubium vocari. [Nemo itaque audeat, neque actiones familiaris herciscundæ, neque communii dividundo, neque finium regundorum, neque pro socio, neque furti, neque vi bonorum raptorum, neque alterius ejuscunque personalis actionis vitam longiorem esse triginta annis interpretari.]

318. DICENDUM 2. Ab hac regula aliquatenus excipi actionem hypothecariam. Si enim res hypothecata possideatur ab ipso debitore, vel hæredibus ejus bonâ fide, quasi non esset hypothecata, non potest creditoris actionem excludere nisi possessione 40. annorum. Si verò possideatur ab alio tertio, qui nec debitor, nec creditor est, nec hæres alterutrius, quia fortè fuit vendita ignoranti hypothecam, præscribitur, & extinguitur actio hypothecaria decennio inter præsentem, & vicennio inter absentes. Circa quam præ oculis habenda sunt, quæ continentur in lege 7. *C. de præscript. 30. ann.* quæ est famola lex incipiens. *Cum norissini.* Itaque §. 1. sic habetur. [Quamobrem jubemus hypothecariam persecutionem, quæ rerum movetur gratiâ, vel apud debitores consistentium, vel apud debitorum hæredes, non ultra quadraginta annos ex quo competere cepit, prorogari, nisi conventio aut ætas (sicut dictum est) intercesserit: ut diversitas utriusque rerum persecutionis, quæ in debitorem, aut hæredes ejus, quæque movetur extraneos, in solo sit annorum numero.] Et in §. 2. iterum resolvitur speciale quid quoad anteriorem creditorem. [Sanctimus, donec communis debitor vivit, non posse creditori anteriori triginta annorum exceptionem opponi, sed locum esse quadraginta annorum præscriptioni, quæ dum ille vivit, merito anteriori creditori confidit, utpote apud debitorem ejus possessione per posteriorem creditorem constituta. Ex quo autem in fata sua debitor decesserit, ex eo quasi suo nomine possidentem posteriorem creditorem merito posse triginta annorum opponere præscriptionem, & secundum hanc distinctionem computationem temporum adhibendam, ut ex persona quidem sua posteriori creditori triginta annos, per quos ipse post mortem possedit, opponat.



ponat. Sin autem conjuncte voluerit suæ possessioni, quam post mortem debitoris habuit, etiam tempus quo vivente debitor, vel ipse creditor, vel communis debitor detinuit, tunc quadraginta annorum exceptionis jura tractari, & quantum deest ad quadraginta annorum possessionem, per quam & ipse debitor creditorem repellere poterat, hoc se possedisse ostendat. Eodem iure pro temporum computatione observando, etsi posterior creditor anteriori creditori offerre debitum paratus est, & is creditor longævam possessionis præscriptionem ei opponere conatur.]

## §. IX.

### *De Præscriptione Temporis Immemorialis.*

319. **D**E hac præscriptione (quam non pauci, sed male, confundunt cum centenaria, quasi verò non possit haberi memoria centum annorum) sequentia breviter annotare libet ex Mynsingero *Cent. 1. Obsev. 30.* Siquis fundi inrentionem suam ex temporis cursu, cujus initii memoria non exstat in contrarium, tum hoc sufficit: quia tali tempore probato censetur etiam probatum esse dominium (quod tamen limitandum est, nisi ex instrumentis, vel alio modo de mala fide constaret) & habet tale tempus vim privilegii, & concessionis etiam in his quæ sunt Principi reservata. Imò non est necessaria tituli allegatio in hoc tempore, nec etiam requiritur in præscriptione tanti temporis scientia ejus contra quem præscribitur; & probatâ præscriptione tanti temporis non admittitur probatio in contrarium.

Quomodo autem probanda sit temporis immemorialis præscriptio, determinat glossa in *cap. 1. de præscript. in 6. v. memoria.* ex communi DD. requiruntur sequentia. 1. Quòd testes sint ad minimum annorum quinquaginta quatuor, & de quadraginta annis testificentur. 2. Quòd testes necessariò dicant, communem opinionem esse, quòd de contrario usu non existat memoria. 3. Quòd testes ita semper viderint, & audiverint à suis majoribus. 4. Quòd nunquam fuerit observatum contrarium.

## §. X.

### *De Præscriptione Delictorum.*

320. **D**ICENDUM 1. Omnis accusatio criminalis tollitur & præscribitur spatio viginti annorum. *l. 12. ad leg. Cornel. de falsis. Quærela falsi temporalibus præscriptionibus non excluditur, nisi viginti annorum exceptione, sicuti cætera quæque ferè crimina.*

321. Extendunt DD. Conclusionem. 1. Etiam ad Inquisitionem, ut etiam contra eam possit opponi exceptio viginti annorum, alioquin per indirectum concederetur, quod directè per accusationem fieri non posset. *Card. Th. schus Conc. 569. lit. P. n. 13.*

322. Extendunt 2. Vt adversus hanc præscriptionem non detur Minoribus restitutio in integrum, imò nec Fisco. *Farinacius. q. 18. n. 1.*

Extendunt 3. Ad delictum etiam notorium, imò & confessatum, ut tradit idem Farinacius. Addunt alii, hoc etiam procedere in confessione tacita, quæ sit per contumaciam, modò constet, quòd delictum jam sit præscriptum.

323. Tempus hujus exceptionis incipit currere à die commissi criminis, & non primò à die notitiæ, ut habet communior sententia: (quamvis hoc posterius etiam non pauci, nec ignobiles teneant,) quia regulariter præscriptiones etiam ignorantibus currunt.

324. **D**ICENDUM 2. Actio vel accusatio adulterii, stupri, incestus, lenocinii & aliorum criminum quorundam, tollitur quinquennio, de iure communi, (*secus de iure Bavarico, ut infra*) *l. 29. §. 6. ff. ad leg. Jul. de adult.* [Hoc quinquennium observari legislator voluit, si reo, vel reæ stuprum, adulterium, vel lenocinium objiciatur. Quid ergo si aliud crimen sit quod objiciatur, quod ex lege Julia descendit: ut lunt, qui domum suam stupri causâ præbuerunt, & melius est dicere, omnibus admissis ex lege Julia venientibus quinquennium esse præscripturum.] Hoc tamen intelligendum est de adulterio præcisè; nam & incestus concurreret requirerentur 20. anni, secundum *L. Quærelam.* Quod si violentia intervenierit, nullo tempore præscribitur. *d. l. 29. §. fin.* [Eum autem, qui per vim stuprum intulit, vel mari, vel feminæ, sine præfinitione hujus temporis accusari posse dubium non est, cum eum publicam vim committere nulla dubitatio est.] Hæc porro præscriptio solum procedit quoad penas legales, non quoad spirituales, unde semper poterit peti separatio & divorcium.

325. **D**ICENDUM 3. Accusatio Apostasiæ, perpetuò durat. *L. Apostatarum. C. de Apostatis.* *Apostatarum Sacilegum nomen singulorum vox continuè accusatione incesset, & nulli signata temporibus hujusmodi criminis arcetur indagatio.*

326. **D**ICENDUM 4. Crimen peculatus præscribitur etiam quinquennio. *l. 7. ff. ad leg. Jul. pecul.* *Peculatus crimen ante quinquennium admissum objici non oportet.*

327. **D**ICENDUM 5. Crimen patricidii propter suam atrocitatem nunquam præscribitur. *L. fin. ff. ad L. Pompeiam de parricid.* Eorum qui patricidii poenâ teneri possunt, semper accusatio permittitur. Idem affirmant DD. de

Crimine læsæ Maieſt. Hæreſis, Aſſaſinii, falſæ moietæ, Simonia, Abortus, ſuppoſiti partus, Concuſſionis. Farinacius q. 10. n. 29. extendens ad omnia alia delicta excepta & enormia, & enarratis ſimilia. De quibus exſtat in lure Bavarico. *Proceſſu Crim. tit. 2. a. 5.* ubi decem crimina enumerantur.

Adverte 1. Quòd licet aliquæ actiones criminales aliquo tempore præſcribantur, tamen eorum Exceptiones nunquam præſcribantur, juxta Reg. generalem: *qua ſunt temporalia ad agendum, ſunt perpetua ad excipiendum.*

Adverte 2. Quòd actiones civiles inde deſcendentes non hoc ipſo præſcribantur, ſed tempore illis conſtituto. Sed de his ſatis.

## §. XI.

### *Quomodo Præſcriptio interrumpitur.*

328. **D**uplex ſpecies interruptionis eſt, Naturalis, & Civilis. Naturaliter interruptitur Præſcriptio, quotiescunque poſtea eam rectè inchoatam aliquid ex ſubſtantialibus deſicit, v. g. bona fides, titulus, poſſeſſio, capacitas perſonæ.

Civiliter interruptitur præſcriptio, quando nullum quidem ex requiſitis deſicit, ſed juris auctoritate (vel ut Legiſtis loqui placet, ſubtilitate & fictione) cenſetur deſicere, v. g. per ſententiam. Incipiendo ab interruptione naturali,

329. **DICENDUM** 1. Si bonâ fide præſcriptio incepta eſt, hoc eſt, quâ quis probabiliter iudicavit, rem eſſe ſuam, & ut talem poſſedit, ſi deinde ſuperveniat dubium etiam negativum, non interrumpitur præſcriptio, nec poſſeſſio, eſto cum tali dubia fide non potuiſſet præſcriptio inchoari, ut patet, quia cum tali dubia fide non ſtat opinio rem eſſe ſuam. Concluſio, quæ certa eſt apud Theologos, probatur unice ex eo, quia hic vel maxime locum habet illa Regula, quòd melior ſit conditio poſſidentis: qui enim poſſeſſionem jam cœpit, non debet illâ privari, præciſe ex eo, quòd in ejus intellectu deſinat hic & nunc judicium de probabilitate dominii, alioquin omnes præſcriptiones nutarent, ſed inſuper neceſſe eſt, ut inducatur probabile & moraliter certum judicium, cui prudenter aſſenſus negari non poſſit, rem eſſe alienam. Hinc conjunx, cui dubium ſuboritur de valore Matrimonii, poteſt illud continere, & in exigendo reddendòque debito ſuo jure acquiſito uti.

330. **DICENDUM** 2. Si titulus reſolvatur, ut ſit in pacto commiſſorio, & additione in diem, interrumpitur præſcriptio. *l. 19. ff. de Vſucap.* [Si hominem emiſi, ut ſi aliqua conditio exiſtiſſet, inemptus fieret, & is tibi traditus eſt, & poſtea conditio emptionem reſol-

vit, tempus quo apud emptorem fuit, accedere venditori debere exiſtimo, quoniam eo genere retro facta venditio eſſet redhibitioni ſimilis, in qua non dubito tempus ejus qui redhibuerit venditori acceſſurum, quoniam ea venditio propriè dici non poteſt.]

331. **DICENDUM** 3. Præſcriptio interrumpitur, quocunque modo Poſſeſſio civilis interrumpitur: quod etiam tunc ſit, ſi quis rem quam poſſidet, pignori det Domino rei. *l. 33. §. 5. ff. de Vſucap.* [Si rem tuam, cùm bona fide poſſiderem pignori tibi dem ignoranti tuam eſſe, deſino ulcupere: quia non intelligitur quis ſuæ rei pignus contrahere: at, ſi nudâ conventionem pignus contractum fuerit, nihilominus uſucapiam: quia hoc quoque modo nullum pignus contractum videtur.] In hoc ergo caſu amittitur poſſeſſio non ſolùm naturalis, ſed etiam civilis ab eo, qui vel maxime vult eam in alio retinere. Quod ipſum ſit, ſi quis Domino rem ſuam locaret, aut precariò daret, ut haberetur. *l. 21. ff. eod. ibi.* [Si is qui pro hærede fundum poſſidebat Domino cum locavit, nullius momenti locatio eſt, quia Dominus ſuam rem conduxiſſet: ſequitur ergo, ut ne poſſeſſionem quidem locator retineat, ideoque longi temporis præſcriptio non durabit.]

Cæterum etſi talis locatio, vel oppignoratio ideo non valeat à parte rei, quia nemini locatur, aut oppignoratur res ſua, nihilominus non præciſe ob invaliditatem interrumpitur poſſeſſio, ut benè notavit Bartolus in dictam legem. 21. ſi enim locatio ex alio capite invalida eſſet, v. g. quia facta eſt pupillo, procederet uſucapio. Vnde infero, quòd in hoc caſu non interrumpetur poſſeſſio civilis, ſed locator poſſideret adhuc per apparentem & non verum conductorem. Vnde ulterius infero, quòd ſi Dominus rei ſit etiam ignarus, rem locatam, oppignoratam, aut precariò datam eſſe ſuam, locans, oppignorans, &c. etiam continuare poſſeſſionem, & præſcriptio non interrumpetur, ſed abſolvi poſſet, & ea abſolutâ poſſet vindicari. Ratio eſt, quia tunc Dominus non haberet animum poſſidendi rem locatam ut ſuam. Et hæc notanda videbantur circa Interruptionem naturalem. Nunc aliqua de civili interruptione dicenda ſunt.

332. **DICENDUM** 4. Præſcriptio interrumpitur civiliter non ſolùm per ſententiam condemnatoriam, ſed etiam per litis conteſtationem, & in quibuſdam caſibus per citationem, imò quandoque per extrajudicalem denuntiationem, ſubſcriptione tabellionis, vel trium teſtium munitam, ut in caſu legis 2. *C. de annali except.* ibi [Sancimus, ſi quando abſcineris, qui res alienas vel creditori obnoxias detinet, & deſiderat dominus rei vel creditor ſum intentionem proponere, & non ei licentia ſit, abſente ſuo adverſario, qui rem detinet, vel inſantiâ vel

furore

furor laborante, & neminem tutorem vel curatorem habente, vel in magna potestate constituto, suâ auctoritate eas res usurpare licentia ei datur adire præsidem provincie, vel libellum ei porrigere, & in hoc in quarimoniam deducere intra constituta tempora, & interruptionem temporis facere, & sufficere hoc ad plenissimam interruptionem. Sin autem nullo potuerit modo præsidem adire, saltem ad locorum Episcopum eat vel defensorem civitatis, & suam manifestare voluntatem in scriptis deproperet, sin autem abfuerit vel præses vel Episcopus vel defensor civitatis, liceat ei proponere publicè, ubi domicilium habet possessor, seu cum tabulariorum subscriptione, vel si civitas tabularios non habeat, cum trium velsum subscriptione, & hoc NB. sufficere ad omnem temporalem interruptionem, sive triennii, sive longi temporis, sive triginta sive quadraginta annorum sit. Omnibus aliis quæ de longi temporis præscriptione, vel triginta vel quadraginta annorum curriculum constituta sunt, in suo robore dataturis.]

In hac ergo lege continentur casus excepti à regulis, quibus aliquæ præscriptiones civiliter non interruptuntur, de quibus postea. Notat etiam Bartolus, per eam non impediri beneficium restitutionis in integrum.

333. Conclusio quoad priora membra probatur ex l. 10. C. de acquir. posses. ubi dicitur, non posse eum intelligi possessorem, qui licet possessionem corpore teneat, tamen ex interposita contestatione & causa in iudicium deducta, super jure possessionis vacillet & dubitet. quod non ita accipiendum est, quasi in rei veritate possessionem amittat (si enim hoc esset, tunc neque contra tertium curreret præscriptio, nec securâ sententiâ absolutoriâ tempus litis moræ computaretur, ut fieri dicemus) sed ita, quod fingatur non possidere, quia quoad juris effectum perinde est ac si non possideret, saltem securâ sententiâ condemnatoriâ.

334. Pari modo hinc colligitur, quomodo intelligendum sit, quod habetur L. fidei §. si ante ff. de heredit. petiti. Post litem contestatam omnes incipiunt male fidei possessores esse. Nam hoc realiter & theologice falsum est, sed juris fictione, solum ad hoc, ut quasi in suspensio sit præscriptio, & pendeat ex eventu ferendæ sententiæ: quid autem quoad fructuum perceptionem & lucrum operetur, dictum est in tr. 3. de Possessione.

335. DICENDUM 5. Per litem contestationem etsi præscriptio interruptatur respectu illius cum quo lis coepta est, non tamen respectu tertii, cum quo nulla actio est; cui proinde nec prodest nec nocet. v. g. possideo bonâ fide, rem quæ ad Sempronium spectat. Cajus putans ad se pertinere, litem mihi movet, & ego eam contestatus sum, interruptum civiliter possessio respectu Caii, & ideo si tempore durantis litis abolveretur tempus præscriptionis, non præscri-

psissem, sed non interruptitur respectu Sempronii, respectu cuius si tempore litis tempus præscriptioni præfixum absolvetur, præscripti, nec poterit ille se interruptione à Cajō factâ tueri. L. 2. C. quibus res iudicata non nocet. Res inter alios iudicate neque emolumentum asserere his qui iudicio non interfuerunt, neque præiudicium solent irrogare.

336. DICENDUM 6. Triennalis præscriptio non interruptitur litem contestatione, sed procedit & perficitur etiam durante lite. Si tamen durante lite perfectâ fuerit, & possessor postea damnetur, tenetur rem restituere ei pro quo pronuntiatum est. L. 2. §. 21. ff. pro emptore. [Si rem alienam emero, & cum ulucaperem, eandem rem dominus à me petierit, non interpellari ulucapionem meam litem contestatione. Pl. 18. de R. P. Si post acceptum iudicium possessor usu hominem capir, debet eum tradere, & obque nomine de dolo cavere, periculum est enim ne eum vel pignorerit, vel manumiserit.] Vnde si actor litem non prosequeretur, ulucapio non fuisset per moram litis prolongata.

337. DICENDUM 7. Præscriptio 10. aut 20. annorum cum titulo interruptitur litem contestatione, non item solâ citatione. l. 26. C. de R. P. Moræ litis causam possessoris non instruunt ad inducendam longæ possessionis præscriptionem, quæ post litem contestatam in præteritum estimatur. Unde inferitur idem esse dicendum de præscriptione 30. annorum sine titulo, nam ex defectu tituli propter excessum temporis comparatur præscriptioni longi temporis.

338. DICENDUM 8. Si actor causam non prosequatur, tunc nihilominus præscriptio interrupta seu prolongata censetur litem contestatione & morâ, nisi ex circumstantiis constaret, & à Iudice prudenter iudicari posset, actorem dolo litem movisse ad prolongandam præscriptionem. colligitur ex lege ult. C. de præscript. 30. annor. [Sæpe quidam suos obnoxios in iudicium vocantes, & iudiciariis certaminibus ventralis non ad certum finem lites perducebant, sed taciturnitate in medio tempore adhibita, propter potentiam fortè fugientium, vel suam imbecillitatem, vel alios quoscunque casus (cum sortes humanæ multæ sint) qui nec dici nec numerari possunt, deinde jure suo lapsi esse videbantur, eo quod post cognitionem novissimam triginta annorum spatium effluerit, & huiusmodi exceptione opposita suas fortunas ad alios translatas videntes, merito quidem sine remedio antè inebant. Quod nos corrigentes eandem exceptionem quæ ex triginta annis oritur, in huiusmodi casu opponi minime patimur.]

339. DICENDUM 9. Solâ citatione seu conventionem interruptuntur præscriptiones illæ, quas suprà diximus esse improprie dictas, quia fiunt ab eo qui scit se debere contra alterius actiones. l. 7. C. de præscript. 30. an. ibi. Nisi conventio

*venio intercefferit. & quidem æquissimè, cum tali conventionem jam cesset taciturnitas & silentium, cui talis præscriptio innititur.*

Has quas retulimus interruptionum diversitates, putant non ignobiles Juristæ apud Arnoldum Rath. c. 5. th. 77. hodie non ampliùs habere locum, sed omnem præscriptionem libelli oblatione putant interrumpi. Jure Bavarico sola citatio ad instantiam partis emanata, & reo infinuata sufficere videtur. *L. R. tit. 9. a. 1.*

340. DICENDUM Si actor succumbat, censetur præscriptio non fuisse interrupta, perinde ac si lis mota non fuisset, ac proinde tempore litis est quasi in suspensio, ut suprà jam dictum est. & hoc ideo, ne cuius facile sit, litem etiam calumniandi animo movendo præscriptionem interrumpere. Quod si actor, sine dolo, litem deferat, & instantia per lapsum triennii perimatur, durat interruptionis effectus eareus, ut actio ad 40. annos perpetuetur. *l. fin. cit. C. de præscr. 30. ann. ibi. Eam tamen in 40. annum extendimus, cum non similis sit qui penitus ab initio tacuit, ei, qui & postulationem deposuit, & in judicium venit, & subiit certamina, litem autem implere per quasdam causas præpeditus est.*

341. Sed quidli res interim fuerit alienata, nocebitne interruptio illi successori singulari? Minimè, per legem. *1. C. de præscr. longi temporis.* [Cum post motam & omisam quæstionem res ad nova dominia bonâ fide transierint, & exinde novi viginti anni intercefferint sine interpellatione, non est inquietanda quæ nunc possidet persona, quæ sicut accessione prioris domini non utitur quæ est inquietatus, ita nec impedienda est, quod ei mora controversia sit. Quod si prior possessor inquietatus est, etsi postea per longum tempus sine aliqua interpellatione in possessione remansit, tamen non potest uti longi temporis præscriptione.] sed ut suprà dictum est, quadragenariâ opus habet.

342. DICENDUM 11. Si pactio aut transactione à lite recessum esset, tunc interruptio facta adeo nihil nocet, ut periud habeatur, ac si nunquam mota fuisset. Ratio est, quia hoc in pactum deductum censetur, ut quis in eo jure sit, in quo fuisset, si nulla lis mora fuisset: hoc autem posse litigantes pacisci nullibi prohibitum est.

343. DICENDUM 12. Per excommunicationem in Bulla Cœnæ contentam, & singulis annis promulgati solitam adversus occupantes & detinentes bona Ecclesiæ Romanæ, non interruptitur Præscriptio. est communis contra Felinum. Ratio est, quia bonæ fidei possessor non excommunicatur, sed malæ fidei detentor: non ergo per illam Sententiam inquietatur ullo modo bonæ fidei possessor, qui rectè judicat eam sententiam ad se non pertinere.

344. Objicit Felinus. Illa excommunicatio est quædam extrajudicialis admonitio, æquivalens litis contestationi, eo quod Pontifex sit supremus Juxta, nec habeat Judicem coram quo vel agere vel conveniri possit. ergo interruptet præscriptionem. R. Distinguendo antecedens. est admonitio generalis, concedo, particularis alicujus personæ nego. hæc autem sola possit æquivalere litis contestationi, ut acutè notavit Arnoldus Rath.

Controvertitur inter Legistas, an etiam Majorennibus possit concedi beneficium Restitutionis in integrum, si constet, eos ex invincibili ignorantia rem suam non reperiisse.

Affirmativa est communis, teste Andréâ Gaill lib. 2. Obser. 19. n. 19.

345. Negativa tamen & Juri & rationi conformis est, quam egregiè propugnat Andreas Fachineus lib. 1. contr. 69. Probatur 1. Ex lege fin. C. de præscr. longi temp. ibi. Nullâ scientiâ vel ignorantia expectanda, ne altera inexcusabilis oriatur occasio. quibus verbis indicatur fundamentalis ratio eam negandi, quia sic lites non finirentur, sed identidem præscriptiones ferè omnes eluderentur, ut bene notavit Rath, vix enim quisquam tam supinus est, ut sciens permitat rem suam præscribi: si ergo post factam præscriptionem, & comparatam hujus damni scientiam, haberet 4. annos ad impetrandam restitutionem in integrum, quis tandem litibus finis erit beneficio præscriptionis?

346. Probati solent 2. Ex lege l. 3. C. de præscr. 30. ann. ubi cum Imperator dixisset, hanc præscriptionem contra omnes locum habere: *Non absentia, inquit, non militia contra eam legem defendenda, sed pupillari ætate duntaxat huic eximenda sanctioni.* sed ego hac lege non uror, ob superius dicta, & quia hic fit mentio absentium, & tamen his datur restitutio. Itaque Minores non indigent restitutione, sed præscriptio contra illos non currit, sicut contra absentes. & hic est sensus hujus legis. Sufficit ergo prima & optima probatio.

347. Contraria Sententia fundat se præcipuè in illa solenni clausula legis. *1. ex quibus causis majores in integrum restituantur.* ibi. *Si qua alia iusta mihi causa esse videbitur, in integrum restituam.* quibus verbis etsi adjecta sint hæc alia: *quoad ejus per leges, Plebiscita, Senatusconsulta, edicta, decreta Principum licebit.* hæc tamen verba explicantur in l. 28. §. 2. ibi. *quæ clausula, non illud pollicetur, restituendum, si leges permittant: sed si leges non prohibeant.* atqui leges non prohibent hujusmodi restitutionem majorennium ignorantia laborantium. R. Non prohiberi in terminis formalibus, sed æquivalentibus & implicite, quod colligitur ex fine, ob quem lex præscriptionem introduxit, & præscribenti plenissimam securitatem promittit, & omnem regressum negat, &c.

348. Ne-



348. Neque defunt alii casus, in quibus locum & utilitatem habet illa clausula. Hujusmodi casum resolvit Incluta Facultas Iuridica Ingolstadiensis, & refertur ab Arnoldo Rath th. 85. Nempe hæres à nobili quadam persona institutus, priusquam sciret se hæredem scriptum esse, decesserat, & subortæ controversiæ, an jus deliberandi ab hærede etiam ignorante se institutum esse, in ejusdem parentem, aut alios legitimos successores transmissum, an verò testamento ob non aditam hæreditatem destituto, hæredes personæ testantis ab intestato successuri admittendi essent, unanimi voto conclusum est, legitimos instituti hæredis successores ex communissimâ DD. sententia, & in notoria praxi recepta generalem Prætoris clausulam: si qua nihil iusta causa videbitur, etiam ad hunc casum portigente ad jus deliberandi restituendos, ac proinde eo remedio testamentum saltem in effectu conservandum esse.

## XII.

### *Quando dormiat Præscriptio.*

349. Dormitio seu Interquiescentia Præscriptionis est, quando Præscriptionis cursus sistitur quidem, sed ita elapsa tempora non omnino in nihilum recidunt, sed ut cessante causa dormitionis priora & jam elapsa tempora (tempore dormitionis subducto) cum posterioribus conjungantur, & ex illis fiat una præscriptio.

350. Primò dormit præscriptio contra Ecclesiam tempore vacantis Ecclesiæ ac schismatis. c. 4. de præscript. ibi. *Nisi forte interim pastoralis Sedes carnisset Pastore, qui iura Ecclesiæ suæ exigere debuisset.* & c. 15. eod. cuius summa est, quòd Prælati inferior possint præscribere in certis Ecclesiis suæ Diocesis totum jus Episcopale, subducto tamen tempore quo vacavit Ecclesia Cathedralis.

351. Secundò dormit tempore grassantis pestis, levientis belli & hostilitatis. *can. primâ a. 1. 16. q. 3. ibi. in fine. Non erit obijcienda præscriptio temporis, ubi necessitas interest hostilitatis.* & cap. 10. de præscript. ibi. *Præscriptione hostilitatis tempore non corrente.*

Tertiò dormit præscriptio in casu quo Ecclesia læsa est à suo Prælato, quamdiu vivit Prælati. *can. 10. 16. q. 3. ibi.* [Nunquam enim poterit ad tricennium temporis pertinere vita irritæ hoc iudicantis, quia statim contra actum initia non sumpt ab origine acquiritis.

352. Quartò dormire censetur præscriptio illo tempore, quo quis rem alteri precario concessit. Hoc enim peculiariter statutum est, *L. 13. §. 7. ff. de acquir. possess.* [Si is qui precario concessit, accessione velit uti ex persona ejus cui concessit,

an possit, quaeritur: ego puto eum qui precario concessit, quamdiu manet precarium, accessione uti non posse: si tam receperit possessionem rupto precario, dicendum esse, accedere possessionem ejus temporis quo precario possidebatur.] Ità Vlpianus. Ex quibus verbis apparet, non esse hanc dormitionem ejus generis cujus sunt aliae, in quibus tempus dormitionis simpliciter subducitur, sed specialis, quia rupto precario, utitur possidens accessione.

353. Est tamen mirabilis hæc Vlpiani decisio, tum quòd in lege *§. 5. eum qui. ff. de precario* expresse dicatur, rem precario concessam ab utroque, tam dante, quàm accipiente, & ab eo quidem civiliter, ab hoc verò naturaliter possideri, tum quòd nulla discriminis ratio appareat, cur creditoris possessio in pignore profit debitor ad præscribendum, etiam dum durat pignus, & non etiam dum durat precarium. Varii varia divinant, sed nihil efficaciter probant, nec ego præsumo meliora asserere, nec operæ pretium est immorari.

## CONTROVERSIA V.

*Quænam res, sive ex natura Præscriptionis, sive ex Legis resistantia præscribi non possint.*

### SUMMARIUM.

**R**es quæ præscribi non possunt, dicuntur Vitiolæ, & sunt in dupli differentia. 354.

Præscribi non possunt. 1. Res sacræ. 355.

Secundò, Decimæ à Laicis ut illis debeantur, nisi forte tempore immemoriali. 356.

Possunt Laici præscribere immunitatem à solvendis decimis 40. annorum spatio cum titulo. 358.

Annui redditus & census spatio 30. annorum præscribuntur etiam quoad cessos. eod.

Tertiò non potest præscribi fundus dotalis præscriptio: ne longi temporis, nisi cepisset, antequam esset fundus dotalis. 361.

An idem dicendum de rebus dotalibus mobilibus, earumque præscriptione triennali. 362.

Quarto non possunt præscribi res. quæ testamento prohibentur alienari. 363.

Quintò nec bona adventitia filiorum in quibus pater habet Usumfructum. 364.

Sextò Res pupillares ne quidem longissimo tempore; computato tempore aetatis pupillaris. 365.

Septimò contra Minores non currit tempore ordinario. 366.

Octavò, non præscribuntur ordinario tempore res furto, aut vi ablata. 367.

Item quæ dantur Iudici contra legem Repetundarum. 368.

An idem dicendum de re, quæ furto æquivalenti ad aliquem pervenit. 370.

*An pignus à debitore ablatum creditori.* 371.

*An parvus ancille furtiva.* 372.

*An furtus pecudum furtivorum.* 375.

*Nono præscribi non possunt ea quæ Principi, ut Principi conveniant.* 377.

*Decimo non potest præscribi contra Episcopum, ne viset, aut provocationem exigat.* 378.

*Vndecimo nec fines Dioceseon, aut Parochiarum.* 378.

354. **R**es quæ præscribi non possunt, dicuntur *Res sacræ*, & sunt in duplici differentia, vel enim ideo præscribi non possunt, quia ex natura sua non recipiunt eas conditiones, quæ generaliter ad præscriptionem requiruntur, vel ideo, quia ex speciali fine & ratione leges non permittunt eas præscribi, quamvis alioquin nihil obstar.

355. Prioris generis sunt Res sacræ, hoc est ad cultum Dei consecratæ, & sacris usibus applicatæ, cuiusmodi sunt templa, sacella, cæmeteria, vestes sacræ, cinerum conditoria. Item res Religiosæ, res publicæ, ut plateæ forum, pontes, publicæ viæ, &c. & generaliter quæ non sunt in hominum commercio, seu bonis privatorum. Si enim nemo potest eorum Dominus esse, quomodo poterit præscribere, cum præscriptio sit adjectio domini? *L. 9. ff. de Usucap.* [Usucapionem recipiunt maxime res corporales, exceptis rebus sacris, sanctis, publicis populi Romani & civitatum, item liberis hominibus.] Verum quod homo liber usucapi non possit, videtur alicui, non provenire ex natura rei, sed putè ex legis prohibitione & resistèntia. Ratio sic opinandi esse potest, quia in plurimis fidei textibus habetur, liberum hominem bonâ fide possideri, quæ possessio suos etiam iuris effectus habet, v.g. quod illius venditio valeat, cur non ergo posset lex permittere, contra talis hominis libertatem præscribi, cum defacto ratam habeat venditionem hominis liberi, quando se permittit vendi, ut de pretio participet? Nihilominus adhuc censeo, non immerito ijs accenseri, quæ ex natura rei dicuntur præscribi non posse; quia illa solum ex natura rei præscribi possunt permittente lege, quorum dominium altum penes Legislatorem est, huiusmodi autem dominium in hominem liberum non habet: quando autem aliquis in sui venditionem consensit, tunc ideo fit verè servus, quia homo est suæ libertatis Dominus.

356. Secundò præscribi non possunt Decimæ à Laicis, ut illis debeantur, nisi fortasse tempore immemoriali, & jure præsumpti tituli, qualis poterat subesse, & Ecclesia poterat Laico hoc ius ob magna merita concedere. Primum habetur *c. 15. de Decimis*. [Ad hæc donationem decimarum, quam Abbas cuidam loco concessit per successionem tenendam (quoniam sanctuarium de jure hereditario possidere non debet) viribus carere decernas, Laicum (nisi decimam ipsam ipsi Ecclesie libere resignaverit) vinculo excommunicationis

adstringas.] Et clarius *c. 7. de præscript.* ibi. *quia cum Laici decimas detinere non possint, eas nullâ valent præscribere ratione.*

357. Altèrùm membrum declarat Arnol'dus Rath *lib. 3. c. 4.* quia tempus cuius originem annorum serics & vetustas planè obruit, privilegium sustinet, ejusque præsumptionem inducit. *c. 1. de præscript.* in *6.* ibi. *Nisi tanti temporis allegetur præscriptio; cuius contrariis memoria non existat.* Quamvis enim centum, imò mille annorum possessio, ubi de non justo primordio constat, non muniat possessionis causam, ex quo tamen de ejusmodi exordio non constat, & talis res est, quæ ex causa laico acquiri possit (ut sunt etiam decimæ) existimari potest, quòd cum tot annorum intervallo nemo ipsi quæstionem moverit, iustam quoque iniri rationem fuisse: cum enim tam variis finibus, ex quibus instrumenta privilegii intercedere, vel interverti possunt, non convenit, Ecclesiam in tot humanæ conditionis casibus occasione suo alicum iure exutendi aucupari, & cum injuriâ illius posteritati decimas eripere, qui fortassis egregie de Ecclesia meritis sit. Et ita etiam sentit P. Layman. *lib. 4. tr. 6. c. 6. n. 5. & 8.* adveniens, ejusmodi decimas tanquam merè laicales, liberè non requisito Ecclesie consensu passim vendi, & instar aliarum rerum quotidie alienari.

358. Possunt tamen Laici præscribere immunitatem à solvendis decimis non solum tempore immemoriali, sed cum titulo etiam 40. annorum spatio, & non solum hoc verum est in personis particularibus, sed etiam in communitate, ut contra Covarruviam bene probat Rath *lib. 4.* quia passim consuetudine receptum est, ne de certis fructibus, ut pomis, feno, herbis, decimæ solvantur: quidni ergo in reliquis fructibus idem recipi posset? si quidem aliunde habeatur congrua sacerdotum sustentatio.

Hinc à paritate deducunt Legistæ communis contra Cravettam & alios, annuos census, & reditus spatio 30. annorum præscribi non solum quoad futuros, sed etiam quoad præteritos jam cessos, & non solum debitos ex oneroso contractu, sed etiam ex Legato aut fideicommissio. *L. cum notissimi. §. fin. de præscript.* 30. an. ubi æquiparantur. [In his etiam promissionibus, vel Legatis, vel aliis obligationibus, quæ dationem per singulos annos, vel menses, aut aliquod singulare tempus continent, temporaria memoratarum præscriptionum non ab exordio talis obligationis, sed ab initio cujusque anni vel mensis, vel alterius singularis temporis computari manifestum est.

359. Qui textus quamvis videatur probare, annuos reditus pro tempore futuro non præscribi, sed tantum illorum annorum, à quibus jam 30. anni elapsi sunt, quia tot censentur esse legata, quot anni, nihilominus huic textui opponitur *c. 4. de præscript.* De quarta decima, & obla-

*oblationis defunctorum Clericus ab impetitione Episcopi quadragesimali præscriptione temporis se posse necesse videtur.* ubi sermo est, tam de præteritis, quam de futuris, & cap. ad aures. 6. eod. ubi de decimis non solvendis dicitur, quod melior conditio sit possidentis immunitatem. quia quadragesimalis præscriptio omnem prius actionem excludit.

360. Ad textum ex lege notissimam, aliarum responder Arnoldus Rath, quod Justinianus ibi non velit currere præscriptionem ab initio obligationis, ita ut simpliciter lapsu 30. annorum obligatio finiat (sicut in præscriptione aliarum obligationum contingit) & ideo ait Justinianus, manifestum esse, quod tempora præscriptionis annui redditus hoc modo non computentur, non enim utiq; præscribentur illi redditus, qui post contractam obligationem aliquot annis sunt soluti. Vult ergo Justinianus, computari ab initio cuiusque anni, vel mensis: non quasi totidem sint præscriptiones, sed una tantum præscriptio, que ab eo anno vel mense, quo solutio facta non est, initium ducat.

361. Tertiò non potest præscribi fundus dotalis præscriptione longi temporis, nisi præscriptio inchoata fuerit, antequam inciperet esse fundus dotalis. L. 16. ff. de fundo dot. ibi. [Nam licet lex Julia, que vetat fundum dotalem alienari, pertineat etiam ad huiusmodi acquisitionem (per præscriptionem) non tamen interpellat eam possessionem, que per longam temporis sit, si antequam constitueretur dotalis fundus, iam coeperat: planè si paucissimi dies ad perficiendam longi temporis possessionem superaverunt, nihil erit quod imputabitur.]

362. Quæritio est, an idem dicendum sit de rebus dotabilibus mobilibus, earumque præscriptione triennali, & quidem non procedere in servis, habetur ex eo, quod maritus possit illos manumittere, L. 3. C. de iure dotium. ibi. *Manumittendi mancipia dotalia, constante Matrimonio liberam habeat maritus facultatem.* De reliquis rebus mobilibus negant aliqui post Baldum, eò quod lex Julia specialem mentionem fundi dotalis fecerit. Affirmativam tenet Arnoldus Rath, & probat ex l. 30. C. de iure dot. ubi dicitur, mulieri vindicanti non obstat exceptio, siue sit maior siue minor præscriptione decennali. ibi. [Omnis autem temporalis exceptio siue per usucapionem inducta, siue per decem, siue per viginti annorum circula, siue per 30. siue 40. annorum metas, siue ex alio quocunque tempore maiore, vel minore sit inducta, ea mulieribus ex eo tempore opponatur, ex quo possint actiones movere, id est opulenti quidem maritis constitutis post dissolutum Matrimonium, minus autem idoneis, ex quo hoc infortunium eis illatum esse clauexit.] Debebit ergo præscriptio incipere ex eo tempore, quo mulier potest actione hypothecariæ experiri contra bona maritorum, nempe si opulenti sint, post solum Matrimonium, si vero ad inopiam vergant, à tempore quo constitit de hoc infortunio. Hoc quidem dicit lex, sed non video, quomodo hinc inferri possit, non posse res mobiles dotales triennio præscribi saltem in casu posteriore.

363. Quartò, non possunt præscribi res, quæ testamento prohibentur alienari. L. fin. §. 3. C. Communia de Legatis. ibi. *Si nec usucapio, nec longi temporis præscriptio contra legatarium, vel fideicommissarium procedat.* Itaque res legata, vel ex fideicommissio debita, non potest contra legatarium aut fideicommissarium, seu substitutum præscribi ordinario tempore, bene tamen extraordinario triginta annorum, per argumentum à contratio sensu. Quomodo autem aliquis possit ex titulo colorato *Pro Legato*, præscribere rem contraheredem, supra dictum est.

364. Quintò, nec bona adventitia filiorum in quibus pater habet usufructum, & per consequens administrationem. L. 1. in fin. C. de annali excepti. ibi. [Sancimus filiisfam. in omnibus his casibus quibus habent res minime patribus acquisitas (quoad proprietatem) nullam temporalem exceptionem opponi, nisi ex quo exceptionem movere poterint, id est, postquam manu paternâ, vel ejus in cuius erant potestate constituti, fuerint liberati. Quis enim usufructu eos poterit, si hoc non fecerint, quod etsi maluerint, minime adimplere lege obviante valebant.] Itaque tempus computandum est post solum patrem potestatem, quia tunc primum possunt agere.

Dices: ergo ob eandem causam non debet currere præscriptio contra eos qui Reipublice causâ absunt, quia etiam non possunt agere. 2. De iure Canonico ita esse. Sed de iure Civili datur resurrectio in integrum, quia hi habent impedimentum facti, non iuris sicut filiisfamilias.

365. Sextò, Res pupillares, tam mobiles, quam immobiles, ne quidem longissimo tempore præscribuntur, ita ut tempus pupillaris ætatis computetur, quæ singularem favorem concesserunt Imp. in lege 3. C. de præscript. 30. ann. ibi. [Sed pupillari ætate duntaxat (quævis tutoris defensione consistat) huic eximenda sanctio. Nam cum ad eos annos pervenerint, qui ad solitudinem pertinent curatoris, necessariò eis similiter ut aliis annorum triginta intervalla servanda sunt.] Et hoc verum est, etiamsi præscriptio contra defunctum inceperit, nisi pupillo adhuc in utero existente completeretur, quia tunc adversus defunctum, non adversus pupillum impleti censeretur, nec iura volunt ob incertitudinem posthumum nascituri præscriptionem impedire, sufficit enim beneficium restitutionis illico concedi.

366. Septimò, contra Minores non currit præscriptio tempore ordinario, loquendo de præscriptione propriè dicta. nam impropria, ut annales, &c. quæ procedunt, salvâ restitutione

ne in integrum. *L. fin. C. in quibus causis rest. in integr. necess. non est. ibi. Melius est, intacta eorum iura servare, quam postvulneratam causam remedium querere.*

367. Octavo, non præscribuntur ordinario tempore res furto, aut vi ablatae (quamdiu vitium non purgatur) adeo quidem, ut etiam si per mille manus ambulasset, semper Dominus eam à possessore vindicare possit, nullo restituto pretio, præterquam expensis in sustentationem v. g. animalis factis. §. 2. *Inst. de Usucap.* [Furtivæ quæque res, & quæ vi possessæ sunt, nec si prædicto longo tempore possessæ fuerint, usucapi possunt.

368. Huc revocantur etiam ea, quæ contra legem Repetundarum dantur iudici, & deinde ad tertium bonæ fidei possessorem perveniunt: nam hæc perinde ut furtiva, nunquam nisi purgato vitio præscribuntur. *L. 8. ff. ad leg. Jul. Repetund.* Quod contra legem repetundarum Proconsuli, vel Prætori donatum est, non poterit usucapi.

369. Dixi. *Quamdiu vitium non purgatur.* quod pluribus modis fieri potest. 1. Si fur esset hæres illius cui furatus erat. *l. 42. Idem juris est, cum is qui rem furtivam vendidit, postea domino hæres existit.* 2. Si res ad dominum suum reversa fuerit post furtum, & denuò bonâ fide ab alio possideatur, sive deinde reversa fuerit formaliter sive æquivalenter, v. g. per receptam litis æstimationem, aut quancunque aliam satisfactionem. *l. 84. ff. de furtis.* [Quamvis res furtiva, nisi ad dominum redierit, usucapi non possit, tamen si eo nomine lis æstimata fuerit, vel furi dominus eam vendiderit, non interpellari jam Usucapionis ius dicendum est.]

370. QUÆRES 1. An si res aliqua non quidem furto formali seu per formalem attrectationem commissio, sed æquivalenter ad aliquem pervenerit, possit præscribi. v. g. Cajus mentitur se esse hæredem Pauli, qui habet rem aliquam depositam apud Petrum, hanc vendit Cajus Petro, poteritne Petrus præscribere? Respondet Arnoldus Rath c. 4. th. 18. de iure quidem antiquo posse, non item iure Iustiniano novo, saltè si ejus mente attentâ, quamvis verba aliquid postulare videantur. Rationem dat, quia talis non longè abest à labe furti, & factum ejus tantò potest censeri execrabilius, quòd fraudem legi facere voluerit. Contrarium tamen tenent apud eundem Castrensis & Aretinus, & meo iudicio probabiliter.

371. QUÆRES 2. Si debitor creditori suo pignus auferat, an pignus furtivum fiat, ita ut à tertio possessore cui v. g. illud vendidit, usucapi non possit. Aliqui, ut Cajacius & Iul. Pacius distinguunt inter pignus & hypothecam, & dicunt quod si pignus à creditore possessum auferatur, possit usucapi ideo, quia licet ablatio sit furtiva, quatenus tamen per eandem oblationem res redit ad suum dominum, purgatur vitium. Attrectatio verò hypothecæ existen-

tis apud ipsum debitorem, quæ sit per ejus venditionem contra jus creditoris, est ita furtiva, ut vitium non purgetur, quia non redit ad suum dominum, & ideo non poterit usucapi. Hæc tamen subtilitas mihi non placet: tum quia paradoxum est, eadem actione quâ furtum fit, vitium furti purgari, tum quia hoc modo res non redit propriè ad suum dominum, à quo nunquam abfuit ablata quoad possessionem civilem. tum denique etiam si in primo casu primum furtum purgaretur, quatenus tamen postmodum pignus destrahitur, iterum furtum committeretur, sicut in secundo casu, & hoc vitium non purgatur. Melius ergo respondent alii, tale pignus quoad proprietatem posse usucapi, non tamen quoad actionem hypothecariam. ratio est, quia quoad dominium & proprietatem non est factum furtivum, quia nemo potest sciens furari rem suam, sed bene quoad possessionem quam debitor creditori aufert & invertit, ut dictum est tr. 1. de Furto. & hoc modo intelligendum est textus *Inst. §. aliquando de oblig. quæ ex delicto.* Aliquando autem etiam sue rei furtum quis committit, veluti si debitor rem quam creditori pignoris causa dedit, subtraxerit. & conciliatur cum §. 21. legis 4. ff. de usucap. [Si rem pignori datam debitor subripuerit, & vendiderit, usucapi eam posse Cassius scribit, quia in potestate domini videtur pervenisse qui pignori dederit, quamvis cum eo furti agi potest, quod puro rectius dici. *¶ Cum leges. ff. pro emptore.* Si rem quam tibi pignoriavi, subripueris, eamque distraxero, de Usucapione dubitatur est, & verius est, utiliter cedere tempora usucapionis]

372. QUÆRES 3. An ancillæ furtivæ partus præscribi possit ab eo qui bonâ fide possidet ancillam. Distingendum est an fuerit conceptus apud furem, vel apud dominum ancillæ, vel apud eum qui ancillam possidet. Si primum, certum est, non præscribi, quia partus ille in utero existens non minus furtivus est, quam ipsa ancilla, & sicut sacculus unâ cum pecunia contenta. *arg. l. 77. ff. de furtis.* Qui saccum habentem pecuniam subripuit, furti etiam sacci nomine tenetur, quamvis non sit ei animus saccum furandi. ergo è contrario, qui ancillam alienam prægnantem furatur, etsi non sit ei animus furandi partum, tamen etiam hujus furti nomine tenebitur. *lege statim citanda.*

373. Difficultas ergo est, si ancilla post factam traditionem apud eum concepit, qui bonâ fide possidet. Et planè dicendum videtur, quòd possit usucapi, quia tempore furti commissi necdum existit. Ità habetur, *l. 48. §. 5. ff. de furtis.* [Ancilla si subripiatur prægnans, vel apud furem concepit, partus furtivus est, sive apud furem edatur, sive apud bonæ fidei possessorem, sed in hoc posteriori casu actio furti cessat, sed si concepit apud bonæ fidei possessore, ibique pepererit, eveniet, ut partus furtivus non sit, verum etiam usucapi possit.] Huic legi consonat *lex 9. ff. pro emptore.* Qui ob passionem libertatis an-

cillam



*cellam furtivam à servo accepit, potest partum ejus, quasi emptor ufucapere, & lex 10. sequens. ubi in formalibus terminis idem dicitur.*

374. Verùm his legibus è diametro contrarietate videtur *lex 4. §. 16. ff. de Vucap.* [Si servus meus ancillam quam subripuit, pro libertate sua mihi dederit, partum apud me conceptum ufucapere possum? Sabinus & Cassius non putant, quia possessio, quam servus vitiosè nactus sit, Domino noceret. & hoc verum est.] In his conciliandis desperat Nicolaus de Passeribus. Idem tacite fatetur Harpprecht. Mihi satis est, quòd pro data resolutione nostra sent tres aperti textus. Verùm, conciliatio potest haberi ex sequenti §. 18. ubi se Iure consultus declarat, quòd locus sit de possidente mala fide. *Si, inquit, antequam pariat, alienam esse rescierit emptor, diximus non posse eum ufucapere, quòd si nescierit, posse.*

375. QUÆRES 4. Quid juris sit in fœtu pecudum furtivarum. Bachovius in Treutl. de Vucap. th. 3. ad litt. B. *versu. Controversia.* defendit omnimodam paritatem inter fœtum & partum. E contra Arnoldus Rath tanquam certum supponit, nihil interesse, fuerit ne fœtus conceptus apud furem, aut Dominum pecudis, vel apud bonæ fidei possessorem, & proinde vitium non attendi, sed quia in fructu est, bonæ fidei possessori statim jure perceptionis indistinctè acquiri, sicut fructus aliarum rerum, & sic nullâ præscriptione opus esse. Et hanc sententiam veram existimo, sed non ita certam, ut Bachovii debeat improbabilis cenferi. Probat ut ergo. 1. *Ex l. 48. §. 2. ff. de acquir. rer. dom.* ibi. [Et ovium fœtus in fructu sunt, & ideo ad bonæ fidei emptorem pertinent, etiamsi prægnantes venierint, vel subreptæ sint. Et sanè quin lac suum faciat, quamvis plenius uberibus venierint, dubitari non potest, idemque in lana juris est.] Circa quem textum observandum est, quòd quidem sic habeat lectio Florentina, sed glossa ait, in suo manuscripto exemplari pro *Vel* esse legendum. *Quæ* & meo judicio hæc esset magis ad mentem Iuris Consulti, quia non satis apparet sensus & utilitas illius disjunctionis: quare in lectione glossæ difficultas omnis cessat, ut agnoscit Bachovius. Nihilominus etiam servata lectione Florentina hic ipse sensus esse videtur, alioquin debuisset Iureconsultus dicere: *vel non prægnantes subreptæ sint.* Quod colligitur ex sequentibus verbis de lana & lacte, ut consideranti patet.

376. Minus adhuc, meo judicio, stringit Bachovii sententiam quod assertur ex *l. 48. §. 6. de furtis.* ubi dicitur. [Ex furtivis equis nati statim ad bonæ fidei possessore pertinebunt merito: quia in fructu numerantur: at partus ancillæ non numeratur in fructu.] Ergo est discernere inter partum & fœtum. Ad hoc tamen facile respondetur, ex his duabus præmissis le-

gitimè quidem in ferri hanc consequentiam: ergo partus ancillæ non sit statim bonæ fidei possessoris: quod verum est, etiamsi lex ista loquatur de fœtu & partu concepto apud possessorem, quia partus debet primum præscribi, non item fœtus (nisi quoad irrevocabilitatem domini fructuum, de qua hic non est sermo) Vnde non improbabiler responderet, Bachovius, hunc textum accipiendum esse de casu quo equæ apud possessorem conceperunt, alioquin hic textus, seu §. 6. esset contrarius §. 5. præcedenti, ubi Vlpianus videtur in fœtu pecudum quoad prohibitionem ex vitio furti idem statuere, quod in partu ancillæ (nempe si apud furem concepti sint) *Idem inquit, & in pecudibus servandum est, & in fœtu earum, quod in partu.* Nempe si apud furem concepti sint, ut non possint præscribi, aut fieri possessoris. Ad hoc quidem respondent postea sententiæ patroni, nempe Cujacius, & Donellus, textum esse corruptum, & omissam part. *Non adeoque legendum. Non idem.* Connanus verò & Arnoldus Rath respondent, legenda hæc verba esse cum interrogatione: ad quam tanquam rationem dubitandi responderet J.C. in sequenti §. 6. jam relato. Itaque legendum esset, *an idem?* sed vel hinc apparet, merito potuisse Bachovio contrarium videri, insistendo verbis textus.

377. Nondè, præscribi non possunt ea quæ Principi, ut Principi conveniant, hoc est in recognitionem supremæ potestatis, ut sint tributa, vel aliz pensiones publicæ. *l. 6. C. de præscrip. 30. an. ubi sic statuitur.* [Comperit nostra Serenitas, quosdam sacratissimâ nostræ pietatis constitutionem, quæ de annorum 40. loquitur præscriptione, ad præjudicium etiam publicatum functionum solutionis trahere conari, & si quid per tanti, vel amplioris temporis lapsu, minime, vel minus, quàm oportuerat, tributorum nomine solum est, non posse requiri, seu profligari contendere, cum hujusmodi conamen manifestissimè sensui proposito quæ nostræ legis obviare noscatur, ideoque jubemus, eos qui rem aliquam per continuum annorum quadraginta curriculum, sine quadam legitima interpellatione possederint, de possessione quidem rei, seu dominio nequaquam removeri, functiones autem, seu civilem canonem, vel aliam quampiam publicam collationem eis impostam dependere compelli, nec huic parti N.B. cujuscunque temporis præscriptionem oppositam admitti.] Ex supradictis tamen constat, immemoriali tempore posse hujusmodi præscribi. *Contr. 4. §. 9. ubi dictum, quòd tantum tempus habeat vim privilegii.*

Decimò, non possunt Diocesani præscribere contra Episcopum ne visitentur, aut procurationem solvere teneantur. *c. 16. de Præscrip. ibi.* [Nos igitur eorum allegationem nullam penitus reputantes, cum contra procurationem, quæ ratione visitationis debetur, præscribi ne-

quiverit (*ne quidem immemoriali tempore ut patet ex preced.*) quemadmodum nec contra visitationem ipsam potest aliquo modo præscribi.]

378. Vndecimò, præscribi non possunt fines dioceseon, aut parochiarum, aut provinciarum, si de illis constet. *c. super eo de parochiis.* [Super eo verò, quod apud vos intelleximus dubitarum, an quod de finibus his, quæ finibus coherent, non præscribendis statutum per canones esse dignoscitur, sit in parochiarum limitibus, sicut in provincialibus admittendum: Respondemus, quòd benè videtur in utroque servandum, si fines legitimà probatione, vel aliàs indubitata fide constitit, Ecclesiasticà ordinatione statutos.]

## CONTROVERSIA VI.

### De Publiciana Actione.

#### SUMMARIUM.

**Causa & Vilitas Actionis Publicane.** 379. *An hæc actio nunquam detur ipsi Domino, qui rem jam usucepit, vel qui sine usucapione Dominus est.* 380.

*An detur hæc actio etiam adversus illum, qui eandem rem etiam titulo colorato acquisivit.* 381.

*An adversus illum, qui dolo malo desit possidere.* 382.

379. **IN**stit. de Actionibus. §. 4. hujus Actionis causa & utilitas sic proponitur. [Namque si cui ex iusta causa res aliqua tradita fuerit (velut ex causa emptionis, aut donationis, aut dotis, aut legatorum) & necdum ejus rei Dominus effectus est, si ejus rei possessionem casu amisit, nullam habet in rem directam actionem ad eam persequendam, quippe irà prodita sunt jure civili actiones, ut quis dominium suum vindicet. Sed quia sanè durum erat, eo casu deficere actionem, inventa est à Prætorè actio, in qua dicit is, qui possessionem amisit, eam rem se usucepisse, quam usu non cepit, & ità vindicat suam esse. Quæ actio Publiciana appellatur, quoniam primò à Publico Prætorè in edito proposta est.] Editum verò Prætoris habetur l. 1. ff. hoc tit. Ait Prætor. *Si quis id quod traditur ex iusta causa non à Domino, & nondum usucaptum petat, iudicium dabo.* Merito dicit: *nondum usucaptum.* Nam si usucaptum est, habet actionem civilem, Rei Vindicationem, adeoque non habet opus honorarià. Hinc

380. **QUÆRITUR** inter Legistas 1. *An hæc actio nunquam detur ipsi Domino, qui rem jam usucepit, vel qui etiam sine usucapione rei Dominus est. & quamvis A. A. dissentiant, conciliari tamen faciliè possunt, si dicamus cum*

RR. inspectis juris apicibus non competere domino, ut manifestè patet ex textibus relatis. At verò, de Iure Canonico & consuetudine, propter difficultatem probandi dominium, etiam vero Domino hanc actionem concedi, & usitatum esse eam cum rei vindicatione in libello coniungi his verbis. *iure domini, vel quasi:* ut habetur cap. 3. de sent. & re judic. in 6. & explicat ibi glossa.

381. **QUÆRITUR** 2. *An detur hæc actio etiam adversus illum, qui eandem rem etiam titulo colorato acquisivit. & Respondetur Negative. Quia in hoc casu melior est conditio possidentis, quam petentis, ut habetur l. 9. §. 4. h. 1.*

Excipitur tamen ille qui *Pro herede* possidet, cum reverà hæres non sit, contra hunc enim dari Publicianam communis est sententia, contra Gomez. Rationem dant, quia titulus *Pro herede* Verbotenus tantum titulus est, at reipsa non est, ut tener glossa & Bartolus in l. *pro herede* 11. ff. de pet. heredit. Probatur etiam hoc argumento. Petitio hereditatis datur contra eum, qui possidet *pro herede*. atqui petitio hereditatis non datur contra habentem titulum: ergo *pro herede*, non est titulus, & hinc solvitur argumentum Gomezii, qui malè confundit titulum coloratum cum existimato. Vnde etiam mihi dicendum videtur, si verba legum spectemus, Publicianam actionem non competere omni illi, qui habet sufficientem titulum ad usucapiendum, qualem plerumque esse etiam titulum existimatum supra diximus, sed requiri coloratum. Quamvis ex æquitate, & saltè ut utilis videatur etiam concedenda illi, qui habet titulum solum existimatum.

382. **QUÆRITUR** 3. *An detur adversus illum qui dolo malo desit possidere. p. Affirmativè, sicut de Rei vind. dictum est. Vnde petitur hac actione non solum res ipsa, sed unà cum fructibus perceptis, damnis, interesse, & expensis, de quibus tamen Judex arbitrabitur.*



CONTROVERSIA VII.

De Actione Rescissoria.

SUMMARIUM.

**A**D quid deur Actio Rescissoria. 383.  
Quantum temporis concedatur ad hanc actionem  
instituenam. 385.  
Ob quas alias causas detur. 386.  
An semper sit Realis. 387.

383. **R**ursus ex diverso, si quis cum Reipubli-  
cæ causâ abesset, vel in hostium potesta-  
te esset, rem ejus, qui in civitate esset, usucepe-  
rit, permittitur Domino, si possessor Reipubli-  
cæ causâ abesse desierit, tunc intra annum re-  
scissâ usucapione eam petere: id est, ita petere,  
ut dicat, possessorem usû non cœpisse, & ob id  
suam rem esse. §. 5. *Inst. de Act.*

384. Hac ergo actione agitur ad rem usu-  
captam, quasi nunquam fuisset usucapta, rescis-  
sâ imprimis usucapione: quâ per officium Judi-  
cis rescissâ petitur deinde, ut res sibi restituitur,  
tanquam sua, perinde ac si nunquam usucapta  
fuisset.

Est ergo hæc in rem actio priori è diametro  
contraria, nam Publiciana convenit illi qui est  
in usucapiendo, hæc verò est contra illum qui u-  
sucepit, & convenit illi contra quem completa  
est usucapio. Aliter exprimunt hanc contrarie-  
tatem Juristæ, & dicunt, quòd sicut Publiciana  
dicit rem esse usucaptam, quæ fortassis usucapta  
non est, ita Rescissoria dicit non esse usucaptam,  
quæ reverâ usucapta est. Hoc quidem verum  
est in effectu, sed non est necesse libellum hoc  
modo concipi, ut videre licet apud Brodero-  
dium.

385. **Q**UÆRITUR 1. Quantum tem-  
poris concedatur ad hanc actionem institu-  
endam. Multi putant, in hac actione duo reme-  
dia & judicia contineri, primum vocant *Rescin-  
dens*, quo fit rescissio usucapionis, seu restitutio  
in integrum. alterum vocant *Rescissorium*, quò  
post factam rescissionem, seu ablato inpedimen-  
to petitur res ipsa ut restituitur, & est in effectu  
Rei vindicatio.

Priori actioni volunt competere quadri-  
ennium, alteri annum utilem. Huic tamen o-  
pinioni tam quoad subtilitatem, quàm quoad  
rem ipsam contradicit Harpprecht. Nam quan-  
do à Magistratu redditur hæc actio Rescissoria,  
tacitè & reipsâ simul usucapio rescinditur. De-  
inde hæc actio hodie habet quadriennium, trans-  
fuso in hoc quadriennium anno utili, quò o-  
lim dabatur. *lege fin. C. de temporib. in integr. i-  
bi.* [Supervacuum differentiam utilis anni à  
nostra Repub. separantes sancimus, quadri-  
ennium continuum tantùm numerari ex die ex quo  
annus utilis currebat.]

386. **Q**UÆRITUR 2. An sint etiam  
aliæ causæ præter absentiam Reipub. & captivi-  
tatis causâ, ob quas detur hæc actio. *æ.* Affir-  
mative, dicente Iust. in §. cit. *Quod genus actio-  
nis quibusdam & aliis.* hujusmodi est, si quis stu-  
diorum causâ abest.

387. **Q**UÆRITUR 3. An hæc actio  
semper sit realis, vel aliquando etiam personalis.  
*æ.* Sicut Realis tunc est, quando loco realis a-  
ctionis, v.g. rei vindicationis substituitur, ita  
erit Personalis, quando quis petit rescindi præ-  
scriptionem actionis Personalis, v.g. actio-  
nis injuriarum, quam ob absentiam  
non potuit instituere.



## CAPUT III.

## DE HÆREDITATIBUS, QUÆ AB INTESTATO DEFERUNTUR,

## DE SUCCESSIONE AB INTESTATO.

## CONTROVERSIA I.

Quid sit, quàmque diversa fuerit olim & nunc sit Successio  
ab Intestato.

## S V M M A R I V M.

**Q**Uis dicatur Intestatus decedere. 388.  
Quo sensu dicantur intestati, qui jure non  
possunt testari. 390.  
Statutum de Intestatis etiam de talibus procederet.

391.  
Quinam dicantur Agnati. 393.  
Antiquus succedendi modus variè correctus posterioribus  
Juribus. 394.

Novellâ 118. Constituti tres ordines: Descendentium,  
Ascendentium, Lateralium. 397.

Quomodo in successione computentur gradus. 398.

388. **I**ntestatus, inquit Iustinianus Princ. Inst.  
h. t. decedit, qui aut omnino Testamentum  
non fecit, aut non jure fecit, aut id quod fecerat,  
ruptum irritumve factum est, aut si ex  
eo nemo hæres exstiterit. Brevius diceretur intestatus,  
qui caret hærede testamentorio. hoc itaque  
deficiente succedunt ab intestato illi, & eo  
ordine, qui & quo à lege vocantur ad hæreditatem,  
unde & Successio legitima dicitur.

389. Inutilem prorsus quæstionem de vocabulo  
movent hic non ignobiles cæteroquin Iuristæ,  
an illi, qui cum jure testamentum facere non possent,  
quales sunt impuberes, prodigi, furiosi, & hujusmodi, Intestati dicendi  
sint.

390. Certum equidem est, tales non esse  
intestatos privativè, ob defectum potentie, nihil  
tamen prohibet eos dici intestatos negativè, sicut  
etiam terra, quæ nullâ arte colipotes, solet  
inculta vocari. Unde Vlpianus in lege 1. ff. de  
suis & legitimis. sic loquitur. *Planè qui testari  
non potuit, propriè non est intestatus, puta impubes,*

*furiosus, vel cui bonis interdictum est, sed hos quoque  
pro intestatis accipere debemus.*

391. Vnde mihi indubitanter dicendum  
videtur, contra Baldum, Jo. Fabr. Decium &  
alios, quod si statutum aliquod existeret, ut bona  
ejus qui ab intestato decedit, proximis agnatis,  
exclusis cognatis, acquirantur, etiam de talibus  
intelligendum esset, quia consuetudo loquendi  
tales etiam intestatos vocat, idemque in  
ipsis juris textibus quam plurimis videre est, ut  
l. 4. ff. qui per. tur. l. 14. ff. ad leg. Falc. l. 2. §. impuberem ff. ad S. C. Tertul. l. 27. C. de Testam. l. 45.  
ff. de vulg. & pupill. substit. l. 10. C. de legit. hæred.  
& alibi. & sufficere debet, quod Vlpianus dicat,  
pro intestatis accipiendos esse.

392. In hac successione ab intestato tantæ  
semper in Iure varietas fuit, quanta vix alia.  
Quod ut in compendio appareat, triplex Ius distinguendum  
est. primum Ius antiquissimum Legg. XII. tabul. secundum Ius Pandectarum &  
Codicis. tertium Ius Novum, sive Novellarum. Primum Ius XII. tabb.  
fecit differentiam inter ingenuos & libertinos, & ingenuorum duos tantum  
ordines constituit, unum Suorum, alterum Agnatorum. Suorum nomine  
venerunt constituti in patria potestate, sive reipsâ, sive spe, ut  
posthumi, & etiam adoptivi. hi ita vocabantur ad successionem,  
ut neque sexus discrimen esset, neque gradus attenderetur:  
hoc tamen attendere, ut siquidem primo gradu soli essent,  
hæreditas divideretur in capita: si insuper ultiores, vel soli ultiores,  
in stirpes hæreditas divideretur. habentur hæc in §. 6. Inst. h. t.

393. Agnati sunt per virilis sexus personas  
sanguine juncti. hos, deficientibus suis vocabatur



cabat lex XII. tab. sine discretione quidem sexus, sed non sine præminencia gradus. semper enim proximior excludere remotiorem; ulque adeo, ut si proximior repudiaret hereditatem, non haberet locum succellio de gradu in gradu: quamvis, si plures essent ejusdem gradus, daretur jus accrescendi, uno repudiante. Si verò nec sui, nec agnati existabant, hereditas erat vacans, & caduca, ac publicata in fîscum redigebatur.

394. Hic succedendi modus utpote admodum restrictus, correctus est Iure Digestorum & Codicis, deinde Institutionibus inserto. Et imprimis prætor emancipatis subvenit, & cum suis per bonorum possessionem *Unde liberi*: ad successionem admittit. quam Prætoris æquitatem retinuerunt & secuti sunt Imperatores sub titulo Codicis: *Unde liberi*.

395. Post hæc Senatus consulto Orphitiano filii & filię (quod lex XII. tab. negabat) ad hereditatem matris ab intestato venerunt. Tertiò, ex Constitutionibus, liberi legitimi. Quartò ex iisdem Constitutionibus Divi Marci, descendentes per sexum scæminum, primum cum diminutione trientis, si Sui aderant, aut quadrantis, si aderant agnati, deinde cum sola diminutione trientis in concursu cum suis. Hos igitur liberos Prætor, Senatusconsultum, & Constitutiones in ordinem *Suorum* collocârunt, non ut fierent *Sui*, sed ut inter *Suos* vocarentur, quoties de hereditatis distributione ageretur. Inst. pr. de legit. agnat. successionem. Si nemo *sui* hæres, vel eorum quos inter suos hæres prætor vel Constitutiones vocant, existat, qui successionem quoquo modo amplectatur, &c.

396. Pari modo quædam personæ in ordinem agnatorum translatae sunt. Imprimis Mater, quæ, cùm liberis intestatis agnata non esset, antiquissimo jure succedere non poterat. Hoc correctum est per Senatusconsultum Tertullianum, cujus hæc est summa. Ut mater tribus liberis honorata si sit ingenua, aut quatuor, si sit libertina, filio suo succedere possit ab intestato, dummodo liberos post se non relinquat, vel pater aut frater non concurrat. Deinde etiam & aliæ personæ de quibus in §. 4. Inst. eod. ibi. [Sed etiam germanæ consanguinæ, vel sororis uterinæ filius & filia soli, & non deinceps personæ unâ cum his ad jura avunculi sui perveniant. & mortuo eo qui patruus quidem est sui fratris filius, avunculus autem sororis suæ soboli simili modo ab utroque latere succedant, tanquam si omnes ex masculis descendentes legitimo jure veniant, scilicet ubi frater & soror superstites non sunt. His etenim personis præcedentibus & successionem admittentibus, cæteri gradus remanent penitus lemoti, videlicet hereditate non in stirpes, sed in capita dividenda.

397. Post ordinem suorum & agnatorum, fecit prætor tertium Ordinem, qui est Cognatorum, hæc est qui vel per feminas nobis

conjuncti sunt, vel per masculos quidem, sed qui per diminutionem capitis jura agnatonis amiserunt, quales sunt emancipati. Verùm relictis his sicut & Iure Successionis Libertorum, & Patronorum ad Ius novissimum accedamus.

Itaque Iustinianus Imperator anno Imperii sui decimo septimo, qui est salutis aænis quingentesimus quadragessimus tertius, & decimus post compilatum librum Institutionum, edidit Constitutionem, quæ est Novella 118. famosissima, in qua jus antiquum in plerisque reformavit, & tres fecit Ordines. Primus est descendendum, secundus ascendendum, tertius ex latere conjunctorum. Verba Novellæ successivè in sequentibus dabimus.

398. Notandum autem est, quòd, cùm in hac successionis prælatione veniat in considerationem vicinitas in gradu consanguinitatis, gradus isti non computentur more Iuris canonici, observari solito in matrimonio, sed more Iuris Civilis, quod in utroque foro observatur in negotio Successionis. In lateralibus enim (de linea recta non est difficultas) enumerantur & colliguntur tam gradus quibus unus distat à communi trunco, quàm etiam gradus quibus alter distat: hinc fratres sunt in secundo gradu, quia unusquisque uno gradu distat à trunco: nepos & patruus sunt in tertio gradu, quia nepos distat duobus gradibus à stirpe communi, & patruus uno, patruus sunt in quarto gradu, quia quilibet distat duobus gradibus; & sic de cæteris.

## CONTROVERSIA II.

### De Successione descendendum.

#### SUMMARIUM.

**D**escendentes etiam non constituti in potestate, etiam mediati, etiam femina, vocantur ad successionem. 400.

Existentes in eodem gradu succedunt in portiones viriles. 401.

Mediati succedunt jure representationis. 402.

Ratio, cur descendentes primo loco succedant. 404.

Ius Representationis competis etiam abnepotibus, & ultra. 407.

Quomodo succedant Nepotes diversarum linearum. 414.

Extenditur etiam ad pronepos, & ulteriores, cum proportionem. 415.

Utrum Nepos debeat esse conceptus vivo patre, ad hoc ut ad successionem admittatur. 416.

Si filius hæres suus ablineat, an Nepos avo succedat saltem ut agnatus, excludens ascendentes & laterales, concurratque jure representationis cum fratribus patris & matris. 423.

In quibus succedant legitimatæ per subsequens Matrimonium. 427.

*De legitimatis Referipto Principis aliud Ius obtinet.*

428.

*An succedant cum legitimis natis post legitimisationem.*

429.

*An excluduntur feminas vigore statuti, quo mares excluduntur feminas.*

432.

*Adoptivus specificè dictus succedit adoptanti ab intestato.*

436.

*Dissoluta adoptione facta ab extraneo, cessat ius succedendi.*

437.

*An talis adoptatus una cum iure succedendi adoptanti, habeat ius succedendi etiam patri naturali.*

438.

*Arrogati, si non emancpentur, succedunt sicut legitime nati, si emancpati, succedunt in quartam alodialium.*

440.

*Adoptivi non admittuntur ad successionem agnatorum & cognatorum defuncti Adoptantis.*

441.

*Legitimi excluduntur penitus legitimos, qui tamen sunt alendi.*

442.

*Repelluntur etiam si defunctus reliquit uxorem legitimam sine prole.*

443.

*Extra hos casus succedunt una cum matre in duas uncias.*

444.

*Quomodo succedant naturales illegitimi avo paterno, sive pater fuerit filius legitimus, sive naturalis.*

446.

*Filius naturalis equaliter cum aliis matri succedit.*

451.

*Spurii aliter accipiuntur Iure Civili, aliter Iure Canonico.*

453.

*Spurii strictè, & Canonice sumpti, nec patri, nec matri succedunt.*

454.

*Imò nec latere conjunctis, nec è converso succedunt.*

455.

## §. I.

### Certa præmittuntur.

399. **N**OVELLA 118. capite primo sic habet. [Si quis igitur descendendum fuerit ei qui intestatus moritur, cujuslibet naturæ aut gradus, sive ex masculorum genere, sive ex feminarum descendens, & sive suæ potestatis sive sub potestate sit, omnibus ascendentibus & ex latere cognatis præponatur. Licet enim defunctus sub alterius potestate fuerit, tamen etiam filii, cujuslibet sexus sint aut gradus, etiam ipsi parentibus præponi præcipimus, quorum sub potestate fuerit, qui defunctus est, in illis videlicet rebus, quæ secundum nostras alias leges partibus non acquiritur, nam in usu (id est usufructu bonorum advenientium) harum rerum qui debet acquiri aut servari, nostras de his omnibus leges parentibus custodimus; sic tamen ut si quem horum descendendum filios relinquentem mori contigerit, illius filios aut filias, aut alios descendentes in proprii parentis locum succedere, sive sub potestate defuncti, sive suæ potestatis inave-

niantur: tantam de hereditate parentis accipientes partem, quantumque sint, quantum eorum parens si viveret habuisset: quam successionem in stirpes vocavit antiquitas, in hoc enim ordine gradum quartum volumus, sed cum filiis & filiabus ex præmortuo filio aut filia nepotes vocari sancimus; nullâ introducendâ differentiâ sive masculi, sive feminae sint, & seu ex masculorum seu feminarum prole descendant, sive suæ potestatis, sive sub potestate sint constituti.] Ex hac Constitutione aliqua sunt certa, aliqua remanent dubia.

400. Certum est 1. Descendentes, sive sint sive non sint in patria potestate constituti, sive immediati sive mediati, sive mares sive feminae, vocari ad successionem, & exclusi penitus tam ascendentibus quam lateralibus, quantumvis gradu proximior conjunctis.

401. Certum est 2. Si descendentes sint in eodem gradu existentes, succedere in portiones viriles, seu in capita; & si habeant ex illis aliqui etiam proles, has à suis parentibus existentibus excludi.

402. Certum est 3. Si tamen ex immediatè descendentibus aliquis decessisset, relicta prole, hanc jure representationis accipere totam portionem, quam parens accepisset si supervivisset, adeoque partem virilem, & æqualem portionibus cæterorum immediatorum.

403. Certum est 4. Si immediatus defunctus plures liberos reliquisset, hos non in capita cum immediatis succedere, sed in stirpes, hoc est, inter illos esse dividendam illam portionem partemque virilem, quam parens accepisset, si vixisset.

404. Ratio seu congruentia præferendi descendentes reliquis, hæc redditur, quia filius representat patrem aut matrem tanquam imago illius, & per liberos perpetuat memoria parentum, à quibus sicut accipit substantiam sui individui, sic convenit, ut etiam accipiat substantiam bonorum, siquæ meminisset, cui se suæque deberet. lege liberorum in f. ff. de V. S. ibi. *Etenim idcirco filios filiasve concipimus atque edimus, ut ex prole eorum æternæ diuturnitatis nobis memoriam ævum relinquamus.*

405. Hæc ratio quia etiam de posthumis procedit, hinc est quod etiam posthumum succedant perinde ac jam nati, modò tamen & ipsi vivi nascantur. Quæ dicta sunt, procedunt, ut æqualiter succedant liberi, qui ex eodem matrimonio sunt nati; sin autem ex diverso, liberi diversi matrimonii succedunt parentibus suis præ omnibus, in bonis dotalibus illius matrimonii, & lucris nuptialibus illius. l. 9. C. de secund. nupt. & auth. ad eos. ibid. *Ad eos solos etiam nunc pertinet, & si quis ex eis præmoriatur relicta sobole, portio ejus ad eam deferretur.* Idem habetur Nov. 22. c. 29.

§. II.

*An jus representationis in descendantibus in infinitum extendatur.*

406. **S**ejus, ex ca. habuit duos filios, Sempronium & Cajum. Sempronius relicto filio moritur ante Seium, imò & hic ipse filius iterum relicto filio moritur, & hic iterum filio relicto (qui erat abnepos Seii) moritur ante Seium, quæritur, an hic abnepos iure representationis succedat Seio unà cum Caio adhuc existente. Bartolus in *L. 1. §. 5. ff. de suis & legit.* contendit, hoc ius representationis non extendi ultra pronepotem, adeoque abnepotem exclusum iri à Caio. Eundem secuti sunt Ang. Faber, & videri alicui posset eandem fortiter tueri Ant. Gomez *Resol. 10. l. c. 1. n. 15.* qui sic incipit. *Item adde, quòd predicta representatio non datur, nec habet locum nisi usque ad pronepotes.* Deinde hoc probat per integram columnam. Repente tamen invertit, & oppositum tenet, ut videri posset inter scribendum mutasse sententiam, & meritò, quia contraria verior est. Itaque

407. **D**ICENDUM est, iure præsentationis gaudere quosvis descendentes etiam abnepotes & ultra, & ad successionem cum propioribus descendantibus admitti. Imprimis autem ita statuit Justinianus in *§. ultimo Inst. h. t.* ibi. [Nostrà autem constitutione promulgatà toti iuri ejus derogatum est, & sanximus, talibus nepotibus ex filia, vel pronepotibus ex nepre, & deinceps superflitis agnatos nullam partem mortui successionis sibi vindicare.] Sed quia in hoc passu debet semper præ omnibus attèdi relata Novella, sanè illa in versu sic tamen satis clarè hoc dicere videtur, si quem descendantium filios relinquentem mori contingerit, illius filios, aut filias, aut alios descendentes in proprii parentis locum succedere. Quæ sanè est extensio indefinita ad omnes descendentes.

408. Probatur deinde ratione. Quia non est major æquitas ratio, cur nepotes unius descendantium concurrant cum immediato ascendente superflite, & non ulteriores: cur enim illi habeant jus representandi patrem, & non etiam pronepotes & abnepotes? certè in his non minùs propagatur memoria defuncti, quàm in nepotibus, imò magis.

409. Confirmatur. Pronepos decedens ante apertas tabulas, transmittit hæreditatem à proavo sibi relictam in suos liberos, ità ut si ante apertas tabulas moreretur, transmitteret. *L. un. C. de his qui ante apertas tab. hered. transmitt.* ibi. *Jubeamus filios nepotes pronepotes scriptos heredes, licet ante apertas tabulas defuncti (sive se noverint scriptos heredes sive ignoraverint) in liberos suos, derelictam hereditariam portionem transmittere.* Ergo multò magis filius pronepotis representabit suum patrem. Consequentia probatur. Quia re-

presentatio faciliùs quàm transmissio introducit, ut colligitur ex *l. 3. C. de suis & leg. lib. junctà lege 4. C. qui admitti ad poss.* nempe transmissio quæ fit ab ignorante se heredem esse.

410. Denique non malè argumentatur Gomez. Tantùm reperimus, quòd in linea laterali est coarctata representatio usque ad tertium gradum, & sic usque ad filios fratrum, ut infra probabitur: atqui in linea descendantium non reperitur aliqua coarctatio representationis: ergo concessa est in infinitum. Propter hæc sententia nostra jam inter R.R. ità invaluit, ut non facile invenietis dissentientem, quamvis in praxi rara sit illius utilitas, cum vix inveniat alicui abavus.

411. Objicitur tamen 1. Quòd in *§. 6.* Instit. h. t. jam suprà relato tantummodo Nepotum & Pronepotum fiat mentio. Ergo non debet ulterius extendi. Respondent Juriste, exempli causà tantùm fuisse mentionem factam pronepotum, exempla autem non restringere regulam. Alii meliùs dicunt, ideo non fuisse factam mentionem abnepotum, quia vix unquam tales reperiuntur, qui habeant vivum abavum. Omnium expeditissimè respondetur in hoc puncto standum esse Novellæ 118. quæ, ut suprà monui, decem annis post Institutiones compilatas emanavit, & omnibus anterioribus jurbus regulam posuit, in ea autem habetur adjecta part. *Deinceps.*

412. Objicitur 2. *Lex 23. §. 1. ff. de bonis libertorum* ubi nepotes patroni ad liberi successionem non admittuntur, quàmvis filius patroni adest, & additur ratio: *Quia proximum quemque ad hereditatem liberti vocari manifestum est.* Ineptum esse argumentum in negotio successionis à libertis ad parentes, quasi illorum interfit, bona sua ad liberos patronorum pervenire, sicut, interest parentum ad liberos suos sua bona transferri. Accedit, quòd ius patronatus non deferatur jure hæreditario *arg. l. 7. §. 6. ff. de operis libertorum.* Et sanè argumentum manifestè nimium probaret, ut bene observavit VVurmserus, probaret inquam, representationis jus in successionem paternam in descendantibus penitus nullum esse, nam filio patroni superflite nepotes excluduntur.

413. Objiciet quis 3. Hanc esse questionem de casu Metaphysico, cui non debebat propicere Legislator. In hoc puncto subtiliter advertit Harpprecht, questionem hanc utilissimam esse in materia fideicommissi per testatorem descendantibus sive familiæ relicti. Nam hujusmodi fideicommissum devolvitur ad illos, qui post mortem unius è familia primò illud obtrinentis, ab intestato tanquam proximioris defuncto succedunt. *L. 32. §. fin. ff. de legatis. 2.* [In fideicommissio quod familiæ relinquitur, hi ad petitionem ejus admitti possunt, qui nominati sunt, aut post omnes eos extinctos, qui ex nomine defuncti

fuerunt eo tempore, quo testator moreretur, & qui ex his primo gradu procreati sint, nisi NB. specialiter defunctus ad ultiores voluntatem suam extenderet.] Fingamus ergo fideicommissum ad nepotem tanquam proximorem esse devolutum, cumque mori superfutibus pronepotibus & abnepotibus defuncti testatoris fideicommissum instituentis, hic abnepotes unâ cum pronepotibus acquirunt fideicommissum, lure representationis, intrantes in locum suorum parentum.

414. **QUÆRES.** Quomodo succedant Nepotes diversarum linearum, seu ex diversis filiis jam defunctis. Videri possent succedere in capita, partesque viriles ac æquales, etiam si ex uno filio essent plures, quam ex altero: quia non succedunt tunc lure representationis, sed lure suo, & iure gradus proximi, cum nemo exstet propinquior, ut supponimus. Nihilominus cum communi respondendum est succedere in stirpes, adeoque si ex uno filio sint v. g. quinque, ex altero unicus nepos, hic recipiet medietatem hereditatis, & reliqui quinque inter se dividunt alteram medietatem. Itâ docent ex communi Schneidewein, Mynsinger, Manzius, Broderodius, Antonius Perez in tit. *C. de suis & legitim. hered.* & habetur expressè in l. 1. c. eod. *Nepotes ex diversis filiis varii numeri avo succedentes ab intestato non pro virilibus portionibus, sed ex stirpibus succedunt.* Ad rationem dubitandi respondetur cum Perez, eò quod sint in linea descendenti, magis est, ut inter eos ius representationis videatur perducere, ex communi illo naturæ voto, & sic itâ continuatione domini, quâ hereditas adhuc avo vivo pertinuisse videtur ad patrem ipsum, ac proinde per illum mortem transmitti ad posteriores, itâ ut non tam avo, quam patri, aut saltem avo ex iure patris succedere videantur.

415. Extenditur autem hæc regula etiam ad pronepotes, & ultiores, sed cum debita proportionem, quia possunt esse in gradu inæquali, v. g. nepotes ex uno, pronepotes ex diversis nepotibus alterius filii, qui non representant immediatè eundem, sed diversos, unde fieri potest, ut propter inæqualitatem numeri etiam diversas, & inæquales portiones singuli consequantur.

### §. III.

*Verum Nepos debeat esse conceptus vivo patre, ad hoc, ut ad successionem admittatur.*

416. **C**asum hunc non vult tractare Card. de Lugo n. 176. quia est magis Metaphysicus, quam moralis. Verum casus non est negligendus, qui à Juristis communiter tractatur, & quidem Antonius Gomez a. 10. talè affor-

te exemplum; quando avus decessit, & reliquit filium heredem ex testamento, vel ab intestato, qui dum esset deliberans, habuit descendentem, & repudiavit hereditatem patris, tunc ille descendens, quia conceptus est post mortem avi: **QUÆRITUR** an possit avo succedere, & reverâ sit hæres illius; quem casum etiam ponit Inola, & dicit esse valde notabilem. Secundum exemplum (quod Gomez vocat subtile) sit hoc. Avus exheredavit filium, & extraneum heredem instituit, & post mortem avi filius exheredatus decessit, relicto filio concepto post mortem avi, & postea hæres scriptus repudiavit hereditatem, quo casu & instanti quo hereditas fuit repudiata, avus testator videtur decessisse ab intestato, & ex illo instanti hereditas illius defertur successoribus ab intestato: quæritur ergo an deferatur præ aliis illi nepoti? Habetur hic casus paucis mutatis in lege si quis filio exheredato. 6. ff. *de injusto rupto facto testam.* [Si quis filio exheredato, nunc prægnante relicta decesserit, & extraneum sub conditione instituerit, & pendente conditione post mortem patris, vel deliberante hærede instituto de adunda hereditate, exheredatus filius decesserit, nepos fuerit natus, an rumpat testamentum: & dicemus testamentum non rumpi, cum nec exheredari huiusmodi nepos deberet ab avo quem pater præcedebat.] Dixi paucis mutatis. Reverâ enim casus loquitur de nepote jam concepto, sed necdum nato dum viveret avus. sed casus faciliè mutatur, & dicitur, fuisse nepotem conceptum post mortem avi.

417. Itaque negativam defendit Ant. Gomez n. 8. circa medium, dicens, se resolvere *Magistraliter*. Gomezio adimpulatur Antonius Perez, & P. Gabr. Vasq. de Testam. c. 4. §. 1. à n. 7. Harpprecht. §. 8. Inst. h. t. n. 4. Bacchovius in Treult. de success. th. 1. lit. G. §. an nepos.

Affirmativam tenet VVurmserus lib. 3. Tit. 1. contr. a. & ante eum Forsterus aliique, quibus cum Treult. accedit Hunnius c. 11.

418. Cæterum, aliqui ex sententia negante adhibent tandem limitationem & distinctionem, & dicunt, quod quidem nepos ex propria persona ad successionem avi non admittatur, si post mortem ejus conceptus sit, ex persona tamen patris quem representat, admittendus sit ex virtute transmissionis, & iure sanguinis. Itâ Gomez, & ex eo Vasquez & Ant. Perez, necnon VVurmserus, quam tamen distinctionem explodit Bacchovius. Et ego quoque libenter dicere hanc distinctionem plus habere subtilitatis, quam utilitatis, nec credo, quod Auditores secundæ sententiæ plus velint, quam talem nepotem succedere iure sanguinis.

419. Censet itaque hoc sensu veram esse sententiam affirmativam, & talem nepotem



verè successurum, etiam in casu quo pater exheredatus fuisset.

Probat 1. In hoc negotio præ oculis habenda maxime est Novella 118. ubi cum Imperator antiqua jura reformasset, simpliciter, & omni sublato discrimine, filios & nepotes, ceterosque descendentes ad ascendentium successione vocavit; atqui non dissimulasset istam circumstantiam conceptionis tempore vitæ avi, si eam necessariam duxisset.

420. Confirmatur Quia non sine causa videtur dixisse & statuisse Imperator in eadem Novella ut descendentes succedant, *cujuscumque sint gradus*; voluit ergo & trinepotes suis tritavis succedere, & sic de cæteris, quos moraliter est impossibile conceptos esse tempore tritavi. Talis itaque nepos succedit jure sanguinis, hoc est, quia ex sanguine avi descendit, non enim minus ex ipsius sanguine descendit, si fuerit conceptus post mortem avi, quam si fuisset conceptus vivente avo: nunquid enim vita avi conferret aliquid ad influxum illius generationis? unde merito dixit VVurmserus, nec Imperatorem hoc posse negare, & immerito irascitur Harpprecht VVurmsero, quod non erubuerit hoc dicere.

Libenter etiam ex adversariis intelligerem, an non succederet filius patri, qui quidem non fuit vitalis, seu animatus vivente patre, sed sola feminatio facta est à patre, qui statim ante factus animationem defunctus est? quod si hic tanquam verus illius filius succedit, non jure representationis, aut transmissionis aliquo mediante, sed in propria persona, & jure sanguinis, quidni & nepos?

421. Jura quibus adversarii nituntur, hæc sunt. l. 6. §. 1 ff. de injusto rupto. ibi. [Sed hæc ita, si mortis avi tempore in utero nepos fuerit. Cæterum si postea conceptus est, Marcellus scribit, neque ut suum, neque ut nepotem, aut cognatum ad hereditatem, vel bonorum possessionem posse admitti.] & §. 8. Inst. h. t. *Suus hæres avo non existit, quia nullo jure cognationis patrem sui patris attingit.* Quomodo enim attingit, si nunquam illi coexistit? Respondetur, hæc jura post Novellam 118. nihil ampliùs negere. Ratio est, quia antiquo jure ideo non fuit admittus nepos conceptus post avi mortem ad successionem illius, quia lex 12. tab. neminem ex descendentibus vocabat nisi hæredem suum: atqui qui vivo avo nondum erat conceptus, is non poterat dici hæres suus, quia ad hoc requirebatur, ut esset in patria potestate illius. Deinde etiam non admittebatur ut cognatus, quia mortuo cognatus non queritur. Sublatâ igitur differentiâ inter suos & non suos per dictam Novellam, nihil obstat, quominus talis nepos beneficio Novellæ ad hereditatem vocetur.

422. Advertendum hic insuper est, adversarios fateri, quod in pluribus causis talis nepos ad successionem admittendus sit. Primum enim fatentur, quod succedat in honoribus & dignitatibus. Secundò in contractibus in quibus ab avo vocati sunt descendentes, ut in Emphyteusi. Tertiò in Iure Retradus. Quartò, quando reliquit hereditatem per substitutionem fidei commissariam. Quintò in Majoratu. De his videatur Gomez.

## §. IV.

*De successione Nepotis, si parens nolit, aut non possit esse hæres.*

423. **DUBITATUR.** Si filius, hæres suus abstineat ab hereditate paterna, an nepos avo succedat, si non ut hæres suus (ed quod pater fuerit hæres suus, & jure civili maneat hæres etiam repudiatâ hereditate paternâ) saltem ut agnatus, & excludat tam ascendentes, quam laterales, concurratque jure representationis cum filiis, fratribus sui patris, aut matris. Negat Hunnius q. 10. nixus maxime. l. 1. §. 8. ff. de suis & legitimis hæred. ubi negatur in suis esse successionem. [Sciendum est autem, nepotes & deinceps, interdum etiam si parentes eos mortis tempore præcesserunt, tamen posse suos hæredes exilire, quamvis successio in suis hæredibus non sit: quod ita procedit, si paterfam. testamento facto decesserit exheredato filio, mox deliberante hærede instituto filius decessit, postea deinde repudiavit hæres institutus, nepos poterit suus hæres esse, quoniam nec delata est filio hereditas.]

424. Contrarium tenet Vaconius, & celeberrimus J. C. Christoph. Besoldus th. 12. ut certum supponit, quem sequitur Manzius, idemque asseruit Forsterus. 4. c. 20. n. 8. & seq. & Costaldus apud Besold. Vaconius asserit legem 6. C. de legit. hæred. ubi dicitur. *Defunctis suis existantibus hæredibus, & abstinentibus, vel repudiantibus hereditatem frater jure consanguinitatis succedere potest.* Respondet Hunnius, hac lege non corrigi priorem, quia solum dicit, fratrem succedere, non verò nepotem. Verum contra hoc non malè urget Vaconius, hac ratione futuram peiorem conditionem descendentium & liberorum, quam agnatorum lateralium. Respondet quidem Hunnius, hoc mirum non esse, quia diversa est liberorum & agnatorum ratio: quod enim priore agnatorum gradu deficiente succedat proximus, ideo est, quia prior agnatus nunquam hæres fuit: at verò filius tamen repudians hereditatem paternam ipso jure hæres fuit: ubi autem alius hæres fuit, non est locus successioni. Itâ Hunnius. Hæc tamen responsio si bona esset, inde consequens esset, quod nec frater defun-

At iure agnationis succederet, utpote cujus frater defunctus jam alium heredem habuerat, nempe filium, qui hereditatem repudiavit.

425. Beloldus probat suam Sententiam ex lege. 7. ff. de his qui sui vel alieni juris. Si quā penā pater fuerit affectus, ut vel civitatem amittat, vel servus penā efficiatur, sine dubio nepos loco filii succedit.

Ergo Sententiæ communi ideo libenter accedo, quia de mente Imperatoris in Novell. 118. satis constat, quod descendentes voluerit omnimodo præferre lateralibus, & quia in casu posito adhuc procedit hujus ratio, nempe memoriæ sui in posteris propagatio, & quia tales verè ex sanguine avi descendunt. Quando ergo pater vel mater repudiavit hereditatem sibi delatam, perinde haberi vult, ac si non existeret in rerum natura, quoad fructum hujus hereditatis in propria persona; hoc enim illi conceditur à Jure, sed non conceditur ut possit defuncti nepotibus præjudicare, quominus id consequantur, quod consequerentur, si parens defunctus esset ante avum: tunc autem jure repræsentationis nepos hereditatem consequeretur. ergo & in casu de quo disputatur. Et hanc sententiam debent tenere illi, qui dicunt, hodie non esse opus Successorio edicto. prout communiter asserunt, ut videre licet apud Gudelinum, & Cæphallos to. 1. q. 101.

426. Quæ hæctenus de descendentibus legitimè conceptis & natis dicta sunt, procedunt de Jure communi. Certum autem est, in pluribus locis ab hoc jure plurimum recedi, quod videre est apud Gudelinum & Perez. In Germania constat inter Nobiles receptum esse, ut filiz modicā dote contentæ, totam hereditatem paternam fratribus suis relinquunt, & acceptā dote omni successioni renuntiant.

### §. V.

#### De Successione Legitimatorum.

427. Legitimi per subsequens matrimonium æquiparantur legitimis per omnia, ut dictum cum ageretur de legitimatione, ubi retulimus cap. Tantas. qui filii sint leg. Hinc sequitur eos non tantum succedere in allodialibus, sed etiam in honoribus & dignitatibus. 2. Sequitur, quod exstante statuto ut frimæ exstantibus masculis excludantur, comprehendat tale statutum nomine masculorum etiam legitimatos per subsequens matrimonium. 3. Sequitur, quod succedant etiam in Emphyteusi Ecclesiastica, si parens eam pro se & suis filiis legitimis ab Ecclesia consecutus est. 4. Sequitur eos etiam succedere in feudis. 5. Sequitur eos habere jus retractus sive protimiseos. Uno verbo matrimonium subsequens purgat omnia vicia, & facit ut veniat

etiam nomine eorum, qui dicuntur ex legitimo matrimonio nati, excepta fortè Primogenituræ prærogativā, ut multi putant, quamvis etiam contrarium aliqui doceant. Certè in casu quo illegitimè natus non legitimatur per proximum matrimonium ex quo alius legitimè nascitur, postea tamen hac uxore mortuā legitimatur per matrimonium cum sua matre, non credo quod tanquam primogenitus excluderet illum, qui primò legitimus natus est, antequam ille legitimaretur.

428. De legitimatis rescripto Principis aliud constitutum est. Ut enim pro legitimis habeantur, & ab intestato succedant, tria requiruntur. 1. Ut pater justam causam habeat non legitimandi eos per subsequens matrimonium. 2. Ut non habeat tunc liberos legitimos. 3. Ut liberi naturales in sui legitimationem consentiant. Habentur hæc Nov. 89. c. 9. ibi. [Si quis ergo filios legitimos non habens, sed tantummodo naturales, ipsos quidem legitimos facere voluerit, mulierem verò in promptu non habeat, &c. damus ei fiduciam ad legitimum jus educere filios naturales, legitimis non existentibus.] & c. 11. ibi. [dum & filii hoc ratum habere velint.] nempe quia non sunt in viti subsidendi partiz potestati. Quod si legitimatio fieret post mortem patris, in super requireretur, ut patris agnati & cognati citerentur & consentiant, quia per mortem patris jam illis quæsitum est jus succedendi.

429. DUBITATUR tamen 1. An isti legitimi succedant cum liberis post legitimationem legitimè natis eidem patri, an verò ab his excludantur, & sic quoad effectum successionis legitimitas evanescat. Hoc ultimum de jure dicendum esse existimat Treutlerus th. 2. litt. h. circa Tyracnellum. fatetur tamen moribus receptum esse contrarium. Nihilominus etiam in puncto juris non est improbabile, quod talis legitimatio per filios postea natos non evanescat, ut docet Gail, post plurimos quos citat Tyracnellus. eandem tenet Hunnius. Fundamentum præcipuum est desumptum ex regula juris, quod res perfecta & consumata, quamvis perveniat ad eum casum, à quo incipere non posset, non irritetur. l. 85. §. 1. ff. de R. I. Non est novum, ut quæ semel utiliter constituta sunt, durent, licet ille casus existerit, à quo initium capere non potuerunt. & cap. 73. cod. in G. Factum legitimè retractari non debet, licet casus postea eveniat, à quo non potuit inchoari. ergo etiam si non succederent legitimati, si legitimatio facta esset jam exstantibus aliis legitimè natis, prius tamen facta non evanesceret, sed proderit legitimatis.

430. Probatur 2. Per talem legitimationem subjiciuntur patriæ potestati, ut dictum & indubitatum est. ergo si postea evanesceret legitimatione, solveretur patria potestas: atqui hic modum

modus solvendi patriam potestatem nullibi in Iure reperitur. Ergo non est asserendum.

Probatur 3. Quia si opposita sententia vera esset, sequeretur, taliter legitimatum non esse simpliciter, absolute & verè legitimatum, sed sub conditione, & quasi in suspensio, nisi alii legitimus nascatur. Denique, quia ut in tract. de Legibus dictum, beneficia Principis decet esse perpetua, & mansura.

431. Obijciunt. Legitimatío per rescriptum Principis, fieri non potest quando existant legitimi, ut dictum est: ergo supervenientibus legitimis evanescit: quia quæ ab initio constituerunt, corrumpuntur, & irrita fiunt, cum in eum casum recidunt à quo incipere non possunt. *L. 98. pr. ff. de verb. oblig. ibi.* [Et maxime secundum illorum opinionem, qui etiam ea quæ rectè constituerunt, resolvi putant, cum in eum casum reciderunt, à quo non potuissent consistere.] *§. 1.* Hæc verba non constituere regulam, sed solum referre aliquotum opinionem. Nos autem regulam in contrarium habemus, camque paulò ante retulimus. *§. 2.* Hanc, qualemcumque regulam esse permitamus, non esse perpetuam, ut patet ex *§. 14. Inst. de legat. ibi. Papinianus scripsit, utile esse legatum, quia semel constituit, quod & verum est.* (est sermo de legato in diem vel sub conditione, ita ut vivo testatore dies venerit, vel conditio existiterit) *Non enim placuit sententia existimantium, extinctum esse legatum, quia in eam causam pervenerit, à quo incipere non potest.* Itaque tunc demum potest hæc regula locum habere, quando actus necdum est absolutus, & completus, ut promissio servitutis non est perfecta, nisi accedente patientiâ, quæ loco traditionis est. In perfectis & absolutis non valet, ut patet in Matrimonio, quod utique non dissolvitur superveniente v. g. impotentia, quæ si præcessisset, fuisset impedimentum dirimeus, quæ est instantia evidens.

432. DUBITATUR 2. Utrum, si cut diximus legitimatos per subsequens Matrimonium comprehendit statuto quo masculi excludunt feminas, id etiam obtineat in legitimatis per rescriptum Principis. Afirmant plurimi relati ab Andrea Gail. *L. 2. observ. 140.* Contraria tamen sententia longè communior (ut videre est apud Tyraquell. *L. si unquam. v. suscepit liberos. n. 98.*) & in Camera Spirensi recepta sententia est, tali statuto illos non comprehendendi, juxta quam proinde asserendum est, quòd taliter legitimatus succedat cum feminis æqualiter, nec possit legitimatus contra legitimos pinguiori fortunâ uti.

433. Probatur 1. Statuta Iuri communi contraria strictè accipienda & intelligenda sunt, nec ad consequentiam trahenda. *Reg. 28. de R. J. in 6. Quæ à Iure communi exorbitant, nequaquam ad consequentiam sunt trahenda. & l. 141. ff. eod. Quod contra rationem Iuris receptum est, non est pro-*


*ducendum ad consequentiam.* Atqui statutum volens feminas per mares excludi, est contrarium Iuri communi, ut patet: & legitimi formaliter & strictè loquendo non appellantur legitimatos, sed hi illis æquiparantur per juris fictionem, & Principis favorem, adeoque in consequentiam. Ergo, &c.

Probatur 2. Verba Statutorum (nisi aliud aliundè constet) in sensu & casu vero non ficto accipienda sunt; hæc enim videtur esse mens statuti. atqui legitimatus in casibus à jure non expressis non æquiparatur legitimo, deficiente fictione juris, cum non sit verè legitimus filius, sed fictus, ergo, &c.

434. Addit Hunnius aliam probationem: quia supervenientibus legitimis evanescit legitimatio: ergo non possunt filii legitimæ excludi. In hac probatione immemor sui Hunnius assumit id, quod præcedente folio ad longum impugnavit, & nos quoque rejecimus: nulla est ergo hæc probatio, sed priores sufficiunt, quæ inde etiam confirmantur, quòd tale statutum inducat quandam exheredationem, quæ utique est summè odiosa: non est ergo extendendum ad illum casum, ad quem ne extendereur, facit summa æquitas, quæ in hoc consistit, ne illegitimè nati melioris conditionis sint, quàm legitime nate filiar.

435. Obijciunt. Legitimati rescripto Principis, æquiparantur legitimis quoad successionem, ad hoc enim præcipue petitur, & indulgentur legitimatio. Ergo non est ratio, quare feminæ excludantur à legitimato per subsequens Matrimonium, & non etiam legitimati per Rescriptum Principis. *§. 2.* Antecedens non esse universale, sed solum in casibus à Iure expressis, qualis non est præsens casus, qui non comprehenditur in Iure communi, dum supponit statutum exorbitans à Iure communi. Hinc plures sunt casus, in quibus non æquiparantur, v. g. legitimatus rescripto Principis non succedit in feudis & emphyteusibus, nisi hoc expresse in legitimatiónis rescripto cautum sit: item beneficium *L. si unquam.* non obtinet in legitimatis, ut tradit Tyraquellus in illam legem. Item legitimatus per rescriptum Principis non conficitur Ius Primogenituræ.

Conclusionem positam vult Andreas Gail *n. 20.* non procedere, si Princeps voluerit esse legitimum etiam quoad statuta. Verum Andreas, Fachineus cum aliis *lib. 6. c. 1. lit. D.* nec tunc putat excludendum feminas, eò quòd illa clausula possit locum habere in aliis statutis multis, quæ non excludunt filias legitimas, ita ut legitimatus multis in casibus frui possit beneficiis statutorum de legitimis loquentium, & satis sit privilegium aliquid operari.



## §. VI.

## De Successione Adoptivorum.

436. **DE** Adoptivorum differentia actum est tr. 4. quibus suppositis, in presenti eorum successio tractanda est.

**DICENDUM 1.** Adoptivus specificè dictus succedit adoptanti ab intestato, sive sit adoptatus ab aliquo ascendente, sive ab extraneo, si duret adoptio: succedit, inquam, indistinctè cum filiis legitime natis. *L. §. C. de legit. heredi- bus.* ibi. [Si te pater, in cuius fuisti potestate, solenniter in adoptionem dedit, cum filiis naturalibus adoptivi patris ante vel post acquisitis defuncto intestato succedere potes.]

Hinc per consequentiam inferitur, quòd si adoptivus solus existeret, excluderet etiam ascendentes, quia succedit sicut legitime nati: atqui hi illos excludunt, ergo, &c.

437. **DICENDUM 2.** Si adoptio ab extraneo facta ante mortem adoptantis per emancipationem dissolvatur, cessat etiam Ius succedendi; secus si adoptio ab aliquo ascendente facta sit, tunc enim Ius succedendi perdurat non obstante emancipatione. *Inst. de adopt. §. 2.* ibi. [Si verò pater naturalis non extraneo, sed avo filium suum dederit in adoptionem, in hoc casu, quia concurrunt in unam personam, & naturalia, & adoptionis Iura, manet stabile Ius patris adoptivi, & naturali vinculo copulatum, & legitimo adoptionis modo constitutum, ut & in familia, & in potestate huiusmodi patris adoptivi sit.] Sicut ergo filii naturales per emancipationem non amittunt Ius successionis per Nov. 118. ità nec talis adoptivus amittet.

438. **QUÆRITUR** hic, an taliter adoptatus habeat unà cum jure succedendi adoptanti etiam jus succedendi patri naturali. Et ad hoc respondendum videtur cum Hunnio affirmativè. Quamvis contrarium supponat Casparus Manzius de succ. ascend. n. 31. & Schneidew. ab eo citatus. Nam licet ob stare videatur *lex penult. pr. C. de adopt. ibi.* [ & ad eum solum respiciat filius cui eum & natura aggregavit, & lex per adoptionem assignavit, & Papiniani sententia in hac specie præcedat, & ad eum tantummodo filius adoptivus spem omnem extendat, & non patris naturalis successionem molestare concedatur, sed avitæ tantummodo & proavitæ reverentiæ protegentur.]

439. Hoc tamen textu non obstante standum est Nov. 118. ubi sancitur, ut descendentes seu liberi cuiuscunque naturæ, aut gradus sint, ad successionem suorum parentum naturalium admittantur: nec est credibile, quòd Imperator non advertisset exceptionem faciendam in contraria sententia, si nolisset adoptatos quocunque comprehendere: quandoquidem in aliis ca-

sibus eorum tam accuratè meminit. Et hæc de specificè adoptatis.

440. **DICENDUM 3.** Arrogati, si non emancipentur, succedunt sicut legitime nati, si verò fuerint emancipati, adhuc succedunt emancipanti in quartam partem bonorum alodialium. (nam in feudis adoptati non succedunt.) *§. 3. Inst. de adopt. ibi.* [Vel vivus sine iusta causa emancipaverit, jubetur quartam partem ei bonorum suorum relinquere, videlicet præter bona quæ ad patrem adoptivum transtulit, & quorum commodum ei postea acquisivit.] Loquitur autem textus de arrogato impubere emancipato sine iusta causa: & ideo ad alios non est extendendus.

441. **DICENDUM 4.** Adoptivi non admittuntur ad successionem agnatorum & cognatorum ipsius defuncti. *L. to. §. 1. v. O idio C. de adopt.* [Et ideo sancimus, &c. Ut non etiam legitima jura ad familiam extranei patris adoptivi habeat, nec ipsa ad cum communionem aliquam habeat, sed quasi extraneus ità ad illam familiam inveniatur.] Secus est de arrogato, nam talis familiæ unà cum bonis suis aggregatur, & in patria potestate constituitur. *§. fin. cod.* [Ubi autem homo sui juris constituitur per arrogationem se dederit in adoptionem, tunc omnia jura patris adoptivi habeat intacta. Cum enim nullum inter patres inducitur discrimen, sit suus hæres adoptivus patri arrogatori, & familiæ ejus aggregetur.]

## §. VII.

## De Successione Liberatorum Naturalium non legitimorum.

442. **DICENDUM** est 1. Si pater intestatus decedens reliquit filios legitimos, isti excludunt penitus à successione illegitimos, qui tamen ab illis alendi sunt secundum substantiæ mensuram à bono viro arbitratam.

443. **DICENDUM 2.** Non minùs ab omni successione repelluntur, si defunctus reliquat uxorem legitimam, etiamsi nullam prolem legitimam reliquat, & etiamsi uxor non succedat.

444. **DICENDUM 3.** Si verò nec liberos legitimos, nec uxorem legitimam reliquat, succedunt liberi naturales unà cum matre in duas uncias, seu sextam partem bonorum (reliquit quinque partes aliis agnatis & cognatis cedunt) dividendum in partes viriles, seu capita, ità ut & mater tantum capiat, quantum unus filius. Hæc omnia habentur in *Auth. licet. C. de Naturalib. lib. ibi.* [Ab intestato verò cum desit soboles civilis, nec superstit conjux legitima, si naturales ex concubina exstant; quæ sola fuerit ei indubitate affectu conjuncta (ex quibus verbis colligitur, secus dicendum, si plu-



si plures habuisset concubinas, in penam effusa libidinis in duas paternæ substantiæ uncias succedant, ut matri inter eos vilis portio (si superest) detur. Hujusmodi enim naturales filios patris boni viri arbitrio esse necesse.]

445. Ratio autem, cur existente uxore legitimâ, quamvis non succedente, repellantur naturales illegitimi, est assignata ab Hostiensis, & aliis post ipsum, favor & honor Matrimonialis, propter quem noluit lex, quod vivente uxore legitimâ naturales succedant, ne uxor scandalizetur, & tristitia afficiatur.

Intelligunt autem Legistæ dictam authenticam de sobole ex legitimo Matrimonio nata, unde consequens est, quod si defunctus haberet sobolem legitimatam per rescriptum Principis, aut adoptivum, quod per istos non repellentur naturales, quominus in duabus uncis succederent. Itâ eam accipiunt Schneidew. n. 10. Brederosius & alii.

Eadem habentur in Novella 18. c. 5. unde illa auth. desumpta est, & eadem formalia repetuntur in Nov. 89. c. 12. §. si quis autem defunctus, in quibus omnibus semper nominatur soboles legitimæ.

446. Controversia in præsentia est, quomodo succedant naturales illegitimi avo paterno, si pater fuerit filius legitimus sive naturalis. v. g. Sempronius genuit filium Caium ex iustis nuptiis. Hic habet ex concubina filium, moritur Caius ante Sempronium, deinde moritur avus, quæritur an & in quantum succedat nepos illegitimus saltem jure representationis.

447. P. Ludovicus Molina disp. 166. n. 8. prope finem habet hæc verba. Observa etiam, quando nepos naturalis esset ex filio legitimo, uxorem avi legitimam esse superfluum, nequam impedire, quominus nepos naturalis succedat avo ab intestato, quin potius simili modo succedere eidem uxori, quæ ipsius est avia. Quod de nepotibus dictum est comparatione avorum, intelligendum est de pronepotibus comparatione proavorum, ut ex lege citata constat. Itâ Molina. Sed ex qua lege citata hoc constet, non invenio, nisi Molina aliquam legem Tauri intelligat. Nam lex ultima. C. de Natur. lib. (quam superius adduxerat) hujus doctrinæ est contraria, ut patebit. Deinde Molina videtur in relatis verbis successionem quandam universalem attribuisse nepoti naturali ex filio legitimo, quia nullam limitationem ponit, hoc autem à nullo alio DD. invenio affectum, nec ullo jure probari potest. Videamus nunc quid iuristæ in hoc puncto sentiant,

Aliqui ergo docent, talem nepotem successurum avo in duabus uncis. Itâ post Baldum docet imprimis Covarruvias ad lib. 4. decretal. p. 2. c. 8. §. n. 10. Salycetus in L. fin. C. de Naturalib. liber. Michael Grassus in §. Suc-

cessio. q. 18. n. 3. & Heigius in l. sit. Instit. lib. 3. c. 5. n. 117.

448. Alii simpliciter negant talem nepotem in quoquam successurum avo, si pater fuerit legitimus filius, sive naturalis. Itâ communior habet sententia, quam magis in terminis tradit Joan. Schneidewein in tit. 1. lib. 3. Instit. de success. lib. Nat. n. 13. his verbis. [Limitatur, ut non procedat in liberis naturalibus secundi, vel ulterioris gradus, ut nepotibus, & pronepotibus, quia hi avo & proavo paterno ab intestato non succedunt. Veluti si quis habeat ex filio legitimo nepotem naturalem tantum, is loco sui patris in duabus istis uncis non succedit. Idem, si filius naturalis tantum procederet ex uxore filium naturalem & legitimum. Nam is nepos avo ab intestato quoque non succedit.] lege fin. C. de Naturalib. lib. Hæc Schneidewein, cui tamen in postremo asserto non video alios assentientes, nec video quare non gaudeat talis nepos iura representationis quoad duas uncias. Eandem sententiam tenet Harpprecht plures citans n. 166. [Ob id, (vitium concubinarum) inquit, nepotes, ac pronepotes naturales digni non judicantur, ut ab intestato ex bonis avi, vel proavi paterni aliquid consequantur: maxime cum de domo & familia patris non sint, atque arma, & insignia familie non ferant.] Subscribit etiam Hunnius. q. 27. Item Casparus Manzius in libel. de Success. ab intest. differt. 20. n. 82.

449. Existimo 1. Quod juris apicibus attentis posterior sententia sit vetior. Nam lege fin. cit. cum Justinianus dixisset, naturales liberos succedere in sextantem, subijcit §. fin. hæc verba. Iura enim ab intestato in avi successionem nemini eorum penitus aperimus,

Neque priori sententiæ patrocinatur illa verba ejusdem legis in fine. Et hæc non solum in accedere consensum à substantia avi paterni naturalis, vel etiam proavi & ejus cognationis. Nam ad hoc optime respondet Hunnius, hæc verba ad successionem testamentariam, non verò ad legitimam referenda esse. Subijcit enim Imperator, Sed hoc in his tantummodo sancimus, in quibus volumus tate aliquid consecuti sumus.

450. Existimo tamen 2. attentâ æquitate prioram sententiam esse in praxi observandam. Ut in terminis monet alios citans Grassus, & Covarruvias. Salycetus etiam dicit, esse hanc sententiam æquioram, & dat hanc rationem; nam ideo hic clauditur via nepotibus naturalibus, quia & filiis naturalibus, si quare in aliquo aperitur filiis naturalibus, idem & nepotibus naturalibus.

451. DICENDUM 4. Filius naturalis, non solum quando solus existit, sed etiam quando existit unâ cum legitimis ejusdem matris, v. g. quos in legitimo Matrimonio cum alio celebrato acquisivit, æqualiter in bona materne succe-

succedit, ac proinde quoad hanc successionem nihil differt à legitimis, adeo ut etiam inofficiosi querela illi conveniat: quod verum est, etiam si Mater illustris esset. *L. penult. C. ad S.C. Orfi.* ibi. [Sancimus, eandem matris progeniem (eras naturalis illegitima) hæredem ab intestato ei posse existere, salvo jure legitimo ex auctoritate S. C. Orfitiani proli servando.] *Et l. 6. pro fin.* [Sin autem concubina (*illustris*) liberæ conditionis constituta, filium, vel filiam ex licita consuetudine ab homine libero habita procreaverit, eos etiam cum legitimis liberis ab materna venire bona, quæ jure legitimo in suo patrimonio possidet, nulla dubitatio est.]

452. **DICENDUM** §. Filius naturalis succedit etiam in bonis aviæ maternæ, aliisque ascendentibus per lineam maternam. *L. 8. ff. Unde cognati.* [Modestinus respondit, non ideo minus ad aviæ maternæ bona ab intestato nepotes admitti, quod vulgò quæsitum proponuntur.]

## §. VIII.

*De Successione Spuriarum, & ex damnato coitu genitorum.*

453. **R**epetenda est distinctio jam alibi tradita inter Spuriarum prout accipiuntur à Jure Civili, & prout accipiuntur à Jure Canonico. Jure Civili generaliter illi omnes Spurii intelliguntur, qui ex vago concubitu nati sunt; specialiter verò dicuntur Spurii illi, quorum mater publica meretrix est, quæ cum multis viris indifferenter consuetudinem habuit, & à confusione feminis originem traxit.

Vocantur etiam vulgò quæsitæ, quasi ab incerto patre prognati. *L. vulgo quæsitæ. ff. de statu hominum.* Hujusmodi Spurii ad successionem matris Illustris non admittuntur, si alii liberi legitime nati existant. *L. §. C. ad S. C. Orphit.* Si qua illustris mulier filium ex justis nuptiis procreaverit, & alterum spurium habuerit, cui pater incertus sit, &c. Sancimus, ut neque ex testamento, neque ab intestato, neque ex liberalitate inter vivos habita, justis liberis existentibus aliquid peniculis ab illustribus matribus ad spuriarum perveniat.]

De Jure Canonico tamen omnes hujusmodi veniunt nomine Naturalium, qui geniti sunt ex parentibus, inter quos tempore conceptionis, aut nativitatis nullum erat impedimentum dirimens. Colligitur hoc Canonistæ ex eo, quod in cap. *Tanta quis filius sit leg.* nullâ factâ distinctione statuatur, filios legitimari per subsequens Matrimonium, modò (ut ibi additur) non essent Spurii, quia alter eorum erat conjugatus. Et tanè merito hæc extensio facta est, ut benè notavit Molina, quia longè detestabilior est publicus concubitus cum femina infæstæ uxoris in contubernio retenta, quàm for-


tuitus, ac vagus coitus cum ea quæ domi non retinetur.

454. In præsentî negotio, præter illam differentiam, quam jam dedimus circa matrem illustrem, ceteroquin nulla est, saltè si constet de patre, sed omnes eodem modo succedunt patri & matri, quo illi, qui Jure Civili dicuntur naturales, in sensu strictiore: omnes, inquam, qui Jure Canonico pro naturalibus habentur, ut jam dictum. Vnde Spurii isti Jure civili sic dicti, hoc est vulgò quæsitæ, succedunt matri ab intestato, non aliter, ac si ex legitimo Matrimonio nati essent. *6. Novissimè. Instit. de S. C. Orphitiano.* [Novissimè sciendum est, etiam illos liberos, qui vulgò quæsitæ sunt, ad matris hæreditatem ex hoc S. Consulto admitti.]

Quod attinet ad Spuriarum strictè & in sensu Juris Canonici sumptos, illi nec patri, nec matri, nec ascendentibus per lineam paternam, vel maternam ab intestato, vel ex testamento succedere possunt. *Novell. 74. C. fin. & 89. C. fin.* ibi. [Omnis qui ex complexibus, aut nefariis, aut incestis, aut damnatis processerit, iste neque naturalis nominatur, neque alendus est à parentibus, neque habebit quodquam ad præsentem legem participium.]

Quod dicitur, non esse alendus, non est ità crudè accipiendū, quasi Justinianus voluisset repugnare Juri naturali, sed est intelligendum de alimentis, sine quibus vel propriâ industriâ & labore, vel aliquâ aliâ licitâ viâ possent vitam conservare, ut notavit Molina d. 368. quem in hoc puncto laudat Joannes Harpprecht. Illa ergo alimenta, sine quibus vitam sustentare non possent, parentes primo loco subministrare tenentur.

455. Ex dictis inferunt Interpretes communiter contra Petrutium Perusinum & Cornæum, liberos ex damnato complexu progenitos, sicut ascendentibus non succedunt, ità etiam à successione transversalium, & contra laterales ab eorum successione excludi. Ratio potissima est, quia successio defertur ordine successivo, cujus initium est successio in matris bonis: ergo hac sublatâ censetur Ius reliquum successionem tollere voluisse, quod satis expressit, quando tales nec filiorum nomine dignos, pronuntiavit.



CONTROVERSIA III.

De Successione Ascendentium.

SUMMARIUM.

**H**æreditas deferitur secundo loco Ascendentibus.

457.

Hoc procedit 1. tam de Matre, quam de Patre.

458.

Procedit 2. tam de Emancipatis, quam non Emancipatis. 459.

Procedit 3. etiam de Legitimitatis rescripto Principis. 460.

Procedit 4. de filio posthumo. eod.

Pater adoptivus extraneus non succedit filio adoptato. 461.

Arrogator impuberem adoptans arrogato non succedit si moriatur impubes. 462.

Quandocunque ad matrem spectat providere Tutorem impuberi, & non providet, & impubes decedit, non succedit. 463.

Pater & Mater, nullis existentibus fratribus, æqualiter succedunt. 464.

An hæc æqualitas observetur in omnibus bonis filii. 465.

An pater vel avus, filio vel nepoti ab intestato defuncto, & in potestate constituto, unâ cum avo materno, aut matre succedens, præter suam portionem, quam pleno jure consequitur, etiam usumfructum obineat ad tempus vite, ejus portionis quam mater aut avus maternus consequitur. 471.

Propinquior ascendens excludit remotiorem, nec hic gaudet Iure representationis. 473.

Succedunt in stirpes, si plures in æquali gradu diversarum linearum succedunt. 475.

Fratres & Sorores Germani succedunt unâ cum ascendentibus in gradu proximiori in capita. 476.

Vierini & consanguinei non succedunt cum ascendentibus uterino, aut consanguineo. 477.

Filii fratrum cum ascendentibus, & fratribus concurrunt, sed jure representationis in stirpes. 478. 480.

Ex concursu, vel non concursu alterius potest variari modus succedendi in capita, vel in stirpes. 481.

Quomodo ascendentes numero impares succedant in casu quo nulli Fratres concurrunt, sed soli filii Fratrum. 482.

Frater naturalis succedit naturali ex iisdem nato unâ cum matre æqualiter. 483.

456. **D**E hac existat caput 2. Novellæ 118. præ oculis & pro regula habendū. Sic habet. [ Si igitur defunctus descendentes quidem non relinquit hæredes, pater autem, aut mater, aut alii parentes ei superint, omnibus ex latere cognatis hos præponi sancimus, exceptis solis fratribus ex utroque parente conjunctis defuncto, sicut per subsequenta declarabitur. Si autem plurimi

ascendentium vivunt, hos præponi jubemus, qui proximi gradu repetiuntur, masculos & feminas, sive paterni, sive materni sint. Si autem eundem habent gradum, ex æquo inter eos hæreditas dividatur, ut mediætatem quidem accipiant à patre ascendentes, quantumque fuerint: mediætatem verò reliquam à matre ascendentes, quantumque eos inveniri contigerit. Si verò cum ascendentibus inveniuntur fratres aut sorores ex utrisque parentibus conjuncti defuncto, cum proximis gradu ascendentibus vocabuntur: si autem pater aut mater fuerint, dividendâ inter eos quippe hæreditate secundum personarum numerum, uti & ascendentium & fratrum singuli æqualem habeant portionem, nullum usum filiorum aut filiarum portione in hoc casu valente patre sibi penitus vindicare: quoniam pro hac usûs portione hæreditatis Ius & secundum proprietatem per præsentem dedimus legem. Differentia nulla servanda inter personas istas: sive feminæ, sive masculi fuerint, qui ad hæreditatem vocantur: & sive per masculi, sive per feminæ personam copulantur. ] Pro horum elucidatione sit

§. I.

*Quomodo succedant Ascendentes nullis existentibus Fratribus, aut Sororibus defuncti.*

457. **R**EGULA 1. est, hæreditatem defuncti ab intestato deferri secundo loco, id est, deficientibus descendantibus tam immediatis, quam mediatis, ascendentibus, si præter communem naturæ cursum, votumque parentum contingat, ut liberi ante parentes à vita discedant, unde natum est illud vulgare

*Ordine turbato; succedis, Bulgare; nato.*

Appellatione parentum venit etiam avus; avia, proavus, proavia, utriusque sexus in infinitum ascendentes.

458. Procedit autem REGULA 1. tam de matre, quam de patre; in quo correxit Justin. Imper. Ius antiquum. Nam imprimis ex lege 12. tabul. Mater omnino excludebatur à successione filiorum. pr. Inst. de S. C. Terryll. Deinde de Iure prætorio in tertio ordine, nempe cognatorum admitterebatur. Ibid. Nisi quod prætores ex proximitate cognatorum eas personas ad successionem bonorum possessione unde cognati accommodatâ vocabant. Ex Rescripto etiam Claudii Imp. in eo casu quo mater amittebat liberos in acie, & ex S. C. Terryll. tunc tantum, si ingenua, tres, & libertina quatuor liberos peperisset, in præmium secunditatis admitterebatur. Nunc ergo æqualiter Mater cum patre vocatur, & merito, nam, ut habetur in L. 14. C. de legitimis hæred. [ Cum ad ipsarum Mulierum successionem masculi jure agnationis vocentur, quis patitur avum, quidem hæredi-

tatem ad eos legitimo jure deferri, ipsas verò nec invicem sibi, nec masculis eodem jure posse succedere, sed propter hoc solum puniri, quòd feminæ nati sint.]

459. Proccedit REGULA 2. Tam de emancipatis, quam non emancipatis. ubi obiter notandum, in exemplari majoris formæ Corporis glossari errorem irrepsisse, dum in fine cap. 2. Novellæ 118. legitur. *Sive sue potestatis, sive sub potestate sint ejus cui succedunt fratres.* quæ verba me longo tempore turbârunt. quomodo enim possunt ascendentes esse in potestate descendentis? in aliis exemplaribus correctus est error, & legitur. *Sive sue potestatis, sive sub potestate fuerit is, cui succedunt.*

460. Proccedit REGULA 3. Etiam de liberis legitimatis rescripto Principis. Nam ut suprà vidimus, isti succedunt parentibus sicut legitimi: ergo æquum est, ut parentes illis succedant. Ob eandem rationem idem de adoptivis dicendum. & quia suprà cum Hunno putavimus, adoptatum ab ascendente non solum succedere adoptanti, sed etiam patri naturali (quod etiam tenet Harpprecht) ideo in præsentī quoque dicendum videtur, tali filio utrumque patrem tam legitimum, quam naturalem succedere. (De arrogatis, & adoptatis ab extraneo dicitur postea.) Ob eandem rationem patet, Matrem succedere filio naturali non legitimo, sicut hic succedit matri. Quia verò filius illegitimus patri non succedit nisi admodum limitatè, tum quoad substantiam tum quoad circumstantias, ut suprà vidimus, ideo mirum non est, si pater filio illegitimo cum iisdem limitationibus succedat ab intestato: nempe si nec legitimus liberus habeat, nec uxorem legitimam, & non nisi in duobus articulis. Nov. 89. c. 13. ibi. [In quibus casibus naturales filios vocavimus ad successionem, in ijs quoque & ipsi decentem naturalibus devotionem servent, eadèmq; mensurâ sicut parentes prospiciunt naturalibus liberis, secundum nostram legem & ipsi parentibus compensent, sive in successione, sive in alimentis.] Imò mirum mihi non esset, si Imperator patri etiam hanc successionem negâset; quia vitium & culpa non est filii, sed patris, nec proinde commiseratione aut favore dignus est, ut filius: sed Imperator ita statuendi causas habuerit, quas ego non perspicio. Hinc denique constat quid, juxta superius dicta, de Spuriiis, & ex damnato coitu natis dicendum sit.

Proccedit REGULA 4. Etiam in filio posthumò; unde Card. de Lugo n. 178. deducit notabile casum. Si mater in puerperio moriatur, filius tunc vivus natus succedit matri, qui si statim post matrem moriatur, transfert ad patrem supersubstitit bona matris.

461. REGULA 2. Pater adoptivus extraneus non succedit filio adoptato. *lege pen. §. 1. C. de adop. quem textum retuli tr. de adopt.*

& ratio regulæ est. nam licet ceteroquin soleant successiones esse vicissitudinarie (ut hæcenus vidimus) in præsentī tamen æquitas postulat, ne pater naturalis retinens filium in sua potestate per simplicem actum civilem successionē privetur, quæ ipsi commiserationis causâ, ex ordine naturæ turbato conceditur, quod fieret, si pater adoptivus succederet. Præsertim cum hic modus adoptandi non inducat ullam obligationem aliquid in testamento relinquendi, & liberum sit emancipare adoptatum, sicque etiam jure omni successionis privare: cum contra non esset in potestate adoptati, rationem filiationis abjicere, & patrem adoptantem successionē privare, si hic ad successionem admittetur.

462. REGULA 3. Arrogator, qui impuberem sui juris in suam potestatem familiamque adoptione redegit, arrogato non succedit, si hic moriatur adhuc impubes. Ratio redditur ex dictis de *Adopt.* quia in tali adoptione debet arrogator cautionem præstare, quòd si adoptatus infra annos pubertatis decesserit, bona illius velit restituere illis, qui succederent ab intestato, si adoptio facta non esset. Succedit tamen, si pubes, non emancipatus, nec filius relinquens legitimos decedat. §. 2. *Inst. de acquis. per arrogat.* ibi. [Mortuo autem filio arrogato in adoptiva familia, etiam dominium rerum ejus ad arrogatorem pertransit, nisi supersint alie personæ, quæ ex constitutione nostra patrem in ijs quæ acquiri non possunt antecendant.] Hinc dubitatur, an ascendentes naturales, & fratres ex utroque parente conjuncti, si existant, excludant patrem adoptivum. Affirmat Jo: de Platea & Mynfinger in d. §. Communior tamen Sententia tenet, quòd ascendentes naturales succedant nati cum patre arrogatore & fratribus, si existant, quod sanè generalibus regulis conformius dicitur.

463. REGULA 4. Quandocunque ad Matrem spectat providere impuberi de Tutore, & non provideret, & filius decedat impubes, privatur mater jure successionis. §. 6. *Inst. de S. C. Terryli.* ibi. [Quod si tutores liberis non petierint, vel in locum remoti vel excusati intra annum potere neglexerint, ab eorum impuberum monumentum successionē meritò repellentur. & l. 6. C. eod. Omnem matri sive ab intestato, sive jure substitutionis, si filius impubes moritur, denegandam volumus successionem. si ea, legitimâ liberorum susceptâ tutelâ, ad secundas contra Sacramentum præstitum aspiravit nuptias, antequam ei tutorem alium fecerit ordinari, eique quod deberetur ex ratione tutelæ gestæ perfolverit.]

464. REGULA 5. Si parentes primi gradus supersint, pater & mater, & soli existant, nullis existentibus fratribus, succedunt æqualiter: in quo iterum correctum est jus antiquum, quo



quo pater excludit matrem tanquam agnatus cognatam. Procedit Regula, etiam si filius non sit emancipatus: quia commiserationis causa etiam tunc locum habet.

465. Controversum tamen est 1. An hæc æqualitas observetur in bonis quibusvis filii, tam in profectitiis, quam adventitiis, castrensibus & quasi. & quidem quod atinet ad bona Castrensis & quasi, item ad bona adventitia ab extraneo, in his illos æqualiter succedere non est causa dubitandi. Controversia tota est, an æqualiter succedant in illis bonis, quæ ab ipso patre vel matre profecta sunt, seu à linea paterna aut materna. Neque tamen est Sermo de illis bonis profectitiis, quæ adhuc pleno jure sunt patris, hæc enim ad solum patrem pertinent: sed de illis, quæ pleno jure filio sunt appropriata.

466. Prima Sententia negat in his æqualem successionem, & vult, ea quæ per lineam paternam ad filium pervenerint, ad solum patrem reverti, & ad solum matrem ea quæ per lineam maternam. Hanc tenet Schneidewein citans Bartolum, Ang. & Paulum de Cast. eandem tenet Petrus Gregorius Tholosanus *Synagm. p. 3. lib. 1. c. 9. n. 11.* Tyraquellus. *Comm. de retract.* Borcholdt de gradibus. p. 229. *Ofeq. Vulteius princ. Inst. h. 1.* Matthias Berlichius p. 3. *Concl. practicab. concl. 20. n. 14. Ofeq. & alii.*

Secunda Sententia affirmat. Ità ex Theologis Gab. Vafq. c. 4. §. 2. *dub. 2. n. 20.* Molina d. 163. n. 5. Card. Lugo d. 24. f. 8. §. 3. n. 182. Ex Juristis eam tenent post Baldum Nicolaus de Vbaldis de *success. ab intest. p. 2. n. 4.* Mynlinger cent. 6. *obser. 55. n. 3.* asserens hanc Sent. observatam esse à Camera Imperiali. Fachinæus l. 6. c. 4. Antonius Faber. tr. 14. q. 3. Petrus Barbosa ad l. *post dorem. n. 67.* VVelsenbecius in Schneid. Treutlerus, Hunnius & Harpprecht, citans plures quos videre non potui. Forsterus l. 7. c. 4. n. 12. Grassus q. 22. n. 5. Bachovius in *Treutl. d. 16. th. 4. lit. c.* Casp. Manzius à n. 17.

Hujus sententiæ sicut major est auctoritas, ità & fundamentis melioribus innititur. Probatur 1. & principaliter ex relata Nov. 118. ubi nullo factò discrimine constitutum est, ut si plures ascendentes concurrant ad successionem descendentium æqualiter succedant, illis verbis. *Si autem eundem habuerint gradum, ex æquo inter eos hereditas dividatur, ut medietatem quidem accipiant omnes à patre ascendentes, quanticumque fuerint, medietatem vero reliquam à matre ascenderet.* Quod si Imperator voluisset fieri bonorum Separationem, debuisset id clatis verbis exprimere, ut præstaret, quod sibi proposuit, omnes scilicet ab intestato successiones clarè disponere.

467. Probatur 2. Vnde cumq; bona provenierint, ità sunt propria filii, ut cum aliis bonis consolidentur, & adequatè patrimonii constituent, & eo mortuo hereditatis nomine veniunt. L. 52. ff. de R. J. *Hereditas nihil aliud est, quam*

*successio in universum Ius, quod defunctus habuerit.* Textus etiam elegans habetur in L. 10. §. 2. ff. de vulg. & pup. *subst.* [Filio impuberi hæredem ex asse instituto substitutus quis est: existit patris filius hæres, an possit substitutus separare hereditates, ut filii habeat, patris non habeat? non potest, sed aut utriusque debet hereditatem habere, aut neutrius, NB. junctà enim hereditas cæpit esse.] Ergo nec ascendentes succedentes possunt facere hujusmodi separationem.

468. Probatur 3. Ex contraria Sententia sequitur, quod proximus ascendens non excluderet remotiorem, saltem respectu illorum bonorum quæ à remotioribus advennerint filio, v. g. si patentes paterni essent remotiores, adhuc unà cum proximioribus maternis succederent, quia caperent illa bona, quæ ex linea paterna ad filium pervenissent. hoc autem repugnat Novellæ, ut legenti patet.

469. Obijciunt adversarii argumentum à paritate desumptum. Quando defunctus habet superstitem fratrem uterinum tantum, vel fratrem consanguineum tantum, tunc in bonis maternis uterinus, in paternis consanguineus succedit. L. 13. C. de legiti. *hered.* Ergo idem in ascendentibus dicendum. *¶* Negando paritatem. disparitas desumitur ex suprà dictis, quia ad filios perveniunt bona parentum ex voto parentum, non e contra bona filiorum ad parentes ex voto filiorum, sed ex commiseratione, ut habetur L. 7. & §. fin. ff. si ab. *inst. nulla ex stab.* sup. adducta. hæc fuit causa aliter disponendi in successione laterali, ut constabit ex dicendis.

Obijciunt etiam 2. §. 1. *Inst. per quas person. nobis acquiritur.* ibi. [Sanctum enim à nobis est, ut si quid ex re patris ei obveniat, hoc secundum antiquam observationem totum parenti acquiritur.] *¶* Hunc locum loqui de bonis profectitiis, quorum plenum Ius apud patrem manet, quod nihil facit ad præsentem questionem.

470. Obijciunt 3. ex lege 3. C. de bonis *que liberis.* ibi. [Sin autem idem nepos, superstitibus tam patre, quam avo paterno diem suum sine liberis obierit, eorum dominium, quæ ad ipsum ex matre, vel ab ejus linea pervenerint, non ad avum, sed ad patrem ejus perveniat, usufructu videlicet hujusmodi casibus avo (dum supererit) reservando.] Non video, quomodo adversarii, vel ad apparentiam possint ex hoc textu suam sententiam exsculpere: (quamvis etiam si exsculperent, Novella 118. prævaleret.) Quæstio enim præsens est non de patre & avo paterno (qui sunt ejusdem lineæ) sed de concursu duarum linearum, & quidem de concursu personarum in eodem gradu existentium.

471. Controversum est 2. An pater, vel avus, filio vel nepoti ab intestato defuncto, & in patria potestate constituto, unà cum matre, aut avo materno succedens præter suam portionem, quam pleno jure consequitur, etiam usumfru-

cum obtineat ad tempus vitæ ejus portionis, quam mater aut avus maternus consequitur. Ne autem quæstiones confundantur, certum est, quod mortuo filio pater retineat usumfructum, quem jam ante mortem in bonis adventitiis filii, undecunque proveniant, etiam à matre, habuit. sed dubitatur, an usumfructum de novo acquirat in illa portione, quæ in successione matri cedit. Affirmat Fachineus l. 6. c. 6. quem sequitur Harpprecht, qui Fachineum de verbo ad verbum describit. Mihi tamen probabilior est sententia negativa, quam secutus est Senatus Pemonianus, & defendit Hunnius q. 35. Fundamentum pro hac sententia adducitur ex relata Nov. ibi. *Nullum usum ex filiorum aut filiarum portione in hoc casu valente patre sibi penitus vindicare.* Respondet Fachineus, & ex eo Harpprecht, auferri patri usumfructum ex portione filiorum, non autem matris, quia scilicet vocatur ad successionem, ad quam aliis non erat vocatus secundum antiquas leges, de matris autem portione nullum verbum. Verum ut taceam, quod nulla appareat ratio cur patri auferatur usumfructus in portione filiorum, hoc est fratrum defuncti, & non etiam negetur in portione matris. satis efficaciter aliud colligitur ex verbis Novellæ, ubi lancitur, quod si diversarum linearum parentes concurrant, si quidem eundem habuerint gradum, ex æquo succedant, ut medietatem capiant ascendentes in linea paterna, & medietatem alteram ascendentes in linea materna. atqui (ut accurè subsumit Hunnius) si pater præter medietatem bonorum & facultatum defuncti, etiam usumfructum consequeretur in portione matris, jam non succederent æqualiter pater & mater, ut per se patet. Sanè si Iustinianus voluisset, patrem totius patrimonii usumfructum retinere, saltè in casu quo nulli fratres concurrerent, utique id tanquam valde memorabile expresisset.

472. Non nego pro Adversariis multum facere legem ult. C. ad S. C. Tertyll. §. 1. v. *sine verò defuncta persona.* Verum nec adversarii negare possunt huic legi derogari per Novellam, saltè in quoad portionem fratrum. Nos autem dicimus derogari etiam quoad portionem matris, quia hujus est major ratio.

473. REGULA 6. Quando in ordine ascendendum exstant plures disparis gradus diversarum linearum, tunc qui propinquior est excludit remotiorem, nullo illi repræsentationis jure concessio, sicut conceditur descendentibus. v. g. si defunctus post se relinquat patrem, & avum maternum, vel e contra, si relinquat matrem, & avum paternum, solus pater in priore casu, & sola mater in secundo casu succedit. Hoc dicit Novella illis verbis. *Hos præponi jubemus, qui proximi gradu reperiuntur.* Ratio est, quia contra naturam est, filium repræsentari à patre, hoc est, patrem defuncti ab avo ejusdem, cum

hæc repræsentatio fundetur in descensu ab eo quem quis repræsentat quasi imago illius. Et quamvis Hunnius q. 37. dicat non defuisse qui hoc quoque repræsentandi jus affirmarent, ego tamen reperire neminem potui, nec ille nominat aliquem.

474. Objicies. Successiones debent esse reciprocar, quia correlativorum est eadem conditio. Ergo sicut datur repræsentatio in descendibus, dabitur etiam in ascendentibus. 2. Distinguendo antecedens. Si extrema sint ejusdem rationis: conceditur, si sint diversæ rationis & considerationis negatur. Alioquin sicut fratres excluduntur à descendentibus, ita etiam deberent excludi ab ascendentibus, quod falsum esse patebit §. seq.

475. REGULA 7. Concurrentibus pluribus ascendentibus in secundo, vel ulteriore gradu æquali, v. g. avo & avia paternis, cum avo, aut avia materna, æqualiter quidem hæreditatem capiunt & dividunt, non tamen in capita: sed in stirpes: ita ut dimidiam partem capiant ascendentes à patre (quani inter se dividunt) & alteram dimidiam partem ascendentes à matre, sive unus, sive plures fuerint, & dispar numerus. Ità placuit Iustiniano (inquit Besoldus th. 19) in Novella relata, quæ verò illum ratio ad hoc moverit, nemo nisi divinando facillè dixerit, nisi forte, quod saltè in hoc voluerit esse eandem conditionem correlativorum.

## §. II.

*Quomodo succedant Ascendentes, existentibus collateralibus.*

476. REGULA 1. Fratres Germani & Sorores, hoc est ex utroque parente conjuncti, succedunt fratri defuncto una cum exstantibus ascendentibus in gradu proximiori, & quidem succedunt in capita. Ità allegata Novella. Itaque si præter fratres, aut sorores exisset pater, aut mater, aut his defunctis avus, aut avia, aut his defunctis proavus, aut proavia, quorum erunt huiusmodi capita, in tot portiones dividetur hæreditas. Ex eadem Novella constat, quod in tali concursu pater non acquirat usumfructum in parte fratris defuncti, quantumvis filii sui in sua potestate constituti. Vnde nascitur quæstio alibi resolvenda, an filiusfam. possit de tali portione & peculio adventitio facere testamentum.

477. REGULA 2. Vterini & consanguinei non succedunt cum ascendentibus fratri uterino, aut consanguineo. Mirum est, hanc Regulam ab aliquibus, quorum tacito nomine meminuit Hunnius, fuisse negatam ob leg. fin. C. ad S. C. Tertyll. cui utrique præferenda est Novella, expressè hunc concursum & consuccessio-

nem

nem solis Germanis indulgens. Itaque non solum non concurrit cum patre uterinus, sed ne quidem consanguineus, hoc est ex eodem patre natus, nec cum matre uterinus, sed à patre, aut matre excluditur.

478. REGULA 3. Existentibus, ascendentibus, fratribus, aut sororibus, & insuper alicujus fratris, aut sororis defuncti filiis, aut filiabus. hi quoque cum ascendentibus & fratribus concurrunt, sed in stirpes jure representationis patris, aut matris suæ ex utroque parente conjunctorum, & defunctorum. Hæc Regula est contra Novellam 118. sed statuta in Novella 127. ubi statuitur Imperator scilicet Novellam 118. emendare quoad hoc punctum. ubi c. 1. sic loquitur. [Hoc itaque iuste corrigentes fancimus, ut si quis moriens relinquat ascendendum alicui, & fratres qui possint cum parentibus vocari, & alterius præmortui fratris filios: cum ascendentibus & fratribus vocentur, etiam præmortui fratris filii, & tantam accipiant portionem quantum eorum futurus erat pater accipere, si vivisset. Hoc verò fancimus de illis filiis fratribus, quorum pater ex utroque parente iungebatur defuncto; & absolute dicimus, ordinem quando cum solis vocantur fratribus, eundem eos habere jubemus, & quando cum fratribus vocantur aliqui ascendentium ad hæreditatem.] Ita Nov. 127. Ex cuius verbis apparet, eam in terminis formalibus loqui de casu speciali, quo unà cum ascendentibus & fratribus concurrunt ex fratre defuncto filii. Vnde dubitari posset, an casu quo nulli existerent fratres, sed meri filii defuncti fratris, an inquam hi concurrerent cum ascendentibus, vel potius ab istis excluderentur, sicut excluduntur alii transversales. Treutlerus affirmat concurrere, & sic extendit Novellam 127. etiam ad hunc casum. Eandem sententiam tenet Schneidew. n. 29. VVesfenbec. in parat. de Gradib. n. 15. quos sequitur Casparus Manz. Hanc tamen extensionem improbant Cujacius, Borcholr, Hunnius & Bacchovius. Giphanius ac denique Ant. Perez. in *tit. C. ad S. C. Terryll.* n. 8. Neque enim credibile est, quod Imperator hunc casum tacuisset, & adeo discrete existentiam fratrum requisivisset, si hanc extensionem fieri voluisset. Non est ergo extendenda correctio Novellæ 118. ultra expressa verba Novellæ 127. cum omnis exceptio firmet regulam in casibus non exceptis. Est sane non difficile intelligitur, quomodo existentibus fratribus filii fratris defuncti subintrent in locum patris sui, stentque in eodem gradu cum fratribus; ac verò nullis existentibus fratribus censeantur potius in gradu remotiore constituti, & in propria persona velle succedere; merito proinde ab ascendentibus excludendi unà cum aliis laterales non fratres. Hæc sententia probabilis est, nec erat à non nemine tribuenda soli Giphanio, nec Giphanius erroris arguendus, sicut

nec Giphanius priorem sententiam rectè erroris arguebat, cum utraque sententia probabilis sit. Mihi verò prior verior videtur, quam etiam tenuit Cynus, & satis exprimitur in Rubrica Novellæ 127. quæ sic habet. *Vi fratrum filii succedant pariter ad imitationem fratrum, etiam ascendentibus existantibus.* Et ratio est, quia quando jus representandi conceditur, non curatur, utrum existant aliqui illius gradus in quo fuit ille qui representatur, ut patet in successione descendentium. Quod autem Imperator hoc non specialiter expresserit, non multum juvat adversarios, quia emendavit Novellam 118. in terminis illius Novellæ, quæ statutum erat, ut filii fratris defuncti excluderentur à fratribus existentibus: nunc autem placuit statuere, ut non excluderentur, sed haberent jus representationis: quo concessio satis ex natura rei consequens erat, nec ab ascendentibus esse excludendos, quia ascendentes non sunt fortiores ad excludendos laterales, quàm sunt fratres, utpote cum quibus ex æquo vocantur.

479. Minus laudabilis est Giphanius, quatenus asseruit, quod in casu, quo defunctus relinquit ascendentes, fratres, & filios fratris defuncti, dividenda sit hæreditas in tres partes æquales, quarum una parentibus, alia fratribus, tertia filiis fratris defuncti cedat. Hoc enim juri repugnat, quo soli filii in stirpes vocantur, cæteræ in capita, ut patet ex textibus allatis. Nec in hoc emendata est, vel verbulo Novella 118.

480. Hinc rectè deducitur, quod etiam in casu quo nulli fratres existant, sed fratrum filii cum solis ascendentibus vocantur, quod, inquam, non in capita, sed in stirpes succedant. Ratio est, quia si in capita succederent, id fieret in grave præjudicium ascendentium: absurdum autem est, filios fratrum, qui ex speciali privilegio vocantur cum ascendentibus, præjudicium asserere ascendentibus, quod illis non asferrent fratres, si adhuc existerent. Neque invenio Doctorem qui in hoc casu filios dicat succedere in capita, quamvis Manz. n. 61. dicat, hanc esse questionem unam ex difficilioribus in tota ista materia: hanc difficultatem ego non agnosco, sed bene in alio casu infra tractando, an, si nulli ascendentes exstent, filii fratrum succedant in capita, an in stirpes, qui est casus diversus.

481. Illud circa hæcenus dicta observatu dignum est, quod ex concursu, vel non concursu alterius, variari possit modus succedendi, in capita, vel in stirpes. Diximus enim, quod quando soli ascendentes succedunt filio, & sine diversarum linearum, atque in numero inæquales, quod inquam tunc succedant in stirpes: contra, si cum iisdem concurrerent fratres, succederent in capita: quod fortassis ideo statutum est, ut illis qui numero ascendentium plures in

una linea sunt, aliquo modo compensetur, quod illis per concursum fratrum decedit.

482. Sed QUÆRES. Quomodo ergo illi ipsi ascendentes numero impares succedunt in casu quo nulli fratres concurrunt, sed soli filii fratrum? Forsterus. *L. 7. c. 7. n. 3.* putat, quod in hoc casu ascendentes succedunt in stirpes sicut succederent, si nemo alius concurreter. Ratio illius est, quia cum filii fratris non succedant in capita, non poterunt efficere, ut parentes succedant in capita: hæc tamen ratio levis est, & magis placet sententia Casp. Manzii & Mattheliani, quod tunc ascendentes succedant in capita. Nam in Novella 127. in rubrica paulo ante adducta statuitur, ut fratrum filii succedant pariter ad institutionem fratrum, etiam exstantibus ascendentibus: atqui his exstantibus fratres faciunt illos succedere in capita: ergo idipsum facient filii, ut representantes patres suos, & non ex propria persona: & sic patet responsio ad fundamentum contrarium.

483. Porro hoc ius representandi non extendi ad Nepotes, est recepta sententia, & constabit ex dicendis §. sequente de Successione transversalium. Sit jam

REGULA 4. Frater naturalis succedit fratri naturali ex iisdem nato una cum Matre æqualiter. De Patre quomodo filio succedat, nempe solum in duabus uncis, jam supra dictum. Regula est communis contra Forsterum, qui tamen & ipse tandem regulæ accedit *L. 8. c. 11. concl. 3. n. 5.* sibi contrarius in *L. 7. c. 17. n. 9. & 10.* In terminis tenet Salycetus in *auth. Defuncto. C. ad S. C. Terryll. n. 5.* his verbis. *Quid si mater & alius naturalis tantum ejus frater superest? dico quod sic: si ex utroque parente, argumento hujus textus: non si ex parte tantum, quia illi mater præfertur.* Ratio est, quia talis frater etsi non sit legitimus, est tamen, aut certe creditur esse germanus: ergo succedet more aliorum Germanorum fratrum. Unde patet solutio ad fundamentum Forsteri, quod talis censetur esse tantum uterinus. revera enim quoad hunc successionis effectum non est tantum uterinus, esto quoad alios effectus fingatur esse tantum uterinus, & matrem sequatur: cujus diversitatis ratio est, quia in aliis attenditur ius legitimæ agnationis, in Successione verò ratio sanguinis præcipue attenditur.

484. Et hæc de Successione ascendentium, in quibus subintelligenda semper est limitatio quadam, quâ parentum ad secundas nuptias transeuntium Successio in bonis provenientibus ex priore matrimonio restringitur, & de ea dictum est tract. præced. & habetur Nov. 22. c. 46. §. 2. ibi. [Si autem intestatus filius moriatur, jam ad secundas veniente matre nuptias, aut postea veniente, vocetur quidem & ipsa cum filii aut filiarum fratribus secundum nostram constitutionem ab intestato ad ejus Successionem, sed quanta quidem ex paterna substantia ad filium

pervenerunt, eorum solammodo habeat ususfructum ad secundas omnino sive prius sive postea veniens nuptias: in residuis verò omnibus rebus quæ aliunde erant filio, præter paternam Successionem, veniat secundum vocationem nostram.] Idem habetur *Auth. ex testamento. C. de secundis Nupt. & in Jure Bav. tit. 40. a. 5. & 6.*

## CONTROVERSIA IV.

### De Successione Transversalium seu collateralium.

#### S V M M A R I V M.

EX Transversalibus primo loco succedunt fratres & sorores Germani, & excludunt non utrinque conjunctos. 487.

An soror Germana ab uterino excluderetur vigore statuti, ut femina à masculis excludatur. 488.

Procedit Regula etiam in naturalibus non legitimis. 489.

Procedit item in Naturalibus legitimis concurrentibus cum adoptato ab ascendente. 490.

Filii fratris defuncti concurrunt in stirpes. 491.

Fratrum filii excludunt cognatos in eodem gradu existentes. 492.

An successio fieret in stirpes, nullis filiis existentibus, nec Fratribus Germanis, existentibus tamen filiis ex duobus aut pluribus Germanis defunctis in aequali numero. 495.

Nullis Germanis exstantibus, succedunt fratres & sorores ex uno tantum parente conjuncti, excludentes ceteros etiam patrinos. 511.

Fratres naturales tantum ex eadem Matre progeniti sibi invicem iure cognationis succedunt, etiam si aliter esset legitimus. 512.

Fratres Naturales ex patre tantum conjuncti non succedunt invicem ab intestato. 513.

An facienda sit divisio bonorum, quando uterini & consanguinei succedunt fratri, ita ut uterinus succedat solus in bonis maternis, consanguineus solus in paternis. 514.

Deficientibus fratribus fratrumque liberis, vocantur promiscue ceteri agnati & cognati, observata gradus prærogativa, in capita, sublato Jure Representationis, & differentiâ superiorum aut inferiorum. 520.

An dupliciter vinculi in hac Successione locum habeat. 521.

Ad quos gradus se extendat successio collateralis. 523.

485. NOVELLA 118. c. 3. hunc Successionis ordinem sic absolvit. [Si igitur defunctus neque descendentes neque ascendentes reliquerit, primò ad hæreditatem vocamus fratres & sorores ex eodem patre & ex eadem matre natos, quos etiam cum patribus ad hæreditatem vocavimus.



His autem non exstantibus, in secundo ordine illos fratres ad hereditatem vocamus, qui ex quo parente conjuncti sunt defuncto, sive per patrem solum, sive per matrem.

Si autem defuncto fratres fuerint, & alterius fratris aut sororis pramortuorum filii, vocabuntur ad hereditatem illi cum de patre & matre Thejois (id est patris vel avunculi, amitis vel materis) masculis & feminis, & quanticumque fuerint, tantam ex hereditate percipient portionem, quantum eorum parens futurus erat accipere si superstes esset. Unde consequens est, ut si forte pramortuus frater cuius filii vivunt, per utramque partem nunc definitæ personæ jurebatur, superstitis autem fratres per partem solum forsan aut matrem ei jungebantur, præponantur istius filii propriis Thejois licet in tertio sint gradu, sive à matre sive à patre sint Thejois, & sive masculi sive feminæ sint, sicut eorum parens præponeretur si viveret. Ex diverso, si quidem frater superstes ex utroque parente conjungitur defuncto, pramortuus autem per unum parentem jungebatur: hujusmodi filios ab hereditate excludimus, sicut ipse si viveret ab hereditate excluderetur. Hujusmodi verò privilegium in hoc ordine cognationis solis præbimus fratribus masculorum & feminarum filiis aut filiabus, ut in suorum parentum jura succedant. Nulli alii omnino personæ ex hoc ordine venienti hoc jus largimur. Sed & ipsis fratribus filiis tunc hoc beneficium conferimus, quando cum propriis vocantur Thejois masculis & feminis, sive paterni, sive materni sint. ] (*quæ se quuntur in versu.* Si autem, non refero, quia, ut *suprà* retuli, *correcta sunt per Nov. 127.*)

Illud palam est, quia Thejois defunctis (est error, legendum est, defuncti) masculis & feminis, sive à patre sive à matre præponuntur (filii & filiae ex fratre defuncto utroque parente juncto) si etiam (id est quamvis) illi tertium cognationis similiter obtineant gradum. Si verò neque fratres neque filios fratrum (sicut diximus) defunctus reliquerit, omnes deinceps à latere cognatos ad hereditatem vocamus, secundum antiquissimæque gradus prærogativam, ut viciniore gradu ipsi reliquis præponantur. Si autem plurimi ejusdem gradus inveniantur, secundum personarum numerum inter eos hereditas dividatur, quod in capita nostræ leges appellant.]

486. Ex hac Constitutione, præter alias jam præcedente contro. positas, sequentes Regulæ statuntur circa successionem eorum, qui nec à defuncto per generationem descendunt, aut adoptati sunt, nec à quibusque legentis aut adoptatus est; & quidem deficientibus omnibus deficientibus & ascendentibus.

487. REGULA 1. Ex transversalibus primo loco succedunt fratres & sorores, ex eodem patre & matre defuncto juncti, nempe Germani, excluduntque fratres & sorores, ex uno

tantum patre aut matre conjunctos, nempe consanguineos, & uterinos.

488. QUÆRES. Si statum existeret, quo masculus feminam, frater sororem excludat, si tamen defuncto esset soror germana, & frater uterinus, avo consanguine, an illa ab hoc excluderetur. Respondeo negativè, ut tenet post Baldum Forsterus & Manzius. nam Statuta sunt interpretanda, ut quàm minimè recedant à Jure communi, ut in tract. de Legib. dicitur. atqui Statutum potest ità intelligi, nempe ut frater Germanus sororem germanam excludat, absque eo quòd uterinus excludat Germanam: ergo ità accipiendum est.

489. Proceidit REGULA etiam in filiis naturalibus non legitimatis: unde si quis duos ex concubina una, & tertium ex altera genuisset, & ex prioribus unus decederet, ejus germanus excluderet tertium qui est tantum consanguineus. Patet ex *suprà* dictis.

490. Extendit etiam Forsterus & Manzius Regulam ad naturales legitimos concurrentes cum adoptato ab ascendente, v. g. in hoc casu (quem puto metaphysicum, quia nemo solet adoptare habens naturales legitimos) Petrus habet duos filios ex eodem matrimonio: adoptavit insuper nepotem filiz in filium, postea moritur Petrus, deinde moritur etiam unus ex naturalibus: huic succedet frater germanus, excluso adoptivo: quia adoptio non solet in successione plus operari quàm unum vinculum: ergo sicut ob dupliciter vinculi excluditur à Germano uterinus & consanguineus, pariter excludetur adoptivus, qui censetur civiliter solum quoad patrem conjunctus. Neque adoptivum juvaret aliqua sanguinis conjunctio, quia, ut ponitur in casu, non est nisi in quarto gradu conjunctus, ponitur enim esse nepos sororis, unde nec jure representationis potest cum fratre concurrere: quia jus representationis in transversalibus non extenditur ad nepotes.

491. REGULA 2. Cum fratribus concurrunt filii alicujus fratris defuncti jure representationis, adeoque in stirpes, capturi partem, quæ patri suo viventi obvenisset. Adeoque excludunt etiam uterinos & consanguineos, sicut pater eos excludisset.

492. REGULA 3. Fratrum defunctorum filii excludunt etiam agnatos & cognatos in eodem secum gradu existentes. v. g. si quis relinquar patrum, avunculum, amitam, vel materam, & fratris sui prædefuncti filios, hi omnes sunt quidem in æquali gradu, nempe in tertio, nihilominus filii fratris defuncti præferuntur, idque propter eorum paulò post afferendum. Multi existimant, hoc illis competere propter ius representationis, quia finguntur esse in secundo gradu, nempe in eo quo sunt eorum pater: sicut ergo iste excludisset illos, ità & filii. Hoc argumento cum usus esset Gomez & ex eo

Moli-

Molina, Card. de Lugo vocat illud infirmum: eò quod representatio solum est pro casu expresso in lege: atqui in lege solum datur, quando filii fratris defuncti concurrunt cum fratribus viventibus: nusquam autem data videtur ad concursum cum patruo defuncti. Ità Lugo, & rectè, nam infra dicemus, quod ex alio capite proveniat hæc prælatio, & per consequens quod in tali casu filii fratrum non in stirpes, sed in capita succedant. Habetur regula in versu: *Illud palam*.

493. Circa quem tamen textum, ut supra monui, cavendus est error, qui in plerisque exemplaribus irrepsit, dum legitur *Defunctis*, & esset legendum *Defuncti*. Hunc errorem Lugo non est ausus affirmare simpliciter, sed solum est eum suspicatus. Sed haud dubiè intrepide affirmasset, si vidisset, errorem illum jam pridem in aliis exemplaribus esse correctum: nempe in exemplari Gallico impresso tum Anno 1606. tum Anno 1620. & quod Coloniz Allobrog. Anno 1614. Item in exemplari edito Aurelio-Poli 1604. ac denique in exemplari edito sine appensione loci, Typographo Jacobo Stoor 1614. ut proinde non nisi in corpore glossato majore (in quo plures errores continentur) prædictum errorem repetire poterim.

494. Itaque in prædicto textu aperte statuitur, quod Thii præferantur filii fratris defuncti. Ratione id probat acutissimus Lugo ex illo principio: Si vinco vincenem te, multo magis vinco te. quod si non haberet locum in materia successionis, daretur vitiosus circulus exclusionis. Nam filii fratris defuncti ex utroque parente conjuncti excludunt fratres defuncti vivos solum uterinos aut consanguineos, quia representant suum patrem, qui ejusmodi fratres excluderet: atqui ejusmodi fratres uterini excluderent patruos defuncti, fratres patris ejusdem defuncti: (ut postea dicitur, & habetur in textu) ergo à fortiori prædicti filii fratris defuncti excludunt patruos defuncti. Probatur hæc consequentia. Si enim possem excludere excludentem te, & tamen non excludere te: Ponamus ergo (inquit Lugo) quod manerent patruus, & fratres uterini, & filii fratris defuncti utrinque conjuncti defuncto: tunc fratres uterini excluderent patruos, atque ideo patruus non posset succedere. Rursus hi fratres uterini succedere non possent, quia filii fratris defuncti eos excluderent. Rursus neque hi filii succederent saltè soli, quia patruus succedere vellent cum illis (si scilicet non excluderentur) & rursus fratres uterini excluderent patruos ab ea partiali successione, & sic deinceps. Ità Lugo. Quamvis, ut existimo, hoc non stringeret, si quis contra apertum textum veller contrarium tueri. diceret enim, quod uterini tunc tantum habeant ius excludendi patruos, quando non exstant filii fratris utrinque conjuncti: sed hi existentibus illam vim non habeant. Quid-

quid ergo sit de hac subtili ratiocinatione, textus est apertus, quod sufficit.

495. Controversia gravis est, nec satis formaliter in textu decisa, quomodo fieret successio, an in stirpes, an in capita, nullis Thiiis existentibus, nec fratribus germanis, existentibus tamen filiis ex duobus, aut pluribus germanis defunctis, & quidem in inæquali numero, v.g. tres ex uno, duo ex alio, uno ex tertio. Ingens est in hoc puncto dissensio. Prima sententia vult, successionem faciendam esse in stirpes. Ità Accursius, quem teste Fornero secuti sunt 50. quibus adnumerandus Bacchovius in Treutl. & plures alii quos refert Harpprecht n. 412. nec multum ab ea alienus est Forsterus, arbitratus, æquitari & rationi consentaneam esse.

496. Secunda sententia, & quæ verior, & communior astituit, successiuros in capita. quam sententiam etiam ipse Accursius aliquando tenebat *Instit. de legit. agnat. success. §. hoc etiam in fin.* sed ab ea, ut dictum, recessit. in *L. lege 12. tab. in fine. C. de legit. hered.* Auctores innumeros pro hac sent. refert Harpprecht, inter quos maximi faciendus est Baldus, qui cum securus esset glossam Accursii, facti penitens postea sententiam Azonis & nostram amplexus est, dicens eam esse magis consonam litteræ & naturæ. Ex Theologis nostris eam tenet P. Molina d. 164. n. 12. Vasquez n. 59. & Card. de Lugo, qui tamen ex Molina malè eam tribuit Azor, nec enim Molina Azor, sed Azo citavit, qui est antiquior Accursio. Et quidem in Imperio non video, quomodo possit ab hac sententia recedi: nam esto in Novellarum jure non sit in formalibus terminis casus decisis, attamen Carolus V. Imperator in Comitibus Anno 1529. Spiræ habitis, cum consensu Statuum Imperii hanc secundam sententiam priori prætulit, & sancivit, ut divisio hæreditatis fieret in capita. Cujus Constitutionis verba refert Manzius n. 70. Verùm disputando quæstionem secundum ius commune,

497. Probatur imprimis ex iure antiquo, quod nullo claro textu Novel. correctum invenitur, & ideo in suo robore persistit. Imprimis ex l. 2. §. 2. ff. de suis & legit. Heredib. ibi. [Duos fratres habui, unus ex his unum filium, alius duos reliquit, hæreditas mea in tres partes dividitur.] Quid clarius? l. 1. §. fin. ff. si pars heredit. petatur, hoc clarè supponitur his verb. [Sunt defunctorum fratrum uxores prægnantes, quam partem fratris filius hæreditatis vindicer incertum est, quia quot edantur fratrum defuncti filii incertum est.] Item. *L. penult. in fine C. de legit. heredib.* ubi de de filiis fratrum & sororum sic habetur. [Illud procul dubio observando, ut successio non in stirpes, sed in capita dividatur, & is gradus in ordinem legitimum transferatur.]

498. Sed videamus nunc de iure Novellarum, & quidem ex Novella recitata, licet argumentum-

gumentari ex illis verbis. Sed & ipsi fratrum filii tunc hoc beneficium (representationis) conferimus, quando cum propriis vocantur Thio masculis & feminis. Atqui in casu, de quo est questio, non vocantur cum Thio: ergo non habent pro hoc casu beneficium representationis. ergo casus iste relinquitur decidendus ex jure communi, nempe graduum propinquitate, & successione in capita.

499. Ponderat Udalricus Zasius lib. 1. Respons. singul. c. 7. n. 3. illam particulam Tunc. & dicit, quod illa dictio Tunc extremitatem temporis ad punctum significet & prædicat. l. 4. ad f. ff. de condic. & demonstrat. & subdit, quod relata verba opinio eorum contrariam fortiter prosternant, ut non solum adversarii nihil habeant, quod contradicant, sed ne quo cavillari possint, & addit, quod pudor sit rem apertissimam controversare. Quæ tamen credo esse paulo cordatius dicta, cum Adversarii hunc textum non ignorarent.

500. Confirmari tamen potest sententia ex eodem Zasio. Nam in versu quandoquidem hæc verba ponuntur. [Quandoquidem fratris & sororis filii tale privilegium dedimus, ut in priorum parentum succedentes locum soli (in tertio constituti gradu) cum his qui in secundo gradu sunt ad hereditatem vocentur.] Sensus est, quod fratris filii non aliis in locum parentum succedant, quam cum vocantur cum his qui secundo sunt gradu constituti.

501. Hoc ipsum animadvertit noster P. Molina n. 13. quod representatio parentum in filiis fratrum concurrentium cum suis patris hoc est cum fratribus defuncti, & sui patris, eâ ratione introducta sit, ne fratrum defunctorum soboles ex parte omnis maneret hereditatis, à fratribus defuncti patris suis tanquam gradu proximioribus (nempe in secundo gradu) exclusa: atqui quando nullus exstat hujus sobolis patruus, hoc est frater defuncti, cessat eâ ratio: ergo cum filii fratrum diversorum pares essent in gradu comparatione defuncti, merito institutum est, ut in eo eventu staretur juri antiquiori.

502. Cum ergo jure antiquo haberent jus succedendi in casu posito, nempe deficientibus fratribus defuncti, & quidem jus succedendi in capita, quid queso beneficium contulisset Imperator, si statuisset ut succederent in stirpes? Quæ (inquit eleganter Zasius n. 4) improvidentia in Imperatore fuisset, eos vestire qui non erant audi? vulneribus mederi cum sani essent? baculo & rubicine eos sustentare, qui ambulare propriis viribus poterant?

503. Confirmari potest ex eodem Zasio. 2. Si fratrum filii, nullis existentibus fratribus, succederent in stirpes, non est plane ratio cur non & nepotes & pronepotes fratrum ita succederent in infinitum, sicut de deficientibus dictum est: atqui hoc prohibet Auth. post fratres fratrum-

que C. de legit. heredib. postquam enim authentica præcedente dictum esset, quod fratrum filii pares sint defuncti fratribus, & præferantur jure representationis ejusdem defuncti patris & aliis similibus, id est avunculis, amicis, materteris, subjungitur. [Post fratres fratrumque filios vocantur, quicunque sunt gradu proximiores, &c. Fiet autem divisio in capita, & non in stirpes.] In hac auth. fratres & fratrum filii considerantur ut constituti in eodem gradu. Jam verò nullis existentibus fratribus non est cur fratrum filii considerentur ut constituti in secundo gradu, sed considerabuntur, ut constituti in tertio gradu, postquam scilicet ius representationis illis non amplius est necessarium ad concurrendum cum fratribus: ergo ut sic succedent eo modo, quo authentica dicit, nempe in capita.

504. Obijciunt Adversarii 1. Constat ex Novella 118. filios fratris defuncti in successione patri sui præferri patris defuncti eoque excludere. Ità habetur in versu: Illud palam est. quem textum supra exposuimus: atqui hoc non potest illis competere nisi jure representationis, quo in locum patris sui succedant, ita, ut cum aliis in tertio gradu defuncto conjuncti sint, nunc in secundo gradu ipsi conjuncti intelligantur. Ergo succedent in stirpes, nam hic modus succedendi est annexus representationi. Hoc argumentum stringit nonnihil illos authores, qui (ut supra diximus) cum Gomez & Molina, Schneidewein & aliis putant, filios fratrum indigere jure representationis ad excludendos Thios defuncti. Verùm hanc rationem, ut ibid. dixi, non male rejicit Lugo & nunc eandem video improbatam ab Udalrico Zasio & Hunnio.

505. Ad argumentum ergo responderetur. 1. Negando minorem. Hoc enim nullo verbulo in illo versu dicitur, aut indicatur, sed ex proprio adversariorum capite fingitur: (inquit Zasius) & potius oppositum colligitur dum Imperator dicit. Illud palam est. Quasi diceret, id jure communi manifestum esse & indubitatum, nec illum casum egere provisione privilegii. Quæ est ergo ratio, cur filii fratris defuncti excludant Thios ipsius defuncti, si considerentur æque constituti in tertio gradu, ac Thii? 2. Rationem esse assignatam ab Antesignano Adversariorum Accursio, nempe quod etiam in linea laterali facilius succedatur in gradus inferiores, quam superiores. Ità ille Infi. de success. cog. & Baldus in Auth. defuncto C. ad Terryll. dicit magis deberi hereditatem descendentibus, quam ascendentibus, & pleniori jure, allegatque auth. in successione. C. de suis & legit. ubi dicitur, quod sola naturali causâ inspectâ descendentes præferantur ascendentibus.

506. In favorem tamen eorum, qui ad excludendos Thios jus representandi adhibent, Respon-

Respondetur secundò, negando consequentiam. quia jus repræsentandi non debet extendi ad casum, quo non est utile ad alterius exclusionem: ergo saltem tunc erit successio in capita, quando defunctus nullos Thios reliquerit, nullòsque fratres. Et ob hanc causam statum controversiæ ego in his terminis formavi: ratio autem sic formandi statum controversiæ dabitur paulò post n. 510.

507. Obijciunt 2. Ex §. cum filius. Inst. de heredit. que ab intestato deferuntur. ubi de patruclibus seu fratribus liberis solis concurrentibus ita statuitur. Si ex duobus filiis nepotes existunt, ex altero unus fortasse aut duo, ex altero tres aut quatuor: ad unum aut duos dimidia pars pertineat, ad tres vel quatuor altera dimidia. 2. Textum hunc apertè loqui de successione quâ Nepotes avo succedunt. Vnde si valeret argumentum ad casum de quo disputamus, inferendum esset, quòd jus repræsentationis protenderetur in infinitum, quod & jura & omnes DD. negant.

508. Obijciunt 3. Ex versu ultimo cap. 3. Nov. 118. ibi. Si verò neque fratres neque filios fratrum defunctus reliquerit, omnes deinceps à latere cognatos vocamus, &c. in capita. ergo filii fratrum non comprehenduntur inter illos qui in capita succedunt, sed inter illos qui in stirpes.

2. Cum Zasius, adversarius fallaciter omittere duo vocabula, quæ Imperator providentissimè per parenthesin inseruit: nempe: si non reliquerit filios fratrum (sicut diximus) id est, eo modo quo de illis dictum erat in versu: Hujusmodi. quò illis privilegium repræsentationis conceditur, si relinquuntur filii fratris defuncti unà cum fratribus vivis. in casu autem de quo disputamus non relinquuntur hoc modo, h. e. conjunctim cum fratribus: sed relinquuntur soli. Vnde Zasius putat, hunc textum adeo nobis favere, ut vix melior afferri possit.

509. Vnde non immeritò inebitur idem accuratissimus Zasius in illum Juristam (qui dicitur vocatus Irnerius) qui ex Novellis transcripsit in Codicem authenticas, & sæpe non satis fideliter, quod ipsum fecit in proposito, transcribendo auth. post fratres C. de legitim. hereditib. ex Novella paulò ante recitata: ubi etiam non satis ad mentem Novellæ constraxit authenticam, quasi Imperator simpliciter dixisset, post fratres & fratrum filios quoscunque gradu proximiores præferri, quod falsum est ex dictis. Ex hanc mutilationem putat multos DD. decessisse. Hanc ipsam mutilationem video etiam observatam à Salyceto, in adduct. auth.

510. Pro Coronide adverte, inter DD. patronos nostræ sententiæ illud esse discrimen, quòd aliqui ut Zasius & Hunnius, necnon Card. de Lugo, juxta sua principia tenere debeant, quòd filii fratrum defunctorum in capita succedant suo patru, non solum quando soli existunt, sed eti-

am quando excludunt Thios defuncti. volunt enim isti AA. quòd hæc exclusio non proveniat ex iure repræsentationis, prout superius retuli. Communior quidè aliorum sententia est, quam etiam sequitur Harpprech & Manzius, quòd tunc succedant in stirpes, quia vi repræsentationis excludunt Thios. Quæ sententia fortassis in usu forensi prævaleat, insistendo tamen litteræ prior verior videtur, ut jam suprà adverti.

511. REGULA 4. Nullis Germanis exstantibus succedunt fratres & sorores ex uno tantum parente conjuncti, & cæteris conjunctis præferuntur, adeoque etiam patris defuncti: Ità v. his autem. & quidem ex Regula generali, quia sunt proximi in gradu, nempe secundo. Porro jure saltem Bavarico tit. 41. a. 2. in his proceditur ferè sicut in germanis proportionem servatà. nempe & horum filii concurrentes cum fratribus in stirpes succedunt, patros verò defuncti excludunt: & quando soli existunt, succedunt in capita. Excludunt etiam nepotes fratrum quantumvis Germanorum, quia his non competit ius repræsentationis, & sunt in gradu remotiore. Dixi. Jure Bavarico. Nam iure communi quorundam opinio est, qui uterinorum filiis negant omne ius repræsentationis, prout docet Hunnius q. 42. nempe quia ius repræsentationis ad solos germanos restrictum videtur in v. hujusmodi autem. Sed longè communior est sententia, etiam in his agnolens ius repræsentationis. Ità Manzius dissert. 6. n. 5. ex Theol. Mol. Valsq. Lugo n. 187.

512. REGULA 5. Fratres naturales tantum ex eadem matre progeniti, adeoque uterini (an autem ex eodem patre nihil interest) sibi invicem jure cognationis succedunt, etiam si alter eorum esset legitimatus. L. 2. ff. unde cognati. ibi. [Itaque etiam vulgò quæsti liberi matris & mater talium liberorum, item ipsi fratres inter se ex parte bonorum possessionem petere possunt.] & l. 4. eod. [Si Spurius intestato decesserit, jure consanguinitatis, aut agnationis hereditas ejus ad nullum pertinet (prout dicimus Reg. seq.) quia iura consanguinitatis itemque agnationis iura à patre oriuntur. Proximitas autem nomine NB. mater ejus aut frater eadem matre natus bonorum possessionis ejus edicto petere potest.]

513. REGULA 6. Fratres naturales ex patre tantum conjuncti non succedunt sibi invicem ab intestato. Ità lege jam adductà, ubi etiam ratio continetur. Quia inter tales nec est agnatio neque cognatio. Non cognatio, quia ea seorsim sumpta contrahitur per matrem: arqui ponimus esse diversas matres. Non item agnatio, quia ea contrahitur per patrem tantum ex legitimis nuptiis, quales in nostro casu ponuntur non esse. Hinc patet, quid dicendum sit à fortiori de eo qui ex damnato coitu natus est. eo enim sine liberi mortuo, non admittuntur ejus fratres non solum uterini, sed neque ex legitimo

Matrj-





conjuncti: sufficeret enim, ut, propter hoc alterum vinculum à bonis paternis excluderetur. & tamen Imperator vult consanguineum per Germanos penitus excludi: ergo non attendit ad aliquid hujusmodi speciale jus. Secundò sequeretur, quòd in iisdem bonis paternis consanguineus admittendus esset cum filiis germanorum. & tamen ab his excluditur consanguineus etiam in bonis paternis. Tertio sequeretur, quòd si tantum sint bona paterna, nulla mater- na, uterinus à consanguineo penitus excluderetur, prout ego paulò antè etiam intuli, quod tamen ab omnibus reputatur inconueniens, & contra mentem Imperatoris. Restat, ut argu- mentis aduersariorum satisfiat.

§17. Obijciunt ergo principaliter ex lege *De emancipatis*. 13. *C. de legiti. her. dib.* cuius verba ja n suprà recitavi, in qua lege putant esse constitutum, quòd in maternis soli illi fratres & sorores vocantur, qui sunt de eadem matre. Huiusmodi breuiter responderè, legem illam esse revocant. Verior tamen est responsio, nihil quoad hoc punctum esse mutatum, quia Justinianus ibi non loquitur de fratre purè uterino, sed de Germano. hoc est, qui non tantum ex latere patris, sed etiam matris conjunctus est, & hunc vult fratri consanguineo præferri in bonis quæ defunctus frater à matre consecutus est. Nam (inquit Fachineus) hæc est sententia legis: Emancipato defuncto fratres & sorores ei succedere in dominio bonorum, patrem verò in usufructu. fratres autem & sorores ex utroque latere, vel ex latere patris. Ità tamen, ut is qui non solum ex latere patris, verum etiam matris junctus est, præferatur alteri consanguineo, quoad bona quæ defunctus habuit à matre. Hodie tamen iure Novellæ 118. penitus præferitur, & consanguineus à Germanis penitus excluditur, non solum in bonis paternis, sed etiam maternis. Quòd autem sermo ibi sit de Germano, confirmat Fachineus optimè ex eo, quia tempore quo illa lex *De emancipatis* condita est, frater uterinus ad successionem non admitteretur, sicut admitteretur consanguineus in ordine fratrum, sed in ordine aliorum cognatorum: quomodo ergo potuit ibi Imperator loqui de purè uterinis, quòd excludant consanguineos? aut quare non pariter dixit, quòd consanguineus excludat uterinos in bonis paternis? atqui de hoc nullum verbum: ergo non dixit excludi consanguineum ab uterino, sed à Germano, hoc est, etiam per matrem conjuncto. Hanc interpretationem postea repeti etiam in *Salyceto in d. legem. de Emancipatis. num. 1. in fine.*

§18. Obijciunt 2. Votum parentum est, ut bona sua potius ad suos descendentes veniant, quam ad alios: ergo uterini sunt in bonis maternis præferendi consanguineis. §. 1. In suc- cessionibus votum hoc parentum non haberi pro regula, alioquin dicendum esset, quòd nepotes

fratrum defuncti excluderent patruos ejusdè de- functi, quia illi sunt descendentes à patre defun- cti, suo proavo, non autem patru. Item dicen- dum esset, quòd uterini concurrant cum germa- nis saltè quoad bona materna, quia votum & affectus parentum debet esse æqualis in æqualiter ex se descendentes. Item dicendum esset, quòd masculi essent præferendi feminis, quia affectus parentum videtur esse major erga masculos in quibus familia conservatur. Vides ergo hoc ar- gumento nimium probari, ideoque transmissio antecedente negari consequentiam. §. 2. Dis- tinguendo antecedens. Votum parentum est, ut bona potius perveniant ad descendentes, quo- usque expedit Reipublicæ, ità pervenire, con- cedo, secus nego. Ob rationes autem quas sup. in- sinuavimus, & quas habere potuit Imperator, qualesque habuit Ius Bavaricum, Saxonicum & VVirtembergicum in nostro casu aliter dispo- nendi, expedit successionem fieri sine bonorum divisione.

§. 3. Aliiter distinguendo. Votum pa- rentum est, ut sui descendentes ex suis bonis dis- tescant potius quam alii, nisi ex contraria legis dispositione tantundem possint sui descendentes sperare, concedo, aliter nego, & explico distin- ctionem. Antecedenter ad omnem casum even- tualè, non est magis favorabile uterinis, fieri, quam non fieri bonorum divisionem, quia æquè probabile est, quòd bona paterna futura sint æ- qualia aut majora, quam bona materna: ergo æquè multum sperare possunt (antecedenter ad omnem casum eventualè) parentes, profu- tum suis liberis, si non fiat bonorum divisio secundum leges, quam si debeat fieri: si ergo ob alia incommoda expedit Reipublicæ admitti uterinos cum consanguineis indivisiim, nullum planè præjudiciū timere possunt parentes, quin tantundem spei habeant de futuro lucro, quæ omnia rem attentè consideranti faciliè pate- bunt, & ex ijs quæ in tract. de legibus posita sunt deducuntur.

§19. Confirmari denique possat conclu- sio ex eo, quòd tam fratres uterini, quam consan- guinei sine discrimine vocentur ad tutelam Nov. 118. c. 5. & in *L. Meminimus* sup. cit. atqui vo- catio ad tutelam cum sit vocatio ad onus, habet correspondentem vocationem ad successionem: ergo par erat, ut sicut indivisiim gerere debent tu- telam, ità & indivisiim succedant: quam ratio- nem indicat *Salycetus in d. l. meminimus*, dicique esse cordi habendam.

§20. REGULA 8. Deficientibus fra- tribus, fratrūque liberis, vocantur promiscuè ceteri collaterales agnati & cognati, observatà gradus prærogativà: succeduntque in capita, sublato omni iure representationis, omni diffe- rentià superiorum vel inferiorum collateralium: unde inferitur, quòd patruus magnus, id est avi mei frater, quamvis sit ex ascendentibus, id est,

ex illis collateralibus, qui ascendentibus conjunguntur, non excludat nepotes fratris mei, quia sunt constituti in aequali, hoc est quarto gradu: item in omnium sententia nulla sit bonorum divisio, sed in omnia bona indivisum succedunt patruus & avunculus.

§21. Dubitari posset 1. An duplicitas vinculi in hac successione locum habeat. Joannes Harpprecht n. 453. in hoc puncto singularem sententiam, & (ut ipse putat) albo notandam calculo tenet, quòd si quæ persona duplici vinculo & ratione defuncto conjuncta sit, ea duas quoque hæreditatis partes auferre queat: exemplum ponit, si Titia tanquam neptis ex avunculo magno, & tanquam neptis ex amita magna defuncto fuerit conjuncta: Probabile putat, eam duas portiones ex hæreditate capere posse. Verùm hanc sententiam merito explodunt alii omnes, cujus non solum nullum exstat vestigium in d. Novellâ, verùm oppositum satis indicatur ultimis verbis: *secundum personarum numerum inter eos hæreditas dividatur*. Et sanè si vinculi duplicitas attendenda esset, non ad duplicandam portionem, sed ad exclusionem servire deberet, v. g. ut patruus qui meo patri fuisset utroque parente conjunctus, excluderet patrui uno tantum latere conjunctum: sicut Germani excludunt uterinos.

§22. Fundamentum Harpprechtii est hujusmodi. Quando duplex qualitas in una eademque persona concurret, illa persona pro duobus personis reputatur, & petiunde habetur ac si illa qualitas duplex duabus diversis personis inesset, ut notè juris est. 2. Non semper quando ad aliquem effectum duplex titulus in una eademque persona est, hoc ipso duplex persona censetur & effectus duplicabitur: cujus rei infinita possent exempla adduci, unum alterumque sufficiat. Non hoc ipso quòd quis ex duplici titulo unâ cum aliis simplicem titulum habentibus ejusdem personæ tutelam gerit, non inquam hoc ipso duplex persona censetur, & tanquam duplex persona tutelæ actione tenebitur, aut duplicem satisfactionem præstare debet. Aliud & clatius est in beneficio competentie. Non hoc ipso quòd alicui ex duplici, vel triplici titulo competat beneficium competentie, non inquam hoc ipso duplicem competentem sustentationem retinere poterit. Valet ergo solum in casibus à iure expressis. Cæterum duplex vinculum & titulus succedendi collateraliter licet non operetur successionem in duas portiones, non tamen est otiosus, quia dat jus ad succedendum alteri personæ, ad cujus hæreditatem nullum jus habet alter qui unico vinculo conjunctus est. Nam, v. g. patruus qui mei patris germanus est, potest succedere avix meæ, cui non potest succedere patruus uno tantum latere conjunctus.

§23. DUBITATUR 2. Ad quot gradus sese extendat successio collateralis. Communis habet sententia antiquiorum, quòd se solum extendat ad decem gradus. Probari solet ex §. fin. *Inst. de success. cognat.* ubi admitti jubentur agnati usque ad septimum gradum tantum. Postquam autem interagnatos & cognatos subflata est diversitas quoad ius succedendi, inferri videtur, successionem simpliciter se extendere ad decem gradus.

§24. Recentiores tamen, ut Harpprecht, Hunnius, Befoldus, Arn. Rarh, & plurimi alii apud Harpprecht existimant in infinitum extendi, non minus, quàm in descendentibus. Et satis efficaciter colligitur ex illa particula. *Omnes demum à latere cognatos*. Addit Harpprecht, quòd in bonis damnatorum soli ascendentes & descendentes succedant non item collaterales, quamvis contrarium teneat Vultejus, Julius Clarus, & communis Opinio: sed hæc questio ad meum propositum nihil facit, & magis à consuetudine, quam ex iure scripto decidenda videtur. Extensio etiam ultra decem gradus parùm utilitatis habet in ordine ad excludendum fiscum, quandoquidem vix contingit, ut cognati, aut agnati ultra decimum gradum reperiantur.

## CONTROVERSIA V.

### De Successione Conjugum.

#### SUMMARY.

*P*er se loquendo, deficientibus enumeratis, succedunt sibi conjuges in solidum. §25.

*Si mulier nullam dotem attulit marito, nec haberes sustentationem, admittitur ad successionem etiam cum liberis.* §26.

*Admodum non intervenit divorcium durans usque ad mortem.* §27.

*Pactis dotalibus potest variari successio.* §28.

*Quid iuris quoad successionem proscriptorum, & ob alia delicta damnatorum.* §29.

§25. Successio conjugalit cum admodum variè ordinetur, tum pactis dotalibus, tum diversis locorum statutis, ideo brevissimè dicendum quia de iure communi, eoque Prætorio statutum sit.

REGULA 1. Per se loquendo deficientibus illis, de quibus hæcenus dictum, succedunt sibi conjuges in solidum. I. un. C. Unde vir & uxor. [Maritus & uxor ab intestato in vicem sibi in solidum pro antiquo iure succedunt, quoties deficit omnis parentum liberorumve seu propinquorum legitima, vel naturalis successio, fisco excluso.] Procedit Regula, quantumvis Matrimonium rarum non fuisset consummatum, quia


contumatio non pertinet ad substantiam Matrimonii.

§26. REGULA 2. Si mulier nullam dotem attulit marito, nec mortuo viro haberet, unde sustentaretur, tunc ad successionem admittitur etiam cum liberis modo constituto in auth. subsequente ad legem adductam. [Præterea si Matrimonium sit absque dote, conjunx autem præmoriens locuples sit, superstes verò laboret inopiâ, succedat unâ cum liberis communibus alteriusve Matrimonii in quartam, si tres sint, vel pauciores. Quod si plures sint, in virilem portionem, ut tamen ejusdem Matrimonii liberis proprietatem seruet, si exstiterint. His verò non extantibus, vel si nullos habuerit, potietur etiam dominio, & imputabitur legatum in talem portionem.] Idem habetur Novella §5. c. 6. & Nov. 117. c. 5. Habetque Regula locum etiam in marito inope respectu uxoris per Nov. 73. §. 5. in f. & procedit, etiam nullis liberis extantibus. Item ex æquitate extenditur etiam ad casum quod-dos, vel contrados allata quidem fuit, sed exigua.

§27. Ut tamen hæ Regule procedant, necesse est, non præcessisse divortium durans usque ad mortem. Nov. 117. c. 5. & quidem legitime & jure factum. Et quia plura huc spectantia in d. c. continentur, id ita habet. [Quia verò legem dudum posuimus præcipientem, ut si quis uxorem aliquando sine dotalibus acceperit, cum affectu solum nuptiali, & hæc sine causa legibus agnita projecit, accipere eam quartam partem substantiæ ejus: & aliam post hanc fecimus legem, decernentem, si quis dotatam uxorem per affectum solum acceperit, & usque ad mortem cum ea vivens præmoriatur, accipere similiter & eam quartam illius substantiæ portionem, ita tamen ut non transcendat hoc centum librarum auri quantitatem. In præsentem illius utramque legem disponentes, sancimus, in utroque casu ex talibus Matrimonii natos filios legitimos esse, & ad paternam vocari hæreditatem: uxorem autem ex utroque horum casuum, si quidem usque ad tres habuerit filios ejus vir, sive ex ea sive ex alio Matrimonio, quartam partem substantiæ viri accipere. Si autem amplius fuerint filii, tantum in utroque similiter casu accipere jubemus mulierem, quantum uni competit filiorum, ita quippe ut usum solum in talibus rebus mulier habeat: dominium autem illis filiis servetur, quos ex ipsis nuptiis habuerit. Si verò talis mulier filios ex eo non habuerit, jubemus etiam domini jure habere eam res quas ex viri facultatibus ad eam venire per præsentem iussimus legem. Quæ tamen irrationabiliter exclusæ est, in ipso tempore expulsiõis partem jubemus accipere, quæ continetur hac lege. Virum enim in talibus casibus quartam secundum priorem nostram legem ex substantia mulieris accipere modis omnibus prohibemus.]

§28. Dixi suprà, Pactis dotalibus hæc successionem inter conjuges variari posse. Nani licet cæteroquin pacta mutæ successionis privatorum in præjudicium eorum qui ad successionem à jure vocantur, non substant, l. 61. ff. de V. O. l. 25. & fin. C. de pactis. pactis tamen dotalibus id fieri posse receptum est, in quibus cavetur, quid maritus ex dote, vel uxor ex donatione propter nuptias aliisque bonis, lucrari & accipere possit, sicque provisio hominis tollat provisionem legis. Imò hæc pacta videntur revocari posse ad speciem ultimæ voluntatis, si ut plures DD. requirunt) fiant coram quinque testibus, vel ad acta insinuantur. Porro quia in casu secundæ Regulæ quadrans bonorum mariti conceditur uxori in viam & locum dotis, hinc non malè inferat Andr. Gail l. 2. obf. 86. Mulierem ab hujus consecutione non excludi per crimen læsæ Majestatis à Marito commissum, non obstante, quod per hoc liberi à successionem arceantur. l. 5. §. 1. C. ad leg. Jul. Majest. quæ est sanè lex durissima: Filii verò ejus (id est rei criminis læsæ Ma.) [quibus vitam Imperatoriæ specialiter lenitate concedimus (paterno enim deberent perire supplicio, in quibus paterni, hoc est hæreditarii criminis exempla metuuntur) à materna vel avita omnium etiam proximorum hæreditate ac successionem habeantur alieni, testamentis extraneorum nihil capiant, sint perpetui egentes & pauperes, infamia eos paternam semper comitetur, &c. sit & mors solatium, & vita supplicium.] Eorum etiam bona fisco addicuntur, qui sibi ipsis metu poenæ ob sua delicta mortem alciverunt. C. de bonis eorum qui mortem sibi consciverunt l. 1. secus eorum qui aliis ex mærore. Ibid. quam legem retruli in 2. tract.

§29. De proscriptorum & ob alia delicta damnatorum bonis & successione, exstat auth. C. de bonis proscript. quæ sic habet. [Bona damnatorum seu proscriptorum non fiant lucro Judicibus, &c. sed ascendentibus & descendentibus & ex latere usque ad tertium gradum si superint. Uxores verò eorum dotem & ante nuptias donationem accipiant. Si verò sine dote sint, de substantia mariti accipiant partem legibus definitam, sive filios habeant sive non. Sed si neminem prædictorum habent, qui deliquerunt, eorum bona fisco sociantur. In Majestatis verò crimine condemnatis, veteres leges servari jubemus.]





CONTROVERSIA VI.

De Successione Fisci, & quorundam aliorum.

SUMMARIUM.

**B**ona (nemine ex prædictis comparente) fisco cedunt, non quidem nomine hereditario, sed Jure Superioritatis, & in vim Regalium. §30.

Alii dicuntur Successionis incapaces, alii indigni, & horum portio fisco applicatur. §31.

Quid Juris circa bona peregrinorum. §32.

Quid Juris quoad peregrinos in Gallia, & de privilegio Germanorum. §33.

§30. Quando nemo comparet, qui Jus succedendi defuncto prætendat, facienda est proclamatio publica, quâ denuntietur, ut si qui defuncti hereditatem sibi debere putent, compareant: nemine intra terminos præfixos comparente, censentur bona vacantia. *L. fin. C. de bonis vacant.* Deinde

REGULA est, bona fisco cedere, non quidem nomine hereditario, sed Jure Superioritatis, & in vim regalium cum omnibus juribus & oneribus percipiendis & præstandis, quæ alii heredi præstanda essent. *l. 4. C. de bon. vacant. Vacantia mortuorum bona tunc ad fiscum jubemus transferri, si nullum ex qualibet sanguinis linea, vel juris titulo legitimum reliquerit intestatus heredem.*

§31. Notandum autem hic est, quod alii dicantur successionis incapaces, ut sunt geniti ex damnato coitu, aut rei criminis læsæ Majest. alii verò dicuntur indigni. qui habentur *ms. ff. & C. de his qui ut indignis auferuntur.* Incapaces non impediunt, quominus portio eorum ad alios proximios deveniat, quia perinde censentur ac si non existerent. Atverò Indignorum portio fisco applicatur exclusis aliis. Indigni autem censentur sequentes. Qui testatorem occiderunt. causam mortis præbuerunt. mortem ejus intra terminum à Judice dandum ulcisci neglexerunt: ejus judicium seu ultimam voluntatem probo so nomine impugnant: eum gravis delicti reum faciunt.

ciunt, ei statim controversiam movent. qui contra tabulas iniquè petunt bonorum possessionem: qui uxorem contra leges duxerunt. inimicitias capitales cum defuncto exercuerunt, aut illi maledixerunt: uxorem ejus corruperunt. in fraudem juris promittunt restituere personæ quam capere fas non est: qui hereditatem compilaverunt, in quantum compilaverunt: qui de hereditate viventis improba facta fecerunt. denique (sed horum portio non cedit fisco) qui se à tutela testamentaria excusant.

In his ergo casibus Fiscus succedit per se loquendo. Quatenus autem succedit in defectum propinquorum, conjugum, patronorum, &c. adhuc etiam potest per accedens excludi à Collegio, cujus pars fuit defunctus C. de hereditatib. decur. l. 4. *Intestatorum Curialium bona, si sine herede moriantur ordinibus paria eorum adipisci precipimus.* similia habentur in cæteris legib. quæ tamen non credo observari.


§32. De bonis Peregrinorum decedentium in loco ubi non constat de ejus cognatione, statutum est in Auth. *Omnes peregrini. C. Communia de successione.* Omnes peregrini, si intestati decesserint, ad hospitem nihil pervenit, sed bona ipsorum per manus episcopi loci, si fieri potest hereditibus tradantur, vel in pias causas erogentur, &c.

§33. Alio jure utuntur Galli, apud quos fiscus succedit peregrinis decedentibus in Regno. quam consuetudinem an Besoldus rectè dixerit admodum iniquam *disq. de regal. c. 9. n. 4.* alii judicent. Germani tamen qui studiorum causâ in Gallia peregrinantur, & matriculæ nationis Allemanicæ inscripti sunt hoc privilegio fruuntur, ut ibi decedentes bona sua ad propinquos transmittant. de quo Rebuffus in *proem. Const. gloss. §. n. 82.*

Hæc de Successione ab Intestato in Bonis Allodialibus. De Successione in Feudis agendum est in tract. proprio de Feudis.

Postea tandem hic agi de Remediis Juris quibus hereditatem nobis debitam obtinemus, ut est Petitio hereditatis, Possessio Bonorum secundum & contra rabb. &c. sed de his in tract. de Testamentis commodius agetur.

FINIS TOMI PRIMI



1. The first part of the document discusses the importance of maintaining accurate records of all transactions and activities. It emphasizes the need for transparency and accountability in financial reporting.

2. The second part of the document outlines the various methods and techniques used to collect and analyze data. It includes a detailed description of the experimental procedures and the statistical analysis performed.

3. The third part of the document presents the results of the study. It includes a series of tables and graphs that illustrate the findings of the research. The data shows a clear trend in the relationship between the variables studied.

4. The fourth part of the document discusses the implications of the findings and provides recommendations for future research. It suggests that further studies should be conducted to explore the underlying mechanisms of the observed phenomena.

5. The final part of the document is a conclusion that summarizes the main points of the study. It reiterates the importance of the research and the need for continued investigation in this field.



# SYNOPSIS ALPHABETICA TOMI PRIMI.

In qua Numerus major seu Romanus, Tractatum, minor  
verò Numerum Initialem indicat.

## A.

### *Abortus.*

**N** Unquam licet directè procurare abortum, sive ad famam, sive ad vitam conservandam. II. 628  
Licet tamen sumere pharmacum absque intentione abortus, cum periculo tamen futuri, dummodo non sit magna spes, quod infans esset ad Baptismum perventurus, si pharmacum non sumeretur. 629

### *Absentia.*

Regula vulgaris: *Non videtur abesse, qui brevi est reversurus*: non procedit nisi in casibus à Iure expressis, & in ordine ad effectum à lege intentum, cui non obest absentia. I. 74.  
ubi vide exemplum.

### *Accessio.*

Est modus acquirendi Iure gentium, quando materia minùs principalis aliena, jungitur materiz propriæ jam formatæ: v. g. si vestijam facta: intextatur purpura aliena, toti cedit. 110.

Si bonâ fide facta est intextura, Domino putpuræ competit conditio sine causa, vel actio ad exhibendum: si malâ fide, actio furti. 110

### *Actiones.*

Quanam pro Iurium varietate convenient, videntum est sub proprio vocabulo cujusque materiz.

Actiones sæpè non dantur ad versus hæredes, etiam si obligentur in conscientia. II. 172.  
ubi vide exempla.

Actiones ex contractu, vel quasi (inter quas etiam sunt pænæ persecutoria: lite contestatâ) descendentes, & hæredibus, & in hæredes dantur. 267

Actionibus ex delictis, hæres non tenetur, nisi in quantum ad eum ex delicto pervenit, exceptâ conditione furtivâ. 268

### *Actus Servitus.*

Est Ius agendi jumentum, vel vehiculum per prædium vicini. III. 179

Qui Actum habet, etiam Iter habet. 180

Actus ad quatuor pedes in directum, ad octo in anfractum constituitur. Iter plerumque ad duos pedes. 181

### *Adoptio. Adoptivi.*

Adoptio est actus legitimus per quem is qui naturâ non est, fit filius electione, vel: est legitima extranei in filium assumptio. I V. 146

Dividitur in Arrogationem, & Adoptionem specificè sumptam.

Arrogatio est adoptio extranei sui Iuris. Adoptio in specie, est Adoptio alicujus extranei filii.

In Arrogatione requiritur expressus consensus arrogandi, in adoptione sufficit tacitus, & patris consensus expressus. 150

Potest adoptio fieri coram quovis Magistratu municipali. 151

Castrati adoptare non possunt, bene tamen Spadones, ob spem removendi impedimenti generationis. 151

Fæminæ non nisi in solatium filiorum amissorum adoptare permittuntur, quia carent patriâ potestate. 153

R r r

Debet

## Synopsis

Debet adoptans adoptandum excedere octodecim annis ætatis. cod.

Impubes etiam infans arrogari potest ex justa causa, si sanguine juncti judicaverint illi expedire, & apud Magistratum affirmaverint. 154

Adoptans pupillum debet fide juberere, quòd bona arrogati, si impubes decesserit, restituere vellet ha redibus pupilli. Obligatur etiam, quòd si illum sine causa emancipaverit, non solum omnia ejus bona ei reddere velit, sed etiam quartam omnium bonorum partem relinquere. 154

Quarta pars autem intelligitur omnium bonorum, non portionis ab intestato debita. 156

Adoptati per arrogationem subjiuntur patriæ potestati adoptantis, unà cum omnibus, si quos habent ipsi in potestate. 157

Adoptati specificè ab avo, transeunt in potestatem avi, eique succedunt. Adoptati ab extraneo, manent in potestate patris naturalis, & huic acquirunt, ac succedunt: neque adoptans teneat his aliquid relinquere, potestque ad libitum adoptionem resolvere: si tamen intestatus moriatur, adoptatus illi succedit, sed non aliis consanguineis. 157

Adoptatus ab avo si emancipetur, recidit in patriam potestatem patris naturalis. Si emanciparetur sine causa, ad minimum succederet instar arrogati. 158

Imò probabiliter succederet, ac si non esset emancipatus, ut dicitur v. *Sucessio Adoptivorum*. ubi etiam dicitur, quòd Iura succedendi patti naturali per adoptionem ab avo factam, non amittantur Iure Novell. esto Iure Codicis hic relato amitterentur.

Potest quis adoptare aliquem in nepotem, etiam si nullum filium habeat. Potest item adoptare simul patrem & filium: an autem simul possit adoptare filium in filium, & patrem in nepotem, ita ut pater fieret filius sui filii, est inutiles quaestio. 159 & seqq.

In adoptione in nepotem, ut sit hæres filii, requiritur consensus filii: non item si avus vellet suum nepotem in adoptionem dare. 162

De successione adoptivorum in feudis, multiplici distinctione opus est. 163. Sed exactius dicitur in tom. 3. tract. 9. cap. ult. quod est de feudis.

Filius adoptivus non excludit substitutum fideicommissarium sub hac conditione: si adoptans sine liberis decesserit. 164.

Adoptati tamen ab avo, & fideicommissio gravati filius naturalis excluderet substitutum, quia conferretur subintestata conditio: si sine liberis. cod.

Non permittitur quis adoptare eum, cui est obnoxius rationibus reddendis, ob periculum fraudis. 165

Adoptator potest adoptatum iterum dare in adoptionem alteri. 168

## Adulterium.

Adulter prolem adulteram post triennium tenetur alere: cetera damna aliis, ut marito, liberis, &c. sunt solvenda partim ab adultero, partim ab adultera, & unus in defectum alterius. II. 699

Debet autem esse summè probabile, prolem esse suam. Quod si certum sit, prolem esse adulterinam, sed est dubium, ejus sit ex duobus, non solum ambo tenentur ad damna subsecuta, & unus in defectum alterius: sed etiam tenentur alere prolem. Si ex tempore possit colligi, causus esset, illi adjudicaretur. 701

Si non possit aliter satisfieri legitimæ proli, nisi manifestando adulterinam, tenebitur mater manifestare, nisi habeat causam relevantem, quales videre licet n. 703 704

In ordin. Criminali Caroli V. sancitur in adulteros pœna capitalis, sive solutus cum uxore alterius, sive soluta cum alterius marito, sive uxor cum marito alieno peccaverit.

Jure Bav. 1. si inter personas vulgares adulterium est simplex, primâ vice per mensem incarcerationatur in pane & aqua, vel æquivalenti levi victu: qui pinguioris fortunæ est. 113. ff. de cruc. qui tenuioris, dimidiâ parte ple-  
ditur, applicandâ piis causis, & manifestatori. Qui solvendo non est, finito carcere per tres dies Dominicos continuos cum candela ante templi fores constituitur. Si adulterium est duplex, post incarcerationem cum candela, & denudatis brachiis, cum virga in manibus, ferto inclusis, collocantur. 2. Si secundâ vice deprehendantur, relegantur extra Bavariam in perpetuum, vel aliis pœnis coercantur. 3. Si tertiâ vice, Iudici in criminalibus traduntur. 4. Statuuntur variz pœnz pro personis non vulgaribus. 5. Nobilibus conceditur inclusio uxoris usque ad mortem. Jure Canonico aufertur adultero Ius petendi debitum, & conceditur separatio thori. 705

Conjux innocens per se loquendo lucratur dotem, vel contra dotem, secuto divortio, sed proprietates reservatur liberis legitimis exstantibus, nullis exstantibus marito cedit, & ex reliquis bonis quantum est tertia pars dotis. Exceptis septem casibus hic recensitis. 706. & seqq. ubi n. 710. de præscriptione contra accusationem intra 6. menses.

Leges permittentes occisionem adulteri cum uxore, aut filia nupta in patria potestate constituta, si voluerunt dare licentiam, ut tanquam



## Alphabetica.

quam ministri faciant, non sunt iustæ; pœnam amen remittere poterant ob iustum dolorem. 713. & seqq.

Facto divortio, ex communi opinione tenetur maritus alere uxorem adulteram. 718

Adulterium, cum non possit à quovis de populo accusari, pertinet ad delicta privata potiùs, quàm publica. 720

### Ædificatio.

Est Modus acquirendi lute gentium. Nam ædificium ex aliena materia in meo solo constructum, mihi, seu solo cedit. manet tamen alter materiæ Dominus, & potest eam vindicare diruto ædificio: sed priùs non potest: habet tamen actionem de tigno juncto in duplum. V. 119. & seqq.

Datur hæc actio etiam in duplum contra bonæ fidei ædificatorem, saltèm quando est fundamentum præsumendi aliquam culpam Civilem. 123. & seqq.

Quodsi mallet ædificator materiam restituere, non teneretur ad aliud. 132

Qui ex sua materia in alieno solo ædificat, illius sit domus, cuius est solum cui coheret; & quamvis jure Digestorum etiam amitteret ædificator materiam, aliud tamen statutum est lute Codicis, quia non rectè præsumebant antiqua lura animum donandi. 134

Qui in alieno solo suo nomine ædificavit, seu bonâ, seu malâ fide, si ipse ædificium non possidet, stricto jure nullâ actione illi succurritur. 142

Ex æquitate tamen talis ædificator potest possessionem repetere *condictione incerti*, in ordine ad hunc effectum, ut sumptus & impensas deducere possit, quibus res melior est facta. 142

### Aggressor.

Quandonam liceat occidere aggressorem, vide *Homicidium*.

### Alluvio.

Est incrementum latens, & modus acquirendi lute gentium. V. 89

Incrementum agri fructuarii, quoad fructus fructuario prodest, quoad proprietatem Domino agri cedit: nec tamen Canon Emphyteutæ propterea augendus est. 90

Ab alluvione differt Vis fluminis, qua pars abstracta tunc primâ acquiritur, cum fundo coheret, & arbores radices in nostro fundo agunt. 91

### Aliiùs tollendi servitus, & non tollendi.

Dupliciter hæc servitus constitui potest. 1. Per modum Necessitatis: & est lute cogendi vicinum ad ædes aliùs tollendas. 2. Per modum Facultatis, & est lute quo vicinus non jure libertatis, sed jure convincto concessio ædes suas aliùs tollere potest. III. 165. & seqq.

Servitus aliùs non tollendi, est lute, quo vicinus ultra certum altitudinis modum ædes tollere prohibetur. 169

### Alvei mutatio.

Est modus acquirendi lute gentium, propinquis prædiis cum proportionem dividendo relicto alveum. Inundatio tamen quia formam agri non mutat, non aufert illius dominium. V. 100. & seqq.

### Apes. Alvearia.

Non est necesse, ut apes in tua arbore mellificantes alveario artefacto includas, ut tux fiant, sed satis est, habere animum eas unâcum arbore possidendi: si tamen ex alieno alveario huc volassent, non licet eas tuo alveario includere, quamdiu animum redeundi non planè deposuerunt: potestque Dominus eas tintinnabilis revocare. V. 85. 86.

Apes fetis animalibus rectiùs quàm mansueris adnumerantur. 87.

### Aqueductus Servitus.

Est lute aquæ ducendæ per fundum alienum. Instrumenta & machinas curare debet Dominus fundi dominantis, cui tamen non licet rivum deprimere vel allevare. III. 185

Licetum est aquam in prædium dominans ductam, ulterius in alium locum dirigere, in commodum etiam vicini. 186

Prædio dominante per alluvionem aucto, non ex hoc crescit Servitus ut plus aquæ ducere liceat. 187

Potest hæc servitus in eventum futurum constitui, ut aquam quærere, & ducere liceat. 188

Si fons, postquam exaruit, ad venas redierit, Servitus quoque redit. 189

Præter Confessoriam actionem datur Interdictum de aqua quotidiana, etiam si non ducatur quotidie, quod ut competat, satis est, vel uno anni die aut nocte duxisse. 190

Item Interdictum de aqua æstiva, quod competit, Rrr 2

## Synopsis

tit, si priore vel hac æstate ducta est, imò  
eisi hyeme. 191  
Item Interdictum de rivis & fonte. 192  
Ad hanc servitutem reducitur Servitus æquæ  
non intercidendæ vel præcidendæ. eod.

### *Aquahautus Servitus, & Pecoris appulsus.*

Est Ius aquæ hauriendæ ex flumine, fonte, vel  
puteo, &c. vicini, quoad opus est fundo  
dominanti, & operariis illius: quibus & i-  
ter concessum est. III. 193  
Amitteretur autem iter, amisso aquæ haustu per  
omissionem haustus, etiam si iterum esset. 194

Appulsus pecoris est Ius pecoris ad vicini aquam  
appellendi, ejus adaquandi gratiâ. eod.

### *Aquila Lex.*

Hac lege succurritur sequentibus casibus dam-  
nificationum ex culpa factarum.

Si quis servum alienum, vel quadrupedem ex  
numero pecudum occiderit, condemnatur  
Domino in tantum, quanti plurimi illa  
res eo anno retrosum inspecto fuerit. II. 156

Si damnum negans convincatur, in duplum. an-  
nus non intelligitur utilis, sed continuus. eod.

Si putando arborem, vel reficiendo rectum,  
occidas ramo, vel regulâ cadente servum  
prope viam publicam, non maturè procla-  
mans, aut signum ponens, eadem penâ  
teneris. 157

Idem de Medico imperitè servum curante dicen-  
dum. 158

Idem dicendum de Mulione, non continente  
Mulas. 159

Ex eadem lege datur actio pro aliis quibuscun-  
que damnis in re corporali factis per de-  
teriorationem. qua petitur, ut reus dam-  
netur, quanti in diebus 30. proximis res  
damnificata plurimi fuerit. & in omnia  
damna secuta. 159. 160

Hæc actio etiam quâ pœnalis datur hæredibus,  
sed non contra hæredes. 161

Nisi lite contestatâ. De Iure Bavarico tamen  
datur adversus hæredes. 163

Hodie lex hæc quoad æstimationem rei pro tem-  
pore elapso non viget. 164

Agitur potest ex hac lege triplici actione: Directâ,  
Utili, (civilibus) & Prætoriâ. 165  
Ubi vide prolixiorẽ explanationem.

Lexus in corpore suo, agit ad æstimationem o-  
perarum amissarum & amittendarum. 166

Non tenetur hæc actione, qui demolitur ædes  
vicini in incendio inde imminente. 167

Nec hæc actione tenetur paterfamilias, in cujus  
ædibus incendium ortum est, si non con-  
stet, cujus culpâ ortum sit. 168

Ebrietas non impedit hæc actionem, si non  
constet, privâsse usu rationis. 169

Damno à pluribus simul dato, agi potest contra  
omnes, & singulos. 170

Tenetur hæc actione cadens in sylva non cædua. 171

Iure Bavarico cadens & subducens ligna in alie-  
na sylva, in duplum tenetur. eod.

Lex Aquilia fundatur in præsumptione culpæ  
theologicæ, quâ deficiente nulla est obli-  
gatio in conscientia. & per sententiam  
damnatus habet jus occultæ compensatio-  
nis. 178. 179

Quando verò subest culpa theologica, tunc in  
conscientia etiam ante sententiam est obli-  
gatio reparandi damnum, transiitque ad  
hæredes. 180

Non item obligatio ad excessum pœnalem. nisi  
lite contestatâ. 181

### *Arrha.*

Est illud, quod sponsi sibi mutuò tradunt, in  
signum & Pignus Matrimonii futuri. I V. 329

Describitur: Quæ in continenti traditur à pro-  
mittentibus, hæc lege adjectâ, ut si dans  
Arrham sine iusta causa resiliat, eam amit-  
tat, & alter eam lucretur. Si verò resiliat  
accipiens, eam restituat, & eidem æquiva-  
lens. 355

Potest constitui in quavis quantitate, etiam ma-  
jore quàm sit Dos. 356

Potest constitui tam in certa specie, quàm in pe-  
cunia. 357

Possumt utrinque constitui & tradi, & tunc amit-  
titur tradita, & restituitur accepta. 358

Secuto Matrimonio restituitur, nuptore pignus. 359

Non amittitur si Matrimonium sine culpa non  
impletur. 360

Potest Arrhæ apponi pactum Tripli, vel Qua-  
drupli solvendi ab accipiente. 361

Minor tamen gauderet beneficio Restitutionis  
in Integrum. 362

Qui se sub disjunctione obligaret vel ad Matri-  
monium, vel ad certam pœnam, haberet  
electionem, nec contraxisset sponsalia. 363

Adjectâ sponsalibus pœnâ non tenetur, si cau-  
sa resiliendi iusta sit. 364

Probabilius est, pactum pœnæ adjectæ obligare  
si sine causa resiliatur. 364. & seqq.

— 331 —



## Alphabetica.

### B.

#### *Beneficium.*

**B**eneficiorum Collatio, Confirmatio, vel Unio à Sede Apostolica facta, ut teneat, litteris expeditis fieri debet. I. 178  
Facultas non residendi in Beneficiis cutam animarum habentibus, exigit Scripturam ab Ordinario dandam. eod.  
Beneficium non conferri invito est intelligendum, quando rationabiliter est invitatus, & quando requiritur acceptatio. II. 117  
Beneficii redditus an & quantum alienari possint vide. *Clerici.*

#### *Binuba.*

De hujus pœnis & obligationibus vide. *Nuptia secunda.*

#### *Bona derelicta.*

Ut bona censeantur derelicta, non sufficit, in eum statum devenisse, ut nisi tu occupares, omnino periret, aut non posset moraliter ad suum dominum sine majore sumptu reverti. Sed animus domini ex circumstantiis colligendus est, & impossibilitas moralis recuperandi talis esse debet, quæ reddat dominum domino nullius æstimationis. V. 5. 6  
Res pro derelicto habita, sit statim occupantis, si vult esse dominus. 8

### C.

#### *Capitis Diminutio.*

**E**t Status Mutatio; eaque Triplex. Minima, quæ mutatur Familia. Media, quæ Familia & Civitas amittitur. Maxima, quæ etiam Libertas. III. 119

#### *Cessio Bonorum.*

Beneficium hoc introductum est pro debitoribus qui incarcerari possunt (de quibus vide *Debitor*) ut habeant electionem inter Carcerem, vel Cessionem Bonorum; quæ semel facta non possunt postmodum iterum cogi ad cedendum, sed solum pro residuis debitis solvens, quantum commode possunt. II. 436  
Qui jurejurando affirmant, quod nihil ad solvendum reliquum habeant, & non suâ culpa ac negligentia, sed ex accidenti adversis casibus ad inopiam redacti sunt, cogi non possunt ad cessionem vel carcerem. 437  
Quomodo possit quis cedere bonis, qui nihil scit se habere. 442

Beneficium cessionis negatur debitoribus ex derelicto, qui quod non habent in ære, luunt in carcere. Negatur etiam tutoribus, & jure Bavarico nemo admittitur ad cessionem, nisi constet, quod inevitabili necessitate, & casu improvviso, sine culpa ad eam inopiam pervenerit, ut solvendo non sit. 443 & seqq.

Debitor non suspectus de fuga, potest petere inducias quinquennales, & his concessis non habet regressum ad cessionem, sed vel solvet, vel incarcerabitur donec solvat. 444

In Germania Opificibus relinquantur instrumenta ad quærendum victum. Alii non tenentur indicare ea bona, quæ si auferrentur, incurrerent gravem necessitatem, vi cujus possent aliena accipere. 445

Beneficio cessionis gaudet hæres negligens inventarii confectorem. 446

Non urgentibus creditoribus, non potest debitor ultra arripere beneficium cessionis. 447

Cessio non potest fieri in illis bonis quæ alienari non possunt, & ideo non fit à filio in bonis adventitiis, quorum ususfructus ad patrem spectat. 448

Fidejussoribus non prodest cessio bonorum, aut induciæ quinquennales, ut non possint conveniri. Exceptiones enim quæ personæ inhaerent, ut Cessio, Restitutio in integrum, non dantur fidejussoribus, sed illæ solæ quæ rei cohererent, ut pacti conventi, rei judicati, transactionis, doli, metus, jurisjurandi, &c. 450 & seqq.

#### *Clerici.*

Quomodo obligentur legibus Civilibus. Vide: *Legis subjectum.*

Clericus ex probabilibus conjecturis infamatus, admittitur ad purgationem canonicam. II. 508

Clericus in prædio spectante ad suum Beneficium habet dominium & non merum ususfructum, & ideo prohibitus ab usu, non agit confessoria, sed actione injuriarum. III. 83

Clerici sunt domini illorum bonorum, quæ ratione Beneficii tanquam fructus illius consequuntur. IV. 68 & seqq.

Quod Clerici non possint licite convertere hujusmodi bona in usus profanos, non est juris naturalis, sed solum juris humani: & potest ab Ecclesia fieri licitum, sicut defuncto Clerico de illis licite testantur, & incolæ urbium Romæ etiam inter vivos possunt disponere pro libitu. 82 & seqq.

Distributiones, Pensiones, Præsentia, Stipendia  
R r r 3 dia

## Synopsis

dia, ratione Capellaniz potius annumerantur quasi patrimonialibus bonis. 86. & seqq.

**Qui contra legem prohibentem expendi in usus profanos, expenderet vigesimam partem superfluum 100.** adeoque 5. florenos, cetera ad causas pias, non peccaret mortaliter ex opinione Card. de Lugo. 91. ubi aliorum opiniones referuntur.

**Potest Clericus compensare ex redditibus, quod expendit ex patrimonialibus, vel quasi in suam sustentationem.** 92

**Clerici ob naturales dotes maiores, possunt aliquando plus in sui sustentationem convertere, quam alius, non tamen totum excessum, si habeant ex patrimonialibus, unde possunt splendidiùs vivere.** 93. 94

**Potest intuitu obsequiorum extraordinariorum adjicere aliquid patrimonialibus, quantum valent obsequia.** 95

**Si etiam parcius vixit, potest adjicere patrimonialibus quod comparat.** 96

**Non possunt Clerici beneficiati alienare redditus suorum beneficiorum ad vitam sive alienantis, sive percipientis: quamvis possint transigere tanquam super re dubia, absque prajudicio successorum.** 99

**Possunt tamen suos redditus locare ad triennium utile, non tamen ultra, v. g. ad duo triennia, cum adjecto pacto, ut post primum incipiat secundum. Posset tamen se ad totam vitam obligare personaliter ad permittebam alteri fructuum perceptionem.** 100

**Si locatio facta esset ultra triennium, valeret saltem ad triennium, nisi alia esset contrahentium intentio.** 101

**Mortuo beneficiato intra annum, & beneficio alteri collato, fructus pendentes ad successionem spectant, percepti & separati ad hæredes defuncti. nisi alicubi recepta sit Bulla Julij III.** 102 103

## Cloaca Servitus.

**Est jus immittendi Cloacam, hoc est, meatum subterraneum in ædes, aream, agrum, vel solum vicini, ad sordes evehendas. Licet Domino intrare ædes vicini, aperienti pavimento causâ cloacamque purgandi, præstari cautione damni infecti. III.** 176

## Columbaria.

**Columbaria sunt licita ex Consuetudine. V.** 81

**Non licet tamen directè & ex intentione, mediis etiam secundum se licitis, alterius columbas allicere ad suum columbarium.** 82

**Nec licet columbas extra columbarium vagantes capere, vel jaculari.** 83

## Commixtio.

**Est Modus acquirendi lute Gentium, permixtione materiarum solidarum, ut separari & discerni non possint, v. g. si frumenti cum meo: quo casu acervus non fit communis, sed manet dominium penes singulos secundum partem, & quantitas venit in actionem Vindicationis, qualitas verò arbitrio Iudicis relinquatur. In pecunia tamen res aliter se habet, ob quotidianum illius usum: hæc enim fit illius, qui alienam cum sua miscuit. V.** 115. & seqq.

## Compensatio occulta.

**Compensatio occulta licita est cum his conditionibus. 1. Ut id quod accipis, sit vel tuum, vel debitoris cui accipis. 2. Ut non habes spem alio non nimis difficili medio debitum tuum obtinendi, eò quòd scias debitorem nolle solvere, & ex alia parte sine gravi incommodo non sit accessus ad Iudicem. 3. Ut non admittas secundam solutionem. 4. Ut inde non creetur prajudicium longè gravius innocenti. 5. Ut fiat cum damno debitoris minore quo potest. 6. Ut debitum sit moraliter certum. II.** 332

**Non est probabilis opinio, sufficere solam probabilitatem debiti.** 334 & seqq.

## Competentia Beneficium.

**Est privilegium quorundam Debitorum, ut non reneantur, nisi in quantum commodè possunt, reliquâ sustentatione competente. Conceditur parentibus, Liberis, Fratribus, Socio, Patrono, Donatori, Militi armatæ militiæ, Marito. ac demum ex communi etiam Nobilibus. Item Doctoribus Iuris, Advocatis, Magistris, & Professoribus. & universim illis qui incarcerationi non possunt. De quibus vid. Debitor. Vnde & Clericis competit gaudentibus privilegio fori, sicut universim depauperatis per infortunium. 153. & seqq. & 460. Socero Patri uxoris convenit stante Matrimonio, si conveniatur de dote. Socero patri mariti convenit tam stante, quam soluto Matrimonio. 459**

## Confessoria Actio. vide Servitus.

## Confusio.

**Est Modus acquirendi lute gentium. Quando enim duorum materiz liquidæ ita confunduntur, ut discerni non possint, si vel utriusque consensu, vel casu fortuito facta est, fit torum commune, etiam si specificatio facta esset. Si unius solius voluntate, & sine specificatione, manet etiam commune: si verò**



## Alphabetica.

verò cum specificatione, fit specificantis.  
V. 112. & seqq. vide etiam, *Specificatio.*

### *Conjuges.*

Possunt validè cedere jure suo Matrimoniali,  
ut per adulterium alterius non fiat Injuria.  
111. 121

### *Constituti Clausula.*

Est modus acquitendi possessionem generalis,  
quando præcedente quocunque titulo ad  
transferendum Dominiū habili, constituit  
se quis possessorem nomine illius, cui rem  
alienavit. 111. 218

Lite motā inter constituentem & alterum, in cu-  
jus favorem constitutum est, iste habetur  
possessor. Lite verò motā inter hunc &  
aliū tertium, non præsumitur constituens  
possidere alterius nomine, sed est proban-  
dum. 219

### *Constitutio.*

Constitutio aliquando sumitur pro legibus, quæ  
à solis inferioribus Principibus, vel à ci-  
vitate feruntur: & vocantur, *Statuta.* A-  
liquando verò magisque propriè, Consti-  
tutiones dicuntur, Decreta Pontificum. I. 2

### *Consuetudo.*

Consuetudo alia est Facti, hoc est absque obli-  
gatione: alia Juris, habens vim legis. Alia  
dicitur esse secundum legem, alia præter,  
alia contra. 121

Consuetudo definitur hic, Ius moribus introdu-  
ctum, quod pro lege suscipitur, cum de-  
ficit lex. 122

Ut sit rationabilis, nec debet præbere licentiam  
peccandi, nec Reipub. pernicioſa, nec Jure  
reprobata esse. 123

Consensus populi in obligationem consuetudi-  
nis est signum, quòd consuetudo expe-  
diat. 124. ubi vide plura exempla.

Aliud est: reprobari consuetudinem, aliud re-  
probari actum consuetudinis, cujus fre-  
quentatione consuetudo præscribitur. Po-  
test per legem impediri præscriptio consue-  
tudinis. 128

### *Consuetudinis Præscriptio.*

Consuetudo contra legem tam Canonicam  
quam Civilem, præscribitur spatio decem  
annorum. 130

Brevius tempus, prudenti judicio definiendum,  
sufficit ad abrogandam legis obligationem

per actus contrarios à legislatore dissimula-  
tos, unde possit præsumi animus legem re-  
vocandi. 130

Præscriptio contra legem Ecclesiasticam, non est  
præscriptio contra Ecclesiam, quatenus Ec-  
clesia gaudet privilegio 40. aut 100. anno-  
rum, ne contra sua bona præscribatur: ne-  
que leges numerantur inter bona Legis-  
latoris. 134

Ad hanc præscriptionem ne quidem à principio  
requiritur bona fides, sed inchoari potest  
per actus formaliter transgressivos legis.  
136

Neque est par ratio cum aliis præscriptionibus  
bonam fidem requiruntibus ob damnum  
tertiū alioquin secutum, & ob mortalem  
connexionem initii injusti cum injusta  
continuatione. 137

Ad consuetudinem præter Legem inducendam, tot  
actus requiruntur, & sufficiunt, ex quibus  
prudenter judicari potest, populum in ta-  
lem obligationem consentire. Contra le-  
gem verò, quot intra decennium frequen-  
tati ostendunt, expedire legem abrogari.  
138

Debent autem actus esse plenè voluntarii, non  
metu, aut dolo obtenti. 139

Vt consuetudo obligationem inducat, debet ad-  
esse scientia, quòd antecedenter nō adsit obli-  
gatio, vel fallēm nō debet error esse causa  
sic operandi, & ut deroget, debet adesse sci-  
entia legis contrariæ. 140

Ad inducendam consuetudinem in obligationem, re-  
quiritur intentio talem inducendi, sicut in  
legislatore ferente legem. 141

Colligitur hujusmodi intentio 1. ex eo, quòd in  
materia gravi & difficili populus à toto ge-  
nere uniformiter operetur. 2. si neglectio-  
res reprehendantur ob difformitatem, qua-  
si impedire conantes cursum consuetudi-  
nis. 3. si sit in tali materia, ut sine obli-  
gatione non possit sperari illud bonum,  
quod per obligationem obtineri facilius  
potest, quàm sine obligatione, unde collig-  
itur tacita intentio inducendi obligatio-  
nem, quatenus quis censetur velle Reipu-  
blicæ per suam operationem prodesse me-  
liori modo. 142

Vnde ad præscribendum contra legem faciliè col-  
ligitur intentio sese deobligandi, utpote  
quod est lucrum & commodum, quod a-  
gendo contra legem acquiri potest. 143

In Principe non requiritur consensus expressus  
in legis abrogationem, sed sufficit tacitus &  
generalis, contentus & fundatus in illis la-  
ribus, quibus hujusmodi abrogatio inve-  
nitur approbata. 146

Præscriptio ergo impeditur, si in lege dicatur:  
*Contrariâ consuetudine non obstante.* 146

Con-

## Synopsis

Consuetudo universalis abrogatur per legem universalem contrariam, non item consuetudo particularis alicuius loci, nisi illius mentio fiat, cum censetur legislator illam ignorare. 147. 148

Imò nec consuetudo particularis abrogatur per legem particularem, latam à Legislatore universali, nisi illius mentio fiat (quia censetur illam ignorare) vel accedat populi consensus, vel constet Principi esse notam. 149

Clausula derogatoria nō se extendit ad Consuetudinem immemorabilem (nisi exprimatur) utpote habentem vim privilegii. 151

### Cooperans.

Quo ordine teneantur Cooperantes ad Restitutionem pro damno injuriā dato, vid. *Restitutio*.

### Creditor.

Quo Prioritatis Iure & ordine veniant, quando Debitor non est omnibus solvendo. vid. *Prioritatis Ordo inter Creditores*.

### Culpa.

Qualis culpa theologica requiratur ad fundandam obligationem restituendi ex injusta læsione, vide. *Damnum injuriā datum*.

Culpa Juridica est quintuplex. Latissima, Latior, Lata, Levis, Levissima. Latissima est dolus apertus. Latior, dolus præsumptus. Lata est intermissio diligentie communis, & in Iure sæpe dolo comparatur, ita ut, qui dicitur teneri de dolo, intelligatur etiam teneri de culpa lata. Levis est omissio diligentie, quam homines providentiores solent adhibere. & in Iure venit nomine Culpe simpliciter posito. Levissima est omissio diligentie exactissimæ. In Iudiciis non fit discrimen inter culpam latiore & latam. II. 185

Culpa lata præstanda est, regulariter, in contrahentibus cedentibus in utilitate illius cui alter obligatur. levis, in illis, quæ in utilitatem utriusque, levissima in utilitatem illius solius qui obligatur. 246

De quibus accuratius in tract. 9. & 10.

Culpa lata, levis, levissima, aliter accipi potest in sensu subtiliore theologico, quam communiter & Juridice accipitur. 248

Quando quis ex constitutione legum ad certum genus culpe cavendum obligatur ex contractu, tunc; nisi expressè aliter conventum fuerit, obligatur etiam in conscientia ad illam culpam vitandam ex iustitia. 249

Non tenetur tamen ante Iudicis sententiam ob talem culpam ex inconsiderantia inculpabili commissam: & quia Iudex ex præ-

sumptione culpe procedit, tenetur quidem parere sententiae, sed haberet jus occultè compenlandi. 250

### Curatela. Curator.

Curatela durat ab anno pubertatis usque ad 25. annum: Iure Bavarico usque ad. 21. I. V. 210. 314

Qui pubertatem adeptus est, potest in causis spiritalibus, sine Curatoris & patris consensu, sive per se, sive per procuratorem respondere. Impuberi adjungitur ab Episcopo Curator aut Procurator ad litem. eod.

Plura Curatoribus cum Tutore communia vide: *Tutor*.

Curator non datur de Iure communi invitis, nisi ad litem. Testamento datus debet confirmari. 315

Curatores non tantum dantur Minoribus, sed aliis, qui rebus suis præesse non possunt, ut furiosis, prodigis, ægris, surdis, mutis, &c. 317

Curator convenitur utili actione Tutelæ, item actione negotiorum gestorum, quæ datur etiam durante curatela, sicut etiam actione ex stipulatu. 318. & seqq.

Curatori datur actio utilis contraria. 321

### D.

### *Damnum injuriā datum, vel sine.*

De hoc vide, *Aquila Lex. Delictum, vel quasi. Noxalis Actio*.

**D**amnum sine culpa theologica datum, nullam parit obligationem reparandi, jure naturæ, sed comparatur casui fortuito. sicut si ab amente factum esset, utpote non voluntarium. II. 187

Cum hoc tamen fiat, quod obliget ad reparationem quod si erravi circa personam, dummodo voluntarium fuerit damnum in genere. 190

Ex peccato Veniali ob plenæ advertentie defectum, si nasceretur obligatio restituendi, nasceretur ad totum, & non merè ad partem. 191

Ex Semiplena advertentia non nascitur obligatio ad restituendum damnum grave: utpote in ratione talis non voluntarium. 195 & seqq.

Ex pluribus læsionibus levibus successivè factis, & denique læsionem gravem inducentibus, adhuc nascitur obligatio gravis ad restituendum

## Alphabetica.

- tuendum tantum, ut non remaneat lætio  
gravis. 198
- N**on nascitur autem hæc obligatio præcisè ex  
peccato veniali prout habet rationem cul-  
pæ, sed ex conventionem seu consensu ta-  
cito illi culpæ annexo, quo quisvis qua-  
cunque læsione voluntariâ voluit esse ob-  
ligatus ad restituendum damnum quod vo-  
luntariè intulit. 208. & seqq. cum plena de-  
claratione.
- Q**ui per errorem putat, damnum à se inferen-  
dum majus esse, quàm reipsâ sit, affecti-  
vè quidem gravius peccat, sed non tene-  
tur ad plus restituendum, quàm quantum  
reipsâ damni intulit. 218
- Q**ui vult alterum lædere, sive graviter, sive le-  
viter, non tenetur ad damna extrinseca sub-  
secuta, & prudenter insuspicabilia. 219
- Q**ui ex culpabili inconsiderantia non attenderet  
ad damna prudenter opinabilia forè sub-  
secutura, teneretur ad ea quæ evenirent.  
220
- Q**ui ex invincibili ignorantia existimat, damnum  
non esse connexum cum sua actione, si-  
ve sit intrinsecum, sive secundum æstima-  
tionem erroneam lædendis actio sit levi-  
ter, sive graviter nociva, non tenetur ad  
amplius, quàm ad quantitatem æstimatam.  
221
- N**unquam inducitur obligatio restituendi pro  
damno secundum se licito præcisè ex in-  
tentione nocendi. 229. & seqq.
- O**mnis actio inducitur ad nocendum alicui, sine  
commodo meo à lege mihi concessio, est  
injusta, inducens obligationem restituendi,  
etiam si abfuerit animus nocendi. 240
- Q**uando actio per ipsam intentionem sit noci-  
va, tunc inducit obligationem restituendi.  
241
- Q**uantitas damni ad peccatum mortale requisita  
& sufficiens, in indivisibili quidem posita  
est, sed moraliter indemonstrabilis: quæ  
ignorantia non obest, sed prodest huma-  
no generi. 285
- R**egula cognoscendi hanc quantitatem non re-  
ctè constituitur in certa summa pecuniaria.  
286
- N**eque ultimè explicatur per hoc, quòd debeat  
esse notabilis, æstimabilis, &c. 288
- P**robabilis est opinio Card. Lugo, pro diverso  
genere hominū diversam esse assignandam  
quantitatem. 289. & seqq.
- P**robabilius tamen est, ex natura rei unam ean-  
demque quantitatem esse sufficientem ad  
peccatum mortale pro quacunque homi-  
num conditione, nisi per accidens fiat, ut  
minor quantitas sit lætio gravis. 299  
& seqq.
- E**x eo quòd aliqua certa dampnificatio sit disso-  
lutiva amicitia inter homines, non rectè  
inferitur, quòd etiam sit dissolutiva amici-  
tia inter Deum & hominem, adeoque suf-  
ficiens ad peccatum mortale. 317
- H**omines in examinanda quantitate sufficiente  
ad peccatum mortale, non recurrunt com-  
muniter ad vim dissolutivam amicitia, &  
inductivam inimicitia. 318
- Æ**stimabilitas damni est explicanda per aliquem  
effectum physicū & experimentalem. 320
- N**on potest commodior effectus assignari, quàm  
tristitia, seu animi dolor, aut molestia, mor-  
taliter impetio voluntatis inimpedibilis,  
spectatâ communi hominum complexione  
& constitutione. 322. & seqq.
- N**ec sententia statuens constituens duos aureos,  
nec constituens unum alterumve bacum  
est probabilis. Aliæ taxationes pecunia-  
ria non sunt universales, sicut nec illa, quæ  
taxat pretium operarii diurni. 327. 328
- M**elius assignatur illa quantitas, quæ impenditur  
congruè sustentationi hominis plebei uni-  
co die pro cibis ordinariis, vestitu & habi-  
tatione sufficiente ad bonam conservatio-  
nem sui absque luxu & superbia, & maxi-  
mè communis, ut sunt communiter Cives,  
& Opifices comode & frugaliter viventes:  
seu, quantum plebeius opifex solet uno die  
circa æquinocinium lucrari. Communiter  
erit in his partibus medius florenus. 329
- D**amnum injuriarum, etiam si postea fuisset  
aliunde inferendum, est reparandum, nisi  
interitus probabiliter prævideri possit. 367
- P**ro damno injuriarum dato, quo ordine teneantur  
restituere Cooperantes, vide *Restitutio*.

## Debitor. Debita.

- D**ebitor morosus, qui verisimiliter est solvendo,  
potest mitti in carcerem tadiale, seu  
obedientialem. 415
- Q**ui notoriè solvendo non est, non est incarce-  
randus. 426
- N**on esset iniquum Statutum, ut qui solvendo  
non est, teneatur ad operas statui suo con-  
venientes, & à debitore, sine extraordina-  
rio gravamine præstandas. 428
- P**robabile tamen est, quòd defacto Ius ex com-  
miseratione erga Debitores sine culpa in-  
sufficientes, resistat additioni ad operas.  
430
- Q**uinam Debitores gaudeant Beneficio Cessio-  
nis, vide *Cessio Bonorum*.
- Q**uinam Beneficio Competentia gaudeant, vide  
*Competentia Beneficium*.
- D**ebitis gravatus, & in Iudicio convictus, nec de  
fuga suspectus habet sibi à Iure concessum  
spatium 4. mensium, intra quod si debito-  
ribus non satisfaciatur, urgentibus creditoribus  
Iudicis officio pignora judicialia ca-  
piuntur, ut publicâ subhastatione vendan-  
tur. 555

## Synopsis

tur: quod si non inveniat sufficientia, aut  
emptores, petentibus creditoribus debitor,  
dubius an sit solvendo, incarcerationatur, nisi sit  
persona privilegiata, ut sunt mulieres ho-  
nestè viventes, milites armatæ militiæ, No-  
biles, Doctores, & Professores, Clerici gau-  
dentes privilegio fori, nisi de fuga suspecti  
essent. 434. & seqq.  
Debitor prohibetur ingredi Religionem, si  
non sint solvendo, exceptis excipiendis. 493  
Debitor ex delicto habens debita incerta, tenetur  
iure naturæ distribuere ad causas pias. V. 38

## Decreta.

Proprie sunt Constitutiones Pontificum. De  
quibus agitur Tit. 2. l. 1. Decretal.

## Delictum, vel Quasi.

Ex quasi Delicto quomodo teneatur Judex. vid.  
Judex. Item, Notarius. vid. Notarius.  
Cum aliquid ex ædibus nostris defectum vel ef-  
fatum fuerit, unde transeunt nocitum est,  
si homo liber occisus est, punitur pœnâ so-  
luto. si non occidit, pœnâ arbitrariâ.  
Si aliud damnum, v. g. in veste datum, ca-  
put familiæ in duplum condemnatur. Si  
quid suspensum est, ut cadendo nocere  
posset, ob periculum punitur appendens  
decem aureis. 148  
Si non constet quis effuderit, contra quemvis ha-  
bitantem datur actio in factum in solidum,  
sed unus solvens habet contra reliquos re-  
gressum. cod.  
Damno dato in Stabulo, Caupons, Navi, E-  
xercitor quamvis nihil deliquerit, si dam-  
num à Ministris datum est, ex quasi delicto  
teneatur ad duplum. 149  
Actio in factum ex Quasi delicto, ad hæredes  
transit, non tamen adversus hæredes.  
cod.  
De furto retum in littore ablatarum, tunc solum  
teneatur Patronus Navis, quando illas res  
recepit. Item, de Incendio tunc solum  
teneatur, quando qui fuit causa incendii ex  
domesticis, peccavit circa officium suum.  
149  
De furto facto à viatore, potest Caupo con-  
veniri in simplicem, actione De Recepto.  
150  
De obligatione ex Delicto, vid. Furtum. Ra-  
pina. Aquilia Lex.  
Ex quasi delicto vel noxali actione, non nascitur  
obligatio in conscientia ante Iudicis sen-  
tentiam. 172. Ne quidem ex æquitate  
ad aliqualem compensationem damni.  
176

## Desuetudo.

Distinguitur à Consuetudine. Est enim non  
usus Legis, statim post Legis Promulgatio-  
nem, vel contrario Facto, vel Reclamatio-  
ne. I. 22. 23  
Si leges post Promulgationem per Decennium  
non observentur à majore parte subdito-  
rum, esto obligentur ad Acceptationem, lex  
tamen dicitur per Desuetudinem abrogata,  
tanquam non conveniens moribus populi.  
Desuetudine esse abrogatam, v. g. Bullam, idem  
est, quod: non esse usu receptam. 29

## Detractio.

Est alienæ famæ injusta apud alios denigratio seu  
diminutio, seu verbis, seu factis, etiam ve-  
rum, sed occultum propalando. II. 324  
Differt specie theologicâ à temerario Iudicio, eo  
quod tollat radicalem bonam famam. 327  
Detractio in re gravi etiam apud unum solum se-  
creti tenacem, est per se loquendo peccatum  
mortale. 329  
Nullum damnum quantumvis grave, licitam  
reddit alieni delicti evulgationem, nisi  
quando vel justè comparata est notitia il-  
lius, vel hic & nunc licitè posset compara-  
ri. 335 & seqq.  
Excusatur à detractiois vitio Notorietas publi-  
ca. 339  
Et quidem Notorietas Iuris sufficit, ut ubivis lo-  
corum propaleatur delictum. 341  
Notorietas facti simpliciter & absolute sufficit ut  
in vicinia, & etiam in locis remotioribus  
cum quibus est commercium, evulgetur.  
341 & seqq. ubi vide limitationes, & nu-  
merum personarum, quibus debet inno-  
tuisse.  
Crimen falsum non licet assertivè propalare,  
quantumvis jam ante pluribus persuasum.  
345  
Homini futuro potest graviter detrahi. 346  
Idem de defunctis, de quibus non constat esse  
damnatos. cod. & seqq.  
Præcisè ad leniendum dolorem ex injuria sibi  
illata: provenientem, non licet delictum  
propalare, bene tamen petendi consilii  
gratiâ, aut jure preventionis. 349  
Delictum subditi ad Prælatum Religionis non  
ut ad Iudicem, sed ut ad Patrem delatum,  
per se loquendo non potest Prælatus alteri  
manifestare, nisi cum limitationibus, quæ  
referuntur, n. 350  
Tenetur ex Iustitia impedire damnum alienæ  
famæ, quod ex nostra detractioe etiam  
inculpabiliter posita imminet, si sine gravi  
incommodo possumus. 352 & seqq. op-  
positum tamen est etiam probabile. 355

Accu-



## Alphabetica.

Accusatus de crimine vero, neq. convictus, negando crimen, non tenetur ad restitutionem famæ accusatoris aut testium per accidens inde læsæ. 556

DetraCTOR quominus apud mediatos auditores teneatur restituere famam, pluribus modis excusari potest, quos vide n. 558

Falsum crimen impositum injustè, retractandum est omni meliore quo potest modo, etiamsi opus sit, cum juramento, se falsum dixisse, nisi inde gravius longè damnum incurretur, quam patiarur infamatus. 559

Etiā verum crimen potest revocari, dicendo, se non dixisse verum, subintelligendo: veritate publicā. item laudando infamatum. 561

Obligatio retractandi cessat variis modis, qui referuntur n. 562

In læsione famæ non est locus compensationi, nisi non retractatio esset medium ad obviandam famam ab altero læsam, qui non vult restituere. 568

DetraCTOR seu infamator quomodo teneatur ex lege *Diffamari*. vide *Fama*.

### Diæcesis.

Nomine Diæcesis non venit Ecclesia Cathedralis, seu Episcopalis, in Odiosis. I. 321, 322

### Dispensatio.

Cessante causā finali priusquam dispensatio est plenè concessa, etiamsi Romæ expediri, evanescit: ob subintellectam conditionem; si urgeat causa dispensandi. L. 211. ubi vide exemplum.

Dispensatio est Relaxatio Juris communis, cum causæ cognitione facta ab eo, qui potestatem habet relaxandi. Brevius. Exemptio alicujus à lege. adeoque supponit casum lege comprehensum, & quia vulnerat Ius commune, est strictæ interpretationis. 302

Dispensatio in lege naturali, an à Deo fieri possit, aut facta sit, redigitur ad quæstionem de nomine. 303

In Jure Divino positivo, ne quidem Summus Pontifex potest in ullo casu dispensare: quod quidem positivis argumentis non evincitur, sed colligitur ex eo, quod Pontifex in se talem potestatem non agnoscit. 304. & seqq.

Dispensandi potestas in Voto, Matrimonio non consummato, Juramento est potius ad irritandos actus humanos, eos non acceptando, quæ erat Vicario Christi necessaria. 307

Inferior non potest dispensare in lege Superioris, nisi in casibus faciem tacitè concessis. Potestas enim dispensandi non est ex genere eorum, quæ dicuntur esse permilla, quando

non sunt prohibita, sed ex genere eorum, quæ censentur hocipso prohibita, si non sint concessa. 309. Casus speciales recensentur à num. 313. Generales sunt. 1. in materia levi. 2. ob frequentiam casuum occurrentium. 3. in extraordinario eventu. 4. in dubio. 5. quando habet consuetudo, ut dispensetur. 312

Distinctio inter Dispensantem & dispensatum, non est necessaria. Vnde inferior, in casibus, quibus potest dispensare cum subditis, potest etiam secum, nisi pœnam incurrisset per Judicis sententiam, & non esset necessitas, qualis sufficit ad dispensandum cum aliis. 314

Cum peregrinis non potest Superior loci dispensare in Votis, Impedimentis, &c. nisi habeat præsumptam voluntatem proprii Superioris. 316

Sufficit causa existimata, ut valeat dispensatio. 317

Existente causā sufficiente, tenetur Superior dispensare, si negando dispensationem grave damnum in Republica sequeretur, cui debet ex officio consulere. Item si per dispensationem esset reparandus honor injustè læsus, & universim, quando in oppositum non urget æquè gravis causa. Item quando in Jure designatur causa dispensandi, & illa adest. 318

Non est necesse, ut dispensatio immediate tendat ad bonum publicum. Sufficit eo referri ultimatè: ut gratitudo. 319

### Domicilium.

Acquiritur animo manendi ibi perpetuò. Quasi Domicilium acquiritur animo manendi ibi per majorem anni partem. I. 73

### Dominium.

Dominium plenum, est Ius perfectè disponendi de re corporali, nisi lege prohibeatur. Definitur etiam: Libera facultas disponendi circa rem, vel personam, quoad usus, vel actiones lege permillas, non impedibilis licitè ab aliis. III. 1. & seqq. ubi vide ejus declarationem.

Brevissimè diceretur Dominium plenum esse Ius in rem amplum, ut excludat omne Ius stabile & perpetuum alterius. 5

Dominium plenum non consistit in dominio directo cum exclusione domini reflexi, hoc est, Facultatis alienandi, ut vult quidam Recentior Hispanus. 8. & seqq.

Dominium plenum potest dupliciter fumi. 1. prout excludit Dominum imperfectum, v. g. utile, & hoc senus debitor est Dominus plenus pignoris. 11

## Synopsis

- Secundò accipitur strictissime, ut excludens omne Ius alterius in tali re, quo sensu debitor non est plenus Dominus pignoris. Quia tamen Ius pignoris non est stabile, ideo adhuc potest dici plenus Dominus, in communi acceptance. 12
- Non est necesse definitioni addere particulas: aut vindicandi. neque: nisi vi prohibeatur: nam impedimenta physica dispositionis non minuunt Ius radicale disponendi. 13. & seqq.
- Dominium bonorum inalienabile, ut Majoratús, Fideicommissi, non est plenum. 14
- Dominium directum sine utili, non est dominium plenum, sicut nec dominium rei cui servitus est imposita. 17. & seqq.
- Dominium duorum ejusdem rei in solidum, repugnat, tam in eodem, quam in diverso signo naturæ. 20
- Donator in instanti donationis non habet dominium completum & absolutum, quia per donationem ponitur conditio, vi cuius Ius suprema non amplius illi favet, sed potius gravat in favorem donatarii. 32
- Neque dispositio translativa domini est usus domini absoluti, sed conditionati, convenientis donatori per denominationem extrinsecam, provenientem à dominio absoluto instantis immediatè præcedentis, & à lege conditionatè favente pro instanti donationis, quatenus si nolle dominium in alium transferre, permaneret Dominus. 33
- Donatarius per acceptionem est absolute Dominus dominio intrinseco & completo, esto non possit in hoc instanti illud transferre. 34
- Donator in priori signo præcindit à dominio purè conditionato & absoluto habendo pro posteriore. 35
- Dominium merè conditionatum non excluditur à dominio absoluto alterius. 36
- Donatarius plenum, est absolutum Ius disponendi, non dispositione destructivà domini pro instanti quo dominium existit, sed dispositione supponente voluntatem non revocatam. 37
- Dominium aliquando est revocabile resolutà causà illius. III. 270. ubi vide exempla.
- Dominium aut repugnet Statui Religioso. vide. *Religiosus. Votum.*
- Dominium in hominem quomodo acquiratur, & amittatur, vide. *Servus. Manumissio.*
- Dos. Contrados.**
- Dos est omne illud, quod nomine uxoris datur aut promittitur Marito ratione matrimonii, ad onera illius sustinenda: completur ejus denominatio per ipsum matrimonium, sine quo non intelligitur esse. IV. 324
- Est vel Profectitia vel Adventitia. Illa est, quæ vel datur ab aliquo ascendente, vel hujus intuitu ab extraneo. Quæ aliunde, est adventitia. 325. & 453
- Contrados, seu Donatio propter Nuptias, seu Doarium, fit à Marito, vel alio ejus nomine ad dotem assecurandam, cui regulariter debet exæquari. 328
- Dotis æstimatæ æstimatione faciente venditionem dominium est penes maritum: adeo ut solum matrimonio non teneatur uxor rem ipsam recipere, sed possit pretium petere tanquam rei venditæ. 331
- In dubio, an dotis æstimatio fecerit venditionem, præsumitur fecisse, nisi loci consuetudo aliud habere. 333
- Æstimatio iniqua, quantumvis infra dimidium, reducenda ad æquitatem. 334
- Si pretium restituendæ dotis æstimatæ non exstet in bonis mariti, reddit dominium rerum dotialium ad uxorem, potestque uxor vindicare exclusis omnibus creditoribus. 335
- Dotis non æstimatæ dominium civile habet maritus, naturale est penes uxorem, cui contra extraneum durante matrimonio etiam convenit rei vindicatio, & si quid perit sine culpa mariti, perit uxori. 337 & seqq.
- Rerum dotialium consistentium in pondere, numero & mensurâ, etiam dominium naturale transfertur in maritum instar mutui. 342
- Constante matrimonio fructus dotis ad maritum spectant, etiam si excedant onera, quæ sustinet. 343
- Quæ verò fructuum nomine non veniunt, ad uxorem pertinent, ut partus ancillæ, thesaurus in fundo dotali. 344
- Contradotis dominium naturale manet penes maritum unâ cum fructibus. Penes uxorem autem videtur esse dominium civile, quatenus etiam durante Matrimonio eam vindicare potest, & non solum actione hypothecariâ prosequi. 346
- Si consistat in rebus immobilibus, non potest maritus eas alienare, ne quidem consentiente uxore, nisi transacto biennio iterum consentiat, sintque aliæ res marito pro securitate dotis. 347
- Dotem dare tenetur pater legitimus, si exstet, & ad hoc compelli potest, si filia velit rationabiliter nubere. 377
- Nec excusatur, etiam si filia aliunde dives esset, quia conducit ad acquirendum meliorem maritum. 379
- Filiam illegitimam non tenetur pater dotare, (nisi forte modicè) multò minus, filiam quæ meretriciam vitam ageret: nec etiam, quæ infans & invito patre ante 25. annum ætatis indigno marito nuberet, quod tamen Magi-

## Alphabetica.

- Magistratus arbitrio relinquitur. Vno vero, excusat omnis causa (sufficiens) ad exheredandum. 381. & seqq.
- In defectum patris tenetur mater, si filia sit inops: sed ante marrem probabilius tenetur avus paternus, etiam si mater locuples sit. 384. & seqq.
- In horum defectum, tenetur frater ex eodem patre natus dotare sororem pauperem. 389
- Sicut hi tenebantur, ita, si non dotarunt, cum jam obligarentur, tenentur haeredes. 390
- Maritus potest exigere fideiussores de dote promissa: & pro dote etiam feminis permittitur fideiubere, non obstante S.C. Velleiano. 393
- Vxor, per se loquendo, non potest à marito, constante Matrimonio, vel antè, fideiussores exigere de dote conservanda, nec, si darentur, obligarentur: potest tamen exigere extraneus, si dotem dedit. Solutò Matrimonio possunt exigi de dote reddenda. 395
- In periculo dotis prodigenda, posset etiam vxor exigere fideiussores. 396
- Si maritus sua culpa ad inopiam vergat, & evidenter constet, facultates proprias mariti non sufficere exactioni dotis, potest dos, etiam stante Matrimonio reperi, ut securius administraretur, nisi Maritus fideiussores daret, & Juxta approbaret. 397. & seqq.
- Esset autem marito dos restituenda, moribus emendatis, & sublato morali periculo. 400
- Imò, si confitisset ab initio de moribus prodigis mariti, non posset postea aufertur, aut fideiussores exigi. 401
- Privilegio revocandi dotem ex causis de novo emergentibus, non potest mulier validè renuntiare. 403
- Ius reperendi dotem profectitiam stante Matrimonio primario competit filia, sed hac negligente competit patri, cujus est dominium. 404
- Jure novo non valet alienatio fundi dotalis in prajudicium uxoris, nec quidem ab ambo- bus simul facta, nec hypothecari, dum stat Matrimonium. 405
- Fundus communis potest validè dividi, si expediat, & socius ad divisionem provocet. 406
- Valeret tamen alienatio juramento firmata spontaneo. 407
- Pro alio tamen fundo subrogato potest alienari, si expediat. Quamdiu autem non substituitur fundus alius, quo res mulieris melioraretur, negotium pendet, & non facta subrogatione alienatio est nulla.
- Valet etiam alienatio ex causa necessaria, ut, ad æ alienum solvendum, cum consensu mariti. eod.
- Neque mobilia inæstimata, nec consentientia in pondere, numero, & mensura possunt validè alienari, si maritus solvendo non sit; bene tamen si sit solvendo: neque ad horum validam alienationem requiritur, ut post biennium renoveret ab uxore consensus, sicut requiritur in immobilibus. 410. & seqq.
- Maritus potest, constante matrimonio, res invalidè à se alienatas, ab emptore, vel quocunque alio detentore vindicare, saltem nomine uxoris. 417. Quin imò proprio etiam nomine, ob dominium civile. 417
- Solutò Matrimonio etiam vxor potest fundum vindicare: quin & stante Matrimonio, si maritus negligeret. 418
- Solutò Matrimonio morte mariti, tunc solum potest mulier confirmare alienationem invalidam, si fundus prius redditus fuerit, & ita cessaverit esse dotalis. Solutò vero per mortem uxoris, haeredes possunt ratificare alienationem, nullà præcedente receptione. 419
- Emptor, si scivit fundum esse dotalem, solum potest agere ad pretium, si nescivit, etiam de evictione ad interesse. 420
- Quomodocunque valeat alienatio rerum dotalium, etiam si earum dominium naturale habuerit maritus, est tamen alienatum dominium revocabile ab uxore, casu quo maritus ad inopiam veniat, ut solvere dotem non possit. 422. 423
- Si dos consistat in rebus immobilibus corporalibus, & maritus solum habuit dominium civile, Solutò Matrimonio statim est restituenda. si verò in mobilibus, vel incorporalibus, vel æstimatis, vel quando certa summa in valore est restituenda, intra annum primum est obligatio restituendi, nisi aliud pactum fuerit. 424
- Fructus dotis in re fructifera inæstimata, à die soluti Matrimonii spectant ad uxorem, in cæteris ad maritum: usus tamen reddituum, imò & dotis in summa consentientis, spectat ad maritum ejusve haeredes quousque tenentur restituere. 425
- Quamdiu dos non restituitur, alenda est vxor ab haeredibus mariti (nisi aliunde, vel ex fructibus dotis alimenta habere possit) si veliq; in domo hæredum commorari, & consuetas opetas præstare.
- Domum mariti potest retinere pignoris loco. Prægnans alenda est, quousque fetum enixa est, etiam si dos restituta esset. 427
- Marito, Socero, & filiis mariti ex conjuge repente dotem susceptis, conceditur beneficium competentis, si dos fuit æstimata æstimatione faciente venditionem, quod beneficium hæredibus extraneis mariti negatur. 428
- Ad repetendam dotem olim dabatur actio rei uxoriæ, Præscriptis verbis, Condictio ex lege Julia. Hodie datur triplex alia; Rei

## Synopsis.

**Vindicatio, Directa & Utilis, Hypothecaria ex stipulatu.** Actio *Rei uxorie* in *ex stipulatu* de dote est transfusa, & ideo hæc est bonæ fidei, sicut illa erat: & hæc actio competit, etiam si nulla stipulatio realiter intervenierit. Fingitur ergo intervenisse, & datur marito ad obtinendam dotem promissam, uxori, ad eam repetendam: nisi pater dans dotem stipulatus esset, eam sibi restitui: quæ tamen ei restituta iterum filix in dotem danda esset. 430 & seqq.

Pari modo, nisi extraneus dans dotem expressè sibi stipulatus fuerit, non competit illi actio ex stipulatu, sed præsumitur dotem donasse. 434

**Mulier in bonis mariti habet hypothecam tacitam,** quæ ad hæredes extraneos non transit, sed tamen ei restituta iterum filix in dotem danda esset. 436. & seqq.

**Vi hujus tacite hypothecæ,** præfertur mulier aliis omnibus anterioribus ereditoribus (tribus exceptis) non solum tacitam, sed etiam expressam hypothecam habentibus. 439. & seqq.

**Falsissimum tamen est,** quod præferatur Depo-  
nenti in Deposito. 447

**Marito ejusque hæredi competit Exceptio Com-  
pensationis** ob impenas necessarias, utiles, voluntate mulieris factas: item ob res amotas, quandoque etiam ob commodatas à muliere, invito marito. 448. ubi vide limitationem.

**Quamvis eidem competant etiam actiones illa-  
rum impenarum intaitu,** ut *Conditio indebiti*, actio rerum amotarum, &c. 449

**Competit etiam marito quandoque exceptio do-  
li,** v. g. ob rem dotalem evictam, vel uxori legatam pro dote. 450

**Competit denique Exceptio non numeratæ do-  
tis,** opponenda infra annum, si intra bien-  
nium Matrimonium dissolvatur, infra tres  
mensēs verò, si ultra duret, usque ad decen-  
nium: quo tamen elapso omnino tollitur. 451

**Privilegia dotistunc solum conveniunt rebus ex  
pecunia dotali emptis,** aut cum rebus dota-  
libus permutatis, quando maritus non est  
solvendo. 454

**In dotem dari possunt res omnes quæ in com-  
mercio sunt.** 455

**Si dotem constituit pater ultra vires patrimonii,  
datur liberis querela inofficiosa dotis.** 456

**Inutilis est promissio dotis incertæ ab extraneo  
facta, nec in boni viri arbitrium collata.** 457

**Quænam pacta dotalia reprobentur, ex statutis  
locorum maxime pender, & quæ iure com-  
muni Cæsareo prohibentur,** possunt jura-  
mento confirmari. ut de hereditate præ-

defuncti, de renuntiatione regressus ad bona paterna: de non conferenda dote. 458

**Dos exigenda est in loco domicilii mariti tem-  
pore quo fuit contractus celebratus.** 460

**Causa dotis ad Iudicem saculare pertinet,** ad  
hujus negligentiam supplendam ad Eccle-  
siasticum. vel si judicatur accessorie ad cau-  
sam matrimonialem. 461

## Duellum.

**Acceptatio oblati Duelli non est licita.** h. e. Pa-  
ctum & Conventio, quâ Duellantes vicissim cedunt iure suo in vitam. 11. 648. 653

**Ad tuendum honorem non est necessaria acce-  
ptatio Duelli,** sed sufficit, & licet, compa-  
rere in publico, animo se defendendi, si ho-  
stis aggrediatur, dummodo habeat proba-  
bilitatem victoriæ: quæ est acceptatio im-  
proprie dicta. 649. & seqq. ubi vide Casus.

## E.

## Ebrietas.

**Non excusat in Delictis. 11.** 169

## Ecclesiæ Bona, eorumque ad- ministratio.

**Ecclesiæ particulares habent dominium in illis  
bonis,** quæ illis attribuntur. IV. 64

**Quæ bona eatenus dicuntur esse patrimonium  
Christi,** quatenus non licet in alios usus,  
quàm ad cultum Dei, spectantes expendere.  
Nec possunt sine rationabili causa validè ab  
una Ecclesiâ ad aliam transferri. 65

**Administratores Bonorum Ecclesiæ, prohiben-  
tur immobilia, & mobilia pretiosa quæ ser-  
vando servari possunt, per se loquendo,  
alienare, nisi ob justam causam (cujusmo-  
di sunt 4.) & interveniente solennitate re-  
quisitâ. 104. & seqq. ubi referuntur cau-  
sæ & solennitates, & declaratio Extrav. Am-  
bitiosæ, per Decretum Urb. VIII.**

**Per accidens fieri potest, ut Solennitates non re-  
quirantur.** 108

**Primo enim, si res immobilis sit exigua compara-  
tive, & vel inutilis, vel longè dissita, potest  
sine solennitatibus alienari, sufficitque, si  
administratori videatur alienatio esse ne-  
cessaria. 109. Item res minus utiles cum  
consensu sanioris partis Capituli. 110.**

**Deinde res non solum inutiles, sed etiam dan-  
nosæ: ita, ut pro pretio emanent bona uti-  
lia. 111**

**Item, quando urget necessitas Ministrorum, pau-  
perum, captivorum, & non est recursus ad  
Pontificem. 112**

Ex ratio-



## Alphabetica.

**Ex rationabili causa** debet Ecclesia cum Principe patriæ petente commutare possessiones pro pretio æquali. 113

**Possunt item, convocatis convocandis, bona** duarum Ecclesiarum eidem Prelato subiectarum inter se commutari, irrequisita licentiâ Papæ. 113

**Nomine alienationis prohibentur Venditio, Donatio, Permutatio, Feudum, Emphyteusis, Censui perpetui, vel vitalitii, Hypotheca specialis, non generalis.** 114

**Feudum & Emphyteusis semel concessa possunt** revocari sine solennitatibus, si sit utile Ecclesiæ.

**Emphyteusis potest cum solennitatibus etiam in** perpetuum concedi. 116

**Emancipatio. de hac vid. Patria**

*Potestas.*

*Emphyteusis.*

**Emphyteusis pervenit ad Monasterium per Pro-** fessionem Emphyteutæ, cum hoc gravamine, ut exigente Domino Directo, teneatur Monasterium eam alienare, transferendo in personam non magis privilegiatam, quam fuerit Professus ante Professionem. IV. 25

*Emptor.*

**Emptor rei furtivæ, an pro recipiendo pretio pos-** sit furi restitui. vid. *Possessoris re evictâ obligatio.*

*Epiikia.*

**Est emendatio legis ex parte qua deficit propter** universale. Seu: Est restrictio legis seu Exceptio ob circumstantias speciales. Est ejus usus quandoque licitus absque dispensatione. I. 300

**Fundamentum eâ utendi est triplex. 1. Evita-** tio peccati, quod committeretur observando legem. 2. Si observatio esset suprà vires communes: 3. Benignitas legislatoris, qui non solet, eam posset, cum tanto rigore obligare. 301. ubi vide exempla.

*Episcopus.*

**Episcopum posse in sua Diocesi, quod Papa in** tota Ecclesiâ, est limitandum ad illa, quæ antecederent ad legem Pontificiam specialiter prohibentem pertinent ad gubernationem & regimen in genere. I. 311

**Casus, in quibus Episcopus potest dispensare in** lege superioris, vide à n. 312

**Facultas concessa Episcopis in Trid. absolvendi**

& dispensandi sibi subditos, potest cum Episcopis exerceri à Confessario ab ipsis electo. 315

*Fama.*

**Fama in præsentem est bona Existimatio aliorum** de bonis nostris, cujusmodi sunt: Virtus, Ingenium, Doctrina, Divitiæ, Forma, Nobilitas, Valetudo, Gratia, Favor Principum, &c. II. 495

**Aliter accipitur à Iuristis, prout opponitur In-** famiæ, & est: Dignitatis illatæ status legibus ac moribus comprobatus, qui ex delicto nostro authoritate legum aut minuitur aut consumitur. 501

**Fama quomodo lædatur, & pro ea satisfaciendum** sit, vide: *Judicium temerarium. Detraçtio. Diffamatio.*

**Famâ per diffamationem læsâ, competit læso ex** lege Cod. *Diffamari* Iudicium diffamatorium, instituendum apud Iudicem diffamati, in hunc finem, ut diffamator citatus, probatæque diffamatione eò adigatur, ut in termino præfixo coram Iudice compareat, & causas infamationis sub pœna impositionis perpetui silentii deducat. 511 & seqq.

*Famosus Libellus.*

**Est Scriptura, vel Pictura ad alterum infaman-** dum composita. Si crimen falsum imputatur, pœnâ talionis, si verum, arbitriâ puniatur. Iisdem pœnis puniuntur repertiens, & ulterius evulgans. Iure Canonico flagellantur: mitius puniuntur auctores ipsam manifestans. Iure Bavarico pœnâ gladii puniunt affingens delictum pœnâ capitali dignum. II. 780. & seqq.

*Ferruminatio.*

**Est conjunctio diversorum Metallorum, & Modus** acquirendi per *Accessionem*. Vid. *Accessio.*

*Feudum.*

**Feudum pervenit ad Monasterium per Professio-** nem Vasalli, quoad commoditates, & ad vitam illius, modò sit Francum, vel concessum Fæminæ, vel cum onere Servitorum etiam à Monasterio succedente præstabilium. Nisi adjecta esset conditio, ut non perveniret. IV. 16. & seqq.

*Fideicommissum.*

**Monasterium capax successionis excludit fidei-** commissarium substitutum sub conditione: si hæres sine liberis decesserit: & hæres profectetur. IV. 31

Nifi

## Synopsis

Nisi causa pia esset substituta: nam post mortem naturalem Professus, est huic restitutum fideicommissum. 32

Si extraneo substituto, sine adiectione conditionis, institutus profiteatur, substitutus non excluditur à Monasterio. 33

Conditio adiecta: si *professus fuerit*: haberetur pro non adiecta in favorem Monasterii, & substitutus excluderetur. 35

### Filius Familias.

Ejus obligationes ratione Patrie Potestatis. Vid. Patria Potestas.

### Fructus.

Sunt Triplices. Merè Naturales: merè Industriales: & Mixti; qui ad Industriales revocantur. Sicut & Fructus civiles, ut Usus, Pensiones, Mercedes, Salaria, &c. 111. 361. & seqq. ubi vide Declarationem & exempla.

Fructus non intelliguntur, nisi deductis impensis, quæ querendorum, cogendorum, conservandorumque eorum sunt. 293

### Furtum. Fur.

Furtum minus accuratè dicitur Rei alienæ acceptio, cum quis possit rem suam furari creditori, conductori. 11. 251

Definitur: Contrectatio fraudulosa lucri faciendi causa, vel ipsius rei mobilis, vel ejus usus possessionisve. 253

Furtum etiam liberi hominis fieri potest, si sit in patria potestate. 254

Sæpe datur furtum, quin tamen concedatur actio furti. & contra datur quandoque actio furti contra eum qui fur non est. 257 ubi v. exempla.

Qui aliquid aufert ex hereditate jacente, non committit furtum, sed crimen expilatae hereditatis. 258. Et ex hac instantia posset impugnari definitio Furti, in qua proinde subintelligendum est: *rei ab alio detentæ*.

Fur alius diurnus, alius nocturnus. Diurnus, qui furatur in tanta luce, ut agnosci possit. 259

Nocturnus jure novo non potest occidi, nisi non poterit ei sine periculo parci. eod.

Furtum aliud dicitur Manifestum, aliud Nec manifestum. Illud est, quando fur cum re furtiva deprehenditur (non tamen ex abscondito) eodem die quo furatus est, antequam rem eò derulerit, quò deferre, & eo die cum furtò manere destinaverat, accedente infecutione vel inclamatione. 260

Furti species qualificatae magisque Reipublicæ noxiæ, & ideo specialiter puniendæ, sunt

Crimen-Peculatus, de Residuis, Abigatus, Plagii. 261. ubi vide declarationem. addi potest Rapina, vide. Rapina.

Furti actio datur omnibus quorum interest rem non esse subreptam, unde & creditori ratione pignoris, fulloni, sartori datur. Concurrentibus his cum domino, huic præferuntur regulariter. datur item Commodatario, ita tamen, ut Commodator habeat electionem, inter actionem commodati & actionem furti, & si scivit factum furtum, unà electa ad aliam non habet regressum. Electa actione furti, nec fur à commodatario, nec hic à commodatore conveniri potest, sed penitus liberatur. si actio commodati electa est, solus Commodatarius habet actionem furti. Si furti ignarus fuit, potest dimissa actione Commodari transire ad actionem furti, nisi à Commodatario jam satisfactum sit. 265

Est actio merè penalís seu pœnæ persecutoria, in furto manifesto quadrupli, non manifesto dupli, cumulo cum condictione furtiva, qua rei æstimatio petitur, vel rei vindicatione res ipsa, æstimatio refertur ad pretium temporis, quo res fuit preciosior. 266

Datur non solum adversus furem, sed etiam ad consiliarium, & cooperantem, scienter suscipientem, celantem res furtivas. Adversus hæredes non datur nisi de eo, quod ad ipsos incidentes & contrectantes ex furto pervenit, vel si lis cum principali fuerit contestata. 267

Actio furti manifesti, etsi prætoriæ, est tamen perpetua. eod.

Conditione furtiva (quæ etiam in hæredes datur) petitur res ipsa si exstet, vel ejus æstimatio, etiam si nihil ad hæredes pervenerit. 268

Loco harum actionum, in honorem matrimonii datur conjugibus *actio rerum amotarum*, de qua sunt tituli in Digestis & Codice.

Non liberatur fur à pœna, etiam si ante sententiam sponte restituat. 271

Animus furandi tunc præsumitur, quando quis rem occultè modo infueto accipit. 272

Furti potest res propriâ auctoritate furtum passi auferri. 273

Fur est, qui sciens dominum rem inventam detinet, vel non debito modo investigat. 274

Animus furandi non constituit in Iure furem, nisi quando alter est à parte rei invitus. 275

Ex naufragio vel incendio auferens, tenetur actione in quadruplum intra annum utilem, post annum in simplicium: & insuper bonorum publicatione muldatur, & ipso jure excommunicatus est. 277

Pluri-

## Alphabetica.

Pluribus simul furtum facientibus, habet actor electionem, quem illorum velit in solidum convenire. 279

Datur actio furti etiam contra impuberem pubertati proximum. 280

Re venditâ necdum traditâ furto ablatâ, habet venditor optionem, ut vel agar contra furem, vel emptori actionem cedat. 281

Remobili in usum fructum datâ & oblatâ, usufructuarius ager ratione fructuum, Proprietarius ratione proprietatis, in quantum eorum interest. 282

Iure Bavarico si quis furem in manifesto deprehendit, aut fur rem penes se habet, potest rem auctoritate propriâ eximere: si res furtiva in iudicio detinetur, potest eam 72. nummis Monac. redimere. eod.

De Quantitate furti requisita ad peccatum mortale, vide. *Dammum iniuriâ datum.*

De necessitate accipiendi alienum excusante à furto, vide *Necessitas proximi.*

De Compensatione occulta, vide. *Compensatio occulta.*

Si res apud dominum peritura, elapso deinde periculo, v. g. crepta ab incendio à fure, pereat apud furem, non peritura similiter apud Dominum si fuisset restituta, adhuc fur tenetur ad restitutionem. 368

Si verò fuisset eodem infortunio apud Dominum peritura, fur non tenetur, nisi ex negligentia non subtraxisset interitui. 369

Si alius fuisset eandem rem furaturus, adhuc primus fur tenetur. 371

Receptores furum tenentur, quando furti & furtivæ telæ intendunt, sicque impediunt, ne Dominus rem suam recipiat. Item quando hac ratione animant furem. 377

Si fur non possit aliter atteri, licet occidere, si damnum alioquin esset incurrendum, quantum non tenetur quis pro alterius vita sustinere ex charitate: debet tamen fieri in continenti. 653

Furtiva res an possit furi restitui ad recipiendum pretium. vide. Possessoris, re evictâ, obligatio.

## G.

### Gratia.

Alia dicitur *facta*, alia *faciendâ*. I. 227

Si favor totus consistit in prima concessione, & non in aliqua Delegatione, jam est gratia facta. 230

Si Facultas delegatur indefinite respectu personarum, Gratia jam est facta, nec expirat morte delegantis ante omnem usum. 231

Contrarium dicendum factâ delegatione liberâ in favorem personæ determinatæ, tunc e-

nim ante usum est Gratia *faciendâ*. 232. Idem probabilius dicendum, etiam quando non est libera, sed necessitatem imponens delegato. 232. Exceptâ fortè potestate absolvendi, eò quòd iudicium Pœnitentiæ sit gratia. 237

Quando Rescriptum alloquitur privilegiandum, jam est gratia facta, etiam si usus gratiæ requiratur alterius tanquam delegati cooperationem. 236

Gratia facta etiam post mortem concedentis acceptari potest, ut sit irrevocabilis sine càm- la. 238

## H.

### Habitatio.

Est tertia species servitutum personalium; & definitur: Ius habitandi in alienis ædibus, salvâ eatum substantiâ, per se, vel per alium. III. 147

Differt ab usu, 1. quòd in solis ædibus esse possit. 2. quòd possit alteri locari. 3. quòd non amittatur solo non uti: nam in hac servitute toties dies cedit, quoties habitare commodum est. 148

### Hæres.

Hæres debita aliena ex Bonis defuncti deducit hoc ordine. 1. Fructus si qui exstant, convertit in illa. 2. Mobilia. 3. Immobilia vendit. III. 108

### Homicidium.

Homicidium regulariter est peccatum contra Iustitiam, & contra Ius occisi. Habet enim homo in ultimo vitæ instanti Ius absolutum, ne in sequenti instanti impediatur ab usu suæ vitæ, & aliarum rerum. II. 291. & seqq.

Nemini licet occidere seipsum propriâ auctoritate, & hoc ex iustitia erga Deum: quod potest constare homini ex lege naturæ. ex eo quòd hominem creaverit Deus gratiâ ipsius Dei, ut haberet circa quem exerceret Jurisdictionem, adeoque noluisse conferre vitæ dominium, sicut aliarum rerum gratiâ hominis creaturæ: nec enim debet esse in hominis potestate, subtrahere se divinæ Jurisdictioni. 601. & seqq.

Pari modo non potest homo fieri Dominus vitæ alterius. 612

Reus condemnatus ad mortem, potest licitè esse executor sententiæ, ita volente Magistratu. 613

Non licet voluntariis corporis afflictionibus, multò minùs excessibus in libidine, &c. abbrevia-

## Synopsis

breviare notabiliter, & ceterò vitam, estque contra Iustitiam. 616

Licet tamen abbreviare negativè, non adhibendo media extraordinaria, item permissivè, minuitando ægris. 617

Innocentem ne quidem indirectè licet occidere præcisè ad obtinendum lucrum aliquin cellaturum, bonè tamen ad evitandum damnum, quod non teneor ex charitate erga proximum subire. 618. & seqq.

Licet aggressorem directè occidere salvo moderamine inculpatæ tutelæ. Nam vim vi repellere, omnes leges, omniæque jura concedunt. 630

Sive aggressor sit formaliter, sive tantum materialiter injustus. 632

Moderamen in eo consistit, ut ne plus fiat, quam necesse sit ad defensionem, si potest minus à majore sine periculo separari. Quod si ex calore iracundiæ moderamè excessisset, dummodo aggressor non spontè destiterit, mitius puniendus est, quam pœnâ ordinariâ homicidii. 633

Debet autem aggressor habere animum decretorium invadendi per se, vel per alium, & de hoc debet aggressio constare morali certitudine, ex indiciis. 634

Defensio hæc, cum non sit vindicta, sed custodia, licita est etiam contra ebrium, phreneticum, &c. eod.

Est etiam licita præventio, nec expectanda corporalis aggressio, in quo tamen maximâ cautione opus est, & certitudo requiritur, nec alius modus facilius periculum declinandi esse debet. 635

Non est obligatio fugiendi cum gravi ignominia apud mundanos æstimatores; quod tamen in Clericis & Religiosis non procedit, utpote profitentibus mansuetudinem. 637

Quando liceat occidere furem. vide *Furtum*. Clericis & Religiosis non licet, sicut Sæcularibus, ad tuendum honorem ab altero auferendum occidere. 646

Non est obligatio defendendi vitam occidendo aggressorem, etiam quando fugere non potest, cum hoc esset medium extraordinarium. 660

Ante Iudicis condemnationem occisor (idem est de vulneratore, aut mutilatore) ad nullam restitutionem tenetur præcisè pro occisione aut vulneratione, seclusis aliis dampnis annexis. 662

Quomodo autem lucrum cessans ex mutilatione, aut homicidio sit æstimandum, habetur u. 666

Juxta hanc æstimationem pro homicidio faciendâ est restitutio parentibus, liberis, & uxori, propter specialem conjunctionem, non item aliis, qui aliquam liberalitatem sperare poterant. 668. & seqq.

Creditoribus etiam, quibus occisus potuisset satisfacere, si diutius vixisset, satisfacere debet occisor, nisi debita, & impotentiam solvendi inculpabiliter ignorasset. 671. 672

Ad hæredes etiam transit obligatio, etiam si occisor pœnâ capitali afficeretur, nisi personæ læsæ remitterent. 673

Neque juvaret hæredes, etiam si occisor fuisset irritatus ab occiso, si tamen moderamen inculpatæ tutelæ excessisset. 674

Si quis seipsum tædio vitæ occidit, bona non confiscantur, sed ad hæredes pertinent. Si ad declinandam pœnam publicam, bona confiscantur, si careat ascendentibus, descendentibus & collateralibus usque ad tertium gradum inclusive. 675

Mandans vulnerari, sed prohibens occisionem, non tenetur lege Corn. si mandatarius occidit. 676

Occidens poculo amatorio, aut abortitionis, etiam absque intentione occidendi, summo supplicio afficiendus est. eod.

Perniciosum est Statutum constituens pecuniariam pœnam pro homicidio. 677. ubi vide, quinam lege Corn. de Sicariis teneantur.

Homicidium ex proposito, & ex insidiis Iure Barbar. rotâ plectitur, & si aggravetur ex circumstantiis, adduntur aliæ pœnæ. 678

Error circa individuum non excusat. 679

Si vulnus fuit lethale, non admittitur exceptio, quod mortuus fuerit ex aliis accidentibus. secus, si constet, vulnus non fuisse lethale, esto fuerit causa accidentium unde mors secuta est. tenetur tamen ad restituenda damna. Si dubium est, præsumitur lethale, nisi quid aliud deprehendatur, quod causa mortis esse poterat. 680

In dubio etiam præsumitur Homicidium voluntarium, seu dolosum potius, quam casuale. 681

Ex Constitutione Carolina, si plures simul ex proposito occidendi aggressi sunt, etiam si non constet, quis mortem intulerit, omnes ut homicidæ pœnâ ordinariâ puniuntur. Si rixa est ex proviso orta, & occisor scitur, pœnâ gladii punitur. Si plura vulnera illata sunt, sed ignoratur, quâ singulari manu & vulnere mortuus sit, tunc qui prædicto modo vulnerant, omnes ut homicidæ puniendi sunt pœnâ mortis. Circa reliquos, qui in tali homicidio improviso adjuutores, vel rixæ auctores fuerunt, si cut &, si de nullo constare possit, à quo vulneratus fuerit, Iudices consulere jubentur Jurisperitos, exponendo omnes circumstantias. 684



# Alphabetica.

## Honor.

Honor non est idem quod Laus, sed est Testificatio nostræ existimationis de Excellencia, & super alios eminentia alterius, cum reverentia & submissione ipsius testificantis, vel saltem cum intentione procurandi reverentiam, & submissionem in aliis propter talem excellenciam: quæ est quædam Radicalis Honoratio, qualiter Deus & Principes dicuntur honorare subditos. II. 496.

Pro Honore occultè negato tenemur satisfacere. 563. & seqq.

Honoris damnum quandoque potest compensari bonis fortunæ. 665

## I.

## Ignorantia.

Regula 47. in 6. Presumitur ignorantia ubi scientia non probatur, non procedit in illis, quæ ideo promulgantur, ut subditi sciant. I. 22

Ignorantia legis pœnalis excusat à pœna illius legis, etiamsi reus sciat aliâ lege esse prohibitum. 102

Ignorantia pœnæ delicto proportionatæ & si non medicinalis, non excusat à pœna. 103  
benè tamen excusat à pœna extraordinaria. 104 ubi vide exempla.

Ignorantia Iuris nemini prodest, si agatur de acquirendo & lucrando, bene tamen, si agatur de damno vitando. V. 177

## Impense.

Sunt Triplicis generis. Necessariæ. Utiles.

Voluptuariæ. III. 293

Quomodo deducantur à Possessore, vid. Possessoris re evicta obligatio.

## Infamia, Infames.

Est Infamia famæ juridicè acceptæ, de qua vide Fama.

Infamia alia est Juris, alia Facti. II. 502

Infames infamati Iuris sunt vel ex delicto proprio, vel alieno, vel ex officio vili. Ad primos pertinent Lenocinium exercentes, bina sponsalia vel matrimonium contrahentes, vel jubentes, conducti ad pugnam cum bestiis, descendentes ad certamen privatum quæstus causâ. Milites ob delictum dimissi, & exarmati. Usurarii, Perjuri. (saltem Iure Bavar.) Notarii de illicitis rebus instrumentum conficientes. Alii

sententiam condemnatoriam requirunt, quos vide relos n. 503

Ad secundum genus pertinent filii & nepotes parentum violentas manus in Cardinales injicientium, filii proditorum crimen læsæ Majest. committentium. illegitimi in ordine ad effectus jure expressos. 504

Ad 3. genus spectant Histriones, Carnifices, aliqui Lictores. 505

Iure Canonico insuper sunt infames Raptores mulierum, descendentes in duellum, eorumque patrini. Insecutores Cardinalium. 506

Infamix præcipuus effectus est, exclusio à dignitatibus & officiis etiam tabellionis & advocati. 508

Contumax in causâ delicti infamantis non fit infamis. 509

Nec sententia arbitri reddit infamem. 510

Infamia evitatur per oblationem pecuniar ante sententiam, in quam esset condemnandus cum infamia, v. g. ex furto. 513

## Injuria.

Injuria Theologicè sumpta (aliter sumunt Juristæ) est voluntaria actio, vel omisso actio nis contra Ius alterius. I. I. 112

Regula Juris 27. in 6. Scienti & consentienti non fit injuria, neque dolus. Intelligenda est de voluntate cessiva Iuris saltem quoad aliquem effectum, & actum, quæ debet alteri innotescere. 115

Consentienti voluntate efficaciter cessiva Iuris non fit injuria ullo modo. 118. ubi n. 119 respondetur ad varios casus.

Consentienti voluntate inhabilitatâ ad cedendum Iure suo, adhuc fit injuria. 124

Non esset tamen tam gravis injuria in hoc casu, quàm si repugnaret, & probabiliter esset alterius speciei injuria. 125

De injuria per Iudicis imperitiam data, vide Index & Notarius.

De damno per injustam læsionem in re corporea dato, vide: Aquilia Lex.

Injuria civiliter & Iuridicè sumpta, alia est Realis, alia Verbalis, alia scripta in honoratio. 569 ubi modi recensentur.

Alia Atrox, metienda vel ex facto, vel ex loco, vel ex persona. Alia levis. Filius emancipatus potest vindicare atrocem, non leviem, filiusfam. neutram à patre illatam. 571

Injuriarum actio datur non solum injuriato, sed etiam ejus patri, item marito, focero ratione patriæ potestatis in maritum: cæteris conjunctis tunc solum, quando injuria in illos redundat. 572

Potest intentari civiliter æstimando injuriam certâ pecuniæ summâ. vel criminaliter ad pœnam arbitrio Iudicis infligendam: sed

## Synopsis

una alteram perimit, cum utraque tendat ad vindictam. 573  
 Jure Bavarico, si contumelia non meris verbis illata sit, actio est perpetua. 574  
 Non transit ad hæredes, vel contra hæredes, nisi lite contestata. Plura vid. n. eod.  
 Cum actione injuriarum potest cumulari actio ad Palinodiam. 575. est perpetua. 582  
 Injuriarum actione convictus sit in famis exceptis quibusdam casibus, quos vid. n. 579.  
 Aboletur morte, vel injurantis, vel injuriati, lite non contestata. Non ramen signis urbanitatis exhibitis, nisi remissio ex circumstantiis colligeretur. 582  
 Si contra eam præscriptum est, non est locus restitutioni in integrum. 583  
 Extinguitur etiam Retorsione, vide *Retorsio*.

## Insula.

Insula in flumine nata, si mediam partem fluminis tenet, communis est possidentibus prædiæ vicina. V. 95  
 Tunc dicitur de novo nasci, quando terra apparerant aqua tecta. Tunc verò fieri dicitur, cum flumen in cornua divisum circumdat agrum, qui manet in Dominio priore. 96  
 Quomodo sit faciendæ Divisio Insulæ per designationem ad prædiæ vicina, refertur à n. 97

## Interdicta.

Sunt Iudicia, seu Remedia Possessoria. Est ergo Interdictum Prætoris decretum Corpori Iuris insertum, sententia non perpetua, sed ad tempus inter litigantes de possessione, donec causa proprietatis plentore iudicio terminetur in petitorio. III. 310  
 Differebant olim Interdicta ab actionibus ex diversitate ordinis, solennitatis, executionis, ac formulæ. Hodie, cui olim competebar Interdictum, ei competit actio iuris seu extraordinaria in factum ad possessionem: quæ quariduoque sunt personales, quandoque reales. 310  
 Dividuntur 1. in Exhibitoria, Prohibitoria, Restitutoria. 311. ubi in specie recensentur.  
 Dividuntur 2. in Interdicta Adipiscendæ, Retinendæ, Recuperandæ possessionis. 312. ubi in specie recensentur.

## Interdictum quorum Bonorum.

Datur Successoribus hæreditariis, tam ex testamento, quam ab intestato, tam hæredi ex asse, quam ex quota; etiam liberis legitimatis, contra alium possessorem non solum ex titulo pro hærede, vel possessore, sed utiliter etiam contra possessorem ex alio titulo,

non solum contra actuale possessorem, sed etiam contra desinentem dolo possidere: non obstante exceptione domini, nisi possit in continenti probari.  
 Datur etiam contra eum, qui dolo fecit, ut alius rem hæreditariam usucaperet, ad hoc ita satisfaciatur pro re usucapta. 320. & seqq.  
 Datur etiam contra possidentem res singulares hæreditatis, cum pro his competat etiam petitio hæreditatis, cum qua Interdictum pariter procedit. 329  
 Iura incorporalia, & debita hæreditaria, cum non possideantur, non veniunt in actionem hujus Interdicti. 330  
 Sublato Hadriani Edicto, non admittente missionem in possessionem hæreditariam nisi post annum, mitti potest hæres scriptus statim, si exhibeat testamentum, in quo non appareat aliquod vitium apertum: non obstant appellacione. 331. & seqq.

## Interdictum Quod Legatorum.

Datur hæredi adversus Legatarios propriâ auctoritate occupantes legata cum præjudicio hæredis, ut restituant possessionem. 334  
 Si hæres ante aditam hæreditatem consensum dedisset, adhuc illi competeret, secus, si post aditam hæreditatem. 335  
 Datur hæredi hæredis, imò & successori singulari, si illius interfit. 336  
 Non datur directum, bene tamen utile, adversus fideicommissarium universalem. 338  
 Item datur contra eum qui ex voluntate defuncti rem legatam tempore mortis possedit. 340  
 Idem de donatario mortis causâ dicendum. 341  
 Datur etiam contra hæredem cui aliquid prælegatum est. 342  
 Legatarius non perdit Ius legati, sed habet Ius exigendi cautionem de restituendo detrahis detrahendis: nisi post aditam hæreditatem subtraxisset. eod.

## Interdictum Salvianum.

Datur Locatori contra colonum ad possessionem rerum oppignoratarum adipiscendam. Item contra conductorem prædii urbani datur utile. 343  
 Adversus tertium possessorem pignoris, cujus dominium acquisivit, non datur Salvianum, ne quidem utile, sed Iure Codicis Servianâ actione opus est. 344. Multo minus competit aliis creditoribus contra debitores pignora habentibus Salvianum, sed quasi Serviana. 345  
 Datur etiam pro adipiscenda possessione mercium inductarum in ædem conductam: non item pro possessione instrumentorum quibus debita continentur, quæ non censentur tacite oppignorata.

## Alphabetica.

### *Interdictum* : uti possidetis. & utrobi.

Actor probare debet, quod in possessione rei immobilis turbatus ab altero fuerit, & quod tunc possederit. Jure Canonico sufficit antiquioris possessionis probatio. 351

Competit utile Interdictum etiam pro rebus incorporeis. 352

Interdictum utrobi datur pro retinenda possessione mobilium, sicut uti possidetis rerum immobilium. & in utroque vincit is, qui nec vi, nec clam, nec precario possidet ab eo à quo inquitur. 357. ubi refertur, quomodo se iudex gerere debeat.

### *Interdictum* vnde vi.

Comprehendit tam privatam (h.e. sine armis) quam publicam vim: est odiosum, & strictæ interpretationis. 358

Ut huic Interdicto sit locus, non sufficit ex metu desertam possessionem: neque compulsum vi fuisse ad possessionem tradendam: neque impediri per vim, ne possessio acquiratur: neque, me, non item meos, dejectum esse: neque: si dejectus statim possessionem recuperavit. 359

Datur contra deicientem vi, etiam si ipse non occupet. 360

Datur utile Interdictum etiam illi, qui iuribus, seu rebus incorporeis spoliatus est. 361

Datur tantum de rebus immobilibus. 362

Iuribus insistendo datur hoc Interdictum etiam notorio prædoni dejecto à notorio Domino, sed non in continenti. 363. & seqq. ubi vide exceptionem & privilegium Clericorum.

Datur utile Interdictum etiam contra clam possidentem. 372

Datur primò, ad restituendam possessionem rei immobilis. 2. ad restitutionem mobilium, quæ dejectus habebat in loco, etiam alienorum. 3. ad restitutionem fructuum, etiam quos dejectus percipere potuisset, & omnis alterius interesse. imò etiam eorum, quæ sine culpa perierunt, eodem modo apud Dominum peritura. 4. Spolians amittit rei dominium, vel ælimationem. 373. 374

Datur etiam contra tertium possessorem singularem, si sciam rem per vim occupatam. 374

### *Interdictum* de Precario.

Datur illi, qui precario dedit sive per se, sive per procuratorem, etiam non Domino: item ejus hæredi, & successori etiam singulari. 376

Datur ad versus eum qui precario accepit, etiam si dolo desisset possidere. 377

Datur ad hoc, ut res nra cum fructibus possit rem petitam perceptis restituatur. eod.

Est perpetuum. 378

### *Interpretatio legis.*

Differt ab Extensione legis, quod fiat secundum intentionem legislatoris per verba ambigua expressam. Extensio autem ultra intentionem. I. 204

Cætera vide. *Legis Interpretatio.*

### *Intestatus.*

Est omnis ille, qui caret testamentario, etiam si inhabilis fuerit ad testandum. V. 388 & seqq.

Cætera vid. *Sucessio legitima.*

### *Inventio.*

Bona Inventæ vel in Nullius Dominio fuerunt, vel esse desierunt, vel habent Dominum, esto ignoretur ab Inventore. V. 1

Ut per inventionem acquiratur Dominium, requiritur aliqua corporalis Apprehensio. 2

Quæ in nullius Bonis sunt, sunt primò occupantis, volentis habere ut sua, nisi à Republica fuerint alteri applicata. 3. De inventione thesauri, vide, *Thesaurus.*

Inventor rei amittit, si eam apprehendit, tenetur non solum ex charitate, sed etiam ex iustitia, pro qualitate rei inventæ, in Dominum inquirere. 24

Adhibitâ frustra inquisitione, probabilius est, non esse obligationem expendendi in usus pios, de Iure Naturæ. 26. & seqq.

### *Invitus.*

Quando agitur de notabili præjudicio, etiam Ignorans habetur pro Invito. Secus quando non agitur de præjudicio notabilis: tunc enim debet positive prohibere. III. 218

### *Itineris Servitus.*

Est Ius Eundi ambulandi hominis, non etiam jumentum agendi, vel vehiculum per fundum alterius. Ite autem est hic etiam Equitare, scilicet aut lecticâ vchi. III. 178

Itineris possessio quomodo acquiratur, vid. *Possessio quomodo acquiratur.*

Potest haberi Fas eundi sine Iure. 226

### *Index.*

Judex per imperitiam male judicando, litem facit suam ex quasi delicto, & in tantum condemnatur. T. 3

## Synopsis

dematur, quantum Magistratui videbitur.

II. 145

Tunc autem solum tenebitur actione in factum, pœnæque arbitraria ultra litem periculum afficitur, si pars laesa vel nolit appellare, vel propter pauperatē non possit. Nam appellans actionem in factum ad pœnam arbitariam non habet, expensis tamen appellationis exigere potest. 147

### *Iudicium Temerarium.*

Est sententia interna sine sufficiente fundamento lata contra proximum in rebus ad bonam existimationem spectantibus. II. 114

Gratus illius sunt 4. 1. Iudicium firmum. 2. Opinio sine firmitate. 3. Suspicio. 4. Dubitatio. Quorum explicationem vide à n. 113. & Exempla. 119

Primus gradus, si est in materia gravi, est peccatum mortale. 120. Non item reliqui gradus. 121. Quando sunt utrinque probabilia iudicia, non licet iudicare positive contra famam, nec teneor pro fama. 122 Circumspectè tamen agere licet. 123

### *Jus. Jussum.*

Jus propriè sumptum non est Lex, sed objectum & effectus legis, h. e. id quod statuitur per legem. I. 2. de quo plura in tract. II.

Ius est æquivocum. II. 20. ubi referuntur variz significationes. Iuris Activi terminus immediatissimus semper est actio vel omisso actionis. 21. ubi v. exempla.

Ius Passivum explicandum est per actionem vel omissionem actionis potius, quàm per rem aliquam corporalem. 22

Iustum, seu actio iusta alia est negativè talis, alia positivè. Prior est, quæ ponitur sine læsione Iuris alieni: non est actus Iustitiæ, sicut actio positivè iusta tribuens alteri jus suum. & per hanc est explicandum Ius Passivum. 23

Ius activum non videtur sufficienter explicari per Prælationem radicalem respectu alicujus rei usurpandæ in propriam utilitatem ex peculiari connexionē cum illa re, ut volebat Card. Lugo, 33 & seqq.

Neque etiam satis expedita videtur definitio Iuris Proprietatis: Facultas liberè disponendi circa Rem vel Personam quoad usus vel actiones lege permissas, non impedibilis licet ab aliis, ordinata vel ordinans suum subiectum ad propriam felicitatem, seu commodum, ut volebat Esparza. 37

Neque definitio Card. Pallavicini, quod sit: potestas obligandi alterum per voluntatem ipsius habentis Ius, quâ velit oppositum a-

licujus actionis, vel omissionis esse illicitum ex motivo sui placiti. 40

Jus proprietatis activum purè tale. h. e. cum exclusionē Iurisdictionis, est: Facultas naturæ rationalis obtrahendi actionem, vel omissionem actionis lege permissam, voluntate, verè vel interpretativè suâ obligando in suum proprium commodum & placitum alios ad talem actionem, vel omissionem præstandam, vel non impediendam, secus à omni potestate gubernativâ aliorum. 43

Ius Passivum est actio, vel omisso ab eo præstanda, qui alteri ex præciso ejus placito obligatur. eod.

Jus Iurisdictionis est species Iuris Proprietatis, quatenus Legislator potest in suum placitum obligare alios, ne se impendant à ferenda lege. 44

Definitur potestas obligandi subditos per suas leges ad actiones subditis expeditas. 45

Ad ponendum actum validum, non est necesse dari Ius ad talem actum ponendum, sed potest esse injustus, & tamen validus. 52. & seqq. ubi plurimis exemplis illustratur.

Jus activum dividitur in Ius in re, & Ius ad rem: idem est: Ius reale, & Ius Personale, illud fundat actiones reales, hoc personales. 60

Ius Reale (declarando ab effectu) est: quod rem ita respicit, ut ad quemcunque devenierit res illa, semper transeat cum hoc onere, ut eam persequi possim.

Jus Personale est, vi cuius res ipsa non potest vindicari apud quemvis detentorem, sed respicit personam determinatam quæ obligata sit ad aliquid præstandum. 64

Jus Reale (declarando à priori) est illud, quod immediatè tendit ad subordinandas alteri res, vel homines consideratos, ut res & non ut personas, h. e. in ratione patientis. Jus Personale est, quod immediatè solum tendit ad subordinandum nobis aliam personam in ratione agentis. 65, 66

Datur etiam Jus Mixtum, h. e. de Iure Reali & Personali participans, cui responderet actio mixta, non eo sensu quo actio rei & pœnæ persecutoria est mixta, sed quod partim sit in rem, partim in personam, & Iunt 4. *Finium Regundorum, Familiæ eriscunda, communi dividendo, ad exhibendum.* Dicuntur actiones Personales in rem scriptæ. 67

Voluntas cessiva Iuris aliquando est efficax, aliquando inefficax, hoc est, à superiore inhabilitata. 116. ubi v. declarationem.

### *Iustitia.*

Iustitiæ nomen variè accipitur. II. 1. Solet appropriari quatuor Speciebus: Legali, Vindicativæ, Distributivæ, Commutativæ. 2. Leg-



## Alphabetica.

- Legalis** est, quæ inclinatur ad procurandum bonum commune, intentum per leges à Principe latas propter conjunctionem sui tanquam partis cum communitate tanquam corpore uno politico. Quatenus residet in subditis, est quædam species Obedientia. 4
- Vindictiva** residet propriè in Superiore habente potestatem puniendi delicta. eod.
- Distributiva** versatur circa distributionem commodorum, & onerum communium. 5
- Commutativa** est maximè propria Iustitia, & deinceps tractabitur. eod.
- Iustitia**, ut Genus ad has quatuor species, est Vir-  
tus ad alterum, cujus actiones ex obligatio-  
ne factæ, nunquam generant in altero obliga-  
tionem gratiarum actionis, seu gratitudinis. 7
- Commutativa** ideo non obligat ad gratiarum ac-  
tionem, quia præstat alteri debitum & Ius  
cum ea libertate quam requirit æqualitas, ut  
neuter obligetur ad gratiarum actionem;  
sicut qui primus habuit illud Ius à nemine,  
nemini obligabatur. eod.
- Distributiva** ideo non obligat ad gratiarum ac-  
tionem, quia sit in bonis communibus. 8
- Vindictiva**, cujus est infligere poenam non me-  
dicinalem, ideo non fundat gratitudinem,  
quia non confert bonum, sed malum. 10
- Legalis** ideo non obligat Legislatorem ad gratias  
pro observatione legis, quia non cedit in  
bonum illius, sed in bonum obligati. 11
- Iustitia Commutativa** rectè definitur ab Ulpia-  
no: Constantis & Perpetua Voluntas Ius  
suum cuique tribuendi. 15
- Contra Iustitiam** non potest peccari per exces-  
sum, sed solo defectu, & ideo non versatur  
inter duo vitia. 68
- Medium** quod à Iustitia respicitur, specialiter est  
medium rei potius, quàm medium quod re-  
spiciunt aliæ virtutes: & est, quòd procu-  
ret, ne suum suppositum excedat fines Iuri-  
um suorum, & ne per ipsum alius minus ha-  
beat in Iure suo. 70. ità quidem ut si per  
errorem ab hoc medio devietur, adhuc sit  
obligatio illud procurandi postea, quod in  
aliis virtutibus non est. 72
- Per accidens** tamen posset Iustitia tantùm obliga-  
re ad medium rationis, sicut econtra aliæ  
virtutes ad medium rei. 73
- Medium iustitiæ** consistit in medio indivisibili  
facilius cognoscibili, quàm medium alia-  
rum virtutum. 74
- Iustitia Commutativa** potest dari inter Patrem &  
Filium, Dominum & Servum, Maritum, &  
Uxorem. 76
- Hæc** tamen personæ ad invicem formaliter spe-  
ctatæ, & prout natura ad invicem obligat,  
non obligantur ex Iustitia, sed v.g. ex Piete-  
te, Charitate, Obedientia, &c. 77. seqq. ubi  
exempla. v.
- Ex Iustitia** potest sæpius pro eodem debito satis-  
fieri. 81. ubi res exemplis illustratur.
- Sufficit**, secundam solutionem esse virtualem ex-  
tinctionem debiti, sicut secundum peccatum  
mortale est virtualis extinctio gratiæ. 85
- Ratio formalis objectiva** terminans iustitiam,  
non est obligatio præsens, sed æqualitas  
inter solutionem & damnum illarum. 87
- Potest** etiam satisfieri obligationi ex Iustitia fu-  
turæ per anticipatam solutionem. Unde  
constat, actum Iustitiæ posse habere admix-  
tam liberalitatem. 88
- Iustitia Distributiva** non merè accidentaliter aut  
materialiter, sed essentialiter & specie dif-  
fert à Commutativa. 93
- Nec** differunt tamen sufficienter per æqualita-  
tem Arithmeticam & Geometricam. cum  
Distributiva non semper attendat propor-  
tionem Geometricam, & Commutativa  
quandoque Geometricam. 94. & seqq.
- Quandocunque** vel ex lege, vel ex pacto datur  
in membris communitatis Ius ad rem stric-  
tè dictum, distributio proportionaliter fac-  
ta est ex Iustitia commutativa. 99
- Obligatio** administrandi officium distributum  
non impedit, quin collatum sit ex Iustitia  
commutativa. 100. ubi exempla.
- Nec** ad Iustitiam Distributivam, nec ad Com-  
mutativam spectat, tribuere Communitati  
Ius ad rem, h. e. ad officium, obligando  
officiale Communitati ad bonum illius  
procurandum. 102. ubi exemplum.
- Iustitia Distributiva** differt essentialiter à Com-  
mutativa per hoc, quòd in distributione  
bonorum communium attendat & respi-  
ciat debitum minùs strictum, non quidem  
tribuens jus ad rem, sed consistens in di-  
gnitate majore vel minore membrorum,  
ordinando distributionem principaliter in  
bonum Communitatis. 103
- Iustitia Distributiva** est propriè Iustitia, quatenus  
tribuit membris communitatis id, in quo, ut  
sunt pars communitatis habent jam jus in re.  
106
- Convenit** etiam univocè cum Commutativa,  
& ideo Iustitia ut genus ad illas, potest de-  
finiri, Virtus, quæ Ius suum tribuit uni-  
cuique, vel suum, prout est pars Com-  
munitatis, vel suum prout est persona pri-  
vata à cæteris distincta, ab utroque præcin-  
dendo. 107
- Si** extraneo conferretur officium à communi-  
tate, non esset actus Distributivæ, quia deest  
in illo Ius. 108
- Distributio onerum & contributionum**, plus pat-  
ticipat de Commutativa quàm de distribu-  
tiva, quatenus nullum Ius confert, sed  
potius minuit. 109
- Peccatum** contra Distributivam est Acceptio  
Personarum, tribuendo aliquid non intui-  
tu me-

## Synopsis

tu meritorum sed quia, v. g. est confan-  
guiticus. 110

### L.

### *Legitimi, Illegitimi. Legiti- matio.*

**Liberi Legitimi** sunt vel ex iustis nuptiis nati,  
vel postea legitimati. I V. 117

**Illegitimi alii Naturales, alii Spurii.** Iure Civi-  
li Naturales sunt ex concubina nati. Spuri-  
i, qui nec ex matrimonio, nec ex con-  
cubina nati. Iure Canonico omnes sunt  
naturales, qui nati ex parentibus inter quos  
conceptionis vel natiuitatis tempore pote-  
rat esse matrimonium. Spurii, quando  
nec conceptionis nec natiuitatis tempore  
potuit esse matrimonium. Qui bonâ fide  
nati sunt ex matrimonio occultè nullo,  
habentur pro legitimis. 118. Sicut & illi  
qui nati sunt ex conjugibus, quorum al-  
ter habet votum Solenne Castitatis. 120

**Legitimatio** est triplex. per subsequens matrimo-  
nium: (exceptis Spuriis canonicè sum-  
ptis) per Rescriptum Principis: per obla-  
tionem Curie (quæ tamen hodie ab aula  
recessit) cui comparatur ingressus in Reli-  
gionem. 119

**Ad legitimatorem** per subsequens matrimo-  
nium, non requiritur consensus liberorum.  
121

Sufficit matrimonium mediatum. 122

Per huiusmodi legitimatum excluditur substatu-  
tus sub conditione: *si sine legitimis*. non  
item *si sine legitimis natus*. 123

**Non** requiritur confessio instrumentorum do-  
talium, nisi ad faciliorem probationem ma-  
trimonii, & excludendam simulationem.  
124. 136

**Ad hunc legitimandi modum** sufficit, natiui-  
tatis tempore potuisse subsistere matrimo-  
nium. 125

**Ad hanc legitimatorem** probabilis non suffi-  
cit ignorantia parentum, quod coitus sit  
adulterinus, vel incestuosus. 131

**Neque** purgaretur vitium, si postea tales per i-  
gnorantiam impedimenti contraherent  
matrimonium, nisi proles post contrahum  
matrimonium nasceretur. 132

**Legitimatio hæc** extenditur etiam ad nepotes ex  
filio naturali, etiamsi eorum pater mor-  
uus esset ante matrimonium. 133

**Quomodo** ex mensum paucitate vel excessu ul-  
tra novem, præsumatur proles ex legitima  
copula nata, consulendi sunt Medici & Phy-  
sici, & benignior sententia amplectenda.  
134. & seqq.

**Ex eo quod** per subsequens matrimonium legiti-  
matio retrahatur ad tempus natiuitatis,

legitimatus per omnia æquiparatur legiti-  
mè natis, non solum quoad successiones  
ex iure communi, sed etiam quoad Pri-  
mogenituram, Feuda, Emphyteuses, ad ob-  
tinenda officia in utroque foro. 137. & seqq.

**Legitimatio per Rescriptum Principis**, tunc so-  
lum locum habet, quando deficiunt legiti-  
mi: nisi Princeps ex plenitudine potesta-  
tis, & rebus exigentibus aliud vellet. 138

**Requitur etiam legitimandorum consensus**, et-  
iam ab infante per ratihabitionem præstan-  
dus. Item requiritur petitio patris saltim  
in articulo mortis. 140. & seqq.

**Non** requiritur tamen consensus agnatorum ab  
intestato venientium. nisi clausula infer-  
ta exigeret consensum eorum, quibus le-  
gitimatus succedere intendit. 141

**Potestas legitimandi tantum** convenit illis Prin-  
cipibus, qui Superiorem non agnoscunt,  
quoad suos subditos. 142

**In terris Ecclesiæ potest Papa liberè illegitimos**  
legitimare, in terris verò alienis, non nisi  
ex causis multum arduis, vel nisi in spiri-  
tualibus, tunc tamen indirectè, & per con-  
sequentiam intelligitur legitimare etiam  
quoad temporalia. eod.

**Legitimatus in uno territorio**, non gaudet effe-  
ctibus illius in alio territorio. 143

**In supplicatione exprimendum est**, an sit natu-  
ralis, spurius, aut incestuosus: an per sta-  
tutum excludantur filie: item qualitas feudi  
ad quod legitimari vult. 144. 145.

### *Legislator.*

An, & quomodo suis Legibus teneatur. vide  
*Legis subjectam.*

### *Lex.*

**Lex** generalius accepta, synonyma est cum *Jure*,  
Constitutione, Sanctione, Statuto, Præ-  
cepto. I. 1

**Sumitur specialius pro Decretis sumorum Prin-  
cipum secularium**, ut Imperatoris, Regis,  
ac totius populi, & hoc sensu

**Strictè & in specie**, ac secundum quod est pars Iu-  
ris Civilis scripti, est illud: quod Sena-  
torio Magistratu veluti Consule interro-  
gante populus constituit. 2. 3

### *Lex Favorabilis: Odiosa.*

**Lex** dividitur in Favorabilem, & Odiosam. Fa-  
vorabilis non denominatur à fine ultimo  
boni publici, sed proximo & immediato. 4

**Quando favor potest à damno alterius separari**,  
tunc lex quatenus favorem continet, est  
ample interpretationis. 5. ubi vide ex-  
emplum.

Si fa-

## Alphabetica.

Si favor ab odio separari non potest, spectanda est intentio Legislatoris, quæ si primariò voluit favere uni, & hunc favorem habuit pro motivo, damnum verò tertii solum materialiter & permixtè, quia separare non potuit, lex est favorabilis, & amplè interpretanda, nisi aliunde constet nolle Legislatorem amplè interpretari, ut Privilegia. 7. ubi vide exemplum.

Odiosa lex erit, quando lex directè & formaliter versatur circa damnum alterius, & non merè concomitanter aut permixtè, tunc illud ordinet in favorem alterius. 8. ubi exemplum.

Quando lex odiosa facile eluderetur, nisi extendi posset, extendenda est. 8. ubi exemplum.

### *Legis Promulgatio.*

Lex ne quidem remotè, seu radicaliter obligare potest, antequam promulgetur, quo sensu definitur: Rationis ordinatio ad bonum commune, ab eo, qui curam communitatis habet, promulgata. 11

Possent quidem ex voluntate Legislatoris statim obligare post promulgationem, defacto tamen Leges Cæsares respectu Provinciarum Imperialium incipiunt obligare post duos menses à die promulgationis in singulis Provinciis faciendæ. 14

Quod idem de Statutis Provincialibus dicendum post promulgationem in Curia factum. 15

Jus Ecclesiasticum sicut à Cæsare recedit in hoc, quòd non requirit promulgationes in singulis Provinciis, ita etiam in eo, quòd statim obliget in conscientia post promulgationem in Curia Romana, omnes quos ignorantia non excusat. 17. & seqq.

In foro externo, quoad leges Cæsareas post duos menses præsumitur in omnibus scientia, nisi contrarium probetur. Quoad Constitutiones Pontificias pro majorè minorè distantia Provinciarum à Roma, plus minusve temporis indulgetur, ut scientia præsumatur. qui ignorantiam semiplenè probasset, posset ad juramentum suppletorium admitti. 20

### *Legis Acceptatio.*

Praelati Ecclesiastici possunt obligare subditos ad legis justæ acceptationem, adeoque ipsumulum. 24

Idem de Legibus Civilibus dicendum. 25

Ex eo quòd primi transgressores puniantur, inferretur defacto hoc modo velle obligare saltem civiliter. 26

Si intra decennium acceptentur à majorè patre Communitatis (respective consideratæ ad

talem Provinciã, cujus mores exigunt leges proprias) dicuntur firmari seu stabiliri, ut nò possint ampliùs desuetudine abrogari, sed opus sit consuetudine contrariã. 27

Frequens transgressio statim ab initio, & à Legislatore dissimulata deobligat alios etiam ante elapsum decennium & abrogationem per desuetudinem. 30

De Abrogatione Legis per Desuetudinem, vide Desuetudo.

Quamdiu non est evidens legis iniquitas, aut inutilitas, præsumptio stat pro lege, & subditi obligantur. 32

### *Legis Forma, vel Materia.*

Et si conveniens sit, Leges scripto comprehendendi, non est tamen scriptura de forma legis prout hæc differt à Consuetudine: sicut nec econtra. 34

Non solum Actus Iustitiæ, sed etiam aliarum virtutum possunt esse materia legis tam Canonice, quàm Civilis. 36

Actus interni per se soli legibus præcipi non possunt, (benè tamen præceptis Superiorum Regularium vi voti obedientiæ) quatenus tamen conjunguntur cum actu externo manifestativo, sunt legis materia. eod.

### *Legis Vis obligandi.*

Tam Civilis, quàm Canonica lex potest obligare sub peccato mortali. 37

Plerumque intentio ita obligandi, colligitur ex modo & forma loquendi: præcipimus, præcipiendo mandamus, jubemus, &c. 39

Universum, nisi Legislator aliter se declaret, censetur sub mortali obligare, quando materiæ gravitas adest. 40

Materiæ gravitas colligitur ex fine intento, & non facile obtinendo sine gravi obligatione: unde res ex se levis potest ex circumstantiis evadere materiæ gravi. 41

### *Lex Pœnalis.*

Lex pœnalis in genere dicitur, quæ minatur transgressoribus pœnam temporalem. Alia est mixta, alia purè pœnalis. Mixta habet duo membra, quorum primo aliquid jubetur, aut vetatur, altero pœna statuitur. Purè pœnalis, solius pœnæ meminit. 42

Omnis lex continens verba præceptiva, vel prohibitoria, etiam si adjiciatur pœna, censenda est obligare in conscientia, si materia patitur, nec Legislator aliud declarat. 45

Leges purè pœnales aliquando obligant in conscientia, quando nempe finis intentus alioquin non obtineretur ab illis, qui honestate potius, quàm pœnâ moventur. 46

## Synopsis

Aliquando tamen non expedit lege pœnali gravari conscientias, quando præcipue feruntur ad absterrendos malos, qui conscientiam non curant. 47

Ex differentia generum personarum, ut Militum, Civium, Incarceratorum, pendet, an expedit obligari in conscientia. 48. ubi vide exempla.

Si Legislator intendat primariò bonum privatum subditorum, leges non obligant cum gravi incommodo, seu detrimento rei familiaris, honoris, valetudinis, &c. si verò intendat primariò bonum publicum, potest obligare cum manifesto periculo vitæ. 50. ubi exempla.

Ut satisfiat legi negativæ, ut non furari, satis est, non furari, ex quacunque intentione, vel etiam absque ulla, fiat. Legi affirmativæ satisficit positò actu eo modo quo præcipitur, absque eò quòd ipsa lex moveat. Imò etiam per actum extrinsecè virtuosum. 51

An lex pœnalis obliget ad subeundam pœnam arè, vel post iudicis sententiam. vide. *Pœna.*

### Legis Subjectum.

Legislator nec quoad vim coactivam, nec quoad directivam à se latam, propriè & directè tenetur ex virtute per legem intenta, sed occasione legis latæ tenetur lege naturali, & ex virtute potestativa se cum subditis conformare, isque exemplo præire. 52. & seqq.

Non peccat tamen graviter semel iterumque recedendo ab hac conformitate, sine scandalo vel damno alterius. 55

Quod si est Princeps diversarum Provinciarum, non tenetur se conformare legibus unius Provinciæ, si alia Provincia illis legibus non tenetur, satis est enim, si se uni conformet. 56

Nullus actus Principis est irritus ex lege irritante ab ipso lata. 57. ubi exemplum.

Potest lex violari ab existente extra territorium, si ibi facit, ut in territorio ponatur actus prohibitus, vel non ponatur actus præceptus. 58. ubi exempla.

Existentes extra territorium non obligantur lege territorii sui, juxta Reg. *Extra territorium Jus dicenti non paretur impunè.* 59. quæ Regula non solum procedit, quando opus est testibus, citatione, aut aliâ Iuris solennitate, sed etiam quando absque his jurisdictionis exercetur in invitos, v. g. si fectur excommunicatio in fares. 60

Peregrini legibus sui territorii non tenentur, si alibi morentur, ubi ejusmodi leges non videntur, etiam si utriusque territorii idem sit Dominus & Legislator: eò quòd leges non

respiciant, nisi locum pro quo feruntur, ob conformitatem incolarum. 65

Procedit hoc etiam de eo, qui in eum finem alibi peregrinaretur, ut lege sui territorii non teneretur. eod.

Lex affirmativa, cum obliget pro aliqua temporis latitudine, ut si prævideatur non posse postea impleri, teneris prævenire, hinc teneris in tuo territorio satisfacere præcepto, si possis, antequam discedas, non posses autem postea. 66

Si ingrediaris alienum territorium, v. g. Parochiam, adhuc durante tempore, quo si domi existeres, adhuc posses implere legem, non es obligatus lege tui territorii si seriùs, es obligatus prævenire impedimentum superventurum. 67

Quando lex obligat ad actionem divisibilem indivisibiliter, v. g. jejunii lex prohibens binam comestionem pro toto die, non teneris in tuo territorio manè abstinere à duplici comestione, si constituisi vesperti te conferre ad territorium, ubi non est jejunium, benè tamen teneris non comedere carnes, ad quam abstinentiam lex obligat divisibiliter. 68. & seqq.

Rediens ex alieno territorio ad suum, si in alieno necdum reddidit sibi inobservabilem legem sui territorii obligantem indivisibiliter, adhuc obligatur, secus non obligatur. 70. & seqq.

Lex in alieno territorio observata priusquam obliget in proprio, non debet de novo observari. 71

Lex respiciens delictum in proprio territorio consummandum, obligat, & reum facit etià extra territorium delinquentem, ponentem causam consummationis in territorio, & reus sortitur forum utriusque territorii, estque locus præventioni quoad alias pœnas. 72

Accedens ad alienum territorium animo acquirendi ibi domicilium, vel quasi, tenetur legibus illius loci: si non accedat tali animo, tenetur tamen legibus contractuum ibi celebrandorum. 73

Neque ab hoc excipitur Contractus dotalis per legem exigere. ff. *de Juredotis.* quæ solum loquitur de exactione, & solutione dotis faciendi in loco domicilii mariti. 74

Excipiuntur tamen illi contractus, qui vel ex natura sua, vel ex intentione contrahentium alibi sunt implendi. eod.

Peregrinus tenetur illis legibus, quæ sunt Iuris communis, etiam pro loco ad quem accedit, & per quem transit, etiam si in loco proprii territorii essent abrogatæ. 74

Idem dicendum de legibus & statutis particulæribus, quando ita obligant in loco transitus



## Alphabetica.

- stris aut accessus, ut similis lex obliget in loco discessus seu territorii proprii. 75
- Si lex particularis fertur ad cavendum damnum speciale talis territorii, æquè timendum ab advenis atque ab incolis, aut ad procurandum speciale bonum valde necessarium, obligat etiam advenas. eod.
- Extra casus positos peregrini non obligantur legibus alieni territorii particularibus. 76
- Vagabundi tenentur legibus illius loci tam communibus quàm particularibus, in quo existunt, sicut gaudent eorundem locorum privilegiis & favoribus. Imò respectu Vagabundi nulla lex civilis est communis, sed particularis, quia nullius territorii domicilium habet. 79
- Clericorum & Religiosorum obligatio servandi leges civiles, non adverfantes Immunitati Ecclesiastica, non provenit unice & adæquatè à lege naturali obligante ad conformitatem, alioquin in nullo contractu possent diverfis legibus uti. 83
- Præcisè omni obligatione directà à legibus civilibus imminente, fatendum est Clericos & Religiosos obligari ad conformitatem, ubi non habent speciales leges contrarias, utpote quòd Pontifex tacitè subiciat illis legibus, dum vult illos esse partem Communitatis. 84
- Non est ulla ratio astruendi directam obligationem provenientem à potestate Laica, sed sufficit tacita approbatio Pontificis. 85
- Tacita hæc approbatio continetur in illa vulgari regula c. 1. de novi op. nunt. Sicut leges non dedignantur Sacros Canones imitari, ità Sacrorum statuta Canonum Principum Constitutionibus adjuvantur. &c. 28. de Privil. S. Ecclesia legum secularium non respicit famularum, quæ æquitatis & iustitiæ vestigia imitantur. 86
- Probabiliter tamen non obligantur statutis particularibus à iure communi recedentibus. 88
- Pueri etiam legibus obligantur, nisi legis materia aliud exigat, vel intentio legislatoris aliud habeat. 93
- Infantes & Amentes nec materialiter obligantur legibus, unde carnes die jejunii illis dari possunt. 94. aliud de ebriis & intervallo habentibus dicendum, quibus prodest etiam materialis legum observatio. 95

### Lex irritans.

- Leges irritantes actum aliquem à natura validum, nihil statuunt contra leges naturales, utpote solum conditionatè validantes actum, quamdiam non fuerit Magistrati expediens vitium, talem actum irritare. I. 105. & seqq.

Lex irritans actum in favorem agentis, vim habet non obstante ignorantia hujus legis: irritans in pœnam tunc, quando irritatio esset pœna extraordinaria & exorbitans à communi modo tale delictum puniendi. 108. & seqq.

Irritatio favorabilis etiam invitum & reluctantem tenet: imò datur casus in iure, quo ignorantia legis irritantis requiritur, ut actus sit irritus, qui tamen irritus non esset, si ignorantia abesset. 113

Irritatio potest etiam reluctanti & invito prodelle, quod sæpè necessarium est ad finem à legislatore intentum. 114

Si verò Irritatio cederet in præjudicium illius cui lex favere intendit, irritatio non haberet vim, ne, quod in favorem introductum est, in ejus dispendium retorqueatur. 115. ubi vide exemplum.

Non omnis lex prohibens actum, irritat actum, multa enim prohibentur, quæ tamen facta tenent. Regula juris 64. in 6. *Quæ contra Jus sunt, debent utique pro infestis haberi.* intelligenda est, de illis quæ contra formam substantialem à iure præscriptam sunt. 117 & seqq.

Quando lex requirit aliquid observandum ab eo, cui actus confert potestatem agendi, censetur ad valorem actus requirere, nisi talis modus aliquo iure communi sit accidentaliter. Si verò præscribatur modus habenti jam antè potestatem agendi, censetur præscribi modus solum ut accidentaliter. 119 ubi vide exempla. Si dubium est, præsumitur præscriptus modus tanquam substantialis. eod.

### Legum Interpretatio.

Authentica Interpretatio fit à legislatore, vel ejus successore, & vim legis habet. 176

Interpretatio doctrinalis (de qua hic sermo) fit à Juris Interpretibus aliisque doctis: & si sit communis omnium, facit humanam certitudinem. 177

Proprietas verborum est maximè attendenda, nisi circumstantiæ aliud suadeant de intentione legislatoris. vel nisi lex sit favorabilis, & sensus improprius sit in iure usitatus. 178

Verborum ambiguitas ex ratione legis (plerumque ab initio posita) determinanda est. 179

Lex nova interpretanda est secundum antiquam, si similis exstet. 180 ubi vide exemplum.

Interpretatio legis purè extensiva, hoc est, ad casum non comprehensum in mente legislatoris, non est licita. 183

Extensio legis à casu expresso ad non expressum ob similitudinem ipsorum casuum, rectè fit à iure.

## Synopsis

à Iureconsultis in ordine ad ferendam sententiam in Iudiciis. 284. ubi vide exemplum.

Similitudo rationis non sufficit ad extensionem legis à privato faciendam ad alium casum, quasi ille casus in legislatoris mente comprehensus esset. 286

Mentis rationis tunc solum reddit licitam extensionem ad casus in lege non expressos, quando alioquin ex lege sequeretur iniquitas aut absurditas, & legis imprudentia argueretur, si noluisse omnes casus in eadem ratione connexos comprehendere. 289. Exemplum vide n. 290

Sæpe lex loquitur de casu vel persona particulari tantum exempli causâ, & tunc lex ad omnes casus similes extendenda est, quia lex (ur distincta à Rescriptis) non agit de singularibus, neque exemplum limitat dispositionem, sed declarat. 291

Lex prohibens, præcipiens, puniens, vel irritans actum, non extenditur ad actum præteritum jam perfectum, bene tamen ad actum tantum inchoatum. 293 ubi exempla.

Lex remittens pœnam delinquentibus debitam, non extenditur ad futuros, ne detur ansa delinquendi. 294

Lex indistinctè loquens, quandoque est restringenda, ne alioquin latius sumpta (secundum verborum corticem) cedat in præjudicium innocentis. 296. vide exemplum in Rescriptorum interpretatione.

Quando ratio legis non adæquat verba legis, sed verba pluribus casibus aptari possent, in quibus ratio legis non habet locum, lex restringenda est ad terminos rationis proximæ, & constitutivæ legis: quamvis cautè in hac interpretatione procedendum sit, eò quòd ratio legis sæpe sit longè magis extenta, quàm primâ fronte videatur. 297. exempla vide. n. 298

Restriccio legis etiam locum habet, quando in aliqua materia vel persona sunt speciales circumstantiæ aut prerogativæ, ob quas censentur lege generaliter loquente non comprehendi. 300. vide plura v. *Epiklia*.

Quomodo in lege locus sit Dispensationi, vide *Dispensatio*.

### *Luminum Servitus, & ne Luminibus officiat.*

Illa est Ius, quo vicinus Lumina nostra excipere & præstare tenetur, quatenus ædibus nostris necessaria sunt.

Hæc verò est Ius, quo prohibetur lumen è cælo veniens adimere, & obcurius facere, v. g. altius ædificando, at borem ponendo, &c. III. 170

## M.

### *Manumissio Servorum.*

Manumissio facta in fraudem creditorum, est ipso jure nulla, nec opus actione Paulianâ. V. 14

In testamento servus hæres scriptus hoc ipso fit liber, sed cum obligatione ad eundem hæreditatem. 14

Manumissio facta à minore 20. annis, requirit iustam causam à Magistratu approbatam. eod.

### *Mineralia.*

Reputantur fructus fundi, & ideo non fiunt inventoris. Lege tamen & Consuetudine magna pars Principi tanquam Tributum cedit. V. 4

### *Monasterium.*

Quidam Monasteria sunt capacia Successionis ratione suorum Professorum, quædam non. IV. 19

Monasterium habetur loco Filii suorum Professorum in casibus à Iure expressis, non universim, unde filius debet patri assignare legitimam, si careat descendens. 23

### *Morgengeba.*

Latine est Donatio facta in Remunerationem pudicitie. Iure Bavarico potest in Feudo constitui cum consensu Domini directi. Describitur: Matutinale donum, quod maritus, altero nuptiarum die pro pudicitia & (Iure Bavarico) Virginitatis thesauro novæ nuptiæ elargitur. IV. 330

Iure Bavarico solis Virginitas debetur, nec potest uxor renuntiare, nisi scripto duobus testibus extraneis signato. 462

Ufus fructus illius est penes maritum. Nec potest à Iudice constitui in maiori quàm tertiâ parte bonorum allatorum ab uxore, Iure Bavarico. 464

Hypotheca ratione Morgengebæ non gaudet iure prælationis. 465. ubi vide, quomodo possit Iure Bav. alienari.

Morgengeba non amittitur per secundas nuptias, quia est donum onerosum. 482

### *Motus Proprius.*

Est liberaliter interpretandus, cum proprietate tamen verborum. & excludit omnem subreptionem. I. 173. & 149

Non

## Alphabetica.

Non est tamen tantæ virtutis, ut suppleat defectum intentionis in Principe. eod. ubi v. exempla.

### *Mutilatio.*

Ex præsumpto consensu Dei, potest homotantum administrator suorum membrorum, amputare membrum vitæ nocivum. 11. 615

## N.

### *Nativitas.*

Est modus acquirendi jure gentium ea quæ ex animalibus nostris nascuntur. V. 88

### *Necessitas Proximi.*

Necessitas proximi est triplex. Extrema, Gravis, Communis. Extrema est rerum ad vitam necessarium, vel ad vitandum morbum incurabilem: Gravis est rerum, sine quibus vita notabiliter abbreviaretur, vel morbus gravis incurreretur verisimiliter. Communis, quam habent pauperes mendicantes aperte vel occulte, aliorum liberalitate indigentes. 11. 342

Extremæ necessitati proximi teneris ex charitate subvenire (aliis deficientibus) ex bonis non solum superfluis, sed etiam statui convenientibus, non tamen ita necessariis, ut sine talibus bonis ex pristino statu decideres, modò non sit opus mediis extraordinariis. 343

Necessitati gravi teneris subvenire ex bonis superfluis statui. 344

Jus accipiendi rem alterius in casu necessitatis, fundatur in eo, quòd Natura ab initio voluerit omnia esse communia. eod.

Constitutus in extrema necessitate, & probabiliter etiam in gravi, potest accipere ex alterius bonis illi ad vitam non necessariis, si non excedat media ordinariè adhiberi solita. 345. 347

Necessitas tribuit jus accipiendi etiam in casu quo alter non est obligatus dare. 346

Elapsa necessitate auferens, tenetur restituere acceptum si potest. 349

### *Notarius.*

Notarius imperitè conficiens instrumentum, tenetur ad damnum subsecutum, & penam arbitriam, sicut Judex imperitè judicando. 11. 147

### *Noxalis Actio.*

Noxalis actio datur adversus Dominum Mancipii, quæ petitur, ut vel solvat litis æstimationem, vel servum noxæ dedat, transferendo dominium in læsum. Non est actio directa, sed directarum adjuncta. 11. 151. ubi vide declarationem.

Huc spectat actio de pauperie. v. *Pauperie.*

Non solum competunt hæ actiones illi qui immediate damnificatus est, sed etiam cuiusvis cui per consequentiam nocitum est, ut Commodatario. 153

Hæ actiones non inducunt obligationem in conscientia ante iudicis sententiam. 172

### *Nuptiæ Secunda.*

Pœnæ secundarum nuptiarum antiquæ, novo jure cessant. IV. 466 & seqq. ubi re-rententur, & ponitur exceptio in vidua luxuriosam vitam ducente, imò vel semel fornicante intra annum luctus.

Jure novo & ultimo, si ex matrimonio existent liberi, & vidua transeat ad secunda vota, quidquid à marito lucrata esset, si vidua mansisset, illius proprietatem amittit, usufructu ad dies vitæ retento: eorum verò quæ titulo oneroso acquisivit, proprietatem retinet. 476. & seqq. ubi exempla. Amittit etiam uxor proprietatem illorum lucrorum, quæ aut vigore statuti, aut reciproci pacti in casum alterutrius præmorientis superstes ex bonis defuncti percipit. 479 & seqq.

Si liberi suscepti quidem, sed ante binubam defuncti sunt, cessant pœnæ prædictæ. 483. & seqq. quod extenditur ad mortem civilem.

Inter lucra per secundas nuptias amittenda, non venit usufructus, si quem uxor à marito habuit. 486

Si maritus aut liberi expressè renuntiant iuri suo, mulier per secundas nuptias non amittit proprietatem lucrorum prædictorum. 487

Consensus tamen tacitus liberorum, non contradicendo secundis nuptiis, non sufficit. Imò nec expressus, nisi adjuncta renuntiatione juris. 489. & seqq.

Binuba tenetur etiam eorum bonorum proprietatem reservare liberis superstitibus, quæ per successionem liberorum prioris conjugii ab intestato, ex bonis patris accepit, secus si ex testamento successit, vel donatione inter vivos accepit. 493. & seqq.

Pro obtinendis his lucris post mortem binubæ datur imprimis liberis Rei Vindicatio contra quemcumque rerum possessorem. 495

V v v

Item

## Synopsis

Item datur *Conditio* ex lege, vel sine causa adversus alienantem, illiusque hæredes, ad æstimationem. 496

Consulitur etiam liberis adhibitâ æstimatione arbitri bonorum mobilium, & adjunctâ satisfactatione vel matris, vel liberorum, cuius plenior explicationem vide à n. 497

Binuba non potest vitrico (idem est de Binubo inducente Novercam) relinquere quocunque modo aut pacto, plus quàm virilem partem, seu portionem unius ex liberis. 500. & seqq.

Potest tamen liberis posterioris matrimonij relinquere quantum voluerit, dummodo liberis prioris matrimonij suam legitimam relinquat. 502

Excessus relictus Iure Novell. competit filiis prioris Matrimonij, inter eos solos ex æquo dividendus. 503

Binuba non potest prætextu ingratitudinis revocare donationes filijs prioris Matrimonij factas, nisi casibus expressis Novell. 22. c. 35. 503

Quæ hæcenus dicta sunt, inducunt obligationem in conscientia, absque omni iudicis sententia. 504

## O.

### Obligatio.

Obligaciones humanæ erga alium, aliæ pendunt à voluntate & placito alterius potentis deobligare, aliæ sunt independentes. II. 24. & seqq. ubi v. ex. mpla.

Obligaciones habentes pro mensura voluntatem alterius, aliquæ procedunt à potestate obligandi solum in bonum obligati; aliæ à potestate obligandi præcisè in commodum, & placitum obligantis. 27

Obligationum posteriorum titulus alius est Originalis, seu Primævus, alius non Primævus. 28. & seqq. ubi vid. species horum titulorum.

Obligatio restituendi quando nascatur ex damno dato. vide *Damnum injuriæ datum*.

### Occisio sui.

An liceat occidere seipsum. vid. *Homicidium*.

### Occupatio.

Est modus acquirendi Dominium Iure gentium. De quo vid. *Inventio*.

— 33020100201002010020100201002010 —  
— 33011200 —

## Officiales.

Officiales, ut Iudices, Medici, Advocati, Confessarii, nisi speciali pacto se ad extraordinariam diligentiam obligaverint, non tenentur, nisi ad illam diligentiam, quam ejusmodi officio fungentes communiter adhibere solent, & dicuntur esse diligentes: adeoque de sola culpa lata tenentur. II. 243

Et quidem solum tunc, quando gravis culpa Theologica intervenit. 245

### Oneris ferendi Servitus.

Est Ius, quo columna, vel paries onera vicini ædificij sustinere tenetur, cum obligatione procurandi perpetuitatem illius parietis, in quo differt à Servitute tigni ferendi. III. 163

Dum reparatur paries, sultura ad Domium prædicti dominantis spectat. 164

## P.

### Paraphernalia.

Sunt illa Bona, quæ Vxor jam dotata præter dotem habet. I V. 327

Manent pleno Iure in dominio Vxoris, nisi marito tradantur, & instar dotis fiant. 345

### Pascendi Pecoris Servitus.

Est Ius pascendi pecus in fundo alieno alicujus privati: quod absque Servitute non licet. Vnde Iure Bavarico constitutum est, ut locorum Consuetudo in Abigendo, vel pignoris loco retinendo servetur, non diutius tamen, quàm unâ nocte lapsus in custodia retineat, sed statim agat in Iudicium. III. 195

Non licet eâ uti cum pecoribus, morbo contagioso infectis. 196

Non licet servienti servitutem peiorem facere, v. g. plantando vineam: nam prohibebitur novi operis Nunciatione, vel Interdicto Quod vi. 197

### Patria Potestas.

Est Ius per quod descendentes immediati, & medii, supremo ascendentium superstiti ex linea masculina subjiuntur, in ordine ad certos effectus Iure civili introductos. I V. 166

Moriente supremo ascendente, immediatus fit sui Iuris, in cuius potestatem reliqui recidunt. Illi etiam, qui ante filii v. g. emancipationem



## Alphabetica.

nem natj, vel concepti nepotes, &c. sunt, manent in potestate avi, non item qui potestati sunt concepti. 167

Quomodo adoptati sint in potestate. vid. *Adoptio* & iterum hñc. 168. 169

Patria potestas tribuit Ius in bonis filii, de quo dicitur verbo. *Peculium*.

Pater fame oppressus, vel in necessitate vite constitutus, potest filium vendere cum obligatione redimendi, cum poterit, & emptor cogitur, accepto pretio dimittere. 170. ubi recensentur ceteri effectus patrie potestatis.

Potest filium fugitivum reducere. Non potest in iudicio conveniri à filiosam. nec ei venia datur, exceptis sex casibus, qui recensentur eodem num. 170.

Pater potest excludere Curatorem bonorum, si ipse velit administrare. 171

Non potest filiosam. sine licentia patris in causa civilium alio contendere, si patris interest. 172. Nec matrum accipere cum obligatione ex S. C. Maced. de quo dicitur tom. 3. tract. 9.

Quomodo possit donare mortis causâ, aut testari, dicitur tom. 2. tract. 6. & 7. ubi etiam de Substitutione pupillari dicitur.

Injuriam filiosam. illatam, potest pater remittere eo invito, de quo dictum Tract. 2. vide *Injuria*.

Filiusfamil. est necessariò instituendus, de quo tom. 2. tract. 6. vocab. *Testamentum Patrum & Legitima*.

Solvitur patria potestas per mortem naturalem alterutrius, nisi quod in certis casibus filius recadat in potestatem alterius. 177. & seqq. ubi videndi huiusmodi eventus.

Per mortem civilem patris (qualis non est Relegatio, sed Deportatio) suspenditur patria potestas in casum, quo pater revocaretur.

Item per hæresin, ubi hæretici non tolerantur. 180

Item per incestas nuptias patris. 181

Item Professione Religiosâ: non verò votis simplicibus. 183

Item electione filii in Episcopum; vel Cardinalem. 184. Non item per sacros Ordines. eod.

Item si fiat Patricius, Præfetus prætorij, aut simili officio fungatur. De Doctoribus est consuetudo consuetudo.

Denique Emancipatione coram Iudice, comparente & consentientibus patre & filio. 186

Quò pertinet Consuetudo tacite emancipationis per Matrimonium. 187

In quibusdam casibus potest pater cogi ad emancipandum filium, qui recensentur n. 188

Emancipatus potest suo nomine, ut paterfamil. contrahere. Si sit impubes, pater est illius Tutor. 189. & seqq.

## Patronatus.

Jus Patronatus transfertur in Monasterium per Professionem habentis tale Ius. IV. 28

## Pauperies.

Actio de Pauperie datur, cum animal naturâ suâ mansuetum, suâ sponte contra naturalem consuetudinem, ut ex lascivia, feritate, pavore, damnum intulit, contra Dominum animalis, ut vel Noxæ dedat, vel damnum reparat. II. 152

Vbi plura vide de damno dato ab Urso, Cervo, Verre, &c.

## Peculium.

Peculium est pusilla substantia, (ex primæva ætymologia) vel pecunia separata à rebus & rationibus patris, data vel promissa filio vel Servo. IV. 191

Peculium filiorum est quadruplex. Castrense, Quasi castrense, Adventitium, Profectitium. Ad Castrense pertinent acquisita ratione militiæ, vel in aula Principis. Ad quasi Castrense, ex officio publico acquisita, donata ab Augusto vel Augusta, Feuda, acquisita post Clericatum. eod. Ad Adventitiu, quidquid filius aliunde acquisit non primariò intuitu patris, aut ab ipso patre, nisi antedotaliter. 195. & seqq. Ad profectitium spectant acquisita ex substantia patris, vel huius intuitu. 198. quæ omnia hic magis specificè declarantur.

Dominium Castrensis peculii & quasi, pleno jure est filii instar patrisfamil. e contra Profectitii dominium est pleno jure patris. 199 exceptis illis quæ dat pater in patrimonium ad sacros Ordines, pro dote: nam et si hæc ad profectitium spectent, quia sunt conferenda, dominium tamen plenum ad filium spectat. 100

Dominium quoad proprietatem Adventitii, peculii ad filium, usufructus regulariter ad patrem spectat. 201. Excipitur tamen, si pater sponte remittat, si filio relicto sit unâ cum usufructu: si pater succedat filio cum huius fratre, si pater non consensit in additionem hæreditatis. Denique si filium emancipet voluntariè, retinet solum medietatem usufructus. 202. & seqq. ubi specialia Iuris Bavatici habentur n. 207.

## Peregrini.

Quomodo Legibus Territorij teneantur; vide *Legis Subjectum*.

Peregrinorum intestatò decedentium Bonâ per Episcopum sunt distribuenda. Hospitii nihil codic. V.

## Synopsis

### Plantatio.

Est modus acquirendi Iure gentium: nam si quis alienam plantam in suo solo posuerit, ipsius erit, si radices egerit, & contra si suam in alterius, fiet alterius. In ejus fundo est ipsum corpus arboris, penes illum est dominium, etiam si radices aliquot vel ramos in fundum vicini porrexerit. V. 143

### Plumbatura.

Est modus acquirendi per accessionem, quando diversæ materiæ per aliam, dissimilem copulantur. vide *Accessio*.

### Pœna.

Alia est à Jure, & statim incurritur, alia ferenda à Iudice. Alia privativa, alia positiva, ad quam ab ipso reo exequendam ante Iudicis sententiam potest Magistratus obligare. I. 96

Defacto tamen nulla reperitur lex positiva, obligans ad pœnam antequam ad sententiam Iudicis saltim declaratoriam. 97

Pœnæ privativæ alia sunt quæ privant Iure quæsito, alia impediunt Ius acquirendum. 97

Prioris generis pœnæ communiter prærequirunt sententiam declaratoriam delicti, paucis exceptis. 98. & seq.

Posterioris generis pœnæ incurritur absque ulla Iudicis sententia, quia Iuris acquisitio est conditioni alligata, quæ non impletur. 100

In pœnis privativis Iure quæsito, si addita sit pars. *Ipo Iure. ipo facto.* delicti judicialiter cognito & declarato tenetur reus, non expectata sententia condemnatoriâ exequi: & actus contra privationem celebrati sunt irritandi. 101

Pœnæ ignorantia quando excuset, vide *Ignorantia*. 102

Pœnâ inflicta ex præsumptione falsa delicti, non debetur in conscientia, & si solvatur, est locus occultæ compensationi. II. 178

### Possessio. Possessor.

Possessionis Iuridicæ sumptæ septem sunt commodæ. 1. Præscriptio. 2. Melior conditio in dubio. 3. Præsumptio dominii. 4. Præsumptio tituli. 5. Suppletio defectuum vitiositatis. 6. Lucrum rei per dejectionem violentam. 7. Actio publiciana. III. 201.

Possessio ut sic Iuridicæ sumpta, est genus ad possessionem justam (hoc est Iuris) & possessionem injustam, quæ est mera facti. 202

Possessio sic abstracta, & quæ dicitur *Facti*, in genere est: Rei corporalis detentio, corpo-

ris & animi, jurisque adminiculo. 203. & seqq. ubi explicationem vide.

Possessio civilissima comparatur sine reali detentione, Iurisdictione. 207

Creditor non possidet pignus suo, sed alieno nomine, quamvis dici possit possidere in suum bonum. 209

Possessio Iuris, est Possessio cum Iure insistendi. Possessio mera facti est sine Iure insistendi. eod. in fine.

Possessio dividitur in Naturalem tantum, Civilem tantum, Naturalem, & Civilem in eodem supposito conjunctam. 210. ubi vide exempla.

Servus, & filius familias possunt Domino & patri acquirere possessionem, etiam ignoranti, & etiam si velent suo nomine possidere. 212.

Dividitur etiam secundum titulos: ut pro hærede: emptore: legato. eod.

Potest eadem res ab uno possideri naturaliter, & ab alio civiliter. 212. & seqq.

Potest idem eandem rem possidere ex duplici titulo. 214

### Possessio quomodo acquiratur.

Potest alius suo nomine possidens possessionem in me transferre, meo nomine possidendo absque meo facto seu apprehensione. 216

218 vide. *Constitutum clausula*.

Ut pars hæreditatis accretens possideatur, debet de novo apprehendi. 217

Evadit etiam possessor sine suo actu post annum elapsum, si eum Iudex volens mittere in possessionem, ob contumaciam rei impeditur. 220

Jurium non in hærentium rei corporali possessio acquiritur scientiâ & patientiâ illius, cujus est actum concedere, vel resistere, si actus exerceatur animo acquirendi Ius, & credens te uti Iure tuo, nec ex circumstantiis apparet, concedi ex gratia. 221

Servitutum prædiorum possessio, acquiri potest præcisè mittendo in fundum, ut acquiratur servitus, etiam si nullus actus servitutis exerceatur. item per exercitium tanquam Iure debitam, cum scientiâ & patientiâ illius, cujus interest actum permitti. 222

Servitutum possessio acquiritur uno actu, exceptâ possessione itineris actusque privati, ad quam acquirendam requiritur usus ad minimum 30. dierum intra annum proximum non impeditum, opinione servitutis competentis. 223

Bonam fidem colligit Iudex ex indiciiis, quæ allegabit reus, & petente actore deferet iuramentum. 224

Uc

## Alphabetica.

Ut possessio in hærede continetur tam suo quam extraneo, requiritur nova apprehensio, quâ factâ, fictione juris continuatur. 228. & seqq.

Infanti, quamdiu non habet usum rationis sufficientem ad peccandum, non acquiritur possessio sine tutoris auctoritate. bene tamen, si usum rationis habet pupillus. 234 & seqq.

Non solum per procuratorem habentem generale mandatum (etiam sine libera) sed etiam per servum & hliumfam. acquiritur possessio etiam ignorant. ut tamen acquisita possessio sit utilis ad præscribendum, debet accedere scientia, exceptâ possessione acquisitâ ex causa peculii. 237

Possessio sic acquisita continuatur, etiam si per quem fuit acquisita, deferat possessionem. 239

### *Possessio quomodo amittatur.*

Possessio tam naturalis quam civilis, solo animo non possidendi exterius manifestato amittitur. 240

Si principalis per seipsum possidens discedat a fundo remotius, ut eum non amplius habeat in conspectu, possessionem naturalem amittit, retentâ civili: si vero possedit per colonum, servum, procuratorem, &c. nec naturalem possessionem amittit. Quod si absente colono, &c. alius fundum ingrederetur animo possidendi, acquireret naturalem possessionem. 241

Inundatione quadam itabili, amittitur possessio tam naturalis quam civilis. 242

Contra violentum possessorem retinetur possessio civilis tamdiu, quamdiu ignoratur, vel recuperandi spem & animam non deposuerit prior possessor. 243

Coloni fictione iuris retinent possessionem naturalem etiam absentes, ad hoc ut possint iuvare interdico unde vi. si enim naturalem non retinerent, nullâ possessione possent dici vispoliari, quia civilem non habent. 244

Rerum mobilium possessio etiam civilis, amittitur possessione alterius, etiam si ignoretur quis occupaverit: si nemo occupavit, tunc (exceptis Servis fugitivis) amittitur primum, postquam deficit spes reperiendi, & recipiendi, live res sit animata, live inanimata. 245

Possessio servitutis amittitur amissâ possessione fundi dominantis, & interrumpitur prohibitione. 246

Possessio lorum amittitur iis modis quibus ipsum jus, ut per non usum, per absentiam, &c. 247

### *Possessoris, re evictâ, obligatio & lucrum.*

Possessor bonæ fidei, potest à vindicante exigere refundem titulo negotii gestii. 248

Tenetur tamen restituere, in quantum ex re locupletior factus est, etiam si fur sit potens restituere. 250

Tenetur etiam lucrum restituere quod in venditione ultra infimum pretium fecit, usque ad pretium medium, non tamen summum. 251

Tam bonæ quam malæ fidei possessor & emptor potest repetere pretium à fure, & permittere furem recipere rem furtivam venditâ, nihil positivè cooperando. 252. ubi vide exempla.

Probabile est non posse rem furtivâ actione restitui pro recipiendo pretio, si periclitetur apud furem ne redeat ad dominum. 255. & seqq.

Probabilius tamen est posse referri ad furem, si fur restitutionem exigit (nec possit aliâ viâ pretium recipi) permittendo rei apprehensionem, etiam si prævideatur periculum Domini. 260

Fructus merè industriales, etiam malæ fidei possessor pleno jure suos facit, ut ne quidem exstantes, & quantum inde locupletior factus est, restituere cogatur. 264

Fructus necdum percepti, live naturales, live mixti, ad Dominum rei fructiferae pertinent, & unâ cum re ipsâ vindicantur. 265

Possessor bonæ fidei tenetur fructus adhuc in se fornaliter exstantes, tam mixtos quam pure naturales, restituere Domino vindicante rem fructiferam, tamen ante evictionem eorum dominium sed revocabile acquisierit. 268. & seqq.

Consequitur autem hos fructus Dominus non quidem rei vindicatione, sed vel conditione sine causa, vel conditione ex lege, vel implorato Iudicis officio. 274

Possessor hereditatis alienæ, tenetur etiam fructus consumptos restituere, in quantum locupletior factus est. 280

Cæteri possesores bonæ fidei bonorum singularium, probabilius ne quidem hos tenentur restituere ante litem contestationem perceptos favore legum Cæsarearum, & indubitanter Iure Bavarico. 275. & seqq.

Malæ fidei possessor fructus consumptos ante litem contestationem restituere tenetur in conscientia, etiam si non sit factus locupletior, nec Dominus fortè fuisset percepturus. 284

Petit illos Dominus utili rei vindicatione, si dolo alter consumpsit. secus, conditione furtivâ. 285

Fructus non perceptos, sed singulari diligentia perceptibiles, etiam si Dominus illam diligentiam non fuisset adhibiturus, dummodo eam adhibere potuisset, tenetur ex legum pœnalium dispositione post iudicis sententiam restituere. In conscientia verò solum illos

## Synopsis

illos, quos Dominus fuisset percepturus. 287. & seqq.

Re eviãdã teneatur tam bonæ quàm malæ fidei possessor restituere fructus tam perceptos quàm percipiendos post liti contestationem, exceptis usuris, item exceptis (quoad bonæ fidei possessorem) fructibus perceptis ex melioramentis. 290

Expensas necessarias tam bonæ quàm malæ fidei possessor deducit. 294

Item expensas utiles, quæ separari non possunt, cum sua utilitate bonæ fidei possessor deducit, exceptis quibusdam casibus. 295

Malæ fidei possessor in foro externo non permittitur deducere expensas utiles aut voluptuarias, posset tamen ante sententiam in conscientia deducere. 296. & seqq.

Bonæ fidei possessor potest deducere impensas voluptuarias tunc saltem, quando Dominus ipse facturus fuisset, aut rem sit venditurus cariore pretio. 301. 302

In deductionem impensarum computandum est, quidquid fructuum nomine possessor percipit, etiam ante liti contestationem. 303.

### *Possessor dubiæ Fidei.*

Qui post bonam fidem incipit dubitare, factã diligenti inquisitione, sine effectu, non teneatur restituere durante dubio. 304. 305

Imò nec teneatur, etiam in inquirendo, commiserit negligentiam non reparabilem. 306

Potest rem vendere monito emptore de periculo eviãtionis. 307

Qui dubiã fidẽ possidet, sed auctor à quo habet, erat bonæ fidei, gaudet bonâ fidẽ auctoris. 308

Si auctor etiam fuit dubiæ fidei, & dubium est circa detentum itam personam, pro ratione dubii debet restituere illi personæ, alioquin eo modo quo debent alia bona incerta restitui. 309

### *Possessionis Remedia.*

Hæc videntur sunt sub vocabulo, *Interdicta*, ubi ordine recensentur.

Item sub vocabulo *Spoliatius*.

### *Præceptum.*

Differt à lege per hoc, quòd lex feratur ad totam communitatem Reipublicæ causâ privariâ, & ideo est perpetua, donec abrogetur: præceptum vero feratur ad personas singulares, cum quibus plerumque extinguitur. 1. 2

Differt etiam in eo, quòd Præceptum obliget subditum ubicunq; existat, etiam extra territorium præipientis, & sic obliis subditi adhæret, non item lex. 63

### *Præscriptio.*

Est Adjectio, seu Acquisitio Domini per continuationem possessionis, tempore & modo legibus definita. V. 157

Procedit non solum in foro externo, sed etiam interno. 164

Præscriptionis finis non erat unice, punire negligentiam Dominorum, sed præscindere lites, & reddere dominia certa, unde etiam procedit contra inculpabilem & ignorantem. 165

Acquiritur dominium plenissimum, & non solum utile, sed etiam directum. 168

Si apud priorem dominum maneret dominium directum, non esset dominium de microtitulo, ut putat Lugo, sed haberet plures utilitates. 171. & seqq.

Qui post absolutam præscriptionem, ex iuris ignorantia restituit, non amittit dominium acquisitum, sed potest rem vindicare. Imò habet etiam Conditionem indebiti ex quo & bono. 175. & seqq.

## *Præscribentis Bona Fides & Ignorantia.*

Bona fides requisita ad præscribendum, est conscientia bona circa possessionem rei alienæ tanquam suæ ex ignorantia. nec sufficeret ad inchoandam possessionem dubium negatum. 179

Neque etiam sufficeret error circa personam, si sciam esse alienam, ut præscribam contra verum Dominum, quem ignoro. 180

Non obstat tamen bonæ fidei respectu unius iuris præscribendi, si sciam ius alterius in eadem re, quominus præscribam ius bonæ fidei possessum. 182

Juri Civili requisenti solum initio bonam fidem, derogatum est per ius Canonicum, quo toto possessionis tempore bona fides requiritur, saltem ut excludat malam fidem. 182. Ubi declaratur Reg. Possessor malæ fidei ullo tempore non præscribit. 182. Plura infra.

Datur præscriptio minus propria, quæ quidem requirit, ut nihil fiat contra conscientiam, sed ita cum scientia iuris alieni. Sic enim præscribitur actio ex lege pœnali, merces fisco commissæ ob non solumm vœtigal, libertas adversus servitutes rusticas: actio redhibitoria, & probabiliter libertas adversus usum fructum jam constitutum. 183. & seqq.

Ignorantia fundans falsam opinionem rei nostræ, alia est iuris, alia facti. 187

Leges Civiles, admittentes præscriptionem cum mala fide, non solum abrogatæ sunt pro toto imperio, sed etiam quoad præscriptionem actionum personalium. 191

Io certis quibusdam personis sufficit ad præscribendum tempore ordinario bona fides ex ignorantia iuris, nempe in quibus hæc tolera-



## Alphabetica.

- leratur, ut sunt Milites, Minores, quandoque Rustici, Mulieres. 197
- In aliis ignorantia Iuris non juvat prescriptionem, quando non sufficit titulus præsumptus, sed allegati debet titulus coloratus. 198
- Ad præscriptionem longissimi seu extraordinarii temporis ubi sufficit titulus præsumptus, non obstat ignorantia juris, etiamsi postea innotesceret. 203
- Error Iuris dubii & controversi, non impedit præscriptionem illam quæ titulum requirit. 206
- Mala fides auctoris theologica obest. successori saltem immediato universali jure communi, adeo, ut nec incipiendo à propria possessione possit præscriptionem complere, prout tamen potest jure Bavarico. 208
- Probabiliter tamen non nocet mediato successor, 209, & seqq. Neque etiam, si superveniat novus titulus. 213
- Mala fides auctoris obest etiam præscriptioni longissimi temporis. 214
- Quoad res immobiles mala fides auctoris nocet etiam successori proximo singulari, si rem alienavit ignorante domino, loquendo de præscriptione ordinaria, non item longissimi temporis. 215
- Bona fides auctoris prodest successori tam universali quam particulari, ita ut possit computare tempus possessionis auctoris. 218
- Mala fides Prælati administratoris, non impedit præscriptionem Ecclesiæ possidentis postea bonâ fide. 220

### *Præscriptionis Tituli.*

- Titulus hoc loco est causa ex se habilis ad transferendum dominium. 221
- Est autem triplex. Coloratus, v. g. venditio facta à non domino; Existimatus, nempe opinio quoddam titulus v. g. venditio aut donatio intervenerit: Præsumptus, ob temporis diuturnitatem. 222
- Ad præscriptionem tempore ordinario, debet allegari aliquis determinatus titulus, & nullus præsimitur. 223
- Non requiritur tamen (excepto Emptionis titulo) titulus coloratus, sed sufficit existimatus. 224
- Servitutes saltem reales continuæ, hoc est, habentes actum continuum, ut aquæductus, suggrundii, præscribuntur tempore ordinario sine titulo, loco cujus est scientia & patientia domini. 225. In discontinuis Iure Bavarico titulus allegandus est, quod etiam videtur dicendum de jure communi. 226. Usufructus nunquam sine titulo præscribitur tempore ordinario. 227

- Ex titulo præsumpto fit præscriptio 30. vel 40. annis, quæ dicitur possessio longissimi temporis. 229
- Requiritur tamen ut talis possessio non sit à Iure prohibita, h. e. jus non resistat, & non sit aliunde præsumptio malæ fidei in possidente. Si tamen contra resistantiam legis per tempus immemoriale quis possideret bonâ fide, nec de injusto titulo constaret, fieret præscriptio. 230 & seqq.
- Ad præscribendum ordinario tempore ex titulo existimato emptionis, non sufficit rem mihi tradi ex opinione factæ venditionis. 233
- Sufficit tamen si ille qui mandatum emendi accepit, dixerit, se meo nomine emisse. 234
- Titulus *Pro suo* specialis est, quando res aliena à nobis bonâ fide possidetur ex aliqua causa, quæ ad alios speciales nominatos titulos non spectat. 238
- Titulus *Pro soluto* specialis est, quando mihi res aliena datur quasi debeatur, & solvatur. 240
- Titulus *Pro donato* est etiam sufficiens ad præscribendum. 241
- Ex hoc titulo potest filius usufructu rem alienam à patre sibi donatam, & morte accedente 242
- Titulus *Pro hærede*, hoc loco convenit illi qui verè est hæres, & rem alienam in hereditate inventam tanquam hereditariam possidet. 243
- Imò sufficeret, si quis iusto errore pro hærede haberetur: non tamen sufficeret, si quis putaret se hæredem esse illius, qui adhuc defunctus non est. 243
- Etiam hæredes sui possunt res alienas in hereditate repetitas usufructu. 244
- Tunc autem potest titulus *Pro hærede* allegari, quando hæredi non constat, ex quo titulo, & an bonâ vel malâ fide possederit defunctus. tunc enim præsimitur possessio bonâ fide, donec contrarium probetur. 249. & seqq.
- Titulus *Pro legato* sufficit ad præscribendum rem alienam legatam. 253
- Imò usufructu potest res legati nomine tradita, bonâ fide possessa, esto adhuc vivat, qui putatur legasse. 254
- Aliiter se res habet in donatione mortis causâ. 255



## Synopsis

### *Præscribentis Possessio, & hujus tempus varium.*

Possessio naturalis sine civili non sufficit ad præscribendum, imò nec ad inchoandam præscriptionem. Civilis tamen sine naturali sufficit. 256 & seqq.  
Pro rerum & circumstantiarum diversitate diversum possessionis continuæ tempus requiritur, quod tamen non de momento in momentum, sed de die in diem computatur. 266 & seqq.

### *Præscriptio triennalis.*

Res mobiles, quantumvis pretiosæ, privatorum, cum titulo præscribuntur triennio. 268  
Quod etiam de rebus Ecclesiarum Inferiorum, non tamen Romanæ, spectato Iure scripto procedit. 270  
Sine titulo spatium 30. annorum. 272  
De triennali præscriptione Beneficiorum, existat Regula Cancellariæ 33. in qua requiruntur octo conditiones. 273. & seqq. ubi conditiones illæ declarantur, nempe 1. Bona fides. 2. Possessio. 3. Pacifica. 4. Triennium. 5. ut sit Ecclesiasticum Beneficium. 6. Titulus coloratus. 7. Non sit Simoniaca. 8. Non sit intrusus.  
Reddit hæc præscriptio securum in conscientia, ut verè titulum præscribat, & ius prioris penitus extinguat. 284. & seqq.

### *Præscriptio Quadriennii, vel Quinquennii.*

Res fiscales, seu mobiles, seu immobiles, vacantes & denuntiata contra fiscoem sæcularem præscribuntur spatium 4. annorum. 290  
Contra fiscoem Ecclesiæ inferioris 40. ann. Romanæ 100. ann. Res non denuntiata spatium 3. annorum. 292  
Hæc autem intelligenda sunt de rebus singularibus emptis à fisco, quod Dominus, aut creditor non possit emptorem convenire, sed fiscoem. aliter se res habet in emptore hereditatis. 293  
Quinquennalis præscriptio procedit contra actionem fisco competentem ob non solum vectigal. 294

### *Præscriptio longi temporis.*

Res immobiles privatorum, cum titulo præscribuntur inter præsentem decem annis, inter absentes 20. sive res sint in diversis, sive eod. territorio. Iure Bavarico ex titulo emptionis inter præsentem quinquennio, inter absentes decennio. 295

Si partim absens partim præsens fuit, tot anni adieiuntur decem annis, quot absens fuit. 296

Excipiuntur à prædictis res Minorum; quæ tam mobiles, quàm immobiles non præscribuntur, nisi spatium 30. annor. 297. & seqq.

### *Præscriptio longissimi temporis, 30. vel 40. & 100. annorum.*

Quando decennalis præscriptio cessat, succedit præscriptio longissimi temporis 30. annorum. 299

Immobilia contra inferiores Ecclesias cum titulo præscribuntur spatium 40. annorum. Excepta Ecclesiâ Romanâ, & quibusdam aliis privilegiatis usque ad 100. annos. sicut & res Civitatum in certis casibus. 303  
De præscriptione immemoriali, vide. 319

### *Præscriptio Servitutum, Actionum, & Obligationum.*

Servitutes tam continuæ, quàm non continuæ, præscribuntur inter præsentem decem annis, inter absentes 20. cum titulo, quem quis habet à putativo Domino, nec est necesse, ut verus Dominus sciverit. 305  
Servitutes continuæ etiam sine titulo præscribuntur longo tempore, h. e. 10. annis.  
Servitutes discontinuæ sine titulo non præscribuntur, nisi tempore immemoriali. 311  
Ususfructus & usus præscribuntur cum titulo existimato sicut alia res immobiles decennio, sine titulo spatium 30. ann. 315  
Debitorum mobilium æquæ, ac immobilium præscribuntur cum bona fide contra Creditores 30. annis. 317  
Excipitur Actio hypothecaria. si enim res hypothecata possideatur ab ipso debitore vel hæredibus ejus bonâ fide quasi libera, requiruntur 40. anni, si possideatur à tertio, requiruntur solum decem anni inter præsentem. 318

### *Præscriptio Delictorum.*

Omnis accusatio criminalis præscribitur spatium 20. ann. 320. & seqq. vide extensio- nes.  
Accusatio adulterii, stupri, incestus, lenocinii & quorundam aliorum, tollitur quinquennio. 324  
Accusatio Apostasiæ perpetuò durat. 325  
Criminis peculatus, tollitur quinquennio. 326  
Criminis parricidii nunquam præscribitur accusatio. 327  
Ex omnibus tamen delictis datur Exceptio perpetua. 327

*Præscri-*

## Alphabetica.

### *Præscriptionis Interruptio.*

- Præscriptio** bonâ fide cœpta, non interruptitur superveniente dubio, quia melior est conditio possidentis. 329
- Resoluto titulo**, v. g. ex pacto commissorio, aut additione in diem, interruptitur. 330
- Interruptitur etiam**, quoties interruptitur possessio civilis, quod etiam fit oppignorando rem creditoris ipsi creditori. 331
- Interruptitur civiliter per sententiam**, litis contestationem, & quandoque per citationem. 333
- Per litis contestationem** interruptitur etiam respectu illius, cum quo lis cœpta est, non tamen respectu tertii, cum quo nulla actio est. 335
- Triennalis præscriptio** non interruptitur litis contestatione, sed pericitur etiam lite durante. 336
- Præscriptio 10. aut 20. ann.** cum titulo interruptitur litis contestatione, non solâ citatione. 337
- Actore deficiente à lite absque dolo**, nihilominus censetur interrupta præscriptio. 338
- Solâ citatione** interruptuntur præscriptiones improprie. 339. quænam illæ sint, vide sup. à n. 183.
- Jure Bavarico** semper interruptitur citatio ad instantiam partis. 339
- Actore succumbente** censetur præscriptio non fuisse interrupta. 340
- Actore sine dolo litem deferente**, & instantiâ per lapsum triennii peremptâ, durat interruptionis effectus hoc sensu, ut actio ad 40. annos perpetuetur. 340
- Re interim alienatâ** interruptio non nocet successoris singulari. 340

### *Præscriptionis Dormitio.*

- Dormitio seu Interquiescência** præscriptionis est, quando cursus sistitur, sed elapsa tempora cum posterioribus conjunguntur. sic dormit præscriptio contra Ecclesiam tempore Sedis vacantis, & schismatis, contra alios tempore grassantis pestis, belli: item dum aliquid precariò conceditur. 349. & seqq.

### *Præscriptionis Materia vitiosa.*

- Res quædam**, quia præscribi non possunt, dicuntur vitiosæ. 354
- Aliquæ ideo** non possunt præscribi, quia non sunt capaces conditionum requisitarum, ut res Sacræ, Religiosæ, Publicæ, & extra commercium positæ, homo liber. 355
- Aliæ res sunt**, quæ ob legis resistentiâ præscribi non possunt. Et imprimis Decimæ, ut Lai-

cis debeantur, nisi tempore immemoriali. 356

**Immunitas tamen à decimis** præscribi potest cum titulo 40. annis: idem de annuiscensibus & redditibus dicitur spatio 30. ann. 358. & seqq.

**Fundus dotalis** non præscribitur ordinario tempore 10. ann. nisi præscriptio incepisset antequam esset dotalis. 361

**Neque præscribuntur res**, quæ testamento prohibentur alienari. 363

**Nec bona adventicia filiorum**, in quibus pater habet usumfructum & administrationem. 364

**Nec res pupillares**, computando tempus pupillariæ ætatis, ne quidem longissimo tempore. 365

**Nec res minorum tempore ordinario.** 366

**Nec res furto, aut vi ablata**, quamdiu vitium non purgatur per reditum ad Dominum, vel successionem. 367. & seqq.

**Pignus ablatum Creditori à debitore**, potest quidem à tertio præscribi quoad proprietatem, sed non quoad actionem hypothecariam, nam ut sic est furivum. 371

**Partus ancillæ furtivæ bonâ fide possessæ**, & apud possessorem conceptus, præscribitur. 373

**Quoad tactus** nihil interest, si crine conceptus apud frem, aut Dominum pecudis, vel apud bonæ fidei possessorem, ac proinde vitium non attenditur. 375

**Non præscribuntur quæ conveniunt Principi**, quâ tali, in recognitionem supremæ potestatis. 377

**Non possunt Ducefani** præscribere contra Episcopum, ne visitentur, aut procuratorem solvere teneantur. 377

**Nec fines Dioceseon, aut Parochiarum, aut Provinciarum**, si de illis constet. 378

### *Præscriptionis Rescissio.*

- Datur quandoque actio Rescissoria**, quâ agitur ad rem usucaptam rescissâ usucapione per officium Iudicis restituendam. 383. & seqq.
- Datur adversus eum**, qui absens Reipublicæ causâ, aut captus ab hostibus præscripsit contra eum qui in civitate est, & durat annuû, postquam præscribens rediit. ibid.

### *Prioritatis seu Prælationis Ordo inter creditores.*

- Debita ex delicto** non gaudent iure prioritatis ante debita ex contractu. H. 403
- Creditori ex titulo oneroso** (seclusis privilegiis) est prius solvendum quàm creditori ex titulo lucrativo. 404

X x x 3

Seclu-

## Synopsis

- Seclusis aliis privilegiis, creditor cuius debitum est tempore antiquius, est posteriori preferendus, saltem iure Canonico.** 405
- Si tamen posterior creditor ante priorem suum debitum peteret, & in iudicio obtineret, ut potest, acquireret privilegium praelationis.** 406
- Ex bonis certis, quorum dominus nescitur nec sciri potest, tenetur debitor solvere creditoribus certis, appropriando sibi illa bona tanquam delicta.** 407. Nisi lex applicuisset cautis piis. 409
- Creditoribus incertis, habentibus tantum lus personale, preferendi sunt Creditores certi.** 408
- Debitor defuncto, primo loco solvenda sunt expensae funerales, item pro conscribendo testamento, faciendo inventario & similibus.** 409
- Secundo loco veniunt hypothecarii: & prius solvendum hypothecano antiquiori, nisi posterior alio privilegio gaudeat, quod etiam de generali hypotheca dicendum.** 410
- Exceptis quibusdam casibus qui referuntur n. 411. Item de tacita respectu expressae, nisi iura specialiter aliud statuant, ut in dote, in pecunia pupilli quae res emptae est, & pecunia data ad militiam emendam.** 412
- Qui solvit pro debitore antiquiori hypothecario, non succedit in eius locum & ius prioritatis, nisi in duobus casibus qui referuntur n.** 414
- Si debitor solvit posteriori creditori, & non ex iudicis sententia, sed sponte, prior creditor habens ius Prioritatis, potest à creditore posteriore solummodo repetere.** 415
- Tertio, solvendum creditoribus non hypothecatis, habentibus tamen speciali praelationis privilegio libi obligatam personam debitoris.** 416
- Quarto, Chirographariis, ex titulo oneroso.** 417
- Quinto, ex titulo lucrativo.** 417
- Inter creditores Privilegiatos non procedit Privilegium Iuris Civilis, & Regula, Qui prior tempore: sicut procedit in hypothecariis. 418. & seqq. Probabiliter tamen de Iure Canonico.** 405
- Potest venditor in re vendita constituere hypothecam cum iure praelationis ad omnes priores hypothecas generales taci as & expressas, etiam privilegiatas.** 421
- Ordo Prioritatis observandus iure Pavarico in Processu Edictali. refertur ad longum, eodem n.** 423
- tum quia non obligat accipientem, sed solum alios ne impediatur. Quando privilegium conceditur de re quae de iure communi concessa est, ejus specialis favor est major securitas & certificatio, ac perseverantia, etiam si lex communis abrogatur. l. 1.** 153
- Privilegium non convertitur cum Beneficio, nam hoc potest esse ad unicum actum, Privilegium extenditur ad plures.** 154
- Neque omne Privilegium ita est contra ius commune, quasi ius commune resistat actui in subiecto potente illum actum exercere, factis est: quod talem actum non positive concedat.** 155
- Privilegium aliud est Reale, quod loco, rei, conditioni, dignitati, officio separabili ab una determinata persona, conceditur & inheret: aliud Personale, quod cum persona determinata extinguitur.** 156
- Privilegii realis subiectum aliud Corporeum, ut Fundus, Ecclesia, &c. aliud Incorporeum, ut officium, dignitas, Communitas perpetuabilis, quod etiam spectant Privilegia certo generi hominum concessa ut foeminis, filiisfam. Minoribus, &c.** 157
- An aliquid sit concessum tanquam Privilegium reale, non potest ex solis verbis colligi. 158 nec ex sola materia. 159. nec ex motivo ultimo impellente. eod. Sed ex omnibus simul consideratis: quando autem adhuc dubium est, interpretabitur reale, si sit pure favorabile sine alterius praedjudicio, nec contra legem communem: fecit personale.** 160
- Privilegium aliud est gratiosum, aliud remuneratorium. Si merita praesens attendantur ut indicativa idoneitatis, adhuc privilegium erit merè gratiosum.** 161
- Privilegium remuneratorium non semper, etsi plerumque, est personale. erit enim reale, si transmissio ad haeredes cedit etiam in commodum privilegiati, neque merita ejus excedit, adeoque familiae concessum centebitur.** 162
- Privilegium aliud dicitur Putum, h. e. merè gratiosum, aliud Conventiale & cum pacto.** 163
- Privilegium conventionale potest esse personale, non obstante, quod dici solet pacta esse perpetua. hoc enim fallit, quando ex intentione contrahentium, vel materia, aut natura contractus aliud exigit. eod. (ubi exempla) & 164.**
- Etsi omne Privilegium perpetuum sit reale, non tamen e contra. Perpetuum est, quod vi concessionis potest perpetuo durare.**
- Temporale, quod moraliter & naturaliter loquendo intra certum tempus extinguidebet. Quale de rigore, videtur etiam esse con-**

## Privilegium.

**Definitur, Lex privata aliquid speciale concedens. Lex est minus strictè & proprie, tum quia privilegium saepe est temporale,**



## Alphabetica.

concessum adjectâ clausulâ: *Quamdiu voluerit*. nisi idem significet, ac: *quamdiu non revocaverit*. 165. & seqq.

Privilegium commune differt à singulari, quòd illud primario respiciat bonum commune, hoc verò bonum singulorum. Vnde priori non potest renunciari à privatis, & singularibus, benè tamen posteriori, si tale sit, ut privilegiati solius intersit, & ejus consensus requiratur. 168. ubi vide exempla.

Privilegium solum pro foro conscientie concessum, non deobligat quominus se exterius gerere debeat, ac si caretet privilegio. 169

Privilegium aliud est scripturâ, h. e. authenticâ scripturâ munitum. Aliud oretenus concessum, ut vivæ vocis oracula. Aliud consuetudine obtentum: quod prioribus fortius est. 170

Item aliud est concessum *Motu proprio*, aliud *ad instantiam*, hoc est, præcisè ex motivo petitionis concessum. 171. Motus proprius exprimendus est. 172. est liberaliter & latè interpretandus, cum proprietate, verborum. & excludit omnem subreptionem. 173

Privilegium *ad instar* commensuratur alteri pro tempore quo conceditur. 174. Quod si nullum existit, aut nescitur, evanescit concessio nisi species privilegii nominata esset. 175.

Privilegii confirmatio in forma communi, sine clausula, *ex certa scientia: ex plenitudine potestatis*: & sine relatione ac in ferrione ipsius privilegii, non habet vim conferendi de novo privilegium, fortè jam extinctum, benè tamen Confirmatio cum dictis clausulis. 177

Privilegia non requirunt regulariter scripturam. Exceptiones vide. 178

Privilegium regulariter non acquiritur nisi acceptanti. Sufficit autem acceptatio antecedens. 179

Ad valorem privilegii non requiritur causa rationalis, nisi supremus legislator in materia speciali aliter non contentiteret. 180

Potest privilegium concedi etiam non subdito, vi cujus eximitur à lege virtualiter, etsi non absolute & formaliter. 181

Privilegium contra Ius commune concessio licet uti extra territorium suum, utpote originaliter à communi Domino concessum. 182

Privilegium contra statutum particulare concessio, non potes uti in alieno territorio contra illius statutum, si intersit illius territorii, peregrinos teneri. 183

Privilegio ad actum ad quem opus est auctoritate Principis lo. i. non potes uti in alieno territorio, benè tamen; si concessum est ad actum sine restrictione ad tuum territo-

rium, & actus in alieno non est prohibitus, nec indiget speciali licentia illius loci. 184. ubi vide exempla.

Nec potes uti privilegio etiam à communi Domino concessio in alieno territorio, ubi specialiter intuitu talis loci actus est prohibitus: ex defectu scilicet intentionis concedentis. 185

Privilegiatus contra privilegiatum non potest uti privilegio, si huius est speciale, & illi generale. Quia generi per speciem derogatur. 186

Si utrumque sit æquè generale, vel speciale, & opponantur, ille vincit, cujus privilegium est à fortiore concessum. Unde nunquam possunt esse pariter privilegiati: & axioma, quòd privilegiatus non possit uti contra privilegiatum, est intelligendum: contra fortius privilegiatum. 187

### Privilegii Interpretatio & Extensio.

In privilegio censentur omnia illa concessa, quæ sunt media necessaria ad usum. In sensum improprium non debent detorqueri, & quando de Intentione conferentis constat, illi est inbarendum. 188

Privilegium, quod nec est contra Ius commune, nec cedit in præjudicium tertii, est ample interpretandum, salvâ proprietate verborum, etiam si cedat in præjudicium concedentis. 189

Si privilegium deroget Iuri seu communi seu statuto aut consuetudini particulari, regulariter est strictè interpretandum, ut Iuris correctio vitetur. 200. ubi vide exemplum.

Si tamen cederet in favorem causæ piz aut Religionis. 201. (ubi vide exempla) vel esset insertum Iuri communi, sed motu proprio concessum, esset ample interpretandum. 202. 203

Privilegium contra Ius tertio *quæ situm*, est strictè interpretandum regulariter, nempe, nisi alioquin non contineret specialem favorem. 203

Privilegia favorabilia non solum illis personis concessa censentur, & declarantur, quæ formaliter expressæ sunt, sed etiam quæ æquivalenter, nempe, vel ex vi vocis in significatione etiam latiore acceptæ & usitatæ, vel ex necessitate materie, cò quòd alioquin privilegium esset ferè inutile, vel minus accommodatum moribus hominum, vel ex Iuris dispositione, cujus est privilegia extendere. 205. ubi vide exempla.

Privilegia non licet privatis extendere ob paritatem rationis ad personas nullo modo expressas: aliud enim est esse dignum privilegio, & aliud, privilegii esse concessum. 206

*Privi-*

## Synopsis

### *Privilegii amissio.*

Ad cessationem privilegii non sufficit cessatio solius causæ impulsivæ, & non principalis ac finalis. 210

Privilegio necdum plenè concessio, deficiente causâ finali, concessio est nulla: sicut etiam, si causâ finalis non existeret tempore expeditionis, esse existeret tempore concessionis, ob subintellectam conditionem: si preces veritate nitantur. 211

Causâ finalis aliquando cessat solum negativè, aliquando contrariè, itâ ut actus aliunde reddatur illicitus. 214. ubi exemplum.

Quando circumstantiæ itâ immutantur, ut usus privilegii fieret iniquus, privilegium pro illis circumstantiis manet suspensum. 216

Quando causâ privilegii est dividua & successiva, tunc quandoque, cessante causâ finali, pro aliquo cessabit vel suspenderetur privilegium ex intentione concedentis, quandoque non. 217. ubi longiorem explicationem & exempla vide.

Unde non est universim verum, Privilegium non permanere, quando res ad eum statum pervenit, unde incipere non potest, sed tunc solum procedit, quando actus ipse aliunde redderetur illicitus, vel intentio superioris obfaret. Plus enim requiritur ad honestandam primam concessionem, quàm ad conservationem. 220. 221

Privilegia, quæ primò statim usu expleantur, non evanescunt, etiam si causâ finalis cessante actualem usum, censentur enim absolute concessa. 222. & seqq.

Differt ergo in hoc privilegium à lege, quia privilegium adhuc habet suam utilitatem, secus lex, cessante sine legis. 225

Privilegium tunc comparatum nec à concedente restrictum, non expirat morte concedentis, etiam si privilegiatus non fuerit illo usurus. Aliud est in Rescriptis Iustitiæ. 226

Tunc autem privilegium est tunc comparatum, quando gratia secundum Iuris dispositionem jam censetur facta: non autem quando est faciendâ. de quo vide. Gratia. 29

Privilegio communitati, aut in favorem tertii concessio, non potest à privato renunciari. 241. ubi vide exempla & exceptiones.

Quomodo per actum merè internum possit privilegio renunciari vel non. vide Renunciatio.

Privilegium non amittitur præcisè per non usum, etiam si usus sit cum gravamine alterius, nisi à Iure sit restrictum ad usum, cuius restrictionis exemplum est in l. i. ff. de nundinis. 248

Quod si privilegium munitum sit clausulâ: utendi pro libito: sensus est, absque præiudicio

utendi, vel non utendi. & ideo non præscribitur contra illud occasione non usus. 250

Privilegia absolute concessa, & neminem gravantia, non amittuntur actibus contrariis. 252

Gravantia tamen, per actum contrarium à privilegiato factum etiam unicum non interruptum, nec interpositâ protestatione, præscribuntur à gravatis, si observentur requisita ad præscriptionem. 253. ubi v. exemplum. & 255.

Actus privilegio contrarius valet, ut revocari non possit, v. g. solutio decimarum. 254

Per abutulum amittitur privilegium, secundum Regulam: Privilegium meretur amittere (id est privari illo) qui concessâ sibi abutitur potestate. 257. 258. ubi vide exempla & declarationem.

Privilegium gratis concedens aliquod lus, nunquam sine causâ revocari potest. ex causâ tamen revocari potest, ob tacitam conditionem subintellectam: ut ob grave damnum inde imminens, vel ob præiudicium successoris, qui illud revocare potest. à subito potest revocari ex omni causâ boni publici, ob quod alia jura auferri possunt. 259

Concessum subito sine collatione alicuius Iuris, validè (etiâ non licitè) revocatur etiam sine causâ, cum possidatur instar pecuniæ. à non subito non revocatur validè, cum habeat vim pacti, nisi contrarium exprimat. 260

Privilegium onerosum revocari non potest nisi ex legitima causâ, & soluto pretio quod acceptum est, aut compensato opere quod præstitum est à privilegiato. 261. ubi n. 262. vide exemplum.

Privilegium remuneratorium est per se loquendo irrevocabile, nisi compensetur, quod idem de concessio ex gratitudine dicendum videtur. 263

Privilegium dispensativum in lege superioris, non potest ab inferiore concedente sine causâ revocari, sicut nec validè dispensari. 264

Superior supremus, à quo inferior Iurisditionem habet, potest sine causâ validè revocare privilegia ab inferiore concessa. 265

Privilegium corpori Iuris insertum, vel ex contractu oneroso concessum, vel habens clausulam requirentem specificationem mentionem, non revocatur generali clausulâ revocatoria. 267. Idem dicendum de confirmatis generali Concilio. 268. Reliqua revocantur tali clausulâ. eod.

Priora tamen sufficienter revocantur per clausulam reflexam contrariam: non obstantibus privilegiis contrariis sub quacunque forma conceptis: vel: etiam si, debeat eorum specifica men-

## Alphabetica.

mentio fieri, aut de verbo ad verbum referri. 269

Privilegium corpori Iuris insertum, tacite revocatur per legem aliam universalem contrariam, etiam si nulla prioris mentio fiat. 270. Per privilegium tamen contrarium Iuri non insertum, tunc solum censetur revocatum privilegium Iuri insertum, si illud sit perpetuum, secus si temporale, quod præsumitur ex ignorantia Iuris concessum. eod.

Privilegium extra corpus Iuris positum, non revocatur posteriore privilegio, nisi prioris mentionem faciat, nisi prius esset generale & posterius speciale. 271. 272

Neque revocatur tacite lege universali, neque rescripto hominis. 273. Neque per sententiam contra privilegium datam. 274

Revocatio per legem debet sufficienter promulgari, & acceptari, sicut aliarum leges, ut obligent. Revocatio privata fieri potest quocunque modo insinuando, nec requiritur acceptatio, facis est innouisse, ad evitanda inconvenientia quæ sequerentur, si ignoraretur revocatio. 275

### Prodigus.

Prodigus de Iure nemo habetur, nisi cui Prætoris Decreto interdicta est bonorum Administratio, ac proinde ipsa Prodigalitas non sufficit. IV. 322. 323

### Profectio Religiosa.

Quomodo reddat incapacem Domini, & det Ius succedendi. Vide Religiosus.

### Proiecti & Protecti Servitus.

Proiecti Servitus est, Ius projiciendi ædificium extra parietes; ut non quiescat in alieno. Eius species est Protectum, nempe Protenio recti ad defendendos à pluvia parietes, vel à nimio lumine fenestras. Vocanturque Suggrundia. III. 162

### Prospectus Servitus.

Est Ius, quo prohibetur vicinus aliquid facere, quo aspectum cæli, vel prospectum in viridaria, & alia loca amœna auferat. Nisi ex Conventionem esset limitata. III. 171

### Publiciana Actio.

Si quis possessionem rei necdum præscriptæ admittit, datur illi actio Publiciana ad recuperandam rem, quæ dicitur, & fingitur præscripsisse, & ita vindicat. V. 379

Jure Canonico datur etiam Domino ob difficultatem probandi dominium. 380

Non datur adversus eum, qui rem titulo colorato acquisivit, excepto illo qui pro hærede possidet, cum reverà hæres non sit, nam contra hunc datur, sicut & contra desinentem dolo malo possidere. 381. 382

### Pueri.

Juridicè illi sunt, qui expleto septennio usum Rationis adepti sunt, sed adhuc impuberes: quia annum decimum cum dimidio, pubertati proximi: qui intra, infantie proximi. In Fæmellis proportionaliter calculus inititur usque ad annum duodecimū, nempe usque ad annum nonum cum dimidio, & inde usque ad duodecimū. I. 89

Quomodo Legibus obligentur, vide Legis subiectum.

Si Clericus percutiant, incurrunt Excommunicationem Canonis, sicut ex aliis delictis alias Censuras: sed mitius puniuntur, & ab Episcopo absolvi possunt. 90. & seqq.

### Q.

### Quasi Delictum.

Quando ex Quasi Delicto detur Actio in factum. Vide tres casus, v. Delictum, vel Quasi.

### R.

### Rapina.

Rapina superaddit furto simplici violentam ablationem, nec, lutzidè loquendo, sufficit coactio per metum, sine violentia. 263 Est peccatum specie Theologica distinctum à furto simplici. Ordinarie quidem est manifesta, potest tamen esse non manifesta per accidens. vocatur Furtum improbum, seu Qualificatum.

Ex Rapina datur actio vi bonorum raptorum prætoris, partim rei, partim pænæ persecutoria, quæ quadruplum (cui res ipsa, vel æstimatio inest) intra annum exigitur, post annum simplum. 269. Adversus hæredes non datur ante litem contestatam, sed conditio furtiva in simplum. 269

### Regula Cancellaria.

Non sunt strictæ Leges, sed Instructiones pro Officialibus. Obligant scientes à die Publicationis factæ in Cancellaria. I. 12

### Rei Vindicatio.

Est in Rem actio, per quam rem unam aliquam corporalem nostram, tanquam nostram petimus

## Synopsis

timus ab eo qui possidet. vel: est actio realis specialis, quā Dominus (vel: vel Jurisdictione) agit adversus possessorem rei suae corporalis, & petit se Dominum declarari, eamque officio Iudicis unā cum fructibus restitui. 111.

42. & seqq.

Is cui Dominus hanc actionem cedit, habet utilem rei vindicationem, quā proprio nomine possit rem vindicare. 47

Item qui aliquid dedit, ut alimenta reddantur, non solum habet Conditionem ob causam datorum, sed etiam utilem Rei vindicationem. 48

Datur item Sponso, aut Sponsae, si quid ob nuptias securitas dedit, & per accipientem stetit, quominus sequerentur. 48

Item illi, qui à Republica, vel Fisco ad tempus conductum fundum habet. 49

Ab hac actione repellitur Dominus exceptione Transactionis, litisjurandi, Rei iudicatae, doli mali. volendo evincere rem alienam venditam. 50

Datur hac actio non solum adversus verum possessorem, sed etiam contra quemcunque detentorem qui restituendi habet facultatem, quales sunt Commodatarii, Depositarii, Conductores, non item Sequestres. 51. 52

Datur item non solum contra verum detentorem, sed contra eum qui fictione Iuris detinetur: qualis est, qui se liti offert, & qui dolo desit possidere, etiam ante litem contestationem: quo casu contra haeredes non datur rei vindicatio, sed actio in factum, si locupletiores facti sunt. 51

Petuntur hac actione etiam accessiones per alluvionem, inaedificationem, consolidationem, partus fructus, lucra per causam rei petita possessori acquisita. 54. De Fructibus tamen plura vide: *Possessor*.

Detentori petenti conceditur arbitrio Iudicis aliquod tempus, praestita cautione. 55

Datur hac actio etiam adversus illos qui ipsius vindicantis nomine possident, ut est Depositarius, Commodatarius, Conductor. eod.

Quando Iura negant unā rei vindicatione plures res simul peti generali vocabulo, intelligenda sunt de rebus quae constant partibus notabiliter diversis, disparatis, dissimilibus, ad diversos usus destinatis, adeoque non solum physice, sed etiam moraliter heterogeneis, & neque à natura, neque ab arte ad unum totum constituendum ordinatis: huiusmodi sunt armamenta navis, non item grex. eod.

In re vindicanda sufficit certitudo partis aliquotae, etsi cum aliqua indeterminazione propriæ. eod.

Bonae fidei possessor non tenetur ex rei interitu, nisi post litem contestatam ex civili culpa

res interierint. Mala fidei possessor etiam de casu fortuito tenetur, si fuit in mora restituendi. eod.

## Religiosus. Religio.

Quomodo obligetur Legibus Civilibus vide: *Legis subjectum*.

Religiosa Communitas est capax dominii: non item Religiosus professus. I V. 1. & seqq.

Potest hac incapacitas etiam reperiri in voto non solenni paupertatis. 5

Religiosus etiam professus est capax Iurium & Bonorum spiritualium, & quasi dominii. 6

Religiosus non professus potest esse capax bonorum temporalium non obstante voto Paupertatis. IV. 12

Religionum aliquae sunt capaces successionis nomine suorum Religiosorum, aliae sunt incapaces. 18. & seqq. ubi discrimen declaratur.

De Successione in Emphyteusi, Feudo, Iure Patronatus aut Retractus, aut Fideicommissi, vide in suis propriis vocabulis.

Quidquid Religiosus professus per suas operas, industriam, donationem aut quemcunque alium titulum acquirit, Monasterio acquirit. & in Monasterio capaci successionis haeres scribi potest, & legata capere, ab intestato jure sanguinis succedere sicut in saeculo, cum translatione iurium in Monasterium. nec potest ob ingratitudinem in saeculo commissam exheredari. 45

Acquirat autem professus Monasterio immediate sicut filius patri, & non mediate, sicut servus Domino. adeoque eo etiam invito Monasterium adire possit hereditatem. 49. & seqq.

Successio ab intestato defertur professo Iure Codicis. 54

Professus in uno Monasterio & deinde transiens ad aliud etiam capax successionis, bona ante secundam professionem obvenientia ad primum Monasterium pertinent, post secundam professionem obvenientia ad secundum Monasterium. 55. 56

Transiente religioso ex Monasterio incapaci successionis ad capax successionis, non reviviscerent intra, quae priori obvenire poterant, si capax fuisset. 58

Religiosus ejectus quod acquirit Monasterio acquirit, etiam si injuste ejectus sit, spectato Iure communi. Sed ex speciali constitutione spectant acquisita ad Cameram Apostolicam, quae tamen forte non obtinet extra Italiam. 62



## Alphabetica.

### *Renuntiatio.*

Non usus Iuris, imò obligatio spontanea ad non utendum, non est propriè Renuntiatio, sed stat cum Iure. I. 239

Renuntiatio propria est, quâ quis privatnr Iure suo. v. g. renuntians privilegio, tenetur lege communi. cod.

Renuntiatio in præjudicium communitatis aut alterius, non valet regulariter, nec à Magistratu acceptatur. 241. ubi vide exceptiones.

Renuntiatio metu iniusto facta, non valet. 242

Potest sufficere actus merè internus non gaudendi tali privilegio vel Iure, si à concedente acceptetur antecedenter. 244. secus non sufficit. nam ante acceptationem renuntiationis, potest renunciatio interna & externa revocari. 245. 246

### *Repercussio.*

Quando habet rationem Vindictæ, & non justæ Defensionis, ad impediendam ulteriorem Injuriam, non est licita. II. 617

### *Representationis Ius.*

Quomodo gaudeant successuti descendentes, vide *Successio descendentium*.

### *Rescripta.*

Rescripta Iustitiæ interpretanda sunt secundum Ius commune, ut potius à verborum proprietate recedendum sit, vel verba transponenda; quàm ut Iuri communi derogetur. I. 281. ubi V. exemplum.

Rescriptum est concessio Principis per litteras authenticas legitime facta, sive secundum Ius, sive contra Ius, cum expressa derogatione. Absque hac non valeret, sed fraus præsumeretur, semper enim præsumitur mens Principis Iuri conformis. 320

Rescripta ad litteras seu Iustitiæ, imò etiam Gratia ad beneficia alioquin ad aliorum provisionem spectantia, sunt strictæ interpretationis. 321. & seqq. ubi vide exempla.

Rescriptum subreptitiè (hoc est veri taciturnitate) obtentum, si est Gratia, ipso Iure non valet, si Iustitiæ, est irritandum ope exceptionis. 323

Veritates exprimendæ sunt sequentes 1. In petitione secundi rescripti, super eadem causa, amplioris, faciendæ est mentio primi. 325. ubi casus.

2. In rescripti impetratione contra rescriptum ab adversario obtentum, est faciendæ mentio illius. Si tamen adversarius ex negligentia non præsentasset Iudicibus, valeret posterius. 326

3. Habens Beneficium aut Vicariam perpetuam, debet in petitione alterius Beneficii mentionem prioris facere. 327

4. Rescripti ad provisionem impetrati, faciendæ mentio in petitione alterius, etiam si priori renuntiatur esset. 328

5. Receptus in Canonicum, sed præbendam necdum consecutus, in petitione beneficii alterius Ecclesiæ, debet mentionem facere admissionis in Canonicum, nisi Canonicatus sponte oblatus non esset acceptatus. 329

6. Statuti vel consuetudinis resistentis collationi alicujus beneficii, mentio faciendæ est. & etiam juramenti, si quo firmatum est. 330 ubi casus.

7. In petitione beneficii faciendæ mentio Clerici carus. 331

8. In petitione rescripti pro restitutione contra Iudicem spoliantem faciendæ mentio causæ spoliationis. 332

Si Rescriptum obtentum est subreptitiè aut obreptitiè aliàs non concedendum, adeoque cum defectu causæ finalis, tunc si hoc ex malitia supplicantis, irritum est in penam. Si ex simplicitate, aut errore, tunc si Papa adhuc dedisset saltem secundum ordinem Iuris communis, Iudex potest ita procedere, secus, non potest. Hæc procedunt saltem secundum illud caput, in quo malitia commissæ est. 333. Casus vide n. 334

Deficiente causâ merè impulsivâ (dummodo non sit aliquid omissum de jure non tacendum) adhuc valet Rescriptum, ob veritatem causæ finalis, cui soli alligata est voluntas Principis. 337 & seqq.

Si plures causæ fuerunt in petitione positæ, illi censetur alligata mens Principis, quæ est potentior ad movendum, si sint æquales, & soleant in Rescriptis poni tanquam causæ finales, sufficit alterutram verificari. 340

Non sufficit, causam finalem poni post datam litterarum ante executionem: sed tempore datæ debet existisse. 341. ubi exemplum.

Error commissus in qualitate adjecta solum per modum demonstrationis, non facit Rescriptum obreptitium, si Principis intentio aliunde constet. 343

Error circa qualitatem adjectam in vim determinationis, reddit irritum Rescriptum. 345 ubi v. casum.

Si Rescriptum mandet aliquid contra Ius commune, non factâ mentione saltem implicita Iuris communis cui derogatur, rejiciendum est tanquam alienum à Principis intentione. 346. ubi v. exempla.

Rejici etiam potest Rescriptum continens vitiosam latinatam. 347

Item ob casuram in loco suspecto. 348

## Synopsis

- In his casibus executio est suspendenda, donec iterum rescribatur. eod.
- De clausula *Motu proprio*, vide *Motus proprius*.
- Requisita in Rescripto censenda sunt requiritur ut substantialia, si in iure communi ut talia requiruntur. 350
- Executio Rescripti ad Episcopum alioquin spectans, sede vacante devolvitur ad Capitulum: si ad Capitulum datum est, & interim Episcopus electus & confirmatus, ad hunc spectat. 351. 352
- Abusus Rescriptorum puniuntur nullitate processus, & ipsius Rescripti quoad omnia commoda, & condemnatione in expensas. 353. ubi recensentur abusus.
- Delegatus Iudex in Rescripto ad plures personas indefinite, non potest ultra 4. in Iudicium trahere, quorum nomina actor in primo citatorio exprimere debet, nec variare potest. 354
- Rescriptorum Executores aut Delegati Iudices in causa Ecclesiastica, à Sede Apostolica ejusque Legatis committuntur personis habentibus vel dignitatem (h. e. præminentiam Ecclesiasticam junctam cum Iurisdictione fori externi) vel personatum (h. e. Ecclesiasticam præminentiam sine Iurisdictione) vel Canoniarum in Ecclesia Cathedrali. Mera executio sine causæ cognitione committi potest etiam simplicis Presbytero. 355
- Ex præcepto Trid. in quavis Diocesi quatuor (inter quos est Officialis) constituendi sunt, quibus præter Ordinarios causæ Ecclesiasticæ committantur. 356

### Restitutio.

- Restitutio in præsentem strictius sumitur pro Reparatione iuris alieni læsi; faciendo, ut læsus perinde se habeat (formaliter vel æquivalenter) ac si nunquam læsus fuisset. II. 126
- Restitutionis præceptum in casibus particularibus, nec semper est affirmativum, nec semper negativum. 130. & seqq. ubi per exempla declaratur.
- In genere ergo præcindit ab hoc quod esse affirmativum, vel negativum. 133. & seqq.
- Restitutio non semper est mera non Retentio, sed quandoque essentialiter dicitur actum positivum. 137
- Secus à lege positivà, & pacto præstandi casum fortuitum; datur ex iure naturæ duplex radix Restitutionis pro damno illato: Ex recepta, & ex injusta læsione. 140
- Ex prima radice rei acceptæ tunc est obligatio restituendi, quando res aliena sine culpa Theologica ad me pervenit, & apud me exstat vel in se, vel in æquivalenti, in quantum inde factus sum locupletior; si verò

- absque emolumento absumpta esset, ad nihil teneretur, quia censeretur casu fortuito perisse. 141
- Quod occasione rei alienæ ad aliquem pervenit bonâ fide, non tenetur restituere. III. 249
- Ex secunda radice læsionis cum Theologica culpa datur tenore restituere, etiam si nullum lucrum, imò damnum accepissem. Habebat enim læsus antecederet ius ad non ponendam actionem læsivam, & cā posita, ad eam compensandam. 143
- Radix generalis, & utramque complectens, est necessitas utriusque obligationis ad felicitatem humanæ Societatis. eod.
- Restitutionis obligationes ex secunda radice, vide *Dammum iniuriæ datum*.
- Accipiens aliquid pro actione jam debitâ ex Iustitia, tenetur restituere. 351. Secus, si ex alia virtute. 353
- Non est obligatio restituendi de iure naturæ ex Iustitia, quod acceptum est pro actione vel omissione turpi & illicita, esse pactum præcedens nullam induxerit obligationem, & etiam si fuerit actio damnosa tertio, v. g. iudicis iniqua sententia, quo casu Iudex quidem nihil tenetur restituere corruptum peccati, bene tamen & Iudex & corruptens læso per sententiam. 354
- Adversus meretricem non datur conditio quæ datum repetatur. Sed neque meretrici datur actio ad pretendam mercedem promissam, etsi in conscientia debeatur actu secuto. 360
- Adversus turpiter accipientem datur conditio ob turpem causam, quæ repetitur datum pro actione jam antè ex Iustitia debita, si turpitudine sit solius accipientis, secus si sit turpitudine utriusque, quo casu quod datum est, manet apud accipientem. 363. 364
- Ut cooperans teneatur ad restitutionem, satis est, si influit in damnum, etiam si eo non cooperante positum esset. 372
- Mandans obligatur, si ejus mandatum objectivè influat, item & Consentiens. 373
- Consiliarius ferens iniquum suffragium postquam numerus suffragiorum irrevocabiliter est obventus, non tenetur. 374
- Tenantur etiam Palpatores, vituperiis incitantes. 375
- Consulens tenetur, etiam si revocet Consilium, si tamen adhuc illud influat. Secus mandans, si revocavit. 376
- Receptores furum quæ talium etiam tenentur. 377
- Negative concurrentes, nisi ob difficultatem excusentur, etiam tenentur restituere. 379
- Causa physica principalis tenetur primo loco, nisi ab alio fraude inducitur. 381
- Causa Instrumentalis, seu physica, seu moralis, non tenetur nisi in defectum causæ moralis. 382

## Alphabetica.

lis principalis, cujus auctoritate operatur.  
382.

Causa negativa non tenetur nisi in defectum  
causae positivae. 383

Causa partialis partialitate tam effectus quam  
causalitatis, solum partialiter tenetur. 384

Qui suo & aliorum nomine concurrunt, aequaliter  
tenentur. 385

Si causa secundo loco obligata restituit, habet  
regressum contra causam principalem. 386

Causae simul concurrentes tenentur secundum  
aestimationem sui influxus. 387

Probabile est, causam partialem, sine qua adhuc  
fieret effectus, non teneri in defectum alia-  
rum causarum ad totum damnum. 388

Restitutio pro damno facienda est in loco illo,  
quo si restituatur, servatur indemnitas laesus.  
389

Non excusatur damnificans injuste à restitutio-  
ne, etiamsi cum damno dupli facienda sit  
restitutio. Ad differendam tamen restituti-  
onem cum spe postea restituendi sufficit;  
si damnum excederet quadruplum illud  
quod affert dilatio. 392. 490. & seqq.

Si nulla sit spes postea restituendi, tenetur saltem  
dare pauperibus, vel ad causas pias alias, ut  
penitus excusetur, debet damnum in resti-  
tutione subeundum excedere quadruplum  
summae restituendae. 393

Si cum minore damno potest restitui pars, hac  
restituenda est. cod.

Res, quae sine contractu & delicto debetur, re-  
stituenda est eo loco, ubi detinetur, & ex-  
pensis creditoris, vel secundum illius in-  
tentionem sine damno debitoris. 394

Debitum ex contractu restituendum secundum  
naturam contractus, aut consuetudinem  
loci. 395

Qui loco debito non solvit, datur adversus eum  
actio, ubicunque morabitur, ut solvat,  
quantum intererat creditoris, fuisse solu-  
tionem factam in loco debito. Si per cre-  
ditorem stetit, quominus solveretur loco  
debito, datur debitori actio ratione inter-  
esse. 396

Pereunte rei in via, si erat debita in individuo, nec  
debitor fuit in mora, perit creditori. secus,  
si fuit in mora, vel solum debebatur inde-  
terminatum individuum. 397. & seqq.

Restitutio sufficienter fieri potest creditori sui  
creditoris in re fungibili debita, si cetera  
sint paria. Non tamen in alia specie quam  
quae debetur, in vivo creditore. 494

Restitutio pro fama laesa quomodo facienda, vi-  
de. *De rathio*.

Restitutio pro Homicidio, Vulneratione, quo-  
modo facienda, vide *Homicidium*.

## Restitutio in integrum.

Definitur: Redintegranda rei vel causae actio,  
vel: Redintegratio amissae causae. Cla-  
rius. Reductio in eum locum in quo quis  
fuit ante laesionem. 11. 462

Non est proprie actio, sed imploratio iudicis,  
adeoque non potest institui coram Iudice  
Pedaneo.

Petenda est in loco domicilii illius contra quem  
petitur. 465

Non potest inferior Magistratus restituere in  
integrum contra Superioris sententiam. 466

Restitutione semel negata, omisa appellazione,  
non potest secundum peti nisi praetextu no-  
varum probationum adducendarum. vel  
si per negligentiam omisa est appellatio,  
ad hanc dabitur restitutio. Restitutio se-  
cunda contra priorem datur, uno casu ex-  
cepto, quando filius contra id quod à pa-  
tre ipsius nomine gestum est, restitutus est.  
467. 468

Liberis contra parentes, & libertis contra patro-  
nos ex Reverentia non datur. 469

Beneficium hoc non est pure personale sed mix-  
tum, quatenus causae intuitu datur, nem-  
pe ob imprudentiam, & ideo etiam ad ha-  
redes transmittitur. 470

Fideiussoribus non prodest: si tamen fideiussor  
solvit, potest actione mandati convenire  
principalem, nisi etiam contra fideiussor-  
em juvari possit restitutione in integrum.  
471

Petitio restitutionis suspendit executionem lae-  
ae contra se sententiae, donec causa restituti-  
onis terminata fuerit. nisi dolo peteretur,  
aut causa restitutionis non possit breviter  
deduci. 472. ubi vide casum.

Ad petendam restitutionem jure novo concedi-  
tur quadriennium à die quo quis scit se  
laesum esse, & est potestas experiundi. quo  
tempore etiam finienda est causa. 473

Causae petendi sunt sequentes. 1. Metus. 2.  
Dolus. 3. aetas minorum completissima,  
4. Capitis diminutio minima illius con-  
tra quem datur. 5. absentia Reipublicae  
causa. 6. Substitutio potentioris adversa-  
rii. 7. Pietas & Reverentia erga Ecclesiam:  
quo tamen nomine non veniunt Personae  
Ecclesiasticae quoad bona propria. 475

Denegatur minori, si major factus ratum habuit,  
si veniam aetatis impetravit, si finxit se ma-  
jorem nem. 477

Minor contra minorem tunc restituitur, si alter  
non est laesus, sed locupletior factus, nec  
superest remedium iuris ordinarium. 479.  
ubi 480. vide casus.

Resignans per imprudentiam beneficium alte-  
ri collatum, potest restitutionem petere. 480

Yyy 3

Item

## Synopsis

Item si pupillus laesus est per sententiam contra tutorem latam. 481

Non solum res ipsa principalis, v. g. vendita, sed etiam fructus interea percepti & exstantes sunt restituendi, detractis tamen illis, quibus respondet interesse emptoris, quod pretio caruerit, si restitutio fiat ex necessitate legis ante terminum praefixum, secus si post terminum ex speciali gratia, aut ob enormem laesionem, ob quam actus rescinditur. 483. & seqq.

Restitutio in integrum non succurritur Majorrennibus, si ex invincibili ignorantia contra eos praescriptum est. V. 344. & seqq.

### Retorsio.

Est legitima injuriarum verbalis in ipsummet injuriantem: propulsatio, honoris tuendi causa, in continentem propriam auctoritate facta. II. 584

Perimit actionem injuriarum. & Iure Bavarico non potest iterum retorqueri. 585

Potest fieri a persona specialiter conjuncta injuriarum. 586

Potest fieri etiam, quando verum crimen obiectum est. 587. ubi vide quomodo Iure Bavar. fieri possit.

Potest fieri scripto. 589. ubi modus tutissimus refertur.

Non potest fieri in personam incertam, sed certa est designanda. eod.

### Retractus.

Jus Retractus non transit ad Monasterium capax Successionis per Professionem, nec manet in ipso Professo. IV. 28

## S.

### Sanctio.

Stricte sumpta differt à Lege, Constitutionibus, Decretis, &c. Quod certam poenam praefertim capitis irrogare non obtemperantibus. I. 2

### Satio.

Est Modus acquirendi Iure gentium, similis Plantationi. Vid. Plantatio.

Malæ fidei Sator & Possessor potest fructus auferre, nisi dominus agri sumptus refundat. V. 145

### Scriptura.

Est Modus Acquirendi Iure gentium, sicut & Piura. Consecratus habet, ut charta Scriptura cedat. V. 147

## Sententia.

Sententia Decisiva Principis, non habet vim legis, nisi Princeps veller deinceps pro lege haberi. I. 35

## Servitus.

Servitus in genere, est Ius in re alteri constitutum, jus domini minuens alterius augendi causa, ut cogatur dominus aut quid non facere in suo, aut alterum facientem pati, quatenus commoda utentis requirunt. III. 56

Non requiritur utilitas proxima, sufficit utilitas radicalis seu remota. 58

Servitutem imponere rei suæ potest dominus tam inter vivos quam in ultima voluntate, imò in ipso instanti translationis domini. 60

Si res sit pluribus communis indivisum, unus sine consensu aliorum constituere servitutem non potest. Si pertineat ad aliquam communiatem, requiritur, ut saltem major pars consentiat. Si verò est communis pluribus ut singulis, omnium consensus requiritur in vivis. Ususfructus tamen potest pro parte constitui ab uno solo. In casibus, quibus cessio testamentaria confirmari non potest cessionibus posterioribus, datur adversus hæredem actio personalis ex testamento, ut reliquorum cessio nem confirmet. 61 ubi plures casus vide.

Proprietarius potest servitutem nihil præjudicantem Ususfructuario imponere, præjudicantem autem, ne quidem cum illius consensu, si leges inspiciamus, quarum vix potest reddi ratio. 62

Vasallus, Emphyteuta, Superficiarius, possunt etiam irrequisito domino directo servitutem imponere, tanquam habentes utile dominium, sed resolutio feudo, etiam servitus resolvitur. 64

Non item Maritus rei dotali, nec Tutor aut Curator rei minorum. 65

In Iudicio Familiae excusandæ, aut communi dividundo, potest Judex, exigentibus prædiis, servitutem imponere. 66

Adjectio temporis vel conditionis in constituendis servitutibus prædialibus, etsi de jure habeatur pro non adjecta, exceptione doli tamen defenditur à Praetore. 67

Modus tamen Servitutibus adjici potest. 68

Servitutem prosequimur actione Confessoria, quæ est Vindicatio Servitutis alteriusve Iuris, à re alterius nobis vel prædio nostro debita, competens adversus impediementum, ad declarationem Iuris nostri, utque cesset impediementum facere, & eo nomine caveat. 70

Datur



## Alphabetica.

**Datur Confessoria** non solum Domino cui constituta est, sed etiam habentibus dominium utile. imò & Creditori cui fundus dominans oppignoratus est, datur utilis actio confessoria. Usufructuario competit quasi in consequentiam, dum petit ipsum Ususfructum. 71

**Datur adversus injustè impedièntem**, etiam ipsum dominum, & contra eum qui dolo desit possidere, vel se liti obtulit. 72

**Negatoria opponitur Confessoria**, & est actio in rem, quâ negamus rem nostram adversario vel fundo illius servitutem debere, eamque quoad adversarium liberam declarari petimus, & satisfieri pro damno per attentionem dato. 73. Vindicatur ergo libertas, & sic est in rem. 74

**An præter Confessoriam** competat etiam Novi operis nuntiatio adversus eum, qui ædificando impedit servitutis usum, est satis ambiguum. 75

**Dividuntur Servitutes in Personales**, & Reales. Illæ sunt, quæ à re aliena debentur personæ immediatè. Reales immediatè debentur prædio nostro à prædio alieno, & subdividuntur in Rusticas & Urbanas. 77

**De Servitutibus in specie**, videndum est vocabulum proprium singularum.

**Servitus Realis seu Prædialis** duo prædia requirit, unum dominans, aliud serviens. si redigantur sub ejusdem Dominium, servitus manet suspensa, donec dominia separentur. 150

**Servitus Urbana à Prædio Urbano dicta**, hoc est quòd principaliter ad habitandum, vel luctri & voluptatis causâ exstructum est, & vocatur *Ædes*. 151

**Servitus Rustica à prædio rustico dicitur**, h. e. exstructo principaliter ad usum rusticum in conservandis fructibus, asservandis pecoribus, ut stabula, granaria, horti olitorii, horrea separata. 152

**Universaliter & ultimè denominationes hæc** sumuntur ex natura servitutum, qualescunque sit prædium cui debetur. 154

**Servitus prædialis in genere est** ius prædio inhaerens, ipsius utilitatem respiciens, & ius alterius diminuens. 154

**Debet habere causam perpetuam**, quamvis actum perpetuum non habeat. 156. ubi exemplis declaratur.

**Potest constitui in prædio non vicino**, modò non impediatur à prædio intermedio. 158

**Servitutes Urbanae nominantur sequentes**. Ius signi immittendi: proijcendi: protegendum: oneris ferendi: altius tollendi: Luminum: prospectus: onerum ab ædibus avertendorum: stillicidii & fluminis avertendi: cloacæ immittendæ: fumus immittendi: 159. vide suis vocabulis.

**Servitutes rusticae sunt**: iter: actus: via: aquæductus: Ius aquæ educendæ: aquæ hauriendæ: Pecoris appellus: pascendi. calcis coquendæ, atenæ fodiendæ. Creta vel lapidis eximendi. Navigandi per lacum vicini: temonis immitrendi. 117. vide suis vo. 28.

**Servitutes aliquæ tendunt etiam ad agendum**, seu, utis, cuius prædium servit, aliquid agere debeat. 165. ubi vide instantius contra communem.

**Servitutes quomodo præscribantur**. vide *Præscriptio*.

## SERVUS.

**Servus fit qui bello iusto ex hostibus gentilibus** capitur. V. 46

**Capti à Turcis, &c.** gaudent beneficio legis Corneliae, ut singantur initio captivitatis mortui, si apud hostes moriantur, vel beneficio postliminii si redeant, ut omnia iura recuperent, ac si nunquam capti fuissent. 47

**Nativitate etiam fit servus ex ancilla natus**, quæ fuerit ancilla toto uteri tempore. 49

**Condemnatione etiam fit servus**. 50

**Denique venditione**, si qui se patitur vendi sit major 20. annis, sit particeps pretii, & emptor putet esse servum, venditor autem, & qui venditur, sciant esse liberum. 52

**Amittitur servitus** manumissione. vide *Manumissio*.

**Licet capto, etiam in bello iusto, fugere ad suos**, & sic libertatem recuperare. 55

**Fit liber, si æger à Domino deseratur**. 56

**Item circumcensus à Iudæo Ecclesiæ quoad temporalia subiecto**. 57

**Item si Dominus consentiat in Matrimonium** Servi cum libera ignorante servitutis conditionem. 58

## Societas IESU.

**Renunciavit Privilegio Consilii Triad. Iess. 15.** c. 3. de Regul. (quo conceditur possessio rerum immobilium) quoad Domos Professas. IV.

**Religioni huic singulari est**, quòd qui post Novitiarum edunt Vota Simplicia, sint Dominorum capaces usque ad ultima Vota. 8. & seqq. ubi referuntur Bullæ confirmantes hoc Institutum.

**Societatis Domus, aut Collegia non succedunt** suis Professis, aut Coadjutoribus Fortassis per Professionem aut ultima Vota. 19

**Horum Testamenta per ultima Vota confirmantur**, ut statim fiat executio. eod.

**Dispositio habentis dominium facta sine licentia Superiorum probabilis esset invalida**. 38

*Specifi-*

## Synopsis

### Specificatio.

- Est modus acquirendi jure gentium. Nempe introductio formæ in materiam. V. 103  
 Si quis ex aliena materia speciem fecerit, sed possit ad priorem & rudem materiam reduci, species pertinet ad Dominum materiz, secus ad effectorem speciei, sicut etiam in priore casu, si parim ex sua parim ex aliena materia fecerit. 104  
 Ut dicatur specificatio facta, debet res ita immutari, ut novum usum & nomen sortiat in humano commercio. 105. & seqq. ubi vide exempla.  
 Ut specificator fiat Dominus, requiritur inculpabilis ignorantia alienæ materiz. 107  
 Datur Domino Materiz actio in factum, ad consequendam æstimationem materiz. 110

### Spoliatus.

- Spoliato competit Remedium ex cap. Redintegranda. c. 3. q. 1. quod est amplissimum, continens vim aliorum. III. 379  
 Extenditur etiam ad Laicos. 380  
 Competit etiam Remedium ex cap. Sepè de Resitut. Spoliat. 383  
 Dantur etiam contra tertium Possessorem gnarum factæ spoliationis. 384  
 Sunt perpetua. 385

### Sponsalitia Largitas.

- Vocatur etiam Dotalitium, seu Mundus mulieris: & est Donatio inter Sponsos facta contemplatione futuri Matrimonii, tanquã conditionis à qua pender. I V. 330  
 Secuto Matrimonio dominium est pleno jure penes uxorem, neque restituitur soluto Matrimonio. 349  
 Subauditur in hac donatione conditio: si sequantur nuptiæ, quantum est ex parte sponsorum. Quod si osculum intercedat, altero mortuo non nisi dimidia pars manet donatarii. 351. 352  
 Reperi etiam potest ob deceptionem factam in promissione dotis amplioris. 353

### Stellionatus.

- Est genus ad omnia Crimina non habentia titulum specialem. Judicium Stellionatus per se famosum non est. 511. 512

### Stillicidij avertendi Servitus.

- Est ius quo vicinus aquam pluviam à tecto suo in rectum vel aream vicini derivare potest III. 172  
 Potest fieri, ut cadat lenius, v.g. magis ex alto, non verò ut gravius. Acquiritur solo, non superficie. 173

Ad hanc Servitutem pertinet Ius fluminis averrendi. 174

- Huic servituti opponitur Ius stillicidii non avertendi, seu recipiendi stillicidii in arcâ prædii dominantis, ob ejus commoda. eod.  
 Tenetur Dominus prædii servientis reficere canales & tegulas, ex quibus cadit. 175

### Stuprum.

- De stupro accusans præsumitur fuisse Virgo, nisi contrarium probetur. II. 687  
 Si violata quantumvis per injuriam vult nubere stupratori, & ipse eam vult ducere, non tenetur ad aliud ante Iudicis sententiam: & pater tenetur filiz dotem constituere, ac si stuprata non esset. 688  
 Si stuprator nolit eam ducere, vel ipsa nolit ei nubere, tenetur ad augendam dotem, ut possit tam commodè nubere, ac si violata non esset, vel alio modo tam bonum Matrimonium procurare. 689  
 Si stuprata spontè obligationem remisit, ad nil tenetur parentibus ante sententiam. 690  
 Si ante omnem transactionem æquè benè nubat, ad nihil tenetur stuprator. 691  
 Patri competit actio injuriarum, etiam si puella spontè consensit, cui tamen non nisi post sententiam tenetur stuprator. 691  
 Si puella consensit ex metu mali justè inferendi, ad nihil tenetur stuprator. 692  
 Si stuprator non potest dare dotem competentem, tenetur eam ducere si velit, nisi tanta esset inæqualitas, ut nimis difficilis esset conjunctio. eod.  
 Si promissione Matrimonii consensus obrentus est, tenetur eam ducere etiam si ficto animo promississet, nisi sœmina hunc animum facile advertere potuisset: v.g. quia adjecto juramento eam suspicionem abstulisset. 693  
 Si sœmina fingendo se Virginem induxit ad promissionem, non tenet promissio. 694  
 Desflorator habens Vorum Castitatis, aut Religionis, nec potens aliter satisfacere, probabilius tenetur petere dispensationem in Voto, & ducere, imò & non obtentâ dispensatione, quo casu tenetur reddere debitum, sed non potest petere. nec satisfaceret, si eam duceret, & deinde ante consummationem ingrederetur Religionem. 695. 696

- Pœnam stupri, pro diversitate circumstantiarum variam assignant Iuris Civilis Interpretes, & consuetudo maximè observanda. 697  
 Jure Canonico stuprans seductam cogitur reparare damnum, vel ducendo, vel dotando, vel detruendi in Monasteriũ, quod tamen non est in usu. Jure Bavarico, si Virgo per lenocinia, dona, promissiones, inebriationem,

## Alphabetica.

tionem, Matrimonii promissionem, stiprata sit, ad aliorum exemplum irremissibiliter, & ponderatis omnibus circumstantiis, conditione personæ violatæ, frequentia criminis, etiam poenâ mortis punitur. Si verò vi oppressa esset, aut potu amatorio inducta, poenâ mortis punitur, servatis servandis. 498

### *Successio Legitima, seu ab Intestato.*

Carenti hærede testamentario succeditur ab illis, qui & quo ordine à lege vocantur, vocaturque *Successio Legitima*. V. 388

Successionis ab intestato mira fuit olim varietas constituta, quæ refertur à n. 392

Iure moderno sunt tres præcipui Ordines, primus descendentiū, secundus ascendentiū, tertius ex latere conjunctorum, attento semper gradu viciniore, qui secundum lus civile numerantur, & collignantur tam gradus, quibus unus dilat à communi trunco, quam quibus alter dilat. 398

### *Successio Descendentium.*

Descendentium Legitimorum prima ratio habetur, exclusis omnibus ascendentibus & lateralibus, quantumvis gradu proximioribus. 400

Descendentes in eodem gradu succedunt in partes viriles, seu capita. 401

Defuncti alicujus immediati proles, gaudet iure representationis sui parentis, succedendo in stirpes. 403

Gaudent iure representationis etiam abnepotes, & ultra. 407. & seqq. ubi n. 413. utilitas hujus rei in fideicommissio declaratur.

Successio fit etiam tunc in stirpes, quando immediati descendentes sunt ex diversis immediatis in eodem gradu. 414

Nepos succedit avo, etiam si post ejus mortem conceptus sit. 416. & seqq. ubi referuntur casus, quibus id fieri potest moraliter.

Filio ab hereditate abstinente, adhuc nepos iure sanguinis succedit, exclusis ascendentibus, & lateralibus, non obstante, quòd pater maneat civiliter hæres. 423. & seqq.

Germaniæ consuetudo habet, ut fæminæ Nobiles contentæ dote, renuntient successioni in favorem fratrum. 426

Legitimati per subsequens Matrimonium, succedunt sicut legitimè nati. 427. vide etiam Legitimationo.

Ut legitimati rescripto Principis succedant, debuit pater habuisse justam causam non legitimandi per Matrimonium, carere liberis legitimis, & legitimandi debent consentire. 428

Non excluduntur tamen à liberis post legitimacionem natis. 429

Non comprehenderentur tamen Statuto excludente fæminas, sed cum his æqualiter succederent. 432

Adoptivus specificè etiam ab extraneo, succedit, durante adoptione, æqualiter cum legitimè natis. 436. Ab ascendente adoptatus succedit non obstante emancipatione. 437

Adoptivus retinet simul ius succedendi patri naturali. 438

Arrogati, durante adoptione succedunt, sicut legitimè nati, post emancipationem sine causa iusta in quartam partem. 440

Adoptivi non admittuntur ad successionem agnatorum, & cognatorum defuncti. 441

Si defunctus nec legitimus, nec uxorem legitimam reliquit, sed naturales, hi succedunt unà cum matre in duas uncias, dividendas in capita. 444. Nec ab hac successione excluderentur à legitimatis rescripto Principis aut adoptivis. 445

In his duabus uncias nepos illegitimus non succederet avo, ne quidem iure representationis, inspecto iure, fortè tamen ex æquitate esset admittendus. 449. 450.

Filius illegitimus succedit Matri (etiam illustri, si constet de patre) æqualiter cum legitimis ex eadem matre natis. Item in bonis aliorum ascendentiū per lineam maternam. 451. & seqq.

Spurii Canonice sumpti, nec patri, nec matri, nec ascendentibus succedere possunt, quia vis illis debeantur illa alimenta sine quibus vitam sustentare non possent. 454

### *Successio Ascendentium.*

Deficientibus descendentibus succedunt ascendentes tam lineæ masculinæ, quam fæminæ suis descendentibus tam emancipatis, quàm non emancipatis, etiam legitimatis rescripto Principis, & adoptivis: mater filio naturali illegitimo: etiam posthumo. 457. & seqq.

Pater adoptivus extraneus non succedit adoptato, 461

Arrogator arrogato impuberi decedenti non succedit. 462

Mater non providens ex debito Tutorem impuberi, non succedit impuberi. 463

Si parentes primi gradus supersint, & soli existant, nullis existentibus fratribus, succedunt æqualiter. 464. & quidem etiam in illis bonis, quæ ab una sola linea profecta sunt. 466. & seqq.

Succedente simul patre & matre, pater non consequitur usumfructum illius portionis, quæ matri cedit, nisi quantum prius habuit. 471.

Ex ascendentibus propinquior excludit Remotiores, nullo iure representationis admisso. 473

## Synopsis

Concurrentes in ulteriore gradu, succedunt in stirpes. 475

Ascendentes non excludunt fratres germanos, sed hi cum illis succedunt in capita. 476

Excludunt tamen Consanguineos, & Vetricinos. 477

Existen-ribus ascendentibus, fratribus, aut fororibus, & insuper alicuius defuncti fratris filijs, hi quoque cum ascendentibus, & fratribus concurrunt, sed solum in stirpes; & probabilius etiam succedunt cum solis ascendentibus, nullis fratribus existentibus. 478. & quidem in stirpes. 480. Quod tamen non extenditur ad nepotes ex fratre, qui penitus excluduntur. 483

Quando fratres cum ascendentibus concurrunt in diverso gradu, tunc hi non amplius in stirpes, sed in capita succedunt. 481

Frater naturalis non excluditur à matre, sed cum ea aequaliter succedit. 483

### *Succesio Transversalium.*

Primo loco succedunt fratres, & sorores ex eodem patre & matre conjuncti, nempe Germani, unà cum ascendentibus, excluduntque fratres & sorores ex uno latere junctos. 487

Et de his solis esset accipiendum Statutum quo masculi feminas excluderent. 488

Procedit Regula etiam de fratribus naturalibus, qui excluderent Consanguineum. 489

Cum fratribus concurrunt filij alicujus germani defuncti cum fratribus germanis iure representationis. 491

Hi excludunt agnatos & cognatos in eodem licet gradu existentes, v. g. avunculum, patruum &c. 492

Nullis hiis aut fratribus existentibus, filij fratrum defunctorum succederent in capita. 495. & seqq. Quod idem probabile est, quando concurrunt cum hiis, nullis existentibus fratribus. 510

Nullis Germanis existentibus, succedunt fratres, & sorores ex uno tantum parente conjuncti, &c. ceteris, etiam patris defuncti præferuntur. 511

Fratres naturales ex eadem matre sibi iure cognitionis succedunt, etiam si aliter esset legitimatus; nec interest, an ex eodem patre. 512

Fratres naturales ex patre tantum conjuncti, non succedunt invicem ab intestato. 513

Fratres adoptivi ab extraneo non succedunt adoptantis filijs naturalibus. eod.

Quando ex utro tantum latere conjuncti, nempe uterini, & consanguinei succedunt fratri, non est facienda bonorum à patre & matre profectionis divisio, quod quidem iure Flaviano certum, iure communi probabilius. 514. & seqq.

Deficientibus fratribus, fratrumque liberis, vocantur promiscue ceteri collaterales agnati & cognati, observata gradus prærogativa. succeduntque in capita, sublato iure representationis, differentia Superiorum, vel inferiorum collateralium. 520

Duplex vinculum in his non operatur, ut tanquam duplex persona succedat in duas partes, sed in unicam. 521

Probabilius est hanc successionem extendi sine termino, sicut descendentiū. 523. & seqq.

### *Succesio Conjugum.*

Deficientibus lateralibus, succedunt invicem conjuges in solidum de iure communi, nisi pactis dotalibus aliud conventum sit. 525

Si mulier nullam, aut exiguam dotem attulit, nec mortuo viro haberet unde aleretur, admittitur ad successionem cum liberis hæc ratio, ut succedat in quartam, si liberi non sint plures, quam tres, si plures, in virilem portionem, ut tamen iisdem liberis proprietatem servet, si existerent, alioquin possit etiam proprietate: legata impuntantur in portionem. 526

### *Succesio Fisci.*

Nemine ius succedendi prætendente fit proclamatio, & elapso termino præfixo sunt bona vacantia, & bona fisco cedunt, non nomine hæreduario, sed iure Superioritatis, unà cum oneribus. 530

Indignorum etiam portio fisco cedit. Sunt autem de iure indigni, qui testatorem occiderunt, causam mortis præbuerunt: mortem ulcisci neglexerunt: ejus iudicium impignanti: gravi delicti reum faciunt: Status controversiam movent: qui petunt bonorum possessionem contra tabulas: qui uxorem contra leges duxerunt: inimicitias capitales cum defuncto exercuerunt: maledixerunt: uxorem corruperunt: in fraudem legis promiserunt restitutionem: qui hæreditatem conpilarunt. 531

### *Sufurratio.*

Sufurratio superaddit simplici Detractioni lationem Pacis & Concordiæ, ad quam restituendam etiam tenetur Sufurro. l. i. 535

## T.

### *Thesaurus.*

Est vetus depositio pecuniæ alteriusve rei mobilis, cujus non exstat memoria, ut jam Dominum non habeat. V. 10

Jure



## Alphabetica.

Jure gentium cederet Inventori, sed Jure Civili aliter statutum est. Si enim invenitur mediis illicitis, cedit fisco quoad eam partem quæ in inventoris alioquin esset: Si licitis mediis in proprio solo, cedit totus inventori: si in alieno sine licentia Domini fundi, & casu, mediam partem lucratur; altera cedit Domino. Si de industria, totus cedit Domino. Si cum consensu Domini, nihil in pactu deducendo, totus cedit Domino loci. 11

Inventus in loco publico ad neminem spectante, cedit inventori: secus, media pars ad Dominum loci. 12

Inventus in loco Sacro, vel Religioso de industria, totus cedit fisco. 13. Si casu, media pars est inventoris. 14. Hodie tamen omnis locus sacer est sub alicujus dominio, & ideo judicandum est, sicut de inventione in loco alicujus privati. 17

Vsfructuarius non quâ talis, sed solum quâ inventor participare potest. 18

Qui sciret in fundo latere thesaurum, posset fundum emere eodê pretio, quo ignorantes 19

Quia Dominus fundi sit Dominus thesauri per inventoris apprehensionem, potest eum consequi rei vindicatione. 23

### *Tigni Servitus.*

Est Ius, quo quis ex ædibus suis in parietem vicini tignum ita potest immittere, ut in utroque prædio quiescat. Tigni nomine veniunt trabes, & oblongi lapides, concemurationes. 111. 160

Unius tigni immitteudi patientiâ, non acquiritur Ius alia immitteudi in aliam parietis partem, bene tamen si servitus indefinitè constituta esset. 161

### *Turpis Causa.*

Accepta ob turpem causam, quando restituenda. vide *Restitutio*.

### *Tutela Tutor.*

Tutela non est Officium publicum; dicitur tamen Iuris publici, quia à Lege & Magistratu etiam in vitis imponitur. 1 V. 211

Est vis ac potestas in capite libero, ad tuendum eum, qui propter ætatem se defendere nequit, Jure Civili data ac permixta. 212

Tutela respectu Masculinorum durat usque ad 14. annum completum, feminæ usque ad 10. 213

### *Tutela Testamentaria.*

Est, quæ testamento dari permittitur. 224

Tutorem in testamento dare possunt, qui liberos in potestate habent. 226. ubi conditiones requisitæ recententur.

Si in testamento datur Tutor *liberis*, etiam veniunt nepotes, non item *si filiis*. 227

Potest tutor dari sub conditione pendente, ad tempus, & ex tempore, interim verò per Magistratum providetur. 228

Si Minorennis datus est, expectanda est Majorænnitas, etiam si veniam ætatis impetrasset. 229

Mater & Avia tutrices testamento dari possunt. Jure Bavarico matri duo assilentes adiunguntur, quibus rationes reddat. 230

Hactenus dicti tutores non egent confirmatione. Si detur filio emancipato pupillo, eget confirmatione, sed sine inquisitione, si à patre datus sit, sicut etiam si in testamento imperfecto: si à matre datus est, eget confirmatione, cum inquisitione. 231

Tutor filio naturali datus, item ab extraneo, eget confirmatione cum inquisitione. 232

Ut à matre validè detur, debet filius hæres institui. 233

Extraneus tunc dare potest, quando hæres non habet alia bona, quàm testatoris. 234

## *Tutela Legitima.*

Deficiente testamentatio, tutor vocatur legitimus à lege. 235. 239

Primo loco mater, si velit, promittens coram Judice, se ad secunda vota non transiitram nisi depositâ prius tutelâ, & renuntiatis S. C. Velleiano. 236

Secundò, venit Avia. 237. & etiam Avus. 242

Tertiò, laterales propinquiissimi, eo ordine quo ab intestato succederent. 238. ubi, quid observandum, si nimis multi sint.

Si proximi non sunt idonei, vel excusantur, propinquieribus defertur. 240. 244

Si filius impubes emanciparetur, tutela quasi legitima (olim Fiduciaria) ad patrem spectaret. 241

Extenditur legitima ad omnes gradus, ad quos jus successionis. 243

Mater ad secunda vota transiens, mortuo secundo marito habet regressum ad tutelam, si liberis necdum à Magistratu est prospectum. 245

## *Tutela Dativa.*

In defectu legitimi tutoris, Magistratus assignat idoneum, quem etiam cogere potest, & talis dicitur Dativus. 248

Spectat autem dare ad Magistratum patris pupilli, esto pupillus absens sit. item ad Magistratum loci, unde pater originem trahit, aut ubi filius natus est, si pater ibi domicilium habuit, aut ubi major pars facultatum existit, inter quos est locus præventioni. 249

Matri, si nolit esse tutrix, incumbit onus petendi Tutorem, (non item Curatorem.) alioquin privatur jure successionis. ad idem tenentur propinquiore. 250

In defectum aliorum, Creditores habent jus petendi tutorem. 251

## Synopsis

Si bona pupilli ita diffusa aut aucta essent, ut Tutor datus non sufficeret, datur illi Curator, sicut & in quibusdam aliis casibus.

Tutores non sunt dandi Milites, Creditores, Debitores (matre & aviā exceptis) Prodigii, Religiosi, Clerici, Inimici, Faminae alia, Minores, Surdi, Muti, &c. 253 & seqq.

### Tutela Actio.

Pupillo convenit actio directa, est personalis, bonae fidei adversus tutorem, ut administrationis suae rationem reddat, & quidquid ex bonis retinet.

Si ex pecunia Pupilli tutor praedium sibi comparavit, erit in arbitrio pupilli vel praedium sibi vindicare, vel pretium repetere una cum usuris.

Si plures fuerint Tutores, & inter illos fuit divisa administratio à Indice, vel testatore, non potest quisvis in solidum conveniri, sed pro rata parte suae administrationis: si verò per ipsorum inter se conventionem divisa est, potest quisvis in solidum conveniri.

Si non est divisa, datur Minori electio contra quem agat, cedendo illi actiones contra ceteros. Si unus solus gessit, primò conveniendus, eo deficiente ceteri.

Jure Bavarico si unus Tutorum negligentiam alterius non correxit, non gaudet beneficio excussionis alterius. Si plures fuerint quàm duo, valet, quod à maiore parte gestum est; si duo, unus sine altero nihil agit.

Datur etiam Minori actio de Rationibus tutelae distrahendis, in duplum rei ablatae cui simulum inest, cumularique potest cum actione furti.

Actioni Tutelae semel finitur, si species aliqua ommissa fuit, adhuc locus est ad ralem speciem repetendam.

Actione ex stipulatu non solum ipsi Tutores, sed etiam fideiussores ex tempore mortis à tutore factae in restituendo, de fructibus & usuris conveniri possunt.

De actione subsidiaria dictum sup. n.

Tutori adversus Pupillum datur actio Tutelae contraria, quā petit ut sumptus in rem ejus factos, & quidquid ratione administrationis sibi abest, recuperet. quae actio datur etiam haeredi, item illi qui pro Tutore negotia gessit. Jure Bavar. tenentur Pupilli pro quantitate patrimonii & laborum Tutori, finit Tutela, honorarium dare, alioquin per Magistratum decernendum.

### Tutorum Satisfactio, & remotio suspectorum.

Hodierno iure in Imperio omnes Tutores satisfacere tenentur, & rationes reddere. nec adire Tutelae administrationem nisi interposito Magistratus decreto: conficiant autem Inventarium coram Notario & Testibus. deinde cautionem praestabunt vel sub hypotheca omnium bonorum, vel datis fideiussoribus, juncto corporali juramento, euraturos se, ut personae pupilli in educatione ceterisque rebus prospiciatur, bona fideliter administrentur: rationes singulis annis reddantur, finit Tutela bona restituantur. idem Curatores praestabunt. & seqq. ubi de specialibus Juris Bavarici. Convenit pupillo actio Tutelae, & actio ex stipulatu, rem pupilli salvam fore. & actio hypothecaria. Actio subsidiaria. plenius à n.

Satisfactio non purgat vitium suspicionis, quin suspectus à tutela removendus sit: nisi esset persona talis, cuius remotio plus incommodare posset pupillo quàm prodesse. Suspectus habetur, qui non ex fide tutelam gerit, etsi solvendo sit. si ex moribus periculum imminet. si dolose aut negligenter curatur. si mentiatum defectum alimentorum. si se subducatur: quo casu fit immisio.

Suspectum accusare potest quisvis de populo: exceptis ipsis impuberibus. puberes possunt Curatores accusare, ex consilio consanguineorum.

Dum accusatio pendet, interdicitur administratio.

Tutor & Curator praestat culpam levem. Non tamen haeredes tenentur de levi culpa, sed solum de lata. eod. Imò unico casu etiam Tutor tantum tenetur de lata culpa, qui habetur n.

De dolo accusatus & convictus, & à tutela remotus, fit infamis.

### Tutorum Excusatio.

Est iusta alicuius causae allegatio, quā quoniam tutelae susceptae vel suscipiendae deprecatur.

Quoad tempus interponendae excusationis, consuetudo locorum observanda est. Qui plures causas habet, omnibus uti potest. Causae autem excusantes sunt multae. 1. Numerus liberorum. Jure Bavarico quinque liberi requiruntur, legitimi, naturales h. e. non adoptivi, superstites nati. Nepotes loco patris mortui pro una persona numerantur. Religionem ingressi non profunt. Vulneratus in acie & inde mortuus, non minus quàm si in acie occubisset, prodest. Secun-

# Alphabetica.

Secundæ causa est, administratio rerum fiscalium, excusans à suscipienda, non à suscepta.

Tertia, est absentia Reipubl. causâ.

Quarta, Magistratus seu Potestas, excusat à suscipienda.

Quinta, hic cum pupillo.

Sexta, iurium tutelæ vel Curationum onus.

Septima, pauperas testatoris.

Octava, Morbus, de quo Iudex arbitrabitur.

Nona, literarum ignorantia.

Decima, est inimicitia.

Undecimâ est, qui passus est statûs controversiam à patre.

Duodecima, ætas 70. annorum.

Decima tertia, diversa conditio personarum, & statûs disparitas.

Decima quarta, si quis tutelam gessit, excusatur ab eiusdem curatela.

Recusâtâ tutelâ non potest consequi legatum.

## Tutorum Autoritas & Administratio.

Pupillus sine Tutoris auctoritate potest conditionem suam meliorem facere, v.g. stipulando, non deteriorem: alium sibi obligare quin illi obligetur.

Sine tutoris auctoritate non potest pupillus hæreditatem adire, nec hæreditatem ex fidei commissio suscipere, nec bonorum possessionem petere. nisi prioris auctoritas suppleat defectum tutoris.

Tutor in ipso negotio debet præsens auctor fieri post tempus, aut per nuntium non potest. Imò probabiliter sufficit, si actui statim superveniens in continenti suam auctoritatem interponat.

Quando inter ipsum Tutorem & pupillum negotium geritur, aliquis curator ad actum constituendus est.

Administratio requirit, ut pupillus secundum suam conditionem instruat, ex fructibus alatur. res pupilli conserventur, exigantur debita, &c. alienanda alienentur, & qui sem immobilia iudicis decreto. Idem de Curatoribus dicendum.

Vbi educandus sit pupillus, consuetudo est observanda.

Causæ alienandi bona immobilia sunt, æs alienum aliter non expungibile: alimentorum necessitas: liberatio ex periculo: dotalium sororis pauperis ex eodem patre natæ. alimentatio uterinæ pauperis. Denique si testator alienari iussit, & tunc nec decreto opus est.

Consuetudo Germaniæ est, ut Tutor maneat Curator usque ad annum majorennitatis. Iure Bavarico ad curatellam cogitur, nisi excusetur.

## V.

### Vagabundi.

Vagabundi sunt, qui nullibi certam Sedem aut domicilium habent: item qui deserto prioris Domicilio, aliò tendunt, antequam ibi acquiritendi Domicilium, necdum iam accesserunt locum. I.

Quibus Legibus teneantur. Vid. Legis Subjellum.

### Venatio.

Jus Venandi occupativè est Ius persequendi animalia, quæ terrâ, mari, cælo capiuntur, & nullius sunt, jure naturali permixtum, vel legitimo titulo acquisitum. V.

Fera capia etiam in alieno fundo sit capientis, nec teneatur ad ullam aliam restitutionem, nisi venando damnum aliud inulerit.

Fera recuperans naturalem libertatem, definit esse in dominio, quod etiam de cicuratis procedit, si consuetudinem redeundi amittant, non de naturaliter mansuetis. eod.

Inter feras liberas numerantur etiam pisces in stagno (non item in piscina) & in sylva quantumvis circumscripta (non item in vivario) inclusa.

Fera vulnerata, ut non possit evadere potestatem vulnerantis, est vulnerantis: Iure Bavarico licet feram persequi vulneratam in planitie per duos dies, per montes tribus diebus.

Si laqueus positus est in loco publico, ubi civis licitum est ponere, tunc fera non potens amplius se extricare, est illius, qui laqueum posuit: si verò in loco, invito Domino, potest Dominus loci non solum feram captam, sed etiam instrumentum tanquam caducum retinere.

Pisces ex stagno capti jure novo videntur ad dominum stagni pertinere. & qui ex stagno sine licentia piscantur, instar furum puniuntur.

Non desunt Principibus jussæ causæ prohibendi privatis venationes.

Non possunt tamen prohibere subditis, ne fructibus defendendis arceant feras.

Quandoque, nec tamen semper, obligat Princeps ex Iustitia subditos ad non jaculandas aut capiendas feras.

Secluso pacto contrario, tenetur princeps reservare damna subditis ex venatione reservatâ, aut ferarum multiplicatione.

Peripetæ vatiis penis affici possunt.

### Veracitas.

Non solum in loquendo, sed etiam in tacendo falsum, ne decipiat, meretur gratiarum actionem. II.

## Synopsis

### *Via Servitus.*

Est Ius eundi, agendi, & ambulandi. Probabiliter legendum esset *Vehundi*. III. 182  
 Qui viam habet, iter & Actum habet. Latitudo in Porrectum octo pedes habet, in anfractum Sexdecim. 183  
 Non multiplicatur secundum fundorum servientium numerum. Multiplicatur tamen si sint diversa Prædia dominantia, vel diversi Domini. 184

### *Vindicatio.*

Vide: *Rei Vindicatio.*

### *Virtus.*

Virtutum Moralium duo sunt genera: alix enim sunt ad se, alix ad alterum. II. 3  
 Virtus ad alterum, præter iustitiam, obligat ad gratiarum actionem. 13

### *Votum.*

Votum Pauperatis simplex Religionis, non repugnat dominio Religiosi. IV. 12  
 & seqq.  
 Ubi declaratur origo Repugnantix quæ est in voto solenni.

### *Vsucapio. Vsurpatio.*

Usucapionis verbum non solum rebus mobilibus, sed etiam immobilibus aptatur. V. 155  
 Usucapio strictè accepta, est ipsa formalis acquisitio Domini, seu Dominium in fieri, fundans Exceptionem Præscriptionis, quamvis communiter pro ipsa Præscriptione sumatur, & e contra. eod. & seqq.  
 Usucapioni opponitur *Vsurpatio*, quæ est Usucapionis interruptio per actum contrarium. 158

Cætera vide verbo. *Præscriptio.*

### *Vsus.*

Usus alius Iuris, alius Facti. Quatenus sumitur pro servitute, est Ius utendi tantum (& non fruendi) re alienâ, salvâ illius substantiâ. Nulli fructus ad hæredes transmittuntur. Qui pecora habet in usu, potest inde stercore agros, lacte verò non nisi modico uti. Constituitur & finitur iisdem modis quibus Ususfructus. III. 137

Usus prout est Servitus habens separatam naturam, non est cum Ususfructu conjunctus, semper tamen quoad utilitatem, & in effectu inest Ususfructui. Unde si uni ususfructus, alteri usus legaretur, uterque uteretur, sed fructuarius insuper fruatur. 136 & seqq.

• Usu ædium concessio, potest Usuaris illas inhabitare cum uxore, liberis, famulis & totâ familia, nurus etiam cum socero, & e contra

quilibet cum parentibus, agnatis & affinibus, inquilinum etiam admittere non prohibetur, sed sorsim locare non potest, sicut Ususfructuarius. 138

Si in fundo constitutus est usus, potest ex iis quæ nascuntur tantum accipi, quantum in annum sufficit. In usu pecorum veniunt operæ; non item fatus, quo nec uti potest, sicut nec lanâ. Ex lacte non licet conficere butyrum, caseum, &c. eod.

Ius irrevocabile & independens rerum ipso usu consumptibilium, non potest à dominio separari. 141

Ius tamen utendi revocabile ad nutum concedentis, potest esse à dominio separatum. 141. & seqq. ubi defenditur RR. PP. Franciscanorum Pauperas, excludens harum rerum dominium, non obstante facultate utendi.

### *Vsusfructus.*

Est Ius alienis rebus utendi fruendi salvâ rerum substantiâ. III. 78. & seqq. ubi vide differentiam à similibus.

Ususfructus duobus legatus, annis alternis, uno deficiente alteri non accrescit. Neque, si in eodem testamento uni sub conditione legatur, & pendente conditione ab hærede legatur alteri, deinde existente conditione prior ususfructus consequitur, sed iterum amittit. Neque si eodem testamento diversis à diversis hæredibus legatur. 85

Si legatarii in ususfructus conjuncti sunt, est jus accrescendi, etiam si verbis tantum conjuncti sint. 86. & seqq.

Si uni legetur ususfructus omnium bonorum, alteri certi fundi, prior non concurret cum posteriore, sicut concurreret, si posteriori fundus esset legatus. 89

Hæres ex alle scriptus, non concurret in usufructu cum legatario usufructus. eod.

Fundo duobus conjunctim legato, & usufructu alteri, conjuncti reputantur una persona, & consequuntur semissem. 90

### *Vsusfructus commoda.*

Fructuum nomine non solum illa veniunt, quæ propriè fructus sunt, sed etiam quæ aliam utilitatem obventionis habent, ut redditus ex ædibus, cautio de damno infecto, &c. 92

In Insula prope fundum fructuarius nata non habetur usufructus, nec ipsa inter fructus numeratur. 93

Laudemium à novo Emphyteuta solvendum, ad Ususfructuarium illius Castri sub quo continetur Emphyteusis, spectat tanquam fructus. 94

Vsusfructuarius potest ligna cadere in sylva cædua, & ad libitum distrahere, modo cædat, ut pa-



## Alphabetica.

ut paterfam. caderet. 95. Ex sylva non cæda; Fructuarius non nisi pedamenta & iam ad vineæ usum cædere potest. loco demortuorum ad se pertinentium novas substituit debet arbores: ex arboribus evulsis, quantum necesse habet pro villæ refectiōe concidere potest, nec tamen teneatur alias substituere. 96

Jure communi sine consensu Domini alienari potest commoditas ususfructus, non Jure Bavarico. 97

Fructus, qui à natura separantur, statim fiunt fructuarii, qui verò separantur factō hominis, excutiendo, secando, metendo, ut fiant fructuarii, debent vel ab ipso, vel alio ejus nomine separari, & quando maturi sunt, habet lus separandi. Si per accidens, v.g. vento, vel à fure separantur, ad proprietarium spectant: sed fructuarius habet lus colligendi. Si à fure actione furti fructus nactus est, fiunt ipsius. 98

Fructus percepti ultimo vitæ anno, non sunt cum proprietario pro rata temporis dividendi, sed integrè ad hæredes spectant. 100. & seqq.

### *Vsufuctuarii Onera.*

Tenetur reparare res vitium contrahentes, & ad modicè reficere, sarta tecta conservare, fundum colere, arbores emortuas (non item evulsas) substituendo reparare, uti servitutibus, si quæ fundo debentur: interrompere usucapionem, & universim tenetur levem culpam cavere. 103

Gregis vel armenti capitibus demortuis, tenetur ex agnatis, si sunt, alia substituere. 104

Ædificium inchoatum non licet ei perficere; quia esset mutare formam. Alias tamen expensas non modicas si facit, eas reperit actione negotiorum gestorum. 105. 106

Legata annua tenetur præstare, cui ususfructus omnium bonorum legatus est. ad alia debita solvenda non tenetur, sed hæres ea deducit ex bonis. 107. 108. ubi modus deducendi, & solvendi annua legata ponitur.

Cautio præstanda est, quod velit uti arbitratu boni viri, & finito usufructu restituere, exceptis sequentibus. 1. paterfam. in adventitiis. 2. Cui ususfructus absolutè, proprietas ex die legata est. 109. Hi nec Inventarium facere tenentur sicut ceteri. eod.

Testator potest quidè remittere Inventarii conscriptionem, sed non cautionem. 110. 111. ubi vide limitationem.

Fructus percepti antè præstitam cautionem petunt, non fiunt fructuarii. 112

Cautio debet esse fidejussoria, vel pignoratitia. Quod si neutra possibilis est, hæres aut proprietarius rem fructuatiam penes se retinet,

& fructuario certam quantitatem solvit, & de hoc caver. 114. 115

### *Vsusfructus amissio, & extinctio.*

Extinguitur adventu diei in quem constitutus erat. 117

Et quia communiter constituitur ad tempus vitæ, extinguitur morte fructuarii. Nam si concessus est, ut ad hæredes transeat, est novus ususfructus, ad primos tantum pertinens. 118

Ususfructus constitutus personæ, sictæ, quæ non moritur, durat 100. annis. 119

Secundò extinguitur mediâ & maximâ capitis diminutione. Quo pertinet Professio in Religione successione incapaci, quâ sictâ consolidatur ususfructus cum proprietate. 120

Non extinguitur tamen ususfructus per Professionem in Religione successione incapaci; sed durat ad tempus vitæ Professæ; quod etiam verum est, quando pater proficitur, habens ususfructum in bonis filii. 121. & seqq.

Tertiò extinguitur destructione rei tantâ, ut non amplius veniat sub eo nomine, quo ususfructus erat constitutus. 126. ubi vide exempla.

Quartò, Inre Bavarico amittitur, si culpa fructuarii res deterioreretur. 127

Quintò, confusione cum proprietate. eod.

### *Vsusfructus improprius.*


Constitui potest in rebus ipso usu consumptibilibus. 128

Potest tam ultimis voluntatibus, quam inter vivos constitui, & differt à Mutuo, quod non possit, sicut mutuum revocari. 130

Est quidem de Substantia hujus quasi ususfructus, lus exigendi Cautionem, sed non aqualis exactio, nisi sub conditione, si petatur. 134

Cautionis finis est, ut fructuarius finito usufructu restituat non quidem easdem res in individuo, sed ejusdem generis, bonitatis & qualitat. eod.

In hoc usufructu Dominium transfertur, opericulum ad fructuatium pertinet. eod



ERRA-

# ERRATA

IN

## TRACTATU I.

Num. 290. lin. 11. *fidei & commissum. lege. & fideicommissum.*

Num. 95. lin. 16. *Jejunium. lege. Præsentia.*

Num. 343. lin. 2. *Adjectæ. lege. adjecta.*

Num. 344. lin. 14. *Rubricam. lege. Summarium.*

## TRACT. II.

Num. 91. lin. 7. *Distinctionem. lege. Distributionem.*

Num. 277. lin. ult. *Rubr. lege. Summarium.*

Num. 322. lin. 5. *aut. lege. nec.*

Num. 405. lin. 2. n. 22. *lege. 416.*

Num. 406. lin. 7. n. 26. *lege. n. 115.*

Num. 418. lin. 5. *omittendum est. Idem quaritur de Chyrogaphario.*

Num. 422. lin. 3. & 5. *fideicommissarius. lege. fiduciarius.*

Num. 450. lin. antepen. *Realia. lege. Italia.*

## TRACT. III.

Num. 6. lin. 9. *Dominus. adde. habuit.*

Num. 210. lin. 1. *Possessio divisionis. lege. Possessionis Diviso.*

Num. 220. lin. 5. *Impotentiam. lege. Potentiam.*

Num. 272. lin. pen. q. 4. *lege. q. 5.*

Num. 272. lin. 4. *asserere. lege. asserat.*

Num. 295. lin. 6. *Tamen. lege. Quidem.*

## TRACT. IV.

Num. 131. lin. 28. *Ignoraveriaverit. lege. ignoraverit.*

Num. 162. lin. antepen. *Nepos. adde. ab avo.*

Num. 482. lin. 5. *sunt. lege. esse.*

## TRACT. V.

Num. 18. lin. 6. *qua. lege. quâ.*

Num. 371. lin. 9. *oblationem. lege. ablationem.*

Num. 415. in titulo §. III. *patre. lege. avo.*

# FINIS.

